


Yompor Po'ñoñ ñeñ' attō Yepartseshar

Jesucristo e'ñe etserra a'pōctaterrnay

Yomprosho



New Testament in Yanesha' (PE:ame:Yanesha')

Yompōr Po'ñoñ ñeñf attō Yepartseshar Jesucristo e'ñe etserra a'pōctaterrnay Yompōresho New Testament in Yanesha' (PE:ame:Yanesha')

copyright © 2008 Wycliffe Bible Translators, Inc.

Language: Yanesha'

Translation by: Wycliffe Bible Translators, Inc.

Yanesha'[ame], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yanesha'

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files dated 29 Jan 2022
fa985bb4-fad0-5968-9ee4-626b89cba24f

Contents

SAN MATEO	1
SAN MARCOS	92
SAN LUCAS	146
SAN JUAN	242
HECHOS	299
ROMANOS	371
1 CORINTIOS	411
2 CORINTIOS	449
GÁLATAS	474
EFESIOS	488
FILIPENSES	502
COLOSENSES	511
1 TESALONICENSES	519
2 TESALONICENSES	526
1 TIMOTEO	530
2 TIMOTEO	541
TITO	549
FILEMÓN	554
HEBREOS	556
SANTIAGO	586
1 PEDRO	596
2 PEDRO	606
1 JUAN	612
2 JUAN	621
3 JUAN	623
JUDAS	625
APOCALIPSIS	629

COHUEN ÑOÑETS ÑEÑĪ QUELLCA' SAN MATEO

*Arrpa' all aquellcayet allohuen pa'so' chñechno ñeñĪ pa'tañeshañ pen Jesús
(Lc. 3.23-38)*

¹ Arrpa' all aquellcayet Jesucristo pa'tañeshañ e'ñe pa'so' chñechnohuenet. Jesucristopa' David po'mreneñ, e'ñe Abrahamoteñ. Allohuen añ so'chñetspa' ñeñĪtara mereñtsorecmuet.

² Abrahampa' chemere'tana Isaac. Isaacña'pa' chemere'tana Jacob. Jacobña'pa' chemere'tana Judá epuet ñaña pa'mo'nasheñechno. ³ Judáña'pa' chemere'tana Fares epuet ñaña Zara. Ñet pachoretpa' añ pa'so'cheñ Tamar. Faresña'pa' chemere'tana Esrom. Esromña'pa' chemere'tana Aram. ⁴ Aramña'pa' chemere'tana Aminadab. Aminadabña'pa' chemere'tana Naasón. Naasónña'pa' chemere'tana Salmón. ⁵ Salmónña'pa' chemere'tana Booz. Ña pachorpa' añ pa'so'cheñ Rahab. Boozña'pa' chemere'tana Obed. Ña pachorpa' añ pa'so'cheñ Rut. Obedña'pa' chemere'tana Isai. ⁶ Isaiña'pa' chemere'tana David ñeñĪ añcha'tarettatse't. Davidña'pa' chemere'tana Salomón. ÑeñĪpa' arrot Uriás puetaporot.

⁷ Salomónña'pa' chemere'tana Roboam. Roboamña'pa' chemere'tana Abías. Abíasña'pa' chemere'tana Asa. ⁸ Asaña'pa' chemere'tana Josafat. Josafatña'pa' chemere'tana Joram. Joramña'pa' chemere'tana Uzías. ⁹ Uzíasña'pa' chemere'tana Jotam. Jotamña'pa' chemere'tana Acáz. Acázña'pa' chemere'tana Ezequías. ¹⁰ Ezequíasña'pa' chemere'tana Manasés. Manasésña'pa' chemere'tana Amón. Amónña'pa' chemere'tana Josías. ¹¹ Josíasña'pa' chemere'tana Jeconías epuet ñaña pa'mo'nasheñechno. Ñehua, Josíaspa' alla chemere'tos allempo achapatarettet allapa' all anetso ñeñĪ pa'so'cheñ Babilonia.

¹² Allempo hua'cherret Babiloniotpa' Jeconíasña'pa' chemere'tuerrana Salatiel. Salatielña'pa' chemere'tana Zorobabel. ¹³ Zorobabelña'pa' chemere'tana Abiud. Abiudña'pa' chemere'tana Eliaquim. Eliaquimña'pa' chemere'tana Azor. ¹⁴ Azorña'pa' chemere'tana Sadoc. Sadocña'pa' chemere'tana Aquim. Aquimña'pa' chemere'tana Eliud. ¹⁵ Eliudña'pa' chemere'tana Eleazar. Eleazarña'pa' chemere'tana Matán. Matánña'pa' chemere'tana Jacob. ¹⁶ Jacobña'pa' chemere'tana José ñeñĪpa'tcha' puerrollar pa' María. Maríaña'pa' cheyore'tana Jesús, ñeñĪtara ñeñĪ Cristotats.

¹⁷ Allempoteñ corre't Abraham tarrempohua allempo corre't ñaña David, ñeñĪña allponsheña chemere'shatnomuetspa' allo'tsenca'ye charrasheña puechenet pa'tatssheña. Ñaña allempoteñ corre't David tarrempohua allempo achapatarettet Babilonio, ñeñĪpa'cho'ña allo'tsenerrerr charrasheña puechena pa'tatssheña ñeñĪ allponsheña chemeresha'terrtserr allempo. Ñaña allempoteñ achapatarettet Babilonio tarrempohua allempo eñalleta Cristo, ñeñĪpa'cho'ña allo'tsenerrerr charrasheña puechenet pa'tatssheñet ñeñĪ allponsheña chemeresha'tnerrtserr tarrempohua allempo eñalleta ñaña Cristo.

*Arrpa' atto eñalleta Jesucristo
(Lc. 2.1-7)*

¹⁸ Te'pa' o'ch neserrpare'tatas atto allempo eñalleta Jesús. Allempoña María ñeñtcha' pachor p̄a' Jesús'pa' añca'ye o'patenaya José ño'ch yore'. Ama yoreña'pa' Maríañapa' ahuepa't ačhomenta Parets Puecamquēñoť. ¹⁹ Joséña ñeñtcha' puerrollar p̄a'pa' ñaña'pa' e'ñe cohuen acheñer ñeñto'marña ñapa' ama mueno o'ch pencach. Ñaña'pa' atet cotape'ch o'ch ser e'ñe a'nahuota. ²⁰ Allempoña atet cotape'chenpa' machayoto' orrtoña Yompor po'mllañoťeñer. Ñeñť orrtoya puečhopoñopa' atet otos:

—José Davidna'tare, amach p̄a'llpatsto; pocte'ca'ye o'ch peyore María ñeñtcha' petapor pe'pa' tarro'mar ñapa' o'ca'ye ačhomenta Parets Puecamquēñoť. ²¹ Te'pa' eñalletatan'cha' asheñorr, ñeñťñapa' peso'chcha' Jesús tarro'mar ñapa' ñeñtcha' a'queshpaterre' pa'cheñer po'chñarofet. Arrpa' allohua ñeñť atet och mellañoťeñ.

²² Ñeñťpa' tarro'mar atet p̄a' attoch etsota ñeñť atet eñorana'tane'ť Isaiás ñeñť a'mtahuete'ť Yompor po'ñoñ, ñeñťpa' atet ote'ť:

²³ Ñeñťña shophesha'pa' amach a'p̄llaretote'ye' ačhomento; cheyore'tanach asheñorr, ñeñťñapa' sochet'cha' Emanuel.

Ñeñť ña so'chñetspa' atet oten: Te'ña Parets'pa' e'ñe parro'tseney.

²⁴ Allempoña José oyerr ñemoť, atet och Yompor po'mllañoťeñerpa' ñaña'pa' atet'cho' p̄a. Yoran María ñeñtcha' puetapor p̄a'. ²⁵ Tarraña ñapa' ama a'p̄lleñe tarremphua allempoch emare'tua; ñeñťña asheñorrpa' soch JESÚS.

2

Atto eñotañnesha'pa' hua'cha'tet o'ch enteñeta' Jesús allempo eñalleta

¹ Allempo eñalleta Jesús all Beléño, e'ñe alla Judeopa' añ añcha'tarettatset' Herodes. O'ña eñalletuapa' eñotañnesha'ña hua'cha'tet allot huena atsrretpa' o'čha'cha'tet Jerusaléño. ² Ñetñapa' atet otyesot:

—¿Erro'tsena'tña ñeñť eñalletatsa ñeñtcha' pa'mcha'tareter p̄a' judionesha'? Yapa' yeñoteñ o' eñalleta tarro'mar yapa' o' yentoñ po'rantor allot huena atsrret; yapa' ñeñfecopña yehuena o'ch yconcorpana'teña'.

³ Allempoña añcha'taret Herodes e'man atet ñoñetspa' ñaña'pa' ñeñta na' pueyočhro ama eñmato pueyočhro. Allohuen jerusaléño'marnesha'pa'cho'ña ama esesha' eñmatatseto ñamet pueyočhreto.

⁴ Allempoñapa' agotatan añcha'tareñnesha' ñeñťfara judioneshet; o'ch apčhet allohuen cornanesha' ñeñť atarr sherba'yets judioneshacop. O'ch apčhet ñaña ñeñť atarr etsotayene' ñoñets ñeñť atet anaret judioneshacop. Allña a'p̄to'tyesanet:

—¿Erra't otete'tña allcha' eñalletaña ñeñtcha' Cristoterrets?

⁵ Ñetñapa' atet ochet:

—Arr anetso Beléño allara Judeo tarro'mar quellcopa' atet anuaret, atet quellquē'ť ñeñť a'mtaye'ť Yompor po'ñoñ. Ñeñťpa' Yomporña atet otatse'ť:

⁶ Añ Beléñ ñeñť judana'tarnesha' po'patseñ, e'ñe po'ño'ch ñeñť anetser ñeñť atarr asherben entyeñet allohuen ñeñť añcha'taretetyetsa allo'marnesha'. Tarro'mar all Beléño allcha' eñalleterra ñaña ñeñtcha' atarr añcha'taretterrtsa ñeñtcha' cohuanperre' allohuen neyochresha'čno ñeñťfara israelnesha'.

⁷ Allempoña otuoset atetpa' Herodesñapa' e'ñe a'nahua agotaterran ñaña po'potantañ eñotañnesha' ñeñť čha'cha'tats allempo Jerusaléño. Allña'pa' e'ñe a'co'pa a'p̄to'tare'tyesapanet:

—Rantopa' ¿e'ñe'tña esempoteñña señch ñeñt sorrtoya ñenmař?

⁸ Allempoña eñotatosetpa' ñaña'pa' otanet:

—Te'pa' o'ch ahues Beléño, e'ñech acořa se'nyesos ñeñt cheshatoll. Ñerra'm o'ch señchpa' o'ch sotuerren allochñapa' napa'cho'ña o'ch ahuen o'ch neconcorpana'teña' nama.

⁹ Ñetñapa' allempo e'mhuanmuet atet otanet ancha'taretpa' allempoñapa' ahuanmuet. Rantña ñeñt entnenet allot huena atsrretpa' ta'netsa allenet senet, attotapa' o' chap e'ñe allo'tsen cheshatoll. O'ña chap allo'tsen cheshatollpa' o' muechecosa e'ñe alla ento e'ñe pocto. ¹⁰ Allempoña enterreterr rantopa' atarr nanac coshet. ¹¹ Allempoñapa' o' be'toset pocollo, allña entoset cheshatoll epuet pachor María. Concorpana'tosyetpa' ma'yochosyet. Toranpesyesoset po'tsapotpa' aposet e'ñe atta oro, aposet tsach puese' ñeñt atarr eñmosař. Aposet ñaña eñmosař puerets. ¹² Allempoña ñetpa' eñotatanet Yompor puechopoño allochñapa' attoch ama oñereto Herodesesho'mar. Allempo puerrerrret pa'nyetopa' aña coterret po'poñ toñ.

Allempo cheshatoll Jesús'pa' anmet Egipto allcha' a'queshpachet

¹³ Puerratherrsetpa' Yomporña po'mllañoñerpa' alla orrterranerr José puechopoño. Ñeñtpa' atet otererr:

—Petantaye'cha o'ch pa'yech cheshatoll pachore'na, orraye'chap all anetso Egipto allcha' seyçhosa. Esemphuañenñapa' o'ch alla noterrperr atetcha' yeřa. Herodes po'ñoçpa' e'natancha' añ cheshatoll attoch muetsatach.

¹⁴ Allempoña o' tantapa' anman cheshatoll, pachore'na yeta tsapo, ahuanmuet Egipto. ¹⁵ Allñapa' alleneta attotañapa' o' rromuen Herodes. Attoña etsota Yompor po'ñoñ atet ote't ñeñt a'mtaye't po'ñoñ; ñeñtpa' Yompor atet otatse't: “Egiptotcha' nagotater Nechemer.”

Allempo Herodespa' mueñan ñeñtcha' muetsue' allohuen asheñorrořollesha'

¹⁶ Ñehua, allempoña Herodespa' o' eñoch cha sheca'neñ eñotañnesha'pa' ñaña'pa' ñeñta atarr atsrre'mate'. Atto atsrre'ma nanacpa' allempoñapa' mueñan ñeñtcha' muetsue' allohuen asheñorrořollesha' ñeñt Beléño'tsa'yen ñaña ñeñt allohuen allampaño'tsa'yen Beléño. Allohuen asheñorrořollesha' ñeñt echene'epa po'charña ama't ñaña allohuen ñeñt eñalletyetsa chenta' e'ñe poctacma muetsanatu. Ñehua, ñeñt atet eñotatos eñotañnesha'pa' ñaña'pa' atet cotape'ch ahuo'te'epa char eñalletuaña ñeñt cheshatoller. ¹⁷ Attoña etsota ñeñt atet ote't Jeremías ñeñt a'mtaye't Yompor po'ñoñ ahuat; ñeñtpa' atet ote't:

¹⁸ Ñeñt anetser Ramopa' atarrcha' e'morrterra yahueñets, atarr gogatstena; allpa' Raquelca'ye ya'na'tene' puechoyoresha'; ama mueno o'ch esesha' emya'te' tarro'mar puechoyoresha'pa' ama eñallmeñe, o' e'ñe muetsanatu.

¹⁹ Allempoña rroma Herodespa' Yomporña po'mllañoñerpa' alla orrterranerr José puechopoño all Egipto. ²⁰ Allñapa' otererr:

—Te'ñapa' o'ch petanterra, o'ch alla paner cheshatoll pachore'na o'ch alla pepuerrerra israelnesha' pa'nyo; o'ca'ye colla'huaña ñeñt o'pataye't añ cheshatoller ñeñt'och muetsayeñ.

²¹ Atet otuepa' ñaña'pa' allenta tantena o' alla anerran cheshatoll pachore'na alla ahuerret israelnesha' pa'nyo. ²² Allempo ahuerretpa' ñetñapa' e'mare'tueret añ ancha'tarettertsa Judeo ñeñt Herodesoñ puechemer ñeñt sochetsa Arquelao. Ñeño'marña mecha'tenet serrtset

all. Puechopoñoñapa' alla eñotatererr ñeñfo'marña allempopa' alla serr Galileo. ²³ Cherr Galileopa' ahuerri paterr anetso ñeñt pa'so'cheñ Nazaret. Allñapa' alla yecha'huerra. Attotca'yeña etsotaña ñeñt atet otyses't ñeñt a'mta'yesaye't Yompor po'ñoñ; ñetpa' atet otysesete't ñeñt'cha' Cristoterretsapa' "oteñetcha' nazareto'marnesha'."

3

Allempo orrta Juan ñeñt serrpare'tosets all amayo
(Mr. 1.1-8; Lc. 3.1-9, 15-17; Jn. 1.19-28)

¹ Allempoñapa' orrta Juan ñeñt apatose' acheñenesha' Yomporecop. Ñañapa' arr serrpare'tosanet amayo e'ñe alla Judeo. ² Allñapa' atet otosanet: —Te'pa' o'ch soctape'cherr ello cohuen Yomporecop tarro'mar o' chapmoch allempoch ayochreshatterra Yompor ñeñt pue'ntaño'tsen.

³ Ñehua, añmapa' ñocopa'ye eñose'tña Isaías ñeñt a'mtaye't ahuat Yompor po'ñoñ. Allempopa' atet ote't: E'morrterrach puesheñarr po'ñoñ all amayo allcha'ña serrpare'taterranña acheñenesha'. Puerranarotpa' añcha' toma'ntaterranet toñ, ñeñt'pa' atet'cha' oterranet: "Te'pa' o'ch sa'cohuenetyes toñ allcha' oñmos Part-sesha', o'ch e'ñe sa'pacharretyesoñ pa'teþ." Arrpa' allohua ñeñt atet aquellcaret ahuatoteñ Cristocop.

⁴ Ñeñña Juanpa' camello pue'ch apomotaret ñeñt pa'shtam pen. Allo chanena ñeñt'pa' pa'rrom. Allñapa' rra'yesane't ahuañchenclla* ñeñña puerran pe't epuet pets po'moñ. ⁵ Allempoña jerusaléno'marnesha'pa' çhocma huaçha'tyenet ñesho ñaña allohuen judeo'marnesha'. Huaçha'tyeññaña ñaña allohuen jordanaso'marnesha'. ⁶ Allña ñetpa' a'meta'yesoset po'chñaret, Juanñapa' apatyesapanet Yomporecop. Ñeñña oñ all apatyesapanet añ pa'so'cheñ Jordanas.

⁷ Allempoña entapan shonte' saduceonesha' ñaña fariseonesha' ñeñt'areta ñeñt'et judioneshet. Ñetpa' tarro'mar huaçhenet añ muenenet o'ch apatapanet Juan. Juanña serrpare'tatapanetpa' otapanet:

—Sapa' ama cohuenayayso atarr ashcarñafes, çha sottena ñerra'mrrate' shechpa sompor sepen. Po'ñoçhca' ama eseshaye' sotenaye e'ñech sapataretteñoa o'ch sequeshperra allochñapa' amach coñchatuerrsso Yompor allempoch yorochtatuer tsapatonet. ⁸ Napa' añcha'ña notapas o'ch sortatyes ñeñt e'ñe cohuen enten Yompor ñeñt atet pena ñeñt po'ñoçh o' cotape'cherran ello cohuen Yomporecop. ⁹ Sapa' çha soteneñ seyoçhro año' es sepallteno, sapa' año' e'ñe seyemtena satañ Abrahamañ. Tarraña napa' o'ch notas amach atet soctape'chatsto tarro'mar ñeñt'pa' ama esoye' enteñe Yompor. Tarro'mar o'ch notas ñerra'm Yompor muenetseñ ama't añ mapue' ñeñt senten arr o'ch a'pnasereñ Abraham po'ñreneñ.

¹⁰ Ñeñfo'marña napa' o'ch notas ñerra'm amach soctape'cherrro cohuen Yomporecop o' mameshamerra o'ch çhaponasa attoch coñchaterres Yompor. O'ch netma'ntatasa atet ñerra'mrrate' allempo o'ch a'mata'tmochet tsach. O' e'ñe onañchachet gach allcha' tet e'ñe allohua huañen puepallactar. Ñeñt allohuen tsacheçhno ñeñt ama cohuenaye' me'tetsopa' a'mata'tueretcha' sapprochetcha' all huorten tso' allcha' e'ñe a'poyatatueret.

¹¹ Elloña Juanpa' atet oterraneterr:

* 3:4 Ñeñt ahuañchencllapa' arrapo' enteñ palestino'marnesha'.

—Ñeñtes cotape'cherre' cohuen Yomporecop napa' ama't e'ñe po'ño'ch napatensoñ Yomporecop, napa' e'ñeca'ye oño'chaya napatenes. Tarraña Cristo ñeñtcha' huapatsa chenta'pa' ñapa' añcha'ca'ye chorratossa Parets Puecamquëñ ñeñt atet ñerra'm tso'. Ñapa' ñeñt atarr ahuamencatesha' nañapa' ama tama ahuamencateyayno. Ñapa' ñeñtña atarr sherbets, nañapa' ama es nesherbena attoch ama't po'sapatapa' o'ch nanmoñ. ¹² Ñapa' atarr ahuamencat ñapa' ñach acerre' allohuen acheñenesha'. Ñapa' añ toma'ntena ñeñt orrene' puehoshnat alloch shoshnan po'trigo o'ch e'ñe pue'llomrochayama. Ñeñtña pue'llomerpa' o'ch a'yapa'che' o'ch añño'ch allecma añño'teñ e'ñe cohuen. Pue'she'marñapa' o'ch huapore'ch tso allcha' e'ñe poyhua. Ñeñtña tso'pa' ama emaya'pahuo ama't errponaña. Ñeñtpa' allohua atet serrpare'tatanet Juan.

Allempo apataretta Jesús Yomporecop
(Mr. 1.9-11; Lc. 3.21-22)

¹³ Allempo huapa Jesús Galileot, chap Jordanaso allo'tsen Juan, ñapa' añ muenen o'ch apatapñ Juan Yomporecop. ¹⁴ Juanñapa' eñoratsa cha mueneñeñ o'ch emman Jesús. Ñeñtpa' atet otañ:

—Ama pocteyaye o'ch napatapañ pa, añña poctetsa pñachña napatose'. Papa' eso'maruachñaca'ye ponña nesho, paca'yeña ñeñteñ atarr sherbets.

¹⁵ Jesúsñapa' atet otererr:

—Papatapno'tach Juanacha' tarro'mar atetca'ye poctetsa o'ch yetsota allohuen ñeñt poctetsa Partsocop.

Allempoña Juanpa' e'ñe pocte' eñch, ¹⁶ allempoñapa' apatapan Jesús. E'ne apatue'pa' o' cha'nerrña Jesús oño't, enetñapa' ahuepa't atoraretta. Alotña e'ñe sohua'nma Parets Puecamquëñ, Jesúsñapa' e'ñe atet entañ ñerra'mrrate' yeñ o' sohua'nma entot, e'ñe chap ñesho. ¹⁷ Allempoñapa' cha e'morrtatsa ñaña ñoñets entot atet eñorena Yompor. Ñeñtña ñoñetspa' atet oten:

—Añmapa' ñeñtña Nechemer ñeñt atarr nemorrentena. Ña atarr nanac nocshatene'.

4

Allempo oneñtapa' topatenan Jesús, mueneñ o'ch atet pñatan Jesús ñeñt ama pocteye' enteno Yompor
(Mr. 1.12-13; Lc. 4.1-13)

¹ Allempoña Parets Puecamquëñpa' anman Jesús all amayo. Ñeñtpa' añecop atet pa attochña allpa' o'ch huapoña oneñeñ, tarro'mar ñapa' añ mueneñ o'ch atet pñayes ñeñt ama pocteye' enteno Yompor.

² Allñapa' ama rreno e'ñe añña torrena attoch etsotuan ora allohuen ñeñt cohuentetsa Pompoporecop. Ñeñtño'marña ama't o' pa'tatsoch çharramatpa' ama't coñe'tapa' ama es rreno yeto ama't ñaña tsapo. O'ña pa'tatsoch çharramatuapa' cho cheporratsa. ³ Allempoñapa' huapoña oneñeñ. Atto topatosañ Jesús'pa' atet otos:

—Pa ñerra'm po'ño'chte' Parets Puechemereppa' o'ch pñot: Añ mapue' puenasepa' pan.

⁴ Jesúsñapa' atet otañ:

—Napa' ama nemno o'ch atet neña tarro'mar Yompor po'ñoñ ñeñt anuaret ahuatoteñ ñeñtapa' atet oteneñ: “Allohueney acheñenesohueneypa' ama e'ñe

rreñtsa ñapuef yocrram yepeno. Añe'naña yocrram yepen yecamquëñecop ñeñt allohuen allpon oteneý Yompor.”

⁵ Allempoña oneñe'pa' o' aneñt all Jerusaléño, ñeñt anetserpa' anaret Part-socop. Allñapa' a'tapatos nanac eno allohuanen Parets pa'paquëll. ⁶ Allñapa' otuererr:

—Papa' ñerra'm po'ñoçhte' Parets Puechemerep te'pa' pómacha arrot tarro'mar amach pa'tserrpo tarro'mar Parets po'ñoñ ñeñt anuaret ñeñ'pa' ama'tña atet oten:

Yomporpa' o'ch mueñoñap po'mllañoñeñnashesar ñeñt'cha' pecuam'psapue'.

Ñetcha' pagapapuet, o'ch enatapapet attoch amach pa'tserrpatca'toso mapyo.

⁷ Allempoña Jesúsapa' alla otuererr:

—Añpa'çho'ña anuaret Yompor po'ñoño: “Amach ya'llocchame'tatsche Yompor ñeñt Yepartseshar yepen.”

⁸ Allempoña oneñe'pa' o' alla anerranerr Jesús all atarr aspento e'ñe a'noso. Alotña gatyuesuerr allohuen ñeñt allpon all am'cha'taretetyena pa'namen acheñenesha' ñeñt ye'cha'yetsa erraparen añe patsro, gatyuesuerr all atarr cohuentatyene't. ⁹ Oneñeñapa' alla otuererr:

—Ñerra'm na pema'yocheño'ten o'ch peconcorpana'tna, napa' napa'p'cha' ora allohuen ñeñt cohuen pentyen arr.

¹⁰ Jesúsñapa' alla otuererr:

—Te'pa' o'ch orrerrep oneñe'te. Napa' ama nemno o'ch atet ne'pa tarro'mar Yompor po'ñoñ ñeñt anuaret ñeñ'pa' atet oteneý: “Añach ñapuef yema'yocheda Yompor ñeñt Yepartseshar yepen, e'ñech ñap'ia yesherbe'.”

¹¹ Allempoña oneñe'topatuahuan Jesúsapa' o' ahuerr o' que'chpa'ner. Allempoñapa' çhacha'toña Yompor po'mllañoñeñnashesar; ñetñapa' e'ñe cohuen sherbo'set Jesús all. Arrpa' allohua huañ atto oneñe'pa' topatenan Jesús allempo.

*Allempo e'ñe ñenma't torrena Jesús Partsocop all Galileo
(Mr. 1.14-15; Lc. 4.14-15)*

¹² Allempoña Jesús e'mare'tan Juan o' yottam'pset, ñañapa' allenta ahuerr Galileo. ¹³ Cherr Galileopa' ama a'pohuerro anetso Nazareto, arraña serr Capernaumo, allña ye'cha'huerra. Ñeñt Capernaumpa' e'ñe sa'patopño'tsen, allara ñeñt otenet Zabolónnashesa' pa'netser ñaña Neftalenesha' pa'netser.

¹⁴ Ñeñ'pa' allña ye'cha'huerra allochñapa' attoch etsota Isaías po'ñoñ ñeñt a'mtaye't Yompor po'ñoñ; ñeñt ñapa' atet ote't ñeñte anetsrecop:

¹⁵ Ñeñt Zabolónnashesa' pa'netsro ñaña Neftalenesha' pa'netsro ñeñt all sa'patopño all Jordanas yon'ta'n, allara Galileo all ye'cha'yena pa'namen acheñenesha' ñeñt ama judioneshayayeto.

¹⁶ Ñeñt acheñeneshap'a' ñetpa' añe ye'cha'yenet ñeñt ama cohuenaye' enteno Yompor; ñetpa' çha ottenet ñerra'm checmeto'tseneta. Tarraña te'ñapa' o' enteret ñeñt'cha' e'ñe cohuen a'puetarsam'perrahuet poctapñet. Ñetña ama't añe o'patyesahuetañe't rromueñets ñeñt'ara chenquëñets, te'ñapa' ama't ñocpuetpa' o' a'puetarsam'paresretterret e'ñe cohuen. Arrpa' allohua atet nane't Isaías po'ñoñ.

¹⁷ Allempo çherr Jesús Galileo allempoña e'ñe ñenma't serrpare'tatuerranet all. Ñeñ'pa' atet otuerranet:

—Te'pa' o'ch soctape'cherr ello cohuen Yomporecop tarro'mar te'pa' o' cherrmoch allempoch ayochreshatterra Yompor ñeñt' pue'ntañ'o'tsen.

Atto Jesús'pa' 'chore'tosan pa'tatssheña ñeñt' e'ñe caca torrenet rromuet (Mr. 1.16-20; Lc. 5.1-11)

¹⁸ Allempo Jesús'pa' chopeñe'chyen all sa'patopño'mar; ñeñt'ña sa'ppa' añ pa'so'cheñ Galileas. Allñapa' entosan acheñ epsheña; ñeñt'ña puesheñarrpa' añ pa'so'cheñ Simón ñeñt'ara sochetsa Pedro epuet pa'mo'nasheñ Andrés. Ñetñapa' terraytset e'ñe alla sa'po tarro'mar ñetpa' e'ñe ñeñt'ña po'taruas penet. ¹⁹ Jesús'ñapa' atet otosanet:

—Te'ñapa' o'ch notas, soctá'n na attoch neyochresha' neperres. Ñeñt' atet sepena ahuatoteñ e'ne' cac te'ñapa' o'ch ney'chatterres attoch se'nerr ñaña acheñ ñeñt'cha' same'ñaterra.

²⁰ Ñetñapa' allorocma na'nmuet po'terrayapa' o' cotet Jesús.

²¹ Allempoña meterrerr allotpa' entuerranerr po'poñ acheñ epsheña; ñeñt'ña puesheñarrpa' añ pa'so'cheñ Jacobo* epuet pa'mo'nasheñ Juan; ñeñt'pa' Zebedeo puechemerasha'. Ñetñapa' po'ñoñt'o'tsa'yenet; allo'tsen ñaña pomporet all a'cohuenetyenet po'terraya. Jesús'ñapa' 'chore'tuerraneterrpa' atet otuerraneterr ñamet:

—Te'pa' o'ch soctá'n saña.

²² Ñetpa'cho'ña e'ñe allorocma na'nmuet po'ñoñt' ñaña pomporet o' cotet ñamet Jesús attoch pueyochresha' perranet ñamet.

Allempo Jesús'pa' ye'chatenan shonte' acheñenesha' (Lc. 6.17-19)

²³ Allempoñapa' chopeñe'chyen Jesús errapa'ren Galileo'mar. Ye'chatyesosan judionesha' e'ñe ñet po'prahueto. Allñapa' serrpare'tatosanet cohuen ñoñets atto ayochreshattena Yompor. A'crratyesosan acheñenesha'; ama't pa'namen osyenahuet, ama't pa'namen a'prrama'yenahuet, ñañapa' e'ñe a'crratyesuosanet. ²⁴ Atteñapa' e'mare'tuet errapa'ren ama't Sirio'mar. Huapatyesoñet allohuen ñeñt' muerochtayen atsañets. Huapatyesoñet ñeñt' osyen pa'namen atsañets ñaña ñeñt' atserppañachno. Huapatyesoñet ñaña ñeñt' chorra'yena oneñet ñaña ñeñt' otañachno ñaña echarrtañachno. Allohuenetpa' ñañapa' e'ñe a'crratyesuerranet. ²⁵ Shonte' acheñenesha' ñeñt' cota'yese'. Cota'yese galileo'marnesha', ñaña decapoliso'marnesha' ñaña jerusaléño'marnesha', ñaña judeo'marnesha'; ama't ñeñt' ye'chetsa Jordanaso yon'ta'npa' o' e'ñe cota'yese.

5

Allempo Jesús'pa' serrpare'tatosanet all aspeno

¹ Allempoña entan shonte' acheñenesha' ñeñt' cotene', Jesús'ñapa' ahuo' aspeno. Allña anorrospa' hua'cha'toña allohuen pueyochreshachno.

² Ñañapa' ye'chatapanetpa' atet otapan acheñenesha' ñeñt' po'ño'ch atarr cosheñtso'tsa'yenet:

Acheñenesha' ñeñt' po'ño'ch atarr cosheñtso'tsa'yenet (Lc. 6.20-23)

³ —Nanac cosheñtso'tsa'yen allohuen ñeñt' ama esoye' asherbenaye' entyetso pueyochreto Yomporecop tarro'mar ñetpa' o'patterretcha' Yompor po'cohuenña atto ayochreshattena pue'ntañ'o'.

* **4:21** Jacobopa' ñeñt'ara ñeñt' sochenet Santiago.

4 'Nanac cosheñtso'tsa'yen allohuen ñeñt lleca'yetsa Yomporecop tarro'mar ñetpa' coshaterranetcha' Yompor.

5 'Nanac cosheñtso'tsa'yen allohuen ñeñt ama añeye' e'neneto ñeñt e'ñe ñocpueta tarro'mar ñetpa' o'pataterranetcha' Yompor allohuanen pats.

6 'Nanac cosheñtso'tsa'yen allohuen ñeñt nanac muenene' o'ch e'ñe ortatyenet ñeñt e'ñe pocte' enten Yompor. Ñetpa' e'ñe atet mueneñet ñerra'mrrate' cho nanac yachporrena ñaña nanaccha' yo'ñipa'ten. Nanac cosheñtso'tsa'yenet ñet tarro'mar Yomporña e'ñe atet muenaterranet.

7 'Nanac cosheñtso'tsa'yen allohuen ñeñt nanac cohuen muerannetsa tarro'mar elloña Yomporpa' atarrcha' muererranet ñet.

8 'Nanac cosheñtso'tsa'yen allohuen ñeñt e'ñe pueyo'chretopa' ama eñalle sosya'tsañ ama't coñe'ta tarro'mar ñetpa' enteretcha' Paretis.

9 'Nanac cosheñtso'tsa'yen allohuen ñeñt chochma amo'tstanna'tatenahuet tarro'mar ñetpa' po'ño'chcha' Yompor puechemer perranet.

10 'Nanac cosheñtso'tsa'yen allohuen ñeñt e'moñe'tyenet atto ñetpa' e'ñe pocte' es pa'yenet Yomporecop. Nanac cosheñtso'tsa'yenet tarro'mar ñetpa' o'paterretcha' Yompor po'cohuenña atto ayochreshattena pue'ntañot.

11 'Sapa'cho'ña nanac cosheñtso'tsa'yenes ñerra'm esempo errotuanen penset no'mar. Nanac cosheñtso'tsa'yenes ñerra'm cho sapa' sasare'tyenset, e'moñe'tyenset, pa'namen sosey toma'tam'pesyenset. 12 Chocmuepa'chña socsha tarro'mar shonte' ñeñt o'patatensa Yompor pue'ntañot; ñeñtcha'ña atarr socshaterre'. Ama't ahuatoteñ allempo ama se'ñalletena' attecma e'moñe'tyesete't ñaña ñeñt a'mta'yese't Yompor po'ñoñ.

Acheñenesha' ñeñt sherbets Yomporecop arr patsro ñetpa' atet atma'ntatarettenet ñerra'm pos ñaña puetare'

(Mr. 9.50; Lc. 14.34-35)

13 'Sapa' ñeñtes name'ñenaya añ netma'ntatensa atet ñerra'm pos ñeñt atarr sherbene' allohuen acheñenesha' arr patsro. Tarraña pospa' ñerra'm o'ch huañer po'poserrteña amach errotenot ellopa' ya'poserrtatere. Allempopa' o'huañcha' es sherba' acheñenesha'cop; añepach sherberr o'ch yehuapore'ch a'yo allcha' atmama'ch acheñenesha'.

14 'Ñaña añ netma'ntatensa puetare' elloña ñeñtña atarr sherbene' acheñenesha' arr patsro. Sapa' chochmach cohuen es sorrtatyen. Atetcha' sepena ñerra'mrrate' paterr anets ñeñt e'ñe a'noso'tsen aspento. Ñeñtña anetserpa' chochmach cohuen orrtena allen'ateñ, amach errotenot ma'natacheto.

15 'Ñaña ñerra'm esempo ya'llchaten lampareña' ñeñt'pa' ama tarrecpaye' ya'llchateñe o'ch ye'rramam'pes coyn'ot. Ñeñt'pa' añecopña ya'huortateñ o'ch yene' enonet atotch e'ñe choyo'tam'pesuan allohuen ñeñt pocollo'tsa'yen.

16 'Sapa' attecmuepa'chña sorrtatyen ñeñt cohuen enten Yompor. Allochña'pa' po'potantaña'cho'ña e'ñech cohuenare' entennaset atet es sorrtatyen cohuen. Atotchña ñetpa'cho'ña cohuentatapreterrasetcha' Seyomporer ñeñt pue'ntañot'sen.

Atto Jesús'pa' ye'chatosanet atarr sherben Yompor po'ñoñ ñeñt atet anaret ahuatoteñ

17 Jesús'ña'pa' atet oterranneterr:

—Amach soctape'chatsto napa' añecop'e' nohuapa o'ch nehuapore'taterr Yompor po'ñoñ ñeñt ahuatoteñ atet anaret atet ñerra'm Moisés po'ñoñ ñaña añ po'ñoñ ñeñt quellca'yese't ñeñt a'mta'yese't Yompor po'ñoñ. Napa' ama añecpaye' nohuapo o'ch nehuapore'tach, napa' e'ñechca'yefña netsotatuer.

18 E'ñe po'ño'ch notenes: Ama ahupore'tpahuoyaye Yompör po'ñoñ ñeñ' atet anaret ahuatoteñ, ama't tayoteñ tarremphuach esempohuañencha' chenca'huerra pats ñaña enet. Ama't patrra ñoñets ñeñ' atet anaret'pa' amach chenquërro ama't e'ñe patrra quellec pueshempotollohuenpa' amach chenquërro ama't tayoteñ tarremphuach esempohuañencha' e'ñe etsotuerria ñeñ' atet oten ahuatoteñ. 19 Ñeñ'to'marña ñerra'm esesha' o'huañ e'ñeye' ame'ña'po' entan ama't patrratolla ñoñets ñeñ' atet anaret ahuatoteñ ñaña ñerra'm attach ye'chatan po'potantañ, ñeñ'ña acheñerpa' amach tama sherbeno Yomporecop ñeñ' atto ayochreshattena ña pue'ntaño'. Tarraña ñerra'm esesha'chña e'ñe etsoterre' ñaña ñerra'm e'ñech atet ye'chatan po'potantañ, ñeñ'ña acheñerpa' ñeñ'cha'ña atarr sherberrets Yomporecop attoch ayochreshatterra ña. 20 Napa' o'ch notas, po'ño'chca'ye sa atet e'ñe pocte' es sorratyen, ellochña señtana'tuerepa'ch atet es cohuen orrtatyeneñ fariseonesha' ñaña añ ñeñ' atarr etsotayenayeñ ñoñets ñeñ' atet anaret. Ñerra'm amach señtana'tuerranetopa' amach erroteno't so'pataprehoña Yompör po'cohuenña atto ayochreshattena ña pue'ntaño'. Attoña ama't ahuatapa' amach se'cherro all an'cha'tarettena pue'ntaño'.

*Atto Jesús'pa' ye'chatosanet ama e'moñe'tanna'tpahuoyaye
(Lc. 12.57-59)*

21 Jesús'ñapa' alla yerpaterraneterr ñeñ' atet anaretete't ahuatoteñ ñoñets, ñeñ'pa' atet otterranelerr:

—Sa ahuatoteñpa' se'marte'ña atet otarette't ahua't acheñenesha'. Ñeñ'pa' atet otarette't: “Amach muetsatseto acheñ. Ñerra'm esesha' muetsene' acheñpa' ñapa'cho'ña muetsere'tcha' tarro'mar ñeñ'otcha'ña o'patateret coñcheñets.” 22 Elloña na te'pa' o'ch noterres, ama't ñeñ' atta e'moñe'tene' pamo'tspa' ñapa'cho'ña ñeñ'otach o'patateret coñcheñets. Ñaña ñerra'm esesha' atarr sosyot sochatete'teñet pamo'ts ñeñ'pa'cho'ña ñeñ'otach o'patateret coñcheñets allo'tsa'yen an'cha'tareñeshachño allecma'a'pocatenet ñoñets. Ñaña ñerra'm esesha' puepencare'teño't atarr sosyot sochatete'teñet pamo'ts ñeñ'pa'cho'ña acheñerpa' añ o'patenaya tso' ñeñ' parrarets erraparen.

23 Ñeñ'to'marña napa' o'ch notas: Ñerra'm esempo'cho es papuen Yomporecop allecma sherbeñet Yompör allñapa' taya o' peyerposya pamo'tsñapa' cha patsre'mateñ, 24 pañapa' ñeñ'cha' pap Yompörpa' pena'ner alla. O'ch ahuerre'p, pemo'nasheñña ñanom pamo'tsterra'. Allempochña pepuerrera allecma sherbeñet Yompör allempochña papuer Yompör ñeñ' po'patateña.

25 Ñaña ñerra'm esempo esesha' setmantene' o'ch anmaset an'cha'taretsho allcha' sa'pocatterra' señoñ, sañapa' e'ñech allorocma samo'tstera ñeñ' se'moñe'tene' tayepa'tñapa' ama se'chena' an'cha'taretsho. Chosachña amo'tsterraya ñeñ' setmantene' te't attot pomataterrset an'cha'taretsho ñaña'pa' o'ch pomuensa' guardiyesho ñeñ'cha' seyottam'pse'. 26 Po'ño'chca'ye o'ch notas, ñerra'm choch yottam'psasetpa' allenasachca'ye o'pono allotpa' amachca'ye ahuen cha'nmaterreto. Esemphuañencha' choch se'channmaterret ñerra'm esempo'cho e'ñe setsa'tuerra ora allohuen ñeñ' allpon quelle muenenet. Ama't e'ñe eptalla centavotollña ñerra'm ama setsa'tueña'pa' amachca'ye cha'nmaterreto allot. Ñeñ'to'marña notenes o'ch e'ñe cohuen samo'tstera ñeñ' se'moñe'tene' tayepa'tñapa' ama chennasa' ñeñ' atarr yoro'chen senten socop.

Atto Jesús'pa' ye'chatosanet ama achtapretpahuoyaye taporets

27 'Ñaña sapa' ahuatoteñ se'marte'ña atet otarette't' acheñenesha': "Amach chetapretatsteto taporets." 28 Elloña na te'pa' o'ch noterres, ñerra'm esesha' cohue'ne' coyanesha' pueye'cheñoí, o'ca'ye ochña'tet pueyo'chreto.

29 'Ñeño'marña notenes: Ñerra'm seclle' p'atyenes ñeñt' ama pocteye' enteno Yompor; añ poctetsa o'ch sequetchpuerr ñeñt' seye'chena seclloyot. Ñeñt'pa' e'ñe atet ñerra'mrrate' cho serroten seclle' o'ch sehuapore'ch, ama't ñeñt' seclle' secohuenrote'tsen ñeñt' atarr sesherbene'. Añña ama tama yoro'chenayaye socop o'ch sa'ypo'ñer e'ne tayecma ñeñt' soctape'chatene' sosya'tsañ. Añcha'ña atarr yoro'chen socop ñerra'm ama tayecma sa'ypo'ñerepa' esempohuañenpa' orach huapore'terrset coñcha'puetso all parraren tso'. Ñeñt'pa' añ toma'ntena atet ñerra'mrrate' o' ya'chencater pa'terr yechets ama't yeclle' ama't yot, te't esempohuañen ora yechtsohuenpa' huapore'terryet coñcha'puetso. 30 Attecma ñaña ñerra'm sotpa' p'atyenes ñeñt' ama pocteye' enteno Yompor añ poctetsa o'ch sequetchpuerr ñeñt' atet chocma p'atsetatyenes sot. Ñeñt'pa' e'ñe atet ñerra'mrrate' cho sepechen sotpa' o'ch sehuapore'ch, ama't ñeñt' secohuenrote'tsen sot ñeñt' atarr sesherbene'. Ñeñt'pa' o'ch alla noterrser. Añña ama tama yoro'chenayaye socop o'ch sa'ypo'ñer e'ne tayecma ñeñt' soctape'chatene' sosya'tsañ. Añcha'ña atarr yoro'chen socop ñerra'm ama tayecma sa'ypo'ñerepa' esempohuañenpa' orach huapore'terrset coñcha'puetso.

*Atto Jesús'pa' ye'chatosanet ama asanna'tpahuoyaye
(Mt. 19.9; Mr. 10.11-12; Lc. 16.18)*

31 'Ñaña te'pa' o'ch noterrser po'poñ: Sapa' ahuatoteñpa' se'noteñe'tña atet otarette'te't: "Ñerra'm esesha' serre' puetaporpa' apa'nmepa'ña pa-pell all aquellcare't attoch quechpuerran puetapor." 32 Elloña na te'pa' o'ch noterres: Ñerra'm ama añecpaye' quechpuerrano puetapor atto ama choye' aguénano po'psheñeñ yacma, ñerra'm attota serran puetapor, ñaña'pa' ochña'taterrancha' puetaporeshe'mañ po'psheñeshoí; ñeñt'pa' ama cohue-naye' enteñe Yompor. Ñaña ñerra'm esesha'ña yorerre' ñeñt' asaretpa' ñeñt'ña yacmarpa' chach chetapretenan po'psheñeñ puetapor; ñeñt'pa'cho'ña ama cohuenaye' enteñe Yompor.

Atto Jesús'pa' ye'chatosanet amach natsteto po'ñoñ Parets pa'so'chño

33 'Ñaña te'pa' o'ch noterrser po'poñ: Sa ahuatoteñpa' se'mare'tña ñeñt' atet otarettete't: "Amach e'ñe orrena na'yeneto po'ñoñet Parets pa'so'chño tarro'mar ñerra'm erra'tsen nene' po'ñoñ Parets pa'so'chño ñeñt'pa' atarr huomenc ñoñets amach atta pueatscheto, chocmachña e'ñe a'poc'tayenent ñeñt' atet o' nohuetña po'ñoñet Parets pa'so'chño." Ñeñt'pa' atetca'ye otarettete'tña ahuatoteñ. 34 Tarraña elloña na te'pa' o'ch noterres: Ama't e'ñe erra'tsena pa'so'chño'pa' amach senatsto señoñ. Amach sotatsto o'ch sena' señoñ Yompor pue'ntañ pa'so'chño; ñeñt'pa' ama tama huomencaye' senteñe ñeñtecop atet senen señoñ. Tarro'mar napa' o'ch notas ama't pue'ntañpa' ñeñt' po'conañ pen Parets ñeño'marña attera atarr huomenc ñerra'm Pamo'mte'. 35 Ñaña amach sotatsto o'ch sena' señoñ Yompor po'patsen pa'so'chño tarro'mar ñeñt'pa'cho'ña attera atarr huomenc tarro'mar ñeñt'pa' ñeñt'ña nen Parets pa'tconet. Ñaña amach sotatsto o'ch sena' señoñ Jerusalén pa'so'chño tarro'mar ñeñt'pa'cho'ña attecma atarr

huomenc tarro'mar ñeñtpa'cho'ña ñeñt pa'netser pen Parets. ³⁶ Ñaña amach sotatsto o'ch sena' señoñ e'ñe sa soñ pa'so'chño tarro'mar ñeñtpa'cho'ña ama soyaye seye'chcatar. Ama't e'ñe pueparra sechpa' amate' errotenot sello'tacheña sa. Ñaña ñerra'm esempoch sello'tenpa' amach errotenot alla sa'quelluetatereña sa. ³⁷ Ama't errotena sepa'yesa'chpa' atetcha' sotanna'tyasa: Ñeñtpa' atetcha'ca'ye yepe'. Ama palltenoña o'ch sena'yen señoñ ama't e'ñe esa pa'so'chño tarro'mar ñerra'm atet sepa'yenapa' ñeñtpa' oneñe'eshota huena.

Atto Jesús'pa' ye'chatosanet ama atsa'tatpahuoyaye atto e'moñe'tenyet (Lc. 6.29-30)

³⁸ O'ch alla noterrserr po'poñ: Ñaña sapa' ahuatoteñ se'mare'tña ñeñt atet otete't: "Ñerra'm esesha' pochoclle'che' pamo'ts, semoñseñoñ ñeñt apochoclle'charetpa' sepochoclle'ch ñaña ñeñt pochoclle'chene' pamo'ts. Ñaña ñerra'm esesha' pue'moñe'teñoñan a'cayam'psan pamo'ts pa'spa' semoñseño'pa' sa'cayam'pes ñaña pa's ñeñt a'cayam'pene' pamo'ts pa's." Ñeñtpa' atetca'ye otarettete'tña ahuat. ³⁹ Tarraña na te'pa' o'ch notas el-lonet: Amach semoñsatstoña sa e'ñe sañeña ñerra'm esempo e'moñe'tyenset. Atet ñerra'm esempo esesha' pue'moñe'teño'tetas o'ch tacllaset setsa'po sec-ohuenrot, sañapa' poctepa'chña señch tacllerrerrepa' ñaña po'pshen'tañoñ. ⁴⁰ Ñaña ñerra'm esempo esesha' muenene' o'ch temantaset attoch puer-ratam'psaset seshtam, sañapa' poctepa'chña señch puerratam'psasetepa' seshtam ñeñt muenenet ama't ñaña po'pmañ seshtam allo sepmatena. ⁴¹ Ñaña ñerra'm esesha' sanmatsre'tatene' e'ñe atta paterr kilómetro, sañapa' poctepa'chña señch o'ch sanmatsre'ch ama't epa kilómetro. ⁴² Ñaña ñerra'm esesha' es senamuene', sañapa' sapepa'ch. Ñaña ñerra'm esesha'ch sena-muene' o'ch es sarchapa' sañapa' sarchepa'ch.

Atto Jesús'pa' ye'chatosanet amorrentpo'ch yeñch ñeñt ye'moñe'tyene' (Lc. 6.27-28, 32-36)

⁴³ Ñaña sapa' se'marte'ña atet otete't ahuat: "Mueryetcha' pamo'tset ñeñt muerenahuet. Tarraña ñeñt e'moñe'tenahuetpa' ñetpa'cho'ña o'ch e'moñe'chet ñamet." Ñeñtpa' atetca'ye otete't ama't ahuatoteñ. ⁴⁴ Tarraña naña te'pa' elloña o'ch noterres: Semueryach ama't ñeñt se'moñe'tene'. Ñaña ñeñt sarrnomare'tenaya sañapa' o'ch senamaterrñañ Yompor pa'nateña. Ñaña ñeñt errot sepene'pa' sañapa' añcha' atet sepoñ ñeñt atarr cohuen enten ña. Ñaña ñeñt sa'muero'chtatene' sañapa' o'ch sema'yocham'pesya. ⁴⁵ Attochña sapa' eñotenset po'ño'ch puechemer penes Yompor ñeñt pue'ntaño'tsen tarro'mar sapa' añ sorrtyen cohuen ama't e'ñe allohuenacop e'ñe atet pena Somp'or ñapa' e'ñe cohuenare' es orrtatyen ama't allohuenacop. Atet ñapa' 'hocma huapata'muenane't po'puetarenña allohuenacop ama't atsrre'mña'fecop ñaña ñeñt cohuenacop acheñer. Ñaña ñapa' 'hocma huatateñ añecop ñeñt e'ñe pocte' es pets ama't ñaña añecop ñeñt ama pocteye' es pa'yetso. ⁴⁶ Ñeño'marña notenes: Ñerra'm añ e'ñe semorrentena ñeñt semorrentenaya samña ñeñtpa' amach e'ñeye' sorrtratenoña ñeñt e'ñe po'ño'ch cohuentetsa, attoña Yomporpa' amach es apuerrso ñeñt'cha' atarr socshaterre'. Tarro'mar ñeñt ama ame'ñenayo Yompor, ñetpa' añ morrentenet ñeñt e'ñe morrentenahuet

ñamet. Sapa' e'ñeca'ye señoñeñ e'ñe atet pena ñeñt puehshquëñoñe'na cobrenan acheñenesha' shonte' quelle. Añña atarr cohuentetsa ama't ñeñt ama yemorrenenayepa' o'ch yemorreñcha e'ñe cohuen. ⁴⁷ Ñaña ñerra'm e'ñe añña cohuen saguën ñeñt e'ñe samo'ts sepen, ñeñt'pa' amach errotentot semtanoña ñeñt ama ame'ñetso, tarro'mar ñetpa' e'ñe añña cohuen aguënet ñeñt e'ñe pamo'ts penet. ⁴⁸ Ñeñto'marña napa' notenes: Sapa' e'ñepa'chña cohuenare' es sorratyen allohuenacop e'ñe atet pena Sompör ñeñt pue'ntañ'tsen e'ñe cohuenare' es orrtatyenña ña.

6

Atto Jesús'pa' ye'chatosanet amach pommo'cheñoñe'na es cohuen orrtatsteto

¹ Jesús'ñapa' atet otterraneterr:

—E'ñech señoña, amachña e'ñe sommo'cheñoñe'naña es sorratyeno cohuen Yomporecop attoch acheñenesha'pa' o'ch entenset sapa' atarro' cohuen acheñeseñ. Tarro'mar ñerra'm ñeñt'epa'na es sorratyen cohuen, Yomporña ñeñt pue'ntañ'tsenpa' amach es apuerrsoña sa ñeñt'cha' atarr socshatterre'. ² Ñerra'm esempo es sapueñ huocchañnesha'pa' e'ñechña a'nahua sapuenanet. Sommo'cheñoñpa' amach sotatsto entasepa' allohuen acheñenesha' attoch e'ñe cohuen entasetañ. Tarro'mar ñeñt'pa' ommoñañenesha' atet petsa. Ñeñt ommoñañenesha'pa' ñerra'm esempo es apueñet huocchañnesha'chnopa' o'ch orrtachet allo'tsa'yen allohuen acheñenesha' all puerahuo'mar ama't ñaña toño'mar; attochña allohuen acheñenesha'pa' e'ñech cohuen entenanetañ. Tarraña napa' o'ch notas, ñeñt atet petsapa' Yomporña'pa' amach es apuerraneto ñeñt'cha' atarr coshatterrahuet. Tarro'mar ñetpa' añña e'nenet acheñeneshach cohuentatanahuet. Ñetpa' e'ñech alla atsa'taretterret. ³ Tarraña sapa' ñerra'm esempo es sapueñ huocchañnesha'chno amach esesha' sotap'sa'tatsto ama't ñeñt e'ñe parro seyemtannena. ⁴ E'ñechña a'nahua es cohuen sepa'yen, allochñapa' Sompör ñeñt'ña entene' allohuen ñeñt a'nahua es sepa'yen, ñachña sapuerre' ñeñt'cha' ello atarr socshatterre'.

Atto Jesús'pa' ye'chatosanet e'ñech cohuen ma'yochet
(Lc. 11.2-4)

⁵ Jesús'ñapa' atet otterraneterr:

—Ñaña ñerra'm esempo sema'yochena sapa' amach atet sepatsto atet pena ommoñañenesha'. Ñetpa' añepaña ma'yochenet attoch acheñenesha'pa' e'ñech cohuen entenanetañ. Ñeñto'marña allempo ma'yochenetpa' arach tomyesoset all shontena acheñenesha' puerahuo'mar amapa' all et-sape'tyena toñ allecma hua'chena shonte' acheñenesha' attochña allohuen acheñenesha'pa' e'ñech cohuen entenanetañ. Tarraña napa' po'ño'chpa' o'ch notas: Ñeñt atet ommo'chetsa Yomporña'pa' amach apuerraneto ñeñt'cha' coshatterrahuet tarro'mar ñetpa' añña e'nenet acheñeneshach cohuentatanahuet. Ñetpa' e'ñech alla atsa'taretterret. ⁶ Sañapa' ñerra'm esempo sema'yochenapa' o'ch sebe'tosyos so'ponro 'chochña seyottam'psa attochña sapa' amach sommo'cheñoña sema'yochenoña Sompör, ñeñt'pa' e'ñech ñapue't allo'tsenes epas. Allochñapa' Sompör ñeñt e'ñe ñap'ta sentene' ñachña sapuerre' ñeñt'cha' ello atarr socshatterre'.

⁷ Sa ñerra'm cho sema'yochenapa' amach atta nanac señosatsto atarr aton e'ñe orrena ñeñt atet pena po'poñ acheñenesha' ñeñt ama ame'ñenayo ñeñt ya Yeyomporer. Ñetpa' atarr tematen ma'yochenetañpa' tarraña ñeñfach alla oterrete't. Chate' otenapuetañ ñerra'm atarr tematen eñosetpa' e'ñe'e' cohuen entenanet Yompor attoch e'ñe cohuen e'mñotenanet. ⁸ Sañapa' amach atet sepatsto atet penet ñet tarro'mar sapa' ama't ama es senamuena' sema'yocheño't, Somporna e'ñe eñotuennas ñeñt sepallta'yena. ⁹ Sañapa' atetcha'ña cohuen sema'yochaña sa:

Yompore Partso ñeñte'p pe'ntaño'tsen, yentapepa'ch pa atarr Partso'p.

¹⁰ Chapuepa'ch Nompore allempoch atarr pa'yochreshatterra arr patsro. Yetsotonapepa'ch arr patsro ñeñt atet pemnen pa Nompore ñeñt atet penet ñaña all pe'ntaño.

¹¹ Chocmuepa'ch Nompore pa'pueney ñaña yocrrañ ñeñt allpon yepallta'yena pate'tets yet.

¹² Pe'pretna'huonayepa'ch Nompore allohuen yo'chñar ñeñt ama pocteye' pentapretenye atto Nompore yapa'cho'ña ye'pretnannena ñerra'm esempo errot ye'pannena.

¹³ Ñaña amach Nompore pemnatatsche sosya'tsañ o'ch atarr topateney. Añcha'ña choch Nompore pa'ypo'ñataterrey allohuen sosya'tsañe'chno. Tarro'mar e'ñe pa Nompore ayochreshattetsa ñeñte'p atarr Partse-shatets, e'ñe pa'pta ñeñte'p Nompore aye'chochtatarettsa e'ñe erponañohuen. Ñeñfach nenama'p; ñeñtpa' attepa'ch Nompore.

¹⁴ Ñerra'm sa chocma se'pretnannena atto errot se'pannena' sapa'cho'ña thocmach peretnerresña Sompore ñeñt pue'ntaño'tsen. ¹⁵ Tarraña ñerra'm ama cho se'pretnannenopa' Somporepa'cho'ña amach peretnerrnasoña saña so'chñar.

Atto Jesús'pa' ye'chatosanet ñeñt e'ñech po'ño'ch tore'teñets Yomporecop

¹⁶ Jesús'ñapa' atet oterraneterr:

—Ñaña ñerra'm esempo semneñ sema'yocheño't Yompor o'ch seque'chpa' serrar ñeñtpa' e'ñe pocte'. Tarraña ñeñtpa' ama añecpayaye attoch entas acheñenesha' ñerra'm cha sellca'huena. Tarro'mar ñeñtpa' ommoñañenesha'ña atet petsa. Ñetpa' ñerra'm esempo que'chpuenet puerrar Yomporecop ñetpa' attach atsocloyayenet allochñapa' attoch eñotenanet acheñenesha' ñetpa' Yomporeco'p atet penet. Tarraña na po'ño'chpa' o'ch notas: Ñeñt atet ommo'chetsa puetore'teño't Yomporñapa' amach es apuerraneto ñeñtcha' atarr coshaterrahuet. Tarro'mar ñetpa' año e'nenet acheñenesach cohuentatenahuet. Ñetpa' e'ñech alla atsa'taretterret.

¹⁷ Tarraña sa ñerra'm esempo e'ñe sema'yocheño't Yompor o'ch seque'chpa' serrar sapa' atterachña sorrtena e'ñech cohuen satsam'o'tyena ñaña se'pacle'chyena. ¹⁸ Allochña acheñenesha'pa' amach cha eñotaseto sapa' cho seque'chpuen serrar ma'yochaya Yompor. Sapa' e'ñech ñap'ta Sompore sentene' ñeñt pue'ntaño'tsen. Allochñapa' Sompore ñeñt e'ñe ñap'ta sentene' ñachña sapuerre' ñeñtcha' ello atarr socshatterre'.

Atto ñeñtcha' seshonterr ñeñt atarr sherbets arrca'ye seshonteñ all Yompor pue'ntaño

(Lc. 12.33-34)

¹⁹ Jesús'pa' alla oterrerr:

—Ñaña amach seshonta'yesatsto checmañats añe patsro ñeñcha' atarr semorrentena. Ñeñpa' atarr apom'pere'chña atarr aptsaña. Ama't eñe'pa' o'ch be'tosam'psonasapa' o'ch yoratsre'tam'pesuas. ²⁰ Yompor pue'ntañochña seshonta'yesña ñeñ e'ñe po'ño'ch sherbets. Ñeñpa' ama apom'pere'chño ñaña ama aptsaño. Allpa' ama't eñe'apa' ama be'teno attoch yoratsre'tam'pesuas. ²¹ Tarro'mar ñerra'm all Yompor pue'ntaño seshonta'nen ñeñ atarr cohuen senten, yeñoteñ e'ñe ñeña paterr senen seyo'chro ñeñña atarr sherbets Yomporcop. Tarraña arr patsro ñerra'm aña seshonta'nen ñeñ atarr semorrentena, yeñoteñ e'ñe ñeña paterr senen seyo'chro ñeñña'apa' ama es sherbenoña Yomporcop.

Atto yecle'pa' añ toma'ntena ñeñ po'lampareñ pen allohuen yechets
(Lc. 11.34-36)

²²⁻²³ Jesúsña'p' alla otterraneterr:

—Yecle'pa' añ toma'ntena atet ñerra'm ñeñ po'lampareñ pen ora yechets. Ñerra'm e'ñe cohuen huomech yecle'pa' e'ñech cohuen entateney puetare'. Allochña'p' attoch e'ñe cohuen torratyenana allemeñ yechets tarro'mar e'ñe cohuen a'puetarsam'psarettenet. Tarraña yecle'ña ñerra'm ama e'ñe cohuen huom'cheyayepa' amach e'ñe cohuenaye' entateney puetare' attochña amach eshcaye' torratyenano allemeñ yechets tarro'mar cha ottena ñerra'mrrate' checmeto'tsa'yeneta. Attecma pena ñaña yeyo'cher. Ñerra'm e'ñe cohuen yocape'chyen yeyo'chro, ama aña es ye'nyeno ñeñ e'ñe yocpa, attoña chennayaña e'ñe ora allohuen Yompor pocta'ña ñeñ po'cohuenna pen. Attoña ora yocap'ña' e'ñech a'puetarsam'psarettena Yomporshot. Tarraña ñerra'm ama cohuenaye' yocape'cheno yeyo'chro, ñerra'm aña ye'nyen ñeñ e'ñe yocpa ñeñpa' amach errotenot a'puetarsam'penyeña ñeñ yocap'ña yepen. Ñeñña yocap'ña yepenpa' atarrcha' a'checmetam'pennay yeyo'cher.

Amach aña yema'yochratsto ñeñ e'ñe yocpa attoch yegana aton quelle; ñeñ atetpa' amach errotenot yema'yochroña ñaña Yomporcop
(Lc. 16.13)

²⁴ Ñeñpa' atetcha' yetma'ntacha: Ama't pue'sheñarro'feyapa' amach errotenot e'ñe cohuen yetaruasoña epsheño'mar yamo'mtayecop. Tarro'mar ñerra'm atet ye'papa' pue'sheñarr e'ñech cohuen yemorrenenteñot yosheñeshocmañen yesherbeñ, po'sheñña'apa' amach e'ñeye' yemorrenteño; chach yottena ñerra'm cha yetsena'teñ. Ñeño'marña ñeñpa' amach cohuenaye' yesherbeñe. Ñerra'm aña e'ñe sema'yochrena ñeñ e'ñe socpa attoch segana aton quelle, ñeñ atetpa' amach errotenot sema'yochroña ñaña ñeñecop atarr sherbets Yomporcop.

Atto Yomporpa' ñach e'ñe cohuen cohuan'pene' ñeñ puechemerasha' pen
(Lc. 12.22-31)

²⁵ Ñeño'marña te'pa' o'ch noterr'serr: Amach aña sellcatsto ñeñ atto yocrrena arr patsro. Ama't seyo'chrapa' amach sotatsto, esuachca' yer-rerrerrite' tsapatonet, esuachca' yorrte'. Ñaña amach aña sellcatsto ñeñ e'ñe sechtocpa. Amach sotatsto, esuachca' yechorrate'. Tarro'mar Yompor ña yapuene' yo'rrerrña allo yocrrena ñeñña atarr nanac sherbets. Ñeño'mar yeñoteñ ña yapuene' ñaña yerrar ñeñña ñocoppa' ama esoye' enteñe. Ñaña ña yechcatene' ye'chets ñeñ atarr sherbets. Ñeño'mar yeñoteñ ña yapuene' ñaña ama't ñeñ yechorra'yena ñeñña ñocop ama esoye' enteñe. ²⁶ Senteñe'

atto correna otneshaçhno ñeñt anomcha'tyetsa entonet. Ñetpa' ama çhoye' nare'tatse'teneto ñaña ama çhoye' apcha'yeneto puerrar ñeñtcha' rra'yenet. Ñetpa' ama es echenaye allcha' es añño'tyenet. Ama't atto correnet Somporna ñeñt pue'ntañ'tsenpa' e'ñe yechatyesuanet ñeñtcha' puerrar pa'yenet. El-loña sa Yomporpa' atarr morrentensa sa; ello señtaneñ ñeñt atto atarr morrentenana otneshaçhno. ²⁷ Ñaña amach sellcatsto attoch amach serromo tarro'mar ama't sellquënañ attoch atarr atomat socra arr patsro, tarraña ama't e'ñe puesheñarrofesapa' amate' errotentot so'chtatoña socreña ama't e'ñe pamtarra.

²⁸ 'Eso'mare'tcha'ña sellca'yesaña attoch sepashta. Senteñte' atet yechquëna rorechno ñeñt chopyets ñota allemeñ. Ñetpa' ama çhoye' taruasa'yeneto ama't mamesha ama çhoye' taneneto ñeñt chorra'yenet atto e'ñe cohuen orretyenet. ²⁹ Tarraña napa' o'ch notas: Ama't añcha'tareñ Salomón atto e'ñe a'cohuentate't ahuat, ama't ñapa' ama chorrane'teña ñeñt atarr cohuen ñeñt atet atarr cohuenta ror. ³⁰ Ñaña ñeñt ror pue'chorpa' ñeñtara ta'te' ñeñt chopyets allemeñ ñeñt sentyen te' tarraña ñeñtpa' mamecpa. Ama't cohuen chopyleneñ te'pa' tsapatoneñña' o'ch etomari'peretpa' e'ñech colla'huerrapa' o'huañcha' cohuenta. Ñehua, Yompor atto cohuentatyenan ama't ñeñt e'ñe mamecpa, elloña sapa' atarr chorratyensañ samña; sañapa' eso'marte'ña amaña e'ñeye' seyemteño. ³¹ Ñeñto'marña notenes: Amach atarr sellca'yestatsto. Amach sotatsto: "Esuachca'ye yerra'te'. Esuachca'ye yorrite'." Amach sotatsto: "Esuachca'ye yechorrate'." ³² Tarro'mar allohuen acheñenesha' arr patsro ñeñt ama ame'ña'yetso, ñetpa' ñeñtñaña e'ñe paterr e'nenet. Ñehua, Somporna ñeñt pue'ntañ'tsen ñapa' e'ñe entuenes ñeñt allpon pa'namen sepallta'yena arr patsro. ³³ Sapa' añcha'ña e'ñe ñanom sema'yoçhrena Yomporecop attoch atarr ayochreshattena ña. Ñaña añcha'ña sema'yoçhrena ñeñt e'ñe pocte' enten ña, allochñapa' ñachña sapa'yene' ñeñt allpon sepallta'yena samña. ³⁴ Amach e'ñe tayecma sellca'yestatsto ñeñtcha' setantyesoya tsapatonet. Tarro'mar ama't e'ñe tayoteña' çhocma eñall ñeñt allcatañetyetsa ama't e'ñe pate'tets yet.

7

E'ñe attotapa' amach yotteñe'channa'tatsto (Lc. 6.37-38, 41-42)

¹ Jesúsapa' atet otarraneterr:

—Sapa' e'ñe attotapa' amach sottene'chatsche po'psheñeñ allochñapa' amach otteñe'cherrso samña Yompor. ² Tarro'mar ñerra'm atet sottene'chyeñ po'potantañ, Yomporpa'cho'ña e'ñech attecma otteñe'cherres samña. Ñerra'm errponochcha' sottene'chyeñ po'potantañpa' sapa'cho'ña e'ñech allponoch otteñe'cherres samña Yompor. ³⁻⁵ Amach atet sentatsche po'potantañ ñerra'm ñetpa' ama cohuenaye' es peneto, ama't sapa' ama sentenoña ñeñt atet sepa'yena sa ñeñtpa' ello señtaneñña po'potantañ ñeñt atet es pa'yenet ñet. Ñerra'm ama cohuenaye' es sepeno samña' amach sotatscheña po'potantañ: "Napa' o'ch noctape'chatuerres e'ñe cohuen." Tarro'mar ñerra'm atet sepena' cha sommo'chena. Ñanomcha'ña añ sehuapore'terr ñeñt ama cohuenaye' sepeno sa, allochñapa' attoch señoç cotape'chate' samo'ts e'ñe cohuen. Ñeñtpa' añ toma'ntena o'ch sentoñ po'psheñeñ pa'clloy'tsen puepachña

ama't sa secloyopa' allo'tsen tsach; ñeññapa' ama senteñe. Ñerra'm atetpa' amach errotentof socheña po'psheñeñ napa' o'ch nechterrnaþ pecloyot pepachña tarro'mar añ tsach ñeñf secloyo'tsenpa' cha a'npuennasña attoch e'ñe cohuen es sentyen. Ñanomcha'ña añ sehuapore'terr tsach secloyot allochñapa' attoch e'ñe cohuen es sentyen. Attochña e'ñe cohuen sechterrñañ po'psheñeñ puepachña pa'cloyot.

⁶ Jesús'pa' atet oterraneterr po'poñ:

—Ñeñf ama quechpuenaye pachñareñ ñaña patpareñ amach alla seserpare'taterranete'te Parets po'cohuenña. Tarro'mar ñetpa' atta penet ñerra'mrrate' ochec. Ñehua, ochec ñerra'm esempo ama'tcha' atarr cohuen yaþpa' ya'nach rrema'pes chach a'chota'teypa' o'ch shetsay. Ñaña ama't atet ñerra'm chañcho ñerra'm esempo es yena' ñesho ama'tcha' atarr cohuen yenten ya, yeser, chañchoñapa' attach atmama'tamþsey tarro'mar chañchopa' ama esoye' entenano ama't ñeñf atarr cohuen.

Chocmach es yenamueñ Yompor ñaña chocmach ye'neñ

(Lc. 11.9-13; 6.31)

⁷ Jesús'pa' alla yechaterraneterr po'poñ, ñeñtpa' atet oterraneterr:

—E'ñe senamueñoť, Yomporñapa' apascha'. Se'name'teñoťpa' señchcha'; sechore'teñoť, Yomporñapa' e'ñe pue'mñoteñoťespa' e'ñech cohuen toramþsapas. ⁸ Tarro'mar ñeñf es enamare'tetspa' ñeña es aguětset; ñaña ñeñf es e'name'tets ñetñapa' chocmach eñchet ñaña erra'tsen ñeñf chore'tyene' ñetñapa' e'ñe e'mñotenanet Yompor.

⁹⁻¹¹ Yompor ñeñf pue'ntaño'tsen chocmach e'ñe cohuenare' es apa'yeney ñerra'm esempo es yenamueñ. Ñapa' amach ñaña apuenye ñeñf ama cohuenaye' yenteno ya. Ama't sa ñeñtes arromñates atet sepeñ saña sechemer, e'ñech cohuen es sapueñ ñerra'm esempo es enamuenes. Atet ñerra'm allempo pa'chporrñoť es enamuenes, o'ch enamas mam* ñeñfcha' rra', sapa' ama't puesheñarrofesapa' amach ñaña sapueñeña sechemer mapue' ñeñf ama arrapahuoyaye. Amapa' ñerra'm cac enamuenes sañapa' ama't puesheñarrofesapa' amach ñaña sapueñeña sechemer shecheþ ñeñf atarr amurochtatañ. Ñeño'marña sa ama't arromñates ama't ñaña atsrre'mñates sapa' e'ñe señoťeñ apa'yese' sechemerasha' e'ñe cohuenare'. Añña ñeñf Seyomporer sepen saña ñeñf pue'ntaño'tsen elloña ñapa' e'ñe eñoťeñ atto e'ñe cohuenare' es apa'yenes saña ñeñtes es enamuenes'.

¹² 'Ñeño'marña atet notenes: Ñerra'm erra'tsente' e'ñe cohuen senten ñeñf semnen sa ñeñfcha' atet þonas po'psheñeñ, sapa'cho'ña e'ñech attecma seþanet saña. Tarro'mar ñeñtpa' atet oteneý Yompor po'ñoñ ñeñf ahuatoteñ, ama't Moisés po'ñoñ ñeñf atet anaret ama't ñaña ñeñf a'mta'yeseý't Yompor po'ñoñpa' e'ñe attecma otyesete't.

Atto Jesús'pa' toma'ntaterraneterr ñerra'mrrate'yetarrotollo yebe'ten eshecha'yechap Yomporesho

(Lc. 13.24)

¹³ Jesús'ñapa' atet toma'ntaterraneterr; ñeñtpa' atet otanet:

—Sebe'tos yetarro añeťoll tarro'mar ñeñf atarr yetarr, atarr toñ ñeñtpa' alla sen chenca'puetso. Shonte' acheñenesha'pa' e'ñe alla be'toscha'tyenet.

¹⁴ Ñeñfña añeťoll yetarr; añeťoll toñ ñeñfñapa' arr sen corra'puetso allña sapa' corretsasach. E'ñe puesheña'ttsa entene'ña ñeñf toñer.

* **7:9-11** Ñehua, Jesús añ toma'ntatanet pan ñeñf puerrar penet all pa'nyo.

Ñeñtapa' añ toma'ntena attoch yocter Cristo, čhoch yesuanemña ñeñt ama cohuenaye' entapretenye.

Allohuen acheñ ñeñt e'ñe po'ñoč cohuen acheñer, ñetñapa' añcha' orrtatyenet ñeñt e'ñe cohuenare'

(Lc. 6.43-44)

¹⁵ Jesúsñapa' atet oterraneterr:

—Sapa' señoṭačh tarro'mar huaponasach ñeñtcha' ayčha'natatsa ñetpa' a'mteneto' Yompor po'ñoñ. Ñetpa' puehquẽñoŕetpa' ottenetañ atet ñerra'm atarr cohuen acheñret e'ñech attetañ ñerra'mrrate' carrnero ñeñt ama erroṭ aṭañeyaye ama't mamesha. Tarraña ñetpa' atta shequẽnet tarro'mar e'ñe po'ñoč ñetpa' e'ñe attet ñerra'mrrate' ma'yarr ñeñt añach e'nyen ñeñt e'ñe ñocpa. Attotcha'ña e'ñe a'chencatuerran acheñenesha'. ¹⁶⁻²⁰ Tarraña sapa' attotcha'ña e'ñe sechme'tyesanet. Tarro'mar allohuen acheñenesha' ñeñt e'ñe po'ñoč cohuen acheñenesha', ñetpa' añcha'ña orrtatyenet ñeñt e'ñe cohuenare'. Tarraña po'potantañ acheñenesha' ñeñt po'ñoč ama cohuenayaye, ñetñapa' añach orrtatyenet ñeñt ama cohuenayaye. Ñeñtapa' atetcha' netma'tacha. Ora allohuen ñeñt e'ñe cohuenare' narmetsochečnopa' pue'merpa'čho'ña e'ñech cohuenare'. Ama't parrochapa' amach me'toña ñeñt ama cohuenayaye. Añña po'pchañečno narmetsochečno ñeñt ama cohuenayaye, pue'merpa'čho'ña amach cohuenayaye. Ñeñtapa'čho'ña ama't parrochapa' amach me'tenoña e'ñe cohuen. Ñaña yapa' e'ñe yeñoteñ ama't errotenapa' ama arroteye' yetoquẽñoña llo'm ajchot. Ñaña ama't errotenapa' ama arroteye' yetoquẽñoña ap rrenagachot.† Ñeñto'marña attoña yeñoteñ erra'tsente' ñeñt e'ñe cohuenare' narmetsoch, ñaña ñeñt ama cohuenayaye; pue'merotña yechme'teñ. Ñaña allohuen narmetsochečno ñeñt ama cohuenaye' me'tyetsopa' a'mata'tueretcha' sarrrotueretcha' tso.

Atto amach allohuenacmaye' chapueto all amčha'tarettena Yompor pue'ntaño

(Lc. 13.25-27)

²¹ Jesúsñapa' atet oterraneterr:

—Ñeñt notyenayeñ: “Papa' po'ñoč na'yochreshater nepeneṭ”, tarraña amach allohuenacmaye' chapueto all amčha'tarettena Nomporets ñeñt pue'ntaño'tsen. Añach čhapyerrets all ñeñt e'ñe po'ñoč atet pene' ñeñt atet muenen Nomporets ñeñt pue'ntaño'tsen. ²² Allempopa' shonte'ch acheñenesha' ñeñtcha' notyerrayeñ: “Po'ñoč Ayochreshate e'ñe peso'chñopa' čhocmaca'ye ya'mtonape'tña peñoñ. Ñaña yechore'teñoṭeṭ peso'chñopa' čhocmaca'ye yequetpatache'tña shonte' oneñe'ččno. Ñaña yechore'teñoṭ peso'chñopa' epaye'ca'ye yorrtatyese'tña partsoteñets.” ²³ Naña allempopa' na'meta'huerranetcha', notyerranetcha': “Ama't ahuaṭapa' ama nentarso, ama neyochreshayayo. Te'pa' orrerres, sapa' añña setsoten ñeñt ama cohuenaye' nenteno.”

Atto Jesús toma'ntatana acheñ ñeñt e'ñe eñotene' ñeñt po'ñoč sherbets ñaña ñeñt ama eñotenyaye ñeñt sherbets

(Lc. 6.47-49; Mr. 1.22)

²⁴ Jesúsñapa' atet oterraneterr:

† 7:16-20 Ñehua, Jesús añ toma'ntatanet uva ñaña higo ñeñt puenarem̄ penet all pa'nyo.

—Allohuen ñerra'm erra'tsencha' e'mñotene' neñoñ ñeñt atet e'ñe cohuen ney'chatenanet, ñerra'm ñetña e'ñech atet penet, ñetñapa' e'ñech eñoteñet ñeñt e'ñe po'ño'ch sherbets. Ñeñt acheñer ñeñt atet petsapa' ñapa' e'ñe atet ñerra'mrrate' puesheñarr yacma ñeñt atarr es eñotets. Ñaña'pa' tomatan pa'paquell, e'ñe echarr pe'. ²⁵ E'ñe tomatue'pa' huata huomenc, apellchena oñ, orrnota, pocollñapa' orrnotam'psa. Ama a'matam'pse tarro'mar quellpachpa' e'ñe echarr atomataret. ²⁶ Tarraña po'potantañña ñeñt e'mñotene' neñoñ ñetña ñerra'm amach atteye' peneto ñeñt notenanet, ñetñapa' e'ñech atteta ñerra'mrrate' puesheñarr yacma ñeñt ama es eñoteno. Ñapa'cho'ña tomataneñcha'ña pa'paquell, tarraña amach echarroye' pe. ²⁷ E'ñe tomatue'pa' huata huomenc, apellchena oñ, orrnota, pocollñapa' orrnotam'psatsapa' chepa'tcha' mata'nerretspa' e'ñe muellotsetuerra.

²⁸ Allempo serrpare'tatuanet Jesús, acheñenesha'ñapa' epaye' cohuanrorteñet ñeñt atet ye'chatenanet ña. ²⁹ Tarro'mar ñapa' atarr cohuen ye'chatenanet ñerra'mrrate' ñeñt allsensarettetsa Partseshot. Judionesha' pa'mcha'tareternesha' ñeñt atarr etsotayenayeñ ñoñets ñeñt atet anaret, ñetñapa' ama e'ñeye' atteye' ye'chateneto.

8

Atto Jesús a'crrateran puesheñarr yacma ñeñt aptsarñat (Mr. 1.40-45; Lc. 5.12-16)

¹ Allempoña err Jesús aspentotpa' cota'huanererr acheñenesha' nanac shonte'. ² Allñapa' huapoña puesheñarr ñeñt osen puetsarñats ñeñt otenet lepra. Chap Jesúseshopa' allenta concorposana Jesúsapa' atet otos:

—Ayochreshate ñerra'm pa muenats papa' ñeñte'p atarr ahuamencateshap pa'crrataye'cherren allochñapa' attoch e'ñe cohuen entuerren acheñenesha'.

³ Jesúsña anretapa' allenta a'p'lle', atet och:

—Napa' nemneñca'ye, metuerrepa'ña peptsarña allochñapa' attoch e'ñe cohuen entuerre'p allohuen acheñenesha'.

Yacmañapa' allorocmuepa'tcha' metuerña pueptsarñapa' cha cohuentersa. ⁴ Jesúsñapa' alla otererr:

—Te' atto o' na'crraterre'ppa' po'ño'ch ama't e'ñe puesheñarrapa' amach potapsa'tatsche ama't mamesha. Corneshachña pegatena' all peptsarse't. Atet nane't Moisés ñoñets añ acheñrecop ñeñtcha' a'crrataretterrtsapa' te'ñapa' o'ch es panom ñeñtcha' p'apos all ñeñt Yomporecop allochñapa' attoch e'ñe cohuen enterre'p allohuen acheñenesha'.

Atto Jesús a'crrateran puesheñarr capitán pueñañra; ñeñt'pa' romo marnesha' (Lc. 7.1-10)

⁵ Allempoña cherr Jesús Capernaumopa' allñapa' huapoña puesheñarr solltar po'captaner, ñeñtñapa' romo'marnesha' ama judioneshayaye. Ñaña'pa' atarr otare'tosan Jesús, ⁶ ñeñt'pa' atet otos:

—Nomporcha' nepaclopa' atarr pa'nattenapa neñañra. Alla panena po'mayo nanac muero'ch'tena cha echarrtena.

⁷ Jesúsñapa' atet och:

—Ama'tpa' napa' o'ch ahuen o'ch na'crratera'.

⁸ Capitánña puepatare'teño'pa' atet och:

—Na Nomporcha'pa' ama cohuenayayno attoch pebe'tosapo'tam'pesna nepaclo. Arrotach pot: “Ama'tpa' correrrepa' peñañra”, neñañrañapa'

acrrerroche'ch. ⁹ Tarro'mar napa' ñeñfen ñeñf atet petsa ñeñf atet otenen ñeñf neyechenaya na. Napa'cho'ña eñall ñeñf neyechena namña ñeñf nesolltarer nepen. Ñerra'm puesheñarr solltar noteñ: "Papa' o'ch ahuep a'yo", ñaña'pa' o'ch'cho' ahuo'. Namña po'psheñeñ solltar ñerra'm noch: "Papa' apon arr", ñaña'pa' o'ch'cho' huapa. Namña po'psheñeñ na'taruasañer ñerra'm noch: "Papa' arrcha' petaruasa'muen", ñapa' allcha'cho' taruasa'muen. Ñeñfo'marña napa' neñotenep ñerra'm erroten potenpa' e'ñechca'ye atet pena.

¹⁰ Allempo e'man Jesús ñeñf atet oten capitán, ñaña'pa' atet otan allohuen acheñenesha' ñeñf cota'nene':

—Ñapa' atarrca'ye yemtenna, ama't ñapa' amaca'ye judioneshayaye. Napa' po'ño'ch o'ch notas: Ama't ahuatapa' ama nentareña acheñ ñeñf e'ñe atet neyemtenaya, ama't allohuen israelena'tarnesha'pa' ama't puesheñarra ama nentareña ñeñf atet atarr neyemtenaya. ¹¹ Ñeñfo'marña te'pa' o'ch notas: Shonte'ch acheñenesha' ñeñf ama judioneshayaye ñeñfcha'ña e'ñe neyemterraya. Allochñapa' esempohuañenpa' ñetñapa' allemateñcha' e'ñe hua'cha'tuerret ñeñfcha' anorr'cha'tyesuerrets all e'ñe Yomporesho all am'cha'tarettena ña pue'ntaño. Allcha'ña rrallme'chapreteret yatañesha'chno Abraham, ñaña Isaac ñaña Jacob. ¹² Shonteñña judionesha' ñetcha'ña chapatsetañ all am'cha'tarettena Yompor, tarraña ñetñapa' amach chapueto all tarro'mar ñetpa' ama naye' yemteneto. Ñetñapa' allach ahua'pore'taretterret a'yo't checmeto. Allñapa' allcha' yahuanrrorterret, panmueño'fet atserrpa' rraso'tyesosetcha' pa's.

¹³ Allempoña Jesús'pa' alla oterranerr capitán:

—Te'pa' o'ch ahuerrep pepacillo, e'ñe atto atarr peyemtenapa' atetepa'ch pocop.

Pueñañrañapa' e'ñe allempocma correrra.

Allempo a'crratosan Jesús Simón Pedro pa'so'mue

(Mr. 1.29-31; Lc. 4.38-39)

¹⁴ Allotñapa' chap Jesús Pedro pa'pacillo. Allñapa' entosñañ pa'so'mue alla panena po'mayo cha'atsna'ten, cha' hueraten. ¹⁵ Jesúsñapa' allenta a'pllosñañ potpa' cha' metuerretsña po'urateña. Allenta tantapa' o'yema'tallme'cha'pa.

Allempo Jesús'pa' a'crraterran shonte' pa'namen atsnañe'etchno

(Mr. 1.32-34; Lc. 4.40-41)

¹⁶ Ñeñte yetrocma allempo ellerrenpa' hua'cha'tateññañeterr shonte' ñeñf chorra'yena oneñe'. Jesúsñapa' e'ñe po'ñoño'fa que'chpatuerranet oneñe' ñeñf chorra'yenahuet. Namña allohuen ñeñf atsna'tyetspa' o' a'crratyesapanet. ¹⁷ Ñeñtpa' tarro'mar atet pa' allochñapa' attoch etsota Isaías po'ñoñ ñeñf a'mtaye't Yompor po'ñoñ; ñapa' atet ote't: "Ñapa' ñach yahuanman'perre' ñeñf yemueroch'tatyene', ñapa' ñach ahuanerre' allohuen ñeñf ya'tserrpa'yene'."

Allempo Jesús'pa' ye'chatan ñeñf muenene' o'ch coter

(Lc. 9.57-62)

¹⁸ Po'pocheño allempo Jesús'pa' entapuenanerr shonte' acheñenesha' cha'emchorra'hueñerr, ñaña'pa' atet otan pueyochresha':

—Te'pa' o'ch ahuan'psey yon'ta'n.

¹⁹ Allñapa' huapoña puesheñarr ñeñf atarr etsotene' ñoñets ñeñf atet anaret. Ñaña'pa' atet otos:

—Na te'pa' Maestrocha' nemneñ o'ch noctare'tyeseþ ama't errohuanencha' pechopheñe'chyes.

²⁰ Jesúsñapa' atet och:

—Te'pa' napa' peñotencha' ama't nepacllapa' ama necheñe allcha' neychenañ. Ro'quëþpa' chocma eñall pa'pon allecma yechena.* Otechnopa'cho'ña chocma eñall pa'ma' allecma yecha'yenet. Tarraña naña Ñeñfen Acheñetosetspa' ama eñalle ñeñt e'ñe nepaquëll nepen allcha' neþanena.

²¹ Po'pocheño Jesúsapa' atet otenanerr po'psheñeñ pueyochresha':

—Te'pa' o'ch pocta'n attoch e'ñe po'ñoçh neyochresha' neperreþ.

Tarraña ñeñña acheñerpa' atet otan Jesús:

—Te'pa' arrcha'ña ñanom pemnaterren o'ch ahuerren apuesho o'chña nepampa'huera' apañpa' allempochña nohuerrapa' o'ch noctap.

²² Tarraña Jesúsapa' atet otererr:

—Acheñenesha' ñeñt ama yerpa'penaye Yompor, ñetñapa' pampanna'tetepa' parro arromñatecmuet. Tarraña þocoppa' ñeñeþ o' peyerpuera' Yompor añ poctetsa o'ch pocta'n attoch po'ñoçh e'ñe neyochresha' neperreþ.

Allempo a'mchecherran Jesús huomenquësha' ñaña saþ ñeñt emo'yarertetsa

(Mr. 4.35-41; Lc. 8.22-25)

²³ Allempoña Jesúsapa' a'tapos noñfo pueyochresha'ñapa' cota'huanmet, ahuañþset rroçha'sonet atarr sa'po. ²⁴ Allñapa' machayotepa'tcha' huomenquëshatañpesnomuet. Emo'yare'ña cha esha'tena noñfo, atteña oñña'pa' chorramoch noñfo. Jesúsñapa' cha muen. ²⁵ Atteña pueyochresha'ñapa' ponemiyet Jesús all muenpa' opueret atet ochet:

—¡Pa'qeshþataye'chey Ayochreshate po'ñoçhuachca'ye yoclla'huerrate'!

²⁶ Ñaña'pa' atet otanet:

—Eso'mare'tña nanac seyoren. Sapa' ama e'ñeye' seyemtenno.

Jesúsña tanterrapa' e'ñe po'ñoñoña a'mtsoññetueran huomenquësha' ama't ñaña emo'yare'pa' o' e'ñe a'mtsoññetuer. Attoña ñetpa' o' alla e'ñe cohuen muechettanþerret. ²⁷ Atta cohuanrrorteñet ñetñapa' atet otanna'tyaset:

—Ta'mca'ye, añ acheñerpa' esona'tarte'ca'ye. Atarrepa't es a'mchechaten, ama't po'ñoñoþapa' a'mchechaterran huomenquësha' ama't ñaña emo'yare' oñ.

Atto gadaro'marnesha' ñeñt chorrena oneñt ñetñapa' huapuet Jesúsesho

(Mr. 5.1-20; Lc. 8.26-39)

²⁸ Allempoñapa' o' etsotaset yomta'n all sechenet. Allpa' añ pa'ney pene' gadaro'marnesha'. Allñapa' huapoña ñaña epsheña acheñ tarraña ñetpa' añ chorrenahuet oneñt. Ñeñþa' arroþ huenet allecma pampa'yeñet arromñateçhno. Allenetñapa' ama eseshaye' setso tarro'mar ñeñt chorra'yena oneñt ñetpa' atarr amcha'noçhetyenet allenet. ²⁹ Allempoñapa' rranare'tapet Jesús, atet ochet:

—Eso'maruachca'ye, Parets Puechemerecha' pa'tsrre'moçhtana'tosey. Papa' añecopte' pehuena o'ch peçoñchaterrey ama't ama çhena' allempoch ya'coñchatare'terra.

* **8:20** Nehua, Jesús añ toma'ntacha zorra ñeñt berrotets all pa'nyo.

³⁰ Ñehua, allpa' a'yente'tsa'yen shonte' chañchočno all rratse'tyen.
³¹ Ñeñto'marña oneñeñechnopa' atet otare'tapet Jesús:
 –Ñerra'm čhoch pequečhpatosey acheñpa' arrña pemñaye'chosey
 chañchesho allochñapa' o'ch yechorra'yerrerr ñaña chañchočno.

³² Jesúsñapa' allenta otanet:

–Ama'tca'yepa' orrasca'ye.

Allempoña oneñeñechnopa' quečpa'neret acheñpa' o' chorrertererr ñaña
 chañchočno. Chañchoña allempo chorrosya oneñeñechnopa' čhepa'tcha'
 matrra'tua allohuen ñegoneñ, shorčha'tuos allotpa' e'ñe ño'shrra'tuosa oño.

³³ Acheñenesha'ña ñeññi cohuanpene' chañcho, ñetñapa' allenta matrra'tet
 ñamet po'yorñoñ, ahuanmuet anetso. Allñapa' serrpare'tyesoset ora atet o'
 perra ñeññi chorra'yese't oneñeñ. ³⁴ Allentepa'tcha' ahuanmaña allohuen
 anetso'marnesha' ahuo'ch enteñeta' Jesús. Ñetña entoset Jesúsapa' atet otoset:
 –Te'pa' o'ch ahuerreḡ arrot, yenyot.

9

Atto Jesúsapa' a'crraterran ñaña ñeññi echarraña

(Mr. 2.1-12; Lc. 5.17-26)

¹ Allotña Jesúsapa' a'terr noñtopa' pechaterra, čherr anetso all a'puena.
² Allñapa' huapatamḡsoñet echarraña, puechechnape'na. Jesúsñapa'
 eñotapanet ñetpa' atarr nanac yemeteñet. Allempoña ñapa' otapan echarraña:
 –Chochña neyochre ḡocsherra tarro'mar te' ñeññi ḡo'chñarpa'
 aḡretna'huaretterra.

³ Puesheña'tetsña ñeññi etsotayenayeñ ñoñets ñeññi atet anareñ ñetñapa' atta
 otatse'tyeset pueyočhreto e'ñe ñagattseta, ñeññiapa' atet otet: “Añ acheñerpa'
 čha achmenan Yompor.” ⁴ Jesúsñapa' o' eñotanet ñeññi atet otyenet ñocop,
 ñañaapa' atet otanet:

–Sapa' eso'mare'tcha'ña atet soctape'chatse'tyesña seyočhro. ⁵ Sapa'
 čhate' soten ñeññi atet o' notue echarraña po'chñar o' aḡretna'huarettā
 ñeññiapa' ama torrapahuoyaye. Sapa' añña atarr torrapo' senten attoch
 na'crrater čhoncha'ña ote': “Petantena pechope'chnen.” ⁶ Ñehua, napa' o'ch
 neñotatas na Ñeññen Acheñetosets, napa' ñeññen apareten llesens attoch nach
 peretnerre' ochñarets añe patsro.

Ñeñto'marña Jesúsapa' atet oterranerr echarraña:

–Te'pa' o'ch petantena, pečhta'nen pemue'pa' pechope'chnen, ahuenep
 pepacillo.

⁷ E'ñe otue' atetpa' echarrañañapa' čha tantetsa allorocma, ahuer
 pa'pacillo. ⁸ Acheñenesha'ña all ñeññi entene' ñetñapa' čha yorenet, elloñapa'
 allā cohuentaterrñañet Yompor. Atet otyenet:

–Yomporca'yena o' llesenserran ñeññi ama't e'ñe acheña.

Allempo Jesúsapa' hua'ña'nman Mateo attoch pueyočhresha' per

(Mr. 2.13-17; Lc. 5.27-32)

⁹ Jesúsña meterrerr allotpa' entnoman puesheñarr acheñ ñeññiñapa' añ
 pa'so'cheñ Mateo.* All anen allecma cobra'yenan acheñenesha' quelle ñeññi
 gobiernocop. Jesúsñapa' atet otosan Mateo:

–Te'pa' o'ch ḡocta'n attoch neyochresha' neperreḡ.

Mateoñapa' čha tantnomtsapa' allenta cotan Jesús.

* 9:9 Mateopa' ñeññara ñeññi sochenet Levi.

¹⁰ Allempoña chap ñaña allempoch rrallme'chen Jesús pocollo. Allñapa' hua'cha'ta po'potantañ shonte' ñeñt' po'taruas pene' o'ch cobra'yeñet acheñenesha' quelle ñeñt' gobiernocop. Ñeñtpa' atarr ashcañnesha' entyeñt' allohuen acheñenesha'. Ñaña epuet po'potantañ ochñañenesha'chno ñetñapa' all anorrcha'tyesoset all anen Jesús epuet pueyochresha'chno. ¹¹ Añña fariseonesha' ñeñt' allo'tsa'yen ñetña allempo atet eñchetpa' allenta otoñet pueyochresha':

—Eso'mare'tña ñeñt' semaestrór sepenpa' rrallme'chapretenanña añ acheñenesha' ñeñt' puehquëño'fe'na cobra'yene' acheñenesha' ñaña epuet acheñenesha' ñeñt' atarr ochñañenesha'chno.

¹² Atto e'manet Jesús, ñañapa' atet toma'ntatanet:

—Ñeñt' e'ñe huomech entetsapa' ñetpa' ama e'neñetoña apartañ. Añña ñeñt' atсна'tetspa' ñetñapa' chocma e'nenet ñeñt'cha' a'craterrahuet. ¹³ Napa' ama añecpaye' nohuapo attoch ne'chore'tos ñeñt' e'ñe atet entetsañ ñetpa' e'ño' cohuen es pa'yenet. Napa' añecopña nohuapa attoch ne'chore'tos ñeñt' atarr ochñañ' entetsa. Allochña'pa' attoch o'ch cotape'cherret ello e'ñe cohuen Yomporecop. Socoppa' añ poctetsa ñerra'm o'ch ahuerrespa' seño'tuerrepa'chña ñeñt' atet ye'chateney añ Yompor po'ñoñ ñeñt' atet anaret ahuatoteñ. Ñeñtpa' atet otene'y Yompor: “Napa' ama e'ñe añña cohuen nenteno o'ch sapuenen sayara ñeñt' semtsen nocop. Añe'ñaña atarr cohuen nenten o'ch semuereña allohuen samo'tsesha'.”

Allempo Jesús'pa' e'ñotatanet atetcha' tore'tet Yomporecop ñeñt' po'ño'ch sher-bets

(Mr. 2.18-22; Lc. 5.33-39)

¹⁴ Allempoñapa' ñeñt' pueyochresha' pen Juan ñeñt' apataye't' acheñenesha' ñetña hua'cha'toñet Jesús'pa' atet otoset:

—Yapa' tore'tetsay Yomporecop ñaña fariseonesha'pa'cho'ña tore'tetset. Pañapa' 'eso'mare'tña ama tore'tenoña peyochresha'?”[†]

¹⁵ Jesúsñapa' alla toma'ntatanet, atet otanet:

—Ñeñt' ahua'ñare'te'chno all rrallme'chapreteñet ñeñt' errete' sena'tetsa, ama pocteyaye o'ch yotanet amach es serra'yestatsto. Amach yellcatatstaneto tarro'mar atet coshapreteñet ñeñt' sena'tetsa. Tarraña ñerra'm esempo machayota sa'nerranet ñeñt' sena'tetsa, ñeñt'ña parro yemuetyena allempoña ñetpa' e'ñe puellquëño'fet que'chpa'huerretcha' puerrar, amach arrenaye' enterreto. Ñeñtpa' attochña tore'terret allempo Yomporecop e'ñe po'ño'ch. Arrpa' allohua huañ ñeñt' atet Jesús toma'ntata ña sena'tostsa.

¹⁶ Elloñapa' alla toma'ntaterraneterr ñeñt' atet ye'chen judionesha' arr patso, ñeñto'marña atet otanet:

—Yapa' ñerra'm mellashañ yeshatampa' amach yelltatsche emarr lletamtso. Tarro'mar ama't atet yepatse'chpa' ñeñtpa' e'ñech orrena yellteñ tarro'mar ñeñt' emarr lletamuetspa' ñerra'm esempo yatsama'tam'pespa' 'chach chel-lama'ta 'chach martse'tatanña shetamtso'she'm. Ñeñt'ña yelltenpa' allo'nach sen rrarrtse'tats nanac.

¹⁷ Jesúsñapa' alla toma'ntaterraneterr po'poñ ñeñt' atet ye'chen judionesha' o'ch ye'chcatenet pa'rrom orrot. Ñeñto'marña atet otanet:

[†] **9:14** Añ tore'teñetspa' añecop o'ch yetorra Yomporecop. Amach añecpayaye atomat, ñeñtpa' añecpa mameshacop o'ch ye'que'chpa' yerrar.

—Ama't puesheñarrofeyapa' amach yeshatstoña vinos emasa mellasha'nñañ orroto ñeñt ayechcataret pa'rrom. Tarro'mar ñerra'm atef yepe'pa' o'ch chasa'ña vinospa' chach a'ptsan orrot, vinosñaapa' e'ñech shebhua, ñeñtña orrot'pa' ama't mameshapa' amach es sherberro. Añña ñerra'm emasa vinos, arrcha'ña yeshe' emerra orroto ñeñt ayechcataret pa'rrom. Allochñaapa' ama'tcha' chasa' vinospa' amach cha potsa'psoña vinos, ñeñt'pa' allach yechen epo'mar.

Ñeñt'pa' attoña Jesús'pa' eñotatanet ña pocta'pña e'ñe etserra.

Atto Jesús'pa' tantaterran Jairo po'señ ñaña all a'crratnoman puesheñarr coyanesha' ñeñt a'plla'nmue' pa'shtam

(Mr. 5.21-43; Lc. 8.40-56)

¹⁸ Allempo atef eñorena Jesús'pa' huapa ñaña puesheñarr ñeñt añcha'tarettsa judioneshacop, concorposñañaapa' atef otos:

—Nesneña' e'ñe errete rromuets. Tarraña ama't o' rromaña'pa' te'pa' o'ch potterren, ama't attapa' o'ch pa'pñeña' potot attoch o'ch alla correrra.

¹⁹ E'ñe otue'pa' allempoñaapa' allenta cota'ner Jesús epuet pueyochresha'. ²⁰ Allñaapa' cota'nmanet ñaña puesheñarr coyanesha' ñeñt atsnatets. Charra' puechena epa char ñeñt atto chocma yella'yena. Ñañaapa' allenta cota'nenan Jesús chenta' pa'che'ñoñ, allñaapa' a'pñlerrñaña' pa'shtam pa'rre'pot. ²¹ Tarro'mar, ñapa' atef oten pueyocho: “Ama't pa'shtama na'pñloña'pa' ñeñtach na'crraterre.” ²² Allempo atto a'plla'huoñ pa'shtampa' Jesúsña allenta puetailerra pa'che'ñoneña'pa' entan coyanesha', ñeñt'pa' atef och:

—Choña nesñeshacha' pocserra tarro'mar atto atarr peyemtenna na, attoña te'pa' o' e'ñe na'crratnomuep.

Coyanesha'ñaapa' allorocma correrra.

²³ Jesúsña allempo chap añcha'taret pa'paclo allñaapa' entosan ñeñt penclla'tam'pesyene' arromñañ llequëntsorecho, entosan ñaña shonte' acheñenesha' all puellquëñoñet atarr ano'tatsetyenet. ²⁴ Jesúsñaapa' atef otosan acheñenesha':

—Sahuanerra arrot, añ shopshesha'pa' amaca'ye choye' rromueno, chaca'ye muen.

Ñetñaapa' pachm'are'teñoñetpa' atta che'tatsetyesapet tarro'mar ñetpa' e'ñeca'ye eñoteñet choca'ye rromuen. ²⁵ Allempoña cha'nmach'a'tatuosan ñeñt shontetsa all, ñañaapa' be'tosos o'pono. Allempoña Jesús'pa' rromota'tosan shopsheshañ potot ñañaapa' chepa'tcha' tanterrtsa. ²⁶ Allempoñaapa' e'mare'tuet errap'aren anetso'mar Jesús'pa' o' tantaterran arromñañ.

Atto Jesús'pa' a'crraterran epsheña aporo'yet

²⁷ Ahuerrerr Jesús allotpa' cota'neñ ñaña epsheña aporo'yet. Rranare'tneñet chenta' atef otneñet:

—Pemueraye'cherrya ñeñtep Davidna'tare.

²⁸ Chap Jesús pocollopa' all be'tosos allña rromuera'ña ñaña aporo'yet. Jesúsñaapa' a'pñto'tapanet:

—¿Seyemtenna'te' napa' ahuamencaten atotcha' necuaterres?

Ñetñaapa' atef otoset:

—Yeyemtenpaca'ye, Ayochreshate.

²⁹ Allempoñaapa' allenta a'pñlacile'chanetpa' atef otanet:

—Atto atarr seyemtennappa' attetepa'ch socop.

³⁰ Allempocma e'ñe cohuen cohuerret. Jesúsñapa' atet otanet:

—Po'ño'ch te'pa' o'ch notas: Amach esesha' sotapsa'tatsto, ama't e'ñe puesheñarra.

³¹ Elloña ñetñapa' ahuanmuet a'metare'tyeset Jesús. Errañaren allampaño'mar e'mare'tuet Jesús atet pena.

Atto Jesúsapa' a'crraterran ñaña ñeñt opanatets

³² Allempo ahuen epsheña aporo'yete allña Jesúseshopa' huapaterrñañeterr ñaña opan ñeñt chorrena oneñet. ³³ Jesúsñapa' allenta quechpatan oneñet ñeñt atto opanateñ, opanñapa' allenta eñorerra. Acheñenesha'ñapa' cohuanrrorteñetpa' atet otyenet:

—Israelnesha'pa' ama't ahuatapa' ama puentarano ñeñt atet pena te' Jesús.

³⁴ Fariseonesha'ñapa' puestasare'teño'etpa' atet otyeset:

—Oneñe'te' pompom ahuamencat pene' attot quechpatenan oneñe'te'chno acheñenesha'.

Atto Jesúsapa' atarr muerenana allohuen acheñenesha'

³⁵ Allotñapa' asuahuanom Jesús allohuen anetso ama't ñaña all ama tama eñalle acheñ. All ye'chatyesosanet puerahuo'mar. Serrpare'tatosanet ñeñt cohuen ñoñets atto ayochreshattena Yompor. A'crratyesosan ñeñt osyen pa'namen atsnañets ñaña ñeñt pa'namen atsotyenet. ³⁶ Allempo entosan shonte' acheñenesha'pa' ñañapa' nanac muerenanet. Tarro'mar e'ñe atet entenanet ñerra'mrrate' carrnero ñeñt ama acuanñpsareteyaye; ñeñto'marña nanac allpatatarettenet tarro'mar ama eñalle ñeñtcha' ahuaamencat penahuet. ³⁷ Ñeñto'marña atet otan pueyochresha':

—Shonte' narmets ñeñt nanac ellom're'tets ñeñtcha' a'yapa'chetañ. Tarraña ataruasañña ñeñtcha' a'yapa'che'pa' ama atarr atonayayeto. ³⁸ Te'pa' añcha'ña sanamoñ pamo'mte' mueñanepa'ña ñeñtcha' a'yapa'cherrets pa'mro.

Ñeñt'pa' atet toma'ntatanet Jesús atto atarr shonte' acheñenesha' ñeñtcha' ame'ñerrtsañ tarraña ñeñtcha' ame'ñaterrahuetpa' ama atarr atonayayeto. Añcha'ña yanam Yompor ñeñt Yamo'mte' yepen mueñanepa'ña pa'taruasañer ñeñtcha' torra'yerrtsa ñocop allemeñ anetso'mar.

10

Allempo Jesúsapa' acran çharrasheña ñeñt puechetsa epsheña ñeñtcha' llesensa'

(Mr. 3.13-19; Lc. 6.12-16)

¹ Allempo çhapa'muen allempo Jesús agota'muenan pueyochresha' çharrasheña ñeñt puechetsa epsheña. E'ñe ap'cha'huet ñeshopa' ñañapa' apanet llesens attoch quechpatyaset oneñe'te'chno acheñenesha'. Ñaña llesensanet attoch a'crratyaset acheñenesha' ñeñt osyen allohuen pa'namen atsnañtso'chno ñaña ñeñt pa'namen atsotyenet.

² Ñehua, ñetpa' arro'tsa'yenet pa'so'chñe'chno; allohuenetpa' çharrasheñet puechena epsheña ñeñt llesensa'. Ñeñt ñanom atarr sherbets ñeñt'pa' Simón ñeñt'ara sochetsa Pedro, allotpa' ñaña Andrés ñeñt e'ñe pa'mo'nasheñ; allotñapa' ñaña Jacobo ñeñt Zebedeo puechemer epuet pa'mo'nasheñ Juan.

³ Allotñapa' ñaña Felipe ñaña Bartolomé; allotñapa' ñaña Tomás ñaña Mateo ñeñt cobraye't acheñenesha' quelle ñeñt gobiernocop; allotñapa' Jacobo

ñeññ Alfeo puechemer, allotpa' ñaña Tadeo. ⁴ Allotñapa' ñaña Simón ñeññ cananistanesha' ñeññ nanac torratset' pa'netsrecop, allotpa' ñaña Judas Iscariote ñeññcha' pomuerre' tsapatonet Jesús.

Allempo Jesúsapa' llesensan pueyochresha' o'ch ahuanemyeset allcha' serppare'tyeneta'

(Mr. 6.7-13; Lc. 9.1-6)

⁵ Ñeñña çharrasheña puechena epsheña llesensanet attoch ahuanemyeset pa'namen anetso'mar, ñeñtpa' atet otapanet:

—Amach arrenta setatsto all yeçha'yena ñeññ ama judioneshayaye. Ñaña amach arrenta setatsto samario'marnesha' pa'netsro all yeçha'yenet.

⁶ Arrcha'ña seta all yeçha'yena israelena'tarnesha'. Ñetpa' e'ñe atet nentenanet ñerra'mrrate' carneroçhno ñeññ paya'tyetsa. ⁷ Allcha' soñemyespa' seserrpare'tatyesnomanetcha' atetcha' sotyesnomanet: “Te'pa' o' çherr allempoch ayochreshattena Yompor ñeññ pue'ntañ'o'tsen.”

⁸ Ñaña alla oterranerr pueyochresha':

—Ñeññ atsna'tyetspa' sa'crratyesnomanetcha', ñeññ rromayetspa' setan-tatyesnom'cha', ñeññ osyen puetsarñatspa' sa'crratyesnom'cha' attoch e'ñe cohuen entuerranet acheñenesha', sequeçhpatatyescha' ñaña oneñe'feçhno ñeññ chorra'yenaya acheñenesha'. Sapa' e'ñe atta aparetes huomencñats atto es cohuen sorrtyaten Yomporecop, ñeñño'marña sapa'çho'ña e'ñeçh atta sapa'yesanet samá, amach sebratstaneto ñeññ atet o' sepa'yesanet.

⁹ Ñaña o'ch notas: Ñerra'm o'ch sahanmapa' ama'a puetallarrapa' amach sesha'tatsetnomo quelle. Ama't orotlullen, ama't huallatlullen, ama't cobretlullen amach sesha'tatsetnomo. ¹⁰ Ama't e'ñe coñe'ña amach es sanmatsto allcha' sechopeñe'chyes, ama't sebolsa, ama't e'ñe epma seshtam, ama't sesapata, ama't secarra, amach sanmatsche tarro'mar ñeññescha' torra'yetsapa' e'ñe pocte' rratyesapasetcha'.

¹¹ 'Ama't erra'tsena anetser ama't ñaña all ama tama eñalle acheñ ñerra'm erra seçhapa'çhpa' çhochña ñanom sa'p'to'tyesosanet erro'tsente' cohuen acheñpa' allcha'ña seçhap. Allñapa' allcha'ña sa'posa tarremphuach esempoch seserrerr ñaña allot. ¹² Ama't erra'tsena pocoller allcha' seçhap, e'ñe sehuom'cha'teño't o'ch senamatosanet Yompor pa'nateña. ¹³ Ñetña ñerra'm e'ñe cohuen acheñret, Yomporñapa' a'natenanetcha'. Ñerra'm ama cohue-nayaye acheñretpa' Yomporñapa' o'ch alla apuerres sa pa'nateña. ¹⁴ Ñerra'm erra anetsro ñeññ allo'marnesha'ña ama cohuenaye' agapaseto tarro'mar ñetpa' amach mueneto o'ch e'mñnotapaset ñeññ atet seserrpare'ten, sañapa' o'ch sem'terrerr ñaña allot. Ñerra'm allempo sem'terrerrña ñaña allot, ñeññña setco'tsa'yen pañe'te' patspa' çhoch sepa'shetca'tyesnom'ña setac. Attoçhña allo'marnesha'pa' o'ch seño'tatnomanet ñetpa' amaca'ye pocteye' entenanetoña Yompor. ¹⁵ Po'ñoçh te'pa' o'ch notas: Esemphuuañen allempoch acarretetuerra allohuen acheñenesha'pa' añ anetso'marnesha' ñeññcha' ama cohuenaye' sagapaye te', ñetñapa' nanaccha' a'coñchatare'iterretña allempo. Ama't sodomo'marnesha' ñaña gomorro'marnesha' ñetpa' amach tama a'coñchatare'iterreto atet ñerra'm ñeññ anetso'marnesha' ñeññcha' ama cohue-naye' sagapaye te'.

Allempo Jesúsapa' eñotatenan pueyochresha' çhocmach eñall ñeññcha' e'moñe'tahuet

16 'Ñaña sapa' ñerra'm o'ch ahues te'pa' seño'chcha' po'ño'ch' chomach eñall ñeñ'cha' se'moñe'te' ama't sapa' amach' cho' errot sepenaneto ñet. Ñeñ'fo'marña notenes te'pa' o'ch nemñas e'ñech attes ñerra'm'rrate' carrnero o'ch ahuo' allo'tsa'yen ma'yarro'ch'no. Ñeñ'fo'marña sapa' seño'ta'tach atet ñerra'm sheche'ppa' atarr eñote'. Tarraña sapa' amach' errot a'pañso atet ñerra'm ye'ppa' ama' errot a'pañeyaye. 17 Ñeñ'fo'marña notenes: Seño'ta'tach tarro'mar' acheñenesha'pa' errotuanencha' perrset, sanmare'tterrach a'ñcha'taretesho allcha' otteñe'cherrset. Nalle'tyerrsetcha' all judionesha' po'prahuo'mar. 18 Po'ño'ch' e'ñe no'marpa' rremanaterrsetcha' attoch muero'chtatyerrset, sanmare'tterrach a'ñcha'taretesho ñaña allo'tsa'yen ñeñ' nanac a'ñcha'tarete'ch'no allcha'ña sa'meta'yesosnancha' neñoñ. Ñaña arrcha' sa'meternan neñoñ allo'tsa'yen ñeñ' ama' judioneshayaye. 19 Ñaña allem'poch sanmare'tetyesapa' ama't mameshapa' amach' cha' selca'psatso, amach' sotapsa'tatsto: Errotuachca'ye notoste' a'ñcha'taretesho ñerra'm o'ch a'pto'tare'tapuen. Tarro'mar' allempopa' Somp'orcha'ña Puecamquëñ seño'tatyesose'ña all. 20 Attoña amach' e'ñe sochaya se'ñora'yesos, a'ñcha'ña Somp'or Puecamquëñ ñeñ'cha'ña se'ñoratyeso'.

21 'Allem'poch atet perrsetpa' ñeñ' e'ñe semo'nasheñ sepen ñato' ñeñ'fachca'ye sepomuerre' attoch muetsaterres tarro'mar' ñapa' amaca'ye ame'ñeno. Amapa' ñato' pomp'orpa' o'ch pomuerran ñaña puechemer. Ama't ñaña puechemerpa' ñato' pa'p'ar'ña'oi'pa' o'paterranach pamo'mte' attoch muetsatater. 22 Shonte'ch' acheñenesha' ñeñ'cha' se'moñe'terre' tarro'mar' sapa' naca'ye e'ñe same'ñena. Ama't'cha' atarr muero'chtaterrsetpa' tarraña esesha'ch' e'ñe ahuanta'huamue' e'ñe pueyeroteñoen na, ñeñ'cha'ña a'quesh'patare'tterrtsa. 23 Ñerra'm' esempo e'moñe'terrset ñeñ' anetsro allo'tsenes o'ch seyetam'psanetpa' o'ch sahuanna po'poñ anetso. Allpa'cho'ña ñerra'm' attecma e'moñe'terrseterrpa' o'ch seyetam'perraneterr o'ch sahuannerrerr ñaña po'poñ anetso. E'ñe po'ño'ch' notenes: Amach' e'ñe sepa'huena' ora' allohuen israelnesha' pa'netsropa' na Ñeñ'en Acheñetosets o'ch alla norrterra.

24 'Ñaña o'ch noterrset: Ñeñ' yochreshatspa' ñerra'm' e'moñe'teñ'ñañet po'maestror, e'ñech attecma e'moñe'terr'ñañet ñaña ñeñ' pueyochresha'ch'no pen. Ñaña ñeñ' ña'ñretsoyets ñerra'm' e'moñe'teñ'ñañet pamo'mte' e'ñech attecma e'moñe'terr'ñañet ñaña pueñañresha'ch'no. 25 Ñeñ' yochreshatso'chnopa' e'ñepa'ch'ña pocte' entyeñet o'ch atet a'paret'terret atet ñerra'm' po'maestrorret. Ñaña ñeñ' ña'ñretso'chnopa' e'ñepa'ch'ña pocte' entyeñet ñaña o'ch atet a'paret'terret atet ñerra'm' pamo'mte'. Ñaña seño'chepa'ch' ñerra'm' na puesochatse'teño'fetan otennet napa' oneñe'fo' pomporen ñeñ' otenet Beelzebú, sapa'cho'ña elloch'ña atarr sochatse'terrset. Ama't na ñeñ'ten e'ñe samo'mte' sepenen atto atarr sochatse'tennet na, sapa'cho'ña ñeñ'tes nechemereshach'no nepen, elloña sapa' atarrcha' nanac sochatse'terrset saña.

Atto amach' yem'cha'tatsto ñeñ'cha' muetse'yechets, a'ñcha'ña yem'cha'na't Yompor

(Lc. 12.2-9)

26 'Ama't atteñpa' tarraña sapa' amach' señ'cha'tatstaneto tarro'mar' yapa' yeñoteñ allohuen ñeñ' atto e'ñe a'nahua shecare'tyenet te', esempohuañenñapa' a'metan'psaretterretcha'. Ama't allohuen ñeñ' e'ñe a'nasotyenet te'pa' esempohuañenñapa' e'ñech eñotatarefetuerret.

27 Ñeñto'marña ama't erra'tsena neserrpare'tatyenes te' e'ñe saptoche', esempoña sapa' e'ñech señotatuer ora allohuen acheñenesha'. Ama't erra'tsen ñeñit atet neserrpare'tatyenes te' e'ñe a'nahua o'pono pocollo, esempoña sapa' seserrpare'terrcha' allcha' e'ñe cohuen e'muerres allohuen acheñenesha' atet ñerra'mrrate' enot seserrpare'ten shelletot. 28 Amach aña semcha'tatsto ñeñtcha' semtse'. Tarro'mar añach muetsonaset sechets, secamquëññapa' amach errotenot muetsonaseto. Añcha'ña semcha'na't Yompor tarro'mar ñerra'm ña muenatspa' e'ñe ña po'huamencotpa' o'ch a'chencatonay ye'chets yecamquëñpa'cho'ña o'ch a'chencatonay coñcha'puetso all parraren tso'.

29-31 'Elloña te'pa' napa' o'ch notas: Chocmach seyemcha Yompor, po'ñoch ñapa' ñach secuanmpene'. Ama't otetollesha'pa'cho'ña chocma cohuanmpen. Ñehua, ama't yapa' yeñoteñ otetollpa' ama tama sherbeno. Ama't yepomatset epa otetollesha'pa' ñeñtpa' ama tsa'teyaye, e'ñe puetallarratolla centavo tsa'tena. Tarraña ama't atteñpa' ama't patrra otetoll amach rromo attoch shora'nom ñerra'm ama Sompor muenataye atet. Ñeñto'marña notenes: Ama't mameshapa' amach semcha'tatsto, Yomporcha'ña e'ñe seyemta. Atto atarr morrentenana otetollesha' elloña sapa' atarr nanac morrentensa. Ñehua, ama't allpon sechetollesha' allpon soño'tsen ñapa' e'ñe eñotennas.

Atto ama a' nasotpahuo Jesucristo acheñesho'mar
(Lc. 12.8-9)

32 'Elloña napa' o'ch noterrser: Allohuen ama't erra'tsencha' ñeñtcha' ama na' nasotenaye acheñeneshesho, napa'cho'ña Ñeñten Acheñetosetspa' amach na' nasoturranao naña Nomporeho all pue'ntaño. 33 Tarraña ñerra'm esesha' na' nasotenaya na arr patsro acheñeneshesho, napa'cho'ña na' nasoterranetcha' Nomporeho all pue'ntaño.

Atto Jesúspa' orrtatosan e'ñe ño'mar elloptanna'teñets
(Lc. 12.51-53; 14.26-27)

34 'Sapa' chate' sotenapañ añecop'te' nohuapa o'ch e'ñe cohuen namo'tstanna'tatera acheñenesha' arr patsro. Ñeñtpa' ama atteyaye. Añecpa'naña nohuapa allochñapa' e'ñe no'marpa' acheñenesha'ñapa' o'ch atta elloptanna'tyeset. 35-36 Ñehua, ñeñt noten te' ama't ñeñt e'ñe pamo'tsna'tarecmuet ñato' no'marach e'moñe'tannerret. Tarro'mar ñato' eñallcha' ñeñtcha' name'ñerraya, pamo'tshetñtapa' ñato' amach ame'ñerrneto. Ñeñto'marña notenes e'ñe no'marpa' ñato' puechemerpa' o'ch epatare'tenan pompor, ñaña ñato' puechyorpa' o'ch epatare'tenan pachor, ñaña ñato' ñeñt pa'to'ñen pen o'ch epatare'tenan ñaña pa'so'mue.

37 'Tarraña ñerra'm erra'tsencha' nemorrenterrayañ ñerra'm ñetña pompora atarr morrentenet ñamet pachoret ñeñña acheñerpa' ama e'ñeye' pocte' nenteñe attoch neyochresha' neperranet. Ñaña po'potantañ ñeñtcha' nemorrenterrayañ ñetpa'cho'ña ñerra'm puechemera atarr morrentenetpa' ñaña po'sñet ñeñtpa'cho'ña acheñerpa' ama e'ñeye' pocte' nenteñe attoch e'ñe neyochresha' neperranet. 38 Tarro'mar ñerra'm erra'tsen ama e'ñeye' sehuanmaye ñeñt atet muenenet e'ñe ñocueta attoch coterrnet e'ñe poc-tacma, nañapa' amach pocte' nenteñe o'ch neyochresha' neperranet. Ñeñtpa' añ toma'ntena atet ñerra'mrrate' cho sechechnen secorsoch alloch semue-roçhta samá. 39 Tarraña ñerra'm esesha' e'ñe aña e'nenet o'ch correna atomat attoch e'ñe coshenet arr patsro, ñetñapa' a'chencaterretcha' ñañeñeta. Tarraña ñerra'm esesha' e'ñe pocte' entene' o'ch es sehuanmuet nocop ñeñt

atet muenenet ñeñt e'ñe ñocpueta arr patsro ñeñtña acheñerpa' corretsach pocsheñeshocmañen e'ñe tayoteñ errponañohuen.

Ñeñtcha' apuerrey Yompor atoch atarr coshaterrey
(Mr. 9.41)

⁴⁰ Jesús'pa' alla oterranerr pueyochresha':

—Ñerra'm o'ch sahumanma, ñerra'm esesha'ch e'ñe cohuen sagapue' sa, ñetpa' na'naca'yeña aguënet e'ñe cohuen. Ñaãña ñeñt e'ñe cohuen naguëne' na, ñetpa' Nompore'naca'yeña aguënet ñeñt nellensene' na. ⁴¹ Ama't erra'tsena ñeñt e'ñe cohuen aguëne' ñeñt a'mtene' Yompor po'ñoñ tarro'mar ñapa' Yomporca'ye po'ñoñ a'mten, ñeñtña acheñer ñeñt e'ñe cohuen aguëne'pa' Yomporcha'ña apuerre' ñeñtcha' atarr coshaterre'. E'ñech attecma apuer ñeñt atet coshatenan ñeñt a'mtene' po'ñoñ. Ñaãña ama't erra'tsena ñeñt e'ñe cohuen aguëne' ñeñt e'ñe pocte' es orrtatyets Yomporecop tarro'mar ñapa' Yomporecopca'ye e'ñe pocte' es orrtatyen, Yomporcha'ña apuerre' ñeñtcha' atarr coshaterre'. E'ñech attecma apuer ñeñt atet coshatenan ñeñt e'ñe pocte' es orrtatyets Yomporecop. ⁴² Ñaãña añ ñeñt ama esoshe'maye' enteneto, erra'tsencha' apapue' ñeñtcha' orros tarro'mar ñapa' noca'ye neyochresha', ama't coñe'ta oñ apapet, napa' po'ñoçh o'ch notas, Yomporcha'ca'yeña apuer-rahuetña ñeñtcha' atarr coshaterrahuet.

11

Juan ñeñt apatañtatse'tpa' mueñan pueyochresha' Jesúsesho
(Lc. 7.18-35)

¹ Yeçhatuahuan Jesús pueyochresha' ñeñt çharrasheña ñeñt puechetsa epsheña atetcha' pa'yaset, allempoñapa' ahuo' ñaãña Jesús allot yeçhatysets; serrpare'tatyesan acheñenesha' all pa'netsreto.

² Añña Juanpa' allo'tsena all yottampeñet. Allñapa' o' e'mare'tan Cristo atet pa'yena, allenta mueñan pueyochresha' Jesúsesho. ³ Ñetña o' çhapuet allpa' atet otoset:

—Ñato' pate'ña ñeñtep e'ñe po'ñoçh Cristotets ñeñt atarr yecuen ahuatoteñ o'ch huapa. Ñerra'm amate' ñeñteyapepa' o'ch e'ñe potey allochñapa' añcha' yecua' po'psheñeñ ñeñtcha' huapatsa ñeñt e'ñe Cristo.

⁴ Jesúsñapa' anapanetpa' atet otapanet:

—Te'pa' o'ch ahuerres seserrpare'tatuercha' Juan ora allpon ñeñt atet sentyuesuennana' arr ñaãña ora allpon ñeñt atet se'myuesuennana' arr. ⁵ O'ch e'ñe seserrpare'tatuer ora ama't atto aporo'yeteçhnopa' te'ñapa' o' e'ñe necuatyesuerranet ñaãña ñeñt checa'repayetspa' te'pa' o' e'ñe chope'chyesuerret cohuen, ñaãña ñeñt a'ptsaresyen leprapa' te'ñapa' o' e'ñe a'cohuentataretetuerret ñamet, ñaãña ñeñt paquetnesha'çhnopa' ama't ñetpa' te'ñapa' o' e'ñe e'myuesuerret cohuen, ama't ñaãña ñeñt rromayets te'ñapa' o' alla atatantaretetuerret, ñaãña ama't ñeñt huocchaññesha'çhno te'ñapa' o' e'ñe neserrpare'tatuerranet añ cohuen ñoñets alloch qeshperret ñamet.

⁶ Jesúsñapa' alla oterranerr Juan pueyochresha':

—Ñaãña ellonetpa' o'ch sotuer Juan ñeñt atet notenes, atarr cosheñtso'tsen ama't allohuen ñeñt atarr neyemtenaya na, ñeñt ama e'nenaye po'psheñeñ ñeñtcha' coshaterrahuet.

⁷ Allempoña Juan pueyochresha'pa' o' ahuanerret. Jesúsñapa' alla serrpare'taterranerr acheñenesha' ñeñt atet pe't ahuaña Juan, ñeñtpa' atet otanet:

—Ahuaña allempo sete't amayo all serrpare'ten Juan, sapa' amaca' añecpaye' sete'teña all o'ch sentena' amuesma' atet a'yma'tateñ miorr. ⁸ Ñaña amaca' añecpaye' sete'teña all o'ch senteña' ñeñt atarr coñnesha'tetsa pa'shtam all, tarro'mar yeñoteñ amayopa' amaca'ye eñalleña all ñeñt atarr coñnesha'tetsa pa'shtam. Yapa' yeñoteñ arrña yentenña ñeñt atarr coñnesha' chorra'yenaya shetamuets añcha'taretepahuo. ⁹ Sapa' añecopca'yeña sete'tña amayo o'ch senteña' all ñeñt po'ñoçh a'mtene' Yompor po'ñoñ. Napa' o'ch notas: Juanpa' atto atarr sherbenan Yomporpa' ello metana'tuan allohuen ñeñt atto a'mtenet Yompor po'ñoñ. ¹⁰ Tarro'mar Juanpa' ñocop eñose't Yompor ahuat. Ñehua, allempopa' atet otne't na ñeñt atetcha' posa Juan nocop esempoch huapa, ñeñtpa' atet anaret ñoñets ahuatoteñ:

Papa' peñoche'pa'ch napa' o'ch nemñona'p puesheñarr ñeñt'cha' ñanom otatsa ñeñt'cha' pa'cohuentatyese' pocop allcha' poñmos.

¹¹ Ñeñto'marña na te'pa' e'ñe po'ñoçh atet notenes: Allohuen allpon acheñenesha' ñeñt eñalletetsa arr patsro ama't puesheñarra ama eñalleña ñeñt atarr sherbets atet ñerra'mrrate' Juan ñeñt apatyese'ye't ahuaña acheñenesha' Yomporecop. Tarraña ñeñt ama esoshe'maye' enteneto ama't mamesha, tarraña ñerra'm pueyochresha' peñ Yompor ñeñt pue'ntaño'tsen atto te'pa' ayochreshattena ña, ñeñtña acheñerpa' atarrca'ye sherben, ello metanenan atto atarr sherben Juan.

¹²⁻¹³ 'Tarro'mar añña ñoñets, Moisés po'ñoñ ñeñt atet anaret ñaña añ ñoñets ñeñt quellca'yese't ñeñt a'mta'yese'ye't Yompor po'ñoñ, ñetpa' ñeñtña serrpare'tete't attoch atarr ayochreshatterra Yompor tarremphua allempo orrtosa Juan. Ñaña allempoteñ serrpare'tatosanet Juan ama't teme'ttsen e'ñe po'huamencocma serrpare'tatyese't atet penaña Yompor po'cohuenña attoch ayochreshatterra ña ñeñt pue'ntaño'tsen. Ama't atsrre'mñañnesha'pa' e'ñe ñeñt atarr muenet pueyochromañen. ¹⁴ Ñaña ñerra'm po'ñoçh same'ñyañcha' Juanpa' ñaca'yeña Elíasoterrets ñeñt atarr secuén ñeñt'cha' sehuerroya. ¹⁵ Allohuenes ñeñtes ne'mñotene' neñoñ, çhaponasepa'chña seyoçhro ñeñt atet notenes.

¹⁶⁻¹⁹ Jesúsñapa' atet oterranerr acheñenesha':

—Ñehua, napa' o'ch neñotatas ñeñt atet pena patantarr acheñenesha' ñeñt yentyen te' ñeñt ama't errotena ama acshatpoteneto. Ñeñtpa' fariseonesha' atet petsa. Tarro'mar ama't allempo orrta Juan ñeñt apatañtate't ñapa' amarrane'te ñeñt yocrram yepen allohueney, ama orrane'te ñeñtecma yorren allohueney. Ñeñto'marña ñapa' çha sotyese't çho'te' chorreña oneñeñ; ama't e'ñe mameshapa' ama pocteye' señche'te. Te'ñapa' o' norrterra ñaña Ñeñten Acheñetsets. Napa' pa'namen nerra'yen ñaña norryen. Saña te'pa' atta sechoatse'tyenen maña atarro' arratsñafen ñaña atarro' orrarñafen napa' año'chña e'ñe neyemuetyena ñeñt atarr ochñañenesha' ñaña ashcarñañeçhno ñeñt atarr cobra'yene' acheñenesha' quelle. Tarraña ama't atet sepennoñpa' Nomporna e'ñe eñotene' ñeñt po'ñoçh atarr sherbets ñocop. Ñaña allohueney ñeñtey e'ñe puechemerasha' pohueney ñeñtey cotene' ña poctapña

yapa'cho'ña e'ñe yeñotuenña ñeñt' po'ño'ch atarr sherbets. Ñeñto'marña yorrtatyēññañ ñeñt' cohuen enten ña. Sañapa' ama't e'ñe mameshapa' ama acshatpahuoyayso, e'ñe attes ñerra'mrrate' cheshanesh'a' ñeñt' chocma po'poñ entanna'tuenet amach mueno o'ch yemtana all yellsheñen po'potantañ pacmachoresha' all plazo all shontena acheñenesha'. Ñetñapa' amach mueneñeto o'ch coshaprechet pacmachoresha'. Ñeñto'marña ñetpa' atto yellsheñenetpa' atet eteñet po'potantañ pacmachoresha': "Yapa' ama't o' yerequerca'hua allo yocshame'tenapa' sañapa' amaña seshe'ramñpenye; allotpa' ama't o' yepoctorare'tua ñeñt' ya'chpeñtsore'ch allo yellcanrrortenapa' sañapa' amaña sellcapretenyo."

Atto Jesús'pa' eños epo'mar anetsocop all ama ame'ñyeto

(Lc. 10.13-15)

²⁰ Allempoña Jesús'pa' cha muene' che'ptare'tyenan acheñenesha' all pa'netsreto all epaye' entatyenanet po'partsoña ahuañmo'choteñ. Ama't entatyenanetañ po'partsoña ñetñapa' ama es cotape'chenaye ello cohuen Yomporecop, ñeñto'marña allpa' cha muene' che'ptare'tyesanet. Ñeñtpa' atet otyesanet:

²¹ —Nanaccha' llequēñtso'tsa'yenes coraziño'marneshacha', nanaccha' llequēñtso'tsa'yenes saña betsaido'marneshacha'. Tarro'mar ama't atarr norrtatyennaseñ nepartsoña sesho, sañapa' amaña soctape'cherroña ello cohuen Yomporecop. Ñerra'm arrcha'ña norrtatañ nepartsoña tiro'marneshesho ñaña sidóno'marneshesho, ñetñapa' ahuatoteñe' cotape'cherretañ e'ñe cohuen Yomporecop. Ñetpa' attoch e'ñe orrtetañ cha llecatenanet po'chñaret, cotnashe'mach chorra'yetañ, tsapñach epachshema'tyenetañ all anorrcha'tyenet puellquēño'et. ²² Ñeñto'marña te'pa' notenes: Esemphuañen allempoch acrarretuerra allohuen acheñenesha'pa' tiro'marneshaha' ñaña sidóno'marneshaha' ñetñapa' amach tama a'coñchatare'tterretoña allempo. Coraziño'marneshacha' ñaña betsaido'marneshacha' saña allempopa' atarrcha' a'coñchatarefes.

²³ Ñaña sa capernaumo'marneshacha' chate' sotenapañ atto e'ñe cohuen sentyena sañeña, Yomporñapa' allentach a'tapaterres pue'ntañ. Ñeñtpa' amach'ye atteye' perrsoña Yompor, allach'ye huapore'terres o'pono coñcha'pue'tso all parraren tso'. Tarro'mar ama't atarr norrtatonaseñ nepartsoña sesho, sañapa' amaña semnoña o'ch soctape'cherr cohuen Yomporecop. Ñerra'm arrcha' ñanom norrtatañ ahuatoteñ nepartsoña sodomo'marneshesho ñetpa' allorocmate' cotape'cherretañ cohuen Yomporecop. Allempopa' amate' a'poyatatare'tterretañeña pa'netser. Orate' allo'tsenaraña. ²⁴ Ñeñto'marña te'pa' notenes: Esemphuañen allempoch acrarretuerra allohuen acheñenesha'pa' sodomo'marneshaha' ñetpa' amach tama a'coñchatare'tterretoña allempo. Capernaumo'marneshacha' saña allempopa' atarrcha' a'coñchatarefes.

Jesús'pa' atet oten, e'ñe same'ñeño'ten na, napa' na'huañamperrescha' ñeñt' atarr amuro'chtatañ sentyen

(Lc. 10.21-22)

²⁵ Allempoña Jesús'pa' ma'yochenana Pompor, ñeñtpa' atet oten:

—Na Apacha' o'ch na'ye'cho'chtatonap, papa' pa' ñeñte'p atarr ayochreshattetsa pe'ntañ ama't ñaña arr patso. Na'ye'cho'chtatonap tarro'mar ora añe'chno ñeñt' pecohuenña pepen, ñeñtpa' ama arreye' pe'chapateñe pueyo'chro ñeñt' atarr eñotañ entyetsa. Papa' aña pe'chapaten pueyo'chreto

ñeñt ama eñotañeye' entyetso. ²⁶ Tarro'mar Apa e'ñe pemuereñoñ ñeñtpa' atetña e'ñe pocte' penten pa. Arrpa' allohua ñeñt atet ma'yochenana Pompor.

²⁷ Jesús'pa' alla oterranerr acheñenesha':

—Nompör allohuen po'cohuenña e'ñe eñotatuenen. Na ñeñten Puechemerenpa' ama po'ñoç eseshaye' neñotenaye, ñapñaña Nompör e'ñe eñotenen. Nompörpa'çho'ña ama po'ñoç eseshaye' eñotenaye ñapñaña na ñeñten Puechemeren e'ñe neñoteñ Nompör, ñaña erra'tsencha' ñeñt e'ñe pocte' nenten na ñeñten Puechemeren ñeñtña'pa' o'ch neñotater Nompör. ²⁸⁻³⁰ Sehuacha'ta nesho allohuenes ñeñtes nene' seyoçhro ñeñt atarr amüeroçhtatañ sentyen. E'ñe same'ñeñoñen na, napa' na'huañamperrescha' ñeñt atarr amüeroçhtatañ sentyen. Napa' añcha'ña nenerrnas ñeñt amach'cha müeroçhtaterro; ñeñña sapa' e'ñech pocte' senteñ. Attoçña sapa' señotenen napa' atarr nemuerensa ama atsrre'moçhen entñeno ama't e'ñe puesheñarroçpa. Ama't e'ñe mamesha ama añeye' ne'nen ñeñt e'ñe nocpa. Attoçña e'ñe cohuen nocshatterres seyoçhro ama't e'ñe secamquëñohuen.

12

Allempo Jesús pueyochresha' taso'tam'pesyesnomuet trigo aña yetro allem-pocma amesen judionesha'

(Mr. 2.23-28; Lc. 6.1-5)

¹ Allempoña çherrerr pamtarr allempo çhocma amesen judionesha'. Allempoña Jesús'pa' arr oñem chetso'mar epuet pueyochresha'çhno. Allempo oñenet pueyochresha'ñapa' e'ñe pa'çhporrñofetpa' taso'tam'pesyesnomuet puechña'tets trigo o' rra'yenosmet. ² Fariseonesha'ña ñeñt entahuet atet pa'nmuetpa' ñetña'pa' allenta otyeset Jesús:

—Pecue'ñaca'yeña añ peyochresha' taso'tam'pesyesnomuet trigo; atet penet ñeñt ama pocteyaye o'ch atet ye'pa taruasats aña yetro tarro'mar te'pa' aña yetro ñeñt atet anaret ahuatoteñ allempocmach yamesen.

³ Jesús'ñapa' atet otanet:

—Sapa' ama'trra selleyareña ñeñt atet pa' ahuat David allempo cheporra'nma epuet ñaña allohuen ñeñt cotene'. ⁴ Ña allempopa' be'tosos Yompör pa'paclo allña'pa' rrosan pan ñeñt atma'ntataret atet ñerra'mrrate' ñeñt nenet all Partsocop. Ñehua, ñeñt panpa' ama pocteyayñe o'ch rros David ñaña ñeñt epuet. Ñeñtpa' añach ñapuet rrene' cornaneshachno; ñeñtpa' atet anauaret judioneshacop. ⁵ Ñaña ama't selleyareña ñoñets ñeñt atet anaret ñeñt Moisés po'ñoñ all oten atet pena ñaña cornaneshas' Parets pa'paclo. Ñehua, ñet püesherbeñoftetpa' ama ameseneto aña yetro allempocma yamesen. Ñetpa' ama't atet penetpa' Yompörña'pa' e'ñe pocte' entenanet. ⁶ Napa' o'ch notas: Napa' ñeñten arro'tsenen nanac neshherben ello neñtaneñ ñeñt atet sherben Parets pa'paquëll. ⁷ Ñehua, añ ñoñetspa' ñeñtña atet ote't Yompör ahuat: "Napa' ama e'ñe aña cohuen nenteno o'ch sapuunen sayara ñeñt semtsen nocop. Añe'ñaña atarr cohuen nenten o'ch semuereña allohuen samo'tsesha'." Ñerra'm çho çhennasañ seyoçhro ñeñt atet oteney Yompör, amach erro't sotatscheña ama't erra'tsena acheñer ñeñt e'ñe pocte' enten Yompör. ⁸ Ñeñto'marña te'pa' o'ch notas, na Ñeñten Acheñetosets ñeñten allsensareten, naca'yeña atet otets este' poctetsaña ñeñtcha' atet ye'pa aña yetro allempocma yamesen.

*Allempo Jesús'pa' a'crraterran ñeñt chelletsa pot
(Mr. 3.1-6; Lc. 6.6-11)*

⁹Metuerrerr Jesús allotpa' be'tosuerrerr judionesha' po'prahuo. ¹⁰Allñapa' allo'tsen puesheñarr yacma ñeñt čha chellena pot. Fariseonesha'ñapa' alenta a'p'to'chet:

—Añe yetro allempocma yamesenpa' ta'm ¿pocte'te' penteñ o'ch p'a'crrateñerr achen?

Tarro'mar atet a'p'to'teñet allochñapa' esheccha' otteñe'chet.

¹¹Ñaña'pa' atet otanet:

—Sapa' ñerra'm čho shora'nen ama't puemocarra secarrneror añe yetro allempocma yamesen, ama'tcha'ña allenta sechtere ama't ñeñte yetro allempo yamesen allohuene'y. ¹²Ñehua, achenpa' elloca'ye metanenanña ñeñt atto sherben carrnero. Ñeñto'marña napa' notenes e'ñe pocte' o'ch atet yepa ñeñt cohuentetsa ama't añe yetro allempocma yamesen.

¹³Allempoña Jesús'pa' atet otan yacma ñeñt chelletsa pot:

—Te'pa' o'ch notap'petapuerr p'ot.

E'ñe otue'pa' ñaña'pa' allentepa'tcha' tapuerran pot, e'ñe allorocma cohuenterra pot e'ñe attecmaterr ñerra'm po'pshenñtañot pot.

¹⁴Fariseonesha'ña čha'nmačherretpa' cotape'chatanna'tyesnerret, atarr o'pateñet Jesús attoch muetsatachet.

Atet ote't Yompor ahuat Jesúsocop

¹⁵Jesúsña eñotanetpa' ahuer allot. Shonte' acheneshachno cota'huanereter. Allohuen ñeñt atsnatyetspa' e'ñe a'crratyesuerranet.

¹⁶Atet otyesamet:

—Po'ño'ch amach esesha' sota'psa'tatsto napa' na ñeñfen Yompor Puechemeren.

¹⁷Ñehua, ñeñtpa' atet p'a allochñapa' attoch etsota Isaías po'ñoñ ñeñt a'ntaye't Yompor po'ñoñ, ñeñtpa' atet ote't Yompor Puechemerrecop ñeñtča' Cristoterrets:

¹⁸Añmapa' ñeñtča' atarr torrerrtsa nocop, ñapa' ñeñt nenen ñeñtča' atarr sherberrets. Ñapa' ñeñt atarr nemorrentena ñeñt e'ñe nocshatene'. Ñapa' ñach ahuamencat neperr necamquëñoñ, ñach eñotaterre' allohuen pa'namen achenesha' ama't ñeñt ama judioneshayaye. Añcha' eñotateranet ñeñt e'ñe cohuen ñoñets attochña e'ñe pocte' nentueranet.

¹⁹Ñapa' amach es otnare'tyerraneto ama't mameshapa' amach ama'to'chetyerro. Ama't mameshapa' amach che'thame'tyerraneto ama't allecma chopeñe'chyen achenesha'.

²⁰Ama't ñeñt muero'chetyetsapa' ñapa' e'ñech muererranet. Ñeñtpa' atetča' netma'ntacha ñerra'mrrate' ama't puecharra cho'ne'ch tsopa'ne'pa' ñaña'pa' amach čha a'meyatere. Ñaña' ñerra'm lampareñ čha muene' mayen ñeñtpa'cho'ña amach emayatere. Ñapa' amach čha es añcha'nochtana'tyerro, tarraña esempohuañenpa' e'ñech atta a'mchechatuerran ora allohuen ñeñt ama pocteye' enteno Yompor.

²¹Ñeñto'marña allohuen pa'namen acheneshachno ñachña e'ñe yemuetuerret. Arrpa' allohua huañ atet ote't Yompor ñeñt quellquë't Isaías.

Atto puesheña'tets oteñet Jesús ñapa' oneñeño' po'huamencot quechpatenanña po'potantañ oneñeñechno acheñenesha'
(Mr. 3.19-30; Lc. 11.14-23; 12.10)

²² Jesús'pa' alla huapaterrñañeterr puesheñarr yacma ñeñt' aporo'y'et ñeñt' chorrena oneñeñ' cha opanateñ. Jesúsñapa' a'crratap, ñeñt'ña opanerpa' o' alla eñorerra, ñaña o' e'ñe cohuen cohurr. ²³ Allohuenña acheñenesha'pa' atarr cohuanrrorteñet, ñetñapa' atet otyeset:

—Ñato' añte'ca'yeña David po'mreneñ ñeñt'cha' Cristotosets.

²⁴ Fariseonesha'ña allempo e'mare'chetpa' ñetñapa' atet otyeset:

—Atto quechpatatyenan oneñeñechno acheñenesha' añaca'ye ahuamencat pene' Beelzebú ñeñt' pompor pen allohuen oneñeñechno.

²⁵ Jesúsñapa' eñotanet ñeñt' atet cotape'chatse'tyenet pueyothreto ñocop ñeñt' atto otyeñet ñapa' oneñeña pompor po'huamencot quechpatatenan oneñeñechno acheñenesha'. Ñeñto'marña ñapa' atet otanet:

—Ñerra'm puesheñarr amcha'taret' elloptannena pa'cheñer e'ñe ñagattsetpa' e'ñech poctacma a'cllatanna'tuerret. Attecmach ñannerra ñeñt' parroyechtsa paterr anetso, ñerra'm cho elloptannenet e'ñe ñagattsetpa' ñeñt'ña atto huomencatenetpa' ñeñt'pa'cho'ña chachca'ye huañerrets. Attecmach ñannerra ama't ñeñt' e'ñe pamo'tsna'tarecmuet ñerra'm elloptannerret e'ñe ñagattsetpa' ñeñt'ña atto huomencatenetpa' ñeñt'pa'cho'ña chachca'ye huañerrets. ²⁶ Attecmach ñanna'ta ñaña oneñeñ' pueyochresha'chno ñerra'm oneñeñechno e'moñe'tannenet, ñerra'm huapore'tannenet e'ñe ñagattseta amach errotent' allo'na atarr huomencatenet. Po'ñoçh oneñe'pa' amaca'ye huapore'tanneno. ²⁷ Sapa' atet sotenen napa' Beelzebú' po'huamencot nequechpateññañ e'ñe ña pueyochresha', ñehua, te'pa' o'ch notas: Ñeñt' seyochresha' sepen sa ñeñt' eñotene' ñamet o'ch quechpatachet oneñeñechno acheñenesha', ñetpa'cho'ña amaña Beelzebú po'huamencoteye' quechpateñetoña oneñeñechno acheñenesha'. Ñetpa'cho'ña Yomporoña po'huamencot quechpateñetña oneñeñe. Ñeñt'ña o' eñotatas ñeñt' atet sotennoñ ñeñt'pa' amaca'ye po'ñoçh atteyaye. ²⁸ Po'ñoçhca'ye Yompor e'ñe Puecamquenoñ ñeñt'ña ahuamencat nepene' attoñ nequechpateñña oneñeñechno acheñenesha', ñeñt'cha'ña señotate' te'pa' o' nechapatonas Yompor po'cohuenña ñeñt' atto po'ñoçh atarr ayochreshattena ña.

²⁹ Ñehua, yapa' yeñoteñ ñeñt' atarr ahuamencattetsa atto atarr ahuamencattena oneñeñe, ñaña'pa' e'ñe po'huamencot cohuanmpesyen allohuen e'ñe cohuen ñeñt' pa'paquell' pa'yen. Tarraña ñerra'm esempo o'ch huapoña ñeñt' atarr ahuamencatesha' ñeñt'cha' metanose'ña po'huamenc atet ñerra'm na Nomp, ñeñt'cha'ña rromose' o'ch huancos, allochñapa' o'ch be'tosos all ñeñt' pa'paquell' pa'yen o'ch e'ñe puerratañpsos ñeñt' allpon o'patyena ña.

³⁰ Ñeñto'marña te'pa' o'ch notas allohuenes: Ñerra'm eseshas ñeñtes ama netorrapretenaye ñeñt'ña acheñerpa' chaca'ye epatare'tennan ñeñt' atet netorra'yena na. Ñeñt'pa' o'ch netma'ntatasa atet: Ñerra'm esesha' ama na'yapaçhapretenaye ñeñt' na'yapaçhen na, ñeñt'ña'pa' cha a'parratse'tañpenen a'yenet.

³¹ Ñeñto'marña te'pa' o'ch notas: Allohuen pa'namen sosya'tsañechno ñeñt' ama pocteye' enteno Yompor ama't ñaña achñare'tanna'teñets ñeñt'pa' apretna'po' nenteñ. ³² Ñaña ñerra'm esesha' nesesene' na

Ñeñften Acheñetosets ñeñtpa' apretna'po' nenteñ. Tarraña ñerra'm esesha' añ achm'are'teññañet Parets Puecamquëñ ñeñtñapa' amaca'ye apretna'pahuoye' nenteñe. Ñeñtpa' amach apretna'pahuoterro e'ñe tayoteñ erponohuañen.

Allohuen acheñ ñeñt e'ñe po'ñoç cohuen acheñer, ñetñapa' añcha' orrtatyenet ñeñt e'ñe cohuenare'
(Lc. 6.43-45)

³³ Ñehua, yeñoteñ allohuen acheñ ñeñt e'ñe po'ñoç cohuen acheñer, ñetcha'ña orrtatenet ñeñt e'ñe cohuenare'. Tarraña po'potantañ acheñenesha' ñeñt po'ñoç ama cohuenayaye ñetñapa' añach orrtatenet ñeñt ama cohuenayaye. Ñeñtpa' atetcha' netma'ntaterrsa: Ora allohuen ñeñt e'ñe cohuen narmetsoch pue'merpa'cho'ña e'ñech cohuenare'. Añña po'pchañ narmetsoch ñeñt ama cohuenayayepa' pue'merpa'cho'ña amach e'ñe cohuenayaye. Ñeñto'marña attoña yeñoteñ erra'tsente' ñeñt e'ñe cohuenare' narmetsoch ñaña ñeñt ama cohuenayaye narmetsoch, pue'merotña e'ñe yechme'tenanet. ³⁴⁻³⁵ Sapa' ama cohuenayayso. Cha sottena ñerra'm shechpa' e'ñe sompor sepen allohuenes. Ñeñto'marña amach errotenet señoso cohuen tarro'mar sapa' po'ñoçhpa' ama cohuenayayso. E'ñe atet atarr soctape'chatse'tyen seyoçhro ñeñt ama cohuenayaye, attotca'yeña señosatse'tyen. Ama't erra'tsena acheñer ñeñt e'ñe po'ñoç cohuen ñapa' añcha'ña orrtatyent ñeñt e'ñe cohuenare' cotape'chen pueyoçhro tarro'mar pueyoçhroña all cotape'chenan shonte' ñeñt e'ñe cohuentetsa. Tarraña po'poñ acheñer ñeñt po'ñoç ama cohuenayaye, ñapa'cho'ña añach orrtatyent ñeñt atet cotape'chen pueyoçhro ñeñt ama cohuenayaye tarro'mar pueyoçhroña all cotape'chenan shonte' pa'namen sosya'tsañ. Tarro'mar ñerra'm shonte' yoctape'chen yeyoçhro ñeñt cohuentetsa, ñeñtpa' e'ñech ñeñta cohuen yeserrpare'ten. Tarraña ñerra'm shonte' yoctape'chen ñaña yeyoçhro ñeñt ama cohuenayayepa' ñeñtpa'cho'ña e'ñech ñeñta yemnen o'ch yeserrpare'tyen. ³⁶ Po'ñoç napa' o'ch alla noterrser; esempohuañen allem-poch acaretetuerra allohuen acheñenesha'pa' allohuen ñoñets ñeñt atta otatse'tyen acheñenesha' ñeñtñapa' a'metatayeretcha'. ³⁷ Tarro'mar ñerra'm e'ñe cohuenare' seserrpare'tyen te' Yomporñapa' e'ñech pocte' entuerrnas señoñ allempo. Tarraña te'pa' ñerra'm tha señosatse'tyen ñeñtña señoñerpa' ñeñtachña secoñchatterre' allempo.

Atto Jesús'pa' otan acheñenesha' ñeñt ama cohuenaye' cotape'chetso ñetñapa' choçma e'nenet partsoteñets
(Mr. 8.12; Lc. 11.29-32)

³⁸ Allempoña allponsheña ñeñt atarr etsotayenayeyñ ñoñets ñeñt atet anaret epuet ñaña allpon fariseonesha' ñetña e'ñe puehquëñofetpa' atet ochet Jesús:

–Yapa' Maestrocha' yemneñ o'ch porrtatonay pepartsoña ñeñtcha' yeñotate' p'apa' po'ñoçhte' Parets Puechemerep ñeñtepte' Cristotosets.

³⁹ Ñaña'pa' atet otanet:

–Acheñenesha' ñeñt corra'yetsa te' ñetñapa' ama cohuenaye' cotape'chyeneto, ama aye'e' cosheneto Yompor ñeñto'marña ñetpa' e'ñe orrena otennet ahuo'ch norrtatanet nepartsoña. Tarraña amach es norrtataneto. Napa' añach paterr neñotatanet atet eñotatane't Jonás ahuat

nínivo'marnesha' allempo a'mítane't Yompor po'ñoñ. ⁴⁰ Ñehua, yeñoteñ Jonás allempopa' allo'tsena cacacotmo ma'pamuet, yeto ama't ñaña tsapo ñeñt añecmuen cac. Atetcha' neperra naña Ñeñfen Acheñetsets, napa'cho'ña nema'pamuetcha' o'pono e'ñe allohuanen patso, yeto ama't ñaña tsapo. Ñeñtcha'ña eñotaterrahuet atet penaña ñeñt huetsa Yomporoshot. ⁴¹ Tarro'mar ahuat allempo serrpare'tatane't Jonás nínivo'marnesha', ñetñapa' allempocma cotape'cherret e'ñe cohuen Yomporecop. Te'ña arr seshopa' allo'tsenen na ñeñfen ello metanene' ñeñt atet serrpare'tate't Jonás. Tarraña sañapa' amaña soctape'chenoña ello cohuen Yomporecop. Ñeñto'marña esempohuañen allempoch acraretetuerra allohuen acheñenesha' ñeñtña nínivo'marnesha' ñeñt e'ñe cohuen cotape'cherrets Yomporecop ahuat, ñetpa'cho'ña orrterretcha', ñeñtcha'ña señotaterre'ña sapa' ama't mameshapa' ama pocteyayeña ñeñt atet sepa'yese't tarro'mar ama soctape'cherro ello cohuen Yomporecop. ⁴² Ñaña te'pa' o'ch neyerpatasa ñeñt atet pa ahuat pusesheñarr coyanesha' ñeñt amcha'tarettatset atarr bachayo allohuanen pats sa'ponet. Ñeñtña coyanesha'pa' alloteñ on o'ch e'mñotenana' Salomón puseserrpareñ ñeñt atet atarr eñotañte't. Te'ña arr e'ñe seshopa' allo'tsenen ñeñfen pusesheñarrana ñeñfen atarr es neñoten naña, ello neñtaneñ atto eñotañte't Salomón. Tarraña sañapa' amaña es sotapoteno. Ñeñto'mar esempohuañen allempoch acraretetuerra allohuen acheñenesha', ñeñtña coyanesha' ñeñt e'ñe cohuen e'mñotatset ñapa'cho'ña orrterrach, ñeñtcha'ña señotaterre' sapa' ama pocteyayeña ñeñt atet sepa'yese't tarro'mar sapa' ama es same'ñe'te ama't e'ñe mamesha.

Atto Jesús'pa' eñotatanet ñato' oneñe'pa' o'ch alla chorrerranerr acheñ allot cha'nom ahuaña

(Lc. 11.24-26)

⁴³⁻⁴⁵ 'Ellonetpa' o'ch alla neñotaterriserr po'poñone't ñeñtcha' atet a'paretterra acheñenesha' ñeñt te'pa' ama e'ñeye' cohuen cotape'cheneto Yomporecop. Ñehua, oneñe't ñerra'm esempo cha'nom acheñenesesho't, ñeñtña oneñe'pa' o'ch auyes erraparen ama't amayo'mar e'nyese' po'psheneñ allcha' ye'cherrerr allcha' e'ñe amesurrerr cohuen. Tarraña ñerra'm amach erra eñche'pa' atteñapa' o'ch ot: "Napa' o'ch alla ahuerren nepaclo allot necha'nom ahuaña." Atetcha'cho' pa. O'ch alla ahuer allot cha'nom ahuaña. Allña o'ch cherrpa' e'ñech cohuen entuerran pa'paquell, e'ñech cohuen atarrapo'tuaret, e'ñech cohuen añño'tyesaret, tarraña amach eseshaye' ye'chetso all. Allempoñapa' o'ch alla ahuer allot'sa'yen pamo'tsesha'pa' o'ch enana' po'poñ can'cherrsheña oneñe'fe'chno ñeñt nanac sosyare', ñeñt ello metana'tuene' ñeñt atet sosyaten ñeñt hua'ñene' o'ch ye'chaprecha. Allohuenetpa' o'ch chorreñet ñeñt acheñer. Allempoña tsapatonetpa' allo'nach sen ñeñt acheñer sosyatnomuets huomenc. Elloch metanerran ñeñt atet patse'tyese't ñenma't. Po'ño'chcha'ca'ye atet perraña acheñenesha' ñeñt te'pa' ama e'ñeye' cohuen cotape'cheneto Yomporecop.

Allempo huapoña Jesús pachor ñaña pa'mo'nasheñnesha'

(Mr. 3.31-35; Lc. 8.19-21)

⁴⁶ Allempo atet eñorana'tenana acheñenesha'pa' o' huapa Jesús pachor epuet ñaña pa'mo'nasheñnesha'. O' chapuet allpa' ñetñapa' alla tom'chenet

a'yot. Añ muenenet ahuo'ch serrpare'tatoset. ⁴⁷ Allempoña puesheñarrpa' atet otan Jesús:

—O'ca'ye huapaña p̄achor ñaña pemo'nasheñesha'. Ñetpa' a'yote'tsa'yenet, mueneñet o'ch serrpare'tatoset.

⁴⁸ Ñaña'pa' atet otan ñeñt' otene':

—¿Ama't seño'teñe ñeñt' e'ñe po'ño'ch nachor nepen ñaña ñeñt' e'ñe po'ño'ch nemo'nasheñ nepen?

⁴⁹ Allempoña'pa' yochan pueyochresha'pa' atet otanet:

—Napa' aña'yeña ñeñt' e'ñe po'ño'ch nachor nepen ñaña ñeñt' e'ñe po'ño'ch nemo'nasheñesha' nepen. ⁵⁰ Ñehua, ama't erra'tsena ñeñt'cha' e'ñe atet pohuene' ñeñt' atet muenen Nomp'or ñeñt' pue'ntañ'o'tsen ñeñt'ca'yeña e'ñe po'ño'ch nemo'nasheñ nepen ñeñt'ña noch nepen ñeñt'ña nachor nepen.

13

All toma'ntatanet Jesús ñeñt' a'parre'tene' puerets
(Mr. 4.1-9; Lc. 8.4-8)

¹ Ñeñte yetropa' cha'nerrerr Jesús pocoltopa' anorruerr sa'patopño.

² Allñapa' emchorra'huererr shonte' acheñesha' ñeñto'marña Jesús'pa' a'tap noñtopa' ahuañpes mame' allpononet allñapa' anorros noñto. Acheñesha'ña allohuenetpa' alla tom'cha'tet sa'patopño. ³ Allñapa' esocmañen ye'chatyenan acheñesha' pa'namen toma'nteñtso'chno. Ñeñt' ñanompa' atet otanet:

—Ñeñt'ña a'parrene' puerets ñaña'pa' ahuo' allcha' a'parre'tyenana' puepue. ⁴ All a'parre'tyeñ patanta'tetsñapa' alla chapyes toño'mar. Allñapa' huacha'tyesa ot e'ñe aña'yallmechuenana' puerets. ⁵ Po'poñe'chnoñapa' alla chapyes mapuetro'meso'mar all ama tama eñalle pats. Ama nanac o'pono'tseno patso ñeñto'marña mametollapa' cheparesuañ. ⁶ O'ña enome'ta'muen atsrretpa' alla a'uyatuer. Ama er'cha'tena' ñeñto'marña alla hueya huerra. ⁷ Po'potantañña puerets'pa' alla chapyes allcha' chepares aj. Allpa'cho' mameshapa' cheparesuañ'pa' ajñapa' mameshapa' atesha'tua alla ca'matuerrañña narmets alla a'cllatuer. ⁸ Po'potantañe'chno ñeñt'ñapa' arr chapyes all e'ñe cohuen patso. Ñeñt'ñapa' e'ñe cohuen chepares. Allempoña atesha'tuapa' ñeñt'ñapa' atarr aton ellom're'tyes—puecha'tetspa' charroch charra' pue'llomer; po'pchañe'chnopa' pechapoch charra' pue'llomer; po'pchañe'chnopa' ma'poch charra' pue'llomer.

⁹ Allempoña Jesús'pa' alla otterraneterr:

—Ñeñtes po'ño'ch ne'mñotene', chaponasepa'ch seyo'chro ñeñt' atet netma'ntatensa añ ñoñets.

Atet otanet Jesús ñeñtecop atet toma'ntatyanet
(Mr. 4.10-12; Lc. 8.9-10)

¹⁰ Allempoña'pa' ponemña pueyochresha'pa' atet otoset:

—¿Eso'mare'tña peserrpare'teño'pa' atta es petma'ntatyanet?

¹¹ Jesús'ñapa' atet otterraneterr:

—Sa te'pa' Yomp'orña o' muenaterres attoch seño'terr ñeñt' ama eñotpahuoyaye ama't ahuatoteñ ñeñt' atet penaña Yomp'or po'cohuenña atto ayochreshattena ña pue'ntañ'o'. Tarraña po'potantañe'chnoñapa' ñeñt' atta es pue'cha'yetsa, ñocpuetñapa' amach erro'tenot eñoterrñañeto Yomp'or po'cohuenña. ¹² Esesha'te' o' cherranet pueyoch'reto ama't e'ñe allpona

Yompor po'ñoñ elloña Yomporpa' allo'nach eñotatnenanet nanac shonte'. Tarraña esesha'ña ñerra'm ama çhenaneto pueyoçhro tarro'mar ñetpa' ama po'ñoçhaye' aguëññañeto Yompor po'ñoñ, ama't allpon eñotyenetañ pueyoçhro ñeñña'pa' çhach puerratanperranet Yompor. ¹³ Ñeñto'marña ama't neserrpare'tatenanet toma'nteñso, ñocpuetña'pa' ama eñoteñetoña ñeññ atet netma'ntatenanet. Attoña ama't enteñetañ, ñetña'pa' ama amnataretteneto o'ch es çhaphahuet pueyoçhreto. Ama't e'mueñetañ amaña çhenanetoña pueyoçhreto ñeññ atet yeçhateney Yompor po'cohuena. ¹⁴ Atet penet ñetpa' te'ña'pa' po'ñoçh o' etsotua Isaiás po'ñoñ ñeññ a'mtaye't Yompor po'ñoñ ahua't. Ñeñña'pa' atet ote't Yompor:

Ama'tcha' po'ñoçh e'mueñetañ ama't e'ñe ahuatapa' amach çhapanetoña pueyoçhreto. Ñaña ama'tcha' çho e'ñe es entenetaña'pa' amach çhapanetoña pueyoçhreto.

¹⁵ Tarro'mar ñeññ acheñenesha' te'ña ñet pueyoçhretopa' nanac echarrtenet attoçhña amach es çhenahueto pueyoçhreto. Te'ña ñetpa' amach mueneñeto o'ch es e'mñotet taye'to'te' es çhenahueto pueyoçhreto. Te'ña'pa' amach mueneñeto o'ch es entet taye'to'te' çharranet pueyoçhreto. Attoçhña amach es cotape'cherreto nocop ama't e'ñe mamesha attoçhña na'qeshpaterranetañ.

¹⁶ Allempoña Jesús'pa' alla oterranerr pueyoçhresha':

—Saña po'ñoçhpa' atarr cosheñso'tsenes sa tarro'mar atto o' senterrñañ Yompor po'cohuena seclloyot te'ña'pa' o' e'ñe çhernasa seyoçhro. Ñaña atto se'muerrñañ Yompor po'ñoñ, te'ña'pa' o' e'ñe çhernasa seyoçhro.

¹⁷ Po'ñoçhca'ye notenes e'ñe ahuatoteña'pa' shonte' ñeññ a'mta'yese't Yompor po'ñoñ ama't ñaña ñeññ e'ñe pocte' es pa'yestse't allempo, ñetña'pa' atarr muenetañe't o'ch enterrñañetañ Yompor po'cohuena ñeññ o' senter sa te'. Tarraña allempo ñetpa' amaña eseshaye'ña enterrapaye Yompor po'cohuena. Ama't atarr muenetañe't o'ch e'mñoterrñañet Yompor po'ñoñ ñeññ o' se'muerr sa te'. Tarraña allempo ñetpa' amaña eseshaye'ña e'muerrapayeña Yompor po'ñoñ.

Arrpa' all eñotatanet Jesús ñeññ toma'ntatenanet ñeññ a'parre'tene' puerets (Mr. 4.13-20; Lc. 8.11-15)

¹⁸ Jesús'ña'pa' alla oterranerr pueyoçhresha':

—Ñeñto'marña te' sapa' se'mñoten o'ch neñotatas ñeññ atet yeçhateney ñeññ atet o' netma'ntatua atet ñerra'mrrate' pueheñarr ñeññ a'parrene' puerets. ¹⁹ Ñehua, añ puerets ñeññ çhapyesets toño'mar, ñeñña'pa' añ notenes acheñenesha' ñeññ e'mñotenayeñ Yompor po'ñoñ ñeññ atto ayochreshattena ña. Ama't e'mñotenetañ tarraña ama çhenaneto pueyoçhreto ñeññ po'ñoçh atet otene't Yompor. Ñeñto'mar allorocmach huapa oneñe'pa' o'ch alla puerratanperranet Yompor po'ñoñ e'ñe pueyoçhretot. ²⁰⁻²¹ Ñaña ñeññ çhapyesets mapuetro'meso'mar ñeñña'pa' añ notenes acheñenesha' ñerra'm esempo e'mñoteññañet Yompor po'ñoñ e'ñeçh allorocma pocsheñesha' aguëññañetañ Yompor po'ñoñ. E'ñeçh cohuen ame'ñeretañ tarraña ñeñña'pa' mamecpach atet penet. Tarro'mar ñetpa' e'ñe atet penet ñerra'mrrate' narmets ñeññ chepuets mapyo amach eñalle pueretçh. Tsapatonetña ñerra'm o'ch huapanet topatene'ts ñeñña' muerotçhatahuet tarro'mar ñetpa' o' ame'ñeretañ Yompor po'ñoñ, ñetña'pa' allorocmach alla queçhpuerretña Yompor po'ñoñ. ²² Ñaña puerets ñeññ çhapyesets ajmo'mar, ñeñña'pa' añ netma'ntatena po'potantañ acheñenesha' ñeññ e'mñotenayeñ Yompor po'ñoñ.

Ama'tcha' çhapanetañ pueyoçhreto, tarraña ñetpa' allo'nach senet e'ñech aña atarr cotape'chenet ñeñt lleca'yenet arr patsro ñeñt e'ñe ñocpueta. Añach muenenet o'ch esocmañen es echyenet, tarraña ñeñtpa' çhaca'ye shequënanet. Attoña ñetpa' amach errotent orrtatyesñañetoña ñeñt e'ñe cohuen enten Yompor. Ñetpa' e'ñe atteta ñerra'm narmets ñeñt çha a'çllaten ajma' ñeñfo'marña amach errotent me'teneto o'ch ellonñre'tyaset. ²³ Ñaña añ puerets ñeñt çhapyesets e'ñe cohuen patso ñeñt e'ñe cohuen cheparsatspa' ñeñña toma'ntenaya po'potantañ acheñenesha' ñeñt e'mñotene' Yompor po'ñoñ, ñoñetspa' e'ñech cohuen çhenanet pueyoçhreto. Ñetñapa' ñeñfet po'ñoçh orrtatyenet ñeñt atarr sherbets Yomporecop. Attoña ñetpa' e'ñe atet penet ñerra'm narmets ñeñt atarr aton ellonñre'tyets—pate'tets çharroch çharra' pue'llomer, po'poñpa' pechapoch çharra' pue'llomer, po'poñpa' ma'poch çharra' pue'llomer.

Atto Jesúsapa' toma'ntaterranet atet pena ñeñt a'parre'tene' ta'tillom e'ñe all a'parraret cohuen trigo

²⁴ Allempoña Jesúsapa' alla toma'ntaterraneterr, ñeñtpa' atet oterraneterr: —Yompor po'cohuenña ñeñt atto te' ayochreshattena ña pue'ntañof, ñeñtpa' atet pena ñerra'mrate' puesheñarr yacma ñeñt a'parrene' cohuen puerets pa'mro. ²⁵ E'ñe cohuen a'parre'tuepa' tarraña allempo manrenet allohuenet, e'ñe't a'nahua huapa ñeñt e'moñe'tene'pa' allñapa' ahuo't a'parre'tyesuenana' ta'tillom e'ñe all a'parraret cohuen trigo. Ahuo'tña a'parre'tueña'pa' o' ahuer a'nahua. ²⁶ Narmetsñapa' o' cheparesua o' me'tyesuapa' allempoñapa' entet ñaña ta'te' o' chepares epuet trigo. ²⁷ Allempoñapa' huaçha'ta pamo'mte' pa'taruasañer, ñetñapa' atet otoset: “¿Ama't, Nomporca' cohuenaye' pa'parrenoña puerets pa'mro? Errotentouañaca'ye o' chopña ñaña ta'te' all.” ²⁸ Ñaña'pa' atet otanet: “E'ñeca'ye cohuen na'parrañña nepuer all. Ñeñt ne'moñe'tene'pa' ñeñte'ca'yeña o' atet pa'mpsen.” Pa'taruasañerña'pa' atet ochet: “¿Ama't pemno o'ch ahuey o'ch ya'mare'tuerra'ña ta'te'?” ²⁹ Ñaña'pa' atet otanet: “Amachca'ye sa'mare'tatsche te't çha sa'marampennan netrigo. ³⁰ Allepa' chepuepa' epuet. EsemPOCH pomella'hua trigopa' allempochña noch ñeñtcha' a'yapaçhe' trigo: Ñanomcha' añ sa'yapaçha' ta'te' o'ch sehuancaçhmech atoch ya'poyatater. Sehuanca'huepa' çhoscha'ña a'yapaçhe'ña ñaña trigo o'ch sañño'teña' allecma neshontateñ.”

*Atto Jesúsapa' toma'ntaterranet atet pena pue'llomer ñeñt otenet mostazl-
lom*

(Mr. 4.30-32; Lc. 13.18-19)

³¹ Allempoña Jesúsapa' alla oterraneterr:

—Añ Yompor po'cohuenña ñeñt atto ayochreshattena ña pue'ntañof, ñanompa' e'ñech puesheña'tsa ame'ña'yetsa. Allempoteñña'pa' allo'nach sen atonetnomtsa ñeñtcha' ame'ñerrtsa atochña e'ñe epa'huerra erracmañen Yompor po'cohuenña.

Ñeñtpa' añ toma'ntaterraneterr mostazllom:

—Ñeñña pue'llomretollpa' puesheñarrña'pa' o' anem pa'mro allcha' nare'teña'. ³² Ñehua, e'ñe yeñoteñ mostazllom ñeñtpa' atarrca'ye nanac añefolleshallmerr, tarraña ñerra'm o'ch yenare'çhpa' allempoña choppa' allo'nach sen rrorranmats cohuen, atarrchetnomuets, elloch metana'tuan

po'pchañ narmetsočno. Ñeñña narmetsocherpa' o'ch huacha'toña otečno ñeñcha' ama'tanatyosets pueta'cro'mar.

Atto Jesús'pa' toma'ntaterranet ñeñi' atet pena chase'

(Lc. 13.20-21)

³³ Jesús'pa' alla serrpare'taterraneterr ellonet ñeñi' atet pena Yomp'or po'cohuenña ñeñi' atto atarr ayochreshattena ña pue'ntañof. Ñeñtpa' ama'tcha' añefolla ñeñcha' ñanom orrtatsa tarraña e'ñe ña po'huamencot mame'tollapa' o'ch e'ñe epa'hua ora erraparen. Ñeñtpa' añ toma'ntaterraneterr atet pena chase':

—Ñeñi' chase'pa' allo tsetenan coyanesha' harina' ñeñi' oñtsetstaten attoch a'chasatan harina' esheccha' e'ñe a'muesatue. Ñeñña chase'pa' ama'tcha' añefolla net, ama'tcha' aton harina' ñeñi' ma'pa arrega, mame'tollapa' o'ch e'ñe a'muesatuanña ama't atarr aton harina'.

Jesús'pa' ora allpon ñeñi' atet ye'chatyenan acheñenesha' ñeñtpa' attoña pa'namenot es toma'ntatyenanet

(Mr. 4.33-34)

³⁴ Ora allpon ñeñi' atet ye'chatenan Jesús' acheñenesha', ñeñtpa' atto es toma'ntatyenanet. Allempopa' ama serrpare'tataneto e'ñe atta, chocmaña serrpare'tatanet toma'nteñtso. ³⁵ Attoña o' etsoterra ñeñi' atet ote't ñeñi' a'mtaye't Yomp'or po'ñoñ ahuat ñeñi' atetcha' ye'chaterr Cristo:

Napa' neñrrcha' e'ñe toma'nteñtso; na'poterrcha' ñeñi' ama'potareteyaye ama't ahuatoteñ allempoteñ Yomp'or ye'chcatan añ patser.

Atto Jesús'pa' eñotaterranet ñeñi' atma'ntatarettsa ta'tllom' epuet trigo

³⁶ Allotña Jesús'pa' sa'nman acheñenesha'pa' o' çherr pocollo. Allña huacha'toña pueyochresha'pa' atet otoset:

—Te'pa' o'ch potey e'ñe eñotöchen ñeñi' toma'ntena ta'te' ñeñi' chepuets pa'mro.

³⁷ Ñañapa' atet otanet:

—Ñeñi' nare'tene' e'ñe cohuen pueretspa' ñeñtpa' naca'ye Ñeñten Acheñetosets. ³⁸ Ñeñi' na'muer nepenpa' ñeñtca'yeña añe patser. Ñeñi' cohuen pueretspa' ñeñtca'yeña Yomp'or pueyochresha' ñeñtcha'ña çherrets all añcha'tarettena Yomp'or. Ñeñi' ta'te'pa' ñeñtca'yeña oneñet pueyochresha'.

³⁹ Ñeñi' e'moñe'tene' ñeñi' nare'tam'pse' ta'te' ñeñtca'yeña oneñet pompor. Esem'poch çherr allempoch pomella'huapa' ñeñtpa' añ toma'ntena allempochña mellapoterra. Ñeñtcha'ña a'yapaçherrettsa' ñeñtca'yeña mellañoteñnanesha' ñeñtcha' huacha'tsa entot. ⁴⁰ Atet apchenet ta'te' te' o'ch a'poyatachet tsopa' atetcha' perrñañetña oneñet pueyochresha'čno allempoch mellapoterra. ⁴¹ Ñehua, na Ñeñten Acheñetosetspa' nach mueñerre' nemillañoteñnanesha' ñeñtcha' a'yapaçha'tuerre' allohuen ñeñi' cotape'chatyenuet sosey ñaña allohuen ñeñi' e'ñe añe etsotayen patpareñ. Arrotcha' a'yapaçharetterra allo'tsa'yen ñaña Yomp'or pueyochresha'čno, ama't e'ñe all ayochreshattena ña. ⁴² O'ch e'ñe a'yapaçharetuerretpa' allempochña asprrotaretet o'pono all huorten tso'. Allña'pa' allcha'yahuanrrorteret, panmueñotet atserrpa' rraso'tyerretcha' pa's.

⁴³ Allempoña allohuen ñeñi' e'ñe pocte' es pa'yets ñetña'pa' poptetsetach e'ñech attet ñerra'm atsrret. E'ñech cohuen popuetyenet all añcha'tarettena ñeñi'

pompör penet. Allohuenes ñeñfes ne'mñotene' neñoñ çhaponasepa'chña seyoçhro ñeñf atet notenes.

Atto Jesús'pa' toma'ntaterraneterr shonte' quelle ñeñf e'potarettetsa patso

⁴⁴ Po'pocheño Jesús'pa' alla toma'ntaterranet po'poñonef. Ñeñtpa' añ toma'ntatanet Yompör po'cohuenna atto atarr ayochreshattena ña, ñeññapa' atarr aye'chochen. Ñeñtpa' atet toma'ntatanet ñerra'mrrate' shonte' quelle ñeñf e'potarettetsa e'ñe patso. Ñeñña quelle puesheñarr yacmapa' machayotach entos. O'ña entuepa' o' alla pampa'ner ñañapa' o' ahuer e'ñe pocsheñesha' allenta pomhuahuerran ora ñeñf allpon echyen allochñapa' attoch echan quelle alloch rañferrana ñeñf patser allo'tsen quelle. Attochña ganam'perrana atarr shonte' quelle ñeñf atarr ye'chena.

Atto Jesús'pa' toma'ntaterraneterr ñeñf atarr coçhnesha' serets

⁴⁵ Po'pocheñopa' atet toma'ntaterraneterr:

—Yompör po'cohuenna atto atarr ayochreshattena ña ñeñtpa' atarr aye'chochen atet ñerra'mrrate' ñeñf atarr coçhnesha' serets. Puesheñarrña ñeñf pomatsre'tyetsa ñeñtach atarr e'nyen ñeñtcha' raña. ⁴⁶ Pam'tarrñapa' entosan serets ñeñf atarr nanac coçhnesha' ñeññapa' atarr tsa'te'. Ñañapa' allentach ahuer o'ch pomhuahuerran ora ñeñf allpon echyen allochñapa' attoch echan quelle alloch rañferrana serets ñeñf atarr nanac coçhnesha'.

Atto Yompör po'cohuenna e'ñe atet pena ñerra'mrrate' añecmuen terraya

⁴⁷ Jesús'pa' alla toma'ntaterraneterr; ñeñtpa' atet otanet:

—Yompör po'cohuenna atto atarr ayochreshattena pue'ntañof ñeññapa' e'ñe atef ñerra'mrrate' terraya añecmuen. O'ch terrayet sa'popa' o'ch e'ñe ap'cha'huan allohuen pa'namen cacachno. ⁴⁸ Ñerra'm o'ch e'ñe chorra allemponapa' o'ch chetam'peret to'ñaso, o'ch anorr'cha'tet allcha' acret ñeñf e'ñe cohuenare' ñeñtcha'ña esha'tanatet puecañtro. Ñeñña ama cohue-nayayepa' o'ch saprochet. ⁴⁹ Ñeñtpa' atetcha'ca'ye perraña allempoch mel-lapoterra. Cha'nma'cha'tcha' mellañoteñesha' ñeñtcha' ellopa'tetstaterre' ñeñf atsrre'mñafnesha' ña'ña ñeñf e'ñe pocte' es pa'yets. ⁵⁰ Ñeñña at-srre'mñafnesha'pa' huapore'teretcha' o'pono all huorten tso'. Allñapa' allcha' yahuanrrorterret, panmueño'fet atserrpa' raso'tyerretcha' pa's.

Attoch e'ñe cohuen yorrtatyen cotapñats ñeñf ahuatoteñ atarr sherbets ña'ña attoch e'ñe cohuen yorrtatyen cotapñats ñeñf e'ñe etserra atarr sherbets

⁵¹ Allempoñapa' allenta a'p'to'tanet:

—¿Eñotoçhena't sentenña allohuen ñeñf atet notyenes?

Ñeñtpa' atet ochet:

—Eñotoçhena'ye yenteñ.

⁵² Allempoñapa' atet otanet:

—Ñeño'marña ama't allohuen erra'tsen ñeñf atarr etsotene' ñoñets ñeñf atef anaret ahuatoteñ, ñerra'm elloña ayçhatarettet ñamet ñeñf atef pena Yompör po'cohuenna atto atarr ayochreshattena ña, ñeñña acheñer atar-rcha' cohuen orrtatanen cotapñats ñeñf ahuatoteñ, elloña cohuencha' or-rtaterran ña'ña ñeñf e'ñe etserra cotapñats. E'ñech atef pena ñerra'mrrate' ñeñf apacllatesha'. All año'tyenan ñeñf atarr morrentena errotenopa' o'ch orrtatanen ñeñf errete' año'ten all; errotenoñapa' o'ch orrtatyenan ña'ña ñeñf año'ten ahuatoteñ all pa'paclo.

Allempo serrpare'tatan Jesús acheñenesha' all Nazareto
(Mr. 6.1-6; Lc. 4.16-30)

⁵³ Serrpare'tatuanet Jesús ñeñ atet toma'ntatyesanet, ñaña'pa' ahuerrerr allot. ⁵⁴ Cherr pa'nyo all Nazareto yechatuerraneterr all po'prahueto. Allña'pa' nanac cohuanrrorteñet, atet otyeñet:

—Ñapa' errahuañaca'yeña eñotanña ora allohuen ñeñ atet pa'yena. Esha'huañaca'yeña eñotatene'ña attot orrtatena partsoteñets. ⁵⁵ Ñapa' aña puechemer ñeñ po'taruas pene' o'ch torrenana tsach attoch es yechcatyen pa'namen. Pachorpa' aña María. Pa'mo'nasheñpa'cho'ña aña Jacobo, José, Simón, Judas. ⁵⁶ Allohuen po'chanesha'pa' e'ñeca'ye yechme'tuenanet parro'marneshayarramche'. Ta'm ñaña'pa' errotentotte'ña atarr es eñotyen.

⁵⁷ Ñeño'marña all e'ñe ña pa'nyo ama eseshaye' acua'penaye entenaye. Allempoña Jesús'pa' atet otanet:

—Ñeñ a'mtene' Yompor po'ñoñpa' chocmaca'ye amcha'na'tpo' entyeñña allohuen acheñenesha', arrña pa'nyo allo'tsen e'ñe ña pamo'tsna'tarnesha' ñetñapa' ama acua'penaye' enteñeto. Ama't ñaña ñeñ parro yechenet pa'pacleto, ñetpa'cho'ña ama acua'penaye' enteñeto.

⁵⁸ Ama ame'ñeñeto ñeño'marña allpa' ama atonocheye' orrtataneto po'partsoña.

14

Allempo e'ñe cohuen es orrtatyes Jesús, Herodesña'pa' cha otapañ Juanañte' o' tanterra ñeñ apataye't acheñ Yomporecop
(Mr. 6.14-29; Lc. 9.7-9)

¹ Allempoña amcha'taret Herodespa' e'mare'tenan atet pa'yena Jesús. Ñehua, Herodespa' all amcha'tarettena anetso Galileo. ² Allempoña'pa' atet otan ñeñ sherbene':

—Añepa'tca'yeña Juanañ ñeñ apataye't acheñ Yomporecop; ta'mca'ye chate'ca'ye tanterraña rromot. Ñeño'marte'ca'yeña te'pa' orrtaterranña partsoteñets.

³ Ñehua, allempopa' ahuañmo'chacma rrematenana' Juanañ o' huan-cachpa' allña yottam'psach attoch coshatan Herodías ñeñ pa'mo'nasheñ Felipe puetapor. ⁴ Tarro'mar Juanañpa' ña otaye't Herodes:

—Amaca'ye pocteyaye o'ch peyoram'pes pemo'nasheñ puetapor.

⁵ Ama't atarr mueneñ o'ch muetsatacheñ e'ñe allempocma tarraña Herodespa' mecha'tenan acheñenesha' ñeño'marña ama eshcaye' muetsatache. Tarro'mar acheñenesha'pa' e'ñe cohuen enteñet Juanañ atet ñerra'mrrate' ñeñ a'mtene' Yompor po'ñoñ. ⁶ Allempoña coshame'tapreteñet Herodes allempo eñalletña allña'pa' o' tancsosa Herodías puechoyor. ⁷ Herodesña'pa' ñeñ atarr cohuen ent. Ñeño'marña och:

—Na po'ño'chpa' o'ch nena' neñoñ e'ñe Parets pa'so'chño, ama't es pena-muena' napa' napa'pcha'.

⁸ Pachorñapa' allenta otare'ch e'ñe a'nahua:

—O'hua pochte' amcha'taret: "Añcha' papuen Juan poñ."

Allempoña shopshesha'pa' atet otan Herodes:

—Napa' añ nemnen o'ch pepechennana' Juan poñ ñeñ apataye't acheñenesha', o'ch penon platopa' o'ch paphuerren e'ñe arrma.

⁹ O'ña enamhuepa' am'cha'tareñ'apa' 'cha lleca. Tarraña ama't llecañ'pa' o' nohuanña po'ñoñ huomenc e'ñe Yompor pa'so'chño ña'ña allo'tsa'yen ñeñ' hua'ñen ñeñ' e'muene' atet oten ñeñ'to'marña otanet:

—Te'pa' o'ch saḡ Juan poñ.

¹⁰ Allempoñ'apa' o' mueñan pa'cheñer o'ch pecheñeta' Juan all yottam'peñet.

¹¹ Allempoña o' huapaterrñañet poñ platopa' aphueret shopshesha'. Ñaña'pa' anem' pachoresho o'ch apueña'.

¹² Allempoñ'apa' ahuanma Juanañ pueyochresha' o' aneret apecharet o'ch pampuereta'. O'ña pampa'huereta'pa' o' ahuanerret o'ch e'mare'tateñeta' Jesús.

Allempo Jesús'pa' rratenan shonte' acheñenesha'; ñeñ'ña acheñenesha'pa' allo'tsen amnaroch mil

(Mr. 6.30-44; Lc. 9.10-17; Jn. 6.1-14)

¹³ Jesús'pa' allempo e'mare'tan Juanañ, ñaña'pa' ahuañpes noñto o' sa'nman acheñenesha' o'ch ahuo' all ama acheñempañoyaye. Acheñenesha'ñapa' allempo e'mare'chet ñetñapa' allenta ahuanmuet ñamet. Allohuen anet-sotpa' e'ñe ahuanmuet o'ch entereta' Jesús. Ñetñapa' alla oñma'cha'tet patso'mar. ¹⁴ Allempoña sehuosa Jesús noñtotpa' alla entuerraneterr o' alla shonta'huerrerr acheñenesha'. Ñaña'pa' atarr nanac muera'huerraneterr. Allñapa' o' alla a'crratyesuerraneterr patsñañefer. ¹⁵ Atteñapa' ellerren pueyochresha'ñapa' oteñeta' Jesús:

—Te'pa' arro'tseney all ama acheñempañoyaye ña'ña o'ca'ye ellerren. Te'pa' o'ch poch acheñenesha' ahuanemyerretepa' anetso'mar allcha' rañta'yuesuerret puerraret ñeñ'tcha' rra'yuesuerret.

¹⁶ Jesúsñapa' otanet:

—Amachca'ye ahuanmatsterreto. Sachca'ye apa'yegahuet ñeñ'tcha' rret.

¹⁷ Ñetñapa' atet ochet:

—Ya arrpa' amaca'ye es yechenoña ama't coñe'ta; yapa' e'ñeca'ye amnara pan yechen ña'ña epatoll cac.

¹⁸ Allempoña Jesús'pa' atet otanet:

—Sanmon arrma o'ch sapuenna'.

¹⁹ Allempoñ'apa' otan acheñenesha':

—Te'pa' o'ch sanorr'cha'tyes e'ñe all cohuen emmo'ratyen pasetma'.

Allempoña agapan ñeñ' amnar pan ña'ña epatoll cac, o' cohua' enonet, parasyoso'tam'psan pan allotñapa' shota'tan pan, apanatyesan pueyochresha'. Ñetñapa' o' epatyeset allohuen acheñenesha'. ²⁰ E'ñe epa'huet, allempoña o' rrallme'chet allohuenet e'ñepa'tcha' yettra'tuahuet. E'ñe yetu-ahuetpa' 'cha a'pchatyeset ñeñ'tñapa' a'yapa'cheret. Ñeñ'ña a'yapa'cherretepa' 'chepa'tcha' chorrats 'charra' puechena epa cañer e'ñe tamoyare'. ²¹ Ñeñ'ña rrallme'chatspa' atarr shonte' acheñenesha'; ñato' allo'tsente' amnaroch mil ñeñ' e'ñe yacmaneshoche'. Ellonetpa' allo'tsa'yen ña'ña coyaneshachno ña'ña cheshaneshachno.

Atto Jesús'pa' e'ñe cohuen chope'chnen enot oño

(Mr. 6.45-52; Jn. 6.16-21)

²² Allempoña Jesús'pa' otan pueyochresha':

—Te'pa' o'ch sa'tacha't noñto o'ch sota sanom o'ch seḡchaterra yot. Napa' o'ch neso'tnoñ ora acheñenesha'.

²³ O'ña so'tuanmanetpa' ñaña'pa' ahuo' aspen'to e'ñe ñapue't allña ma'yochosa. Ama't o' tsapuenpa' ñaña'pa' allo'tsena ñapue't. ²⁴ Noñ'tñapa'

ñeñña rrothaso'tsenara sa'po, emo'yare'ñapa' čha anmape'čam'penanet, a'puerrame'tam'penanet orrno. ²⁵ Atteña allempoña puetarenmochpa' huenanet Jesús čha chope'čnen enoť oño. ²⁶ All chope'čnen allempoña entapueñ pueyochresha', ñetñapa' čha toratsetyeset pueyočhret, atet otanna'tyeset:

—Choyeshe'matste'ca'ye huaponaya.

Pueyorñoťetpa' atťa rrannartet.

²⁷ Jesúsñapa' eñorana'tuenanet, atet otuenanet:

—Choñaca'ye socshapuenna, naca'ye o' nohuapa, amach atťa semčha'tatstapno.

²⁸ Allempoña Pedropa' eñorana'čha ñeñťpa' atet och:

—Ñerra'm po'ñočhte' pa Partseschacha', te'pa' o'ch pōtosen, aponca'ye nesho, pechope'čnom paña enoť oño.

²⁹ Jesúsñapa' allenta och:

—Aponca'ye.

Ñaña'pa' allenta sohua noñťotpa' o' chope'čnom ñaña enoť oño o'ch ahuo' Jesúsesho. ³⁰ Chope'čnomtsapa' o' cohua'nman huomenquēsha' ñeñť čha emo'yartatenan sa'ppa' čha yore'ch. Cha yore'čpa' alla muene' esha'ta oño. Allñapa' rranare'ta atet otan Jesús:

—i'Pa'qeshpatosen Partseschacha'!

³¹ Jesúsña tecma rrema'ppa' atet och:

—Papa' ama't e'ñeye' peyemtenno. Eso'mare't čha pe'charrtatenña peyočher.

³² E'ñe a'tačha'tatseta noñťopa' huomenquēsha'ñapa' čhepa'tcha' muet-soñeñtertsa. ³³ Ñeñťña noñťo'tsa'yenpa' allentepa'tcha' concorpanrror-tana'tapetpa' atet otyeset:

—Po'ñočhepa't papa' e'ñe Parets Puechemerep.

Allempo Jesús'pa' a'crratyesosan pa'namen atśnañeťečhno all Genesareto
(Mr. 6.53-56)

³⁴ Allempoña pechatam'psetpa' arr etsotoset all oteñet Genesareto.

³⁵ Ñeñťña ane'tañnesha' allpa' o' cheme'tapet Jesús. Atto cheme'tapetpa' ñetñapa' allenta mueñet ačeñ, o'ch e'mare'tatenana' ačeñenesha' allampaño'mar. Alloťñapa' huapatyesoñet allohuen atśnañeťečhno.

³⁶ Ñeñťña atśnañeťečhnopa' o' enamyoset ama't poso'mota o'ch a'plla'yesosñañet pa'shtam. Allpon ñeñť a'plla'yese' Jesús pa'shtam allpončho' e'ñe corra'yesuerrtsa.

15

Atto Jesús'pa' eñotatenanet ama añeye' ya'sosyatenaye Partsocop ñeñť yerra'yen yenamot
(Mr. 7.1-23)

¹ Allempoña fariseonesha' ñaña ñeñť atarr etsotayenayeñ ñoñets ñeñť atet anaret judioneshacop ñetñapa' arrot huačha'tet Jerusaléñoť. Čačha'tet Jesúseshopa' atet otyesoset:

² —Eso'mare'tña peyochresha'ñapa' quečpuerretña ñeñť atet yeyče't ya ahuat yatañeshohuen. Ñeñťo'mar o'huañ e'pota'tetña Partsocop allempo rrenet.

³ Ñaña'pa' atet otanet:

—Sapa'cho'ña ñeñfo'mare'traña satpare'teññañña sanña Yompor po'ñoñ ñeñt atet anaret allochñapa' e'nech sañeña seycheña e'ne setsotayen.

⁴ Ñehua, po'ñoichca'ye yeñoteñ Yomporpa' atet oteneý: “Semorrenteño'pa' sem'cha'na'chcha' sompor ñaña sachor.” Elloña ñaña po'poñonet atet oteneý: “Ñerra'm esesha' sasare'tene' pompor ñaña pachor ñeñtpa' muetsetepa'.”

⁵ Tarraña sañapa' amaña atteye' sepeno tarro'mar sapa' chaña atet sotyen:

—Ñerra'm esesha' atet otene' pompor ñaña pachor: “Ñeñt nechen o'ch napapeña' tarraña amach napape te'pa' o'ch nene' Yomporecop” ⁶ ñeñña acheñerpa' sañapa' atetcha' soteñ: “Pocoppa' ama pallteno o'ch es pap pamo'mte'.” Sapa' attoca'yeña sehuapore'teññañña Yompor po'ñoñ allochñapa' e'nech aña setsoten ñeñt e'ne sañeña seycheña. ⁷ Sapa' atarrca'ye ommoñañeshas tarro'mar atarr seshcare'ten amaña Yomporeye'ña sesherbena. Isaiáspa' e'ne cohuen a'mítane't Yompor po'ñoñ, saña te'pa' e'ne atet sepena atet o'te't; allempopa' atet ot Yompor:

⁸ Ñeñt acheñesharpa' e'ne puenamota cohuentatennanetañ; pueyo'chretoñapa' ama chenaneo ñeñt cohuen nenten na.

⁹ E'ne orrena ma'yochennet, ñeñt atet ye'chatannenetpa' ñeñtpa' e'ne acheña naye't ahuat poctapña.

¹⁰ Allempoña Jesús'pa' chore'tan acheñesharpa' ñeñt shontetsa, ñetñapa' atet otanet:

—Sañapa' e'ñepa'chña cohuen se'mñoten allochñapa' attoch e'ne cohuen chaponasa seyo'chro. ¹¹ Ama añeye' ya'sosyatenaye Partsocop ñeñt yerra'yen yenamot. Añca'yeña ya'sosyatene' yeñoñ ñeñt cha'nets yenamot ñeñt atet yeñosatse'tyen.

¹² Allñapa' atet oteña' pueyo'chresha':

—¿Peñoteñe't fariseonesha'ñapa' allempo e'monapet peñoñ ñeñt atet potyenonet ñetñapa' cha'atsrre'muet?

¹³ Nañapa' atet toma'ntatanet ñeñtcha' atet a'paretterra fariseonesha', ñeñtpa' atet otanet:

—Allohuen narmetsothno ñeñt ama añeye' nare'taye Apa ñeñt pue'ntaño'tsen ñeñtñapa' a'mare'taretetuerrach. ¹⁴ Ñetpa' ottetepa'ta. Ñetpa' e'ne atet penet ñerra'mrate' puesheñarr ñeñt aporo'yetpa' ñapa' o'ch echa'nman po'psheñeñ ñeñt parro aporo'yetecmuet. Allempo atet penet ñerra'm arrotonta echa'nmana'tnomuet epsheño'maret chach shora'nmoset arrototo. Arrpa' allohua ñeñt atet toma'ntatanet atet ñerra'm ya allempo ama yocape'cherra' ñeñt cohuentetsa Yomporecop amach errotentot yocape'chache po'psheñeñ ñeñt ama eñotenaye ñeñt cohuen enten Yompor.

¹⁵ Allempoña Pedropa' atet ot:

—Yapa' chochña peserrpare'tatey e'ne cohuen eñotochen ñeñt atet petma ntatena ñorra'.

¹⁶ Nañapa' atet otanet:

—Ama't sapa'cho'ña ama'tña seño'teña'. ¹⁷ Sapa' ama't chennasoña seyo'chro ñeñt yerra'yen yenamotpa' alla sen yato ñeñtpa' chocmach yener a'yo. ¹⁸ Añña ñeñt cha'nets yenamot ñeñt atto yeñosatse'tyen ñeñtpa' e'ne yeyo'chrot huena ñeñtña chocma ya'sosyatene'ña Partsocop. ¹⁹ E'ne yeyo'chrot huena cotapñats ñeñt ama't mameshapa' ama cohuenayaye, ñeñtpa' añ: muetsanna'teñets, chetapretanna'teñets, cañoresha'teñets,

etatsre'tyeñets, toma'tam̄psanna'teñets, sasare'teñets. ²⁰ Ñeñt allohuen sosya'tsañe'chno ñeñt huetsa yeyo'chrot ñeñtña po'ño'ch ya'sosyatene' Partsocop. Tarraña allempo yerrallme'chyen ama't ama ye'pota'tyesopa' ñeñt'pa' amaña ñeñt'eye'ña ya'sosyatene'ña Partsocop.

Atto puesheñarr coyanesha' ñeñt ama judioneshayaye ñapa' atarr yemta-pana Jesús

(Mr. 7.24-30)

²¹ Ahuerrerr Jesús allotpa' alla chap allampaño anets Tiro ñaña Sidón. ²² Allñapa' o' huapa puesheñarr coyanesha' ñeñt allo'marnesha' ñeñt canano'marnesha'. Ñañapa' allenta rranare'tospa' atet otos:

—Pemueraye'chosna, Nepapareshacha' p'apa' ñeñt'ep Davidna'tarep. Na nacñe'terpa' atarr muero'chtateñ oneñe't.

²³ Jesúsñapa' ama't mameshapa' ama eñorana'teño. Atteñapa' o' ponemya pueyochresha' otoset:

—Pe'ñño'chñaca'ye tecma allochñapa' o'ch ahuer, chaca'ye cota'neney perranare'tnomue'.

²⁴ Ñañapa' atet otanet:

—Napa' e'ñe añecpa allsensareten ñeñt israelena'tarneshacop; ñetpa' e'ñe atet nentenanet ñerra'm carrnero'chno ñeñt paya'tyetsa.

²⁵ Coyanesha'ña ñeñt ama israelena'tareyayepa' ñañapa' allenta on e'ñe ñesho concorposñañapa' atet otos:

—Choña Nepapareshacha' pebensam̄psaye'cherrnan nacñe'ter.

²⁶ Jesúsñapa' toma'ntatana acheñenesha' ñeñt ama israelena'tarneshayaye ñeñto'marña atet och:

—Ama pocteyaye o'ch yeprratan̄pes yacñe'tar puerrar o'ch yehuapore'tam̄pes allo'tsen ochec o'ch rre' ñaña ochec.

²⁷ Coyanesha'ñapa' atet otererr:

—Ama't atteñ Nepapareshacha' tarraña ama't ochecpa'cho'ña rra'yenan ñeñt a'shore'tatyen pamo'mte' po'mesañna'cho.

²⁸ Allempoña Jesús'pa' atet otererr:

—Chepa't nesñeshacha' atarr nanac peyemtenna ñeñt'epñapa' attetepa'ch p'ocop atet pemnen p'a.

Pacñe'terñapa' allorocma correrra.

Atto Jesús'pa' a'crraterranerr po'potantañ atснаñe'ie'chno

²⁹ Ahuerrerr Jesús allotpa' alla oñem sa'patopño'mar e'ñe Galileaso. Allotpa' ahuo' aspeno allñapa' anorros. ³⁰ Allñapa' alla huacherrñañer shonte' acheñenesha'. Huapatyerrñañeterr checa'repa'chno, manco'chno, aporo'yete'chno, opananeshachno ñaña huapatoñet shonte' po'potantañe'chno. Ñeñtñapa' alla nanatyesosñañet pa'r'p'ot. Ñañapa' e'ñe a'crratyesuerranet. ³¹ Allña acheñenesha'pa' cha atarr cohuanrrorteñet allempo eñchet atto opana'chno cha eñora'yerrtsa, manco'chnopa'cho'ña cha cohuenetyerrtsa, checa'repa'chnopa'cho'ña cha chope'chyerrts, aporo'yete'chnopa'cho'ña cha e'ñe cohuen cohua'yerrts. Atet e'ñe cohuen eñchetpa' allohuenetñapa' cohuentateñañet israelnesha' Po'yomporer.

Allempo Jesús'pa' rratenan shonte' acheñenesha', ñeñtña acheñenesha'pa' allo'tsen pa'tatsoch mil

(Mr. 8.1-10)

³² Allempoña Jesús'pa' agotan pueyochresha'pa' atet otapanet:

—Napa' cha atarr nemuereña allohuen acheñenesha' ñeñt shontetsa arr. O' ma'pamtoset nesho ama eñallmeñeto ñeñtcha' rret. Ama pocteye' nenteñe o'ch ahuanerret e'ñe pa'chporrñesha' te't ama a'ñishe' mterreto toño.

³³ Pueyochresha' ñapa' atet otoset:

—Errahuachca'ye yentña allpon rreñets ñeñtcha' yerrach shonte' acheñ, arpa' amayaca'ye.

³⁴ Jesúsñapa' atet oterraneterr:

—Sapa' ¿errpona't sechenña pan?

Ñetñapa' otereterr:

—E'ñeca'ye canchrra ñama coñe't cacatollesha'.

³⁵ Allempoñapa' otan acheñenesha':

—Te'pa' sanorrcha'tyes patso.

³⁶ Allñapa' agapan ñeñt cancherr pan ñama cacatollesha'. Agaphuepa' o' parasyoso'tenanerr Pompor allotñapa' o' shota'tan pan, shetse'tan ñama cac, apanatyesan pueyochresha'. Ñetñapa' o' epatyaset ñamet allohuen acheñenesha' e'ñe epa'huet. ³⁷ Allempoñapa' o' rrallme'chet allohuenet, e'ñe yetrra'tuahuet. O' e'ñe yetuahuetpa' cha a'pchatyaset ñeñtñapa' a'yapacheret. Ñeñña a'yapacherretpa' chepa'tcha' chorrats cancherr cañer e'ñe tamo'yare'. ³⁸ Ñeñt rrallme'chats atarr aton acheñenesha' ñato' allo'tsente' pa'tatsoch mil ñeñt e'ñe yacmaneshoche'. Ellonetñapa' allo'tsa'yen ñama coyanesathno ñama cheshaneshathno. ³⁹ Allempoña Jesús'pa' so'tnerran acheñenesha'pa' ahuerr, a'tapos noñtopa' ahuanperr o'ch ahuo' anetso ñeñt pa'so'cheñ Magdala.

16

Atto fariseonesha' ñama saduceonesha' enamaset Jesús gatapanetepa'to' po'partsoña

(Mr. 8.11-13; Lc. 12.54-56)

¹ Fariseonesha' ñama saduceonesha' ñetpa' o' ahuanmuet o'ch enteñeta' Jesús. Cha'cha'tet Jesúsesho ñetña pueshquënofetpa' atet otyesoset:

—Yapa' añ yemnen o'ch pegatapuey pepartsoña etot allochñapa' attoch yeñotosep' po'ño'ch papa' Parets Puechemerep'.

Ñetpa' cha mueneñet o'ch topatoset Jesús. ² Ñaña'ña yerpatapanet ñeñt atet otyenet ñet pa'nyeto:

—Sapa' ñerra'm esempo sentnen o'ch tsatatetnena enet, sañapa' chochmach atet sotyenesene't: "Tsapatpa' atarrcha' char." ³ Aromtañañapa' ñerra'm esempo sentnueñ enet cha tsatatta'muena, sañapa' chochmach atet sotyesa'muene't: "Choch huata'muena ñeñto'mar o' cha rrenarsa'muen." Sapa' atarr señoteneñña ñeñt sentyen ento ñeñtña señotatene'. Tarraña ñeñt atet norrtatyennas nepartsoteña eso'marte'ña ñeñtñapa' amaña eñotatensoña ñeñt atet pennas Yompor te' o'ch orrtatonas po'cohuenña. Ñeñpa' attate' seshquëñ. ⁴ Acheñenesha' ñeñt corra'yetsa te' ñetñapa' ama cohuenaye' cotape'chyeneto, ama añeye' cosheneto Yompor ñeñto'marña ñetpa' e'ñe orrena otennet ahuo'ch norrtatanet nepartsoña. Tarraña amach es norrtataneto. Napa' añach paterr neñotatanet atet eñotatane't Jonás ahuat nínivo'marnesha'.

Jesúsñapa' sa'nerranetpa' ahuerr.

Atto Jesús toma'ntaterraneterr ñeñt po'chaser pen fariseonesha' (Mr. 8.14-21)

⁵ Allempoña pechatrra'tet yomta'n o' chapuet all, pueyochresha'ñapa' o' yerpuerret ñetpa' ama anmueto pan ñeñtcha' rroset all. ⁶ Jesúsñapa' atet otapanet:

—E'ñech señota ñato't semeñe'teña'ña fariseonesha' ama't ñaña saduceonesha' po'chaser allo tsetenet pan.

⁷ Ñetña cotape'chyesetpa' atet otanna'tyeset:

—Amaca'ye yanmoña pan ñeñto'marte'ca'yeña oteney año'ch yemeñe'tatscheña fariseonesha' po'chaser.

⁸ Jesúsña allempo eñotanet atet cotape'chyenet ñaña'apa' atet otarraneterr:

—Eso'mare't sellquëñesha' sotanna'tyena año' eñalle ñeñtcha' serra'. Sapa' ama'tña e'ñeye' seyemtenno. ⁹ Teme'ttsena'tña ama es sechenoyoña seyoçhro. Ama'tña seyerpuenoña allempo natontat amnar pan ñeñt narratallme'chpa' allo'tsen amnaroch mil acheñenesha'. Ama't seyerpuenoña ñaña ñeñt allpon chorrarretts cañiro ñeñt sapçherr allempo. ¹⁰ Ama't ñaña allempo natontaterrerr ñeñt cançherr pan ñeñtña narratallme'cherrrrpa' allo'tsen pa'tatsoch mil acheñenesha'. Ñaña ñeñt allpon chorrarretts cañiro ñeñt sapçherrerr allempo.

¹¹ Errotenotuañaca'yeña ama señotenoña ñeñt atet notas ñorra' attoch ama semeñe'tatsche fariseonesha' ama't ñaña saduceonesha' po'chaser ñeñtpa' ama rreñtsoye' notenso.

¹² Allempoña ñetpa' o' chapamet pueyoçhreto, atet otanna'tet:

—Amuepa'tca'ye añeye' oteney pan po'chaser; añepa'tca'yeña oteney amach yemeñe'tatsche fariseonesha' ama't ñaña saduceonesha' poctapña ñeñt atet yechatannenet ñeñt ama cohuenayaye, te't mamesha epa'hua erracmañen e'ñe atet pena chase' mameshapa' o'ch a'chasa'huan ora all yeneñ.

Atto Pedropa' otan Jesús, p̄papa' p̄aña Yompor Puechemerep̄ ñeñtep̄ Cristotsets

(Mr. 8.27-30; Lc. 9.18-21)

¹³ Allempoña chap Jesús all Cesarea ñeñtara Filipino, allñapa' otosan pueyochresha':

—¿Errotena't otyenenña allohuen acheñenesha', na Ñeñten Acheñetosets eseshante'?

¹⁴ Ñetñapa' atet otyeset:

—Patantarr acheñenesha'pa' atetca'ye otyenpet p̄papa' Juanañpo'te' ñeñtepo' apatañtase't Yomporcop. Po'potantaññapa' atet otyenpet p̄papa' Elíasopo'te'; po'potantaññapa' atet otyenpet p̄papa' Jeremíasopo'te' amapa' añeño'te' po'psheññ ñeñt a'mtaye't Yompor po'ñoñ ahuat.

¹⁵ Allempoñapa' alla a'p̄to'terraneterr:

—Sañapa' ¿errotena'tña sotenennña sa?

¹⁶ Simón Pedroñapa' eñoratsapa' atet och:

—Papa' ñeñtep̄ca'ye atarr yecuen ama't ahuatoteñ; ñeñtep̄ca'ye Parets Puechemerep̄ ñeñtep̄ Cristotsets. Ñeñña Parets ama arromña'eshayaye.

¹⁷ Jesúsñapa' atet och:

—Nanac cosheñtso'tseneñ, Simóna ñeñtep̄ Jonás puechemerep̄ tarro'mar atto peñotenepa' ñeñtpa' ama arromña'eshayaye' peñotatenaye; ñaña Nompor peñotatene' ñeñt pue'ntaño'tsen. ¹⁸ Napa'cho'ña te'pa' o'ch notap̄ p̄aña, p̄papa' añcha' nesocherreñ Pedro. (Ñehua, añ so'chñets Pedropa' añ toma'tena ñeñt atarr es echarr atet ñerra'm mapue'.) Ñaña p̄a e'ñe

peyemteñoŋen na, na po'ñočhpa' naña Cristotosets, ñeñŋpa' allochca'yeña norrtaterrña allohuen ñeñŋcha' name'ñerraya ñeñŋcha' apčha'yerrtsa e'ñe na pame'ñeñoŋet. Atarrcha' huomenc echarr nepa'yerranet allohuenet ñeñŋetcha' apčha'yerrtsa pame'ñeñoŋetan na attochña ñocpuetpa' amach eñalle ñeñŋcha' huapore'terrahuet, ama't ahuata. Ama't rromueñets po'huamencpa' amach errotenoŋ metanerranetoña ñet po'huamenc. ¹⁹ Naña na te'pa' o'ch napuerrep' liesens attoch pa'poterrñañ Yompor po'cohuenña ñeñŋ atto ayochreshattena ña pue'ntañoŋ; ñeñŋpa' añ toma'ntena atet ñerra'mrrate' llave alloch petorañper allohuen ñeñŋ muenene' o'ch pueyochresha' perranet. Naña ñerra'm erra'tsencha' e'ñe pocte' pent ñeñŋcha' pena'yes arr patsropa' Yomporpa'cho'ña ñeñŋ ento'tsen e'ñech attecma pocte' enterranet. Naña ñeñŋcha' ama pocteye' penteno ñeñŋcha' pena'yes arr patsro, Yomporpa'cho'ña ñeñŋ ento'tsen e'ñech attecma amach pocteye' enterraneto.

²⁰ Allempoñapa' otan pueyochresha':

—Amach esesha' sotaŋsa'tatsto ama't puesheñarra napa' na ñeñŋen Cristotosets.

*Atto Jesúsapa' eñotatan pueyochresha' ñapa' amtsaretterrach
(Mr. 8.31-9.1; Lc. 9.22-27)*

²¹ Jesúsña e'ñe allempoteñpa' motetnoñ eñotatyesnomue' pueyochresha' ñeñŋ atet anaret ñocop, ñapa' mueročhtateretcha'; o'ch ahuo' Jerusaléño allña' allcha' mueročhtateret. Añcha' errotuanen perre' ñeñŋ pomporne'sha' pen allohuen judionesha' ñaña ñeñŋ pa'mičha'tareternesha' pen allohuen po'cornaneshar ñaña ñeñŋ atarr etsotayenayeñ ñoñets ñeñŋ atet anaret judioneshap. Allña' allcha' muetsatateret tarraña poema'pamtañoña Pomporpa' o'ch alla tantater. ²² Pedroñapa' allenta anem' a'yenetpa' allña' atet otos:

—Arepachña Partseshacha' atteye' perrpeto ama't errponaña. Yomporapa'chña e'ñe pecuañpene'.

²³ Nañapa' puetallsa a'yenetpame'pa' atet otan Pedro:

—Orraŋ a'yo neshot oneñeñe, ñapa' e'ñe orrena pepatare'tenen; papa' amaca'ye Yomporreye' atet poctape'chatenaye, ñeñŋpa' acheñarramche' poctaŋña.

²⁴ Allempoña Jesúsapa' atet otan pueyochresha':

—Ñerra'm esesha' muenene' o'ch coterrnet na e'ñe po'ñočh attoch neyochresha' neperranet, añ poctetsa sehuanmuetepa'ña ñeñŋ atet muenenet e'ñe ñocpueta. Attochña ñetpa' o'ch e'ñe toma'nteret ñeñŋ chechnene' po'corsoch allcha' mueročhtet ñamet. Attochña coterrnet e'ñe po'ñočh.

²⁵ Tarro'mar ñerra'm esesha' e'ñe añ muenenet o'ch correna atomat attoch e'ñe coshenet arr patsro, ñetña' chach a'chencatenet e'ñe ñañeñeta. Tarraña ñerra'm esesha' e'ñe pocte' entene' o'ch es sohuanerret e'ñe pocreñohuenet nocop, ñeñŋña acheñerpa' ñañapa' corretsach pocsheñeshocmañen e'ñe tayoteñ errponañohuen. ²⁶ Ama't errponenaparen esocmañen es yeyorats'e'yes ora allpon ñeñŋ yentyen añe patsro, tarraña ñerra'm ñeñŋach e'ñe ya'chencaterre' yecamquëñohuen, ñeñŋña' ama't coñe'tapa' amach es sherberrye. Tarro'mar ama eñalle po'poñ ñeñŋ atarr sherbets, añña atarr nanac sherbets ñeñŋcha' a'quesħpaterre' yecamquëñ. Tarro'mar yocoppa' ama es eñalle ñeñŋcha' yepomuerr alloch alla yerañterra yecamquëñ. ²⁷ Po'ñočh

napa' Ñeñfen Acheñetosets o'ch nohuerra epan ñaña nemillañoñeñanashar. E'ñech Nompör po'cohuenñoñ nohuerra. Allempochña netsa'terranet e'ñe puesheña'ttsocmuet errotente' pa'yesete't. ²⁸ Po'ñoçhca' te'pa' o'ch notas, patanta'tsos ñeñfes arro'tsa'yenes ama't ama serrromhuena'pa' o' senterrñañ Yompör po'cohuenña atto napa' Ñeñfen Acheñetosetspa' atarrcha' na'yochreshaterra.

17

Allempo Jesúsapa' po'poñetañpsana pueyochresha'

(Mr. 9.2-13; Lc. 9.28-36)

¹ Allempo pechapmaterrerr, Jesúsñapa' ahuanerranerr pueyochresha'; añ anem Pedro ñaña Jacobo ñaña Juan ñeññ Jacobo pa'mo'nasheñ. Ñetpa' arr anmanet atarr aspeno e'ñe ñap'ochayet. ² Allña Jesúsapa' machayotepa'tcha' po'poñetañpsosanet. Pa'clloyotpa' cha'poptosa e'ñe atet ñerra'mrrate' atsrret'poptetsa. E'ñe pa'shtamohuen atarr huallama'to'poptosa' cha' a'puetaresue a'yohuen. ³ Allñapa' machayotepa'tcha' orrtanet Moisés ñaña Elías. Ñetñapa' alla serrpare'toset epuet Jesús. ⁴ Pedroña eñoratsapa' atet otan Jesús:

—Atarruaca'ye Partseshacha', cohueno'tseneyte' arr. Ama't'poc'te' penteñe napa' o'ch natomatonas ma'ppahua quèrpachet—puepahuarrpa' pocopcha', po'ppahueña' Moisésocopcha', po'ppahueña' Elíasocopcha'.

⁵ Allempo eñorena Pedropa' cha' orrtosahuet os ñeññ atarr cohuen'poptetsa' chepa'tcha' a'pomañpsosanet. Cha' e'morrtostsa' ñoñets' osot; ñeñña' ñoñetspa' Yompör otosahuet; ñeñña' atet ot:

—Añmapa' ñeññ no Nechemer ñeññ atarr nemuerena ñeñña' atarr nocshatene', ñeñña' e'ñe cohuen se'mñoterr.

⁶ Allempo atet e'muet' ñoñets' pueyochresha'ñapa' alla rrema'rrtet' patso atarr nanac'yoren. ⁷ Jesúsñapa' allenta' ponerranetpa' a'plla'huerranet, atet otanet:

—Setanterra, amach' cha' seyorenatsto.

⁸ Allempoña' o' cohuerretpa' arepa'tcha' eseshaye' enterreto, ñap'ña enterret Jesús.

⁹ Allempo onacherret' aspenot' Jesúsñapa' atet' otanerranet:

—Te'pa' amach' esesha' sota'psa'tatsto' ama't' e'ñe' puesheñarra' ñeññ' atet' o' sentua. Tarremphuach' allempoch' netanterra' rromot' na' Ñeñfen Acheñetosets, allempochña' seserrpare'taterña' allohuen' acheñenesha'.

¹⁰ Pueyochresha'ñapa' atet' otnerret:

—¿Eso'mare'tña' otenña' ñeññ' atarr' etsotene' ñoñets' ñeññ' atet' anaret, Elías' o'ch' ñanom' huerrtsa'?

¹¹ Ñañapa' atet' otnerraneterr:

—Elías' po'ñoçhpa' ñachca'yeña' huerrtsa, ñapa' e'ñechca'ye' a'cohuentatuer ora' allohuen. ¹² Tarraña' napa' o'ch' notas: Elíaspa' o'ca'ye' huaphuerrañ' arr' tarraña' amaca'ye' eseshaye' cheme'tapuerraye' ñeñña'pa' cha'ña' errotuanen' p'pueret' ñeññ' atet' muena'yen'et' ñet. E'ñech' attecma' perrnet' naña' Ñeñfen Acheñetosets.

¹³ Allempoñapa' o' thapanet' pueyochreto' ñeññ' otenanetpa' añepa'tca'ye' Juanañ' ñeññ' apataye't' acheñenesha' Yomporecop' ñeñña'pa'tca'yeña' Elíasoterrets.

Atto Jesúsapa' a'crraterran cheshachor' ñeññ' otetsa'

(Mr. 9.14-29; Lc. 9.37-43)

14 Cherreterr all shontena acheñenesha' puesheñarrña yacmapa' ponma-puerrana Jesús concorposñaña. 15 Atet otos:

—Pemueraye' chosnana, Ayochreshate, nacñe'ter cha otena, nanac mueroch'tena. Epaye' coya'nmame'tateñ tso, errotenopa' o'ch coya'nmame'tach ñaña oño. 16 Nanomhue peyochresheshopa' ñetñapa' ama erroteye' peto attoch a'crrateret.

17 Jesúsñapa' atet ot:

—Sa ñeñes acheñres ama't mamesha'pa' ama ayemtenaye' sentpenno; chach po'poñ sentuena seyo'chro nocop. O' allponmatuanen allo'tsenen arr patsro napa' atfa atarr na'huantennas, atfa necuenes ñato' attotpa' o'ch same ñerrna.

Allempoñapa' atet otanet:

—Ama'tpa' sanmonca'ye chesha' arr.

18 Jesúsñapa' atet otapan oneñeñ ñeñi' otatene':

—Te'pa' po'ño'ch o'ch notap, peque'hpuer cheshachor.

Oneñeññapa' allentepa'tcha' que'chpa'ner. Cheshachorñapa' allorocma cor- rerra.

19 Allempoñapa' ponerña pueyochresha', e'ñe ñap'tochayetpa' atet otoset:

—Yañapa' ¿eso'mare'tña ama eshcaye' yeque'chpaterena oneñeñ atto otatenan cheshachor?

20 Ñaña'pa' atet otanet:

—Tarro'marca'ye amaca' e'ñeye' seyemtenno ñeñi' atet notenes. Napa' o'ch notas, ñerra'm po'ño'ch e'ñe na seyemtenañ napa' e'ñeca'ye na'pochtentña neñoñ ñeñi' atet notenes. Ama'tcha' allponatollota seyemtenna ñerra'mrrate' mostazllometoll sañapa' ama't erra'tsena senamuennoñ ama't ñeñi' atarr echarr sentenpa' ñaña'pa' atetcha' nepennaseñ. O'ch netma'ntatasa atet ñerra'm o'ch sot: “Añ aspenetpa' rrote'tepa' a'yenet”, aspenetñapa' atetcha'cho'ña pennasañ ñeñi' e'ñe atet soteñ. Ama't mameshapa' amach eñalleña ñeñi' torrapo' senten ñerra'm e'ñe po'ño'ch na seyemtena. 21 Ñehua, ñeñi' atet oneñe'pa' amach errotentot yeque'chpatacheña acheñ e'ñe atfa. Chochña yema'yochena ñaña yema'yochreñot ama't yerrarpa' o'ch yeque'chpue' mame'. Attotcha'ña yeque'chpaterña oneñeñ ñeñi' atet.

Jesús'pa' eñotateraneterr puepocheño ñapa' chocmach muetseret

(Mr. 9.30-32; Lc. 9.43-45)

22 Allempo chopeñe'chyenet parro all Galileo'mar, Jesúsña allpa' eñotatan pueyochresha', ñeñi'pa' atet otnomanet:

—Na Ñeñen Acheñetosetspa' pomuerrnetcha' attochña errotuanencha' pernet. 23 Atteñapa' o'ch muetsaterrnet tarraña poma'pamtañoñapa' o'ch alla netanterra. Ñetñapa' ñeñi'fa atarr nanac lleca'rrtatyesahuet.

Atto Jesús'pa' tsa'ta impuesto añecop Parets pa'paclecop

24 Allempoña Jesús epuet pueyochreshachnopa' o' alla cha'cherreterr Capernaumo. Allñapa' huapanet ñeñi' tsa'tatenaya acheñenesha' quelle ñeñi' impuesto; ñeñi'pa' Parets pa'paclecop. Ñetpa' atet otoset Pedro:

—Semaestropa' ¿ama't pomuenana'ña quelle impuesto añecop Parets pa'paclecop?

25 Pedroñapa' atet otanet:

—Chocmach tsa'ta.

Allempo chap pocollopa' Pedroñapa' ama otenana'ña Jesús, ñaña'pa' ñanmacma otapan Pedro:

—¿Errofena't, Simóna, penteñña pa? Ñeñt amcha'taretečno ñeñt añe patsro'tsa'yen, ¿sesha'tña cobrenetña quelle ñeñt impuestocop, ñato' añate' cobrenet ñeñt e'ñe ñet pamo'tsna'tarecmuet amapa' añte' cobrenet ñeñt ello'marnesha'?

²⁶ Pedroña atet otan Jesús:

—Añca'ye cobrenet ñeñt ello'marnesha'.

Jesúsñapa' atet och:

—Ñeñtēñapa' ñeñt e'ñe pamo'tsna'tarecmuetpa' ama'trra ñeñteye' cobreneto. ²⁷ Ama't poctēñ amach netsa'tatsto tarro'mar napa' ñeñten Puechemeren ñeñt pa'paquēll pene' ñeñtecop tsa'tenet, tarraña attoch ama ya'tsrrē'matanetopa' e'ñeca'ye pocte' o'ch netsa'ta. O'ch ahuep oño o'ch pego'tena' all. Erra'tsencha' ñanom pechta' pegorot ñeñtñapa' o'ch pe'thete. Puenamopa' allcha'ca'ye pent puetallarr quelle. Ñeñtña quellepa' o'ch ñaner ñeñtñapa' alloch petsa'tanet nocop ama't ñaña pōcop.

18

All eñotateney ñeñt acheñer e'ñe po'ño'ch atarr asherben enteñ Yompor (Mr. 9.33-37; Lc. 9.46-48)

¹ Allempoña Jesús'pa' a'p'to'teña' pueyochresha', ñeñt'pa' atet ochet:

—Ñeñtey allponey ñeñtcha' e'ñe pueyochresha' perr Yompor ñeñt pue'ntañotsen, yapa' añ yemnen te'pa' o'ch pōtey, ¿erra'tsenoteyte'ñaca'yeña ñeñtey atarr sherbets ñeñtey atarr amcha'tarefoyen entyenyet?

² Jesúsñapa' cheshatolla chore'tpa' tomach e'ñe allo'tsa'yenet.

³ Allempoñapa' atet otanet:

—Po'ño'ch napa' o'ch notas: Ñerra'm ama' cho seque'chpa'huerro sommo'cheña attoch o'ch atet sepena cohuen ñerra'mrrate' añ cheshatoll ñeñt ama eñotenana' o'ch ommo'chena, sañapa' amate' errotenot es so'paterroña atto atarr ayochreshattena Yompor pue'ntañot. ⁴ Ñeñt allpon ñeñtcha' e'ñe pueyochresha' perr Yompor ñeñtña acheñer atto o'huañ cohuen enta ñañeña ñeñt'pa' o' e'ñe atet perra ñerra'm cheshatoll ñeñt ama eñotenana' pommo'cheña. Ñeñtñapa' atarr nanac asherben enteñ Yompor. ⁵ Erra'tsenotes sa ñerra'm e'ñe same'ñeñofen na e'ñe cohuen saguēñ ama't ñeñt ama asherbenaye' entyeneto atet ñerra'm añ cheshatoll, na'ñaña e'ñe cohuen saguēñ.

Atto'chocmach huaponaya ñeñtcha' yetpatyene' o'ch atet patyesey ñeñt ama pocteye' enteno Yompor

(Mr. 9.42-48; Lc. 17.1-2)

⁶ Ama't erra'tsena ñeñt ama pommo'cheño'tey'e' ame'ñenno atet ñerra'm cheshatoll ñeñt ama eñotenana' o'ch ommo'chena, tarraña ñerra'm esesha'ña po'psheñeñ o'ch atet patach ñeñt ama pocteye' enteno Yompor, ñeñtña acheñerpa' atarrcha' yoro'cheno'tsen tarro'mar ñapa' aña o'patenaya coñcheñets ñeñt atarr huomenc. Ama't ñocoppa' ama tama yoro'chenayayñe ñerra'm ama atet patenana' po'psheñeñ, e'ñech allorocma o'ch charachetañ mapue' añecmuen pa'chnopo allpon ñerra'm puetse'tamets o'ch huapore'chet oño epo allcha' ño'shach mapue'. ⁷ Atarr llequēñets acheñeneshacop arr patsro ñerra'm esempo esesha'pa' o'ch atet patyenenet ñeñt ama pocteye' enteno Yompor. Tarro'mar chocmach huaponaya ñeñtcha' yetpatyene' o'ch atet patey ñeñt ama pocteye' enteno Yompor. Tarraña napa' o'ch notas,

atarrcha' yoro'cheno'tsen ama't erra'tsena acheñer ñeñt orrtatene' ñeñt'cha' topatyene' po'psheñeñ ñeñt name'ñenaya o'ch atet p̄tyenanet ñamet ñeñt ama't mameshapa' ama pocteye' enteno Yompor.

8-9 'Ñaña o'ch noterrser: Ñerra'm sechets p̄tyenes ñeñt ama pocteye' enteno Yompor atet ñerra'm sot, setac, seclle', añ poctetsa o'ch sequē'hpurr ñeñt 'hocma atet p̄atse'tatyenes sechets. Ñeñt'pa' e'ñe atet ñerra'mrrate' e'ñe allorocma o' sepecherr sot, setac, o' serroterr seclle', o'ch sehua-pore'ter. Añ cohuen socop ama't e'ñe sepo'yota'teño'f corretsasach tayoteñ errponohuañen. Añña ama cohuenayaye socop esempohuañenpa' e'ñech ora epo'mar sotpa' o'ch huapore'terrset coñcha'puetso all parraren tso' ñeñt ama ahuañaño ama't errponaña. Ñaña añ cohuen socop ama't e'ñe setcotpa' sepshem̄tatqueño'f corretsasach tayoteñ errponohuañen. Añña ama cohuenayaye socop esempohuañenpa' e'ñech ora epo'mar setacpa' o'ch huapore'terrset coñcha'puetso all parraren tso' ñeñt ama ahuañaño ama't errponaña. Ñaña añ cohuen socop ama't seclloyot sepshem̄taclo'yeño'f corretsasach tayoteñ errponohuañen. Añña ama cohuenayaye socop esempohuañenpa' e'ñech ora epo'mar seclle'pa' o'ch huapore'terrset coñcha'puetso all parraren tso'.

Acheñ ñeñt ama ame'ñetsopa' arrpa' all atma'ntatarettet atet ñerra'm carnero ñeñt chenquētsa

(Lc. 15.3-7)

¹⁰ Jesús'pa' alla oterranerr pueyochresha':

—E'ñech señota, añepa'chña atarr asherben senten ñeñt ama ommo'chetso ñeñt atet petsa ñerra'm cheshatoll ñeñt'ñapa' e'ñech pueñmañesha' yemtenna. Tarro'marña te'pa' o'ch notas, ñeñt ama pommo'cheño'feye' name'ñenayo ñocpuetpa' eñalletca'yeña po'mllaño'feñer ñeñt'cha' cohuañpenahuet. Ñeñt'ña po'mllaño'feñretpa' 'hocma Yomporesho'tsenet allña e'ñe cohuen e'mñnotenametña Yompor pue'ntaño. ¹¹ Po'ño'ch na Ñeñten Acheñetosets añecopña nohuapa attoch na'queshp̄tyesos acheñenesha' ñeñt chenquētsa.

¹² 'Ñehua, ¿ama't atet senteñeña? Ama't erra'tsen acheñer ñeñt eche-ene' shonte' po'carrneror; 'charroch 'charra' echen tarraña ñerra'm puemocarrña machayota a'chencachpa' pamo'mte'ñapa' o'ch sa'nman allohuen po'potantañ ñeñt o' noventa nuebamña all aspento o'ch ahuo' e'nerraya' puemocarr ñeñt chenquētsa. Allcha' e'name'tyera'pa' atotach enter.

¹³ Ñerra'm ña o'ch enterpa' ñeñt'cha'ña atarr coshaterre'. Elloch metanan atto coshenana po'potantañ noventa nueve po'carrneror ñeñt ama paya'tetso.

¹⁴ Atetca'ye penaña ñaña Somp̄or ñeñt pue'ntaño'tsen; ñapa'cho'ña amaca' mueno o'ch chenca ama't puesheñarro'tolla acheñ.

Attoch e'ñe cohuen yamo'tstera yemo'nasheñ

(Lc. 17.3)

¹⁵ Jesús'ñapa' alla oterraneterr; ñeñt'pa' atet otanet:

—Ñerra'm erroten p̄onas semo'nasheñpa' o'ch ahues ñesho e'ñech sapuet o'ch soctape'chatera' e'ñe cohuen. Ñerra'm 'cho e'mñioterrespa' allempoñapa' o'ch amo'tsot senterra. ¹⁶ Ñerra'm soctape'chatueña' amach e'mñiotsopa' se'ñ puesheñarr amapa' epsheña ñeñt'cha' sa'pocatatpreterre'. Atetcha' sepa' allochñapa' ñeñt'cha' eñosets epsheña amapa' ma'psheño'marescha' eñosets allempopa' e'ñech po'ño'ch same'ña ñeñt ñoñets tarro'mar e'ñech attecma

otenet. ¹⁷ Ñerra'mña atetña o' sepoherña' amach e'mñoterrersopa' allem-poñapa' o'ch soch allohuenet ñeñt' chocma ap'chetsa pame'ñeño' Yompor. Cotape'chateretepa' ñamet. Ñerra'm o'ch cotape'chatuet allohuenetña', ama't ñetña amach e'mñoterranetopa' sañapa' e'ñech atta senter ñerra'm po'poñ acheñer ñeñt' ama semo'nasheñeyaye. E'ñech atet senteñ ñeñt' acheñer ñeñt' ama ame'ñetso, atet ñerra'mrrate' ñeñt' puehquẽño'fe'na cobra'yene' acheñenesha' quelle ñeñt' gobiernocop.

¹⁸ 'Ñehua, te' po'ño'chpa' o'ch alla noterrerr: Ñerra'm errotentcha' e'ñe pocte' sent ñeñt'cha' sena'yese arr patsro, Yomporpa'cho'ña ñeñt' ento'tsen e'ñech attecma e'ñech pocte' enterranet. Ñaña ñeñt'cha' ama pocteye' senteno ñeñt'cha' sena'yese arr patsro, Yomporpa'cho'ña ñeñt' ento'tsen e'ñech attecma amach pocteye' enterraneto.

¹⁹ 'Ñaña o'ch alla noterrerr: Po'ño'ch ñerra'm epsheñas arr patsro o'ch e'ñe sa'pocataue epsheño'mares ñeñt'cha' senamuennan Nomp' ñeñt' pue'ntaño'tsen ñapa' ama't erra'tsena senamueñ' chocmach e'ñe atet pennas.

²⁰ Tarro'mar ñerra'm erro'tsen ama't e'ñe epsheña amapa' ma'psheña ñeñt' ap'chetsa e'ñe pame'ñeño'tetan na, naña allpa' allo'tsenencha' e'ñe ñesheto.

²¹ Allempoña Pedropa' a'p'to'tenana' Jesús, ñeñt'pa' atet otos:

—Parteshacha', ñerra'm chocma epaye' erro't penen namo'ts, ta'm çerponoche'tcha'ña ne'pretne' ñato' e'ñech cançhrocha ne'pretne'?

²² Jesúsñapa' atet och:

—Napa' ama notenpe e'ñech cançhrocha pe'pretne', añña notene'p atonochcha' pe'pretne', —ama't cançhrochcha' çharra', ñaña po'poñ cançherr, allponochcha' se'pretne'ña samo'ts.

Atto Jesús'pa' e'ñotatanet ñerra'm amach e'ñe cohuen ye'pretnannenopa' Yomporpa'cho'ña amach peretnerrye yanía

²³ Jesús'pa' atet oterraneterr:

—Ñeñto'marña Yompor po'cohuenña ñeñt' atto ayochreshattena ña pue'ntaño' ñeñt'pa' atet ñerra'mrrate' puehñeñarr añcha'taret. Ñeñt'ñapa' añcha' muenen o'ch a'pocatyasan atto teba'yẽñ allohuen pa'taruasañerçhno.

²⁴ Allempoña all e'ñe a'pocatyasanetpa' allñapa' huapatoñet puehñeñarr pa'cheñer ñeñt' tebene' patoner quelle ñeñt' allpon tebenpa' ñeñt' oteñet shonte' millones. ²⁵ Ñaña'pa' ama echenano allpon quelle alloch tsa'terra ñeñt' allpon teben. Po'patronarñapa' atet otanet: “Te'pa' o'ch sepomuer epuet puetapor epuet ñaña puechemeresh'a, ñaña o'ch sepomhuerrñañ errponte' echyen allochñapa' ama't allapa' o'ch tsa'terrna atto tebenen.”

²⁶ Allempoña'pa' allenta concorpana'cha pa'taruasañer ñeñt' tebene', ñeñt'pa' atet otare'ch: “Amach nomp'orcha' pema'yore'tatsetno, netsa'tuerrpach aco'pa.”

²⁷ Po'patronarñapa' alla morrentera allenta a'rroyer allempocma e'shohuerrñañ all quellquẽññañet ñeñt' allpon teben. ²⁸ Ñeñt'ña pa'taruasañerpa' o' çha'nerr entuerran po'psheñeñ ñeñt' parro ataruasatarettenet ñeñt' tebene' ñaña, ñeñt'pa' e'ñe coñe'ta quelle. Ñaña'pa' çha rrema'huerre'pa' allenta mueño'che' atet otuer: “Petsa'terrnañaca'ye ñeñt' allpon petebenen.”

²⁹ A'rroyerpa' ñaña'pa' allenta concorpana'tana ñaña ñeñt' o' mueño'cho'tue. Allñapa' atet och: “Amach pema'yore'tatsetno, netsa'terrpach aco'pa allpon ñeñt' netebene'p.”

³⁰ Ñaña'pa' ama't mameshapa' ama pocteye' eñche, ñeñt'pa' anem' allcha' yottam'psach. Allñapa' allach esempohuach e'ñe tsa'tuerra ñeñt' allpon teben. ³¹ Añña po'potantañe'chnoña

ñeñt parro ataruasatareñtenetpa' ñetñapa' ama't mameshapa' ama pocteye' eñcheto ñeñt atet pa ñeñt e'ñe atfa e'shohuarettertsa ñeñt allpon tebane't po'patronar. Allempoña ñetpa' allenta ahuanmuert po'patronaresho. Allñapa' a'metanperet. ³² Allempoñapa' o' alla agotater po'patronar. O' cherr po'patronareshopa' atet otapuer: "Pa na'taruasafire, ama't mamesha ama cohueneshayaype. Pañapa' atfa potare'ten napa' ahuo'ch nepretnerreþ nañapa' e'ñe atfa ne'shohuernaþ ñeñt allpon petebenen. ³³ Ama't e'ñe pocteyñ papa'cho'ña o'ch pemueryañ ñeñt parro petaruasen. Atet nepena na e'ñe cohuen nemuererrpa." ³⁴ Allempoña po'patronarpa' e'ñe patsrre'mueñesha' pomuer, o' apuer ñeñtcha' coñchate' esempohuañen allcha'ña e'ñe tsa'tuerrana ñeñt allpon teben.

³⁵ Sapa'cho'ña e'ñe puesheña'ttsosña ñerra'm amach seþretnerre samo'tspa' e'ñech atecma perres sana Nompor ñeñt pue'ntaño'tsen. Chocmuepa'ch e'ñe cohuen seþretnannenaña sa e'ñe seyo'chrocmañen.

19

Atto Jesúsapa' ye'chatosanet ama asanna'tpahuoyaye (Mr. 10.1-12; Lc. 16.18)

¹ Serrpare'tuanerr Jesúsapa' err Galileot. Arr cherr Judeo, ñeñtña Judeapa' e'ñe alla Jordanaso yom'ta'n. ² Cota'huanererr shonte' acheñenesha' allñapa' a'crratyesuerraneterr allohuenet patsñañeret.

³ Allñapa' o' alla huacherrñañerr ñaña fariseonesha'. Ñetpa' añ muenenet e'ñe pueshquëñofetpa' o'ch eñorachet ñeñt ama cohuenayaye. Attoña ñetpa' atet otoset:

—Ta'm ¿pocte'te' o'ch yeser yetapor ñerra'm esempo errotentot?

⁴ Jesúsapa' atet otapanet:

—Ama't selleyareña atet oten Yompor po'ñoñ ñeñt aquellcayet ahuatoteñ. Ñehua, allpa' atet oten, Yomporpa' e'ñe ahuatoten allempoteñ es ye'chcatyes allempo ye'chcatan ñaña asheñorr, ye'chcatan ñaña peno. ⁵ Allempo Yomporpa' atet ot: "Ñeñto'marña yacmapa' ñerra'm esempoch sena'ta, coyanesha'pa' o'ch echan puerrollar, añ pocte' o'huañcha' tama yemteñet pamo'mte' allochñapa' yacmapa' attochña e'ñe parrocmat epuet puetapor. Attoña epsheño'maretpa' e'ñech patrra po'chets penet." ⁶ Attotcha'ña o'huañcha' puesheña'tetstet, allochñapa' o'ch e'ñe puesheñarratet. Ñeñt atto Parets e'ñe patrratatan yacma epuet puetapor amach'cha ellopa' alla sanrerreto.

⁷ Ñetñapa' atet otereterr:

—Ñerra'm po'ño'ch atetpa' ¿eso'mare'tña nanña Moisés ñofets all oteneý o'ch yaþ yetapor papell aquellcayet attoch yesannerra, allempoñapa' e'ñech pocte' o'ch yeser?

⁸ Ñañaapa' atet oterraneterr:

—Sapa' ama es sechenoyo seyo'chro ñeñto'marca'yeña Moisésapa' muenatas o'ch sese' setapor. Ama't atet muenataseña' tarraña Yompor e'ñe ahuatoteña' amaca'yeña atteý' oteno. ⁹ Na te'pa' o'ch notas: Ñerra'm esesha' serre' puetapor, puetaporñapa' ñerra'm ama cho aguënano po'psheñeñ yacma, ñeñt e'ñe atfa serre' puetapor, ñañaapa' chach ochña'tañperrana puetaporeshe'mañ ñerra'm o'ch alla yorerranerr po'poñ coyanesha'. Ñeñtapa' ama pocteye' enteñe Yompor. Ñaña ñeñtcha' yorerre' coyanesha' asaret,

ñeñña yacmarpa' chach chetapreten taporets. Ñeñtpa'cho'ña ama pocteye' enteñe Yompor.

¹⁰ Pueyochresha'ñapa' atet ochet:

—Ñerra'm amate' asapahuo yetapor ama't ahuatapa' amate' tama pocteyayeña yocop o'ch yeyore coyanesha' ñeñcha' yetapor yeña'.

¹¹ Ñaña'pa' atet otanet:

—Tarraña atetpa'cho'ña e'ñeca'ye pocten tarraña ama allohuenacmaye' chennasoña seyocho atet tarro'mar ama allohuenacmaye' seychoña atet. Ñeñtpa' aña eñotene' ñeñ atet cotape'chaten Yompor. ¹² Ñehua, atet ñerra'm puesheña'tets yacma ñeñ atta eñalletenet e'ñech atta ye'chquenet po'chets amach mueneñeto coyanesha'. Ellonetpa' eñall ñaña po'potantañ yacmanesha', ñetñapa' choch acaparettenet ñeñto'marña amach mueneñeto coyanesha'. Ellonetpa'cho'ña eñall ñaña po'potantañ yacmanesha', ñetñapa' añecpach ama mueneñeto coyanesha' esheccha' e'ñech aña ma'yo'chrenet Yomporecop attoch atarr ayochreshattena ña pue'ntañot. Ñeñ atet cotape'chenet Yomporecop ñeñtpa' e'ñe pocte'. Attepa'chña pet ñerra'm Yompor cotape'chatenahuet atet.

*Atto Jesús'pa' bensare'tam'psapan cheshanesha' ñeñ huapatoñet
(Mr. 10.13-16; Lc. 18.15-17)*

¹³ Allempoñapa' huacha'tachet ñaña shonte' cheshatollesha' Jesúsesho. Ñetpa' añecopña huacha'tachet o'ch a'p'lla'yesapanet Jesús attoch bensare'tam'psapanet. Jesúsña pueyochresha' allempo entapan ñeñ huacha'tate' cheshanesha'cho ñeñtpa' ama pocteye' eñcheto o'ch anmoset cheshatollesha' Jesúsesho ñeñto'marña ama amnataretapueto. ¹⁴ Tarraña Jesúsñapa' atet otanet:

—Pocte'ñacho' semnachña'yeña cheshanesha' onosetepa' e'ñe nesho. Amachca'ye cha sepatare'tatstapaneto tarro'mar allohuen ñeñ atarr neyemtenaya na e'ñe atet ñerra'mrrate' cheshatoll, ñetcha' o'patenetña Yompor po'cohuenña ñeñ atto ayochreshattena ña pue'ntañot.

¹⁵ Allempoña Jesús'pa' a'p'lla'yesapan cheshanesha' allohuenet e'ñe puesheña'ttset. Allempoñapa' ahuer allot.

*Atto puesheñarr ñeñ huepueshameñ ñeñ atarr ec'llayoret ñaña'pa' eñorana'tosana Jesús
(Mr. 10.17-31; Lc. 18.18-30)*

¹⁶ Allempoñapa' huapa puesheñarr yacma Jesúsesho, ñeñtpa' ora huepueshameñ. Ñaña'pa' atet otos:

—Maestro, papa' atarr cohuen acheñreñ, te'pa' o'ch potapuen ¿erroteña'tcha'ña neñaña na e'ñe cohuen attochña napa' corretsanach e'ñe tayoteñ ama't errponañohuen?

¹⁷ Jesúsñapa' atet otañ:

—Eso'mare't potenenña napa' atarro' cohuen acheñren. Arr arromñañenesha' ama't e'ñe puesheñarrapa' ama eñalleña ñeñ e'ñe cohuen acheñer. Ñapñaña Yompor ñeñ e'ñe po'ño'ch cohuen. Ñerra'm añte' pemnen attoch papa' corretsañach e'ñe tayoteñ ama't errponañohuen añ poctetsa pocop o'ch e'ñe pe'pohuoñ ñeñ atet oten Yompor.

¹⁸ Huepuesha'ñapa' alla a'p'to'tererr:

—¿Erra'tsente'ña ñoñets ñeñcha' atet nepohua?

Jesúsñapa' atet otererr:

—Ñeñpa' aña'ye, amach pemtsatsto acheñ, amach pechtapretatsto taporets, amach petyesatsto, amach petoma'tam̄psatsche pamo'ts e'ñe atfa.
 19 Ñaña e'ñe pemorrenteñoŋpa' pem̄cha'na'chcha' p̄mpor ñaña p̄achor. Ñaña aña' atarr cohuen pemorrenta p̄amo'ts e'ñe atet atarr pemorrentena e'ñe p̄añeña.

20 Hupuesha'ñapa' alla oterranerr Jesús:

—E'ñe cheshoteñ ora añechnopa' napa' e'ñeca'ye netsotueñ. Ta'm ¿era'tsenmeñe'ña ñeñt nepalltena?

21 Jesúsñapa' atet otererr:

—Ñerra'm añ pemnen o'ch e'ñe petsotua ñeñt pepalltenmeñ te'pa' aña'ña atet peperra, o'ch ahuerreppa' o'ch pepomhuerr ora allpon ñeñt pechyen o'ch p̄apa'yera' huocchañneshachno ñeñt atarr es pallta'yetsa, attochña p̄apa' pecherrcha' ñeñt atarr nanac sherbets Yompor pue'ntaño. Allempochña p̄ehuerrapa' o'ch p̄octerren attoch e'ñe neyochresha' neperrep e'ñe poctacma.

22 O'ña e'mhuan hupuesha' ñeñt atet och Jesús'pa' ñaña'pa' puellquēñesha' ahuer tarro'mar ñapa' shonte' esocmañen echyen.

23 Jesúsñapa' atet otan pueyochresha':

—Po'ño'ch napa' o'ch notas: Ñeñt atarr eçllayoret'pa' atarrca'ye nanac echarr attoch agapoñet Yompor po'cohueña ñeñt atto ayochreshattena ña pue'ntaño. 24 Ñeñtpa' atet'cha' netma'ntacha. Yapa' yeñoteñ berr añecmuena allpon ñerra'm huaquēsh* atarrca'ye torrapo' o'ch esho'tosa añeñtollponatollo atet ñerra'mrate' acosh puetatollo. Ñeñtpa' atetca'ye penaña acheñ ñeñt eçllayoret ello atarr torrapo' o'ch agapan ñaña Yompor po'cohueña ñeñt atto ayochreshattena ña (tarro'mar ñetpa' ama mueneñeto o'ch sehuanmuet ñeñt atarr morrentenet ñet attoch pueyochresha' perranetañ Yompor).

25 Pueyochresha'ña allempo e'met Jesús atet oten, ñetñapa' cha muene' lleca'rtetpa' atet otanna'tyenet:

—Tarraña ñerra'm atette'pa' amate' esesha' a'queshp̄ataretterrtso ama't puesheñarra tarro'mar yapa' yeñoteña'ye huaquēshpa' amaca' esho'tenoña acshequeto.

26 Allempoña Jesús'pa' atfa cohua'yesanetpa' atet oterraneterr:

—Sa aromñateneshasp̄a' amach es errotenaye' apen senteno. Tarraña Yomporpa' ama eñalle ñocop ñeñt atarr torrapo' enten.

27 Allempoña Pedropa' atet och:

—Partseshacha', po'ño'ch yapa' o' e'ñe yesuanom ora allohuen attoch e'ñe yocterrep. Yapa' ¿eso'tcha'ña apuerreyña Yompor?

28 Jesús'pa' atet otanet:

—Po'ño'ch notenes, allempoch etserrater pats allempoch nanorruerr neconaño allcha' necohuenueterra nepartsoteñoŋ na Ñeñfen Acheñetosets sapa'cho'ña allcha' sanorrysuerr seconañe'chno e'ñe puesheña'ttsos çharra' puechena epa seconañ ñeñtes noctene'. Sa ñeñtes noctene' allcha' sanorryesos allotcha'ña sa'ñcha'taretterraña añecop ñeñt çharra' puechena epa Israel po'mrenñenesha'.

29 Jesús'pa' alla oterraneterr:

—Allohuen erra'tsencha' acheñer ñeñtcha' e'ñe sehuanmue' allohuen ama't pa'paclohuen, ama't pa'mo'nasheñnesha' ñato' poçhanesha' ñato' p̄mpor, p̄achor ñato' po'pateñ, attochña na e'ñech cohuen sherberrnet,

* 19:24 Ñehua, Jesús añ toma'ntatanet camello ñeñt payara penet all pa'nyo, ñeñt e'ñe allpon ñerra'mrate' huaquēsh.

ama't erra'tsench'a' ñeñcha' sehuanmue' allohuen, elloña ñetpa' o'ch alla aguërret shonte' esocmañen ñeñt atarr cohuen. Ama't allponapa'tets sehuanomyesnomuet, elloña çharrochcha' çharra' alla agapyerret. Elloña tsapatonetpa' o'ch aguërret ñeñt alloch ñetpa' corretsetach beñecpuen pocsheñeshocmañen. ³⁰ Te'pa' señohepa'ch, eñall shonte' acheñ ñeñt ama esoye' senteno sa te' tarraña ñetña allemppa' atarrcha' asherben enterranet Yompor. Ñaña eñall shonte' acheñ ñeñt atarr asherben sentyen sa te', tarraña ñetña allemppa' amach asherbenaye' enterraneto Yompor.

20

Atto Jesúsapa' toma'ntaterraneterr e'ñech allponeshacma atsa'taretta allohuen ataruasañechno pamtarr yet

¹ 'Yompor po'cohuenña ñeñt atto ayochreshattena ña pue'ntañof, ñeñtpa' añ toma'tena ñeñt atet pena puesheñarr ane'tañ. Ñañaapa' ahuatecma ahua'muen e'nyenaya' acheñ ñeñcha' taruasat pa'mro o'ch toteññañeta' puenarem. ² Ñeñt allpon entospa' atet otosanet: "Ama't semno o'ch setaruasena' na'mro. Pamta'tetspa' netsa'tasach allpon quelle ñeñt paterr denario."* Ñetñaapa' e'ñe pocte' eñchet allenta mueñanet pa'mro, allcha' totoset narmetsmo. ³ O'ña enome'ta'muenpa' o' alla ahurrerr allecma shontena acheñenesha' ñeñt e'nyene' taruas. Allñaapa' entuerranerr tama allponsheña, ñetpa' ama es otteneto. ⁴ Ñañaapa' atet otosanet: "Sapa'cho'ña ñerra'm semne'pa' o'ch setaruasa' na'mro; napa' netsa'tasach allpon ñeñt poctetsa." Ñetpa'cho'ña allenta ahuanmuet pa'mro allcha' totoset ñamet narmetsmo. ⁵ Allempo çhap poctopa' alla ahurrerr ane'tañ, alla entuerranerr po'potantañ acheñ. Ñetpa'cho'ña attecma otuerraneterr ñeñt atet otan ñorra' po'potantañ. Ñetpa'cho'ña allenta mueñerraneterr pa'mro allcha' totoset ñamet narmets. O'ña ellerrenmochpa' o' alla ahurrerr, allñaapa' entuerranerr po'potantañ acheñ. Ñetpa'cho'ña e'ñe attecma otuerraneterr ñeñt atet otan ñorra' po'potantañ. Ñetpa'cho'ña allenta mueñerraneterr pa'mro. ⁶ Atteña o' ellerrenpa' o' alla ahurrerr, allñaapa' entuerranerr po'potantañ acheñ, ñetpa'cho'ña ama es otteneto. Ñetpa'cho'ña atet otuerraneterr: "Sapa' çeso'mare'tña atfa sellapene't tom'cha'tyesetsña arrma? Amaña es sotteno." ⁷ Ñetñaapa' atet ochet: "Yapa' amaca'yeña eseshaye' yetaruasatenaye ñeñto'marca'ye ama es yotteno." Ñañaapa' atet otanet: "Ñehua, sapa'cho'ña o'ch ahues na'mro, ama't mameshapa' setaruasa'nen. Napa' netsa'tasach allpon ñeñt poctetsa." ⁸ O'ña puenaso'tenpa' ane'taññaapa' otosan ñeñt cohuam'pene' allohuen pa'taruasañer: "Te'pa' o'ch peçhore'ter ataruasañnesha', o'ch petsa'tyesapuerranet e'ñe puesheña'ttsocmuet. Añcha' ñanom petsa'tapuerra ñeñt taruasosets chenta' alloteñach pamotech tsat'yesapuerrahuet atotach petsa'tuanet ora allohuenet ama't ñeñt aromtañohuen." ⁹ Ñeñña taruasosets ellerronet ñetñaapa' o' huaçherret. E'ñe allponeshacma atsa'taretetyesapuerrret ñeñt paterr denario. ¹⁰ Atteña allempo o' huaçherra ñaña ñeñt taruasosets ahuatecma, ñetñaapa' çha otenuapetañ ñato' atoncha' atsa'taretapuerrret. Tarraña ñetpa'cho'ña e'ñe puesheña'ttsocmuetpa' e'ñe allponeshacma atsa'taretapuerrret ñeñt paterr

* **20:2** Denariopa' quelle ñeñt allpon tsa'tenet pamtarr ñeñt taruasets all pa'nyo.

denario. ¹¹ Allempo agapetpa' ñetñapa' 'cha po'poñ entet, 'cha e'moñe'tueret ane'tañ. ¹² Ñeñto'marña atet ochet: "Añenesha' ñeñt huapatsa chenta'pa' ñetñapa' mamesha taruasoset. E'ñe allponeshacma petsa'tapuerranet ñeñt e'ñe allpon petsa'tapuerrya yañña. Ama't yapa' o' yellapen ya ñetse' yetaruas, nanac etay atsrret all yetaruasen. Eso'mare'tña e'ñe allponeshacma petsa'tapuerrya ñeñt allpon petsa'tapuera ñaña ñeñt taruasosets mame'." ¹³ Allempo atet otuer ataruasañ, ane'taññapa' atet och: "Ama, masheñcha', 'choye' neshquénpe, e'ñe allpona netsa'tenpa' ñeñt allpon ya'pochtata'muen aromtaña. ¹⁴ Te'pa' panerr peçllayor, orrerrepe. Napa' e'ñe pocte' nenteñ na allponcha' netsa'cha ñeñt huapatsa chenta' allpon netsa'tasa saña. ¹⁵ Sapa' ama't pocteye' senteñe allpon ñeñt e'ñe nocma napa' e'ñech atet nepe' ñeñt atet nemnen na. Ñato' tarro'marte' 'cha muene' se'moñe'tenenña' napa' atarrca'ye amuerañan." ¹⁶ Ñeñto'mar te'pa' o'ch noterrser: Ñeñt ama esoye' senteno sa te' tarraña ñetña allempopa' atarrcha' asherben enterranet Yompor. Ñeñtña atarr asherben sentyen te', ñetña allempopa' amach tama asherbenaye' enterraneto Yompor. Ñeñto'mar te'pa' o'ch alla noterrser: Ama't shonteñña ñaña ñeñt ahua'ñare't ñeñtcha' neyochresha' nepperreñ, tarraña ñetpa' e'ñe puesheña'ttseta ñeñtcha' e'ñe pocte' nenterr na ñeñtcha'ña e'ñe neyochresha' neperr poctacma.

Allempo Jesús'pa' alla eñotaterraneterr ñapa' 'chocmach amtsaretterra
(Mr. 10.32-34; Lc. 18.31-34)

¹⁷ Jesús'pa' ahuenerr Jerusaléñonef pueyochreshohuen. O' ahuanenan pueyochresha' a'yenteye' allñapa' atet otnenanet:

¹⁸ —Te' po'ñoçh o' ahueney Jerusaléño, allcha' pomataterrnet na Ñeñten Acheñetosets. Añcha' nerrmaterre' ñeñt pa'mcha'tareternesha' pen allohuen judionesha' po'cornaneshar ñaña ñeñt atarr etsotayenayeñ ñoñets ñeñt atet anaret. Ñetñapa' atetcha' otyesnet na'mtsaretterrepa'to', ¹⁹ o'ch pomuerrnet po'poñ acheñesho ñeñt ama judioneshayeye. Ñetña pueche'tatseteñoñetanpa' allcha'ña achmare'ternnet, ashterrnetcha', attoçtcha'ña o'ch corso'tampernet, tarraña poma'pamtañoçh alla netanterra.

Ñeñt pachor pen Jacobo ñaña Juan, ñaña'pa' enamuenan Jesús attoch anorr'cha'tyesuerr puechyoresha' Jesúsesho
(Mr. 10.35-45)

²⁰ Allempoñapa' ponmosya ñeñt pachor pen Jacobo ñaña Juan ñeñt Zebedeo puechemerasha'. Huapa epuet epsheño'mar puechoyor, ñaña'pa' concorpana'tosana Jesús attoch es enamos. ²¹ Jesúsñapa' atet otape:

—¿Eso'tña pemnen?

Ñapa' atet otos:

—Napa' añ nemnen te'pa' o'ch pemnatapon añ nechoyor epsheño'mar o'ch anorruerret pesho allcha' pa'mcha'taretterra e'ñe pecohuenño. Puesheñarppa' anorrosepach pecohuenrot, po'psheñeññapa' anorrosepach pe'chcoterot, allcha' cohuentapreterpet.

²² Jesúsñapa' atet otanet:

—Sapa' amaca'ye señoñe ñeñt po'ñoçh senamuenen. Añca'yeña senamuenen attoch semueroçhtapeterrna saña. Ta'm ¿e'ñete' po'ñoçh pocte' senteñ o'ch semueroçhterra saña tarro'mar napa' 'chocmach na'mueroçhtataretterra?

Ñeñt muerochteñetspa' Jesúsapa' atet toma'ntatanet ñerra'mrrate' atarr pesherr es yorren orrañtso ñaña atto yapatarettena e'ñe atet ñerra'mrrate' cho ya'mtsaretterra Yomporecop. Ñetñapa' atet ochet:

—Yapa'cho'ña atetcha'ca'ye yepe'.

²³ Ñañaapa' alla oterraneterr:

—Ñehua, po'ñoçhpa' sa muerochtataretterrach saña attescha' ñerra'm na, sa'mtsaretterrach saña. Tarraña añña attoch sanorriesos nesho neco-huenrot ñaña ne'chcoterot allcha' secohuentapreterrna ñeñpa' amachca'ye naye' semnaterraye. Añcha'ña anorriesuerrets all ñeñt e'ñe o'patatenna Nompör.

²⁴ Añña po'potantañ pueyochresha' ñeñt çharrasheña allempo e'met ñeñt atet enamuen Jacobo epuet pa'mo'nasheñ Juan, ñetñapa' ama pocteye' eñcheto çha muene' e'moñe'chet. ²⁵ Allempoña Jesúsapa' alla çhore'terranet allohuen e'ñe ñesho ñeñpa' atet otanet:

—Sapa' señoñe' ñeñt atet pena po'poñ acheñenesha' ñeñt ama judione-shayaye. Ñet ñeñt pa'mcha'tareter penet e'ñech pa'mcha'noçhteñoçmañen pomnaren pa'yenan allohuen pueyochresha'çhno. ²⁶ Sapa' arepa'chña atteye' sepanna'tatsto e'ñe sommo'cheñoñ. Socoppa' añña poctetsa o'ch atet sepena. Ñerra'm erra'tsenotes ñeñes atarr amcha'taretoyen entet-sañ ñeñes acheñes socoppa' añ poctetsa o'ch atet senterra ñerra'm ama esoshe'mayayso ñeñt atet pena ñeñt atta atarr taruaset po'potantañecop. ²⁷ Ñaña ñerra'm erra'tsenotes ñeñes muenene' o'ch atarr asherben entenet ñeñtesña acheñrespa' añ poctetsa o'ch atet senterra ñerra'm ama esoyayso allochñapa' attochña e'ñech cohuen setorrna po'potantañecop atet ñerra'mrrate' acheñ ñeñt atarr taruaset e'ñe atta. ²⁸ Atet ñerra'm na Ñeñten Acheñetosets, napa' ama añecpaye' nehuapo aña patsro allochñapa' sapa' o'ch atta atarr sesherbapuen na atet ñerra'mrrate' napa' atarr amcha'taret sentenen. Napa' añecopña nehuapa allochñapa' nachña sesherboséña sa, ñeñfo'marña napa' naña pomostsa nañeña o'ch nerromos scop attochña netsa'tuerrnasa so'chñar ñeñes shontes pa'namen acheñes. Attochña sapa' amach sañeña rromatso so'chñarecop.

Allempo Jesús a'crraterranerr epsheña aporo'yet

(Mr. 10.46-52; Lc. 18.35-43)

²⁹ Allotñapa' alla meterreterr Jericóipa' cota'huanererr shonte' acheñenesha'. ³⁰ Allcha' oñmuetpa' allñapa' ahuepa't anorros epsheña aporo'yet e'ñe toñetopño. Ñetña eñotaretet añ huetsa Jesús. Ñeñña aporo'yetpa' allenta rranare'tapet Jesús, ñeñpa' atet otapat:

—Pemueraye'chnomya, Ayochreshate, papa' ñeñep Davidna'tarep.

³¹ Acheñenesha'ñapa' çha muene' che'ptare'tnometña aporo'yet, atet otoset:
—O'hua semma.

Aporo'yetñapa' elloña alla rranare'terreterr atet otereterr:

—Pemueraye'chnomyañaca'ye, Ayochreshate, papa' ñeñep Davidna'tarep.

³² Jesúsñapa' alla tomos o' çhore'tanetpa' atet otanet:

—¿Eso'tña semnen ñeñcha' atet neposes?

³³ Ñetñapa' alla otereterr:

—Ayochreshate, yapa' añ yemnen o'ch pecuatnomuey attoch o'ch cohuen yenterrapa.

³⁴ Jesúsñapa' allenta muerosanet attoña ñapa' a'p̄llacle'chosanet. A'p̄llacle'chuanetpa' aporo'yetñapa' allorocma enterret e'ñe cohuen. E'ñe cohuertsetpa' cha cota'nmuert ñamet Jesús.

21

Allempo chap Jesús Jerusaléño (Mr. 11.1-11; Lc. 19.28-40; Jn. 12.12-19)

¹ Atteñapa' o' cha'cha'tet allame'tets Jerusaléño. Chapuet aspento ñeñ pa'so'cheñ Olivopen. Allñapa' allo'tsen anets ñeñpa' añ pa'so'cheñ Betfagé. O'ña chapmochet all anetso, ² Jesúsñapa' atet otnoman epsheña pueyochresha':

—Sapa' o'ch sota o'ch se'chap a'yenteye' e'ñe allara anetso. Allñapa' allcha' sentos ashen all huanquënet epuet ña'ña puechoyor ñeñ rre'ptor. Ñeñña ashenpa' o'ch sepyam̄psospa' o'ch sanerrnan. ³ Ñerra'm esesha' errot sota-pue' sañapa' atetcha' sotosanet: “Yepartsesharca'ye muenene'ña añ ashen. Mameshapa' o'ch alla apuerrsa'.”

⁴ Ñeñpa' tarro'mar atet pa' allochñapa' attoch etsota añ po'ñoñ ñeñ a'mtaye't ahuat Yompor po'ñoñ. Ñeñpa' Yompor eñorataye't atet:

⁵ Atetcha' soch síono'marnesha' ñeñfara jerusaléño'marnesha': “Secue'tach, te'chca'yeña huaponasaña ñeñfcha' Sa'mcha'tareter seperr. Atto huena ñapa' amaca'ye pommo'cheño'teye' chapoña all, ñeñto'marña ama't rre'ptorechora ashenpa' ñeñfachca'ye monta'nena.” Arrpa' allohua huañ añ po'ñoñ ñeñ a'mtaye't ahuat Yompor po'ñoñ.

⁶ Allempoña pueyochresha'ña ñeñ mueñapa' ñetñapa' allenta ahuanmuert all anetso. E'ñe atet otapanet Jesús, ñetñapa' e'ñe'cho' atet p̄oset.

⁷ Allempoñapa' huapaterrñañet ashen epuet ña'ña puechoyor. Ñetñapa' nohuerret pa'shtam ashnache'ñopa' montatueret Jesús. ⁸ Shonte' acheñenesha' ñetñapa' totma'tyesoñet pa'shtam toño allcha' oñem Jesús. Po'potantañe'chnoñapa' tsorrm'o're'tyaset tsach pue'mo'rer allo topanetyeset toñ. ⁹ Allohuen acheñenesha' ñeñ otachetsa ña'ña ñeñ cota'huanene' chenta' ñetñapa' puerrannarteño'tetpa' atet atarr cohuentatyeseññañetpa' atet otenet:

—¡Acsherrapo'ch allohuenyel! ¡Aye'cho'chtaterrapo'ch Jesús ñeñ añcha'taret David po'ñreneñ! ¡Aye'cho'chtaterrapo'ch Jesús ñeñ llesensen Yompor! ¡Ya'ye'cho'chtaterrñañepa'ch Yompor Parets ñeñ pue'ntaño'tsen!

¹⁰ Atteñapa' o' chap Jesús Jerusaléño. Chap allpa' allohuen anetso'marnesha' epaye' cohuanrrortapet. Ñetñapa' atet otyeset:

—¿Esesha'te'ña añ acheñer?

¹¹ Acheñenesha' ñeñ cota'nene'pa' ñetñapa' atet otoset:

—Añca'yeña Jesús ñeñ a'mtene' Yompor po'ñoñ. Ñapa' Galileotca'ye huena allara anetso Nazareto.

Atto Jesús'pa' a'cohuentatosan Parets pa'paquëll (Mr. 11.15-19; Lc. 19.45-48; Jn. 2.13-22)

¹² Alloña Jesús'pa' be'tosos Parets pa'paclo. Allñapa' mueño'tuosan allohuen ñeñ pomatsre'tetsa all ña'ña allohuen ñeñ rañta'yetsa. E'ñe cha'nma'cha'tatosanet allot, a'coye'tam̄psosanet po'mesachno allecma cam̄yatyenet po'çllayoret, a'coye'tuosan ña'ña allecma anorryen ñeñ pomuene' yepe'chno. ¹³ Allempoñapa' atet otosanet:

—Yompor po'ñoñ ñeñt atet anuaret ahuatoteñ allñapa' atetca'ye oten Yompor: “Añ ñeñt nepaquëll nepenpa' añeçpaca'yeña sherben allecmach ma'yochennet.” Tarrña sañapa' e'ñe atet sepeññañña Yompor pa'paquëll ñerra'mrrate' eñet ñeñt epotyetsa mapuetpono.

14 Allña Parets pa'paclopa' huaçha'toña aporo'yeteçhno ñaña ñeñt checa'repayets. Ñaña'pa' e'ñe a'crratyesapanet. 15 Añña ñeñt pa'mcha'tareternesha' pen allohuen judionesha' po'cornaneshar epuet ñaña ñeñt atarr etsotayenayeñ ñoñets ñeñt atet anaret, ñetñapa' entoñet ñeñt atarr coçhnesha' atet orrtatyen Jesús ñeñt ama't eseshapa' ama puentareto. Ñaña e'mueññañet cheshanesh'a' all Parets pa'paclo puerranarotetpa' atet otyenet:

—¡Aye'choçhtaterrapo'ch Jesús ñeñt añcha'taret David po'mreneñ!

Ñetña atet entetpa' ñeñepa'tcha' atarr atsrre'matahuet. 16 Allempoñapa' atet ochet Jesús:

—¿Ama't pe'muenoña atet otachre'tapaç cheshanesh'a'?

Jesúsñapa' otanet:

—Ne'mueñca'ye. Sañapa' ama't selleyareña Yompor po'ñoñ. All anaret ñoñetspa' ñeñña atet oten:

Ama't cheshatollesha' e'ñe puenamotet e'ñech cohuen pe'ñoratos açhotachre'teñtso. Ama't ñeñt ora momuenmeñ pe'morrtatoscha' e'ñe cohuen pocop.

17 O'ña yerpatuerranet añ ñoñets ñeñt atet anaret ahuatoteñ ñocop, allempoña sa'nerranet ñeñe anetsrotpa' o' alla ahuererr Betanio. Allpa' allecm ommuena.

Allempo Jesús'pa' eñora higoçhecop amach eñalletatsto pue'mer

(Mr. 11.12-14, 20-26)

18 Tsapat puetaren alla ahua'muenerr Jesús anetso Jerusaléño. Toñoñapa' çha cheporra'nma. 19 Allñapa' entnoman higoç toñetoño'tsen. Ponmosya ama entoñe pue'mer, pasopanrepa'tcha' entosñañ. Jesúsña çhepa'tcha' eñorotsa higoçhecop, ñeñtpa' atet otos:

—¡Arepa'ch eñalleterro pue'mer ama't e'ñe ahua'ta!

E'ñe otue'pa' allorocmuepa'tcha' hueya'huaña pasopaner.

20 Pueyochresha'ñapa' e'ñe enteñet o' hueya'huaña higoçpan. Ñetñapa' atta cohuanrrorteñet, atet otanna'tet:

—Errotentuañaca'yeña o' a'uyataçña e'ñe mamecmate'.

21 Jesúsña atet otanet:

—Po'ñoçhca'ye o'ch notas: Ñerra'm seyemteña Yompor, ama çoye' se'çharrateno seyoçhet, amach añayaya atet sepo atet nepa' higoçh. Añe'nachña e'ñe setsoten ñeñt ello atarr torrapo' senten. O'ch netma'ntacha atet ñerra'mrrate' añ aspenet. Ñerra'm eseshascha' otets aspentecop, “Añ aspenetpa' rrote'tepa'ch arrot, arrepa'çña esha'tosa sa'po allcha' e'ñe chencosa”, aspenetñapa' atetçha'çho' ponasa. 22 Ama't allohuen erra'tsencha' es senam Yompor e'ñe sema'yocheño, ñerra'm çho senamueñ e'ñe seyemteñoçmañen, ñeñña'pa' sagaçcha'.

Atto allsensarettena Jesús

(Mr. 11.27-33; Lc. 20.1-8)

23 Allempoña Jesús'pa' o' alla çherrerr Jerusaléño, allñapa' be'tosuerrerr Parets pa'paclo. Allñapa' yeçhatuerranerr acheñenesha'. Atto yeçhatenan acheñenesha'pa' allempoña huaçha'toña ñaña ñeñt pa'mcha'tareternesha'

pen allohuen judionesha' po'cornaneshar epuet puesheña'tets ñeñĩ pomporneshá' pen allohuen judionesha'. Ñetñapa' atet otoset:

—Ñehua, yapa' añecop yohuena yemneñ o'ch p̄otey ¿errofe't apuenpetña llesens? ¿Esesha'tña p̄apuenena llesens attot p̄orratyenña ñeñĩ chocma atecma pepa'yena?

²⁴ Jesúsñapa' atet otapanet:

—Ñehua, napa'cho'ña nemneñ o'ch na'p̄to'tapas samã ama't patrra ñoñets. Ñerra'm sanaposencha'pa' napa'cho'ña attochña notapas namã allot apuennetña llesens ñeñto'mar atet nepena. ²⁵ Sapa'cho'ña o'ch sotosen, ahuañmo'cha allempo apate't Juanañ Yomporecop, ñapa' ¿eseshatña llesense' ñato' Yompor amapa' acheñate' apue'ña llesens? Nemnen o'ch sotosen ñeñĩ atet soctape'chen sa.

Ñetñapa' e'ñe a'nahua otanna'tyeset:

—Ta'm errotcha'ca'ye yochte'. Ñerra'm cha yoch Yomporeshotca'ye apetña llesens, ñapa' chate'ca'ye otey: “Ñehua, sañapa' eso'mare'tña ama se'nññocheña ahuaña allempo serrpare'tatosan acheñenesha'.” ²⁶ Elloña ñerra'm cha yoch acheñesho'a ap̄et llesenspa' acheñenesha'ñapa' chate' e'moñe'tyet, tarro'mar ñetpa' e'ñe cohuen eñchete't Juanañ, chocma otyeñet ñapa' ñeñĩca'yeña a'mtose' Yompor po'ñoñ.

Ñeñto'marña ñetpa' mecha'teñet acheñenesha'. ²⁷ Ñeñto'marña ñetpa' atet ochet Jesús:

—Ta'm yapa' amaca'yeña yeñoteñe; errotte' huapaña Juanañ, errotte' ap̄etña ñama llesens.

Allempoña Jesúsapa' atet oterraneterr:

—Napa'cho'ña te'pa' amach notaso samã allot apareten namã llesens attot atet nepa'yena.

Atto Jesúsapa' toma'ntaterraneterr puesheñarr yacma atet penaña epsheña puechmer

²⁸⁻³² Jesúsñapa' alla oterraner judionesha' pa'mcha'tareternesha':

—Ahuañmo'cha allempo huapa Juanañ, ñapa' añecop huapa attoch ñach seyçhaterre' allohuen ñeñĩ e'ñe pocte' enten Yompor. Tarraña sañapa' ama same'ñyo. Aña e'ñe cohuen ame'ñapaya ñeñĩ atarr ochñañenesha'chno atet ñerra'm añ ñeñĩ po'taruas p̄a'yene' e'ñe p̄ueshquẽño'tet cobra'yeñet acheñenesha'chno quelle ñeñĩ gobiernocop ñama aña e'ñe cohuen ame'ñapayaña Juanañ ñeñĩ atarr ecañoresha'chno. Allempo sentanet atto ñetpa' cotape'cherret ello cohuen Yomporecop, sañapa' amaña eseshas cotape'cherrayeña cohuen Yomporecop attoch o'ch same'ñera samã. Ñeñtña te'pa' o'ch netma'ntacha. Ñehua, puesheñarr yacma eñall epsheña puechmer. Ñañaapa' atet otenana' puesheñarr puechmer: “Te'pa' nechemere, o'ch ahua'muenep̄ ya'mro allcha' petaruasa'muen.”* Ñañaapa' ellonta otapan pompor: “Amaca'ye nemno, amacha'ye neto.” Tarraña elloñapa' cotape'cherran cohuen allempoñapa' ahuo' pompor pa'mro taruasats. Allempoña pomporpa' ahuo' ñama po'psheñeñ puechmeresho, ñapa'cho'ña atet otos atet otuan po'psheñeñ puechmer: “Te' nechemere, o'ch ahua'muenep̄ ya'mro allcha' petaruasa'muen p̄ama.” Ñañaapa' e'ñe cohuen otapan pompor: “Ñehua, apacha' o'ch ahuen o'ch netaruasa'muen ya'mro.” Tarraña ñañaapa' ama't atet otañpa' ama to.

* 21:28-32 Ñeñĩ po'taruas penet ñetpa' toteneta' uva.

Jesúsñapa' alla oterraneterr:

—Te'pa' o'ch na'pto'tas sa, ñeñt' epsheña puechemer, ¿erra'tsena't sentenña sa ñeñt' e'ñe po'ño'ch atet petsa ñeñt' atet muenen pompor?

Judionesha' ña pa'micha'tareternesha'pa' ñetñapa' atet ochet:

—Añca'ye ñeñt' ñanom, ñeñt' otapue' ñapa' año'ch to taruasats tarraña el-loñapa' allenta ahuo' taruasats pa'mro. Ñeñt'ca'yeña etsotene'ña ñeñt' atet muenen pompor.

Jesúsñapa' atet oterraneterr:

—Ñeñto'marña te'pa' o'ch notas: Ñeñt' pueshquẽño'te'na cobra'yene' acheñenesachno ñaña ñeñt' atarr ecañoreshate'chno, ñetñapa' po'ño'ch allenta aguërret Yompor po'cohuenña ñeñt' atto ayochreshattena ña. Sañapa' amaña allentaye' saguereña samã tarro'mar sapa' chaña atarr se'charrtatenna seyo'cher.

Atet atma'ntatarettena ñeñt' ataruasañechno ñeñt' ama cohuenayaye
(Mr. 12.1-12; Lc. 20.9-19)

³³ Jesúsñapa' alla oterraner judionesha' pa'micha'tareternesha':

—Te'ñapa' se'mñotencha', napa' o'ch netma'ntatasa po'poñ. Eñall puešeñarr ane'tañ, ñañapa' nare'tanatatomon shonte' uvach; pa'muerñapa' e'ñe ora uvachmatatue. E'ñe concha'tam'pesue allotñapa' eñan ñaña allcha' a'pecho'toñet uvas po'ñer. Allñapa' tomatatomon torrepo' allotcha' cohuan'psoñet pa'muer.

"Tomatuepa' na'nman ñeñt'cha' taruasatats ñeñt'cha' coyerrahuet allpon ñerra'm esempoch toteñet. O'ña nare'tanatatupepa' o' ahuo' po'poñ anetso ba'chayo. ³⁴ Chap allempo yen uvachllom'pa' ñañapa' mueñerran po'pshẽñechno pa'taruasañer ñetcha' enamuersteta' uvachllom' po'pshẽñeñ pa'taruasañresho ñeñt' cohuan'pene' uvachma'.

³⁵ Allempoña' cheneta' allpa' enamosan ñeñt' allpon o'patena pamo'mte', arepa'tcha'ña es apapuenayeña uvachllom', elloña ñeñt'apa' cha rremapoñet pa'taruasañer, cha nalle'tapueñet puešeñarr, cha muetsapet po'pshẽñeñ, po'pshẽñeñpa'cho'ña cha rrolle'tapoñet. ³⁶ Allempoña' ñeñt' pamo'mte' pen uvachma'pa' o' alla mueñerraner po'pshẽñechno pa'taruasañer shonte'. Allempo chapuet ñamet allpa' attecma errotuanen a'parettapuet ñamet.

³⁷ 'Allempoña' ñeñt' pamo'mte' penetpa' ñañapa' atet ot: "Te'pa' o'ch nemñe all ñeñt' e'ñe na nechemer. Nato'rraña ñeñt'pa' mecha'na'tapetcha'."

³⁸ Ñeñt'pa'cho'ña ama't mameshapa' arepa'tcha'ña mecha'na'tapeto. Allempo entapoñet puechemer ñetñapa' atet otanna'tyeset: "Añmapa' ñeñt'ca'yeña puechemer ñeñt'cha' o'paterraya pompor puenarem' esempo. Napa'cho'ña te'pa' o'chca'ye yemtsa'p allochñapa' yachca'yeña e'ñe o'paterrayaña pompor puenarem'. Te'pa' o'ch ahuey o'ch yemtsa'p ñaña."

³⁹ Allempoñapa' o' rromapet o' chetare'tnomet narmetsmot a'yenet, allña muetsapetña ñaña. Arrpa' allohua atet toma'ntata Jesús e'ñe ñañeña.

⁴⁰ Allempoña Jesúsapa' atet oterraneterr:

—Ñehua, ñerra'm esempoch huerra' ñeñt' pamo'mte' pen ataruasañechnopa' ¿señoteñe'tña ñetpa' atet'cha' a'paretterret?

⁴¹ Judionesha'ña pa'micha'tareternesha'pa' atet oterreterr:

—Ñerra'm huerrachpa' ñeñt'ña ama matsrre'mñopa' e'ñech a'cclatuerranet pamo'mte', nanach'a' coñchatuerranet; narmetsmoñapa' elloch nerraner po'potantañ ñeñt'cha' taruaserrtserr all uvachmo. Nerranerrcha' ñeñt'cha' e'ñe po'ño'ch apuerre' pue'mer ñerra'm esempoch yen.

42 Allempoña Jesús'pa' atet oterraneterr:

—Sapa' ama't ahuatapa' ama'tña selleyareña ñeñt atet anuaret Yompor po'ñoñ ahuatoteñ. Tarro'mar ñeñtpa' atet oten nocop, na atma'ntataret mapue'. Ñeñtpa' atet oten:

Añ mapue' ñeñt ama pocteye' entyeno ñeñt tomatyene' pocoll, ñeñtña te'pa' o' anaretterra ñeñtcha' ello atarr cohuen sherberrets e'ñe atet ñerra'm quellpach allo e'ñe cohuen echarr orratenet pocoll. Ñeñtpa' Yomporca'yeña atet ñatene', ñeñto'marña yapa' e'ñe cohuen yenteñ. Arrpa' allohua atet toma'ntaterrr Jesús e'ñe ñañeña.

43 Ñeñto'marña sa ñeñtes judioneshaspa' te'ña Yomporpa' puerratanperrescha' po'cohuenña ñeñt atto ayochreshattena ña. Añcha'ña apuerr ellonet po'potantañ acheñenesha' ñeñt ama judioneshayaye ñeñtcha' po'ñoñ orrtaterre' e'ñe ña po'cohuenña atto atarr ayochreshattena ña. 44 Allohuen erra'tsencha' atetsa añ mapyo ñeñtña mapue'pa' e'ñech a'yosatse'tuanet. Ñaña ñerra'm eseshesho shora'nom ñeñt mapyerpa' e'ñech a'peptse'tuosanet.

Attoña Jesús'pa' toma'ntatanet ñerra'm ama esesha' pocteye' entenaye Cristo ñerra'm erra'tsencha' ama aguërraye, ñeñtña acheñerpa' chocmach huapoña ñeñtcha' atarr muerochtaterahuet.

45 Allempo atet e'myes ñeñt pa'mcha'tareternesha' pen allohuen judionesha' po'cornaneshar ñaña fariseonesha', ñeñt atet toma'ntatenanet Jesús, ñetña allempopa' chapanet pueyoçhreto ñocpuetepa't serrpare'tenña Jesús. 46 Ñetñapa' mueneñetañ o'ch rremuetañ tarraña ama esesha' rromaye tarro'mar ñetpa' cha mecha'teñet acheñenesha'. Ñehua, acheñenesha' e'ñeca'ye cohuen enteñet Jesús ñapa' po'ñoñ ñeñt a'mtene' Yompor po'ñoñ.

22

Atto atma'ntatarettena puesheñarr añcha'taret puetare'tatan shonte' rreñets ñeñtcha' rret allempoch sena'ta puechemer

1 Jesúsñapa' alla toma'ntaterraneterrpa' atet oterraneterr:

2 —Yompor po'cohuenña ñeñt atto ayochreshattena ña pue'ntañoñ ñeñtpa' o'ch netma'ntacha atet ñerra'mrate' puesheñarr añcha'taret. Ñeñtña añcha'taretpa' o' puetare'tatan shonte' rreñets ñeñtcha' nanac rret allempoch sena'ta puechemer. 3 O'ña a'potatuan rreñetspa' o' mueñan pa'taruasañrenesha' o'ch otyeñeta' ñeñt ahua'ñaret o'ch rrapreteneta' rreñets. O'ña otyesuaretetpa' ñetñapa' arepa'tcha' eseshaye' sechatso o'ch ahuet all. 4 Po'pocheño'pa' o' alla mueñerranerr po'potantañ pa'taruasañrenesha'. Ama seneta'pa' atet otapanet: “Sotoscha' acheñenesha' ñeñt ahua'ñaret: 'Añcha'taretca'ye sagotatenet', atetca'ye oten: Rreñetspa' o' e'ñe na'potatue. Huacsheçhno ñaña besereçhno ñeñt ne'soya'tatyen o' e'ñe nemtsatue ñaña o'ca'ye e'ñe na'potatue. Te'pa' sonacha'tepa'to' ahuo'ch serrapreteña.' ”

5 Ahua'ñareñnesha'ñapa' arepa'tcha' a'cua'psenaye' eñchetofña ñeñt hua'ñenahuet. Ñeñtapa' ahuanemyeset ñopa'tets. Puesheñarrpa' ahuo' pa'mro, po'psheñeñpa' ahuo' pomatsre'tatsa. 6 Po'potantañña' ñeñtapa' o' rremapoñetña pa'taruasañrenesha'pa' erro'tuanen pet, atteñapa' o' muetsanatu. 7 Añcha'taretñapa' ñeñtña atarr atrre'mate'. Allempoñapa' o' mueñan ñaña po'solltar-renesha' ñeñtcha' a'cllatenaya' ñeñt amtsañeçhno, ñeñtcha' a'poyatatuena' ñaña pa'netser. 8 Allotña añcha'taretpa' atet

oterranerr po'potantañ pa'taruasañrenesha': "Rreñtsoçhnoña po'ñoçhpa' epaye'ca'ye. Tarraña ñeñña ahua'ñaretpa' ñetpa' amaca'ye cohuenaye' nentenaneto. ⁹ Te'pa' orras samã allo'tsen toñeçhno tarro'mar allpa' shonte' chopene'chyen acheñenesha'. Allohuen errroncha' sentyes o'ch sotyepapanet onetepa' arr o'ch rrapretenneta' rreñets ñeññ shonte' na'potaten." ¹⁰ Allempoña alla ahuanerrerr pa'taruasañrenesha', ñetñapa' añ cota'yaset toñ. Ñeññ allpon pocta'yaset toño'mar e'ñe sechatyesuahuet, ama't atsrre'mñafeçhno ñaña ñeññ cohuen acheñ. Atteñapa' o'çha shontosa ñeññ hua'ñenet. Allña pocollo all sena'tena puechemerpa' e'ñe queçhcosa ñeññ ahua'ñareñ.

¹¹ Amcha'taretñapa' allenta be'tos o'ch entapan ñeññ hua'ñatyen ñeññcha' rrallme'chosets all. Allñapa' entan puesheñarr yacma. Ñañaapa' ama añeye' chorreno shetamuets emarr ñeññecma chorrenet all atto coshapreteñet ñeññ sena'tetsa. ¹² Amcha'taretñapa' atet och: "Eso'mare'tña masheñe pebe'tenña arr amaca'ye añeye' pechorreno shetamuets emarr attoch pöshaprecha ñeññ sena'tetsa." Ñañaapa' ama eñoro. ¹³ Allempoña amcha'taretpa' otan pa'taruasañrenesha': "Sehuancoñ pa'tac ñaña potpa' çhosa huapore'terre' a'yot checmetoñ. Allñapa' allcha' yahuanrrorterret, panmueñoñet atserrpa' rraso'tyerretcha' pa's." ¹⁴ Tarro'mar ama't shonteñña ñeññ ahua'ñaretpa' tarraña puesheña'ttsaña ñeññ e'ñe cohuen a'craet.

*Atto a'pñto'chet Jesús, pocte'te' o'ch tsa'tet impuesto
(Mr. 12.13-17; Lc. 20.20-26)*

¹⁵ Allempoña fariseonesha'pa' ahuanerra. Ñetñapa' çha atarr cotape'chatanna'teneta'. Ñetpa' aña atarr e'nenet attoch e'ñe puehquëñoñetpa' ama't parrochapa' o'ch eñorachet Jesús ñeññ ama pocteyaye. Allochñapa' atotcha'ña otteñe'chet. ¹⁶ Ñetñapa' e'ñe a'nahua mueñet ñet pueyochresha' epuet ñaña puesheña'tets Herodes pueyochresha'. Ñetña çhapuet Jesúseshopa' e'ñe puehquëñoñet atet otoset:

—Maestrocha' yapa' yeñoteneñ ðapa' ama peshquëno ama't mamesha ñaña ñeññ atto peychaten Yompor pocta'pña ñeññpa'çho'ña e'ñe cohuenacma, ama shequëñtsoyaye ama't mamesha. Ñaña ðapa' ama aña ñapueñ pemorrenteno ñeññ atarr amcha'na'tpo' entyen allohuen acheñenesha'. Allohuen acheñ e'ñe cohuen pentueñ. ¹⁷ Ñeñño'marña te'pa' yapa' yemneñ o'ch peñotatapuey erra'tsente'ña e'ñe po'ñoçh cohuentetsa. ¿Pocte'te' penteñña ða o'ch yetsa'ta impuestos añecop ñeññ amcha'tarettetsa all anetso Romo ñeññ ama judione-shayaye? Ñato' amate' pocteyayeña yocop ñeññey judioneshay o'ch yetsa'cha amcha'taret romo'marnesha' ñeññ ama judioneshayaye.

¹⁸ Jesúsñapa' eñotapanet ñeññ atet cotape'chyenetañ ñocop, ñañaapa' atet otanet:

—Sapa' atarr ashcarñañes, eso'mare'tña semneñña o'ch seshcare'tenen.

¹⁹ Ñehua, ama't atteseñpa' segatencia'ye puetallarr quelle ñeññ alloch setsa'ta impuestos.

Allempoñapa' gachet puetallarr quelle ñeññ otenet denario. ²⁰ Ñañaapa' atet oterranerr:

—Ñehua, sapa' o'ch soten, ¿eseshat sentenña ñeññ atma'ntarettetsa all? ¿Esesha't pa'so'cheñ aquellcarettetsa all?

²¹ Ñetñapa' atet ochet:

—Amícha'taretca'ye atma'ntarettetsaña all, ñaíña ñoca'yeña pa'so'cheñ ñeñt aquellcarettetsa all.

Jesúsñapa' alla oterraneterr:

—Ñeñtepnápa' añ poctetsa o'ch yaḡ amícha'taret ñeñt ño ñeñt atet poctetsa gobiernocop, tarraña ellonetña ñeñt Yomporo o'ch yaḡ ñaíña ñeñt atet poctetsa ñocop.

²² Ñetña atet e'mueñet Jesús atet anapuenanetpa' atta cohuanrrorteñet tarro'mar Jesúsapa' atarrca'ye cohuen anapuenanet. Atteñapa' quechpa'huaneretpa' ahuanerret.

Atto a'pto'chet Jesús, ñerra'm po'ñochte' atanterrapo' rromot, ta'm, allem-popa' errotencha'ña yeperra

(Mr. 12.18-27; Lc. 20.27-40)

²³ Ñeñte yetrocma huačha'toña ñaíña patantarr ñeñt saduceoneshatets. Ñehua, ñeñt saduceoneshatets ñetñapa' ellonet echenet poctapña ñeñto'marña ñetpa' atet otenet amate' errotenot yetanterroña rromot ama't erponaña. Ñetñapa' atet otoset Jesús:

²⁴ —Añ Maestrocha' ñeñfca'yeña atet otye'tña Moisés ñeñt poctetsa ñeñfcha' atet yeḡa. Ñerra'm esempo rroma yacma o'ch sa'nman puetapor tarraña ñerra'm ama chemere'tnomopa', añ poctetsa pa'mo'nasheñcha' alla yorerre'ña po'norrar allochñapa' attoch eñalletteraña ñeñfcha' puechemer perr pa'mo'nasheñeñ. Ñeñtpa' atetca'ye quellca'nmonayña ahuat Moisés. ²⁵ Ñehua, te'pa' eñall cancherrsheña yamo'ts ñeñt e'ñe poctacma pa'mo'nasheñecmuet. Ñeñt puesheñarr popo'naretpa' o' yoran coyanesha' ñeñt puetapor pa'. E'ñe allponmatatsapa' o' rroma, atta sa'nman puetapor ama chemere'tnomo. Allempoña ñeñt po'rrocho'merpa' o' yorerran pa'mo'nasheñeñ puetapor. ²⁶ E'ñe allponmatatsapa' ñapa'cho'ña o' rromuerrerr ñaíña, ñeñtpa'cho'ña ama chemere'tnomo. Allempoña po'psheñeñ pa'mo'nasheñpa' o' alla yorerranerr ñaíña po'norrar. E'ñe allponmaterrtsapa' ñapa'cho'ña o' rromuerrerr ñaíña, ñeñtpa'cho'ña ama chemere'tnerrerro o' atta rromuerrerr. E'ñe attecma pohuet cancherrsheño'maretpa' e'ñe pueyuarochetña ñeñfara puesheñarr coyanesha'. Allohuenetpa' e'ñe attecma pet rromayestset ama't puesheñarrofetapa' amaca'yeña chemere'tnomueto. ²⁷ Allempoñapa' cho rromatsña ñaíña coyanesha'. ²⁸ Te'ña ñerra'm po'ñochte' atanterrapo' rromotpa' añña coyanesha'ñapa' allempopa' zeseshat'cha'ña e'ñe ñapaue't puetapor perre' tarro'mar allohuenet cancherrsheño'maretpa' e'ñeca'ye pueyuarochet?

²⁹ Jesúsñapa' atet otapanet:

—Chaca'ye atarr sepanteñ tarro'mar amaca'ye čhennasoña seyočhro ñeñt e'ñe po'ñočh atet yečhateney Yompor po'ñoñ ñeñt atet anuaret ahuatoteñ. Ñaíña añña sepantatene' tarro'mar sapa' ama sepocetññañe Yompor po'huamenc. ³⁰ Tarro'mar esempohuañen allempoch tanterret po'pocheño, allempopa' ama't puesheñarrofeta amach sena'terrete, ama't coyanesha'pa'cho' amach eseshaye' apuerraye ñeñfcha' yorerrahuet. Tarro'mar allempopa' e'ñech attet ñerra'm Yompor po'mllañofoññaneshar ñeñt pue'ntaño'tsa'yen. ³¹ Sapa' ama'tña selleyare ñeñt atet ote't ahuat Yompor e'ñe socop attoch señočh po'ñočhpa' ama't ñeñt o' colla'huapa' ñetñapa' corretseta. ³² Ñehua, ñeñtpa' atet oteney Yompor: “Napa' na ñeñfen

Po'yomporer pen Abraham ñaña Isaac ñaña Jacob ama't ñetpa' o' rromhuet ahuatoteñ." Ñehua, yapa' yeñoteñ Yomporpa' ama añeye' Po'yomporer penaye ñeñ rromuets e'ñe poctacma, ñapa' aña'yeña Po'yomporer pene' acheñ ñeñĩ corretsetach. Attoña Yomporpa' e'ñe allame'ttsa entenanet allohuen ñetñapa' e'ñe bettetseta.

³³ Allempoña allohuen acheñenesha' ñeñĩ e' muene' Jesús atto emma'huan saduceonesha', ñetñapa' atet otanna'tyeset:

—¡Erroñetotuañaca'yeña atarr es eñoten, atto atarr cohuen yeçhatyenyey!

Añmapa' ñeñĩ ñoñets ñeñĩ atarr sherbets, e'ñe metana'tuenan allohuen po'poñeçhno ñoñets
(Mr. 12.28-34)

³⁴ Ñaña allempo fariseonesha' e'mare'chet atto Jesús emma'huan saduceonesha' ñetñapa' apçhanna'tet parro. ³⁵ Allempoña puesheñarroñet ñeñĩ atarr etsotene' ñoñets ñeñĩ atet anaret ñañapa' otenana' Jesús. Ñeñĩpa' ñarro'mañña atet a'p'to'tos ñetpa' çhoca'ye mueneñet o'ch topachet Jesús.

³⁶ Ñeñĩpa' atet otos:

—Maestrocha' çerra'tsena't ñoñtsor ñeñĩ atet anaret ñeñĩ atarr sherbets ñeñĩ ello metana'tuene' ora allohuen po'poñeçhno ñoñets ñeñĩ e'ñe parro attecma anaret?

³⁷ Jesúsñapa' atet otaḗ:

—Aña'yeña ñeñĩ ello atarr sherbets, ñeñĩ ñoñetspa' atet oten: “Atar-repa'ch yemorrenteña Yeyomporer ñeñĩ Yepartseshar yepen e'ñe ora yeyoçhrocmañen. Ñaña e'ñe yecamquëñoñ yemorreñchach, ama't ñaña ora yocḗpañohuen.” ³⁸ Ñeñĩpa' ñeñĩca'ye ñoñets ñeñĩ po'ñoçh atarr sherbets, ñeñĩpa' elloca'yeña metana'tuenan po'poñeçhno ñoñtsoçhno. ³⁹ Alloḗpa' po'poñ ñoñets ñeñĩ atarr sherbets ñeñĩpa' atet oten: “Atarrrcha' yemorrenteña yamo'ts e'ñe atet atarr yemorrentena yañeña.” ⁴⁰ Añ epo'mar ñoñets ñeñĩña e'ñe etsotatuene' allohuen po'poñeçhno ñoñtsoçhno ñeñĩ atet ana'yeseḗ, ñaña allohuen Yompor po'ñoñ ñeñĩ a'ñita'yeseḗ't ahuat.

Atto Cristo ñeñĩ Po'partseshar pe't David ahuat, elloñapa' o' alla po'ñreneñ per

(Mr. 12.35-37; Lc. 20.41-44)

⁴¹ Allempoña fariseonesha'pa' ñetñapa' allo'tsenareta all apçhenet e'ñe ñoçhayet, ⁴² Jesúsña allpa' atet otanet:

—Sapa' çerrofena't sotenña sa añecop ñeñĩcha' Cristotosets? ¿Esesha't soten ñeñĩcha' po'ñreneñ perre'ña ñeñĩcha' Cristotosets?

Ñetñapa' atet ochet:

—Davidcha'ca'ye po'ñrenñoñ huapaña ñeñĩcha' Cristotosets. ⁴³ Ñañapa' alla otarraneterr:

—Ñerra'm po'ñoçhcha' David po'ñreneñ perre'pa' sapa' ama't señoñeña Davidpa' allempo eñorache't Parets Puecamquëñ ñapa' atetca'ye ote't po'ñrenñecop ñeñĩfara ñeñĩcha' Cristoterrets: “Ñapa' ñeñĩca'yeña Nepartseshar nepen.” David allempopa' atetca'ye eñose'tña añecop ñeñĩcha' Cristoterrets:

⁴⁴ Yompor Paretspa' atet otennan ñeñĩ e'ñe Nepartseshar nepen na (ñeñĩfara ñeñĩcha' Cristoterrets): “Te'pa' o'ch ñanorruerr arr necohuenroñ allcha' pecohuentapreterrna. Attoçhña ama't ñeñĩ pe'moñe'tene'

napa' o'ch e'ñe name'ñatuerranet allochñapa' o'ch atet perret ñeñ pemnen pa."

45 Ñeñpa' atetca'ye ote'tña David, ñeñcha' Cristoterretspa' ñeñca'yeña Po'partseshar pe'tña ama't allempoteñ. Ñehua, ama't señoteñeña Cristo ñeñ Po'partseshar pe't Davidpa' ñeñña te'pa' o' alla po'mreneñ per ñaña.

46 Ñetñapa' ama't puesheñarrofetapa' ama eseshaye' anapuenaye' entaye. Ñeño'marña allempoteña' ama't puesheñarrofetapa' ama eseshaye' a'p'to'tenaye' enterraye.

23

Atto Jesúsapa' a'metare'tenan fariseonesha' ñeñ atet ye'chenet ñetpa' ñeñpa' ama cohuenaye' entapretenaneto Yompor (Mr. 12.38-40; Lc. 11.37-54; 20.45-47)

1 Allempoña Jesúsapa' alla serrpare'taterran allohuen acheñenesha' ñaña e'ñe ña pueyochresha'chno. Ñeñpa' atet otanet:

2 —Aña fariseonesha' epuet ñaña ñeñ atarr etsotayene' ñoñets ñeñ atet anaret, ñetpa' añepa anarettenet ñetcha' señotatene' ñoñets ñeñ atet nonase't Moisés ahuat. 3 Ñeño'marña socoppa' e'ñe pocte' o'ch se'pohuena ñeñ atet otenset, amachña chaña satpare'teñe. Tarraña sapa' amachña atet se'patsto ñeñ atet p'atse'tyenet ñet. Tarro'mar ama't atarr cohuen serrpare'tenetaña' amaca'yeña e'ñeye' atet peneto ñeñ atet serrpare'tatenset. 4 Ñetpa' chaca'ye atarr atontatennasetña ñoñets ñeñcha' e'ñe atet se'pohueneñ ñetpa' ñeñca'yeña nennaset ñeñ atarr torrapo' sentyen. Ñeñpa' atetcha' netma'ntacha ñetpa' chaca'ye ottenet ñerra'mrrate' añ huanquennaset ñeñ atarr eñerr se'muen attoch sechechnom. Tarraña ñet ama't mameshapa' amaña anmapretenset, ama't pota'potetapa' ama echantapretenseto ñeñ chechatnenset. 5 Fariseonesha' allohuen ñeñ atet etsotayeneña' ñeñpa' e'ñe pommo'cheño'feta atet penet allochñapa' acheñenesha'ñapa' e'ñech cohuen entyeñet ñeñ atto atarr torra'yenetañ Yomporcop. Tarraña ñeñpa' e'ñeca'ye orrena. Ñaña ñetpa' chaca'ye ateshatomuerrtatenet pore'm allñapa' all quellquëññañetañ Yompor po'ñoñ ama't ñeñpa'cho'ña alloca'yeña huancato'tenet. Tarraña ñeñpa' e'ñe añepa atet penet attoch acheñenesha'pa' e'ñech cohuen entenanet. Tarraña ñeñpa' e'ñe orrena atet penet ñeñ atto ommo'chenet. Ñaña ñetpa' añe'naca'yeña allpocha'ptatenet ñeñ chera'rretenet pa'shtamuetto pa'rrpe'monet. Tarraña ñeñpa'cho'ña e'ñe añepa atet penet e'ñe pommo'cheño'fet. 6 Ñaña ñetpa' ñerra'm cho rrallme'chapretenetpa' añaca'ye atarr muenenet o'ch anorrcha'tyenet allecma anorryen ñeñ atarr añcha'na'tpo' entyen allohuen acheñenesha'. Ñaña ñetpa' e'ñe attecma penet ama't all judionesha' po'prahuo. 7 Ñaña ñetpa' e'ñe pommo'cheño'fet añe'ñaña atarr muenenet acheñenesha'pa' o'ch huomcha'tyesapanet pue'mcha'naño'fet ñerra'm esempo chopeñe'chyenet toño'mar allecma shontena acheñenesha'. Ñaña pommo'cheño'fetpa' añe'ñaña atarr muenenet o'ch otanet acheñenesha' ñetpa' e'ño' partsesharerochet.

8 'Tarraña saye'ña neyochreshacha' ñato'tña semnena'ña o'ch otas acheñenesha' sapa' e'ño' partsesharerochet. Ñaña sa allohuenespa' e'ñechña semo'nasheñecma se'pannena, tarro'mar sa allohuenacpaspa'

naptaca'yeña Separtseshar sepenen na ñeñfen Cristotsets. ⁹ Ñaña arr patsro ama't puesheñarra amach seyomporer sepatstaneto. Tarro'mar sapa' e'ñeca'ye patraña Sompör ñeñf pue'ntañ'tsen. ¹⁰ Ñaña sapa' amach semnatsche ama't puesheñarra e'ñe pueçhore'teño'tetaspá' o'ch otaset: Na'yochreterneshacha'. Tarro'mar sa allohuenacpaspá' naptaca'yeña Sa'yochreshater sepenen na ñeñfen Cristotsets. ¹¹ Tarro'mar ñeñf po'ñoç cohuen añcha'tarettetsa sesho ñeñtpa' ñeñca'yeña atarr torretsaña po'potantañecop attoch orrtatanet ñeñf atarr sherbets ñocpuet. ¹² Tarro'mar allohuen ñeñf e'ñe cohuen entetsa e'ñe pommo'cheño't ñeñña tsapatonetpa' amach esoshe'maye' entereto. Tarraña allohuen ñeñf ama esoshe'maye' entetso te' ñeñña tsapatonetpa' atarrcha' cohuen enteret.

¹³ 'Atarr nanac llequëntso'tsenes fariseoneshacha' ñaña samña ñeñfes e'ñe etsotayenayen ñoñets ñeñf atet anaret judioneshacop tarro'mar sapa' sommo'cheño'te'na atarr seshcare'tyen. Tarro'mar ama't sapa' amaca'ye senteññañaña Yompor po'cohuenña, ellonetpa'cho'ña çhocma sepatare'teñña po'potantañ ñeñf e'nene' Yompor po'cohuenña. Cha sa'npampeñña acheñenesha' attoch ñetpa'cho'ña amach enterrñañeto Yompor po'cohuenña ñeñf atto atarr ayochreshattena ña pue'ntaño't.

¹⁴ 'Atarr nanac llequëntso'tsenes fariseoneshacha' ñaña samña ñeñfes e'ñe etsotayenayen ñoñets ñeñf atet anaret judioneshacop, tarro'mar sapa' sommo'cheño'te'na seshcare'tyeñ. Ama't rretorranesha'pa' ñeñfe'ñaña sepratampesyenña pa'paquëll. Elloña e'ñe sommo'cheño'tpa' añña atarr semmen o'ch atet sepena ñerra'm atarr cohuen acheñres ñeñfo'marña all sema'yochena allecma shontena acheñenesha'pa' amach tematenayaya sema'yocheno. Ñeñfo'marña na te'pa' o'ch notas, sapa' elloña atarrcha' sa'coñchatarefterra.

¹⁵ 'Atarr nanac llequëntso'tsenes fariseoneshacha' ñaña samña ñeñfes e'ñe etsotayenayen ñoñets ñeñf atet anaret tarro'mar sapa' sommo'cheño'te'na atarr seshcare'tyen. Sapa' çhocma sechopeñe'chyen erracmañen patso'mar, seçchatyena ama't ñaña sapa'mar. Ñeñtpa' añecpa atet sepena attoch same'ñatyasya ama't e'ñe puesheña'ttsa e'ñe sa soçtaña ñeñfes judioneshas. Ñeñf allpon same'ñatyenapa' ñetñapa' añña seyçhatyenanet ñeñf ama cohuenayaye ñeñf e'ñe atet sepena samña. Ñeñfo'mar ñetpa'cho'ña ello atarr nanac o'patatarettenet coñcheñets, e'ñe epoche'tsocma so'patatenanet coñcheñets.

¹⁶ 'Atarr nanac llequëntso'tsenes tarro'mar ama't ñeñf ama seçhenoyo seyochro sañapa' ñeñfara seyçhateñña po'potantañeçhno. Ñeñtpa' e'ñe atet sepena ñerra'mrrate' aporo'yecmas echa'nmannetsa. Ama't seyçhateneñ ñeñf po'ñoçhpa' amaca'ye atteyaye. Ñeñtpa' atet soteneñ: "Ñerra'm esesha' nene' po'ñoñ ñerra'm añña Parets pa'paquëll pa'so'chño nenan po'ñoñ saña ñeñtpa' çha soten año' esoyaye ama pallteno o'ch e'ñe po'ñoçh a'pocatan po'ñoñ." Tarraña po'poñpa' atet soteneñ: "Ñerra'mña añ oro pa'so'chño yena' yeñoñ ñeñf Parets pa'paclo'tsen allempoña po'ñoçhpa' çhocmach e'ñe ya'pocata yeñoñ." ¹⁷ Sapa' atarr otatsñañes, ama ayeñña seçhenoyña seyochro ñeñf cohuen enten Yompor. Chaca'ye sottaña ñerra'mrrate' aporo'yecmas. Ama't seño'teñña atet sherben oropa' e'ñeca'ye attecma sherbenña ñaña Parets pa'paquëll. Tarro'mar allempo nete't oro Parets pa'paclo, ñeñña oropa' añca'ye e'ñe cohuen a'pocataye't Partscop ñeñfara Partsopo'. ¹⁸ Ñaña po'poñpa' atet soteneñ: "Ñerra'm

esasha' nene' po'ñoñ e'ñe altar pa'so'chño allecma neñet ñeñt amtsarettetsa Yomporecop, ñeñtpa'cho'ña cha soten año' esoyaye, ama pallteno o'ch e'ñe po'ñoñ a'pocatan po'ñoñ." Tarraña po'poñpa' atet soteneñ: "Ñerra'mña añ pa'so'chño yena' yeñoñ ñeñt amtsarettetsa Yomporecop ñeñt nenet altarro enot, allempoña po'ñoñpa' chocmach e'ñe ya'pocata yeñoñ." Tarraña ama't atet sotatse'tyeneña' ñeñtpa' amaca'ye po'ñoñchoyaye. ¹⁹ Sapa' ama añeye' sechenoyoña seyo'chro ñeñt cohuen enten Yompor. Cha sottena ñerra'mrrate' aporo'yecemas. Ama't seño'teñañ altarpa'cho'ña atarrca'ye sherben. E'ñe attecma sherben ñerra'mrrate' ñeñt amtsarettetsa Yomporecop ñeñt nenet all altarro enot. Tarro'mar altarpa' ñeñtca'yeña a'pocatañe'ña Yomporecop ñeñt nenet all. ²⁰ Ñeñto'marña yeño'teñ ñerra'm esempo yenen yeñoñ altar pa'so'chño, ama e'ñe ñapfa altar pa'so'chño yenenoña yeñoñ; añohuenca'yeña yenenña yeñoñ e'ñe pa'so'chño allohuen ñeñt na'yenet all, allecma sherba'yenet Yompor. ²¹ Ñaña ñerra'm esempo yenen yeñoñ Partso'pa' pa'so'chño, ama e'ñe ñapfa Partso'pa' pa'so'chño yenenoña yeñoñ. Yompore'naca'yeña pa'so'chño yenenña yeñoñ tarro'mar ñapa' e'ñeca'ye ño pa'paquell. ²² Ñaña ñerra'm yenen yeñoñ Yompor pue'ntañ pa'so'chño, Yompore'naca'ye pa'so'chño yenenña yeñoñ ama't ñaña Yompor po'conañe'naca'ye pa'so'chño yenenña yeñoñ tarro'mar enetpa' Yomporca'ye po'conañ pene' tarro'mar allpa' allo'tsenca'yeña Yompor.

²³ 'Atarr nanac llequëntso'tsenes fariseoneshacha' ñaña sa ñeñtes e'ñe etsotayenayeñ ñoñets ñeñt atet anaret judioneshacop tarro'mar sapa' sommo'cheño'te'na atarr seshcare'tyen. Ora allohuen ñeñt senarenñ sepen ama't chocma sapueñeñ Yompor allpon ñeñt pocetetsa ñocop — mentapan, anísopan, cominopan—sapa' cha sepsenña ñeñt ñoñtsor ñeñt atet anaret ñeñtca'yeña ello nanac sherbets. Ñeñtpa' attoch e'ñe cohuen es sepa'yeññañ po'potantañ. Ñeñtña sapa' chaña sepseñ. Ñaña attoch semueranna'ta ñeñtpa'cho'ña sañapa' chaca'yeña sepseñ. Ñaña attoch po'ñoñ e'ñe cohuen same'ñañatena Yomporecop ñeñtpa'cho'ña sañapa' chaca'yeña sepseñ. Sapa' e'ñe ñeñtñañ sepalltena. Ñaña atto chocma es sapa'yen Yomporecop ñeñtpa'cho'ña chocmach atet sepene amach cha sepsatstere. ²⁴ Sapa' ama't ama choye' chennaso seyo'chro ñeñt atarr semneñ o'ch sey'chach po'potantañ acheñenesha'. Ñeñtpa' e'ñe atet sepene ñerra'mrrate' aporo'yecemas echa'nmannetsa. Añ ñoñets ñeñt atet anaret socop ñeñt setseten e'ñe so'na socta'ña ama't ñeñtpa' atarr coñe'tot sherben Yomporecop, sañapa' ñeñtca'ye atarr semneñ o'ch sey'chateñ po'potantañ. Tarraña añ ñoñtsor ñeñt atarr nanac sherbets Yomporecop, saña ñeñtpa' ama chennasoña seyo'chro ama't e'ñe mamesha. Ñeñtpa' o'ch netma'ntacha atet ñerra'mrrate' ñeñt atarr es añe'toll allpon ñerra'm chopo'yettoll saña ñeñtpa' chaca'yeña seyorasoteñ tarraña ñeñtña atarr añecmuen allpon ñerra'm huaquësh* sapa' ñeñtñañ sañyen e'ñe atta.

²⁵ 'Atarr nanac llequëntso'tsenes fariseoneshacha' ñaña sa ñeñtes e'ñe etsotayenayeñ ñoñets ñeñt atet anaret judioneshacop. Sapa' e'ñe se'pame'teneña setaza enotpa' o'ponotñapa' ama se'parro'teñe. Seplatopa'cho'ña enot e'ñe se'pata'teñ o'ponotñapa' ama se'pata'teñe. E'ñe atet sepene saña. E'ñe sa'cohuentatena ñeñt eno'mar ñeñt atet sey'chena

* **23:24** Ñehua, Jesús añ toma'ntatanet camello ñeñt payara penet all pa'nyo, ñeñt e'ñe allpon ñerra'mrrate' huaquësh.

sa allochñapa' attoch entenes allohuen acheñenesha' sapa' e'ño' cohuenes, tarraña o'pono seyočhropa' amaca'yeña sa'cohuentateñe, allñapa' e'ñe chorren shonte' sosya'tsañečno ñeñt' atto e'ñe seshquëñofe'na čhocma es sepratanmpesyen, atarr es seye'chapretannena, ñeñt'ñapa' e'ñeca'ye socpa. 26 Ñeñtes fariseoneshas, sapa' ama añeye' sechenoyoña seyočhro ñeñt' cohuen enten Yompor. Chaca'ye sottena ñerra'mrrate' e'ñe aporo'yecmas. Socoppa' añca'yeña pocetsta, ñanomcha'ña o'ponot se'pame'tña setaza, seplátopa'cho'ña ñanomcha'ña o'ponot se'patach. Allochñapa' o'ch e'ñe cohuenta emoshemto'mar.

27 'Atarr nanac llequëntso'tsenes fariseoneshacha' ña'ña sa ñeñtes e'ñe etsotayenayeñ ñoñets ñeñt' atet anaret judioneshacop. Sapa' e'ñe attes ñerra'm apampaña ñeñt' a'huallama'ttampenet. Enotpa' e'ñech cohuen ortenañ. O'ponotñapa' e'ñech chorren arromñatap ña'ña pa'namen ñeñt' nanac sosey. 28 Sapa'cho'ña e'ñerramche' attesña samña. Po'ñočhca'ye ñeñt' atet sorrtatyen acheñenesha'ñapa' e'ñe atet entenset ñerra'mrrate' sapa' e'ñe cohuenare'es sepa'yen. Tarraña o'ponoña seyočhropa' e'ñe aña shontetsa alloch sommo'chyena, atarr seshcare'tanna'tyena, pa'namen sorrtatyen ñeñt' ama't mamesha ama cohuenaye' entapretenso Yompor.

29 'Atarr nanac llequëntso'tsenes fariseoneshacha' ña'ña sa ñeñtes e'ñe etsotayenayeñ ñoñets ñeñt' atet anaret judioneshacop tarro'mar sa te'pa' satomaten enot' ñeñt' atarr cohuen senten sa all pampa'yesete't ñeñt' a'mta'yesaye't Yompor po'ñoñ. Ña'ña a'ñe'na sa'cohuentammpesyen all pampa'yesete't ñeñt' acheñeneshar ñeñt' e'ñe pocte' es pa'yesete't.

30 Saña te'pa' atet sotyeneñ: "Ñerra'm allempocmach ye'ñalletañ allempo corre't yatañneshañ, atto ñetpa' muetsanachete't ñeñt' a'mta'yesaye't Yompor po'ñoñ, yañapa' amate' eso'mar yemtsapretaneto." 31 Ñeñt' atet sotyeneñpa' te'ña e'ñe sa señoño'pa' o' sa'metampsa e'ñe sañeña po'ñočh sapa' po'mrenñesca'ye ñeñt' muetsanataye't ahuat ñeñt' a'mta'yesaye't Yompor po'ñoñ. 32 Ñeñto'marña sa te'pa' ñeñt'aca'yeña e'ñe setsoteññañ satañneshañ ñeñt' allpon sosya'tsañečno ñeñt' e'ñe motetnomnas ahuatoteñ e'ñe sa satañneshañ.

33 'Sapa' ama cohuenayayso atarr ashcariñates, čha sottena ñerra'mrrate' shečpa sompor sepen. Sapa' errotenuhuachñaca'yeña sequeshperrate'. Sapa' añaca'ye so'patenaya coñcheñets ñeñt' parrare' tso' all o'pono.

34 Ñeñto'marña te' napa' o'ch nemñiernnas ñeñt'cha' a'mta'yerre' neñoñ, ña'ña ñeñt' atarr eñotañ nepa'yen, ña'ña ñeñt' atarr etsotayene' neñoñ ñeñt' atet anaret ahuatoteñ. Tarraña saña ñeñt'pa' čhachca'yeña semtsanatuernnan ñeñt' patanta'tets, po'potantaññapa' e'ñech secorso'tammpesuernnan. Po'potantañña sapa' čhach senalle'tyesuernnan e'ñe all sa seprahuo'mar. Atarr se'moñe'tenanet ñeñto'marña čhocma soctare'tenanet anetsot' o'ch sa'yetatuanet ñetñapa' o'ch ahuanemyeset po'poñ anetsot'mar. 35 Attoca'yeña ora allohuen ñeñt' e'ñe pocte' es pa'yestse't ñeñt' amtsanatyessarettatse't ashataretetyesete't po'rras, sañapa' allempoteñ e'ñe sa'yohuarettena ama't teme'ttsen, sa ñeñtes corretsa te', ama't allempoteñ amtsaretta Abel ñeñt' ama es yečcatetso ama't coñe'ta tarremphua allempo semtser ña'ña Zacarias ñeñt' Berequías puechemer. Ñeñña sapa' alla semtser Parets po'ponro puecha'petarot allo'tsen altar allotecma sherbete't Yompor. Ama't allohuen ñeñt' amtsanatyessarettatse't allempo sañapa' e'ñe allempoteñ sa'yohuaretterra. 36 Po'ñočhca'ye notenes, acheñenesha' ñeñt' corretsa te'

ñetñapa' atsa'tataretterretcha' e'ñe ora allpon atserrp̄atse'tyesonete't ñeñt e'ñe pocte' es p̄a'yestse't Yomporecop.

Atto Jesúsapa' puellquẽñoian jerusaléño'marnesha' atarr ya'na'tosanet (Lc. 13.34-35)

³⁷ Te'pa' e'ñe nellquẽñoĩ o'ch notas sa ñeñfes jerusaléño'marneshas, ñeñfes muetsanatyese't ñeñt a'mta'yese't Yompor po'ñoñ, sa ñeñfes rrollapechyesaye't ñeñt amñarettatse't sesho, te'ña napa' o'ch notas: Napa' atarr atonoche'tats nemneñeñ o'ch na'yapacha'huerrsoñ allohuenes nesho attoch e'ñe cohuen necuam̄pensoñ. Nemneñeñ o'ch na'yapacha'huerrses atet ñerra'mrrate' atollop a'yapachene' puechoyoresha' o'ch e'ñe seto'tuanet. Tarraña sañapa' ama't e'ñe mameshapa' amaña semno. ³⁸ Te'ñapa' all seyçhena sa, Yomporñapa' o'ch a'yopo'ñerres. ³⁹ Tarro'mar te'pa' o'ch alla noterrerr: Na po'pocheñopa' amach alla senterne'te. Esemphuañenñapa' senterrencha', allempoñapa' atetcha' soterren: "Aye'choçhtatpahuepa'ch Jesucristo ñeñt huapatsa ñeñt llesensen Yeyomporer."

24

Atto Jesúsapa' eñotatanet e'ñech a'mata'taretetuerra Partsopo' all Jerusaléño (Mr. 13.1-2; Lc. 21.5-6)

¹ Jesúsñapa' çha'nerrerr Paretis pa'paçllot. Alla ahuenerr allempoñapa' ponem̄ya pueyochresha'. Ñetñapa' allenta cohuatyese't ñeñt atarr coçhnesha'tyetsa allo orratarettena Partsopo'. ² Allempo Jesúsapa' atet otanet:

—Ama't senteñeñ ora allohuen ñeñt coçhneshare' tarraña napa' o'ch notas: Po'ñoçhca'ye çherrcha' allempoch e'ñe a'mata'taretetuerra. Ama't e'ñe puenñarra mapyetpa' amach a'puerroña all allo orratenet Partsopo' e'ñechca'ye poctacma a'coye'taretetuerra.

Atto Jesúsapa' eñotatanet shonte'ch entyerret pa'namen ñeñtcha' eñotaterrahuet o' çherrmoch allempoch mellapoterra (Mr. 13.3-23; Lc. 21.7-24; 17.22-24)

³ Ñeña otuanenanetpa' allenta ahuen Olivopno. Allñapa' anorruen, pueyochresha'ñapa' o' alla huaçherrñañeter, e'ñe ñaptoçhayet. Ñetñapa' atet otuereterr:

—Yapa' yemneñca'ye o'ch p̄otey çesempo'tcha'ña atet perra? Ñaña çeso'tcha' yentyerrña ñeñtcha' yeñotaterre' allempoch pehuerrmocha o'ch mellapoterra?

⁴ Jesúsñapa' atet otanet:

—E'ñech señoterra, allochñapa' amach esesha' seshquẽrraye. ⁵ Tarro'mar shonte'ch orrterrtsa ñeñtcha' ayçha'nataterre' nesochẽñ, ñeñtcha' otyerrets: "Napa' ñeñtenca'yeña Cristotets." Ñetñapa' shonte'ch shequẽret acheñenesha'. ⁶ Ñaña allempoña sapa' se'mare'tyerrcha' o' quellareñtsotyerr allampaño'mar, ñaña se'mare'tyerrcha' o' quellareñtsotyerra ora erraparen anetso'mar. Saña allempopa' amach çha seyorenatsto ama't e'ñe mamesha. Ñeñtpa' atetcha'ca'ye e'ñe po'ñoçh perra. Tarraña allempopa' amach çhena' allempoch e'ñe mellapoterra. ⁷ Pa'namen acheñ ñeñt e'ñe po'poñe'ttsocma mereñtsoretpa' ñetpa' quellaranna'terretcha'. Ñaña pa'namen anetsot añcha'tareteçhno'pa' quellaraterrencha' pueyochrenesha'çhno. Orrterrach allemeñ muecheñets o'ch e'ñe chaporrñatsotyerr erraparen. Ñaña orrterrach pa'namen atsnañtsoçhno ñeñt atarr apatanna'tpo'. Pella'yerrach pats ora

erraparen. ⁸ Ñeñĩ atet o' notuas te'pa' ñeñĩña allempopa' ñeñĩcha'ña ñanom muerochtaterrahuetña allempo.

⁹ 'Allempoña sapa' pomuerrsetcha' attoch errotuanen perrset allcha'ña muetsatyerret. Atarrcha' e'moñe'terres allohuen acheñenesha'chno tarro'mar sapa' naca'yeña e'ñe same'ñena. ¹⁰ Ñaña shonte'ch acheñ allempo ñeñĩcha' que'hpuerre' Yompor. E'ñe ñagattsetapa' e'moñe'tanna'terretcha' atotcha' pomatatanna'tyerret. ¹¹ Ñaña allempopa' orreyerrach shonte' ñeñĩcha' ay'cha'naterrtsa ñetpa' año' a'mítenet Yompor po'ñoñ. Tarraña po'ño'ch amach Yomporreye' po'ñoñ a'míterreto, ñetpa' attachña shequëretña shonte' acheñenesha'. ¹² Allempopa' atonterrach erraparen pa'namen sosya'tsañe'chno allochña atarr atpare'terrñañet Yompor po'ñoñ. Ñeñĩ'marña shonte' acheñpa' o'huañcha' allo'na moshentanna'tnenet. ¹³ Tarraña ama'tcha' errotuanen a'paretterret, esesha'ch e'ñe ahuañta huanmue' ñeñĩcha' ama neque'hpuerre, ñeñĩñapa' ñeñĩcha'ña a'queshpatarettertsa. ¹⁴ Ñaña allempopa' añ cohuen ñoñets atto ayochreshattena Yompor ñeñĩcha'ña ñanom serrpare'tatyeretña acheñenesha' ora erraparen allohuanen añe patsro. Attochña eñotateretña ora allohuen pa'namen acheñenesha' ñeñĩ po'ño'ch atet oteney Yompor. Allempochña po'ño'ch mellapoterra.

¹⁵ 'Ñehua, ahuat Daniel ñeñĩ a'mítaye't Yompor po'ñoñ, ña po'quellcopa' atet ote't: "Cherrcha' allempo ama't ñeñĩ ama masosyaye' enteno Yomporpa' ñeñĩñapa' cherrcha' all ama't ñeñĩ e'ñe Partsocpa anareteñ. Ñeñĩpa' ñeñĩfachca'yeña e'ñe a'chencatuerrahuet." Ñehua, ñeñĩcha' lleyerre' añ ñoñetspa' ñetñapa' eñoteretepa'ch. Ñeñĩ'marña ñerra'm esempoch senter o' chap all ñeñĩ e'ñe Partsocpa anaretpa' ¹⁶ allempoña ñeñĩ allpon Judeo'tsa'yen ñetñapa' allorocmuepa'ch yetrra'terret, ahuanerretetpa'ña aspentareronet. ¹⁷ Atet ñerra'mrrate' puesheña'tets ñato' ñetña allempopa' eno'tsa'yenetcha' pa'pacllato, ñetñapa' sohuetepa'chña tecma tarraña amachña be'tosatsetnomuetoña po'ponreto attoch yoratsre'tnomuet. ¹⁸ Ñaña puesheña'tets ñeñĩ pa'mro'tsenpa' allempoña ñetpa' amachña onatsterreto attoch erreta' pa'shtamuet. ¹⁹ Allempopa' atarrcha' llequëñets añecop ñeñĩ a'chomenare' coyanesha' ñaña ñeñĩ allohuen emaretetollesha'chno. (Tarro'mar ñocpuetpa' atarr torrapo' attoch yetrra'tet ñamet.) ²⁰ Ñaña Yomporcha'ña sema'yocha allochñapa' amach cha huapoto allempoch seyetañpesya ñaña amachca'ye aña yetro seyetatsto allempocma samesen. ²¹ Allempopa' orrterrach muerochteñets ñeñĩcha' atarr muerochtaterre' allohuen acheñenesha'. Ñeñĩ ama't ahuatapa' ama puemurochtareto atet atar nanac huomenc. Ama't allempotet e'ñe errete' aye'chcataretta añ patser ama puemurochtareto atet. Allempoña ellopa' amach atet alla muerochterrete'te ama't errponaña. ²² Allempoch atarr amurochtataretterret. Tarraña allempoña Yomporpa' ñach oterrets te'pa' allohuach. Ñerra'm amach oto allohuachpa' allempoña ama't puesheñarrapa' amach esesha' queshperrts. Tarraña ñeñĩña ame'ñenaya ña ñeñĩ acrenpa' ñocpuetñapa' oterrrcha' te'pa' allohuach.

²³ 'Ñehua, allempoch orameñ muerochteñetspa' ñerra'm esesha' sote': "Arro'tsenca'yeña Cristo", amapa' o'ch otaset: "Tarro'tsenca'ye Cristo", sañapa' amach same'ñatstaneto. ²⁴ Orreyerrachca'ye ñeñĩcha' otyerrets ñapa' ño'ña Cristotets. Tarraña ñeñĩpa' attachca'ye shecare'tyerrañña

acheñenesha'. Orretyerrach ñaña ñeñtcha' otyerrets ñapa' ño'ña a'mtene'ña Yompör po'ñoñ, tarraña ñeñtpa'cho'ña e'ñech attecma shecare'tyerran acheñenesha', amachña Yomporeye'ña po'ñoñ a'mteno. Ñeñtcha' atet shecare'tyerrets, ñetñapa' orrtatyerretcha' ñeñt ama't ahuata acheñenesha'pa' ama puentare, attochña cohuanrrortateretña acheñenesha'. Ama't ñeñt Yompör pa'crarnesharpa' mueneñetañcha' ñeñte'nachña shequ'errret. ²⁵ Señoche'pa'ch ama't ama çhena' mueroçhteñtsopopa' napa' o' e'ñe notuas sa. ²⁶ Ñeñto'mar te'pa' notenes: Ñerra'm allempoch atet oterrsret: "Tarro'tsenca'yeña Cristo a'yo all amayo", sañapa' ñato'tña sesena'ña all o'ch senteña'. Amapa' ñerra'm atetcha' oterrsretter: "Tarro'tsenca'ye Cristo o'pono pocollo", sañapa' ñato'tña sesena'ña all o'ch senteña'. ²⁷ Tarro'mar ñerra'm esempo çherr allempoch nohuerra na Ñeñten Acheñetosets e'ñe allohuen acheñenesha'pa' entapuerrnetcha' tarro'mar allempocha' atetcha' ne'pater ñerra'mrrate' meratste', o'ch meratsta huomencpa' e'ñech a'puetaresuan ora enet erraparen, ama't allot huena atsne' ama't e'ñe allohuanen emuena. ²⁸ Ñeñtpa' e'ñechca'ye atet perraña ñeñt atet senten te' ñerra'm erro'tsen ñeñt rromuepa' allcha'ca'yeña shonterraña tse'm.

*Atetcha' perra allempoch huerra Cristo Ñeñt Acheñetosets
(Mr. 13.24-37; Lc. 21.25-33; 17.26-30, 34-36)*

²⁹ O'chña huañerr ñeñt mueroçhteñetspa' allempoñapa' e'ñech allorocma mayerr atsne'. Arrorrrpa'cho'ña o'huañcha' atsnom. Rantoçhnopa'cho'ña shorçha'terrcha' entot. Ñaña ñeñt huomenc orra'yetsa ento te' allempoña ama't ñeñtpa' pella'yerrach. ³⁰ Allempoñapa' orrtarrach ento ñeñtcha' señotaterre' naca'yeña o' nohuerra Ñeñten e'ñe Acheñetosets. Allempochña nanac llecanrrorterra allohuen pa'namen acheñenesachño ñeñt añe patso'tsen. Entapuerrnetcha' na Ñeñten Acheñetosets o'ch nesuanperra osot e'ñe entot. E'ñe nepartsoteñohuen e'ñech necohuenteñesha' nohuerra. ³¹ Nemñercha' nemllañoefñaneshar ñetcha'ña poctora'nerrtset atarr huomenc. Ñetcha'ña a'yapaçha'huerret allemateñ ñeñt acren Nompör nocop e'ñech pa'tatsshemto'marohuen allotecma orrnotena. E'ñech allemateñ a'yapaçha'hueretcha' e'ñe allohuanen añ patsot.

³² Ñaña te'pa' señoche'pa'ch ñeñt atet pena higoçh. Ñehua, esempoçh senteñ higoçh o'ch emçachyen puetaçretollesha' allotcha' o'ch alla tapna'tyerrerr pasopaner, sañapa' ñeñtcha'ña señotatene' o' çhenmoch allempoch huorateterrerr. ³³ Attecmaçh perra ñerra'm esempoçh sentyerr ñaña ñeñt allpono' notuas, sapa' ñeñtcha'ña señotaterre' po'ñoçh o'ca'ye çherrmoch allempoch e'ñe etsotuerra, o'ca'ye e'ñe allame'ttsamerria. ³⁴ Napa' po'ñoçh o'ch notas, acheñenesha' ñeñt e'ñe correta te' ñetña amach e'ñe rromhueneta'pa' allempocmaçh e'ñech etsoterra allohuen añeçhno. ³⁵ Esemphuañen añ enet ñeñt senten te'pa' e'ñech çhenca'huerra; patspa'cho'ña attecmaçh perra e'ñech çhenca'huerra. Tarraña naña neñoñpa' amach çhenqu'erro ama't e'ñe ahuata.

³⁶ Tarraña ñeñt yetroçh nohuerrapa' ñeñtñapa' ama eseshaye' eñotenaye. Ama't erro'tsente' atsne' ama't erro'tsen tsapro ñeñtpa' ama't mellañoefñesha' ñeñt pue'ntaño'tsa'yen ñetpa'cho'ña ama't puesheñarrotetapa' amaña eseshaye'ña eñotenaye allempoch nohuerrerr po'pocheño. Ama't na ñeñten Yompör Puechemeren napa'cho'ña te'pa' ama neñoteñe, ñapfaña Nompör Parets eñotene'.

³⁷ 'Tarraña allempoch nohuerra po'pocheño na Ñeñfen Acheñetsets, allempopa' e'ñech atet perret e'ñe atet pete't ahuat allempo corre't Noé. ³⁸ Ñehua, allempopa' ama es puecha'yeneto aña e'ñe cotape'chete't atto atarr pa'namen muenenet ñeñtcha' rra'yenet, orrare'tyesete't, sena'tanatyena yacmaneshachno, coyanesachnopa'cho'ña apantyesete't ñeñt yoranatyeshauete't. Ñetñapa' ñeñña e'ñe cohuen entete't. Atteñapa' chap allempo be'tosos Noé po'huaropahuo. ³⁹ Ama es puecha'yese'te machayotepa'tcha' cho'pa oñ erracmañen, attoña aňyanatuerranet oñ allohuenet. Attecmach perra ñerra'm esempoch nohuerra na Ñeñfen Acheñetsets. Machayotachca'ye nohuerra. ⁴⁰ Ñaña allempopa' atetcha'ca'ye perra; puesheña'tetspa' anmaretterrach; ama't ñeñt e'ñe pamo'ts pannenetañ ñeñtñapa' allach asa'nmaretterra. Ñato' allempopa' allo'tsencha' epsheña yacma pa'mro, puesheñarrñapa' anmaretterrach po'psheñeñña' allach asa'nmaretterra. ⁴¹ Amapa' ñato' allempo allo'tsencha' epsheña coyanesha' ñeñt parro puetse'tets mapyo, ñeñtpa'cho'ña puesheñarra' anmaretterrach po'psheñeñña' allach asa'nmaretterra.

⁴² Ñeñto'marña te'pa' o'ch notas: Chocmuepa'ch seño'sertenna tarro'mar sapa'cho'ña ama seño'tenno esempoch nohuerra na ñeñfen e'ñe Separtseshar sepen. ⁴³ Napa' e'ñech machayota nohuerra atet pena eñeñ allempo atta es sepcha'yena machayotach huaponasa o'ch yoratsre'tensa'. Tarraña sa ñeñtes apacllates seño'chepa'ch ñerra'm seño'teñeñ e'ñech esempo tsapro huaponasa eñeñ, sapa' chochña seño'sertenañ attoch amach semnacheña o'ch toram'psas sepacllo o'ch be'tosam'psasa o'ch yoruennasa' ñeñt allpon semorrenyena. ⁴⁴ Ñeñto'mar notenes sapa'cho'ña chocmuepa'chña seño'sertenna tarro'mar allempoch atta es sepcha'yenapa' allempochña nohuerra na Ñeñfen Acheñetsets.

Atetcha' aparetterra ataruasañ ñeñt e'ñe cohuen etsotene' atet yecheña pamo'mte' ñaña atetcha' aparetterra po'poñ ataruasañ ñeñt ama etsotaye ñeñt atet yecheña pamo'mte'

(Lc. 12.41-48)

⁴⁵ Jesúsñapa' alla toma'ntaterraneterr po'poñoneñ, atet oterraneterr:

—Allohuenespa' atetcha' sepa e'ñe cohuen atet ñerra'mrrate' puesheñarr yacma ñeñt atarr ame'ñañatetsa ñaña e'ñech eñotenan ñeñt atarr sherbets. Ñeñña yacmarpa' añ yechenaya pamo'mte' e'ñe alla pa'paclo. Añcha' po'taruas pen chocmach apayesan allohuen po'potantañ pamo'mte' pa'taruasañer puerraret allpon ñeñt poctetsa puesheña'ttsocop. Ñapa' atecmach penanet, chocmach apuananet ñerra'm esempoch cherrerr allempo atet anaret ñocop o'ch alla apa'yerraneterr po'pocheño. Ñapa' chocmach atet pena amach quechpuenaneto tarro'mar ñapa' e'ñe eñoteñ attoch e'ñe coshatenan pamo'mte'. ⁴⁶ Ñeñña ataruasaña' atarrcha' coshatapuerran pamo'mte'. Ñerra'm esempoch huerra o'ch alla entuenan pa'taruasañer ama cho quechpuenano ñeñt po'taruas cospa'neñ ahuañmo'choteñ. ⁴⁷ Po'ño'ch o'ch notas, ñeñña yacmar atarrcha' coshatueñ pamo'mte'. Añcha' coshaterre' o'ch nohuer am'cha'taret ñeñtcha' cohuam'psaprete' ñeñt allpon echyen pamo'mte'. ⁴⁸⁻⁴⁹ Tarraña ñeñña ataruasañer allempo ama huerra' pamo'mte' ñerra'm ñapa' atta oten pueyo'chro, namo'mte'pa' amach ahuen huerro, allempoña

ñapa' çhach ashtapechyenan ataruasañeçhno ñeñtcha' rratañ. Ñaña'pa' ñerra'm attach allemeñ rrapretyen ñaña attach orrare'tapretyen allcha' atarr posa'tare'tyen, ñeñña ataruasañ atetpa' ama't mameshapa' ama cohuenayaye. ⁵⁰ Ñeñña ataruasañer ñerra'm ñapa' attach ottatse'tyena amach es puecha'yeno amach eñoteñe ñeñte yetroch huerra pamo'mte' ama't erro'tsencha' yetro huena. ⁵¹ Machayotachña huerra pamo'mte'pa' atarrcha' coñchatuer, allach mueñuer all ñeñt o'patenaya allohuen ñeñt po'ñoçh ama ame'ñetso ñeñt atta shecare'tyets. Allña'pa' allcha' yahuanrrorterret panmueño'tet atserrpa' rraso'tyesosetcha' pa's.

25

All atma'ntataretta ñeñt atet pena çharrasheña shopshare'

¹ Jesúsñapa' alla yeçhaterraneter, ñeñt'pa' atet otanet:

—Allempoch amcha'taretterra Yompor ñeñt pue'ntaño'tsen allempoch nohuerra na, ñeñña allempopa' atetcha' perra e'ñech atet ñerra'mrrate' çharrasheña shopshare' ñeñtcha' tatsa allcha' cohuoset allempoch huerranet ñeñt e'ñe errete' sena'tetsa. Ñetñapa' anomyeset po'lampareñ alloch poptapueñet ñerra'm esempoch huerra. ²⁻⁴ Ñeñña amnarsheña ñetpa' atta es puecha'yenet ñeñto'marña ama anmuetoña po'poñ aceite' alloch a'huortaterret po'lampareñ allempoch huañ ñeñt anmamñset po'lamparñeño. Po'potantañ amnarsheña ñetpa' atarr eñotenet attoch eñose'rteñet e'ñe cohuen, ñeñto'marña ñet e'ñe ellonetpa' anomyeset aceite' puetellño alloch a'huortaterret po'lampareñ ñerra'm esempo huañapset ñeñt po'lampareñeño'tsenet. ⁵ Allña ñetpa' cohueñet, ama ahuenaye' huerranetoña ñeñt sena'tetsa. Ñetña all machayota moñe'tyesetpa' çhepa'tcha' manrra'tuatset. ⁶ O'ña ñarenen tsappa' allemponapa' machayota e'muet rranarets, ñeñña'pa' atet oten: “Tayaca'yeña huennasaña ñeñt sena'tetsa ñeñt atarr secuen. Seçha'nomñaca'ye' o'ch sepocteñ.” ⁷ Allemponapa' allenta tantra'tuaña allohuen shopshare' ñetñapa' a'cohuenetyeset po'lampareñ. ⁸ Amnarsheñaña ñeñt ama yerpa'pesnomaye aceite' ñetñapa' atet otare'chet po'potantañ amnarsheña ñeñt çhocma anmue' aceite': “Te'pa' o'ch socya'y yaña aceite' ñeñtcha' ya'huortatnom. Yapa' o' maya'huaña yelampareñ.” ⁹ Ñeñña e'ñe cohuen eñotene' eñose'rtatsapa' ñetñapa' atet ochetña po'poñ amnarsheña ñeñt enamuenahuet aceite': “Amachaca'ye yocyasos te't yehuañapen yaña. Sapa' arrña seta all pomueñet o'ch serañfeña' saña socop.” ¹⁰ Ñet ahuanmatset o'ch rañteñeta'pa' ñeñña sena'tetsapa' e'ñe allorocma çhen. Ñeñña po'poñ amnarsheña ñeñt e'ñe po'ñoçh çhocma eñose'rtetsa, ñetñapa' be'toscha'tet parro epuet ñeñt sena'tetsa. Allña'pa' allcha' atarr coshame'tapreteret. Allña'pa' e'ñe echarr yottamñset. ¹¹ Allña e'ñe o'chtatsapa' o' huaçherraña po'potantañ amnarsheña shopshare' ñeñt ahuanmatsa ñorra'. Ñetñapa' atet otuerret: “Petoramñsaye'chapuerrey Nepapareshecha'.” ¹² Ñaña'pa' atet otapueranet: “Te' ñapa' o'ch notapuerres, sa amaca'ye po'ñoçhaye' seyemtenno.”

¹³ Jesúsñapa' alla oterranerr ñeñt e'ñeñotene':

—Ñeñto'marña na te'pa' o'ch notas: Sapa' çhocmuepa'chña e'ñe cohuen seño'sertena, tarro'mar sapa' amaca'ye seño'teñe erra'tsencha' yetñatsro

allempoch nohuerra na Ñeñfen Acheñetsets, ñaña erro'tsencha'yetro ama't ñeñtpa' ama señooteñe.

All atma'ntataretta ataruasañechno ñeñi aparettatsa puesheña'tets quelle ñeñi otenet talento

¹⁴ Jesúsñapa' alla yethaterraneterr po'poñ, ñeñtpa' atet oterraneterr:

—Allempoch añcha'taretterra Yompor ñeñt pue'ntañ'o'tsen allempoch nohuerra na, ñeñña allempopa' e'ñech atet perra ñerra'mrrate' puesheñarr yacma o'ch ahuo' baçhayo. Ñeñña yacmarpa' o'ch agotnoman pa'taruasañrenesha'pa' o'ch apa'yesnomanet quelle ñeñt allpon echen; ñetñapa' o'ch cohuañpsoñet tarremphouach esempohuañencha'huerra.

¹⁵ Puesheñarrpa' apa'neñ amnarmeta talento, ñeñtpa' atarr shonte' quelle allpon ñerra'm amnar mil. Ñapa' añecop apa'neñ attoch ellopa' o'ch atontatan po'patronar po'çllayor. Po'psheñeñpa' apa'neñ epmeta talento, ñeñtpa' allpon quelle allpon ñerra'm epa mil. Po'psheñeñpa' apa'neñ puemetarr talento. Ñeñtpa'cho'ña allpon quelle ñerra'mrrate' paterr mil. Nehua, puesheña'tsetpa' e'ñe allpona apa'yesnomanet ñeñt e'ñe allpona eñotyenet attoch ellonetpa' atontatet quelle. Ñeña apa'yesuanmetpa' ñañapa' allenta ahuo' baçhayo. ¹⁶ Ñeñt agapue' amnar mil ñañapa' allorocma ahuo' allcha' taruasatan quelle; attoña ellonetpa' o' alla ganerrerr po'poñ amnar mil quelle. ¹⁷ Atet pa' ñaña ñeñt agapue' epa mil. Ñapa'cho'ña ellonetpa' ganerrerr po'poñ epa mil quelle. ¹⁸ Tarraña añña ñeñt agapue' paterr mil ñañapa' allenta aneñ allcha' pampueña'; attoca'yeña ñapa'cha e'potañña quelle.

¹⁹ 'O'ña atomatpa' o' huerranetña po'patronaret, allenta agotatuerranet attoch entuerranet po'taruas erro'tente' taruasa'yeset e'ñe puesheña'ttset.

²⁰ Ñeñña agapue' amnar mil ñañapa' huapapa' apapuenan po'patronar po'poñ amnar mil quelle, ñeñtpa' atet otapueñ: “Añña Nompocha' ñeñt papa'nmuen amnar mil quelle ahuaña, napa' elloca'ye neganerrerrña peçllayorot po'poñ amnar mil quelle.” ²¹ Po'patronarpa' atet och: “E'ñe pocte' neyochrecha'; papa' atarr cohuen pesherbene. Papa' e'ñe cohuen petsoton ñeñt atet notnomuep. Ama't allponatolla napa'nmañ ahuaña, pañapa' atarro't cohuen pesherbato. Ñeñto'marña te'pa' o'ch nenuerrep pach necuañpsapreterre' ñeñt atarr aton. Te'ña papa' pebe'tos allcha' atarr poçshapreterrna.” ²² Allempoñapa' ñeñt agapue' ñaña epa mil, ñapa'cho' huapapa' apapuenan po'patronar po'poñ epa mil quelle. Ñapa'cho'ña atet otapueñ: “Nompocha' ñeñt papa'nmuen naña epa mil, napa'cho'ña elloca'ye neganerrerrña peçllayorot po'poñ epa mil quelle.” ²³ Ñapa'cho'ña po'patronarpa' atet och: “E'ñe pocte'; papa'cho'ña atarro't cohuen pesherbene. Papa'cho'ña e'ñe cohuen petsoton ñeñt atet notnomuep. Ama't allponatolla napa'nmañ ahuaña, pañapa' atarro't cohuen pesherbato. Ñeñto'marña te'pa' o'ch nenuerrep paña pach necuañpsapreterre' ñeñt atarr aton. Papa'cho'ña te'pa' pebe'tos paña allcha' atarr poçshapreterrna.” ²⁴ Allempoñapa' huapa ñaña ñeñt agapue' paterr mil quelle. Ñañapa' atet otapueñ: “Napa' neñoteneñ Nompocha'. Papa' amaca'ye matsrre'mñape; papa' çhocmaca'ye pepratanpesyen ama't ñeñtpa' ama poyaye ñaña çhocmaca'ye poçsechatyenña ñeñt ama paye' nare'tatyenaye; çhocma es pa'yapaçha'yen ama't ñeñtpa' amaca'ye paye' na'yenaye. ²⁵ Ñeñto'marña napa'cha nemcha'tenep. Ñeñto'marña ñeñt papa'nmuen ahuaña paterr mil

quellepa' nañapa' čha nepamponaþ. Te'ñapa' o'ch alla napapuerrep ñeñt e'ñe þo." ²⁶ Allempoña po'patronarpa' atet och: "Paña po'ñočhpa' amaca'ye cohuenaye' pesherbanno ama't mamesha; atarrca'ye quellañtsoþ. Ñerra'm e'ñe po'ñočh peñotennoñ čhocma es neprratamþesyeneñ ñeñt ama noyaye; ñerra'm po'ñočh čhocma nocsechatyeneñ ñeñt ama naye' nare'tatyenaye; ñerra'm po'ñočh čhocma es na'yapačha'yeneñ ñeñt ama naye' na'yenayñe, ñerra'm e'ñe po'ñočh atet pentennoñpa' ²⁷ eso'maruañaca'ye amaña bancoye' penennanoña nečllayor allochñapa' te'ña o' nehuerrapa' nagaphuerreñcha' ñaña allo atontatonet nečllayor." ²⁸ Allempoñapa' atet otan ñeñt tomčha'tyets all: "Te'pa' čhosa puerratamþerre'ña ñeñt paterr mil quelle o'ch sapuer ñeñt echene' čharra' mil quelle." ²⁹ Ñeñto'marña te' napa' o'ch notas: Ñeñt es echets shonte' e'ñe puesherbateñořet pamo'mte', ñetña ellonetpa' o'ch alla aparetterret po'poñ aton. Tarraña ñeñt ama es echetsopa' ama't allponatolla ñeñt echenetañ aprratamþsaretterretcha'. ³⁰ Ñaña añ ataruasañer ñeñt ama nesherbannaye, te'ñapa' čhosaña huapore'te' a'yoř checmetot. Allñapa' allcha' yahuanrortenet panmueñořet atserrpa' rraso'tyesetcha' pa's."

Allempoch ellopa'tetstataretterra ñeñt toma'ntenaya carrneročhno ñaña ñeñt toma'ntenaya cabračhno

³¹ Allempoch nohuerra na Ñeñten Acheñetosets, nohuerrach e'ñe nepartsoteñohuen epan allohuen nemllañořeññaneshar. Allempopa' nanorruerrcha' neconaño allcha'ña e'ñe nepartsotuerr e'ñe necohuentefñesha'. ³² Allempoñapa' e'ñech nesho apčherra allohuen pa'namen acheñ ñeñt yečha'yetsa arr patsro. Allempochña nellopa'tetstateranet e'ñe atet pena ñeñt pamo'mte' pen carrnero, ñañapa' o'ch ellopa'tetstateran carrneročhno ñaña cabračhno. ³³ Acheñenesha'ña ñeñt e'ñe cohuenpa' ñetñapa' necohuenrotcha' nenuerranet ñeñt e'ñe atet ñerra'm carrneročhno. Ñaña ñeñtña ama cohuenayayepa' ñetñapa' ne'chcoterotach nenuerranet ñeñt e'ñe atet ñerra'm cabračhno. ³⁴ Naña allempoch atarr na'mčha'taretterrapa', atetcha' noter ñeñt necohuenronte'tsa'yen: "Sapa' sonačha't allohuenes tarro'mar Nompore'ca'ye atarr bensare'tamþerres. Te'ña sapa' o'ch saguerr ñeñt o'patatensa ahuatoteñ. Ama't allempoteñ Nompore'pa' erřte' yečcatene' pats sañapa' allempoteñ o'patatasa attoch sa'mčha'tarettapretera. ³⁵ Tarro'mar napa' allempo nachporre'tpa' saca'yeña nerratallme'chaye't. Allempo no'ñpa'te'tpa' saca'yeña nonayesaye't. Allempo nečhapue't sesho all ama nentare sañapa' čhocma e'ñe cohuen sagapne't. ³⁶ Allempo nemuelle'tpa' saca'yeña nepashtaye't. Allempo natsna'te'tpa' sañapa' čhocma secuanþesne't. Allempo yottamþesnete'tpa' saca'yeña e'ñe cohuen nemo'taye't." ³⁷ Allempoña ñeñt e'ñe cohuen es nepa'yese'tpa' ñetñapa' atetcha' oterrnet: "Ta'm Parteshacha', ¿esempotña yentape't allempo pačporre't allempo yerratallme'chape't? ¿Esemopotña yentape't allempo po'ñpa'te't allempo yonape't? ³⁸ ¿Esemopotña yentape't allempo pečhapue't yesho all ama pentare allempo e'ñe cohuen yagapape't? Ta'm ¿esempote'ña yentape't allempo pemuelle't allempo yepashtape't? ³⁹ ¿Esemopot yentape'tña allempo patsna'te't ñaña allempo yottamþsapete't allempo yemo'tape't?" ⁴⁰ Allempoña na ñeñten Parteshanpa' atetcha' noterres: "Te' napa' o'ch notas: Po'ñočhpa' allempo e'ñe cohuen atet sepa'yese'ne't na nemo'nasheñnesha' na'naca'yeña e'ñe cohuen atet sepen. Ama't puesheñarra ñeñt ama esoshe'maye' entyese'te acheñenesha' allempo, tarraña saña

allempopa' atto e'ñe cohuen es sepa'yesanete't, na'naca'yefia e'ñe cohuen atet sepen allempo."

⁴¹ 'Allempoña ñeñt ne'chcoteronte'tsenpa' atetcha' noterranet: "Sapa' orrerres arrot, sapa' aña so'patenaya ñeñt atarr yorothen. Te'ñapa' orras all huorten tso' erraparen ñeñt ama amayaño ama't errponaña. Ñeñña tsorpa' añ o'patateñet oneñet e'ñe pueyochreshohuen. ⁴² Tarro'mar na allempo nachporre'tpa' sapa' amaca'ye saye' nerratallme'chaye'te. Allempo no'ñpa'te'tpa' amaca' saye'ña nonaye'te. ⁴³ Allempo nechapue't sesho all ama nentare sapa' amaca'ye cohuenaye' sagapne'te. Allempo nemuelle'tpa' sapa' amaca'ye saye' nepashtaye'te. Allempo natsna'te't ama't ñaña allempo yottam'pesnete'tpa' sañapa' amaca'ye semo'tne'te." ⁴⁴ Allempoña ñetpa' atetcha' oterrnet: "¿Esempohuañaca'ye, Partseshacha', yentape't allempo pachporre't ñaña allempo po'ñpa'te't ñaña allempo pechapue't yesho all ama pentare ñaña allempo pemuelle't ñaña allempo patsna'te't, ñaña allempo yottam'psapete't? ¿Esempo'tña yentape't atet allempo yapa' ama't coñe'tapa' ama es yapape'te?" ⁴⁵ Allempoña napa' atetcha' noterranet: "Te'pa' o'ch notas: Po'ño'ch sa allempo ama a'cua'psenaye' sentone'te allohuen na nemo'nasheñnesha', na'naca'yefia atet sente'tña allempo." ⁴⁶ Allempoña acheñenesha' ñeñt ne'chcoteronte'tsen, ñetñapa' ahuanerretcha' allcha' coñcherret e'ñe errponohuañen. Añña ñeñt e'ñe cohuen es pa'yestse't ñetñapa' ahuanerretcha' Yomporesho allña ñetpa' corretsetach pocsheñeshocmañen errponañohuen.

26

Atto atarr o'pateñet Jesús o'ch muetsatateret
(Mr. 14.1-2; Lc. 22.1-2; Jn. 11.45-53)

¹ Jesúsñapa' allempo serrpare'tatuahuanet allohuen añ ñoñetspa' allemponapa' atet otan pueyochresha':

² —Sapa' seño'teñ o'ca'ye epomtñapa' o'ch çhapa'muen pascuapo. Allempoña na Ñeñten Acheñetosetspa' allempochña pomuerrnet attotcha'ña corso'fam'perrnet.

³ Allempoña allohuen judionesha' pa'mcha'tareternesha' ñetñapa' apçhet. Añ apçhatsa allohuen ñeñt judionesha' po'cornaneshar pa'mcha'tareternesha' epuet ñaña ñeñt atarr etsotayenayeñ ñoñets ñeñt atet anaret epuet ñaña ñeñt pompornesha' pen allohuen judionesha'. Ñetñapa' arr apçhenet cornesha' pa'paclo, ñeñña cornesha'pa' ñaca'yefia atarr nanac pa'mcha'tareter penet, ñeñtpa' añ pa'so'cheñ Caifás. ⁴ Allña ñetpa' cotape'chatannenet, Jesúsata atarr o'patenet. Ñetñapa' atet otanna'tyeset:

—Ërrotuachca'ye yepe'te' attoch yeshcach e'ñe a'nahua esheccha' yermach attotcha' yemtsatach.

⁵ Ñetña allempopa' alla otanna'tyerretter:

—Tarraña te' pascuapo allempo shontena acheñenesha' amachca'ye yermatsche allañaca'ye çha yatsrre'moçhtateñ acheñenesha'.

Atto puesheñarr coyanesha'pa' shosan eñmosa't Jesús poño
(Mr. 14.3-9; Jn. 12.1-8)

⁶ Pamtarrña Jesúsapa' Betanio'tsen all Simón pa'paclo, ñeñña Simónpa' ñeñt ose't puetsarñats. ⁷ Jesúsñapa' alla anen all rrallme'chen. Allñapa' huapoña puesheñarr coyanesha', huapatan eñmosa't ñeñt ama matsa'to; huapatam'pes puetellmo ñeñña puetellen'pa' añ socheñet alabastro. Ñeñña eñmosa'tpa'

alla she' Jesús poño. ⁸ Pueyochresha'chnoña ñetña eñchetpa' cha atsrre'muet, atet otyeset:

—Eso'mare'tña atta a'pertatosanña eñmosañ. Ñeñt eñmosañterpa' amaca'ye matsa'to. ⁹ Chochñácho' pomoseñpa' ganañcha' shonte' quelle allempoñapa' apa'yeseñcha' ñaña allohuen huocchañneshachno.

¹⁰ Jesúsña e'manetpa' ñaña'pa' atet otanet:

—Eso'mare'tcha' cha muene' satsrre'moçhtana'tapña coyanesha'. Ñapa' atarrca'ye cohuen pösen. ¹¹ Tarraña ama'tcha' cho pomosaneñ eñmosañ alloch es apa'yeseñ huocchañneshachno, tarraña çhocmachca'ye eñallña huocchañneshachno arr patsro. Nañapa' po'ñoçhpa' amachca'ye allo'na sentenno arr patsro. ¹² Ñeñt atto shosnan te' eñmosañ nechtso, ñeñt'pa' añeçpa'naca'ye sherben tarremphua allempoch a'yana'terrneterr ñeñt'cha' epuet pampa'pesnet. ¹³ Po'ñoçhca'ye notenes: Ora erracmañen añ patsro errach serrpare'tatyenet añ cohuen ñoñets allempopa' serrpare'chetcha' ñaña atet penen te' añ coyanesha', attoçhña ña'nach yerpuenet.

Atto Judaspa' pomuerran Jesús

(Mr. 14.10-11; Lc. 22.3-6)

¹⁴ Allempoña pueyochresha' ñeñt çharra' puechetsa epsheña, puesheñarrña ñeñt pa'so'cheñ Judas Iscariote, ñaña'pa' allenta ahuo' allo'tsa'yen ñeñt pa'n'cha'tareternesha' pa'yen allohuen judionesha' po'cornaneshar.

¹⁵ Chap allpa' ñaña'pa' atet otosanet:

—Ñerra'm o'ch negatas Jesús attoch serrmue'pa' çerrpona'tcha'ña setsa'tna? Ñetña'pa' atet ochet:

—O'chca'ye yapap ma'poch çharratlla quelle.

¹⁶ Allempoña ñapa' aña e'ñe cotape'chyen errotenotcha' pomuerranña Jesús.

Atto Jesús'pa' rrallme'chatnenan pueyochresha' attoch çhocmach yerpueret ñeñt yoten te' Santa Cena

(Mr. 14.12-25; Lc. 22.7-23; Jn. 13.21-30; 1Co. 11.23-26)

¹⁷ Allempoña çhapa'muen ñeñt yetñatsro allempoch rrrerterrr pan ñeñt ama anareteyaye chase'. Chapa'muen ñeñt yeterpa' Jesúsña'pa' huacha'toña pueyochresha' ñetña'pa' atet ofoset:

—Te'pa' çerra't pemneñ allcha' ya'potonap ñeñt'cha' perra' pascuapo?

¹⁸ Ñaña'pa' atet otanet:

—Te'pa' o'ch ahues anetso; o'ch seçhap allo'tsen puesheñarr acheñ. Ñeñt'pa' atetcha' sotos: “Ñeñtña Maestro Jesús'pa' atetca'ye oten: “Te'pa' o' çhampoch allempoch nerroma, te' pascuapopa' arrcha' nerra'nom pepaclo neyochreshohuen.”

¹⁹ Atet otanet Jesús'pa' ñetña'pa' atetçho' pet. Allca'yeña añño'tosñañetña rreñets allcha' rrallme'chet.

²⁰ O'ña ellerrotenapa' Jesúsña'pa' anorros allcha' rrallme'chatnenan pueyochresha' ñeñt çharrasheña puechena epsheña. ²¹ Allña rrallme'chetsetpa' Jesúsña'pa' atet otanet:

—Po'ñoçhca'ye notenes: Puesheñarrofes sa ñeñtescha'ca'ye nepomuerrre'.

²² Ñetña'pa' cha atarr lleca'rrtet. A'p'to'tyeset e'ñe puesheña'ttset:

—Parteshacha' ta'm çamafe' na nepomuerrmochape?

²³ Ñaña'pa' atet otarraneterr:

—Ñeñt netsapechapretene' nerrarpa' ñeñtcha'ca'yeña nepomuerre'.
 24 Po'ñoçhca'ye te'pa' allo'na sen etsotnomtsa ñeñt atet anuaret Yompor po'ñoño nocop Ñeñten Acheñetosets; attoçha' muetsaterrnet. Tarraña nocoppa' e'ñe pocte'; añña po'ñoçh acheñer ñeñtcha' nepomuerre' ñocopñapa' atar llequñets. Añ acheñerpa' e'ñeca'ye pocten ñocop amachñaço' eñalletatstañe.

25 Judasña ñeñtcha' pomuerre'pa' ñaña'pa' atet och:

—Maestrocha' ta'm çamate' na nepomuerrmochape?

Jesúsña'pa' atet och:

—Pate'ca'ye atetca' poten.

26 All rrallme'chenet, Jesúsña'pa' chetan pan parasyoso'tan Pompor. Parasyoso'tuepa' shota'tan panpa' apa'yesan pueyochresha'. Ñeñt'pa' atet otanet:

—Sagapyes o'ch serre' añmapa' ñeñtcha'ña nechets sepen.

27 Allostña'pa' chetan ñaña orramets parasyoso'tuerrerrpa' apa'yerraneterr. Ñeñt'pa' atet oterraneterr:

—Sorr ñaña añ narmetsos allohuenes. 28 Añpa' nerrasca'ye sepeñ ñeñtcha' ashatarettatsa shonte' acheñenesachop alloch apre'tnaretterret po'chñaret. Añ nerraspa' alloch e'ñe etserra a'poctaterra acheñenesha' Apuesho. 29 Napa' o'ch notas: Te'pa' amach alla norrerre'te añ narmetsos tayoteñ tarrempohuach allempoch alla ello yorrerrerr parro allempoch añcha'taretetuerra Apa.

Atto Jesús'pa' eñotatan Pedro ñapa' çhocmach a'nasocha

(Mr. 14.26-31; Lc. 22.31-34; Jn. 13.36-38)

30 Allempoña o' morrechuanmuet Yomporecoppa' ahuaneneterr Olivopno. 31 Allña'pa' atet otosanet Jesús:

—Añ tsaprocma sa allohuenespa' sa'ypo'ña'huannuencha' tarro'mar Yompor po'ñoño'pa' atetca'ye anuaret, ñeñt'pa' atet ote't Yompor nocop: "O'ch nemtsater ñeñt cohuanpene' carrnero, po'carrnerorñapa' çhach ma'tra'tyesa allemeñ."

32 Jesúsña'pa' atet oterraneterr:

—Tarraña esempoch alla netanterra napa' nanomcha' oterrtsa Galileo.

33 Allempoña Pedropa' atet och:

—Ama't allohuenet ñerra'm a'ypo'ña'huerrpetcha'pa' naña ama't ahuatapa' amach na'ypo'ñerrpe.

34 Jesúsña'pa' atet otererr:

—Po'ñoçhca'ye o'ch notap, añe tsaprocma amach eñena' atolloppa' pañapa' o'ch ma'poch pa'nasotenna.

35 Pedroña'pa' alla otererr:

—Ama'tcha' yerromhuanen parro'pa' naña'pa' ama't parrocha amach na'nasotaño.

Allohuen pueyochresha'pa' ñetpa'çho'ña e'ñe attecma otyeñetañ ñamet.

Atto Jesús'pa' ma'yochuena all oteñet Getsemani

(Mr. 14.32-42; Lc. 22.39-46)

36 Allostña'pa' çhap Jesús pueyochreshohuen all narmetsmo, ñeñt'pa' añ pa'so'cheñ Getsemani. Allña'pa' otosanet:

—Te' sapa' allach sanorrçha'tos arrma, napa' o'ch nema'yochena' tarronteye'.

³⁷ Allña'pa' aña anmos Pedro ñaña Zebedeo puechemerasha', epsheña. Jesúsña'pa' 'cha nanac llequëna, nanac allpatena. ³⁸ Allempoña'pa' atet otosanet:

—Napa' 'cha chepochenen nellquëña neyo'chro, 'cha muene' nerromuen nellquëno'. Sapa' allasa'tach arr secupretosno'tach.

³⁹ Ñaña'pa' ahuo' a'yenteye' all rremosa patso atet ma'yochosa:

—Apa, ñerra'm erroteno'tpa' arepa'chña pemnatatsche o'ch chapona ñeñ' atarr amuerochtatañ nenten.* Tarraña ñerra'm pach muenats añepa'chña atet pe'paton ñeñ' pemnen pa, amachña añeyaye ñeñ' nemnen na.

⁴⁰ O'ña atet ma'yochuapa' o' ahuerri allo'tsa'yen pueyochresha' ma'psheña. O' 'cherr allpa' alla entuerranet ñetña'pa' 'cha atarr manrrenet. Allempoña'pa' otuerran Pedro:

—Ama't mamesha are'tcha'ña acuenaye' sentoso. Amahuachñaca' secuapretosnote' ama't mamesha. ⁴¹ E'ñe seño'se'rteño'tpa' 'choña sema'yochosa allochña'pa' attoch amach sañeña a'puerrataterro topateñets ñeñ'cha' sehuapoya atarr huomenc. Ñeñ'pa' ama't atarr semneñeñ' tarraña sechetsña'pa' amaca'ye ahua mencateye' penso, ñeño'marña notenes 'chocmach sema'yochena.

⁴² Jesúsña'pa' alla ahuerri puepocheño o'ch ma'yocherrerr, ñeñ'tara atet otuerrerr:

—Ñerra'm Apacha' aña pemnaten o'ch chapona ñeñ'cha' atarr na'muerochtate', ñerra'm ama erroteno't pa'huañatañperno, ñeñ'tpa' e'ñe pocte'. Añepa'chña atet pe'paton ñeñ' pemnen pa.

⁴³ O'ña alla ma'yochuerrerra' allempoña'pa' huerrerr alla entuerranerr pueyochresha' ñetña'pa' o' alla manrretererr, 'cha nanac atserr moñe'tenet. ⁴⁴ Jesúsña'pa' alla sa'nerraneterrra' ahuerri ma'yochatsa poma'pocheño'hua. E'ñe attecma ma'yochuerrerr atet otua ñorra'. ⁴⁵ O'ña ma'yochuerrapa' allempoña'pa' alla huerrerr pueyochreshesho, atet otuerraneterrr:

—Ama't teme'ttsenpa' alla't semanrren; ama'tpa' alla sames. Te'pa' señoche'pa'ch o' 'chap allempoch pomataterri net na Ñeñ'en Acheñetosets atotcha' errotuanen perren ñeñ' atarr ochña'fenesha'. ⁴⁶ Te'ña'pa' setanterra o'ch ahuey o'ch yepocte'. Secue'ca'ye ñeñ'cha' nepomue' ñeñ'tpa' alla'tsena.

Allempo rromoset Jesús

(Mr. 14.43-50; Lc. 22.47-53; Jn. 18.2-11)

⁴⁷ All atet eñorena Jesús'pa' 'cha huapatsa puecheñarr ñeñ' pueyochresha' peneñ ñeñ' a'pchenahuet epsheña, ñeñ'tña'pa' añ Judas. Ñaña'pa' huacha'tatan shonte' acheñenesha' occhelletareret ñaña etsachperetareret. Ñehua, añ ñeñ' huacha'ttsapa' añ mueñenahuet ñeñ' pa'm'cha'tare'ternesha' pen allohuen judionesha' po'cornaneshar ñaña ñeñ' pompornesha' pen allohuen judionesha'. Ñetca'yeña mueñene'ña ñeñ'cha' rremuenaya' Jesús. ⁴⁸ Ñehua, Judas ñeñ' pomuerre' Jesús'pa' ñaña'pa' atet otnoman acheñenesha' ñeñ' anom attoch cheme'toset Jesús. Ñeñ'tpa' atet otnomanet:

—Erra'tsencha' nehuom'cha'tos e'ñe netso'ttsapa'teño'tpa' ñeñ'ca'yeña Jesús. Sañapa' ñeñ'cha'ña serrmos.

* **26:39** Ñeñ' amuerochtatañ ñeñ'tpa' po'ño'ch arr atma'ntataret ñerra'mrrate' ñeñ' atarr pesherr yorren orram'tso.

49 Allempoña huapapa' cha ponmosaya Jesús huomcha'tos e'ñe puetso'tstsapa'teñesha' atet otos:

—Tsapo, Maestrocha'.

50 Jesúsñapa' atet otap̄:

—Eso'maruañaca' masheñe, penña arr nesho.

Allempoña acheñenesha'pa' ponmosyet Jesúsapa' rromoset e'ñe po'huamencocma.

51 Allempoña puesheñarr ñeñ epuet Jesúsapa' ñañaapa' po'cchella cheta'pa' o'ch chonto'tapanen cornesha' pueñañra, puetepa'tcha' tsorroñ. Ñeñtapa' año pueñañra ñeñ pa'mcha'tareter pen allohuen judionesha' po'cornaneshar.

52 Allempoña Jesúsapa' atet och:

—Penerr alla pochell allecma peneñ. Allohuen ñeñ orrotetsa po'cchellopa' cochlochca'ye colla'huerrret. 53 Papa' chate' potenapañ amate' errotenot es nenameña Nompör. Ama't peñoteñe ñerra'm cho'nenam̄pa' ñapa' allorocmach mueñoneñ shonte' nanac po'millañofeñaneshar ñeñtcha' nemoñsayañ, 54 tarraña ñerra'm atet nepapa' amate' errotenot etsotoña ñeñ atet anuaret Yompör po'ñoño nocop. Allña oten ñeñtapa' atetcha'ca'ye perra.

55 Allempoña Jesúsapa' atet otan acheñenesha':

—Eso'mare't sehuacha'tennanaña e'ñe ochhelletareroches ñaña etsach-peretareroches attoch serrma'n. Napa' ¿e'ñe't atet sentenen ñerra'mrate' eñeñ? O' allponmatuanen nanorryen Parets pa'paclo'mar, all neychatyen, eso'mare'tña ama allempocmaña serrma'ne'te. 56 Ama'tpa' attepa'ca'ye perra allochñapa' attoch e'ñe etsotuerra ñeñ allpon quellca'yese't nocop ñeñ a'mta'yese't Yompör po'ñoño.

Allempoña allohuen pueyochresha'pa' allorocma a'ypo'ña'huamet, ñetñapa'yerra'tuet.

Allempo chapata'mueñet Jesús all apcha'muena allohuen judionesha' pa'mcha'tareternesha' ñeñ a'pocatyene' ñoñets ñocpuet (Mr. 14.53-65; Lc. 22.54-55, 63-71; Jn. 18.12-14, 19-24)

57 Acheñenesha' ñeñ rromose' Jesúsapa' ñetñapa' anmet allo'tsen Caifás ñeñ pa'mcha'tareter pen allohuen judionesha' po'cornaneshar. Allñapa' all apchenet parro allohuen ñeñ atarr etsotayenayeñ ñoñets ñeñ atet anaret epuet ñaña ñeñ pompornesha' pen allohuen judionesha'. 58 Pedroñapa' cota'nmanet tarraña ñapa' chenta' en a'yot. E'ñe cornesha' po'pampohua allñapa' anorros epuet ñeñ guardianesha' allochñapa' esheccha' entan Jesús attoch errotuanencha' pet.

59 Cornaneshaña pa'mcha'tareternesha' ñaña ñeñ pompornesha' pen allohuen judionesha' ñaña allohuen ñeñ a'pocatyene' ñoñets ñocpuet ñetñapa' aña atarr e'nenet ñeñtcha' toma'tam̄pse' Jesús allochñapa' attoch muetsatachet. 60 Ama't shonte' huapatsañ ñeñtcha' toma'tam̄psosayeñpa' añcha'taretnesha'ña ama't puesheñarrofetapa' ama eseshaye' entayeña attoch muetsatachet. Atteñapa' huapa ñaña epsheña ñeñtcha' toma'tam̄pse'.

61 Ñetñapa' atet otaset:

—Añ acheñer ahuañapa' atetca'ye oten: “Napa' atarr ahuamencaten attoch na'materrñañ Parets pa'paquell. Allotña poma'pamtañopa' o'ch alla natomater.” Ñapa' atetca'ye otña allempo.

62 Allempoñapa' cornesha' ñeñ nanac amcha'taret allenta tompa' atet otan Jesús:

—Pañapa' ¿ama'tcha'ña panapaneto? ¿Errofenote'tña otteñe'chenpet?

⁶³ Jesúsñapa' ama eñoreno. Allempoña cornesha'pa' alla otererr:

—Te'pa' o'ch notañ o'ch potey e'ñe Yompor pa'so'chño ñeñt ama arromñafeshayaye, p̄apa' ¿p̄a'tña ñeñteḡ Parets Puechemereḡ, ñeñteḡte' Cristosets?

⁶⁴ Jesúsñapa' atet och:

—Napa' po'ñoçhca'ye ñeñten e'ñe atet poten. Elloña napa' o'chca'ye notas, o'ca'ye e'ñe çhapmoch allempoch e'ñe senterren na Ñeñten Acheñetosets o'chca'ye alla nanorruerr Parets po'cohuenrot allcha' nepartsotapretera. Ñaña po'pocheño o'ch sentapuerren o'ch nesuanmperra oso Yompor pue'ntañot.

⁶⁵ Cornesha'ñapa' ñeñta e'mpa' allenta rrarre'tan pa'shtam e'ñe pat-srre'mueñot, ñeñtpa' atet ot:

—O'ca'ye çha achmare'tañña Yompor. Ñeñteḡñapa' amach ye'natsche po'psheneñ ñeñtcha' a'metamḡsose'. Te' ama't sapa' o'ca'ye se'm atet achmare'tenan Yompor. ¿Errofenat senteñña sa?

⁶⁶ Ñetñapa' atet otyeset:

—Ña po'ñoçhpa' atarrca'ye nanac achmare'tenan Yompor, pocte'ñaçho' te'pa' o'ch semtsatach.

⁶⁷ Allempoñapa' a'coshare'tyeset e'ñe pa'clloyot, çho'ña çhota'tyeset; po'potantañeçhnoñapa' taçllapeçheset. ⁶⁸ Pachmare'teñoḡetpa' atet otyeset: —Te'ña ñerra'm po'ñoçhte' Cristop̄pa' eñoratenperrepa' Parets alloçhñapa' attoch potey esesha'te'ña peçhota'tyene'.

Atto Pedropa' a'nasotana Jesús

(Mr. 14.66-72; Lc. 22.56-62; Jn. 18.15-18, 25-27)

⁶⁹ Pedropa' a'yote'tsen all anen pampo. Allñapa' huapoña coyanesha' ñeñt cornesha' pueñañra, ñaña'pa' atet otosan Pedro:

—Paca'ye e'ñe coḡaye'tña Jesús ñeñt galileo'marnesha'.

⁷⁰ Pedroñapa' anapue'pa' çha a'nasocha. Allohuenetñapa' e'ñe e'mhueñet atet ot:

—Napa' amaca'ye neñoteñe ñeñt atet potenen.

⁷¹ Allempoña Pedropa' ahuerr, çherr allotecma be'tenet o'ch çhapuet o'pono pampo. Allñapa' entuererr po'psheneñ coyanesha' ñeñt cornesha' pueñañra. Ñaña'pa' atet otan ñeñt parro allo'tsa'yenet:

—Añ acheñerpa' ñeñtca'ye cotene'ña Jesús ñeñt nazareto'marnesha'.

⁷² Pedroñapa' alla a'nasotererrpa' atet otererr:

—Te' napa' o'ch notas e'ñe Yompor pa'so'chño, napa' amaca'ye nentareña añ yacmar ñeñt potenen.

⁷³ O'ña o'çhterrerrpa' huapoña ñaña ñeñt tomçha'tyets all, ñetpa'çho'ña atet otoset:

—Po'ñoçhca'ye p̄apa' Jesúsca'ye pueyochreshaḡ. E'ñe atet peñen ñerra'mrrate galileo'marnesha', ñeñto'marca'yeña o' yeñotaḡ.

⁷⁴ Allempoña Pedropa' e'ñe puehquẽñoḡanetpa' atta otatse'tyerraneterr, ñeñtpa' atet otanet:

—Napa' e'ñe Yompor pa'so'chño notenes, ñerra'm amate' po'ñoçhoye' notensopa' te'pa' nerromuepa'. Napa' po'ñoçhca'ye ama nentareña añ yacmar.

Ñeñta otuanetpa' e'ñepa'tcha' allempocma eñenña atollop. ⁷⁵ Allempoña Pedropa' alla yerpuerrana ñeñt atet oteñ Jesús: “Amach eñena' atollop

pañapa' o'ch ma'poch pa'nasotenna." Allempoña Pedro cha'nom allotpa' ahuo' a'yenet allñapa' all atarr yahuosa huomenc.

27

Allempo ñhapata'mueñet Jesús allo'tsen añcha'taret Pilato

(Mr. 15.1; Lc. 23.1-2; Jn. 18.28-32)

1 Tsapatña puetarenpa' ñeñña pa'mcha'tareternesha' pen allohuen judionesha' po'cornaneshar ñetñapa' apcha'mueneterr parro epuet ñeññ pompornesha' pen judionesha'. Allña apthenetpa' ñetña allohuenetpa' cotape'chatanna'tet attotcha' muetsatateret Jesús. ² Jesúsñapa' o' huancota'tuet allempoñapa' anma'mueñet allo'tsen añcha'taret Poncio Pilato (ñeññ nen gobierno Romot ñeññ añcha'tarettetsa allo'marneshacop). Allca'ye poma'mueñetña Jesús.

Atto tsoberra Judas e'ñe ñañeña

3 Judasña ñeññ pomue' Jesúsapa' allempoña ñapa' eñoch Jesúsapa' ñhochca'ye muetseret. Allempoña puellquëño'tpa' ello alla cotape'cherran cohuen. Allempo atet cotape'cherrpa' ñañapa' alla pomuerran quelle ma'poch çharratlla. Alla apuerrana' cornaneshar pa'mcha'tareternesha' ñañña ñeññ pompornesha' pen allohuen judionesha'. ⁴ Allñapa' atet otuerranet:

—Napa' o' cha norrtater ñeññ ama cohuenayaye, o'ca'ye cha nepomuer achen' attoch muetseret ama't ñapa' ama't coñe'ta amaca'ye eñalleña po'chñar.

Ñetñapa' atet anaprra'tet:

—Ñeñtpa' amaca'ye errotenoña yocop, ñeñtpa' pöcpaca'ye.

5 Allempoña ñapa' atta huapore'terrana' quelle o'pono Parets pa'paclopa' o' alla ahuerr, e'ñe puellquëño'tpa' tso'ma'huerra ñañeña.

6 Cornaneshar ñapa' o' alla chetterret quelle. Ñetñapa' atet otanna'tyeset.

—Añ quellepa' alloca'ye atsa'taretta attoch shataterñañet achen' po'rras. Ñeñño'marña te'pa' amate'ca'ye pocteyaye o'ch alla yenererr allecma apchenet quelle Parets pa'paclo.

7 Allempoña e'ñe ñagattsetapa' atet a'pöctachet o'ch raññoñet allo añ po'patseñ ñeññ yeçcatyene' patsrro' allochñapa' allcha' pampa'yeret ama't erra'tsena achen' ñeññ ahuapña ñerra'm esempo rromayenet allampaño.

8 Ñeñño'marña ñeññ patsrpa' añ sochet Errasatsotnanen tarro'mar ñeññte quellayero rañfyet allo ashataretterra errasats. Ama't teme'tsen ñeññ patsr socheñet Errasatsotnanen. ⁹ Attoca'yeña etsotaña atet o'te't Jeremías ñeññ a'mtaye't Yompor po'ñoñ ahuat, ñeñtpa' atetca'ye quellquë't Cristo-cop: "Chetterretcha' ñeññ ma'poch çharratlla quelle ñeññ allpon po'tsa' nen israelena'tarnesha' atto muetsatateret. ¹⁰ Ñeñña quellepa' allochca'ye rañterrñañet po'patseñ ñeññ yeçcatene' patsrro'. Atetca'ye otenenña Partsesha' o'ch atet neña."

Atto Jesúsapa' a'pto'tare'teñ añcha'taret Pilato

(Mr. 15.2-5; Lc. 23.3-5; Jn. 18.33-38)

11 Allempo çhapachet Jesús añcha'taret Pilatesho, allñapa' all añcha'tareñña' allenta a'pto'tap:

—Papa' çpa'tña añcha'tarettetsaña judioneshacop?

Jesúsñapa' atet och:

—Napa' ñeññenca'ye atet pöten.

12 Ñeñt pa'mcha'tareternesha' pen judionesha' po'cornaneshar ñaña ñeñt pompornesha' pen allohuen judionesha' ñetña allpa' atarr otteñe'chyesoset Jesús. Ñaña'p' ama't mameshapa' ama eñoreno, ama't parrocha ama anapuaneto ñeñt atto a'metare'teñet. 13 Allempo Pilatopa' atef och:

—¿Ama't pe'muenoña atef a'metare'tenpetpa' esocmañen otenpet?

14 Ñaña'p' ama anapuaneto ama't e'ñe parrocha. Ñeñto'marña amcha'taretpa' nanac cóhuana'teñ. Ama eñoteñeto eso'marte' ama eñoreno ñocop.

*Atto amcha'taret Pilatopa' otanet ama'tpa' chosa muetse'ña Jesús
(Mr. 15.6-20; Lc. 23.13-25; Jn. 18.38-19.16)*

15 Ñehua, ñetpa' atetca'ye yeçhenet. E'ñe pate'tets char allempoch çherrerr pascuapo, ñeñña amcha'taret ñeñt nen gobierno Romotpa' ñaña'p' çhocmach a'rroyerran puesheñarr judioneshacop ñeñt ayottam'psarettetsa allempo, ñeñtara ñeñt pamo'ts penet ñet. O'ch apamet erra'tsençho' enamuenet ñeñt muenenet ñet. Ñeñtpa' añecop a'rroyenanetña puesheñarr pamo'tset attoch e'ñe cohuen coshatenan allohuen judionesha'. 16 Ñaña e'ñe allempopa' allo'tsen puesheñarr judionesha' ñeñt ayottam'psarettetsa ñeñtpa' añ pa'so'cheñ Barrabás. Allohuenetpa' e'ñe eñotueñet añecopña yottam'peñet ñapa' çhocma atpare'tane't amcha'taret ñeñt nen gobierno Romot. 17 Ñeñto'marña allempo ap'cha'hua allohuen acheñenesha'pa' amcha'taretña Pilatopa' a'p'to'tapanet:

—¿Erra'tsena't semnenña ñeñt'cha' na'rroyonas, ñato' añcha' Barrabás amapa' Jesús ñeñt otenet Cristo?

18 Ñehua, Pilatopa' eñotapan judionesha' pa'mcha'tareternesha' ñetpa' e'ñe pue'moñe'tateñme'chatsa o' pomueret Jesús. Ñeñto'marña Pilatopa' añ muenen o'ch a'p'to'tan allohuen acheñenesha' tarro'mar ñapa' añca'ye e'nen attoch a'rroyerran Jesús.

19 Ñaña tarro'mar allempo anorros po'conaño allcha' a'pocatan ñoñets, puetaporñapa' oñmach po'ñoñ all oteñ: “Amach erro't pe'patsche Jesús ñeñt e'ñe cohuen acheñer tarro'mar ama't añ tsapro napa' o' neçhopo'teñ; napa' ñeñña atarr neyore'te'.”

20 Tarraña ñeñt pa'mcha'tareternesha' pen judionesha' po'cornaneshar ñaña ñeñt pompornesha' pen allohuen judionesha' ñetña'p' añña atarr cotape'chatenet acheñenesha' attoch ñetpa' allohuenetpa' o'ch ochet Pilato:

—Añcha' p'a'rroyerrnay Barrabás, Jesúsñapa' pemtsatachepa'ch.

21 Allempoña amcha'taret Pilatopa' o' alla a'p'to'terraneterr:

—¿Erra'tsena'tña po'ñoçh añ epsheño'mar semnen ñeñt'cha' na'rroyernnas? Ñeñña anaprra'tetpa' atef ochet:

—Añcha'ca'ye p'a'rroyerrnay Barrabás.

22 Pilatoñapa' alla otterraneterr:

—Ñehua, añ Jesús ñeñt otenet Cristopa' ¿errofe'tcha'ña nepe'?

Allohuenetñapa' alla otereterr:

—¡Ñapa' pecorso'tam'psachñaca'ye!

23 Pilatoñapa' atef otterraneterr:

—Ñapa' ¿eso'tña pen ñeñt ama't mameshapa' ama pocteye' sentapreteñe? Ñetñapa' alla rrannarterretter huomencpa' atef oterretter:

—Ñapa' ¡çhopañaca'yeña corso'tam'psate'!

24 Pilatoñapa' e'ñe eñoteñ attoch ñapa' amach errot pe, elloña acheñenesha'pa' čha atarr atsrre'mochtana'teñet. Allempoñapa' chetan oñpa' e'pota'ta allochñapa' attoch eñotatanet ñapa' amaca'ye ñaye' otteñe'chenaye, ñeñtpa' atet oterraneterr:

—Napa' amach seyohuatsetno attoch rroma añ acheñer ñeñt ama't coñe'ta ama choye' errot es peno. Ñeñtpa' ama nocpa'nayaye, ñeñtpa' e'ñeca'ye saptecpa.

25 Allohuenña acheñenesha'pa' ñetñapa' alla otereterr:

—Attoch rromapa' ama'tpa' yohua'yetepa'—ya ñaña ama't yemrenñohuen.

26 Allempoñapa' a'rroyerranet Barrabás, Jesúsñapa' ashtach allempoñapa' otan po'solltarneshar:

—Te'pa' o'ch secorso'tampeña'.

27 Ñehua, solltarnesha'ña ama aneñeta' allcha' corso'tamposet ñetñapa' arrña ñanom anmet Jesús añcha'taretepahuo. Allña agotachet allohuen po'potantañ solltarnesha' ñeñt allo'tsa'yen o'ch e'ñe apčhet Jesúsesho.

28 Allñapa' pa'llocchame'teñoťet Jesúsapa' rrotam̄pes pa'shtam, chorrachet shetamuets tsamamuen ñeñt pa'shtam pen ñeñt po'ñočh añcha'tarettetsa.

29 Pellta'toñet ñaña choyo'mets agrečpa' ñeñña choyo'mtachet ñeñt atet choyo'mtena ñeñt po'ñočh añcha'tarettetsa. Orrachet ñaña tsachep̄ poto po'cohuenrot ñeñt atet orren ñeñt po'ñočh añcha'tarettetsa. Allempoñapa' concorpa'yesyet. Pa'llocchame'teñoťetpa' e'ñe atet p̄achet ñerra'mrrate' ñeñt e'ñe po'ñočh añcha'tarettetsa. Pachm̄are'teñoťetpa' atet oteñet:

—Puetare' añcha'taretecha', atarruaca' cohuenep̄te' p̄a ñeñtep̄ judione-sha' pa'm̄cha'taretep̄.

30 Pueche'tatseteñoťet a'coshare'teñetpa' o' chetam̄peretña ñaña tsachep̄ pototpa' alloña asto'tame'teñet poño. 31 O'ña achm̄are'tuahuetpa' allempoñapa' rrotam̄peret shetamuets tsamamuen chorrateret e'ñe ña pa'shtam. Allempoñapa' anmet a'yo allcha' corso'tampeñeta'.

*Atto corso'tamposet Jesús
(Mr. 15.21-32; Lc. 23.26-43; Jn. 19.17-27)*

32 E'ñe ahuanmatsetpa' allña oñenetpa' o' poctet puesheñarr yacma ñeñt cireneo'marnesha' ñeñtpa' añ pa'so'cheñ Simón. Ñañaapa' allenta chechatnomet Jesús po'corsoch.

33 Chapachet all socheñet Gólgota ñeñt yoten yeñoño Poñetallep̄no. 34 O' čhapachet all Jesúsapa' aposetañ vinos ñeñtpa' añ atsetaret pueretso ñeñt atarr pesherr. Atta am̄lle'pa' ama mueno o'ch orr.

35 Allempoña o' corso'tam̄pesuetpa' solltarnesha'ñapa' allenta yellsheñe'chatoñet pa'shtam po'suertot attoch orrtet e'ñe puesheña'ttsetpa' o'ch yorayesñañet pa'shtam puema'tets. Attoña etsoterra añ ñoñets ñeñt a'm̄taye't ahuat Yompor po'ñoñ. Ñehua, allempopa' e'ñe atet ñerra'mrrate' Cristo otatse't, ñeñtpa' atet oten: “Yellsheñe'chaterrnanetcha' neshtam po'suertot attoch orrtet e'ñe puesheña'ttsetpa' o'ch yorayesonet neshtam puema'tets.” 36 Allempoña solltarnesha'pa' alla anorrcha'tet o'ch cohuan̄pset. 37 Ñehua, poñoť all corsocho all noñet tsachtall aquellcareť attochña eñoteñet ñeñfecop corso'tam̄peñet. Ñeñña quellecpa' atet oten: “Añ Jesúsapa' ñeñtca'yeña judionesha' Pa'm̄cha'tareter.”

38 Allñapa' corso'tam̄pset epuet ñaña epsheña eñeť, puesheñarrpa' nosñañet po'cohuenrot, po'psheñeñña' nosñañet pue'chcoterot. 39 Ñeñña

oñmachets allpa' ñetpa'cho'ña ðhocma achmāre'tneñet. Pachmārnōfetpa' coño'coñtana'tyesneñet, ⁴⁰ ñeñt'pa' atet otyesneñet:

—Pa ñeñteþ þommo'cheño'pa' þotatse'te't þo'ch a'materrayeñ Parets pa'paquëll, poma'pamtañocmo'ch alla þatomatereñ, te'ñapa' þa'qeshþaterrañaca'ye e'ñe þañeña. Ñerra'm po'ñochte' Parets Puechemereþpa' pesuerrañaca'yea tayecma corsochot.

⁴¹ E'ñe attecma achmāre'teñ ñama ñeñt pa'mīcha'tareternesha' pen judionesha' po'cornaneshar ñama ñeñt etsotayenayeñ ñoñets ñeñt atet anaret ñama ñeñt pompornesha' pen allohuen judionesha', ama't allohuenet fariseoneshohuen. Ñetñapa' pachmāre'teño'pa' atet otatse'tyeñet:

⁴² —Te'ña þapa' o' þa'qeshþatyes po'þotantañ, þañapa' eso'mare'tcha'ña ama eshcaye' þa'qeshþaterroña e'ñe þañeña.

E'ñe pachmāre'teño'fetpa' atet otyereter:

—Papa' ñeñteþo'ca'ye israelnesha' Pa'mīcha'taretereþpa' pesuerrañaca'ye corsochot allochñapa' attoch yame'ñaþa yanña. ⁴³ Papa' þa yemtenaya Yomporpa' te'ñapa' a'qeshþaterrpepa'ñaca'ye ñerra'm po'ñochte' e'ñe cohuen muerenþa. Papa' ñeñteþ po'ño'ch atet otets Yomporo' Puechemereþ.

⁴⁴ E'ñe attecma pe' ñama eñet ñeñt epuet corso'tamþeñet ñetpa'cho'ña atarr es onare'chet allot po'corsochot.

Atto rroma Jesús all po'corsocho

(Mr. 15.33-41; Lc. 23.44-49; Jn. 19.28-30; Heb. 9.11-14)

⁴⁵ O'ña ðhap poctopa' o'huañ atsnom o' e'ñe checmetua ora erraþaren añe patsro, o'ña ellerrottenmochapa' o' alla puetarerr. ⁴⁶ Allempoña ellerrottenmochapa' Jesúsñapa' rrana huomenc, ñeñt'pa' atet ot e'ñe ña po'ñoño:

—Elí, Elí, lama sabactani. Ñeñtña ñoñtsorpa' atet oten: Eso'maruachñaca'ye Neyompor-recha' pa'ypo'ñerren.

⁴⁷ Puesheña'tetsña ñeñt tomçhets all ñeñt e'mue' atet oten Jesús, ñetñapa' amaca'ye e'mueññañeto po'ñoñ ñeñt atet oten, ñeñño'marña ñetpa' ðha otye-set:

—O' ðha ðhore'tante' Elías ñeñt a'mtaye't ahuat Parets po'ñoñ.

⁴⁸ Allempoñapa' mata puesheñarr ñeñt allo'tsen, e'ðhomosan chella'so ñeñt atso't'po' o' ne' tsachþopa' allotña tsotso'tatosañña Jesús.

⁴⁹ Po'þotantañña' atet ochet ñeñt tsotso'tatene':

—Amach es þapatsche, te'pa' attachca'ye yecue' ñato'rraña huapa Elías ñach a'qeshþatose'.

⁵⁰ Allempoña Jesúsþa' o' alla rranerrerr huomencpa' rroma. ⁵¹ Allempoña besom allo yottamþeññañet Parets pa'paquëll o'ponopa' ahuepa't rrañanom e'ñe poctacma, ellopa'tetsta enoteñ e'ñe sotatsohua. Allempoñapa' o' pella pats atarr huomenc, rrañatyes mapuetaçhno.

⁵² Torna'tamþesyes apampaña. Shonte' ñeñt pueyochresha' pen Parets ñeñt o' colla'huañ, ñetñapa' ahuepa't e'ñe tantra'tuerret. ⁵³ Allempoña tanterra Jesúsþa' ñetpa'cho'ña o' sohuanerretña all apamparettete't o' alla ahuanerret anetso Jerusaléño ñeñt anaret Partsocop, allñapa' shonte' acheñ ñeñt entapuerrahu.

⁵⁴ E'ñe allempo rroma Jesús, solltarnesha' ña epuet po'captaner ñeñt allpon cohuanþene' Jesús, ñetñapa' e'ñe enteñet ñeñt atet þa'yesa allempo, atto pella pats. Ñeñño'marña ñetpa' atarr yorenet. Allempoñapa' atet otet:

—Po'ño'chuaca'ye añmapa' Partsepa'tca'ye Puechemer.

⁵⁵ Allo'tsa'yen ñaña shonte' coyaneshachno, ñetñapa' a'yota cohuanrrorteñet. Ñetpa' ñetca'yeña co'a huanmue'ña Jesús Galileoteñ ñeñt sherba'yese'yt. ⁵⁶ Ñeñtpa' María Magdalena ñaña po'psheñeñ María ñeñt Jacobo pachor ñaña José. Allo'tsen ñaña ñeñt pachor pen Zebedeo puechemeresh'a, ñaña po'potantañechno coyaneshachno.

Atto pampuet Jesús

(Mr. 15.42-47; Lc. 23.50-56; Jn. 19.38-42)

⁵⁷⁻⁵⁸ Atteñapa' o' ellerren. Puesheñarr ñeñt eçllayoret ñeñt pa'so'cheñ José ñeñt arimateo'marnesha' ñeñtara Jesús pueyochresha' ñañapa' ahuos Pilateshopa' o'ch oteña' pocte'ch eñch ñach asuatose' Jesús ñeñt rromuets corsocho. Pilatopa' atet otan pa'cheñer:

—Te'pa' o'ch sa'rroyoñ arromñat anerepa'.

O'ña ellerren Joséñapa' o' çherr corsocho. ⁵⁹ a'suatuerran Jesús corsocho't all rromuen. Allempoñapa' epatse'ch shetamtso ñeñt e'ñe cohuen emarr. Allempoñapa' anem allcha' pampueña'. ⁶⁰ All e'ñe errte' eñatene' mapuetpon ñeñtpa' e'ñe pamo'tsna'tarneshacpañ allca'yeña nenana'ña Jesús. Allempoñapa' attome'terrñañ mapue' añecmuen allo yottam'pesner ñeñt puepampuer p'ach. O'ña yottam'pesuanerpa' Joséñapa' ahuer. ⁶¹ Allñapa' allo'tsen María Magdalena ñaña po'psheñeñ María. Ñetñapa' alla anorr'cha'toset allame'tets all pampueñet.

Atto guardianesha'pa' cohuan'peñet all pampuet Jesús

⁶² Met añ yeter allempo çhocmach añño'terreterr ñeñt tsapatecop allem-pocma amesen judionesha'. Tsapatñapa' ñeñt pa'm'cha'tareternesha' pen judionesha' po'cornaneshar ñaña fariseonesha' ñetñapa' e'ñe alla shontenet parro all Pilatesho. ⁶³ Ñeñtpa' atet otoset:

—Nomporca' yapa' o'ca'ye yeyerpuera añ acheñer ñeñt atarr ashcañpa' allempo'corra'tpa' atetca'ye otye't: “Napa' ama't puema'pamtañopa' netan'terrachca'ye rromot.” ⁶⁴ Te'pa' pemñaye'chñaca'ye ñeñt'cha' nanac cohuan'p'ose' puepampro e'ñe puema'pamtañohua, te't huapa pueyochresha'pa' çhate'ca'ye e'ñe a'nahua ereta'. Allempoña ñetpa' çhate' ochet acheñenesha' Jesús'pa' o'ca'ye tanterra rromot. Ellote'ña ñet allempopa' nanacte' shecare'teret acheñenesha'. Ellote' metanrerret ñeñt atto shecare'tyesete't ahuaña acheñenesha'.

⁶⁵ Pilatoñapa' atet otapanet:

—Añca'yeña guardianesha', te'pa' orras parro, ñetpa' o'ch cohuan'p'oset, e'ñech echarr sepan'p'osñañ puepampuer, errotentcha' e'ñe pocte' sent sa.

⁶⁶ Ñetñapa' ahanmuet puepampro. Mapue' allo yottam'peñetpa' e'ñe cohuen yomrraram'p'oset attochña eñoteret ñerra'm esesha'ch toram'perre'. O'ña e'ñe cohuen pan'pesuetpa' allempoñapa' na'neret guardia all ñeñt'cha' cohuan'p'se'.

28

Atto tanterra Jesús

(Mr. 16.1-8; Lc. 24.1-12; Jn. 20.1-10)

¹ O'ña huañ yetñats allempocma amesenet allempoña taya puetaren temenc allempo motta'muena yetñatspa' Maríaña Magdalena ñaña po'psheñeñ María ñetñapa' ahuatecma ahuanma'muenet o'ch enta'mueñet Jesús puepampro. ² Allempoña machayotepa'tcha' pella pats huomenc;

añ sohuatsa Yompor po'mllañoñeñer entot. O' sohuapa' a'rrote'tosan mapue' a'yenet ñeñña mapue'pa' allña anorros. ³ Ñaña'p' atarr nanac poptosa e'ñe atet orrtosa ñerra'mrrate' meratste'. Pa'shtamña'p' atarr nanac huallama't. ⁴ Guardianesha'ñapa' ñeñña atarr yore'tose'. Puenchañofetpa' cha yonshema'tyeset cha otayeset e'ñe atet ñerra'm cho rromuenet. ⁵ Allempoña mellañoñeñapa' atet otapan coyanesha'chno:

—Amach cha seyorenatsto. Napa' neñotenes añca'ye semnen o'ch senta'mueñ Jesús ñeñt corso'tamñset. ⁶ Amaca' arro'tsenaro arr, ñapa' atet otase'tpa' te'ñapa' o'ca'ye tanterra. Sonca'ye secueña' all panet amaca' eñalle. ⁷ Secua'huepa' orreres sema'yoreñ o'ch soterrñaña' pueyochresha': “O'ca'ye tanterraña Jesús rromot. Ñapa' ñanomcha' otatsa o'ch ahuen Galileo. Sapa' allcha'ña sentuer.”

⁸ Allempoñapa' puema'yoreñ ahuanerret puepamprot. Ama't yorenetañpa' pocsheñesha' matrra'terret o'ch oteññañeta' pueyochresha'. ⁹ Matachetsetpa' Jesúsñapa' ahuepa'tcha' poctanet, huomcha'tapanet. Ñetñapa' allenta ponemñyet, rromoset pa'rropot concorposñañet. ¹⁰ Allempoña Jesús'pa' atet otanet:

—Amach semcha'tatsetno. Orreres sotennana' nemo'nasheñneshachno ahuanmuetpa' Galileo, allcha'ña e'ñe enterrnet.

Atto solltarnesha'pa' serrpare'tatyesan allohuen cornaneshachno ñeñt atet entet ñet

¹¹ Ahuanmatsetpa' pueheña'tetsña guardiapa' ahuanmuet ñamet anetso. Allña'p' serrpare'tatoset cornaneshapa' pa'mcha'tareternesha' allohuen atet o' entuet. ¹² Ñetña allempo ap'chenet epuet ñeñt pompornesha' pen judionesha' ñetñapa' cotape'chatanna'tet. O'ña cotape'chatanna'tuetpa' allempoñapa' ap'et solltarnesha' shonte' quelle. ¹³ Ñeñtpa' atet ochet solltarnesha':

—Te'pa' atetcha' sot: “Yaña tsapopa' muetsye'tpa' pueyochresha'ñapa' ahuo't huapuet a'nahua't ereta'ña arromñañ.”

¹⁴ Ellopa' alla oterranerr solltarnesha':

—Ñerra'm añcha'taret cha e'mare'te' yapa' ya'poctatonascha' e'ñe cohuen ñesho attochña sapa' amach errot paseto.

¹⁵ Ñetña allempo agaphuet quellepa' atet otarettetpa' atet'cho' pet. Ñeñfo'marña ñet pueserrparñetpa' e'ñe allempoteñ epa'hua judioneshesho'mar.

Atto Jesús'pa' otnerran pueyochreshachno ñetpa' atetcha' pa'yerret (Mr. 16.14-18; Lc. 24.36-49; Jn. 20.19-23)

¹⁶ Ñeñt çharra' puechena paterr pueyochresha'pa' ñetñapa' ahuanerret Galileo. Arr ahuanmuet all aspento all otanet Jesús allcha' tet. ¹⁷ Allempo entosetpa' ñetñapa' cha concorpa'rreyesoset. Pueheña'tetsña'p' cha echar-ranet pueyo'chro. ¹⁸ Allempoña Jesús'pa' ponmanet atet otapanet:

—Napa' apareten allohuen llesens añe patsrecop ñaña Yompor pue'ntañecop. ¹⁹ Ñeñfo'marña te'pa' orras o'ch seychatyes ora allohuen pa'namen aheñ atoch neyochresha' neperranet. O'ch sapat Janet Yompor Parets pa'so'chño ñaña Yompor Puechemer pa'so'chño ñaña e'ñe Yompor Puecamquén pa'so'chño allochñapa' attochña e'ñe pueyochresha' perranet Yompor Parets. ²⁰ Ñaña çhocmach o'ch e'ñe seychatyesanet allochñapa' attoch e'ñe cohuen ameñerrnanet e'ñe ora ñeñt allpon o' notuas. Ñaña señoche'pa'ch napa' e'ñe pate'tets yet çhocmach allo'tseney parro attoch

čhocma nebensare'tam̄penes ama't tarrempohuach esempohuañen
allempoch mellapoterra. Ñeñtpa' attetepa'ch Nompore. Allohua.

COHUEN ÑOÑETS ÑEÑT QUELLCA' SAN MARCOS

*Allempo orrta Juan ñeñt serrpare'tosets all amayo
(Mt. 3.1-12; Lc. 3.1-9, 15-17; Jn. 1.19-28)*

¹⁻² Te' arr napa' o'ch nequellconas ñeñt e' ñe cohuen ñoñets alloch yequesh-perra e' ñe yame ñeñoña Jesucristo ñeñt Puechemer pen Yompor. Ñehua, ñeñt ñanom orrtatsa ñeñtpa' e' ñe atet o' perra e' ñe atet quellquë't Isaiás ñeñt a'ntaye't ahuat Yompor po'ñoñ. Isaiáspa' ñapa' a'ñca'ye quellquë't ñeñt atet Yomporpa' otan Puechemer ñeñtara Cristo, ñeñtpa' atet och:

Te'pa' peñoche'pa'ch napa' nemñerrna'pcha' puesheñarr ñeñtcha' potamperraya. E' ñe ña pueserrpare'teño'pa' añño'terrna'pcha' allcha' poñmos paña' esempo.

³ Ñapa' e'morrterrach po'ñoñ all amayo allcha'ña serrpare'taterraña acheñenesha'. Puerranarotpa' a'ñcha' toma'ntaterranet toñ, ñeñtpa' atetcha' oterranet: "Te'pa' o'ch sa'cohuenetyes toñ allcha' oñmos Part-sesha', o'ch e' ñe sa'pa'charretyesoñ pa'tep." Arrpa' allohua ñeñt atet quellquë't Isaiás.

⁴ E' ñe atet anuaret ahuatoteña' ñeñtña' e' ñe'cho' atet perra allempo orrtosa Juan ñeñt apatose' acheñenesha' Yomporecop. Ñapa' alla orrta amayo allña serrpare'tatosaña acheñenesha'. Ñeñtpa' atet otosanet:

—Te'pa' o'ch sotchape'cherr ello cohuen Yomporecop allochña' e' ñe'ch cohuen sapataretterra e' ñe same'ñoñ Yompor. Attochña' Yomporpa' o'ch peretna'huernas so'chñar.

⁵ Ñeño'marña shonte' acheñenesha' chocma huacha'tyenet ñesho o'ch e'mñoteñeta'. Allohuen ñeñt judeo'marnesha' ñaña allohuen ñeñt jerusaléno'marnesha' chocma huacha'tyenet ñesho. Allña ñetpa' a'meta'yesoset po'chñaret, Juanña' apatyeseapanet Yomporecop. Ñeñtña' oñ all apatyeseapanet añ pa'so'cheñ Jordanas.

⁶ Ñeñtña' Juanpa' camello pue'ch apomotaret ñeñt pa'shtam pen. Allo charena ñeñtpa' pa'rrom. Allña' rra'yesane't ahuañchenclla* ñeñtña' puerrar pe't epuet pets po'moñ. ⁷ Juanña' atet serrpare'tatanet:

—Cristoña ñeñtcha' huapatsa chenta'pa' ñapa' atarrca'ye ahuamencatesha', nañapa' ama tama ahuamencateyayno. Ñapa' ñeñtña' atarr sherbets, nañapa' ama es nesherbeno attoch nemo'ca pa'rrpōt ama't po'sapatre'chapa' o'ch nepyoñ.† ⁸ Ñaña napa' ama't napatensoñ Yomporecoppa' e' ñeca'ye oñochaya napatyenes. Tarraña Cristoña' a'ñcha'ca'ye chorratossa Parets Puecamquëñ.

*Allempo apataretta Jesús Yomporecop
(Mt. 3.13-17; Lc. 3.21-22)*

⁹ Allempoña huapa Jesús Nazaretot allara Galileo. Chap Juanesho allña' apata' Juan oño Jordanaso. ¹⁰ E' ñe apatue'pa' o' cha'nerrña Jesús oño'pa' allenta' entan enet atoraret. Alloña' e' ñe sohua'nmaña Parets Puecamquëñ

* 1:6 Ñeñt ahuañchencllpa' arrapo' enteñ palestino'marnesha'. † 1:7 Ñeñt atet po'taruas pe't esclavos o'ch pueyampsan pamo'mte' po'sapatre'ch.

e'ñe atet entap ñerra'mrrate' yeþ o' sohua'nma entot. E'ñe arr çhap Jesúsesho.
 11 Allempoñapa' çha e'morrtatsa ñaña ñoñets entot atet eñorena Yompor.
 Ñeñña ñoñetspa' atet oten:

—Papa' ñeñteþ Nechemereþ ñeñteþ atarr nemorrentena, þa atarr nocshatene'.

Allempo oneñtepa' topatenan Jesús, mueneñ o'ch atet þatan Jesús ñeñt ama pocteye' enteno Yompor

(Mt. 4.1-11; Lc. 4.1-13)

12 Allempoña Parets Puecamquëñpa' allenta anman Jesús all amayo.

13 Pa'tatsoch çharramat allo'tsena amayo; allñapa' allo'tsa'yen pa'namen berroçhno. Attoña allpa' o' huapoña oneñte mueneñ o'ch atet þatyes ñeñt ama pocteye' enteno Þompor Parets. O'ña topatuahueña'pa' allempoñapa' huaçha'toña ñaña Yompor po'mllañoñefñaneshar; ñetña sherþosetña Jesús all.

Allempo e'ñe ñenmañ torrena Jesús Partsocp all Galileo

(Mt. 4.12-17; Lc. 4.14-15)

14-15 Allempoña yottamþset Juan allcha' mueroçhtachet, Jesúsñapa' allenta ahuerr Galileo. O'ña çherr all ñaña'pa' serrpare'tatuerranet ñeñt e'ñe cohuen ñoñets ñeñt huetsa Yomporshot alloch yequeshperra. Ñeñña'pa' atet otueranet:

—Te'ñapa' o' etsoterra yetñats, o' çherrmoch allempoch atarr ayochreshatterra Yompor. Socoppa' añ poctetsa o'ch soctape'çherr ello cohuen Yomporecop ñaña o'ch same'ñerra ñeñt e'ñe cohuen ñoñets allochca'yeña sequeshperra.

Atto Jesús'pa' çhore'tosan pa'tatssheña ñeñt e'ñe caca torrenet rromuet

(Mt. 4.18-22; Lc. 5.1-11)

16 Allempo Jesús'pa' chopeñe'chyen all sa'patopño'mar; ñeñña sa'ppa' añ pa'so'cheñ Galileas. Allñapa' entnoman Simón epuet pa'mo'nasheñ Andrés. Ñetñapa' all terrayenet e'ñe all sa'po tarr'o'mar ñetpa' ñeñt po'taruas penet.

17 Jesúsñapa' atet otosanet:

—Te'ñapa' o'ch notas: Soctá'n na attoch neyochresha' neperres. Ñeñt atet sepena ahuatoteñ e'ne' cac te'ñapa' o'ch neyçhaterres attoch se'nerr ñaña acheñ ñeñtcha' same'ñatterra.

18 Ñetñapa' allorocma na'nmuet po'terrayapa' o' cotet Jesús.

19 O'ña meterrerc a'yenteye'pa' allñapa' entuerranerr ñaña Jacoboþ epuet pa'mo'nasheñ Juan; ñeñpa' Zebedeo puechemerasha'. Ñetñapa' po'ñoño'tsa'yenet all a'cohuenetyenet po'terraya. 20 Jesúsñapa' çhore'tuerraneterrpa' atet otuerraneterr ñamet:

—Te'pa' o'ch soctá'n samá.

Ñetñapa' allenta sa'nmet pomporet Zebedeo all po'ñoño epuet ñaña pa'taruasañret. Ñetpa'çho'ña cotet Jesús attoch pueyochresha' perranet ñamet.

Allempo Jesús'pa' entap puesheñarr yacma ñeñt chorrena oneñte

(Lc. 4.31-37)

21 Atteñapa' ahuanmuet ñaña anetso Capernaumo. O'ña çhap añ yetñatsro allempocma amesen judionesha', allña Jesús'pa' be'tosos judionesha' po'prahuo, all yeçhatyesosanet. 22 Allempo serrpare'tatuanet Jesús, acheneshanña'pa' epaye' cohuanrrorteñet ñeñt atet yeçhatenanet ña.

Tarro'mar ñapa' atarr cohuen ye'chatenanet atet ñerra'mrrate' ñeñ' allsensarettetsa Partseshot. Judionesha' pa'm'cha'tareternesha' ñeñ' atarr etsotayene' ñoñets ñeñ' atet anaret, ñet'ñapa' ama e'ñeye' atteye' ye'chateneto. ²³ Puesheñarrña yacma ñeñ' allo'tsen puerahuo, ñeñ'ñapa' añ chorrenaya oneñeñ. Ñaña rranare'tapa' atet otapan Jesús:

²⁴ —Eso'mare'tcha'ña errot pe'posey Jesúso, ña ñeñ'te'p nazareto'marnesha'p. ¡Añecopte' pehuena o'ch ña'chencaterrey? Napa' o' neñotapa'p. Papa' atarr Partso'p añ pellsensene' Pompor ñeñ' atarr nanac Parets.

²⁵ Tarraña Jesús'pa' ama muenache o'ch eñorana'cha. Ñaña'pa' atet och:
—Pemma, te'pa' cho'pañña que'chpa'nerre'ña añ acheñer.

²⁶ Oneñeñ'ñapa' cha atanman yacmapa' alla o'shshe'ma. Oneñeñ'ñapa' cha rranare'tnoma allempo que'chpa'nerran acheñ. ²⁷ Acheñenesha'ñapa' cha atarr torats panet pueyo'chret. Ñet'ñapa' atet otanna'tyestet:

—Ta'mca'ye, errotente'ca'yeña Jesús po'ñoñ; po'poñone'pa'tca'ye ye'chatyen. Neñ'tpa' errotente'ca'ye. E'ñe atet pena po'ñoñ atet ñerra'mrrate' ñeñ' allsensarettetsa Yomporeshot. ¡Ama't oneñeñ errot otenpa' atet'cho'pateñ, e'ñech ame'ñateña!

²⁸ E'ñe mamecmapa' o' e'ñe serrpare'tuahuet allampaño'mar Galileo atet pa'yena Jesús.

Allempo a'crratosan Jesús Simón Pedro pa'so'mue
(Mt. 8.14-15; Lc. 4.38-39)

²⁹ Allempoña cha'nma'cherret puerahuo'tpa' arr ahuanmuet all ye'chena Simón ñaña pa'mo'nasheñ Andrés. All'ñapa' añ co'ta'nmue' Jacobo ñaña Juan. ³⁰ All'ña Simón pa'so'muepa' cha atsna'ten, cha huoraten, alla panena po'mayo. Otapet Jesús:

—Simón pa'so'muepa' cha atsna'ten.

³¹ Allempoña Jesús'pa' ponmosana atснаñe'pa' rremota'tos pototpa' cha echantose' cha metuerretsña atto huoraten. Allempoña o' metua po'urate'ñapa' allenta tanta o' agapapanet e'ñe cohuen o' yema'tapanet.

Allempo Jesús'pa' a'crraterran shonte' pa'namen atснаñe'ñe'chno
(Mt. 8.16-17; Lc. 4.40-41)

³² Neñ'te yetrocma allempo ellerren o' emuena atsrretpa' acheñenesha'ña huapatyesnenet Jesúsesho allohuen ñeñ' atсна'tyets ñaña ñeñ' chorra'yena oneñeñ. ³³ Hua'cha'tyesoña allohuen anetso'marnesha', ñet'ñapa' alla shontoset allotecma be'tenet pocollo. ³⁴ Jesús'ña allempopa' e'ñe a'crratyesuapanet, ama't shonte' pa'namen atсна'ñto'schno ñeñ' osyenahuet. Ama't ñaña shonte' acheñenesha' ñeñ' chorra'yena oneñeñ ñeñ'tpa'cho'ña e'ñe que'chpatyesuapanet oneñeñ ñeñ' chorra'yenahuet. Jesús'ñapa' ama muenatano oneñeñ attoch eñorana'tnomet, tarro'mar ñetpa' e'ñe eñoteñet ñapa' ñeñ'ca'ye Cristotets.

Allempo Jesús'pa' serrpare'tatyesnoman acheñenesha' erraparen Galileo'mar

(Lc. 4.42-44)

³⁵ Tsapatña e'ñe ahua'tecma tanta'muena Jesús, ama e'ñe orretuena' cha'nma'muen ñeñ'te anetsrot ahua'muen all ama acheñempaño'yaye allcha' ma'yocha'muena. ³⁶ E'ñe o'chtatsapa' ahua'muen ñaña Simón

ñaña po'psheññechno ñeñt epuet ta'muena. Ñetpa' o'ch e'nereta' Jesús.
 37 Allempoña entosetpa' atet otoset:

—Papa' allohuen acheñenesha' 'chocmaca'ye e'nenpet.

38 Ñaña'pa' otapanet:

—Te'pa' o'ch ahuey po'poñ anetso ñeñtara allampaño'mar allpa'cho'ña o'ch neserrpare'tatiesnomanet tarro'mar napa' ñeñtecopca'yeña nohuapa.

39 Allempoña'pa' chopeñe'chyes Jesús errañaren Galileo'mar, serrpare'tatiesanet e'ñe ñet po'prahueto. Ñaña ñeñt chorra'yena oneñet, ñaña'pa' e'ñe quechpatyesuerranet.

Atto Jesús a'crraterran puesheñarr yacma ñeñt aptsarñañ
 (Mt. 8.1-4; Lc. 5.12-16)

40 Allempoña'pa' huapoña ñaña puesheñarr yacma ñeñt osen puetsarñats ñeñt otenet lepra. Chap Jesúseshopa' concorpana'tosana Jesús'pa' atet otos:

—Ñerra'm pa muenatspa' pa ñeñtep atarr ahuamencateshap pa'crrataye'cherren allochña'pa' attoch e'ñe cohuen entuerren acheñenesha'.

41 Jesúsña'pa' e'ñe cohuen muerapya ñeñto'marña anretapa' allenta a'p'le', atet och:

—Napa' nemneñca'ye, metuerrepa'ña peptsarña allochña'pa' attoch e'ñe cohuen entuerreñ allohuen acheñenesha'.

42 Yacmaña'pa' allorocmuepa'tcha' metuerña pueptsarña 'cha cohuentersa. 43-44 Jesúsña'pa' alla otererr:

—Te' atto o' na'crraterreppa' po'ño'ch ama't e'ñe puesheñarrapa' amach potapsa'tatsche ama't mamesha. Corneshachña pegatena' all peptsarse't. Atet nane't Moisés ñoñets añ acheñerecop ñeñt'cha' a'crratere'tterrtsapa' te'ñapa' o'ch es panom ñeñt'cha' papos all ñeñt Yomporecop. Allochña'pa' attoch e'ñe cohuen entuerreñ allohuen acheñenesha'.

Attotca'yeña Jesús'pa' mueñe o'ch ahuo' corneshesho.

45 Ñaña'pa' allempo ahuo'pa' e'ñe serrpare'tatiesuanman allohuen acheñenesha' ñeñto'marña e'ñe ña pa'metare'teño'pa' o' erracmañen eñotuet ñeñt atet pa'yena Jesús. Ñeñto'marña Jesús'pa' ama eshcaye' seno anetso all shontena acheñenesha'. Ñapa' alla chopeñe'chyen a'yo'mar all ama acheñempaño'yaye. Tarraña ama't atet penañ acheñenesha'ña'pa' allemateñ hua'cha'teññañet ñeñt shontenoya ama't all.

2

Atto Jesús a'crraterran ñaña ñeñt echarraña
 (Mt. 9.1-8; Lc. 5.17-26)

1 O'ña met allponmat Jesúsña'pa' o' alla 'cherrerr anetso Capernaumo. Acheñenesha'ña'pa' e'mare'chet o' alla 'cherrerr pocollo. 2 Allempoña'pa' o' alla shonterrñañerr acheñenesha'. Atteña'pa' o'huañ epuet o'pono pocollo. Ama't allot be'tenet pocollopa' o'huañ epuet. Jesúsña' allpa' serrpare'tatapan acheñenesha' Yompor po'ñoñ. 3 Atteña'pa' huapatan'psoñet ñaña echarraña ñeñtña'pa' pa'tatssheña ñeñt anman'pene' puechecna'pot. 4 Ñetpa' añ muenenetañ o'ch be'toset o'ch e'ñe noset Jesúsesho, tarraña shonte' acheñenesha' ñeñto'marña ama eshcaye' abe'tosetoña atsñañet attoch 'chapachet e'ñe Jesúsesho. Atteña a'tapatset enot pocollato, ñeñtña' pocollopa' patsopo'. Ñetña'pa' rrorosetña ñeñt pocollatar enot e'ñe ñeñtecop'taro'tsen Jesús all patsot. Allotña a'suatam'psosetña echarraña e'ñe puechecna'pa'na.

Attoña chapachet e'ñe rrotho allo'tsen Jesús. ⁵ Jesúsñapa' eñotapanet ñetpa' atarr nanac yemteñet. Allempoña ñapa' otapan echarraña:

—Te'ña neyochre, pa' po'chñarpa' o' apretna' huareterra.

⁶ Ñehua, allñapa' allo'tsa'yen ñama puesheña'tets ñeñt atarr etsotayenayeñ ñoñets ñeñt atet anaret judioneshapoc. All anorrcha'tyenet ñetñapa' atet otatse'tyeset pueyoçhreto: ⁷ “Eso'mare'tña atet eñeña añ acheñer. Ñeñt atet otenpa' ñapa' çhaca'ye achmare'tenanña Yompor tarro'mar arr patsropa' ama't e'ñe puesheñarra ama eñalleña ñeñt peretnene' ochñarets ñapñaña Yompor peretnene' ochñarets.” ⁸ Jesúsña pueyoçhropa' eñotanet ñeñt atet otyenet ñet pueyoçhreto ñocop. Allempoña Jesúsapa' atet otanet:

—Sapa' eso'mare'tcha'ña atet soctape'chatse'tyesña seyoçthro. ⁹ Sapa' çhate' soten ñeñt atet o' notue echarraña po'chñar o' apretna'huareta, ñeñpa' ama torrapahuoyaye. Sapa' añña atarr torrapo' senten attoch na'crrater, çhoncha'ña ote': “Petantena, peçhta'nen pemue'pa' o'ch peçhpe'çhnen.” ¹⁰ Ñehua, napa' o'ch neñotatas na Ñeñten Acheñetosets, napa' ñeñten aparetan llesens attoch nach peretnerre' ochñarets añ patsro.

Ñeñto'marña Jesús allempopa' atet otan echarraña:

¹¹ —Te'ña napa' o'ch notap: Petantena, peçhta'nen pemue'pa' o'ch peçhpe'çhnen, ahuenep'pepaçlo.

¹² E'ñe otue' atetpa' echarrañañapa' çha tantetsa e'ñe allorocma, o' cheta'nenan po'mue'pa' çha'nen allot. Allohuenña acheñenesha' e'ñe entueñet; ñetñapa' çha atarr cohuanrrortapueñet. Ñeñto'marña ñet allempopa' atarr cohuentatyeññañet Yompor. Ñetñapa' atet otyenet:

—Yapa' ama't ahuatapa' ama yentareña atet ñeñt atarr cohuen.

Allempo Jesúsapa' hua'ña'nman Leví attoch pueyoçhresha' per (Mt. 9.9-13; Lc. 5.27-32)

¹³ Jesúsñapa' alla ahuerterr sa'patopño. Allohuen acheñenesha'pa' alla huacherrñañeterr, ñañaapa' yeçhatyesapanet. ¹⁴ O'ña yeçhatuanetpa' o' metererr Jesús allot, allña oñenpa' entnoman ñama Leví* ñeñt Alfeo puechemer. Ñañaapa' alla anen allecma cobra'yenan acheñenesha' quelle ñeñt gobiernocop. Jesúsñapa' atet otosan Leví:

—Te'pa' o'ch poçta'n attoch neyochresha' neperreç.

E'ñe otue' Jesús atetpa' Levíñapa' çha tantnomtsapa' allenta cotan Jesús.

¹⁵ Allempoña çhap ñama allempo Jesúsapa' alla rrallme'çhen Leví pa'paclo. All rrallme'çhapreteñ shonte' acheñenesha' ñeñt po'taruas pa'yenet ñamet o'ch cobra'yenan acheñenesha' quelle ñeñt gobiernocop. Ñetpa' atarr ashcañesha' entenanet acheñenesha'. Ñama allo'tsa'yen shonte' po'potantañeçhno ñeñt atarr ochñañenesha' entyen acheñenesha'. Ñetñapa' all anorrcha'tyenet all anen Jesús epuet pueyoçhresha'. Tarro'mar shonte' acheñenesha' ñeñt cota'huanene' Jesús. ¹⁶ Añña fariseonesha' ñeñt allo'tsa'yen ñama ñeñt etsotayenayeñ ñoñets ñeñt atet anaret ñeñfaret judioneshet, ñetña allempo enteñet Jesús all rrallme'çhapretenan ñeñt atarr ochñañenesha' ñetñapa' allenta otoñet pueyoçhresha':

—Eso'mare'tña ñeñt semaestror sepenpa' rrallme'çhapretenanña añ acheñenesha' ñeñt puehquëño'te'na cobra'yene' acheñenesha' ñama epuet acheñenesha' ñeñt atarr ochñañenesha'çhno.

* **2:14** Levípa' ñeñfara ñeñt sochenet Mateo.

17 Atet e'manet Jesús, ñaña'pa' atet toma'ntatanet:

—Ñeñt e'ñe huomech entetsapa' ñetpa' ama e'neñetoña apartañ. Añña ñeñt atсна'tetspa' ñetñapa' 'chocma e'nenet ñeñtcha' a'crraterrahuet. Napa' ama añecpaye' nohuapo attoch ne'chore'tos ñeñt e'ñe atet entetsañ ñetpa' e'ño' cohuen es pa'yenet. Napa' añecopña nohuapa attoch ne'chore'tos ñeñt atarr ochña' entyetsa. Allochñapa' attoch o'ch cotape'cherret ello e'ñe cohuen Yomporecop.

Allempo Jesús'pa' eñotatanet atetcha' tore'tet Yomporecop ñeñt po'ño'ch sherbets

(Mt. 9.14-17; Lc. 5.33-39)

18 Parrochña allempo tore'tyena[†] Juan pueyochresha' Yomporecop ñaña fariseonesha' pueyochresha', puesheña'tetsña acheña'pa' huacha'tet Jesúsesho, ñetñapa' atet otoset Jesús:

—Juan pueyochresha'pa' tore'tetset Yomporecop; fariseonesha' pueyochresha'pa'cho'ña tore'tetset ñamet Yomporecop. Paña pueyochresha'pa' eso'mare'tña amaña tore'teneto.

19 Jesúsñapa' atet toma'ntatanetpa' ñeñt'pa' atet otanet:

—Ñeñt ahua'ñarefe'chno all rrallme'chapreteñet ñeñt e'ñe errete' sena'tetsa, ama pocteyaye o'ch yotanet “amach es serra'yestatso” tarro'mar ñeñt'pa' atet coshapreteñet ñeñt sena'tetsa. Amachña 'cha tore'teno allempo allo'tsenmeñ parro ñeñt errete' sena'tetsa. ²⁰ Tarraña ñerra'm esempo machayo'ta sa'nerranet ñeñt sena'tetsa, ñeñtña parro yemuetyenapa' allempoña ñetpa' e'ñe puellquëño'tet que'chpa'huerretcha' puerrar, amach arrenaye' enterreto. Ñeñt'pa' attochña tore'terret allempo Yomporecop e'ñe po'ño'ch. Arrpa' allohua huañ ñeñt atet Jesús toma'ntata ña sena'tostsa.

21 Elloñapa' o' alla toma'ntaterraneterr ñeñt atet ye'chen judionesha' arr patsro ñeñto'marña atet otanet:

—Yapa' ñerra'm mellashañ yeshtampa' amach yelltatsche emarr lletamtso. Tarro'mar ama't atet yepatsechpa' ñeñt'pa' e'ñech orrena yellteñ tarro'mar ñeñt emarr lletamuetspa' ñerra'm esempo yatsama'tañpespa' 'chach chelama'ta 'chach martse'tatãña shetamtso'she'm. Ñeñtña yelltenpa' allo'nach sen rrrartse'tats nanac.

Ñeñt'pa' attoña Jesús'pa' eñotatanet ña poctapña e'ñe etserra.

22 Jesúsñapa' alla toma'ntaterraneterr po'poñ ñeñt atet ye'chen judionesha' o'ch ye'chcatenet pa'rrom orrot. Ñeñto'marña atet otanet:

—Ama't puesheñarro'feyapa' amach yeshatstoña vinos emasa mellasha'ñañ orroto ñeñt aye'chcataret pa'rrom. Tarro'mar ñerra'm atet yep'e'pa' o'ch chasa'ña vinospa' 'chach a'ptsan orrot, vinosñapa' 'chate' e'ñe shebhua, ñeñtña orrot'pa' ama't mameshapa' amach es sherberro. Añña ñerra'm emasa vinos arrcha' yeshe' emerra orroto ñeñt aye'chcataret pa'rrom.

Ñeñt'pa'cho'ña attoña Jesús'pa' eñotatanet ña poctapña e'ñe etserra.

Allempo Jesús pueyochresha' taso'tañpesyesnomuet trigo añe'yetro allem-pocma amesen judionesha'

(Mt. 12.1-8; Lc. 6.1-5)

[†] 2:18 Añ tore'teñetspa' añecop o'ch yetorra Yomporecop. Amach añecpaye atomat, ñeñt'pa' añecpa mameshacop o'ch yeque'chpa' yerrar.

²³ Allempoña ðherrerr pamtarr allempo ðhocma amesen judionesha'. Allempoña Jesús^{pa}' arr oñem chetso'mar epuet pueyochresha'chno. Allempo oñenet chetso'mar pueyochresha ñapa' taso'tantpesyesnomuet puechma'tets trigo. ²⁴ Fariseonesha ñapa' ñeñt entahuet ñetñapa' allenta otyeset Jesús:

—Pecue' eso'mare'tña peyochresha'ñapa' atet penet ñeñt ama pocteyaye o'ch atet yeþa tarro'mar te'pa' añe yetropa' ñeñt atet anaret ahuatoteñ allempocmach yamesen.

²⁵ Jesúsñapa' atet otanet:

—Sapa' ama'trra selleyareña ñeñt atet þa ahuat David allempo pallta'þsa ñeñtcha' rret allempo cheporra'nma epuet ñaña allohuen ñeñt cotene'.

²⁶ Ña allempopa' be'tosos Yompor pa'paclo, allñapa' rrosan pan ñeñt atma'ntataret atet ñerra'mrrate' ñeñt nenet all Partsocop. Ñehua, ñeñt panpa' ama pocteyayñe o'ch esesha' rre'. Ñeñtþa' añach ñapuet rrene' cornaneshachno, ñeñtþa' e'ñe atet anuaret judioneshacop. Ñeñtña panpa' o' rros David, rratosan ñaña allohuen ñeñt epuet. Ñehua, ñeñtþa' tarrempo atet pe't David allempo judionesha' po'cornanesharpa' añ pa'ñcha'tareter pete't Abiatar.

²⁷ Jesúsña alla oterraneterr:

—Añ yetro allempo yamesen ñeñtþa' añecop anaret acheñeneshacpay ñeñtcha' yesherbene'. Amaña añecpaye' anareteña yetñats ñeñtcha' yesherbena ya. ²⁸ Ñeñto'mar na Ñeñten Acheñetosets, ñeñten allsensareten, naca'yeña atet otets este' poctetsaña ñeñtcha' atet yeþa añe yetro allempocma yamesen.

3

Allempo Jesús^{pa}' a'crraterran ñeñt chelletsa pot

(Mt. 12.9-14; Lc. 6.6-11)

¹ Po'pocheñoña Jesús^{pa}' alla be'tosuener judionesha' po'prahuo. Allñapa' allo'tsen puesheñarr yacma ñeñt cha chellena pot. ² Fariseonesha'ña allpa' Jesús^a atarr cohuana'tyenet attoch eñchet ñato'rriaña a'crratenanerrcha' acheñ añe yetro allempocma amesenet. Ñerra'm o'ch a'crratenanerr ama't puesheñarra añe yetro allempo amesenet, allempoñapa' esheccha' a'metamþeñeta' añcha'taretsho. ³ Allempoña Jesús^{pa}' otan ñeñt chelletsa pot:

—Aþon, þatomos arrma.

⁴ Jesúsñapa' atet otanet:

—¿Errotena'tña ñeñt e'ñe pocte' senten ñeñtcha' atet yeþa añ yetro allempo yamesen? Ñato' o'ch atet yeþe' e'ñe cohuen po'psheñeñ, amapa' ñato' o'ch atet yeþoñ ñeñt ama cohuenayaye. ¿Ñato' añfe' pocte' senten o'ch ya'crrach acheñ amapa' añfe' pocte' senten amach ya'crratatsche ðhachña yemtsat-ach?

Ñetñapa' ama't puesheñarrofetapa' ama eseshaye' anapaye. ⁵ Allempoña Jesús^{pa}' cohua'yasanet, ama't mamesha ama pocteye' entenaneto, atarr llecateñet tarro'mar ñetpa' ama mueneneto o'ch ðhapanet cohuen pueyothreto. Allempoña Jesús^{pa}' otan yacma ñeñt chelletsa pot:

—Te'pa' o'ch notap, petapuerr þot.

E'ñe otue'pa' ñañapa' allentepa'tcha' tapuerrañña pot, o' e'ñe cohuenterra pot. ⁶ Fariseonesha'ña ðha'nmaçherretpa' cotape'chatanna'tet epuet Herodes pueyochresha', ñetñapa' Jesús^a atarr o'patenet attoch muetsatachet.

Shonte' acheñenesha' ñeñi hua'cha'tatsa sa'patopño all enteñeta' Jesús

⁷⁻⁸ Allempoña Jesús'pa' ahuer sa'patopño'mar pueyochresha'na. Shonte' acheñ galileo'marnesha'pa' cota'huanmet ñamet. Ñaña shonte' po'potantañe'cho acheñenesha' ñetña allempo e'mare'teñet Jesús ñapa' atarr cohuen orrtatyen ñetpa'cho'ña allenta hua'cha'tyesoñet ñamet. Allemateñ anetso' hua'cha'tyeset Judeo', Jerusaléno', Idumeo', Jordanas yom'ta'not, ñaña allo'marnesha' ñeñ huetsa Tiro' ñaña Sidono'. Ñetpa' añ atarr muenenet o'ch enteñeta' Jesús. ⁹ Shonte' nanac acheñenesha'. Attoch ama atarr quechcare'teñe Jesús acheñenesha' ñeñi shontetsa, ñaña'pa' otan pueyochresha':

–Chocmach sehupaton noñ.

¹⁰ Allempo Jesús'pa' a'crratyesan shonte' atснаñe'cho ñeñi'marña allohuen ñeñi atсна'tyets ñetña allempo'pa' atarr emchorreñet Jesús, añ atarr muenenet o'ch a'p'lloset Jesús. ¹¹ Añña oneñe'cho ñeñi chorra'yenaya acheñ ñeñi'pa'cho'ña allempo entoset Jesús'pa' allepa'tcha' rromañposoyet pa'rropo', rranare'tyeso'etpa' atet otoset:

–¡Pepa'tña Parets Puechemerep!

¹² Jesús'ñapa' ama muenatano oneñe'cho o'ch oteñet ñapa' po'ño'ch Parets Puechemer.

Allempo Jesús'pa' acran'charrasheña ñeñi puechetsa epsheña ñeñi'cha' llesensa'

(Mt. 10.1-4; Lc. 6.12-16)

¹³ Allempoña Jesús'pa' ahuo' aspeno. Alotña agotatosan ñeñi e'ñe cohuen enten ña ñeñi'cha' pueyochresha' pa'. Ñeñi agotatenpa' ñetña allenta ahuanmuet ñesho. O'ña cha'cha'tuetpa' ¹⁴ ñaña'pa' napanet ñeñet charrasheñet ñeñi puechetsa epsheña, ñetña'pa' ñeñi'cha' e'ñe parro chopeñe'chyen ñaña ñeñi'cha' llesensan attoch serrpare'tyerret Yompor po'cohuenna. ¹⁵ Ñaña o'ch apuerranet llesens attoch quechpatyeret oneñe'cho acheñenesha'. ¹⁶ Ñeñi llesensa' ñeñi'pa' añ pa'so'chñe'cho: Simón ñeñi'tara o' socherer Pedro, ¹⁷ allotpa' ñaña Jacobo ñaña pa'mo'nasheñ Juan ñeñi Zebedeo puechemeresha'; ñetña'pa' o' socherraneterr Boanerges ñeñi yoten yeñoño Tecorena'tar. ¹⁸ Alotpa' ñaña Andrés, ñaña Felipe, ñaña Bartolomé, ñaña Mateo, ñaña Tomás, ñaña Jacobo ñeñi Alfeo puechemer, ñaña Tadeo, ñaña ñeñi po'psheñ Simón ñeñi cananistanesha' ñeñi atarr torratse't pa'netsrecop. ¹⁹ Alotpa' ñaña Judas Iscariote ñeñi'cha' pomuerre' tsapatonet Jesús.

Atto pueheña'tets oteñet Jesús ñapa' oneñe'cho po'huamencot quechpatenanña po'potantañe'cho acheñenesha'

(Mt. 12.22-32; Lc. 11.14-23; 12.10)

Allempoña Jesús'pa' o' alla cherrerr pocollo pueyochresha'na. ²⁰ Allña'pa' o' alla shonterrñañer allohuen acheñenesha', ñeñi'marña allempo'pa' ama eshcaye' rrenet. ²¹ Allempo e'mare'ch Jesús pamo'tesha' atet pa'yenapa' ñetña'pa' hua'cha'tet o'ch ereta' Jesús tarro'mar ñetpa' otenapuetañ ñato'chote' o' mospaña Jesús.

²² Pueheña'tetsña ñeñi atarr etsotayenayeñ ñoñets ñeñi atet anaret ñetpa' Jerusaléno' hua'cha'tet. Ñetña'pa' atet otyesoset Jesúsocop:

—Añ yacmarpa' añaca'ye chorrenaya Beelzebú ñeñt pompor pen allohuen oneñeñechno; ñeñtca'yeña ahuamencat pene' attot quechpatenanña oneñeñechno acheñenesha'.

²³ Allempoña Jesúsapa' chore'tan acheñenesha', allempoñapa' atet otapanet: —O'ch notas, po'ñoçh oneñeñpa' amaca'ye huapore'tanneno. ²⁴ Atet ñerra'm paterr amicha'taret ñerra'm cho elloptannena pueyochresha' ñeñtña atto amicha'tarettena çhach huañerrets amach allo'na huomencatneno. ²⁵ Attecmach ðannerra ñaña ñeñt e'ñe pamo'tsna'tarecmet ðannenet ñerra'm cho elloptannenet e'ñe ñagattsetapa' ñeñtña atto huomencatenetpa' ñeñtpa'cho'ña çhachca'ye huañerrets. ²⁶ Attecmach ðannerra ñaña oneñeñt pueyochreshaçhno, ñerra'm oneñeñechno e'mone'tannenet, ñerra'm tantanna'ta oneñeñechnopa' ñeñtña atto huomencatenetpa' ñetpa'cho'ña çhachca'ye huañerrets amach allo'na huomencatneno. Ñeñto'marña po'ñoçh oneñeñpa' amate' errotenot huapore'tanna'teto e'ñe ñagattseta.

²⁷ Ñehua, yapa' yeñoteñ ñeñt atarr ahuamencattetsa atto atarr ahuamencattena oneñeñt, ñañaapa' e'ñe po'huamencot cohuanpesyenan allohuen e'ñe cohuen ñeñt pa'paquell pa'yen. Tarraña ñerra'm esempo o'ch huapoña ñeñt atarr ahuamencatesha' ñeñtcha' metanose'ña po'huamenc atet ñerra'm na Nompör, ñeñtcha'ña rromose' o'ch huancos, allochñapa' o'ch be'tosos all ñeñt pa'paquell pa'yen o'ch e'ñe puerratanþsos ñeñt allpon o'patyena ña.

²⁸ Jesúsapa' alla oterraneterr:

—Napa' o'ch notas, po'ñoçh allohuen pa'namen sosya'tsañechno ñeñt ama pocteye' enteno Yompor ama't ñaña achmãare'tanna'teñets ñeñtpa' aþretna'po' nenteñ. ²⁹ Tarraña ñerra'm esesha' añ achmãare'teññañet Parets Puecamqueñ ñeñtñapa' amaca'ye aþretna'pahuoye' nenteñe. Ñeñtña po'chñaretpa' amachca'ye aþretna'pahuoterro e'ñe tayoteñ errpronohuañen.

³⁰ Ñehua, ñeñtpa' atet otanet Jesús tarro'mar ñetpa' atet otyeñet Jesús, ñapa' año' chorrenaya oneñeñt ñeñto'ña ahuamencat pene'.

Allempo huapoña Jesús pachor ñaña pa'mo'nasheñnesha'
(Mt. 12.46-50; Lc. 8.19-21)

³¹ Allempoñapa' huapa Jesús pachor epuet ñaña pa'mo'nasheñnesha'. Chapuet allpa' ñetñapa' alla tomçha'toset a'yot, allotña agotatoset Jesús.

³² Ñeñt anorrçha'tyets epuet Jesús ñeñt arrotamþenaya, ñetñapa' atet ochet: —O'ca'ye huapa þachor ñaña pemo'nasheñnesha'. Ñetpa' a'yote'tsa'yenet, paca'ye e'nenet.

³³ Jesúsñapa' atet otanet:

—Ama't señoñeñe ñeñt e'ñe po'ñoçh nachor nepen ñaña ñeñt e'ñe po'ñoçh nemo'nasheñ nepen.

³⁴ Allempoñapa' cohua'yesan acheñenesha' ñeñt arrotamþenaya all anorrçhenet. Allempoñapa' atet oterraneterr:

—Napa' añca'yeña ñeñt po'ñoçh nachor nepen ñaña ñeñt po'ñoçh nemo'nasheñnesha' nepen. ³⁵ Ñehua, ama't erra'tsena ñeñt e'ñe atet þohuene' ñeñt atet muenen Nompör ñeñt pue'ntañotsen ñeñtca'yeña e'ñe po'ñoçh nemo'nasheñ nepen ñeñtña noçh nepen ñeñtña nachor nepen.

4

All toma'ntatanet Jesús ñeñt a'parre'tene' puerets
(Mt. 13.1-9; Lc. 8.4-8)

1 Jesúsñapa' alla yeçhaterranerr acheñenesha' e'ñe alla sa'patopño. Allña emchorra'huererr shonte' acheñenesha'. Ñeñto'marña Jesúsapa' a'tap noñtopa' ahuanpes mame' allpononet allñapa' anorros noñto e'ñe all sa'po. Acheñenesha'ña allohuenetpa' e'ñe sa'patopño'tsa'yenet all masto. 2 Allñapa' esocmañen serrpare'tatanen acheñenesha'pa'namen toma'nteñtsoçhno. All yeçhatyenatetpa' atet otanet:

3 —Se'mñoton añ ñeñt atet notenes: Ñeñña a'parrene' puerets ñañapa' ahuo' allcha' a'parre'tyenana' puepuer. 4 All a'parre'tyeñ patanta'tetsñapa' alla çhapyes toño'mar. Allñapa' huaçha'tyesa of e'ñe aña'allme'chuenana' puerets. 5 Po'poñeçhnoñapa' alla çhapyes mapuetro'meso'mar all ama tama eñalle pats. Ama nanac o'pono'tseno patso ñeñto'marña mametollapa' cheparesuañ. 6 O'ña enome'ta'muen atsrretpa' alla a'uyatuer. Ama erçha'tena' ñeñto'marña alla hueya'huerra. 7 Po'potantaña pueretspa' alla çhapyes allcha' chepares aj. Allpa'çho' mameshapa' cheparesuañpa' ajñapa' mameshapa' atesha'tua alla ca'matuerranña narmets alla a'cllatuer, ñeñto'marña ama ellomre'to. 8 Po'potantañeçhno ñeñtñapa' arr çhapyes all e'ñe cohuen patso. Ñeñtñapa' e'ñe cohuen chepares. Allempoña atesha'tuapa' o' ellomre'tyes. Atarr atonapa'tets ellomre'tyes—puecha'tetspa' ma'poch çharra' pue'llomer, po'pchañeçhnoñapa' pechapoch çharra' pue'llomer, po'pchañeçhnoñapa' çharroch çharra' pue'llomer.

9 Allempoña Jesúsapa' alla oterraneterr:

—Ñeñtes po'ñoçh ne'mñotene', çhaponasepa'ch seyoçhro ñeñt atet netma'ntatensa añ ñoñets.

*Atet otanet Jesús ñeñtecop atet toma'ntatyenanet
(Mt. 13.10-17; Lc. 8.9-10)*

10 Allempoña patmuerra acheñpa' o' ñapñaña Jesús epuet ñaña pueyochresha' ñaña puesheña'tets po'potantañ ñeñt allo'tsa'yen, ñetñapa' atet ochet Jesús:

—Ta'm ¿estē'ña petma'ntatēnyaña ñorra'?

11 Jesúsñapa' atet oterraneterr:

—Sa te'pa' Yomporña semnatene' attoch señoterr ñeñt ama eñotpahuoyaye ama't ahuatoteñ atet penaña Yompor po'cohuenña atto ayochreshattena ña. Tarraña po'potantañeçhno ñeñt atta es puecha'yetsa, ñocpuetpa' ama eñoteñeto ñeñt atet atma'ntataret ñoñets. 12 Attoña ama't enteñetañ ñetñapa' amach errotenoç es çhapahueto pueyoçhreto. Ama't e'mueñetañ amach çhenanetoña pueyoçhreto ñeñt atet yeçhateney Yompor po'cohuenña. Attoña amach cotape'cherreto ello cohuen Yomporeçcop attoch ñach peretnerrahuet po'çhñaret.

*Arrpa' all eñotatanet Jesús ñeñi toma'ntatenanet ñeñi a'parre'tene' puerets
(Mt. 13.18-23; Lc. 8.11-15)*

13 Jesúsñapa' alla oterraneterr:

—Sapa' ama't mameshapa' are't señotenoña ñeñt o' netma'ntatuasa ñorra'. Ñerra'm ama çhennaso seyoçhro ñeñt o' netma'ntatuasa ñorra'pa' errotenuachña'ca'yeña çhaponasaña seyoçhro allohuen po'poñeçhno ñeñtcha' netma'ntaterrerr tsapatonet.

14 Allempoña Jesúsapa' eñotatanet ñeñt atet o' toma'ntatuanet ñoñets ñocpuet, ñeñtapa' atet otanet:

—Ñeñt a'parre'tyene' puerets, ñeñña pueretspa' añca'ye notenes Yompor po'ñoñ allempo serrpare'teñet. ¹⁵ Añ puerets ñeñt çhapyets toño'mar ñeñtpa' añ notenes acheñenesha' ñeñt e'mñotenayeñ Yompor po'ñoñ. Allempo e'mñotuetpa' allorocmach huapa oneñet o'ch alla puerratamperranet Yompor po'ñoñ ama't allpon ñeñt eñotetañ pueyoçhreto. ¹⁶⁻¹⁷ Ñaña ñeñt çhapyesets mapuetro'meso'mar ñeñtpa' añ notenes acheñenesha' ñerra'm esempo e'mñoteññañet Yompor po'ñoñ e'ñech allorocma pocsheñesha' aguññañetañ Yompor po'ñoñ. E'ñech cohuen ame'ñeretañ tarraña ñeñtpa' mamecpach atet penet. Tarro'mar ñetpa' e'ñe atet penet ñerra'mrrate' narmets ñeñt chepuets mapyo amach eñalle puerech. Tsapatonetña ñerra'm o'ch huapanet topateñets ñeñtcha' mueroçhtatahuet tarro'mar ñetpa' o' ame'ñeretañ Yompor po'ñoñ, ñetñapa' allorocmach alla queçhuerrñañet Yompor po'ñoñ. ¹⁸ Ñaña po'poñechno puerets ñeñt çhapyets ajmo'mar ñeñtpa' añ netma'ntatena po'potantañ acheñenesha' ñeñt e'mñotenayeñ Yompor po'ñoñ. ¹⁹ Ama'tcha' çhapanetañ pueyoçhreto tarraña ñetpa' allo'nach senet e'ñech aña atarr co'tape'chenet ñeñt lleca'yenet arr patsro ñeñt e'ñe ñocueta. Añach muenenet o'ch esocmañen es echyenet tarraña ñeñtpa' çhaca'ye shequënanet. Attach pa'namen ye'chatse'tyenet. Attoña huenanet topateñets ñeñto'marña ñetpa' amach errotenot orrtatoñetoña ñeñt e'ñe cohuen enten Yompor. Ñetpa' e'ñe atteta ñerra'm narmets ñeñt cha ca'mateñ ajma' ñeñto'marña amach errotenot me'teneto o'ch ellomre'tyeset. ²⁰ Ñaña añ puerets ñeñt çhapyesets e'ñe cohuen patso ñeñt e'ñe cohuen cheparsatspa' ñeñña toma'ntenaya po'potantañ acheñenesha' ñeñt e'mñotene' Yompor po'ñoñ. Ñoñetsñapa' e'ñech cohuen çhenanet pueyoçhreto. Ñetñapa' ñeñfet po'ñoçh orrtatenet ñeñt atarr sherbets Yomporcop. Attoña ñetpa' e'ñe atet penet ñerra'm narmets ñeñt atarr me'tets—pa'te'tets ma'poch çharra' pue'llomer, po'poñpa' pechapoch çharra' pue'llomer, po'poñpa' çharroch çharra' pue'llomer.

*Arrpa' all toma'ntatanet lampareñ atto çhoyo'tampeny
(Lc. 8.16-18)*

²¹ Jesúsñapa' alla toma'ntaterraneterr, ñeñtpa' atet oterraneterr:

—Ñerra'm esempo ya'llchaten lampareñ, ñeñtpa' ama añeçpaye' yehuapateñe o'ch alla ye'rramañpsos coymño. Ñaña ama añeçpaye' ya'huortatenoña lampareñ o'ch yene' o'ponot yemayepnatho. Añeçopña ya'huortatenña lampareñ o'ch yene' enonet attoch çhoyo'tampesuan allohuen ñeñt allo'tsa'yen. ²² Tarro'mar allohuen pa'namen ñeñt ama eñotpahuoyaye ama't ahuatoteñ, te'ñapa' o'ch e'ñe orrtataretterra attoçhña o'ch e'ñe eñotatarefetuerret e'ñe poctacma. ²³ Ñeñtes po'ñoçh ne'mñotene' çhaponasepa'ch seyoçhro ñeñt atet netma'ntatensa añ ñoñets.

²⁴ Jesúsapa' alla oterraneterr:

—Sapa' señotena'te' e'ñe'te' po'ñoçh cohuen se'mñoteññañ Yompor po'ñoñ ñato'pa' amate'. Tarro'mar ñerra'm errot sepoñ po'psheñeñ ñeñt ama cohuenayaye Yomporñapa' attecmach perres samña. Ñaña ñerra'm e'ñe cohuen sepananet, Yomporñapa' e'ñech cohuen perres samña ama't ellonet o'ch apuerres ñeñt e'ñe cohuen. ²⁵ Tarro'mar esesha'te' çhena pueyoçhro ama't e'ñe allpona Yompor po'ñoñ, elloña Yomporpa' allo'nach eñotatnenanet nanac shonté'. Tarraña esesha'ña ñerra'm ama çhenaneto pueyoçhreto

tarro'mar ñetpa' ama po'ñochaye' aguëññañeto Yompor po'ñoñ, ama't allpon eñotyenetañ pueyoçhro ñeñña'pa' çhach puerratanmperranet Yompor.

All toma'ntatanet puerets ñeñ e'ñe cohuen chepyets

²⁶ Jesús'pa' alla toma'ntaterraneterr, ñeñpa' atet otterraneterr:

—Yompor po'cohuenña ñeñ atto ayochreshattena ña, ñeñpa' atet pena ñerra'mrrate' puesheñarr acheñ ñeñ nare'tene' puepuer. O'chña nare'tuepa' o'ch ahuerr pa'paclo. ²⁷ Allach allponmaterra' o'ch tsapuenpa' allach muene't, yeñoñapa' çhocmach tanta'muene't, puepuerña'pa' atteña'pa' o'ch chepua o'ch atesha'ta. Pamo'mte'ña'pa' amach e'ñeye' eñoteñe errotentofteña chepyen. ²⁸ Ñehua, yeñoteñ patspa' ñeñça'ye a'chpatene' yepuer e'ñe ñoña. Choch ñanom çho'pe'chyes allempoñapa' o'ch atarrchet çhoch potsets attoch ellomre'tyes, attotachçho' e'ñe po'nuen. ²⁹ E'ñe errote' po'netspa' e'ñech allorocma mueñan ñeñcha' tsorrenaya'. O'ca' çhen allempoch apçhenetña ñeñ narmetser.

Atto Jesús'pa' toma'ntaterranet atet pena pue'llomer ñeñ otenet mostazlom

(Mt. 13.31-32; Lc. 13.18-19)

³⁰ Jesúsña ellonetpa' atet otterraneterr:

—Añ Yompor po'cohuenña ñeñ atto ayochreshattena ña—ñanompa' e'ñech puesheña'tsa ame'ña'yetsa, allempoteñña'pa' allo'nach sen atonetnomtsa ñeñcha' ame'ñerrtsa, attochña e'ñe epa'huerra erracmañen Yompor po'cohuenña. Ñeñña te'pa' o'ch netma'ntatasa ñeñ atet pena ña. ³¹ Ñeñpa' atet pena ñerra'mrrate' añ pue'llomer ñeñ atarr añefolleshallmerr ñeñ otenet mostazlom. Ñeñña pue'llomretollpa' o'ch nare'chet patso. Ñehua, e'ñe yeñoteñ mostazlom ñeñpa' atarrca'ye nanac añefolleshallmerr. ³² Tarraña ñerra'm o'ch nare'chetpa' allempoña choppa' allo'nach sen rrorranmats cohuen, atarrchetnomuets, elloch metana'tuan po'pchañ narmetsoçhno. Puetacre'nach ateshatacrerrtatsa. Allña'pa' o'ch huacha'toña oteçhno o'ch rrema'rartosa puetacro'mar po'mañero.

Jesús'pa' ora allpon ñeñ atet yeçhatyenan acheñenesha' ñeñpa' atto pa'namen es toma'ntatyenanet

(Mt. 13.34-35)

³³ Shonte' po'poñeçhno ñeñ alla toma'ntaterraneterr atto serrpare'tatenanet Yompor po'ñoñ. Attoña e'ñe allpona serrpare'tatanet ñeñña'pa' e'ñe cohuen eñotatanet pueyoçhreto. ³⁴ Ama serrpare'tatenaneto atta, añña çhocma serrpare'tatenanet toma'nteñso. Ellonetpa' çhocma e'ñe eñoteçhen serrpare'tatenan pueyoçhresha'.

Allempo a'mchecherran Jesús huomenquësha' ñaña sa'p ñeñ emo'yarertetsa

(Mt. 8.23-27; Lc. 8.22-25)

³⁵ Ñeñte yetrocma e'ñe ellerronet Jesúsña'pa' otan pueyoçhresha':

—Te'pa' o'ch ahuañpsey yomta'n.

³⁶ Pueyoçhresha'na sohuanmet acheñenesha'. Ñeñtara noñto allo'tsen Jesús'pa' alloña anmampeñet Jesús o'ch ahuañpset yomta'n. Allña'pa' co'a huanmanet po'pnañeçhno noñeçhno. ³⁷ Allempo ahuañpset allña'pa' machayotepa'tcha' huomenquëshatampesnomuet. Emo'yare'ña çha esha'tena noñto atteña oñña'pa' chorramoch noñto. ³⁸ Jesúsña'pa' alla muen puepopato alla ñotena. Pueyoçhresha'ña opueretpa' atet ochet:

—¡Maestro, amahuaca'ye pellquënyoñe' o'rramche' yoclla'huamocha!

³⁹ Jesúsña tanterrapa' e'ñe po'ñoñoña a'mtsoññetueran huomenquësha'. Ñaña po'ñoñoña a'mtsoññeterran sa'p ñeñt'emo'yartetsa, ñeñt'pa' atet ot:

—¡Muechecherrepa', muetsoññeterra'!

E'ñe otue'pa' čha muechecherrtsaña huomenquësha'. Attoña ñetpa' o' alla muechettamperret e'ñe cohuen. ⁴⁰ Allempoña Jesús'pa' atet otanet:

—Sapa' eso'mare'tña čha atarr seyoren. Eso'mare'tña ama e'ñeye' seyemtenno.

⁴¹ Ñetñapa' čha atarr nanac yorenet, atet otanna'tyeset:

—Ta'mca'ye añ acheñerpa' esona'tarte'ca'ye. Atarrepa't es a'mchechaten, ama't po'ñoñoñapa' a'mchechaterran huomenquësha' ama't ñaña emo'yare' oñ.

5

Atto gadaro'marnesha' ñeñt'chorrena oneñt'pa' huapa Jesúsesho (Mt. 8.28-34; Lc. 8.26-39)

¹ Allempoñapa' o' etsotaset yonita'n all sechenet. Allñapa' añ pa'ney pene' gadaro'marnesha'. ² Jesúsñapa' sehuosa all noñfot, allñapa' huapoña puesheñarr yacma tarraña ñapa' añ chorrenaya oneñt'. Ñeñt'pa' arrot huapa allecma pampa'yeñet arromña'tečno. ³⁻⁴ Ñehua, ñapa' alla yechena all pampueñet arromña'tečno. Ama't puesheñarrapa' ama eseshaye' errot penaye attoch a'mchecheret. Ama't čhocma huanquëñetañ asrerečo pa'tcoť ñaña potot, ñaña'pa' čhach tsepe'tuerranña asrerečh allo huanquëñet potot ñaña pa'tcoť čhach rrollapecheñ o'čh e'ñe tsepe'tatue. Ñeñt'o'marña ama't e'ñe eseshapa' ama eshcaye' a'mchecheñeto. ⁵ Allñapa' ellapene'tcha' ñaña arepene'tcha' chopeñe'chyesets apampaño'mar ñaña aspentarero'mar. Allñapa' allecma atarr ama'tohtena, tsotse'tyena mapyo e'ñe ñañeña. ⁶ Tarraña allempo entapan Jesús a'yoteñ allentepa'tcha' matosa concorpana'tosana Jesús. ⁷⁻⁸ Allempoña Jesús'pa' atet otosan oneñt' ñeñt' chorrenaya ñeñt' yacmar, atet otos:

—O'ch oneñete notosep'te'ñapa' ipequečhpa'ner añ acheñer!

Ñeñt'o'marña ñeñt' chorrena oneñt'pa' rranosa huomencpa' atet otapan Jesús:

—Eso'maruachca'ye Jesúsocha' patsrre'mohtana'tosna, p'apa' ñeñtep' Ñeñt' nanac Parets Puechemerep'. Te'pa' o'ch notapap' e'ñe Parets pa'so'čhño, amach čha pecoñchatatstosno.

⁹ Jesúsñapa' alla oterranerr ñeñt' chorrena oneñt':

—Papa' ¿eso'tña peso'cheñ?

Ñaña'pa' atet oterranerr Jesús:

—Napa' añ neso'cheñ Legión tarro'mar yapa' nanac patonrey.

¹⁰ Allempoña ñeñt' chorrena oneñt'pa' ñaña'pa' atet otare'tapan Jesús:

—Amach pemño'tatsterrye alla'par bačhayo.

¹¹ Ñehua, allpa' a'yente'tsa'yen shonte' chañčočno ñeñt' rratse'tyets aspentonet. ¹² Ñeñt'o'marña oneñt'ečhnopa' atet otare'tapet Jesús:

—Ñerra'm čhoch muene' erroten peposeypa' arña pemñaye'chosey chañchesho alločhñapa' o'ch yehorra'yerr ñaña chañčočno.

¹³ Jesúsñapa' allenta otanet:

—Ama'tca'yepa' orrasca'ye.

Allempoña oneñeñechnopa' quechpa'neret acheñ o' chorrereterr ñaña chañchochno. Chañchoña allempo chorrosya oneñeñechnopa' chepa'tcha' matrra'tua ñegonef, shorcha'tuos allotpa' e'ñe ño'shrra'tuosa oño. Ñeñña chañchochnopa' allo'tsente' epoch mil.

¹⁴ Acheñenesha'ña ñeññ cohuanmpene' chañcho, ñetñapa' allenta matrra'tet ñamet po'yorñoť ahuanmuet anetso. Allñapa' serrpare'tyesoset ñaña ora allohuen allampaño'mar. Acheñenesha'ñapa' allenta ahuanmuet ahuo'ch enteñeta'. ¹⁵ O' cha'cha'tet Jesúseshopa' allñapa' entoset yacma ñeññ chorret oneñeñechno alla anen ashtamať, o' eñoterra, o' cohuenterra. Ñetñapa' cha atarr mecha'na'toset. ¹⁶ Añña ñeññ entene' Jesús atto quechpaterran oneñeñ acheñ, o' alla mueñererr chañchesho, ñetñapa' allenta serrpare'tatiesapet ñeññ huacha'ttsa anetsoť. ¹⁷ Allempoña acheñenesha' ñeññ ye'chetsa allpa' atet ochet Jesús:

—Te'pa' ahuerreť arrot yenyot.

¹⁸ Allempoña Jesúsapa' a'terr noñto o'ch ahuer; yacmaña ñeññ chorret oneñeñ ñañapa' allenta otan Jesús:

—Napa' nemneñca'ye te'pa' o'ch nocterreť.

¹⁹ Tarraña Jesúsñapa' ama muenache atet och:

—Allapach, te'pa' o'ch ahuerreť pepaclo pamo'tsesho'mar o'ch peserrpare'tatuerranet ora allohuen atto Yomporpa' atarr yenposeť ñaña atto atarr muerospa.

²⁰ Ñañapa' atet otue Jesúsapa' atetcho' pa. Allenta ahuer serrpare'tyesnerrets ora anetso'mar ama't all oteñet Decapoliso atto Jesúsapa' atarr nanac yenpos. Allohuenña acheñenesha'pa' atta atarr cohuanrrorteñet.

Atto Jesúsapa' tantaterran Jairo po'señ ñaña all a'crratnoman puesheñarr coyanesha' ñeññ a'plla'nmuť pa'shtam
(Mt. 9.18-26; Lc. 8.40-56)

²¹ Allempoñapa' ahuanmperrerr Jesús noñto, o' alla cherrerr añeñta'n allot ta ahuaña. Allñapa' o' alla emchorra'huererr shonte' acheñenesha' e'ñe all sa'patopño. ²² Allñapa' huapoña puesheñarr añcha'taret ñeññpa' añ pa'so'cheñ Jairo. Ñapa' ñeññ puesheñarr ñeññ añcha'tarettsa judionesha' po'prahu. Allempo entosan Jesúsapa' ñañapa' alla rromosa Jesús pa'rrpot.

²³ Allñapa' atet otos:

—Nesñetollañacho' o' cha a'po'ntsena. Ñeñto'marña napa' nohuennaña o'ch pocterren nepaclo. Ama't pototapa' o'ch pa'pilleña' attoch pa'crrater o'ch alla huomcherra.

²⁴ Jesúsñapa' allenta cota'ner, allenta cota'huanemñ ñaña shonte' acheñenesha' cha emchorratse'tnomet, cha to'mama'tneñet. ²⁵ Allñapa' coťa'nmanet ñaña puesheñarr coyanesha' ñeññ atsna'tets. Charra' puechena epa char ñeññ atto chocma yella'yena. ²⁶ Epaye' muerochtateñ shonte' apartañechno ñeññ partenayeñ. Ama't o' a'gasta'huahuan ora allpon quelle echen atto partatena ñañapa' attera ama't mameshapa' ama choye'pasateñe. Elloña allo'na sen a'po'ntsa'nmatsa. ²⁷ Ñeññ coyanesha'pa' o' e'mare'tan Jesús ñeññ atto chocma a'crratyenan atснаñe'chno. Ñeñto'marña allempo cota'huanemñ Jesús acheñenesha'pa' ñapa'cho'ña allenta cota'nman Jesús chenta'pa'che'ñoť. Attoña allpa' a'plla'nmoñ pa'shtam. ²⁸ Tarro'mar ñapa' atet cotape'chen pueyo'chro: “Ama't pa'shtama na'pilloñpa' ñeññachca' na'crraterre'.” ²⁹ E'ñe a'plla'hue' pa'shtampa' allorocmuepa'tcha' maserrña po'rras. Ñapa' e'ñe eñotena po'chtso o' metueña ñeññ muerochtatenē.

³⁰ Jesúsñapa' eñotnoñ e'ñe ña po'huamencotpa' o' a'crratnoman puesheñarr atsnañeñ. Ñaña' allenta puerraperra alla acheñeneseshoneñ ñeñ cota'huaneña, allñapa' atet otanet:

—¿Esesha'tña o' a'plla'nmuenañ neshtamoť?

³¹ Pueyochresha'ñapa' atet ochet:

—Pentente' shonte' acheñenesha' ñeññ allotemeña peto'mama'tnene'. Eso'mare'tña pōtenña esesha'te' pa'p̄llene' peshtamoť.

³² Jesúsñapa' alla cohua'yesanet o'ch entan ñeññ a'p̄llene' pa'shtamoť.

³³ Ñeññña coyanesha'pa' ñapa' o' eñotnoma Jesúsca'yeña o' a'crratnoñ. Ñaña'p̄ cha pa'shmuena po'yorñof allempoñapa' concorposa Jesús pa'rrpōt. Allñapa' e'ñe a'meta'nman ora allpon ñeññ po'ñoch atet cotape'chen. ³⁴ Jesúsñapa' atet otapan coyanesha':

—Papa' nesñeshacha' atto atarr peyemtenna na, attoña te'pa' o' e'ñe na'crratnomuep̄. Te'ñapa' o'ch ahuerreḡ peñmañesha', tarro'mar amach alla muerōchtaterrperro atsnañets.

³⁵ Allempo eñorena atetpa' allñapa' hua'cha'ta ñeññ huetsa añcha'taret Jairo pa'pacloť. Ñetña huapuetpa' atet otoset Jairo:

—Peseñpa' o'ca'ye rroma. Te'ñapa' amach allo'na p̄atsrre'mo'chtana'tatsche Maestro o'ch coterreḡ pepacloť.

³⁶ Jesúsña ama't e'man atet otoset Jairopa' ñaña'pa' atet otan Jairo ñeññ añcha'tarettetsa judionesha' po'prahuo:

—Papa' amach cha'pa' charrtatstō peyo'cher, nachña e'ñe peyemta.

³⁷ Jesúsñapa' añña muenat Pedro ñaña Jacobo ñaña pa'mo'nasheñ Juan. Ñeññach cota'nmue'. ³⁸ Allempoñapa' ahuanmuet añcha'taret Jairo pa'pacloť. O'ña cha'cha'tet allpa', allñapa' entoset shonte' acheñenesha' ñeññ ano'tatse'tets, all yahuanrrortenet, atarr ya'na'teñet arromñañ. ³⁹ Jesúsñapa' be'tosos pocollo, ñaña'pa' atet otosanet:

—Sapa' eso'mare'tña atarr sano'tatsen, cha atarr seyahuanrrortena. Añ shopshesha'pa' amaca'ye choye' rromueno, chaca'ye muen.

⁴⁰ Ñetña pachm̄are'teñofetpa' atta che'tatsetyesapet tarro'mar ñetpa' e'ñeca'ye eñotenet choca'ye rromuen. Allempoña Jesús'pa' cha'nma'cha'tatosan allohuen acheñenesha' pocolloť. Ñaña'pa' be'tosos o'pono allo'tsen shopshesha' ñeññ rromuets. Ñapa' añña muenatos arromñañ puepapar ñaña pachor ñaña ñeññ cota'huaneña, ñeñña epuet be'tos'cha'toset allo'tsen arromñañ. ⁴¹ Allempoña Jesús'pa' rromota'tosan shopsheshañ pototpa' atet otos e'ñe ña po'ñño:

—Talita cumi—ñeññ yoten ya yeñño: O'ch nesñeñolle notoseḡ te'pa' choḡa tanterrtsa.

⁴² E'ñe otue' atetpa' allentepa'tcha' tanterra, cha chope'cherrets. Ñehua, ñeññ shopshesharpa' charra' puechena epa po'charña. Allohuenetñapa' cha atarr cohuanrrorteneñ. ⁴³ Allempoña Jesús'pa' atet otanet:

—Po'ñoch te'pa' amach esesha' seño'tatstō ama't e'ñe puesheñarra.

Alla oterraneterr:

—Te'pa' serratallme'cherñaca'ye.

6

Allempo serrpare'tatan Jesús acheñenesha' all Nazareto
(Mt. 13.53-58; Lc. 4.16-30)

¹ Jesúsña ahuerreñ allotpa' o' alla cherrerr pa'nyo all Nazareto. Pueyochresha'ñapa' alla cota'huaneñerr. ² Allñapa' allempo cherr yet allempocma

amesenet, ñañaapa' arr yechatuerraneterr judionesha' po'prahuo. Shonte' acheñenesha' ñeñt' e'mñotapuerre' atet serrpare'tatuerranet all, ñetñapa' nanac cohuanrrortapueret, allempoñapa' atet otyeset ñocop:

—Ñapa' errahuañaca'yeña eñotanña ora allohuen ñeñt' atet pa'yena. Eshesha' huañaca'yeña eñotatene'ña atot orrtatenan partsoteñets. Errotuaca'yeña huenaña ñeñt' eñoteñtsor ñeñt' orrtatyen ña. ³ Ñapa' añaca'ye ñeñt' po'tarus pene' o'ch torrenana tsach attoch es yechcatyen pa'namen. Ñapa' añaca'ye María puechoyor. Pa'mo'nasheñpa'cho'ña añaca'ye Jacobo, José, Judas, ñaña Simón. Ñaña po'thanesha'pa' e'ñeca'ye yechme'tenanet, parro'marneshayarramche'.

Ñeñto'marña all e'ñe ña pa'nyopa' ama eseshaye' acua'penaye entenaye. ⁴ Allempoña Jesúsapa' atet otanet:

—Ñeñt' a'mtene' Yompor po'ñoñpa' chocmaca'ye añcha'na'tpo' entyeñña allohuen acheñenesha'; arrña pa'nyo allo'tsen e'ñe ña pamo'tsna'tarnesha' ñeñt' e'ñe pamo'tsna'tar penpa' ñetñapa' ama acua'penaye' enteñeto. Ama't ñaña ñeñt' parro yechenet pa'paclette, ñetpa'cho'ña ama acua'penaye' enteñeto.

⁵ Ama ame'ñeñeto ñeñto'marña allpa' ama atonocheye' orrtataneto po'partsoña. Allpa' ña orrtatyen attoch a'plla'yenan puesheña'tets atsnañeñ allpa' attoca'yeña a'crratenanet. ⁶ Ñeñto'marña Jesús atarr cotape'chateñ pamo'tsesha' atto ñetpa' ama acua'penaye' enteñeto, ñapa' cha muene' llecateñet. Allempoña Jesúsapa' alla chopeñe'chyerrerr yechatyerrtserr allemeñ anetso'mar.

Allempo Jesúsapa' llesensan pueyochresha' o'ch ahuanemyeset allcha' serrpare'tyeneta'

(Mt. 10.5-15; Lc. 9.1-6)

⁷ Allempo chapa'muen allempo Jesús agota'mueñan pueyochresha' charrasheña ñeñt' puechetsa epsheña. E'ñe ap'cha'huet ñeshopa' ñañaapa' apanet llesens attoch quechpatyeset oneñete'chno atto chorra'yenana acheñenesha'chno. Attoña llesensanet ñetpa' o'ch ahuanemyeset e'ñe epsheña'ttsocmuet. ⁸⁻⁹ Ñaña atet otapanet:

—Ñerra'm o'ch sahuamapa' amach es sanmatsto ama't coñe'ta allcha' sechopeñe'chyes—ama't sebolsa, ama't ñeñicha' serra'yenom, ama't seçllayora. Ama't e'ñe epma seshtampa' amach sanmatsche. Añach sanem secarr, sena'nomcha' ñaña sesapat.

¹⁰ Alla otarraneterr:

—Ama't errach pocollro seçhap allach sommosa allponmat esempohuach ahurrerr po'poñ anetso. ¹¹ Ñerra'm erra anetsro ñeñt' allo'marnesha'ña ama cohuenaye' agapaseto ñerra'm amach mueneto o'ch e'mñotapasetpa' o'ch sem'terrerr ñaña allot. Ñerra'm allempo sem'terrerr ñaña allot, ñeñña setco'tsa'yen pañe'te' patspa' choch sepa'shetca'tyesnomña setac. Attochña allo'marnesha'pa' o'ch señotatnomanet ñetpa' amaca'ye pocteye' entenanetoña Yompor. Po'ño'ch o'ch notas: Esemphuañen allempoch acaretetuerra allohuen acheñenesha', añña anetso'marnesha' ñeñt' ama sagapaye ñetñapa' atarrcha' a'coñchatarefterret. Elloch metana'tueret ñeñt' atto a'coñchatarefterra sodomo'marnesha' ñaña gomorro'marnesha'.

¹² E'ñe ñeñña otaretetuetpa' ñetñapa' allenta ahuanmuet o'ch chopeñe'chyeset erracmañen anetso'mar. Allñaapa' serrpare'tyesnomuet ñeñt' poctetsa allohuenacop o'ch cotape'cherret ello cohuen Yomporcop.

13 Ñaŋa all chopeñe'chyeset erracmañenpa' ñetpa' allña que'chpatyeset shonte' oneñe'fe'ethno atto chorra'yenana acheñenesha'chno. Ñaŋa shonte' po'potantañe'chno acheñenesha' ñeñt' atsna'tyets all, ñetñapa' a'yana'tyesoset atsnañe'fe'ethno olivoso'yo* e'ñe a'crratyesoset.

Allempo e'ñe cohuen es orrtatyes Jesús, Herodesñapa' cha otapañ Juanañe' o' tanterra ñeñt' apataye't acheñ Yomporecop (Mt. 14.1-12; Lc. 9.7-9)

14 Allempoña añcha'taret Herodes ñaŋapa' atet e'mare'tenan Jesús ñeñt' atet p'a'yena, tarro'mar Jesús allohuen acheñenesha'pa' e'ñe e'mare'tueñet ñeñt' atet p'a'yena. Ñaŋapa' atet ot:

—Añepa'tca'yeña Juanañ ñeñt' apataye't acheñ Partsocop. Ta'mca'ye chate' tanterraña rromot. Ñeñto'marepa'tca'yeña te'pa' orrtaterraña partsoteñets.

15 Po'potantañapa' atet otyenet:

—Añepa'tca'yeña Elías ñeñt' a'mtaye't Yompor po'ñoñ ahuat.

Po'potantañapa' ñetpa'cho'ña atet otyenet:

—Añepa'tca'yeña ñeñt' a'mtene' Yompor po'ñoñ, e'ñeca'ye atet ñerra'm ñeñt' a'mtaye't Yompor po'ñoñ ahuat.

16 Herodesña allempo e'mare'ch ñaŋapa' atet ot:

—Añepa'tca'yeña Juanañ ñeñt' nepechat ahuañmo'cha, chepa'trramche' tanterraña rromot.

17 Ñehua, allempo Herodespa' ahuañmo'chacma rromatenana' Juanañ o' huancachpa' allña yottam'psach attoch coshatan Herodías ñeñt' pa'mo'nasheñ Felipe puetapor. Tarro'mar allempo Herodespa' o'ca'ye puerraterran pa'mo'nasheñ puetapor. 18 Juanañpa' ñaca'ye otaye't Herodes:

—Amaca'ye pocteyaye o'ch peyoram'pes pemo'nasheñ puetapor.

19 Ñeñto'marña allempo Herodíaspa' atarr e'moñe'tane't Juan, atarr mueneñe't o'ch muetsatacheñ tarraña ama erro't pe. 20 Tarro'mar Herodespa' mecha'na'tane't Juan, eñoche't ñapa' e'ñe pocte' es p'a'yese't. Eñoche't ñapa' añepa'na atarr torrena Partsocop. Ñeñto'mare'naña e'ñe cohuen cohuan'psache't allochñapa' amach muetseto. Allempo e'mñotenan Juan atto serrpare'te't atarr cohuen enteñeñ, tarraña ama e'ñeye' eñotenanoña ñeñt' atet cotape'chateñ Juan e'ñe cohuen. 21 Atteñapa' chapa'muen pam'tarr allempoch Herodías eñoteñ attotcha' muetsaterran Juan. Ñeñtpa' tarrempo atet p'a allempo chapa'muen Herodes pue'ñalletño ñeñt' puerrollar pen Herodías. Allempoña Herodespa' hua'ñatyesan acheñenesha' ñeñt'cha' rrallme'chapretenaya'. Añ hua'ñatyes ñeñt' añcha'tarete'ethno ñaŋa ñeñt' solltar po'cap'tanrenesha' ñaŋa ñeñt' atarr ec'llayoretrenesha' ñeñt' galileo'marnesha'. 22 Allempo rrallme'chetpa' allña be'tosña ñaŋa shopshesha' ñeñt' Herodías puechoyor. Ñaŋapa' allña tancsare'tosa. Herodesñapa' ñeñta atarr cohuen ent ama't ñaŋa ñeñt' ahua'ñarete'ethno. Ñeñto'marña añcha'taret Herodespa' atet otan shopshesha':

—Ama't erra'tsena penamuenenpa' napa' napa'p'cha'.

23 Elloñapa' e'ñe Yompor pa'so'chño nan po'ñoñ, allempoñapa' alla otererr: —Po'ño'chca'ye napa' ama't es penamuen napa' napa'p'cha' ama't pueshmet nepatseñ all na'm'cha'tarettena.

* 6:13 Olivo ñeñt' tsach allot yoreñet puerets pue'merot.

24 Allempoña shopshesha'pa' cha'nerr ahuerr pachoresho, atet otosan pachor:

—Ta'm ¿escha' nenamña amcha'taret?

Pachornapa' atet och:

—Añcha' penam Juan poñ ñeñt' apataye't ahuaña acheñ.

25 Allempoña shopshesha'pa' materra alla amcha'taret Herodesesho atet otuerran amcha'taret:

—Napa' añ nemnen o'ch pepechennana' Juan poñ ñeñt' apataye't acheñenesha' o'ch penon platopá' o'ch paphuerren e'ñe arrma.

26 Allempoña enamhue shopshesha' Juan poñpa' amcha'taretñapa' cha lleca. Tarraña ama't llecañpa' o' nohuanña po'ñoñ huomenc e'ñe Yompor pa'so'chño ñaña allo'tsa'yen ñeñt' hua'ñen ñeñt' e'muene' atet oten ñeñto'marña chocmach a'pocatan po'ñoñ atet otuan ñorra' shopshesha'.

27 Allempoñapa' allenta otan po'solltarer:

—Te'pa' o'ch pepecheññaña' Juan poñ all neyottamñpsateñ; poññapa' pehuapater arrma.

28 Solltarñapa' allenta ahuo' pechenana' Juan poñ, o' huapater plato, aphuerran shopshesha'. Shopshesha'ñapa' apuenana' ñaña pachor.

29 Allempoña Juan pueyochresha'pa' o' e'mare'chet o' pecheret pa'yochreshateret Juanañ, allempoña ñet ahuanmuet all pecheret Juanañ allempoña ñetpa' ereta' apecharet o'ch pampueñeta'.

Allempo Jesúsapa' rratanen shonte' acheñenesha'; ñeñtña acheñenesha'pa' allo'tsen amnaroch mil

(Mt. 14.13-21; Lc. 9.10-17; Jn. 6.1-14)

30 Attotañapa' o' cha'cherr ñeñt' llesensen Jesús. Ñetñapa' serrpare'tatueter Jesús allohuen ñeñt' atet pa'yaset. Serrpare'tatueter ñaña atet ye'chatyaset acheñenesha' Yompor po'ñoñ. 31 Jesúsñapa' atet oterranerr pueyochresha':

—Te'pa' o'ch ahuey e'ñe yaptoche' all ama acheñempañooye; sapa' allcha'ña samesuerr allponmat.

Ñeñt' allempopa' atet otan Jesús pueyochresha' tarro'mar allempo shonte' acheñenesha' ñeñt' huacha'tyetsa ñaña ñeñt' chocma ahuanemyetsa ñeñto'mar ama't mameshapa' ama eshcaye' rreneto. 32 Allempoñapa' e'ñe ñaptochayet ahuanamñpset noñto, o'ch ahuanmuet all ama acheñempañooye all otenanet Jesús. 33 Allempoña shonte' acheñenesha'pa' alla enterraneterr all oñmañpenet. Allempoña achme'tarettapuetpa' acheñenesha'ñapa' o' alla matrra'terrerr allohuen ñeñte anetsot. Ñetñapa' patso'mara oñmacha'tet ñanmacmueta cha'cha'tet all sechena Jesús pueyochreshohuen. 34 Allempoña sehuosa Jesús allpa' alla entuerraneterr o' alla shonta'huerrerr acheñenesha'. Atarr nanac muera'huerraneterr Jesús, tarro'mar ñetpa' e'ñe atet entuerraneterr ñerra'mrrate' carnero ñeñt' ama acuamñpsaretayeye. Allempoña Jesúsapa' alla ye'chatuerraneterr pa'namen esocmañen ñeñt' Yompor po'cohuenña. 35 Atteñapa' ellerren pueyochresha'ñapa' oteñeta' Jesús:

—Te'pa' arro'tseney all ama acheñempañooye ñaña o'ca'ye ellerren.

36 Te'pa' o'ch poch acheñenesha' ahuanemyerretetpa' anetso'mar allcha' raña'yesuerrret puerraret ñeñt'cha' rra'yesuerrret tarro'mar arrpa' ama es eñalle.

37 Tarraña Jesúsñapa' otan pueyochresha':

—Sachca'ye apa'yegahuet ñeñt'cha' rret.

Ñetñapa' atet ochet:

—¿Añe't pemnen o'ch ahuey o'ch yepomuena' shonte' quelle ñeñĩ doscientos denario† alloch yerañena' pan ñeñĩcha' yerratuerranet allohuenet?

³⁸ Jesúsñapa' atet oterraneterr:

—Ñehua, secua' pan, ¿errponfe' sechen?

Ñetña cohuet panpa' atet otereterr:

—E'ñeca'ye amnara pan eñall ñaña epatoll cac.

³⁹ Allempoña Jesúsapa' atet otan acheñenesha':

—Te'pa' o'ch sanorrcha'tyes e'ñe sopa'tsocma e'ñe all cohuen emmo'ratyen pasetma'.

⁴⁰ Ñetñapa' atetcho' pet. Anorrcha'tyeset e'ñe ñopa'tsocmuet—charrasheña'tsocma charrapa'tets ñaña amnarsheña'tsocma charrapa'tets ñeñĩ anorrcha'tyesets. ⁴¹ Allempoña Jesúsapa' agapan ñeñĩ amnar pan ñaña epatoll cac, cohua' enonet parasyoso'tam̄psan pan. Allempoñapa' shota'tan panpa' apantayesan pueyochresha', ñetñapa' epatyeset allohuen acheñenesha' ñeñĩ anorrcha'tyets all, e'ñe epa'huet. Ñaña shetsetan cac attoch epatyesanet allohuenet. ⁴² Allempoñapa' o' rrallme'chet allohuenet e'ñepa'tcha' yetrra'tuahuet. ⁴³ E'ñe yetuahuetpa' elloña cha a'pchatyeset cac ñaña pan ñeñĩ ashota'tyesaret. Ñeñña a'yapa'cherretpa' chepa'tcha' chorrerrets charra' puechena epa cañer. ⁴⁴ Ñeñña rrallme'chats atarr shonte' acheñenesha' allo'tsen amnaroch mil ñeñĩ e'ñe yacmaneshoche'.

Allempo Jesúsapa' e'ñe cohuen chope'chnen enot oño
(Mt. 14.22-27; Jn. 6.16-21)

⁴⁵ Allempoña Jesúsapa' otan pueyochresha':

—Te'pa' o'ch sa'tacha't noñto o'ch sota sanom o'ch sepchatterra yot o'ch setherr anetso ñeñĩ pa'so'cheñ Betsaida.

Allempoña Jesúsapa' o' so'tnoman acheñenesha'. ⁴⁶ So'tuanmanetpa' ñaña'pa' ahuo' aspeno, allcha' ma'yochosa. ⁴⁷ Atteña'pa' o' tsapuen, ñapa' allo'tsenara e'ñe ñapuef aspeno. Noñtpa'cho'ña ñeñña rochaso'tsenara sa'po. ⁴⁸ Allotña entenan pueyochresha' ñeñĩ noñto'tsa'yen. Ñetñapa' e'ñe po'muerochenñofeta echotnenet oñ tarro'mar orrnoñapa' cha a'puerrame'tam̄penanet. Atteña allempoña puetarenmochpa' huenanet Jesús cha chope'chnen enot oño. Ahuo'ch metanenanetañ, ⁴⁹ allempoña pueyochresha'pa' entapueñet cha chope'chnen enot oño. Ñetñapa' cha otenapuetañ choyeshe'matste' huapanet. Cha rrannartet puenchañot. ⁵⁰ Allohuenetpa' e'ñe entuapet nanac yore'tosanet. Jesúsñapa' eñorana'tuenanet, atet otuenanet:

—Choñaca'ye socshapuenna, naca'ye o' nohuapa, amach atta semcha'tatstapno.

⁵¹ Allempoña Jesúsapa' a'tapos noñto allo'tsa'yen pueyochresha'. Huomenquëshañapa' chepa'tcha' muetsoñeterrta. Ñetñapa' cha atarr cohuanrror-patueñet. ⁵² Ama chenaneto pueyochreto ama't afto Jesúsapa' atontatan pan, amaca'ye es chenahueto pueyochreto.

Allempo Jesúsapa' a'crratyesosan pa'namen atsnañe'etcho all Genesareto
(Mt. 14.34-36)

† 6:37 Denariopa' quelle ñeñĩ allpon tsa'tenet pamtarr ñeñĩ taruaset all pa'nyo.

⁵³ Allempoña pechatam̄setpa' arr etsotaset all oteñet Genesareto.
⁵⁴ Allempo sohuacha'toset noñtot, añña acheñenesha' ñeñt allo'tsa'yen, ñetñapa' cheme'tapet Jesús'pa' ⁵⁵ allenta matr'ra'tyeset ora erracmañen all yecha'yena acheñenesha'. Attotca'yeña huapatan̄pesyesoñetña atснаñeñechno allenñateñ. Ama't erra e'mare'teñet o' chap all, allcha'cho' anmoñetña patsnañefer puechecnape'na. ⁵⁶ Ama't erra chapyen all shontena acheñenesha' ñaña ñerra'm arr chen all ama tama eñalle acheñ, ama't allecma oñen acheñenesha' ñetñapa' allcha'cho' na'yeneta' patsnañeferet allcha' enamapet ama't poso'mota o'ch a'p̄llapoñet pa'shtam. Allpon ñeñt a'p̄lla'yepue' Jesús pa'shtampa' allponcho' e'ñe corra'yesuerrtsa.

7

Atto Jesús'pa' eñotatenanet ama añeye' ya'sosyatenaye Partsocop ñeñt yerra'yen yenamot
 (Mt. 15.1-20)

¹ Allempoña allpa' huacha'toña fariseonesha' epuet ñaña puesheña'tets ñeñt huachetsa Jerusaléño' ñeñt atarr etsotayenayeñ ñoñets ñeñt atet anaret judioneshacop. ² Ñetña allpa' entosñañet Jesús pueyochresha' atta rra'yenet ama e'pota'tyeneto pot Partsocop allempoch rrallme'chet. ³ (Ñehua, allohuen fariseonesha' ama't ñaña allohuen judionesha' ñetpa' atet yechenet amach rreneta'pa' o'ch e'pota'tyeset Partsocop. Tarraña ñeñtpa' pa'tañeshaña yechatnomahuet. ⁴ Ñaña po'poñ ellonetpa' atet yechatanete't pa'tañeshañ ñerra'm esempo huerret allotecma pomatsre'tyenet, amach rreneta'pa' choch ñanom a'cohuentatentañ Partsocop. Ñaña shonte' po'poñechno ñeñt e'ñe yechatyenanete't pa'tañeshañ. Ama't ñeñt porret pa'yenet ñaña po'pajochnetpa' chochña e'ñe e'pame'tyeneñetañ Partsocop, e'parro'tyenetañ ama't ñaña pa'srerrogachno Partsocop. Ama't ñaña all panrame'tyenet e'ñech e'pata'tueñetañ Partsocop.) ⁵ Añña fariseonesha' ñaña ñeñt atarr etsotayenayeñ ñoñets ñeñt atet anaret judioneshacop ñetña allempo entosñañet Jesús pueyochresha' atta rra'yenet ama e'pota'teneto Partsocop ñeñto'marña ñetpa' atet otoset Jesús:

—Peyochreshachnoñapa' eso'mare'tña ama esesha' yechenayeña ñeñt atet yeche't yatañeshañ. Ñetpa' atta rra'yenet ama e'pota'teneto Partsocop allempo rrenet.

⁶ Jesús'ñapa' atet otanet:

—Sapa' atarruaca'yese ommoñatñeshaste' tarro'mar atarr seshcare'ten, amaña Yomporeye' sesherbeno. Isaías'pa' e'ñe cohuen a'mítane't Yompor po'ñoñ, saña te'ñapa' e'ñe atet sepena atet ote't allempo atet ot Yompor: Ñeñt acheñenesharpa' e'ñe puenamota cohuentatennanetañ; pueyochnretoñapa' ama chenaneo ñeñt cohuen nenten na.

⁷ E'ñe orrena ma'yochennet, ñeñt atet yechatannenetpa' ñeñtpa' e'ñe acheña naye't ahua't pocta'p̄ña.

⁸ Jesús'pa' alla otterraneterr:

—Sapa' chaca'ye sequechpuenña ñeñt atet oteney Yompor ñeñtcha' atet yepa'yen cohuen; sapa' añaca'yeña atarr setsotayen ñeñt atet yechatyenosmues sa'tañeshañ; ñeñta atet sepa'yen orrotechno e'pame'tyese' ñaña sepajochno. Ñaña po'poñechno pa'namen sepatse'tyeneñ ñeñt soten Partsocopaño'.

⁹ Jesús'pa' alla oterraneterr:

—Sapa' añaca'ye atarr señoten attoch sehuapore'toñ Yompör po'ñoñ ñeñt atet oteneý ña ñeñtcha' atet yeþa cohuen; ñeñto'marña sapa' e'ñe aña set-sotayen ñeñt yechatyesnomues satañneshañ. ¹⁰ Ñehua, Moisés'pa' atetca'ye otet: “Semorrenteño'tpa' semñcha'na'chcha' sompor ñaña sachor.” Elloña ñaña po'poñone'tpa' atet ote't Moisés: “Ñerra'm esesha' sasare'tene' pompor ñaña pachor ñeñt'pa' muetsetepa'.” ¹¹ Tarraña sañapa' atet sotyen ñerra'm esesha' atet otene' pompor ñaña pachor: “Ñeñt nechen o'ch napapeñpa' tarraña amach napape te'pa' o'ch nene' Yomporecop ñeñt otetet Corbán”, ¹² ñeñtña acheñerpa' sañapa' atetcha' soteñ: “Pocoppa' ama pallteno o'ch es þaþ þamo'mte'.” Attoña sapa' ama semnateñe ñeñt acheñer e'ñe ña puemorrenteño'tpa' o'ch es apuenan pompor ñaña pachor. ¹³ Attoca'yeña sehuapore'teññañña Yompör po'ñoñ allochñapa' e'ñech aña setsoten ñeñt e'ñe sa seycheña. Ama't ellonetpa'cho'ña shonte' po'poñechno ñeñt atet sepátse'tyena pa'namena'ttsoema.

¹⁴ Allempoña Jesús'pa' çhore'tan acheñenesha' ñeñt shontetsa, ñetñapa' atet otanet:

—Sañapa' po'ñoçh allohuenes e'ñepa'chña cohuen se'mñoten allochñapa' attoch e'ñe cohuen çhaponasa seyochro. ¹⁵ Ama aye'e' ya'sosyatene' Partocop ñeñt yerra'yen. Añca'yeña ya'sosyatene' e'ñe ya yotape'chatse'teño't ñeñt'pa' yeyochrotca'ye huena. ¹⁶ Ñeñtes po'ñoçh ne'mñotene' çhaponasepa'ch seyochro ñeñt atet netma'ntatensa añ ñoñets.

¹⁷ Allempoña Jesús'pa' sa'nerran acheñenesha'pa' ñañapa' be'tosuerrerr pocollo allña pueyochresha'pa' atet otoset:

—¿Eso'tña petma'ntatyeneýña ñorra'?

¹⁸ Jesús'ñapa' atet otanet:

—Sapa'cho'ña e'ñe'tña attecmas saña, ama es sechenoyo seyochro. Sapa' ama't señotenoña ñeñt yerra'yen yenamot ñeñt'pa' amate' errotent a'sosyatyeña Partocop. ¹⁹ Tarro'mar ñeñt yerra'yenpa' amaca'ye yeyochroye' çheno, yataca'ye çhen. Ñeñt'pa' çhocmachca'ye yener a'yo.

Ñehua, ñeñt'pa' atet eñotateney Jesús allohuen rreñtsoçhnopa' e'ñeca'ye cohuenacma e'ñe arrapahuocma. ²⁰ Jesús'ñapa' alla oterraneterr:

—Añña ñeñt cha'nets yenamot ñeñt atto yeñosatse'tyen ñeñt'pa' e'ñe yeyochrot huena ñeñtña çhocma ya'sosyatene'ña Partocop. ²¹ E'ñe yeyochrot huena cotapñats ñeñt ama't mameshapa' ama cohuenayaye, ñeñt'pa' añ: chetapretanna'teñets taporets, cañoresha'teñets, muetsanna'teñets, ²² etatsre'tyeñets, ye'chapretanna'teñets, atsre'mueñets, shecare'tanna'teñets, ottatse'teñets, moparrñats, sasare'teñets, ommo'cheñets, otatse'teñets. ²³ Ñeñt allohuen sosya'tsañechno ñeñt'pa' yeyochrotca'yeña huena, ñeñtca'yeña ya'sosyatene'ña Partocop.

Atto puesheñarr coyanesha' ñeñt ama judioneshayaye ñapa' atarr yemta-pana Jesús

(Mt. 15.21-28)

²⁴ Allempoñapa' ahuererr Jesús allotpa' alla çhap allampaño anets Tiro ñaña Sidón. Allempo çhap all pocollopa' ñapa' mueneñeñ e'ño'ch a'nahua çhapañ. Tarraña ama errotent çhapo a'nahua, ²⁵ tarro'mar e'ñe allempo çhap çha e'mare'te' puesheñarr coyanesha' ñeñt achoyoret. Puechoyorñapa' penochor ñeñtñapa' çha chorreña oneñeñ. Ñeñtña coyanesha' huapapa'

rromosa Jesús pa'rrpōt. ²⁶Ñeññña coyanesharpa' ama judioneshayaye, ñapa' po'poñ acheñ ñeññ sirofenicio'marnesha'. All rromosa Jesús pa'rrpōtpa' atet otos:

—Nepapare, pequečpatataye'chapon nechoyor oneñeñ.

²⁷Jesúsñapa' atet toma'ntatana acheñenesha' ñeññ ama judioneshayaye ñeñño'mañña atet och:

—Ñanomcha' ya yacñeñar ya'yeta' tarro'mar ama pocteyaye o'ch yeprratam̄pes yacñeñar puerrar o'ch yehuapore'tam̄pes allo'tsen ochec o'ch rre' ñañña ochec.

²⁸Coyanesha'ñapa' atet otererr:

—Ama't atteñ nepapareshacha' tarraña ama't ochecpa'cho'ña rra'yenan cheshanesh'a' puerrar ñeññ a'shore'tatayenet po'mesapna'cho.

²⁹Allempoña Jesús'pa' atet otererr:

—E'ñe pocte' atet pe'ñorena; e'ñepa't pame'ñenna. Ñeñño'mar te'pa' o'ch ahuerreḡ e'ñe peñmañesha', te'ña oneñeñpa' o' quečhp'a'nerrnaḡ pechoyor.

³⁰Allempoña coyanesha'pa' ahuer pa'pacillo, o' cherrpa' alla entuerran puechoyor alla panena e'ñe cohuen po'mayo, oneñeñña'pa' o' quečhp'a'ner.

Allempo Jesús'pa' a'crraterran paquet ñeññ opanatets

³¹Allempo puerrerra allot ñeññ allampañoḡ Tiroḡ, arr oñemhuanom anetso Sidón allot ñañña po'poñ anetso Decapoliso'mar. Attoña o' alla ahuer sa'ponet all Galileyaso. ³²O' cherr allpa' huapaterrñañeterr puešheñarr yacma ñeññña'pa' paquet ñañña ama e'ñeye' cohuenaye' eñeno. Ñeññña huapeta'pa' atet otosan Jesús:

—Añecopca' nehuapateñ o'ch pa'pille' potot attoch correrra.

³³Jesúsñapa' allenta anemñ ñapueñ a'yenet, allñapa' esho'tosan potaḡ paquet pueto; ñañña o' senmare'pa' o' alla a'plerrñañer ñañña pueñeñ. ³⁴Allempoña Jesús cohua' enonetpa' enara. Allempoña'pa' atet ot e'ñe ña po'ñoño:

—Efata —ñeññ yoten yeñoño: Pota'nerrepa' pet allochñapa' o'ch pe'muerra e'ñe cohuen.

³⁵E'ñe otue'pa' cha pota'nerrets puetpa' e'ñe cohuen e'muerra. Ama't ñeññ echarratene' pueñeñpa' o' a'rroyer cha eñorerrtsa e'ñe cohuen. ³⁶Jesúsñapa' atet otanet:

—Te'pa' amach esesha' sotaḡsa'tatsto ama't e'ñe puešheñarra.

Ama't atet otanetañ elloña ñetpa' a'metare'teñet. ³⁷Allñapa' atarr nanac cohuanrrorteñet, atet otyenet:

—Jesús'pa' atarro'trra cohuenña ñeññ allohuen atet es pa'yen. Ama't paqueteñesha'pa' chocma e'ñe cohuen e'matuenanet. Ama't ñañña opananeshachnopa' chocma e'ñe cohuen eñoratyenanet.

8

Allempo Jesús'pa' rratenan shonte' acheñenesha' ñeññña acheñenesha'pa' allo'tsen pa'tatsoch mil

(Mt. 15.32-39)

¹Allempoña po'pocheño shontererr acheñenesha' Jesúsesho. Allempo'cho'ña ama eñalle ñeññcha' rret. Ñeñño'mar Jesús'pa' agotan pueyochresha'pa' atet otapanet:

²—Napa' cha atarr nemuereña allohuen acheñenesha' ñeññ shontetsa arr. O' ma'pamtoset nesho ama eñallmeñeto ñeññcha' rret. ³Ama pocteye' nenteñe

o'ch ahuanerret e'ñe pa'chporrñesha'te't ama a'ñshe'mterreto toño tarro'mar patanta'tetspa' atarr bachayot huapyenet.

⁴ Pueyochresha'ñapa' atet ochet:

—Errahuachca'ye yentña rreñets'e' ñeñt'cha' yerrach shonte' acheñ arpa'amayaca'ye.

⁵ Jesúsñapa' atet oterraneterr:

—Sapa' ¿errpona't sechenña pan?

Ñetñapa' atet otereterr:

—E'ñeca'ye cančhrra yechen.

⁶ Allempoñapa' otan acheñenesha':

—Te'pa' sanorr'cha'tyes patso.

Allñapa' agapan ñeñt cančherr pan. Agaphuepa' o' parasyoso'tenanerr Pompoy allotñapa' o' shota'tan pan, apanatyesan pueyochresha'. Ñetñapa' o' epyatyeset ñamet allohuen acheñenesha' e'ñe epa'huet. ⁷ Apuanet panpa' eñall ñaña pate'tets cacatollesha'. Jesúsñapa' alla parasyoso'tanperranerr ñaña cacatollesha' allempoñapa' oterranerr pueyochresha':

—Sepatyerraneterr ñaña cacatollesha'.

⁸ Allempoñapa' o' rrallme'chet allohuenet, e'ñe yetrra'tuahuet. O' e'ñe yetuahueta' cha a'pchatyaset ñeñtñapa' a'yapačheret. Ñeñña a'yapačherretpa' čhepa'tcha' chorrats cančherr cañter e'ñe tamo'yare'. ⁹ Ñeñt rrallme'chats atarr aton acheñenesha' ñato' allo'tsente' pa'tatsoch mil acheñenesha'. Allempoña Jesúsapa' so'tnerran acheñenesha'pa' ahuerr, ¹⁰ a'tapos noñto pueyochreshohuen ahuanmpset o'ch ahuanmuet anetso ñeñt pa'so'cheñ Dalmanuta.

Atto fariseonesha' enamaset Jesús gatapanetepa'to' po'partsoña

(Mt. 16.1-4; Lc. 12.54-56)

¹¹ Allempoña Jesúsapa' huacherrñañerr ñaña fariseonesha' ahuo'ch otnare'chet Jesús. Ñetñapa' cha mueneñet o'ch topachet Jesús. Ñeñto'marña atet otoset:

—Yapa' aña'ye yemnen o'ch pegatapuey pepartsoña entot allochñapa' attoch yeñotosep po'ñoč papa' Parets Puechemerep.

¹² Jesúsñapa' allenta enara cha muene' po'poñ entanet pueyočhro ñeñto'marña atet otanet:

—Eso'marte'ca'ye acheñenesha' ñeñt corra'yetsa te' ñetñapa' aña atarr e'nenet o'ch norrtatanet nepartsoña entot. Po'ñočca'ye na te'pa' o'ch notas, ama't coñe'ta amach es negataneto.

¹³ Allempoña Jesús sohuanerranetpa' a'taphuerr noñtopa' ahuanmpes, pechaterra yomta'n.

Atto Jesús toma'ntaterraneterr ñeñt po'chaser pen fariseonesha'

(Mt. 16.5-12)

¹⁴ Pueyochresha'ñapa' cha puesnomuet o'ch anmuet pocramñ, noñtopa' ama es eñalle ñeñt'cha' rret, e'ñe patrra pan eñall. ¹⁵ Jesúsñapa' alla toma'ntaterraneterr, ñeñtñapa' atet otanet:

—E'ñech seño'ta ñato't semeñe'teña'ña fariseonesha' ama't ñaña Herodes po'chaser allo tsetenet pan.

¹⁶ Ñetña cotape'chyasetpa' atet otanna'tyeset:

—Amaca'ye yechenoña pan ñeñto'marte'ca'yeña oteney año'ch yemeñe'tatscheña fariseonesha' po'chaser.

¹⁷ Jesúsña allempo eñotanet atet cotape'chyenet ñañapa' atet oterraneterr:

—Eso'mare't sellquëñesha' sotanna'tyena año' eñalle ñeñtcha'serra'. ¿Ama't seño'teñe? ¿Ama't chennasoña seyo'chro? Teme'ttsena't se'charrtatenña seyo'cher. ¹⁸ Sapa' ama't aclo'yeteseñpa' chaca'ye sottena ñerra'mrrate' ama senteno. Ama't etateseñpa' chaca'ye sottena ñerra'mrrate' ama se'mueno. Ama't mameshapa' are'tña es seyerpueno. ¹⁹ Ñehua, ahuaña allempo neshota't amnar pan e'ñeca'ye epa'hua amnaroch mil yacmanesha'. Ellopa' ¿errpona'tña sap'cha'huerrña ñeñt' ashota'tyesaret allempo e'ñe seyetua? ¿Errpona'tña cañter se'chorrerr?

Ñetñapa' atet ochet:

—Charra'ca'ye puechena epa cañter.

²⁰ —Ñaña allempo neshota't cancherr pan pa'tatsoch mil acheñ ñeñt' rre' ¿errpona'tña sap'cherrerrña ñeñt' ashota'tyesaret allempo e'ñe seyetuerrerr? ¿Errpona'tña cañter se'chorrerrerr?

Ñetña atet ochet:

—Cancherrca'ye cañter ye'chorrerrerrña allempo.

²¹ Jesúsñapa' alla oterraneterr:

—Te'ñapa' ¿ama'tña o' chaponasoña seyo'chro? Ñeñt' neñotatenes ñeñt'pa' ama serrarecpaye' notenso.

Allempo Jesúsapa' a'crraterran aporo'yet all Betsaido

²² Allempoña cha'cha'tet anetso Betsaido, allñapa' huapaterrñañeterr aporo'yet, ñeñt'pa' atet otoset Jesús:

—Añecopca'ye yehupateña o'ch pa'p'llac'le'chap' attoch pecuater.

²³ Allempoña Jesúsapa' echa'nman aporo'yet pototpa' anem' a'yetet all ama eñalle pocoll. Allñapa' a'yac'le'chos pa'snemo, attoña a'p'llac'le'chos, allñapa' atet och:

—¿Ama't coñe'tapa' ama't o' pento?

²⁴ Aporo'yetña cohua'yestsapa' allenta otan Jesús:

—O'ca'ye nent acheñ alla chopeñen tarraña e'ñe atet nentyenanet ñerra'mrrate' tsach tom'cha'tyets.

²⁵ Jesúsñapa' alla a'p'llac'le'chererr, aporo'yetñapa' cohua'yerrtserrpa' chepa'tcha' e'ñe cohuenterrtsaña pa'c'le'. E'ñe cohuen es entyesuahuer allhuen. ²⁶ Allempoña Jesúsapa' atet och:

—Te'ña ñerra'm o'ch ahuerrep' pepac'lopa' tarraña amach poñmatsterroña anetso'mar, allochñapa' amach esesha' potap'sa'tatsetnerro ama't e'ñe puesheñarra.

Atto Pedropa' otan Jesús, p'papa' p'ña Yomp' Puechemerep' ñeñtep' Cristosets

(Mt. 16.13-20; Lc. 9.18-21)

²⁷ Allempoña ahuererr Jesús pueyochreshohuen. Arr sechenet all oteñet Cesarea ñeñt'ara Filipino allcha' chopeñe'chyeneta' all anetso'mar. Allña toñopa' a'p'to'tnoman pueyochresha' ñeñt'pa' atet otnomanet:

—¿Errofena't otyenenña allohuen acheñenesha', napa' eseshante'?

²⁸ Ñetñapa' atet otyeset:

—Patantarr acheñenesha'pa' atetca'ye otyenpet p'papa' Juanañpo'te' ñeñtepo' apatañtase't Yomporecop. Po'potantañña'pa' atet otyenpet p'papa' Elíasopo'te'; po'potantañña'pa' atet otyenpet p'papa' añeño'te' po'p'sheñeñ ñeñt' a'mtaye't Yomp'or po'ñoñ ahuat.

²⁹ Allempoñapa' alla a'p'to'terraneterr:

—Sañapa' ¿errofena'tña sotenenna sa?

Pedroña eñoratsapa' atet och:

—Papa' ñeñteṗca'ye Cristotsets.

³⁰ Allempoñapa' otan pueyochresha':

—Amach esesha' sotaṗsa'tatsto ama't puesheñarra napa' na ñeñfen Cristotets.

*Atto Jesúsapa' eñotatan pueyochresha' ñapa' amtsaretterrach
(Mt. 16.21-28; Lc. 9.22-27)*

³¹ Jesúsña e'ñe allempoteñpa' motetnom' eñotayesnomue' pueyochresha' ñeñ' atet anaret ñocop, ñeñ'ṗa' atet otanet:

—Na Ñeñfen Acheñetosetspa' atet anaret nocop, nanaccha' na'muerochtataretterra. Amach esesha' pocteye' nenterraye—ama't ñeñ' pompornesha' pen judionesha', ama't ñeñ' pa'ñcha'tareter pen judionesha' po'cornaneshar, ama't ñaña ñeñ' etsotayenayeñ ñoñets ñeñ' atet anaret judioneshacop—ama't ñetpa' amach eseshaye' neyemterraye. Attochña napa' muetsaterrnetcha'. Tarraña poma'pantañoç o'ch alla netanterra.

³² Ñeñ'ṗa' e'ñe eñotochen otnomanet ñapa' atetcha' aṗaretterra. Pedroñapa' allenta anem' a'yenetpa' allñapa' atet otos:

—Arepa'ch Parteshacha' atteye' perrpeto ama't errponaña.

³³ Jesúsñaapa' alla puerraperra cohuos pueyochresheshonet allñapa' atet otan Pedro:

—Orraṗ a'yo neshoṭ oneñete; ṗapa' amaca'ye Yomporeye' atet poctape'chatenaye; ñeñ'ṗa' acheñarramche' poctaṗña.

³⁴ Allempoña Jesúsapa' agotan acheñenesha' ñaña pueyochresha' ñeñ'ṗa' atet otanet:

—Ñerra'm esesha' muenene' o'ch coterrnet na e'ñe po'ñoç attoch neyochresha' neperranet añ poctetsa sohuanmuetepañña ñeñ' atet muenenet e'ñe ñocpueta ama't e'ñe pocreñohuenet. Attochña ñetpa' o'ch e'ñe toma'nteret ñeñ' chechnene' po'corsoch allcha' muerochtet ñamet. Attochña coterrnet e'ñe po'ñoç.

³⁵ Tarro'mar ñerra'm esesha' e'ñe añña muenenet o'ch correnet atomat attoch e'ñe coshenet arr patsro, ñetñapa' çhach a'chencatet ñañeñeta. Tarraña ñerra'm esesha' e'ñe pocte' entene' o'ch es sohuanerret e'ñe pocreñohuenet nocop attoch epatuerret cohuen ñoñets ñeñ'ṗa' alloch sequeshperra, ñeñ'ña acheñerpa' ñaña' corretsach e'ñe cohuen tayoteñ errponañohuen.

³⁶ Ama't errponenaparen esocmañen es yeyoratsetyes ora allpon ñeñ' yentyen añe patsro, tarraña ñerra'm ñeñ'fach e'ñe ya'chencaterre' yecamquëñohuen, ñeñ'ñapa' ama't coñe'tapa' amach es sherberrye. Tarro'mar ama eñalle po'poñ ñeñ' atarr sherbets, añña atarr nanac sherbets ñeñ'cha' a'quesṗaterre' yecamquëñ.

³⁷ Tarro'mar yocoppa' ama es eñalle ñeñ'cha' yepomuerr alloch alla yerañterra yecamquëñ.

³⁸ Tarraña ñerra'm erra'tsencha' nepenquënaya na te', neñoñpa'çho'ña çha apencoçhen entennanet, napa'çho'ña nepenca'huerranetcha' esempoch nohuerra. Shonte' acheñenesha' ñeñ' corra'yetsa te' arr patsro ñetñapa' atarr ochñañeneshet tarro'mar ñetpa' po'poña po'yomporer ṗa'yenet. Tarraña ñerra'm esesha'ch uepenquëñofetan na amach a'metenneto all, ñeñ'ña acheñerpa' napa'çho'ña çhach nepenca'huera ñerra'm esempoch nohuerra. Po'ñoç napa' Ñeñfen Acheñetosetspa' nohuerrach e'ñe Nompore' po'cohuenñoṭ epan ñaña po'millañofoñaneshar ñeñ' e'ñe torra'yetsa Partsocop.

9

¹ Allempoña Jesúsapa' alla oterraneterr:

—Po'ño'chca'ye te'pa' o'ch notas, patanta'ttsos ñeñtes arro'tsa'yenes te'ña ama't ama serrromhuena'pa' o'ch senterrñañ Yompor po'cohuenña atto atarrcha' ayochreshatterra ña e'ñe po'huamencot.

Allempo Jesúsapa' po'poñetañpsana pueyochresha'

(Mt. 17.1-13; Lc. 9.28-36)

² Allempo pechapmaterrerr, Jesúsñapa' ahuanerranerr pueyochresha'; añ anem Pedro ñaña Jacobo ñaña Juan. Ñetpa' arr anmanet atarr aspeno e'ñe ñaptochayet all aspeno. Allña Jesúsapa' machayotepa'tcha' e'ñe po'poñetañpsosanet. ³ Pa'shtampa' cha popta atarr nanac huallama't. Arr patsropa' ama eñalle alloch ya'huallama'ttat yeshtam atet ñerra'm ña pa'shtam atarr huallama'to poptena. ⁴ Allñapa' machayotepa'tcha' orrtanet Elías ñaña Moisés. Ñetñapa' alla serrpare'toset epuet Jesús. ⁵ Pedroña eñoratsapa' atet otan Jesús:

—Atarruaca'ye Maestrocha' cohueno'tseneyte' arr. Ama't pocte' penteñe yapa' o'ch yatōmatonas ma'ppahua quērpachet, puepahuarrpa' pōcopcha' po'ppahueñpa' Moisésocopcha', po'ppahueñpa' Elíasocopcha'.

⁶ Ñehua, Pedroña pueyorño'atta muene' otatse't, ama eñoche errotench'a' ot. ⁷ Allempo eñorena Pedropa' cha orrtosahuet os ñeñ' atarr cohuen poptetsa chepa'tcha' a'pomamñpsosanet. Cha e'morrtostsa ñoñets osot; ñeñña ñoñetspa' Yompor otosahuet; ñeñpa' atet ot:

—Añmapa' ñeñ' no Nechemer ñeñ' atarr nemuerena, ñeñ'cha'ña e'ñe cohuen se'mñoterr.

⁸ Allempoña o' cohua'yerretpa' arepa'tcha' eseshaye' enterreto, ñapña enteret Jesús.

⁹ Allempo onácherret aspenot Jesúsñapa' atet otterranet:

—Te'pa' amach esesha' sotapsa'tatsto ama't e'ñe puesheñarra ñeñ' atet o' sentua. Tarremphuach allempoch netanterra na shemot na Ñeñen Acheñetosets, allempochña seserrpare'taterña allohuen acheñenesha'.

¹⁰ Ñetña atet otanet Jesúsapa' atet'cho' pet, ama a'meteññañeto po'ñoñ. Tarraña ñetñapa' atta a'pto'tanna tyesnerret:

—Ta'm ¿es'te'ña oteneñña Jesús o'ch tanterra rromot?

¹¹ Allempoña pueyochresha' atet otnerret:

—¿Eso'mare'tña oteneña ñeñ' atarr etsotene' ñoñets ñeñ' atet anaret, Elíaso'ch ñanom huerrtsa?

¹² Ñañapa' atet otterraneterr:

—Elías po'ño'chpa' ñachca'yeña huerrtsa ñanom, ñapa' e'ñechca'ye a'cohuentatuer ora allohuen. Tarraña sapa' ama't señotenoña ñaña ñeñ' atet anaret quellco e'ñe nocop. Ñeñ' allpa' atetca' oten na Ñeñen Acheñetosets atarrcha' na'muerochtatarrterra, atarrcha' tsena'ternet. ¹³ Tarraña napa' o'ch notas, Elíasapa' o'ca'ye huaphuerrañ arr, ñeñ'apa' chaña errotuanen papueret ñeñ' atet muena'yenet ñet. Attoca'yeña etsoterraña ñaña ñeñ' atet anaret quellco ñocop.

Atto Jesúsapa' a'crraterran cheshachor ñeñ' otaten oneñe'

(Mt. 17.14-21; Lc. 9.37-43)

¹⁴ Allempoña cha'cherret allo'tsa'yen pueyochresha' allñapa' alla entuereterr shonte' acheñenesha' ñeñ' emchorrenaya po'potantañ

pueyochresha'. Ñeñña etsotayenayen ñoñets ñeñt atet anaretpa' alla entuerraneterr all es otnare'teññañet pueyochresha'. ¹⁵ Allempoña entapuer allohuen acheñenesha'pa' cha atarr cohuanrrortapueret, matrra'tet ñeshopa' huoncha'tapueret. ¹⁶ Jesúsñapa' allenta otuerranet:

—Sapa' ¿errotena'tña sotanna'tyena?

¹⁷ Puesheñarrña ñeñt allo'tsenpa' ñaña'pa' atet otaþ:

—Maestrocha' napa' o'ca'ye nohuapatonapeñña nechemer, chaca'ye chorreña oneñe' cha opanatateñ. ¹⁸ Ñerra'm erroteno rremueñpa' chachca'ye ata'tateñ patso, chach amtan pa'po'pa' o'ch rraso'tan pa's, o'ch e'ñe echarrta. O' notuosnañña peyochresha' o'ch quechpateret oneñe' ñesho'pa' tarraña ñetpa' amaca'ye eshcaye' quechpateñeto.

¹⁹ Jesúsñapa' atet otanet:

—Sa ñeñfes acheñres ama't mameshapa' ama ayemtenaye' sentpenno. O' allponmatuanen allo'tsenen arr patsro, napa' atta atarr na'huantennas, atta necuenes ñato' atotpa' o'ch same'ñernna.

Allempoñapa' atet otanet:

—Ama'tpa' sanmonca'ye chesha' arr.

²⁰ Allempoña anmoñet chesha'pa' oneñeñña'pa' entosan Jesús'pa' chepa'tcha' otatosañña chesha'pa' alla ata patso, cha pomero'ta, amtan ñaña pa'po'.

²¹ Jesúsñapa' allenta otoñ pompor:

—¿Esempoteñe'tña atet perra?

Ñaña'pa' atet och:

—Cheshoteñca'ye atet perra. ²² O'te' epaye' ata'tater ama't tso ama't ñaña oño atoch muetsereñ. Paña te'pa' ñerra'm errotenotpa' e'ñe pemuereñof pebensañpsaye'cherrnan nechemer allochñapa' atoch metuer atto mue-rohtena.

²³ Jesúsñapa' atet och:

—Ñerra'm na peyemtena amaca'ye eñalleña ñeñt torrapo' añecop ñeñt e'ñe neyemtenaya na.

²⁴ Allempoña ñeñt pompor pen chesha'pa' rranapa' atet otererr:

—Napa' neyemtenpañca'ye, te'ñapa' peyenpa'n Ayochreshate atoch neyemterpa' e'ñe poctacma.

²⁵ Allempoña Jesús'pa' entapan shonte' acheñenesha' ñeñt matachetsa ñeshonef, ñaña'pa' allenta otan oneñe't:

—Pa oneñefe, opanatatañeþ, a'paquetatañeþ, te'ñapa' o'ch notapþ: Pe-quechpa'ner cheshachor e'ñe tayecma, ama't errponaña amach alla pechorere'te.

²⁶ E'ñe otue' atet oneñeñña'pa' chepa'tcha' rrana'nmatsa, alla otatnerranerr cheshachorpa' cho quechpa'nmue' o' ahuerr.

Cheshachorpa' ama pelleno cha otta ñerra'mrrate' o' rroma. Acheñenesha'ñapa' atet otyes:

—Po'ño'ch te'pa' o'ca'ye rroma.

²⁷ Jesúsñapa' allenta chete' pototpa' o' tantach, chesha'ñapa' cha terrets e'ñe cohuen.

²⁸ Allempoña Jesús'pa' ahuerr pueyochreshohuen, o' be'toscha'tuerret pocollo, allpa' e'ñe ñapfochayet, pueyochresha'ñapa' allenta otueret Jesús:

—Yapa' ¿eso'mare'tña ama eshcaye' yequechpatatereña oneñe't?

²⁹ Ñaña'pa' atet otanet:

—Ñeñt atet oneñeĭpa' amach errotenot yequeĥpataterña e'ñe atta. Chochña yema'yochena ñaña yema'yochreñot ama't yerrarpa' o'ch yequeĥpue' mame'. Attotcha'ña yequeĥpataterña oneñeĭ ñeñt atet.

*Jesús*pa' eñotateraneterr puepocheño ñapa' 'ĥocmach muetseret
(Mt. 17.22-23; Lc. 9.43-45)

³⁰ Ahuanerreterr allotpa' arr oñemhuanerret Galileo'mar. Jesúsñapa' mueneñ a'nahuoto'ch metañ ³¹ tarro'mar ñapa' mueneñ o'ch yeĥatnoman pueyochresha'. Ñeñĭpa' atet otnomanet:

—Na Ñeñen Acheñetosetspa' pomataterretcha' attoĥña errotuanencha' perrnet. Atteñapa' o'ch muetsataterret tarraña poma'pamtañoñapa' o'ch alla netanterra.

³² Ñeñña ñoñets ñetñapa' ama't puesheñarrotetapa' ama eseshaye' eñotenaye' enteñeto ñeñto'marña ama a'p'to'tenaye' enteñeto.

All eñotateney ñeñt acheñer e'ñe po'ñoĥ atarr asherben enteñ Yompor
(Mt. 18.1-5; Lc. 9.46-48)

³³ Allempoña ĥaĥa'tet ñaña Capernaumo. Allempoña ĥapuet pocollo Jesúsñapa' otanet:

—Sapa', ¿eso't sotanna'tyesnenaña ñorra' toño?

³⁴ Ñetñapa' ama eseshaye' anapuenaye' entaye tarro'mar ñetpa' añca'ye otanna'tyesnetña toño:

—Yapa' erra'tsenoteyte'ñaca'yeña ñeñtey atarr sherbets, ñeñtey atarr añĥa'taretuyen enteyen acheñenesha'.

³⁵ Jesúsñapa' all anorrospa' allenta ĥore'tan allohuen pueyochreshaĥnopa' atet otanet:

—Ñerra'm erra'tsenotes ñeñtes atarr añĥa'taretuyen entetsañ, ñeñtes acheñres socoppa' añ poctetsa o'ch atet senterra ñerra'm ama esoshe'mayayso ñeñt atet pena ñeñt atta atarr taruasets po'potantañecop, ama't ñaña allohuenacop.

³⁶ Jesúsñapa' cheshatolla ĥore'tpa' tomach e'ñe alla, allenta enachpa' atet otanet:

³⁷ —Erra'tsenotes sa ñerra'm e'ñe cohuen saguëñ ama't ñeñt ama asherbenaye' entyeneto atet ñerra'm añ cheshatoll tarro'mar sapa' na same'ñena, na'ña e'ñe cohuen saguën. Elloña ñaña erra'tsenotes sa ñeñtes naguëne' na, ama e'ñe naptochey' saguëno, añe'ñaña saguënnan Nompor ñeñt nellensene'.

Atto eñotateney ñeñt ama ĥoye' yepatare'tenaye ñeñtña po'ñoĥpa' e'ñe parrocma yeyenpannena

(Lc. 9.49-50; Mt. 10.42)

³⁸ Allempoña pueyochresha' ñeñt Juanpa' atet otan Jesús:

—Maestro, ya ahuañapa' atet yeñch puesheñarr yacma ñeñt queĥpatene' oneñeĭ. E'ñe pueĥore'teñoĭeĭ p'a peso'ĥñopa' queĥpatan oneñeĭ. Yañapa' ama pocteye' yeñche tarro'mar ñapa' ama parroye' yeyemteno. Ñeñto'marña yapa' atet yoch:

—Amach atet peĭatsto.

³⁹ Jesúsñapa' atet ot:

—Sapa' amach'a'ye sepatare'tatsche tarro'mar ñerra'm erra'tsencha' orrtate' partsoteñets e'ñe na neso'ĥño, ñeñtña acheñer tsapatonetpa' amachca'ye muenere alla o'ch achm'are'terren. ⁴⁰ Ñaña ñerra'm ama ĥo epatare'tenye yaña, ñeñtña po'ñoĥpa' e'ñeca'ye parrocma yeyenpannena.

41 Po'ñoçhca'ye notenes: Ama't erra'tsena acheñer ñeñtcha' sapue' ama't coñe'ta oñ tarro'mar sapa' e'ñe na neyochresha' nepenes, ñeñtña acheñerpa' çhocmach atsa'taretterra ñeñtcha' atarr coshaterre' ña.

Atto çhocmach huaponaya ñeñtcha' yetpatyene' o'ch atet patyeseý ñeñt ama pocteye' enteno Yompor
(Mt. 18.6-9; Lc. 17.1-2)

42 'Ama't erra'tsena ñeñt ama pommo'cheñofoýe' ame'ñenno atet ñerra'm cheshatoll ñeñt ama eñotenana' o'ch ommo'chena, tarraña ñerra'm esha'ña po'psheñeñ o'ch atet patach ñeñt ama pocteye' enteno Yompor, ñeñtña acheñerpa' atarrcha' yoroçheno'tsen tarro'mar ñapa' aña o'patenaya coñcheñets ñeñt atarr huomenc. Ama't ñocoppa' ama tama yoroçhenayayñe ñerra'm ama atet patenana' po'psheñeñ, e'ñech allorocma çharachetañ mapue' añecmuen pa'çhno'po allpon ñerra'm puetse'tamets o'ch huapore'chet oño epo allcha' ño'shach mapue'. 43-48 Ñaña o'ch noterrser: Ñerra'm sechets patyenes ñeñt ama pocteye' enteno Yompor atet ñerra'm sot, setac, seclle', añ potetsa o'ch sequeçhpuerr ñeñt çhocma atet patse'tatyenes sechets. Ñeñt'pa' e'ñe atet ñerra'mrrate' e'ñe allorocma o' sepecherr sot, setac, o' serroterr seclle', o'ch sehuapore'ter. Añ cohuen socop ama't e'ñe sepo'yotateño'f corretsasach tayoteñ errponohuañen. Añña ama cohuenayaye socop esempohuañenpa' e'ñech ora epo'mar sotpa' o'ch seçherr coñcha'puetso all parraren tso' ñeñt ama emaya'pahuoyaye. Allpa' ama't pueñmochapa' ama rromueno; tso'pa'çho'ña ñeñt allo'tsenpa' ama amayaño ama't errponaña. Ñaña añ cohuen socop ama't e'ñe setcotpa' sepshemtatquëño'f corretsasach tayoteñ errponohuañen. Añña ama cohuenayaye socop esempohuañenpa' e'ñech ora epo'mar setacpa' o'ch huapore'terrset coñcha'puetso all parraren tso' ñeñt ama emaya'pahuoyaye. Allpa' ama't pueñmochapa' ama rromueno; tso'pa'çho'ña ñeñt allo'tsenpa' ama amayaño ama't errponaña. Ñaña añ cohuen socop ama't seclloyot sepshemtatcllo'yëño'f o'ch seçherr all añcha'tarettena Yompor. Añña ama cohuenayaye socop esempohuañenpa' e'ñech ora epo'mar seclle'pa' o'ch huapore'terrset coñcha'puetso all parraren tso'. Allpa' ama't pueñmochapa' ama rromueno; tso'pa'çho'ña ñeñt allo'tsenpa' ama amayaño ama't errponaña.

49 Ñeñtña Jesús'pa' atet toma'ntaterraneterr:

—Allohuen ñeñtcha' cohuenterrtsapa' añcha'ca'ye a'cohuentatene' tso'; ñaña allohuen ayarraçhno ñeñt amtsarettetsa Yomporecoppa' añca'yëña a'cohuentatene' pos. 50 Ñehua, yapa' yeñoteñ pospa' atarr cohuen sherbeney. Tarraña ñerra'm posña po'poserrteña huañerretspa' yapa' amate' erro't yepo o'ch alla ya'poserrtater attoch alla sherberrey. Sapa' e'ñepa'çhña cohuen sesherbannena e'ñech attes ñerra'm pospa' atarrcha' sherbeney. Attochña e'ñe cohuen sentannena e'ñech muechet seyçha'yena.

10

Atto Jesús'pa' yeçhatosanet ama asanna'tpahuoyaye
(Mt. 19.1-12; Lc. 16.18)

1 Allempoña Jesús'pa' err Capernaumotpa' ahuerri anetso Judeo ñaña arre'na sen Jordanas yom'ta'n. Allñapa' alla shonerrñañerr acheñenesha', ñaña'pa' yeçhaterraneterr Yompor po'ñoñ ñeñt çhocma attecma penanet.

2 Allñapa' o' alla huaçherrñañerr ñaña fariseonesha'. Ñetñapa' aña atarr

e'nenet e'ñe pueshquëñoŕet po'ñoñoŕetpa' o'ch eñorachet ñeñt ama cohue-
nayaye. Ñeñto'marña ñetpa' atet otoset:

—Ta'm ¿pocte'te' o'ch yeser yetapor?

³ Ñaña'pa' atet otapanet:

—Sapa' ¿ama't señotenoña Moisés po'ñoñ ñeñt atet nonaset?

⁴ Ñetña'pa' atet ochet:

—Moisés po'ñoña' atetca'ye oten, čhoch yequellcoñ yetapor papell
ñeñtcha' yaŕ allempochña yeser.

⁵ Jesúsña'pa' atet otanet:

—Tarraña sa seyočhropa' čhocmaca'ye po'poñ sentuena ñeñto'marca'yeña
Moisés'pa' atet quellconase't attoch sese' setapor. ⁶ Ama't atet muenataseña'
tarraña Yomporpa' e'ñe ahuatoteñ allempoteñ es yečhcatyes “allempo
yečhcatan ñaña asheñorr, yečhcatan ñaña peno.” ⁷ Allempo Yomporpa'
atet ot: “Ñeñto'marña yacmapa' ñerra'm esempoch sena'ta, coyanesha'pa'
o'ch echan puerrollar, añ pocte' o'huañcha' tama yemteñet pamo'mte' al-
lochña'pa' yacmapa' attochña e'ñe parrocmat epuet puetapor. ⁸ Attoña
epsheño'maretpa' e'ñech patrra po'chets penet.” Attočha'ña o'huañcha'
puesheña'tetstet, allochña'pa' o'ch e'ñe puesheñarratet. ⁹ Ñeñt atto Parets e'ñe
patrratatan yacma epuet puetapor amach čha ellopa' alla sannerreto.

¹⁰ Allempo čhačherret pocollo, allña pueyochresha'pa' atet otueret:

—¿Erroŕente'ña ñeñt atet pōten ñorra' año' asanna'tpahuo?

¹¹ Ñaña'pa' oterraneterr:

—Ñerra'm esesha' serre' puetapor o'ch alla yorerran po'psheñeñ
ñeñtcha' puetapor perr, ñeñtña yacmarpa' čhachca'ye ochña'tamperrana
puetaporeshe'mañ. Ñeñt'pa' ama pocteye' enteñe Yompor. ¹² Ñaña
coyanesha' ñerra'm serran puerrollar o'ch yorer po'psheñeñ yacma ñeñtcha'
puerrollar perr, ñeñtña coyanesharpa' čhachca'ye ochña'tamperrana ñaña
puerrollareshe'mañ. Ñeñt'pa'čho'ña ama't mameshapa' ama pocteye' enteñe
Yompor.

Atto Jesús'pa' bensare'tam̄psapan cheshanesha' ñeñt huapatoñet

(Mt. 19.13-15; Lc. 18.15-17)

¹³ Allempoña'pa' huačha'tachet ñaña shonte' cheshatollesha' Jesúsesho.
Ñetpa' añecopña huačha'tachet o'ch a'plla'yesapanet Jesús. Jesúsña puey-
ochresha' allempo entapan ñeñt huačha'tate' cheshaneshačhno ñetña'pa'
ama pocteye' eñchet o'ch anmoset cheshatollesha' Jesúsesho ñeñto'marña
ama amnatarettapueto. ¹⁴ Tarraña Jesúsña allempo entan pueyochresha'
čha epatare'tapan cheshatollesha', ñaña'pa' ama't mameshapa' ama pocteye'
entaneto. Ñaña'pa' atet otanet:

—Pocte'ñacho' semnachña'ca'yeña cheshanesha' onosetepa' e'ñe nesho.
Amacha'ye čha sepatare'tatstapaneto tarro'mar allohuen ñeñt atarr
neyemtenaya na atet ñerra'mrrate' cheshatoll, ñetcha' o'patenetña Yompor
po'cohuenña ñeñt atto ayochreshattena ña. ¹⁵ Po'ñočhpa' o'ch notas,
ñerra'm esesha' ama e'ñeye' pueyemteñoŕeye' aguëññañeto Yompor
po'cohuenña amach atet perreto ñerra'm cheshatoll e'ñech yemtenana
ñeñt cohuam̄pene', ñetña'pa' amach o'patenetoña Yompor po'cohuenña atto
atarr ayochreshattena ña.

¹⁶ Allempoña Jesús'pa' a'čhono'tyesapan cheshanesha'pa' allña
a'plla'yesapanetña e'ñe ña potot attoña bensare'tam̄psapanet.

Atto puesheñarr ñeñt huepueshameñ ñeñt atarr ecñlayoret ñaña'pa' eñorana'tosana Jesús

(Mt. 19.16-30; Lc. 18.18-30)

¹⁷ Allempoña Jesús'pa' o'ch ahuenñerr allenet sechena. Allentepa'tcha' huapa'muena puesheñarr yacma e'ñe matenacma huapa. Alla concorpana'tosana Jesús'pa' atet otos:

—Maestro, p'apa' atarr cohuen acheñreḗ, te'pa' o'ch p'otapuen çerrofena'tcha' nepañna na ñeñt e'ñe cohuen attochña napa' corretsanach e'ñe tayoteñ ama't errponañhuen?

¹⁸ Jesúsñapa' atet otaḗ:

Eso'mare't p'otenenña napa' atarro' cohuen acheñren. Arr arromñafenesha' ama't e'ñe puesheñarrapa' ama eñalleña ñeñt e'ñe cohuen acheñer. Ñapñaña Yompor ñeñt e'ñe po'ñoç cohuen. ¹⁹ Papa' e'ñe peñotuen Yompor po'ñoñ all oteney ñeñt'cha' atet yepena e'ñe cohuen, ñeñt atet oteney: "Amach yechtapreyesatsto taporets, amach yemtsanna'tatsto, amach yetyesatsto, amach yetoma'tamḗpsatsche yamo'ts e'ñe atta, yeshquëñoḗpa' amach es yeprratamḗpsatsche po'psheñeñ, ñaña yemorrenteñoḗpa' yemtcha'na'chcha' yompor ñaña yachor."

²⁰ Ñeñtña a'p'to'tene'pa' atet otererr:

—Maestrocha' napa' e'ñeca'ye cheshoteñ ora añeçhnopa' e'ñeca'ye net-sotueñ.

²¹ Jesúsña e'ñe puemorrenteñoḗ cohue'pa' atet otererr:

—Eñallmeñca'ye paterr ñeñt pepalltena ñeñt ama atteye' pepeno. Te'pa' añcha'ña atet peḗa o'ch ahuerreḗ o'ch pepomuerr ora allpon ñeñt pechyen o'ch p'apa'yera' huochañneshachno ñeñt atarr es pallta'yetsa, attochña p'apa' pecherrcha' ñeñt atarr nanac sherbets Yompor pue'ntañ. Allempochña pehuerrapa' o'ch p'octerren attoch e'ñe neyochresha' nepperreḗ e'ñe p'octacma.

²² O'ña e'mhuan ñeñt atet och Jesús'pa' ñaña'pa' çha atarr nanac lleca tarro'mar ñapa'shonte' esocmañen echyen. Ñeñt'marña e'ñe puellquëñesha' ahuer.

²³ Allempoña Jesús'pa' cohua'yesanetpa' atet otan pueyochresha':

—Ñeñt atarr ecñlayoretpa' atarrca'ye nanac echarr attoch agapoñet Yompor po'cohuenña ñeñt atto ayochreshattena ña.

²⁴ Pueyochresha'ñapa' çha muene'yore'tanet ñeñt atet otenanet. Jesúsñapa' alla otarraneterr:

—Nechemerneshacha' o'ch notas: Añ acheñer ñeñt añach e'ñe yemtena ñeñt allpon echyen arr patsro ñeñtña acheñerpa' atarrca'ye nanac echarr o'ch agapoñet Yompor po'cohuenña ñeñt atto ayochreshattena ña. ²⁵ Ñehua, ñeñt'pa' atetcha' netma'ntacha. Po'ñoç yapa' yeñoteñ berr añecmuen allpon ñerra'm huaquësh* atarrca'ye torrapo' o'ch esho'tosa añeñollponatollo atet ñerra'mrrate' acosh puetatollo. Ñeñt'pa' atetca'ye penaña acheñ ñeñt ecñlayoret, ello atarr torrapo' o'ch agapan ñaña Yompor po'cohuenña ñeñt atto ayochreshattena ña (tarro'mar ñetpa' ama mueneñeto o'ch sehuanmuet ñeñt atarr morrentenet ñet attoch pueyochresha' perranetañ Yompor).

²⁶ Pueyochresha'ña allempo'e'met Jesús atet oten, ñetñapa' çha muene' lleca'rrtetpa' atet otanna'tyeset:

* **10:25** Ñehua, Jesús añ toma'ntatanet camello ñeñt payara penet all pa'nyo, ñeñt e'ñe allpon ñerra'mrrate' huaquësh.

—Tarraña ñerra'm atette'pa' amate' esesha' a'q'eshpataretterrtso ama't puesheñarra tarro'mar yapa' yeñoteñca'ye huaquëshpa' amaca' esho'tenoña acshequeto.

²⁷ Allempoña Jesús'pa' atta cohua'yesanetpa' atet otterraneterr:

—Sa aromñafeneshaspa' amach es errotenaye' apen senteno. Tarraña Yomporpa' ama eñalleña ñocop ñeñt atarr torrapo' enten.

²⁸ Allempoña Pedropa' atet och:

—Parteseshacha' po'ñoçh yapa' o' e'ñe yesuanom ora allohuen attoch e'ñe yocterrep.

²⁹ Jesús'ñapa' alla otterraneterr:

—Allohuen erra'tsencha' acheñer ñeñtcha' e'ñe sehuanmue' allohuen ama't pa'paclohuen, ama't pa'mo'nasheñnesha' ñato' po'chanesha' ñato' pompor, pachor ñato' puetapor, ñato' pacñeñar ñato' po'patseñ attochña napa' e'ñech cohuen sherberrnet pueserrpare'teñoñet cohuen ñoñets alloch a'q'eshpataretterra acheñenesha', ³⁰ elloña ñetpa' o'ch alla aguërrret shonte' esocmañen ñeñt atarr cohuen. Ama't allponapa'tets sehuanomyesnomuet, elloña çharroch çharra'ch alla agapyerret, ama't e'ñe tayoteñ allempo correnet arr patsro—ama't ñeñtcha' pa'pacllaçhno perret ñaña ñeñtcha' pa'mo'nasheñneshaçhno perret, ñaña ñeñtcha' po'chaneshaçhno perret, ñaña ñeñtcha' pachorneshaçhno perret ñaña ñeñtcha' pacñeñareçhno perret, ñaña ñeñtcha' po'patseñ perret. Tarraña ama'tcha' atet aparetterretañpa' çhocmach amuroçhtataretterret pame'ñeñoñetan na. Elloña tsapatonetña ñetñapa' aguërrretcha' ñeñt alloch corretsetach beñecpuen pocsheñeshocmañen. ³¹ Te'pa' señoche'pa'ch eñall shonte' acheñ ñeñt ama asherbenaye' senteno sa te' tarraña ñetña allempopa' atarrcha' asherben enterranet Yompor. Ñaña eñall shonte' acheñ ñeñt atarr asherben sentyen sa te', tarraña ñetña allempopa' amach asherbenaye' enterraneto Yompor.

*Allempo Jesús'pa' alla eñotatterraneterr ñapa' çhocmach amsaretterra
(Mt. 20.17-19; Lc. 18.31-34)*

³² Allempo ahuaneneterr ñaña Jerusaléñoñet, all oñenet toño'mar Jesús'ñapa' ña otetsa. Pueyochresha'ñapa' çha toratsetyesnenet pueyochret, e'ñe pueñtcha'nañoña coteñ. Pueyochresha' ñeñt çharra' puechena epsheña ñeñtñapa' ahuanem Jesús ellonet, allñapa' eñotatterraneterr ñeñtcha' huapoya ñocop. ³³ Ñeñt'pa' atet otanet:

—Te'ña po'ñoçhpa' o'ca'ye ahueney Jerusaléño. Allcha' pomatatternet na Ñeñen Acheñetosets. Añcha' nerrmuerre' ñeñt pa'mcha'taretensesha' pen allohuen judionesha' po'cornaneshar ñaña ñeñt atarr etsotayenayeñ ñoñets ñeñt atet anaret. Ñetñapa' atetcha' otyesnet na'mtsaretterrepa'to' o'ch pomuerrnet po'poñ acheñesho ñeñt ama judioneshayaye. ³⁴ Ñetña pueche'tatseteñoñetanpa' allcha'ña achmāre'ternnet, ashternnetcha', a'coshare'ternnetcha' attotcha'ña o'ch corso'tampernet, tarraña poma'pamtañoçh alla netanterra.

Atto Jacobo ñaña Juan ñetpa' enamueñet Jesús attoch anorrcha'tyesuerret ñesho

(Mt. 20.20-28)

³⁵ Allempoñapa' atet oteña' Jacobo ñaña Juan ñeñt Zebedeo puechemeresha' ñeñt'pa' atet otoset:

—Maestrocha' yapa' aña'ye yemnen o'ch atet pe'pa'y ñeñtcha' yotaḗ.

36 Ñaña'pa' atet otanet:

—Sapa' ¿errofena'tña semnen atetcha' ne'pas?

37 Ñetña'pa' atet otereterr:

—Yapa' aña'ye yemnen te'pa' o'ch pemnatey o'ch yanorruerr pesho pecohuenño, puesheñarrofeypa' pecohuenrotcha' yanorryesuerr, po'psheñeñpa' pe'chcoterotcha' anorruerr allcha' yecohuentapreterrra'.

38 Jesúsña'pa' atet otanet:

—Sapa' amaca'ye señoiteñe ñeñt' po'ño'ch senamuenen. Aña'yeña senamuenen attoch semuerochtapreterra saña. Ta'm ¿e'ñe'te' po'ño'ch pocte' senteñ o'ch semuerochtterra saña tarro'mar napa' chocmach na'muerochtataretterra?

Ñeñt' muerochteñetspa' Jesús'pa' atet toma'ntatanet ñerra'mrrate' atarr pesherr es yorren orramtso ñaña atto yapatarettena e'ñe atet ñerra'mrrate' cho' ya'msaretterra Yomporecop.

39 Ñetña'pa' atet ochet:

—Yapa'cho'ña atetcha'ca'ye ye'pa.

Ñaña'pa' alla oterraneterr:

—Ñehua, po'ño'ch'pa' sa'muerochtataretterrach saña attescha' ñerra'm na, sa'msaretterrach saña. 40 Tarrña aña attoch sanorryesuerr nesho necohuenrot ñaña ne'chcoterot allcha' secohuentapreterra ñeñt'pa' amaca'ye naye' semnatenaye. Aña'ña anorryesuerrrets all ñeñt' e'ñe o'patatenna Nompor.

41 Aña'ña po'potantañ pueyochresha' ñeñt' charrasheña allempo e'met ñeñt' atet enamuen Jacobo epuet pa'mo'nasheñ Juan, ñetña'pa' ama pocteye' eñcheto cha muene' e'moñe'chet. 42 Allempoña Jesús'pa' alla chore'terranet allohuenet ñesho ñeñt'pa' atet otanet:

—Sapa' señoiteñe' ñeñt' atet pena po'poñ acheñenesha' ñeñt' ama judione-shayaye. Ñet ñeñt' pa'mcha'tareter penet e'ñech pa'mcha'nochteñocmañen pomnaren pa'yenan allohuen pueyochresha'chno. 43 Sapa' arepa'chña atteye' se'panna'tatsto e'ñe sommo'cheño'. Socoppa' aña'ña poctetsa. Ñerra'm erra'tsenotes atarr amcha'taretoyen entetsañ ñeñtes acheñes socoppa' añ poctetsa o'ch atet senterra ñerra'm ama esoshe'mayayso ñeñt' atet pena ñeñt' atta atarr taruaset po'potantañecop. 44 Ñaña ñerra'm erra'tsenotes ñeñtes muenene' o'ch atarr asherben entenset ñeñtesña acheñespa' añ poctetsa o'ch atet senterra ñerra'm ama esoyayso allochña'pa' attochña e'ñech cohuen setorrena po'potantañecop ama't ñaña allohuenacop atet ñerra'mrrate' acheñ ñeñt' atarr taruaset e'ñe atta. 45 Atet ñerra'm na Ñeñten Acheñetosets, napa' ama añecpaye' nehuapo afe patsro allochña'pa' sapa' o'ch atta atarr sesherbapuen na atet ñerra'mrrate' napa' atarr amcha'taret sentenen. Napa' añecopña nehuapa allochña'pa' nachña sesherbos'eña sa, ñeñto'marña napa' naña pomostsa nañeña o'ch nerromos socop attochña netsa'tuerrnasa so'chñar ñeñtes shontes pa'namen acheñes. Attochña sapa' amach sañeña rromatso so'chñiarecop.

Allempo Jesús'pa' a'crraterran puesheñarr aporo'yet ñeñt'pa' añ pa'so'cheñ Bartimeo

(Mt. 20.29-34; Lc. 18.35-43)

46 Allempoña'pa' o' cha'cha'tet Jericó. Allempo meterrerr Jericó't epuet pueyochresha' ñaña shonte' acheñenesha' e'ñe allpona serretterrra' allña e'ñe

toñetopñopa' ahuepa't anorros puešheñarr aporo'yet ñeñt' chocma enamare'tets quelle. Ñeñt'pa' añ pa'so'cheñ Bartimeo ñeñt'pa' Timeo puechemer.
 47 Ñaña'pa' eñotatoset añ huetsa Jesús ñeñt' nazareto'marnesha'. Ñeñt'ña aporo'yetpa' allenta rranare'ch atet otapan Jesús:

—jPemueraye'chnomna Jesúsocha' nanña! Papa' ñeñt'ep Davidna'tarep.

48 Acheñenesha'ñapa' čha muene' che'ptare'tnometña aporo'yetpa' atet otose:

—O'hua pemma.

Aporo'yetñapa' ello alla rranare'terrerr atet otererr:

—jPemueraye'chnomnañaca'ye Ayochreshate! Papa' ñeñt'ep Davidna'tarep.

49 Jesúsñapa' alla tomos atet otosan acheñenesha':

—Sečhore'chñaca'ye onepa' arr.

Ñetña chore'chet aporo'yetpa' atet ochet:

—Te'pa' čhopa cosherrtsa, ñapa' o'ca'ye agotosep. Petantnoma e'ñe tayecma.

50 E'ñe atet otuetpa' čha tantatsa čha a'meyanmue' allo ca'maṇna'tenapa' allenta ahuo' Jesúsesho. 51 Jesúsñapa' atet otap:

—Papa' ¿eso'tña pemnen ñeñt'cha' atet neṇosep?

Aporo'yetñapa' atet och:

—Añca'ye Maestro nemnen o'ch pecuatnomuen attoch o'ch cohuen nenterapa.

52 Jesúsñapa' alla otererr:

—Te'pa' ahuerrep e'ñe peñmañesha' tarro'mar atto atarr peyemtapna na ñeñt'ca'yeña o' e'ñe a'crraterrep.

E'ñepa'tcha' allorocma e'ñe cohuen enterra. E'ñe cohuerrtsapa' čha cota'nmue' ñaña Jesús allenet sen.

11

Allempo čhap Jesús Jerusaléno

(Mt. 21.1-11; Lc. 19.28-40; Jn. 12.12-19)

1 Atteñapa' o' čhacha'tet allame'tets Jerusaléno. Chapuet aspeno ñeñt' pa'so'cheñ Olivopen. Allñapa' allo'tsen anets ñeñt'pa' añ pa'so'cheñ Betfagé, po'poñpa'čho' allo'tsen anets ñeñt'pa' añ pa'so'cheñ Betania. O'ña čhappochet all anetso, 2 Jesúsñapa' atet otnoman epsheña pueyochresha':

—Sapa' o'ch sota o'ch sečhap a'yenteye' e'ñe allara anetso. Allñapa' allcha' sentos ashen rre'ptor all huanquëñet; ñeñt'pa' ama't puešheñarra acheñ amaca'ye monteña'. Ñeñt'ña ashenpa' o'ch sepyanṇpsospa' o'ch sanerrnan.

3 Ñerra'm esesha' sotapue': "¿Eso'mare't sepyanṇpenña ashen?" sañapa' atetča' sotosanet: "Yepartsesharca'ye muenene'ña añ ashen. Mameshapa' o'ch alla apuerrsa'."

4 Allempoña ñetpa' allenta ahuanmuet. O'ña čhappuet anetsopa' all entoset ashen ehuanca'ret e'ñe opellrronṇta'note'tsen all ten e'ñe toñoť. Ñetñapa' pueyanṇpsoset.

5 Allempoña puešheña'tets ñeñt' tomčha'tyets allpa' atet otapanet:

—¿Eso't sottenña arr? ¿Eso'mare'tcha' sepyanṇpsosña ashen?

6 Ñetña atet otapanet Jesúsapa' atetčho' otoset. Allempoñapa' atet otarettet:

—Ñeñt'epñapa' sanerca'ye.

7 Allempoñapa' allenta anerretña ashen Jesúsesho. Nohuerret pa'shtam ashnache'ñopa' Jesúsñapa' allenta monta'nmana ashen. 8 Shonte'

acheñenesha' ñetñapa' totma'tyesoñet pa'shtam toño allcha' oñem Jesús. Po'potantañechnoñapa' tsormro're'tyeset tsach pue'mo' rer allo topanetyeset toñ.

⁹ Allohuen acheñenesha' ñeññ otaçhetsa ñaña ñeññ cota'huanene' chenta' ñetñapa' puerrannarteñoñetpa' atet atarr cohuentatyesneññañetpa' atet otenet:

—¡Acsherrapo'ch allohueny! ¡Aye'choçhtaterrapo'ch Jesús ñeññ llesensen Yompor! ¹⁰ ¡Aye'choçhtaterrapo'ch Jesús ñeññcha' amcha'tarettertsa! Te'pa' o'ca' huerraña yatañ David pa'mcha'taretteña. ¡Aye'choçhtaterrapo'ch ñaña Yompor Parets ñeññ pue'ntaño'tsen!

¹¹ Atteñapa' çhap Jesús Jerusaléñopa' allenta ahuos Parets pa'paclo, all be'tosos, cohua'yesosan ora allohuen ñeññ allo'tsa'yen. Cohua'yeseña'pa' o' çha'nerrpa' ahuo' anetso Betanio allohuen pueyochreshohuen ñeññ çharra' puechena epsheña tarro'mar allempopa' o'ca'ye ellerren.

Allempo Jesús'pa' eñora higoçhecop amach eñalletatsto pue'mer

(Mt. 21.18-19)

¹² Tsapañ allempo onacha'ta'muenet Betaniot, Jesúsñapa' cheporra'nma. ¹³ All oñenet Jesúsñapa' a'yoteñ entosan higoçh ñeññ taya o' asopanre'terr. Ñaña'pa' allenta ponemya o'ch enteña' ñato' e'merette'. O'ña çhap alame'tetspa' pasopanrepa'tcha' entosñañ tarro'mar ama çhena' allempo me'ten. ¹⁴ Jesúsña çhepa'tcha' eñorostsa higoçhecop, ñeññpa' atet otos:

—Ama't errponañapa' amuepa'ch esesha' tsoмуerraye añ higoçh pue'mer. Pueyochresha'ñapa' e'ñe e'mueñet atet eños higoçhecop.

Atto Jesús'pa' a'cohuentatosan Parets pa'paquëll

(Mt. 21.12-17; Lc. 19.45-48; Jn. 2.13-22)

¹⁵ Allempo entuanman Jesús higoçh allempoñapa' o' alla çhaçheneterr Jerusaléño. Jesúsñapa' be'tosuener Parets pa'paclo, allñapa' allentepa'tcha' mueño'tuosan allohuen ñeññ pomatsre'tetsa all ñaña allohuen ñeññ raña'yetsa. E'ñe çha'nmaçha'tatosanet allot, a'coye'tamñsosanet po'mesaçhno allecma camyatyenet po'çllayoret, a'coye'tuosan ñaña allecma anorryen ñeññ pomuene'yepèçhno. ¹⁶ Allempo Jesús'pa' ama't puesheñarroña ama muenaterraneto o'ch es oñmatet all Parets pa'paclo'mar. ¹⁷ Allempoña yeçhatosanetpa' ñapa' atet otosanet:

—Yompor po'ñoñ ñeññ atet anuaret ahuatoteñ allñapa' atetca'ye oten Yompor: “Añ ñeññ nepaquëll nepenpa' añeçpaca'yeña sherben allecmach ma'yochennet ama't allohuen pa'namen acheñenesha'.” Tarraña sañapa' e'ñe atet sepeññañña Yompor pa'paquëll ñerra'mrrate' eñeñ ñeññ e'potyetsa mapuetpono.

¹⁸ Añña ñeññ pa'mcha'tareternesha' pen allohuen judionesha' po'cornaneshar ñaña añ ñeññ atarr etsotayenayeñ ñoñets ñeññ atet anaret, ñetñapa' allempo atet e'mare'tetpa' Jesúsepa'tcha' atarr o'patet o'ch muetsataçhet. Tarraña allempopa' ama erro't peto çha mecha'na'çhet tarro'mar allohuen acheñenesha'pa' atarrca'ye cosheññañet ñeññ atet yeçhatenanet, nanaç cohuen enteñet. ¹⁹ Allempoña o' ellerrenpa' onacheneterr Jerusaléño'pa' ahuaneneterr Betanio.

Arrpa' atto entuerret higoçh o' e'ñe hueya'hua

(Mt. 21.20-22)

²⁰ Tsapaña ahuatecma alla oñma'mueneterr allo'tsen higoçh. Entueneterpa' o' e'ñe hueya'huenaña higoçh e'ñe puerçhohuen. ²¹ Allempoña Pedro

allenta yerpana atet eños ellerro Jesús higohecop, ñaña'pa' allenta otosan Jesús:

—Maestro, pecua' añ higoch ñeñ potnom ellerro ama't esesha'pa' amach tso muerrñañeto pue'mer, te'ñapa' o' hueya'hua.

²² Jesúsñapa' atet otnomanet:

—Sapa'cho'ña e'ñeñaca'yeña seyemteraña Yompor. ²³ Po'ño'chca' na te'pa' o'ch notas: Ñerra'm ama'choye' se'charrtateno seyocher, ñerra'm po'ño'ch e'ñe seyemteña Yompor, ñachca'yeña atet pene'ña ñerra'm erroten es soten. Añe'nachña e'ñe setsoten ñeñ'ello atarr torrapo' senten. O'ch netma'ntacha atet ñerra'mrrate' añ aspenet. Ñerra'm eseshascha' otets aspentecop “Añ aspenetpa' rrote'tepa'ch arrot, arrepachña esha'toso sa'po allcha'chen-cosa”, aspenetñapa' atetcha'cho' pónasa. ²⁴ Ama't allohuen erra'tsencha' es senam sema'yocheño', ñerra'm cho senam e'ñe seyemteño'mañen, ñeñ'ñapa' sagapcha'. ²⁵ Ñaña te'pa' o'ch notnomues: Ñerra'm sema'yocheño' cho safen ñerra'm cho se'moñe'teñ po'psheñeñ chosach peretnerre' seyochro allorocma, allochñapa' Sompopor ñeñ'ento'tsen peretnernascha' saña ñeñ'atet sepatse'tyen ñeñ'ama pocteye' enteno ña. ²⁶ Tarro'mar ñerra'm ama sepretnannenopa' Somporpora'cho'ña ñeñ'ento'tsen amach peretnernaso saña ñeñ'atet sepatse'tyen ñeñ'ama pocteye' enteno ña.

Atto allsensarettena Jesús

(Mt. 21.23-27; Lc. 20.1-8)

²⁷ Allempoñapa' alla chacha'ta'mueneterr Jerusaléno. Jesúsñapa' all chopeñe'chen Parets pa'paclo. Allñapa' huacha'toña ñaña shonte' amcha'taretnesha' ñeñ'pa'mcha'taretnesha' pen allohuen judionesha' po'cornaneshar ñaña ñeñ'atarr etsotayenayeñ ñoñets ñeñ'atet anaret ñaña po'potantañ ñeñ'pompornesha' pa'yen allohuen judionesha'. ²⁸ Ñetñapa' atet otoset Jesús:

—Ñehua, yapa' añecop yehuena yemneñ o'ch potey ¿errofe't apuenpetña llesens? ¿Esesha'tña papuene'ña llesens attot porrtatyenña ñeñ'chocma attecma pe'pa'yena?

²⁹ Jesúsñapa' atet otapanet:

—Ñehua, napa'cho'ña nemneñ o'ch na'pto'tapas saña ama't patrra ñoñets. Ñerra'm sanaposencha'pa' napa'cho'ña attochña notapas naña allot apuenetña llesens ñeñ'fo'marña atet nepena. ³⁰ Sapa'cho'ña o'ch sotosen ñeñ'atet soctape'chen sa, ahuañmo'cha allempo apate't Juanañ Yomporcop, ñapa' ¿esesha'tña llesense' ñato' Yompor amapa' acheñafe' apue'ña llesens? Nemnen o'ch sotosen ñeñ'atet soctape'chen sa.

³¹ Ñetñapa' e'ñe a'nahua otanna'tyeset:

—Ta'm errotcha'ca'ye yochte'. Ñerra'm cha yoch Yomporshotca'ye apetña llesens, ñapa' chate'ca'ye otey: “Ñehua, sañapa' eso'mare'tña ama se'mñocheña ahuaña allempo serrpare'tatosan acheñenesha'.” ³² Elloña amach yotatsche acheñeshofa' apet llesens.

Ñehua, acheñenesha'ñapa' chate' e'moñe'chet amcha'taretnesha' tarro'mar acheñenesha'pa' e'ñe cohuen eñchete't Juanañ ñeñ'fo'marña chocma otyeñet ñapa' ñeñ'ca'yeña po'ño'ch a'mtose' Yompor po'ñoñ. ³³ Ñeñ'fo'marña amcha'taretnesha'pa' atet ochet Jesús:

—Ta'm yapa' amaca'yeña yeñoteñe; errotte' huapaña Juanañ, errotte' apetña ñaña llesens.

Allempoña Jesúsapa' atet oterraneterr:
 –Napa'cho'ña te'pa' amach notaso samña allot apareten namña attot atet nepa'yena.

12

Atet atma'ntatarettena ñeñt ataruasañechnopa' ama cohuenayaye
 (Mt. 21.33-46; Lc. 20.9-19)

¹ Allempoña Jesúsapa' alla serrpare'taterranerr acheñenesha' toma'nteñtso, ñeñtpa' atet otanet:

–Eñall puesheñarr acheñ ñeñt nare'tanatatomue' shonte' uvach; pa'muerñapa' e'ñe ora uvachmatatue. E'ñe concha'tam'pesue allotñapa' eñan ñama allcha' a'pecho'toñet uva po'ñer. Allñapa' tomatatnoman torrepo' allotcha' cohuan'psoñet pa'muer. Tomatuepa' na'nman ñeñtcha' taruasatats ñeñtcha' coyerrahuet allpon ñerra'm esempoch toteñet.

'O'ña nare'tanatatupepa' o' ahuo' po'poñ anetso ba'chayo. ² Chap allempo yen uvachllom'pa' ñañapa' mueñerran po'psheneñ pa'taruasañer o'ch enamuerra' uvachllom' po'psheneñ pa'taruasañereshesho ñeñt cohuan'pene' uvachma'. ³ Allempoña chen allpa' enamosan ñeñt allpon o'patena ña, arepa'tcha'ña es apapuenayefa uvachllom', elloña ñeñtpa' cha rremapueññañet pa'taruasañerpa' o' nalle'tapueñet, o' alla mueño'teret e'ñe atfa. ⁴ Allempoña ñeñt pamo'mte' pen uvachma'pa' o' alla mueñerranerr po'psheneñ pa'taruasañer. Allempo chenerr ñama allpa' ñapa'cho'ña cha rrolle'tapetpa' o' atser'rapueñet poñopa' cha es otnatapueñet. ⁵ Allempo o' alla mueñerranerr po'psheneñ pa'taruasañer. Ñeñtpa'cho'ña allempo chenerr ñama allpa' ñañapa' chepa'tcha' muetsapueñet. E'ñe atecma pa'yeset po'potantañechno—patanta'tetspa' nalle'tapueñet, po'potantañechnoñapa' cha amtsanatarettapuenet.

⁶ Ñeñt pamo'mte' penetpa' eñallmeñ ñama puesheñarr ñeñt e'ñe ño puechemer ñeñt atarr morrentena. Allempoñapa' atet ot: “Te'pa' o'ch nemñe all ñeñt e'ñe na nechemer. Ñato'rraña ñeñtpa' mecha'na'tapetcha'.” ⁷ Ñeñtpa'cho'ña ama't mameshapa' arepa'tcha'ña mecha'na'tapeto. Allempo entapoñet puechemer ñetñapa' atet otanna'tyeset: “Añmapa' ñeñtca'yeña puechemer ñeñtcha' o'paterraya pompor puenarem' esempo. Ñapa'cho'ña te'pa' o'chca'ye yemtsap' allochñapa' yachca'yeña e'ñe o'paterrayaña pompor puenarem'. Te'pa' o'ch ahuey o'ch yemtsap' ñama.” ⁸ Allempoña o' rremapoñet ñama puechemerpa' o'cho' muetsapet, huapore'teret allot uvachmot. Arrpa' allohua atet toma'ntata Jesús e'ñe ñañeña.

⁹ Jesúsñapa' atet oterranerr acheñenesha':

–Ñehua, te'pa' o'ch notas, ñeñt pamo'mte' pen ataruasañechnopa' ama't señoñeña sa atetcha' pohuerranet. Ñerra'm esempoch huerranet, pamo'mtayetpa' a'cllatuerranetcha', narmetsma'ñapa' o'ch apuerran po'potantañ.

¹⁰ Allempoña Jesúsapa' atet oterraneterr:

–Sapa' ama't ahuatapa' ama'tña selleyareña ñeñt atet anuaret Yompor po'ñoñ ahuatoteñ. Tarro'mar ñeñtpa' atet oten nocop, all atma'ntataretten mapue'. Ñeñtpa' atet oten:

Añ mapue' ñeñt ama pocteye' entyeno ñeñt tomatyene' pocoll, ñeñtña te'pa' o' anare'tterra ñeñtcha' ello atarr cohuen sherberrets e'ñe atet ñerra'm quellpach allo e'ñe cohuen echarr orratenet pocoll.

11 Ñeñtapa' Yomporca'yeña atet patene' ñeñfo'marña yapa' e'ñe cohuen yenteñ.

12 Ñeñt e'moñe'tene' Jesús ñetñapa' eñoteñet ñeñtapa' ñetca'ye atma'ntatarettenet, ñeñtapa' ñocpuetca'ye atet eñoreñaña Jesús. Allempoña ñetpa' atarr mueneñetañ o'ch rromuet Jesús e'ñe allorocma tarraña ama esesha' rromaye tarro'mar ñetpa' cha mecha'teñet acheñenesha'. Ñehua, acheñenesha' e'ñeca'ye cohuen enteñet Jesús. Ñeñfo'marña ñetñapa' quechpa'huaneret Jesús'pa' ahuanerret.

Atto a'pto'chet Jesús, pocte'te' o'ch tsa'tet impuesto
(Mt. 22.15-22; Lc. 20.20-26)

13 Atteñapa' chap allempo po'pocheño e'ñe a'nahua mueñeññañet puesheña'tets fariseonesha' ñesho ñaña puesheña'tets Herodes pueyochresha', tarraña ñetpa' añecpa amñare'ttenet attoch e'ñe puehquẽñofoet po'ñoñofoetpa' o'ch eñoratoset ñeñt ama cohuenayaye. Allochñapa' attotcha'ña otteñe'chet. 14 Ñeñfo'marña ñetpa' allempo chapuet ñeshopa' atet otoset:

—Maestrocha' yapa' yeñoteneþ papa' ama peshquẽno ama't mamesha ñaña ñeñt atto peychaten Yompor poctapña ñeñtapa' cho'ña e'ñe cohuenacma, ama shequẽntsoyaye ama't mamesha. Papa' allohuen acheñpa' e'ñe cohuen pentueñ; ama ña ñapueñ pemorrenteno ñeñt atarr amcha'na'tpo' entyen allohuen acheñenesha'. Ñeñfo'marña te'pa' yapa' yemneñ o'ch peñotatapuey erra'tsente'ña e'ñe po'ñoch cohuentetsa. ¿Pocte'te' penteñña pa o'ch yetsa'ta impuestos añecop ñeñt amcha'tarettetsa all anetso Romo ñeñt ama judioneshayaye? Ñato' amate' pocteyayeña yocop ñeñfey judioneshay o'ch yetsa'cha amcha'taret romo'marnesha' ñeñt ama judioneshayaye.

15 Jesúsñapa' eñotapanet ñetpa' chaca'ye shecare'teñet, ñañapa' atet otapanet:

—Sapa' eso'mare'tña semneñña o'ch seshcare'tosen. Ñehua, ama't atet setpatennoñpa' sorrta'tca'yeña puetallarr quelle o'ch necue'.

16 Ñetña apetpa' ñañapa' atet oterraneterr:

—Ñehua, sapa' o'ch soten, ¿esesha't sentenña ñeñt atma'ntatarettetsaña all? ¿Esesha't pa'so'cheñ aquellcarettetsa all?

Ñetñapa' atet ochet:

—Amcha'taretca'ye atma'ntarettetsaña all, ñoca'yeña pa'so'cheñ ñeñt aquellcarettetsa all.

17 Jesúsñapa' alla oterraneterr:

—Ñeñteþñapa' añ poctetsa o'ch yaþ amcha'taret ñeñt ño ñeñt atet poctetsa gobiernocop, tarraña ellonetña ñeñt Yomporo o'ch yaþ ñaña ñeñt atet poctetsa ñocop.

Ñeñña shequẽnayeñ atta cohuanrrorteñet tarro'mar Jesús'pa' atarrca'ye cohuen anapuenanet.

Atto a'pto'chet Jesús, ñerra'm po'ñochte' atanterrapo' rromot, ta'm, allem-popa' errotencha'ña yeperra

(Mt. 22.23-33; Lc. 20.27-40)

18 Allempoñapa' huacha'toña ñaña patantarr ñeñt saduceoneshatets. Ñehua, ñeñt saduceoneshatets ñetñapa' ellonet echenet poctapña ñeñfo'mar atet otenet amate' errotenot yetanterraña rromot ama't errponaña. Ñetñapa' atet otoset Jesús:

19 —Maestrocha' ahuat Moiséspa' atet quellconay ñoñets ñeñt poctetsa ñeñtcha' atet yeña. Ñeñtpa' atet otenña Moisés po'ñoñ: Ñerra'm esempo rroma yacma o'ch sa'nman puetapor tarraña ama chemere'tnomopa', añ poctetsa pa'mo'nasheñcha' alla yorerre'ña po'norrar allochñapa' attoch eñalletteraña ñeñtcha' puechemer perr pa'mo'nasheñeñ. Ñeñtpa' atetca'ye quellca'nmonayña Moisés ahuat. 20 Ñehua, te'pa' eñall cancherrsheña ñeñt e'ñe poctacma pa'mo'nasheñecmuet. Ñeñt puesheñarr popo'naretpa' o' yoran coyanesha' ñeñt puetapor pa'. E'ñe allponmatatsapa' o' rromaña, yacma ama chemere'tnomo. 21 Allempoña ñeñt po'rrocho'merpa' o' yorerran pa'mo'nasheñeñ puetapor. E'ñe allponmatatsapa' ñapa'cho'ña o' rromuerrerr ñaña, ñeñtpa'cho'ña ama chemere'tnomo. Allempoña po'psheñeñ pa'mo'nasheñpa' o' alla yorerranerr ñaña po'norrar. E'ñe allponmaterrtsapa' ñapa'cho'ña o' rromuerrerr ñaña ñeñtpa'cho'ña ama chemere'tnorrero o' atta rromuerrerr. 22 E'ñe attecma pohuet cancherrsheño'maretpa' e'ñe pueyoruarochet ñeñtara puesheñarr coyanesha'. E'ñe allohuenetpa' e'ñe attecma pet rromayestset ama't puesheñarrofetapa' ama chemere'tnomueto. O' rromapesuaña cancherrsheño'mar puerrollaresha'pa' cho rromatsña ñaña coyanesha'. 23 Te'ña ñerra'm po'ñochte' yetantena rromotpa' añña coyanesha' allempoñapa' ¿essha'tcha'ña puetapor perre' tarro'mar allohuenet cancherrsheño'maretpa' e'ñe pueyoruarochet?

24 Allempoña Jesúsapa' atet oterraneterr:

—Sapa' ñeñto'marca'yeña cha atarr sepanteñ tarro'mar amaca'ye çhennasoña seyochro ñeñt e'ñe po'ñoçh atet yeçhateney Yompor po'ñoñ ñeñt atet anuaret ahuatoteñ. Ñaña añña sepantatene' tarro'mar sapa' ama sepocteññañe Yompor po'huamenc. 25 Tarro'mar esempohuañen allempoch tanterret po'pocheño, allempopa' ama't puesheñarrofeta amach sena'terreto, ama't coyanesha'pa'cho' amach eseshaye' apuerraye ñeñtcha' yorerrahuet. Tarro'mar allempopa' e'ñech attet ñerra'm Yompor po'mllañoñeñaneshar ñeñt pue'ntaño'tsa'yen. 26 Sapa' ama'tña selleyareña ñeñt atet quellquét ahuat Moisés attoch señoçh ama't ñeñt o' colla'huapa' ñetñapa' corretseta. Ñehua, all aquellcayet tsachmo'r ñeñt e'ñe ñoña huortets. Allotñaca'yeña Yomporpa' eñorana'tanaña Moisés; ñeñtpa' atetca' otña Yompor allempo: “Napa' ñeñten Po'yomporer pen Abraham ñaña Isaac, ñaña Jacob.”

27 Jesúsñapa' alla oterraneterr:

—Ñehua, yapa' yeñoteñ Yomporpa' ama añeye' Po'yomporer penaye ñeñt rromuets e'ñe poctacma, ñapa' añca'yeña Po'yomporer pene' acheñ ñeñt corretsach. Attoña Yomporpa' e'ñe allame'ttsa entenamet allohuenet ñetñapa' bettetseta. Ñeñto'marca'yeña sapa' atarr sepanteñ.

Añmapa' ñeñt ñoñets ñeñt atarr sherbets, e'ñe metana'tuenan allohuen po'poñeçhno ñoñets
(Mt. 22.34-40)

28 Allempoña huapoña ñaña puesheñarr ñeñt etsotene' ñoñets ñeñt atet anaret, ñaña'pa' e'mosan ñeñt atet a'pto'tare'teñet Jesús. Ñaña'pa' e'mosan Jesús e'ñe cohuen anapuenanet. Ñeñto'marña ñapa'cho'ña allenta a'pto'tos, ñeñtpa' atet otos:

—¿Erra'tsena't ñoñtsor ñeñt atet anaret ñeñt atarr sherbets, ñeñt ello metana'tuene' ora allohuen po'poñechno ñoñets ñeñt e'ñe parro attecma anuaret ahuatoteñ?

²⁹ Jesúsñapa' atet otap̄:

—Ñeñt ñoñtsor ñeñt atarr sherbets ñeñt ello metana'tuene' po'poñechno ñoñetspa' ñeñtpa' atet oten: “Se'mñot israelneshacha' attoch señoch: Ñeñt Yeyomporer yepenpa' ñapa' e'ñeca'ye patrra ñeñt Yepartseshar yepen. ³⁰ Ñeñto'marña atarrep̄a'chña yemorrenteña Yeyomporer ñeñt Yepartseshar yepen e'ñe ora yeyochromañen. Ñaña e'ñe yecamquëñoñ yemorreñchach, ñaña yoctap̄ñoñhuen, ama't ñaña e'ñe ora yehuamencohuen.” ³¹ Allotp̄a' po'poñ ñoñets ñeñt atarr sherbets ñeñtpa' atet oten: “Atarrcha' yemorrenteña yamo'ts e'ñe atet atarr yemorrentena yañeña.” Añ epo'mar ñoñetspa' ñeñtca'yeña atarr sherbets, ñeñtña ello metana'tuene'ña po'poñechno ñoñets ñeñt atet anaret.

³² Allempoña ñeñt etsotene' ñoñets ñeñt atet anaret, ñañaapa' atet oterranerr Jesús:

—Maestrocha' p̄apa' e'ñeca'ye po'ñoñch atet p̄oten. Po'ñoñch Yomporpa' e'ñeca'ye patrra ama eñalleña po'poñ Yeyomporer patrraca'ye. ³³ Ñerra'm choch yemorrenteña Yompor e'ñe yeyochromañen e'ñe yeñoteñoñhuen, ñaña e'ñe yecamquëñoñ yemorreñchach e'ñe yehuamencohuen ñaña ñerra'm atarr yemorrenteña ñaña yamo'ts e'ñe atet atarr yemorrentena yañeña, ñeñtca'yeña atarr nanac sherbets. Elloca'yeña metana'tuena allohuen po'poñechno ama't ayarrachno ñeñt yemtsayen Yomporecop, ama't ñaña allohuen ñeñt yachamuen allo yesherbeñ Yompor.

³⁴ Jesúsñapa' atet eñch ñapa' atarr eñnotenar ñeñt atarr sherbets Yomporecop, ñeñto'marña atet otererr:

—Papa' amaca'ye atarr atonaye' pepallteno attoch e'ñe p̄agaphuerrñañ Yompor po'cohuenña atto ayochreshattena ña.

Allempoñapa' ama't puesheñarrotetapa' ama eseshaye' a'p̄to'tenaye' enterayeña Jesús.

Atto Cristo ñeñt Po'partseshar pe't David, elloñapa' o' alla po'mreneñ per (Mt. 22.41-46; Lc. 20.41-44)

³⁵ Allempoña Jesúsapa' alla yechaterraneterr all Parets pa'paclo. Ñeñtpa' atet oterraneterr:

—Ñeñt atarr etsotayenayeñ ñoñets ñeñt atet anaret, ñetpa' eso'marte'ña otyenet ñeñtcha' Cristotosets ñapa' aña po'mreneñ pene' David tarro'mar ñeñtcha' Cristoterrets ama aña po'mreneñ pene' David tarro'mar ñapa' Po'partseshare'naña pe't David. ³⁶ Tarro'mar ama't Davidpa' allempo eñorache't Parets Puecamquëñ, allempopa' atetca'ye eñose'tña añecop ñeñtcha' Cristoterrets:

Yompor Parets atet otennan ñeñt Nepartseshar nepen na (ñeñtara ñeñtcha' Cristoterrets): “Te'pa' o'ch panorruerr arr necohuenrot allcha' peco-huentapreterrna. Attochña ama't ñeñt pe'moñe'tene' napa' o'ch name'ñatuerranet allochñaapa' o'ch atet perret ñeñt pemnen p̄a.”

³⁷ Ñeñtpa' atetca'ye ote'tña David, ñeñtcha' Cristoterretsapa' ñeñtca'yeña Po'partseshar pe'tña ama't allempoteñ. Ñehua, ama't señoteñeña Cristo ñeñt Po'partseshar pe't Davidpa' ñeñtña te'pa' o' alla po'mrenñ per ñaña.

Ñeñfo'marña Jesús allempo ye'chatenan shonte' acheñenesha' ñetpa' e'ñe pocsheñesha' e'mñoteñet.

Atto Jesús'pa' a'metare'tenan ñeñ' etsotayenayeñ ñoñets ñeñ' atet anaret, ñeñ' atet ye'chenet ñetpa' ñeñ'pa' ama cohuenaye' entapretenaneto Yompor

(Mt. 23.1-36; Lc. 11.37-54; 20.45-47)

³⁸ All ye'chaterraneterr ñeñ'pa' atet otterraneterr:

—Amach semeñe'tapretatsche ommoñañenesha' pocta'ña ñeñ'tareta ñeñ'tet atarr etsotayenayeñ ñoñets ñeñ' atet anaret. Tarro'mar ñetpa' aña'ña atarr cohuen entenet o'ch chorrenet atarrrom shetamuets o'ch at'a yorma'tatse'tenet pa'shtam. Ñaña pommo'cheño'etpa' atarrcha' mueneñet o'ch e'ñe puen'cha'na'teño' e'ñech cohuen huom'cha'tenanet acheñenesha' all chopeñe'chyenet. ³⁹ Ñaña ñetpa' aña'nach atarr muenenet o'ch anorr'cha'tyenet judionesha' po'prahuo allecma anorryen ñeñ' atarr an'cha'na'tpo' entyen allohuen acheñenesha' ñaña e'ñe attecma penet ñaña all rrallme'chapretenet. ⁴⁰ Tarraña ñet'ña'pa' rretorrnanesha'ña puerrata'mpesyenetña pa'paquell. Elloña e'ñe pommo'cheño'etpa' aña atarr muenenet o'ch atet penet ñerra'mrrate' ñetpa' atarr cohuen acheñret ñeñfo'marña arr ma'yo'chyenet all shontena acheñenesha'pa' amach tematenayaya ma'yo'cheneto. Ñeñfo'marña te' napa' o'ch notas ñeñ' atet petsa pommo'cheño' elloña atarrcha' a'coñ'cha'taretterret.

Atto rretorrnanesha' ñeñ' atarr huocchañetets ñapa'cho'ña nosan quelle ñeñ' Yomporecop

(Lc. 21.1-4)

⁴¹ Allempo Jesús'pa' alla anen a'yenteye' allecma na'yenet quelle Parets pa'paclo. All'ña'pa' shonte' entenan acheñenesha' ñeñ' na'yene' quelle Part-socop, shonte' ec'llayoretensesha' ñeñ' na'yene' shonte' po'c'llayor Partsocop. ⁴² Jesús'ña allpa' at'a cohuenanet, huapa ñaña puesheñarr rretorrnanesha' ñeñ' atarr huocchañetets. Ñapa'cho'ña nosan eptallatoll quellayetoll ñeñ' cobretall, ñeñ' quellayerpa' ama tsa'teno, ama es sherbeno. ⁴³ Allempoña Jesús'pa' agotan pueyochresha'pa' atet otanet:

—Te'pa' o'ch notas, añ rretorrneshar ama't atarr huocchañpa' ñapa' po'ño'chca'ye atarr aton nosan quelle, ello metana'tuosan allohuen po'potantañe'chno allpon quelle ñeñ' na'yenet ñet. ⁴⁴ Tarro'mar allohuenet ñeñ' na'yenet quellepa' aña'ca'ye na'yenet ñeñ' a'pcha'tyenet, ñaña'pa' ama't atarr huocchañpa' e'ñe pomhuahuospan allohuen ñeñ' e'chyen ñeñ' muenatenaneñ attoch yoran alloch correna arr patsro.

13

Atto Jesús'pa' eñotatanet e'ñech a'mata'taretetuerra Partsopo'

(Mt. 24.1-2; Lc. 21.5-6)

¹ Allempo cha'nerrerr Jesús Parets pa'paclo't puesheñarrña pueyochresha'pa' atet och:

—Maestro, pecuaye'ch, atarruaca' co'chnesha'te' mapyet ñeñ' allo orat'yenet Partsopo', atarr co'chnesha'chnote' Parets pa'pacle'chno.

² Jesús'ña'pa' atet och:

—Ama't sentyeñ te' ñeñ' atarr co'chneshare' pocolle'chno tarraña esempop'a' cherrcha' allempoch e'ñe a'mata'taretetuerra. Ama't e'ñe puenarra mapyetpa' amach a'puerroña all allo orratenet Partsopo'.

Atto Jesús pa' eñotatanet shonte'ch entyerret pa'namen ñeñtcha' eñotaterrahuet o' cherrmoch allempoch mellapoterra
(Mt. 24.3-28; Lc. 21.7-24; 17.22-24)

³ Allempoña ahuenerr Olivoḡnopa' anorruenerr all, e'ñe alla yot Parets pa'pacloḡ. Allempo anen all e'ñe ñaptochayet allpa' aña epuet Pedro ñaña Jacobo ñaña Juan ñaña Andrés. Ñetñapa' atet oteñet:

4—Te'pa' yemneñ o'ch potey, ¿esempo'tcha'ña atet perra? Ñaña allempopa' ¿eso'tcha'ña yentyerr ñeñtcha' yeñotaterre' po'ñoçhpa' o'ch cherrmoch allempoch e'ñe etsotuerra ñeñt atet ḡteney te'?

⁵ Jesúsñapa' atet otanet:

—E'ñech señoterra allochñapa' amach esesha' seshquërraye. ⁶ Tarro'mar shonte'ch orrterrtsa ñeñtcha' ayçha'nataterre' neso'cheñ, ñeñtcha' otyerrets: “Napa' ñeñtcha'yeña Cristotets.” Ñetñapa' shonte'ch shequëret acheñenesha'.

⁷ Ñaña allempoña sapa' se'mare'tyerrcha' o' quellareñtsotyerr allampaño'mar, ñaña se'mare'tyerrcha' o' quellareñtsotyerra ora erraḡaren anetso'mar. Saña allempopa' amach çha seyorenatsto ama't e'ñe mamesha. Ñeñtcha' atetçha'ca'ye e'ñe po'ñoçh perra. Tarraña allempopa' amach çhena' allempoch e'ñe mellapoterra. ⁸ Pa'namen acheñ ñeñt e'ñe po'poñe'ttsocma mereñtsoretpa' ñetpa' quellaranna'terretçha'. Ñaña pa'namen anetso' amçha'tareteçhnopa' quellaraterrancha' pueyochrenesha'çhno. Pella'yerrach pats ora erraḡaren. Orrterrach allemeñ muecheñets o'ch e'ñe chaporrñatsotyerr erraḡaren. Orrterrach ñaña atpare'teñtsoçhno attoçhña atarrcha' ama'toçhtatanna'terret. Ñeñt atet o' notuas te'pa' ñeñtña allempopa' ñeñtcha'ña ñanom mueroçhtaterrahuetña allempo.

⁹ Sapa' señota'tach allempoch atet perrset. Sanmare'terrach amçha'taretsho allcha' otteñe'cherrset. Sashtaretterrach all judionesha' po'prahuo'mar. E'ñe same'ñeñoften na sapa' çhapaterrsetçha' amçha'taretshesho'mar ñaña allo'tsa'yen ñeñt nanac amçha'taretshesho'; sapa' allcha' sa'metosnanña neñoñ. ¹⁰ Ñaña allempoch ama mellapoterra'pa' añ cohuen ñoñets alloch sequeshperra ñeñtcha' ñanom serrpare'tatyeretña allohuen pa'namen acheñenesha' ora erraḡaren allohuanen añe patsro.

¹¹ Ñaña allempoch sanmare'tetyesa allcha' otteñe'cherrset ama't mameshapa' amach çha sellca'psatsto, amach sotapsa'tatsto errotuachca'ye notoste' amçha'taretsho allempoch a'ḡto'tare'tapuen. Allempopa' amçha'ña se'ñoratosé Parets Puecamquëñ. Attoçhña amach e'ñe sötaye' se'ñoroso, amçha'ña se'ñoratosé Parets Puecamquëñ. ¹² Allempoch atet perrsetpa' ñeñt e'ñe semo'nasheñ sepen ñato' ñeñtacha'ye sepomuerré' attoch muetsaterres tarro'mar ñapa' amaca'ye ame'ñenno. Amapa' ñato' pomporpa' o'ch pomuerran ñaña puechemer. Ama't ñaña puechemerpa' ñato' patparñoḡpa' o'paterranach pamo'mte' attoch muetsatater. ¹³ Shonte'ch acheñenesha' ñeñtcha' se'moñe'terre' tarro'mar sapa' naca'ye e'ñe same'ñena. Ama'tcha' atarr mueroçhtaterrsetpa' tarraña esesha'ch e'ñe ahuate' huanmue' e'ñe pueyemteñoften na, ñeñtcha'ña a'queshpatare'tterrtsa.

¹⁴ Ñehua, ahuat Daniel ñeñt a'mtaye't Yompor po'ñoñ, ña po'quellcopa' atet ote't: “Cherrcha' allempo ama't ñeñt ama masosyaye' enteno Yomporpa' ñeñtñapa' cherrcha' all ama't ñeñt e'ñe Partsocpa anareteñ.

Ñeñtpa' ñeñfachca'yeña e'ñe a'chencatuerrahuet." Ñehua, ñeñfcha' lleyerre' añ ñoñetspa' ñetñapa' eñoteretepa'ch. Ñeñto'marña ñerra'm esempoch senter o' çherr all ñeñt ama pocteyaye allempoña ñeñt allpon Judeo'tsa'yen ñetñapa' allorocmuepa'ch yetra'terret, ahuanerretepa'ña aspentareronet. ¹⁵ Atet ñerra'mrrate' puesheña'tets ñato' ñetña' allempoña' eno'tsa'yenetcha' pa'pacllato, ñetñapa' sohuetepa'chña tecma tarraña amachña be'tosatsetnomuetoña po'ponreto attoch yoratsre'tnomuet. ¹⁶ Ñaña puesheña'tets ñeñt pa'mro'tsenpa' allempoña ñetpa' amachña onatsterreto attoch erreta' pa'shtamuet. ¹⁷ Allempopa' atarrcha' llequēñets añecop ñeñt a'chomenare' coyanesha' ñaña ñeñt allohuen emaretetolleshachno. (Tarro'mar ñocpuetpa' atarr torrapo' attoch yetra'tet ñamet.) ¹⁸ Ñaña Yomporcha'ña sema'yocha allochñapa' amach çha huapoto allempoch seyeta. ¹⁹ Allempopa' orrterrach mueroçhteñets ñeñfcha' atarr mueroçhtaterre' allohuen acheñenesha'. Ñeñt ama't ahuatapa' ama pueмуeroçhtareto atet atarr nanac huomenc, ama't allempoteñ e'ñe errete' yeçhcatyene' Yompor allohuen pa'namen ñeñt yentyen arr patsro. Allempoña ellopa' amach atet alla mueroçhterrete'te ama't errronaña. ²⁰ Allempoch atarr amueroçhtaterretterret. Tarraña allempoña Yomporpa' ñach oterrets "te'pa' allohuach." Ñerra'm amach oto allohuachpa' allempoña ama't puesheñarrapa' amach esesha' qeshperrtso. Tarraña ñeñfña ame'ñenaya ña ñeñt acrenpa' ñocpuetñapa' oterrcha' "te'pa' allohuach."

²¹ Ñehua, allempoch orameñ mueroçhteñetspa' ñerra'm esesha' sote': "Secueña', arro'tsenca'yeña Cristo", amapa' o'ch otaset: "Secueña' tarro'tsenca'ye Cristo", sañapa' amach same'ñatstaneto. ²² Orreyerrachca'ye ñeñfcha' otyerrets ñapa' ño'ña Cristotets. Tarraña ñeñtpa' attachca'ye shecare'tyerranña acheñenesha'. Orreyerrach ñaña ñeñfcha' otyerrets ñapa' ño'ña a'ñtene'ña Yompor po'ñoñ, tarraña ñeñtpa'çho'ña e'ñech attecma shecare'tyerran acheñenesha', amachña Yomporreye'ña po'ñoñ a'ñteno. Ñeñfcha' atet shecare'tyerrets, ñetñapa' orrtatyerretcha' ñeñt ama't ahuata acheñenesha'pa' ama puentare, attochña cohuanrrortateretña acheñenesha'. Ama't ñeñt Yompor pa'crarnesharpa' mueneñetañcha' ñeñte'nachña shequēret. ²³ Señochepa'ch ama't ama çhena' mueroçhteñetsopopa' na allohuenpa' o' e'ñe notuas.

*Atetcha' perra allempoch huerra Cristo ñeñt Acheñetsosets
(Mt. 24.29-35, 42-44; Lc. 21.25-36)*

²⁴ O'chña huañerr ñeñt mueroçhteñetspa' allempoñapa' çhoch mayerrets ñaña atsne'. Arrorrrpa'çho'ña o'huañcha' atsnom. ²⁵ Rantoçhnopa'çho'ña shorçha'terrcha' entot. Ñaña ñeñt huomenc orra'yetsa ento te' allempoña ama't ñeñtpa' pella'yerrach. ²⁶ Allempoñapa' entapuerrnetcha' na Ñeñten Acheñetsosets o'ch nesuanperra osot e'ñe nepartsoteñohuen e'ñe necohuenteñesha'. ²⁷ Nemñercha' nenillaño'feñnaneshar, ñetñapa' a'yapacha'hueretcha' allenñateñ ñeñt acren Nompör nocop e'ñech pa'tatsshemto'marohuen allotecma orrnotena. E'ñech allenñateñpa' a'yapacha'hueretcha' e'ñe allohuanen añ patsrot.

²⁸ Ñaña te'pa' señochepa'ch ñeñt atet pena higoçh. Ñehua, esempoch senten higoçh o'ch emçachyen puetaçretollesha' allotcha' o'ch alla tapna'tyerrerr pasopaner, sañapa' ñeñtaña señoatene'ña o' çhenmoch allempoch huorateterrerr. ²⁹ Attecmach perra ñerra'm esempoch sentyerr

ñaña ñeñt allpono' notuas, sapa' ñeñtcha'ña señotaterre' po'ño'ch o'ca'ye çherrmoch allempoch e'ñe etsotuerria, o'ca'ye e'ñe allame'tsamerra. ³⁰ Napa' po'ño'ch o'ch notas, acheñenesha' ñeñt e'ñe corretsa te' ñetña amach e'ñe rromhueneta'pa' allempochmach e'ñech etsoterra allohuen añe'chno. ³¹ Esemphuañen añ enet ñeñt senten te'pa' e'ñech chenca'huerra; patspa'cho'ña attemmach perra e'ñech chenca'huerra. Tarraña ñaña neñoñpa' amach chenuerro ama't e'ñe ahuata.

³² "Tarraña ñeñt yetroch nohuerrapa' ñeñtñapa' ama eseshaye' eñotenaye. Ama't erro'tsente' atsne' ama't erro'tsen tsapro ñeñt'pa' ama't mellaño'eñnesha' ñeñt pue'ntaño'tsa'yen ñetpa'cho'ña ama't puesheñarrofetapa' amaña eseshaye'ña eñotenaye allempoch nohuerrerr po'pocheño. Ama't na ñeñfen Yompor Puechemeren napa'cho'ña te'pa' ama neñoteñe, ñapñaña Nompor Parets eñotene'.

³³ 'Sapa' seño'tach ñaña çhocmach seño'srtenna ñaña çhocmach sema'yochena tarro'mar sapa' amaña seño'teñe esempoch çherr ñeñt'ño' allempoch nohuerra. ³⁴ Ñeñt'pa' e'ñe atet ñerra'mrrate' puesheñarr yacma ñerra'm esempo ta bachayopa' o'ch na'nman pa'taruasañre'chno pa'paclo ñeñt'cha' apa'yenom taruas e'ñe puesheña'ttsocmuet. Ñaña po'poñ pa'taruasañer ñeñt'cha' cohuet yetarro' ñapa' atet'cha' otnom' pamo'mte': "Papa' çhocmach peño'sretna." ³⁵ Ñeñt'marña te'pa' o'ch notas: Chocmuepa'ch seño'srtenna na ñeñfen Samo'mte' sepen ñeñfen sena'nmue' na nepaclo tarro'mar sapa'cho'ña ama seño'tenno esempoch nohuerra. Ñato' ellerronet'cha' nohuena, ñato' rro'ch tsapo, ñato' puetarenmoch allempo eñen atollop, amapa' ñato' aromtañach nohuena. ³⁶ O'ch alla noterrerr: Chocmuepa'ch seño'srtenna, ñerra'm machayota nohuerrapa' ñato'rraña alla nentuerres sapa' cha atarr semanren. ³⁷ Ñeñt atet notenes sa ñeñt'pa' allohuenacpasca'ye, ñeñt'marña o'ch alla noterrerr: Chocmuepa'ch seño'srtenna allohuenes.

14

Atto atarr o'pateñet Jesús o'ch muetsatateret
(Mt. 26.1-5; Lc. 22.1-2; Jn. 11.45-53)

¹ Epomtameñ palltena o'ch alla çherrerr pascuapo allempoch rreranerr judionesha' pan ñeñt ama anareteyaye chase'. Ñeñtña pa'mcha'tareñenesha' pen allohuen judionesha' po'cornaneshar epuet ñaña ñeñt etsotayenayeñ ñoñets ñeñt atet anaret, ñetñapa' aña atarr e'nenet attoch shequët Jesús e'ñe a'nahua esheccha' rremuetpa' o'ch muetsatachet.

² Ñetñapa' otanna'tyenet:

—Tarraña te' pascuapo allempo shontena acheñesha'pa' amachca'ye yermatsche allañaca'yeña cha ya'tsrre'moçhtateñ acheñenesha'.

Atto puesheñarr coyanesha'pa' shosan eñmosa' Jesús poño
(Mt. 26.6-13; Jn. 12.1-8)

³ Pamtarrña Jesús'pa' Betanio'tsen all Simón pa'paclo, ñeñtña Simónpa' ñeñt ose't puetarñats. Jesúsñapa' all anen all rrallme'chen. Allñapa' huapoña puesheñarr coyanesha', huapatan eñmosa' ñeñt'pa' e'ñe ñeñtoche' ñeñt otenet nardo puese' ñeñt ama matsa'to. Huapatanñpes puetellm'o ñeñtña puetellen'pa' añ socheñet alabastro. Allempoña ñeñt coyane-sharpa' potam'psosan eñmosa'; ñeñtña eñmosa'pa' alla she' Jesús poño

all rrallme'chen. ⁴ Puesheña'tetsñapa' ñeñña čha atsrre'matanet, atet otanna'tyeset:

—Eso'mare'tña atfa a'pertatosañña eñmosať. ⁵ Ñeñ eñmosaťerpa' amaca'ye matsa'to. Chochñačo' pomoseña' ganañcha' shonte' quelle čhachca'ye metananeñña ñeñ trescientos denario. Allempoñapa' apa'yeseña'ña ñaña allohuen huocchañneshachno.

Ñeñtpa' atet sasare'chet coyanesha'.

⁶ Allempoña Jesúsapa' atet otanet:

—Semnachñaca'yeña coyanesha' ñeñ atet penen. Eso'mare'tcha' čha muene' satsrre'močhtana'tapa. Ñapa' atarrca'ye cohuen pošen. ⁷ Tarraña ama'tcha' čho pomosaneñ eñmosať alloch es apa'yeseñañ huocchañneshachno, tarraña čhocmachca'ye eñallña huocchañneshachno arr patstro. Ñerra'm esempo semneñ o'ch e'ñe cohuen sorrtatyesanet ñocpuet čhocmach atet sepanet. Tarraña ñaña'apa' po'ñočpa' amachca'ye allo'na sentenno arr patstro. ⁸ Añ coyanesharpa' añca'ye apuenen ñeñ allpon echyen. Ñeñ atto shosnan te' eñmosať nechtso, ñeñtpa' añečpa'naca'ye sherben tarremphua allempoch a'yana'terrnaneterr ñeñčha' epuet pampa'pesnet. ⁹ Po'ñočca'ye notenes: Ora erracmañen añ patstro errach serrpare'tatyenet añ cohuen ñoñets allempopa' serrpare'chetča' ñaña atet penen te' añ coyanesha', atochña ña'nach yerpunenet.

Atto Judaspa' pomuerran Jesús

(Mt. 26.14-16; Lc. 22.3-6)

¹⁰ Allempoña pueyochresha' ñeñ čharra' puechetsa epsheña, puesheñarña ñeñ pa'so'cheñ Judas Iscariote, ñaña'apa' allenta ahuo' allo'tsa'yen ñeñ pa'mčha'tareternesha' pa'yen allohuen judionesha' po'cornaneshar. Ñaña'apa' añečpa sen attoch pomataterran Jesús. ¹¹ Ñeñña atarr coshatenahuet. Ñetñapa' allempocma a'pochtachet čhocca'ye tsa'chetña Judas allpon quelle. Allempoña ñapa' aña e'ñe cotape'chyen errotenotča' pomuerranña Jesús.

Atto Jesúsapa' rrallme'chatnenan pueyochresha' attoch čhocmach yerpueret ñeñ yoten te' Santa Cena

(Mt. 26.17-29; Lc. 22.7-23; Jn. 13.21-30; 1Co. 11.23-26)

¹² Allempoña čhapa'muen ñeñ yetñatsro allempoch rrrertererr pan ñeñ ama anareteyaye chase' allempoch muetsrertererr ñaña carrnero; ñeñtpa' pascuapo. Chapa'muen ñeñ yeterpa' pueyochresha'ñapa' atet ota'mueñet Jesús:

—Te'pa' ¿erra't pemneñ allcha' yeta'muena allcha' ya'potonať ñeñčha' perra' pascuapo?

¹³ Allempoña ñeñ epsheña pueyochresha' ñeñčha' mueña, Jesúsñapa' atet otapanet:

—Te'pa' o'ch ahua'muenes anetso allcha' sepocte' puesheñarr yacma ñeñ anmamñene' oñ porrto. Ñeñña ačheñerpa' o'ch socta'ner. ¹⁴ Allcha' be'tosuerr allcha'ña sebetosos saña. Allña'apa' atetča' sotos ñeñ apaclatesha': "Yemaestrorpa' atet oteney atetča' yotoseť: '¿Erro'tsena'tña pecuarto allcha' nerrallme'chos pascuapo epan neyochresha'?' " ¹⁵ Ñeñ apaclatesha'pa' gatapascha' eno po'cuarto ñeñ atarr a'yohuen e'ñe cohuen a'pareť. Allcha'ña sañño'tosña ñeñčha' yerra' pascuapo.

16 Allempo atet otuanet Jesús pa' pueyochresha' ñapa' atet'cho' pet, cha ahuanmatset. O'ña cha'cha'tet anetso, e'ñe atet otapanetpa' ñet'ñapa' e'ñe'cho' atet entoset. Allña añño'tosñañetña rreñets allcha' rrallme'chet ñeñfe pascuapo.

17 Allempoña o' puenaso'tenpa' o' chap ña'ña Jesús all epuet pueyochresha' ñeñt' charrasheña puechena epsheña. 18 All anorrchenet all rrallme'choset, Jesúsñapa' atet otanet:

—Po'ño'chca' notenes: Puesheñarrofes sa ñeñfescha'ca'ye nepomuerre'. E'ñe puesheñarr ñeñt' e'ñe parro nerren ñeñt'cha'ca'yeña nepomuerre'.

19 Ñet'ñapa' cha atarr lleca'rrtet. A'pto'tyeset e'ñe puesheña'ttset:

—Ta'm amate' na nepomuerrmochape.

20 Ña'ñapa' atet oterraneterr:

—E'ñe puesheñarrofes ñeñtes charrasheñas sepchena epsheña ñeñt'ña net-sapechapretene' nerrar, ñeñt'cha'ca'ye nepomataterre'. 21 Po'ño'chca'ye te'pa' allo'na sen etsotnomtsa ñeñt' atet anuaret Yompor po'ñoñ nocop na Ñeñten Acheñetosets; attotcha' muetsaternet. Tarraña nocoppa' e'ñe pocte'; añña po'ño'ch acheñer ñeñt'cha' nepomuerre' ñocopñapa' atarr llequëñets. Añ acheñrecoppa' e'ñeca'ye pocteñ amachña'cho' eñalletatstañe.

22 All rrallme'chenet, Jesúsñapa' chetan pan parasyoso'tan Yompor. Parasyoso'tuepa' shota'tan panpa' apa'yesan pueyochresha'. Ñeñt'pa' atet otanet:

—Sagapyes, añmapa' ñeñt'cha'ña nechets sepen.

23 Allot'ñapa' chetan ña'ña orramets parasyoso'tuerrerrpa' apa'yerraneterr. Ñet'ña allohuenetpa' e'ñe orryesuahuet. 24 Jesúsñapa' atet oterraneterr:

—Añpa' nerrasca'ye sepeñ ñeñt'cha' ashatarettatsa shonte' acheñeneshapoc. Añ nerraspa' alloch e'ñe etserra a'pocataerra acheñenesha' Apuesho.

25 Na te'pa' o'ch notas: Amach alla norrerre'te añ narmetsos tayoteñ tarremphuach allempoch alla ello yorrerrerr parro allempoch añcha'taretetuerra Yompor.

Atto Jesús pa' eñotatan Pedro ñapa' chocmach a' nasocha

(Mt. 26.30-35; Lc. 22.31-34; Jn. 13.36-38)

26 Allempoña o' morrechuanmuet Yomporecoppa' ahuaneneterr Olivopno. 27 Allñapa' atet otosanet Jesús:

—Añ tsaprocma' sa allohuenespa' sa'ypo'ña' huanmuencha' tarro'mar Yompor po'ño'ña'pa' atetca'ye anuaret, ñeñt'pa' atet ote't Yompor nocop: "O'ch nemtsater ñeñt' cohuan'pene' carrnero, po'carrnerorñapa' chach marra'tyesa allemëñ."

28 Jesúsñapa' atet oterraneterr:

—Tarraña esempoch alla netanterra napa' nanomcha' oterrtsa Galileo.

29 Allempoña Pedropa' atet och:

—Ama't allohuenet ñerra'm a'ypo'ña' huerrpetcha'pa' naña ama't ahua'apa' amach na'ypo'ñerrpe.

30 Jesúsñapa' atet otererr:

—Po'ño'chca'ye o'ch notañ, añe tsaprocma' ama't e'ñe epocha amach eñena' atollop pa'ñapa' o'ch ma'poch pa'nasotenna.

31 Pedroñapa' alla otererr:

—Ama't'cha' yerrromhuanen parropa' naña po'ño'chpa' ama't parrocha amach na'nasotaño.

Allohuen pueyochresha'pa' ñetpa'cho'ña e'ñe atecma otyenetañ ñamet.

*Atto Jesús'pa' ma'yochuena all oteñet Getsemani**(Mt. 26.36-46; Lc. 22.39-46)*

³² Allotñapa' chap Jesús pueyochreshohuen all narmetsm̄o, ñeñtpa' añ pa'so'cheñ Getsemani. Allñapa' otosanet:

—Te' sapa' allach sanorrcha'tos arrma, napa' o'ch nema'yochena'.

³³ Allñapa' añ anmos Pedro ñaña Jacobo ñaña Juan. Jesúsñapa' ama't mameshapa' ama eñmateno pueyo'chro, cha nanac allpatena.

³⁴ Allempoñapa' atet otosanet:

—Napa' cha chepo'chenen nellquëña neyo'chro, cha muene' nerromuen nellquëño'. Sapa' allasa'tach arr secuapretosno'tach.

³⁵⁻³⁶ Ñaña'pa' ahuo' a'yenteye' all rremosa patso atet ma'yochosa:

—Apa, p̄ocoppa' ama eñalle ñeñt ama erroten apen penteno; ñeño'mar te'pa' notene'p amach pemnatatsche o'ch chapona ñeñt atarr amueroch'tatañ* nenten na. Tarraña ñerra'm pach muenatspa' añepa'chña atet pe'paton ñeñt pemnen pa, amachña añeyaye ñeñt nemnen na.

³⁷ O'ña atet ma'yochuapa' o' ahurr allo'tsa'yen pueyochresha' ma'psheña. O' cherr allpa' alla entuerranet ñetñapa' cha atarr manrrenet. Allempoñapa' otuerran Pedro:

—Cha't Simóna atarr pemos. Ama't mamesha are'tña acuenaye' penteno. ³⁸ E'ñe seño'se'rteño'tpa' choña sema'yochosa allochñapa' attoch amach sañeña a'puerrataterro topateñets ñeñt'cha' sehuapoya atarr huomenc. Ñeñtpa' ama't atarr semneñeñ tarraña sechetsñapa' amaca'ye ahuamen-cateye' penso, ñeño'marña notenes cho'cmach sema'yochena.

³⁹ Jesúsñapa' alla ahurrerr puepocheño o'ch ma'yocherrerr, ñeñtara atet otuerrerr. ⁴⁰ O'ña alla ma'yochuerra'pa' allempoñapa' huerrerr, alla entuerranerr pueyochresha' ñetñapa' o' alla manrre'reter, cha nanac atserr moñe'tenet. Ama eñoteñeto errotentcha'ña otapuerete't. ⁴¹ Jesúsñapa' alla ahurrerr ma'yochatsa. O'ña ma'yochuerra'pa' allempoñapa' alla huerrerr poma'pocheño'hua, atet otuerranerr pueyochresha':

—Ama't teme'ttsenpa' alla't semanrren; ama'tpa' alla sames. Te'pa' ñeñtepa'ta, seño'chepa'ch o' chap allempoch pomatater'net na Ñeñten Acheñetosets atotcha' errotuanen perren ñeñt atarr ochña'fenesha'. ⁴² Te'ñapa' setanterra o'ch ahuey o'ch yepocte'. Secue'ca'ye ñeñt'cha' nepomue' ñeñtpa' alla'tsena.

*Allempo rromoset Jesús**(Mt. 26.47-56; Lc. 22.47-53; Jn. 18.2-11)*

⁴³ All atet eñorena Jesús'pa' cha huapatsa puesheñarr ñeñt pueyochresha' peneñ ñeñt a'pchenahuet epsheña, ñeñtñapa' añ Judas. Ñaña'pa' huacha'tatan shonte' acheñenesha' occhelletareret ñaña etsachperetareret. Ñehua, añ ñeñt huacha'tsapa' añ mueñenahuet ñeñt pa'mcha'tare'ternesha' pen allohuen judionesha' po'cornaneshar ñaña ñeñt etsotayenayeñ ñoñets ñeñt atet anaret ñaña ñeñt pompornesha' pen allohuen judionesha'. Ñetca'yeña mueñene'ña ñeñt'cha' rromuenaya' Jesús. ⁴⁴ Ñehua, Judas ñeñt'cha' pomuerre' Jesús'pa' ñaña'pa' atet otnoman acheñenesha' ñeñt anom attoch cheme'toset Jesús. Ñeñtpa' atet otnomanet:

* **14:35-36** Ñeñt amueroch'tatañ ñeñtpa' po'ño'ch ñeñtpa' añ atma'ntataret ñerra'mrrate' ñeñt atarr pesherr yorren orran'tsot.

—Erra'tsencha' nehuom'cha'tos e'ñe netso'tstsapa'teño'pa' ñeñt'ca'yeña Jesús. Sañapa' ñeñt'cha'ña serrmospa' o'ch sanem' e'ñe sehuamencocma.

⁴⁵ Allempoña huapapa' cha ponmosaya Jesús huom'cha'tos e'ñe puetso'tstsapa'teñesha', atet otos:

—Tsapo, Maestrocha'.

⁴⁶ Allempoña acheñenesha'pa' ponmosyet Jesús'pa' rromoset e'ñe po'huamencocma.

⁴⁷ Allempoña puesheñarr ñeñt' Jesús pueyochresha' ñañapa' po'cchella cheta'pa' o'ch chonto'tapanen' cornesha' pueñañra puetepa'tcha' tsorroñ. Ñeñt'pa' año pueñañra ñeñt' pa'm'cha'tareter pen allohuen judionesha' po'cornaneshar. ⁴⁸ Allempoña Jesús'pa' atet otan acheñenesha':

—Eso'mare't sehuacha'tennanaña e'ñe occhelletareroches ñaña etsach-peretareroches attoch serrma'n. Napa' ze'ñe't atet sentenen ñerra'mrrate'eñeñ? ⁴⁹ O' allponmatuanen allo'tsenen Parets pa'paclo e'ñe parro se-sho, eso'mare'tña amaña allempocmaña serrma'ne'te. Ama'tpa' attepa'ca'ye perra allochñapa' attoch e'ñe etsotuerra ñeñt' allpon quellca'yese'tnocop ñeñt' a'mta'yese't Yompor po'ñoñ.

⁵⁰ Allempoña allohuen pueyochresha'pa' allorocma a'ypo'ña' huanmet, ñetñapa' yetrra'tuet.

Atto a'yetachet puesheñarr huepuesha' allempo muene' rromuetañ ñaña

⁵¹ Ñehua, allempopa' allo'tsen ñaña puesheñarr huepueshachor ñeñt' epuet ta Jesús. Ñañapa' cha muelle'mquën atta e'pamco'tnoma. Ñapa'cho'ña ahuo'ch rromuetañpa' ⁵² aña a'meyampereta' allo e'pamco'tena, huepueshachorñapa' muelle'mcota a'yetachet.

Allempo chapata'mueñet Jesús all ap'cha'muena allohuen judionesha' pa'm'cha'tareternesha' ñeñt' a'pocatyene' ñoñets

(Mt. 26.57-68; Lc. 22.54-55, 63-71; Jn. 18.12-14, 19-24)

⁵³ Acheñenesha'ña ñeñt' rromose' Jesús'pa' ñetñapa' arr anmet allo'tsen ñeñt' pa'm'cha'tareter pen allohuen judionesha' po'cornaneshar. Allñapa' all ap'cha ñaña ama't allohuen cornaneshachno ñeñt' pa'm'cha'tareternesha' pen judionesha' po'cornaneshar ñaña ñeñt' pompornesha' pen allohuen judionesha' ñaña allohuen ñeñt' atarr etsotayenayeñ ñoñets ñeñt' atet anaret judioneshacop. Ñetña allohuenet e'ñe all ap'heten. ⁵⁴ Pedropa' ñapa'cho'ña cote' tarraña ñapa' chenta' en a'yot. Cornesha' po'pampopa' allñapa' anorros epuet ñeñt' guardianesha' all a'torenat tso' all shotoset parro.

⁵⁵⁻⁵⁶ Cornaneshañña pa'm'cha'tareternesha' ñaña allohuen ñeñt' chocma a'pocatyene' allohuen ñoñets ñeñt' judioneshacop, ñetñapa' aña atarr e'nenet ñeñt'cha' a'metare'tam'psose' Jesús allochñapa' attoch muetsatachet. Ama't shonte' huapatsañ ñeñt'cha' toma'tam'psoseyeñpa' añcha'taretnesha'ña ama't puesheñarrofetapa' ama eseshaye' entayeña attoch muetsatateret tarro'mar allohuenet ñeñt' toma'tam'psoseyeñpa' ama e'ñe attecma'ye' otosetoña Jesúsocop. ⁵⁷ Allempoña tom'cha'tos ñaña po'potantañ; ñetpa'cho'ña toma'tam'psoset Jesús; ñetñapa' atet otoset:

⁵⁸ —Ya ahuañapa' ye'me'tca'yeña Jesús atetca'ye ote't: “Napa' o'chca'ye na'materrñañ añ Parets pa'paquëll ñeñt'pa' acheñaca'ye pueyechcatar; tarraña poma'pamtañoñapa' napa' o'chca'ye alla natomater po'poñ ñeñt'pa' amachca'ye añeyaye ñeñt' ye'chcaten acheñ.”

⁵⁹ Tarraña ama't atet toma'tanmpesyesosetaña'pa' ama e'ñe attecmaye' oতো-
seto.

⁶⁰ Allempoña cornesha' ñeñt nanac añcha'taret allenta tompa' atet otan
Jesús:

—Pañapa' ¿ama'tcha'ña ñapananeto? ¿Errofenote'tña otteñe'chenpet?

⁶¹ Jesúsñapa' ama eñoreno, ama anapuananeto. Allempoña cornesha'pa'
alla otererr:

—Te'pa' o'ch notap, nemneñ o'ch pōten pāpa' ¿pā'tña ñeñtepte'
Cristotsets? ¿Ñeñtepte' Parets Puechemerep, ñeñt Parets chocma
ya'ye'chochtateñañ?

⁶² Jesúsñapa' atet och:

—Napa' ñeñtenca'ye. Elloña napa' o'chca'ye notas, senterrencha' na
Ñeñten Acheñetosets o'chca'ye alla nanorruerr Parets po'cohuenrot. Ñaña
po'pocheño o'ch sentapuerren o'ch nesuanperra osot Yompor pue'ntañot.

⁶³ Cornesha'ñapa' ñeñta e'mpa' allenta rrarre'tan pa'shtam e'ñe pat-
srre'mueñoñ, ñeñtpa' atet ot:

—Te'pa' amachca'ye ye'natsche po'psheñeñ ñeñtcha' a'metam̄psose'. ⁶⁴ Te'
ama't sapa' o'ca'ye se'm̄ atet achm̄are'tenan Yompor. ¿Errofena't senteñña sa?
Ñeñta allohuenetpa' atet otyeset:

—Ña po'ñoçhpa' atarrca'ye nanac achm̄are'tenan Yompor, pocte'ñaçho'
te'pa' o'ch semtsatach.

⁶⁵ Allempoñapa' a'coshare'tyeset, huancacлле'chet pa'clloyotpa'
çhota'tyeset. Pachm̄are'teñoñet atet otyeñet:

—Te'ña eñoratenperrepa' Parets allochñapa' attoch pōtey esesha'te'ña
peçhota'tyene'.

Ama't guardianesha' ñetpa'çho'ña o' çhota'chet.

Atto Pedropa' a' nasotana Jesús

(Mt. 26.69-75; Lc. 22.56-62; Jn. 18.15-18, 25-29)

⁶⁶ Pedroña allempopa' patsote'tsen pampatollo. Allempoña allpa' huapa
puesheñarr coyanesha' ñeñt sherbene' cornesha'. ⁶⁷ Ñaña'pa' entosan Pedro
all shotenana tso'. Cohuana'tospa' atet och:

—Paca'ye e'ñe cotaye'tña Jesús ñeñt nazareto'marnesha'.

⁶⁸ Pedroña anapue'pa' çha a' nasochapa' atet och:

—Napa' amaca'ye nentareña, ama't napa' amaca'ye neñoteñeña ñeñt atet
pōtenen.

Allempoña Pedropa' ahuerr, çherr allotecma be'tenet o'ch çhapuet o'pono
pampo. Allempoña allenta eñen atollop. ⁶⁹ Allñapa' entuererr coyanesha'
ñeñt cornesha' pueñaña. Ñaña'pa' atet otterranerr ñeñt parro allo'tsa'yenet:

—Añ acheñerpa' ñeñtca'ye e'ñe parro yemtenet ahuaña.

⁷⁰ Pedroñapa' alla a' nasotererr. O'ña o'çhterrerrpa' ñeñt tomçha'tyets all,
ñetpa'çho'ña atet otereterr:

—Po'ñoçhca'ye pāpa'çho'ña e'ñeca'ye parro seyemtena tarro'mar
pāpa'çho'ña galileo'marneshapca'ye ñeñto'mar e'ñe atet peñen ñerra'm
ña.

⁷¹ Allempoña Pedropa' e'ñe puehquēñoñanetpa' atta otatse'tyerraneterr,
ñeñtpa' atet otanet:

—Napa' e'ñe Yompor pa'so'chño notenes, ñerra'm amate' po'ñoçho'ye'
notensopa'te'pa' nerromuepa'. Napa' po'ñoçhca'ye ama nentareña añ yac-
mar.

⁷² O'ña atet otuanetpa' e'ñepa'tcha' allempocma puepocheño eñenña atolop. Allempoña Pedropa' alla yerpuerrana ñeñt atet oteñ Jesús: "Ama't e'ñe epocha amach eñena' atollop pañapa' o'ch ma'poch pa'nasotenna." Allempoña Pedropa' allenta atarr yahuenta huomenc.

15

Allempo chapata'mueñet Jesús allo'tsen amcha'taret Pilato
(Mt. 27.1-2, 11-14; Lc. 23.1-5; Jn. 18.28-38)

¹ Tsapa't o' taya puetarenpa' ñeñtña pa'micha'tareternesha' pen allohuen judionesha' po'cornaneshar ñetñapa' ap'cha'mueneterr parro epuet ñeñt pompornesha' pen allohuen judionesha' ñaña añ ñeñt atarr etsotayenayeñ ñoñets ñeñt atet anaret epuet ñaña po'potantañ ñeñt po'taruas pene' o'ch a'pocatan ñoñets judioneshacop. Ñetñapa' cotape'chatannetset, attoña o' e'ñe a'pocata'mueñet atetcha' pa'mueñet Jesús. Jesúsñapa' o' huancota'tuet allempoñapa' anma'mueñet allo'tsen amcha'taret Pilato (ñeñt nen gobierno' Romot ñeñt amcha'tarettetsa allo'marneshacop). ² Pilatoña a'pto'tapan Jesúsapa' atet och:

—Papa' ¿pa'tña amcha'tarettetsaña judioneshacop?

Jesúsñapa' atet och:

—Napa' ñeñtenca'ye atet pōten.

³ Ñeñt pa'micha'tareternesha' pen allohuen judionesha' po'cornaneshar, ñetña allpa' shonte' pa'namenot otteñe'cha'mueñet Jesús. ⁴ Pilatoñaapa' atet otererr:

—Papa' ¿are'tcha'ña panapaneto? ¿Ama't pe'muenanetoña ñetpa' pa'namenot a'metare'tañpenpet?

⁵ Jesúsñapa' ama't e'ñe parrocha ama anapuenaneto. Ñeñto'marña Pilatopa' cha atarr cohuana'tapan Jesús.

Atto amcha'taret Pilatopa' otanet, ama'tpa' chosa muetse'ña Jesús
(Mt. 27.15-31; Lc. 23.13-25; Jn. 18.38-19.16)

⁶ Ñehua, ñetpa' atetca'ye yeçhenet. E'ñe pate'tets char allempoch çherrer pascuapo, ñeñtña amcha'taret ñeñt nen gobierno' Romotpa' ñañapa' çhocmach a'rroyerran puesheñarr judioneshacop ñeñt ayottañpsarettetsa allempo, ñeñtara ñeñt pamo'ts penet ñet. O'ch apanet erra'tsençho' ena-muenet ñeñt muenenet ñet. Ñeñtapa' añecop a'rroyenanetña puesheñarr pamo'tset attoch e'ñe cohuen coshatenan allohuen judionesha'. ⁷ Ñaña e'ñe allempopa' allo'tsen puesheñarr judionesha' ñeñt ayottañpsarettetsa ñeñtapa' añ pa'so'cheñ Barrabás. Ñehua, ñeñt Barrabás ahuañmo'çoteñ yottañpeñet epuet po'potantañ tarro'mar ñetpa' ñetca'ye yeçhatenetña acheñenesha' atpare'çetepa'to' amcha'taret ñeñt nen gobierno' Romot. E'ñe patpare'teñofo't o' muetset ñaña acheñ. ⁸ Allempoña acheñenesha'pa' çhaçha'tet Pilateshapa' ñetñapa' atet otoset:

—Te'pa' o'ch pa'rroyernay puesheñarr ñeñt atet çhocma peperrnaye't.

⁹ Pilatoñaapa' atet otapanet:

—Sapa' ¿añe'tña semnen o'ch na'rroyernas ñeñt amcha'tarettetsa judioneshacop?

¹⁰ Ñehua, Pilatopa' atet otapan acheñenesha' tarro'mar ñapa' eñotenan cornaneshachno pa'micha'tareternesha'pa' ñetpa' e'ñeca'ye pue'moñe'tateñme'chatsa pomueñetña Jesús. ¹¹ Tarraña ñeñt

pa'mcha'tareternesha' pen judionesha' po'cornaneshar ñetñapa' aña atarr cotape'chatenet acheñenesha' attoch ñetpa' allohuenetpa' o'ch ochet Pilato: "Añcha' pa'rroyernay Barrabás." ¹² Allempoña Pilatopa' alla oterraneterr:

—Ñehua, añ ñeñt soten judionesha' pa'mcha'tareter, ñapa' ¿errofe'tcha'ña nepe'?

¹³ Ñetña puerranare'teñoŕetpa' atet otyeset:

—Ñapa' ¡pecorso'tam̄psachñaca'ye!

¹⁴ Pilatoñapa' atet oterraneterr:

—Ñapa' ¿eso'tña pen ñeñt ama't mameshapa' ama pocteye' sentapreteñe? Ñetñapa' alla rrannarterretter huomencpa' atet oterretter:

—Ñapa' ¡choŕpañaca'yeña corso'tam̄psate'!

¹⁵ Pilatoñapa' añ atarr muenen o'ch coshatan acheñenesha' ñeñto'marña a'rroyernanet Barrabás ñeñt enamueñet. Allempoña ashtatan ñaña Jesús allotñapa' otan po'solltarneshar:

—Te'pa' o'ch secorso'tam̄peña'.

¹⁶ Ñehua, solltarnesha'ña ama aneñeta' allcha' corso'tam̄psoset arrña ñanom anmetña Jesús amcha'taretepahuo. Allña agotachet allohuen po'potantañ solltarnesha' ñeñt allo'tsa'yen o'ch e'ñe ap'chet Jesúsesho.

¹⁷ Allñapa' pa'llocchame'teñoŕet Jesús chorrachet shetamuets tsamamueno' quelluemamtena ñeñt pa'shtam pen ñeñt po'ño'ch amcha'tarettetsa. Pella'toñet ñaña choyo'mets agre'chpa' ñeñtña choyo'mitachet ñeñt atet choyo'mitena ñeñt po'ño'ch amcha'tarettetsa. ¹⁸ Pachm̄are'teñoŕetpa' atet oteñet:

—¡Puetare' amcha'taretecha' atarruaca' cohueñte'! pa' ñeñtēŕ judionesha' pa'mcha'taretereŕ.

¹⁹ Pueche'tatseteñoŕet asto'tame'teñet tsachpo poño, a'coshare'teñet, allempoña concorpana'teñet, ottenetañ ñerra'mrrate' cho' muechatse'teñet.

²⁰ O'ña achm̄are'tuahuetpa' allempoñapa' rrotam̄peret shetamuets tsamamuen chorrateret e'ñe ña pa'shtam. Allempoñapa' anmet a'yo allcha' corso'tam̄peñeta'.

Atto corso'tam̄psoset Jesús

(Mt. 27.32-44; Lc. 23.26-43; Jn. 19.17-27)

²¹ E'ñe ahuanmatsetpa' allña oñenetpa' o' poctet puesheñarr yacma ñeñt cireneo'marnesha' ñeñtapa' añ pa'so'cheñ Simón ñeñt errete' huerrtsa a'yot. Ñaña' allenta chechatnomet po'corsoch. Ñeñtña Simónpa' ñeñtapa' añ pompor pen Alejandro ñaña Rufo.

²² Chapachet all pa' socheñet Gólgota ñeñt yoten yeñoño Poñetalleŕno. ²³ O' chapachet allpa' Jesús'pa' aposetañ vinos ñeñtapa' añ atsetaret puerreto ñeñt atarr pesherr ñeñt otenet mirra tarraña Jesús'pa' ama mueno o'ch orr. ²⁴ Allempoña o' corso'tam̄psuetpa' solltarnesha'ñapa' allenta yellsheñe'chatoñet pa'shtam po'suertot attoch orrtet e'ñe puesheña'tsetpa' o'ch yorayesñañet pa'shtam puema'tets.

²⁵ O'ña enome'ta'muen atsne' allempoca'ye corso'tam̄psa'mueñetña Jesús.

²⁶ Ñehua, poñoŕpa' all corsocho all noñet tsachtall aquellcaret attochña eñoteñet ñeñtecop corso'tam̄peñet. Ñeñtña quellecpa' atet oten: "Añpa' ñeñtca'yeña judionesha' pa'mcha'tareter." ²⁷ Allña corso'tam̄psset epuet ñaña epsheña eñet, puesheñarppa' nosñañet po'cohuenrot, po'psheñeñña' nosñañet pue'chcoterot. ²⁸ Attoca'yeña etsoterraña Yompore po'ñoñ ñeñt atet

anuaret ahuatoteñ Cristocop; ñeñtpa' atetca'ye oten: "Ñapa'cho'ña e'ñech attecma enteret ñerra'mrrate' ñeñt atet patse'tyene' ñeñt ama pocteyaye."

²⁹ Ñeñtña oñmachets allpa' ñetpa'cho'ña chocma achmāre'tneñet. Pachmāñofetpa' coño'coñtana'tyesneñet, ñeñtpa' atet otyesneñet:

—Pa ñeñep pommō'cheñoipa' potatse'te't po'ch a'materrayeñ Parets pa'paquell, poma'pamtañocmo'ch alla patomatereñ, ³⁰ te'ñapa' pā'qeshpaterrañaca ye e'ñe pañeña, pesuerrañaca'yeña tayecma corsocho't.

³¹ E'ñe attecma achmāre'teñ ñama ñeñt pa'mcha'tareternesha' pen judionesha' po'cornaneshar ñama ñeñt etsotayenayeñ ñofets ñeñt atet anaret. Ñetñapa' e'ñe parrocmā pachmāre'teñoipa' atet otatse'tyeñet:

—Te'ña pāpa' o' pā'qeshpatyes po'potantañ, pāñapa' eso'mare'tcha'ña te'pa' ama errotentō pā'qeshpaterroña e'ñe pañeña.

³² E'ñe pachmāre'teñoipeta' atet otyereterr:

—Pāpa' ñeñtepo'ca'ye Cristototsañ, ñeñtepo'ca'ye israelnesha' pa'mcha'tareterpeñ, pesuerrañaca'ye corsocho't allochñapa' attoch yame'ñapa yama.

E'ñe attecma pe' ñama eñeñ ñeñt epuet corso'tamñepeñet, ñetpa'cho'ña atarr es otnare'chet allot po'corsocho't.

Atto rroma Jesús all po'corsocho

(Mt. 27.45-56; Lc. 23.44-49; Jn. 19.28-30; Heb. 9.11-14)

³³ O'ña chap poctopa' o'huañ atsnom o' e'ñe checmetua ora errapāren añe patsro, o'ña ellerrotentmochapa' o' alla puetarerr. ³⁴ Allempoña ellerrotentmochapa' Jesúsñapa' rrana huomenc, ñeñtpa' atet ot e'ñe ña po'ñoño:

—Eloi, Eloi, lama sabactani. Ñeñtña ñoñtsorpa' atet oten: Eso'maruachñaca'ye Neyompor-recha' pā'ypo'ñerren.

³⁵ Puesheña'tetsña ñeñt tomchets all ñeñt e'mue' atet oten Jesús, ñetñapa' amaca'ye e'mueññañeto po'ñoñ ñeñt atet oten, ñeñto'marña ñetpa' cha otyeset:

—Se'mueñe't o' cha chore'tante' Elías ñeñt a'mtaye't ahuat Parets po'ñoñ.

³⁶ Allempoñapa' mata puesheñarr ñeñt allo'tsen, e'chomosan chella'so ñeñt atso'tpo' o' ne' tsachpōpa' allotña tso'tatosañña Jesús. Ñañapa' atet otanet:

—Te'pa' o'ch yecue' Elías ñato'rraña o'ch huapapa' ñach a'suatose'.

³⁷ Allempoña Jesúspa' o' alla rranerrerr huomencpa' rroma. ³⁸ Allempoña besom allo yottamñeññañet Parets pa'paquell o'ponopa' ahuepa't rrrarra'nom e'ñe poctacma, ellopa'tetsta enoteñ e'ñe sotatsohua. ³⁹ Capitāñña ñeñt romo'marnesha'pa' ñeñt tets allame'tets ñañapa' e'ñe entenan Jesús atto rroma, allempoña ñapa' atet ot:

—Po'ño'chhuaca'ye añ acheñerpa' Partsepa'tca'ye Puechemer.

⁴⁰⁻⁴¹ Allo'tsa'yen ñama shonte' coyanesachno, ñetñapa' a'yota cohuanrrortenet. Ñetpa' ñetca'yeña cota'huanmue'ña Jesús Galileoteñ ñeñt sherba'yesaye't. Ñeñtpa' María Magdalena ñama po'psheñeñ María ñeñt Jacobo pachor ñama José. Ñehua, ñeñt Jacobopa' puechoyomer peñ José. Allo'tsa'yen ñama shonte' po'potantañ coyanesachno ñeñt cota'yesaye't Jesús Jerusaléno.

Atto pampuet Jesús

(Mt. 27.57-61; Lc. 23.50-56; Jn. 19.38-42)

⁴² Atteña'pa' o' ellerren. Ñehua, ñeñt yetñatsropa' allempoca'ye thocma añño'tena judionesha' ñeñt tsapatēcop allempoch ameserreterr.
⁴³ Ñeñto'mariña allempopa' Josēña ñeñt arimateo'marnesha'pa' ñaña'pa' ama puencha'ño'feye' ahuoso Pilatesho o'ch oteña' pocte'ch eñch ñach a'suatoše' Jesús ñeñt rromuets corsocho. Ñehua, ñeñt Josēpa' atarr cohuen acheñ, atarr añcha'na'tpo' enteñ allohuen ñeñt parro a'pocatenet ñeñt llequēna allohuen judionesha'. Ñapa'cho'ña ñeñt atarr cohuenē' Yompor esempohuañencha' o'ch atarr ayochreshatterra. ⁴⁴ Allempo atet enamosan Pilato, Pilatoña'pa' atet ot:

—Ta'm ĩpo'ño'chte' o' rromaña e'ñe mamecma?

Allempoña'pa' agotan solltar po'captanerpa' a'p'to'ch:

—ĩPo'ño'cha't o' rromaña Jesús?

⁴⁵ Capitánña'pa' atet otos:

—Po'ño'chca'ye o'ca'ye rroma.

Pilatoña'pa' atet otan José:

—Ñeñfepña'pa' pa'suater corsocho'tpa' panerca'ye.

⁴⁶ Josēña'pa' allenta rañtosana emarr shetamuets, cherr corsochopa' a'suatteraña Jesús corsocho't all rromuen. Epatse'ch shetamtso ñeñt e'ñe cohuen. Allempoña'pa' aneñ allcha' pampueña'. All eñatenan mapuetpon allca'yeña nenana'ña Jesús. Allempoña'pa' attome'tuerrñañ mapue' allo yot-tam'pesner ñeñt puepampuer pa'ch. ⁴⁷ All cohueñ María Magdalena ñaña po'psheññ María, Josē pachor. Ñetña'pa' e'ñe enteñet all na'neret Jesús.

16

Atto tanterra Jesús

(Mt. 28.1-10; Lc. 24.1-12; Jn. 20.1-10)

¹ O'ña huañ yet allempo amesenet, María Magdalena ñaña Salomé ñaña po'psheññ María ñeñt Jacobo pachor, ñetña'pa' rañña'yesnenet eñmosaf ñeñt'cha' anma muenet tsapat Jesús puepampro alloch a'yana'tereta' ama't rromota. ² Tsapat allempo motta'muena yetñats temenc ñetña'pa' e'ñe ahuatecma ahuanma'muenet Jesús puepampro. O' taya huapa'muena at-sne'pa' allempo ahuanma'muenet. ³ Ñetña'pa' otanna'tyesnomuet:

—Ta', esesha'ch a'rrote'te'ña mapue' añecmuen ñeñt allo yottam'peñet attoch yebe'tos all puepampro esheccha' ya'yana'tera' eñmosaño.

⁴ Ñetña' thapatseta all, cohuostseta entoset mapue' o' a'rrote'tarettena a'yenet, ama't ñeñt mapue'pa' añecmuen. ⁵ Ñetña' allempo be'tososet puepampro allña'pa' all entoset puesheñarr huepuesha' all anen po'cohuenrōt. Pa'shtamñapa' atarr huallama't, cha torats panet pueyo'chret. ⁶ Ñeñña mellaño'feñerpa' atet otapanet:

—Amach cha seyorenatsto. Napa' neñotenes añca'ye semnen o'ch senta'mueñ Jesús ñeñt otenet nazareto'marnesha' ñeñt o' corso'tam'perret. Tarraña ña te' o'ca'ye tanterra, ama arro'tsenaro. Secueña'ca'ye all neretañ, amaca'ye eñalle.

⁷ Allempoña mellaño'feñña'pa' alla otterraneterr:

—Te'pa' o'ch ahuerres o'ch sotuer Pedro ñaña po'potantañ pueyo'chresha', Jesús oten o'ch ota o'ch ahuer Galileo. Choscha'ña ahuanmatsa samña allochña'pa' allcha' senter ñeñt atet otase't ahuaña.

⁸ Allempoña coyaneshachno atet otaretet all Jesús puepampro, ñetña cha'nmachherretpa' matenacma ahuanerret po'yornofetpa' cha yonshema'tyesnerret. Ponchañofet ama't e'ñe eseshapa' ama errotenaye' otenaye' entnerreto.

Allempo tanterra Jesúsapa' añ ñanom orrterra María Magdalena
(Jn. 20.11-18)

⁹ Ñehua, ahuaetecma tanterra Jesús añe yetro allempo motta'muenerr yetñats temenc. Allempo tanterrapa' añ ñanom orrterra María Magdalena. Ñeñña Mariapa' cancherrsheña oneñet ñeñt chorraye't Jesúsñapa' e'ñe quechpatam̄psatuer. ¹⁰ Maríañapa' allenta ahuo' o'ch otenana' ñeñt epuet yemte't Jesús all puellqueñofet atarr yahuanrrortenet. ¹¹ Ñetña allempo e'mare'chet o' tanterra Jesús, Mariapa' o'ca'ye enter, ñetñapa' arepa'tcha' ame'ñyeto.

Allempo Jesúsapa' orrterrana ñaña epsheña pueyochresha'
(Lc. 24.13-35)

¹² Po'pocheño Jesúsapa' e'ñe po'poño't orrterrana epsheña pueyochresha' allempo chopeñe'chneñet allampaño'mar. ¹³ Ñetñapa' allenta puerrerret o'ch otueret po'potantañ, arepa'tcha'ña ame'ñaretapuerreto ñeñt atet enteret ñamet Jesús.

Atto Jesúsapa' otnerran pueyochreshachno ñetpa' atetcha' pa'yerret
(Mt. 28.16-20; Lc. 24.36-49; Jn. 20.19-23)

¹⁴ Po'pocheño Jesúsapa' alla orrterrannerr pueyochresha' charrasheña ñeñt puechetsa paterr all rrallme'chenet. Ñañaapa' atet cotape'chatuenanetpa' atet otuenanet:

—Sapa' eso'mare'tña ama same'ñeñoña po'potantañ ñeñt sotene' napa' o'ca'ye netanterra tarro'mar ñetpa' choca'ye enternet. Tarraña sapa' amaca'ye es sechenoyo seyo'chro.

¹⁵ Allempoña Jesúsapa' atet oterraneterr:

—Te'pa' o'ch auyeses ora erraparen allohuanen añ patser, seserrpare'tach allohuen acheñenesha' añ cohuen ñoñets alloch a'queshpatareterret.

¹⁶ Allohuen ama't erra'tsena ñeñtcha' ame'ñerraya añ cohuen ñoñets ñaña ñeñt pame'ñeño'etpa' apatareterretcha' ñetñapa' a'queshpatareterretcha'. Tarraña ñeñtcha' ama ame'ñerrtso, ñetñapa' amñare'terrach coñcheñtso.

¹⁷ Ñeñtcha' name'ñerraya ñocpuetpa' norrtaterranetcha' nepartsoña. E'ñe na neso'chñoch quechpatyesetcha' oneñe'fchno, ñaña eñosyesetcha' po'poñe'ttso'cma ñoñtso. ¹⁸ Ñaña ñerra'm e'ñe pototet chetetcha' shechep, tarraña amach erro't paneto; ñaña ama'tcha' añ orret ñeñt amtsañtetsa tarraña amach erro't paneto. Ñaña ñerra'm esempoch a'plla'yeñet atснаñeñt, atснаñeñtapa' acrrerroche'ch.

Allempo a'terr Jesús pue'ntañ
(Lc. 24.50-53)

¹⁹ O'ña atet otuanerranet Partsesha' Jesúsapa' allenta a'tapater Pompor pue'ntañ, allñapa' anorrnen e'ñe Pompor po'cohuenrot, all partso'tapretuera. ²⁰ Pueyochresha'ñapa' ahuanomyeset, serrpare'tyesnomuet erraparen. Partsesha' Jesúsapa' chocma torrapretenanet, orrtatenanet po'partsoña attoch acheñenesha' e'ñech eñotenanet ñeñt atet serrpare'tyenet, ñeñtapa' e'ñe po'ño'ch Parets po'ñoñ. Ñeñtapa' attetepa'ch Nompore. Allohua.

COHUEN ÑOÑETS ÑEÑT QUELLCA' SAN LUCAS

Ñehua, aña'pa' ñeñtca'yeña e'ñe pa'moter penña serrparñats

1-4 Masheñe Teófilo, papa' peñoteñ ahuañmo'chapa' pa'namen esocmañen ñeñt atet etsotayese't Jesús acheñenesesho ñeñt e'ñe ñanom ame'ñaya ña, ama't teme'ttsen yocpa'ñaña ñeñtey o' yame'ñera yaña. Ñaña allem-poteñ Jesús'pa' orrtana pa'namen acheñenesha' ñeñt entyesaye't e'ñe al-lame'tets. Ñetñapa' e'ñe entuoñete't allohuen ñeñt atet pa'yese't. Ñetñapa' serrpare'tyesete't atet oten Yompor po'ñoñ. Attotña eñotaterryetña yaña. Ñeñt atet eñotatyenet ñetpa' shonte' acheñenesha' quellca'yesetañ ñeñt atet posa Cristo allempo huapa. Ñeño'marña napa'cho'ña e'ñe pocte' nenteñ o'ch nequellconap e'ñe ora allpon ñeñt atet orrtatos Jesús, tarro'mar napa' ahuañmo'choteñ atarr noctape'cheñ o'ch e'ñe neñoche erroten'eña ñeñt e'ñe po'ñoñ atet pa'yososa Jesús. Ñeño'marña te' arrpa' o'ch e'ñe neñotapa' ora allpon ñeñt o' etsotua allochñapa' attoch e'ñe peñotuer paña ñeñt allpon yeçhatenpetpa' ñeñt'pa' e'ñe po'ñoñ atet. Ñehua, arrpa' atet o' etsotua.

Ñehua, te'pa' o'ch neserrpare'tatap atto mellaño'eñpa' eñotatanet o'ch eñalleta Juan ñeñtcha' apatañatsa Yomporecop

5 Ahuat allempo añ añcha'tarettatse't Herodes all anetso Judeo, eñall ñaña puesheñarr ñeñt judionesha' po'corneshar. Ñeñt'pa' añ pa'so'cheñ Zacarías ñeñt çhocma yemtenana po'potantañ cornaneshachno ñeñt otenet Abíasona'tar ñeñt torratse't Yompor pa'paclo. Zacarías puetapor añ pa'so'cheñ Elisabet; ñapa'cho'ña corneshapnor ñeñt po'ñireneñ pen Aarón ñeñt corneshatatse't ahuat. 6 Ñetña epsheño'maretpa' Yomporñapa' e'ñe pocte' entenanet ñeñt atet penet ñet, e'ñe cohuen etsotueññañet ora po'ñoñ ñeñt atet anaret ahuatoteñ acheñenesahacop ñeñtcha' atet pohuenet. Ñeño'marña ama't puesheñarrapa' amach errotenot otaretteto, "ama pocteyaye ñeñt atet sepena." 7 Ñetpa' ama eñalleto ama't puesheñarra pacne'ter tarro'mar Elisabetpa' ama achoyore'tañeyaye. Ama't ñaña puerrollar epsheño'maret o' atta po'nme'tuenet.

8-9 Atteñapa' çhap allempo torrena allohuen cornaneshachno ñeñt epuet parro yemtena Zacarías atto corneshatenet Yomporecop. Ñehua, allem-popa' allohuen ñeñt corneshatatse't Yomporecop, ñetñapa' añ yethete't ahuo'ch yellsheñe'chenet allohuenet attoch eñoche't po'suertot erra'tsencha' puesheñarrer ñeñtcha' be'tosets Yompor pa'paclo allcha' a'çrratan ñeñtcha' eñmosañtatsa Yomporecop. Allempona pamtarrpa' aña orrtatsa Zacarías ñeñtcha' be'tosets Yompor pa'paclo allcha' a'çrratan ñeñtcha' eñmosañtatsa Yomporecop. 10 Ñehua, allempo çhap allempoç be'tosos puesheñarr Yompor pa'paclo shonte' acheñenesha' ñetñapa' allach tomcha'tet a'yot allcha' ma'yochrra'toset. Ama't allempo be'tosos Zacarías'pa' atterach ma'yochrra'tet a'yot. 11 Ñehua, Zacarías allempo sherbenan Yompor o'pono, allñapa' machayotepa'tcha' orrtotña Yompor po'ñllaño'eñer. Arr tomos altar

po'cohuenrot, ñeñt' altarpa' allecma a'crratenet ñeñt' eñmosañtetsa Yomporecop, ñeñtpa' atto sherbete't Yompore. ¹² Allempo orrtoña mellañoñeñ, Zacaríasñapa' atarr yoren, atarr nanac mecha'ch. ¹³ Mellañoñeññapa' atet otosan Zacarías:

—Zacarías, amach peyorenatsto tarro'mar Yomporepa' e'muennañ ñeñt' atet penamueñ pema'yocheñoñ. Ñeñto'marña te' petapor Elisabetpa' eñalletaterrancha' paterr asheñorr ñeñt' e'ñe po' pechemer, ñeññapa' pe-sochcha' Juan. ¹⁴ Papa' atarrcha' p'ocshena nanac. Shonte'ch acheñenesha' ñeñt'cha' nanac p'ocshapretaya atto o' eñalleta pechemer. ¹⁵ Ñapa' atarrcha' asherben enteñ Yompore. Ñapa' amach orrarñañeyaye, ama't vinosapa' amach orreñe. Ama't ñaña pa'namen ñeñt' aposa'tpotetsapa' amach orreñe ama't mamesha. Ñapa' e'ñech aña chorraya Parets Puecamquëñ. Ama't allempoteñ pachor pa'to'tsen ñapa' e'ñech chorreña Parets Puecamquëñ.

¹⁶ Allempoña mellañoñeñpa' alla otererr:

—Ñapa' cohuencha' cotape'chaterran shonte' israelena'tarnesha' allochñapa' attoch cotape'cherret e'ñe cohuen Yomporecop ñeñt'cha' Po'partseshar perret. ¹⁷ Ñeñña Juanpa' ñeñt'cha'ña ñanom orrtatsa Yomporecop. Ñapa' añcha' ahuamencat pene' Yompore Puecamquëñ atet pe't ahuat Elías ñeñt' a'mtaye't Yompore po'ñoñ. Allochñapa' attoch e'ñe cohuen amo'tstaterrana achemerete'chno puechemerasha'. Allochñapa' ama't ñeñt' atpare'tetsapa' o'ch ame'ñaterranet ñeñt' e'ñe pocte' es pets. Attochña cotape'chaterranet cohuen, allochñapa' attoch agapueret Partsesha' ñerra'm esempoch orrta.

¹⁸ Zacaríasñapa' ahuo' a'p'to'tan mellañoñeñ, ahuo' och:

—Ta', ¿errotenochña neñoch e'ñete' po'ño'ch o'ch eñalleta cheshatoll? Tarro'mar napa' o' nepo'nme'ten; netaporpa'cho'ña e'ñe attecmay o' atarr yepo'nme'tuen.

¹⁹ Mellañoñeññapa' alla otererr:

—Napa' ñeñten Gabriele'tets ñeñten sherbene' Yompore. Napa' ña nellensene' attoch ne'ñorana'tapa' o'ch neñotatañ añ cohuen ñoñets. ²⁰ Tarraña papa' ama pame'ñenno ñeñt' atet noteneñ, ñeñto'marña te' papa' o'ch po'panat, amach eshec pe'ñorerro tayoteñ tarremphoach allempoch eñalleta pechemer, allempochña pe'ñorerra. Tarro'mar po'ño'ch etsoterrach ñeñt' atet o' notuap' o'ch chap allempo onañcharef. Arrpa' allohua ñeñt' atet ot mellañoñeñ.

²¹ Atto' ellapes Zacarías o'ponopa' acheñenesha'ñapa' cohueñet a'yot ama cha'nerro. Atto' cohueñetpa' otanna'tet:

—¿Eso'marte' amo' cha'nerroña Yompore pa'paclo't?

²² Allempoña cha'nerrpa' ama eshcaye' eñorana'tuerraneto. Ñetñapa' otyenet pueyo'chreto, ñato' chote' es orrtoya Yomporecop ñeñto'marte'ña atarr ellapes o'pono Yompore pa'paclo. Ñaña'apa' ama eshcaye' eñorana'tuerraneto, potota eñotatuerranet ñeñt' atet ent Yompore pa'paclo.

²³ Allempoña o' chap allponmat ñeñt' atto sherbenet Yompore pa'paclo, Zacaríasñapa' o' ahuer pa'paclo. ²⁴ E'ñe allponmatatsapa' o' achomenta puetapor. Allempoteñña Elisabetpa' ama mueno o'ch orrterra acheñeneshesho. Ama't o' amnarnña arrorrrpa' ñaña'apa' ama orrteno. Ñaña'apa' atet oten:

²⁵ —Te'ñapa' atarr cohuen muera'na Yepapar, allochñapa' o'huañcha' allo'na pencna'ntatnennet tarro'mar napa' otyennet mue'chopeno'.

Atto mellañoñeñpa' eñotatanet o'ch eñalleta Jesús

²⁶ Allempoña o' pechapña arrorr achomenta Elisabet, Yomporña'pa' o' alla mueñerranerr po'millañoñeñer ñeñfara Gabriel. Arr mueñe anetso Nazareto ñeñfara Galilea. ²⁷ Allempoña chap Nazareto, allña'pa' orrtosana puesheñarr shopshesha' ñeñt ama a'pllareteyaye. Ñehua, ñeñt shopshe-sha'pa' añ o'patenaya yacma ñeñt'pa' añ pa'so'cheñ José, ño'ch yore'. Ñeñña shopshesha' arroñ eñalletña David po'mñrenñoñ; ñeñt'pa' añ pa'so'cheñ María. ²⁸ Mellañoñeñña allempo chap e'ñe ñeshopa' atet otos:

—O'ch no'cha nehuomcha'tosep. Yompor e'ñe puemuereñoñep papa' atarrcha' coshaterrepe, ñapa' e'ñe pesho'tsen. Yomporpa' atarr bensare'tam'penep. Ello penñtana'tueñ allohuen pacmanesha' atto bensare'tam'penanet ñet.

²⁹ Allempo e'man atet och mellañoñeñ, ñaña'pa' cha moñne'tacha, cha cotape'ch pueyo'chro:

—Ta', ¿es'te' otenenña ñeñt atet huomcha'tenen?

³⁰ Mellañoñeñña'pa' alla otererr:

—María, amach penñcha'tatsto, Yomporpa' atarr o' morrenterrpa. ³¹ Te'pa' pachomentach, pechyore'tcha' ñeñt'pa' asheñorrcha'. Ñeñña'pa' peso'chcha' JESÚS. ³² Ñeñt'cha' nanac añcha'tarettatsa. Otyesetcha' ñapa' ña Ñeñt Nanac Parets Puechemer. Pomporña ñeñfara Parets'pa' ñachña ne' añcha'taret atet añcha'tarette't pa'tañ David. ³³ Atteña ñapa' añcha'tarettach Jacob po'mñrenñecop ñeñfara israelnesha'. Ama't errponañapa' amach huañerro ñeñt atto añcha'tarettena ña.

³⁴ Maríañapa' atet otapan mellañoñeñ:

—Ta'm ¿erroñeno'tcha'ña nechyore'tña? Napa' ama't puesheñarra encanesha' amarrantso yoreña'.

³⁵ Mellañoñeñña'pa' alla otererr:

—Paretscha'ca'ye Puecamquēñ pethapoya. Ñeñt Nanac Parets po'huamencpa' a'pomañpsosepe'cha' atet ñerra'mrrate' os pa'pomañpene'. Ñeñto'mañña cheshatoll ñeñt'cha' pe'ñalletatpa' ñapa' añach e'ñe ma'yochrosa ñeñt atet muenen Parets. Otyesetcha' ñapa' ña e'ñe Yompor Puechemer.

³⁶ Ñaña Elisabetña ñeñt pamo'ts pepen, ñapa'cho'ña o' totana asheñorro'foll, ama't o' po'nme'ten. Ñaña ama't oteñet mue'cho'ppa' te'ñapa' o' pechapña arrorr o' achomenta. ³⁷ Tarro'mar Yomporpa' ama eñalle ñocop ñeñt atarr torrapo' enten.

³⁸ Allempoña María'pa' alla oterranerr mellañoñeñ:

—Ñehua, napa' e'ñe pocte' nenteñ o'ch nesherber Yepapar ñeñt Nepar'tse-shar nepen. Ñeñt'pa' attetepa'ch nocop ñeñt atet potenen.

Allempoña mellañoñeñpa' o' ahuerr.

Atto María'pa' emo'tenana' Elisabet ñeñt e'ñe pamo'ts pen

³⁹⁻⁴⁰ Maríañapa' allenta ahuo' poma'yorñecma o'ch emo'tenana' Elisabet. All ye'chenapa' all shonte' aspenterer allara Judeo. Allempoña chap anetso all sechenapa' be'tosos Zacarías pa'paclo, huomcha'tosan Elisabet.

⁴¹ Ñaña'pa' allempo e'mapan María ñeñt atet huomcha'tospa' pue'maretollña ñeñt pa'to'tsenpa' allentepa'tcha' pella. Pachorñapa' e'ñe chorreña Parets Puecamquēñ. ⁴² Ñeñña eñoratene', pocsheñeshocmañen eñorena huomencpa' atet otapan María:

—Papa' o' atarr coshaterreḗ Yeparar. Papa' o' e'ñe peñtana'tue ora allohuen yacmaneshachno atto coshatenanet ñet Yeparar. Ñaña Yeparpa' atarrcha' bensare'tamḗpennaḗ pechoyoretoll. ⁴³ Ama't na Yeparpa' atarr coshatenen atto pemo'tenen ama't ñeñfeḗ pachor pen ñeñtcha' Yepartseshar yeperr. ⁴⁴ Tarro'mar e'ñe allempocma ne'maponañ peñoñ atet pehuomcha'tosen, ne'mare'tollpa' e'ñe pocsheñeshoḗpa' allentepa'tcha' pella nato. ⁴⁵ Paña te'pa' atarr cosheñtso'tseneḗ tarro'mar papa' e'ñe ñame'ña'huoña ñeñt atet otuenḗpa' Yeparar. Ñeñto'marña ñeñtḗpa' e'ñech atet etsoterra ḗocop.

⁴⁶ Maríañapa' alla otererr:

—Te'ñapa' e'ñech neyoḗhrocmañen na'ye'choḗtataoñ Yeparar.

⁴⁷ Necamqueñoñohuen atarr nocsheña Yeparar ñeñt Ya'quesḗpatañer yepen.

⁴⁸ Yeparar e'ñe pueḗuereñoñen ñapa' entenen ama esoyayno, añana ñeñten torretsa ḗocop. Tarraña te'pa' allohuen acheñenesha' ñeñtcha' mererrtsa arr patsro ñetñapa' atarrcha' coshapreterrnet atto Yepararpa' o' atarr coshaterren na.

⁴⁹ Tarro'mar ñapa' ñeñt atarr ahuamencattetsa attoña o' orrtaton ñeñt nanac sherbets, ñeñfara Yeparar ñeñt otenet Ñeñt atarr nanac Parets.

⁵⁰ Allohuen ñeñt amcha'na'tpo' entene' Yeparar, ñaña'pa' ḗocmach atarr muererranet ama't tayoteñ errponañohuen ama't allpon allohuen acheñenesha' ñeñtcha' mererrtsa arr patsro.

⁵¹ Ñaña ñapa' e'ñe etsotueñan ama't ñeñt atarr nanac echarr entyenet, ñaña allpon allohuen acheñ ñeñt atarr asherben entyetsa, ñaña'pa' e'ñech pomnaren pohueranet.

⁵² Ñaña ñeñt atarr ahuamencat entyetsa ñaña'pa' e'ñech a'suatanrrortatuerranet alloḗ amcha'tarettenet. Tarraña ñeñt ama esoshe'maye' entyetsopa' ñetñapa' Yepararcha' nohuerrahuet attotcha' amcha'na'tpo' enter allohuen acheñenesha'.

⁵³ Ñaña ñeñt nanac es pallta'yetsa, ñetñapa' Yepararcha' esocmañen aphuerahuet. Tarraña ñeñt atarr esocmaneñ es echyets, ñetñapa' Yepararcha' puerratanḗpesuerrahuet, amach es anerreto ama't coñeta. ⁵⁴⁻⁵⁵ Yepararpa' añach ḗocma yenpuen israelenatar ñeñt pueyochresha' pen ña. Amach pueserrano ñeñt atet otane't ahuat yamo'mtayñeneshañ ñeñtcha' atet perranet ñaña allohuen ñeñtcha' po'mreneñ perret. E'ñe atet otane't ahuat Abraham po'mrenñecop. Attoch ḗocma muerenanet ama't errponohuañen. Arrpa' allohua ñeñt atet aḗotan María Yompor.

⁵⁶ Allempoñapa' ñato' ma'pmate' arrorr alla a'pa Elisabetesho. Allotña Mariapa' ahuerr pa'paclo.

Arrpa' atto eñalleta Juan ñeñt apatañtatse't Yomporecop

⁵⁷ Allempoña ḗhap allempoch emare'ten Elisabet. Ñeñtña pue'marpa' asheñorroḗoll. ⁵⁸ Allohuen acheñenesha' ñeñt yeḗhetsa all ñesho ñaña allohuen pamo'tsesha' ñetñapa' e'ñe coshaprechet. Tarro'mar eñoteñet Yomporpa' o' orrtatoñ atto ñapa' atarr muereña. ⁵⁹ Allempoña o' posocmata'muen ñeñtña asheñorroḗollpa' o' tsorratolle'ta'mueñet tarro'mar ñetpa'

atetca'ye ye'chenet ñeñfet judioneshet.* Allempopa' añ sochetañ Zacarías o'ch anmatoñetañ pompopor pa'so'cheñ. ⁶⁰ Tarraña pachorpa' otanet:

—Napa' ama nemno o'ch sesochon ne'mar Zacarías. Napa' añcha' nesoch Juan.

⁶¹ Allempoña acheñenesha'pa' atet ochet:

—¿Eso'mare't pemneña o'ch pesoch Juan tarro'mar ama't puesheñarra pamo'tspa' ama eñalle ñeñfet sochetsa Juan?

⁶² Allempoña acheñenesha'pa' e'ñe pototeta a'poto'ñoñet ematoll pompopor escha' sochanña puechemeretoll. ⁶³ Ñapa'cho'ña potota eñotatan acheñenesha' o'ch apet quellcatets allcha' quellcan ñeñficha' sochan puechemeretoll. Allempoñapa' apet quellcatets, allñapa' atet quellca': "Añcha' yesoch Juan." Acheñenesha'ñapa' atta cohuanrrorchet. ⁶⁴ E'ñe allempocma Zacaríasñapa' allenta eñorerra. Allorocma aye'chochtaterran Yompor. ⁶⁵ Acheñenesha'ña ñeñfet ye'chetsa allpa' allohuenet atarr mercha'na'teñet Yompor. Ñetñapa' serrpare'tatanna'tyeset all aspentarero Judeo. ⁶⁶ Ñaña ama't allohuen ñeñfet e'mare'tyese' ñetñapa' cotape'chyestet pueyo'chreto, atet otyenet:

—Añ cheshatollpa' po'ño'chcha' atarr sherberran Yompor tsapatonet. Tarro'mar Yomporpa' atarr muereña.

Atto Zacarías atarr a'chotenan Yompor Parets

⁶⁷ Cheshatollña pompopor ñeñfet Zacaríaspa' añ chorrenaya Parets Puecamquëñ ñeñficha' eñoraterre' Yomporcop ñeñficha' atet perra ama't esempo. Ñeñfipa' atet ot Zacarías:

⁶⁸ —Aye'chochtaterrapo'ch Yompor, ñeñfara ñeñfet Po'partseshar pen allohuen israelnesha', tarro'mar te'ñapa' o' orrtaterrnay puemuereña ñeñficha' ya'queshpaterre' ñeñfet puechemer pen.

⁶⁹ Ñapa' o' orrtatonañ ñeñficha' a'queshpatañterrtsa ñeñfet atarr ahuañenesha' ñeñfara ñeñficha' eñalletatsa David po'mrenñoñ, ñeñfara David ñeñfet atarr sherbaye't ahuañ Yompor.

⁷⁰ Ñeñfipa' ahuañoteñ atet eñoratyese'ñeñfet ñeñfet a'mta'yese'ñeñfet po'ñoñ, ama't allohuen ñeñfet e'ñe ma'yo'chra'yestse'ñeñfet Partsocp.

⁷¹ Ama't ñaña allohuen allpon ñeñfet ye'moñe'tene' ñeñfet añcha'no'chetyetsa yocop, ñachña ya'rroyataterre'.

⁷² Attochña etsotaterrnay ñeñfet atet otane't ahuañ yatañneshañ ñeñficha' atto'chocma muererrya. Atteña ñapa' amach pueserrano ñeñfet atet a'pocpat ahuañoteñ yocop tarro'mar ñeñfipa' e'ñe Partseshot a'pocpataretta.

⁷³ Ñehua, aña'pa' atet pa' allempo Yomporpa' ahuañ otan yatañ Abraham ñeñficha' atet perrnay e'ñe po'ño'ch.

⁷⁴ Ñeñfipa' atet ote't Yompor yocop ama't ñeñfet allpon ñeñfet ye'moñe'tene' ñeñfet añcha'no'chen yentyen ya, ñaña'pa' ñach ya'rroyataterre'. Allochña yapa' o'huañcha' yem'chana'ñoñ yesherber Yompor.

⁷⁵ Attoch yetsotoñ ñeñfet e'ñe pocete' enten Parets allochña'pa' attochña pocete' enteny ñaña acheñenesha' atto e'ñe cohuen es ye'pa'yen e'ñe'ch tarremphua esempohuach yocrena arr patso.

* **1:59** Añ ñoñets "atsorretet", añ ñeñfet otets atet yeche't judionesha'. Ñeñfipa' atet: Ñerra'm allempo eñalletena asheñorrollesha' ñeñfet e'ñe judionesha'pa' añña pomporpa' o'ch tsorrateñet po'chto. Ñehua, ñeñfet tsorratenetpa' ematollach o'ch chapa'muen po'psocmatño. Ñehua, po'chto allcha' tsorret asheñorrollopa' all e'ñe'ch poteretollo e'ñe po'ño'ch parmatollo.

- 76 Te'pa' o'ch nechemeretolle notap: Papa' oterrpetcha' ñeñtēpo' ñeñtcha' eñorana'tena ñeñt nanac Parets. Tarro'mar papa' panomcha' orrtatsa attoch pa' cohuentatyesoñ allcha' oñmos Partsesha'.
- 77 Ñeñtpa' attoch poctape'chater acheñenesha' e'ñe cohuen allochña ñetpa' esheccha' ap'retnaretterret po'chñaret attoch a'queshpataretterret.
- 78 Te'pa' chapcha' allempoch Yompor e'ñe puemuereño Fey chapaternaycha' ñeñt huetsa entot ñeñtcha' yoctape'chaterre' e'ñe cohuen, ñeñña cotapñatserpa' ñeñtcha' ya'puetarsamperre'.
- 79 Attochña a'puetarsampsaretterra allohuen acheñenesha' ñeñt checmeto'tsa'yeneta, ñeñt ama eñotenaye Yompor, ñetñapa' aña o'patenahuet rromueñets ñeñtara coñcheñets. Ñeñt atto a'puetarsampsaretey ñeñtcha'ña yeñotatene' attoch e'ñe cohuen yocsheñeshocmañen yeychena arr patsro. Arrpa' allohua huañ atto Zacariaspá' a'chotenan Yompor e'ñe pocsheñeshocmañen.
- 80 Añña cheshatoll Juanpa' allo'na sen atarretnomtsa. Puecamquēño'pa' atarr ahuaencatetnena. Ñañapa' alla yeçhena allapar amayo tarremphua allempo orrta israelena'tarneshesho.

2

Atto eñalleta Jesús (Mt. 1.18-25)

1 Allempopa' añ añcha'tarettatset' romo'marnesha' ñeñtpa' añ pa'so'cheñ Augusto. Ñañapa' nenan po'ñoñ ñeñtpa' atet oten: Allohuen acheñenesha' erraparen añe patsropa' quellcatyesetepa' pa'so'cheñ. 2 Ñehua, allempo ñanom quellcatyeset pa'so'cheñpa', arrña anets Siriapa' añ añcha'tarettatsa ñeñtpa' añ pa'so'cheñ Cirenio ñeñt pa'mcha'tareter pen allohuen judione-sha'. 3 Ñehua, allohuenet ahuanerret pa'tañnesha' pa'netsro allochñapa' allcha' quellcatyerreta' pa'so'cheñ. 4 Ñeñto'marña Josépa' on Nazaretot allara anets Galileo, o'ch ahuo' all pa'netser pe't pa'tañneshañ, ñeñña anetsarpa' añ pa'so'cheñ Beléñ, allara Judeo, tarro'mar Beléño eñalleta ahua't pa'tañ David. Tarro'mar Josépa' Davidna'tarca'ye. 5 Allempoña Josépa' ahuo' epuet María o'ch quellcateneta' pa'so'cheñ. Mariapa' José o'patenaya ño'ch yore'. Allempoña Mariapa' a'chomenepa'to'. 6 Allempoña allo'tsa'yenet Beléño, Mariñapa' ahuepa't çhen allempoch emare'ten. 7 Alla emare't, ñeñña pue'maretollpa' asheñorrofo'oll ñeñt e'ñe po'moter pa'. Epe' po'ño'mopa' alla panatolle'ch huacshepahuo' allotecma apueñet huaquesh puerrar. Ñehua, tarro'mar alla emare'tos huacshepahuoña' muetsopahuopa' ama esesha' epatso e'ñe poctacma eshepena acheñ ñeñt manrra'tosets all.

Atto Yompor po'millaño'eñerpa' orrtana ñeñt cohuanmpene' po'carrneror

8 Allempo emare'ten María all Beléño ñeñte tsaprocma allampaño'tsen ñaña ñeñt cohuanmpene' po'carrneror pastemo. 9 Allñapa' machayotepa'tcha' orrtanet Yompor po'millaño'eñer, cha poptana'tosanet. Ñeñtpa' Yompor po'cohuenña ñeñt cha a'puetarsampsosahuat. Ñetñapa' atarr nanac mecha'trra'tapet. 10 Mellaño'eñña'pa' otosanet:

—Amach semcha'tatsetno çhoña se'mñoten na, o'ch neñotatoses ñeñtcha' atarr socshaterre' sa ama't ñaña allohuen erraparen acheñeneshapocp.
11 Te'pa' socop o' eñalleta ñeñtcha' Sa'queshpatañer seperr ñeñtpa' ñeñtcha'

Cristotats ñeñt Yepartseshar yepen. Ñeñña cheshatollpa' arr eñalleta David pa'netsro allara Beléño. ¹² Te'pa' o'ch noterrerr attoch señoche ñeñt cheshatoller. Ñeñcha' sentos cheshatoll eparet po'ño'mo all ñanatolle'teñet huacshepahuo, ñeñca'yena Yompor Puechemer.

¹³ Allempoñapa' machayotepa'tcha' orrterrerr po'potantañ shonte' mellaño'eñnesha' ñeñt o' sohuacherrerr entot. Ñeñña mellaño'eñnesha'pa' atarr aye'chochtatosñañet Yompor. ¹⁴ Atet otoset:

¡Aye'chochtaterrapo'ch Yeyomporer ñeñt pue'ntaño'tsen! Ama't ñaña acheñnesha' ñeñt aña patsro'tsen cosha'rrtetepa' ñamet ñeñt coshaten Yompor.

¹⁵ Allempoña mellaño'eñnesha'pa' sohuaneret ñeñt cohuanpene' po'carrneror, ñetñapa' o' ahuanerret pue'ntaño. Allempoña ñeñt cohuen' po'carrnerorpa' allenta otanna'tyeset:

—Errotenuaca'yena ñeñt otenya' Yompor. O'ch ahuey Beléño o'ch yenteña' ñeñt atet otenyeta'.

¹⁶ Allempoñapa' poma'yorñecma ahuanmuet, o'ña chapuet Beléño'pa' all entoset María ñaña José ñaña cheshatoll all ñanatolle'tena huacshepahuo.

¹⁷⁻¹⁸ Allempo entoset ñetñapa' serrpare'toset ñeñt atet o' otuenaneta' mellaño'eñ cheshatollecop. Allohuen ñeñt e'muene'pa' nanac cohuanrroretysset, otanna'tyeset:

—Ta'm errotenoñte'ñaca' o' serrpare'tosña atet.

¹⁹ Maríañapa' e'ñe ñeñña nen pueyo'chro e'ñe ñeñña cotape'chen ñeñt allpon o' entua ahuaño'eñ. ²⁰ Allempoña ñeñt cohuen' po'carrnerorpa' o' ahuanerret. Atet otenaneta' mellaño'eñnesha'pa' ñetñapa' e'ñe po'ño'ch entoset. Allpon ñeñt atet e'muet, ama't ñaña ñeñt atet entet, ñeñto'marña ñetpa' e'ñe pa'ye'chochtateñeshet ahuanerret, attoña ñetpa' atarr cohuentatnerrñañet Yompor.

Atto anmet cheshatoll Jesús Parets pa'paclo attoch a'pochtateñeta' ñeñt Partsocop

²¹ Ñehua, allempoña o' posocmata'muen, ñeñt asheñorro'tollpa' o' tsor-ratatolle'chet, ñeñtpa' atet ye'chenaña allohuen judionesha'. Allempo ñeñña cheshatollpa' o' sochet JESÚS. Ñehua, ñeñt so'chñets ñeñtpa' atet otenaña mellaño'eñ María ama't ahuaño'mo'choteñ allempo ama'achomentena'.

²²⁻²⁴ Allempoña chap allempoch a'pochtachet ñeñt atet nane't Moisés po'ñoñ ñeñcha' atet ye'cha' judionesha'. Ñehua, ñeñña ñoñetspa' atet oten: “Ñerra'm esempoch cheyore'ten coyanesha', ñerra'm asheñorr pue'maretoll ñeñt e'ñe po'moterpa' neñetepa' Partsocop.” Ñaña po'poñ Moisés po'ñoñ ñeñt atet ne'ñ, ñeñtpa' atet oten: “Muetsatenetepa' epña arot amapa' epña yepe'cho'ye' ñeñcha' net Yomporecop.” Ñeñto'marña allempo chap allempoch a'pochtachet Yomporecop ñeñt atet anaret po'ñoñ, ñeñña cheshatollpa' allenta anmet Jerusaléño, allcha' a'pochtachet Yomporecop.

²⁵⁻²⁷ Allempoña chapuet Jerusaléño'pa' o' be'toset Parets pa'paclo attoch a'pochtateneta' ñeñt atet ye'chenet ñeñt atet oten ñoñets ñeñt anaret ahuatoteñ. Allñapa' huapa pue'sheñarr yacma añ pa'so'cheñ Simeón ñeñtpa' jerusaléño'marnesha'. Tarro'marña ñapa' allempocma huapaña' ñapa' añ eñotate' Parets Puecamqueñ. Tarro'mar ñeñt acheñerpa' atarr cohuen ñeñt atarr ma'yochrenaya ñeñt cohuentetsa Yomporecop. Ñapa' ñeñt atarr

cohuene' esempoch huapa ñeñfcha' a'rroyataterre' israelena'tarnesha' allochñapa' o'ch alla atarr cosherret. Atto chapoña Parets Puecamquëñ ñeñña eñotatene' ñapa' amach rromuena'pa' enterrancha' Yompor Puechemer ñeñt Cristo ñeñfcha' llesenserr esempo. ²⁸ Huaptsapa' allenta enatatol'tosan cheshatoll, atarr aye'chochtatosan Yompor. Ñeñtpa' atet otos: ²⁹⁻³⁰ Te'ña po'ñoçh Nompore ama'tcha' nerromapa' e'ñech noscheshocmañen nerroma tarro'mar te'pa' po'ñoçh o' nenterrnaç ñeñt o' pemñerrmay ñeñfcha' ya'queshpaterre' e'ñe atet potne't ahuañmo'choteña na ñeñten atarr pesherbene'.

³¹ Ñeñña o' porrtaterrmay allohuenacpay ñeñtey pa'nameney acheñenesachpay añe patsro.

³² Ñapa' ñach sherberrets atet ñerra'mrrate' puetare' ñeñfcha' a'puetarsamperre' allohuen acheñenesha' ama't ñeñt ama israelena'tareyaye attoch ñetpa'cho'ña o'ch eñoteret ñeñfcha' a'queshpatañtertsa e'ñe po'ñoçh. Allochñapa' attotcha' e'ñe cohuen aye'chochtaterrnaç ñaña peyochresha'çhno ñeñfara israelena'tarnesha'.

³³ Ñeñña pamo'mte' pen cheshatollpa' ñetñapa' atta cohuaña teñet Simeón atet eñorana'tenanet pue'maretollet. ³⁴ O' eñorana'tuanet pue'maretolletpa' allempoñapa' enamatanet ñamet ñocpuet Yompor pa'nateña. Allempoñapa' ottoñ pachor María, ñeñtpa' atet och:

—Peñoche'pa'ch añ cheshatoll ñeñtpa' ñeñña onañche't ahuat Yompor. Nöcoppa' shonte'ch israelena'tarnesha' ñeñfcha' ama ame'ñerrayo ñeñfcha' chenquërrtsa. Tarraña eñall ñaña shonte' po'potantañ ñeñfcha' ame'ñerraya ñeñfcha' cohueno'tsenterrtsa. Tarro'mar Pomporpa' añecopña mueñer allochñapa' ñach eñotaterrahuet ñapa' Pomporesho' huapa. Tarraña shonte'ch acheñ ñeñfcha' achmñare'terre'. ³⁵ Papa' ñeñfcha'ña atarr pellcaterre'ña pa. Atarrcha' atserr pe'muerr pellquëña e'ñech atet pe'muerr puellquëña atet ñerra'mrrate' cochllo patenpet peyoçhro. Ellöña puesheña'tetspa' eñotaterranetcha' erro'tente' ñeñt atet cotape'chyenet pueyoçhreto.

³⁶ Allñapa' allo'tsen ñaña puesheñarr coyanesha' ñeñtpa' añ pa'so'cheñ Ana ñeñfecma a'mtene' Yompor po'ñoñ. Ñapa' año' po'señ ñeñt sochetsa Fanuel, ñeñtpa' Aserna'tar.* Ñeñña Anapa' o' atarr nanac po'nme'ten. Ñehua, allempo shopshena'pa' some'ta, e'ñe cançherr charohua yeçhañ epuet puerrollarpa' o' rromapes. ³⁷ Ñeñña rretorrnanesha'pa' atta correna ñapue't. O' poscoch çharra' puechena pa'tats char allponmat correna atta. Ñapa' e'ñe ellapene't sherbe' Yompor ama't ñaña tsapome'tets. All Yompor pa'paclo'atpa' amach çha'nenö. All atarr ma'yochenöna Yompor. Erroteno e'ñe poema'yocheño' Yomporpa' amach rreno ama't coñe'ta. ³⁸ Ñapa'cho'ña allempocma huapa all o' çhapachet cheshatoll Jesús. Ñañapa' ma'yochosa, atarr parasyoso'tenan Yompor cheshatollecop. Ñeñto'marña ñapa' atarr serrpare'tatosan acheñenesha' ñeñt cheshatollecop tarro'mar o' huapa ñeñt atarr cohuen allohuen acheñenesha' ñeñfcha' a'queshpato'se' israelnesha' ñeñt pa'netser pene' Jerusaléñ.

Allempo alla puerrrerret anetso Nazareto

* 2:36 Ñeñña Aserpa' Jacob puechemer.

³⁹ Allempoña o' a'pocstatuet ora allpon ñeñt atet anaret Yompor po'ñoño ñeñcha' e'ñe ye'cha' judionesha' ñetñapa' ahuanerret pa'nyeto Nazareto allara Galileo. ⁴⁰ Cheshatollñapa' allo'na sen rrorranmats, allo'na sen huomencatnomuets, nanac eñotnenan ñeñt atarr cohuen enten Pompor Parets, ñeñto'marña Yomporpa' atarr muereña.

Allempo alla a'pa cheshachor Jesús Parets pa'paclo

⁴¹ Ñehua, ñeñt cheshachor pamo'mte' ñetpa' atet ye'chenet pate'tets char pascuapopa' chocmach senet Jerusaléno o'ch coshapreteneta' pas-cua ñeñt atet ye'chena judionesha'. ⁴² Allempo chap Jesús po'charña çharra' puechena epa ahuanerretter Jerusaléno, ñetpa' atetca'ye ye'chenet. ⁴³ O'ña huañ pascuapa' ñetñapa' o' ahuanerret. Ñeñña cheshachor Jesúspa' alla't a'pa Jerusaléno. Pomporña ñaña pachorpa' ama eñoteñeto o'te' alla a'pa. ⁴⁴ Cha otapuetañ añte' cota'nen po'potantañ ñeñt parro onachenet. O'ña chope'cherret pamtarra' allempoñapa' o' yerpueret, e'name'tyereta' pamo'tseshesho'mar. E'name'tyereta' allo'tsen ñeñt e'ñe cheme'tyen pompor ñaña pachor. ⁴⁵ O'ña e'name'tuet ama es enterrayepa' o' alla ahuerret Jerusaléno. Allpa'cho' e'name'tuereterr.

⁴⁶ Poma'pamtañoñapa' alla entereta' Parets pa'paclo. All anen e'ñe parro maestronesha' ñeñt atarr eñotyene' Yompor po'ñoño ñeñt atet anaret. Jesúsñapa' all e'mñotyenanet ñeñt atet serrpare'tyenetpa' o'ch'cho' a'pto'tyerranet. ⁴⁷ Ñeñto'marña allohuen ñeñt e'muene'pa' cha atarr cohuanrrorteñet, otyenet:

—Errotenotuañaca'yeña atarr es eñoten ñeñto'mar atarr cohuen es anapen.

⁴⁸ Allempo enter pompor ñaña pachorpa' atta cohua'noset. Pachorñapa' atet otos:

—¿Eso'marte'ña ne'mare o' atarr pelcatya? ¿Ama't peñoteñe atarr yel-lqueñesha' ye'nameneþ?

⁴⁹ Ñaña'pa' otapanet:

—Eso'mare'tña se'name'tenen. Ama't señotennoña napa' ñeñt poptetsa nocop o'ch netorreññaña ñeñt poptetsa Nomporecop.

⁵⁰ Ñetñapa' ama es eñotaye ñeñt atet otanet.

⁵¹ Allempoñapa' o' coterran pamo'mte' o' cha'cherret Nazareto, ñapa' e'ñe cohuen ame'ñenana pompor ñaña pachor. Pachorñapa' allohuen ñoñetspa' e'ñe eñoteñe pueyo'chro. ⁵² Jesúsñapa' allo'na sen rrorranmats atarret-nomtsa. Allo'na nanac eñotañetnena. Pomporña Paretspa' atarr cohuen enteñ, ñaña acheñenesha'pa' atarr cohuen enteñet.

3

Allempo orrta Juan ñeñt serrpare'tosets all amayo
(Mt. 3.1-12; Mr. 1.1-8; Jn. 1.19-28)

¹ Ñehua, allempo chap allempoch añcha'taretta ñaña ñeñt pa'so'cheñ Tiberio all Romo. Allempo chap o' añcha'taretta çharra' puechena amnar char allempoña Judeopa' añ añcha'tarettsa ñaña Ponceo Pilato. Galileoñapa' añ añcha'tarettsa Herodes. Pa'mo'nasheña Felipepa' ñapa' epa anetsocop añcha'taretta, ñeñt'pa' arr añcha'taretta Iturea ñaña Trac-onite. Lisianasñapa' arr añcha'taretta Abilinio. ² Ñehua, allempopa' ju-dionesha' añ po'corneshar penet Anás ñaña Caifás, ñeñt po'corneshar pen

ora allohuen cornaneshachno. E'ñe ñeñfe chararocma añcha'taretetyenet allemeñ anetso'mar e'ñe allempocma Yomporpa' eñorana'tana ñaña Juan ñeñf Zacarías puechemer ñeñf amayo'tsen. ³Ñeñto'marña Juan allempopa' o' chopeñe'chyes erracmañen Jordanaso'mar, all serrpare'tyesnom. Ñeñtpa' atet otyesnomanet:

—Te'pa' o'ch soctape'cherr e'ñe ello cohuen Yomporecop attoch Yomporpa' o'ch peretnerrnas allohuen so'chñar, allochñapa' o'ch sapataretterra Yomporecop.

⁴Ñeñtpa' añ serrpare'tatosanet attoch etsoterra ñoñets ñeñf anaret ñeñf atet eñose't ahuat Isaias ñeñf a'mtaye't Yompor po'ñoñ. Ñeñf Isaias po'ñoñ ñeñtpa' atet oten:

E'morrterrach puesheñarr po'ñoñ all amayo allcha'ña serrpare'taterranña acheñenesha'. Puerranaro'tpa' añcha' toma'ntaterranet toñ, ñeñtpa' atetcha' oterranet: “Te'pa' o'ch sa'cohuenetyes toñ allcha' oñmos Part-sesha', o'ch e'ñe sa'pañcharreyesoñ pa'tep.

⁵All rrapatse'tyen patspa' o'ch e'ñe sa'muepñetyes, all pocmo'yaretyenapa' o'ch e'ñe sa'muepñetuahue, all terepe'parreyenapa' o'ch e'ñe sa'pañcharreyes, all arrotetyena toñpa' o'ch e'ñe sepampa'huahue.

⁶Allempoña allohuen acheñenesha'pa' enteretcha' ñeñf o' mueñernay Yompor ñeñfcha' ya'queshpaterre.” Arrpa' allohua ñeñf atet aquell-caref ahuatoteñ Cristocop.

⁷Allempoñapa' shonte' acheñenesha' hua'cha'tet Juanesho. Ñetpa'tarro'mar hua'chenet añ muenenet o'ch apatapanet Juan Yomporecop. Juanña serrpare'tatapanetpa' otapanet:

—Sapa' ama cohuenayaso atarr ashcarñafes, cha sottena ñerra'mrrate' shechpa sompor sepen. Po'ño'chca' ama eseshaye' sotenaye e'ñech sapatareteño'fa o'ch sequeshperra allochñapa' amach coñchatuerrso Yompor allempoch yoro'chtatuer tsapatonet. ⁸Napa' añcha'ña notapas o'ch sortatyes ñeñf e'ñe cohuen enten Yompor ñeñf atet pena ñeñf po'ño'ch o' cotape'cherran ello cohuen Yomporecop. Sapa' cha soteneñ seyo'chro año' es sepallteno sapa' año' e'ñe seyemtena satañ Abraham. Tarraña napa' o'ch notas amach atet soctape'chatsto tarro'mar ñeñtpa' ama esoye' enteñe Yompor. Tarro'mar o'ch notas ñerra'm Yompor muenetseñ ama't añ mapue' ñeñf senten arr o'ch a'pnasereñ Abraham po'mreneñ. ⁹Ñeñto'marña napa' o'ch notas ñerra'm amach soctape'cherro cohuen Yomporecop o' mame-shañña o'ch chaponasa attoch coñchaterres Yompor. O'ch netma'ntatasa atet ñerra'mrrate' allempo o'ch a'matamochet tsach. O' e'ñe onañchachet gach allcha' tet e'ñe allohua huañen puepallactar. Ñeñf allohuen tsache'chno ñeñf ama cohuenaye' me'tetsopa' a'mata'tueretcha' saprrochetcha' all huorten tso' allcha' e'ñe a'poyatatuere't.

¹⁰Allempoña acheñenesha'pa' a'p'to'tyeset Juan, ochet:

—Ñehua, ¿eso'tña poctetsaña yocop attoch e'ñe yorratyes ñeñf cohuentetsa Yomporecop?

¹¹Ñañapa' anapanetpa' otanet:

—Ñerra'm eseshas echene' epma seshtam o'ch sa'p ñeñf ama echenaye ñeñfcha' chorrena. Ñaña ñerra'm eseshas echene' serrar o'ch sa'p ñeñf ama echenaye ñeñfcha' rrenet.

¹²Allempoña hua'cha'ta ñaña acheñenesha' ñeñf po'taruas pene' atto cobrenan acheñenesha' quelle ñeñf gobiernocop. Ñetpa'cho'ña añecop huenet

Juanesho o'ch apatarettet Yomporecop. Ñetpa'cho'ña o' a'pto'toset Juan, atet otoset:

—Yocop Nomporca' ¿eso'tña poctetsa attoch yorrtatyes yanña ñeñt cohentetsa Yomporecop?

¹³ Ñaña'pa' anapanetpa' atet otanet:

—Ñeñt allpon quelle ñeñt e'ñe allpona enamuen gobiernopa' e'ñech allpona secobreña' acheñenesha', amachña allo'na atarr aton secobra'neñe acheñenesha' quelle ñeñt e'ñech socpa'na.

¹⁴ Allempoña patantarr guardianesha' ñeñt allo'tsa'yenpa' a'pto'toset ñamet, ñetpa' atet otet:

—Yocoppa'cho'ña ¿eso'tña poctetsa ñeñt'cha' attoch yorrtatyes yanña ñeñt cohuentetsa Yomporecop?

Ñaña anapanetpa' atet otanet:

—Sapa' amach es seprratam̄psatsche acheñenesha' e'ñe se'mueñocma ñaña sa'metam̄peñot e'ñe seshquēñotpa'cho'ña amach es seprratam̄psatsto e'ñe attota. Ñaña ñeñt allpon tsa'tenset gobierneshotpa' e'ñepa'chña ñeñt cohen socshena.

¹⁵ Acheñenesha'ñapa' atta cohueñet, pueyo'chretoñapa' atta cotape'chyenet cha otenapuetañ Juanpa' ñeñt'e'ña Cristotets ñeñt cohuenet ahuatoteñ ñeñt'cha' mueñerranet Yompor. ¹⁶ Juanñapa' atet otanet:

—Napa' ama añeyayno ñeñt Cristotets, tarro'mar napa' ama't napatensoñ Yomporecop e'ñe oñochaya napatenes. Tarraña Cristo ñeñt'cha' huapatsa chenta'pa' ñapa' añcha'ña chorratossa Parets Puecamquēñ ñeñt atet ñerra'm tso'. Ñapa' ñeñt atarr ahuamencatesha', nañapa' ama tama ahuamencateyayno. Ñapa' ñeñt'ña atarr sherbets, nañapa' ama es nesherbena attoch ama't po'sapatre'chapa' o'ch nepyoñ.* ¹⁷ Ñapa' atarr ahuamencat, ñapa' ñach acrerre' allohuen acheñenesha'. Ñapa' añ toma'tena ñeñt orrene' puehoshnat alloch shoshnan po'trigo o'ch e'ñe pue'llom'rochayam̄a. Ñeñt'ña pue'llomerpa' o'ch a'yap'ache' o'ch añño'ch allcema añño'teñ e'ñe cohuen. Pue'she'marñapa' o'ch huapore'ch tso allcha' e'ñe poyhua. Ñeñt'ña tso'pa' ama emaya'pahuo ama't errponaña.

¹⁸ Juanña allpa' atet serrpare'tatyenanet cohuen ñoñets ñeñt huetsa Yomporeshot alloch yequeshperra. Ellonetñapa' shonte' pa'namen serrpare'tatan acheñenesha' ñeñt ama pocteye' enteno Yompor.

Allempo apatarretta Jesús Yomporecop

(Mt. 3.13-17; Mr. 1.9-11)

¹⁹⁻²² Allempoña o' atarr apatarretta shonte' acheñenesha' Yomporecoppa' cho apatarettatsa ñaña Jesús. E'ñe apataretetuatsapa' o' ma'yocha. Allempoña ma'yochenapa' enetñapa' ahuepa't atoraretta. Allotña e'ñe sohua'nma Parets Puecamquēñ e'ñe atet entapet ñerra'mrate' ye'p o' sohua'nma entot. E'ñe arr chap Jesúsesho. Cha e'morrtatsa ñoñets entot atet eñorena Yompor. Ñeñt'ña ñoñetspa' atet oten:

—Papa' ñeñt'ep Nechemere'p ñeñt'ep atarr nemorrentena, pa atarr nanac nocshatene'.

Allempoña amcha'taret Herodespa' o' yottam̄psatan Juan tarro'mar Juanpa' eñotach ama pocteye' enteñe ñeñt atet patse'tyena. Ama't pa'mo'nashe' Felipe puetaporpa' o' yoram̄per. Ama't shonte' pa'namen

* **3:16** Ñeñt atet po'tarus pe't ahuat esclavos o'ch pueyan pamo'mte' po'sapatre'ch.

ñeñt atet p̄atse'tyena Herodespa' elloñapa' o'cho' yottan̄psaterranerr ñaña Juan.

Arrpa' all aquellcaret allohuen pa'so' chñe'chno ñeñt pa'tañnesañ pen Jesús (Mt. 1.1-17)

²³ Nehua, Jesúsapa' allempo orrta o' torra'mochana ñeñt po'taruas pen Pomporecop, allempoña po'charñapa' ñato' o'te' chap ma'poch charra' char. Acheñenesha'ñapa' aña pompor p̄ateñet ñeñt José. Nehua, Josépa' Elí puechemer, ²⁴ Elípa' Matat puechemer, Matatpa' Leví puechemer, Levípa' Melqui puechemer, Melquipa' Jana puechemer, Janapa' José puechemer, ²⁵ Josépa' Matatías puechemer, Matatíaspa' Amós puechemer, Amósapa' Nahum puechemer, Nahumpa' Esli puechemer, Esliapa' Nagai puechemer, ²⁶ Nagaipa' Maat puechemer, Maatpa' Matatías puechemer, Matatíaspa' Semei puechemer, Semeipa' José puechemer, Josépa' Judá puechemer. ²⁷ Judápa' Joana puechemer, Joanapa' Resa puechemer, Resapa' Zorobabel puechemer, Zorobabelpa' Salatiel puechemer, Salatielpa' Neri puechemer, ²⁸ Neripa' Melqui puechemer, Melquipa' Adi puechemer, Adipa' Cosam puechemer, Cosampa' Elmodam puechemer, Elmodampa' Er puechemer, ²⁹ Erpa' Josué puechemer, Josuépa' Eliezer puechemer, Eliezerpa' Jorim puechemer, Jorimpa' Matat puechemer, ³⁰ Matatpa' Leví puechemer, Levípa' Simeón puechemer, Simeónpa' Judá puechemer, Judápa' José puechemer, Josépa' Jonán puechemer, Jonánpa' Eliaquim puechemer, ³¹ Eliaquimpa' Melea puechemer, Meleapa' Mainán puechemer, Mainánpa' Matata puechemer, Matatapa' Natán puechemer, ³² Natánpa' David puechemer, Davidpa' Isai puechemer, Isaípa' Obed puechemer, Obedpa' Booz puechemer, Boozpa' Salmón puechemer, Salmónpa' Naasón puechemer, ³³ Naasónpa' Aminadab puechemer, Aminadabpa' Aram puechemer, Arampa' Esrom puechemer, Esrompa' Fares puechemer, Farespa' Judá puechemer, ³⁴ Judápa' Jacob puechemer, Jacobpa' Isaac puechemer, Isaacpa' Abraham puechemer, Abrahampa' Taré puechemer, Tarépa' Nacor puechemer, ³⁵ Nacorpora' Serug puechemer, Serugga' Ragau puechemer, Ragaupa' Peleg puechemer, Pelegpa' Heber puechemer, Heberpa' Sala puechemer, ³⁶ Salapa' Cainán puechemer, Cainánpa' Arfaxad puechemer, Arfaxadpa' Sem puechemer, Sempa' Noé puechemer, Noépa' Lamec puechemer, ³⁷ Lamecpa' Musalén puechemer, Musalénpa' Enoc puechemer, Enocpa' Jared puechemer, Jaredpa' Mahalaleel puechemer, Mahalaleelpa' Cainán puechemer, ³⁸ Cainánpa' Enós puechemer, Enósapa' Set puechemer, Setpa' Adán puechemer, Adánpa' Yompor puechemer.

4

Allempo oneñt̄pa' topatenan Jesús, mueneñ o'ch atet p̄atan Jesús ñeñt ama pocteye' enteno Yompor (Mt. 4.1-11; Mr. 1.12-13)

¹ Allempoña Jesúsapa' o' err Jordanasot. Ñañaapa' añ e'ñe chorrenaya Parets Puecamquëñ ñeñt̄ña anmue'ña all amayo. ² Attoña allpa' o' huapoña oneñeñ, mueneñ o'ch atet p̄atyees ñeñt̄ ama pocteye' enteno Pompor. Allñapa' amarr̄eno e'ñe aña torrena atoch etsotuan ora allohuen ñeñt̄ cohuentetsa Pomporcop. Ñeñt̄o'mariña ama't o' pa'tatsoch charramatpa' ama't coñe'tapa' ama es rreno. O'ña pa'tatsoch charramatupa' cho cheporratsa.

³ Allempoña oneñeñ atto topatosan Jesúsapa' atet otos:

—Pa ñerra'm po'ñochte' Parets Puechemereppa' o'ch pot: Añ mapue' puenasepa' pan.

⁴ Jesúsñapa' atet otap̄:

—Napa' ama nemno o'ch atet nepa tarro'mar Yompor po'ñoñ ñeñt̄ anuaret ahuatoteñ ñeñt̄pa' atet oteneý: “Allohueneý acheñenesohueneypa' ama e'ñe rreñtsa ñapuet̄ yocrram̄ yepeno. Añe'ñaña yocrram̄ yepen yecamquẽñecop ñeñt̄ allohuen allpon oteneý Yompor.”

⁵ Allempoña oneñet̄pa' o' anem̄ all atarr aspen̄to e'ñe a'noso. Allotña gatyeyuererr allohuen ñeñt̄ allpon all am̄cha'taretetyena pa'namen acheñenesha' ñeñt̄ ye'cha'yetsa errap̄aren aña patsro. Allotña ama't mamesha cohuospa' e'ñe orre'tuena erracmañen. ⁶⁻⁷ Oneñet̄ñapa' alla oterranerr Jesús:

—Ora allohuen ñeñt̄ o' pentyesua ñeñt̄pa' e'ñe nocma tarro'mar ñeñt̄pa' na aparet̄. Ñerra'm esesha' nemnen o'ch nappa' napa' nap̄cha'ca'ye. Ñeñto'mar te'pa' o'ch notap̄, ñerra'm na pema'yocheñoñen o'ch peconcorpana'tna, napa' nap̄p̄cha' ora all am̄cha'taretetyenet̄ all atarr cohuentatyeneñt̄, e'ñe ora allohuen ñeñt̄pa' e'ñech p̄ocma.

⁸ Jesúsñapa' alla otererr:

—Te'pa' o'ch orrerrepp̄ oneñeñe. Napa' ama nemno o'ch atet nepa tarro'mar Yompor po'ñoñ ñeñt̄ anuaret̄ ñeñt̄pa' atet oteneý: “Añach ñapuet̄ yema'yochena Yeyomporer ñeñt̄ Yepartseshar yepen, e'ñech ñap̄a yesherbe'.”

⁹ Allempoña oneñet̄pa' o' anerranerr Jesús Jerusaléño. Allñapa' a'tapatos nanac eno allohuanen Parets pa'paquẽll. Allñapa' otuererr:

—Papa' ñerra'm po'ñochte' Parets Puechemerepp̄ te'pa' p̄omacha arrot tarro'mar amach p̄a'tserrp̄o ¹⁰ tarro'mar Parets po'ñoñ ñeñt̄ anuaret̄ ñeñt̄pa' ama'tña atet oten:

Yomporpa' o'ch mueñonañ po'ñllañoñeñrenesha' ñeñt̄cha' pecuan̄p̄sapue'.

¹¹ Ñetcha' p̄agapapuet̄ o'ch enatapapet attoch amach p̄a'tserrp̄atca'toso mapyo.

¹² Allempoña Jesússpa' alla otererr:

—Añpa'cho'ña anuaret̄ Yompor po'ñoño, ñeñt̄pa' atet oten: “Amach ya'llocchame'tatsche Yeyomporer ñeñt̄ Yepartseshar yepen.”

¹³ Allempoña oneñeñ̄ topatuahuan Jesús pa'namenotpa' o' ahuerr o' cáchpa'ner allponmat tarro'mar oneñeñ̄ chocma topach.

*Allempo e'ñe ñenmañ torrena Jesús Partsocop all Galileo
(Mt. 4.12-17; Mr. 1.14-15)*

¹⁴ Allempoña Jesússpa' o' alla ahuerr Galileo. Ñapa' añ atarr ahuamencat pene' Parets Puecamquẽñ. Errap̄aren Galileo'mar o' e'ñe e'mare'tuet̄ ñeñt̄ atet pa'yena Jesús. ¹⁵ All ap̄cha'yena judionesha' po'prahuetopa' ñañapa' all ye'chatyenanet. Attoña allohuen acheñenesha' pa' atarr cohuen enteñet̄.

*Allempo serrpare'tatan Jesús acheñenesha' all Nazareto
(Mt. 13.53-58; Mr. 6.1-6)*

¹⁶ Atteñapa' o' alla cherr Nazareto all ye'chache't pompor allempo chesena'. Pamtarrña allempo chap̄ yet allempo chocma amesen judionesha', Jesúsñapa' o' ahuo' judionesha' po'prahuo, ñapa'cho' atet ye'chena. O' chap̄ puerahuopa' allñapa' tomos allcha' lleyatan acheñenesha' Yompor po'ñoñ.

¹⁷ Allñapa' añ ap̄et libro ñeñt̄ allo'tsen Isaiás po'ñoñ ñeñt̄ a'mtaye't Yompor

po'ñoñ ahuat. Ñaña'pa' toran libropa' all entan ñoñets ñeñt atet aquellcaret ñocop, ñeñtña'pa' atet oten:

¹⁸ Napa' añ nechorrenaya Nompör Puecamquëñ tarro'mar ña nellense' nach serrpare'tattere' ora allohuen acheñenesha' ñeñt atarr es palltetsa. Napa' añcha' neñotaterranet cohuen ñoñets ñeñt'pa' alloch queshperret. Ñaña añecopña llesenserren attoch nach a'crratyerre' allohuen ñeñt mueroçhetyetsa puellquëño' pueyoçhreto. Nach eñotaterre' ñaña ñeñt ayottam'psaretetyetsa allochñapa' o'ch atoram'psaretterret. Nach eñotaterre' ñaña ñeñt ama entetso allochñapa' o'ch enterret. Ñaña ñeñt amueroçhtatarëtyetsa nachña a'rroyataterahuet.

¹⁹ Ñaña napa' añecopña llesenserren nach eñotaterahuet te'pa' o' çhap allempo pocte' enteñ Yompör o'ch atarr orrtaterranet puemuerëña. Ñehua, arripa' allohua ñeñt allpon lleyatanet Isaías po'ñoñ.

²⁰ O' lleyatuanetpa' o' alla e'tam'perran libro apuerran ñeñt sherbets all puerahuo. Allemponñapa' o' alla anorruerr. Allohuenña acheñenesha' ñeñt puerahuo'tsa'yen ñetñapa' atarr cohuanrrorteñet Jesús. ²¹ Ñaña'pa' atet otanet:

—Atto' o' se'mhua añ ñoñetspa' te'ñapa' o' e'ñe çherr attoch e'ñe etsoterra ñeñt atet aquellcaret ahuatoteñ.

²² Allohuenña acheñenesha'pa' e'ñe cohuen eñora'yenet Jesúsocop. Atarr coçhnesha' enteñañet po'ñoñ ñeñt atet serrpare'tatyenanet. Ñetñapa' atet otanatyenet:

—Errotentouañaca'yeña atarr coçhnesha' serrpare'tatyeney. Ñapa' añaca'ye José puechemer.

²³ Jesúsñapa' atet oterraneterr:

—Sapa' ñeñt atet o' se'mare'ton ñeñt atet norrtatyena' ahuaña Capernaumo te'ña sapa' tha semneñ o'ch soten añ ñoñets ñeñt'ecma muene' yotannena ama't ahuatoteñ: “Pa ñeñt'ep a'crratañtetsa te'pa' o'ch pa'crrata e'ñe pa'ñeña”, tarro'mar sapa' añte' semnen o'ch atet norrtat ñaña arr cohuen e'ñe ya ya netsro atet norrtatena' ahuaña Capernaumo.

²⁴ Tarraña napa' po'ñoçh o'ch notas:

—Ñeñt a'mtene' Yompör po'ñoñ ama't puesheñarra ama eñalleña ñeñt e'ñe cohuen enten allohuen pamo'tsesha' ñeñt parro yechenet all e'ñe ñet pa'netsreto. ²⁵⁻²⁶ Napa' po'ñoçh te'pa' añcha' neyerpatasa ñeñt atet pe't Elías ñeñt a'mtaye't Yompör po'ñoñ ahuat. Ñehua, allempopa' o' ma'pa char ñaña po'poñ puehmet charpa' nanac charas ama't mameshapa' ama huateno ñeñt'marña orrta muetcheñets erracmañen all anetso ñeñt Israel all yeche't Elías. Ñaña ama't shonteñ israelena'tar ñeñt rretorrrnaneshatyets allempo, tarraña Yompörñapa' ama alleye' mueñanoña Elías attoch yenposan ama't puesheñarra rretorrrnanesha' ñeñt e'ñe pamo'ts pen ña. Arra mueñe po'poñ anetso ñeñt pa'so'cheñ Sarepta ñeñt allara Sidón allo'tsen puesheñarr rretorrrnanesha', ñaña'pa' ñeña'ta yenpos. ²⁷ Elloña o'ch alla neyerpaterrerr po'poñ ñeñt atet pe't ñaña Eliseo, ñapa'çho'ña ñeñt a'mtaye't Yompör po'ñoñ ahuat. Ñehua, allempopa' shonte' israelena'tarnesha' ñeñt osyen puetsarñats ñeñt otenet lepra all anetso Israel all yeche't Eliseo. Tarraña ama't atteñ ama't puesheñarro'fapa' ama a'crratereña Eliseo e'ñe all Israelo. Ñapa' añ a'crraterr ñeñt po'poñena'tar acheñ ñeñt'pa' añ pa'so'cheñ Naamán ñeñt'pa' po'poñ anetso'marnesha'; ñeñt pa'netser penpa' añ pa'so'cheñ Siria.

²⁸ Acheñenesha'ña allempo e'met ñeñt atet yerpatanet Jesús'pa' ñeñña atarr atsrre'matahuet allohuenet ñeñt puerahuo'tsa'yen. ²⁹ Ñetña tanrra'tetpa' o' mueño'teret allot pa'netsretot. Cheta'neret, allotpa' arr anmet allohua huañen pocoll allot e'ñe atserettena allcha' huapore'chet attoch muetsatachet. ³⁰ Tarraña ama't huapore'chetañ, Jesúsña'pa' o' chope'chnerr ama't all shontena acheñenesha'. Ñaña'pa' all cheta'tnerra rroçhopa' o' ahuerr.

Allempo Jesús'pa' entaþ puesheñarr yacma ñeñt chorrena oneñeñ

(Mr. 1.21-28)

³¹ Allempoñapa' o' alla ahuerrerr anetso Capernaumo allara Galilea. Pam'tarrña allempo çhap yetñats allempo amesen judionesha' ñaña'pa' o' ahuo' po'prahueto. Allña'pa' yeçhatyesosan acheñenesha'. ³² Ñeñt atet yeçhatenanet, acheñenesha'ña'pa' atta cohuanrrorteñet. Tarro'mar ñapa' atet yeçhatenanet ñerra'mrrate' ñeñt allsensarettetsa Partseshot.

³³ Puesheñarrña yacma ñeñt allo'tsen puerahuo, ñeñña'pa' añ chorrenaya oneñeñ. Ñaña rranare'tapa' atet otaþan Jesús:

³⁴ —¿Eso'mare'tcha'ña errot peþosey Jesús, þa ñeñteþ nazareto'marneshaþ? Añecop'te' pehuapa o'ch þa'chencaterrey. Napa' o' neñotapaþ. Papa' atarr Partsoþ añ pellsensene' Pompor ñeñt atarr nanac Parets.

³⁵ Tarraña Jesús'pa' ama muenache o'ch eñorana'cha. Ñaña'pa' atet och:

—Pemma, te'pa' çhopaña caçhpa'nerre'ña añ acheñer.

Oneñeñña'pa' çha atanman yacmapa' alla o'shshe'ma e'ñe all shontena allohuen acheñenesha'. Allempoñapa' o' caçhpa'ner e'ñe atta, ama errot þa'nme. ³⁶ Acheñenesha'ña'pa' çha atarr toratsþanet pueyoçhret. Ñetña'pa' atet otanna'tyeset:

—Ta'mca'ye, errotente'ca'yeña Jesús po'ñoñ, atarropa't huomenc po'ñoñ pen. E'ñe atet ñerra'mrrate' ñeñt allsensarettetsa ñeñt atarr ahuañenacatesha'. Ama't oneñeñ errot otenpa' atetçho' þateñ. Po'ñoçha'ye te'pa' o' çha'nerr oneñeñ.

³⁷ Allempoñapa' erracmañen allampaño'mar serrpare'tyeset ñeñt atet pena Jesús.

Allempo a'crratosan Jesús Simón Pedro pa'so'mue

(Mt. 8.14-15; Mr. 1.29-31)

³⁸ Allempoña Jesús'pa' çha'nerr puerahuot o' ahuo' ñaña Simón pa'paclo. Allña Simón pa'so'muepa' çha atsna'ten, çha atarr nanac hueraten. Otapet Jesús:

—Te'yapa'yemneñ o'ch þa'crratos atsñañeñ.

³⁹ Allempoña Jesús'pa' o' ponmosana atsñañeþa' çha a'huañamþsose'ña po'urateña. Allempoña o' metua po'urateña'pa' allenta tanta o' agapapanet e'ñe cohuen o' yema'tapanet.

Allempo Jesús'pa' a'crraterran shonte' pa'namen atsñañeñeçhno

(Mt. 8.16-17; Mr. 1.32-34)

⁴⁰ Ñeñte yetrocma allempo o' emuena atsne'pa' acheñenesha'ña allohuenet ñeñt atsna'tyets pamo'tsesha' ñetña'pa' o' huapatyesnenet atsñañeñ e'ñe Jesúsesho. Ñaña'pa' na'yapanet pot ñesheto puesheña'ttset, attoña a'crratyesapanet allohuenet. ⁴¹ Ñaña shonte' acheñenesha' caçhpatatyesapanet oneñeñ ñeñt puerranarot otnomue' Jesús:

—Papa' ñeñteþ e'ñe po'ñoçh Parets Puechemereþ.

Tarraña Jesús'pa' a'mtsoñeñtanet, ama muenataneto o'ch eñorana'tnomet, tarro'mar ñetpa' e'ñe eñotnomet ñapa' ñeñt Cristotets.

Allempo Jesús'pa' serrpare'tatyesnoman acheñenesha' erraparen Galileo'mar

(Mr. 1.35-39)

⁴² Tsapatña o' puetarenpa' Jesúsñapa' ahua'muen a'yo all ama acheñempaño'yaye. Acheñenesha'ñapa' e'name'ta'mueñet. Atteñapa' o' çhapa'muenet allo'tsen Jesús. Ñetñapa' ama mueneñeto o'ch erra sa'nmanet.

⁴³ Ñaña'pa' atet otapanet:

—Napa' añ poctetsa nocop o'ch ahuen po'poñ anetso'mar, allpa'çho'ña o'ch neserrpare'tatyesnomanet ñeñt cohuen ñoñets, o'ch neñotatyesosanet Yompor po'cohuenña ñeñt attoch ayochreshattena ña, tarro'mar napa' ñeñtecopña llesenserren Nompör.

⁴⁴ Atteñapa' o' serrpare'tatyesnoman acheñenesha' erraparen Galileo'mar all apçha'yenet po'prahueto.

5

Atto Jesús rromatosanet shonte' cac

(Mt. 4.18-22; Mr. 1.16-20)

¹ Allempoña po'pocheño Jesúsñapa' e'ñe sa'patopño ten, ñeñtña sa'ppa' añ pa'so'cheñ Genesaretas. Allñapa' huacha'toña shonte' acheñenesha' o' çha echta'tatse'tanna'toset. Attoña ama't Jesús'pa' o'çha echta'toset. Ñetpa' añ muenenet o'ch e'mñotosñañet Yompor po'ñoñ. ² Jesúsñapa' all entosan epna noñt e'ñe all sohua'puetso. Ñeñtña po'taruas pene' ñeñt rremuene' cacpa' ñetñapa' ama po'noñto'tsa'yeneto. Ñetpa' o' ahuanmuet a'yenet allcha'tsama'teneta' po'terraya. ³ Jesúsña allpa' a'tapos puenarr noñto, ñeñt Simón po'noñt. A'tapospa' otan Simón:

—Pechtamñpsen mame' rroçha'sonet.

Jesúsña anorros noñtopa' allotña yechatosan allohuen acheñenesha'.

⁴ Allempoña serrpare'tatuanet, o' alla oterranerr Simón:

—Te'pa' o'ch ahuep' rroçha'sonet epopa' o'ch alla peterrayerrerr, te'pa' perma'ch shonte' cac.

⁵ Simónñapa' atet och:

—Yapa' o' Maestrocha' e'ñe yarepen torratsa terrayats e'ñe orrena ama't parra cac ama yerrmueñe. Te'ña paca' notene' o'ch alla neterrayerrerr ama'tpa' atetçha' nepa' o'ch alla neterrayerrerr.

⁶ Allempoñapa' atetçho' pet, o' alla terrayerreterr. Terrayañapa' shonte' rroman cac nanac aton, çha muene' rrarre'tatan terraya. ⁷ Atteñapa' agochet po'potantañ pamo'tset ñeñt po'noñto'tsa'yen o'ch huapuet ñeñtçha' rromapretahuet cac. O'ña çhapuet o' esha'tanatet cac noñto e'ñe epno'mar chorrars cac noñto, çha muene' esha'tatan noñt. ⁸ Allempoña atet eñch Simón Pedro ñaña'pa' poma'yorñecma ponmana Jesús, concorposa pa'rrpot, all otos:

—Amach Partseshacha' allo'na peyemtatsetnenno tarro'mar napa' ñeñten atarr ochñaen.

⁹ Atet otan Jesús pueyorñoñ tarro'mar eñoteñ ñeñt atto rreman shonte' cacpa' Parets atet patene'. Ama't allohuen ñaña ñeñt epuet taruasetneta' atarr nanac yorenent. ¹⁰ Ama't ñaña Jacobo ñaña Juan ñeñt Zebedeo

puechemerasha' ñeñt' parro taruasen Simón, atarr nanac yorenat. Allempoña Jesús'pa' atet oterraner Simón:

—Amach čha peyorenatsto. Ñeñt' atet pepena ahuatoteñ e'ne' cac te'ñapa' atetcha' peperra e'nerre' ña'ña ačeñ ñeñt'cha' pame'ñaterra.

¹¹ Allempoña'pa' ahuañperret o'ch etsotuerret allecma etsotenet. Ñetñapa' allempocma sohuanmuet allohuen ñeñt' allpon echyenet. Allempoña'pa' coteret Jesús attoch pueyochresha' perranet.

Atto Jesús a'crraterran puesheñarr yacma ñeñt' aptsarñat
(Mt. 8.1-4; Mr. 1.40-45)

¹² Allempo po'pocheño Jesúsñapa' alla čherrerr po'poñ anetso. Allñapa' huapoña puesheñarr yacma ñeñt' osen puetsarñats ñeñt' otenet lepra, atarr apočtateñ. Entosan Jesús'pa' alla rromañpsosya. Allña rromuenapa' allotña enamosan Jesús, atet otos:

—Ayochreshate ñerra'm pa muenatspa' pa ñeñt'ep atarr ahua mencatesha' pa'crrataye'cherren allochñapa' attoch e'ñe cohuen entuerren ačeñenesha'.

¹³ Jesúsña anretapa' allenta a'p'le', atet och:

—Napa' nemneñca'ye, metuerrepa'ña peptsarña attoch e'ñe cohuen enterrep' allohuen ačeñenesha'.

Yacmañapa' allorocma metuer pueptsarña. ¹⁴ Jesúsñapa' alla otererr:

—Te' atto o' na'crraterre'pa' ama't e'ñe puesheñarrapa' amach pota'pa'satsche. Corneshachña pegatena' all peptsarse't. Atet nane't Moisés ñoñets añ ačeñerecop ñeñt'cha' a'crratere'terrtsapa' te'ñapa' o'ch es pa'nom ñeñt'cha' pa'pos all ñeñt' Yomporecop. Allochñapa' attoch e'ñe cohuen enterrep' allohuen ačeñenesha'.

¹⁵ Elloña atarr nanac serrpare'tyeñet, o' erracmañen epa'hua atto' pena Jesús. Ñeñto'marña shonte' ačeñenesha' hua'cha'toñet attoch e'mñotoñet po'ñoñ ña'ña attoch a'crratyesapanet allohuen pa'tsnañeteret. ¹⁶ Tarraña ñapa' errotenopa' o'ch ahuerri a'yo all ama ačeñempa'noyaye allcha' ma'yochena.

Atto Jesús a'crraterran ña'ña ñeñt' echarraña
(Mt. 9.1-8; Mr. 2.1-12)

¹⁷ Po'pocheño allempo Jesús'pa' all ye'chaterranerr shonte' ačeñenesha', allña allpononetpa' all anorr'cha'tyen ña'ña patantarr fariseonesha' ña'ña ñeñt' atarr etsotayenayeñ ñoñets ñeñt' atet anaret judioneshacop. Ñetpa' pa'namen anetsoť hua'cha'tyenet—Galileot ña'ña Judeot ña'ña Jerusalénoť. Jesúsñapa' atarr ahua mencat peñ Pompor, attoña a'crratyesan shonte' ñeñt' atsna'tyets. ¹⁸ Atteña o' huapatoñet ña'ña echarraña, huapatam'pset puechecna'pot. Ñetpa' añ muenenetañ o'ch be'toset o'ch e'ñe noset Jesúsesho. ¹⁹ Tarraña shonte' ačeñenesha' ñeñto'marña ama eshcaye' abe'tosetotña at-snañe' attoch čhapachet e'ñe Jesúsesho. Atteña'pa' a'tapatoset enot pocollato. Allñapa' o' a'rrote'toset pate'prarr echet allotña a'suatam'pset echarraña puechecna'pe'na. Attoña čhapachet e'ñe rro'cho allo'tsen Jesús. ²⁰ Jesúsñapa' eñotapanet ñetpa' atarr nanac yemteñet, ñeñto'marña atet otapan echarraña:

—Masheñcha' te'ña pa' po'chñarpa' o' a'pretna'huaretta.

²¹ Otue' atetpa' añña fariseonesha' ña'ña ñeñt' atarr etsotayenayeñ ñoñets ñeñt' atet anaret judioneshacop, ñetñapa' otatse'tet ña'ñeñeta:

—Eshesha' huañaca'ye o' achm'are'tañña Yompor. Arr patsropa' ama't puesheñarra ama eñalleña ñeñt' peretnene' ochñarets, ñapñaña Yompor peretnene' ochñarets.

²² Jesúsñapa' eñotanet ñeñt' atet otenet ñocop, ñañaapa' atet otanet:

—Sapa' eso'mare'tcha'ña atet soctape'chatse'tyesña seyochro. ²³ Ñehua, sapa' cha soten ñeñt' atet o' notue echarraña po'chñarpa' o' ap'reta'huareta, ñeñtpa' ama torrapahuoyaye. Sapa' añña atarr torrapo' senten attoch na'crrater choncha'ña ote': "Petantena, pechope'chnen." ²⁴ Ñehua, napa' o'ch neñotatas na Ñeñten Acheñetosets, napa' apareten llesens attoch nach peretnerre' ochñarets añ patsro.

Ñeñto'marña Jesús allempopa' atet otan echarraña:

—Te'ña napa' o'ch notap: Petantena, pechta'nen pemue' o'ch pechope'chnen, ahuenep' pepaclo.

²⁵ E'ñe otue' atetpa' echarrañaña' cha tantetsa e'ñe allorocma. Allohuenña acheñenesha' e'ñe entueñet. O' cheta'nenan po'mue' pa'ye'chochtateñesha' Yompor o' ahuen pa'paclo. ²⁶ Allohuenña acheñenesha'pa' cha atarr cohuanrrortapueñet. Attoña ñetpa'cho'ña atarr cohuentatyenñañet Yompor. Allohuenetñapa' atarr nanac yorenet, atet otyenet:

—Te'pa' o' yenterr ñeñt' ama't ahuatapa' ama yentareña ya ñeñt' atarr cohuen.

Allempo Jesús'pa' hua'ña'nman Leví attoch pueyochresha' per (Mt. 9.9-13; Mr. 2.13-17)

²⁷ Allempoñapa' o' ahuererr Jesús. All oñempa' all entnoman puesheñarr ñeñt' po'taruas pene' o'ch cobrenan acheñenesha' quelle ñeñt' gobiernocop. Ñeñt'ñapa' añ pa'so'cheñ Leví*. Alla anen allecma ap'chenet quelle ñeñt' gobiernocop. Jesúsñapa' otosan Leví:

—Te'pa' p'octa'n attoch neyochresha' neperrep'.

²⁸ E'ñe otue' atet Levíñapa' cha tantnomtsa o' coñan Jesús. Attoña ñapa' e'ñe sohuanman ñeñt' allohuen pa'namen.

²⁹ Allempoñapa' chapamuen ñaña pamtarr allempo Leví pa'paclopa' ye'chcatatan shonte' rreñets attoch coshame'tam'pesyet Jesús. All rrallme'chapreteñ shonte' acheñenesha'. Allo'tsa'yen ñaña ñeñt' parro yemtena Leví. Ñetpa'cho'ña ñeñtareta ñeñt' po'taruas penet o'ch cobra'yeñet acheñenesha' quelle ñeñt' gobiernocop, tarraña ñetpa' puehquëño'te'na cobreñet acheñenesha' aton. Ñeñt' rrallme'chapreteñ Jesús. ³⁰ Fariseonesha' ñaña ñeñt' atarr etsotayenayen ñoñets ñeñt' atet anaret, ñetñapa' sasare'teññañet Jesús pueyochresha'. Atteñapa' otarettet:

—Ta'm, eso'marte'ña serrallme'chapreteñña añ acheñeneshar ñeñt' puehquëño'te'na cobra'yene' acheñenesha' aton quelle ñaña epas acheñenesha' ñeñt' atarr ochñafenesha'chno.

³¹ Atet e'manet Jesús, ñañaapa' atet toma'ntatanet:

—Ñeñt' e'ñe huomech entetsapa' ñetpa' ama e'neñetoña apartañ. Añña ñeñt' atna'tetspa' ñetñapa' chocma añ e'nenet ñeñt'cha' a'crraterrahuet. ³² Napa' ama añecpaye' nohuapo attoch nechore'tos ñeñt' e'ñe atet entetsañ ñetpa' e'ño' cohuen es pa'yenet. Napa' añecopña nohuapa attoch nechore'tos ñeñt' atarr

* 5:27 Levípa' ñeñfara ñeñt' sochenet Mateo.

ochñañ entyetsa. Allochñapa' attoch o'ch cotape'cherret ello e'ñe cohuen Yomporecop.

Allempo Jesúsapa' eñotatanet atetcha' tore'tet Yomporecop ñeñt e'ñe po'ñoch sherbets

(Mt. 9.14-17; Mr. 2.18-22)

³³ Ñetñapa' alla otereterr Jesús:

—Ñeñt Juan pueyochresha'pa' chocma tore'tenet Yomporecop,† chocma ma'yochenet. Ñaña fariseonesha' pueyochresha'pa'cho'ña attecma penet. Tarraña paña pueyochresha'pa' eso'mare'tña ama atteye' peneto. Ñetpa' atta es rratse'tyenet, atta es orryenet.

³⁴ Jesúsñapa' alla toma'ntaterraneterrpa' atet otanet:

—Ñeñt ahua'ñarefechno all rrallme'chapreteñet ñeñt e'ñe errte' sena'tetsa, ama pocteyaye o'ch yot Janet “amach es serra'yesatsto”, tarro'mar ñeñtapa' atet coshapreteñet ñeñt sena'tetsa. ³⁵ Tarraña ñerra'm esempo machayota sa'nerranet ñeñt sena'tetsa, ñeñtña parro yemuetyena allempoña ñetpa' e'ñe puellquëñofet caçhpa'huerretcha' puerrar, amach arrenaye' enterreto. Ñeñtapa' attochña tore'terret allempo Yomporecop e'ñe po'ñoch. Arrpa' allohua huañ ñeñt atet Jesús toma'ntata ña sena'tostsa.

³⁶ Elloñapa' o' alla toma'ntaterraneterr ñeñt atet yeçhen judionesha' arr patro ñeñto'marña atet otanet:

—Ñehua, ñerra'm yeçhen epma yeshtam, paterr emarr ñaña po'poñ mellashaña' amach yerrarratstoña emarr yeshtam alloch yellta' yeshtam mellashañ all rrrar'nen. Tarro'mar ama't atet yepatsechpa' ñeñtapa' e'ñech orrena. Ama't yeshtam emarrpa' o'huañcha' cohuenta all yerrarreñ. Ñaña yeshtam mellashañ ama't o' yelltereñ emarropa' amach alla cohuenterro tarro'mar ñeñt allo o' yellterpa' ama mellashañecmayaye, ñeñto'marña amach ñeñtatere.

Ñeñtapa' attoña Jesúsapa' eñotatanet ña poctapña e'ñe etserra. ³⁷ Jesúsñapa' alla toma'ntaterraneterr po'poñ ñeñt atet yeçhena judionesha' o'ch yeçcatenet pa'rrom orrot. Ñeñto'marña atet otanet:

—Ama't pueheñarrofeyapa' amach yeshatstoña vinos emasa mellasha'ñañ orroto ñeñt ayeçcataret pa'rrom. Tarro'mar ñerra'm atet yepe'pa' o'ch chasa'ña vinospa' çhach a'ptsan orrot, vinosñapa' e'ñech shebhua, ñeñtña orrotpa' ama't mamesha'pa' amach es sherberro. ³⁸ Añaña ñerra'm emasa vinos, arrcha'ña yeshe' emerra orroto ñeñt ayeçcataret pa'rrom. Allochñapa' ama'tcha' chasa' vinospa' amach cha potsa'psoña vinos ñeñtapa' allach yeçhen epo'mar.

Ñeñtapa'cho'ña attoña Jesúsapa' eñotatanet ña poctapña e'ñe etserra. ³⁹ Po'poñone'pa' alla toma'ntaterraneterr Jesús, ñeñtapa' atet oterraneterr:

—Ñeñt e'ñe yeçhenaya o'ch orran co'nes ñeñt atarr chase'pa' ñapa' ama mueno o'ch orran co'nes emasa, tarro'mar ñapa' atet oten ñeñt atet yeçhena ahuatote'pa' ñeñta e'ñe cohuen enten.

† 5:33 Añ tore'teñetspa' añecop o'ch yetorra Yomporecop. Amach añecpayaye atomat, ñeñtapa' añecpa mameshap o'ch yequeçhpa' yerrar.

6

*Allempo Jesús pueyochresha' taso'tañpesyesnomuet trigo añeyetro allem-
pocma amesen judionesha'*

(Mt. 12.1-8; Mr. 2.23-28)

¹ Allempoña çherrerr allempo çhocma amesen judionesha'. Allempoña Jesús pa' arr oñem chetso'mar epuet pueyochresha'chno. Allempo oñenet chetso'mar pueyochresha'ñapa' taso'tañpesyesnomuet puechmã'tets trigo a'she'challme'chyenomet atot' rrocllome'chachet o' rra'yenomet. ² Ñeñña patanta'tets fariseonesha'pa' che'ptare'tanet, atet otarettet:

—Eso'mare'tña atet sepena ñeññ ama pocteyaye o'ch atet ye'pa tarro'mar te'pa' añeyetro ñeññ atet anaret ahuatoteñ allempocmach yamesen.

³ Jesúsñapa' otanet:

—Sapa' ama'trra selleyareña añ ñoñets all oten ñeññ atet pa' ahuat David allempo cheporra'nma epuet ña'ma allohuen ñeññ cotene'. ⁴ Ña allempopa' be'tosos Yompor pa'paclo, allñapa' chetosan pan ñeññ atma'ntaret atet ñerra'mrrate' ñeññ nenet all Partsocop. Ñehua, ñeññ panpa' ama pocteyayñe o'ch eseha' rre'. Ñeñña' añach ñapueñ rrene' cornaneshachno; ñeñña' e'ñe atet anuaret judioneshacop. Ñeñña panpa' o' chetos David, rros, rratosan ña'ma allohuen ñeññ epuet.

⁵ Allempoña alla otterraneterr Jesús, ñeñña' atet otanet:

—Ñeñto'marña te'pa' o'ch notas, na Ñeñten Acheñetosets ñeñten allsenareten, naca'ye atet otets este' poctetsaña ñeñña' atet ye'pa añeyetro allempocma yamesen.

Allempo Jesús pa' a'crraterran ñeññ chelletsapöt

(Mt. 12.9-14; Mr. 3.1-6)

⁶ Allempoñapa' çherrerr po'pocheño ñeññ yetñatsro allempocma amesenet. Jesúsñapa' be'tosuenerr judionesha' po'prahuo. Allñapa' ye'chatyesuenanerr acheñenesha'. Allñapa' allo'tsen ña'ma puesheñarr yacma ñeññ cha chelleta pot po'cohuenrot. ⁷ Acheñenesha'ña ñeññ atarr etsotayenayeyñ ñoñets ñeññ atet anaret epuet ña'ma fariseonesha' ñetña allpa' Jesús a'tarr cohua'tyenet atoch enteñeterr ñato'rraña o'ch a'crratanererr acheñ añeyetro allempocma amesenet. Ñerra'm o'ch a'crratanererr ama'tpuesheñarra acheñ añeyetro allempo amesenet, allempoñapa' esheccha' a'metanpeñeta' añcha'taretsho. ⁸ Jesúsñapa' eñotanet ñeññ atet cotape'chatse'tyenet pueyochreto. Ña'ñapa' atet otan yacma ñeññ chelletsapöt:

—Apon patomos arrma.

Yacmaña huapapa' o' tomos all rrocho. ⁹ Jesúsñapa' atet otanet:

—Ñehua, napa' o'ch na'p'to'tas: ¿Erra'tsena'tña ñeññ e'ñe pocte' senten ñeñña' atet ye'pa añ yetro allempo yamesen? Ñato' o'ch atet yepe' e'ñe cohuen po'psheñeñ, amapa' ñato' o'ch atet yepoñ ñeññ ama pocteyaye. Ñato' añte' pocte' senten o'ch ya'crrach acheñ amapa' añte' pocte' senten amach ya'crratatsche'chachña yemtsatach.

Ñetñapa' ama'tpuesheñarrofetapa' ama eseshaye' anapuenaye entaye.

¹⁰ Ña'ñapa' cohua'yasan allohuen ñeññ anorrçhets all, allempoñapa' otan ñeññ chelletsapöt:

—Te'pa' o'ch notap: Petapuer pot.

E'ñe otue'pa' ñaña'pa' allentepa'tcha' tapuerran pot, o' e'ñe cohuenterra pot. ¹¹ Fariseonesha'ñapa' ñeñña atarr atsrre'matahuet. Allempoñapa' cotape'chatanna'tet, atarr o'pachet Jesús.

Allempo Jesús'pa' acran çharrasheña ñeñ puechetsa epsheña ñeñtcha' llesensa'

(Mt. 10.1-4; Mr. 3.13-19)

¹² Allempoña Jesús'pa' o' alla ahuererr a'yo aspeno allcha' ma'yochena'. Allñapa' arepen ma'yochaya Pompor. ¹³ Tsapatña puetarenpa' agota'muenan allohuen ñeñ pueyochresha'chno pen. Allempo çha'cha'tet ñeshopa' ñaña'pa' o' acrapan ñeñ çharrasheña ñeñ puechetsa epsheña ñeñtcha' llesensa' ñeñtcha' serrpare'tyetsa' allemeñ anetso'mar. ¹⁴ Ñeñ llesensa' ñeñpa' añe'chno: Simón ñeñ socherr Pedro, allotpa' ñaña pa'mo'nasheñ Andrés, allotpa' Jacobo* ñaña pa'mo'nasheñ Juan, allotpa' Felipe, ñaña Bartolomé, ¹⁵ ñaña Mateo ñaña Tomás ñaña Jacobo ñeñ Alfeo puechemer, ñaña ñeñ po'psheñ Simón ñeñ cananistanesha' ñeñ atarr torratse't pa'netsrecop, ¹⁶ allotpa' ñaña Judas† ñeñ Jacobo pa'mo'nasheñ, allotpa' ñaña po'psheñ Judas Iscariote ñeñtcha' pomuerre' tsapatonet Jesús.

Allempo Jesús'pa' yeçhatenan shonte' acheñenesha'

(Mt. 4.23-25)

¹⁷ Allempoña huerra Jesús aspenot epuet pueyochresha', tom'cha'tuerret all aspenet pacñe'tpener poño po'mopñero. Allñapa' o' çha'cha't shonte' po'potantañ acheñenesha' ñeñ pueyochresha' pen. Ñaña allo'tsa'yen shonte' acheñenesha' ñeñ huachetsa allemeñ anetso't —Judeot ñaña Jerusaléno't, ñaña sa'patopño'marnesha' ñeñ huetsa Tiro't ñaña Sidóno't. Ñetpa' añecopña huachenet o'ch e'mñoteret ñamet Jesús ñeñ atet serrpare'ten ñaña añecpa'ñaña huachenet attoch a'crratyepapanet Jesús patsnañe'feret. ¹⁸ Ama't ñaña allohuen ñeñ mueroçhtatyen oneñe't ñaña'pa' e'ñe a'crratyepapanet. ¹⁹ Allohuenña acheñenesha'pa' atarr mueneñet o'ch a'p'lloset Jesús tarro'mar ñapa' ña atarr ahuamencatesha', e'ñe ña po'huamencot a'crratyenan allohuen acheñenesha'.

Atto atarr cosheñtso'tsa'yen patantarr ñaña atarr llequëñtso'tsa'yen po'potantañ

(Mt. 5.1-12)

²⁰ Allempoña Jesús'pa' cohua'yesan ñeñ pueyochresha' pen, ñaña'pa' atet otanet:

—Ñeñes atarr huocchañnesha' entetsa ñeñtescha'ña atarrcha' cosheñtso'tsa'yenes tarro'mar sapa' o'pataterr'sach Yompör po'cohuenña atto atarr ayochreshattena ña.

²¹ Ñaña sapa' ñeñes cheporrare'tyetsa te' ñeñtescha'ña atarrcha' cosheñtso'tsa'yenes tarro'mar Yompör'cha'ña e'ñe señmataterre'.

Ñaña sapa' ñeñes yahuetsa te' e'ñe sellquëño't ñeñtescha'ña atarrcha' cosheñtso'tsa'yenes tarro'mar Yompör'cha'ña e'ñe seche'taterre' socsheño't.

²² Ñaña sapa' atarr cosheñtso'tsa'yenes ñerra'm esempo e'moñe'tenset no'mar ñerra'm esempo mueño'tenset, ñerra'm esempo pueasare'teño'tetas sochatse'tenset tarro'mar sapa' na same'ñena Ñeñfen Acheñetosets.

* **6:14** Jacobopa' ñeñfara ñeñ sochenet Santiago. † **6:16** Judaspa' ñeñfara sochenet Tadeo.

²³ Allempo atet penset ñeñt ama cohuenayaye, sañapa' socshepa'ch nanac ñaña señoche'ch shonte' ñeñt o'patatensa Yompor pue'ntaño ñeñtcha'ña atarr socshaterre'. Ñehua, ñetpa' pa'tañeshañpa' attecma muerochtatyesete't ñaña ñeñt a'mta'yese't Yompor po'ñoñ ahuat.

²⁴ "Tarraña te'pa' o'ch notas sa ñeñtes atarr eçllayoretas ñeñtes echene' ora allpon ñeñt e'ñe socpa. Sapa' ñeñtescha'ña atarr llequëñtso'tsa'yenes tarro'mar esempopa' huañerrcha' ñeñt socshatene'.

²⁵ Ñaña atarr llequëñtso'tsa'yenes ñeñtes atarr esocmañen es echyets allo e'ñe señmatena seyeteño't. Cherrcha' allempoch atarr sepallterra ñeñtcha' serrar seperr.

'Ñaña atarr llequëñtso'tsa'yenes sa ñeñtes te'pa' e'ñe socsheñesha' seche'tatsetyena. Cherrcha'ña allempoch seyahuerra sellquëño't.

²⁶ Ñaña atarr llequëñtso'tsa'yenes ñerra'm esempo allohuen acheñenesha' e'ñech cohuen entapretenset, e'ñe cohuen eñosyenet socop. Tarro'mar ñetpa' atet pete't pa'tañeshañ ahuat, e'ñe cohuen eñosyese'te't añ acheñreneshacop ñeñt ama't ama Yomporreye' po'ñoñ a'mta'yese'te'te.

Atto Jesús'pa' ye'chatosanet amorrentpo'ch yeñch ñeñt ye'moñe'tyene'
(Mt. 5.38-48; 7.12)

²⁷ 'Sa ñeñtes ne'mñotene' o'ch notas ñeñtcha' atet sepa e'ñe cohuen, semueryach ama't ñeñt se'moñe'tene'. O'ch atet sepe' e'ñe cohuen. ²⁸ Ñaña ama't erra'tsen ñeñt sarrnomare'tenaya sañapa' o'ch senamaterrñañ Yompor pa'nateña. Ñaña ñeñt sesasare'tene' sañapa' o'ch sema'yochampananet. ²⁹ Nehua, atet ñerra'm esempo esesha' pue'moñe'teño'tetas o'ch taclaset setsa'po, sañapa' poctepa'chña señch taclerrserrepa' ñaña po'pshemtaño't. Ñaña ñerra'm esempo esesha' seprratamñpse' seshtam, sañapa' poctepa'chña señch puerrratamñpsasetepa' seshtam ñeñt muenenet ama't ñaña po'pmañ seshtam allo sepmatena. ³⁰ Ñerra'm esesha' es senamuene' sañapa' sapepa'ch ama't esesha. Ñaña ñerra'm esesha' seyoratsre'tamñpse' sañapa' amach alla senamatstere apuerrsetepa' alla. ³¹ Ñehua, ñerra'm erra'tsente' e'ñe cohuen senten ñeñt semnen sa ñeñtcha' atet ponas po'psheñeñ, sapa'cho'ña e'ñech attecma sepanet saña.

³² Ñaña sa ñerra'm aña semorrentena ñeñt atarr semorrentenaya saña, ñeñt'pa' amach e'ñeye' sorrratenoña ñeñt e'ñe po'ñoñch cohuentetsa, tarro'mar ñeñt ama ame'ñenayo Yompor ñetpa' aña morrentenet ñeñt e'ñe morrentenahuet ñamet. Añña atarr cohuentetsa ama't ñeñt ama yemorrentenayepa' o'ch yemorreñcha e'ñe cohuen. ³³ Ñaña ñerra'm aña e'ñe cohuen seyepa'yen ñeñt seyepa'yene' saña, ñeñt'pa' ama e'ñeye' sorrratenoña ñeñt e'ñe po'ñoñch cohuentetsa, tarro'mar ñeñt ama ame'ñenayo Yompor ñetpa' aña yepa'yenet ñeñt yepa'yenahuet ñamet. ³⁴ Ñaña ñerra'm añecpa es sartanna'tyena attoch ellopa' o'ch alla apuerrset saña, ñeñt atet sepe'napa' ama e'ñeye' sorrratenoña ñeñt e'ñe po'ñoñch cohuentetsa; añcha'ña es saretyena po'psheñeñ ama't ñetpa' ama'tcha' ama apuerrseto ama't coñe'ta, tarro'mar atet pena ñeñt ama ame'ñenayo Yompor ñerra'm eñoteñet o'ch alla aparetterret ñamet esheccha'ña archet po'psheñeñ. ³⁵ Tarraña napa' o'ch notas, sapa' aña'nachña semorrentena ama't ñeñt se'moñe'tene'. Ñaña sapa' aña'nachña seyepuen ama't ñeñt ama seyepuenaye. Ñaña sapa'

añe'nachña es saretyena ama't ñeñtcha' ama sapuerraye. Ñerra'm atetcha' sepa Yomporñapa' apuerrescha' ello ñeñtcha' atarr socshatuerre'. Ñapa' allempoch e'ñe puechemer perres, ñeñtara Yompor Ñeñt Nanac Parets. Tarro'mar ñapa' aña'ña muerena ama't ñeñtcha' ama coshaterraye ña, ñeñtara ñeñt ama cohuenaye' es petso. ³⁶Sapa'cho'ña atarrepachña semueranna'ta e'ñe atet pena ñeñt Yeyomporer yepen atarr muerenya yamã.

E'ñe attotapa' amach yotteñe'channa'tatsto

(Mt. 7.1-5)

³⁷Sapa' amach sotatsche po'psheñeñ "ama pocteyaye ñeñt atet sepa'yena", allochñapa' amach otuerrso samã Yompor ama pocteyaye ñeñt atet sepa'yena samã. Ñaña e'ñe attotapa' amach sottene'chatsche po'psheñeñ allochñapa' Yomporpa'cho'ña amach otteñe'chuerrso samã, chochña e'ñe cohuen sepretnannena allochñapa' Yomporpa'cho'ña e'ñech cohuen peretna'huerres samã. ³⁸Ñaña sapa' e'ñech cohuen es sapanna'tyena allochñapa' Yomporpa'cho'ña e'ñech cohuen es apuerres samã. Shonte'ch nanac es apuerres, atet ñerra'mrate' cho es e'chorratenset soshaco atet ñerra'm chop e'charet. O'ch chorrapa' o'ch a'rrapuet esheccha' esha'tereterr po'poñ, ñerra'm o'ch chorrerrrrpa' o'ch pa'shmuet attoch e'ñe a'tamo'yonaset. Ñeñtpa' añ toma'ntena atto es apueney Yompor nanac aton. Ñaña errponcha' saþ po'psheñeñ, sapa'cho'ña e'ñech allpon apuerres samã Yompor.

³⁹Allempoña Jesúsapa' atet toma'ntaterraneterr, ñeñtpa' atet otanet:

—Ñeñt aporo'yetpa' ñapa' amach errotenot echa'nmano po'psheñeñ ñeñt parro aporo'yecmuet. Tarro'mar ñerra'm atet penet, ñerra'm arrorotonta echa'nmanna'tnomuetpa' epsheño'maret chach shora'nmuet arroroto. Arrpa' allohua ñeñt atet toma'ntatanet atet ñerra'm ya allempo ama yoctape'cherra' ñeñt cohuentetsa Yomporecop amach errotenot yoctape'chache po'psheñeñ ñeñt ama eñotenaye ñeñt cohuen enten Yompor.

⁴⁰Ñeñt ayçhatarettetsapa' ama't puesheñarra amach errotenot metanetoña ñeñt allpon eñoten ñeñt yeçhatene'. Ama't allempo e'ñe ayçhatarettapa' e'ñech allpon yeçha' ñeñt allpon eñoten ñaña ñeñt yeçhate'. ⁴¹⁻⁴²Amach atet sentatsche po'potantañ ñerra'm ñetpa' ama cohuenaye' es peneto ama't sapa' ama sentenoña ñeñt atet sepa'yena sa; ñeñtpa' ello semtaneña po'potantañ ñeñt atet es pa'yenet ñet. Ñerra'm ama cohuenaye' es sepeno samtapa' amach sotatscheña po'potantañ: "Masheñcha' napa' o'ch noctape'chaterrreþ e'ñe cohuen." Tarro'mar ñerra'm atet sepenapa' cha sommo'chena. Ñanomcha'ña añ sehuapore'terr ñeñt ama cohuenaye' sepeno sa, allochñapa' attoch señoç cotape'chate' samo'ts e'ñe cohuen. Ñeñtpa' añ toma'ntena o'ch senten po'psheñeñ pa'cloyot'sen puepachña ama't sa seclloyopa' allo'tsen tsach; ñeñtñapa' ama senteñe. Ñerra'm atetpa' amach errotenot socheña po'psheñeñ: "Masheñcha' napa' o'ch nechterrnaþ peclloyot pepachña." Tarro'mar añ tsach ñeñt seclloyot'senpa' cha a'npuennasña attoch e'ñe cohuen es sentyen. Ñanomcha'ña añ sehuapore'terr tsach seclloyot allochñapa' attoch e'ñe cohuen es sentyen. Attochña e'ñe cohuen sechtterrñañ po'psheñeñ puepachña pa'cloyot.

Allhuen acheñ ñeñt e'ñe po'ñoç cohuen acheñer, ñetñapa' añcha' orrtatyenet ñeñt e'ñe cohuenare'

(Mt. 7.17-20; 12.34-35)

43 'Tarro'mar allohuen achein ñeñt e'ñe po'ñoch cohuen achein, ñetñapa' añcha' orrtatyenet ñeñt e'ñe cohuenare'. Tarraña po'potantañ acheinnesha' ñeñt po'ñoch ama cohuenayaye ñetñapa' añach orrtatyenet ñeñt ama cohuenayaye. Ñeñtapa' atetcha' netma'ntatersa: Ora allohuen ñeñt e'ñe cohuen narmetsoch, pue'merpa'cho'ña e'ñech cohuenare'. Añña po'pchañechno narmetsoch ñeñt ama cohuenayayepa' pue'merpa'cho'ña amach e'ñe cohuenayaye. 44 Ñeñto'marña attoña yeñoten erra'tsente' ñeñt e'ñe cohuenare' narmetsoch ñaña ñeñt ama cohuenayaye, pue'merotña e'ñe yechme'teñ. Ñaña yapa' e'ñe yeñoteñ ama arroteye' yetoquënoña llo'm ajchoť. Ñaña ama arroteye' yetoquënoña ap rrenagachot. 45 Ama't erra'tsena achein ñeñt e'ñe po'ñoch cohuen, ñapa' añcha'ña orrtaten ñeñt e'ñe cohuenare' cotape'chen pueyo'chro tarro'mar pueyo'chro allña shonte' cotape'chenan ñeñt cohuentetsa. Tarraña po'poñ achein ñeñt po'ñoch ama cohuenayaye, ñapa'cho'ña añach orrtaten ñeñt atet cotape'chen pueyo'chro ñeñt ama cohuenayaye tarro'mar pueyo'chro allña shonte' pa'namen cotape'chenan sosya'tsañ. Tarro'mar ñerra'm shonte' yocotape'chen yeyo'chro ñeñt cohuentetsa, ñeñtapa' e'ñech ñeñta cohuen yeserrpare'ten. Tarraña ñerra'm shonte' yocotape'chen ñaña yeyo'chro ñeñt ama cohuenayayepa' ñeñtapa'cho'ña e'ñech ñeñta yemnen o'ch yeserrpare'teñ.

Atto Jesús toma'ntatana achein ñeñt e'ñe eñotene' ñeñt po'ñoch sherbets ñaña ñeñt ama eñotene' ñeñt sherbets

(Mt. 7.24-27)

46 'Sapa' eso'maruañaca'yeña sotenen napa' Sa'yochreshatero' sepenen, sapa' amaca'choye' same'ñenno ñeñt atet o'notuas. 47 Allohuen erra'tsencha' huapatsa nesho ñeñtcha' name'ñenaya na ñaña ñerra'm e'mñotennanet neñoñ ñeñt atet cohuen ney'chatenanet ñerra'm atet e'ñe penet, ñetñapa' atarrcha' eñotenet ñeñt e'ñe po'ñoch sherbets. 48 Ñeñt achein ñeñt atet petsa o'ch netma'ntacha atet ñerra'mrrate' puešeñarr yacma ñeñt atarr es eñotets ñeñt tomatene' pocoll ñeñt e'ñech echarr penan pa'paquëll. Ñaña'pa' atarrcha' o'pono eñan pats atoch e'ñe echarr pan po'quellpach. Atteñapa' o'chap allempo apellchena oñ, pocollñapa' ama a'mato apellche' tarro'mar quellpachpa' atarr huomenc atomataret. 49 Tarraña po'potantañ ñeñt e'muene' neñoñ ñetña ñerra'm ama atteye' peneto ñeñt atet notenanet, ñetñapa' e'ñech atet ñerra'mrrate' puešeñarr yacma ñeñt ama es eñoto. Ñapa'cho'ña o' tomataneñ pa'paquëll tarraña ñaña'pa' ama atarr o'ponoye' eñanoña pats atoch e'ñe echarr pan po'quellpach. Allempoñapa' apellcha oñ apellche'ñapa' chepa'tcha' a'matam'psos pa'paquëll. Pocollñapa' e'ñe poc-tacma muello'tstosa.

7

Atto Jesús'pa' a'crraterran capitán pa'taruasañer; ñeñt capitán'pa' romo'marnesha'

(Mt. 8.5-13)

1 Allempoña Jesús'pa' serrpare'tatuerranerr allohuen acheinnesha' ñeñt e'mñotene', ñaña'pa' ahurrerr, o' cherrerr Capernaumo. 2 Allña'pa' allo'tsen puešeñarr yacma ñeñt solltar po'captaner, ñeñtapa' romo'marnesha', ama

† 6:44 Ñehua, Jesús añ toma'ntatanet uva ñaña higo ñeñt puenareñ penet all pa'nyo.

judioneshayaye. Ñeñña capitánpa' echenan puesheñarr pa'taruasañer
 cha atсна'ten atarr pa'nattena, ñañaпа' atarr morrentenana pa'taruasañer.
 3 Ñeñña capitánpa' allemпо e'mare'tan Jesús o' alla çherr Capernaumo,
 ñañaпа' o' mueñan patantarr acheñ ñeñt pompornesha' pen judionesha',
 o'ch oteñeta' Jesús atto agotateñ capitán o'ch a'çrraterrñaña' pa'taruasañer.
 4-5 Allemпоña çhapuet Jesúseshopa' ñetñapa' atet otoset:

—Ñeñt capitánpa' ñapa' atarr cohuen acheñ, ñapa' atarr morrentenya ya
 ñeñey israelena'tarey, ama't yeprahuapa' o' tomatatuosnay. Ñeño'marña
 ama't yapa' e'ñe pocte' yenteñ o'ch peyenpueña' ñaña, ñapa' ama't ama
 judioneshayaye. Attoña atarr enamueñet Jesús attoch yenpuenana' capitán.

6 Allemпоñaпа' cota'nerranet Jesús. Chapmochet capitán pa'paclo,
 capitánñaпа' mueñerranerr po'potantañ acheñ ñeñt parro yemtena ñeñtcha'
 otapue' Jesús atet oten capitán:

—Yapa' atet otapuey capitán atto'ch yotapaḡ: “Amach Ayochreshate at-
 srre'moçhen nentatatastapae tarro'mar napa' ama cohuenayayno attoch
 pebe'tosapo'tañpesna nepaclo. 7 Napa' ama cohuenayayno ñeñto'marña
 aña nemñen po'psheñeñ ñeñtcha' nepoctatapaḡ, ñeñtcha' potap correrrepa'
 na'taruasañer, ñañaпа' acrrerroche'ch. 8 Tarro'mar napa' ñeñten ñeñt atet
 petsa ñeñt atet otenen ñeñt neyechenaya. Ñaña napa'çho'ña eñall ñeñt
 neyechena naña ñeñt nesolltarer nepen. Ñerra'm puesheñarr solltar noteñ:
 Papa' o'ch ahueḡ a'yo, ñañaпа' o'chçho' ahuo'. Ñaña po'psheñeñ solltar
 ñerra'm o'ch noch: Papa' aḡon arr, ñañaпа' o'chçho' huapa. Ñaña po'psheñeñ
 na'taruasañer ñerra'm o'ch noch: Papa' arrcha' petaruasa'muen, ñañaпа'
 allcha'çho' taruasa'muen. Ñeñto'marña napa' neñotenep ñerra'm erroten
 potenpa' e'ñechca'ye atet pena.”

9 Allemпо e'man Jesús ñeñt atet oten capitán, ñañaпа' alla cohua'yesan
 allohuen acheñenesha' ñeñt cota'nene'. Ñañaпа' atet otanet:

—Errotenotuañaca'yeña atarr yemtena, ñapa' amaca'ye judioneshayaye.
 Napa' o'ch notas, ama't ahuatapa' ama nentareña acheñ ñeñt e'ñe atet
 neyemtenaya, ama't allohuen israelena'tarnesha'pa' ama't puesheñarra ama
 nentareña ñeñt atet atarr neyemtenaya. Ama'tpa' correrrepa' pa'taruasañer.

10 Allemпоña ñeñt pocte' Jesús o' ahuanerret capitán pa'paclo. Ñetñapa'
 entuerrñañet capitán pa'taruasañer o' e'ñe correrra.

Atto Jesúspa' tantaterran arromñañ ñeñt rretorranesha' puechoyor

11 Allemпо allponmaterrerr; Jesúsñaпа' ahuererr po'poñ anetso, ñeñt
 añets añ pa'so'cheñ Naín. Alla cota'huanererr pueyochresha' ñaña shonte'
 po'potantañ acheñenesha'. 12 O' çhapmochet all allotecma be'tenet attoch
 çhapuet anetso. Alloññaпа' çha'nmaçha'tos ñeñt anene' arromñañ, o'ch
 pampueñeta'. Arromñaññaпа' asheñorr ñeñt e'ñe po'patror pen pachor.
 Pachorñaпа' rretorranesha'. Shonte' acheñ ñeñt allo'marnesha' ñeñt lle-
 capretnenaya rretorranesha' all cota'neñet. 13 Partsesha'ña Jesús allemпо
 entapan rretorranesha' puellcapreteñoḡpa' atarr muerosya. Ñañaпа' atet
 otapan rretorranesha':

—Amach noçha peyahuatsto.

14 Allemпоña ponmapana arromñañ, a'ḡllata'tosñañ po'cajon. Ñeñña
 anene'pa' alla tomçha'toset. Jesúsñaпа' otan huepuesha' ñeñt rromuets:

—Napa' o'ch notap: ¡t'e'pa' o'ch petanterra!

15 E'ñe otue'pa' ñeñtña arromña'pa' allenta tanterra cha eñorerrtsa. Jesúsñapa o' alla apuerrñañ pachor. 16 Acheñenesha'ñapa' atarr nanac yorenet. Po'yorno'fetpa' atarr aye'chochtateññañet Yompor. Ñetñapa' atet otuyenet:

—Te'pa' o' orrtonaya puesheñarr ñeñt atarr sherbets ñeñt a'ñtene' Yompor po'ñoñ. Yomporpa' o' yerpuerrya ñeñfey e'ñe pueyochresha peneý.

17 Attoña acheñenesha'ñapa' epaye' serrpare'tyesuerret ñeñt atet pa'yena Jesús. O' e'ñe epa'hua ora Judeo'mar ña'ma ora erracmañen allampaño'mar.

Juan ñeñt apatañtate'tpa' mueñan pueyochresha' Jesúsesho (Mt. 11.2-19)

18 Añña Juan ñeñt ayottam'psaret, ñaña'pa' thocma serrpare'tateñ pueyochresha' ñeñt atet pa'yena Jesús. 19 Atteña Juanñapa' agotatan epsheña ñeñt pueyochresha' pen ñeñtcha' mueña Jesúsesho ñeñtcha' a'p'to'tenaya' Jesús po'ñochte' ñapa' ñeñt Cristotets ñeñt atarr cohuenet ahuatoteñ, ñato' amate' ñeñfeyayepa' añcha' cohuet po'psheñeñ ñeñtcha' huapatsa. 20-21 Allempoña ñetpa' ahuanmuet. Allempo' chapuet allo'tsen Jesús, Jesúsñapa' añ torra'yena a'crratanatyese' shonte' acheñenesha' ñeñt at-sna'tyets ñeñt pa'namen muerochtatyenahuet. Ña'ma ñeñt chorra'yena oneñeñ ñapa' o' e'ñe cáhpatatuerranet oneñeñ. Ña'ma shonte' aporo'yetechno ñaña'pa' o' alla e'ñe cohuatyesuerranet. Ñeñtña Juan pueyochresha'pa' a'p'to'toset Jesús, atet otoset:

—Juan ñeñt apatañtate't Yomporcop yapa' ñeñtña yemñene' o'ch yotenpa', ñato' p'ate'ña ñeñte'pte' e'ñe po'ñoñ Cristotets ñeñt atarr yecuen ahuatoteñ o'ch huapa; ñerra'm amate' ñeñfeyayepa' o'ch e'ñe potey allochñapa' añcha' yecua' po'psheñeñ ñeñtcha' huapatsa ñeñt e'ñe Cristo.

22 Jesúsñapa' otapanet:

—Te'pa' o'ch ahuerres seserrpare'tatuercha' Juan ora allpon ñeñt atet sentyesuennana' arr ña'ma ora allpon ñeñt atet se'myesuennana' arr. O'ch e'ñe seserrpare'tatuer ora ama't atfo aporo'yetechnopa' te'ñapa' o' e'ñe necuatyasuerranet, ña'ma ñeñt checa'repayetspa' te'pa' o' e'ñe chope'chyesuerret, ña'ma ñeñt osyen puetsarñats, te'pa' o' e'ñe a'cohuentataretetuerret ñamet, ña'ma paquetneshachnopa' ama't ñetpa' te'ñapa' o' e'ñe e'myesuerret cohuen, ama't ña'ma ñeñt rromayets te'ñapa' o' alla atantataretetuerret, ña'ma ama't ñeñt huocchañneshachno te'ñapa' o' e'ñe neserrpare'tatuerranet añ cohuen ñoñets alloch queshperret ñamet.

23 Jesúsñapa' alla oterranerr Juan pueyochresha':

—Ña'ma ellonetpa' o'ch sotuer Juan ñeñt atet notenes: Atarr cosheñtso'tsen ama't allohuen ñeñt atarr neyemtenaya na, ñeñt ama e'nenaye po'psheñeñ ñeñtcha' coshaterrahuet.

24 Allempoña Juan pueyochresha'pa' o' ahuanerret. Jesúsñapa' alla serrpare'taterranerr acheñenesha' ñeñt atet pe't ahuaña Juan, ñeñt'pa' atet otanet:

—Ahuaña allempo sete't amayo all serrpare'ten Juan, sapa' amaca' añepaye' sete'teña all o'ch sentena' amuesma' atet a'yama'tateñ miorr. 25 Ña'ma amaca' añepaye' sete'teña all o'ch sentena' ñeñt atarr coçhnesha'tetsa pa'shtam all, tarro'mar yeñoteñ amayopa' amaca'ye eñalleña all ñeñt atarr coçhnesha'tetsa pa'shtam. Yapa' yeñoteñ arrña yentenña ñeñt atarr coçhnesha' chorra'yenaya shetamuets amcha'taretepahuo. 26 Sapa'

añecopca'yeña sete'tña amayo o'ch sentena' all ñeñt' po'ñoçh a'mtene' Yompor po'ñoñ. Napa' o'ch notas, Juanpa' atto atarr sherbenan Yomporpa' ello metana'tuenan allohuen ñeñt' atto a'mtenet Yompor po'ñoñ. ²⁷ Tarro'mar Juanpa' ñocop eñose't Yompor ahuat. Ñehua, allempopa' atet otne't na ñeñt' atetcha' p'osa Juan nocop esempoch huapa, ñeñtpa' atet anaret ñoñets ahuatoteñ:

Papa' peñoche'pa'ch napa' o'ch nemñoña'p puesheñarr ñeñt'cha' ñanom otatsa ñeñt'cha' pa'cohuentatyese' p'ocop allcha' p'oñmos.

²⁸ Ñeño'marña na te'pa' atet notenes: Allohuen allpon acheñenesha' ñeñt' eñalletsa arr patsro ama't puesheñarra ama eñalleña ñeñt' atarr sherbets atet ñerra'mrrate' Juan ñeñt' apatyese'ya'e't ahuaña acheñenesha' Yomporcop. Tarraña ñeñt' ama esoshe'maye' enteneto ama't mamesha, tarraña ñerra'm pueyochresha' peñ Yompor atto te'pa' o' ayochreshattena, ñeñt'ña acheñerpa' atarra'ye sherben, ello metanenan atto atarr sherben Juan.

²⁹ Allohuen acheñenesha' ama't ñaña ñeñt' ashcañetyestse't atto atarr cobra'yesete't quelle ñeñt' gobiernocop ñeñt' apatyese Juan, ñetñapa' atto e'mñnotenetpa' otyeset: "E'ñe pocte' atet oteney Yompor." ³⁰ Tarraña fariseone'sha' epuet ñaña ñeñt' atarr etsotayenayeñ ñoñets ñeñt' atet anaret judione'shacop, ñetñapa' ama't e'ñe mamesha ama pocteye' enteñeto ñeñt' atet muenen Yompor ñocpuet, ñeño'marña ñetpa' ama apataneto Juan Yomporcop allempo.

Partsesha'ñapa' atet oterraneterr:

³¹⁻³⁵ —Ñehua, napa' o'ch neñotatas ñeñt' atet pena patantarr acheñenesha' ñeñt' yentyen te' ñeñt' ama't errotena ama acshatpoteneto. Ñeñtpa' fariseone'sha' atet petsa. Tarro'mar ama't allempo orrta Juan ñeñt' apatañtate't ñapa' ama rrane'te ñeñt' yocrrañ yepen allohueny, ama orrane'te ñeñt'ecma yorren allohueny. Ñeño'marña ñapa' cha sotyese't çote' chorreña oneñet, ama't e'ñe mameshapa' ama pocteye' señche'te. Te'ñapa' o' norrterra ñaña Ñeñten Acheñetsets. Napa' pa'namen nerra'yen ñaña norryen. Saña te'pa' atta sesochatse'tyenen ñaña atarro' arratsñaten ñaña atarro' orranñaten napa' año'chña e'ñe neyemuetyena ñeñt' atarr ochñatenesha' ñaña ashcarñafeçhno ñeñt' atarr cobra'yene' acheñenesha' quelle. Tarraña ama't atet sepenñoña' Nomporna' e'ñe eñotene' ñeñt' po'ñoçh atarr sherbets ñocop. Ñaña allohueny ñeñt'ey e'ñe puechemeresh'a' p'ohueney ñeñt'ey cotene' ña pocta'ña yapa' cho'ña e'ñe yeñotuenña ñeñt' po'ñoçh atarr sherbets. Ñeño'marña yorratyeyñañ ñeñt' cohuen enten ña. Sañapa' ama't e'ñe mamesha ama acshatpahuoyayso, e'ñe ates ñerra'mrrate' cheshanesha' ñeñt' çhocmach po'poñ entanna'tuenet amach mueno o'ch yemtana all yellsheñen po'potantañ pacmachoresha' all plazo all shontena acheñenesha'. Ñetñapa' amach mueneñeto o'ch coshaprechet pacmachoresha'. Ñeño'marña ñetpa' atto yellsheñenetpa' atet oteñet po'potantañ pacmachoresha': "Yapa' ama't o'yerequerca' hua allo yocshame'tenapa' sañapa' amaña seshe'rarañpenye; al-lotpa' ama't o'yepctorare'tua ñeñt' ya'chpeñtsoreçho allo yellcanrrortenapa' sañapa' amaña sellcapretenyo."

Allempo Jesús'pa' rralme'chos fariseo pa'paclo ñeñt' soçhetsa Simón

³⁶ Allempoña Jesús'pa' o' huapoña ñaña puesheñarr fariseo o'ch otenana' Jesús rralme'chapreteñepa' pa'paclo. Jesúsñapa' allenta coterran fariseo. Allempoña çhapach pa'paclo anorrçha'toset parro allcha'

rrallme'chapretos. ³⁷ Puesheñarrña coyanesha' ñeñt allo'marnesha' ñeñt atarr ecañoreshat, ñaña'pa' o' e'mare'ch o' chap Jesús fariseo pa'paclo all rrallme'chen. Ñaña'pa' huapa, huapatan ñeñt atarr eñmosat ñeñt nanac tsa'te'; huapatam'pes puetellmo ñeñt otenet alabastro. ³⁸ Allña'pa' pueya'chpeñesha' huapa, ponmosana Jesús pa'tco. All atarr yahuosa, puese'ñapa' cha tso'psa'tos Jesús pa'tco. Allempoña chetosanña pue'chpa' alloña alla a'porrarrat'quër, tso'tsteca'tosan pa'tac, she'tatca'tos eñmosafo. ³⁹ Añña fariseo ñeñt hua'ñene' Jesús, ñaña'pa' eñchpa' atet ot pueyo'chro: Tarraña añ yacma ñerra'm po'ño'ch ñeñt a'm'tenayeyñ Yompor po'ño'ñpa' eñotapaneñcha'ña añ coyanesha' ñeñt a'pllene'pa' atarr ecañoreshat, amach muenacheñe o'ch a'pllosñañ ama't pa'tca. ⁴⁰ Jesúsña'pa' atet otan fariseo:

—Napa' nemneñ o'ch masheñe Simóna notap allpon ñoñets.

Fariseoña'pa' atet och:

—E'ñe pocte' nenteñ Maestrocha' o'ch pöten.

⁴¹ Jesúsña'pa' alla toma'ntacha, atet och:

—Napa' o'ch not, allo'tsen puesheñarr acheñ ñeñt artetsa quelle. Ñaña'pa' artana puesheñarr acheñ nanac shonte' quelle ñeñt otenet quinientos denario*; po'psheñeñña'pa' archa po'poñ quelle ñeñt ama tama atonayaye ñeñt otenet cincuenta denario. ⁴² Attoña epsheño'maretpa' ama eshcaye'tsa'tuerreto ñeñt allpon teba'yenet tarro'mar ama echeneto alloch tsa'terret. Ñaña'pa' e'ñe atta peretna'huerranet epsheño'maret, e'ñe attecma ama eseshaye'tsa'terretto. Te'ña masheñe Simóna o'ch na'p'to'tap, añ epsheño'mar ñeñt amorrentaret atoch peretnerranet allpon tebenet zerra'tsena't pentenña pa' ñeñt atarr morrentenaya ñeñt peretnene', ñato' añte' acheñer ñeñt tebene' quinientos denario amapa' añte' ñeñt e'ñe cincuenta denario tebene'?

⁴³ Simónña'pa' alla anapuerranerr Jesús, atet otererr:

—Ñehua, añte'ca'ye atarr morrentenaya ñeñt ap shonte' quelle, tarro'mar ñapa' shonte' o'atta ap'retnareterra ñeñt allpon shonte' teben.

Jesúsña'pa' alla otererr:

—Atetca'ye masheñe.

⁴⁴ Allempoña Jesús'pa' cohua' allente'tsen coyanesha' allotña'pa' alla oteranerr Simón:

—Pecue' añ coyanesha' ñeñt atet posen. Allempo ne'chap pepaclopa' pa'ña'pa' ama es pa'papno ama't oñapa' ama pa'papno alloch ne'patca'tosa. Tarraña añña coyanesha'pa' ñaña ne'patca'tose' e'ñe ña puese'yo allempoña'pa' alla a'porrarrat'quërren e'ñe ña pue'cho. ⁴⁵ Ñaña allempo ne'chap pepaclopa' pa'ña'pa' ama't pehuom'cha'teño'tapa' ama petso'ttsa'pa'tapno. Tarraña añ coyanesha' e'ñe allempo ne'chap pepaclo ama atta cachposno allorocma tso'tsteca'tosen attoña orrtatosan puemorrenteña nocop. ⁴⁶ Papa' ama't coñe'tapa' ama es peshapono noño ama't olivoso'ya ñeñt ama tsa'teyaye. Tarraña ñaña'pa' eñmosafo she'tatca'tosen ñeñt atarr tsa'te'.

⁴⁷ Attoña te'pa' atarr orrtatosnan ñeñt atto morrentosna. Napa' neñoteññañ ama't shonte' po'chñar te'ñapa' o' e'ñe ap'retna'huareta. Tarraña po'psheñeñ ama't ama tama ochña'teyaye attoña ap'retna'huareta po'chñarpa' ñaña'pa' ama e'ñeye' morrentapanoña ñeñt o'peretnerrñañ po'chñar.

⁴⁸ Allempoña Jesús'pa' otan coyanesha':

* 7:41 Denariopa' quelle ñeñt allpon tsa'tenet pam'tarr ñeñt taruaset all pa'nyo.

—Te'ña po'ñoçhpa' o' e'ñe aḗretna'huareterra ḗo'chñar.

⁴⁹ Allempoñapa' ñeñt̃ parro rralme'chenet, ñetñapa' otanna'tyeset:

—Esesha' huañaca'yeña añ yacmar atto peretnerrañña ochñarets.

⁵⁰ Jesúsñapa' alla otterranerr coyanesha':

—Papa' atto atarr peyemtenna ñeñt̃ña o' a'quesḗpaterreḗ. Te'ñapa' o'ch ahuerreḗ e'ñe peñmañesha'.

8

Atto coyaneshaçhnopa' es apa'yesete't Jesús ñeñt̃ allpon eçhyenet

¹ Allempoñapa' chopeñe'cherrerr Jesús erraḗaren serrpare'tyesnomue' cohuen ñoñets attoch çhap allempo ayochreshattena Yompor. Erracmañen chopeñe'chyen, ora allemeñ anetso'mar all shonta'yena acheñenesha' ñaña all ama tama shonteyaye acheñ. Allñapa' cota'huanererr pueyochresha' çharrasheña ñeñt̃ puechetsa epsheña. ² Allñapa' cota'huanemñ ñaña patantarr coyaneshaçhno ñeñt̃ a'crratyesua Jesús ahuañmo'cha, puesheña'tetspa' ñeñt̃ caçhpatatyerr oneñeñ ñeñt̃ chorrahuete't, po'psheñeñçhnopa' ñeñt̃ a'crratyes ñeñt̃ pa'namen atснаñtsor mueroc̃tatyesahuete't. Puesheñarr coyanesha' ñeñt̃pa' añ pa'so'cheñ María Magdalena. Ñeñt̃ Mariarpa' Jesúsñapa' puecaçhpatataroñ cançherr oneñeñ. ³ Ñehua, po'psheñeñ coyanesha' añ pa'so'cheñ Juana. Puerrollarñapa' añ pa'so'cheñ Chuza añ po'taruas peñ atto sherbenan amçha'taret Herodes. Allotña po'psheñeñ coyanesha' ñeñt̃ cota'nene' Jesús ñeñt̃pa' añ pa'so'cheñ Susana. Ellopa' shonte' po'potantañ coyaneshaçhno ñeñt̃ es apa'yesaye't Jesús ñeñt̃ allpon eçhyenet ñet.

All toma'ntatanet Jesús ñeñt̃ a'parre'tene' puerets

(Mt. 13.1-9; Mr. 4.1-9)

⁴ Allenateñ anetsoñ huaçha'tyena acheñenesha' ñeñt̃ çhaçhets Jesúsesho. Allempoñapa' o' çha shontoset nanac, Jesúsñapa' serrpare'tatapanet, atet toma'ntatapanet:

⁵ —Ñeñt̃ña a'parrene' puerets ñañaapa' ahuo' allcha' a'parre'tyenana' puepue. All a'parre'tyeñ patanta'tetsñapa' alla çhapyes toño'mar, ñeñt̃ñaapa' atta atmama'tyes acheñenesha'. Allñapa' huaçha'tyesa ñaña ot e'ñe añyallme'chuenana' puerets. ⁶ Po'poñeçhnoñapa' alla çhapyes mapuetro'meso'mar. Ñeñt̃ñaapa' mameshapa' cheparesuañ, tarraña mameshapa' alla hueya'huerra tarro'mar all mapuetro'mesopa' ama eñalle ama't coñe'ta oñ ñeñt̃cha' a'yamosañpse' narmets ñeñt̃ o' cheparesua all. ⁷ Po'potantañña pueretspa' alla çhapyes allcha' chepares aj. Allpa'çho' mameshapa' cheparesuañpa' ajñapa' mameshapa' atesha'tua alla ca'matuerrañña narmets alla a'cllatuer. ⁸ Po'potantañeçhno ñeñt̃ñaapa' arr çhapyes all e'ñe cohuen patso. Ñeñt̃ñaapa' e'ñe cohuen chepares. Allempoña atesha'tuapa' atarr aton ellonñre'tyes. Puecha'tetspa' çharroch çharra' pue'llomer.

Allempoña serrpare'tatuanet atetpa' o' alla otterraneter. E'ñe huomen-cocma eñorana'tanet, atet atanet:

—Ñeñtes po'ñoçh ne'mñotene', çhaponasepa'ch seyoçhro ñeñt̃ atet netma'ntatensa añ ñoñets.

Atet atanet Jesús ñeñt̃ecop atet toma'ntatyanet

(Mt. 13.10-17; Mr. 4.10-12)

⁹ Allempoña pueyochresha'pa' ochet Jesús:

—Ta'm ¿este'ña petma'ntatenya? Yañapa' ama yeñoteñe.

¹⁰ Jesúsñapa' alla oterraneterr:

—Sa te'pa' Yomporña o' muenaterres attoch señoterr ñeñt ama eñotpahuoyaye ama't ahuatoteñ atet penaña Yompor po'cohuenña atto atarr ayochreshattena ña. Tarraña po'potantañechnoña ñeñt atta es puecha'yetsa, ñocpuetpa' ama eñoteñeto ñeñt atet atma'tataret ñoñets. Attoña ama't enteñetañ ñetñapa' amach es chenahueto pueyoçhreto. Ama't e'mueñetañ amaña çhenanetoña pueyoçhreto ñeñt atet yeçhateney Yompor po'cohuenña.

Arppa' all eñotatanet Jesús ñeñt toma'ntatenanet ñeñt a'parre'tene' puerets (Mt. 13.18-23; Mr. 4.13-20)

¹¹ Ñehua, ñeñt atet netma'ntatasa ñorra'pa' ñeñtpa' atet notenes: Ñeñt a'parre'tyene' puerets, ñeñt pueretspa' añ notenes Yompor po'ñoñ allempo serrpare'teñet. ¹² Añ puerets ñeñt çhapyesets toño'mar ñeñtpa' añ notenes acheñenesha' ñeñt e'mñotenayeñ Yompor po'ñoñ. Allempo e'mñotuetpa' allorocmach huapa oneñet o'ch alla puerratamperranet Yompor po'ñoñ pueyoçhreto. Attoña amach mueneñeto o'ch ame'ñenet, attochña ñetpa' amach a'queshpataretterreto. ¹³ Ñaña ñeñt çhapyesets mapetro'meso'marpa' ñeñtpa' añ notenes acheñenesha' ñerra'm esempo e'mñoteññañet Yompor po'ñoñ e'ñech pocsheñesha' aguerrñañetañ Yompor po'ñoñ. E'ñech cohuen ame'ñeretañ tarraña ñetpa' mamecpach atet pet. Tarro'mar ñetpa' atet penet ñerra'mrrate' narmets ñeñt chepuets mapyo amach eñalle puereçh. Tsapaonetña ñerra'm o'ch huapanet topateñets, ñetñapa' o'ch alla caçhpuerrñañet Yompor po'ñoñ. ¹⁴ Ñaña puerets ñeñt çhapyesets ajmo'mar, ñeñtpa' añ netma'ntatena po'potantañ acheñenesha' ñeñt e'mñotenayeñ Yompor po'ñoñ. Ama'tcha' çhapanetañ mame' pueyoçhreto, tarraña ñetpa' allo'nach senet aña atarr cotape'chenet ñeñt lleca'yenet arr patso ñeñt e'ñe ñocpueta. Añach muenenet o'ch esocmañen es eçhyenet attoch allo e'ñe cosha'yenet. Attoña ñetpa' amach errotenot orrtatoñeto ñeñt atarr sherbets Yomporcop. Ñetpa' e'ñe atteta ñerra'm narmets ñeñt çha ca'matuerr ajma' amach errotenot ellonre'tyeseto. ¹⁵ Ñaña añ puerets ñeñt çhapyesets e'ñe cohuen patso ñeñt e'ñe cohuen cheparsatspa' ñeñtña toma'ntenaya po'potantañ acheñenesha' ñeñt e'mñotene' Yompor po'ñoñ. Ñetñapa' atto ame'ñeññañet Yompor po'ñoñ amach pusereto çhoch eñochet pueyoçhreto attoch e'ñe cohuen ma'yoçhroñet Yompor po'ñoñ. Chocmach orrtatayenet ñeñt atarr sherbets Yomporcop amachña çha caçhpueñeto. Attoña ñetpa' e'ñe atet penet ñerra'm narmets ñeñt atarr aton ellonre'tyets.

Arppa' all toma'ntatanet lampareñ atto çhoyo'tampeney (Mr. 4.21-25)

¹⁶ Jesúsapa' alla toma'ntaterraneterr po'poñoneñ; ñeñtpa' atet atanet:

—Ñerra'm esempo ya'llchaten lampareñ ñeñtpa' ama añecpaye' ya'huortateñe o'ch alla ye'rramamper coymño. Ñaña ama añecpayaye o'ch alla yener o'ponot yemayeñnaçho. Añecpña ya'huortatenña lampareñ o'ch yene' enonet attoch çhoyo'tampesuan allohuen acheñ ñeñt be'tosçhets o'pono pocollo. ¹⁷ Tarro'mar allohuen ñeñt ama eñotpahuoyaye ama't ahuatoteñ, te'ñapa' o'ch e'ñe orrtataretterra attoch e'ñech eñotataretterret e'ñe poctacma.

18 'Ñeñto'marña sapa' señotenafe' e'ñete' po'ñoç cohuen se'mñoteññañ Yompor po'ñoñ ñato'pa' amate'. Eshesha'te' çhena pueyoçhro ama't e'ñe allpona Yompor po'ñoñ, elloña Yomporpa' allo'nach eñotatnenanet nanac shonte'. Tarraña esesha'ña ñerra'm ama çhenaneto pueyoçhro tarro'mar ñetpa' ama po'ñoçhaye' aguëññañeto Yompor po'ñoñ ama't allpon eñotenetañ pueyoçhro ñeñña'pa' çhach puerratañperranet Yompor.

Allempo huapoña Jesús pachor ñaña pa'mo'nasheñnesha'
(Mt. 12.46-50; Mr. 3.31-35)

19 Allempoñapa' huapa Jesús pachor epuet ñaña pa'mo'nasheñnesha'. Chapuet allpa' shonte' acheñnesha' ñeñt emchorrenaya Jesús. Ñeñto'marña ñetpa' ama eshcaye' entosetoña Jesús allame'tets. 20 Allempoña acheñnesha' ochet Jesús:

—O'ca'ye huapaña pachor ñaña pemo'nasheñnesha'. Ñetpa' a'yote'tsa'yenet, mueneñet o'ch entenpeta'.

21 Ñaña'pa' atet otanet:

—Allohuen ñeñt e'mñotene' Nompor po'ñoñ ñetña ñerra'm atet pohuenet ñeñt atet otene'y, ñeñña e'ñe po'ñoç nachor nepen ñaña ñeñña e'ñe nemo'nasheñ nepen.

Allempo a'mchecherran Jesús huomenquësha' ñaña sa'p ñeñt emo'yare'tetsa'

(Mt. 8.23-27; Mr. 4.35-41)

22 Allempo çherrerr pamtarr Jesúsñapa' a'tapos noñto epuet ñaña pueyoçhresha'. Ñaña'pa' atet otanet:

—Te'pa' o'ch ahuañpsey yon'ta'n.

Allempoñapa' ahuañpset noñto. 23 Allempo ahuañpset Jesúsñapa' alla ma' noñto. All muenpa' machayota huomenquëshatañpesnomuet. Emo'yare'ñapa' çha esha'tena noñto, atteñapa' chorramoch oñ noñto çha muene' esha'tatan noñt. 24 Atteña pueyoçhresha'ñapa' ponermyet Jesús all muenpa' opueret, atet ochet:

—Maestro, po'ñoçhuachca'ye yoclla'huerrate'.

Jesúsña tanterrapa' e'ñe po'ñoño'ta a'mtsoññetueran huomenquësha' ama't ñaña emo'yare'pa' o' e'ñe a'mtsoññetuer. Attoña ñetpa' o' alla e'ñe cohuen muechettamperret. 25 Allempoña Jesús'pa' otanet:

—Eso'mare'tña sapa' ama e'ñeye' seyemtenno.

Ñetña'pa' çha atarr nanac yoren. Atta cohuanrrorteñet ñetña'pa' atet otanna'tyeset:

—Ta'mca'ye añ acheñerpa' esona'tarte'ca'ye. Atarrepa't es a'mchechaten, ama't po'ñoño'tapa' a'mchechaterran huomenquësha' ama't ñaña emo'yare' oñ.

Atto gadaro'marnesha' ñeñt chorrena oneñëpa' huapa Jesúsesho'
(Mt. 8.28-34; Mr. 5.1-20)

26 Allempoñapa' o' etsotaset yon'ta'n all senet. Allpa' añ pa'ney pene' gadaro'marnesha' alla yot Galileo't. 27-29 Allña sohuosa Jesús noñto'tpa' allña'pa' huapoña puesheñarr yacma ñeñt allo'marnesha', tarraña ñapa' añ chorrenaya oneñt patoner. Ñeñña'pa' ahuatoteñ atta chopeñe'chyen muelle'mcot, ama shetamteno. Ñapa' alla yeçhena all pampueñet arromña'echno ama pocolloye' yeçheno. Ñehua, oneñëpa' allempo rromuenan yacmapa' epaye' ottatse'tache't allempoteñ. Pamo'tsesha'ñapa' ahuo'ch rromuetpa' o'ch huanquëtañ attoch cohuañpeñet. Ñaña'pa' çhach

tsepe'tuanman allo huanquëññañet pot ñaña pa'tac oneñeñña'pa' ahuo'ch'cho' matach a'yo amayo. Allempoña entapan Jesús'pa' rrana'nma huomenc, mata Jesúsesho, rromosñaña allame'tets. Allempoña Jesús'pa' otosan oneñeñ ñeñt chorrenaya yacma:

—Te'pa' o'ch peca'chpa'ner añ acheñer.

Ñeñña chorrena oneñeñ'pa' ñaña'pa' atet otapan Jesús:

—Eso'maruachca'ye Jesús'o pa'tsrre'mochtana'tosen, papa' ñeñe'p Ñeñt Nanac Parets Puechemerep. Te'pa' notapa'pcha' amach peçoñchatatstosno.

³⁰ Jesús'ña'pa' alla oterranerr ñeñt chorrena oneñeñ:

—Papa' ¿eso'tña pesochena?

Ñaña'pa' atet oterranerr Jesús:

—Napa' añ neso'cheñ Legión.

Ñehua, añ so'chñets ñeñt otenet shonte' nanac, tarro'mar ñeñt nanac patoner oneñeñ ñeñt chorrenaya. ³¹ Ñehua, oneñe'fe'chno'ña'pa' atet otare'tapet Jesús:

—Amach arra pemñatstosye o'pono coñcha'puetso.

³² Ñehua, allpa' a'yente'tsa'yen shonte' chañcho'chno ñeñt rratse'tyets aspentonet. Ñeño'marña oneñe'fe'chno'pa' atet otare'tapet Jesús:

—Ñerra'm choch muene' erroten pe'poseypa' arrña pemñaye'chosey chañchesho allochña'pa' o'ch yechorra'yererr ñaña chañcho'chno.

Jesús'ña'pa' allenta otanet:

—Ama'tca'ye orrasca'ye.

³³ Allempoña oneñe'fe'chno'pa' ca'chpa'huaneret yacmapa', alla chorrereter ñaña chañcho'chno. Chañcho'ña'pa' allempo chorrosya oneñe'fe'chno'pa' chepa'tcha' matrra'tua allohuen ñegonet shor'cha'tuos allotpa' e'ñe ño'shrra'tuosa oño.

³⁴ Acheñenesha'ña ñeñt cohuan'pene' chañcho allempo eñchet atet pa' chañcho o' shor'cha'tua oño, ñet'ña'pa' allenta matrra'tet ñamet pueyor'ño't ahuanmuet anetso. Allña'pa' serrpare'tyesoset ñaña ora allohuen allampaño'mar. ³⁵ Acheñenesha'ña'pa' allenta ahuanmuet ahuo'ch enteñeta'. O' ch'acha'tet Jesúseshopa' allña'pa' entoset yacma ñeñt chorre't oneñeñ. Alla anen allame'tets Jesús pa'tcot ashtama't. O' eñoterra o' cohuenterra. Ñet'ña'pa' cha atarr mecha'na'toset. ³⁶ Añña ñeñt entene' Jesús atto ca'chpatatenan oneñeñ acheñ, ñet'ña'pa' allenta serrpare'tatapet ñeñt hua'cha'ttsa anetso't. ³⁷ Allempoña allohuen acheñenesha' ñeñt ye'cha'yetsa all ñeñt gadaro'marnesha' ñet'ña'pa' pueyor'ño'tet atet otoset Jesús:

—Te'pa' o'ch ahuerrep arrot.

Allempoña Jesús'pa' a'terr noñto o'ch ahuer. ³⁸ Yacmaña ñeñt chorre't oneñeñ ñaña'pa' allenta otan Jesús:

—Napa' nemneñca'ye te'pa' o'ch nocterrep.

Tarraña Jesús'ña'pa' ama muenache, atet och:

³⁹ —Allapach, te'pa' o'ch ahuerrep pepacillo pamo'tsesho'mar o'ch peserpare'taturanet ora allohuen atto Yompor atarr yenposep.

Ñaña'pa' atet otue Jesús'pa' atet'cho' pa. Allenta ahuer serrpare'tyesnerrets ora anetso'mar atto Jesús'pa' atarr nanac yenpos.

Atto Jesús'pa' tantaterran Jairo po'señ ñaña all a'crratnoman puesheñarr coyanesha' ñeñt a'plla'nmue' pa'shtam (Mt. 9.18-26; Mr. 5.21-43)

⁴⁰ Allempoña alla therr Jesús añemta'n allot ta ahuaña. Acheñenesha'ña allpa' e'ñe pocsheñesha' agapapueñet tarro'mar o' atarr cohueret o'ch huerra. ⁴¹ Allempoña allpa' huapoña puesheñarr amcha'taret añ pa'so'cheñ Jairo. Ñapa' ñeñf puesheñarr ñeñf amcha'tarettetsa judionesha' po'prahuo. Ñaña'pa' alla rromosa Jesús pa'tcotpa' atet otosan Jesús:

—Napa' nemneñ o'ch pocterren nepaclo, ⁴² tarro'mar neseñ ñeñf nepatrro'pa' cha atсна'ten o' a'po'ntsa'mocha.

Ñehua, ñeñf po'señpa' allponte' echenan po'charña tharra' puechena epa char.

⁴³ Allempo cota'ner Jesús cota'huaner ñaña shonte' acheñenesha' cha emchorrartse'tnomet, cha to'mama'tneñet. Allña'pa' cota'nmanet ñaña puesheñarr coyanesha' ñeñf atсна'tets. Charra' puechena epa char ñeñf atto chocma yella'yena. Ama't epaye' partata o' a'gasta'huahuan po'çllayor atto parteñet amaña eseshaye' a'crraterraye. ⁴⁴ Ñaña'pa' all cota'nenan Jesús pa'che'ñoñ, allña'pa' a'pllerrñaña' pa'shtam pa'rrpe'mot. E'ñe a'plla'hue' pa'shtampa' allorocma maserrña po'rras, o' metuer ñeñf atto mueroc'hena.

⁴⁵ Jesúsña'pa' atet otanet:

—¿Esesha'tña o' a'plla'nmuenna neshtamot?

Ama eseshaye' eñoratsó. Pedroña ñaña ñeñf epuet yemtena, ñetña'pa' atet ochet Jesús:

—Maestrocha' p'apa' penteñte' shonte' acheñenesha' ñeñf allotemeña peto'mama'tnene'. ¿Eso'mare'tña potenña esesha'te' pa'pllene' peshtamot?

⁴⁶ Tarraña Jesús'pa' atet oterraneterr:

—Napa' neñoteñ po'ño'ch puesheñarr acheñ e'ñe puemnenñoñ a'pllenen neshtamot tarro'mar napa' neñotena napa' o' na'crrach e'ñe na nehuamencot atto a'pllenen.

⁴⁷ Coyanesha'ña allempo ñapa' eñotena amach errotenot a'nasoto. Ñapa' cha pa'shmuaena pueyorñoñ concorposa Jesús pa'rrpot. Allña'pa' e'ñe a'meta'huosan ñapa' añecopña a'pllenen Jesús pa'shtam attoch correrra e'ñe cohuen. Allña'pa' atet otan allohuen acheñenesha':

—Na allempo na'p'loñ Ayochreshat pa'shtampa' ñeñfña na'crraterre' alorocma.

⁴⁸ Jesúsña'pa' atet otan coyanesha':

—Papa' nesñeshacha' atto atarr peyemtenna na attoña te'pa' o' e'ñe na'crratnomuep. Te'ña'pa' o'ch ahuerrep e'ñe peñmañesha'.

⁴⁹ Allempo eñorena atetpa' allña'pa' hua'cha'ta ñeñf huetsa amcha'taret Jairo pa'pacillot. Ñetña huapuetpa' atet otoset Jairo:

—Peseñpa' o'ca'ye rroma. Te'ña'pa' amach allo'na pa'tsrre'mochtana tatsche Maestro o'ch coterrep pepaclo.

⁵⁰ Jesúsña ama't e'man atet otoset Jairopa' ñaña'pa' atet otan Jairo:

—Papa' amach cha pe'charrtatstó peyo'cher, nachña e'ñe peyemta attoch correrraña peseñ.

⁵¹⁻⁵³ Allempoña'pa' ahuanmuet Jairopahuo. Chapuet pocollo allña'pa' allo'tsa'yen shonte' acheñenesha' all yahuanrrortenet, ya'na'teñet arromñañ. Jesúsña'pa' otosanet:

—Amach atarr seyahuatstó. Añ shopshesha'pa' amaca'ye çhoye' rromueno çhaca'ye muen.

Ñetña pachmare'teño'tetpa' atta che'tatsetyesapet tarro'mar ñetpa' e'ñeca'ye eñoteñet çhoca'ye rromuen. Allempoña Jesúsña'pa' ama muenatano allohuen acheñenesha' o'ch be'toset allo'tsen arromñañ. Ñapa' aña muenat

Pedro ñaña Juan, ñaña Jacobo ñaña arromñañ puepapar ñaña pachor ñeñña epuet be'toscha'toset allo'tsen arromñañ. ⁵⁴ Allempoña Jesús pa'rremota'tosan shopsheshañ pototpa' po'huamencocma otos:

—O'ch nesñe notoseñ, te'pa' čhořa tanterrtsa.

⁵⁵ E'ñe otue' atetpa' allentepa'tcha' o'rerrererra čha tanterrtsa. Jesúsña pa' otanet:

—Te'pa' o'ch serratallme'cher.

⁵⁶ Puepaparña ñaña pachorpa' ñetña pa' atta cohuanrrorteñet. Jesúsña pa' atet otanet:

—Amach esesha' sotapsa'tatsto ama't puesheñarra ñeññ atet o' norrtaten-nasa' sepaćlo.

9

Allempo Jesús pa' llesensan pueyochresha' čharrasheña ñeññ puechetsa epsheña

(Mt. 10.5-15; Mr. 6.7-13)

¹ Allempo čhapa'muen allempo Jesús agota'muenan pueyochresha' čharrasheña ñeññ puechetsa epsheña. E'ñe ap'cha'huet ñeshopa' ñaña pa' atarr ahuamencat pa'yesanet, attoña apanet ñaña llesens attoch cachpatatyeret oneñeñ acheñenesha' ama't erra'tsena ñeññ atarr mueročhtatyenahuet. Ñaña ahuamencat panet attoch a'crratyeset acheñenesha' ama't erra'tsena ñeññ osyenahuet. ² Attoña llesensanet attoch ahuanemyeset pa'namen anetso'mar serrpare'tyesnomuet Yompor po'cohuenña atto atarr ayochreshattena ña. Ñaña añećpa'ñaña llesensenanet attoch a'crratyesoset acheñenesha'. ³ Ñaña atet otapanet:

—Amach es sanmatsto ama't coñe'ta allcha' sechopeñe'chyes—ama't se-carra, ama't sebolsa, ama't ñeññcha' serra'yesnom ama't sećllayora ama't e'ñe epma seshtampa' amach sanmatsche sechope'čpayo. ⁴ Alla oter-raneterr:

—Ama't errach pocollro sećhap allach sommosa allponmat esempohuach ahuerreserr po'poñ anetso. ⁵ Ñerra'm erra anetsro ñeññ allo'marnesha'ña ama cohuenaye' agapasetopa' o'ch semterrerr ñaña allot. Ñerra'm allempo semterrerrña ñaña allot ñeññña setco'tsa'yen pañe'te' patspa' čhoch sepa'shetca'tyesnomña setac. Attochña allo'marnesha'pa' o'ch señotatnomanet ñetpa' amaca'ye pocteye' entenanetoña Yompor.

⁶ E'ñe ñeñña otaretuetpa' ñetña pa' allenta ahuanmuet o'ch chopeñe'chyeset erracmañen anetso'mar. Allña pa' añ serrpare'tyesnomuet cohuen ñoñets alloch yequeshperra. Ñaña all chopeñe'chyeset erracmañenpa' allña a'crratyesnomet ñeññ atsa'nyets.

Allempo e'ñe cohuen es orrtatyes Jesús, Herodesña pa' čha otapañ Juanañe' o' tanterra ñeññ apataye't acheñ Yomporecop

(Mt. 14.1-12; Mr. 6.14-29)

⁷ Am'cha'tareña Herodespa' ñaña pa' atet e'mare'tenan Jesús ora ñeññ allpon atet pa'yena. Ñaña pa' čha atarr llequena tarro'mar patanta'tets acheñenesha'pa' atet otyenet te'pa' o' orrterra Juanañ, o' tanterra rromot. (Herodespa' añña atarr llecatene' tarro'mar ñapa' ña pechate' Juan ahuaña.) Ñeñño'marña ñapa' ñeñña nen pueyoćhro atto acheñenesha' otenet ahuo' tanterra Juan rromot. ⁸ Po'potantañña pa' atet otyenet:

—Eliañoñca'ye o' orrterra.

Po'potantaññapa' ñetpa'cho'ña atet otyenet:

—Añpa' ñeñtca'ye a'ñtaye't Yompor po'ñoñ ahuat, te'ñapa' o' tanterra rromot.

⁹Amcha'taretña Herodespa' atet ot:

—Napa' neñotena naca'ye pechate'ña Juan ahuaña. Eshesha'huañaca'yeña ñeñt orrtatene' ñeñt ama't ahuatapa' ama yentare ñeñt atet atarr ne'mare'ten.

Ñeñto'marña ñapa' atarr mueneñ o'ch entan ñeñt Jesúsotets ñeñt orrtatyene' ñeñt ama puentare acheñenesha'.

Allempo Jesúsapa' rratenan shonte' acheñenesha'; ñeñtña acheñenesha'pa' allo'tsen amnaroch mil

(Mt. 14.13-21; Mr. 6.30-44; Jn. 6.1-14)

¹⁰ Allempo huaçherra Jesús pueyochresha' ñeñt llesensa'yes ahuaña. Ñetñapa' o' çhacherret Jesúsesho, serppare'tatyesueret Jesús allohuen allpon atet pa'yeset allemeñ anetso'mar. Allempoña Jesúsapa' ahuanman pueyochresha' e'ñe ñap'ochayet, çhapuet all ama acheñempaño'yaye all allame'tets anetso, ñeñt anetspa' añ pa'so'cheñ Betsaida. ¹¹Tarraña acheñenesha'ñapa' allempo e'mare'chet o' ahuanmuet all, ñetpa'cho'ña allenta ahuanmuet ñamet. Chaçha'tet Jesúsesho ñañapa' e'ñe cohuen agapanet. Allñapa' serppare'tatyesapueraneterr atet penaña Yompor po'cohuenña atto atarr ayochreshattena ña. Ñaña allpa' a'crratyepuerranerr ñeñt atsna'tyets.

¹²Atteñapa' o' ellerren. Añña pueyochresha' çharrasheña ñeñt puechetsa epsheña ñetñapa' oteñeta' Jesús:

—Te'pa' o'ch pemueñhuer acheñenesha' ahuanemyerretepa' anetso'mar allampaño allcha' mayesuerret allcha' entyesuerret puerrar ñeñtcha' rra'y esuerret. Tarro'mar te'pa' arro'tseney all ama acheñempaño'yaye.

¹³Tarraña Jesúsñapa' otan pueyochresha':

—Sachca'ye apa'y esahuet ñeñtcha' rret.

Ñetñapa' atet ochet:

—Ya arrpa' amaca'ye es yecheno ama't coñe'ta. Yapa' e'ñe amnara pan yechen ñaña epatoll cac. Ñato' yapa' o'ch ahuey anetso allcha' yerañena' rreñets ñeñtcha' yerrach allohuen shonte' acheñenesha'.

¹⁴Ñehua, allo'tsen shonte' acheñenesha' amnarochte' mil yacmanesha'. Allempoña Jesúsapa' atet otan pueyochresha':

—Te'pa' o'ch soch acheñenesha' anorrçha'tyesetepa' e'ñe ñopa'ttsocmuet, e'ñech amnarochte'tsocma çharrapa'tets anorrçha'tyeset.

¹⁵Pueyochresha'ñapa' atetcho' pet, anorrçha'tatyeset acheñenesha' allohuenet. ¹⁶Allempoña Jesúsapa' agapan ñeñt amnar pan ñaña epatoll cac, cohua' enonet parasyoso'tam'psan pan. Allempoña' shota'tan pan, shetsetan ñaña cac. Apanatyesan pueyochresha', ñetñapa' epatyaset allohuen acheñenesha' ñeñt anorrçha'tyets all. ¹⁷O'ña epa'huet allempoña o' rrallme'chet allohuenet, e'ñe yettra'tuahuet. O'ña yetuahuetpa' çha a'pchatyaset ñeñtñapa' a'yapaçheret. Ñeñtña a'yapaçherretpa' çhepa'tcha' chorrats çharra' puechena epa cañer e'ñe tamo'yare'.

Atto Pedropa' otan Jesús papa' paña Yompor Puechemerep ñeñtep Cristotets

(Mt. 16.13-19; Mr. 8.27-29)

¹⁸Allempoña pamtarrpa' allo'tsen Jesús all ma'yochena e'ñe ñap'ochayet pueyochresha' epuet allo'tsen. Allñapa' atet otan pueyochresha':

—¿Errofena't otyenenña allohuen acheñenesha' napa' eseshante'?

¹⁹ Ñetñapa' atet otyeset:

—Patantarr acheñenesha'pa' atetca'ye otyenpet p̄apa' Juanañpo'te' ñeñtepo' apatañtatse't Yomporecop. Po'potantaññapa' atet otyenpet, p̄apa' Elíasopo'te'. Po'potantaññapa' atet otyenpet p̄apa' ñeñtepo' ñeñt a'mtaye't Yompor po'ñoñ ahua't. Te'ñapa' ahuo' alla petanterra perromño't.

²⁰ Allempoñapa' alla a'p̄to'terraneterr:

—Sañapa' ¿errofena't sotenenna sa?

Pedroñapa' eñoratsapa' atet och:

—Papa' ñeñtep̄ca'ye Parets Puechemerep̄ ñeñtep̄ Cristotosets.

Atto Jesúsapa' eñotatan pueyochresha' ñapa' amtsaretterrach

(Mt. 16.20-28; Mr. 8.30-9.1)

²¹ Jesúsñapa' alla oterraneterr:

—Ama't puesheñarrofa amach esesha' sotaṗsa'tatsto napa' ñeñfen Yompor Puechemeren ñeñfen Cristotets. E'ñe po'ñoñ notenes amach esesha' soṗsa'tatsto.

²² Elloñapa' alla oterraneterr:

—Napa' Ñeñfen Acheñetosets, atet anaret nocop, nanaccha' na'muerochtataretterra. Amach esesha' pocteye' nenterraye—ama't ñeñt pompornesha' pen allohuen judionesha', ama't ñeñt pa'm̄cha'tareternesha' pen allohuen judionesha' po'cornaneshar, ama't ñaṃña ñeñt etsotayenayeñ ñoñets ñeñt atet anaret judioneshacop. Ama't ñetpa' amach eseshaye' neyemterraye. Attachña napa' muetsataternetcha'. Tarraña poma'pantañopa' o'ch alla tantaterren Nomp̄or.

²³ Elloñapa' alla oterraneterr allohuenet:

—Ñerra'm esesha' muenene' o'ch coterrnet na e'ñe po'ñoñ attoch neyochresha' neperranet, añ poctetsa sehuanmuetepa'ña ñeñt atet muenenet e'ñe ñocueta. Attochña ñetpa' o'ch e'ñe toma'nteret ñeñt chechnene' po'corsoch ama't pate'tets yet allcha' muerochtet ñamet. Attochña coterrnet e'ñe poctacma. ²⁴ Tarro'mar ñerra'm esesha' e'ñe aña muenenet o'ch correna atomat attoch e'ñe coshenet arr patsro, ñetñapa' chach a'chencatet ñañeñeta. Tarraña ñerra'm esesha' e'ñe pocte' entene' o'ch sohuanmuet ñeñt atet muenenet ñeñt e'ñe ñocueta arr patsro attochña ñetpa' añach ma'yo'chret ñeñt cohuentetsa nocop, ñeñtña acheñerpa' corretsach pocsheñeshocmañen tayoteñ e'ñe errponañohuen. ²⁵ Ama't errponenap̄aren esocmañen es yeyoratsetyes ora allpon ñeñt yentyen aña patsro, tarraña ñerra'm ñeñfach e'ñe ya'chencaterre' yecamquẽñoñohuen ñeñtñapa' ama't coñe'tapa' amach es sherrye. ²⁶ Tarraña ñerra'm erra'tsencha' nepenquẽhuana na te' neñoñpa'cho'ña cha apencothen entennanet, napa'cho'ña nepenca'huerranetcha' esempoch nohuerra. Po'ñoñ napa' Ñeñfen Acheñetosets nohuerrach e'ñe na necohuenño't, ñeñtara Nomp̄or po'cohuenña epan ñaṃña po'millañoiteñneshar ñeñt e'ñe torra'yetsa Partsocop. ²⁷ Po'ñoñca' te'pa' o'ch notas: Patanta'ttsos ñeñtes arro'tsa'yenes te'ña ama't ama serromhuena'pa' o'ch senterrñañ Yompor po'cohuenña atto atarr ayochreshaterra ña.

Allempo Jesúsapa' po'poñetañp̄ana pueyochresha'

(Mt. 17.1-8; Mr. 9.2-8)

²⁸ Allempo met allponmat ñato' po'psocmatño Jesús^{pa} ahuanman pueyochresha'; añ anem Pedro ñaña Juan ñaña Jacobo. Arr anmanet aspeno allcha' ma'yochena' Jesús. ²⁹ Allña ma'yochosapa' machayotepa'tcha' po'poñetañpsosanet. Pa'clloyotpa' cha po'poñ orrtosanet. Pa'shtamohuen atarr huallama'to poptosa. ³⁰⁻³¹ Allñapa' machayotepa'tcha' orrtanet Moisés ñaña Elías. Ñetpa'cho'ña atarr cohuen orreytenet. Allñapa' serrpare'toset epuet Jesús. Ñetpa' añ serrpare'tenet atto o' chapmoch attoch roma Jesús o'ch ahuer pue'ntaño. Ñetpa' atet otyenet, arrcha' atet peret Jerusaléno. ³² Ñehua, Pedro ñaña ñeñt epuet allo'tsen, ñetñapa' ama't atarr moñe'tenetañpa' alla e'ñe achñesuerret, attoña entoñet Jesús po'cohuenña ama't ñeñt parro tomchen. ³³ O' ma'naterrmocha Moisés ñaña Elías attoch sa'neret Jesús. Pedroñapa' allenta eñora, atet otan Jesús:

—¡Atarruaca'ye Maestrocha' cohueno'tseneyte' arr! Ama't pocte' penteñe o'ch yatomatonas ma'ppahua quèrpachet, puepahuarrpa' pocopcha', po'ppahueñpa' Moisésocopcha', po'ppahueñpa' Elíasocopcha'.

Pedropa' pueyorñof atta muene' otatse't, ama eñoche errotench'a' ot. ³⁴ Allempo eñorena Pedropa' cha orrtosahuet os chepa'tcha' a'pomañpsosanet. Atto a'pomañpsosanet ospa' ñetñapa' atarr nanac yorenet. ³⁵ Cha e'morrtostsa ñoñets osot; ñeñña ñoñetspa' Yompor otosahuet; ñeñpa' atet ot:

—Añmapa' ñeñt no Nechemer ñeñt atarr nemuerena ñeñtcha' e'ñe cohuen se'mñoterr.

³⁶ Allempo o'huañ e'morrtta ñoñetspa' o' e'ñe ñapñamerra Jesús. Pueyochresha'ña allempopa' atta a'nasoteñet. Ama't puesheñarrofetapa' ama otuerreto ñeñt atet o' entuahuet.

Atto Jesús^{pa} a'crraterran cheshachor ñeñt otaten oneñt

(Mt. 17.14-21; Mr. 9.14-29)

³⁷ Tsapatña allempo huaçhenet aspenotpa' allñapa' shonte' acheñenesha' ñeñt huaçha'ttsa ñeñt pocterrahuet. ³⁸ Allo'tsen puesheñarr yacma ñañaapa' atet otosan Jesús:

—Maestro, napa' atarr nemneñ o'ch pentennana' nacñe'ter. Napa' e'ñe ñeñtetollapa nepatror. ³⁹ Ñapa' ñerra'm esempo rromueñ oneñetpa' chach rranare'ta o'ch otachpa' o'ch ata'tach patso chach amtan pa'po'. Attoña atarr atserrpatse'tateñ. Ama mueno o'ch a'rroyer. ⁴⁰ Napa' o' notuosnañña peyochresha' o'ch cachpatateret oneñt tarraña ñetñapa' ama errot peto attoch cachpatateret oneñt ñeñt atarr mueroçhtatene'.

⁴¹ Jesúsñapa' atet ot:

—Sapa' ñeñtes acheñres ama't mameshapa' ama ayemtenaye' sentpenno, chach po'poñ sentuena seyoçhro nocop. O' allponmatuanen allo'tsenen arr patso napa' atta atarr na'huantennas, atta necuenes ñato' atto'tpa' o'ch same'ñerrna.

Allempoñapa' atet otan yacma ñeñt otene' o'ch a'crratoñ puechemer:

—Te'pa' o'ch panmon pechemer arr.

⁴² Allempo anem Jesúseshopa' oneñetñapa' alla rromuerranerr cheshachor o' alla otatererr alla ata'tatererr patso. Jesúsñapa' atet otapan oneñt:

—Te'pa' po'ñoçh o'ch notap, pecachpa'nerñaca'yena añ cheshachor.

Allempo a'crrater Jesús o' alla apuerrñañ pompor. ⁴³ Allohuen acheñenesha'pa' atta cohuanrrorteñet. Ñetpa' e'ñe eñoteñet Yompor po'partsoña orrtetsa.

Arppa' atto Jesús'pa' eñotaterraneterr puepocheño ñapa' 'chocmach muetseret (Mt. 17.22-23; Mr. 9.30-32)

Atta epaye' cohuanrrorteñet atarr cohuen enteññañet po' partsoña, tarraña Jesúsñapa' alla yerpaterranerr pueyochresha', ñeñpa' atet otanet:

44 —Te'pa' se'mñoten e'ñe cohuen, amach sepsatsterrnano neñoñ ñeññ atet notenes te'. Na Ñeñfen Acheñetosetspa' pomataterrnetcha' attochña errotuanencha' perrnet.

45 Ñeñña ñoñetspa' ñetñapa' ama't puesheñarroñetapa' ama eshcaye' eñotenaye' enteñeto tarro'mar ama ñena' allempoch chapamet pueyochreto. Ñetña pueyorñofetpa' ama eseshaye' a'p'to'tenaye este' otenanetña atto eñorana'tenanet.

All eñotateny ñeññ acheñer e'ñe po'ñoçh atarr asherben enten Yompor (Mt. 18.1-5; Mr. 9.33-37)

46 Po'pocheñoña pueyochresha'pa' e'ñe ñagattseta otanna'tyeset:

—Ta'mca'ye erra'tsenoteyte'ñaca'ye ñeññey atarr sherbets ñeññey atarr añcha'tarefoyen enteney acheñenesha'.

47 Jesúsñapa' e'ñe eñotenanet ñeññ atet cotape'chatse'tyenet ñet pueyochreto atto e'ñe cohuen entyenet e'ñe ñañeñeta. Ñaña'pa' cheshatolla çhore'tpa' tomach e'ñe ñesho,⁴⁸ allempoñapa' atet otanet:

—Erra'tsenotes sa ñerra'm e'ñe cohuen saguëñ ama't ñeññ ama asherbenaye' enteneto atet ñerra'm añ cheshatoll tarro'mar sapa' na same'ñena, na'ñaña e'ñe cohuen saguën. Elloña ñaña erra'tsenotes sa ñeññes naguëne' na, ama e'ñe naptocheyey' saguëno, añe'ñaña saguënnan Nompör ñeññ nellensene'. Tarro'mar ñerra'm erra'tsencha' pocte' entene' o'ch yenpuenan ama't ñeññ ama esoye' enteneto, ñetñapa' atarrcha' po'ñoçh asherben entenat Yompor.

Atto eñotateny ñeññ ama çhoye' yepatare'tenaye ñeñña po'ñoçhpa' e'ñe parrocmayeyenpanna (Mr. 9.38-40)

49 Allempoña pueyochresha' ñeññ Juanpa' atet otan Jesús:

—Maestro, ya ahuañapa' atet yeñch puesheñarr yacma ñeññ caçhpatatene' oneñet acheñ. E'ñe pueçhore'teñoñep ña peso'chñopa' oneñetpa' caçhpa'nerran acheñ. Yañapa' ama pocteye' yeñche tarro'mar ñapa' ama parroyye' yeyemteno. Ñeño'marña yapa' yoch:

—Amach atet pepatsto.

50 Jesúsñapa' atet otanet:

—Amachca'ye sepatare'tatsche tarro'mar ñerra'm ama çho epatare'tenye yaña ñeñña po'ñoçhpa' e'ñeca'ye parrocmayeyenpanna.

Allempo Jesús'pa' cotape'chaterran cohuen pueyochresha' epsheña, ñeñña' Jacobo ñaña Juan

51 Chapmoch allempoch o'ch alla ahuerr Jesús pue'ntañopa' ñaña'pa' atarr sechena o'ch ahuerr Jerusaléno. Ñeño'marña mueñan pueyochresha' ñeññcha' otrra'tatsa⁵² o'ch ahuet samario'marnesha' pa'netsro o'ch e'noset muets allcha' çhap ñaña Jesús allcha' amesnom epuet pueyochresha'.⁵³ Tarraña samario'marnesha'ñapa' ama mueneto o'ch agaparetet all

pa'netsreto, tarro'mar ñetpa' eñoteñet arr sechenet o'ch ahuet Jerusaléño.*

⁵⁴ Ñeñto'marña Jacobo ñaña Juan ñetñapa' atet ochet Jesús:

—Partseshacha' ¿ama't pocte' penteñe yapa' o'ch yenam huapuepa' tso' entot? allochñapa' ñeñtcha' a'poyatatuerrahuete ñeñtcha' e'ñe a'chencatuerrahuete ñeñt atet pe't Elías ñeñt a'ñtaye't Yompor po'ñoñ ahua't.

⁵⁵ Jesúsñapa' atet cohuanetpa' atet otanet:

—Ñeñt atet sottape'chatse'tyenpa' ama't mameshapa' ama pocteyaye. Ama't señoñeña Yomporpa' ama atteye' cotape'chatenyeña Puecamquëño't.

Ñeñt semnen sapa' po'poña cotapñats. ⁵⁶ Na Ñeñten e'ñe Acheñetosetspa' amaca'yeña añecop nohuapo o'ch na'chencatos acheñenesha'. Napa' añecopca'yeña nohuapa o'ch na'queshpatos allohuen acheñenesha'.

Allempoñapa' o' meta'cha'tet allotpa' ahuanmuet po'poñ anetso.

Allempo Jesúsapa' ye'chatan ñeñt muenene' o'ch coter

(Mt. 8.19-22)

⁵⁷ Po'pocheñoñapa' allempo oñemyenet toño'mar allñapa' poctanet puesheñarr yacmapa' ñañapa' atet otapan Jesús:

—Na te'pa' nemneñ o'ch noctare'tyeseþ ama't errohuanencha' pechopeñe'chyes.

⁵⁸ Jesúsñapa' atet och:

—Te'pa' napa' peñotencha' ama't nepacllapa' ama necheñe all neythenañ. Ro'queþpa' chocma eñall pa'pon allecma ye'chena.† Ote'chnopa'cho'ña chocma eñall pa'ma' allecma ye'cha'yenet. Tarraña naña Ñeñten Acheñetosetspa' ama eñalle ñeñt e'ñe nepaquëll nepen allcha' neþanena.

⁵⁹ Po'pocheñoña Jesúsapa' atet oterranerr po'psheñeñ acheñ:

—Te'pa' o'ch pocta'n attoch po'ño'ch neyochresha' neperreþ.

Tarraña ñeñtña acheñerpa' atet otan Jesús:

—Te'pa' arrcha'ña ñanom pemnaterren o'ch ahuerren apuesho, o'chña nepampa'huera' apañpa' allempochña nohuerrapa' o'ch noctap.

⁶⁰ Tarraña Jesúsapa' atet och:

—Acheñenesha' ñeñt ama yerpa'penaye Yompor, ñetñapa' pampaña'tetepa' parro arromña'tecmuet. Tarraña pocoppa' ñeñteþ o' peyerpuera' Yompor añ poctetsa o'ch auyeseþ serrpare'tyese' Yompor po'cohuenña ñeñt atto atarr ayochreshattena ña.

⁶¹ Po'pocheño allempo serrpare'ten Jesús epuet ñeñt ame'ñenaya, ñeñtña acheñerpa' atet otan Jesús:

—Napa' Ayochreshate po'ño'chcha'ca'ye noctap. Te'pa' ato't nasuerra' nepaclo attoch nesotera' namo'tsesha'; allempochña alla nohuerrerrpa' o'ch noctap.

⁶² Jesúsñapa' atet och:

—Ñeñt ama e'ñeye' ma'yo'chrenaye attoch torrenet e'ñe cohuen Yomporcop, ñeñtña acheñerpa' amach e'ñe cohuenaye' sherbeno attoch e'ñe epatuan Yompor po'cohuenña ñeñt atto atarr ayochreshattena ña. Ñeñt acheñerpa' atetcha' netma'ntacha: Ñerra'm esesha' orrene' etamapets attoch etaman pats e'ñe cohuen pa'charr pa'mro, ñerra'm pa'che'ñonfa cohua'nom ama't mameshapa' amach etsotanoña etamapets attoch e'ñe pa'charr etaman pats allcha' nare'tatse't pa'mro.

* 9:53 Ñehua, yapa' yeñoteñ samario'marnesha'pa' ama mueno o'ch amo'tstana jerusaléño'marnesha' ñeñfara judionesha'. † 9:58 Ñehua, Jesús añ toma'ntacha zorra ñeñt berrotets all pa'nyo.

10

Atto Jesús pa' mueñan pueyochresha' ñeñt cançhrooch çharrasheña ñeñtcha' otatsa

¹ Allempoña Partsesha' pa' alla llesenserranerr po'potantañ pueyochresha' cançhrooch çharrasheña ñeñtcha' otrra'tatsa o'ch serrpare'tyesnomuet. Ñetpa' atetcha' pa'nmuet e'ñech epsheña'ttsoema tet. Arrcha' ta'yaset ora allohuen anetso'mar ñaña ama't allampaño'mar; allochñapa' allcha' oñem ñaña tsapaonet Jesús. ² Ama ahuaneneta' Jesúsñapa' atet otanet:

—Shonte' narmets ñeñt nanac ellomre'tets ñeñtcha' a'yapaçhetañ. Tarraña ataruasaña ñeñtcha' a'yapaçhe'pa' ama atarr atonayaye. Te'pa' añcha'ña sanamoñ pamo'mte' mueñanepañña ñeñtcha' a'yapaçherrets pa'mro. Ñeñt pa' atet toma'ntatanet Jesús atto atarr shonte' acheñenesha' ñeñtcha' ame'ñerrtsañ tarraña ñeñtcha' ame'ñaterrahuetpa' ama atarr atonayaye. Añcha'ña yenam Yompor ñeñt Yamo'mte' yepen mueñanepañña pa'taruasañer ñeñtcha' torra'yerrtsa ñocop allemeñ anetso'mar. ³ Ñaña sapa' ñerra'm o'ch ahues te'pa' señoçha' po'ñoçh çhocmach eñall ñeñtcha' se'moñe'te' ama't sapa' amach çho errof sepenanetañe ñet. Ñeñt'marña notenes te'pa' o'ch nemñas e'ñech attes ñerra'm carrnero o'ch ahuo' allo'tsen ma'yarroçhno. ⁴ Ñaña amach sanmatsto quelle, ama't sebolsa, ama't po'ptaña sesapatpa' amach sanmatsche. O'ch ahues sema'yorñecma. Ama't esesha'ch sehuomcha'tyesnom toño'marpa' amach alla so'chtatsto. ⁵ Allempoch seçhap ama't erra'tsena anetsro all sesen, ama't erra'tsena pocoll allcha' seçhappa' ñanomcha' atet seposa. E'ñe sehuomcha'teñoñ ñeñt apaculatesha'pa' o'ch senamatsoñañ Yompor pa'nateña. Ñerra'm ñetña po'ñoçh e'neññañet Yompor pa'nateña, Yomporñapa' a'natenanetcha'. ⁶ Tarraña ñerra'm ñetña ama e'neññañeto Yompor pa'nateñapa' Yomporñapa' o'ch alla apuerres sa pa'nateña. ⁷ Ñeñte pocollro allcha' e'ñe cohuen agapaset allach sa'posa. Ñeñt rrenet ñet ñeñtcha' rratapaset, ñeñfach serros saña. Tarro'mar ñeñtes torretsa e'ñe pocte' atetcha' tsa'tenset. Amach sommare'tyesatsto allemeñ pocollo'mar, allach e'ñe sommosa puepahuarro. ⁸ Ama't erra'tsena anetsro allcha' seçherrerr allcha' e'ñe cohuen aguërrseterr, ama't errotena rreñets apasetpa' ñeñfach serros. ⁹ Allñapa' sa'crratyesoscha' ñaña ñeñt atsna'tyets. Allcha' seserrpare'tatiesosanet, atetcha' sotos: “Te'pa' o' yechapatonas Yompor po'cohuenña ñeñt atto ayochreshattena ña. Aña palltetsa o'ch same'ñera attoch e'ñe çhaponasa seyoçhro.” ¹⁰ Tarraña ñerra'm erra anetsro allcha' seçhap ñeñt allo'marnesha'ña ama cohuenaye' agapaseto, allña toño allecma chopeñe'chyenet ñet o'ch señoatomanet. Ñeñt pa' atetcha' sotnomanet: ¹¹ “Ama't pats ñeñt o' cheta yetco arr sa'netsro, te'ñapa' o'ch yepa'shetca'tyesnoma attoch señoçh sapa' ama't mameshapa' ama pocteye' entenso Yompor. Tarraña ama't atteñpa' te'pa' o'ch neñoatnomues Yompor po'cohuenña autsa çhaponasañ ñeñt atto ayochreshattena ña.”

¹² Allempoña Jesús pa' alla oterranerr pueyochresha' allempo ama seneta':

—Po'ñoçh te'pa' o'ch notas, esempohuañen allempoch a'craretetuerra allohuen acheñenesha'pa' añ anetso'marnesha' ñeñt ama cohuenaye' sagapaye te', nanaccha' yoroçheno'tsenterret allempo. Ama't sodomo'marnesha'pa' amach tama yoroçheno'tsenterreto atet ñerra'm ñeñt anetso'marnesha' ñeñt ama cohuenaye' sagapaye te'.

*Atto Jesús'pa' eños epo'mar anetsocop all ama ame'ñyeto
(Mt. 11.20-24)*

¹³ Allempoña Jesús'pa' alla oterrer:

—Nanaccha' llequëntso'tsa'yenes coraziño'marneshacha'; nanaccha' lequëntso'tsa'yenes samã betsaido'marneshacha'. Tarro'mar ama't atarr norrtatyennaseñ nepartsoña sesho, sañapa' amaña soctape'chuerroña ello cohuen Yomporecop. Ñerra'm arrcha'ña norrtatañ nepartsoña tiro'marneshesho ñaãa sidóno'marneshesho, ñetñapa' ahuatoteñe' cotape'cherretañ e'ñe cohuen Yomporecop. Ñetpa' attochña e'ñe orrtetañ cha llecatenanet po'chñar, cotnashe'mach chorra'yetañ, tsapñach epachshema'tyenetañ all anorrcha'tyenet puellquëfotet. ¹⁴ Ñeñto'marña te'pa' notenes, esempohuañen allempoch a'craretuerra allohuen acheñenesha'pa' tiro'marnesha' ñaãa sidóno'marnesha' ñetñapa' amach tama a'coñchatare'terreto allempo. Coraziño'marneshacha' ñaãa betsaido'marneshacha' saña allempopa' atarrcha' coñchaterret. ¹⁵ Ñaãa sa capernaumo'marneshacha' chate' sotenapañ atto e'ñe cohuen sentyena sañeña, Yomporñapa' allentach a'tapaterres pue'ntaño. Ñeñtpa' amachca'ye ateye' perrsoña Yompor, allachca'ye huapore'terres o'pono coñcha'puetso.

¹⁶ Jesúsña allempo ama sena' pueyochresha' o'ch serrpare'tyenet a' anetso'mar ñañapa' alla oterraneterr:

—Ñerra'm esesha'ch se'mñotapue' sa, na'naña e'mñotenet. Tarraña ñerra'm esesha'ch ama sagapaye sa, na'naña ama aguëneto. Ñaãa ñerra'm esesha' ama mueno o'ch agapnet na, Nompore'naña ama mueneñeto o'ch agapet tarro'mar ñapa' ña nellsenset'.

Arpa' allohua ñeñf' atet otan pueyochreshachno ñeñf' canchroch charrasheña. Allempoñapa' mueñanet allcha' serrpare'tatyenomuet.

Atto huacherra Jesús pueyochresha' ñeñf' canchroch charrasheña

¹⁷ E'ñe allponmatatsapa' o' alla huacherra pueyochresha' ñeñf' canchroch charrasheña. Ñetñapa' e'ñe pocsheñeshocmañen huachenet Jesúsesho. Atet serrpare'tatueñet:

—Partseshacha' ama't oneñe'f'chnopa' e'ñe yecha'nmachat'atue e'ñe yechore'teño' pa peso'chño.

¹⁸ Ñañapa' otapuenanet:

—Napa' neñchca'ye oneñe'f' allempo aprratam'psaretta po'huamenc. E'ñe attema't ñerra'm ñapa' o' cha'nmachet entot atet pena meratste' huetsa entot o'ch chap a'ñe patsro. ¹⁹ Po'ño'chca'ye napa' atarr ahuaamencat ne'pa'yepasas. Ama't allohuen ñeñf' se'moñe'tyene' sañapa' ñeñfecopña nellsensa'yenas allochñapa' attoch e'ñe sa'mchechatyesuena' allohuen pa'namen, ama't shechpe'chno ñaãa yellaso'chno, e'ñe satmama'teño'pa' e'ñe sa'peptse'tatse'tueña'. Allochñapa' amach eñallettere'te ñeñf'cha' semuero'chtate' ama't patrra. ²⁰ Ama't atarr ahuaamencateseñ atto o' sa'mchechatyesuahue oneñe'f'chno, amachña ñeña atarr socshatsto. Añcha'ña e'ñe socshena atto aque'lca'yesharetes seso'cheñ Yomporesho ñeñf' pue'ntaño'tsen.

*Atto Jesús'pa' atarr pocsheñesha' ma'yochena
(Mt. 11.25-27; 13.16-17)*

²¹ E'ñe allempoña Jesús'pa' atarr coshateñ Parets Puecamquëñ. Ñeñto'marña ñapa' e'ñe pocsheñesho' ma'yochenana Pompor, ñeñtpa' atet oten:

—Na Apacha' o'ch na'ye'chochtatonap, papa' pa ñeñteḡ atarr ayochreshattetsa pe'ntaño ama't ñaña arr patsro. Na'ye'chochtatonap tarro'mar ora añechno ñeñt pecohuenña pepen, ñeñtpa' ama arreye' pechapateñe pueyo'chro ñeñt atarr eñotañ entyetsa. Papa' aña pechapaten pueyo'chreto ñeñt ama eñotañeye' entetso. Tarro'mar Apa e'ñe pemuereñoñ ñeñtpa' atetña e'ñe pocte' penten pa. Arrpa' allohua ñeñt atet ma'yochenana Pompor.

²² Nompör allohuen po'cohuenña e'ñe eñotatuenen. Na ñeñten Puechemerenpa' ama po'ño'ch eseshaye' neñotenaye, ñaptaña Nompör eñotenen. Nompörpa'cho'ña ama po'no'ch eseshaye' eñotenaye, ñaptaña na ñeñten Puechemeren e'ñe neñoteñ Nompör, ñaña erra'tsencha' ñeñt e'ñe pocte' nenten na ñeñten Puechemeren ñeñtñapa' o'ch neñotater Nompör.

²³ Allempoñapa' alla coherranerr pueyochresha'pa' atet otanet e'ñe ñocpueta:

—Atarr cosheñtso'tsa'yenes sa tarro'mar e'ñe sa secloyotpa' o' senterrñañ Yompör po'cohuenña. ²⁴ Po'ño'chca'ye notenes e'ñe ahuatoteñpa' shonte' ñeñt a'mta'yestay Yompör po'ñoñ ama't ñaña ñeñt añtcha'tarettatset allempo, ñetñapa' atarr muenetañe't o'ch enterrñañetañ Yompör po'cohuenña ñeñt o' senterr sa te'. Tarraña allempo ñetpa' amaña eseshaye'ña enterrapaye Yompör po'cohuenña. Ama't atarr muenetañe't o'ch e'ññoterrñañet Yompör po'ñoñ ñeñt o' se'muerr sa te' tarraña allempo ñetpa' amaña eseshaye'ña e'muerrapayeña Yompör po'ñoñ.

Atto atarr cohuen orrtatos puešeñarr samario'marnesha'

²⁵ Allempoña puešeñarr ñeñt atarr etsotene' ñoñets ñeñt atet anaret judioneshacop, ñaña tantapa' atet otan Jesús attoch eñoch errotente' ye'chaten ña, ñeñtpa' atet och:

—Maestrocha' ta', ¿errofena'tcha' neñaña na e'ñe cohuen attoch napa' corretsanach e'ñe tayoteñ ama't errponañohuen?

²⁶ Jesúsña anaḡpa' atet och:

—¿Errofena't otenña ñoñets ñeñt atet anaret ahuatoteñ? ¿Eso'tña ñoñtsor pelleyenña pa ñeñt anaret all?

²⁷ Ñañaña' atet och:

—Ñeñt ñoñetspa' atet oten: “Atarrcha' yemorrenetña Yeyompörer ñeñt Yepartseshar yepen e'ñe yeyo'chrocmañen. Ñaña e'ñe yecamquëñoñ yemorrenchach e'ñe yehuamencohuen, ama't ñaña ora yoc'apñohuen.” Ellonet po'poñpa' atet oten: “Atarrcha' yemorrenetña yamo'ts e'ñe atet atarr yemorrenetna yañeña.”

²⁸ Jesúsñaapa' atet och:

—Atetca'ye e'ñe atet pöten. Ñerra'm atetcha' e'ñe pepohuapa' pañapa' corretsaḡach e'ñe tayoteñ ama't errponañohuen.

²⁹ Ñeñtña acheñerpa' aña atarr muenen o'ch e'ñe cohuen enteñ Jesús ñaña allohuen acheñenesha'. Ñeñto'marña alla a'ḡto'terranerr Jesús:

—Ñehua, te'pa' o'ch pöten ¿eseshatña ñeñt e'ñe po'ño'ch namo'ts nepen?

³⁰ Attoch eñotach ñeñt e'ñe po'ño'ch amotsot entetsa ñeñt e'ñe pamo'ts pañnena, Jesúsñaapa' atet toma'ntacha, ñeñtpa' atet serrpare'tach:

—Eñall puešeñarr judionesha' ñeñt huetsa Jerusalénoñ, ñapa' arr sen Jericó. Toñoñapa' alla rromaḡ eñet e'ñe puerratañsatsre'tuet ama't

pa'shtam. Atarr atserrpet. Autsa muetsapuetañ allempoña ñeñt at-serrpape'pa' ahuanerret. ³¹ Allempoña tematenpa' puesheñarr judionesha' ñeñt cornesha' ñapa'cho'ña all oñem. Ñaña'pa' ama't entospa' atta oñmatse'tam'pesya a'yo'marpa' o' metane. ³² Allempoña tematenpa' huapa ñaña po'psheñeñ judionesha' ñeñt levitaneshatets. Ñapa'cho'ña ama't entospa' atta oñmatse'tam'pesya a'yo'mar o' metane ñaña. ³³ Allempoña tematererr o' huapa ñaña puesheñarr ñeñt ama judioneshayaye ñeñtpa' samario'marnesha'. Ñapa' ñeñt pamo'tsesha' pen ama amo'tstenano judionesha'. Tarraña ñapa' allempo entosan puesheñarr judionesha' ñeñt atserrpenetpa' atarr muerosya. ³⁴ Allenta ponmosya, shosñañ olivose* ñaña vino allo partosñañ all atserrpeñet.

Allempoñapa' huanquèrrñañ all atserrpeñet. Tantaterpa' montacha pashanoropa' anem' allcha' mos. Allña'pa' all cohuan'psos. ³⁵ Tsapatña'pa' cheta'muenan epa denario apa'muenan apacllatesha' atet ota'mueñ: "Te'pa' pecuan'pescha', errponcha' pa'gasta' ello peçllayor, napa' netsa'tuerrpach esempoch nehuerra."

³⁶ Jesúsña'pa' alla oterranerr ñeñt acheñer:

—Ma'psheño'maretpa' p'apa' çerra'tsena'tña pentenña ñeñt atarr amo'tsot entetsa ñeñt e'ñe pamo'ts pene' ñeñt roma' eñe?

³⁷ Ñeñña' acheñerpa' atet oterranerr Jesús:

—Añca'ye e'ñe pamo'ts pene' ñeñt e'ñe puemuereño't partatse'terre'.

Jesúsña'pa' atet och:

—Te'pa' atetcha' peperra p'aña. O'ch ahuerre'pa' atarrcha' pemorrentera ora allohuen acheñenesha'.

Allempo Jesús'pa' chap pocollo all yeçhena Marta epuet pa'mo'nerr María

³⁸ All oñen Jesús'pa' o' chap paterr anetso. Allña puesheñarr coyanesha' añ pa'so'cheñ Marta, ñaña'pa' e'ñe cohuen agapapan Jesús pa'paclo. ³⁹ Ñeñña Marta'pa' eñall ñaña pa'mo'nerr ñeñtpa' añ pa'so'cheñ María. Maríaña'pa' all anen Partsesha' Jesús pa'rrpöt allot e'mñoteññañ ñeñt atet serrpare'tatenanet. ⁴⁰ Pa'mo'nerrña Marta'pa' aña e'ñe ma'yochrena a'toram'pse' all puetare'tallme'chen. Ñaña'pa' ponmana Jesús'pa' atet otos:

—Ayochreshate, amate' pocte' penteñe napta neptare'tallme'chen; nemo'nerrña'pa' ama yenpuenno. Te'pa' o'ch poch a'toram'psapretnepa' natar.

⁴¹ Jesúsña'pa' atet och:

—Nocha Marta, shonte' pa'namen ñeñt petorra'yena, p'apa' ñeñña'ña atarr pellcatene'. ⁴² Tarraña e'ñe patraña ñeñt atarr sherbets; ñeñtpa' atto e'ñe cohuen socshennana neñoñ. Pemo'nerr María'pa' ñapa' ñeñña atarr e'nen. Ñeñtpa' ama't e'ñe esesha amach errotentot puerratañpereto.

11

Atto Jesús'pa' yeçhatan pueyochresha' atetcha' ma'yochet (Mt. 6.9-15; 7.7-11)

¹ Po'pocheño Jesús'pa' alla ma'yocherrerr. O' ma'yochuapa' puesheñarrña pueyochresha'pa' atet och:

—Partseshacha' te'pa' o'ch peyçhatey ma'yochatsa atet pe't Juanañ, ñapa' çhocma yeçhatane't ña pueyochresha' atetcha' ma'yochet.

* **10:34** Olivo ñeñt tsach allot yoreñet puerets pue'merot.

2 Jesúsñapa' atet otanet:

—Ñehua, ñerra'm esempoch sema'yochena atetcha' sot:

Yompore Partso ñeñteḡ pe'ntañotsen, yentapepa'ch ḡa atarr Partsoḡ. Chapuepa'ch Nompore allempoch atarr ḡa'yochreshatterra arr patsro. Yetsonapepa'ch arr patsro ñeñt atet pemnen ḡa Nompore atet penet ñaḡa pe'ntañño.

3 Chocmuepa'ch Nompore ḡapueney ñaḡa yocrramñ ñeñt allpon yepallta'yena pate'tets yeḡ.

4 Peḡretna'huonayepa'ch Nompore allohuen yo'chñiar ñeñt ama pocteye' pentapretenye, atto Nompore yapa'cho'ña yeḡretnannena ñerra'm esempo erroḡ yeḡannena. Ñaḡa amach Nompore pemnatatsche sosya'tañ o'ch atarr topateney. Añcha'ña ḡoch Nompore ḡa'ypo'ñataterrey allohuen sosya'tsañechno.

5 Elloñapa' alla yeḡchaterraneterr ñeñt atto e'ñe yenamueñoḡ Yompor apueycha'. Ñeñḡapa' atet serrpare'taterraneterr toma'nteñtso.

—Ñerra'm eñall puesheñarr ñeñt e'ñe cohuen yeyemtenaya, ama't rroḡḡ tsapo o'ch ahuey pa'pacillo yeḡhore'teñoḡpa' atetcha' yotos: “Napa' masheñcha' añecop nohuena o'ch ḡapuen ama't coñe'ta rreñtes, 6 tarro'mar o' ḡhap puesheñarr namo'ts ñeñt huetsa baḡhayot, napa' ama es necheno ama't coñe'ta alloch neyema'cha.” 7 Tarraña ñapa' po'ponrotpa' ñato' ḡhach otapuey: “Amach ḡa'tsrre'moḡhtana'tatstosno tarro'mar o' e'ñe echarr neyottamḡesuena, allohuen nacñeḡaretolleshohuenpa' o' yemanrra'tuen. Ñeñto'marña ama eshcaye' atantenno o'ch neḡha'nmonaḡa attoch es napaḡ.” 8 Tarraña napa' o'ch notas, ama't ñeñt atarr yeyemtenañña' ñerra'm ama ḡha'nmaponayopa' yañapa' ñerra'm alla yenamueñtḡa' ḡha'nmaponayach attoch apapuey ama't erra'tsena ñeñt atarr yenamueñ attoch amach alla ya'tsrre'moḡhtana'tneñe es enamare'te'. 9 Ñeñto'marña napa' o'ch notas: E'ñe senamueñoḡ, Yomporñapa' apascha'. Se'name'teñoḡpa' señchcha', seḡhore'teñoḡ, Yomporñapa' e'ñe pue'mñnoteñoḡtespa' e'ñech cohuen toramḡsapas. 10 Tarro'mar ñeñt es enamare'tetspa' ñetña es aguḡtset; ñaḡa erra'tsen ñeñt es e'nyetspa' ñetñapa' enteretcha', ñaḡa erra'tsen ñeñt ḡhore'tyene' ñetñapa' e'ñech e'mñnotenatet Yompor.

11-13 Yompor ñeñt pue'ntañotsen ḡochmach e'ñe cohuenare' es apa'yeney ñerra'm esempo es yenamueñ. Ñapa' amach añña apuenye ñeñt ama cohuenaye' yenteno ya. Ama't sa ñeñtes arromñafes atet sepeñ saña sechemer, e'ñech cohuen es sapueñ ñerra'm esempo es enamuenes. Atet ñerra'm allempo pa'ḡporrñoḡ es enamuenes, o'ch enamas mam* ñeñtcha' rra', sapa' ama't puesheñarroḡesapa' amach añña sapueñeña sechemer mapue' ñeñt ama arrapahuoyaye. Amapa' ñerra'm cac enamuenes sañapa' ama't puesheñarroḡesapa' ama añña sapueñeña sechemer shecheḡ ñeñt atarr amuerroḡtatañ. Amapa' ñerra'm pa'me' enamuenes sañapa' ama't puesheñarroḡesapa' ama añña sapueñeña sechemer yellas. Ñeñto'marña sa ama't arromñafes ama't ñaḡa atrre'mñafes sapa' e'ñe señoḡeñ apa'yese' sechemerasha' e'ñe cohuenare'. Añña ñeñt Seyomporer sepen saña ñeñt pue'ntañotsen elloña ñapa' e'ñe eñoteñ atto e'ñe cohuenare' es apa'yenes saña. Ama't Puecamquēñ ñeñt e'ñe cohuen Parets attoña e'ñe cohuen chorratensa allohuenes ñeñtes enamuyene' ña.

* 11:11-13 Ñehua, Jesús añ toma'ntatanet pan ñeñt puerran penet all pa'nyo.

Atto puesheña'tets oteñet Jesús ñapa' oneñeio' po'huamencot cáchpatenanña po'potantañ oneñeiechno acheñenesha'

(Mt. 12.22-30; Mr. 3.19-27)

¹⁴ Po'pocheño allo'tsen puesheñarr acheñ ñeñt chorrena oneñet, cha opanatañ. Allempoña Jesús'pa' cáchpatosan oneñet atto chorrenana acheñ. Atto cáchpa' ner oneñet ñeñña opanpa' o' alla eñorerra. Acheñenesha' ña allpa' atfa cohuanrrorteñet, atarr cohuen enteñet. ¹⁵ Tarraña po'potantañechnoña acheñenesha'pa' ama't mameshapa' ama pocteye' eñcheto. Ñetñapa' atet otyeñet:

—Atto cáchpatatenan oneñet acheñpa' añaca'ye ahuamencat pene' Beelzebú ñeñt pompor pen allohuen oneñeiechno.

¹⁶ Po'potantañ acheñenesha' ñetñapa' cha mueneñet o'ch topachet Jesús. Ñetpa' atet ochet:

—Yapa' añ yemnen o'ch pegatey pepartsoña entot allochñapa' attoch yeñotañ po'ñoçh papa' Parets Puechemerep.

¹⁷ Jesúsñapa' eñotanet ñeñt atet cotape'chatse'tyenet pueyoçhreto ñocop ñeñt atto otyeñet ñapa' oneñeña pompor po'huamencot cáchpatenanetña oneñeiechno. Ñeñto'marña ñapa' atet otanet:

—Ñerra'm puesheñarr ancha'taret elloptannena pa'cheñer e'ñe ñagattsetapa' e'ñech poctacma a'cllatanna'tuerret. Attecmach pannerra ama't ñeñt e'ñe pamo'tsna'tarecmuet ñerra'm elloptannerret e'ñe ñagattsetpa' e'ñech a'cllatanna'tuerret. ¹⁸ Attecmach pannerra ña'ña oneñet pueyochreshachno ñerra'm oneñeiechno e'moñe'tannenet e'ñe ñagattseta, ñetña atto huomencatenetpa' çhach huañerrets amach allo'na huomencatneneto. Ñeñtpa' atet o' notuas tarro'mar sapa' cha sotenan napa' Beelzebo' po'huamencot necachpatateññañ e'ñe ña pueyochresha' ñeñt pompor pen allohuen oneñeiechno. Po'ñoçh oneñetpa' amaca'ye huapore'tanneno.

¹⁹ Sapa' atet sotenan napa' Beelzebo' po'huamencot necachpatateññañ e'ñe ña pueyochresha', ñehua, te'pa' o'ch notas: Ñeñt seyochresha' sepen sa ñeñt eñotene' ñamet o'ch cáchpatachet oneñet acheñenesha' ñetpa'çho'ña amaña Beezebú po'huamencoteye' cáchpatateñetoña oneñet acheñenesha'. Ñetpa'çho'ña Yomporoña po'huamencot cáchpatatenetña oneñet. Ñeñña o' eñotatas ñeñt atet sotenoñ ñeñtpa' amaca'ye po'ñoçh atteyaye. ²⁰ Po'ñoçha'ye Yompor po'huamencot necachpatateñña oneñeiechno acheñenesha' ñeñtcha'ña señotate' te'pa' o' neçhapatonas Yompor po'cohuenña ñeñt atto po'ñoçh atarr ayochreshattena ña.

²¹ Ñeñtpa' o' e'ñe notuas atet tarro'mar yeñoteñ ñeñt atarr ahuamencattetsa atto atarr ahuamencattena oneñet, ña'ñapa' e'ñe po'huamencot cohuanmpesyenan allohuen e'ñe cohuen ñeñt pa'paquell pa'yen. Ñapa' po'huamencocmañen na'yenan ñeñtcha' e'ñe cohuanmpene' all ancha'tarettena ña. ²² Tarraña ñerra'm esempo o'ch huapoña ñeñt atarr ahuamencatesha' ñeñtcha' ello metanose'ña po'huamenc atet ñerra'm na Nompör; ñeñtcha'ña e'ñe a'mchechatose'. Attoña e'ñe puerratamposñañ ñeñt allpon moñenaya ñeñt atarr yemuetyena ña. Allochñapa' o'ch be'tosos all ñeñt pa'paquell pa'yen o'ch e'ñe puerratamposhuos ñeñt allpon o'patyena ña.

²³ Ñeñto'marña te'pa' o'ch notas allohuenes: Ñerra'm eseshas ñeñtes ama netorrapretenaye ñeñña acheñerpa' çhaca'ye epatare'tennan

ñeññ atet netorra'yena na. Ñeññtpa' o'ch netma'ntatasa atet: Ñerra'm esesha' ama na'yapačhapretenaye ñeññ na'yapačhen na, ñeñññapa' čha a'parratse'tamipenen a'yenet.

Atto Jesús'pa' eñotatanet ñato' oneññtpa' o'ch alla chorrerranerr acheñ allot čha'nom ahuaña

(Mt. 12.43-45)

²⁴ 'Ellonetpa' o'ch alla neñotaterrser po'poñoneñ: Oneññ ñerra'm esempo čha'nom acheñeshot, ñeññña oneññtpa' o'ch auyes erraparen ama't amayo'mar e'nyese' po'psheññ allcha' yečherrerr allcha' e'ñe amesuerrerr cohuen. Tarraña ñerra'm amach erra eñčepa' atteñapa' o'ch ot: "Napa' o'ch alla ahuerren nepaclo allot neča'nom ahuaña." ²⁵ Atetča'čho' pa. O'ch alla ahuer allot čha'nom ahuaña. Allña o'ch čherrpa' e'ñech cohuen entuerran pa'paquell, e'ñech cohuen atarrapo'tuaret, e'ñech cohuen añño'tyesaret. ²⁶ Allempoñapa' o'ch alla ahuer allo'tsa'yen pamo'tsesha'pa' o'ch enana' po'poñ cančherrsheña oneññečthno ñeññ nanac sosyare', ñeññ ello metana'tuene' ñeññ atet sosyaten ñeññ hua'ñene' o'ch yečhaprecha. Allo-huenetñapa' o'ch chorreñet ñeññ acheñer. Allempoña tsapa'onetpa' allo'nach sen ñeññ acheñer sosyatnomuets huomenc. Elloch metanerran ñeññ atet pátse'tyese't ñenma't.

²⁷ Jesús allempo atet serrpare'tatenan acheñenesha'pa' puesheñarrña coyanesha'pa' machayotepa'tcha' rrana, ñeññtpa' atet ot:

—Ama't ñeññ p'achor pepen p'apa' atarr cosheñtso'tsen tarro'mar ñapa' ñeññ pe'ñallete' pa' ñeññep atarr cohuen es peyečcaten ña'ña ñapa' e'ñe cohuen cohuanp'sap' allempo cheshatollenp'a'.

²⁸ Jesúsñapa' atet och:

—Elloña allohuenetpa' atarr cosheñtso'tsa'yenet ñeññ pue'mñoteño'tet Yompor po'ñoñ e'ñe atet pohuenet.

Atto Jesús'pa' otan acheñenesha' ñeññ ama cohuenaye' cotape'chetso ñetñapa' čhocma e'nenet partsoteñets

(Mt. 12.38-42; Mr. 8.12)

²⁹ Allempoña acheñenesha' emchorreñet Jesús, ña'ñapa' atet otanet:

—Acheñenesha' ñeññ corra'yetsa te' ñetñapa' ama cohuenaye' cotape'chyeneto. Tarro'mar ñetpa' aña e'nenet ahuo'ch norrtatanet nepartsoteña atto'čña eñotnet napa' po'ñočho'te' Parets Puechemeren ñeññeno'te' Cristotosets. Tarraña amach es norrtataneto. Napa' añach paterr neñotatanet atet eñotatane't Jonás ahuat nínivo'marnesha' allempo a'mítane't Yompor po'ñoñ. ³⁰ Tarro'mar atto eñotatane't Jonás nínivo'marnesha' ahuat ñapa' Yomporshot huena, napa'čho'ña te'pa' atetča' neñotach naña acheñenesha' ñeññ corretsa te' napa'čho'ña Yomporshot nohuena.

³¹⁻³² Tarro'mar ahuat allempo serrpare'tatane't Jonás nínivo'marnesha' ñetñapa' allempocma cotape'cherret ello e'ñe cohuen Yomporecop. Te'ña arr seshopa' allo'tsenen na ñeññen ello metanene' ñeññ atet serrpare'tate't Jonás. Tarraña sañapa' amaña soctape'chenoña ello cohuen Yomporecop. Ñeñño'marña esempohuañen allempoch a'craretuetuerra allohuen acheñenesha', ñeññña nínivo'marnesha' ñeññ e'ñe cohuen cotape'cherrets Yomporecop ahuat, ñetpa'čho'ña orrterretča', ñeññča'ña señotaterre'ña sapa' ama't mamesha ama pocteyayeña ñeññ atet se'pa'yese't tarro'mar sapa' ama soctape'cherro ello cohuen Yomporecop. Ña'ña te'pa' o'ch neyerpatasa ñeññ atet pa' ahuat puesheñarr coyanesha' ñeññ am'cha'tarettatse't atarr

bachayo allohuanen pats sa'ponet. Ñeñña coyanesha'pa' alloteñ on o'ch e'mñotenana' Salomón pueserrpareñ ñeññ atet atarr eñotañte't. Te'ña arr e'ñe seshopa' allo'tsenen ñeñfen puesheñarrana ñeñfen atarr es neñoten nana, ello nemtaneñ atto eñotañte't Salomón. Tarraña sañapa' amaña es sotapoteno. Ñeñfo'marña esempohuañen allempoch a'craretetuerra allohuen acheñenesha', ñeñña coyanesha' ñeññ e'ñe cohuen e'mñotatse't ñapa'cho'ña orrtarrach, ñeñfcha'ña señotaterre' sapa' ama pocteyayaña ñeññ atet sepa'yese't tarro'mar sapa' ama es sotapote'te ama't e'ñe mamesha.

Atto yeclle'pa' añ toma'ntena ñeññ po'lampareñ pen allohuen yechets
(Mt. 5.15; 6.22-23)

³³ Jesús'pa' alla serrpare'taterraneterr, ñeññ'pa' atet oterraneterr:

—Ñerra'm esempo ya'llchaten lampareñ, ñeññ'pa' ama tarrecpaye' ya'huortateñe o'ch yene' o'pono e'ñe a'nareto. Ñaña ama añecpaye' ya'llchateñe o'ch ye'rramam'pes coyño. Ñeññ'pa' añecopña ya'huortatenña lampareñ o'ch yene' enonet attochña e'ñech choyo'tam'pesuan allohuen acheñenesha' ñeññ be'tos'chets all pocollo. ³⁴⁻³⁵ Yeclle'pa' añ toma'ntena atet ñerra'm ñeññ po'lampareñ pen allohuen yechets. Ñerra'm e'ñe cohuen huomech yeclle'pa' e'ñech cohuen entateney puetare' allochñapa' attoch e'ñe cohuen torratyenana allemeñ yechets tarro'mar e'ñe cohuen a'puetarsam'psarettenet. Tarraña yeclle'ña ñerra'm ama e'ñe cohuen huom'cheyayepa' amach e'ñe cohuenaye' entateney puetare' attochña amach eshcaye' torratyenano allemeñ yechets tarro'mar cha ottena ñerra'mrrate' checmeto'tsa'yeneta. Attecma pena ñaña yeyo'cher. Ñerra'm e'ñe cohuen yoctape'chyen yeyo'chropa' attoña chennayaña yeyo'chro e'ñe ora allohuen Yompor poctapña ñeññ po'cohuenña pen. Attoña ora yoctapñapa' e'ñech a'puetarsam'psarettena Yomporeshot. Tarraña o'ch yeñota e'ñe yañeña tarro'mar ñerra'm ama cohuenaye' yoctape'cheno yeyo'chro, ñeññ'pa' amach errotentot a'puetarsam'penyeña ñeññ yoctapña yepen. Ñeññña yoctapña yepenpa' chach a'checmetam'penney yeyo'cher. ³⁶ Tarraña ñerra'm po'ño'ch e'ñe cohuen yoctape'chen yeyo'chro, attoña chennayaña yeyo'chro e'ñe ora allohuen Yompor poctapña attochña yeñoteñ orrtatyese' ñeññ e'ñe cohuen enten ña. Attoña e'ñech cohuen es yepa'yen atet ñerra'mrrate' lampareñ e'ñe cohuen choyo'tam'peney attoch e'ñe cohuen es yentyen. Allempopa' o'huañcha' allo'na yechechmetam'pesnen.

Atto Jesús'pa' a'metare'tenan fariseonesha' ñeññ atet ye'chenet ñetpa' ñeññ'pa' ama cohuenaye' entapretenaneto Yompor
(Mt. 23.1-36; Mr. 12.38-40; Lc. 20.45-47)

³⁷ O' serrpare'tatuanet Jesús'pa' puesheñarrña fariseonesha'pa' hua'ña'nerran Jesús o'ch rrallme'chapreteña' pa'paclo. Allempo chap Jesús alpa' be'tosos anorros allcha' rrallme'chapretosan ñeññ hua'ñene'.

³⁸ Ñeññña fariseopa' entenan Jesús atto ñapa' ama e'pota'to ñeññ atet ye'chena judionesha'. Ñehua, ñetpa' atet ye'chenet, amach rrallme'cheneta'pa' o'ch e'pota'tyeset Partsocop. Ñeñfo'marña fariseopa' atet cotape'ch Jesúsocop:

—Ta'm, eso'marte'ca'ye amaña e'pota'tenoña ñeññ atet poctetsa Partsocop.

³⁹ Partsesha'ña Jesús'pa' atet toma'ntatana ñeññ atet pena allohuen fariseonesha', ñeññ'pa' atet otan ñeññ hua'ñene':

—Ñeññes fariseoneshas sapa' e'ñe se'pame'teneñña setaza enotpa' o'ponotñapa' ama se'parro'teñe. Seplatopa'cho'ña enota e'ñe se'pata'teñ

o'ponotñapa' ama se'pata'teñe. E'ñe atet sepena samña. E'ñe sa'cohuentatena ñeñt eno'mar ñeñt atet seyçhena sa allochñapa' attoch entenes allohuen acheñenesha' sapa' e'ño' cohuenes, tarraña o'ponot seyoçhropa' ama sa'cohuentateñe, allñapa' e'ñe chorren shonte' sosya'tsañeçhno ñeñt atto e'ñe seshqueño' çhocma es seprratam'pesyen, seshonten pa'namen ñeñt ama pocteye' entapretenso Yompör. ⁴⁰ Cha sottena ñerra'm erra'tsen puesheñarr acheñ ñeñt ama es eñoteno. Ama't seño'teñeña Yompörña ñeñt yeçhcatyene' allohuen ñeñt allpon yentyen arr patsro, ñeñt a'yote'tsa'yen yeshot ñeñtara Yompör ñeñt yeçhcate' ñaña yeyoçher alloch e'ñe cohuen yoctape'chen o'pono yeyoçhro. ⁴¹ Ñerra'm o'ch po'ño'ch soctape'cherr cohuen seyoçhro Yomporecop attochña e'ñe cohuen seyoçhrocmañen es sapa'yen attoch seyenpa'yen po'potantañ. Ñerra'm atetcha' seperrapa' Yompörña' e'ñeçh cohuenare' enterres.

⁴² 'Atarr llequẽntso'tsenes sa ñeñtes fariseoneshas tarro'mar ama atteye' sepeno ñeñt atet o' notuas. Ora allohuen ñeñt senarenñ sepen ama't çhocma sapueñeñ Yompör allpon ñeñt poctetsa ñocop —mentapan ñaña rudapan. Tarraña añña ñeñt nanac sherbets Yomporecop e'ñeçh pocte' es yepeññañ po'psheneñ ñaña e'ñeçh cohuen yemorrenteña Yompör. Ñeñt atetpa' sañapa' ama soctape'cheñe ama't mamesha. Sapa' ñeñtña sepalltena o'ch e'ñe atet seño'hua. Tarraña ñeñt atto çhocma es sapa'yen Yomporecop ñeñt'pa'çho'ña amach secaçhpatsche.

⁴³ 'Atarr llequẽntso'tsa'yenes sa ñeñtes fariseoneshas tarro'mar sapa' e'ñe sommo'cheño' atarr semneñ allohuen acheñenesha'pa' o'ch e'ñe cohuen entenset. Ñeñto'marña sapa' añña atarr semnen o'ch sanorr'cha'tyen judionesha' po'prahuo allecma anorryen ñeñt atarr añcha'na'tpo' enten allohuen acheñenesha'. Ñaña sapa' añña atarr semnen allohuen acheñenesha'pa' o'ch huom'cha'tenset pueñcha'naño' ñerra'm esempo sechopeñe'chen toño'mar allecma chopeñe'chyen allohuen acheñenesha'.

⁴⁴ 'Atarr llequẽnets socop, tarro'mar sapa' e'ñe attes ñerra'mrrate' apampaña ñeñt amach orrteno enot all apamparettena arromña' o'pono patso. Ñeñto'marña acheñenesha'pa' allach chopeñe'chyenet all ama esesha' eñotenaye o'ponopa' allo'tsa'yen arromña'atap all e'ñe chorren sosya'tsañ.

⁴⁵ Allempoña puesheñarr ñeñt atarr etsotenayeñ ñoñets ñeñt atet anaret judioneshacop, ñañapa' atet otan Jesús:

—Maestro, ñeñt atet poten ya'naña çha muene' pepencaten.

⁴⁶ Jesúsña'pa' atet och:

—Sapa' ñeñtes atarr etsotenayeñ ñoñets ñeñt atet anaret judioneshacop, sapa'çho'ña atarr llequẽnets socop, tarro'mar sapa' atarr es sena'yenñañ acheñenesha' ñeñt atarr echarrare' entyenet ñet, po'ño'çhpa' amach er-rotenot e'ñe atet pohueto. Sapa' ama't mameshapa' ama ayenpuenaye' sentpenaneto.

⁴⁷ 'Llequẽntsa ñaña socop tarro'mar sa te'pa' satomaten enot ñeñt atarr cohuen senten sa all pampa'yese'te' ñeñt a'mta'yemate't Yompör po'ñoñ ahuat ñeñt muetsanatyese't ñeñt satañneshañ sepe't. ⁴⁸ Sapa' e'ñe seño'teññañ sa'tañneshañ atto ñetpa' muetsanachete't ñeñt a'mta'yemate't Yompör po'ñoñ tarraña sapa'çho'ña ñeñtña e'ñe pocte' senten samña ñeñto'mar te'pa' e'ñe sa'cohuentam'penanet all apamparettenet.

49 'Ama't Yompor ahuat, e'ñe pueñoteño'pa' atet ote't: "Napa' o'ch nemñe acheñeshesho ñeñ'cha' a'ñtene' neñoñ ñaña ñeñ' nellsensarnesha' nepa'yen. Tarraña patantarrña acheñeshashapa' cha muetsanatanet, po'potantaññapa' cha cotare'tyeset." 50 Attoña e'ñe allempoteñ ayeçhcataretta añ pats, ora allohuen ñeñ' a'mta'yese't Yompor po'ñoñ allpon ñeñ' amsanatyasettaset' ashataretyese't po'rras, sañapa' allempoteñ e'ñe sa'yohuarettena teme'ttsen sa ñeñes corretsa te'. 51 E'ñe allempoteñ muetseret Abel tarremphua allempo muetseret ñaña Zacarías ñeñ'pa' alla semtser Parets po'ponro puecha'petarot allo'tsen altar allotecma sherbete't Yompor. Po'ñoçhca'ye notenes añenesha' ñeñ' corretsa te' atarr ayohuarettenet.

52 'Llequëñtsa socop ñeñ'escha' e'ñe etsotenayeñ ñoñets ñeñ' atet anaret judioneshacop tarro'mar sapa' cha seprratampeñ acheñeshashapa' ñeñ' alloch enteret ñeñ' e'ñe po'ñoçh alloch queshperret. Tarro'mar ama't sapa' amaca'ye senteññañeña Yompor po'cohuenña, ellonetpa'cho'ña çhocma sepatare'teñña po'potantañ ñeñ' e'nene' Yompor po'cohuenña.

53 Allempoña ñetpa' e'ñe pa'tsrre'mueño't atarr es a'pto'tare'tyeset Jesús. 54 Ñetpa' añ atarr e'nenet attoch otatse'tachet allochñapa' ñato' po'tatse'tateño'tetpa' attoch otteñe'cheñet.

12

Atto Jesús'pa' yeçhatan pueyochresha' amach eñotatstoñeto fariseonesha' pommo'cheña

1 Shonte' acheñeshashapa' ñeñ' huathenoya Jesús, shonte' nanac patoner. Cha che'muechoset Jesúsesho atta atmatca'tanna'tyesoset. Jesúsña ñanompa' alla serrpare'taterranerr pueyochresha', ñeñ'pa' atet otanet:

—E'ñech seño'ta ñato't semeñe'teña' fariseonesha' poctapña, tarraña ñeñ' poctapña penet ñetpa' ñeñ'pa' ommo'cheñtsa. Ñeñ'pa' mame'tollapa' o'ch epa'hua erraparen e'ñe atet pena ñerra'mrrate' chase' mame'tollapa' o'ch e'ñe es a'chasa'hua. 2 Tarro'mar yapa' yeñoteñ allohuen ñeñ' allo e'ñe a'nahua shecare'tyenet te' esempohuañeññapa' a'metam'psaretterretcha'. Ama't allohuen ñeñ' e'ñe a'nasotyenet te'pa' esempohuañeññapa' e'ñech eñotataretetuerret. 3 Ñeñ'omaña ama't erra'tsena seserrparen e'ñe a'nahua te' esempopa' señotaturcha' ora allohuen acheñeshashapa'. Ama't erra'tsena ñeñ' atet seserrpare'tyen te' e'ñe a'nahua o'pono pocollo, esempopa' seserrpare'tatcha' allcha' e'ñe cohuen e'mhuerres allohuen acheñeshashapa' atet ñerra'mrrate' enot seserrpare'ten shelletot.

Atto amach yemcha'tatsto ñeñ'cha' muetse' yechets, añcha'ña yemcha'na't Yompor
(Mt. 10.28-31)

4 Te'pa' o'ch notas masheñeshacha', amach añña sem'cha'tatsto ñeñ'cha' semtse'. Tarro'mar añach muetsonaset sechets, secamquëññapa' amach errotentot muetsonaseto. 5 Añcha'ña sem'cha'na't Yompor tarro'mar ñerra'm ña muenats e'ñe ña po'huamencotpa' o'ch a'chencatonay ye'chets, yecamquëññapa'cho'ña o'ch mueñonay coñcheñtso all parraren tso'. E'ñe po'ñoçh notenes, Yomporcha'ña sem'cha'na'ten.

6-7 Elloña te'pa' napa' o'ch notas, çhocmach seyemcha Yompor, po'ñoçh ñapa' ñach secuanpene'. Ama't otetollesha'pa'cho'ña çhocma cohuanpeñ.

Ñehua, ama't yapa' yeñoteñ otetollpa' ama tama sherbeno. Ama't yepomatset, amnar otetollesha'pa' ñeñt'pa' ama tsa'teyaye, e'ñe eptallatolla centavo tsa'tena. Tarraña ama't atteñ Yomporña ama't patrra otetollpa' ama pueseñe. Ñeñfo'marña notenes, ama't mameshapa' amach serñcha'tatsto, Yomporcha'ña e'ñe seyemta. Atto atarr morrentenana otetollesha' elloña sapa' atarr nanac morrentensa. Ñehua, ama't allpon sechetollesha' allpon soño'tsen ñapa' e'ñe eñotennas.

Atto ama a' nasotpahu Jesucristo acheñesho'mar
(Mt. 10.32-33; 12.32; 10.19-20)

⁸ Elloña napa' o'ch noterrser, allohuen ama't erra'tsencha' ñeñt'cha' ama na'nasotenaye acheñeshesho, napa'cho'ña Ñeñten Acheñetosetspa' amach na'nasotuerraneto namã Nomporesho allo'tsa'yen epuet po'millaño'eñnaneshar. ⁹ Tarraña ñerra'm esesha' na'nasotenaya na arr patstro acheñeshesho, napa'cho'ña na'nasoterranetcha' Nomporesho allo'tsa'yen epuet po'millaño'eñnaneshar.

¹⁰ Ñerra'm esesha' nesasene' na Ñeñten Acheñetosets ñeñt'pa' apretna'po' nenteñ. Tarraña ñerra'm esesha' añ achmare'tenet Parets Puecamquëñ ñeñt'ñapa' ama apretna'pahuoye' nenteñe.

¹¹ Namã o'ch noterrser, ñerra'm esempocho anmaset judionesha' po'prahuo allcha' a'metare'tam'psaset amcha'taretsho, sañapa' amach cha sellca'psatsto, amach cha sotap'sa'tatsto: Errotuachca'ye notoste' attoch cohuen nanapos, esuachca'ye notte'. ¹² Sapa' añcha'ña se'ñoratos'e Parets Puecamquëñ e'ñe allempo a'p'to'tare'tenset all.

Ñeñ e'ñe añña muenen o'ch esocmañen echyes, ñeñt'pa' atarr yoro'cheno'tsen

¹³ All che'muechen shonte' acheñeshesha' Jesúsesho, puesheñarrñapa' atet otan Jesús:

—Maestro, te'pa' o'ch poton nemo'nasheñ nepo'nar apuerrnepa'ñaca'yeña namã ñeñt' allpon o'patatnomna nomporeñ.

¹⁴ Tarraña Jesúsñapa' atet och:

—Masheñcha' napa' ama eseshaye' nenaye ñeñtencha' a'pocstatene' ñoñets attoch soten o'ch napa'yenas allpon o'patatyenset.

¹⁵ Alla oterraneterr Jesús:

—E'ñech señota sañeña, ama't seyo'chrapa' amach es seye'chapretanna'tatsto ama't e'ñe coñe'ta tarro'mar atto yocrena arr cohuen añe patsropa' ñeñt'pa' ama añecpayaye alloch esocmañen es yechyerr ñeñt'cha' atarr yochaterre' tsapatonet.

¹⁶ Ñeñt'pa' atet otanet toma'nteñsto:

—Eñall puesheñarr acheñ atarr nanac ec'llayoret. Allña po'patsñopa' shonte' nanac aton a'yechcaten. ¹⁷ Ñeñt'ña ec'llayoret'pa' atet cotape'chen pueyo'chropa' atet eten: “Errotuachca'ye nepa'ña, ñeñt' atarr nanac aton netotaten amaca'ye enalleña allcha' e'ñe nañño'tue.” ¹⁸ Allempo atet cotape'chenpa' alla oterrer: “Te'pa' o'ca' neñoch atetcha'ca'ye nepa. O'chca'ye na'materrña pocollashe'm allecma nañño'te't coñe'ta'tets te'ñapa' o'ch alla natomaterr atarrpo' allcha' e'ñe nañño'tua allohuen ñeñt' allpon netotaten ama't ñaña allohuen ñeñt' allpon pa'namen esocmañen nechen.

¹⁹ Allempoñapa' atetcha' not neyo'chro: Napa' ama es nepallteno ama't e'ñe mamesha. Ñeñt' allpon shonte' o' nañño'tuapa' atarrcha' atomat char amach es nepallterre'te. Te'pa' o'ch names e'ñe pocacma. Nellapene'tcha' rrats, nellapene'tcha' orrare'tats; ñeñt'cha'ña e'ñe nocshatene'ña na.” ²⁰ Tarraña

ñeñí acheñerpa' Yomporpa' atet och: "Papa' atarr otatsñāteḡ, ama es peñoteno ama't mamesha. Te'pa' añe tsaprocmaçh o'ch perromuen. Ñeñtña shonte' o' pañño'tuapa' te'ñapa' esesha'huachñaca'ye o'paterraya." ²¹ Ñeñto'mar yeñoteñ, ñeñt añño'tene' shonte' esocmañen ñeñt e'ñe ñocpa, ñeñtña acheñer atetpa' ama echenanoña ñeñt sherbets Yomporecop.

Atto Yomporpa' ñach e'ñe cohuen cohuanḡpene' ñeñt puechemeresha' pen (Mt. 6.25-34)

²² Allempoña Jesúsapa' alla oterranerr pueyochresha':

—Ñeñto'marña te'pa' o'ch noterrserri, amach añā sellcatsto ñeñt atto yeñçhena arr patsro. Ama't seyoçhra amach sotatsto, esuachca'ye yer-rerrerrte' tsapatonet. Ñaña amach añā sellcatsto ñeñt e'ñe sechtsocpa, amach sotatsto, esuachca'ye yehorrate'. ²³ Tarro'mar Yomporpa' ña yapuene' yo'rrerrña allo yocrena ñeñtña atarr nanac sherbets. Ñeñto'marña yeñoteñ ña yapuene' ñaña yerrar, ñeñtña ñocoppa' ama esoye' enteñe. Ñaña ña yechatene' yechets ñeñt atarr sherbets. Ñeñto'marña yeñoteñ ña yapuene' ñaña ama't ñeñt yehorra'yena, ñeñtña ñocop ama esoye' enteñe. ²⁴ Sentente' atto correna pa'namen otneshachno. Ñetpa' ama çhoye' nare'tatseteneto ñaña ama çhoye' apçha'yeneto puerrar ñeñtcha' rra'yenet. Ñetpa' ama es echenaye allcha' es añño'tyenet. Ama't atto correnetpa' Yomporña e'ñe yeçhatyesuanet ñeñtcha' puerrar pa'yenet. Elloña sa Yomporpa' atarr morrentensa sa; ello semḡtaneñ ñeñt atto atarr morrentenana otneshachno. ²⁵ Ñaña amach sellcatsto attoch amach serromo, tarro'mar ama't sellquēnañ attoch atarr atomat socra arr patsro tarraña ama't e'ñe puesheñarrotesapa' amate' errotenoḡ so'çhtatoña socreña ama't e'ñe pamtarra. ²⁶ Ñehua, atto ama't e'ñe sellquēñoña sa ama erroḡ es sepeno, ñeñteḡpa' amach pa'namena es sellca'yestatso tarro'mar ñeñtapa' e'ñeçh orrena es sellca'yena.

²⁷ Ñaña sentente' atet yeçquēna roreçhno. Ñetpa' ama çhoye' taruasa'yeneto ama't mamesha, ama çhoye' taneneto ñeñt chorra'yenet atto e'ñe cohuen orreyenet. Tarraña napa' o'ch notas, ama't añcha'taret Salomón atto e'ñe a'cohuentate't ahuaḡ, ama't ñapa' ama chorrane'teña ñeñt atarr cohuen ñeñt atet atarr cohuentena ror. ²⁸ Ñeñt ror pue'chorpa' ñeñtara ta'te' ñeñt chepyets allemeñ ñeñt sentyen te' tarraña ñeñtapa' mamecpa. Ama't cohuen chepyeneñ te'pa' tsapatonetña'pa' o'ch etomanḡperetpa' e'ñeçh colla'huerra o'huañcha' cohuenta. Ñehua, Yompor atto cohuentatyenan ama't ñeñt e'ñe mamecpa, elloña sapa' atarr chorratyensañ saña; sañapa' eso'marte'ña amaña e'ñeye' seyemteño. ²⁹ Amach e'ñe paḡrra se'nenno ñeñt atto serren ñaña ñeñt atto es sorryen. Amach ñeñtña e'ñe paterr sellca'yestatso. ³⁰ Tarro'mar allohuen acheñenesha' arr patsro ñeñt ama ame'ña'yetsa, ñetpa' ñeñtña e'ñe paterr e'nenet. Ñehua, Somporña ñeñt pue'ntaño'tsen ñapa' e'ñe entuenes ñeñt allpon pa'namen sepallta'yena arr patsro. ³¹ Sapa' añcha'ña e'ñe ñanom sema'yoçhrena Yomporecop attoch atarr ayochreshatterra ña allochñapa' ñachña sapa'yene' ñeñt allpon sepallta'yena saña.

Atto ñeñtcha' seshonterr ñeñt atarr sherbets arrcha'ca'ye seshonteñ all Yompor pue'ntaño (Mt. 6.19-21)

³² 'Amach neyochreneshačhnocha' es sellcatsto ama't ama atarr shonteyayso, Yomporña atarr cohuen secuam̄pene' atet ñerra'mrrate' e'ñe po'carrneror penes. E'ñe pocsheñesho'fpa' apascha' attoch e'ñe cohuen socshapreterrñaña po'cohuenña attoch atarr ayochreshatterra. ³³ Te'pa' o'ch sepomyen ñeñt̄ allpon sechyen allochñapa' o'ch sapa'y es ñama ñeñt̄ atarr es pallta'yetsa. Ñerra'm atet sepena allo'nach atarr aton seshonta'nen ñeñt̄ e'ñe po'ñočh atarr sherbets Yomporecop. Ñeñt̄pa' ama atteyaye ñerra'mrrate' ñeñt̄ secllayepo'rer sepen arr patsro, ñeñt̄pa' atarr amllasha'tña. Tarraña ñeñt̄ seshonta'nen ñeñt̄ atarr sherbets ñeñt̄ ama ahuañaño, ñeñt̄pa' arr seshonteñ Yompor pue'ntaño. Allña ama't eñefapa' amach čheno o'ch etatsre'tas ñama ama't pom̄papa' amach eñalle ñeñt̄cha' rrrerre' ñeñt̄ seshonten all. ³⁴ Tarro'mar ñerra'm all pue'ntaño seshonta'nen ñeñt̄ atarr cohuen senten, yeñoteñ e'ñe ñeñt̄a paterr senen seyočthro ñeñt̄ña atarr sherbets Yomporecop. Tarraña arr patsro ñerra'm aña seshonta'nen ñeñt̄ atarr semorrentena, yeñoteñ e'ñe ñeñt̄a paterr senen seyočthro ñeñt̄ñapa' ama es sherbenoña Yomporecop.

Atto čhocmach yeñose'rteña Yepartseshar Cristo esempoch huerra

³⁵⁻³⁶ Te'pa o'ch notas po'poñ: Chocmuepa'ch señosere'tna esempohuañenpa' o'ch alla nohuerra. Ñato' o'ch netma'ntatasa atet ñerra'mrrate' puesheñarr yacma ñeñt̄ atarr ayochreshat. Ñapa' ahuo' allcha' rrallme'chapretenana' pacma ñeñt̄ sena'tetsa. Pueyochresha'ñapa' alla cohuet pa'paclo esempoch huerra. Allempoña ñetpa' a'huortatyaset po'lampareñ allochñapa' attoch ñerra'm esempoch huerra ñeñt̄ pamo'mte' penet ñerra'm o'ch čhore'tuenanetpa' ñetñapa' allorocmach toram̄psapueñet attoch sherbapueñet. ³⁷ Atarr cosheñtso'tsa'yen pueyochresha' ñerra'm esempoch huerr̄et pamo'mte' allñapa' entuenanet čho atarr eñose'rteñet. Po'ñočhpa' napa' o'ch notas, ñachca'yeña sherba'huene'ña ñeñt̄ pueyochresha' pen ña. O'ch chana'huena ñama'pa' o'ch anorrčha'tatuenanet allcha' rrallme'chatuenanet. ³⁸ Ñeñt̄pa' atetcha' perranet ama't rročh tsapopa' o'ch huenanet amapa' o'ch puetarenmochpa' o'ch huenanet. Ñeñto'marña notenes, ñerra'm alla entuenanet čho atarr eñose'rteñet, ñeñt̄ña atarr eñose'rtyenayapa' atarrcha' cosheñtso'tsa'yenet. ³⁹ E'ñech machayotach nohuerra atet pena eñet allempo atta es sepčha'yena machayotach huaponasa o'ch yoratsre'tensa'. Tarraña sa ñeñtes apacllates ñerra'm señoteñeñ e'ñech esempo huaponasa eñet amach čha semanrra'teno attoch amach semnacheña o'ch toram̄psas sepaclo o'ch be'tosam̄psasa o'ch yoruennasa' ñeñt̄ allpon semorrentyena. ⁴⁰ Ñeñto'mar notenes, sapa'čho'ña čhocmuepa'chña señose'rtenna tarro'mar ñerra'm allempo atta es sepčha'yenapa' allempochña nohuerra na Ñeñten Acheñetsets.

Atetcha' ap̄aretterra ataruasañ ñeñt̄ e'ñe cohuen etsotene' atet yecheña pamo'mte' ñama' atetcha' ap̄aretterra po'poñ ataruasañ ñeñt̄ ama etsotaye ñeñt̄ atet yecheña pamo'mte'

(Mt. 24.45-51)

⁴¹ Allempoña Pedropa' atet a'p̄to'ch:

—Partseshacha' ñeñt̄ atet petma'ntatena te' ñeñt̄pa' ¿eseshacpa'tña, ñato' yocpate' ñeñtey peyochreshay pepeney amapa' ñato' allohuenacpa'nate'?

⁴² Partseshañapa' alla toma'ntaterraneterr po'poñonef, atet oterranelerr:

—Allohuenespa' atetcha' sepa e'ñe cohuen atet ñerra'mrrate' puesheñarr yacma ñeñt' yechena ñeñt' pamo'mte' pen all pa'paclo. Ñeñt'cha' po'taruas pene' chocmach apa'yesan allohuen po'potantañ pamo'mte' pa'taruasañer puerraret allpon ñeñt' poctetsa puesheña'tsocop. Ñapa' atecmach pena chocmach apuenanet ñerra'm esempoch cherrerr allempo atet anaret ñocop o'ch alla apa'yerraneterr po'pocheño. Ñapa' chocmach atet pena amach cachpuere tarro'mar ñapa' eñoteñ attoch e'ñe coshatenan pamo'mte'.

⁴³ Ñeñt'ña ataruasañpa' atarrcha' coshatueñ pamo'mte'; ñerra'm esempoch huerrapa' alla entuenan pa'taruasañer ama'cho cachpuenano ñeñt' po'taruas apa'neñ ahuañmo'choteñ. ⁴⁴ Po'ño'ch o'ch notas, atarrcha' coshatueñ. Añcha' coshaterre' o'ch nohuer pamo'mte' amt'cha'taret ñeñt'cha' cohuañpsaprete' ñeñt' allpon echyen pamo'mte'. ⁴⁵ Tarraña ñeñt' ataruasañer allempo ama huerra' pamo'mte' ñerra'm ñapa' atta oten pueyo'chro, namo'mte'pa' amach ahuen huerra, allempoña ñapa' chach ashtapechyenan ataruasañe'chno ñeñt'cha' rraña ama't ñaña coyaneshohuen. Ñaña'pa' attach allemeñ rrapretyen ñaña attach orrare'tapretyen allcha' atarr posa'tare'tyen. ⁴⁶ Ñeñt'ña ataruasañer ñerra'm ñapa' attach ottatse'tyena amach es puecha'yeno amach eñoteñe ñeñte yetaroch huerra pamo'mte' ama't erro'tsencha' yetro huena. Machayotachña huerra pamo'mte'pa' atarrcha' coñchatuer, allach mueñuer all ñeñt' o'patenaya allohuen ñeñt' ama es otapetso ama't mamesha.

⁴⁷ 'Elloña napa' o'ch notas, ama't erra'tsena ataruasañer ñerra'm eñotenan ñeñt' atet muenen pamo'mte' tarraña ñerra'm ama cohuen ame'ñenano pamo'mte' ñerra'm ama e'ñe cohuenaye' es pa'yeno attoch e'ñe cohuen aguërran pamo'mte' esempoch huerra, ama't erra'tsena ataruasañerpa' ñeñt' atet petsapa' atarrcha' ashtaretterret. ⁴⁸ Tarraña erra'tsencha' ataruasañer ñeñt' ama eñotano ñeñt' atet muenen pamo'mte' ama't ñetpa'cho'ña aña atet pa'yenet ñeñt' ama cohuenayaye ama't e'ñe poctet' atecmach ashtaretterretañ ñamet, tarraña ñetpa' mamesha'ttsach ashtapecharetetyerret tarro'mar ñetpa' ama eñoteneto ñeñt' atet muenen pamo'mte'. Allohueney erra'tsenotey ñeñtey atarr aparetey attoch atarr yeñoterrñañ ñeñt' atarr sherbets Yomporecop, ñeñtey'cha'ña atarrcha' cohueney Yompor o'ch e'ñe yesherbatuon shonte' allohuen ñeñt' atarr eñotateney. Ñaña allohueney erra'tsenotey ñeñtey atarr yemtenya Yompor elloña allemppopa' atarrcha' cohueney o'ch allo'na e'ñe cohuen yesherb'a'neñ.

Atto Jesús'pa' orrtatosan e'ñe ño'mar elloptanna'teñets

(Mt. 10.34-36)

⁴⁹ 'Te'pa' o'ch neñotaterrerr po'poñ. Napa' atto nohuena arr patsro o'ch norrtatos elloptanna'teñets ñeñt' atarr huomenc atet ñerra'm tso' atarr atserrtetsa. Pocte' nenteñ o'ch orrtet e'ñe tayecma. ⁵⁰ Ñaña nocoppa' e'ñe atet anaret na'muerochtaterrach e'ñe atarr huomenc atet ñerra'mrrate' cho chorratenet ñeñt'cha' atarr nemuerochtaterre'. Neñto'mar napa' ñeñt'ña atarr nellcatene' te' atta atarr na'huanteñ esempoch e'ñech et-sotuerra. ⁵¹ Sapa' chate' sotenapañ añecop'te' nohuapa o'ch e'ñe cohuen namo'tstanna'tatera acheñenesha' arr patsro. Neñt'pa' ama atteyaye. Añecpa'ña nohuapa allochñapa' e'ñe no'marpa' acheñenesha'ñapa' o'ch ayta elloptanna'tyeset. ⁵² Ñehua, ñeñt' noten te' e'ñe tayoteñ ñato' all yechena amarsheña puepahuarro pocollopa' ñato' ñetpa' o'ch ellopa'tetstatet poctap'ña. Ñato' allo'tsen ma'psheña ñeñt'cha' name'ñerraya, ñato' epsheñañapa' amach

mueno o'ch ame'ñerrnet. Amapa' ñato' epsheñach allo'tsen ñeñtcha' name'ñerraya, ma'psheñña' amach mueno o'ch ame'ñerrnet. ⁵³ Ñato' e'ñe no'marpa' o'ch ellopa'tetstatenet poctapña. Ñato' pompoy o'ch epatare'tenan puechemer, amapa' ñato' puechemerña' o'ch epatare'tenan ñaña pompoy, ñaña ñato' pachorpa' o'ch epatare'tenan puechoyer amapa' puechoyer o'ch epatare'tenan pachor, ñaña ñato' pa'so'mue o'ch epatare'tenan pa'to'ñen amapa' ñato' pa'to'ñenña' o'ch epatare'tenan pa'so'mue.

Atto Jesúsapa' orrtatosan ñeñtcha' eñotatahuet o' chap Janet Yompor po'cohuenña

(Mt. 16.1-4; Mr. 8.11-13)

⁵⁴ Allempoña Jesúsapa' atet yerpatana acheñenesha' ñeñt atet otyenet ñet pa'nyeto:

—Sapa' ñerra'm esempo senten arr chorren os all emuena atsne', sañapa' chocmach atet sotyen: “Te'pa' chach huatena.” Atetcha'cho' pa, o'chcho' huatena. ⁵⁵ Ñaña ñerra'm esempo senten huena mör topotot, ñeñt'pa'cho'ña atetcha' sotyen: “Te'pa' o' charenmoch.” Atetcha'cho' pa, o'chcho' huorater' huomenc. ⁵⁶ Sapa' atarr señoteneña ñeñt sentyen ento ñeñtña señotatene'; ama't ñaña ñeñt atet sentyen ñaña arr patsro ñeñt'pa' e'ñe señotueñeñ. Tarraña ñeñt atet norrtatyennas nepartsoteña, eso'marte'ña ñeñt'ña' amaña eñotatensoña ñeñt atet pennas Yompor te' o'ch orrtatonas po'cohuenña. Ñeñt'pa' attate' seshquëñ.

Atto eñotatanet choyach amo'tsterraya e'ñe mamecma ñeñt ye'moñe'tene'
(Mt. 5.25-26)

⁵⁷ 'Elloña e'ñe so'ta señotepa'chña ñeñt pocte' enten Yompor socop ñeñtcha' atet se'panna. ⁵⁸ Ñato' o'ch netma'ntatasa atet ñerra'mrrate' esesha' setmantene' ñeñtcha' sanmue' amcha'taretesho allcha' sa'pocattarr señoñ. Añ pocetsa allempo ama se'chena' amcha'taretesho o'ch poch ñeñt petmantene': “O'ch ya'pocattarr yeñoñ e'ñe cohuen tayecma tayepa'tña ama ye'chena' amcha'taretesho.” Tarro'mar ñeñt petmantene' ñerra'm o'ch chapatap' amcha'taretesho, amcha'tareñapa' chate' pomap' policeyaneshesho, ñeñt'apa' chate' abe'tapet cárcelo allcha' mueröchtaterrpet. ⁵⁹ O'ch notas, ñerra'm choch yottam'psasetpa' allasach o'pono, allot'ña' amach ahuen cha'nmaterrseto. Esemphuañencha' choch se'cha'nmaterret ñerra'm allempoch e'ñe setsa'tuerra ora allohuen ñeñt allpon quelle muenenet. Ama't e'ñe eptalla centavotollña ñerra'm ama setsa'tueña' amachca'ye cha'nmaterrseto allot. Ñeñto'mariña notenes o'ch e'ñe cohuen samo'tstera ñeñt se'moñe'tene' tayepa'tña' ama chennasa' ñeñt atarr yoro'chen senten socop.

13

Añ pocetsa yocop o'ch yoctape'cherr ello cohuen Yomporcop

¹ Allempo huapa puesheña'tets acheñenesha' Jesúsesho, ñet'ña' serpare'tatoset Jesús atet entenet ñet; ñeñt'pa' atet otoset:

—Allpónsheña ñeñt galileo'marnesha' allo'tsa'yenet allecma muetsatenet berr ñeñt Yomporcop. Allempoña' huapanet ñeñt mueñen amcha'taret Pilato ñet'ña' cha muetsanatosanet e'ñe all allempo muetsatenet berr ñeñt Yomporcop. Attoña ñet'pa' allña atsetatse'tatarettet ñet po'r'ras epuet pueberröret po'r'ras.

² Jesúsña' atet otanet:

—Sapa' çhate' sotenapañ ñeññ galileo'marnesha' allempo atet aþarettet ñato' ñetpa' atarrte' nanac ochñaet ellote' metana'tueñet allohuen po'potantañ galileo'marnesha' po'chñaret. Chate' sotenapañ ñeñño'marte'ña atet aþarettet ñeññ atarr sosey apencothen. ³ Tarraña napa' o'ch notas: Ama't allohuenes samã ñerra'm amach e'ñe cohuen soctape'cherro ello Yomporecop, sapa'çho'ña attecnoch sepperra sechenca'huerrach e'ñe poctacma. ⁴ Ñaña ñeññ çharra' ñeññ puechetsa posocsheña ñeññ colla'huatsa ahuaña ñeññ a'tpetse't pocoll torrepo' allempo mata'nerr Jerusaléno e'ñe all oteñet Siloé. Ñehua, sapa' çhate' sotenapañ ñeññ a'claterr torrepã' ñetpa' atarrte' atparñaet ellote' metana'tueñet allohuen po'potantañ ñeññ atto atpare'tena jerusaléno'marnesha'. ⁵ Tarraña napa' o'ch notas: Ama't allohuenes samã ñerra'm amach e'ñe cohuen soctape'cherro ello Yomporecop, sapa'çho'ña attecnoch sepperra sechenca'huerrach e'ñe poctacma.

Arrpa' all toma'ntatanet Jesús atet pena partech ñeññ ama me'tetso

⁶ Allempoña Jesúsapa' alla toma'ntaterraneterr po'pocheño, ñeñtpa' atet otterraneterr:

—Puesheñarr acheñ all puenarenmopa' allña'pa' ahuañmo'choteñ nare'tatenan ñaña puecharr partech.* Atteñapa' çhap allempo huapa e'nosñañ pue'mer. Tarraña ama't puenarrapa' ama entosñañe pue'mer. Partayechpa' ama me'teno. ⁷ Allempoña'pa' atet otan ñeññ cohuam'pene' puenaremã': "Te'pa' o' met ma'pa char çhocma nohuena e'nene' partech pue'mer. Teme'ttsen ama't puenarra pue'merpa' ama nenteññañe. Te'pa' o'ch pa'mater tarro'mar e'ñe orrena queçhcare'tennay yepatsen atto ama yenare'teno po'poñ narmets all." ⁸ Tarraña ñeññ cohuam'pene' narmetspa' atet otan pamo'mte': "Allah nomporchã' añ char ñeññ o' huerrerra' napa' o'ch na'mueñtsetam'pes pats o'ch nenon' amar. ⁹ Ñato'rraña atet nepe'pa' o'ch cohuen me't tsapa't charo. Tarraña ñerra'm ama me'topa' pocte'ñaçho' allempopa' o'ch pa'matater."

Atto Jesúsapa' a'crraterran coyanesha' ñeññ atta mo'quëtsa ama't aña yetro allempocma amesenet

¹⁰ Allempo çhapa'muener alllempo amesenet, Jesúsña'pa' yeçhatenanet judionesha' po'prahuetto. ¹¹ Allña'pa' allo'tsen puesheñarr coyanesha' ñeññ çha mo'quëna, ama eshçaye' pacharrteno. Ñeñtpa' oneñet atet þatene'. Ahuatoteñ atta pena o' çharren char puechena posoc atta mo'quëna. ¹² Jesúsña'pa' all eñchpa' o' çhore'tospa' atet och:

—Noçha te'pa' pasaterrepçha' ñeññ atto atarr pemueroçhtena.

¹³ Allempoña'pa' a'þllamco'ch. A'þllamco'tue'pa' allorocma e'ñe cohuen pacharrterra. Ñaña'pa' atarr aye'choçhtaterran Yompor. ¹⁴ Allempoña ñeññ añcha'tarettetsa all judionesha' po'prahuo, ñapa' allempo entan atet o' a'crratan Jesús atснаñeñ, ñaña'pa' ñeñña atarr atsrre'mate'. Ama't mameshapa' ama pocteye' eñche o'ch a'crratan acheñ ñeñte yetro allempo amesenet. Ñeñño'marña ñapa' atet otan acheñenesha':

—Eñall pechapmat yet allempo pocte' o'ch yetaruasen. Ñeñtpa' pocte' o'ch sehuapa allempo attoç sa'crrater atснаñeñ. Tarraña añ yetro allempo yamesen amach sehuapatsto a'crrate' atснаñeñ.

* **13:6** Ñehua, Jesús añ toma'ntatanet higo ñeññ puenarem' penet all pa'nyo.

¹⁵ Partsesha'ñapa' atet och:

—Sapa' ñeñtes e'ñe sommo'cheño'pa' atarr seshcare'ten. Sapa'cho'ña ama't aña yetro allempocma yamesen chocma setaruasen samña. Sepyanipeñ sehuacsher, sashanor allecma serrateñ o'ch sanerñ ñaña oño allcha sonayeñ oñ. ¹⁶ Añ coyanesha' ama't ñeñt po'mreneñ pen yatañ Abraham ama't çharra' puechena posoc char ñeñt allponmat o' huanquèr oneñef, pocte'ca'ye o'ch ya'rroyatater ama't aña yetro allempo yamesen.

¹⁷ Acheñenesha' allohuen ñeñt e'moñe'tene' ñetpa' ñeñña atarr pen-catahuet. Po'potantaña acheñeneshaçhnopa' ñetñapa' atarr nanac coshenet. Atarr nanac cohuen entenet ñeñt atet pa Jesús.

Atto Jesús'pa' toma'ntaterranet atet pena pue'llomer ñeñt otenet mostazl-lom

(Mt. 13.31-32; Mr. 4.30-32)

¹⁸ Ñeñto'marña allempopa' alla oterraneterr:

—Añ Yompor po'cohuenña ñeñt atto ayochreshattena ña, ñanompa' e'ñech puesheña'ttsa ame'ña'yetsa, allempoteñña' allo'nach sen atonetnomtsa ñeñfcha' ame'ñeritsa attochña e'ñe epa'huerra erracmañen Yompor po'cohuenña. Ñeñña te'pa' o'ch netma'ntatasa ñeñt atet pena ña. ¹⁹ Ñehua, ñeñtpa' atet pena ñerra'mrrate' pue'llomer ñeñt atarr añetolleshallmerr ñeñt otenet mostazllonñ. Ñeñt pue'llomretollpa' puesheñarrña' o' anerñ pa'mro allcha' nare'teña'. E'ñe allponmatatsapa' o' chop, ñeñña' allo'na sen rrorranmats e'ñe cohuen atarrchetnom. Ñeñña narmetsocherpa' o'ch huaçha'toña oteçhno ñeñfcha' ama'tanatyesosets puetacro'mar.

Atto Jesús'pa' toma'ntaterranet ñeñt atet pena chase'

(Mt. 13.33)

²⁰ Elloña alla oterraneterr:

—Po'poñonef o'ch netma'ntatasa ñeñt atet pena Yompor po'cohuenña ñeñt atto atarr ayochreshattena ña. Ñeñtpa' ama'tcha' añetolla ñeñfcha' ñanom orrtatsa tarraña e'ñe ña po'huamencotpa' mametollapa' o'ch e'ñe epa'hua ora erraparen.

²¹ Ñeñtpa' añ toma'ntaterraneterr atet pena chase':

—Ñeñt chase'pa' allo tsetenan coyanesha' harina' ñeñt oñetsetstaten attoch a'chasatan harina' esheccha' e'ñe a'muesatue. Ñeñña chase'pa' ama'tcha' añetolla net, ama'tcha' aton harina' ñeñt ma'pa arroga, mametollapa' o'ch e'ñe a'muesatuanña ama't atarr aton harina'.

Atto Jesús'pa' toma'ntaterraneterr ñerra'mrrate' yetarrotoollo yebe'ten esheccha' yeçhap Yomporesho

(Mt. 7.13-14, 21-23)

²² All oñemyen Jesús e'ñe ora asuahuanom allohuen anetso'mar all shonta'yena acheñenesha' ama't ñaña all ama tama eñalleyaye acheñenesha'. Allña e'ñe serrpare'tatyesnomanet. Allempo oñemyen allemeñ anetso'mar ñapa' arr sen Jerusaléño all sechena. ²³ All oñen toño'pa' allempoña puesheñarrpa' a'p'to'nomñ, atet och:

—Ayochreshate, ñeñfcha' allpon a'queshpataretterrtsapa' ta'm ñetpa' çpuesheña'ttsetate' ñato' amapa' atarrcha' shonte'?

Jesús'ña'pa' atet och:

²⁴ —Sapa' añcha'ña e'ñe cohuen sema'yoçhrena ñeñt cohuen enten Yompor attochña sesuanom ñeñt ama cohuenaye' enteno ña. Ñeñtpa'

o'ch netma'ntacha atet ñerra'mrrate' allcha' yebe'tos esheccha' yechap ñesho ñeñtpa' atarr añefoll, atarr torrapo' o'ch yebe'tos all. Ñaña o'ch notas esempohuañen ama'tcha' shonte' acheñenesha' ñeñfcha' atarr muenatseñ o'ch be'terretañ all attoch çherretañ Yomporesho tarraña allempopa' amach eshec be'terreto attoch çherret all tarro'mar allempopa' o'ch huañerr atto atarr cohueny Yompor. ²⁵ Ñeñtpa' o'ch netma'ntacha atet ñerra'mrrate' esempo o'ch çhen ñeñf apaclatesha' ñañaapa' o'ch tantuena o'ch e'ñe echarr yottam'pesuena. Allempopa' ama't e'ñe eseshapa' amach eshec be'tosoña all. Allempoña ama'tcha' shonteseñ o'ch sehuacha'ta all petotach sechorros allotcha' seçhore'tos apaclatesha'. Allña sapa' atetcha' sotos: "Ayochreshate petoram'psapuey." Ñapa' atetcha' otapas: "Ñapa' ama nentarlo, errofte' sehuenaña sa." ²⁶ Sañapa' atetcha' sotererr: "Ama't parrocmá yerrallme'chyese'teña ahuañmo'cha ñaña ama't ya ya'netsro'mar allecmá chopeñe'chyenet allca'yeña peychatyese't." ²⁷ Tarraña ñapa' atetcha' oterserr: "Te'pa' o'ch notas, napa' amaca'ye po'ñoçh nentarlo, errofte' sehuenaña sa. Te'pa' orrerres arrot neshot allohuenes ñeñtes ma'yoçhrenaya ñeñf ama pocte' enteno Yompor." ²⁸ O'ch ahues all ñeñf o'patatenset sa. Allñaapa' allcha' seyahuannrortosa, sanmueñoç atserppa' serraso'tyesoscha' sas. Allotcha'ña sentosña satañneshachno—Abraham ñaña Isaac ñaña Jacob ñaña allohuen ñeñf a'mta'yesaye't Yompor po'ñoçh. Ñetñaapa' e'ñe Yomporesho'tsa'yenet all am'cha'tarettena ña. Sañapa' cha'petotaña huapore'tenset. ²⁹ Allñaapa' allemateñfcha' huaçha'ta shonte' ñeñf ama judioneshayaye ñeñfcha' anorrçha'tyesosets all e'ñe Yomporesho all am'cha'tarettena ña allcha' rrallme'çoset all e'ñe cohuentena Yompor. ³⁰ Te'pa' señoçhcha' eñall acheñenesha' ñeñf ama asherbenaye' senteno sa te' tarraña allempoña ñetpa' atarrcha' asherben enterranet Yompor. Ñaña eñall acheñenesha' ñeñf atarr asherben sentyen sa te', tarraña allempoña ñetpa' amach asherbenaye' enterraneto Yompor.

Atto Jesús'pa' puellquëñoçan jerusaléño'marnesha' atarr ya'na'tenanet (Mt. 23.37-39)

³¹ E'ñe ñeñte yetrocma allempo huaçha'toña patantarr fariseonesha'. Ñetñaapa' atet otoset Jesús:
—Te'pa' o'ch peyeta arrot tarro'mar am'cha'taret Herodespa' o'patenpa' ahuo'ch muetsatap.

³² Jesúsñaapa' atet otapanet:

—O'ch ahuerrespa' atetcha' sotuer Herodes ñeñf atarr eñotene' shequëñets: "Te'pa' o'ch peñoçh, napa' atterach necaçhpatateññañ acheñenesha' po'neñefer ñaña atterach shonte' na'çrratyes ñeñf atsna'tyets. Atet nepena te', tsapatonetpa'çho'ña attecmaç nepena, o'chña tsapatonterrerrpa' o'ch e'ñe netsotatue allohuen." ³³ Nocoppa' añ poctetsa çhocmach nesen ama't te', ama't tsapatonetpa'çho'ña, ama't ñaña o'ch tsapatonterrerrpa' çhocmach nesen. Attoçh neçherr Jerusaléño, tarro'mar allpa' allecmá çhocma muetsayesete't ñeñf a'mta'yesaye't Yompor po'ñoçh.

³⁴ Allempoña Jesús e'ñe puellquëñoç judionesha'pa' atet eñorena ñoçpuet, ñeñfo'marña atet otanet:

—Sa jerusaléño'marneshacha' ñeñtes muetsanatyese't ñeñf a'mta'yesaye't Yompor po'ñoçh, sa ñeñtes rrollapechyesaye't ñeñf amñaref seho. Atarr atonoche'tats nemneñeñ o'ch na'yapacha'huerrsoñ allohuenes nesho attoch e'ñe cohuen necuam'pensoñ. Nemneñeñ o'ch

na'yapa'cha' huerres atet ñerra'm rrate' atollop a'yapa'chene' puechoyoresha' o'ch e'ñe seto'tuanet. Tarraña sañapa' ama't e'ñe mameshapa' amaña semno. ³⁵ Te'ñapa' all sey'chena sa, Yomporñapa' o'ch a'ypo'ñerres. Tarro'mar te'pa' o'ch alla noterrser: Na po'pocheño'pa' amach alla senterrno te'. Esemphuañeñapa' senterrencha' allempoñapa' atetcha' soterren: "Aye'chochtatpahu'pa'ch Jesucristo ñeñt' hupatsa ñeñt' llesensen Yeyomporer."

14

Atto Jesús'pa' a'crraterran puesheñarr yacma ñeñt'cha ananen

¹ Allempoña cherrerr pam'tarr allempo amesenet. Jesús'ñapa' ahuo' allcha' rralme'chapretenana' puesheñarr fariseo ñeñt' atarr añcha'tarettetsa. Chap all pa'paclopa' po'potantañña fariseonesha' ñetñapa' atarr cohua'nyesapet Jesús. ² Allñapa' allo'tsen puesheñarr yacma ñeñt'cha ananen. ³ Jesús'ñapa' all serrpare'tos epuet fariseonesha' ñaña ñeñt' allo'tsa'yen ñeñt' atarr et-sotene' ñoñets ñeñt' atet anaret' judioneshacop. Ñaña'pa' atta a'pto'tosanet e'ñe po'tomña, allochñapa' o'ch eñoch ñato' errotench'a' anapet. Ñeñt'pa' atet otosanet:

—¿Errotena'tña sotenna sa, ta'm pocte'te' o'ch na'crratos atснаñe't añe yetro allempo yamesen? ¿Atte't otenña ñoñets ñeñt' atet anaret, ñato' amate'?

⁴ Fariseonesha'ñapa' ama eseshaye' anapuetso ama't puesheñarroña. Allempoña Jesús'pa' a'p'llamco'tosan atснаñe't. E'ñe a'p'llamco'tue'pa' cha corrrerts'a allenta mueñer pa'paclo. ⁵ Allempoña Jesús'pa' alla oterranerr fariseonesha':

—Sapa' ñerra'm sashanor amapa' sehuacsher shora'nets arroroto all chorren oñ, ama'tcha'ña sechtereña allot e'ñe allorocma ama't añe yetro allempocma yamesen.

⁶ Ñetñapa' ama errotenaye' otenaye' enteñeto ama't e'ñe puesheñarroña.

Atto ahua'ñare'tet o'ch rralme'chapreteñeta' ñeñt' sena'tetsa

⁷ Allempoña ñeñt' ahua'ñare'ñesha' ñetñapa' aña atarr muenenet o'ch anorryesoset allecma anen ñeñt' atarr añcha'na'tpo' entyenet. Jesús'ñapa' entapanet ñeñt' atet muenenet ñet o'ch cha ommo'chyesoset. Allempoñapa' atet otapanet:

⁸ —Ñerra'm esempo ahua'ñare'fes o'ch serrallme'chapreteña' ñeñt' sena'tetsa, sommo'cheño'pa' amach arra sanorratsetyesoso allecma anen ñeñt' atarr añcha'na'tpo' entyenet. Ñetña chenta'pa' o'ch huapuet ñamet. ⁹ Ane'tañ ñeñt' sehua'ñene' allohuenes ñaña'pa' o'ch huapa pesho o'ch otaþ: "Te'pa' o'ch petanterra arrot, all panen te'pa' o' huapaña ñeñt' panorrrpue' pene' all panen ñeñt' atarr añcha'na'tpo' entyenet." Paña allempo'pa' atarrcha' pepenquëño' petanterra o'ch ahueþ allcha' panorros allecma anorryen ñeñt' ama esoshe'maye' entyenet. ¹⁰ Sapa' atetcha'ña seþa ñerra'm esempo hua'ñenset. Allempo seþhap all hua'ñenset sapa' allach sanorros allecma anorr'cha'tyen ñeñt' ama esoshe'maye' entyenet. Allñapa' o'ch huapa ane'tañ, ñapa' atetcha' otoseþ: "Masheñcha' papa' arrcha' panorros allecma anen ñeñt' atarr añcha'na'tpo' entyenet." Attochña allohuen ahua'ñare'ñesha'pa' o'ch entapet papa' atarr añcha'na'tpo' entyenet. ¹¹ Tarro'mar allohuen ñeñt' e'ñe cohuen entetsa e'ñe pommo'cheño' ñetña

tsapatonetpa' amach esoshe'maye' entereto. Tarraña allohuen ñeñt ama esoshe'maye' entetso te', ñeñña tsapatonetpa' atarrcha' cohuen enteret.

¹² Allempoñapa' atet otan ane'tañ ñeñt hua'ñene':

—Ñerra'm esempoch porrtaten rreñets ñeñtcha' serra'muen aromtaña amapa' ellerronet amach e'ñe aña pehua'ñatsto ñeñt e'ñe parro peyemtena ñaña ñeñt pemo'nasheñ pepen ñaña po'potantañ ñeñt e'ñe pamo'tsesha' pepen ama't ñaña allo'marnesha' ñeñt atarr eçllayoretet. Tarro'mar ñerra'm ñeñña pehua'ñenpa' ñetpa'cho'ña tsapatonet o'ch alla hua'ñerrpet paña. Attoch tsa'terrpet. ¹³ Tarraña ñerra'm esempoch porrtat rreñets aña'nachña pehua'ña'yes ñeñt atarr huocchañetyets ñaña achocrañačno ñaña ñeñt checa're'pachno ñaña aporo'yetečno. ¹⁴ Attochña papa' atarrcha' cosheñtso'tsenep tarro'mar ñetpa' amach errotentōt alla tsa'terrpeto. Papa' esempohuañencha'ña atsa'taretep allempoch atantataretterra allohuen ñeñt e'ñe pocte' es pa'yestse't.

Arrpa' all atma'ntatarettena ane'tañ ñeñt atarr aton yeçhcatatene' rreñets

¹⁵ Allempo e'mueñet Jesús atet serrpare'tatuanet, puesheñarrña ñeñt parro anorrchenet ñeñt parro rrallme'chenet, ñaña'apa' atet otan Jesús:

—Atarrcha' cosheñtso'tseney allohueney ñeñfeycha' rrallme'chapreterre' Yompor all ancha'tarettena pue'ntaño.

¹⁶ Jesúsñapa' toma'ntaterraneterr; ñeñtapa' atet oterraneterr:

—Eñall puesheñarr ane'tañ ñaña'apa' o'ch yeçhcatatan atarr shonte' aton rreñets. Allempoñapa' otyesan shonte' acheñenesha' ñeñtcha' rrallme'chapretenaya' esempoch e'ñe a'potatuan rreñets. ¹⁷ O'ña chap allempo e'ñe a'potatuan rreñetspa' ñaña'apa' mueñan pa'taruasañer ñeñtcha' hua'ña'yenaya' allohuen acheñenesha' ñeñt otarettsa ahuaña. Ñeñña pa'taruasañerpa' atet otosan acheñenesha':

—Te'pa' o'ca'ye e'ñe a'potaretutña rreñets sonacha't o'ch serrallme'chapretena'. ¹⁸ Tarraña ñeñt ahua'ñarefechnopa' ñetñapa' ama esesha' tatso. Ñehua, ñeñt ñanom puesheñarrpa' atet ot: “Napa' te'pa' o'ca'ye neraña pats, o'chca'ye ahuen o'ch necua'yeña'. Potuercha' pamo'mte' peretnerrnepa', napa' amachca'ye neto.” ¹⁹ Po'psheñpa'cho'ña atet ot: “Napa'cho'ña o'ca'ye neraña çharrana toro po'yuntohuen e'ñe epna'ttsoçma; o'chca'ye ahuen o'ch netpach taruasate'. Potuercha' pamo'mte' peretnerrnepa', napa' amachca'ye neto.” ²⁰ Po'psheñpa'cho'ña atet ot: “Napa' errenca'ye sena'tetsa ñeñño'marña napa' amachca'ye eshec neto.” ²¹ Ñeñña ataruasañer atet otyes acheñenesha'pa' ñaña'apa' ahurr pamo'mtayesho, serrpare'tatuerran pamo'mte' atet otyeset ñeñt hua'ña'yeseñ. Ane'tañña' ñeñña atarr atsrre'mate'. Patsrre'mueño'pa' atet otterrannerr pa'taruasañer: “Te'pa' o'ch ahurrperr e'ñe tayecma ñaña all antso allecma atarr chopeñe'chyen shonte' acheñenesha'. Allotcha'ña pehuapaterr huocchañeshachno ñaña achocrañačno ñaña aporo'yetečno ñaña checa'repachno.” ²² Pa'taruasañerña'pa' atetcho' perrerr. Allempo huerra atet otuerranerr pamo'mte': “Nompoch'a' ñeñt atet potenpa' te'pa' o' e'ñe atet nepohua. Tarraña allcha' anorrtha'tyes ñeñtcha' rrallme'chosetspa' orameñ.” ²³ Pamo'mte'ña'pa' atet otererr: “Te'pa' o'ch alla ahurrperr allampaño'mar all shonte' toñečno allecma chopeñe'chyen acheñenesha'. Allña'apa' atarrcha' potare'tyes acheñenesha' onetepa' arr nepacillo attoch e'ñe chorra acheñenesha' arr nepacillo. ²⁴ Po'ñoçh

te' napa' o'ch notas, ñeñt ñanom nehua'ñatyeseñpa' ñetña te'ñapa' ama't e'ñe puesheñarrofetapa' amach rrallme'chapreterrneto attoch cosherret nesho."

Añ poctetsa o'ch e'ñe yesuanem ñeñt e'ñe yocpa attoch yocter Cristo e'ñe poctacma

²⁵ All oñemyen Jesús'pa' shonte' acheñenesha' cota'huanene'. Ñaña'pa' cohua'nmanet allenet shontenetpa' atet otnomanet:

²⁶ —Ñerra'm esesha' muene' o'ch coterren e'ñe po'ño'ch, añ nemnen o'ch atarr nanac morrentennet. Elloch metaneñet atto atarr morrenteñet pompoy, ama't ñaña pachor, ama't ñaña puetapor ñaña puechmeresha', pa'mo'nasheñesha', po'chanesha'. Atto atarr morrentennet ello metaneñet atto atarr morrentenet ñañeñeta ñeñt atto correnet arr patsro. Ñerra'm erra'tsen ama atteye' nemorrentenayepa' ñaña'pa' amach erroteno' neyochresha' neperraneto. ²⁷ Tarro'mar ñerra'm erra'tsen ama e'ñeye' sehuanmaye ñeñt atet muenenet e'ñe ñocpueta attoch coterrnet e'ñe

poctacma, ñaña'pa' amach erroteno' neyochresha' neperraneto. Ñeñt'pa' añ toma'ntena atet ñerra'mrrate' cho sechehnen secorsoch allcha' semuero'chta saña. ²⁸ Ñeñto'marña ñerra'm erra'tsenotes muenene' o'ch neyochresha' neperres, añ poctetsa choch ñanom soctape'ch, e'ñete' pocte' senteñ o'ch sesuanom ora allohuen ñeñt atet notenes. Ñeñt'pa' atet'cha' netma'ntacha atet ñerra'mrrate' eseshas muenene' o'ch satomat sepaquell atarpo'pa' añ sepalltena choch ñanom sanorr allcha' soctape'ch erponte' tsa'tena. Ñato' eñallfe' allpon quelle attoch mameshapa' o'ch sa'pue'.

²⁹ Ñerra'm ama atet ñanom soctape'chenopa' ñato' o'ch satomatañ ñanom alloch echarr sorrat sepaquell, ñerra'm cha sehuañapes quelle attoch sa'pañ sepaquellpa' attach seca'hpue'. Acheñenesha'ña ñeñt sentene'pa' chach che'tatsetaset; ³⁰ ñetñapa' atet'cha' otyeset: "Añ acheñerpa' o' tomataneña atarpo' pa'paquell, allá huañapes quellepa' ama esoye' a'patano pa'paquell."

³¹ Ñeñfara cotapñatser o'ch alla netma'ntacha po'poñonef. Atet ñerra'mrrate' puesheñarr am'cha'taret ñerra'm añ cotape'chen o'ch quellaratan po'solltarer epuet po'psheñeñ am'cha'taret po'solltarer choch ñanom anorr allcha' e'ñe cohuen cotape'ch. Allempopa' atet'cha' ot: "Napa' e'ñeca'charra' mila nechen nesolltarer; po'psheñeñña am'cha'taretpa' echenan po'solltarer epoch charra' mil. Ta'm, pocte'te' o'ch nemñe charra' mil nesolltarer ñeñt'cha' poctapue' epoch charra' mil solltarnesha' ñeñt'cha' yehuapoya. Ta'mca'ye a'mchechatuette'ca'ye—shonte'."

³² Allempoña o'ch atet cotape'chuapa' ñerra'm ama errot apenaye' eñche'pa' allempo ama aponmaretteneta' ñaña'pa' o'ch mueñan allponsheña ñeñt'cha' atet otosahuet: "Yapa' añecop yen o'ch ya'pocataterr ñoñets e'ñe cohuen e'ñe atta, amach yecllaranna'tatsto."

³³ Ñeñto'mar notenes, ñerra'm eseshas ama e'ñe pocteye' senteñe o'ch sesuanom ora ñeñt allpon sechen, ñaña'pa' amach erroteno' neyochresha' neperrso.

Arrpa' all atma'ntatarettet atet ñerra'm pos o'ch huañ po'poserrteñapa' o'huañcha' sherba'

(Mt. 5.13; Mr. 9.50)

³⁴ Ñehua, yapa' yeñoteñ pospa' atarr cohuen sherbenan allohuen acheñenesha' arr patsro. (Allohuen ñeñt po'ño'ch neyochresha' nepen ñetñapa' atarr sherbenet atet ñerra'mrrate' pos atarr cohuen sherbeney.) Tarraña pospa' ñerra'm o'ch huañerr po'poserrteña amach erroteno' ellopa' ya'poserrtatere. ³⁵ Attoña amach es sherberro ama't e'ñe coñe'ta. Ama't

attoch yetnarratater allo patspa' ama't ñeñtēcpapa' amach sherberro; ñeñto'marña ama't ñeñtēcpapa' amach yañño'tatsche. Ñeñto'marña o'ch yehuapore'ter a'yo. Ñerra'm eseshaste' ne'mñotene'pa' çhaponasepa'ch seyoçhro ñeñt atet neyçhatenes.

15

Acheñ ñeñt ama ame'ñetsopa' arrpa' all atma'ntatarettet atet ñerra'm carnero ñeñt chenquētsa

(Mt. 18.10-14)

¹ Shonte' ñeñt cobrets quelle gobiernocop ñeñfara ñeñt atarr shecare'tyets ñaama shonte' ochñañenesha', ñetñapa' huaçha'tet Jesúsesho o'ch e'mñoteññañeta' ñeñt atet serrpare'tatenan allohuen acheñenesha'. ² Añña fariseonesha' ñaama ñeñt atarr etsotayenayeyñ ñoñets ñeñt atet anaret judioneshacop, ñetñapa' ama't mameshapa' ama pocteye' enteñeto. Ñetñapa' atta sasare'teñet Jesúsapa' ñeñtapa' atet otanna'tyenet:

—Añ acheñer ama't ñeñt atarr ochñañenesha'pa' eso'marte'ña e'ñe cohuen agapyenanet, ñaama alla rrallme'chapreteñet.

³ Ñeñto'mar Jesúsapa' alla toma'ntaterraneterr; ñeñtapa' atet oterraneterr:

⁴ —Sapa' ñerra'm eseshas echene' shonte' secarnneror, çharroch çharra' sechen tarraña ñerra'm pomocarrña machayota sa'chencachpa' ama't atet sepeno. O'ch sesa'nom allohuen po'potantañ ñeñt o' noventa nuebaña all amayo ama't atarr a'yopa' o'ch ahues e'nerraya' pomocarr ñeñt chenquētsa. Allcha' se'name'tyera'pa' attotach senter. ⁵ Allña senterpa' o'ch senatner, e'ñech socsheñeshocmañen saner. ⁶ O'chña sethapater sepaclopa' allñapa' o'ch seçhore'tuer samo'tsasha' o'ch onaçha'tet. Allñapa' o'ch sotuerr: “Te'pa' o'ch socshapreterrna necarnneror, te'pa' o' nenterrña ñeñt na'chencaten.”

⁷ Ñeñto'marña te'pa' notenes: Yamo'mte' ñeñt pue'taño'tsen attemmach atarr nanac cosherrana ama't puesheñarra acheñ ñeñt atarr ochñañ ñerra'm esempoch o'ch cotape'cherret ello e'ñe cohuen ñocop. Elloch metana'tuerran ñeñt atto coshenana po'potantañ ñeñt shonte' ñeñt e'ñe pocte' es pa'yenet ñocop ama't ñetpa' shontet atet ñerra'm noventa nueve carnero ñaama ñetpa' ama't ama pallteneto o'ch cotape'cherret ello cohuen.

Arrpa' all atma'ntatarettena puetallarr quelle ñeñt a'chencaten pamo'mte'

⁸ Ñeñfara cotapñats, te'pa' ñato' atetcha' netma'ntacha po'poñoneñ atet ñerra'm puesheñarr coyanesha' ñerra'm echenan çharratilla po'çllayor ñeñt atarr morrentena. Ñerra'm çho a'chencach puetallarrpa' ama'tcha' a'llchatanoña po'lampareñ attoch tarrapo'tenan pa'paquell allcha' e'name'tyerran puetallarr po'çllayor. Attotcha'ña enter. ⁹ O'chña enterpa' allemponapa' o'ch agotan pamo'tsasha' e'ñe pacmaneshoche', atetcha' otanet: “Te'pa' o'ch socshapreterrna ñeñt puetallarr neçllayor ñeñt na'chencat, te'pa' o' nenter.” ¹⁰ Te'pa' o'ch noterrser; elloña atarrcha' nanac coshateret Yompor po'millañoteñreneshohuen ñerra'm esempo ama't puesheñarra acheñ ñeñt atarr ochñañpa' o'ch cotape'cherret ello e'ñe cohuen Yomporecop.

Arrpa' all atma'ntatarettena puesheñarr yacma puechemer ñeñt atarr otatsñat

¹¹ Elloña Jesúsapa' alla toma'ntaterraneterr; ñeñtapa' atet oterraneterr:

—Eñall puesheñarr acheñ echenan epsheña puechemer. ¹² Ñeñña puechoyomer penpa' atet otan pompopor: “Apacha' ñeññ ora allpon pechen te' napa' nemneñ o'ch papuen e'ñe tayecma ñeññ allpon po'patatenna.” Allempoña pompopor ora ñeññ allpon echyenpa' o' apa'yesan epsheño'mar puechemerasha' ñeññ allpon o'patatyenanet e'ñe puesheña'ttset. ¹³ E'ñe allponmatatsa ñeñña puechoyomer penpa' o' e'ñe pomhuahuanman ora allohuen ñeññ allpon ap pompopor allo agapan shonte' quelle attoch ta ba'chayo po'poñ anetso. Allempoña chap ba'chayopa' allña'pa' sosya'tsañechna atet pa'yesos. Attoña ama't shonte' po'çllayor ñeññ anem o' e'ñe a'gasta'huahue e'ñe pottatse'teñoñ. ¹⁴ O' e'ñe a'gasta'huan ora po'çllayorpa' allempoña allpa' o' orrrta muecheñets all ñeññe anetsro. Ñaña'pa' o'huañ erraye' entan puerrar ñeññcha' rren. ¹⁵ Allempoña ñapa' o' ahuo' allo'tsen ane'tañ all e'nyenan taruas. Ane'tañña' aña ap po'taruas o'ch auyesos a'yenet allcha' cohuanpesyesoñ po'chañchor. ¹⁶ Ña pa'chporrño'pa' atarr mueneñ o'ch rrapretosan chañcho puerrar attoch yetosa. Ama't chañchopa' pa'talle'tsa puerrar pen ñapa'cho'ña ñeñña atarr muenen o'ch rros tarraña ama't chañcho ama eseshaye' apuenaye puerrar ñeññcha' rra'. ¹⁷ Atteña'pa' machayota'chapoña pueyo'chro, atet ot: “Apa pa'taruasañer ama't shontetpa' echyenet puerrar, ello puechare'tyena. Naña arrpa' o' nerromuerrmoch nachporrñoñ. ¹⁸ Te'pa' o'ch ahuerren apusho; te' napa' atetcha' notuer: Apacha' napa' o' ne'pohua ñeññ ama cohuenayaye Yomporecop ama't ñaña pocop. ¹⁹ Napa' ama cohuenayayno attoch pechemer pe'papuerren. Te' napa' aña pocetsa nocop papa' pa'taruasañrach pe'papuerren.” ²⁰ O'ña atet co'tape'chua ello e'ñe cohuen Yomporecoppa' allempoña'pa' ahuen pompore-sho.

'Ama't atarr ella'parmeñ allempo entapueñ pompopor e'ñe puemuerenoñ mata poc'tapueñpa' a'chono'tapueñ, tso'ttsapa'tapueñ. Ñeñña'pa' atet huom'cha'tapuenan puechemer atto e'ñe cohuen agapapueñ. ²¹ Puechemerña'pa' atet otueñ: “Apacha' napa' o' ne'pohua ñeññ ama cohuenayaye Yomporecop ama't ñaña pocop. Na te'pa' ama cohuenayayno attoch pechemer pe'papuerren.” ²² Tarraña pomporna'pa' e'ñe allorocma otan pueña'ñresha'chno: “O'ch sena' e'ñe tayecma shetamuets ñeññ atarr cohuen co'hnesha', o'ch sechorratapuennana nechemer. O'ch senatapueñ ñaña anillo pota'po, o'ch senatapueñ ñaña sapatets pa'tco. ²³ O'ch sennana' ñaña nehuacsher ñeññ atarr ne'soya'taten o'ch semtse o'ch yerrallme'ch o'ch yocshame'tam'psapueña. ²⁴ Tarro'mar añ nechemer ama't o' rromhuañ, te'ña'pa' o' alla tanterra. Ama't o' chenca'huaña' te'ña'pa' o' alla nenter.” Allempoña'pa' atarr nanac coshame'tam'psapueñet.

²⁵ Ñehua, po'psheñeñ puechemer ñeññ popo'nar ñaña'pa' pa'mro'tsen allempo chen puechoyomer. Allempoña err pa'mrot e'ñe ya'rroterrtsa pocollopa' o' emhuerran coshamññats all requèrquènet ñaña ashe'rarañ. ²⁶ Allempoña'pa' chore'tuerran cheshachorpa' a'p'to'tuer: “¿Eso'mare'tña coshame'tenet? ¿Eso'tña atarr coshame'tam'penet? ²⁷ Cheshachorña'pa' atet otapuer: “O' huena pemo'nasheñ, p'pomporpa' o' muetsatan becer ñeññ se'soya'taten tarro'mar atarr coshapuennana puechemer. Ama choye' rromueno, e'ñe huomech agapapueñ.” ²⁸ Ñaña'pa' ñeñña atarr atsrre'matuerre' ama mueno o'ch be'tosuerr all o' chen pa'mo'nasheñ. Atteña'pa' cha'nom pomporpa' allach otere't: “Pebe'tosuerr.” Ñaña'pa' ama mueno o'ch be'tosuerr. ²⁹ Ñaña'pa' atet otuerran pompopor: “Napa' peñotenen o' shonte'

char e'ñe cohuen name'ñenpa; napa' ama't parrochapa' ama esempo natpare'tenpe. Tarraña ama't atet nepenpeña' nañapa' ama't esempapa' ama papuennoña ama't patrira cabra attoch nochshame'ta naña epan ñeñt parro neyemuetyena na. ³⁰ Te'ña o' huena ñeñt pechemerma't pepen ama't ora o' a'gasta'huonañ peçllayor e'ñe puecañoresha'teño't, te'ña papa' o' pemt-satapueñ becer ñeñt ye'soya'taten." ³¹ Pomporñapa' atet otererr: "Po'ño'ch nechemercha' papa' chocma arro'tseney parro. Amahuaca'ye nechemercha' peñoteñefe' ñeñt allpon nechenpa' e'ñerramche' pocma. ³² Ñeñto'marña te'pa' añ poctetsa o'ch yocshame'tam̄psapueña pemo'nasheñ, o'ch atarr nanac yocshena tarro'mar ama't o' rromhuañ te'ñapa' o' alla tanterra; ama't o' chenca'huañ te'ñapa' o' alla yenter."

16

Atet atma'ntatarettena atet pena ñeñt cohuan̄psatsre'tene' pamo'mte'

¹ Elloña Jesús'pa' alla toma'ntaterranerr pueyochresha', ñeñtpa' atet serpare'taterraneterr:

—Eñall yacma puesheñarr ñeñt atarr eçllayoret. Ñapa' echenan pa'cheñer ñeñt po'taruas pene' o'ch cohuan̄psan ora allpon ñeñt echyen pamo'mte'. Ñaña ñach quellquene' po'potantañ ñeñt allpon teba'yeññañet pamo'mte'. Atteña allempoña puesheña'tets acheñenesha'pa' a'metam̄peñeta' pamo'mtayesho, atet otoñet pamo'mte': "O'ca'ye atta a'chencatatsre'tapña ñeñt penen ñeñtcha' pecuan̄psatsre'tene'." ² Allempoña pamo'mte' atet e'mare'chpa' allenta agofach. Allempoña huapapa' atet otap: "Eso'maruañaca'yeña atet pa'chencatatsre'tenen. Te'pa' o'ch peñotatnomuen e'ñe ora allohuen ñeñt allpon petaruasen tarro'mar te'pa' ama nemno o'ch allo'na pecuan̄psatsre'tenen." O' atet otue pamo'mte', ñañapa' allenta ahuerr. ³ Allempoña pa'taruasañer ñap̄topa' atet cotape'chen: "Te'pa' amach allo'na netaruasa'neno namo'mtayesho; o'ca'ye mopa'tam̄perrenña allo neganena. Te'pa' errotenuachñaca'ye ne'pate'. Napa' ama necheno nehuamenc attoch namre't ñeñtcha' netaruas neperreñ, ñaña ama nemno o'ch netaruas ne'pa' o'ch atta enamare'tyen quelle atet pa'yena po'psheññechno ñeñt po'taruas pene' o'ch enamare'tyeset quelle, tarro'mar na ñeñtpa' atarr apenco'chen nenteñ." ⁴ Allempoña o' e'ñe cotape'chuepa' atet ot: "Te'ña po'ño'chpa' o'ca'ye neño'ch atetcha'ca'ye ne'pa attoch acheñenesha'pa' e'ñech cohuen agapnet pa'paclo tsapatonet allempoña huañ neçllayor ñeñt allpon naguën te' netaruasot." ⁵ Allempoña atet cotape'chenpa' atetcho' pa. Ñeñto'marña agotatan allohuen allponsheña ñeñt teba'yets pamo'mtayesho. E'ñe puesheña'ttsa ñanom a'p̄to'tyesap, atet otapanet: "Papa' çerrpona't petebeñña namo'mte'?" ⁶ Ñañapa' atet otos: "Napa' netebeñca'ye çarroch çarra' cilindro aceite'." Ñeñt patron pa'cheñerñapa' ap̄ allo quellquēññañ ñeñt allpon teben ahuatoteñ. Allempoñapa' atet otererr: "Te'pa' o'ch panorr tecmapa' o'ch pe'sherrña ñeñt çarroch çarra' cilindro o'ch pequellquēr amnaroch çarra' o'ca'ye allponañña ñeñt peteben." ⁷ Allempoñapa' oterranerr ñaña po'psheñ: "Papa'cho'ña çerrpona't petebeñña namo'mte'?" Ñañapa' atet otos: "Napa' netebeñ çarroch çarra' arroga trigo." Ñeñt patron pa'cheñerñapa' ap̄ ñaña allo quellquēññañ ñeñt allpon teben ahuatoteñ allempoña ñapa'cho'ña atet otererr: "Papa'cho'ña panorr tecma o'ch pe'sherrña ñeñt çarroch çarra' arroga o'ch pequellquēr poscoch çarra'; te'pa' o'ca'ye allponañña ñeñt

allpon petebēñ namo'mte'." ⁸ Allempo pamo'mte' eñotan ñeññ pa'taruasañer atta shecare'teñ, ñaña'pa' atet oten: "Añ acheñer ama't pueshquēño'pa' e'ñe eñoteñ o'ch entan ñeññcha' atarr sherberre' ñocop tsapatonet." Po'ño'ch acheñenesha' arr patsro ñeññ ama ame'ñetso ñetñapa' atarr eñoteñet attoch e'ñech aña e'nenet ñeññcha' atarr sherberrets ñocpuet tsapatonet. Tarraña ñeññña ame'ñetsapa' ama tama eñoteñeto, ama es cotape'cheneto o'ch e'nenet ñeññcha' atarr sherberrahuet ñamet tsapatonet.

⁹ Ñeñño'marña te'pa' o'ch notenes:

—Ñeññ allpon pa'namen sechyen seçllayorohuen ñeññpa' añecpuepa'chña sherbenes alloch seyenpueñ po'potantañ allochñapa' attochña e'ñech cohuen muerrset. Sapa' añecpuepa'chña setaruasatña sa seçllayor ñeññ atarr sherbets Yomporecop ama't yeñoteñ quellepa' atarr a'gasta'po' ama't ñaña añecop ñeññ ama pocteye' enteno Yompor. Allochñapa' eñallcha' socop ñeññcha' e'ñe cohuen sagüerre' e'ñe all Yomporepahuo esempoch seçhacherr all, allempopa' o'huañcha' allo'na sherbenes quelle ñeññ patso'marecpa. Attoch allohuenes e'ñech cohuen socrra 'huerra Yomporepahuo ñeññpa' ama ahuañaño.

¹⁰ Elloña o'ch notas:

—Ama't e'ñe coñe'ta yechen ñerra'm añecop yesherbateñ ñeññ cohuen enten Yompor; ñaña'pa' eñotene' atet ñerra'm ama't atarr aton yechen atterach yesherbateñ ñocop. Tarraña ama't e'ñe coñe'ta yechen ñerra'm ama añecpaye' yesherbateñ ñocop, ñaña'pa' e'ñech eñotene' attoña ama'tcha' atarr aton yecheneñpa' atterach amach es yesherbateñ ñocop. ¹¹ Ñaña ama't e'ñe allpona quelle yechen arr patsro ama't e'ñe patso'marecpa tarraña ñerra'm ama añecop yesherbateñ ñeññ cohuen enten Yompor allempopa' amach errotentot alla apuerryerroña ñeññ po'ño'ch atarr sherbets ñeññ apuene'ña. ¹² Ñaña ñerra'm ama es yesherbateññañe ñeññ po'psheñño atet ñerra'm ñeññ Yomporo, allempopa' amach errotentot apyeña ñaña ñeññ e'ñe yocop ñeññcha' e'ñe cohuen yocshatene'.

¹³ Ñeññpa' atetcha' netma'ntacha:

—Ama't puesheñarrofe'yapa' amach errotentot e'ñe cohuen yetaruasoña epsheño'mar yamo'mtayecop. Tarro'mar ñerra'm atet yepapa' puesheñarr e'ñech cohuen yemorreneteñ yocsheñeshocmañen yesherbeñ, po'psheññapa' amach e'ñeye' yemorreneteño; çhach yottena ñerra'm çha yetsena'teñ. Ñeñño'mar atetpa' amach cohuenaye' yesherbeñe. Ñerra'm aña e'ñe sema'yoçhrena ñeññ e'ñe socpa attoch segana aton quelle, ñeññ atetpa' amach errotentot sema'yoçhrona ñaña añecop ñeññ atarr sherbets Yomporecop.

¹⁴ Añña fariseonesha' ñeññ e'muene' Jesús ñeññ atet serrpare'tatenan acheñenesha', ñetñapa' aña atarr ye'chapretenet quelle. Ñeñño'marña ñet allempopa' puesasare'teño'fet Jesús'pa' çha atarr che'tatseteñet.

¹⁵ Jesús'ñapa' atet otanet:

—Sapa' çha sottenañ ñerra'mrrate' atarr cohuensoñ attoña acheñenesha'pa' e'ñe cohuen entyensetañ. Tarraña Yomporñapa' e'ñe eñotennas seyoçher ñeññ atto sapa' atarr seshcare'tyeñ acheñenesha'. Tarraña ñeññ e'ñe ñañeñeta atarr cohuen entyetsat arr patsro, ñetñapa' atarr tsena'tenanet Yompor.

Moisés po'ñoñpa' ñeñt atet anaret ñeñpa' ñeññaña e'ñe yemtete't tarrempohua allempo orrterra Yompor po'cohuenña ñeñt atto ayochreshattena ña

¹⁶Allemponña Jesúsapa' atet serrpare'taterranerr acheñenesha' po'poñoneñ:

—Añña ñoñets Moisés po'ñoñ ñeñt atet anaret ñaama añ ñoñets ñeñt quellca'yese't ñeñt a'mta'yese't Yompor po'ñoñ, ñetpa' ñeñña e'ñe serrpare'tete't tarrempohua allempo orrtosa Juan. Allempoteñ serrpare'tatosanet Juanpa' ñapa' añ serrpare'tatosanet atet penaña Yompor po'cohuenña atto atarr ayochreshattena ña, ñeñfara cohuen ñoñets alloch sequeshperra. Ñaama allohuen acheñenesha' e'ñe pueyočhrocmañenet ñeñña atarr muenenet.

¹⁷Tarraña ama't atteñpa' ñeñt atet anaret Yompor po'ñoñ ama't patrra quellec puehempotollohuenpa' amach chenguërro. Tarro'mar Yompor po'ñoñpa' amach erroteno ya'huañatere ñeñt atto sherbeney. Patsña epuet enet ñeñtpa' huañerrcha'.

Atto Jesúsapa' yečhatosanet ama asanna'tpahuoyaye

(Mt. 19.1-12; Mr. 10.1-12)

¹⁸Ama a'huañatpahuoyaye Yompor po'ñoñ ñeñt atet yotene' ama asa'pahuo yetapor tarro'mar ñerra'm esesha' serre' puetapor o'ch yorerran po'psheñeñ coyanesha' ñeñtcha' puetapor perretpa' ñeññapa' čhach ochña'tam'perrana puetaporeshe'mañ; ñeñtpa' ama cohuenaye' enteñe Yompor. Ñaama ñeñtcha' yorerre' coyanesha' asaret, ñeñt yacmarpa' čhach chetapreten taporets; ñeñtpa'čho'ña ama cohuenaye' enteñe Yompor.

Atet ařaretta puesheñarr yacma ñeñt atarr ečllayoret; atet ařaretta ñaama po'psheñeñ yacma ñeñt atarr huocchañetets, ñeñtpa' añ pa'so'cheñ Lázaro

¹⁹Elloña Jesúsapa' atet serrpare'tatanet:

—Eñall puesheñarr ñeñt atarr ečllayoret ñeñt chorrenaya shetamuets atarr cočhneshare' ñeñt atarr cohuen apomotyese't. Epaye' coshatse'tatyen ñeñt allpon echyen. E'ñe pocsheñoŋpa' e'ñe ellapene't rrallme' chats. ²⁰Eñall ñaama puesheñarr ñeñt atarr huocchañetets ñeññapa' čha ora puetarsen, ñeñtpa' añ pa'so'cheñ Lázaro. Ñañaapa' allach ellapene't a'yot yetarro't allotecma be'ten ečllayoret pa'paclo. ²¹Ñapa' añach atarr ye'chena o'ch rra'yesan ama't coñe'tat'sa rreñets ñeñt a'shore'tatyen ečllayoret po'mesapnačo. Allña ochečpa' o'ch huapoña o'ch tso'na'teññaña' pueptsarña. ²²Atteña o' čhap pamtarr allempo rroma ñeñt huocchañeshar. O' rroma mel-laño'eñnesha'ña huacha'tapa' o' aneret e'ñe Abrahamuesho, allñapa' o' čhapachet atarr cosheñtso. Atteñapa' čhap allempo rroma ñaama ñeñt atarr ečllayoret, ñeññapa' pampueñeta'. ²³Ñañaapa' alla čhap coñcha'puetso ñeñt o'patenaya ñeñt rromuets ñeñt ama ame'ñetso. Allñapa' atarr mueročhtosa all coñchosa. Atteñapa' cohua' enonetpa' allotña entosan Abraham allaparo'tsen ento. Allñapa' allo'tsen epuet Lázaro. ²⁴Ñeñña ečllayoret allenta chore'tan Abraham, ñeñtpa' atet och: “Nompore Abrahamama pemuraye'chna, pemñaye'chon Lázaro o'ch huapa arr attoch esha'tosan potař oño, ama't potařotapa' o'ch onenapna' oñ attoch a'yamoserrapona' neñeñ o' e'ñe neporarra'nmahuap. Atarr nanac o' nemueročhtosa arr tso.” ²⁵Abrahamñaapa' atet och: “Nechemerñecha' te'pa' o'ch peyerposa ora allpon pa'namen ñeñt pechyese't ñeñt atarr cočhneshare' penyese't allempo pocre't patso. Lázaroñapa' ama es eche'te ama't coñe'ta

ñeñt atarr cohuen enten ñaña. Teña ñapa' o' atarr acshataretterra, pañapa' o' atarr pa'coñchataretterra. ²⁶ Elloña te'pa' ama't e'ñe eseshapa' amach errotentot çhapanpsapeto allo'tsenep tarro'mar papa' atsereto'tsenpa yomta'n. Sapa'cho'ña te'pa' ama't e'ñe puesheñarrotésapa' amach errotentot seçhapanpesyo yamã. Amate' errot yepere'te ñeñtpa' atet anaret attoch yello'tsentataretterra." ²⁷ Allempoña ecçlayoretpa' atet oterranerr Abraham: "Tarraña ama't atteñ nomporepa' te'pa' o'ch notap o'ch pemñer Lázaro all patsro nompore pa'paclo. ²⁸ Tarro'mar all napa' nechen amnarsheña nemo'nasheñ. Ñeñfo'marña nemneñ o'ch ahuer o'ch cotape'chaterraneta' e'ñe cohuen te't ñetpa'cho'ña esempopa' alla çhapuet arr coñcha'puetso." ²⁹ Abrahamña' alla otererr: "Ñetpa' echenet Yompor po'ñoñ ñeñt quellquét Moisés ñaña allohuen ñeñt a'mtaye't Yompor po'ñoñ ahuat. Te'pa' e'mñoterrñañetepa' Yompor po'ñoñ ñeñt echenet." ³⁰ Nañapa' atet oterranerr Abraham: "Ñato' amach e'mñoterrñañeto Yompor po'ñoñ, tarraña nompore Abrahama ñerra'm esesha' tanterrtsa rromot ñeñtcha' orrtterrahuet allempoñapa' po'ñoñ ñeñtcha'ña cotape'chaterrahuet ello e'ñe cohuen Yomporecop." ³¹ Abrahamña' alla otererr: "Ñerra'm amach e'mñoterrñañeto Yompor po'ñoñ ñeñt atet quellquét Moisés ñaña allohuen ñeñt a'mtaye't Yompor po'ñoñ ahuat, te'ña ama't esesha'ch tanterrtsa rromotpa' amach eshec çhapanetoña pueyoçhreto attoch cotape'cherret ello e'ñe cohuen Yomporecop."

17

Atto çhocmach huaponaya ñeñtcha' yetpatyene' o'ch atet patyeseý ñeñt ama pocteye' enteno Yompor

(Mt. 18.6-7, 21-22; Mr. 9.42)

¹ Allempoña Jesúsapa' alla serrpare'taterranerr pueyoçhresha', ñeñtpa' atet otanet:

—Chocmach huaponaya ñeñtcha' yetpatyene' o'ch atet pateý ñeñt ama pocteye' enteno Yompor. Tarraña napa' o'ch notas, atarrcha' yoroçheno'tsen ama't erra'tsena acheñer ñeñt orrtatene' ñeñtcha' topatyene' po'psheñeñ ñeñt name'ñenaya o'ch atet patyenamet ñamet ñeñt ama't mamesha ama pocteye' enteno Yompor. ² Ama't ñeñt e'ñe errote' name'ñenaya ñerra'm esesha' o'ch orrtatanet attoch o'ch atet patachet ñeñt ama pocteye' enteno Yompor, ñeñtña' acheñerpa' atarrcha' yoroçheno'tsen tarro'mar ñapa' oña o'patenaya coñcheñets ñeñt atarr huomenc. Ama't ñocoppa' ama tama yoroçhenayayñe ñerra'm ama atet patenana' po'psheñeñ, e'ñech allorocma çharachetañ mapue' añecmuen pa'çhnoço allpon ñerra'm puetse'tamets o'ch huapore'chet oño epo allcha' ño'shach mapue'. ³ Ñeñfo'marña sapa' e'ñech señoa, amach sorrtatatsto attoch sa'shoratach po'psheñeñ ama't erra'tsena.

Elloña napa' o'ch alla noterrser; ñerra'm esempo samo'ts errot ponas sa ñeñt ama pocteye' enteno Yompor, socoppa' añ poctetsa o'ch soctape'chater e'ñe cohuen o'ch poter ñeñt atet o' pòhuona'ppa' ama't mameshapa' ama pocteye' enteñe Yompor. Allochña' ñerra'm o'ch alla cotape'cherran cohuen Yomporecop, sañapa' añ poctetsa o'ch alla e'ñe cohuen sepretner. ⁴ Ama'tcha' atonoche'tats atet penset, ama'tcha' pamtarra' cançhroche'tatscha' atet penset ñerra'm o'ch alla llequerrana ñeñt atet pennaset, ñerra'm ama't pamtarra' cançhroche'tats o'ch alla oterret: "Napa' o' atet neponap ñeñt ama pocteyaye tarraña te'ña ellopa'

amach alla atet neperre'te", socoppa'cho'ña añña e'ñe poctetsa o'ch alla e'ñe cohuen sepretner ñeñt atet sepene'.

E'ñe yeyemteñoť Jesús ñeñña ahuamencat yepene' attoch es yorrattyen ñocop

⁵ Allempo atet otarettenet añña puellsensarnesha'ñapa' atet ochet Po'partsesharet Jesús:

—Elloña yapa' ahuamencatcha' pepa'y allochñapa' e'ñech cohuen yeyemterpa.

⁶ Partsesha'ñapa' alla otterraneterr:

—Ñerra'm po'ñočh e'ñe na seyemtenañ napa' e'ñeca'ye na'pocpatenña neñoñ ñeñt atet notenes, ama'tcha' allponatollota seyemtenna ñerra'mrrate' mostazllometoll, sañapa' ama't erra'tsena senamuennoñ ama't ñeñt atarr echarr sentenpa' nañapa' atetcha' nepennaseñ. O'ch netma'ntatasa atet ñerra'm o'ch sot añ tsachecop sicómo'rech: “Bera'nmuepa'ch arroť all ten, arrepachña tomhuerrerr a'yo sa'po", tsachñapa' atetcha'cho'ña pañ e'ñe atet soteñ.

Atto atma'ntatarettena ataruasañpa' añ poctetsa ñocop e'ñech etsotenan ñeñt atet muenateñ pamo'mte'

⁷ Ellopa' alla toma'ntaterraneterr, ñeñtpa' atet otterraneterr:

—Ñerra'm eseshas echene' sa'taruasañer, ñato' ñapa' ellapene'tcha' llampue' sechamuellen amapa' ñato' ellapene'tcha' cohuañpene' sayaračhno ellerronetña allempoch huerra' po'taruasotpa' sañapa' ama't puesheñarroťesapa' amach sotapuereña señañra: “Te'pa' o'ch pebe'tosuerr o'ch yerrallme'chnen parro.” ⁸ Elloña ñeñtapa' o'chčho' alla sotapuerr: “Te'ñapa' o'ch peptare'tuerren ñeñtcha' nerra'nen, allotñapa' o'ch pa'cohuenetuerr peshtam attoch e'ñe cohuen pesherba'huerrren čopcha'ña naphuerre' nerrar ñeñtcha' nerra'nen. O'chña nerruanen napa' allempoñapa' čopcha'ña rrallme'chnets pañña.” ⁹ Ama'tña sapa' atetca'ye sepene. Ñaña sa'taruasañer ñerra'm esempoch e'nuan ora po'taruas ñeñt seyecheña, sañapa' ama't puesheñarroťesapa' amach sotereña: “Parasyos o' pe'nuon netaruas.” Ama't ama atarr socshateñe ñeñtpa' e'ñe pocte' ñocop tarro'mar ñapa' allpona o' e'nua ñeñt allpon seyecheña. ¹⁰ Sapa'čho'ña Yompor pa'taruasañer sepene'. Ñaña ama't allempoch setsotuen ora allohuen ñeñt atet otenes Yompor atterepa'chña sentena ama atarr atonaye' sesherbeno. Aña setsoten ñeñt e'ñe poctetsa allohuen añecop ñeñt pa'taruasañer pen Yompor.

Atto Jesúsapa' e'ñe po'ñoñoťa a'crratyesian aptsarñatečhno ñeñt čharrasheña

¹¹ Allempo sechena Jesús Jerusaléno arr oñem allohua temuena Samaria epuet Galilea. ¹² Allempoñapa' čhap paterr anetso. Allñapa' huačha'toña čharrasheña ñeñt osyen puetsarñats ñeñt otenet lepra. Ñeñtña aptsarñatečhno a'yoťa tomčha'tyesoset. ¹³ Ñetñapa' allotña rranare'tyesosetpa' atet ochet Jesús:

—Maestro Jesúsocha' pemueraye'chosya yañña.

¹⁴ Jesúsñapa' allenta cohuosanetpa' atet otosanet:

—Te'pa' o'ch ahues o'ch segatyena' sañeña judionesha' po'cornanesharesho attoch ñetpa' o'ch eñotaset te'pa' o' socrrerra.

Atet otanet Jesús, ñetña ahuanmatsetpa' e'ñe allorocma acra'yuesuerrochet. ¹⁵ Puesheñarña allempo eñota o' correrrapa' alla

puetallerrapa' o' alla ahuerr Jesúseshoneĭ atarr nanac pocsheñesha' aye'chočhtatnerran Yompor. ¹⁶ E'ñe pueparasyoso'teñesha' rromosa Jesús pa'rrpot. Nehua, ñeñĭ atet patsapa' ñeñĭpa' ñeñĭña samario'marnesha'. ¹⁷ Allempoña Jesúsapa' atet otan acheñenesha' ñeñĭ allo'tsa'yen:

—Ama't čharrasheña ñeñĭ o' na'crratyesua te'. ¿Po'potantaña esconsheña'pa'? Ñetñapa' ama es yerpa'pesnomayeña attoch aye'chočhtatoñet Yompor. ¹⁸ E'ñe puesheñarraña ñeñĭ puerrerrtsa attoch atarr aye'chočhtatan Yompor ama't ñapa' ama judioneshayaye.

¹⁹ Allempoña Jesúsapa' atet otan ñeñĭ a'crraterri:

—Te'ñapa' o'ch petanterra, e'ñech cohuen peserr tarro'mar papa' e'ñe peyemteñoĭen na o' pocrrerra.

Atto fariseonesha'pa' a'p'to'chet Jesús: ¿Esempto'tcha' orrterraña Yompor po'cohuenña allempoch atarr ancha'taretterra ña?

(Mt. 24.23-28, 36-41)

²⁰ Parrochña fariseonesha'pa' a'p'to'chet Jesús:

—¿Esempto'tcha' orrterraña Yompor po'cohuenña allempoch atarr ancha'taretterra ña?

Jesúsñapa' atet otanet:

—Yompor po'cohuenña atto ayochreshattena ñapa' ñeñĭpa' ama atteyaye ñerra'mrrate' ñeñĭ es yentyen yeclloyot. ²¹ Ñeño'marña amach errotenot oteto: “Arrca'yeña ancha'tarettenaña Yompor”, amapa' “Tarroca'yeña ancha'tarettenaña Yompor.” Tarro'mar Yompor po'cohuenña ñeñĭ atto ayochreshattena ñapa' ñeñĭpa' o'ca'ye motetnoma orrtatsa e'ñe sesho ama't seyočthro.

²² Elloña ñapa' atet oterranerr pueyochresha':

—Cherrcha' esempohuañen allempoch atarr se'nerren atarrcha' semnerren Ñeñĭen Acheñetostse't o'ch norrterrnasa ama't e'ñe pamtarra. Tarraña ama't e'ñe allempa amach senterrno. ²³ Saña allempopa' atetcha' otasetañ: “Te'pa' o' orrterraña Cristo allo'tsenca'ye”, amapa' “Tarro'tsenca'yeña Cristo.” Saña'pa' amach setatstoña all, amach soctatscheña ñeñĭ sets all. ²⁴ Tarro'mar ñerra'm esempo'cherr allempoch nohuerra na Ñeñĭen Acheñetosets e'ñe allohuen acheñenesha'pa' e'ñech entuapuerrnet tarro'mar allempopa' atetcha' perra ñerra'mrrate' meratste', o'ch meratsta huomen'cpa' e'ñech a'puetaresuan ora enet erraparen. ²⁵ Nehua, na te' ñeñĭ atet anaret nocop ñanompa' atarrcha' na'mueročhtataretta, ama't namo'tsesha' ñeñĭ corretsa te'pa' amach eseshaye' naguēnaye. ²⁶ Tarraña allempoch nohuerra po'pocheño na Ñeñĭen Acheñetosets, allempopa' e'ñech atet perret e'ñe atet pete't ahuat allempo corre't Noé. ²⁷ Allempopa' ama es puečha'yeneto aña e'ñe cotape'chete't atto atarr pa'namen muenenet ñeñĭtcha' rra'yenet, orrare'tyesete't, sena'tanatyena yacmanesha'čno, coyanesha'chnopa'čo'ña apanatyesete't ñeñĭ yoranatyesahuete't. Ñetñapa' ñeñĭa e'ñe cohuen entete't. Atteña'pa' čhap allempo be'tosos Noé po'huarcopahuo. Allempoña'pa' huata, cho'pa oñ erracmañen, e'ñe a'cllatuan allohuen acheñenesha' erraparen. ²⁸ Attecma perreterr allempo corre't Lot, aña e'ñe cotape'chyerretter shonte' rrallme'chyesete't ñaña shonte' orrare'tyesete't, atarr es rañña'yese'te't, ñaña pomatsre'tyesete't. Shonte' esocmañen ñeñĭ pa'namen nare'tyesete't, tomatyesete't ñaña shonte' pocolla'čno. Ñetñapa' e'ñe ñeñĭa cohuen entete't. ²⁹ Atteña'pa' čhap allempo čha'nom Lot ñeñĭ anetsrot. E'ñe ñeñĭe yetrocma

allempto cha'nom Lot allot, Yomporña pue'ntañof a'shoranet tso' ñeñt shemashrepñeñeno' huorten, ñeñtña e'ñe a'cllatuerrahueterr allempto.

³⁰ Attecmach perretterr allemptoch norretuerra na Ñeñten Acheñetsets.

³¹ "Tarraña allemptoch norrtterra na sapa' arepa'chña aña soctape'cheno ñeñt patso'marecpa, atet ñerra'mrrate' puesheñarr ñato' a'yote'tsenach pa'pacflot arepa'chña be'tosatsterro ama't e'ñe mamesha pa'pacflot attoch yoratsre'tnoma. Amapa' ñerra'm puesheñarr pa'mro'tsenpa' arepa'chña onatsterro. ³² Seyerpuepa'chña atet pa' ahuat Lot puetapor ñeñt atarr morrentnomaya ñeñt patso'marecpa. ³³ Ñaña ñerra'm esesha' e'ñe aña e'nenet o'ch correna atomat attoch e'ñe coshenet arr patsro, ñetñapa' a'chencaterretcha' ñañeñeta. Tarraña ñerra'm esesha' e'ñe pocte' entene' o'ch es sehuanmuet ñeñt atet muenenet ñeñt e'ñe ñocpueta arr patsro ñeñtña acheñerpa' corretsach poscheñeshocmañen e'ñe tayoteñ errponañohuen.

³⁴ 'Po'ñoçha'ye o'ch notas atetcha'ca'ye perra allemptoch nohuerra, puesheña'tetspa' anmaretterretcha'; ama't ñeñt e'ñe pamo'ts pene', ñeñtñapa' allach asa'nmaretterra. Atet ñerra'm tsapo all manrenet epsheño'maret, puesheñarrpa' anmaretterrach, po'psheñeññapa' allach asa'nmaretterra. ³⁵ Amapa' ñato' allempopa' allo'tsencha' epsheña coyanesha' ñeñt parro puetse'tets mapyo ñeñt'pa'cho'ña puesheñarrpa' anmaretterrach ñaña po'psheñeññapa' allach asa'nmaretterra. ³⁶ Amapa' ñato' allempopa' allo'tsencha' ñaña epsheña ñeñt e'ñe parro taruasenet pa'mro. Puesheñarrñapa' anmaretterrach, po'psheñeññapa' allach asa'nmaretterra.

³⁷ Allempoña pueyochresha'pa' a'pto'chet, atet ochet:

—Parteshacha' ñeñt'pa' çerra'tcha'ña atet perra?

Jesúsñapa' atet otanet toma'nteñtso:

—Ñerra'm erro'tsencha' ñeñt rromue'pa' allcha'ña shontaña tse'm.

18

Atto atma'ntatarettena rretorrnanesha' ñeñt çhocma enamare'tene' juez attoch yempue'

¹ Allempoña Jesús'pa' alla serrpare'taterraneterr toma'nteñtso attoch eñochet ñeñt poctetsa yocop çhocmach yema'yochena amach yemuenne'chatsche ma'yochatsa. ² Ñeñto'marña allempopa' atet otanet:

—Paterr anetso allo'tsen puesheñarr juez ñeñt po'taruas pene' o'ch e'ñe cohuen a'poctatan ñoñets acheñeneshacop ñerra'm esempo e'moñe'tannenet. Tarraña ñeñtña juezpa' atarr atsrre'mñañ. Ama't Yomporpa' ama añcha'na'tpahuoye' enteñe ama't e'ñe mamesha. Acheñenesha'pa'cho'ña ama't puesheñarrapa' ama acua'penaye' entenaneto. ³ Ñeñtña anetsropa' all yeçhena ñaña puesheñarr rretorrnanesha'. Ñaña'pa' eñall po'psheñeñ ñeñt e'moñe'tene', çhocmach errot peññañ ñeñt ama pocteyaye. Rretorrnanesha'ñapa' çhocmach sene't juezesho. Allcha' çhocma atet otare'tenan juez: "Te'pa' nemneñ o'ch e'ñe cohuen peyenpa'n attoch pa'poctaton cohuen ñoñets añecop ñeñt ne'moñe'tene'." ⁴ Juezñapa' ama't allponmat ama mueno o'ch yempue'. Tarraña rretorrnanesha' ñapa' çhocmach sen juezesho enamare'tene' attoch a'poctatoñ ñoñets añecop ñeñt e'moñe'tene'. Atteñapa' çhap allempto cotape'ch juezpa' atet ot: "Napa' po'ñoçh ama't Parets ama nem'cha'teñe; acheñenesha'pa'cho'ña ama't mameshapa' ama acua'penaye' nentenaneto. ⁵ Tarraña aña

rretornanesharpa' atarr atsrre'moçhtana'tenen, epaye' huapame'tennana, o'ca'ye atarr a'mñechna. Ñeñto'marña te'pa' o'ch neyenpue' allochñapa' amach alla huerrnane'te."

⁶ Allempoña Jesús'pa' atet otererr:

—Ama't se'mueñaña ñeñt atet oten juez ñeñt atarr atsrre'mñañ. Te'pa' oten ahuo'ch a'pocatan rretornaneshacop ama't ñapa' ñeñt acheñer ñeñt atarr atsrre'mñañ. ⁷⁻⁸ Ñeñto'marña te'pa' o'ch noterrser: Yomporpa' elloña nanaccha' cohuen a'pocatonay ñeñfey o' acrerrey ya ñeñfeycha' e'ñe puechemer pen ñerra'm yapa' çhocmach yeçhore'teñ ama't yeto ama't ñaña tsapo. Napa' po'ñoçh o'ch notas, Yomporñapa' amach atomato, çhoch ye'mñote; ñapa' e'ñechca'ye allorocma e'mñotey o'ch e'ñe cohuen a'pocatonay ñeñt yocop. Tarraña te'pa' o'ch notas, ñerra'm esepoch nehuerra Ñeñten Acheñetosets, errpnsheñañe'ña nentuerrña arr patsro ñeñt e'ñe cohuen name'ñenaya.

Atet ma'yochena fariseonesha' ñeñt e'ñe cohuen entetsa, all ma'yocha ñaña po'psheñe'ñe'ñe puellquëñesha' ñeñt atarr ochñañ entetsa

⁹ Po'pocheñoña Jesús'pa' atet serrpare'tatan allpon acheñenesha' ñeñt e'ñe ñeta yemtetset tarro'mar ñetpa' e'ñe cohuen entyenet e'ñe ñañeñeta. Ñetñapa' ama't mameshapa' ama cohuenaye' enteñetoña po'potantañ acheñenesha'. Ñeñto'marña Jesús'pa' alla toma'ntatanet, ñeñtpa' atet otanet:

¹⁰ —Eñall epsheña acheñ ñeñt sets Parets pa'paclo allcha' ma'yochoset. Puesheñarr ñeñtpa' fariseo ñeñt e'ñe ñañeña cohuen entetsa; po'psheñeñña' ñeñt puehquëño'te'na cobra'yenan acheñenesha' quelle ñeñt gobiernocop. ¹¹ Ñeñtña fariseopa' tomos all ma'yochosañ, ñeñtpa' atet otos: "Nompore, napa' o'ch neparasyoso'tosep tarro'mar napa' atarr cohuen acheñren, napa' ama atteyayno Nompore ñerra'm po'potantañ acheñenesha'. Ñetpa' atarr es puerratam'psanna'tyenet, ama pocteye' es p'anna'tyenet, atarrcha' cheta'yeñet coyaneshaçhno ñeñt ama puetaporeyaye. Napa' ama atteye' Nompore nepeno. Napa' ama neshcare'teno atet pena añ acheñer ñeñt puehquëño'te'na cobra'yene' acheñenesha' quelle gobiernocop.

¹² Napa' pate'tets semanapa' epochcha' netore'tena Nompore p'ocop, ñaña ama't ora ñeñt allpon nagueñ çhocma napuenep allpon poctetsa p'ocop ama't nediezmo Nompore." Allohua huañ atet ma'yochena fariseo.

¹³ Po'psheñeñña ñeñt cobrets quelle ñaña'pa' alla tomos a'yot. Ñapa' eñotena atarr ochñañ ñeñto'marña ñapa' ama cohuoso enonet Yomporeshonet. Ña puellquëño'tpa' nosan pot puesomapo. Ña puema'yocheno't atet otos: "Nompore, te'pa' o'ch pemorrenterna attoch e'ñe pepretna'huerrnan allohuen no'chñar tarro'mar napa' atarrca'ye ochñañen."

¹⁴ Jesús'ñapa' atet oterraneter:

—Napa' o'ch notas, ñeñtña atet a'metene' po'chñar ñeñtña acheñerpa' e'ñe pocte' enteñ Yompor. Ñeñto'marña allempo ma'yochuapa' o' ahuer pa'paclo e'ñe cohuen ap'retna'huaretterra po'chñar. Po'psheñeñña fariseo ñeñt ama a'metosaye po'chñar, Yomporñapa' arepa'tcha' pocteye' eñche. Tarro'mar allohuen ñeñt e'ñe cohuen entetsa e'ñe pommo'cheño't ñeñtña tsapatonetpa' amach esoshe'maye' entereto. Tarraña allohuen ñeñt ama esoshe'maye' entetso te', ñeñtña tsapatonetpa' atarrcha' cohuen enteret.

Atto Jesús'pa' bensare'tam'psapan cheshanesh'a' ñeñt huapatoñet (Mt. 19.13-15; Mr. 10.13-16)

15 Ñaña allempopa' shonte' hua'cha'tachet cheshatollesha' Jesúsesho. Ñetpa' añecopña hua'cha'tachet o'ch a'plla'yeshapanet Jesús attoch bensare'tam̄psapanet. Jesúsña pueyochresha' allempo entapan ñeñ hua'cha'tate' cheshaneshachno, ñetñapa' ama pocteye' eñcheto o'ch anmoset cheshatollesha' Jesúsesho ñeñto'marña ama amnataretapuet. 16 Tarraña Jesúsñapa' allenta chore'tapanet, atet otapanet:

—Pocte'ñacho' semnachñaca'yeña cheshanesho' onosetepa' e'ñe nesho. Amachca'ye cha sepatare'tatstapaneto tarro'mar allohuen ñeñ atarr neyemtenaya na e'ñe attet ñerra'mrrate' cheshatoll, ñetcha' o'patenetña Yompor po'cohuenña ñeñ atto ayochreshattena ña pue'ntañ. 17 Po'ño'chpa' o'ch notas, ñerra'm esesha' ama e'ñeye' pueyemteño'teye' aguëññañeto Yompor po'cohuenña amach atet perreto ñerra'm cheshatoll e'ñech yemtenana ñeñ cohuam̄pene', ñetñapa' amach pueyochreshaye' perraneto Yompor atto atarr ayochreshattena ña.

Atto puesheñarr ñeñ huepueshameñ ñeñ atarr eçllayoret ñaña'pa' eñorana'tosana Jesús

(Mt. 19.16-30; Mr. 10.17-31)

18 Po'pocheñoña puesheñarr ñeñ atarr añcha'tarettetsa a'p'to'tosan Jesús, atet otos:

—Maestro, p̄apa' atarr cohuen acheñreḡ, te'pa' o'ch p̄otapuen çerrofena'tcha' nepaña na e'ñe cohuen attochña napa' corretsanach e'ñe tayoteñ ama't errponañohuen?

19 Jesúsñapa' atet otap̄:

—Eso'mare't potenenña napa' atarro' cohuen acheñren. Arr arromñatenesha' ama't e'ñe puesheñarrapa' ama eñalleña ñeñ e'ñe cohuen acheñer. Ñapñaña Yompor ñeñ e'ñe po'ño'ch cohuen. 20 Papa' e'ñe peñotuen Yompor po'ñoñ all oteneñ ñeñcha' atet yepena e'ñe cohuen; ñeñtpa' atet oteneñ: “Amach yechtapretyesatsto taporets; amach yemtsannatststo; amach yetyesatsto; amach yetoma'tam̄psatsche yamo'ts e'ñe atta; ñaña yemorreneteño'tpa' yench'a'na'chcha' yompor ñaña yachor.”

21 Ñeñña a'p'to'tene'pa' atet otererr:

—Napa' e'ñeca'ye cheshoteñ ora añechnopa' e'ñeca'ye netsotueñ.

22 O'ña atet otua Jesúsñapa' alla otererr:

—Eñallmeñca'ye paterr ñeñ pepalltena ñeñ ama atteye' pepena'. Te'pa' añcha'ña atet peḡa o'ch e'ñe pepomhuerr ora allpon ñeñ pechyen o'ch p̄apa'yera' huocchañneshachno ñeñ atarr es pallta'yetsa attochña p̄apa' peherrcha' ñeñ atarr nanac sherbets Yompor pue'ntañ. Allempochña pehuerrapa' o'ch p̄oçterren attoch e'ñe neyochresha' neperreḡ e'ñe poctacma.

23 O'ña e'mhuan ñeñ atet och Jesús'pa' ñaña'pa' cha atarr lleca tarro'mar ñapa' atarr eçllayoret, shonte' pa'namen echyen. 24 Jesúsña eñch ñeñ atet atarr llecapa' ñaña'pa' puellcapreteño'tpa' atet ot:

—Ñeñ atarr eçllayoret'pa' atarr nanac echarr attoch agapoñet Yompor po'cohuenña ñeñ atto ayochreshattena ña. 25 Ñehua, ñeñtpa' atetcha' netma'ntacha. Po'ño'ch yapa' yeñoteñ berr añecmuen allpon ñerra'm huaquësh* atarrca'ye torrapo' o'ch esho'tosa añeñollponatollo atet ñerra'mrrate' acosh puetatollo. Ñeñtpa' atetca'ye penaña acheñ ñeñ eçllayoret ello atarr torrapo' o'ch agapan ñaña Yompor po'cohuenña ñeñ

* 18:25 Ñehua, Jesús añ toma'ntatanet camello ñeñ payara penet all pa'nyo, ñeñ e'ñe allpon ñerra'mrrate' huaquësh.

atto ayochreshattena ña (tarro'mar ñetpa' ama mueneñeto o'ch sehuanmuet ñeñt atarr morrentenet ñet attoch pueyochresha' perranetañ Yompor).

²⁶ Ñeñña e'muene' atet oten Jesús ñetña' atet ochet:

—Tarraña ñerra'm atette'pa' amate' esesha' a'queshpataretterrtso ama't puešeñarra tarro'mar yapa' yeñoteña'ye huaquëshpa' amaca'ye esho'tenoña acshequeto.

²⁷ Jesúsña' atet oterraneterr:

—Sa arromña'eneshaspa' amach es errotenaye' apen senteno. Tarraña Yomporpa' ama eñalle ñocop ñeñt atarr torrapo' enten.

²⁸ Pedroña' atet och:

—Partseshacha' po'ñoçh yapa' o' e'ñe yesuanom ora allohuen ama't yepa-cllohuen attoch e'ñe yocterreþ.

²⁹ Jesúsña' alla oterraneterr:

—Po'ñoçhpa' o'ch notas, allohuen erra'tsencha' acheñer ñeñtcha' e'ñe sehuanmue' allohuen ama't pa'paclohuen, ñato' puetapor, pa'mo'nasheñesha' ñato' pompor, pachor, ñato' ama't ñaña puechemeresha' attoch e'ñe cohuen sherbaterrñañet Yompor po'cohuenña atto ayochreshattena ña, ³⁰ ama't erra'tsencha' ñeñtcha' sohuanmue' allohuen, elloña ñetpa' o'ch alla aguërret shonte' esocmañen ñeñt atarr cohuen ama't te' allempo e'ñe correnet, elloña tsapatonetña' o'ch aguërret ñeñt alloch ñetpa' corretsetach beñecpuen.

Allempo Jesús'pa' alla eñoterraneterr ñapa' çhocmach amtsaretterra (Mt. 20.17-19; Mr. 10.32-34)

³¹ Ñeñt pueyochresha' ñeñt çharra' puechena epsheña, Jesúsña' ahuanmanet ellonet, allña' atet otosanet:

—Te' po'ñoçhpa' o'ch ahueney Jerusaléño. All ora allpon quellca'yesone't ñeñt a'mta'yesaye't Yompor po'ñoñ ahuat ñeñtcha' atet na'paretterra na Ñeñtencha' Acheñetosets, te'ña'pa' o'ch e'ñe etsotuerra ñeñt atet anaret nocop. ³² Tarro'mar te'pa' pomuerrnetcha' po'poñ acheñesho ñeñt ama judioneshayaye. Allohuen acheñenesha'pa' o'ch achñare'ternnet, o'ch at-serrpate'ternnet, pue'moñe'teño'tetanpa' o'ch a'coshare'ternnet. ³³ O'ch nashtare'terra, attõtcha'ña muetserrnet. Tarraña poma'pamtañoña'pa' o'ch alla netanterra.

³⁴ Ama't atet otuanet, ñetña'pa' ama eseshaye' eñotaye ñeñt atet serrpare'tatanet. Ama't puešeñarro'tetapa' ama't mameshapa' ama çhapanetoña pueyoçhreto ñeñt atet otenanet.

Atto Jesús'pa' cohuaterran puešeñarr aporo'yet ñeñt jericó'marnesha' (Mt. 20.29-34; Mr. 10.46-52)

³⁵ All oñenet o'ña çhampochet anetso Jericópa' allña e'ñe toñetoþño'pa' all anen puešeñarr aporo'yet ñeñt çhocma enamuets quelle. ³⁶ Ñeñña aporo'yetpa' o' e'mapan shonte' acheñenesha' ñeñt metaçhets all toño, ñaña'pa' allenta a'þto'tanet:

—¿Eso'mare't shonte' metaçhenña acheñenesha'?

³⁷ Ñetña'pa' atet ochet:

—Añca'ye huetsa Jesús ñeñt nazareto'marnesha'.

³⁸ Ñaña'pa' allenta rrana huomencpa' atet otapan Jesús:

—Pemueraye'chnomna Jesúsocha' ñaña. Papa' ñeñeþ Davidna'tareþ.

³⁹ Acheñenesha' ñeñt otachetsa ñetña'pa' cha muene' che'ptare'tnomet, atet otoset:

—O'hua pemma.

Aporo'yetiñapa' elloña alla rranerrerr atet oterranerr Jesús:

—Ñeñeþ Davidna'tareþ, pemueraye'chnomnañaca'ye.

⁴⁰ Allempoña Jesús alla tomos otosan acheñenesha':

—Sanmon arr nesho.

O' huapapa' Jesúsñapa' atet otap':

⁴¹ —¿Eso'tña penmen ñeñicha' atet neþoseþ?

Ñañaapa' atet och:

—Añca'ye Ayochreshate nemnen o'ch pecuatnomuen attoch o'ch cohuen nenterrapa.

⁴² Jesúsñapa' alla otererr:

—Pecuerrepa'ch, tarro'mar atto atarr peyemtapna na ñeñica'yeña o' e'ñe a'crraterrep.

⁴³ E'ñepa'tcha' allorocma e'ñe cohuen enterra. E'ñe cohuerrtsapa' cha cota'nmue' ñaña Jesús, allenta atarr aye'chochtatnoman Yompor all cota'nenan Jesús. Atto' enteñ allohuen acheñenesha' ñetpa'cho'ña e'ñe cohuen aye'chochtatneññañet Yompor.

19

Atto Jesús epuet ñaña Zaqueo eñorana'tannenet

¹ Allempoña Jesúspa' chap all anetso Jericó, all oñmos anetso'mar. ² Allñapa' allo'tsen puesheñarr yacma ñeñit sochetsa Zaqueo ñeñit pa'nicha'tareter peñ allohuen ñeñit cobra'yene' acheñenesha' quelle gobiernocop. Ñañaapa' atarr eçllayoret. ³ Zaqueoñapa' atarr mueneñ o'ch entapan ñeñit otenet Jesús. Ñehua, ñapa' amach errotenot entapano Jesús tarro'mar shonte' acheñ ñeñit emchorra'nenaya all oñen ñaña Zaqueopa' allponmetolla. ⁴ Ñeñito'marña ñapa' mata allenetcha' oñem, a'tapos tsacho ñeñit pa'so'cheñ sicómo'rech allotcha' entapan Jesús tarro'mar allcha' oñem.

⁵ Allempoña chap Jesús e'ñe ñesho, cohuostsa enonetpa' alla entos, ñañaapa' atet otos:

—Zaqueo, pesuerra tecma. Te' napa' e'ñe poctennana o'ch nechap pepaclo.

⁶ Ñañaapa' allenta sohuerra tecma e'ñe pocsheñesha' agapaþ. ⁷ Allempoña acheñenesha' atet eñchet, ñetñapa' ama't mameshapa' ama pocteye' es entaye. Ñetpa' atet otanna'tyeset:

—Eso'marcha'ca'yeña be'tososiña Jesús allcha' mos añ acheñer pa'paclo ñeñit atarr nanac ochñañ.

⁸ Zaqueoñapa' allenta tomhuerrpa' atet otapan Partsesha':

—Te'pa' o'ch pe'mñotosen Ayochreshate. Ñeñit ora allpon nechyen, te'ñapa' o'ch napa'yer pueshmet huocchañnesha'chno. Po'ño'ch allempo es neprratamþesyese't puesheña'tetspa' te'ñapa' pa'tatsoche'tatscha' napueranet.

⁹ Jesúsñapa' atet otos:

—Te'ñapa' o' chap Janet allohuenacop ñeñit yeçhetsa añ pocollro alloch a'qeshþataretterret. Ama't ñapa'cho'ña Abrahamca'ye po'mreneñ. ¹⁰ Na Ñeñten Acheñetosets ñeñito'marña nohuapa añe patsro o'ch ne'nyesos acheñenesha' ñeñit chenquëtsa ñeñicha'ña na'qeshþatyesos.

Arrpa' all atma'ntatarettana çharrasheña ñeñit aparettatsa quelle e'ñe allponeshapa'ttsoçma

11 Acheñenesha' o' e'mñotenet shonte' ñeñt' atet serrpare'tatanet Jesús ñeñt' atet pena Yompor po'cohuenña, ñaña Jesús'pa' o' chapmoch Jerusaléno. Ñeñto'marña ñetñapa' cha otenapuetañ allempocmach etsota allempopa' ñach amícha'tarettatsa Yomporeshot arr patsro. Ñeñto'marña elloña ñapa' toma'ntatanet po'poñ. 12 Ñeñt'pa' atet otanet:

—Eñall puesheñarr acheñ ñeñt' e'ñe cohuen amícha'na'tpo' entyen allohuen acheñenesha' ama't e'ñe pamo'tseshohuen. Ñeñtña acheñerpa' arr sechena ñachayo po'poñ anetso allotcha' apet llesens atfoch esempoch huerrapa' o'ch amícha'taretetuerra all pa'nyo. 13 Allempo ama sena'pa' agotatnoman çharrasheña pa'taruasañer ñeñt'cha' apa'yenom allponeshapa'tets quelle e'ñe puesheña'ttsoemuet. Allempo apa'yenom anetpa' atet otyesnomanet: “Añ quellepa' o'ch setaruasach nocop. Esemppoch nehuerrapa' allempochña e'ñe neñotuernnas e'ñe puesheña'ttsos erpponte' quelle segana'yesa ñeñt' nocop.” 14 Tarraña patantarr acheñenesha' ñeñt' pa'nyo'marnesha', ñetñapa' atarr e'moñe'teñet. Ñeñto'mar allempo ta ñeñt' anetsro, ñetñapa' mueñet allponsheña ñeñt'cha' eñososets all sen o'ch oteñeta' allo'marnesha': “Yapa' ama yemno o'ch sene' añ acheñer o'ch amícha'taretta yocop.” 15 Tarraña ama't atet petañ ñocopñapa' çhocmach apet llesens atfoch huerra o'ch amícha'taretetuerra all pa'nyo pamo'tseshacop. Allempoña çherrpa' agotatuerran pa'taruasañrenesha' ñeñt' apa'yenom quelle ahuaña. Ñapa' añecopña agotatyesuerranet o'ch eñotuerranet erpponte' quelle ganatyesñañet po'çllayor e'ñe puesheña'ttset. 16 Attoña apçha'huerranet ñeshopa' ñeñt' ñanom huapatsapa' atet otos: “Ayochreshate, ñeñt' allpon ñapa'nmuen ahuaña quelle, nañapa' ello neganaterñaperr peçllayor çharroch.” 17 Pamo'mte'ñapa' atet otuer: “E'ñe pocte', te'pa' atarr cohuen pesherenen. Ama't allponatolla napa'nmap ahuaña, ña'ñapa' atarr cohuen pesherbaton. Ñeñto'marña te'pa' o'ch nenuerrep çharracop anets allcha' pa'mícha'taretterra pa.” 18 Allempoñapa' o' huapa ñaña po'psheñeñ pa'taruasañerpa' ñapa'cho'ña atet otos: “Ayochreshate, na ñeñt' allpon papa'nmuen ahuaña quelle, nañapa' ello neganaterñaperr peçllayor anmaroch.” 19 Pamo'mte'ñapa' atet otuer: “E'ñe pocte', te'pa' o'ch nenuerrep paña amnarecop anets allcha' pa'mícha'taretterra paña.” 20 Allempoñapa' huapa po'psheñeñ pa'taruasañer, ñapa'cho'ña atet otos: “Ayochreshate, arropa' ñeñt' allponara ñeñt' e'ñe allpona ñapa'nmuen ahuaña quelle. Napa' alla nañño'tennap e'ñe cohuen nepennap pañello. 21 Napa' cha nencha'teneñ tarro'mar neñoteneñ ñapa' amaca'ye matsrre'mñape. Papa' çhocmaca'ye peppratam pesyen ama't ñeñt'pa' ama ñoyaye, ñaña çhocmaca'ye petotatyenña ñeñt' ama ñaye' nare'tatyenaye.” 22 Pamo'mte'ñapa' atet otuer: “Paña po'ñoçhpa' amaca'ye cohuenaye' pesherenno ama't e'ñe mamesha. E'ñe atet ñotenen napa' atarro' atsrre'mñafen te'ñapa' po'ñoçh atetcha'ca'ye natsrre'moçhtana'tuerreçcha'. Ñerra'm po'ñoçh peñotenoñ napa' atarr atsrre'mñafeneñ, ñerra'm po'ñoçh çhocma neppratam pesyeneñ ñeñt' ama noyaye, ñaña napa' ñerra'm po'ñoçh çhocma netotatyeneñ ñeñt' ama naye' nare'tatyenaye, 23 ñerra'm po'ñoçh atet pentenoñpa', eso'maruañaca'yefa' ama bancoye' penennanoña neçllayor allochñapa' te'ña o' nehuerrapa' nagapuerreñcha' neçllayor allo atonateñet.” 24 Allempoña pamo'mte'pa' atet otan ñeñt' tomçha'tyets all: “Te'pa' o'ch seppratam pesuer quelle, o'ch sapuer ñeñt' ganatene' çharroch

nečllayor.” ²⁵ Ñetñapa’ atet ochet: “Ayochreshate, ñapa’ echenanca’yeña shonte’ quelle ñeñt ganena čharroch.” ²⁶ Pamo’mte’ñapa’ atet oterraneterr: “Tarraña ama’t atetñapa’ te’pa’ o’ch notas, ñeñt es echets shonte’ e’ñe puesherbateñořet pamo’mte’ ñetña ellonetpa’ o’ch alla aparetterret po’poñ aton. Tarraña ñeñt ama es echetsopa’ ama’t allponatolla ñeñt echyenetañ aprratamřsaretterretča’.” ²⁷ Ñańa te’pa’ añña ñeñt ne’moñe’tene’ ñeñt ama muenenaye o’ch na’mča’taretta ñocpuet, te’ña sapa’ o’ch sehuapat Janet attoch semtsanatosanet e’ñe arr nesho.”

Allempo čhap Jesús Jerusaléńo
(Mt. 21.1-11; Mr. 11.1-11; Jn. 12.12-19)

²⁸ Allempoñapa’ ahuererr Jesús Jerusaléńoneř. ²⁹ Čhampochet aspeno ñeñt pa’so’cheñ Olivopen allo’tsen anets ñeñt Betfagé ñańa Betania. O’ čhampochet all Jesúsñapa’ ³⁰ atet otosan epsheña pueyochresha’:

—Sapa’ o’ch sota o’ch sečhap a’yenteye’ e’ñe allara anetso. O’ch sečhap allpa’ allcha’ sentos ashen rre’ptor all huanquėñet; ñeñtpa’ ama’t puešheńarra acheñ ama monteña’. Ñeñtña ashenpa’ o’ch sepyamřsospa’ o’ch sanerrnan arr. ³¹ Ñerra’m esesha’čh sotapue’: “¿Eso’mare’t sepyamřpeńña ashen?” sańapa’ atetča’ sotosanet: “Yepartsesharca’ye muenene’ña añ ashen.”

³² Allempoña ñeñt mueñapa’ ñetñapa’ ahuanmuet all anetso. Allña’ atetčo’ entoset e’ñe atet otanet Jesús, allo’tsenca’ye ashen rre’ptor all huanquėñet. ³³ Allempo pueyamřsusetpa’ pamo’mte’ñapa’ atet otapanet:

—¿Eso’mare’tča’ña sepyamřsosnayña yashanor’?

³⁴ Ñetñapa’ atet otosñañetña ashen pamo’mte’:

—Yepartsesharca’ye muenene’ña añ ashen.

³⁵ Allempoñapa’ anerretña ashen Jesúsesho. Nohuerret pa’shtam ash-nache’ñopa’ montatueret Jesús. ³⁶ Allempo monta’ńma Jesús allenet sen, acheñenesha’ñapa’ tořma’tyesoñet pa’shtam tońo allcha’ oñem. ³⁷ Atteñapa’ o’ čhampochet Jerusaléńo. Allempo a’nososet Olivořnot shonte’ acheñenesha’ ñeñt ame’ñenaya Jesús’pa’ ñetñapa’ alloteñ e’ñe cosha’rrtoset. E’ñe pocsheñesha’ ahuanenet, pano’tatse’tesha’ aye’chočhtatneńñañet Yompor, tarro’mar atarr cohuen entnenet atto Jesús’pa’ atarr orrtatenanet Pompor po’partsoña. ³⁸ Ñetñapa’ atet otyesnenet:

—¡Aye’chočhtaterrapo’čh Anča’taret Jesús ñeñt llesensen Yompor! ¡Cosh-erretapa’čh ama’t ñeñt pue’ntańo’tsen! ¡Aye’chočhtaterrapo’čh ñańa Yompor Parets ñeñt pue’ntańo’tsen!

³⁹ Fariseonesha’ña puešheña’tets ñeñt allo’tsa’yen ñeñt ama ame’ñenaye Jesús, ñetñapa’ atet otapet Jesús:

—Maestro, peche’ptare’taye’čhyesnomńaca’yeña peyochresha’čhno attoch amach allo’na atfa ačhotatsetnenpeto.

⁴⁰ Tarraña Jesúsñapa’ atet otosanet:

—Napa’ o’ch notas, ama’tča’ atet notatstanetańpa’ muema’rrtetańča’, mapyečhnoñapa’ puerranare’teñořetpa’ načhotenayach.

⁴¹ Allempo o’ e’ñe čhampochet atto entosan anets Jerusaléń, Jesúsñapa’ atarr ya’na’tosan jerusaléńo’marnesha’.

⁴² Allpa’ atet eńorosa ñocpuet:

—Atarr nemneñ ama’t e’ñe tayecma po’ñočh sapa’čho’ña o’te’ seńotereñ errotentča’ seperra attoch Yomporpa’ o’ch a’qeshpaterrsoñ e’ñech socsheñesha’ socrrerrañ. Tarraña sańa teme’ttsen ñeñtñapa’ ama’t mameshapa’ ama čhennaso seyočhro. ⁴³ Tarro’mar napa’

o'ch notas, po'ño'ch o'ch chap allempoch ñeñt se'moñe'tene'pa' concha'tam'perrnasetcha' sa'netser attoch e'ñe rroçhtam'perrset allem'ateñ satep'otpa' huacha'tonasetcha', attoch amach errenet seyeterro ama't e'ñe puešeñar'rofesa. ⁴⁴ A'mata'tuernasetcha' ora allohuen sa'netser attoch sepac'le'nachña e'ñe sa'p'te'se'tuerre' allohuenes ama't sac'ñe'faretolleshohuen. Allo sorraten sepaqu'ell ama't patrra mapue'pa' amach a'puerro, tarro'mar sapa' ama semno o'ch sagu'errñañ Yompor puemuereña allempo mueneñeñ o'ch yenpuerrsoñ sam'a.

Atto Jesús'pa' a'cohuentatosan Parets pa'paqu'ell

(Mt. 21.12-17; Mr. 11.15-19; Jn. 2.13-22)

⁴⁵ Allempo chap Jerusaléño Jesús'ñapa' ahuos Parets pa'paclo. Be'tosospa' alloñ'apa' cha'nma'cha'tatuosan ñeñt pomatsre'tyetsa all. ⁴⁶ All'ñapa' atet otosan ñeñt pomatsre'tyetsa:

—Yompor po'ñoñ ñeñt atet anuaret ahuatoteñ, all'ñapa' atet oten Yompor: “Añ ñeñt nepaqu'ell nepenpa' añe'cpaca'yeña sherben allecmach ma'yochennet”; tarraña sañapa' atet sepeññañña Yompor pa'paqu'ell atet ñerra'mrrate' eñeñ ñeñt e'p'otyetsa mapuetpono'mar.

⁴⁷ Pate'tets yet Jesús'pa' çhocmach sene't Parets pa'paclo all yeçhatenanete't Yompor po'ñoñ. Añña ñeñt pa'm'cha'tareternesha' pen allohuen judionesha' po'cornaneshar ña'ma añ ñeñt atarr etsotayenayeñ ñoñets ñeñt atet anaret ña'ma po'potantañ ñeñt am'cha'taretetyetsa all aneto, ñet'ñapa' Jesús'a atarr o'patyenet attoch muetsatachet. ⁴⁸ Tarraña ñetpa' ama errot peto tarro'mar allohuen acheñenesha'pa' atarr yemteññañet Jesús atto atarr cohuen serrpare'tatenanet Yompor po'ñoñ. Ñetpa' ñeñtña atarr cohuen entyenet.

20

Atto allsensarettena Jesús

(Mt. 21.23-27; Mr. 11.27-33)

¹ Po'pocheño pam'tarr Jesús'ñapa' alla yeçhaterranerr acheñenesha' Parets pa'paclo. Allpa' añ serrpare'tatenanet cohuen ñoñets alloch yequeshperra. Atteñapa' huacha'toña shonte' am'cha'taretnesha' —ñeñt pa'm'cha'tareternesha' pen allohuen judionesha' po'cornaneshar ña'ma allp'onsheña ñeñt atarr etsotayenayeñ ñoñets ñeñt atet anaret ña'ma po'potantañ ñeñt pompornesha' pa'yen allohuen judionesha'. ² Ñet'ñapa' atet otoset Jesús:

—Ñehua, yapa' añecop yehuena yemneñ o'ch p'otey ¿errofe't apuenpetña llesens? ¿Esesha'tña p'apuene'ña llesens attot p'orrtyenña ñeñt çhocma attecma pe'pa'yena?

³ Jesús'ñapa' atet otapanet:

—Ñehua, napa'cho'ña nemneñ o'ch na'p'to'tapas sam'a ama't patrra ñoñets. Sapa'cho'ña o'ch sotosen, ⁴ ahuañmo'cha allempo apate't Juanañ Yomporcop ñeñt'pa' ¿eseshatña llesense' ñato' Yompor amapa' acheña'e' apue'ña llesens? Nemnen o'ch sotosen ñeñt atet soctape'chen sa.

⁵ Ñet'ñapa' e'ñe a'nahua otanna'tyaset:

—Ta'm errotcha'ca'ye yochte'. Ñerra'm cha yoch Yomporshotca'ye apetña llesens, ña'ñapa' çhate'ca'ye otey: “Ñehua, sañapa' eso'mare'tña ama se'mñocheña ahuaña allempo serrpare'tatosan acheñenesha'.” ⁶ Elloña

ñerra'm čha yoch acheñeshořa apet llesenspa' acheñenesha'ñapa' čhate' e'moñe'tyetyet. Pue'moñe'teñořetaypa' čhate' rrollapechyety tarro'mar ñetpa' e'ñe cohuen eñchete't Juanañ, čhocma otyenet ñapa' ñeñča'yeña a'mtose' Yompör po'ñoñ.

⁷Ñeñfo'marña ñetpa' atet ochet Jesús:

—Ta'm yapa' amaca'yeña yeñoteñe; errotte' huapaña Juan, errotte' apetña ñaña llesens.

⁸Allempoña Jesúsapa' atet oterraneterr:

—Napa'čho'ña te'pa' amach notaso samña allot aparetenña namña llesens attot atet neřa'yena.

Atet atma'ntatarettena ñeñč ataruasañečno ñeñč ama cohuenayaye
(Mt. 21.33-44; Mr. 12.1-11)

⁹Allempoña Jesúsapa' alla serrpare'taterranerr acheñenesha' toma'nteñtso, Ñeñčpa' atet otanet:

—Eñall puešheñarr acheñ ñeñčña nare'tanatatnomue' shonte' uvach, pa'muerñapa' e'ñe ora uvachmatatue. E'ñe allponmatatsapa' o' na'nman po'potantañ ñeñčha' taruasatats uvachmo ñeñčha' coyerrahuet allpon ñerra'm esempoch toteñet. Allempoña ñapa' ahuo' bačhayo po'poñ anetso alla atomat. ¹⁰Chap allempo yen uvachllompa' ñaña'pa' mueñerran po'pšeñeñ pa'taruasañer o'ch enamuerra' uvachllom' po'pšeñeñ pa'taruasañeršo ñeñč cohuanpene' uvachma'. Allempoña čhen allpa' enamhuanan ñeñč allpon o'patena pamo'mtayet arepa'tča'ña es apapuyenayeña uvachllom', elloña ñeñčapa' čha nalle'tapueñet, o' alla mueño'teret e'ñe atta. ¹¹Allempoña ñeñč pamo'mte' pen uvachma'pa' o' alla mueñerranerr po'pšeñeñ pa'taruasañer. Allempo čhenerr allpa' ñapa'čho'ña čha es otnare'tapetpa' o'čho' nalle'tapet o' matateret e'ñe atta. ¹²Allempo poma'pocheño o' alla mueñerranerr po'pšeñeñ pa'taruasañer. Ñeñčpa'čho'ña allempo čhenerr ñaña allpa' ñaña'pa' čha atarr atserrpatsetapetpa' o'čho' alla matateret.

¹³'Allempoña ñeñč pamo'mte' penetpa' atet ot: "Te'pa' errotuachñaca'yeña nepe'te'. Te'pa' o'ch nemñe ñeñč e'ñe na nechemer ñeñč atarr nemorrentena. Ñato'rraña ñeñčpa' mecha'na'tapetča'." ¹⁴Arepa'tča'ña ama't mameshapa' mecha'na'tapeto. Allempo entapoñet puechemerpa' atet otanna'tyeset: "Añmapa' ñeñča'yeña puechemer ñeñčha' o'paterraya pompor puenareñ esempo. Ñapa'čho'ña te'pa' o'chca'ye yemtasř allochñapa' yachca'yeña e'ñe o'paterrayaña pompor puenareñ." ¹⁵Allempoñapa' o' rromapet o' chetare'tnomet narmetsmo a'yot, allña muetsapoñetña ñaña puechemer. Arrpa' allohua atet toma'ntata Jesús e'ñe ñañeña.

Jesúsñapa' atet oterranerr acheñenesha':

—Ñehua, te'pa' o'ch notas, ñeñč pamo'mte' pen ataruasañečnopapa' atetča' pohuerranet. ¹⁶Ñerra'm esempoch huerranet, pamo'mtayetpa' a'cclatuerranetča', narmetsma'ña o'ch apuerran po'potantañ.

Acheñenesha'ñapa' allempo e'mueñet Jesús atet oten, ñetñapa' atet ochet:

—¡Ñeñčpa' arepa'čhña atteye' patsterro, Neyompör-re!

¹⁷Jesúsña atta cohuanetpa' atet otanet:

—Ñerra'm ama atet pueperra'čhepa' eso'mare'tña otenña Yompör po'ñoñ ñeñč anuaret ahuatoteñ, ñeñčpa' e'ñečca'ye po'ñoč atet perra. Tarro'mar ñeñčpa' atet oten nocop, all atma'ntatareten mapue'. Ñeñčpa' e'ñe atet anuaret Yompör po'ñoñ ahuatoteñ:

Añ mapue' ñeñt ama pocteye' entyeno ñeñt tomatyene' pocoll, ñeñtña te'pa' o' anaretterra ñeñtcha' ello atarr cohuen sherberrets e'ñe atet ñerra'm quellpach allo e'ñe cohuen echarr orratenet pocoll.

¹⁸ Elloñapa' atet otanet:

—Allohuen ñeñt epoto'tetsa añ mapyopa' atarrcha' atserrpenanet, ñaña añ mapue'pa' ñerra'm eseshesho mata'nompa' e'ñech a'tpetse'tuosanet.

Atto a'pto'chet Jesús, pocte'te' o'ch tsa'tet impuesto

(Mt. 21.45-46; 22.15-22; Mr. 12.12-17)

¹⁹ Añña ñeñt atarr etsotayenayeñ ñoñets ñeñt atet anaret ñaña ñeñt pa'mcha'tareternesha' pen allohuen judionesha' po'cornaneshar, ñetña allempopa' o' eñochet ñetca'ye atma'ntatarettenet, ñeñt'pa' ñocpuetca'ye atet eñoreña Jesús. Allempoña ñetpa' atarr mueneñetañ o'ch rremuet Jesús e'ñe allorocma tarraña ama eseshaye' rromaye tarro'mar ñetpa' mecha'teñet acheñenesha'. Ñehua, acheñenesha' e'ñeca'ye cohuen enteñet Jesús. ²⁰ Tarraña ñetpa' añña atarr e'nenet atoch ama't parrochapa' o'ch eñorachet ñeñt ama pocteyaye ama't ñaña gobiernocop, allochñapa' attoch rremuet o'ch pomueñeta' amcha'taretsho ñeñt nen gobierno' Romo't ñeñt amcha'tarettetsa allo'marecop. Atteña ñetñapa' e'ñe a'nahua mueñet allponsheña acheñ Jesúsesho ñeñt ottetsañ ñerra'mrrate' atarr cohuen acheñ, tarraña ñetpa' añecpa amñareñtet attoch e'ñe puehquëño't po'ñoño'tetpa' o'ch eñorachet ñeñt ama cohuenayaye. ²¹ Allempoña ñhapuet ñeshopa' atet otoset:

—Maestrocha' yapa' yeñoteneñ ñeñt atet peñen ñaña atto peychatyen Yompot poctapña ñeñt'pa' e'ñe cohuenacma. Papa' allohuen acheñ e'ñe cohuen pentueñ; ama añña ñapueñ pemorrenteno ñeñt atarr amcha'na'tpo' entyen allohuen acheñenesha'. ²² Ñeñto'marña te'pa' yemneñ o'ch peñotatapuey erra'tsente'ña e'ñe po'ño'ch cohuentetsa. ¿Pocte'te' o'ch yetsa'ta impuestos añecop ñeñt amcha'tarettetsa Romo, ñeñt ama judioneshayaye? Ñato' amate' pocteyaye yocop ñeñtey judioneshay o'ch yetsa'ta amcha'taret romo'marnesha' ñeñt ama judioneshayaye.

²³ Jesúsñapa' eñotanet ñeñt atet shecare'teñetañ, ñañapa' atet otanet:

²⁴ —Ñehua, segaten puatallarr quelle.

Gatuetpa' atet otanet:

—Ñehua, sapa' o'ch soten, ¿eseshat sentenña ñeñt atma'ntatarettetsa all? ¿Eseshat pa'so'cheñ ñeñt aquellcarettetsaña all?

Ñetñapa' atet ochet:

—Amcha'taretca'ye atma'ntatarettetsaña all ñaña ñoca'yeña pa'so'cheñ ñeñt aquellcarettetsa all.

²⁵ Jesúsñapa' alla oterraneterr:

—Ñeñteñapa' añ poctetsa o'ch yañ amcha'taret ñeñt ño ñeñt atet poctetsa gobiernocop; tarraña ellonet ñeñt Yomporo o'ch yañ ñaña ñeñt atet poctetsa ñocop.

²⁶ Attoña ama't puehquëño'tet atet otyenetpa' ama erroteno't eñoracheto ñeñt ama pocteyaye ama't ñaña gobiernocop tarro'mar allohuen acheñenesha' ñeñt allo'tsa'yen e'ñe cohuen enteñet atet anapuenanet Jesús. Ñeñtña ashcañnesha'pa' atta cohuanrrorteñet tarro'mar atarr cohuen anapuenanet Jesús. Ñeñto'marña ñetpa' ama errotenaye' otenaye' entereterro.

Atto a'pto'chet Jesús, ñerra'm po'ñochte' atanterrapo' rromot, ta'm, allem-popa' errotencha'ña yeperra

(Mt. 22.23-33; Mr. 12.18-27)

²⁷ Allempoñapa' huacha'toña ñaña patantarr ñeñt saduceoneshatets. Ñehua, ñeñt saduceoneshatets ñetñapa' ellonet echenet poctapña ñeño'mar atet otenet amate' errotenot yetanterroña rromot ama't errponaña.

²⁸ Ñetñapa' atet otoset Jesús:

—Maestrocha' ahuat Moisés'pa' atet quellconay ñoñets ñeñt poctetsa ñeñtcha' atet yepa. Ñeñt'pa' atet otenña Moisés po'ñoñ: Ñerra'm esempo rroma yacma o'ch sa'nman puetapor tarraña ama chemere'tnomopa' añ poctetsa pa'mo'nasheñcha' alla yorerre'ña po'norrar allochñapa' attoch eñalletteraña ñeñtcha' puechemer perr pa'mo'nasheñeñ. Ñeñt'pa' atetca'ye quellca'nmonayña Moisés ahuat. ²⁹ Ñehua, te'pa' eñall cancherrsheña ñeñt e'ñe poctacma pa'mo'nasheñecmuet. Ñeñt puesheñarr popo'naretpa' o' yoran coyanesha' ñeñt puetapor pa'. E'ñe allponmatatsapa' o' rromaña, yacma ama chemere'tnomo. ³⁰ Allempoña ñeñt po'rrocho'merpa' o' yorerran pa'mo'nasheñeñ puetapor. E'ñe allponmatatsapa' ñapa'cho'ña o' rromuerrerr ñaña, ñeñt'pa'cho'ña ama chemere'tnomo. ³¹ Allempoña po'psheñeñ pa'mo'nasheñpa' o' alla yorerranerr ñaña po'norrar. E'ñe allponmaterrtsapa' ñapa'cho'ña o' rromuerrerr ñaña, ñeñt'pa'cho'ña ama chemere'tnerrerro o' atta rromuerrerr. E'ñe attecma pohuet cancherrsheño'maretpa' e'ñe pueyuarochet ñeñtara puesheñarr coyanesha'. E'ñe allohuenetpa' e'ñe attecma pet colla'huet ama't puesheñarrofetapa' ama chemere'tnomueto. ³² Allempoña o' rromaña ñaña coyanesha'. ³³ Te'ña ñerra'm po'ñochte' yetantena yerromño'pa' añña coyanesha' allempopa' zeseshat'cha'ña puetapor perre' tarro'mar allohuenet cancherrsheño'maretpa' e'ñe pueyuarochet?

³⁴ Allempoña Jesús otanet:

—Ñehua, atet yechen acheñenesha' arr patsro, chocmach sena'tenet, coyanesha'pa'cho'ña apueñet ñeñtcha' puerrollar pa'. ³⁵ Tarraña esempohuañen allemPOCH tanterret po'pocheño allohuen ñeñtcha' e'ñe pocte' entuerr Yompor allochñapa' attoch o'ch alla correrret po'pocheño, ñetña allem-popa' ama't puesheñarrofeta amach sena'terreto, ama't coyanesha'pa'cho' amach eseshaye' apuerraye ñeñtcha' yorerrahuet. ³⁶ Tarro'mar allempopa' amach arromña'terreto ama't ahuata attoch e'ñech atet perret ñerra'm mellaño'feññanesha'. Yomporñapa' o'ch e'ñe puechemer perranet e'ñe poctacma tarro'mar allempopa' o' tanterret rromotpa' o'huañcha' arromña'terret ama't errponaña. ³⁷ Elloña ama't Moisés atet eñotatane't acheñenesha' po'ñoch ñeñt colla'huatsa allempo, ñetñapa' corretseta. Ñehua, all aquellcayet tsachmo'r ñeñt e'ñe ñoña huortets. Allotñaca'yeña Yomporpa' eñorana'tañaña Moisés; ñeñt'pa' atetca' otña Yompor allempo: “Napa' ñeñten Po'yomporer pen Abraham ñaña Isaac, ñaña Jacob.”

³⁸ Jesúsñapa' alla oterraneterr:

—Ñehua, yapa' yeñoteñ Yomporpa' ama añeye' Po'yomporer penaye ñeñt rromuets e'ñe poctacma ñapa' añca'yeña Po'yomporer pene' acheñ ñeñt corretsach. Yomporñapa' e'ñe entenatet allohuenetpa' e'ñe corretseta.

³⁹ Añña puesheña'tets ñeñt atarr etsotene' ñoñets ñeñt atet anaret, ñetñapa' atet ochet:

—E'ñe Maestrocha' e'ñe po'ñoch atet poten.

⁴⁰ Ñeñto'mar allempoteñpa' ama't puesheñarrofetapa' ama eseshaye' a'pto'tenaye' enterraye.

Atto Cristo ñeñt Po'partseshar pe't David, elloñapa' o' alla po'mreneñ per (Mt. 22.41-46; Mr. 12.35-37)

⁴¹ Allempoña Jesús'pa' atet otan ñeñt atarr etsotayenayeñ ñoñets ñeñt atet anaret:

—Eso'mare'tña otyenet ñeñtcha' Cristotsets ñapa' aña po'mreneñ pene' David tarro'mar ñeñtcha' Cristoterrets ama aña po'mreneñ peñe David tarro'mar ñapa' Po'partseshar'naña pe't David. ⁴² Tarro'mar ama't Davidpa' allempo quellquë't all libro Salmo allempopa' atetca'ye eñose'tña añecop ñeñtcha' Cristoterrets:

Yompor Paretpa' atet otentan ñeñt Nepartseshar nepen na (ñeñtara ñeñtcha' Cristoterrets): “Te'pa' o'ch ñanorruerr arr necohuenrot allcha' pecohuentapreterra.

⁴³ Attochña ama't ñeñt pe'moñe'tene' napa' o'ch name'ñatuerranet allochñapa' o'ch atet perret ñeñt pemnen pa.”

⁴⁴ Ñeñtpa' atetca'ye ote'tña David ñeñtcha' Cristoterrets'pa' ñeñtca'yeña Po'partseshar pe'tña ama't allempoteñ. Ñehua, ama't señoñeña Cristo ñeñt Po'partseshar pe't David ñeñtña te'pa' o' alla po'mreneñ per ñaña.

Atto Jesús'pa' a'metare'tenan ñeñt etsotayenayeñ ñoñets ñeñt atet anaret, ñeñt atet ye'chenet ñetpa' ñeñtpa' ama cohuenaye' entapretenaneto Yompor (Mt. 23.1-36; Mr. 12.38-40; Lc. 11.37-54)

⁴⁵ Elloña shonte' acheñenesha' ñeñt e'mño'tene' allempo atet otentan Jesús pueyochresha':

⁴⁶ —Amach semeñe'tapretatsche ommoñañenesha' pocta'ña ñeñtaret ñeñtet atarr etsotayenayeñ ñoñets ñeñt atet anaret. Tarro'mar ñetpa' añe'naña atarr cohuen entenet o'ch chorrenet atarrom shetamuets o'ch atta yorma'tatsetenet pa'shtam. Ñaña pommo'cheño'tetpa' atarrcha' mueneñet o'ch e'ñe puencha'na'teño't e'ñech cohuen huomcha'tenanet acheñenesha' all chopeñe'chyenet. Ñaña ñetpa' añe'nach atarr muenenet o'ch anorrcha'tyenet judionesha' po'prahuo allecma anorryen ñeñt atarr añcha'na'tpo' entyen allohuen acheñenesha' ñaña e'ñe attecma penet ñaña all rrallme'chapretenet. ⁴⁷ Tarraña ñetñapa' rretorranesha'naña puerratan'pesyenetña pa'paquell. Elloña e'ñe pommo'cheño'tetpa' aña atarr muenenet o'ch atet penet ñerra'mrrate' ñetpa' atarro' cohuen acheñret ñeñto'marña arrcha' ma'yochenet all shontena acheñenesha', amach tematenayaya ma'yocheneto. Ñeñto'marña te' napa' o'ch notas, ñeñt atet petsa pommo'cheño'pa' elloña atarrcha' a'coñcha'taretterret.

21

Atto rretorranesha' ñeñt atarr huocchañetets ñapa'cho'ña nosan quelle ñeñt Yomporcop (Mr. 12.41-44)

¹ Allempo allo'tsen Jesús Parets pa'paclo, ñañapa' arrenet cohuen allecma nenet quelle Partsocop. Allña'pa' entenan eçllayoretenesha' ñeñt na'yene' shonte' po'çllayor Partsocop. ² Jesúsña allpa' atta cohuenanet, huapa ñaña puesheñarr rretorranesha' ñeñt atarr huocchañetets. Ñapa'cho'ña nosan eptallatoll quellayetoll ñeñt cobretall. ³ Jesúsña'pa' atet ot:

—Te'pa' o'ch notas, añ rretorrnesha' ama't atarr huocchañ ñapa' po'ñoçhca'ye atarr aton nosan quelle, ello metana'tuosan allohuen po'potantañeçhno allpon quelle ñeñt na'yenet ñet. ⁴ Tarro'mar allohuenet ñeñt na'yenet quelle, añaca'ye na'yenet ñeñt a'pchatyenet, ñañapa' ama't atarr huocchañpa' e'ñe pomhuahuospan allohuen ñeñt echyen ñeñt muenataneñ allo'ch yoran attoch correna arr patso.

Atto Jesús'pa' eñotatanet e'ñech a'mata'taretetuerra Partso'po'
(Mt. 24.1-2; Mr. 13.1-2)

⁵ Allempoña puesheña'ttets ñetñapa' aña atarr serrpare'tyenet atto Parets pa'paquellpa' atarr a'cohuentateñ. Mapyete ñeñt allo orratenet Partso'po' ñeñtpa' atarr coçhneshare' a'pa'yese'tet. Shonte' coçhneshare' ña'ña allo'tsa'yen ñeñt pomyen acheñenesha' all Partsocop. Jesús'ña'pa' atet otanet:

⁶—Ora ñeñt allpon e'ñe coçhneshare' sentyente' çherra' allempoch e'ñe a'mata'taretetuerra. Ama't puenarra mapyeta' amach a'puerroña all allo orratenet Partso'po'.

Atto Jesús'pa' eñotatanet shonte'ch entyerret pa'namen ñeñtcha' eñotaterrahuet o' çhermoch allempoch mellapoterra
(Mt. 24.3-28; Mr. 13.3-23)

⁷ Pueyochresha'ñapa' a'p'to'chet:

—Maestro, ñeñtpa' ¿esempo'tcha'ña atet perra? Ña'ña allempopa' ¿eso'tcha'ña yentyerr ñeñtcha' yeñotaterre' po'ñoçhpa' o'ch çhermoch allempoch e'ñe etsoterra ñeñt atet potenyete'?

⁸ Jesús'ña'pa' otanet:

—E'ñech señoterra, allochñapa' amach esesha' seshquërraye. Tarro'mar shonte'ch orrterrrsa ñeñtcha' aycha'nataterre' neso'cheñ, ñeñtcha' otyerrets: “Napa' ñeñfencia'yeña Cristotets; te'pa' o'ca'ye çherr allempoch norrtterra na ñeñten Cristotets.” Tarraña sañapa' ñato'tña se'mñotenaneta. ⁹ Ña'ña allempopa' o'ch se'mare'tyerr o' quellareñtsotyerr allemeñ anetso'mar ña'ña o'ch se'mare'tyerr o' orrtterra ña'ña atparñats erraparen, saña allempopa' amach çha seyorenatsto ama't e'ñe mamesha. Ñeñtpa' atetcha'ca'ye e'ñe po'ñoçh perra. Tarraña allempopa' amach çhena' allempoch e'ñe mellapoterra.

¹⁰ Jesús'ña'pa' alla oterraneterr:

—Pa'namen acheñ ñeñt e'ñe po'poñe'ttsocma mereñtsoret ñetpa' quellaranna'terretcha'. Ña'ña pa'namen anetso't añcha'tareteçhno'pa' quellaraterrancha' pueyochrenesha'çhno. ¹¹ Pella'yerrach pats huomenc ora erraparen, ña'ña orrterrach allemeñ muecheñets o'ch e'ñe chaporrñatsotyerr erraparen. Orrterrach ña'ña pa'namen atnañtsoçhno ñeñt atarr apatanna'tpo'. Allempopa' atarrcha' añcha'noçhterra entot. Orrterrach ento ñeñt ama't ahua'tapa' ama puentareto ñeñtcha'ña eñotaterrahuet o' e'ñe çhermoch allempoch mellapoterra.

¹² Ñehua, allempoch ama orrtena' atetpa' saña allempopa' rremanaterrsetcha' attoch mueroçhtaterrset, sanmaretterrach judionesha' po'prahuo allcha'ña e'ñe otteñe'çherrset, attochña abe'terrset çárcelo allcha' coñchaterrset. E'ñe same'ñeño'en na sapa' sanmaretterrach añcha'taretneshesho'mar ña'ña allo'tsa'yen ñeñt nanac añcha'taretnesha'.

¹³ Tarraña allempopa' atarrcha' cohuen attoch sa'metosnanña neñoñ.

¹⁴ Ñeño'marña allempo sanmaretetyesa allcha' otteñe'çherrset ama't

mameshapa' amach sellca'psatsto, amach sota'psa'tatsto, errotuachca'ye notoste' am'cha'taretsho allempoch a'pto'tare'tapuen. ¹⁵ Tarro'mar allempopa' nachca'yeña se'ñoratos'e'ña all attoch e'ñe cohuen se'ñotyes'ña atetcha' sanapyesosanet. Alloch'ñapa' ñe'ñt se'mo'ñe'tene'pa' amach errotenaye' otenaye' entenseto. Ña'ma amach errotenot otaseto ñe'ñt atet soten sapa' ñe'ñtpa' amaca' po'ño'chaye' atet soto. ¹⁶ Ello'ña allempoch atet perrsetpa' ñe'ñt e'ñe sompor sepen ña'ma sachor ñato' ñe'ñfachca'ye sepomuere' tarro'mar ñapa' amaca'ye ame'ñenno, amapa' ñato' semo'nashe'ñ, amapa' ñato' po'potanta'ñ samo'tsesha', amapa' ñato' ñe'ñt e'ñe parro seyemtena ñe'ñfachca'ye sepomuere' tarro'mar ñetpa' ama parrocmaye' attecma soctape'cheno. Ña'ma patanta'ttsospa' muetsatyerrsetcha'. ¹⁷ Shonte'ch ache'ñenesha' ñe'ñfcha' se'mo'ñe'terre' tarro'mar sapa' naca'ye e'ñe same'ñena. ¹⁸ Napa' atarrcha' necuam'penes attoch amach errotenot sechenqu'ërro ama't e'ñe ahuata. Atto'ña ama't e'ñe pue'parra sechpa' ñe'ñtpa'cho'ña amach na'chencaterrnaso. ¹⁹ Tarra'ña ama'tcha' atarr muero'chtaterrset 'chocmach'ña e'ñe seyemte'ño'fen napa' e'ñech sa'huan'thuanom'ña allohuen muero'chte'ñets. Attoch'ña sapa' corretsasach e'ñe po'ño'ch.

²⁰ Ñerra'm esempoch senterr añ anetser Jerusalé'ñpa' o'ch e'ñe rrochtan'pera solltarnesha' allempo'ña sapa' se'ño'chepa'ch o' 'cherrmoch attoch e'ñe a'mata'taretetuerra ñe'ñt anetser Jerusalé'ñ. ²¹ Allempo'ña ñe'ñt allpon Judeo'tsa'yenpa' ñet'ñapa' allorocmuepa'ch yetrra'tuerret ahuanerretepa'ña aspentaronet. Ña'ma ñe'ñt allpon anetso'tsa'yen Jerusalé'ño, ñetpa'cho'ña ahuanemyesetepa'ch ñamet allot. Ña'ma ñe'ñt allpon allampa'ño'tsa'yen all arepa'ch'ña tatsterreto'ña all Jerusalé'ño. ²² Tarro'mar allempopa' Yomporcha'ña tsa'taterraya'ña allohuen israelena'tarnesha', tarro'mar allempopa' o'ch e'ñe etsoterra ora allpon ñe'ñt atet anuaretatse't atetcha' perra allempo. ²³ Allempopa' atarrcha' llequ'ëñets añecop ñe'ñt a'chomenare' coyanesha' ña'ma ñe'ñt allohuen emaretetolleshachno. (Tarro'mar ñocpuetpa' atarr torrapo' attoch yetrra'tet ñamet.) Tarro'mar allempopa' o'ch orrterra ñe'ñfcha' atarr muero'chtaterrahuet arr patsro. Atarrcha' a'co'ñchatare'terra allohuen ache'ñenesha' allempo. ²⁴ Ña'ma allempo shonte' ache'ñpa' e'ñech muetsanatuerranet ñe'ñfcha' quellarrahuet. Po'potanta'ñ'apa' rremanatuerranetcha' ñe'ñt quellarenahuet o'ch anmare'tterret po'po'ñ anetso' bachayo all yecha'yena pa'namen ache'ñ. Ache'ñenesha' ñe'ñt ama judioneshayayepa' ñe'ñfcha'ña e'ñe a'mtso'ñ'netuerre'ña jerusalé'ño'marnesha', attoch e'ñe atmama'tueret'ña ñe'ñt anetser Jerusalé'ñ. Atetcha'ca'ye perra ñe'ñt allponmat ona'ñchare'ñ ñe'ñt ama judioneshayaye o'ch am'cha'no'chterret all Jerusalé'ño.

Atetcha' perra allempoch huerra Cristo Ñe'ñt Ache'ñetosets
(Mt. 24.29-35, 42-44; Mr. 13.24-37)

²⁵ 'Allempopa' orrterrach ento ñe'ñt ama't ahuatapa' ama sentare ñe'ñfcha'ña se'ñotaterre', ñe'ñtpa' e'ñech atsnesho, orrterra ña'ma arrorresho ña'ma ranto'chesho. Ña'ma arr patsro ora allpon pa'namen ache'ñenesha' pueyori'ñetpa' atarrcha' nanac lleca'rrterret. A'ñcha' atarr yore'tame'terrahuet atto ñe'ñt añecmuen sa'ppa' o'ch emo'yarterra, atarrcha' huomenc ma'moreterr allempo. ²⁶ Ache'ñenesha' e'ñe pom'cha'ño'fetpa' 'chach muene' otanatyerrret tarro'mar allempopa' o'ch e'ñoterret atarrcha'

muerochterret allohuenet arr patsro. Ñaña ñeñt huomenc orra'yetsa ento te', allempoña ama't ñeñpa' pella'yerrach. ²⁷ Allempoñapa' entapuerrnetcha' na Ñeñten Acheñetosets o'ch nesuanperra oso e'ñe nepartsoteñohuen e'ñe necohuenteshesha'. ²⁸ Ñerra'm esempoch senterr o' motetnerra orreyetsa ñeñt allpon o' notuas, allempoña sapa' e'ñech socsheñesha' secuanrrorterra enonet tarro'mar allempo o'ch cherrmoch allempoch sa'queshpatareteria e'ñe poctacma.

²⁹ Allempoña Jesúsapa' alla serrpare'taterraneterr toma'nteñtso, ñeñpa' atet oterraneterr:

—Señotenñe' atet pena tsach, higoch. ³⁰ O'ch senteñ allempo tapna'tyen pasopanerpa' sañapa' ñeññaña señoatene'ña o' chenmoch allempoch huorateterrerr. ³¹ Attecmach perra ñerra'm esempoch sentyerr ñaña allpon ñeñt o' notuas sapa' ñeñtcha'ña señoataterre' po'ñoch o'ca'ye cherrmoch allempoch e'ñe etsoterra allempoch añcha'taretterra Yompor.

³² 'Napa' po'ñoch o'ch notas, acheñenesha' ñeñt corretsa te' ñetpa' amach e'ñe rromhueneta'pa' allempocmach e'ñech etsoterra allohuen añechno.

³³ Esemppopa' añ enet ñeñt sentenpa' e'ñech chenca'huerra; patspa'cho'ña attecmach perra e'ñech chenca'huerra. Tarraña ñaña neñoña' amach chenquerro ama't e'ñe errponaña.

³⁴ 'Tarraña te'pa' o'ch notas, sapa' chocmachña e'ñe señoatnoma attoch sapa' amach ñaña soctape'chatsto ñeñt sosya'tsañechno, posa'tare'teñets, ñaña atto e'ñe cohuen socrena añ patsro. Tarro'mar ñerra'm ñeñña e'ñe soctape'chenpa' machayotach huaponasa añ yeter ³⁵ atet ñerra'mrrate' tamell e'ñech machayota rremen ñeñtecop amencaret. Ñeñte yetarocmach cherrana ora allohuen ñeñt ye'cha'yetsa añe patsro errañaren. ³⁶ Añcha'ña sapa' chocmachña señoatena ñaña añcha'ña senamuen Yompor attoch sa'huanta'huanom allohuen ñeñtcha' sehuapoya pa'namen muerochteñtsochno allochñapa' sañapa' e'ñech señañesha' satomhuerr nesho na Ñeñten Acheñetosets.

³⁷ Chocma atet pe't Jesús, ellapene'tcha' ye'chatats Parets pa'paclo, elleronetñapa' o'ch ahuero Olivopño ñapa' allca'ye e'ñe a'pue't. ³⁸ Tsapat puetaren ahuatecmach huapa'muene't ñaña shonte' acheñenesha' ñeñt e'ññotyesaye't all serrpare'tatanete't Yompor po'ñoñ all Parets pa'paclo.

22

Atto atarr o'pateñet Jesús o'ch muetsatateret (Mt. 26.1-5, 14-16; Mr. 14.1-2, 10-11; Jn. 11.45-53)

¹ Allempoña chapmoch allempoch cherrerr pascuapo, allempoch rrerranerr judionesha' pan ñeñt ama anaretayaye chase'. ² Tarraña allohuen ñeñt pa'mcha'taretrenesha' pen allohuen judionesha' po'cornaneshar ñaña allohuen ñeñt atarr etsotayenayeñ ñoñets ñeñt atet anaretet ñocpuet, ñetñapa' Jesúsapa' atarr o'patenet o'ch muetsatachet tarraña ñetpa' ñaña mecha'na'tenet acheñenesha'.

³ Allempoña oneñe'pa' chorrenana Judas ñeñtara ñeñt sochetsa Iscarote. Ñehua, añ ñeñt Judaspa' Jesús pueyochresha' ñeñt parro yemtena po'potantañ ñeñt llessenen Jesús ñeñt allohuenet charrasheñet puechenet epsheña. ⁴ Ñeñtña Judaspa' ahuo' allo'tsa'yen ñeñt pa'mcha'taretrenesha' pen allohuen judionesha' po'cornaneshar ñaña allo'tsa'yen judionesha' po'guardiarnesha' ñeñt cohuanpene' Parets pa'paquell. Allempo chap allpa'

Judasñapa' serrpare'tos epuet ñeñt añcha'taretnesha'. Attoña eñotatosanet ñapa' mueneñca'ye o'ch poman Jesús attoch rromuet. Allempo ñetñapa' otanna'tyeset:

—Te'pa' errotuachñaca'ye yepe'te' attoch yerrmue'.

⁵ Allempoña ñeñt atarr añcha'taretnesha'pa' atarr coshenet, ñetñapa' a'pochtachet ðhochca'ye tsa'chetña Judas allpon quelle. ⁶ Ñapa' e'ñe pocte' eñch. Allempoña ñapa' aña atarr e'nen errotentcha' pomaña Jesús e'ñe a'nahua attoch amach eñche allohuen acheñenesha'.

Atto Jesús'pa' rrallme' chatnenan pueyochresha' attoch ðhocmach yerpueret ñeñt yoten te' Santa Cena

(Mt. 26.17-29; Mr. 14.12-25; Jn. 13.21-30; 1Co. 11.23-26)

⁷ Allempoña ðhapa'muen ñeñt yetñatsro allempoch rrrerreterr pan ñeñt ama anaretēyaye chase' allempoch muetsrerretter ñaña carrnero; ñeñtpa' pascuapo. ⁸ Chapa'muen ñeñt yeterpa' Jesúsñapa' atet ota'mueanan pueyochresha' epsheña Pedro ñaña Juan:

—Sa te'pa' o'ch ahues allcha' sa'potos rreñets ñeñtcha' yerra' pascuapo.

⁹ Ñetñapa' atet ochet:

—¿Erra'tña pocollo pemneña allcha' ya'pota'ña rreñets?

¹⁰ Ñaña'pa' atet oterraneterr:

—Te'pa' o'ch ahua'muenes anetso allcha' sepocte' puesheñarr yacma ñeñt anmam̄pene' oñ porrito. Ñeñtña acheñerpa' o'ch socta'ner; allcha' be'tosuerr pocollopa' allcha'ña sebe'tosos sam̄a. ¹¹ Allñapa' atetcha' sotos ñeñt apaclatesha': "Yemaestropa' atet otenev atetcha' yotosep: '¿Erro'tsena'tña pecuarto allcha' nerrallme'chos pascuapo epan neyochresha'?" " ¹² Ñeñt apaclatesha'pa' gatapascha' eno po'cuarto ñeñt atarr a'yohuen e'ñe cohuen a'paret. Allcha'ña sañño'tosña ñeñtcha' yerra' pascuapo.

¹³ Allempo atet otuanet Jesús'pa' pueyochresha'ñapa' atetcho' pet, ðha ahuanmatset. E'ñe atet otapanet, ñetñapa' e'ñe'cho' atet entoset. Allcha' añaño'tosñañetña rreñets allcha' rrallme'chenet ñeñte pascuapo.

¹⁴ O'ña ðhap allempoch rrallme'chet. Jesúsñapa' allña anorros epuet allohuen pueyochresha'. ¹⁵ Allñapa' atet otosan pueyochresha':

—Napa' atarr cohuen nenteñ o'ch yerrallme'chen parro añ pascuapo tayepa'tñapa' ama ðhena' allempoch muetsataternet. ¹⁶ Tarro'mar napa' o'ch notas, napa' po'pocheño amach alla nerrallme'cherre'te pascuapo. Esemphuañencha' etsoterra ñeñt po'ño'ch toma'ntenaya pascuapo e'ñech allempocma añcha'taretetuerra Yompor. Allempoñapa' e'ñech parrocm̄a o'ch alla yocsherrerr.

¹⁷ Jesúsña allempopa' chetan orramets, parasyoso'tan pompor, allempoñapa' atet otanet:

—Añ orrpapo'pa' o'ch saga'ppa' o'ch sepatanna'ta sa allohuenes. ¹⁸ Te'pa' o'ch notas, tayoteñ napa' amach alla norrerre'te añ orrpapo' ñeñt narmetsos tarremphua'ch allempoch ello norrererr esempohuañencha' añcha'taretetuerra Yompor.

¹⁹ Allempoñapa' cheterranerr ñaña pan, parasyoso'terranerr pompor. Chetan panpa' shota'ch. Shotatuepa' apa'yesan pueyochresha' ñeñtpa' atet otanet:

—Añpa' ñeñtcha' nechets sepen ñeñtcha' e'ñe nepom attoch e'ñe nerroma socop. Ñerra'm esempoch serren añ pan e'ñech seyerpueño'fen na o'ch serreñ.

²⁰ Allempoña rrohuet o' chetan ñaña orramets, ñeñtpa'cho'ña atet oteraneterr Jesús:

—Añpa'cho'ña ñeñtcha' nerras sepen ñeñtcha' ashatarettatsa socop. Ñeñtpa' alloch na'pocatonas e'ñe cohuen etserra Nomporesho.

²¹ Te'pa' o'ch señoçh ñaña ñeñtcha' nepomuerre'pa' e'ñeca'ye parro yerrallme'chen. ²² Po'ñoçhca'ye te'pa' allo'na sen etsotnomtsa ñeñt atet onañchare't nocop, na Ñeñten Acheñetsets, atto'cha' muetsaterrnet. Tarraña nocoppa' e'ñe pocte'; añña po'ñoçh acheñer ñeñtcha' nepomuerre' ñocoppa' atarr llequëñets.

²³ Allempoña atet otua Jesús, pueyochresha'ñapa' allenta otanna'tyeset e'ñe ñañeñeta:

—Ta'm, eseshaycha'ca'ye pomuerre'ña Ya'yochreshater.

Atto pommo'cheñoftpa' otanna'tyenet erra'tsenoteyte'ña ñeñtey atarr asherben enten allohuen acheñenesha'

²⁴ Allempoña pueyochresha' e'ñe pommo'cheñoftpa' atet otanna'tyenet e'ñe ñagattseta:

—Erra'tsenoteyte'ña ñeñtey atarr asherben enten allohuen acheñenesha' ñato' na, ñato' pa.

²⁵ Allempoña Jesús'pa' atet otanet:

—Sapa' seño'teñte' ñeñt atet pena po'poñ acheñenesha' ñeñt ama judione-shayaye. Ñet ñeñt pa'mcha'tareter penet e'ñech pa'mcha'noçhteñocmañen pomnaren pa'yenan allohuen pueyochresha'çhno. Tarraña ama't atet penetañ pommo'cheñoftpa' añach atarr muenen allohuen acheñenesha'pa' e'ñech mecha'na'tuenanet ñaña ñetpa' mueneñet acheñenesha'pa' o'ch entenanet, atarro' sherba'yenanet. ²⁶ Sapa' arepa'chña atteye' sepanna'tatsto e'ñe sommo'cheñoft. Ñerra'm erra'tsenotes ñeñtes atarr amcha'taretoyen entetsa, ñeñtes acheñrespa' socoppa' añ pocetsa o'ch atet senterra ñerra'm ama esoshe'mayayso atet ñerra'm ñeñt atarr hupuesha'. Ñaña ñerra'm erra'tsenotes ñeñtes muenene' o'ch atarr asherben entenset, ñeñtesña acheñrespa' añ pocetsa o'ch atet senterra ñerra'm ama esoyayso, allochñapa' attoch e'ñe cohuen setorrena po'potantañecop. ²⁷ Ñehua, yeño'teñ acheñenesha' arr patsro añca'ye atarr amcha'na'tpo' entenet ñeñt e'ñe cohueno anorrcha'tyets all rrallme'chenet, amaña añeye'ña amcha'na'tpoye' enteneto ñeñt puesherbeñoft epatyene' rreñets ñeñt anorrçhets ñeñt rrallme'chets. Tarraña napa' o'ch notas: Ñeñtecopca'yeña nohuapaña sesho attoch nema'yochrena torraya ñeñtcha' po'ñoçh atarr sherberrets socop.

²⁸ Tarraña sañapa' ñeñtes atarr nellcapretenaya ñeñt atarr llequëñets nenten na. ²⁹ Ñeño'marña te'pa' o'ch nena'nerres sa ñeñtescha'ña napuerr attoch sa'mcha'tarettapreterra e'ñe atet pena Nomp' o' na'n ñaña ñeñtencha' amcha'tarettapreterra. ³⁰ Allcha' sanorrcha'tyesuerr e'ñe sa señoña allcha' e'ñe sa'mcha'tarettetyesuerra. E'ñe puesheña'ttsos añecopcha'ña sa'mcha'tarettetyesuerra ñeñt mereñtsorecop israelena'tar ñeñt çharra' mereñtsor ñeñt puechetsa epsheña. Attoña allpa' o'ch na'mcha'tareterra e'ñe necohuenño e'ñech cohuen yeparrocmatuerr, allñapa' e'ñech yocsheñeshocmañen yerrallme'chuerr e'ñe parro.

Atto Jesús'pa' eñotatan Pedro ñapa' çhocmach a'nasocha (Mt. 26.31-35; Mr. 14.27-31; Jn. 13.36-38)

³¹ 'Simón, po'ñočh te'pa' o'ch notap̄, oneñet̄pa' atarrca'ye enamuenen na socop, añ muenen o'ch topatenes o'ch atet̄ p̄atenes ñeñt̄ atet̄ cotape'chen ña ñeñt̄ ama pocteye' enteno Yompor. O'ch atarr huomenc topatenes atet̄ ñerra'm ñeñt̄ shoshnene' po'trigo e'ñech huomenc pa'shmuenan puehoshnat. ³² Tarraña Simón o'ch notap̄, te'pa' napa' o' nema'yochua p̄ocop attoch amach e'ñe poctacma a'huañam̄p̄sonapeña p̄a atto atarr peyemtenna. Tarraña ama'tcha' huaponañañ topateñets ñeñt̄ atarr huomenc, paña allempopa' o'ch alla p̄octape'cherr cohuen Yomporecop. Allempoñapa' o'ch alla e'ñe cohuen peyenpuer pemo'nasheñnesha' attoch ñetpa'cho'ña o'ch alla huomenc perret pueyočher Yomporecop.

³³ Pedroñapa' atet̄ och:

—Parteshacha' napa' amach na'ypo'ñape, čhocmach noctap̄ ama't errach anmapet; ñerra'm cárceloch anmapet allcha' mueročhtatapet, napa'cho'ña nemnen allcha' yemueročhta parro. Ama'tcha' čho muetsapetpa' yerromuepa' parro.

³⁴ Jesúsñapa' atet̄ otererr:

—Pedro, o'ch notap̄, e'ñech añe tsaprocmama amach eñena' atollop, pañapa' o'ch ma'poch p̄a' nasotenna. Ñeñt̄pa' atetcha' p̄oten, napa' año' pentarno.

Atto čhappoch allempoch atarr atserrparetterra Jesús ñeñt̄ atarr topateñets enten

³⁵ Elloña Jesúsapa' yerpaterrana pueyochresha'; ñeñt̄pa' atet̄ oterraneterr:

—Ñehua, ahuaña allempo nemñas atet̄ notapas amach es sanmatsto ama't coñe'ta, ama't sebolsa, ama't sečllayor ama't ñaña sesapat. Ñehua allempopa' ;eñalle'tña ñeñt̄ sepalltena?

Ñetñapa' atet̄ ochet:

—Allempopa' amaca'ye cho es yepallto ama't e'ñe mamesha.

³⁶ Jesúsñapa' alla oterraneterr:

—Tarraña te'pa' o'ch notas po'poñ, ñerra'm eseshaste' ñeñtes echene' sečllayor te'pa' o'chca'ye sanem all sechopeñe'chyen ama't ñaña sebolsa. Ñaña ñerra'm ama secheno socchellpa' pocte'ca'ye o'ch sepom seshtam alloch seyora socchell. ³⁷ Tarro'mar te'pa' o'ch alla noterrser: Te'pa' o'chca'ye e'ñe etsoterra ñeñt̄ atet̄ anuařet Yompor po'ñoñ nocop. Allca'yeña oten napa' errotuancha' perrnet atet̄ ñerra'mrate' napa' ñeñfen amtsañen. Te'pa' ñeñt̄ca'ye o' etsotmocha ñeñt̄ e'ñe atet̄ anuařet nocop.

³⁸ Allempoña ñetñapa' atet̄ otereterr:

—Parteshacha' yapa' yechenca'yeña epmeta cochell.

Jesúsñapa' atet̄ otanet:

—Ñeñtachca'ye.

Atto Jesúsapa' ma'yochuena all oteñet Getsemani

(Mt. 26.36-46; Mr. 14.32-42)

³⁹ Allempoñapa' o' rrallme'chuanenet ñeñte pascuapo, Jesúsñapa' čha'nerrpa' ahuenerr Olivopno; ñapa' attecma pena čhocmach sen all. Pueyochresha'ñapa' cota'huaneñet. ⁴⁰ Allempoña čhenet allpa' Jesúsñapa' atet̄ otuenan pueyochresha':

—Te'pa' arrcha' sema'yochuena attoch e'ñe sa'huanta' ñeñt̄cha' sehuapoya te' ñeñt̄cha' atarr huomenc setpate'.

⁴¹ Allempoña ñapa' ahua' mame' a'yenteye'. Ñaña' all concorpa'huena o' ma'yochuena.

42 Puema'yocheñoñ atet otuen:

—Apa, ñerra'm p̄ach pocte' ente' arepa'chña pemnatatsche o'ch çhapona ñeñt atarr amuerochtatañ nenten. * Tarraña ñerra'm p̄ach muenats añcha'ña atet pepton ñeñt pemnen p̄a, amachña añeyaye ñeñt nemnen na.

43 Allempoñapa' huapoña mellañoñeñ Yompor pue'ntañoñ ñeñtña ahuaencat̄ pose' attoch ahuantan puellquëña. 44 Ñapa' atarr nanac puellquëñesha' ma'yochena; puema'yocheñoñpa' atarr nanac ñorra'ten. Po'ñorra'ña' çha huatena atet ñerra'mrrate' errasats tsoapsa'tets patso.

45 Allempoña ma'yochuapa' tanterra, ahuer pueyochreshesho. All entuerranet̄ ñet̄ña' çha atarr manrrenet ama't e'ñe puellquëñeshet.

46 Ñaña'apa' atet otuerranet:

—Sapa' eso'mare'tña çha atarr semanrra'ten. Te'pa' o'ch setanterra'pa' çhoña sema'yochrra'ta attoch sa'huanta' ñeñt'cha' sehuapoya topateñets atarr huomenc.

Allempo rromoset Jesús

(Mt. 26.47-56; Mr. 14.43-50; Jn. 18.2-11)

47 All atet otyenan pueyochresha'pa' allempoñapa' huaçha'toña shonte' acheñenesha'. Ñeñt huaçha'tatahuet ñeñt'pa' ñeñt sochetsa Judas ñeñtara ñeñt pueyochresha' peneñ ñeñt çharrasheña ñeñt a'pchenahuet epsheña. Ñaña'apa' çha ponmosaya Jesús, puetso'tsapa'teñoñ huom'cha'tos.

48 Jesúsña'apa' atet otap̄:

—E'ñe'tcha' petso'tsapa'teñoñen pepomuerrren na Ñeñten Acheñetosets.

49 Añña ñeñt ymentenaya Jesús allempo atet eñchet o'ch rromoset Jesús, ñet̄ña'apa' atet ochet:

—Ayochreshate ¿amafe' pocto o'ch yemoñsa'pa yocchello?

50 Puesheñarrña pueyochresha' allenta chetan po'cchell ahuo'ch çhonto'tapan cornesha' pa'cheñer puetepa'tcha' tsorroñ po'cohuenrot̄. Ñeñt'pa' año pa'cheñer ñeñt pa'm'cha'tareter pen allohuen judionesha' po'cornaneshar. 51 Jesúsña allempo entan pueyochresha' atet p̄apa' ñaña'apa' otanet:

—Ñeñt'epa'ta, amach atet sepatsto.

Allempoña ñeñt tsorrqueta'tetpa' alla a'p̄llerrñañ puet o' alla orrater o' e'ñe correrra. 52 Ñeñt huaçha'toya ñeñt'cha' rremose' Jesús'pa' ñeñt'pa' añcha'ye ñeñt pa'm'cha'tareternesha' p̄a'yen allohuen judionesha' po'cornaneshar, ñaña ñeñt judionesha' po'guardianeshar ñeñt cohuañpene' Parets pa'paquell ñaña ñeñt pompornesha' pen allohuen judionesha'. Allempo huaçha'toñetpa' Jesúsña'apa' atet otapanet:

—Eso'mare't sehuaçha'tennanaña e'ñe ochelletareroches ñaña etsach-peretareroches attoch serrma'n. Napa' ¿e'ñe't atet sentenen ñerra'mrrate' eñefen? 53 Napa' allponmatuanen allo'tsenen Parets pa'paclo e'ñe parro sesho, eso'mare'tña amaña allempocmaye'ña serrma'ne'te. Tarro'mar te' o' çhap allempo ñeñt poctetsa socop ñeñto'mar te' o' çhap allempoch oneñt'pa' o'ch ortratennas po'huamenc, ñeñt'pa' e'ñe atet ñerra'm checmete'.

Atto Pedropa' a'nasotana Jesús

(Mt. 26.57-58, 69-75; Mr. 14.53-54, 66-72; Jn. 18.12-18, 25-27)

* 22:42 Ñeñt amuerochtatañ ñeñt'pa' po'ñoçh arr atma'ntataret ñerra'mrrate' ñeñt atarr pesherr yorren orramtso.

⁵⁴ Allempoñapa' rremoset Jesúsapa' arr aneret añcha'taret pa'paclo ñeññ pa'mcha'tareter pen allohuen judionesha' po'cornaneshar. Pedroñapa' ñapa'cho'ña cote' tarraña ñapa' chenta' en a'yot. ⁵⁵ Petotña rroch pampopa' all a'torenet tso' all anorrcha'tyen acheñenesha' ñeññ shotetsa. Pedroñapa' all anorros ñama all shotosa. ⁵⁶ Allempoña huapa coyanesha' ñeññ añcha'taret pueñañra. Entosan Pedro all shotenapa' alla cohuos, atet otos:

—Añpa'cho'ña encanesharpa' ñeññramtso yemtaye'ña Jesús.

⁵⁷ Tarraña Pedroña cha a'nasochapa' atet otanña coyanesha':

—Napa' amaca'ye nentare.

⁵⁸ E'ñe o'chtapa' huapa ñama po'psheñeñ entuererrpa' ñapa'cho'ña atet otuererr:

—Papa'cho'ña parroca'ye e'ñe peyemtena.

Pedroñapa' atet otan ñeññ yacmar:

—Napa' amarramche' erra neyemtenoña na epan ña.

⁵⁹ O' tama o'chterrerrpa' o' alla huerrerr po'psheñeñ, ñapa'cho'ña atet otuererr:

—Po'ño'chca'ye añmapa' ñeññca'ye e'ñe yemtenaya tarro'mar ñapa'cho'ña galileo'marnesha'ca'ye atet ñerra'm Jesús.

⁶⁰ Pedroñapa' alla oterranerr ñeññ yacmar:

—Amarramche' neñoteñeña este'ña atarr potenen.

E'ñe allempo atet eñorena Pedro, e'ñepa'tcha' allempocma eñeña atolop. ⁶¹ Allempoña Partsesha' Jesúsapa' cohua' allente'tsen Pedro. Pedroñapa' allenta yerpuerrana atet oteñ Partsesha': "Amach eñena' atollop ñeññe tsaprocma pañapa' o'ch ma'poch pa'nasotenna."

⁶² Allempoña Pedropa' ahuo' a'yo all e'ñe puellqueñesha' yahuosa huomenc.

Atto atarr achmare'teñet Jesús

(Mt. 26.67-68; Mr. 14.65)

⁶³ All yottam̄psateñet Jesús añcha'taret pa'paclo añña solltarnesha' ñeññ cohuan̄psachet ñetñapa' atarr achmare'teñet Jesús all cohuan̄peñet. Atarr chota'teñet. ⁶⁴ Huancac'le'cheñet, pachmare'teño'etpa' atet oteñet:

—Ñehua, te'ña eñoratenperrepa' Parets allochñapa' attoch potey esesha'te'ña pe'chota'tyene'.

⁶⁵ Elloña pachmare'teño'etpa' pa'namen esocmañen otyeñet, sochatse'tyeñet.

Allempo chapata'mueñet Jesús all apcha'muena allohuen judionesha' pa'mcha'tareternesha' ñeññ a'pocatyene' ñoñets

(Mt. 26.59-66; Mr. 14.55-64; Jn. 18.19-24)

⁶⁶ Tsapatña allempo puetarenpa' apcha'muena allohuen ñeññ pompornesha' pen judionesha' epuet ñama ñeññ pa'mcha'tareternesha' pen allohuen judionesha' po'cornaneshar epuet ñama ñeññ atarr etsotayenayeñ ñoñets ñeññ atet anaret. All apcha'muena allohuen judionesha' pa'mcha'tareternesha' ñeññ a'pocatyene' ñoñets, all anma'mueñetña Jesús. Allñapa' a'p'to'tare'tapet, atet otapet:

⁶⁷ —Yapa' te'pa' yemneñ o'ch potosey ñerra'm po'ño'chte' pa' ñeññep Cristotets.

Jesúsñapa' atet otosanet:

—Ama't notatstas na po'ño'ch ñeññen Cristotets sañapa' amachca'ye pocteye' sentno attoch same'ña'na. ⁶⁸ Ñama napa'cho'ña ama't o'ch es na'p'to'tas saña sañapa' amachca'ye sanapnoña namña. Tarro'mar sapa' amachca'ye

semno sa'rroyerren. ⁶⁹ Tarraña te'pa' ama'tcha' atet sepa'noñ te'ñapa' o' e'ñe čhap allempoch o'ch alla nanorruerr Nomp por po'cohuenroť ñeñť atarr ahuamencattetsa, ama't na Ñeñfen Acheñetosets.

⁷⁰ Allempoña allohuenet atet oteñet:

—Ñeñte'pñapa' ¿pa'tarraña Puechemer penña Yompor?

Jesúsñapa' atet oterraneterr:

—E'ñeca'ye po'ñočh ñeñť atet sotenen sa.

⁷¹ Allempoña ñetpa' atet otanna'tyeset:

—Te' yapa' ama yemneñe po'potantañ ñeñťcha' a'metare'tam'psose' tarro'mar te' yapa' allohueney e'ñe ye'mhuen ñeñť atet otena añ acheñer, ñapa' Yomporo' Puechemer. Ñapa' čhaca'ye atarr achm'are'tenan Yompor.

23

Allempo čhapata'mueñet Jesús allo'tsen am'cha'taret Pilato

(Mt. 27.1-2, 11-14; Mr. 15.1-5; Jn. 18.28-38)

¹ Allempoña allohuenet tantrra'tuet, e'ñe parrocm a anmet Jesús allo'tsen am'cha'taret Pilato (ñeñť nen gobierno Romoť ñeñť am'cha'tarettetsa allo'marneshacop). ² Allñapa' atarr otteñe'choset, toma'tam'pesyesoset, ñeñťpa' atet otyesoset:

—Ya añ acheñer čhocma yenteñ yečhatyenan yamo'tseshačhno judionesha' ñeñť ama't mameshapa' ama cohuenayaye, ñama atet oteneý año'ch yetsa'tatsto impuesto ñeñť romo'marneshacop ñeñť nen am'cha'taret Romoť. Ama't ñapa' atet otena ñapa' ño' Cristotets ño' atarr am'cha'tarettetsa arr.

³ Allempoña am'cha'taret Pilatopa' a'p'to'tapan Jesús:

—Papa' ¿pa'tña judionesha' pa'm'cha'tareterep'?

Jesúsñapa' atet och:

—Atetca'ye atet p'tenen.

⁴ Añña ñeñť pa'm'cha'tareternesha' pen allohuen judionesha' po'cornaneshar ñama acheñeneshačhno, ñetñapa' atet otanet Pilato:

—Ñehua, napa' amaca'yeña nentoñeña ñeñť atto ama pocteye' es penoña añ acheñer.

⁵ Judionesha'ña pa'm'cha'tareternesha'pa' alla otereterr Pilato:

—Tarraña yañapa' čhocmaña yenteñ ñeñť atet yečhatyenan acheñenesha' attoch atpare'tatenanet gobierno. E'ñe Galileoteñ atet pena, ama't te'pa' o' čhap ñama arr Judeo e'ñe attecma o' yečhatuerrerr ñeñť ama cohuenaye' yenteno ya.

Allempo čhapata'mueñet Jesús allo'tsen ñama am'cha'taret Herodes

⁶ Atto' e'mñotenan judionesha' atet otyenet e'ñe Galileoteñ yečhaten, allempoña Pilatopa' atet a'p'to'tanet:

—Jesús pa' ñapa' ¿galileo'marnesha'tña?

⁷ Allempoña eñotachet ñapa' po'ñočha'ye galileo'marnesha' allempoña Pilatopa' atet cotape'ch ñeñťpa' Herodesocpaca'ye tarro'mar ñapa' ñeñť am'cha'tarettetsa galileo'marneshacop. Ñeñťo'marña ñapa' mueñan Jesús Herodesesho tarro'mar Herodespa' allempo čhap Jerusaléno all emo'ten.

⁸ Herodesñapa' e'ñe pocsheñesha' agapaneñ Jesús tarro'mar ahuatoteñ atarr mueneñ o'ch eñch tarro'mar ñapa' atet e'mare'tenan Jesús ñeñť atet pa'yena. Ñapa' añecopña atarr mueneñ o'ch orrtatoñ ñama ñeñť atet pa'yena orrtatyese' ñeñť ama puentareto. ⁹ Atarr es

a'p̄to'tare'tapaneñña Jesús tarraña ñapa' ama anapanoña Herodes ama't e'ñe parrocha. ¹⁰ All tom'cha'toset ñaña allohuen am'cha'taretnesha' ñeñt pa'm'cha'taretnesha' pen allohuen judionesha' po'cornaneshar ñaña allo'tsen ñeñt atarr etsotayenayeñ ñoñets, ñetña allpa' otteñe'chuereterr Jesús all Herodesho, pa'namen otyesuerreterr. ¹¹ Allempo Herodes ñaña allohuen po'sollarneshar ñetpa'cho'ña puerrapsoñet ñamet. Achm'are'chet all che'tatseteñet. Pueche'tatseteño'fet chorrachet am'cha'taret pa'shtam ñeñt atarr cohuen. Allempoña Herodespa' o' alla mueño'ter Pilatesho. ¹² Ñeñto'marña Herodes epuet Pilatopa' e'ñe allempocma amo'tstannerret tarro'mar ahuañmo'chapa' cha e'moñe'tannenet.

*Atto am'cha'taret Pilatopa' otanet ama'tpa' chosa muetse' Jesús
(Mt. 27.15-26; Mr. 15.6-15; Jn. 18.39-19.16)*

¹³ Allempoña Pilatopa' alla ap'chaterran ora allohuen judionesha' pa'm'cha'taretnesha' ñeñt po'cornaneshar pa'm'cha'taretnesha' ñaña po'potantañ judionesha' pa'm'cha'taretnesha' ama't ñaña allohuen acheñenesha'. ¹⁴ Pilatoñapa' alla otapuerraneterr:

—Añ acheñer ñeñt sehuapatennan ñeñt soten sa ahuo' ye'chatyasan acheñenesha' ñeñt ama cohuenaye' senteno sa, te'ña napa' o' na'p̄to'tare'tue ama't allempo allo'tsa'yenes tarraña nañapa' ama't parrochapa' ama nentoñeña ñeñt atet sotyen atto' pena ñeñt ama cohuenayaye. ¹⁵ Ama't ñaña Herodespa' ama entoñeña ñeñt ama pocteye' ye'chcateno, ñeñto'marña o' alla mueñer nesho. Po'ño'chpa' amaca'ye eñalleña ñeñt atet pen ñeñt ama cohuenaye' yenteno allohueney attotcha' yemtsatach. ¹⁶ Ñeñto'marña na te'pa' attachca'ye necoñchach mame'pa' o'ch alla na'rroyer.

¹⁷⁻¹⁹ Tarraña allohuen judionesha' puerrannarteño'fet atet ochet Pilato:

—Pemtsatachñaca'ye, añcha'ña pa'rroyerrnay Barrabás.

Ñehua, ñeñt Barrabás ahuañmo'choteñ yottam'peñet tarro'mar ña ye'chatene' acheñenesha' atpare'chetepa' am'cha'taret ñeñt nen gobierno' Romot. E'ñe patpare'teño' o' muetsan acheñ. Ñehua, ñetpa' atet ye'chenet. Pate'tets pascuapo ñeñt am'cha'taret ñeñt nen gobierno' Romotpa' o'ch a'rroyerrñañet judionesha' puesheñarr pamo'ts ñeñt ayottam'psarettetsa ñerra'm erra'tsen muenenet ñet, ñeñt'pa' añecop a'rroyenanet attoch coshatenan judionesha'. ²⁰ Ñeñto'marña Pilatopa' atarr mueneñeñ o'ch a'rroyerranet Jesús, ñeñto'marña alla a'p̄to'terranerr allohuen acheñenesha'. ²¹ Tarraña ñetñapa' ama't mameshapa' amaña pocteye' enteñeto. Elloña ñeñfapa' rrannartet allohuenet, atet oterete't:

—¡Pecorso'tam'psach! ¡Pecorso'tam'psachñaca'ye!

²² Poma'pocheño Pilatopa' alla otterranneterr:

—¿Eso'mare'tña semneñña o'ch necorso'tam'psach? Napa' amaca'ye nenteññañeña ñeñt atto ama pocteye' es peno attoch yemtsatach. Ñeñto'marña napa' attachca'ye, necoñchach mame' allempopa' o'ch alla na'rroyer.

²³ Tarraña ñetpa' ama ca'chpueñeto otare'tet. Elloña ñetpa' e'ñe puerrannarteño'fet atarr enamueñet attoch corso'tam'psach. ²⁴ Ñeñto'marña Pilatopa' ame'ñachet. Attoña ñapa' atet eñora:

—Te'pa' o'ch atet neponas eñañ atet atarr semnen sa. ²⁵ Ñeñto'mar allempo a'rroyanet Barrabás ñeñt enamueñet ama't ñeñt patparño' yottam'peñet ñaña puentseño'f acheñ. Tarraña Jesúsñapa' o' apanet attoch muetset ñeñt atarr muenenet ñet.

*Atto corso'tam̄psoset Jesús
(Mt. 27.32-44; Mr. 15.21-32; Jn. 19.17-27)*

²⁶ Allempo anmet Jesús a'yo allcha' corso'tam̄psoset. Allña oñenetpa' allñapa' poctet puešheñarr yacma ñeñt' cireneo'marnesha' ñeñt'pa' añ pa'so'cheñ Simón ñeñt' errete' huerrtsa a'yoť. Ñeñtña rremapetpa' o' chechatnomet Jesús po'corsoch ñeñtña anmue'ña chenta'.

²⁷ Allñapa' coťa'huanem̄ shonte' acheñenesha', shonte' coyaneshačhno ñeñt' atarr ya'na'tnene' Jesús chenta', atarr gogaretyesnet puellquëñoťet.

²⁸ Tarraña Jesús'pa' allenta cohua'nmanet, atet otnomanet:

—Nočhanesha ñeñtes jerusaléño'marneshas, amach atarr seya'na'tatsteno na. E'ñe socpa atarr seyahuena sacñefaretolleshohuen. ²⁹ Tarro'mar esempopa' thocmach huaponasa ñeñt'cha' atarr sellcaterre'. Allempoña coyanesha' ñeñt' ama achoyore'tñepa' ñocpuetñapa' e'ñech cohuen entaretterret allempo tarro'mar ñetpa' ama eñallete puechoyoreshet ñeñt'cha' atarr muerochterrtsa. Ñeñto'marña allempopa' otyerrcha' allohuen acheñenesha': "O' atarr cosheñto'tsenterra muečhoñpnanesha', ama't allohuen ñeñt' ama achoyore'tñe, ama't allohuen ñeñt' ama es moma'yeneto." ³⁰ Tarro'mar allempo puemuerochteñoťet e'ñe puellquëñoťetpa' atarrcha' ya'ñameterret. Pueya'ñameteñoťetpa' e'ñech pocte' entyerret ñegatañperretepa'to' attoch pampueranet e'ñe poctacma. Allochñapa' o'huañcha' allo'na atarr nanac muerochtenet. ³¹ Tarro'mar te'pa' atto muerochtatennet na ama't napa' e'ñe cohuen es norrtatyeneñ, e'ñe atteneñ ñerra'm tsach e'ñe cohuen emmo'rate'. Ñeñto'mar te' napa' neñtoñ elloña atarrcha' amuerochtataretterra ñeñt' ama cohuenaye' es orrtaten; ñeñt'ñapa' e'ñe atet pena ñerra'm tsach rromuech. Arrpa' allohua atet otnomanet Jesús allempo aneñet allcha' corso'tam̄psoset.

³² All aneñet ñaña epsheña ñeñt' amtsañ ñeñt'cha' epuet corso'tam̄psoset.

³³ Allempoña čhapachet all oteñet Poñetallepno, allña corso'tam̄psosetña epuet ñaña epsheña ñeñt' amtsañ, puešheñarr nosñañet po'cohuenroť, po'pšeñeññapa' nosñañet pue'chcoterot. ³⁴ E'ñe allempo corso'tam̄psosetpa' Jesúsñapa' atet ma'yocham̄psosana ñeñt' e'moñe'tene', ñeñt'pa' atet ot:

—Nompurcha' te'pa' pepretanetepa'ch tarro'mar ñetpa' po'ñočhpa' ama eñoteneto ñeñt' atet yečcatenet, ñeñt' ama pocteyaye.

Allempoña solltarnesha'pa' yellsheñe'chatoñet pa'shtam po'suertot attoch orrta puešheña'tets ñeñt'cha' yorayese' poema'tets. ³⁵ Acheñenesha'ñapa' atta cohuanrrorteñet all tomčhenet a'yenet. Pa'm̄cha'tareterneshet ñetñapa' atarr es otnare'teñet, atet otatse'tyeñet.

—Te'ña p̄apa' o' p̄a'queshp̄atyes po'potantañ, te'ñapa' p̄a'queshp̄aterra e'ñe p̄añeña ñerra'm po'ñočhte' ñeñtep̄ acren Yompor ñeñt'cha' Cristotosets.

³⁶ Solltarnesha'pa'čho'ña atarr achm̄are'teñet, che'tatseteñet. Pueche'tatseteñoťetpa' ponem̄yepa' aposet vinos ñeñt' atarr chella'se'.

³⁷ Pachm̄are'teñoťetpa' atet otyeñet:

—Ñerra'm p̄a po'ñočhte' ñeñtep̄ pa'm̄cha'tareter pen judionesha', te'ñapa' p̄a'queshp̄aterra p̄añeña.

³⁸ Ñehua, poñoť all corsocho all noñet tsachtall aquellcaret' ñeñtña quellecpa' atet oten: "Añpa' ñeñt'ca'ye judionesha' Pa'm̄cha'tareter." Ñeñtña quellecpa' ñeñt' anaret ma'po'mar ñoñets—griegach, latinach ñaña hebreyach, e'ñe attecma oten.

³⁹ Puesheñarrña amtsañ ñeñt parro corso'tampeñet, ñapa'cho'ña achmare'ch. Potnare'teño'pa' atet oteñ:

—Ñerra'm po'ñochte' Cristo'ppa' pa'qeshpaterra pañeña, yapa'cho'ña o'ch pa'qeshpaterrey.

⁴⁰ Po'psheñeñ amtsañpa' che'ptare'ch. Pueche'ptare'teño'pa' atet och:

Papa' eso'mare'tña ama pemcha'na'teñeña Yompor, ama't parro amuerochtatare'tey. ⁴¹ Tarraña yocoppa' e'ñeca'ye pocte' yemuerochtena tarro'mar ñeñ'pa' añ tsa'tatenyet ñeñt allpon yeye'chcatyen ñeñt ama cohuenayaye ama't e'ñe mamesha. Tarraña añ acheñer ñeñt parro muerochtatenyet ñapa' ama es ye'chcateno ama't mamesha ñeñt ama pocteyaye.

⁴² Allempoña ñapa' atet otan Jesús:

—Napa' peyerpa'huerrno'tach allcha' pa'mcha'taretetuerra.

⁴³ Jesúsñapa' atet och:

—Napa' po'ño'chca'ye nota'p, e'ñe tayecma parro'tseneycha' cosheñtso.

Atto rroma Jesús all po'corsocho

(Mt. 27.45-56; Mr. 15.33-41; Jn. 19.28-30; Heb. 9.11-14)

⁴⁴⁻⁴⁵ Allempoña chap pocto atsne'pa' o'huañ atsnom, o' e'ñe checmetua erraparen añe patsro. O'ña ellerrotnenmochapa' o' alla puetarerr. Allempoña ñeñt besom allo yottampeññañet Parets pa'paquell po'ponro ahuepa't rrrarra'nom e'ñe poctacma, o' e'ñe ellopa'tetsta. ⁴⁶ Allempoña Jesús'pa' rrana. Puerranarotpa' atet ot:

—Nomporcha' te'pa' o' nepomuerra e'ñe p'ocop e'ñe necamquëñohuen.

E'ñe ñeñta otuapa' o' rroma.

⁴⁷ Solltar po'captaner ñeñt romo'marnesha' ñeñt corso'tam'pse', allempo atet ent atet o' pa, ñaña'pa' allenta aye'chochtatan Yomporpa' ñapa' atet ot:

—Añ yacmarpa' po'ño'chuaca'ye e'ñe attota o' yemtsater, amaca'yeña eñalleña attoch yemtsataterëñ.

⁴⁸ Ñaña allohuen acheñenesha' ñeñt allo'tsa'yen ñeñt ente' ñeñt atet o' pach o' yoro'chtach, ñetñapa' puellquëñesha' na'yesnerret pot puesomapo ahuanerret. ⁴⁹ Allohuen ñeñt atarr yemtaye't Jesús ahuañoteñ ñaña allohuen coyanesha'chno ñeñt cota'huanmue' Galileot ahuañoteñ, ñetñapa' alla tom'cha'tyenet a'yenet allot atta cohuanrrroteñet ñamet.

Atto pampuet Jesús

(Mt. 27.57-61; Mr. 15.42-47; Jn. 19.38-42)

⁵⁰ Eñall puesheñarr yacma ñeñtara judionesha' ñeñt e'ñe cohuen acheñ e'ñe pocte' es pa'yen, ñeñ'pa' añ pa'so'cheñ José ñeñt arimateo'marnesha'. Ñapa'cho'ña puesheñarr ñeñt pa'mcha'tareter pen allohuen judionesha' ñeñt parrocmachocmach ap'chenet epuet po'potantañ am'cha'taretnesha' attoch a'poctatenet ñeñt llequëna allohuen judionesha'. ⁵¹ Ñehua, ña ahuaña allempo ap'chenet parro po'potantañ am'cha'taretnesha' atto o'pateñet Jesús o'ch muetsatachet, ñaña'pa' ama't mameshapa' ama pocteye' eñche. Tarro'mar ñapa' ñeñt atarr cohue'ne Yompor esempohuañencha' o'ch atarr ayochreshatterra. ⁵² Ñeñtña José'pa' o' ahuo' Pilatesho o'ch oteña' pocte'ch eñch ñach a'suatose' Jesús ñeñt rromuets corsocho. ⁵³ Pilatoñapa' e'ñe pocte' eñch, ñeñto'marña ñapa' a'suater corsocho' allempoñapa' ep'atse'ch shetamtso ñeñt e'ñe cohuen, allempoñapa' anem' allcha' pampueña'. All

eñaref mapuetpon all ama apamparettena' po'poñ arromñañ, allca'yeña nana'ña Jesús. ⁵⁴Ñehua, allempo pampuet Jesús'pa' ñeñpa' añe yetro allempo chocma añño'tena judionesha' ñeñt' tsapatecop allempoch ameserreterr. Ñehua, allempo pampa'huet Jesús'pa' o' ellerren, ñeñto'mar judionesha'pa' o' mottan ñeñt' tsapatecop allempoch amesa'muenet e'ñe poctacma.

⁵⁵Ñeñña coyaneshačhno ñeñt' atarr yemtenaya Jesús ñeñt' cota'huanmue' ahuañoñeñ Galileot, ñetña'pa' cota'huanmet all pampueñeta' attoch eñchet allcha' neret Jesús. ⁵⁶Allempoña ñet onacherret allotpa' o' chacherret pocollo, ñetña'pa' allohuenetpa' yorayesuerret ñeñt' atarr eñmosatečhno alloch a'yana'tereta' Jesús ora po'chtsuhuen attoch e'ñe cohuen eñmosaftatereta'. Ñeñpa' e'ñeca'ye atet yečhenaña judionesha'. Ñetpa' alla añño'tuaneñetña eñmosatečhno tarro'mar tsapatpa' amach serreto puepampro tarro'mar tsapat'cha' čhapa'muen ñeñte yetro allempo chocma amesen judionesha' ñeñt' atet anarettenet ñocpuet.

24

Atto tanterra Jesús

(Mt. 28.1-10; Mr. 16.1-8; Jn. 20.1-10)

¹ Allempo o' huañ yetñats allempo amesenet, allempo motta'muena yetñats temenc coyaneshačhnoñapa' e'ñe ahuatecma ahuanma'muenet all pampueñet Jesús. Anma'mueññañet eñmosatečhno ñeñt' o'patateñet alloch a'yana'toset. Allña'pa' cota'nma'muenanet po'potantañ coyaneshačhno.

² O'ña čhacha'ta'muenet allpa' mapue'ña ñeñt' allo mopañpset Jesús ñeñt' puepampuer p'achet ama atteraye' entoseto ñeñt' atet pañpset po'poñ ellerro. Entoset mapue' o' a'rrote'tarettena a'yenet. ³ Allempoña ñetpa' esho'tra'toset mapuetpono ñeñt' puepampuer p'achet amaña esesha' entosayeña arromñañ all net. ⁴ Ñetña'pa' čha muene' yoruoset ama eñoteñeto erročha'ña p'oset. E'ñe allempo atet cotape'chyenet ahuepa'tcha' orrtapanet epsheña yacma alla tomčha'toset e'ñe allo'tsa'yenet, atarr cohuen popuetyenet pa'shtamuet. ⁵ Ñetña pueyorñotetpa' atta mo'crra'tyeset patso. Pomčhañotet ama eshcaye' cohua'pseto allenet ten. Ñeñña yacma epsheñapa' atet otosanet:

—Ñeñt' ama arromñañeshayaye, eso'mare'tña se'name'teñña arr allecma nanna arromñañesha'. ⁶ Te' ñapa' amaca'ye allo'tsenarayaye arr, o'ca'ye tanterra. Ama't seyerpueñoña ñeñt' atet otase't ama't ahuañmo'choteñ allempo Galileot'senmeñ. ⁷ Ñeñpa' atetca'ye otase't ñapa' ña Ñeñt' Acheñetosets chocmach pomueret attoch erroťuanen per po'poñ acheñ ñeñt' atarr ochñañesha' attoch corso'tañperet, tarraña poma'pamtañoñapa' chocmach tanterra.

⁸ Allempoña ñetpa'čho'ña allenta yerpueret atet otanete't ahuañmo'choteñ Jesús. ⁹ Allempoña coyaneshačhno'pa' onacherret puepampro, chacherret pocollo'pa' serrpare'tatueret Jesús puellsensarnesha' ñeñt' čharrasheña ñeñt' puesheñarraña o' puecherra ñaña po'potantañečhno ñeñt' pueyochresha' pen. Coyaneshačhnoñapa' serrpare'tueret allohuen ñeñt' atet enta'muenet Jesús puepampro. ¹⁰ Ñeñt' serrpare'tatenaya' Jesús puellsensarnesha' ñeñt'pa' añ María Magdalena ñaña Juana ñaña po'psheñeñ María ñeñt' Jacobo

pachor ñaña po'poñechno coyaneshachno. ¹¹ Tarraña Jesús puellsensar-nesha' allempo serrpare'tatosanet coyaneshachno ñeñt atet entua'muenet, ñetñapa' ama't mameshapa' ama ame'ñyetoña coyaneshachno, cha otenapuetañ atate' otatse'tyen coyaneshachno.

¹² Tarraña Pedroñapa' allenta ta e'ñe matenacma. O'ña chap ñaña puepampropa' mo'cosa, cohuos o'pononet all net. Ñapa'cho'ña ama entose, shetamtsa entos allo epatse'chet alla o'shshe'ma'yena a'yenet. Ñapa'cho'ña ahuerr pocollo ama eñoteñe ñato' erro'tsente'.

Atto Jesúsapa' rremuerrana' epsheña pueyochresha' toño allempo senet Emaúso

(Mr. 16.12-13)

¹³ Ñeñte yetrocma epsheña pueyochresha' ñetñapa' arr senet anetso ñeñt pa'so'cheñ Emaús. Ñehua, ñeñt pa'so'cheñ anets Emaúspa' Jerusaléño'teñpa' allo'tsente' charra' puechena paterr kilómetro choycha' chapats anets Emaúso. ¹⁴ Ñetñapa' e'ñe pueserrparñesha' senet, añ serrpare'tyesnenet ñeñt allpon atet o' pohua. ¹⁵ All senet e'ñe pueserrpare'teñshetpa' anapanna'tyesnenet Jesúsñapa' alla rremuerraneta'. Allempoñapa' chope'chnomuet e'ñe parro o' ahuanmuet anetsonet. ¹⁶ Tarraña ama't entapetañña Jesúsapa' ñetñapa' cha ottenet ñerra'mrrate' ama amnataretteneto attoch cheme'tapet, ama esesha' cheme'taye. ¹⁷ Jesúsñapa' atet otosan pueyochresha':

—¿Eso'tña seserrpare'tyesnen? ¿Eso'mare'tña cha atarr sellca'нена?

¹⁸ Puesheñarrña ñeñt sochetsa Cleofas, ñañapa' och:

—¿Ama't peñoteñeña allohuen ñeñt Jerusaléño'tsen ahuañoteñ o' e'ñe e'mare'tuet ñeñt atet o' metua all? Papa' ¿paptate'ña ñeñtep taya chapats all Jerusaléño ñeñtep ama eñotosaye ñeñt atet o' pohuerret Jerusaléño?

¹⁹ Ñañapa' atet otnomanet:

—¿Eso'tña ñeñt atet o' pohuerretña all?

Ñetñapa' alla otneretter:

—Añca'ye yeserrpare'tnen Jesús ñeñt nazareto'marnesha' ñeñt a'mtene' Yompor po'ñoñ ahuaña. Po'huamencot orrtatennay po'partsoña ñeñt ama't ahuaña yapa' ama yentare. Ñaña atet ye'chatyese't ñeñtapa' atarr cohuen. Ñeñtapa' e'ñe pocte' entapreteñ Yompor; acheñenesha'pa'cho'ña e'ñe pocte' enteñet. ²⁰ Tarraña ya'mcha'tareternesha' ñaña ñeñt pa'mcha'tareternesha' pen allohuen judionesha' po'cornaneshar, ñetñapa' o' pomueret Jesús atotca'yeña o' muetsatateret, ñeñto'marña o' corso'tamperet. ²¹ Tarraña yapa' ñeñtca'yeña atarr yemneneñ ñato' ñach ya'rroyatatosayeñña allohueney ñeñtey israelena'tarey (atto añcha'nochtana'tenya romo'marnesha' ya ya'netsro). Tarraña te'ñapa' chaña o' muetseret. Te'pa' o'ca'ye ma'pamta'muen. ²²⁻²³ Ñaña te'ña coyaneshachnoña ñeñt parro yeyemtena, ñetñapa' ahuatecma ahuanma'muenet o'ch enta'mueñet puepampro ñetñapa' año' eseshaye' entosayeña puepampro all neretañ. Allempoña huachherret puepamprot atet serrpare'tatuerryet, allñapa' año' orrtahuet mellañoteñ ñeñto'ña otahuet Jesúsapa' o'ca'ye tanterra o' alla betterra. Ñeñto'marña yapa' ñeñtña atarr yeyore'tene'. ²⁴ Allempoña ñaña allponsheña ñeñt parro yeyemtena, ñetpa'cho'ña allenta ahuanmuet ñamet puepampro. E'ñe atet otuerrey coyaneshachno, ñetpa'cho'ña ama eseshaye' entosaye.

²⁵ Jesúsñapa' alla otnerraneterr:

—Sapa' ama es sechenoyoña seyoçhro, atarr se'charrtaten seyoçher attoch e'ñe same'ña'huaña ora ñeñt atet eñosyese't Cristocop allohuen ñeñt a'mta'yese't Yompor po'ñoñ ahuatoteñ. ²⁶ Ama't seño'teñaña ñeñt'cha' Cristotatspa' atetca'ye anare'tña ñocop ñapa' atarrcha'ca'ye amuerçhataretuetanena çhoch rromats. Elloñapa' o'ch alla çherr esempo allempochña e'ñe cohuen a'cohuentataretterra.

²⁷ Allempoña Jesús'pa' o' yerpatnerraneterr ora allohuen ñeñt atet anaret añecop ñeñt'cha' Cristotats. E'ñe Moisés po'ñoñoteñ yerpatnomanet ña'ma po'potantañeçhno po'ñoñ ñeñt eñosyestse't Cristocop, ñeñfara ñeñt a'mta'yese't Yompor po'ñoñ ahuat.

²⁸ Allempoña'pa' çhapmochet anetso all sechenet. Jesúsñapa' çha otetnena ñerra'm ñapa' amtoche'ch. ²⁹ Ñetña alla puepateño'fetpa' atet ochet:

—Allahca'ye yetchap arr parro o'ca'ye tsapuenmoch.

Allempoña Jesús'pa' be'tosos allcha' çhapuet. ³⁰ Allempoña anorrçha'toset allcha' rrallme'çhoret. Jesúsñapa' chetosan pan, parasyoso'tamñpsosan pan, shota'tospa' apa'yesosanet. ³¹ Allempo atet posa, pueyochresha'ña epsheñapa' çha e'ñe cheme'toset añpa' ñeñt'epa'tca'yeña Jesús. E'ñe allorocma ñetpa' o' amnataretterret attoch e'ñe cheme'teret. E'ñe cheme'terretpa' allepa'tcha' ma'natanperranet. ³² Allempoña ñetpa' atet otanna'tyaset:

—Ñeño'marepa'tca'yeña atarr nanac coshatosey ñorra' ama't çha yel-lquëna yeyoçhro allempo serrpare'tatnomuey toño all yerpatnomya Yompor po'ñoñ ñeñt atet ana'yese't e'ñe ñocop.

³³ Ñetña e'ñe allorocma tantra'terretpa' o' alla ahuanerret Jerusaléño. Allña'pa' o' çherret allo'tsa'yen po'potantañ puellsensarnesha' ñeñt o' çharrasheñaña puechena puesheñarr. Allo'tsen ña'ma po'potantañeçhno.

³⁴ Allña ñetpa' atet otueret po'potantañ:

—Po'ñoçhca'ye o' tanterraña Yepartseshar. Ellonetña'pa' orrterrana ña'ma Simón.

³⁵ Allempoña ñetpa' serrpare'tueret ñeñt atet enteret toño ña'ma all shota'tosan pan, attoña ñetpa' allña e'ñe cheme'tosetña Jesús.

Atto Jesús'pa' orrterrana allohuen pueyochresha'

(Mt. 28.16-20; Mr. 16.14-18; Jn. 20.19-23)

³⁶ Ñeña atarr otatsetyenetpa' Jesúsñapa' çhepa'tcha' tomhuets e'ñe all chorren allohuen pueyochresha'çhno. Alla huom'cha'tuenanet, puehuom'cha'tueño'fanetpa' atet otuenanet:

—Te'pa' çhosaña e'ñe cosherrtsa seyoçhro.

³⁷ Tarraña ñetña'pa' çha atarr yore'tuenanet, çha atarr mecha'trra'tet, çha otenapuetañ choyeshe'matste' orrterranel. ³⁸ Jesúsñapa' atet otuenanet:

—Eso'mare'tña saña'pa' çhaña seyoren. Eso'mare'tña saña'pa' çhaña atarr se'charrtatenña seyoçher. ³⁹ Te'pa' o'ch secuapuennan not ama't ña'ma netac attoch e'ñe seño'tapuerren naca'ye. Sa'p'lapuennan nechets, se-cua'yeseapuennan nechets allochña'pa' o'ch e'ñe seño'tapuennen. Napa' ñeñten echtsoten, choyeshe'matspa' amaca'yeña echtsoteyayeto ña'ma amaca'ye anpateyaye atet o' sentapuennen napa' echtsotenca'ye ña'ma anpatenca'ye.

⁴⁰ Allempoña'pa' gatuenanet pot ña'ma pa'tac. ⁴¹ Ñetña'pa' atta cohuanr-rortapueñet. Ama't atarr coshapueñetañpa' amaña e'ñeye' ame'ñapueñeto ñato' po'ñoçhte' Jesús. Atta echarrtatenet pueyoçher tarraña Jesúsñapa' atet otnerraneterr:

—¿Arrpa' ama't secheno ama't coñe'ta rreñets?

⁴² Ñetña'pa' aña apapueñet pashepar cac achmaret ñaña pets pocoyem' all nenan po'moñ. ⁴³ Ñeña agaphuenpa' o' rrohueñ all chorrenet attoña ñetpa' entapueñet. ⁴⁴ Allempoñapa' atet oterraneterr:

—Ñeñt atet notase't allempo orameñ allo'tseney e'ñe parro, ora allohuen ñeñt atet anaret ahuatoteñ Yompor po'ñoño nocop, ñeñña te'pa' o' e'ñe etsotuerria—e'ñe Moisésoteñ po'ñoñ ñeñt atet anaret ama't ñaña ora allohuen ñeñt quellca'yesone't ñeñt a'ñta'yesaye't Yompor po'ñoñ, ama't ñaña ñeñt aquellcattate't libro Salmos, te'pa' ñeñña o' e'ñe etsotuerria ñeñt atet ana'yesaret nocop ahuatoteñ.

⁴⁵ Allempoñapa' o' chapatanet pueyoçhreto allohuen ñoñtsoçhno ñeñt aquellca'yesaret ñocop. ⁴⁶ Jesúsñapa' alla oterraneterr:

—Po'ñoçhpa' allohuen ñoñets ñeñt aquellca'yesaret atetca'ye oten ñeñtcha' Cristotosetspa' çhocmach po'ñoçh rromos, tarraña poma'pamtañoñapa' o'ch alla tanterra. ⁴⁷ Attoçhña serrpare'teret Cristo e'ñe Jerusaléño'teñ erraparen ora allemeñ allohuanen acheñenesesho'mar. Attotcha'ña acheñenesha'pa' o'ch cotape'cherret ello e'ñe cohuen Yomporecop allochñapa' attoçhña o'ch e'ñe a'pretna'huare'tterret allohuenet po'chñaret. ⁴⁸ Jesúsñapa' atet oterraneterr:

—Te'ña sapa' o'ch sa'poterrnan ora ñeñt allpon atet sentyesne't ama't teme'ttsen. ⁴⁹ Ñaña sa te'pa' ellonet o'ch atet notnerres, po'ñoçhca'ye napa' nemñohuerrnascha' Yompor Puecamquëñ entot ñeñtcha' e'ñe sechorra'yesaya e'ñe puesheña'ttsos ñeñt atet oten Yompor ñeñtcha' e'ñe apa'yeres. Tarraña sañapa' allasach anetso Jerusaléño, esempohuach chor-ratasa Parets Puecamquëñ ñeñtcha'ña ahuamencat sepa'yesose' ñeñtcha' apuerres Yompor pue'ntañot.

Allempo a'terr Jesús pue'ntañ

(Mr. 16.19-20)

⁵⁰ Allempoña Jesús err Jerusaléño't, ahuanerran pueyochresha'çhno a'yo anetso Betanio. Allñapa' echantosan potpa' bensare'tam'pesyesosanet.

⁵¹ E'ñe puebensare'tam'peño'fanetpa' allñapa' a'tenoche' pue'ntañ o' so-huanenanña pueyochresha'çhno. ⁵² Ñetña allempo atet entapueret Jesús ahuerri pue'ntañopa' pa'ye'choçhtateñesha' ma'yochnerretpa' ahuanerret Jerusaléño e'ñe pocsheñeshocmañenet. ⁵³ Ñetña allempopa' ellapenete't Parets pa'pacillo all atarr aye'choçhtateññañet Yompor. Ñeñtapa' atetepa'ch Nompore. Allohua.

COHUEN ÑOÑETS ÑEÑT QUELLCA' SAN JUAN

Ñeñt Po'ñoñ pen Parets ñeñña acheñetosets ñeññara ñeñt Cristoterrets

¹ Ahuatoteñ e'ñe ñanom pa'motroteñ Cristoñapa' eñalla epuet Pompor Parets. Ñaña'pa' ñeññara ñeññcha' Po'ñoñ pa' Parets tarro'mar ñach eñotaterre' acheñenesha' atet oteñ Yompor Parets. Tarraña ñapa'cho'ña e'ñe atecma partsoten atet partsoten Pompor ñeññ atarr nanac Parets. ² Allempo er-re' ayeçhcataretta pats, ñaña'pa' e'ñe parro allo'tsen epuet Pompor Parets. ³ Ñeñño'marña allohuen esocmañen ñeññ eñall, ñapa' ña e'ñe yeçhcatue' ñeññ atet muenet epuet Pompor. Ñeññ allpon eñallpa' ama eñalle ñeññ ama yeçhcato ña, ama't esotolla, ñocma pueyeçhcatar. ⁴ Ñaña'pa' añepa't ñeññ alloch e'ñe yocrrena. Ñeññña alloch e'ñe yocrrenapa' ñeññcha' yeñotaterre' allohuen ñeññ cohuen enten Pompor Parets. Ñeñño'mar ñapa' atet pena ñerra'mrrate' puetare' tarro'mar ñapa' ñach a'puetarsamperre' allohuen yocpañña. ⁵ Ama't atet pena sosya'tsañeçhno añe patsro ñerra'mrrate' checmete', ñaña'pa' e'ñe a'puetaresuos. Checmete'ña'pa' ama't ahuatapa' amach errotentot a'cheçmetamperrano ñeññ puetarñatser ñeññ Yompor po'cohuenña.

⁶ Ama't allempo ama orrtena' Cristo ñeññcha' puetarñatsotosets arr patsro, ñanempa' añ orrtatsa puešeññarr yacma ñeññpa' añ pa'so'cheñ Juan; ñapa' Yompor llesense'. ⁷ Ñapa' añecop huapa ñach a'potose' attoch huapa Cristo arr patsro ñeññcha' a'puetarsamperre' allohuen yocpañña. Attoña ña po'ñoñopa' ame'ñatosana acheñenesha'. ⁸ Tarraña Juanpa' ama añeyaye ñeññcha' puetarñatsotosets arr patsro; ñapa' añecpa huapa attoch a'potosan ñeññcha' a'puetarsam'psañtostsa. ⁹ Allempoña çhap añe patsro ñeññ puetarñatsotosets tarro'mar añ puetarñatser ñeññ e'ñe po'ñoçh ñeññcha' a'puetarsam'psose' allohuen acheñenesha' poçtañña, ñeññpa' alletsa, o'ch orrtosa añe patsro.

¹⁰ Ama't añ patspa' ño pueyeçhcatareñ, acheñenesha'ña arr patsropa' arepa'tcha' cohuenaye' agapapeto tarro'mar ama eseshaye' eñotapaye. ¹¹ Ama't arr çhapañ e'ñe ña pamo'tseshesho, pamo'tsesha'ña'pa' arepa'tcha' cohuenaye' agapapeto. ¹² Tarraña puešeñña'tets ñeññ e'ñe cohuen agapaye-sapue', ama't allohuen ñeññcha' ame'ñerraya ña, ñetñapa' apuerranet llesens attoch e'ñe puechemer perranet Yompor Parets. ¹³ Ñeññ atto puechemer perrey Yompor ñeññpa' ama atteyaye atet ye'ñalletena ya ñeññey arromña'ey. Tarro'mar ñeññ atto ye'ñalletena arr patsropa' ñeññpa' atet anaretey ya ñeññey arromña'ey. Ñaña atto puechemer o' perrey Yompor, ñeññpa' ama añoteyaye ñeññ atet cotape'chateney po'psheññ acheñ poçtañña. Yapa' añofña o' puechemer perrey Yompor atto o' muenaterrey e'ñe ña poçtañña.

¹⁴ Cristoña ñeññ Po'ñoñ pen Yompor o' acheñetos arr patsro, o' yeychañ e'ñe parro mame' añe patsro. Ñapa' atarr amuerañtos. Ñaña atto yeçhatosey Yompor po'ñoñ ñeññña ñoñetspa' e'ñe po'ñoçh atet, ama shequëñtsoyaye ama't mamesha. Ñaña yapa' çhocma yentoñe't po'cohuenña. Ñeññña po'cohuenña'pa' atet ñerra'm Pompor ñeññ po'patror pene' ña. ¹⁵ Allempoña Juan puerranarotpa' a'potan Cristo, ñeññpa' atet eñora ñocop:

—Añmapa' ñeñfca'yeña notase't ahuaña, ñeñfcha' huapatsa chenta' ñapa' atarr ahuamencatesha', nañapa' ama tama ahuamencateyayno, tarro'mar ñapa' ahuatoteñ eñalla. Ama't allempo ne'ñalleta na, ñañapa' eñalla. Ñeñtpa' allohua atet ot Juan ñenmañ Cristocop.

16 Ñapa' atarr amuerañtosa ñeñto'marña allohueneypa' atarr bensare'tañpeney. Allo'na sen yebensare'tañpesnene'. 17 Ñoñets ñeñt atet anaret ahuatoteña' ñeñt quellconay Moisés ahuat. Tarraña Jesucristopa' ñaña orrtatose'ña muereñets ñaña ñapa' añ orrtatonay ñoñets ñeñt e'ñe po'ñoçh Yompor po'ñoñ alloch yequeshperra. 18 Yompor Paretspa' ama't ahuatapa' ama eseshaye' puentare. Po'patrorrña ñeñt Cristotsets ñeñtpa'cho'ña Parets ñeñt e'ñe parro attecmuert; ñapa' ña yeñotaterre'ña atet penaña Pompor Parets.

Juan ñeñt apatañtetsa Yomporecop, ñapa' atarr cohuentatosan Jesucristo (Mt. 3.11-12; Mr. 1.7-8; Lc. 3.15-17)

19 Allempo judionesha' pa'mcha'tareternesha' ñetñapa' mueñet acheñ Jerusalénoñ ñeñfcha' ahuanmatsa Juanesho. Añ mueñet judionesha' po'cornaneshar ñaña leuitanesha' ñeñt po'taruas pene' o'ch torrenet Parets pa'paclo. Ñetpa' añecop amñareñtet ñetcha' a'pto'toset Juan ñapa' esesha'te'ña. O'ña çhapuet ñeshopa' atet otoset:

—Papa' çeseshape'tña, ama't añeyaype ñeñtepcha' Cristoterrets?

20 Juanñapa' ama a'nasoto; atto a'metapa' ñapa' atet otapanet:

—Napa' amaca'ye añeyayno ñeñfcha' Cristoterrets.

21 Ñetñapa' alla otereterr:

—Ñeñtepnapa' çeseshape'tña, ama't añeyaype Elías ñeñt a'mtaye't ahuat Yompor po'ñoñ?

Ñaña'pa' atet oterraneterr:

—Amaca'ye ñeñteyayno.

Ñetñapa' alla a'pto'tereterr:

—Amapa' ñato' çañepñe' ñeñtepcha' a'mterre' Yompor po'ñoñ ñeñt yecuen?

Ñaña'pa' alla oterraneterr:

—Amaca'ye ñeñteyayno.

22 Ñetñapa' alla otereterr:

—Ñeñtepnapa' çeseshape'tña ãa? Yapa' yemneña'ye o'ch potey allochñapa' o'ch yotera' ñeñt yemñene'. Çerrotena'tcha'ña poteyña pocop?

23 Ñaña'pa' atet oterraneterr:

—Napa' nocopca'ye eñose'tña Isaías ñeñt a'mtaye't Yompor po'ñoñ ahuat. Allempopa' atefca' ote't:

E'morrterrach puesheñarr po'ñoñ all amayo allcha' serrpare'taterranña acheñenesha'. Puerranarotpa' añcha' toma'ntaterranet toñ ñapa' atetcha'ca'ye oterranet: “Sa'cohuenetyes toñ allcha' oñmos Partsesha' o'ch e'ñe sa'paçharretyesoñ pa'tep.”

24 Ñehua, ñeñt amñarettatsa Juanesho, ñetpa' añca'ye mueñenahuet ñeñt fariseonesha' ñeñfara judionesha' pa'mcha'tareternesha'. 25 Ñetñapa' alla otereterr Juan:

—Arepa't Cristoyaypepa' eso'maruañaca'yeña ppatenña Yomporecop, arepa't Elíasoyaype, arepa't añeyaype ñeñfcha' a'mterre' Yompor po'ñoñ.

26 Juanñapa' atet oterraneterr:

—Napa' ama't napatyen Yomporecoppa' e'ñeca'ye oñochaya napatyenanet. Tarraña o' çhap sesho po'psheñeñ ñeñt ello atarr sherbets, tarraña sapa' amaca'ye señoeteña sa. ²⁷ Ñapa' ama'tcha' chenta huapapa' ñapa' ñeñca'yeña ello atarr sherbets; ñaña' ama es nesherbena attoch ama't po'sapatreçhapa' o'ch nepyam'pes.

²⁸ Ñehua, allpa' atetca'ye penet all oteñet Betábara allara Jordanaso yom'ta'n tarro'mar Juanpa' allca'ye apatyenanña acheñenesha' Yomporecop.

Jesupa' ñeñt atma'ntataret carrnero ñeñt amsaretatse't ochñartsocop

²⁹ Tsapatña Juan allempto entapan Jesús ñeshonef en, ñaña'pa' atet otan acheñenesha':

—Añca'yeña ñeñt o' llesenserr Yompor ñeñtcha' Po'carrneror pen, ñach yahuanmamperre' yo'chñar allohueney ñeñtey afe patsro'tsa'yeney, tarro'mar ñach rromuerrets yo'chñarecop atetcha' perra atet amsarettena carrnero ochñartsocop. ³⁰ Añmapa' ñeñca'yeña notase't ahuaña: “Ñeñtcha' huapatsa chenta'pa' ñapa' atarr ahuañencatesha', ñaña'pa' ama tama ahuañencateyayno, tarro'mar ñapa' ahuatoteñ eñalla. Ama't allempto ne'ñalleta na, ñaña'pa' eñalla.” ³¹ Ama't na ahuaño'chapa' ama neñoteñe esesha'te'ña ñeñtcha' huapatsa chenta' ñeñtcha' Cristoterrets. Tarraña napa' añeçpaña nohuena nach apatyenomue' acheñenesha' oño, attochña norrtaterrñañ israelena'tarneshacop ñeñt po'ñoçh Puechemer pen Yompor.

³² Allempoña Juanpa' eñotatan acheñenesha' ñapa' atet otanet:

—Na ahuaña allempto napatap Jesús'pa' Yomporña Puecamquëñ e'ñe atet nentap ñerra'mrrate' yep o' sohua'nma entot, çhap e'ñe Jesúsesho. ³³ Ama't allempto napa' ama neñoteñe ñeñt'e'ña Yompor Puechemer tarraña Yompor ñeñt o' llesenserrren attoch napatyesho' oño, ñapa' atetca'ye otenen: “EsemPOCH pent o' sohua'nma Necamquëñ o'ch çhap e'ñe ñesho ñeñtcha' chorrosaya, ñapa' ñeñtcha'ca'yeña chorraterrahuëtña Parets Puecamquëñ.”

³⁴ Na po'ñoçhpa' o'ca'ye neñch ñeñto'mar te'pa' neñotatenes ñeñca'yeña Yompor Puechemer.

Ñeñt ñanom pueyochresha' pa' Jesús

³⁵ Tsapatña' po'pocheño all ten Juan epuet epsheña pueyochresha'.

³⁶ Cohuenan Jesús all chopeñe'chen a'yenet, alla oterraneterr:

—Añca'yeña ñeñt Po'carrneror pen Yompor.

³⁷ Ñeñtña epsheña pueyochresha' allempto e'met atet oteñ Juan, ñetña'pa' allenta cota'nmet Jesús. ³⁸ Puetallesnomtsaña Jesús'pa' entapanet cota'neñet chenta' ñaña'pa' atet otapanet:

—¿Eso'tña semnen?

Ñetña'pa' atet ochet:

—Maestro, ¿erra'tña peçhap?

³⁹ Ñaña'pa' atet otanet:

—Soc'terrenca'ye o'ch senteña'.

Ñetña'pa' allenta cota'neret Jesús o'ch enteñeta' all a'posa. Alla a'poset ñamet ñeñte yetro tarro'mar allemppa' o' mañamena o'ch ellerren.

⁴⁰ Ñehua, ñeñtña epsheño'maret ñeñt e'mue' atet oten Juan ñeñt cote' Jesús, puesheñar ñeñt'pa' Andrés ñeñt Simón Pedro pa'mo'nasheñ. ⁴¹ Andrésña'pa' allorocma ahuer e'nerraya' Simón; o'ña entera'pa' atet otuerr:

—Yapa' o'ca'ye yenter Mesías. (Ñehua, ñeñtña ñoñets Mesías añca'ye otenet ñeñtcha' Cristoterrets.)

⁴² Andrésñapa' allenta anerran pa'mo'nasheñ Simón Jesúsesho. Jesúsñapa' cohuapue'pa' atet otap:

—Pa'tña Simón, ñeñteḡ puechemer pen Jonás. Te'pa' nesocherrepcha' Cefas (ñeñfara so'chñets ñeñt otenet griegatho Pedro).

Atto Jesús'pa' chore'tan Felipe ñaña Natanael atoch pueyochresha' per-ranet

⁴³ Tsapañña Jesús'pa' sechena o'ch ahuerr Galileo. Allña entuenan Felipe ñaña'pa' atet otueñ:

—Ama't pemno o'ch pōctenen.

⁴⁴ Ñehua, Felipe'pa'cho'ña galileo'marnesha', ña pa'netserpa' añ pa'so'cheñ Betsaida ñeñfara ñaña Andrés pa'netser ñaña Pedro. ⁴⁵ Felipeñapa' entue-nan Natanaelpa' atet otueñ:

—Yapa' o'ca'ye yenter ñeñt ñocop quellquë't Moisés all orrtatan ñoñets ñeñt atet anaret, ñaña ñocop quellquë't ñeñt a'mta'yesaye't Yompor po'ñoñ. Añepa'tca'ye Jesús ñeñt huetsa Nazaretot ñeñt José puechemer.

⁴⁶ Natanaelñapa' atet otapan Felipe:

—Nazaretotpa' ama't ahuatapa' amaca'ye huenoña ñeñt e'ñe cohuen achen.

Felipeñapa' atet otererr:

—Po'ñoçh orraca'ye o'ch penteña'.

⁴⁷ Natanaelpa' allenta ahuo' o'ch entenana' Jesús. Jesúsñapa' entapan Natanaelpa' ñaña'pa' atet eñora ñocop:

—Añca'yeña po'ñoçh puesheñarr israelnesha' ñapa' amaca'ye shequëno ama't mamesha.

⁴⁸ Natanaelñapa' atet otosan Jesús:

—Napa' ¿errotēnotē'tña peñotenen? Amaca'ye pentarno.

Jesúsñapa' atet otererr:

—Allempo ama a'sechenḡa' Felipe nesho, allempo ḡapa' alla ḡanen mañto higocho ñaña'pa' nenteneḡca'ye.

⁴⁹ Natanaelñapa' atet otererr:

—Maestrocha' pepa'tña Yompor Puechemereḡ. Pepa'tña Amḡcha'taret ñeñt atarr cohuen allohuen israelnesha'.

⁵⁰ Jesúsñapa' otererr:

—Napa' o' notapḡ napa' nenteneḡ allempo ḡanen mañto higocho, ñeñto'marte'ña o' ḡame'ña'na. Te'ñapa' o'ch notas, elloña te'pa' nanaccha' senterrnan nepartsoña ñeñt ama tama sentennana'.

⁵¹ Jesúsñapa' alla otererr:

—Po'ñoçhca' notenes, senterrcha' enet atoraret ñaña Yompor po'mllañofēñrenesha' a'tachenet ñaña sohuaçhenet e'ñe nesho, na Ñeñten Acheñetsets.

2

Allempo sena'ta puesheñarr yacma all anetso añ pa'so'cheñ Caná allara Galileo

¹ O'ña ma'pamuetuerr allempo çherr Jesús Galileo, allña anetso Caná atarr coshaprechet puesheñarr yacma ñeñt sena'tetsa. Jesúsña pachorpa' allo'tsen. ² Jesúsña epuet pueyochresha'pa' ñetpa'cho'ña ahua'ñaretet allcha' rrallme'chapreteneta'. ³ Allñapa' çha huañapset vinos. Jesúsñapa' atet och pachor:

—Te'pa' ama eñalle vinos, o'çha huañapset.

⁴ Jesúsñapa' atet otan pachor:

—Achocha' eso'mare'tña atet potenenña na. Nocoppa' amaca'ye chena' allempoch es norrtatyes.

⁵ Tarraña ama't atet otaña' pachorñapa' atet otan ñeñt sherbets all:

—Ñerra'm errotench'a' otas nechoyorpa' sañapa' e'ñech atet seña.

⁶ Ñehua, allpa' allo'tsen pechapña orrot mapyem. Ñeñña orrotechnopa' tama ateshamerr, puenñatso orrotpa' ñato' sente' oñ epa galon amapa' ma'pate' galon sets oñ attoch chorrarehua. Ñeñt orrotechnopa' allecma nenet oñ alloña a'cohuentatena judionesha' Partsocop ñeñt atet anarettenet ñocpuet. ⁷ Allñapa' atet otan Jesús ñeñt sherbets all:

—Te'pa' o'ch se'chorrajes oñ orroto.

Ñeñapa' atetcho' pet e'ñe e'chorraresuahuet oñ. ⁸ Allempoña o' e'chorraresuetpa' Jesúsñapa' atet oterraneterr:

—Te'ñapa' o'ch seshe' coñe'tpa' o'ch sanem'allo'tsen ane'tañ.

Ñeñapa' atetcho' pet. ⁹ Allempoña ane'tañpa' allenta amllan oñ ñeñt a'pnasaret vinos ñañapa' ama eñoche errotte' o' huapatetña vinos. Aña eñotene' ñeñt sherbenahuet all ñeñt etasote' oñ. Allempoña amlla'huan vinospa' ñañapa' allenta agotan ñeñt sena'tetsa. ¹⁰ Ñeñtpa' atet och:

—Ñerra'm cho yorppa' añcha'ña ñanom yorrtat ñeñt e'ñe cohuen vinos. O'chña yonuahue ahua'ñaref e'ñe cohuen vinospa' allempochña yapanet ñaña ñeñt ama e'ñe cohuenayaye. Tarraña pañapa' amaña atteye' pepeno. Ñeñtapa' cha'tña pañño'tuaña vinos ñeñt e'ñe cohuen tayaño' porrtach. (Ane'taññapa' atet otan ñeñt sena'tetsa tarro'mar ñapa' ama eñoteñe.)

¹¹ All ñanom entantanet Jesús po'partsoña' ñeñtpa' arr Cano allara Galileo. Attoca'yeña orrtatanetña Jesús po'partsoña'. Allempoña pueyochresha'pa' o' eñochet po'ñoche'pa't ñapa' Parets attoña e'ñe ame'nyet.

¹² Allempoña Jesús'pa' ahuo' Capernaumo pachore'na ñaña pa'mo'nashenechno, ñaña allohuen pueyochresha'. Allñapa' alla allponmateneta'.

Atto Jesús'pa' a'cohuentatosan Parets pa'paquëll

(Mt. 21.12-13; Mr. 11.15-18; Lc. 19.45-46)

¹³ Allempoña chapmoch pascuapo allempoch alla cosherrerr judionesha'. Jesúsñapa' ahuer Jerusalem. ¹⁴ Allña Parets pa'paclopa' entuenan ñeñt pomuene' po'huacsher, ñaña carrnero, ñaña yeþ; ñaña ñeñt canya'yenahuet po'çllayoretpa' ñetpa'cho'ña alla anorrchenet. ¹⁵ Allñapa' pellta'tosan apech pashtarech. E'ñe matatuosan allohuen ñeñt pomatsre'tyetsa Parets pa'paclo, e'ñe ahuanerret po'huacsher ñaña po'carrneroret. Ñaña ñeñt canya'yenahuet po'çllayoretpa' e'ñe yo'patsetam'pesuosanet po'çllayoret pamto. E'ñe a'coye'tam'pesuosanet all na'yenet po'çllayoret. ¹⁶ Allpa' atet otosan ñeñt pomuene' yeþ:

—Te'pa' sahanerr añ arrof. Amach atet sepatstono Nomp' pa'paquëll atet ñerra'mrrate' ñeñt e'ñe pocollenochaya allecma pomatsre'tyenet.

¹⁷ Allempoña pueyochresha'pa' allenta yerpuet ñofets ñeñt anaret ahuatoteñ ñocop, ñeñtpa' atet oten: “Napa' atarrcha' nempa'tonaþ pepaquëll ama'tcha' ñeñto'mare'na muetserrnetañ.”

¹⁸ Allempoña judionesha' pa'mcha'taretnerasha'pa' atet ochet:

—Añña porrtatosnay pepartsoña allochñapa' attochña yeñotaþ po'ño'chpa' papa' allsensareteþe', te'ñapa' atto' peþosnaye' añechno.

¹⁹ Jesúsñapa' atet oterraneterr:

—Sapa' ama'tcha' sa'matoñ añ Parets pa'paquëllpa' poma'pamtañoña napa' o'ch alla natomater.

²⁰ Judionesha'ñapa' alla otereterr:

—Añ atto e'nuoñet Parets pa'paquëllpa' atarr atomat atorrareña e'ñe pa'tatsoch çharrohua char puechena pechap. Ta', pañapa' çpo'ñoçhcha' e'ñech poma'pamtañoçma yetpa' o'ch alla patomatuer?

²¹ Ñehua, Jesússpa' aña'pa't otanet ña po'chets ñeñtapa't pa'paquëll pen Parets.

²² Ñehua, çhap allempo muetseret Jesús allempoña tanterrapa' pueyochreshaçhnoñapa' allenta yerpuerret ñeñt atet ote't Jesús allempo. Ñeñto'marña allempo Jesús pueyochreshaçhnopa' atarr yemterñañet Yompor po'ñoñ ñeñt anuaret ahuatoteñ, ama't ñaña Jesús po'ñoñ atarr ame'ñeret.

Jesús'pa' e'ñe eñotueney allohueney ñeñt atet yoctape'chyen yeyoçhro

²³ Allempoña allo'tsen Jesús Jerusaléño, all coshapretenet pascuapo shonte' acheñenesha' enteññañet ñeñt atto orrtatenanet po'partsoña all, ñeñto'marña allpa' shonte' ame'ñaya. ²⁴ Tarraña Jesús'pa' ama yemtanete'te ñet, tarro'mar ñapa' eñotanete't atet allohueney acheñey çhocma yoctape'chyen ñeñt yemnen ya. ²⁵ Ñapa' ama e'nenano ama't puešeñarra ñeñt'cha' ote' ñeñt atet yoctape'chyen allohueney acheñey. Tarro'mar ñapa' çhocma eñoteney atet yoctape'chyen allohueney acheñey.

3

Allempo Nicodemopa' huapa Jesúsesho

¹ Allempopa' eñall puešeñarr yacma ñeñt fariseo ñeñt sochetsa Nicodemo. Ñeñt'ñapa' puešeñarr ñeñt am'cha'tarettetsa judioneshacop. ² Ñaña'pa' huapa Jesúsesho tsapopa' atet otos:

—Maestrocha' yeñoteneþ papa' añ pellsensene' Yompor attoch peyçhatosey cohuen tarro'mar yapa' yeñoteñ añach orrtatyene' partsoteñets ñeñt ahuaenca't pen Yompor.

³ Jesúsñapa' atet otaþ:

—E'ñe po'ñoçh notañ, esesha'ch ama eñalleterrtso ello ñet'ñapa' amach errotenot pueyochresha' perraneto Yompor.

⁴ Nicodemoñapa' atet otererr:

—Amate' errotenot ye'ñalleterreroña po'pocheñoña' o'ca'ye yepo'nme'ten. Errotenotuate'ñaca' yeçherrerrña yachor pa'to attotcha' ye'ñalleterrerr po'pocheño.

⁵ Jesúsñapa' atet otererr:

—E'ñe po'ñoçh noteneþ, erra'tsencha' ama eñalleterrtso oñoñ ñaña Yompor Puecamquëñoñ, amate' errotenot pueyochresha' perraneto Yompor ñeñto'marña amach eshec o'patapreteretoña Yompor po'cohuenña ñeñt atto ayochreshattena ña. ⁶ Ñeñt atto eñalletena arromñañatesha'pa' ñeñt'pa' arromñaña. Tarraña ñeñt'cha' eñalleterrtsa Parets Puecamquëñoñ, ñeñt'pa' ñeñt'ña camuecñetsotets ñeñt'ñapa' ama arromñañateshayaye. ⁷ Ñeñt atet noteneþ, “allohuenespa' añ sepalltena o'ch se'ñalleterrerr ello”, papa' amach çha pe'charrtatsto peyoçhro, amach çha potatsto aña'te' errotenot pe'ñalleterreroña ello po'pocheño. ⁸ Ñeñt'pa' e'ñe atet pena ñerra'mrrate'morr: Morrrpa' erra muene'pa' allcha' mrraren. Pe'muente' atet ma'moreten, ama peñoteñe errotte'ña huena ñaña errate'ña sen. Atetcha' perra ñaña allohuen erra'tsencha' eñalleterrtsa Yompor Puecamquëñoñ.

⁹ Nicodemoñapa' alla a'pto'tererr:

—Ñeñtapa' ¿errofena'tña añ?

¹⁰ Jesúsñapa' atet otererr:

—Papa' ama't añaepñ israelnesha' po'maestror, ama't peñotenoña añ.

¹¹ E'ñe po'ñoçh noteneþ: Allohueney ya ñeñt yeñotenpa' ñeñtcha'ña yeserpare'ten ñaña ñeñt yentyenpa' ñeñtcha'ña ya'poten tarraña sapa' ama çhennasoña seyoçhro añ ñeñt ya'poten. ¹² Ñerra'm añña notenes ñeñt atet yeyçhena añña patsro, saña ñerra'm ama same'ñennopa' errotenuate ñaca'ye notasña ñaña ento'mar ñeñt Yomporecop.

¹³ 'Ama eñalle ama't puesheñarra ñeñtcha' a'tapuets ento ñaña ñeñtcha' sohuerrtsa ñeñtara entot. Naptaña na Ñeñen Acheñetosets ñeñten sohuatsa entot, napa nentar Nompore pue'ntaña tarro'mar napa' ñeñt na'netser nepen.

¹⁴ Ñehua, ahuat Moiséspa' yechcatan ñeñt atma'ntataret shecheþ all amayo, ñeñtñapa' huanquë' tsachopa' o' echantamþes enonet. Atto Moisés echantamþsan shecheþ all amayopa', napa'çho'ña ñeñt poctetsa nocop atetcha' perrnet naña, corsochotcha' echantamþsaretan. ¹⁵ Allochñapa' allohuen ama't erra'tsena ñeñtcha' name'ñerraya na, ñetñapa' amach chenquërreto, e'ñech corretseta pocsheñeshocmañen e'ñe tayoteñ errponañohuen.

Atto atarr morrentenya Yompor allohueney acheñeneshay

¹⁶ 'Atto atarr morrentenya Yompor allohueney acheñeneshay arr patsro ñeñto'marña apuey Puechemer ñeñt po'patror pen, allochñapa' allohuen ñerra'm esesha' ame'ñerraya ña amach chenquërreto, ñetñapa' corretsetach pocsheñeshocmañen e'ñe tayoteñ errponañohuen. ¹⁷ Yomporpa' amaca'ye añecpaye' mueñanoña Puechemer arr patsro attoch mueñosan acheñenesha' coñcheñtso. Ñapa' añecopña mueñe attoch ñach a'qeshþatose'ña acheñenesha' arr patsro.

¹⁸ 'Erra'tsencha' ame'ñerraya ña ñetñapa' amach amñareñterreto coñcheñtso. Tarraña ñeñtcha' ama ame'ñerrayo ñocpuetñapa' anareñtet attoch amñareñterret coñcheñtso tarro'mar ñetpa' ama ame'ñoñeto Yompor Puechemer ñeñt po'patror pen. ¹⁹ Ñaña'pa' o' huapa arr patsro attoch yechatosey ñeñt e'ñe cohuen enten Yompor, attoña a'puetarsamþsosanay yocþañña. Tarraña shonte' acheñenesha' ñetñapa' ama mueneto o'ch a'puetarsamþsaretet poctañet. Ñetpa' añña muenenet checmete' tarro'mar amaca'ye masosyaye' coþape'chyeneto. Ñeñto'marña ñetpa' attotcha'ña amñareñterret coñcheñtso. ²⁰ Allohuen ñeñt ama masosyaye' coþape'chyeneto ñetpa' ama cohuenaye' enteñetoña Cristo ñeñt a'puetarsamþpene' allohueney yocþañña. Ñeñto'marña ama eneto allo'tsen ñeñt a'puetarsamþsañtetsa taye'to'te' orrtatarettet poctañet ñeñt ama masosyo. ²¹ Añña ñeñt e'ñe atet pene' ñeñt po'ñoçh cohuen enten Yompor, ñetpa' e'ñe pocte' enteñet o'ch onet allo'tsen ñeñt a'puetarsamþsañtetsa tarro'mar ñetpa' añ muenenet o'ch eñotateret po'potantañ ñetpa' Yompor ahuamencat penahuet ñeñto'marña ñetpa' añ orrtatyenet ñeñt cohuen enten Yompor.

Allempo Juan ñeñt apatañtetsa Yomporecop, ñapa' alla cohuentaterranerr Jesús

²² Allempoña Jesús'pa' ahurrerr Judeo epuet pueyochresha'. Allña'pa' alla allponmat epuet pueyochresha'. Allña Jesús'pa' apatyesan acheñenesha' Yomporecop. ²³ Ñaña allempo Juanpa'çho'ña arr apatyenan acheñenesha' all

oteñet Enón e'ñe alla allame'tets Salimo, tarro'mar allpa' shonte' oñechno. Acheñenesha'pa'cho'ña shonte' huacha'tyeset attoch apataretetyeset Yomporecop. ²⁴Ñehua, allempopa' ama yottampeñeta' Juan.

²⁵Allempoña Juan pueyochresha'pa' serrpare'tet epuet judionesha'. Allpa' añ serrpare'tatanna'tet este' poctetsaña attoch ya'cohuentataretta Partso-cop, añte' ñeñt' atto apatyen Juan amapa' ñato' añte' atto apatyen Jesús.

²⁶Ñeñto'marña ahuanmuet Juaneshopa' ñetñapa' atet otoset:

—Maestrocha' ñeñt' epap' ahuaña yomta'n Jordanaso, ñeñt' peserrpare'tatosey, ñapa'cho'ña ñepa'tca'yeña apatyets ñama. Ñeñto'marña allohuenepa' o'ca'ye ahuanmuet ñesho.

²⁷Juanñapa' atet otapanet:

—Ama't puesheñarrofeyapa' ama ahuamencateyaye ñerra'm ama Yompor ahuamencat yepaye. ²⁸Sapa' ama't señoñe ñeñt' atet notuanmas ahuaña, napa' ama añeyayno ñeñtencha' Cristoterrets. Napa' atta mueñan nanom attoch nota. ²⁹Jesúspa' e'ñech atet netma'ntacha atet ñerra'mrrate' yacma ñeñt' sena'tetsa. Ñehua, ñeñt' sena'tetsa ñeñt'ñaca'yeña aguene'ña coyanesha' ñeñt'cha' puetapor pa'. Tarraña ñeñt'ña pueyempa' ñeñt' parro epuet ten ñerra'm añ e'm pueyem po'ñoñ ñeñt' sena'tetsapa' ñañapa' atarrcha' coshapretana pueyem. Ñeñto'marña na te'pa' atarr nocshapreteña Jesús. ³⁰Jesúspa' e'ñe pocte' allo'nepa'ñaca'yeña enteñet po'ñoçhpá' ñaca'yeña atarr sherbets. Nañapa' e'ñe pocte' allo'nepa'ña entennet napa' ama e'ñeye' nesherbena. Arrpa' allohua atet ot Juan Cristocop.

Atto yeñoteñ ñeñt' huetsa entot Yomporeshot ñeñt'ca'yeña atarr sherbets

³¹Ñehua, yeñoteñ ñeñt' huetsa entot Yomporeshot eñchetepa' ñapa' atarrca'ye añcha'taret. Tarraña ñeñt' pats'o'marnesha' ñeñt'pa' alla eñorena pats'o'mar. Ñeñt' huetsa entot Yomporeshot eñchetepa' ñapa' atarrca'ye añcha'taret. ³²Tarro'mar allohuen ñeñt' entyen Pomporesho ñama ñeñt' allpon e'myen all, ñapa' ñeñt'ca'yeña serrpare'tateneý, tarraña ama't puesheñarrofapa' ama eseshaye' çhapahuetoña pueyoçhreto ñeñt' atet otenanet. ³³Ñeñt' çhapa pueyoçhro ñeñt' atet serrpare'tatenanet ñeñt' huapatsa Yomporeshot ñetñapa' atet otet: Yomporpa' e'ñeñe' po'ñoçh atet oten Puechemerecop. ³⁴Tarro'mar ñeñt' llesensa' Yomporpa' Yomporo po'ñoño eñorena tarro'mar Yomporpa' ama atparetayaya chorrananetoña Puecamquëñ. ³⁵Yomporpa' atarrca'ye nanac muerenanaña Puechemer. Ñeñto'marña apuhueñ allohuen allpon eñall alloçhñapa' ñach pomnaren penahuet. ³⁶Esesha'ch ame'ñenaya Yompor Puechemer ñetpa' corretsetach pocsheñeshocmañen tayoteñ ama't errponañohuen. Añña ñeñt' atpare'tene' Yompor Puechemer ñetpa' amach enterreto ñeñt' correñtsor. Ñetñapa' çhachca'ye coñchaterranet Yompor.

4

Allempo Jesúsapa' serrpare't epuet coyanesha' samario'marnesha'

¹⁻³Allempoña Jesúsapa' atarr ayochreshatta nanac, ello metanenan atto yochresha'ten Juan. Ñama atarr apatyenan acheñenesha' Yomporecop. Ñehua, ama ñaye' apatenahueto, añña apatenahueto pueyochresha'. Ñeñto'marña allempo e'mare'ch fariseonesha' ñeñt'ara judionesha' pa'mcha'tareternesha'. Jesúsña allempo eñoçh atto fariseonesha' o' eñoçhet

ña atarr nanac ayochreshatta, ñañapa' allenta quechpa'nerran Judea, o' alla ahuer Galileo.

⁴Toññapa' e'ñe arr oñen Samario'mar, ñeñto'marña all oñerrña Jesús. ⁵O'ña chap Samariopa' allotñapa' o' ahuen paterr anetso ñeñtpa' añ pa'so'cheñ Sicar. Añña anets Sicarpa' allame'ttso'tsena Jacob po'patseñ ñeñt apa'nman puechemer José ahuat. ⁶Allñapa' all poten oñ ñeñt po'ñeñ pe't Jacob. Jesúsñapa' nanac tsanom puechope'cheño't ñeñto'marña anorros e'ñe alame'tets apco'sato. Allempopa' e'ñe pocto'tsen atsne'. ⁷⁻⁸Allñapa' machayota huapa puesheñarr coyanesha' ñeñt samario'marnesha' ñeñtcha' etenaya' oñ. Jesúsñapa' atet otap:

—Napa' nemneñ o'ch pāposen oñ.

Ñehua, allempopa' pueyochrenesha'ñapa' o' ahuanmuet anetso o'ch rañfeneta' ñeñtcha' rret.

⁹Coyanesha'ña samario'marnesha'pa' atet otos:

—Papa' judioneshap̄pa' eso'mare'tcha'ña penamapuenña oñ o'ch napap. Papa' peñotenen napa' ñeñfen samario'marneshan.

(Ñeñto'marña atet otos tarro'mar judionesha'pa' ama amo'tstanneneto epuet samario'marnesha'.) ¹⁰Jesúsñapa' atet otererr:

—Ñerra'm peñoteñeñ ñeñt e'ñe atta apueney Yompor, ñaña ñerra'm peñotennoñ na ñeñfen p̄otene' p̄apuen oñ, p̄apa' o'ch penamuennoñ na nañapa' o'ch napaspeñ oñ cohuen alloch e'ñe p̄ocran.

Ñeñt oteñ o'ch ap̄ cohuen oñ, añ oteñ Yompor po'cohuenña, tarraña coyanesha'ñapa' ama eñoche, ¹¹ñeñto'marña atet otererr:

—Ama Ayochreshate pecheno alloch pet oñ. Oñpa' nanacramtso o'pono'tsen. Errotuamtsoch peyoraña oñ ñeñt e'ñe cohuen alloch e'ñe yocra. ¹²Ahuat yatañ Jacoboñ ñeñt yapa'nmue' añ oñ ñapa' ñeñt orre't ñaña puechemerneshañ ñaña po'huacsherneshañ. Papa' añep̄huate'ca'ye ñeñtep̄ ello metanene' yatañ Jacoboñ atto am̄cha'tarette't ña.

¹³Jesúsñapa' atet otererr:

—Allohuen ñeñt orrene' añ oñpa' elloch alla oñpa'tertererr. ¹⁴Tarraña ñerra'm esesha' orre' oñ ñeñtcha' napanet na ama't ahuatapa' amach oñpa'terreto. Ñeñtcha' napanet na oñ, e'ñe pueyo'chretopa' puenasanetcha' atet ñerra'mrrate' allot poten oñ, amach huañerro ama't ahuata. Attochña ñetpa' corretsetach tayoteñ ama't errponañohuen.

¹⁵Coyanesha'ñapa' alla otererr:

—Ñeñtep̄ñapa' Ayochreshate p̄apuen ñeñt oñer allochñapa' amach alla no'ñpa'terro allochñapa' amach alla nohuerre'te eterrayerr arr oñ.

¹⁶Jesúsñapa' atet otererr:

—Te'pa' orrerrep̄, o'ch peçhore'tera' perrollar, allempochña alla pehuerra arr.

¹⁷Coyanesha'ñapa' atet otererr:

—Napa' amarramtso arrollareteno.

Jesúsñapa' atet otererr:

—E'ñe po'ño'ch atet p̄oten año' arrollareteyaype. ¹⁸Tarro'mar amnarsheña perrollareshe'mañ ñeñt pueyuarap̄. Ñaña ñeñt peyorene' te'pa'cho'ña ama perrollareyaye. Ñeñtpa' e'ñe po'ño'ch atet p̄oten.

¹⁹Allempoña e'man atet oteñpa' coyanesha'ñapa' atet otererr:

—Ayochreshate, te'ña po'ño'chpa' o' neñota'p̄ p̄apa' añepepa't ñeñte'p̄ a'mtene' Yepapar po'ñoñ. ²⁰Yatañneshañ samario'marnesha'pa' ñetpa'

concorpuete't ma'yochatset arr añ aspertero. Tarraña sa ñeñtes judioneshaspa' sapa' cha soten añ paterr poptetsa Jerusaléño'chña yeconcorpuena' allohueny.

²¹ Jesúsñapa' alla otererr:

—Noçheshacha' pame'ñona ñeñt atet noteneþ tarro'mar te'pa' o' chap ñerra'm esempoch sema'yocheña Yompor, ama sepallteno' o'ch seconcorpueña Apa añ aspertero ama't ñaña Jerusaléño. ²² Saña ñeñtes samario'marneshas añ semchatse'tyen ñeñt ama señoteno. Yaña ñeñtey judioneshay añ yeconcorpana'tena ñeñt e'ñe po'ñoç yeñoten, tarro'mar judionesha'pa' ñetpa' o' orrtateret ñeñtcha' a'queshpatañtertsa. ²³ Tarro'mar te'pa' o' chap ñeñtcha' e'ñe po'ñoç aye'choçhtaterre' Yompor, arrcha'ca'ye aye'choçhtatoñet e'ñe ñet pueyoçhreto. Ñeñtcha' atet aye'choçhtaterrñañet ñeñtña e'ñe po'ñoç atet muenen Yompor. ²⁴ Yompor Paretspa' ñapa' ña camuecñetsotets amaca'ye entpahuoyaye. Ñeñto'marña ñeñtcha' e'ñe po'ñoç aye'choçhtaterre' ña, arrcha'ca'ye aye'choçhtatoñet e'ñe ñet pueyoçhreto, ñeñtpa'cho'ña amaca'ye entpahuoyaye. Tarro'mar ñeñtcha' atet aye'choçhtaterrñañet ñeñtña po'ñoç atet muenen Yompor.

²⁵ Coyaneshañapa' alla otererr:

—Napa' neñoteñ añ Mesíaspa' huapach ñeñtara ñeñt yoten Cristo. Ñerra'm ña huapatsapa' e'ñech serrpare'tatuerrey ora allohuen ñeñt esocmañen eñall.

²⁶ Jesúsñapa' alla otererr:

—Napa' naca'ye ñeñten peserrpare'tatene'.

²⁷ E'ñe allempo atet otenpa' pueyochreshañapa' huacherret. Ñetñapa' atta cohuanrroretueret all serrpare'tatenan coyaneshañ. Tarraña ñetpa' ama't puesheñarrofapa' ama eseshaye' otuerraye ¿eso'tña pemnen? Ama't puesheñarrofetapa' ama otuereto ¿eso'mare't peserrparenña epaþ coyane-sha'? ²⁸ Coyaneshañapa' alla na'nerran porretpa' o' ahuerr alla pa'netsro. Allñapa' otuerran pamot'sesha':

²⁹ —Te'pa' socterren o'ch senteña' puesheñarr encaneshañ ñeñt o' serpare'tatuosen ora allpon ñeñt atet neþa'yosara. Ñato' ñeñte'ña Cristotets ñeñt atarr yecuen o'ch huapa.

³⁰ Ñetñapa' allenta onacha'tet anetsotpa' o' ahuanmuet Jesúsesho.

³¹ Allempo ama chaçheneta' ñesho pueyochreshañapa' atet otyeñet:

—Maestro ma'mate'tach rreñets.

³² Tarraña ñapa' atet otanet:

—Napa' nechenca'ye ñeñt nerrar nepen ñeñtña sapa' amaca'ye señoteñe.

³³ Pueyochreshañapa' atet otanna'tyeset:

—Amate' esesha' huapatoyeña puerrar.

³⁴ Jesúsñapa' alla oterraneterr:

—Añca'yeña nerrar nepen o'ch neþa atet muenen Nompor ñeñt nellensene', tarro'mar ñeñtpa' attochña e'ñe netsotuoñ po'taruas. ³⁵ Ama't sotenña sa: “Palltenmeñ pa'tatsmña arrorr o'ch e'ñe ya'yapaçha'hua yenareñ.” Te'ñapa' o'ch notas: Te'pa' secue'ca'ye a'yo o'ch sentap shonte' acheñ ñeñt onachets, o'ca'ye chap allempoch ame'ñerrnet. Te' ñetpa' e'ñeca'ye atet nentenanet ñerra'm yenareñpa' o' pomella'huen o'ca'ye chap allempoch yapçha'hue. ³⁶ Ñeñt apçhets nocop ñeñtpa' atsa'tarettetcha' ñeñtcha'ña atarr coshaterrahuet. Ñaña allohuen ñeñt ame'ñatenet ñetñapa' napanetcha' alloch e'ñe correrret tayoteñ ama't errponañohuen. Ñeñto'marña añ ñeñt

nare'tets ñaña ñeñt ap'chets nocoppa' e'ñech parrocmá coshapretannenet, ama't ñeñt ñanom epatue' neñoñ ñaña ñeñt'cha' torratsa chenta' ñeñt nocop. ³⁷ Tarro'mar ñeñt'pa' e'ñe po'ño'ch atet yepena ñeñt atet oten añ ñoñets ñeñt 'chocma yotanna'tyena ya: "Puesheñarrpa' o'ch nare'tatse'tyes, po'psheñeññapa' ñeñt'cha' ap'cha'yesets." ³⁸ Ñaña sapa'cho'ña o'ch nemñas samña o'ch same'ñatera acheñenesha' ama't ama sanmaye' ñanom torratto all nocop, po'psheñeñña ñeñt ñanom torrattse't all. Tarraña te'pa' sach ame'ñaterrahuet attoch setorrapretera ñeñt ñanom torrattse't all nocop. Te'pa' sach ap'cherrets all ama't ama saye' nare'tatse'tse'te all. Ama't po'psheñeñ nare'tatse'tse't, te'ñapa' sach taruasapreterrahuet all.

³⁹ Coyanesha'pa' e'ñe po'ñoñoña ame'ñatana pamo'tsesha' samario'marnesha' allempo serrpare'tatuerranet atto Jesús'pa' o' serrpare'tatos ora allpon ñeñt atet puepa'yesara. ⁴⁰ Ñeño'marña samario'marnesha' allempo huacha'tet ñeshopa' atarr nanac a'patare'tapet Jesús a'posanetepa'to' all pa'netsreto. Ñaña'pa' e'ñe epomta a'posa all. ⁴¹ Po'potantañe'chnopa' shonte' ñeñt ame'ñapaya atto serrpare'tatosanet Jesús all pa'netsreto. ⁴² Ñetñapa' atet oteñet coyanesha':

—Te'ñapa' ama e'ñe pa' peñoñofeye' yame'ñeno. Te'pa' e'ñe ya e'muene' yanña allohuene'y. Ñeño'marña te' yapa' o' yeño'ch po'ño'ch ñapa' ñach ya'qushpaterre' allohuene'y ñeñte'y añe patsro'tseney.

Puesheñarr yacma ñeñt sherbene' am'cha'taret ñeñtña puechemer a'crraterrña Jesús

⁴³ Allempoña epomta'muen Samario Jesús'ñapa' o' alla ahuen Galileo all pa'ney peñ ña. ⁴⁴ Tarro'mar e'ñe po'ño'ch atet eñorena Jesús ñocop, ñeñt'pa' atet ot: Ñeñtña a'mtene' Yompor po'ñoñ pa'nyo'marnesha'ñapa' ama't mameshapa' ama mecha'na'teñeto. ⁴⁵ Allempoña 'cherrerr Jesús Galileo allohuenña galileo'marnesha'pa' e'ñe cohuen agapapueñet tarro'mar ñetpa' e'ñe entuoñet allohuen ñeñt atet pa'yesos Jerusaléño allempo entapreteneta' pascua all. Ñetpa'cho'ña allempopa' all ahuanmuet ñamet o'ch entapreteneta' pascua.

⁴⁶ Jesús'ñapa' alla ahuererrr po'pocheño Cano e'ñe allara Galileo all e'ñe ñanem a'pnasenana' oñ vinos. Allñapa' allo'tsen puesheñarr ñeñt sherbene' am'cha'taret. Ñaña puechemerpa' 'cha atsa'ten all anetso Capernaumo. ⁴⁷ Allempoña e'mare'tan Jesús o' huapa Judeot o' 'chenerr Galileo, ñaña'pa' allenta ahuo' o'ch enteña' attoch oteña' coterepa' pa'pacillo attoch a'crraterrñaña' puechemer, o' rromamoch. ⁴⁸ Jesús'ñapa' atet och:

—Ñerra'm ama nentatasñe nepartsoña ñaña ñeñt ama sentarepa' amate' same'ñennañe.

⁴⁹ Ñeñtña sherbene' am'cha'taretpa' o' alla otererrr:

—O'ch Ayochreshate p'octerren tayepa'tñapa' ama rromuena' nacñe'ter.

⁵⁰ Jesús'ñapa' atet otererrr:

—Te'pa' ahuerre'p, pechemerpa' o'ca'ye alla correrra.

Yacmañapa' e'ñe ame'ñana Jesús po'ñoñ ñeñt atet och, ñaña'pa' allenta ahuer. ⁵¹ Allempoña ahuen toñoñapa' p'octenan pueñañesha'. Ñetñapa' atet otapueñet:

—Pacñe'terpa' o'ca'ye correna.

⁵² Ñaña'pa' allenta otapanet:

—¿Esem'po'tña pasateñ?

Ñetñapa' atet otereterr:

—Ellerro allempo coyatse'ten atsne' mame'pa' allempoca'yeña metueñña po'urateña.

⁵³ Allempoña pomporpa' o' yerepya ñaña'pa' atet ot:

—Ellerropa' allponca'yeña atsne' otenña Jesús nechemerpa' o'ca'ye correra.

Ñapa' ñeñtña ame'ñate' ama't ñaña' allohuen pamo'tsesha' ñeñt parro pa'paclo'tsa'yenet e'ñe ame'ña'huet ñamet.

⁵⁴ Arrpa' atto puepocheño Jesús'pa' entatanet po'partsoña allempo huapa Judeot o' alla çherrerr Galileo.

5

Atto Jesús'pa' a'crraterran puesheñarr atснаñeñ all Betesdaso

¹ Allempoña o' alla çherrerr allempoch alla cosherrerr allohuen judionesha' ñeñt atet anaretet ñocpuet. Jesúsñapa' alla ahuerrerr ñaña' Jerusaléño.

² All Jerusaléño e'ñe allame'tets allotecma a'be'teñet carrnero allñapa' allo'tsen oñ apco'sattataret ñeñt sochen hebreonesha' po'ñoño Betesda. Ñeñtñapa' eñall amnar puecha'petar. ³ Allña puecha'petarotpa' shonte' atснаñeñsesha' ñeñt pena'rrartetsa all —ñeñt aporo'yeteçhno ñaña' ñeñt che'ca'repathno ñaña' ñeñt echarreyetsa. Ñetñapa' añ cohuenet ñerra'm esempoch pelle'llchena oñ.

⁴ Tarro'mar ñerra'm esempoch pelle'llchena ñeñt oñerpa' mellaño'teño'ch sohuetsa all o'ch pelle'llchatosan oñ. Ñerra'm esesha' ñanom esha'tostsa all oñ allempo pelle'llchena ñeñtña atснаñeñerpa' acrrerroychoy'ch, ama't erra'tsena atснаñtsor rromuenahuet. ⁵ Allñapa' allo'tsen puesheñarr yacma ñeñt ma'poch çharra' puechena posoc char atсна'ten. ⁶ Allempoña entos Jesús alla ñanena ñaña'pa' eñotos shonte' char atсна'ten ñeñto'marña atet otos:

—¿Ama't pemno o'ch pocrrerra?

⁷ Atснаñeññapa' atet otan Jesús:

—Amaca'ye Ayochreshate eñalle ñeñtcha' nesha'te' oñ allempo pelle'llchena. Napa' o'ch taya ahuen po'psheñeññapa' ahuo'tcha' esha'tosa ñanom.

⁸ Jesúsñapa' atet otererr:

—Te'pa' o'ch notosep: Petantena, peçhta'nen allo pemuen, peçhope'chen tayecma.

⁹ Yacmañapa' allorocmuepa'tcha' correna, ñaña'pa' allenta chetenan allo muenpa' allenta chope'çhnen. Ñehua, ñeñtña yetropa' allempo amesen judionesha'. ¹⁰ Ñeñto'marña judionesha'pa' atet ochet ñeñt o' correra:

—Te' añe yetro allempocma yamesen. Amaca'ye pocteyaye o'ch ñanen pemue'.

¹¹ Tarraña ñapa' atet otanet:

—Ñeñt o' a'crratosenpa' atetca' otosen: “Pechta'nen pemue'pa' peçhope'çhnen.”

¹² Ñetñapa' allenta a'pto'chet:

—¿Esesha'tña potose'ña, “O'ch peçhta'nen pemue'pa' o'ch peçhope'chen”?

¹³ Tarraña ñeñt a'crrataretterrtsapa' ama eñoteñe esesha'te'ña a'crraterre' tarro'mar Jesús'pa' ama allo'tsenaro, ñapa' o' ahuerr a'nahua, tarro'mar all shontosa acheñenesha' ñeñtcha' entenaya'. ¹⁴ O'ña atarr o'chetpa' Jesúsñapa'

alla enterran ñeñ a'crraterr ñorra' e'ñe alla Parets pa'paclo. Allñapa' atet oter:

—Te'pa' o' pocrerra. Te'ñapa' amach alla po'chña'tatsterrero ñato'rraña alla nanac pemueroçhterrerr.

¹⁵ Yacmañapa' o' ahuerr, atet otuerran judionesha':

—Jesúsepa'tca'yeña ñeñ na'crraterre'.

¹⁶ Atet pena Jesús aña yetro allempo amesen judionesha' ñeñto'marña ñetpa' o'pateñet Jesús. ¹⁷ Jesúsñapa' atet otanet:

—Nompore' e'ñe teme'ttsen atarr torrena ñeñto'marña napa'cho'ña atarr nemneñ o'ch netorra namã.

¹⁸ Neñto'marña judionesha' pa'nicha'tareternesha'pa' ello atarr nanac o'pateñet o'ch muetset, tarro'mar ñetpa' atet otyeset:

—Ñapa' ama ñapñaye' aña yeter o' puesuero allempocma yamesen, ñapa' aña'naña oten e'ño' Pompore' penan Parets, ñapa' attaca'ye mueneñ o'ch Partscopartena.

Atto atarr ahuamencattena Jesús ñeñ Yompor Puechemer

¹⁹ Jesúsñapa' atet otarraneterr:

—E'ñe po'ñoçh notenes, na ñeñen Puechemer pen Yompor amate' errotent es nepoña e'ñe nota. Napa' añña atet nepa'yen atet nenteññañ Apa, tarro'mar ñeñ atet pen Apapa' napa'cho'ña ñeñen Puechemerenpa' atetcha' es nepa'yen namã. ²⁰ Apapa' atarr muerenna tarro'mar napa' e'ñeca'ye po'ñoçh Puechemeren, ñeñto'marña gatyenen ora allohuen ñeñ atet pa'yen ña. Elloña ñapa' añ gatyenen ñeñ nanac torrapotyets ñeñ atet etsotayen ña; ñeñpa' añecop atet pennan attoña sapa' atarrcha' secuanrrorrenen.

²¹ Ñehua, yeñoteñ Apapa' tantaterran arromñafenesha'pa' apuerranet allochña ñetpa' corretsetach. Napa'cho'ña e'ñeca'ye atet nepenaña namã ñeñen Puechemeren. Ñerra'm erra'tsencha' nemna' na o'ch napanet allochña ñetpa' corretsetach atetcha'ca'ye napuerranet. ²² Apapa' ama't puesheñarrapa' amach a'metanperraneto errotentcha' entyesuerranet. Naña apuen llesens ñeñen Puechemeren nachña a'metanperrahuet errotentcha' nentyesuerranet e'ñe puesheña'ttset. ²³ Allochña' attochña allohuenet mecha'na'tennetcha' namã ñeñen Puechemeren e'ñe atet mecha'na'tennanet Nompore' Parets. Ñerra'm esesha' ama nemicha'na'tenaye na ñeñen Puechemeren, Nompore'naca'yeña ama mecha'na'teneto ñeñ nellensene'.

²⁴ 'Napa' e'ñe po'ñoçh atet notenes: Ñerra'm esesha' e'nñote' neñoñ ñaña ñerra'm yemerranet Nompore' ñeñ nellensene' ñetñapa' corretsetach pocsheñeshocmañen tayoteñ errponañohuen. Amach a'coñchatare'tterreto ama't errponaña. Tarro'marña ñetpa' o' metanerretña ñeñ e'ñe po'ñoçh rromueñets, o' çherret allña ñetpa' corretsetach tayoteñ errponañohuen.

²⁵ E'ñe po'ñoçh o'ch noterrser: O' çhermoch allempoch atet perra, ñeñ arromñafenesha'pa' ñetñapa' e'muerrnanetcha' neñoñ ñeñen Yompor Puechemeren. Ñeñcha' e'nñoterre' na neñoñ ñetñapa' corretsetach.

²⁶ Ñehua, Apapa' e'ñe ñoña correna, ña napuene'ña attoch napa'cho'ña corretsanach namã ñeñen Puechemeren. ²⁷ Naña ña napuene'ña llesens attoch nemñe patanta'tets acheñenesha' coñcheñtso, po'potantañña' amach nemñerraneto coñcheñtso. Atetca'ye allsensare'tenña na Ñeñen e'ñe Acheñetosets. ²⁸ Ñeñ atet o' notuaspa' amach cha semoñne'tatsche tarro'mar esempopa' çherrcha' ama't ñeñ puepampro'tsa'yenpa' e'muerrnanetcha'

neñoñ. ²⁹ Cha'nmaçherretcha' allot apamparettete't. Ñeñt atet pa'yesaye't e'ñe cohuen ñeñt pochtetsa ñetñapa' añecopcha' tanterret attoch ello alla correrret. Ñeñña pa'yesaye't ñeñt ama pockeyaye ñetñapa' añecpach tanterret attoch ello alla amñarefterret coñcheñtso.

Atto Jesús eñotatanet ñapa' Yomporeshot aparetta llesens

³⁰ 'Amate' errotenet es neña'yesoña e'ñe nota. Atef eñotatenen Nomporpa' attochña nemñe patanta'tets acheñenesha' coñcheñtso, po'potantañña' amach. Ñaña errotench'a nentyesuerranetpa' ñeñtpa' e'ñe pocte' tarro'mar ama e'ñe na nemnenñofeye' es neña'yeno. Nomporna' puemnenñof es neña'yen tarro'mar ña nellsensene'. ³¹ Ñerra'm e'ñe nañña a'potetsa, ñeñt atto na'potenapa' amate' es sherbeno. ³² Eñallña po'psheneñ ñeñt e'ñe no Nompore ñeñña na'potene'ña na. Ñaña neñoteñ ñerra'm ña na'pote'pa' ñeñt atto a'poten ñeñña e'ñe po'ñoç sherbets. ³³ Ñaña sa ahuatmo'chapa' semñe acheñ Juanesho ñeñt a'pto'tose' nocop. Juanña atto a'potanpa' ñeñña e'ñe po'ñoç atet. ³⁴ Napa' ama e'ñe nocpa ne'nen ñeñt na'pote'; añecpa'ñaña notenes sa ñato' sapa' same'ñoñate' Juan po'ñoñ atto a'potan na, allochñapa' attoch sequeshperra same'ñeñofen. ³⁵ Juanpa' e'ñe atet pe't ñerra'mrrate' lampareñ correts, attoña çhoyo'te't. Sañapa' sa muenatse't o'ch socshame'ta mame' all a'puetarsamñsas. ³⁶ Tarraña atet na'poten napa' ñeñña nanac sherbets. Ello metanenan ñeñt atet a'potan na Juan. Allohuen es neña'yen ñeñt atet yechenna Apa o'ch e'ñe netsotoñ, añ netsotateña' ñeñña o' eñotatanet napa' Apa nellsensene'. ³⁷ Ñaña Apa ñeñt nellsensene' ñapa'cho'ña ñaca'yeña na'potene'. Sapa' ama't ahuatapa' ama se'maroneña po'ñoñ atet e'morrtena, ñaña ama sentareña atet orrtena ña. ³⁸ Sapa' ama't po'ñoñapa' ama çhennasoña seyoçhro tarro'mar na ñeñten llesensen Apa, sañapa' ama same'ñenno. ³⁹ Sapa' añcha' setorra'yesa Yompor po'ñoñ ñeñt atet anuaret ahuatoteñ tarro'mar sapa' çhate' sotenapañ e'ñe ñoñtsochayo'apa' sapa' corretsasate' errponhuañen. Tarraña Yompor po'ñoñ ñeñt anuaret ahuatoteñ ñeñtpa' naca'yeña a'pote't. ⁴⁰ Sañapa' amaña semnoña o'ch same'ñernna attochña e'ñe socrrerañ.

⁴¹ 'Tarraña napa' ama aye'e' ne'nenno attoch aye'choçhtatennan acheñenesha'. ⁴² Tarro'mar napa' neñotenes sapa' ama't mameshapa' ama semorrenteño Yompor ama't seyoçhra. ⁴³ Napa' atto nohuapa Nomporna' nellsensene' tarraña sapa' amaña same'ñenno. Ñerra'm eseshachña huapatsañ ñeñt e'ñe ñoña huena saña ñeñtpa' atarrte' same'ñañ. ⁴⁴ Sapa' tarro'marña ama same'ñenno sapa' añaca'ye se'nen o'ch e'ñe sañña aye'choçhtatannetsa, amaca'yeña aye'e'ña se'nenno attoch e'ñe cohuen entas ñapuef Yompor. ⁴⁵ Amach soctape'çhatsche ñato' nach sotteñe'cherre' esempohuañen Apuesho. Tarraña eñallca'yeña po'psheneñ ñeñtcha' sotteñe'cherre' ñeñtpa' añca'ye Moisés, sañapa' ñeññañ atarr nanac seytemena. ⁴⁶ Ñerra'm po'ñoç same'ñeññañ Moiséspa' napa'cho'ña same'ñeññañcha' tarro'mar ñapa' nocopca'ye quellconas. ⁴⁷ Tarraña ñerra'm ama same'ñeññaño ñeñt atet quellconase't ña, ñeñto'marña napa'cho'ña amach errotenet same'ñoña ñaña neñoñ.

6

Allempo Jesúsapa' rratanan shonte' acheñenesha'; ñeñña acheñenesha'pa'

*allo'tsen amnaroch mil**(Mt. 14.13-21; Mr. 6.30-44; Lc. 9.10-17)*

¹ Allempoña Jesúsapa' ahuo' yomta'n sa'p Galileaso, ñeñfara sa'p otenet Tiberias. ² Allñapa' cota'neñ shonte' acheñenesha' tarro'mar ñetpa' o' enuñoet po'partsoña atto a'crratyerran allohuen ñeññ atсна'tyets. ³ O'ña chap yomta'n Jesúsñapa' ahuos aspeno, allña anorros epuet pueyochresha'. ⁴ Allempopa' o' chapmoch pascuapo allempoch alla cosherrerr judioneshasha'. ⁵ Jesúsña cohuatsa a'yopa' entapan shonte' acheñenesha' ñeññ onachets ñeshonef. Allempoñapa' atet otan Felipe:

—Errahuachca' yeraññaña pante' ñeññcha' rros acheñenesha' ñeññ o' huachata.

⁶ Nehua, Jesúsapa' e'ñe po'tomña atet ot tarro'mar ñapa' eñoteñ atetcha' pa.

⁷ Felipeñapa' atet och:

—Ama't epoch charroch charra' denario* alloch yerañña panpa' ama't puehmetatollapa' amate' rra'yeseo.

⁸ Pueyochresha'ña Andrés ñeññ pa'mo'nasheñ Simóm Pedropa' ñañapa' atet och:

⁹ —Arr puesheñarr huepuehachorpa' echenanca'ye amnar pan ñeññ cebada ñaña epa cac. Attapa' amate' yepataneto, acheñpa' shonte'ca'ye.

¹⁰ Jesúsñapa' atet otanet:

—Te'pa' sotanet anorrcha'tetepa'.

Ñehua, allpa' e'ñe cohuen emmo'raten pasetma'. Ñetñapa' anorrcha'tet. Yacmanesha'pa' ñato' amnarochte' mil eñall. ¹¹ Jesúsñapa' chetan panpa' parasyoso'tampes, allempoñapa' apan pueyochresha'. Pueyochresha'ñapa' epatyaset allohuen acheñenesha' ñeññ anorrchets all. Attecma pa allempo apa'yasanet ñaña cac. Allohuenetpa' e'ñe agaphuahuet ñeññ allpon muena'yaset. ¹² Allempoña o' rrallme'chuetpa' allohuenetpa' e'ñepa'tcha' yetrra'tuahuet. E'ñe yetuahuetpa' Jesúsñapa' atet oterranerr pueyochresha':

—Te'pa' o'ch sa'yapacherr ñeññ shotna'tyets ñeññ sa'pchatyes allochñapa' amach es pertatso.

¹³ Allempoña a'yapacherret ñeññ shota'tatyaset chepa'tcha' chorrats charra' puechena epa cañter ñeññ a'pchatet all rratanet amnar pan cebada.

¹⁴ Atto orrtatanet po'partsoña acheñenesha'ñapa' atet otyeset:

—Añña po'ño'chpa' ñeññca'ye a'mtene' Yompor po'ñoñ ñeññ atarr yecuen o'ch huapa' añe patsro.

¹⁵ Jesúsñapa' eñotanet ñetpa' añ muenenet o'ch huapoñetpa' o'ch rromoset o'ch noset ñeññcha' pa'mcha'tareter pet. Ñeñño'marña Jesúsapa' a'nahua ahuer all aspeno e'ñe ñapuef.

*Atto Jesúsapa' e'ñe cohuen chope'chnen enot oño**(Mt. 14.22-27; Mr. 6.45-52)*

¹⁶ Allempoña ellerren pueyochrenesha'ñapa' ahuanerret sa'patopño.

¹⁷ A'tacha'tuerret po'noñfopa' o'ch ahuañperret yomta'n, Capernaumonef. Allñapa' alla checmetamñset. Jesúsñapa' ama huerra' all allo'tsa'yenet.

¹⁸ Allñapa' orrnotamñpesnomuet, sa'pñapa' cha emo'yarerta. ¹⁹ Ñetñapa' echotnomuet sa'p amnar amapa' pechapte' kilómetro allñapa' machayotepa'tcha' entapet Jesús chope'chnen enot oño. O' llamet'saña pan noñf. Ñetñapa' chepa'tcha' mecha'tapet. ²⁰ Tarraña ñapa' atet otosanet:

* 6:7 Denariopa' quelle ñeññ allpon tsa'tenet pamtarr ñeññ taruaset all pa'nyo.

—Naca'ye o' nohuapa, amach atta sen'cha'tatstapno.

²¹ Ñetñapa' mueneñetañ o'ch agapapet noñtoñ, eñotostsetpa' o' çhapña noñt yomta'n all sechenet.

Allempo acheñenesha'pa' e'nereta' Jesús

²² Tsapaña acheñenesha' ñeñt alla a'patsa yomta'n ñetpa' eñoteñet e'ñe patrra noñt allo a'tacha't Jesús pueyochresha' ñaña Jesúsapa' enteñet amaca' a'tapo noñto epuet pueyochresha' e'ñe ñapfochayeta ahuanmuet. ²³ Tarraña noñteçhnoñapa' çhocma huachena Tiberiasot, o' çhapuet allame'tets all rret ellerro pan ñeñt parasyoso'tam'pes Partsesha' Jesús. ²⁴ Allempoña acheñenesha' ñeñt allo'tsen ñetñapa' o'huañ eñchet Jesús pueyochreshohuen. Ñetpa'çho'ña allenta a'tacha'tet ñamet noñto, ahuan'pset Capernaumonet, o'ch e'nereta' Jesús.

Jesúsapa' ña yocrram'yepen yecamquëñecop alloch e'ñe yocrrena

²⁵ Allempoña etoset yomta'npa' atet otoset:

—Maestro, ¿esempo'tña peçherrña pa arrma?

²⁶ Jesúsñapa' atet otapanet:

—Na po'ñoçhpa' o'ch notapas, sapa' amaca'ye añecpaye' se'nenno atto o' norrtatonas nepartsoña. Sapa' añecpaca'yeña se'nenen atto o' nerratuas pan o' e'ñe seyetua. ²⁷ Te'pa' o'ch notas, sapa' amach aña sema'yoçhratsto yocrram' ñeñt e'nuapo'. Añcha'ña sema'yoçhra socrram' ñeñt ama e'nuapahuoyaye; ñeñtña alloch sapa' corretsasach socsheñeshocmañen e'ñe tayoteñ ama't errponañoñhuen. Ñeñtña socrram'pa' nach sapuerre' Ñeñten Acheñetosets tarro'mar Apapa' o' llesenserren na Ñeñten Acheñetosets arr patsro.

²⁸ Acheñenesha'ñapa' atet otereterr:

—Errotenuachca' yeñaña ñeñt cohuen enten Yompor.

²⁹ Jesúsñapa' atet oterraneterr:

—Ñeñt cohuen enten Yomporpa' o'ch same'ña'na na ñeñten llesensen.

³⁰ Ñetñapa' atet otereterr:

—Errotenuachca' pegateyña pepartsoña ñeñtcha' yentpa' attotcha' yame'ñaña. Papa' esuañaca' petsoten. ³¹ Ya yatañnesha'ñapa' rra'yesete't ñeñt maná all amayo atetca'ye anua'ret Yompor po'ñoñ ahuatoteñ: “Rratyesanete't pan ñeñt apanete't Yompor pue'ntaño't.”

³² Jesúsñapa' alla oterraneterr:

—E'ñe po'ñoçh o'ch notas: Ama Moisésoye' apahuete'teña pan ñeñt huetsa entot. Naca'ye Nompor sapuene'ña ñeñt e'ñe po'ñoçh socrram' sepen. Añ socrram'pa' entoña huena. ³³ Naña socrram' sepen ñeñten o' apuerres Nompor, napa'çho'ña entot nohuapa Yomporeshot allochñapa' acheñenesha'ña arr patsropa' ñetñapa' corretsetach.

³⁴ Ñetñapa' atet otereterr:

—Ayochreshate yapa'çho'ña çhocmach papuey ñeñt corramets.

³⁵ Jesúsñapa' alla oterraneterr:

—Napa' na corram'otsets alloch e'ñe socrra. Esesha'ch huapatsa nesho ñeñtña ama't ahuatapa' amach alla cheporrerrete'te. Esesha'ch name'ñerraya na ñetña ama't ahuatapa' amach alla oñpa'terrete'te. Ñehua, ñeñt'pa' añ notenes, esesha'ch name'ñerraya na ñetñapa' çhocmach e'ñe cosherret pueyochreto, ama't ahuatapa' amach alla es e'nerrete'te. ³⁶ Tarraña

napa' o' notuas: Sapa' o' sentnoñ amaña sameñnenno. ³⁷ Allohuen acheñenesha' ñeñt' o'patatenna Apapa' ñetñapa' ameñnerrnetcha'. Esha'ch nameñerraya ñetñapa' amach alla nehuapore'terraneto. ³⁸ Tarro'mar napa' ama añecpaye' nohuapoña entot attoch o'ch aña atet nepos ñeñt' nemnen na. Napa' añecopña nohuapa o'ch atet neperr ñeñt' atet muenen Nomp'or ñeñt' nellenserre'. ³⁹ Ñeñt'apa' atet muenen Nomp'or ñeñt' nellenserre': Amachña cha na'chencatereña acheñenesha' ñeñt' ora allpon o'patatenna na, chochña ello netantaterrñañ esempohuañen. ⁴⁰ Añmapa' ñeñt'ña muenen Nomp'or: Erra'tsencha' neñoterra' ñerra'm ameñnerrnetcha' na ñeñt'en Yomp'or Puechemeren, ñetñapa' corretsetach pocsheñeshocmañen tayoteñ ama't erponañohuen. Ñetñapa' chocmach netantaterranet esempohuañen.

⁴¹ Atto Jesúsapa' otenanet, "Napa' na corramtsotets ñeñt'en huapatsa entot", judionesha'ñapa' pocuana'teñofet otatse'tyeñet. ⁴² Ñeñt'apa' atet otyeset:

—Añmapa' añaca'ye Jesús, José puechemer, ñeñt' pompor ñaña pachor e'ñeca'ye yechme'teñ. Te'ñapa' eso'mare'tña oten ñapa' entoto' huapa.

⁴³ Jesúsñapa' atet otanet:

—Sapa' amach atta sotatse'tanna'tyesatsto. ⁴⁴ Ama't eseshapa' amach errotenot ameñnerrneto ñerra'm Nomp'or ñeñt' nellensene' ñerra'm ña ama cotape'chaterrahueto cohuen. Ñetñapa' netantaterranetcha' esempohuañen.

⁴⁵ Atet quellquët' ñeñt' a'ntaye't Yomp'or po'ñoñ ahuat, po'quellcopa' atet anuarët: "Allohuenetpa' Yomp'orcha'ña eñotaterrahuet." Allohuen ñeñt'cha' e'mñoterra' Nomp'or attoch cohuen cotape'chaterranet, ñetñapa' nachña ameñnerret.

⁴⁶ 'Ama't eseshapa' ama puentareto Apa. Napñaña na ñeñt'en huapatsa Yomporeshot nentarca'yeña Apa. ⁴⁷ E'ñe po'ñoñ notenes: Esha'ch nameñerraya ñetñapa' corretsetach pocsheñeshocmañen tayoteñ e'ñe erponañohuen. ⁴⁸ Napa' na corramtsotets alloch e'ñe socrra. ⁴⁹ Satañneshañpa' ama't rra'yese'te' ñeñt' maná all amayo, ñetñapa' o' colla'huenet. ⁵⁰ Tarraña ñeñt'en sotene' te' ñeñt'ña e'ñe po'ñoñ socrram' ñeñt'en huapatsa entot allochñapa' eseshach rre'pa' ñetñapa' corretsetach tayoteñ e'ñe erponañohuen. ⁵¹ E'ñe po'ñoñ napa' na ñeñt'en corramtsotets alloch e'ñe socrra ñeñt'en huapatsa entot. Ñerra'm esesha' rre' añ corrametspa' ñetñapa' corretsetach tayoteñ e'ñe errponañohuen. Añ corramets ñeñt'cha' nepomuerr na acheñenesha'cop arr patsro alloch e'ñe correnet, ñeñt'apa' aña'ye nechets.

⁵² Judionesha'ñapa' ñeñt'o'mara'cho' es otanna'tyeset. Ñetñapa' atet otyeset:

—Errotenotuachñaca' apueyña e'ñe ña po'chets ñeñt'cha' yerra'.

⁵³ Jesúsñapa' alla otterraneterr:

—Po'ñoñch o'ch notas, ñerra'm ama serrerrnano nechets Ñeñt'en Acheñetosets, ñerra'm ama sorrerrnano ñaña nerras, sapa' amate' errotenot socrraña sa. ⁵⁴ Ñerra'm esesha' rrene' nechets ñaña ñerra'm orrennanet nerras, ñetñapa' corretsetach tayoten e'ñe errponañohuen, tarro'mar ñaña'pa' netantaterranetcha' esempohuañen. ⁵⁵ Tarro'mar nechets ñeñt' e'ñe po'ñoñch corramtsotets; ñerraspa'cho'ña ñeñt' e'ñe po'ñoñch orrapo'. ⁵⁶ Ñeñt'cha' rrene' nechets ñaña ñerra'm orrennanet nerras ñetñapa' e'ñech parrocmatennet na, napa'cho'ña e'ñech neparrocmatennet ñet. ⁵⁷ Apa ñeñt' nellensene' ñapa' ama arromñateshayaye, ñaca'yeña napuene'ña atto napa'cho'ña corretsanach. Atet nepena ñaña, allohuen ñeñt' pocrram' nepene'

napa'cho'ña añ napuenanet attoch ñetpa'cho'ña corretsetach ñamet. ⁵⁸ Na ñeñfen socrrañ sepen ñeñfen huapatsa entot. Ama atteyayno ñerra'mrrate' pan ñeñf rre't satañneshañ ahuat. Ñetpa' o' colla'huenet. Esesha'ch e'ñe pocrrañ nepene' ñetñapa' corretsetach tayoteñ e'ñe errponañohuen.

⁵⁹ Arrpa' allohua ñeñf atet ye'chatenan acheñnesha' judionesha' po'prahuo all Capernaumo.

Jesús po'ñoñ ñeñtpa' alloch yocrrena tayoteñ errponañohuen

⁶⁰ Allempoña atet e'mueñet atet oten, shonte' pueyochresha'chnopa' atet otyeset:

—Añ ñoñetspa' amaca'ye e'ñeye' pocteyaye, amate' esesha' ame'ñayo.

⁶¹ Jesússpa' e'ñe pueyo'chro eñotanet 'cha otatse'tyen pueyochresha'chno, ñeñto'marña atet oterraneterr:

—Ñeñf atet notenespa' are't pocteye' senteñe. ⁶² Ta'm, ¿errofena'tcha' so'tña ñerra'm po'ño'ch sentennoñ na Ñeñfen Acheñetsosets o'ch alla na'terreñ ento allot nohuapa ahuat? ⁶³ Yecamquëñ alloña e'ñe po'ño'ch yocrrena. Yechetspa' ama't coñe'tapa' ama sherbeno. Neñoñ ñeñf neserrpare'tatenespa' e'ñe po'ño'ch secamquëñecop ñeñña po'ño'ch alloch e'ñe socrra. ⁶⁴ Tarraña panta'ttsospa' amaña same'ñenno.

Ñehua, Jesússpa' e'ñe allempoteñ eñotenan ñeñt'cha' ama ame'ñertso. E'ñe eñotenan ñaña ñeñt'cha' pomuerre'. ⁶⁵ Jesússpa' alla oterraneterr:

—Ñeñto'marña napa' notase't, amach esesha' name'ñerrayo ñerra'm ama Apa cotape'chaterrahueto attoch coternnet.

⁶⁶ Allempoteñña shonte' Jesús pueyochresha'chno puerra'cherret ñesho'tpa' o'huañ chopeñe'chenet parro. ⁶⁷ Allempoña Jesússpa' atet otan pueyochresha' ñeñf 'charrasheña puechena epa:

—Sapa'cho' ¿semneñe't o'ch sepurrerra saña?

⁶⁸ Simón Pedroñapa' atet och:

—Partseshacha', esesha'huate'ñaca'ye yocta'. Paptaca'ye pechenña ñoñets attochña yapa' corretsayach tayoteñ errponañohuen. ⁶⁹ Yapa' o'ca'ye yame'ñapa. Yapa' yeñotene'p papa' pepa'tca'ye Cristotets, ñeñfe'p Yompor Puechemere'p.

⁷⁰ Jesúsña atet otanet:

—Napa' naca'yëña sa'crerre'ña sa, 'charrasheñas sepchena epa. Ñeñña puecheñarrpa' ñeñtpa' oneñetena'tar.

⁷¹ Ñehua, Judasocop atet eñora. Ñeñf Judaspa' ñeñf Simón Iscariote puechemer. Ama't ñeñf a'pchenahuetañ epa pueyochresha', puecheñarrpa' ñeñt'cha' pomuerre'.

7

Ama't ñeñf pa'mo'nasheñnesha' pen Jesússpa' ñetpa' ama eseshaye' ame'ñenayo

¹ Allempoña Jesússpa' alla chopeñe'chyen e'ñe alla Galileo'mar. Ama mueno o'ch chopeñe'chen ñaña all Judeo mar tarro'mar judionesha'pa' 'cha o'pateñet o'ch muetset. ² Allempopa' o' 'cherrmo'cherr allempoch cosherrerr judionesha'; ñeñt'cha' cosherrerter añ pa'so'cheñ Manatpuetsopo', ñeñf atet ye'chenet ñet. ³ Allempoña Jesússpa' atet och pa'mo'nasheñnesha':

—Te'pa' orrerre'p arro't, ahuerre'p alla Judeo allochñapa' peyochresha'chno ñeñf allo'tsa'yen o'ch porrtatuerranet ñamet pepartsoña ñeñf

atet peḡa'yena te' arrma. ⁴ Ñehua, ñerra'm yemneñ o'ch yorrra allohuenacoppa' ama't puesheñarroḡeyapa' amachña a'nahua es yeḡa'yeno. Ñerra'm po'ñoç ḡorrtatyen peparḡsoña arrpa' ḡorrtachñaca'ye ñaḡa allohuen acheñeshacop añ patsro.

⁵ Ama't pa'mo'nasheñesha'pa'çho'ña tarro'mar atet ochet ñetpa'çho'ña amaca'ye ame'ñeñeto. ⁶ Jesúsñapa' atet otanet:

—Allempo ñeñt poctetsa nocop o'ch norrra allohuenacoppa' amaca'ye e'ñeye' çhena'. Tarraña socoppa' e'ñeca'ye pocte' çhocmaca'ye eñall.

⁷ Tarro'mar acheñesha'ña añ patsropa' amachca'ye errotentot e'moñe'tasoña sa, tarraña napa' çhocma e'moñe'tyennet tarro'mar napa' añca'ye neñotatyenanet ñeñt atet patse'tyenet ñeñt ama pocteyaye.

⁸ Sapa' orras socshapretena'. Napa' e'ñe tayecmapa' amachca'ye neto coshapretatsa. Tarro'mar nocoppa' ama e'ñeye' çhena' allempoch e'ñe pocta'huona.

⁹ Atet otuanetpa' ñapa' alla a'pa mame' Galileo.

Allempo Jesús coshapretena' ñeñt otenet Manatpuetsopo'

¹⁰ Allempoña pa'mo'nasheñeçhnopa' ñetñapa' ahuanmuet coshapretatset. O'ña tama o'çhetpa' ahuo' ñaḡa, tarraña ñapa' ama orrtenaneto, a'nahua cota'nenanet chenta'. ¹¹ Judionesha'ña all coshenetpa' ñetñapa' e'neñet atet otyenet:

—Ta'mca'ye çerro'tsente'ña Jesús?

¹² Allña acheñesha'pa' shonte' eñosyenet ñocop. Patanta'tetspa' atet otyenet: “Ñapa' e'ñe cohuen acheñer”; po'potantañeçhnopa' atet otyenet: “Amaca'ye cohuenayaye, ataca'ye shecare'tyenan acheñesha'.”

¹³ Ñetpa' atarr mecha'teñet judionesha' ñeñto'marña a'nahua atet otanna'tyenet.

¹⁴ O'ña patma'nma atto coshenet Jesúsñapa' be'tosos Parets pa'paclo, yeçhatosanet all. ¹⁵ Allñapa' epaye' cohuanrrorech judionesha'. Ñetñapa' atet otyeset:

—Ta', errotente'ca'yeña añ, ama't ama ayçhatarete quellecpa' atarrepa't es eñotyen.

¹⁶ Jesúsñapa' otanet:

—Ñeñt atto neyçhatyenes ñeñtapa' amaca'ye noyaye noctapña, ñeñtapa' Yomporoña poctapña ñeñt nellsensene'. ¹⁷ Ñerra'm esesha'ña muene' o'ch atet pet ñeñt muenen Yompor ñetñapa' eñochetcha' neyçhateñpa' Yomporo amaca'ye notaye' neñeno. ¹⁸ Ñerra'm esesha' e'ñe ñofoḡa eñenpa' ñetñapa' añach e'nenet o'ch cohuentateññañ acheñesha' e'ñe ñocop. Añña ñerra'm esesha' e'nene' o'ch cohuentatenan ñeñt llesensene' ñapa' ñeñtña eñetsña ñoñtso e'ñe po'ñoç ama shequëñtsoyaye.

¹⁹ Ama't apasoña Moisés ñoñets ñeñt atet anaret. Tarraña ama't apaseñ, sañapa' ama't e'ñe puesheñarroḡesapa' ama sepohuenoña ñeñt atet oten añ ñoñets, ñeñtpeñapa' eso'mare'tña te'pa' semneñña o'ch semtsan.

²⁰ Acheñesha'ñapa' atet otereterr:

—Papa' çhate' chorrenḡa oneñeñ. Amarramche' esesha' ḡo'patenayeña o'ch muetsapet.

²¹ Jesúsñapa' alla oterraneterr:

—Napa' ama't parrocha norrtatonas nepartsoña añ yetro allempo yamesen saña allempopa' atarr secuanrroreññoñ tarraña sañapa' ama pocteye' senteñe. ²² Moisés'pa' apa'nmas ñeñtcha' seycha' attoch setsorranena. Ñehua, po'ñoçh ñeñt'pa' ama ñanom Moisés'oye' sapaye, ñeñt'pa' satañneshañe'naña seychatnomue' ahuatoteñ. Ñeñto'marña sapa' çhocmach setsorrateñ asheñorrofoñ ñerra'm o'ch posocmata'muen ama't añ yetro allempocma yamesen çhocmaña setsorrateña asheñorrofoñ. ²³ Atto sapa' setsorrateñ asheñorrofoñ ama't añ yetro allempocma yamesen attoch amach sa'pueno ñoñets ñeñt' atet anaret Moisés'ot, ñeñt'epña'pa' eso'maruañaca'yeña se'moñe'tenenña na allempo e'ñe na'crraten püesheñarr acheñ añ yetro allempocma yamesen. ²⁴ Ñerra'm esempo senteñ po'psheñeñ ñeñt' atet penpa' amachña ñeñto'a sott'eñe'chatsche año' cohuenaye' es yeçcateno. Chochña ñanom señoçh errotente'ña ñeñt' po'ñoçh atet pena.

Atto Jesús'pa' eñotatanet ñapa' Yomporeshot huapa

²⁵ Patanta'tets jerusaléño'marnesha'pa' atet otyenet:

—Ta'm amate' añeyayeña ñeñt' o'patenet o'ch muetset. ²⁶ Ñapa'çho'ña allo'tsenepa't arr, atta ama es pueçheno eñosets, amaña erroteye'ña oteñeto. Ñato' tarro'marte'ña ama't amcha'taretnesha'pa' o'ca'ye eñotuet po'ñoçh ñapa' ñeñtca'ye Cristotets. ²⁷ Tarraña añpa' yeñoteña'ye allot huena. Tarraña esempoch huapa ñeñtcha' e'ñe po'ñoçh Cristotats ñapa' amach eseshaye' eñotapaye errot'cha' huapa.

²⁸ Jesús'ña allempo yeçhaten Parets pa'paclo, ñapa' puerranarot atet otanet:

—Sapa' sechme'tennoñte', señotennoñte'ña na errotte' nohuapa. Tarraña napa' ama notaye' nohuapo, eñallña ñeñt' nellense'; ñapa' e'ñe po'ñoçh ñerra'm errot ot, ama puenesho po'ñoñ. Ñeñña sapa' ama seño'teñeña sa. ²⁹ Nañapa' e'ñe neñoteñ, ñeshotca'ye nohuapa. Ñapa' ñeñtca'yeña nellenserre'.

³⁰ Allempocma atarr mueneñet o'ch rromuetañ tarraña ama esesha' rromaye. Tarro'mar ama çhena' allempo ñeñt' poctetsa ñocop attoch rromuet. ³¹ Shonte' acheñenesha' ñeñt' ame'ñaya. Ñetña'pa' atet otyenet:

—Añte'ca'yeña po'ñoçh Cristo ñeñt' yecuen o'ch huapa. Yapa' o'ca'ye orrtatosnay po'partsoña, amate' errotent' huapo po'psheñeñ ñeñtcha' ello metanose' po'partsoteña ñeñt' atet entatyeny añ yacmar.

Allempo fariseonesha'pa' mueñet guardianesha' ñeñtcha' rromuenayañ Jesús

³² Fariseonesha'ñapa' e'mare'teñet shonte' acheñenesha'pa' e'ñe cohuen eñosyenet Jesús'ocop. Ñeñto'mar ñet ñaña ñeñt' pa'mcha'taretnesha' pen allohuen judionesha' po'cornaneshar, ñetña'pa' mueñet guardianesha' ñeñtcha' rromuenayañ Jesús. ³³ Jesús'ña'palla oterraner:

—O' mameshaña e'ñe parro'tseney. O'chña mamerrrrpa' o'ch alla ahuerren allo'tsen ñeñt' nellensene'. ³⁴ Allempoña ama'tcha' se'name'terrenpa' amach senterrno. Allcha' neserr napa' sañapa' amate' errotent' seçhapa.

³⁵ Judionesha'ñapa' atet otanna'tyeset:

—Ta', ¿errach taña aña ñeño'mar amach yentere? Ñato' arrcha' ta griegoneshesho all parratse'tyen yamo'tsesha' o'ch ye'chatenana' griegonesha' all. ³⁶ Ta', ¿ese'ña aña ñeño'mar atet oten: "Ama'tcha' se'nerrna'pa' amach senterrno; allcha' neserr napa' saña'pa' amach errotentot se'chapo'?"

Allohuen ñeñi ame'ñenaya Jesús, Parets Puecamquëño'pa' e'ñe pueñmateño'tet pueyo'chreto atet penet ñerra'mrrate' allot poten oñ ñeñi atarr cohuen

³⁷ O' e'ñe huañmoch all coshena judionesha'. Añe yetro allempo nanac coshenet, Jesúsña'pa' tomos all, puerranarot atet otosanet:

—Erra'tsente' acheñer oña'tets e'ñe pueyo'chreto, onetepa' nesho orretepa'. ³⁸ Ñeñi name'ñenaya na e'ñe pueñmateño'tet pueyo'chretopa' atet pena ñerra'mrrate' allot poten oñ aton ñeñi atarr cohuen, tarro'mar ñeñi'pa' atet oten Yompor po'ñoñ ñeñi anuaret ahuatoteñ.

³⁹ Ñehua, añ ñoñetspa' añecop serrpare'ten Yompor Puecamquëñecop ñeñi'cha' chorrerraya allohuen ñeñi'cha' ame'ñerraya ña. Tarraña allempopa' ama aparetteneta' Yompor Puecamquëñ, tarro'mar Jesús'pa' ama chena' allempoch alla ahuerri Yompor pue'ntaño allcha' e'ñe cohuentaterrñañet.

Allempo acheñenesha'pa' ellopa'tetstatenet pocta'ña Jesúsocop

⁴⁰ Allempo e'mhuet ñeñi atet oten Jesús, patantarrña acheñenesha'pa' atet otyeset:

—Po'ño'ch aña'pa' ñeñite'ca'ye a'mtene'ña Yompor po'ñoñ ñeñi thocma yecuen.

⁴¹ Po'potantaña'pa' atet otyeset:

—Aña'pa' ñeñite'ca'yeña Cristotets ñeñi thocma yecuen.

Po'potantaña'pa' atet otyenet:

—Ñeñi'cha' Cristoterretspa' amate' arrota huapo Galileot. ⁴² Ama't otenoña Yompor po'ñoñ ñeñi anuaret, David'cha' po'mrenño' huapaña ñeñi'cha' Cristoterrets; arrot'cha' huapa anetsot ñeñi Belén ñeñi pa'netser pe't David.

⁴³ Ñeño'marña allohuen acheñenesha'pa' ellopa'tetstatenet pocta'ña Jesúsocop. ⁴⁴ Patanta'tetsña'pa' atarr mueneñet o'ch rromuet, tarraña ama esesha' rromaye.

Atto judionesha'pa'mcha'tareternesha' ama ame'ñeñeto Jesús

⁴⁵ Guardianesha'ña'pa' puerra'cherret allo'tsen ñeñi pa'mcha'tareternesha' pen allohuen judionesha' po'cornaneshar epuet ñaña fariseonesha'. Ñetña'pa' atet otare'ttapperret:

—Eso'maruañaca'yeña amaña sehuapatere.

⁴⁶ Guardianesha'ña'pa' atet otuerret:

—Ama't eseshapa' ama pueñosaroña atarr cohuen atet eñen ña.

⁴⁷ Fariseonesha'ña'pa' atet oterraneterr:

—Tarro'marte' ama sehuapatere sapa'cho'ña chote'ca'ye shecapas saña.

⁴⁸ Ama't ñaña patantarr añcha'taretnesha'pa' ama't o'cha ame'nyeto ñamet. Ama't ñaña patantarr fariseonesha'pa'cho'ña o'te'ca'ye cha ame'nyet.

⁴⁹ Tarraña ñeñi acheñeneshar ñeñi ama eñotenaye ñoñets ñeñi atet anaret ñetña'pa' a'cmaretet.

⁵⁰ Ñeñiña pueñeharr fariseo ñeñi Nicodemo ñeñi tatsa ahuaña Jesúsesho, ñaña'pa' atet otan pamo'tsesha' fariseonesha':

⁵¹ —Ñoñets ñeñi atet anaret yocoppa' atet otene'y, amach errotentot yecoñchache ama't pueñeharra acheñ e'ñe attota. Chochña ñanom ye'mño'ch

attoch yeñoch este' otatse'tyen ñeñt atarr sosey yenten esheccha'ña yecoñchach.

⁵² Ñetñapa' atet ochet:

—Eso'maruachca' pemoñesyaña galileo'marnesha', ñato' p̄papa' galileo'marnesha'p̄te'. Papa' amarramche' galileo'marneshayaye. Te'pa' pelleya'yes Yompor po'ñoñ allochñapa' o'ch peñoç Galileo'tpa' ama't puesheñarrapa' amach huapoña ñeñt'cha' a'mtene' Yompor po'ñoñ.

Allempo puesheñarr coyanesha' huapachet Jesúsesho ñeñt chetapretene' pacma puerrollar

⁵³ Allempoña allohuenet ahuanemyerret pa'pacleto.

8

¹ Jesúsñapa' ahuerr Olivopno. ² Tsapatña po'pocheño e'ñe ahuatecma alla chenerr Parets pa'paclo. Shonte' acheñenesha' alla huacheneterr ñesho. Ñañapa' anorros allña yeçhatenaneterr. ³ Ñeñtña etsotayenayeñ ñoñets ñeñt atet anaret judionesha'cóp ñama fariseonesha' ñetñapa' huapatoñet puesheñarr coyanesha' ñeñt rromuet all eñchet chetapretenan po'psheñeñ pacma puerrollar. Nosñañet e'ñe rroçho. ⁴ Allñapa' atet otoset:

—Maestro, añ coyanesha'pa' o' yentaprech e'ñe all chetapretenan pacma puerrollar. ⁵ Moisés po'ñoñ ñeñt atet anaret ñeñt'pa' atet oteneý, añpa' çhoch yarrolle'ch. Te'ña p̄papa' çerrofe'tcha'ña poteyña p̄a?

⁶ Ñeñt'pa' tarro'mara atet otoset ñato'rrañ eñorachet ñeñt ama pocteyaye allochñapa' attoch a'metampeñeta'. Jesúsñapa' allenta mo'capa' o' quellcan pats potaño. ⁷ Ñetñapa' alla a'p̄to'tereterr. Jesúsña echanterrtsapa' atet otanet:

—Ñerra'm erra'tsenoteste' ama eñalle so'chñarpa' sarrolle'chca'ye sanom.

⁸ Alla mo'quërrer o' alla quellquërranerr pats potaño. ⁹ Ñetñapa' o' e'met atet otanet Jesús'pa' e'ñe aco'poteñ ahuanemhuerret e'ñe puesheña'ttset. Añ ñanom ahuanerrtsa po'nmenesha'çno, attotapa' o' ñapñama Jesús epuet coyanesha'. ¹⁰ Jesúsña echanterrrerpa' atet otan coyanesha':

—Noçeshacha' çerro'tsa'yeneta'tña? Ama't puesheñarroçeta ñetpa' are'tcha'ña coñchatape.

¹¹ Ñañapa' atet otan Jesús:

—Ama Ayochreshate eseshaye' necoñchataye.

Jesúsñapa' alla otererr:

—Napa'çho'ña amach necoñchatape. Te'ña ñerra'm ahuerre'p̄pa' amach allo'na atet pe'pa'nen ñeñt ama't mamesha ama pocteyaye.

Jesús'pa' ña a'puetarsam̄pene' acheñenesha' poctapñña añe patsro

¹² Jesúsña po'pocheño'pa' serrpare'taterranerr acheñenesha', ñeñt'pa' atet ottaneterr:

—Napa' na ñeñten a'puetarsam̄pene' acheñenesha' poctapñña añe patsro. Esesha'ch nocterre' o'huañcha' allo'na cotape'chatnenanet poctapñña ñeñt atarr sosya'tsañ; ñeñt'pa' checmeta chopeñe'çhyenet. Ñetñapa' Yomporcha' po'cohuenño correrret ñeñfara ñeñt puetarets.

¹³ Fariseonesha'ñapa' atet ochet:

—Papa' p̄añeña a'potetsa ñeñto'marña atto p̄a'potenapa' ama sherbeno.

¹⁴ Jesúsñapa' ottaneterr:

—Tarrañña ama't nañeña a'potetsapa' atto na'potenapa' e'ñe sherben. Tarro'mar napa' neñoteñ allot nohuapa ñama neñoteñ allcha' neserr. Sañapa'

ama señothenno allot nohuapa ñeñto'marña ama señotheñe allcha' neserr. ¹⁵ Sa sotatseñpa' e'ñe orrena atet sepena, arromñañeshasa atet petsa. Napa' ama't puesheñarrapa' ama notatse'tenaneto e'ñe atta. ¹⁶ Tarraña ñerra'm esempo na'metanenet ñeñt atet nentapretyenanet ñeñtpa' e'ñe po'ñoçh atet tarro'mar napa' ama napteye' es neña'yeno, napa' çhocmaña epan Apa ñeñt nellsensene'. ¹⁷ Ñoñets ñeñt atet anaret ñeñt sechen sa, ñeñtpa' atet oten: Ñerra'm epsheña a'potene' e'ñe atecma ñeñtpa' e'ñeca'ye po'ñoçh otenet. ¹⁸ Napa' ñeñt atet na'potena na, Apaña ñeñt nellsensene' ñaca'yeña na'potene'ña nocop.

¹⁹ Ñetñapa' atet otereterr:

—¿Erro'tsena'tña pa Pompor?

Jesúsñapa' atet oterraneterr:

—Ama't napa' ama señothenno, Apapa'cho' ama señotheñe. Ñerra'm señothennoñ na Nompore'nate' señotheñe.

²⁰ Allempopa' atet otanet Jesús all allecma año'tenet quelle ñeñt Yomporecop allempo yeçhatanet allara Parets pa'paclo. Tarraña ama't puesheñarra ama eseshaye'rromaye tarro'mar ama çhena' allempoch ñeñt poçtetsa ñocop o'ch rromuet.

Allempo Jesús otanet allcha' serr ñapa' acheñenesha'ñapa' amach errotenot çhapueto e'ñe allempocma

²¹ Allempoña Jesúsapa' atet oterraneterr:

—Napa' o'ch ahuerren, sapa' se'nerrencha'. Sapa' orach ochñarefes serromhua. Allcha' neserrpa' sañapa' amach seçhapo.

²² Judionesha'ñapa' atet otanna'tyeset:

—Ta'm ñapa' o'ch muetsa ñañeña, ¿ñeñto'marte' atet oten allcha' serrpa' yañapa' año'ch yeçhapo?

²³ Ñañapa' alla oterraneterr:

—Sapa' alla ayeçhcañas arr patsro. Nañapa' ento'marneshan. Sapa' patso'marneshasa, nañapa' ama patso'marneshayayno. ²⁴ Napa' o' notas sapa' orach ochñarefes serromhua tarro'mar ñerra'm amach same'ñernno na ñeñten peretnene' ochñarets, po'ñoçh sapa' orach ochñarefes serromhua.

²⁵ Ñetñapa' atet otereterr:

—Papa' po'ñoçh ¿eseshape'tña?

Jesúsñapa' alla oterraneterr:

—Napa' ñeñtenca'ye po'ñoçh çhocma sotene'. ²⁶ Atarr nanac palltena çhocmach notenes atet sepena sa, shonte'ch neños añecop atet nentyen. Tarraña ñeñt nellsensene' ñapa' e'ñe po'ñoçh atet oten ña. Napa' añca'yeña ne'ñoreññaña acheñenesha' arr patsro ñeñt atet ne'mueññañ Apa.

²⁷ Ñetñapa' ama esesha' çchahueto pueyoçhreto ñeñt atet otenanet Pom-porecop ñeñt atarr Parets. ²⁸ Jesúsñapa' alla oterraneterr:

—Ñerra'm esempoch sapa' sechantamñsen eno corsocho na Ñeñten Acheñetosetspa' allempochña çchaponasa seyochro napa' ñeñten e'ñe po'ñoçh çhocma sotene'. Chaponasach ñama napa' ama es nepeno e'ñe nota, añña ne'ñorena atet yeçhatenen Apa. ²⁹ Ñeñt nellsensene' ñapa' e'ñe parro'tsenen. Ama a'montsenno, tarro'mar napa' e'ñe çhocma atet nepena ñeñt muenen ña.

³⁰ Allempo atet serrpare'tenanet allempopa' shonte' ame'ñaya all.

Atto ñeñt puechemer pen Yompor ñetñapa' atarr cohueno'tsa'yenet; ñeñña ama puechemer peno Yompor; ñetñapa' po'chñara taruasatenahuet e'ñe atta

³¹ Allempoña Jesúsapa' atet otan judionesha' ñeñt ame'ñenaya ña:

—Ñerra'm čhocma soctape'chon neñoñ po'ñočhpa' neyochresha'ch nepenes. ³² Allempopa' señoterra' ñoñets ñeñt e'ñe po'ñočh Yompor po'ñoñ. Ñeñña ñoñets po'ñočhpa' toramperrescha' e'ñech cohueno'tsenes.

³³ Ñetñapa' atet otereterr:

—Yapa' Abrahamca'ye po'mrenñey. Ama't ahuata yapa' ama't puešeñarrofeyapa' ama ehuancareteye atoch esesha' yetaruasate' e'ñe atta. Eso'marte' pañapa' poteneña atorampsareteyo'ch.

³⁴ Jesúsñapa' alla oterraneterr:

—Po'ñočhca'ye notenes: Allohuen ñeñt ochña'tare'tetspa' po'chñara huanquénahuet, ñetñapa' po'chñara taruasatenahuet e'ñe atta. ³⁵ Ñeñt ataruasataret e'ñe atta amach čhocmaye' yečherro e'ñe parro epuet pamo'mte'. Tarraña na ñeñten Puechemeran čhocma e'ñe neyčhena epan Namomte' errponaño. ³⁶ Ñeñto'marña na ñeñten Puechemeran ñerra'm na setoramperre' sapa' atorampsarettescha' e'ñe po'ñočh, amach alla taruasaterrse'te so'chñar. ³⁷ Na po'ñočhpa' neñotenes sapa' po'mrenñeseñ Abrahampa' tarraña sapa' aña semnen o'ch semtsan. Tarro'mar neñoñpa' ama't mameshapa' ama čhennaso sa seyočhro. ³⁸ Napa' añ neñeñ ñeñt atet nentapreteñ Apa. Sapa'čo'ña aña atet sepen ñeñt atet se'mapreteñ ñeñt sompor sepen.

³⁹ Alla otereterr:

—Ya yatañpa' Abrahamca'ye.

Jesúsñapa' atet oterraneterr:

—Sapa' ñerra'm po'ñočh Abraham po'mrenñeseñ soctape'cheneñte' atet e'ñe cohuen cotape'che't Abraham. ⁴⁰ Tarraña sa te'pa' čha so'patenna o'ch semtsan na ñeñten seserrpare'tatene' ñoñets ñeñt e'ñe po'ñočh ñeñt atet ne'mueññañ Yompor. Abrahampa' amaca' atteye' pe'te. ⁴¹ Sapa' e'ñe aña soctape'chen atet pena sompor.

Ñetñapa' alla otereterr:

—Yapa' amaca'ye ellapnaneshoteye' ye'ñallete. E'ñe ñapña Yompor yepen ñeññara Parets.

⁴² Jesúsñapa' alla oterraneterr:

—Ñerra'm po'ñočh Sompor sepeñeñ Parets atarrte' semorrentennañ na tarro'mar napa' Partseshotca'ye nohuapa o' nechap arr. Napa' amaca'ye notaye' nohuapo, napa' Yomporña nellense'. ⁴³ Eso'mare'tña sapa' ama čhennasoña seyočhro ñeñt notenes. Ñato' tarro'marte'ña ama semno o'ch se'mñnoten ñeñt atet notenes. ⁴⁴ Sapa' oneñeñaca'ye ñeñt sompor sepen. Ñeñto'marña sapa' aña semnen o'ch sepa ñeñt muenen sompor. Ñapa' ahuatoteñ e'ñe pa'motroteñ amtsañta. Ñapa' ama't mameshapa' ama eñora'penoña Yompor po'ñoñ ñeñt e'ñe po'ñočh tarro'mar ñoñets ñeñt e'ñe po'ñočhpa' amaca'ye atanenoña ña pueyočhro. Ñerra'm čho eñorenapa', shequēntsach eñorena tarro'mar ñapa' e'ñe shequēntsa eñoten. Po'ñočh sequēñetspa' pomporca' penañña oneñe. ⁴⁵ Tarro'mar napa' añ notenes ñeñt e'ñe po'ñočh sañapa' amaña same'ñenno. ⁴⁶ Ama't puešeñarrofesa sa, napa' amach errotenot sotno napa' eñallo' no'chñar. Atto napa' añ notenes ñeñt e'ñe po'ñočh eso'mare'tña sañapa' ama same'ñenno.

47 Erra'tsente' Yomporena'tarpa' ñetñapa' 'chochca'ye e'mñoteññañet Yompor po'ñoñ. Ñeñfo'marña sapa' ama se'mñoteññañe po'ñoñ, amaca'ye Yomporena'tareyaso.

Allempo Cristopa' atet otanet: Allempo ama eñalletena' Abraham, nañapa' eñallana

48 Judionesha'ñapa' atet otereterr:

—E'ñe po'ñoçh atet yoteneþ, þapa' samario'marneshaþ, oneñeña pechorrenaya.

49 Jesúsñapa' oterraneterr:

—Napa' ama 'choye' chorrenno oneñeñ. Napa' atarr nanac nerñcha'na'teñ Nompör Parets. Sañapa' ama senñcha'na'tenno na. 50 Napa' ama añeye' ne'nenno attoch necohuentata nañeña. Eñallña ñeññ necohuentatene' na. Ña eñoretsa atet es entyen arr patsro. 51 Po'ñoçhca' notenes: Ñerra'm esesha' e'ñe cotape'cherre' neñoñpa' ñetña ama't ahuatapa' amach e'ñe poctacma rromuerreto.

52 Judionesha'ñapa' alla otereterr:

—Te'ña po'ñoçh yapa' o' yeñotaþ þapa' 'cha chorrenþa oneñeñ. Ama't Abrahampa' o' rromuen ñaña ñeññ a'mta'yesaye't Yompör po'ñoñ ñeñþa'cho'ña o' colla'huenet. Te'ña þapa' atet þoteny esesho'ch cotape'cherre' peñoñpa' ama't ahuatapa' año'ch rromuerreto. 53 Papa' 'chate' þotenapañ ellote' peñtaneñ atto añcha'tarette't Abraham ama't ñapa' o'ca'ye rromuen. Ñeññ a'mta'yesaye't Yompör po'ñoñpa' ñetpa'cho'ña o' colla'huenet. Papa' 'chate' þotenapañ amate' arromñañeshayape.

54 Jesúsapa' atet oterraneterr:

—Ñerra'm na cohuentatetsa nañeña, necohuentateña e'ñe napa' amate' es sherbeno. Nompörpa' ña necohuentatene' ñeñfara ñeññ soteneñ Seyompör-ro' sepeñ samña. 55 Sapa' amaca'ye señoñeñ tarraña napa' neñoñca'ye. Ñerra'm na otetseñ ama neñoñeñ napa'cho'ña atteneñe' ñerra'm sa, 'chate' neshcare'tensoñ. Napa' e'ñe po'ñoçh neñoñeñ ñeñfo'mar 'chocma noctape'cheññañ po'ñoñ. 56 Abraham ñeññ sa satañpa' atarr nanac cosha allempo eñoçh o' 'thap allempo ñeññ poctetsa nocop o'ch nohuapa arr patsro. Allempoña eñoçh napa' o' ne'chþap arr patsro atarr nanac cosha.

57 Judionesha'ñapa' alla otereterr:

—Papa' ama pechena' amnaroch 'charra' pecharña þañapa' eso'mare'tña þotenyña þapa' pentero' Abraham, ñeñþa' ahuatramche' corre't.

58 Jesúsñapa' alla oterraneterr:

—Po'ñoçhca' napa' o'ch notas: Ama eñalletena'ña Abraham, nañapa' eñallana.

59 Ñetñapa' allenta chetet mapue'pa' o'ch rrolle'chetañ tarraña Jesúsña a'nahua 'cha'nerr Parets pa'þacloþpa' o' ahuerri o' sohuanerranet.

9

Allempo Jesúsapa' a'crraterran puesheñarr aporo'yet ñeññ atta eñalletña

1 All oñen Jesúsapa' allña entnoman puesheñarr yacma aporo'yet. Neññña aporo'yetpa' atta eñalletña. 2 Pueyochresha'ñapa' allenta a'þto'chet:

—Maestro, ¿esesha'tña ochña'tats ñato' ña amapa' pamo'mte'te' ñeñfo'mar eñalletaña atet aporo'yet?

3 Jesúsñapa' atet otanet:

—Amaca'ye po'chñaroŕeyaye ama't ñaña pamo'mte'; ñeñt'pa' añecopña allochñapa' o'ch norrtatoñ Yompor po'partsoña ñesho. ⁴ Ñeñt' poctetsa o'ch norrtatoñ po'partsoña ñeñt' nellense' tayepa'tña' puetarmeñ. Ñerra'm o'ch checmetenpa' amach eshcaye' yetaruaso. ⁵ Tayepa'tña' añe pat-sro'tsenmeñenpa' na ñeñfen a'puetarsañpene' acheñenesha' poctaṗña' añe pat-sro'.

⁶ Allempoña atet otuapa' allenta a'chonon pa'snom patso o' a'cha'cha'tach. Ñeñtña' cha'cha'te'pa' alloña a'yac'le'chanña aporo'yet. ⁷ O'ña a'yac'le'chuepa' atet och:

—Te'pa' orrap' oño all apco'sattatareto ñeñt'pa' añ pa'so'cheñ Siloés. Allcha' pe'pac'le'cha. (Ñehua, aña'ye otenetña Siloés ñeñt' oñ ahua'ñareñ.)

Ñaña'pa' allenta ahua' oño allcha' e'pac'le'chena'. E'pac'le'chuatsapa' e'ñe errtsapa' allentepa'tcha' cohuenterraña pa'c'le' e'ñe cohuen enterra. ⁸ Pamo'tsesha'ña ñaña po'poñe'chno acheñ ñeñt' e'ñe cheme'tene' all allempo enamaren quelle, ñetñapa' atet otyeset:

—Añpa' ¿ama't añeyayeña ñeñt' anorrtse't ñeñt' enamare'tatse't quelle?

⁹ Patantarr acheñenesha'pa' atet otyenet:

—Ñeñt'ca'ye.

Po'potantañe'chnopa' atet otyenet:

—Amaca'ye ñeñt'eyaye, at'aca' ñeñt'ema'ttena.

Aporo'yetñapa' atet otanet:

—Napa' ñeñt'enca'ye.

¹⁰ Ñetñapa' atet otyeset:

—¿Erro'fenote'tña o' pecuerr?

¹¹ Ñaña'pa' atet oterraneterr:

—Añ yacmar ñeñt' otenet Jesús ñaca'ye a'cha'cha'te'ña pa'snomo patspa' alloca'yeña a'yac'le'chen. Allempoñapa' oten nepac'le'chenepa'to' oño Siloéso. Nañapa' allña ne'pac'le'chena'. E'ñe e'pac'le'chuatsanpa' allentepa'tcha' necuerr.

¹² Ñetñapa' alla otereterr:

—¿Erro'tsena'tña ñeñt' yacmar?

Ñaña'pa' ot:

—Ta'm, amaca'ye neñoteñe.

Atto fariseonesha'pa' a'pto'tare'tenan aporo'yet ñeñt' a'crraterr Jesús

¹³ Allempoña ñeñt' poro'ye'chatse'tpa' anmet allo'tsen fariseonesha'.

¹⁴ Ñehua, allempo a'cha'cha'tan Jesús pa'snomo pats allo a'yac'le'chan aporo'yet ñeñt' cohua'terre' allempopa' añ yetro allempo amesenet.

¹⁵ Fariseonesha'ña'pa' ello alla otereterr:

—¿Erro'fenote'tña o' cohua'terrpet?

Ñaña'pa' atet otosanet:

—Añoca'ye a'yac'le'cherrnet senmatso ñeñt' a'cha'cha'tare't epuet pats o'ña ne'pac'le'cherrapa' allenta necuerr.

¹⁶ Patantarrña fariseonesha'pa' atet otyeset:

—Ñeñt' yacmarpa' amate'ca'ye Partshote'ye' huapo ñeñto'mar ama esoye' entenanona ñeñt' anaret paterr yet allempocma yamesen.

Po'potantañapa' atet otyeset:

—Ta', elloña ñerra'm ochñañ' acheñ amate' erro'tenot orrtatonayeña part-soteñets.

Attoña e'ñe all ellopa'tetstatet poctaḗña ñocop. ¹⁷ Ellopa' alla otereterr ñeñĩ poro'ye'chatse't:

—¿Errofena't potenña ḗa añecop ñeñĩ o' cohuaterreḗ?

Ñañaḗa' atet ot:

—Ñapa' ñeñĩca'ye a'ñitene' Yompor po'ñoñ.

¹⁸ Judionesha'ñapa' atet otyeset:

—Ñapa' amaca'ye po'ño'ch aporo'yetyeḗye, e'ñeca'ye cohuen entena.

Allempoñapa' chore'toñet pamo'mte' ñeñĩ o' cohuerr. ¹⁹ Ñetñapa' atet otapoñet pamo'mte':

—Añpa' ¿añe'tña sacñe'ter ñeñĩ sotyese't ahuo' eñalletaña sacñe'ter aporo'yet? Te'ñapa' ¿errofeno'te'tña o' cohuerr?

²⁰ Pamo'mte'ñapa' atet otosanet:

—Po'ño'ch añca'yeña yacñe'ter ñeñĩ atta eñalletatsa aporo'yet. ²¹ Atto o' cohuerrpa' yapa' amaca'yeña yeñoteñe. Ta', esesha'te' o' cohuater, yapa' ama yeñoteñe. Sa'ḗto'ch e'ñe ña, ñapa' o'ca'ye atta po'napen, ñofachca'ye eñora.

Judionesha'ña allempopa' atet otyeset:

—Po'ño'chepa'tca'ye aporo'yet o' cohuerr.

²² Ñehua, pamo'mte' atet otanet tarro'mar ñetpa' mecha'teñet judionesha'. Ñehua, judionesha' ñetpa' atet a'pocatenet ñerra'm esesha' otets: Jesúsḗa' ñeñĩca'ye Cristotets, ñeñĩña atet otetspa' o'ch mueño'chet ñet po'prahuot.

²³ Ñeñto'marña pamo'mte'pa' atet otanet:

—Ñapa' o'ca'ye atta po'napen, ñofachca'ye eñora.

²⁴ Puepocheñopa' alla chore'tereterr ñeñĩ poro'ye'chatse't atet otapet:

—Te' ḗapa' o'ch pecohuentaterrñañ Yompor. Yapa' yeñoteñ añ yacmapa' atarrca'ye ochñañ.

²⁵ Ñañaḗa' atet oterraneterr:

—Ta', ñato' ochñafeñe' napa' ama neñoteñe. Napa' añaca'ye neñoten napa' aporo'yeten te'ñapa' o' cohuen necuerr.

²⁶ Ñetñapa' alla otereterr:

—¿Erro'te'tña perreḗ? ¿Errofeno'te'tña o' cohuaterreḗ?

²⁷ Ñañaḗa' oterraneterr:

—Ama'tña napa' o'ca'ye notuas sañapa' are'tña seño'teñe. ¿Eso'mare'tña semneñ o'ch alla noterrser? Ñato' ¿añecop'te' semneñ o'ch yochresha'tasa samã?

²⁸ Ñetña allenta otnare'chetpa' atet otereterr:

—Papa' pueyochresha' peneḗ ñeñĩ yacmar, yañapa' Moisésca'ye pueyochreshay. ²⁹ Yapa' yeñoteñ Paretspa' eñorana'tana Moisés, tarraña ñeñĩ yacmarpa' ama yeñoteñe erro'te'ña huapa.

³⁰ Ñeñĩ poro'ye'chatse'tpa' atet oterraneterr:

—Erro'tenotua'ca'ye ama seño'teñe'te'ña erro'tte' huapaña ama't napa' o'ca'ye e'ñe cohuen cohuaterren. ³¹ Yapa' yeñoteñ ñeñĩ ochñañ acheñpa' amaca'ye e'ñoteñe Yompor, tarraña ñerra'm ya yemcha'na'teño't Yompor atet yepena ñeñĩ muenen ñapa' chocmach e'ñoteñe. ³² Ya ama't ahuatapa' ama ye'mareña esesha'pa' o' cohuaterraña ñeñĩ atta eñalletña aporo'yet.

³³ Ñerra'm ñapa' ama Yomporeshot huapañe amate' erro'tenot cohuaterrnoñe.

³⁴ Ñetñapa' alla otereterr:

—Papa' pe'ñalleta e'ñe ochña'rtso't. Te'ñapa' tha pemneñ o'ch pey'chatey a. Allenta mueño'chet e'ñe ñet po'prahuot.

Ñeñi ama ame'ñetso Jesúsñapa' atet entenanet ñerra'm aporo'yet

³⁵ Jesúsñapa' o' e'mare'ch ñeñt aporo'yettatse'tpa' o' mueño'chet. Allempoña enter Jesúsapa' atet oter:

—¿Pame'ñeña't ñeñt Yompor Puechemer?

³⁶ Ñañaapa' atet och:

—Ayochreshate, zesasha'tña ñeñt Yompor Puechemer ñeñtcha' name'ña?

³⁷ Jesúsñapa' atet otererr:

—Ñeñt pecuen, ñeñten atet potene', naca'ye.

³⁸ Ñañaapa' allenta concorpa ñeshopa' atet otererr:

—Name'ñerrpach Partseshacha'.

³⁹ Jesúsñapa' alla otererr:

—Napa' añecopña nohuapa arr patsro allochñapa' attoch acrareterra acheñenesha' errotentcha' nentyesamet, allochñapa' ñeñt ama entetsopa' o'ch e'ñe cohuen enterra. Ñeñña entetsaña' o'ch alla aporo'yetterra.

Ñeñtapa' añ toman'tata, ñeñt atarr ochña't entetsa ñerra'm ame'ñerrana Jesús, ñetpa' cherranetcha' Yompor po'cohuenña pueyo'chreto. Ñeñña ama ochña'eye' entetsañe ñeñfo'marña ñetpa' amach ame'ñereto Jesús, ñetñapa' amach cherraneto Yompor po'cohuenña pueyo'chreto.

⁴⁰ Patanta'tetsña fariseonesha' ñeñt allame'ttso'tsa'yenet ñesho, ñetñapa' e'mueñet ñeñt atet oten Jesús. Ñetpa' atet ochet:

—Ta'm yapa' ¿amafe' aporo'yete'ye' pentenye'?

⁴¹ Jesúsñapa' atet otanet:

—Ñerra'm po'ño'ch sa aporo'yet sentenañ amate' eñallmeñeña so'chñar. Tarraña sapa' atet soten, sapa' año' aporo'yeteyayso, e'ño' cohuen secuén, ñeñfo'marña te'pa' o'ch notas, so'chñarpa' chocma eñall.

10

Atto Jesúsapa' añ toma'ntatanet all yottampeñet carrnero

¹ Allempoña Jesúsapa' alla yechaterraneterr, ñeñtapa' atet toma'ntaterraneterr:

—Po'ño'chca' notenes: All yottampeñet carrnero ñerra'm esesha' ama be'tetso allotecma be'tenet ñerra'm po'pshemñañeña a'tenet, ñeñña po'ño'chpa' eñe'ca'ye ñeñt aprratam'psañtetsa. ² Tarraña ñerra'm esesha' be'tets e'ñe allotecma be'tenet ñeñña po'ño'chpa' ñeñt cohuan'pene' carrnero. ³ Ñeñt cohuan'pene' yetarrpa' ñerra'm esempo huacherra ñeñt cohuan'pene' carrnero ñapa' chocmach toram'psapueranet. Carrneropa' e'ñe eñoteññañet pamo'mte' po'ñoñ. Ñañaapa' o'ch chore'tyesan po'carrneror pa'so'chñopa' o'ch cha'nmachatatan po'carrneror. ⁴ Allempoña cha'nmatue allohuen a yotpa' ñañaapa' o'ch ota. Po'carrnerorñapa' allentach cota'huanen' chenta'. Ñetñapa' e'ñe cheme'teññañet pamo'mte' po'ñoñ. ⁵ Tarraña ahuapñapa' ama coteñe, chach matañpesya tarro'mar ama eñotenano ahuapña po'ñoñ.

⁶ Ñeñtapa' atet oterranerr fariseonesha' toma'nteñtso tarraña ñetñapa' ama eñotoñeto ñeñt otenanet.

Atto Jesúsapa' añ toma'ntena ñeñt e'ñe cohuen cohuan'pene' po'carrneror

⁷ Allostñapa' alla oterraneterr Jesús:

—Po'ño'chca' notenes: Napa' na yetarrotets allotcha' be'ten carrnero.

⁸ Allohuen ashcañnesha' ñeñt huapyestse't allempo ama nohuena' na, ñetpa'

eñeñareret ñeñtet aprratam̄psañtetsa, tarraña ñetpa' ama e'm̄ñotenanetoña carrnero. ⁹ Napa' na yetarrotets. Ñerra'm esesha'ch be'tets nesho ñeñpa' queshperrach, be'terretcha' ñaña cha'nerretcha' enterretcha' e'ñe cohuen perrar.

Ñehua, ñeñtpa' añ otenanet: Ñerra'm esesha'ch ame'ñaya ña ñetñapa' queshperretcha'. Ñachña cohuan̄perrahuet e'ñe cohuen amach es pallterreto.

¹⁰ Jesúsñapa' alla oterraneterr:

—Eñe'pa' amaca'ye huenoña e'ñe atta, añecopña huena o'ch etyes, o'ch es muetsa, o'ch es a'chencatua. Tarraña napa' añecopña nohuapa attochña sapa' corretsasach socsheñeshocmañen e'ñe tayoteñ errponañohuen. ¹¹ Napa' na ñeñten cohuen cohuan̄pene' carrnero. Ñeñt e'ñe cohuen cohuan̄pene' carrnero ñapa' e'ñe ñañeña a'rroyeretsa o'ch rroma po'carrnerocop. ¹² Tarraña po'psheñeñ ñeñt atsa'tarettatsa attoch cohuan̄penan carrnero ñeñpa' ama pamo'mtayeyaye; ñañapa' ñerra'm entapan ma'yarrpa' chach mata o'ch sa'nmanña carrnero. Ma'yarrñapa' o'ch rroma'yesosan carrnero, patantarrña carrneropa' o'ch atta a'parratsetach. ¹³ Ñeñt atta atsa'tarettetsapa' po'ño'chpa' ama lleca'penanoña carrnero ama't mamesha. Ñeñfo'mariña chach sa'nmanña carrnero.

¹⁴ Napa' na ñeñten cohuen cohuan̄pene' carrnero. Napa' e'ñe nechme'teñ ñeñt necarrneror. Ñeñtña nopa' e'ñe cheme'tenen naña. ¹⁵ Atet pena Apa e'ñe eñotenen, nañapa' e'ñe neñoteñ naña Apa. Napa' e'ñe ñañeña o'ch na'rroyera attoch nerroma necarrnerocop. ¹⁶ Eñall po'poñe'chño ñeñcha' necarrneror neperr; ñetpa' ama parrocmateneto arr allo'tsen ñeñt necarrneror nepen te'. Añ poctetsa o'ch nerraneta' attoch e'm̄ñoternanet neñoñ, allochñapa' o'ch e'ñe parrocmaterret. Puesheñarrana ñeñtencha' cohuan̄perrahuet.

¹⁷ Apapa' ello atarr morrentenna tarro'mar napa' na'rroyena ñañeña o'ch nerroma acheñeshacop, elloñapa' o'ch alla netanterra. ¹⁸ Ama't eseshapa' amach puerratañpesnoña nocreña, napa' na ñeñten a'rroyetsa e'ñe ñañeña. Napa' anareten attoch na'rroya o'ch nerroma; anareten ñaña attoch ellopa' o'ch alla netanterra. Ñeñtpa' Apaña notene' atetcha' neña. Arrpa' allohua atet toma'ntatenanet allohuen ñeñcha' ame'ñerraya ñeñtña po'carrneror pen ñeñcha' atarr cohuen cohuan̄pen.

¹⁹ Ñeñt atto serrpare'tatenanet Jesús, allña judionesha'pa' ellopa'tetstatenet poctapña Jesúsocop. ²⁰ Shonte' acheñeshas' ñeñt atet otyesets:

—Añmapa' chaca'ye chorreña oneñeñ, chaca'ye mospuena. Eso'mare'tña se'm̄ñoteñ.

²¹ Po'potantañe'chñoñapa' ñetpa' atet otyenet:

Ñerra'm cho chorreña oneñe'pa' amate'errotenot eñosoña atet e'ñe cohuen. Oneñe'pa' amate'errotenot cohuaterranoña aporo'yet.

Allempo judionesha'pa' achm̄tare'teñet Jesús

²² Allempoñapa' cherrerr allempo alla cosherrerr judionesha' Jerusaléno allempoch yerpuerret ñeñt atto nete't ahuat Parets pa'paquell ñocop. Allempo alla cosherreterrrpa' allempopa' huapo. ²³ Jesúsñapa' alla chopeñen Parets pa'paclo all oteñet Salomón puecha'petaro. ²⁴ Allñapa' arrotam̄pesya judionesha'pa' atet ochet:

—Esempohuachñaca'ye pe'nuaña ñeñt' atto pemoññe'tatenya. Ñerra'm po'ñochte' pa Cristotetspa' poteyñaca'ye e'ñe po'ñoçh.

²⁵ Jesúsñapa' atet otanet:

—Ama't notatstas sapa' amachca' same'ña'no. Napa' e'ñe neyemteñoç' Apa atet es neña'yen. Ñeñt' norrtatyenpa' ñeñt'cha'ña señotate' napa' ñeñten Cristotets. ²⁶ Tarraña sapa' ama same'ñenno tarro'mar sapa' ama necarrneroreyayso ñeñt' atet o' notuas. ²⁷ Ñeñt' po'ñoçh necarrnerorpa' e'mñotennanet neñoñ, nañapa' neñotenanet. Ñetñapa' cotennet. ²⁸ Nañapa' napuerranetcha' attochña ñetpa' corretsetach tayoteñ errponañohuen, ñetñapa' ama't ahuatapa' amach chenquërreto. Ama't eseshapa' amach puerraterrnetoña e'ñe na notot. ²⁹ Nomporpora' ña napuene'ña ñeñt' name'ñenaya. Ñapa' atarr ahuamencatesha'. Ña po'huamencpa' ama eseshaye' metanenaye. Ama't eseshapa' amate' errotent' puerratamñsetoña Nomp' e'ñe ña potot. ³⁰ Napa' e'ñe parro attecman epan ña.

³¹ Ñeñto'marña allempan judionesha' ñetpa' chet'et mapue' allo'ch rrolle'chet. ³² Jesúsñapa' atet oterraneterr:

—Shonte' coçhnesha' norrtatyesonas Nomp' po'huamencot. ¿Erra'tsenote'tña añ ñeñt' e'ñe coçhnesharot sapa' semneñ o'ch sarrolla'n?

³³ Judionesha'ñapa' atet otereterr:

—Ama porrtateñofoye' coçhnesha' yemneñe o'ch yarrolle'taþ. Yapa' añecopña yemneñ o'ch yarrolle'taþ atto papa' atarr þachmare'teñ Parets. Papa' acheñoñaca'ye pemneñ o'ch pepartsocoptarta.

³⁴ Jesúsñapa' alla oterraneterr:

—Ñoñets ñeñt' atet anaret ahuatoteñ socop allpa' atetca'ye anua'ret añecop ñeñt' e'ñe ñenma't a'pote' Yomp' po'ñoñ, ñeñt'pa' atet otanete't Yomp': "Sapa' atet'cha' entenes acheñenesha' ñerra'mrrate' yompores." ³⁵ Yomp' po'ñoñ ñeñt' anua'ret ahuatoteñ ama puenesho. Atet otanete't ñetpa' yomporo'ch entenanet acheñenesha', ³⁶ naña ñeñten o' nerren Yomp' ñeñten o' mueñerren arr patsro, sapa' achñarñatach sepenen tarro'marotña napa' noten Yomp' Puechemeren. ³⁷ Ñerra'm amate' a'ñeye' norrtateno Yomp' po'partsoña ñeñfepñapa' amach same'ñatsetno. ³⁸ Tarraña atto po'ñoçh norrtateññañ po'partsoña ama't ñeñfapa' same'ñya, ama't napa' ama ame'ñojen sentenno. Attochña po'ñoçh çhaponasa seyoçhro atto Apapa' e'ñe parrocmatenna, napa'çho'ña neparrocmaten epan Apa.

³⁹ Ellopa' mueneñetañ o'ch rromuet tarraña ñet allempopa' çha a'qeshþachet.

⁴⁰ Allempoña Jesús'pa' ahuerri yom'ta'n Jordanaso all e'ñe ñenma't apatyese't Juan Yomporecop. Allñapa' alla a'pa. ⁴¹ Shonte' huacha'tyestsas ñeshopa' ñetñapa' atet otyesoset:

—Juanpa' ama't coñe'ta ama orrtatano partsoteñets, tarraña allohuen allpon otyesy'e't Juan añecop ñeñt'cha' Cristoterrets ñeñt'ña te'pa' e'ñe po'ñoçh atet pena.

⁴² Allñapa' shonte' acheñenesha' ñeñt' ame'ñaya Jesús.

11

Allempo rroma Lázaro

¹ Allempo atsna'ten puesheñarr yacma ñeñt'pa' añ pa'so'cheñ Lázaro ñeñt' yeçhetsa anetso Betania epuet epsheño'mar po'çh, puesheñarrpa' María,

po'psheñña' Marta. ² Ñehua, ñeñña María' ña a'yatcate'ña Partsesha' eñmosa' pa'tco allempoña e'ñe ña pue'chopa' alloña a'porrarrat'quër, ña po'se Lázaro' cha' atsna'ten. ³ Po'chanesha'ñapa' allenta mueñet acheñ Jesúsesho, ñetñapa' atet otoset Jesús:

—Partseshacha', ñeñt atarr pemorrentenapa' cha' atsna'ten.

⁴ Jesúsña e'mare'chpa' ñapa' atet otapanet:

—Ña amaca'ye añecpaye' atsna'teno o'ch rroma, tarrecpa atet pena allcha' norrtatoñ Yompor po'partsoña, allochñapa' o'ch cohuentatennanet na ñeñten Yompor Puechemeren.

⁵ Jesús'pa' ama't atarr morrentenanañ Marta ñaña pa'mo'nerr ñaña Lázaro, ⁶ tarraña allempoña e'mare'tan Lázaro' cha' atsna'ten, ñapa' amaña allorocmaye' to, ñapa' alla epomterr e'ñe all allo'tsen. ⁷ Allempoña epomta'muenpa' atet ota'muenan pueyochresha':

—Te'pa' o'ch ahuerrey alla Judeo allo'tsen Lázaro.

⁸ Pueyochresha'ñapa' atet ochet:

—Maestrocha' allpa' chaca'ye o'patenpa judionesha' o'ch rrolle'tapet attoch muetsapet. Tá'm, ¿paña te'pa' o'ch alla pesechenerr o'ch alla ahuerperr?

⁹ Jesúsñapa' atet otan pueyochresha':

—Ama'tña yetpa' o'ca'ye ellapen puetarsats. Ñerra'm yehope'ch yeto amach yepoto'teno tarro'mar e'ñe yenten puetare' añe patsro. ¹⁰ Añña ñerra'm yehope'ch tsapo yepoto'tena tarro'mar ama a'puetarsam̄psareteye. (Atto Jesús'pa' e'ñe eñotatenanet allponmatmeñ ñocop attoch e'ñe etsotuan Yompor po'taruas tarro'mar ama chena' allempo ñeñt poctetsa ñocop attoch muetsat.)

¹¹ Allempo otua atetpa' o' alla oterranerr pueyochresha':

—Lázaro ñeñtey e'ñe parrocmata yemorrentannena ña te'pa' chaca'ye muen, ñeñto'marña te' napa' o'ch ahuen o'ch alla nopuera'.

¹² Allempoña pueyochresha' ñetñapa' atet otereterr:

—Ñerra'm Partseshacha' chate' e'ñe cohuen muenpa' ñeñtepañapa' corerrach.

¹³ Ñehua, Jesús'pa' añ otenanet atto Lázaroñpa' choca'ye rromuen; ñetñapa' cha' otenapuetañ añte' otenanet ñeñt atto chocma e'ñe yemuen betnatotey.

¹⁴ Allempoña Jesús'pa' alla oterraneterr attoch e'ñe eñochet:

—Te'pa' po'ño'chca'ye o' rroma Lázaroñ. ¹⁵ Napa' te'pa' atarr nocshena tarro'mar ama allo'tsenno all. Atarr cohuen nenteñ socop allochñapa' attoch e'ñe cohuen same'ñerra. Ama'tpa' te'pa' o'ch ahuey Lázaroñesho, o'ch yenteña'.

¹⁶ Tomásña ñeñt otenet Epanesha' ñapa' atet otan po'potantañ ñeñt parro yochreshatso'cmet:

—Ama'tpa' ahuanmapo'ch yerrromuepa' yaña epay Jesús.

Allempo Jesús eñotatanet ñapa' ña atatatañtetsa alloch e'ñe yocrrena

¹⁷ Allempoña chap Jesús all, ñapa' eñotos o'ca'ye pa'tatsmat pampa'huet. ¹⁸ Ñehua, Betania allame'tsaña Jerusalén —o' ma'pañña kilómetro attoch yechap Jerusaléño. ¹⁹ Allña'pa' shonte' judionesha' ñeñt hua'chetsa allo'tsen Marta epuet pa'mo'nerr María ñeñtcha' emya'tenahuet atto ya'na'teñet po'sayañet Lázaroñ ñeñt o' rromuerr. ²⁰ Allempoña Martapa' e'mare'tan Jesús o' huena ñaña'pa' allenta ahuo' o'ch poctenan Jesús. Maríañapa' allo'tsena pocollo all anen. ²¹ Martaña allempo poctenan Jesús atet otapueñ:

—Ñerra'm Parteshacha' arro'tsenpeñcha' amate' rromuerrñeña nesayañ.
 22 Ama't te'pa' napa' neñoteneþ ñerra'm erra'tsencha' penam̄ Yepapar, ñapa' chocmach atet ponap.

23 Jesúsñapa' atet och:

—Po'ñoçhpa' tanterrach pesayañ.

24 Martañapa' atet otererr:

—Po'ñoçh napa' neñoteñ tanterrach esempohuañen allempoch atantaretey allohueney.

25 Jesúsñapa' atet otererr:

—Napa' na ñeñten e'ñe po'ñoçh atantatañen, napa' ñeñten alloch e'ñe socrena. Erra'tsencha' name'ñenaya na ama'tcha' rromuenetañpa' ñetpa' ellochña alla correrret. 26 Ama't ñaña allohuen ñeñt corra'yetsa te' erra'tsencha' name'ñerraya na ñetñapa' corretsetach tayoteñ e'ñe errponañohuen. Papa' ¿pame'ñenna't ñeñt atet noteneþ?

27 Martañapa' atet otererr:

—Parteshacha' napa' neñoteneþ e'ñe po'ñoçh papa' ñeñteþ Cristotsets, papa' Yepapar Puechemereþ, pa atarr yecuen ahuatoteñ o'ch pehuapa arr patsro.

Allempo Jesús yahuosa Lázaroñ puepampro

28 Allempo atet otuepa' ñapa' allenta ahuer pocollo, atet otueran pa'mo'nerr María, ñeñtpa' atet och a'nahua:

—Te'pa' o' huena Maestro, o' agotatueneþ.

29 Maríaña e'mare'te'pa' atantoché' allenta ahuo' ñaña o'ch poctenan Jesús. 30 Ñehua, Jesús'pa' ama'çhena' anetso, allo'tsenara all pocten̄ Marta. 31 Judionesha'ña ñeñt allo'tsa'yen pocollo ñeñt emya'tene' ñetñapa' enteñet atantoché' María poema'yoreñ çha'nem ñetñapa' allenta cota'guanmet. Ñetpa' çha otenapuetañ arrcha' ta po'sayañ puepampro o'ch ya'na'teña'.

32 Allempoña çhap María allo'tsen Jesús, all entospa' concorposa pa'rrpõt. Ñapa'çho'ña atet otos:

—Ñerra'm Parteshacha' arro'tsenpeñcha'pa' amate' rromuerrñeña nesayañ.

33 Allempo entosan Jesús all atarr yahuena María ñaña judionesha' ñeñt coçose' ñetpa'çho'ña e'ñe parro attecma yahuanrrortenet, ñañapa' pueyoçhropa' atarr llecapretosanet ñeñto'marña çha enarosa. 34 Ñañapa' atet otapanet:

—¿Erra'tña sepampuer?

Ñetñapa' atet ochet:

—Ñehua, Ayochreshate o'ch ahuey o'ch penteña'.

35 Allempoña Jesús'pa' yahuosa ñaña. 36 Judionesha'ñapa' otyeset:

—Ñapa'çho' atarrep'a'tca'ye morrenteña.

37 Puesheña'tetsñapa' atet otyeset:

—Añmapa' ñeñtca'ye cohuaterre'ña aporo'yet. Ñerra'm arro'tseneñcha'pa' amachca'ye muencheye o'ch rromuerreña Lázaroñ.

Allempo Jesús tantaterran Lázaroñ

38 Jesúsña e'ñe puellquëño'tpa' enarererr. Allempoñapa' çhap puepampro all mapuetpono e'ñe all yottanpeñet mapyo. 39 Allñapa' atet otosanet Jesús:

—Te'pa' sa'rrote't mapue' a'yenet.

Martaña ñeñt arromña't po'çhpa' atet otteranerr Jesús:

—Partseshacha' o'te' čha pomñaña' o' pa'tatsmat pampa' huet.

⁴⁰ Jesúsñapa' otererr:

—Ama'tña napa' o'ca'ye notuosep ñerra'm pame'ña'nachpa' pentoñcha' Yompor po'partsoña.

⁴¹ Allempoñapa' a'rrote'tet mapue' a'yenet, Jesúsñapa' cohua' enonet atet ot:

—Apa, neparasyoso'tap tarro'mar te' papa' pe'mñotenen ñeñt atet nena-muenep. ⁴² Ñehua, napa' neñoteñ čhocma pe'mñotenen. Añña acheñenesha' ñeñt tomčha'tets arr ñocpuet neparasyoso'tenep allochñapa' attoch eñotenpet pa' ñeñtep nellsensene'.

⁴³ Ñeñfa otuapa' allempoñapa' rrana huomencpa' atet ot:

—¡Lázaroñe, te'pa' o'ch notap petantena, pečha'nen!

⁴⁴ Allempoñapa' čhepa'tcha' čha'netsña Lázaro ñeñt o' rromhua, epota'taret poto ñaña pa'rrpot, ñaña pa'clloyotpa' e'taclichearet pañello. Jesúsñapa' atet oterraneterr:

—Te'pa' čhosañaca'ye toramperre' esheccha' chope'chnerr o'ch ahuerr.

Atto atarr o'pateñet Jesús o'ch muetsatateret

(Mt. 26.1-5; Mr. 14.1-2; Lc. 22.1-2)

⁴⁵ Allempoña shonte' judionesha' ñeñt cotose' María ñeñt ente' Jesús atto orrtatosanet po'partsoña ñetpa'čho'ña e'ñe allempocma ame'ñeret ñamet Jesús. ⁴⁶ Tarraña po'potantañečnoñapa' ahuanmuet fariseoneshesho ñetñapa' serrpare'tatoset fariseonesha' ñeñt atet o' pohua Jesús. ⁴⁷ Allempoña fariseonesha' ñaña ñeñt pa'nčha'tareternesha' pen allohuen judionesha' po'cornaneshar, ñetñapa' apčhachet allohuen ñeñt a'pocstatene' ñoñets judioneshacop. Ñetña allempopa' atet otyeset:

—Errotuachñaca' yepe'ña, ñeñt yacmarpa' čhocmaca'ye orrtatyenanet partsoteñets. ⁴⁸ Ñerra'm atta yequehpue' allohuenña acheñenesha'pa' čhate' ame'nyet ña, allempoña po'ñočhpa' čhate' huapa añcha'taretnesha' romo'marnesha' čhate' puerratamposyset Parets pa'paquell ama't ñeñt anaret Partsocop, ama't e'ñe ya ya'netserpa' čhate' puerratamposyset.

⁴⁹ Puesheñarrñapa' ñeñt sochetsa Caifás allempopa' ñeñt pa'nčha'tareter pen allohuen judionesha' po'cornaneshar ñañapa' atet otanet:

—Sapa' ama es señoteno, ama't coñe'ta. ⁵⁰ Ama't pocte' senteñeña ñerra'm puesheñarr yacmapa' o'ch rroma allohuen acheñeneshacop, allochñapa' allohuen yamo'tsna'tarpa' amach chenca' huerreto.

⁵¹ Ñapa' ama ñotaye' eñosoña atet. Ña allempopa' ñeñt pa'nčha'tareter pen allohuen judionesha' po'cornaneshar ñeñto'marña ñapa' Parets eñosate'. Ñapa' añ a'potanet atto Jesúspa' ñach romuerrsets allohuen pamo'tsna'tarneshacop. ⁵² Amach e'ñe ñapfa pamo'tsna'tarecpayaya rromoña Jesús, añecpa'nachña rroma allohuenacop ama't erra'tsencha' puechemer perr Yompor arr patsro, ñachña parrocmataterrahuet. ⁵³ E'ñe allempoteñña atarr o'pateñet Jesús o'ch muetsatachet.

⁵⁴ Ñeñto'marña Jesúsapa' o'huañ chopeñe'ch allo'tsa'yen judionesha' all Judeo. O' ahuo' amayarero'mar, čhap paterr anetso ñeñt pa'so'cheñ Efraín. Allñapa' alla a'posa epuet pueyochresha'.

⁵⁵ Allempoña o' čherrmocherr pascuapo allempoch alla cosherrerr judionesha'. Allampaño'marnesha' ñeñt allo'tsa'yenet shontet ahuanmuet Jerusaléno. Ama čhena' pascuapo ñetpa' añecopña ahuanmuet attoch a'cohuentatoset e'ñe ñetañeña Partsocop. ⁵⁶ Ñetñapa' Jesúsapa' e'noset,

a'p'to'tanna'tyesoset allempo tom'cha'toset Parets pa'paclo; allñapa' otanna'tyenet:

—¿Errofená't sotenña sa, ta'm huapachña Jesús, ñato' amach huapoña arr?

⁵⁷ Ñehua, ñeñt pa'm'cha'tareternesha' pen allohuen judionesha' po'cornaneshar ñaña fariseonesha' ñetpa' atet otyeset acheñenesha':

—Ñerra'm eseshascha' eñote' erro'tsente'ña Jesús pa' o'ch sotey ya allochñapa' o'ch yermach.

12

Atto puesheñarr coyanesha'pa' a'yatca'tosan Jesús eñmosaño
(Mt. 26.6-13; Mr. 14.3-9)

¹ O' pechapmataña o'ch 'chapa'muen pascuapo, Jesús pa' alla 'cherr Betanio. Allñapa' allo'tsen Lázaro ñeñt rromats ahuaña ñeñt alla tantaterr Jesús. ² Allñapa' all rrallme'chatneñet. Martaña pa' ña nenahuet rreñets. Lázaroña pa' ña rrets epuet Jesús ñaña po'potantañe'chno. ³ Allña Mariapa' chetan puenñarr eñmosa'ñ ñeñt otenet nardo puese' e'ñe ñeñtoche' ñeñtñapa' atarr tsa'te'. Ñaña pa' alloña a'yatca'tan Jesús. E'ñe ña pue'chopa' alloña a'porrara'tquër. Ñeñtñapa' ora eñmosa'tatan pocollohuen. ⁴ Judas Iscariote ñeñt Simón puechemer ñeñtara pueyochreshar ñeñt'cha' pomuerre' ñaña pa' atet ot:

⁵ —Eso'marte'ña añ eñmosa'pa' ama 'choye'ña yepome, 'chochñacho' yepomeña pa' yeganañcha' shonte' quelle ñeñt trescientos denario allempopa' yapa'yeseñcha' huocchañnesha'chno ñeñt atarr es pallta'yetsa.

⁶ Ñapa' ama puellquëño'teye' huocchañnesha'chnocop atet oto. Ñapa' tarro'mara atet ot, ñapa' atarrca'ye eñe. Ñapa' e'ñe ñacma anmanpene' quellayopa' r'ñeñt allohuenacop, ñapa' allotña etenña quelle ñeñt esha'tenet all. ⁷ Tarraña Jesúsña pa' atet otanet:

—Semnacha'ñaca'yena coyanesha' ñeñt atet penen. Ñapa' añecop añño'tennan ahuatoteñ eñmosa'ñ tarremphua allempoch a'yana terneterr ñeñt'cha' epuet pampa'pesnet. ⁸ Tarraña ama'tcha' 'cho pomosaneñ eñmosa'ñ alloch es apa'yeseñeñ huocchañnesha'chno, tarraña 'chocmachca'ye eñallña huocchañnesha'chno arr patsro. Tarraña ñaña pa' po'ño'chpa' amachca'ye allo'na sentenno arr patsro.

Allempo o'pateñet Lázaro o'ch alla muetseret

⁹ Shonte' judionesha' allempo e'mare'chet o' alla 'cherr Jesús all Betanio, ñetñapa' huacha'tet. Ama e'ñe ñap'ecpa Jesúsocop huacha'teto o'ch enteñeta', añecpa'ñaña huacha'tet o'ch enteñeta' ñaña Lázaro ñeñt rromats ahuaña ñeñt tantaterr Jesús. ¹⁰ Ñeñtña pa'm'cha'tareternesha' pen allohuen judionesha' po'cornaneshar ñetñapa' añe'na o'patenet Lázaro ña'nach muetset. ¹¹ Tarro'mar allempo tanterra Lázaro shonte' judionesha' ñeñt ame'ñaya Jesús ñeñto'marña ñetpa' o' que'chpa'hueretña ñet po'cornaneshar.

Allempo 'chap Jesús Jerusaléno
(Mt. 21.1-11; Mr. 11.1-11; Lc. 19.28-40)

¹² Tsapaña shonte' acheñenesha' ñeñt shontetsa pascuacop Jerusaléno, ñetñapa' e'mare'teñet Jesús o' 'chapmoch ñaña Jerusaléno. ¹³ Ñetñapa' tsorro'tyesnomuet shequëpan ñeñt anemyeset allo topanetyesnomuet toñ

allcha' oñmos Jesús. Ñetñapa' puerranashet ahuanmuet o'ch poctet Jesús ñeñpa' atet otyesnomuet:

—¡Acsherrapo'ch allohueny! ¡Aye'chochtaterrapo'ch Jesús ñeñ llesensen Yompor! ¡Aye'chochtaterrapo'ch Jesús ñeñcha' Pa'mcha'tareter perr israelnasha'!

¹⁴ Ñehua, Jesúsñapa' all entnoman paterr ashnatollpa' allenta monta'nma allo. Ñeñtpa' añecop atet pa ñeñ atet anuaret ahuatoteñ e'ñe ñocop, ñeññapa' atet oten:

¹⁵ Amach cha semcha'tatsto síono'marneshacha' ñeñfarasa jerusaléno'marneshas. Secue'tach te'chca'yeña huaponasaña ñeñfcha' Sa'mcha'tareter seperr. Ñapa' añaca'ye monta'nena ashen rre'ptorechor.

¹⁶ Ñehua, ñeñ ñoñets allempoña pueyochresha'pa' ama chapaneto pueyochreto. Tarraña tsapatonetña allempo rroma Jesús, o' alla tanterra alla ahuerr pue'ntaño all afarr cohuentatapuer Pompor, ñetñapa' allempaña cherranetña pueyochreto te'ña po'ñoçpa' o'ca'ye etsoterra e'ñe atet anuaret ñocop ama't ahuatoteñ.

¹⁷ Acheñenasha' ñeñ allo'tsa'yen allempo chore'tenan Lázaroñ puepamprot atto tantater, ñetñapa' ñeña a'potayeset. ¹⁸ Ñeño'mare'ñaña ahuanmaña shonte' acheñenasha' o'ch poctet tarro'mar ñetpa' o' e'mare'chet ñamet ñapa' orrtatenanet po'partsoña. ¹⁹ Allempoña fariseonesha'pa' atet otanna'tyeset:

—Señch'e'ca'ye'm yapa' amate' erro't es yepo ama't coñe'ta. Secue' shonte'ca'ye ñaña acheñenasha' erraparenot o' e'ñe cota'huanmet.

Allempo griegonesha'pa' mueneñet o'ch eñchet Jesús

²⁰ Patanta'tets griegonesha'pa' ahuanmuet ñamet o'ch coshapreteneta' pascua; ñetpa' añecop ahuanmuet o'ch concorposet all. ²¹ Ñetñapa' ponmosyet Felipe ñeñ betsaido'marnesha' ñeñtara galileo'marnesha'. Ñeññapa' atet otoset:

—Nomporcha' yapa' añca'ye yemnen o'ch yeserrpare'tos epay Jesús.

²² Felipeñapa' allenta otenana' Andrés. Ñetña e'ñe epsheño'maretpa' ahuanmuet o'ch oteñeta' Jesús. ²³ Jesúsñapa' atet otapanet:

—Te'ña po'ñoçpa' o' etsoterra allempoch na Ñeñten Acheñetosetspa' o'ch alla cohuentaterran Nomp. ²⁴ Ñeñtpa' e'ñech po'ñoç atet netma'ntatasa atet pena puerets. Ama't erra'tsena puertsor ama' cho pampallme'cho patso allcha' puetsohua pa'tall ñeñfach patrara pue'llomer. Tarraña ñerra'm cho pampallme'cha patso allcha' puetsa' pa'tall attoçña chop. Ama't puellmarra pampallme'chatsa atarrcha' aton ellon're'terr. Ñeñtpa' añ notenes e'ñe pocte' o'ch nerroma na ñeñten puesheñarrana attoçña shonterra ñeñfcha' name'ñerraya. ²⁵ Ñeño'marña notenes: Ñeñ atarr morrentenaya atto coshena arr patsro, ama pocteye' entenano o'ch es sohuanom Yomporecop, ñeñña pocreña atarr morrentena, ñeñ atet petsapa' chach a'chencatena e'ñe ñañeña. Tarraña ñeñ ama morrentenaye atto coshena arr patsro, e'ñe pocte' enteñ o'ch es sohuanom Yomporecop ama't pocreñoñuen, ñeñ atet petsa ñetñapa' corretsetach pocsheñeshocmañen tayoteñ e'ñe erponañoñuen. ²⁶ Ñerra'm esesha' muenats o'ch torrenet nocop, cota'netepa' attoçña e'ñe neyochresha' neperranet. Tarro'mar ñerra'm erro'tsenencha' na ñeñ torretsa nocop ñetpa'cho'ña allo'tsenetcha' ñamet. E'ñe alloñuen erra'tsencha' torrerrtsa nocop, Nomporniapa' atarrcha' cohuentaterranet.

Allempo Jesús eñotatanet ñapa' čhoch muetseret

²⁷ 'Te' na neyočhropa' čha atarr nellquëna. Tarraña ama't atteñpa' Nomporna napa' amach čha notatsche amach muenatano o'ch huapona ñeñt atarr amueročhtatañ nenten. Ñeñt atetpa' amach notatsche tarro'marña napa' ñeñtecopca'yeña nohuapa nach amueročhtatareterrtsa. Añcha'ña noch Nompör:

²⁸ —Te'pa' pepa'chña Apa aye'chočhtatareterrtsa.

Allempoñapa' čha e'morrtatsa ñoñets entot, Yomporñapa' atet ot:

—Napa' o' necohuentatua, elloña o'ch alla necohuentaterrerr nañeña.

²⁹ Shonte' acheñenesha' ñeñt tomčhets all, ñetña atet e'mueñetpa' atet otyeset:

—Chote'ca'ye tecorena.

Po'potantaññapa' atet otyeset:

—Añca'ye eñorana'tenaya Yompor po'millaño'teñer.

³⁰ Jesúsñapa' atet oterraneterr:

—Ama nocpaye' huenoña añ ñoñets. Ñeñtpa' e'ñe socop huena. ³¹ Te'pa' o' anaretta allohuen acheñenesha' arr patsro ñeñt ama name'ñenaye ñetpa' amñareñterretcha' coñcheñtso. Ñama oneñeñ ñeñt pa'mcha'tareter pen acheñenesha' arr patsro, te' ñocoppa' o' anaretta ahuapore'tarettarrach esempohuañen. ³² Na ñerra'm esempoch echantamperñet corsocho allempoña napa' nethore'tercha' allohuen pa'namen acheñ attoch ame'ñernnet.

³³ Ñapa' añecopña eñorana'tenanet attoch eñotatanet ñapa' corsochoch rromuerr. ³⁴ Acheñenesha'ñapa' atet otyeset:

—Yapa' yeñoteñ añ ñoñets ñeñt atet anaret ahuatoteñ, ñeñtpa' atet oten ñeñtcha' Cristoterrets ñapa' ama arromñafeshayaye ama't errponaña. Ta', ¿eso'marte' pañapa' pöten ñeñtep' o' Acheñetosetspa' echantamñsaretepo'ch corsocho allcha' perromuerr? Ta', ¿esesa'te'ña ñeñt po'ñočh Acheñetosets? amapa' ¿ñeñarate' ñeñtcha' Cristoterrets?

³⁵ Jesúsñapa' atet oterraneterr:

—Mameshamña palltena arro'tsenmeñen na ñeñfen a'puetarsamñsañtetsa. Soctape'cherrnan e'ñe tayecma neñoñ tayepa'tña arro'tsenmeñen ñeñfencha' a'puetarsamñperre' soctapña allochñapa' attoch amach čha sechencia'huerro. Po'ñočh ñeñt ama ame'ñetso ñetpa' ama eñoteñeto attoch chenca'huerret. Ñeñto'marña ñetpa' e'ñe atet penet ñerra'mrrate' checmeta chope'chenet ama eñoteñeto errenečha'tet. ³⁶ Na ñeñfen sa'puetarsamñpene' soctapñapa'te'pa' arro'tsenmeñen. Soctape'cherrnan neñoñ tayepa'tñapa' arro'tsenmeñen. Allochñapa' o'ch seyečquërna sa acheñes ñeñtescha' atarr cohuen orrtatyerre' ñeñt cohuen enten Yompor tarro'mar sapa' e'ñečh puetarö socrena.

Otua Jesús atetpa' ahuerri a'nahua; acheñenesha'ñapa' ama eñocheto errate' ahuerri.

Atto judionesha'pa' ama ame'ñyeto Jesús ñeñtpa' añ etsoterrtsa ñoñets ñeñt anaretet ñocpuet

³⁷ Jesúsapa' ama't shonte' orrtatyenamet po'partsoña tarraña amaña eseshaye' ame'ñenayoña ña. ³⁸ Ñeñtpa' attoca'yeña etsotaña Isaiás po'ñoñ ñeñt a'mtaye't ahuat Yompor po'ñoñ. Ñeñtpa' atet ote't ñocop:

Amach Nompörcha' eseshaye' yame'ñayo ñeñtcha' atet yeserrpare't. Ama Nompörcha' eseshaye' poctenaye pa'pehuamenc.

39 Ñeñto'marña amate' errotenet am'eñeto. Tarro'mar ellonet Isaiáspa' atet ote't:

40 E'ñe patpare'teño'tet Yomporñapa' muenatanet o'ch echarttet pueyo'chret. Attochña ñetpa' 'chach ottenet ñerra'm aporo'yetet ñeñt ama es enteno. Ñeñto'marña ama muenatenanet o'ch es entet taye'to'te' chapamet pueyo'chreto. Ñeñto'marña ama't mameshapa' amach es cotape'cheneto nocop attoch na'qeshpaterranetañ.

41 Isaiáspa' tarro'mar atet ote't ñapa' e'ñe entane't Cristo po'cohuenña ñeñto'marña eñose'tña ñocop.

42 Tarraña shonte' acheñenesha' ñeñt ame'ñaya Jesús ama't ñaña añcha'tare'te'chno. Tarraña ñetpa' mecha'chete't fariseonesha' ñeñto'marña ama a'metete'te. Añ mecha'tenet taye'to'te' mueño'tanet judionesha' po'prahuot. 43 Tarro'mar ñeñt ame'ñetsañ ñetpa' añe'na muenenet o'ch e'ñe cohuen entenanet acheñenesha'. Ama a'ñeye'ña mueneneto o'ch e'ñe cohuen entanet Paret.

Atto Jesús po'ñoñ ñeñt'cha'ña otteñe'cherre' acheñenesha' esempohuañen

44 Jesúsña rranapa' atet oterrerr:

—Ñerra'm esesha' name'ñenaya na, ama naptaye' ame'ñenneto. Añe'naña ame'ñenet Nompör ñeñt nellsensene'. 45 Esesha' nentene' napa' añe'naña entenet ñaña Nompör ñeñt nellsensene'. 46 Napa' añecopña nohuapa arr patsro nach a'puetarsañpene' acheñenesha' poctañña, allochñapa' ñerra'm esesha'ch name'ñaya na amach allo'tsenareto checmeto. Ñeñt checmeto'tsena ñetpa' ama eñoteñeto ñeñt cohuen enten Yompor. 47 Ñerra'm esesha' e'mue' neñoñ tarraña ama't ama ame'ñerrnaneto neñoñ, napa' amach naye' mueñenahueto coñcheñtso. Tarro'mar napa' ama añecpaye' nohuapo arr patsro attoch nemños acheñenesha' coñcheñtso. Napa' añecopña nohuapa o'ch na'qeshpatos acheñenesha' arr patsro. 48 Esesha'chña nachmene' ñeñt'cha' ama ame'ñerraye neñoñ, ñocpuetñapa' eñall attoch amñare'tterret coñcheñtso. Ñeñtara añ ñoñets ñeñt neñen na te'pa' ñeñt'cha'ña mueñaterrahuetña coñcheñtso esempohuañen. 49 Tarro'mar napa' ama e'ñe notaye' neñeno. Apaña ñeñt nellsensene' ñapa' ñaña notene' atet'cha' notas ñaña atet'cha' ne'ñorana'tasa. 50 Napa' neñoteñ ñeñt atet otenen ña ñeñt'pa' ñeñt'cha'ña allochña sapa' corretsasach socsheñeshocmañen tayoteñ e'ñe errponañohuen. Ñeñt atet neñen napa' añca'ye neñen ñeñt atet otenen Apa.

13

Allempo Jesúsapa' e'patca'tyesan pueyochresha'

1 Ama't ama 'chena' pascuapo allempoch cosherrerr judionesha', Jesúsñapa' eñoteñ e'ñech ñeñt'eshaña allo'tsen arr patsro o'ch ahuer Pomprosho. Ñapa' 'chocma atarr morrentenana allohuen ñeñt pueyochresha' pen arr patsro. Ñeñto'marña allempopa' e'ñe poctacma morrentuenanet.

2-4 Ñehua, Judas Iscariote ñeñt Simón puechemer, oneñeñña' ahuepa't cotape'chach pueyo'chro o'ch pomuerran Jesús. Jesúsñapa' e'ñe eñoteñ ñapa' tarro'mar llesenserña Pompor allohuenacop. Tarro'mar ñapa' e'ñe eñoteñ Yomproshotca'ye huapa, elloñapa' o'ch alla ahuer ñesho. Ñeñto'marña allempo rrallme'chnenet Jesúsña o'tompa'rrotana paterr pa'shtam ñeñt nen enot o'chetan paterr e'shmoco'tametspa' o'chana allo. 5 Allotñapa' o'shan

oñ huantejo alloña e'patca'tyesañña pueyochresha'. E'shmoco'tamtsoñapa' alloña a'porrarra'tcayerranet ñeñt' allo chanena.

⁶Atteñapa' ponmana Simón Pedro, ñaña'papa' atet och:

—Partseshacha' amaca'ye pocteyaye o'ch pe'patca'tonña netac. Tarro'mar papa' pa atarr sherbets, napa' amaca'ye esoyayno.

⁷Jesúsñapa' atet och:

—Ñeñt' atet nepenes te' sapa' amach señoche. Esemppopa' çhaponasach seyoçhro.

⁸Pedroñapa' atet otererr:

—Ama't ahuata napa' amach nemnatape o'ch pe'patca'tenña na tarro'mar napa' amaca'ye nemno o'ch nepencna'nfataþ.

Jesúsñapa' atet otererr:

—Ñerra'm amach ne'patca'tapepa' amach errotenot e'ñeye' peyemtenno.

⁹Simónña Pedropa' atet otererr:

—Ñerra'm po'ñoçhte' atet Partseshacha' amachña ñapa'fã netac pe'patca'tono nota'nachña e'ñe ora noñohuen.

¹⁰Jesúsñapa' atet otererr:

—Ñeñt' o' apuapa' amaca'ye es pallteneto, añaca'yeña palltenet o'ch e'patca'chet. Atet sepene sa a'cohuentatuaretes sa soctapñoç. Sapa' e'ñe cohuen a'cohuentatuareteseñ tarraña ama allohuenacmaye' a'cohuentatuareteso.

¹¹Ñehua, Jesúsapa' e'ñe eñotenan ñeñt'cha' pomuerre' ñeñto'marña atet otanet: "Ama allohuenacmaye' a'cohuentatuareteso."

¹²Allempoña e'patca'tuanet pa'tacpa' cheterran pa'shtampa' o' alla anerr. Allempoñapa' atet oterraneterr:

—Te'pa' o'ch neñotatas ñeñt' neyçhatenes ñeñt' atto ne'patca'tenes. ¹³Ñehua, sapa' sotenen Maestro, ñaña sotenen Partsessa'. E'ñe pocte' po'ñoçh soten tarro'mar po'ñoçhpa' ñeñt'fena'ye. ¹⁴Atto na ne'patca'tas sa, ama't na ñeñt'fen Separtseshar sepen ñaña Semaestror sepenen, sapa'çho'ña ñeñt' e'ñe poctetsa socop se'patca'tanna'tepa'ch saña. Ñehua, ñeñt' po'ñoçh notenes, ñeñt'pa' atet: Amach sañeña atarr cohuen entetso, attoçhña e'ñe cohuen sesherbannena. ¹⁵O' neñotatas atetcha' sepa saña. Sapa'çho'ña attepa'ch sepa atet o' nepohuas sa. ¹⁶Po'ñoçhca'ye o'ch notas: Ñeñt' ayochreshat ñerra'm ama esoye' enteno ñañaña ama't e'ñe mamesha, ñeñt'ña pueyochreshachno pen e'ñepa'ch attecmet amach esoye' enteneto e'ñe ñañañeta. Ama't na ñeñt'fen allsensareten ama esoye' nenteno ama't mamesha, ñeñt'cha' nellsensa'yes namapa' amuepa'chña esoye' enteneto e'ñe ñañañeta. ¹⁷Ñerra'm ñeñt'ña seçhapoya seyoçhropa' ñeñt' atet neyçhatenes, sañapa' atarrcha' cosheñt'soyes ñerra'm e'ñe po'ñoçh atet sephua.

¹⁸'Ama allohuenacpaysoye' neñeno. Napa' neñotenes e'ñe puesheña'ttsospa' atet soctape'chyen seyoçhro. Ama't neñotensoñ ateseñpa' tarraña e'ñe atta na'creres allochñapa' attoch etsoterra Yompor po'ñoñ ñeñt' atet anuaret nocop ahuatoteñ, ñeñt'pa' atet oten: "Ñeñt' parro yerrallme'chenpa' ñepa'tcha'ña tanterrtsa nocop." ¹⁹E'ñe tayoteñpa' atet notenes ama't ama etsotena' allochñapa' esempoch etsoterra, sapa' same'ñach napa' ñeñt'fen po'ñoçh Cristotets. ²⁰Po'ñoçhca'ye o'ch notas: Ñerra'm esesha' e'ñe cohuen aguëne' ñeñt' nellsensen na ñetpa' na'naca'yeña aguënet e'ñe cohuen. Ñaña ñeñt' e'ñe cohuen naguëne' na, ñetpa' Nompore'naca'yeña aguënet ñeñt' nellsensene' na.

Allempo Jesúsapa' eñotatanet Judaspa' ñach pomuerre'

(Mt. 26.20-25; Mr. 14.17-21; Lc. 22.21-23)

²¹ Jesúsña allempo atet otuapa' pueyoçhroña'pa' çha lleca'huená. Allempoñapa' atet otanet:

—Po'ñoçh te'pa' o'ch notas, puesheñarrofes sapa' ñeñfescha' nepomuerre'.

²² Pueyoçhresha'ñapa' allenta cohuanna'tyeset. Amaña esesha' eñotaye erra'tsenacopte'ña eñen. ²³ Puesheñarrña pueyoçhresha' ñeñt atarr muerena Jesús, ñaña'pa' e'ñe epuet Jesús anen all rrallme'chenet parro. ²⁴ Ñeñto'marña Simón Pedropa' agotan ñeñt anets epuet Jesús, ñeñtpa' atet och:

—Ñehua, pa'p'to'ch yemaestror erra'tsenacopte'ña eñorena ñeñtcha' pomuerre'.

²⁵ Ñaña'pa' e'ñe allame'ttsa atet otan Jesús:

—Partshesha' çerra'tsenacpa'tña pe'ñorena ñeñtcha' pepomuerre'?

²⁶ Jesúsñapa' atet och:

—Ñeñtcha' nap añ pan ñeñtcha' ne'çhoma' ñeñtcha'ca'yeña nepomuerre'.

Allempoña e'çhoman panpa' apan Judas Iscariote ñeñt Simón puechemer.

²⁷ Allempoña aphue panpa' allempocmuepa't chorrya oneñef. Jesúsñapa' atet och:

—Errotente' pe'pa'çhpa' e'ñeñaca'yeña tayecma atet pepe'.

²⁸ Pueyoçhresha'ñapa' ama't puesheñarra ñeñtet allo'tsa'yenet, ñetñapa' ama eseshaye' eñotaye esocopte' atet otenan Judas. ²⁹ Puesheña'ttsetpa' çha otapuetañ Jesúsapa' ñato' añte' oteñ o'ch rañtenana' ñeñt muenenet allcha' coshapretet, tarro'mar Judaspa' ñaca'ye anmape'çhantpene'ña quellayepo'r. Amapa' ñato' añte' oteñ o'ch es apa'yesan huocchañneshachno. ³⁰ Allempoña Judaspa' agapuan panpa' allenta çha'nerr. Allempopa' o' tsapuen.

Atetcha' ye'pa ñeñt e'ñe etserra, yemueranna'tepa'ch

³¹ Allempoña Jesús çha'nompa' atet oterraneterr:

—Te'ña po'ñoçhpa' e'ñe çhappoch allempoch cohuentaterrnan Parets na Ñeñten Acheñetosets. Attoçhña napa'çho'ña necohuentaterrñañcha' Nomp por Parets. ³² Atto napa' necohuentaterrñañ Nomp por Parets, ñapa'çho'ña cohuentaterrnan'na, ñeñtpa' e'ñech mametolla o'ch e'ñe cohuentaterrnan.

³³ Jesúsñapa' alla oterraneterr:

—Na'cñetarneshacha' o' e'ñe coñe'tamña pallta allo'tsenmeñencha' na e'ñe arr parro. Napa' o'ch ahuerren. Allempoña sapa' se'nerrna'ch. Atet notetñ ahuaña judionesha', allcha' neserr napa' saña'pa' amach errotentot seçhapano, te'pa'çho' sapa' e'ñe atet notenes. ³⁴ Ñaña o'ch notas atetcha' se'pannena ñeñt e'ñe etserra: Semueranna'tepa'ch. Atet nepenes sa atarr nemuerensa, sapa'çho'ña atarropa'çhña semuerannena. ³⁵ Allochñapa' e'ñe semorrentanna'teño'pa' eñotasetcha' sapa' sa e'ñe po'ñoçh neyoçhreshas.

Atto Jesúsapa' eñotatan Pedro ñapa' çhocmach a'nasocha

(Mt. 26.31-35; Mr. 14.27-31; Lc. 22.31-34)

³⁶ Simónña Pedropa' atet och:

—Partshesha' p'apa' çerra'tcha'ña peserr?

Jesúsñapa' atet och:

—Allcha' neserr napa' p'apa' amach errotentot poçta'noña na te'. Esempona po'ñoçhpa' ama't chenta seserrcha' saña.

³⁷ Pedroñapa' atet otererr:

—Partshesha' çeso'mare'tcha'ña ama tayecma nocterrpe? Napa' e'ñe poçte' nenteñ yerromuepa' e'ñe parro.

³⁸ Jesúsñapa' atet otererr:

—¿Po'ñoçha'te'ñe pocte' penteñ o'ch yerroma parro? Po'ñoçha'ye te' napa' o'ch notap: Amach eñena' atollop pañapa' o'ch ma'poch pa'nasotenna.

14

Jesúsapa' ña toñetets alloch yeçherr Yomporesho

¹ Jesúsapa' alla oterraneter:

—Seyoçhropa' amach çha sellcatsto. Atto seyemteña Yompor napa'çho'ña çhoña seyemterrna. ² Nompor pa'netsro all pue'ntaño allpa' shonte' pocoll allcha' seyçha'huerra. Ñerra'm ama atteñepa' napa' amate' notasñe. Ñeñfo'marña napa' o'ch ahuerren attoch nañño'tuerrnas allcha' seyçha'huerra. ³ Ñerra'm o'ch ahuerren napa' nañño'tuerrnascha' allcha' seyçha'huerra. Ellochña nohuerrerra' allempochña e'ñe nahuerrsa' nesho allochñapa' allo'tseneycha' e'ñe parro. ⁴ Sapa' e'ñe seño'teñ allcha' neserr ñaña e'ñe seño'teñ attoch seçherr sanña all.

⁵ Tomásñapa' atet och:

—Ayochreshate yapa' amaca'ye yeñotenpe errachña peserr. Errotenotuachca'ye yeñoçhe' attoch yeçherr yanña.

⁶ Jesúsñapa' atet och:

—Napa' na toñetets ñeñfen alloch seçherr Yomporesho, napa' na ñeñfen sotene' ñeñf e'ñe po'ñoçh Yompor po'ñoñ, napa' na ñeñfen alloch e'ñe socrena. Amach esesha' çherrtso Yomporesho ñerra'm ama nanom ame'ñerreto.

⁷ Ñerra'm o' seño'terrnoñ na, Nompore'nate'ña seño'terreñ. Tayoteñña e'ñe po'ñoçhpa' o'ch seño'ter tarro'mar te'pa' o' senter.

⁸ Felipeñapa' atet och:

—Partseshacha' pegatey ñeñf Apa, yapa' o' ñeñfaña yepallta o'ch yeñoçh.

⁹ Jesúsñapa' atet och:

—Felipe, ahuatoteñ napa' allo'tseney parro. Pañapa' çama't peñotenno? Ñeñf puentaren napa' Apa'naca'yeña o' enterret. Eso'mare'tña pötenen o'ch negatap Apa. ¹⁰ Papa' ama'tña pame'ñenno napa' e'ñe neparrocmaten epan Apa, Apapa'çho'ña e'ñe parrocmatenna. Ñeñf atet notenespa' ama notaye' atet noteno. Apaña ñeñf neparrocmaten, ñapa' e'ñe etsotatennan ñeñf atet nepa'yen. ¹¹ Same'ña'na ñeñf notenes, napa' e'ñe neparrocmaten epan Apa, Apapa'çho'ña e'ñe parrocmatenna. Ama't napa' ama ame'ña'poye' sentenno tarraña atto po'ñoçh norrtatyenñañ Nompor po'partsoña ama't ñeñfapa' same'ñyañaca'ye. ¹² Po'ñoçhca'ye o'ch notas, ñerra'm esesha' name'ñerraya ñetpa'çho'ña elloch atarr cohuen orrtatyerret ñeñf atet norrtatyen te'. Tarro'mar na te'pa' o'ch ahuerren Apuesho. ¹³ Ñerra'm escha' senamuen e'ñe na neso'chño e'ñe seyemteño'fen na, napa' e'ñech atet nepennas. Attochña na ñeñfen Yompor Puechemerenpa' necohuentateññañcha' Apa. ¹⁴ Ñerra'm es senamuen e'ñe neso'chño e'ñe seyemteño'fen na, napa' e'ñech atet nepennas.

Atto Jesúsapa' otnerranet o'ch mueñuerranet Parets Puecamquëñ

¹⁵ Ñerra'm sa po'ñoçh semorrentennate'pa' o'ch same'ñerrnana neñoñ ñeñf atet notenes. ¹⁶ Napa' nenamonascha' Apa ñapa' apascha' po'psheñf ñeñfcha' soctape'chatterre' ñeñfcha'ña sechorrerraya erरणoñohuen. ¹⁷ Ñeñfña Yompor Puecamquëñ ñeñfcha'ña seño'taterre' ñeñf e'ñe po'ñoçh Yompor poctapña. Ñeñfña ama ame'ñetso arr patsropa' ñetpa' amach erro'tenoñ chorreranetoña Yompor Puecamquëñ tarro'mar

ñetpa' ama enteñeto ñaña amach eñoteñeto. Tarraña sapa' o' señoter tarro'mar ñapa' allo'tsenes parro epas allcha' chorrerra. ¹⁸ Napa' amach cha nehuocchapotatnerro. Ellochña alla nohuerrerr sesho. ¹⁹ O' mameshamerra palltenmeñ ñeñña ama ameñetso arr patsro ñetñapa' amach eseshaye' nenterraye, tarraña sapa' chocmach senterren. Tarro'mar napa' corretsana, ñeño'marña sapa'cho'ña corretsasach. ²⁰ Allempoch chorrerra Yompor Puecamquëñ allempochña señoter napa' e'ñe po'ño'ch neparrocmaten epan Apa, sañapa' separrocmaternach, nañapa' neparrocmatenasach. ²¹ Ñerra'm esesha' e'mñoterre' neñoñ ñaña e'ñech atet perret ñeñ atet notenanet ñetñapa' ñeñtet e'ñe po'ño'ch nemorrentenaya. Ñeñña nemorrentenaya napa' ñetñapa' Apach atarr morrentenahuet. Napa'cho'ña atarr nemorrentenanet, nañapa' ñeñoterranetcha' e'ñe po'ño'ch ñeñ atet nepena na.

²² Allempoña po'psheñeñ Judas ñeñ ama añeyaye Iscariote, ñañaapa' atet och:

—Parteshacha' yapa' ¿eso'mare'tcha'ña te'pa' o'ch peñotatay ya ñeñ atet pepena amachña añeye'ña peñotato ñeñ ama ame'ñetso arr patsro?

²³ Jesúsñapa' atet oterraneterr:

—Ñerra'm esesha'ch nemorrentaya na e'ñechña atet perret ñeñ atet notenanet. Apañapa' atarrcha' morrentenanet. Ñeshetoñapa' yechapcha' atoch yeycherra ñet pueyo'chreto. ²⁴ Ñeño'marña ñerra'm esesha' ama nemorrentayo amach atet perreto ñeñ notenanet. Añ ñoñets ñeñ atet se'muennan ñeñpa' ama noyaye neñoñ, ñeñpa' Apoña po'ño'ñ ñeñ nellsensene'.

²⁵ Añmapa' tarro'mar atet notenes tayepa'tñapa' allo'tsenmeñen na arr e'ñe sesho. ²⁶ Tarraña Parets Puecamquëñ ñeñtcha' soctape'chaterre', Apapa' mueñerrnascha' e'ñe na neso'chño e'ñe seyemteño'fen na. Ñapa' ñeñtcha' seño'taterre'ña seyo'chro ora allohuen ñeñ thocma ney'chatenes te'. Ñaña ñeñtcha' seyerpaterraya allohuen ñeñ atet notyesase't.

²⁷ 'Nocshateña nena'nerrnascha' alloch e'ñe socsherra seyo'chro, napa' chochña atarr nocshaterres seyo'chro. Ñeñ atet nocshatenes na seyo'chro ñeñpa' ama ateyaye ñerra'mrrate' añ patso'mar cosheñets. Ñeño'marña seyo'chropa' amach cha sellca'peno ama't mamesha, amach cha es señcha'teno. ²⁸ Te'pa' o' se'mhue atet o' notuas, na o'ch ahuerren, ellochña alla nohuerrerr sesho. Ñerra'm po'ño'ch semorrentennañ o'te' socshañ tarro'mar napa' o'ch ahuerren Apuesho. Tarro'mar ñapa' nanac ahuamencatesha', ello metanenen na. ²⁹ Te'pa' ama't ama etsotena', napa' o' notuas, allochñapa' ñerra'm esempoch etsoterra, sañapa' same'ñerach.

³⁰ 'Te' e'ñe parro'tseneypa' o'huañcha' allo'na neñosnen shonte' tarro'mar o' huapmocha oneñeñ ñeñ pa'mcha'tareter pen acheñenesha' arr patsro. Tarraña ama't o' huapañpa' e'ñe ñofapa' amach errot posno. ³¹ Napa' añcha'ña atet nepa ñeñ atet otenen Apa. Attochña acheñenesha' arr patsropa' eño'chetcha' na po'ño'chpa' e'ñe nemorrenteña Apa. Te'pa' satom'cha't o'ch ahuey arrot.

15

Jesúsapa' toma'ntata ñapa' ña uvachre'chmo'retets

¹ Jesúsñapa' alla yechaterraneterr ñapa' añ toma'ntata ña uvachre'chmo'retets. Ñeño'marña atet otanet:

—Napa' na atten ñerra'mrrate' ñeñfen uvachre'chmo'retets ñeñt e'ñe po'ño'ch cohuen sherbets. Nomporniapa' ña amre'tene' ñeñt uvachre'chmo'r. ² Sa ñeñtes neyemtenaya na sapa' attes ñerra'mrrate' uvachmo'r puetaquër. Allohuen puetaquër erra'tsen ñeñt ama me'tetso, Nomporniapa' chochña pecham'psoñ puetaquër. Ñaña allohuen ñeñt me'tetspa' chochña pechtac're'tyeset mamesha'tets attoch e'ñe cohuen e'shtacre'chet allochña'p' attoch atarrcha' nanac me'ten. ³ Ñeñt atet neserrpare'tatenes ñeñt neñoña'p' alloña o' sa'cohuentataretetua atet ñerra'mrrate' uvach o' e'ñe e'shtacre'tuet e'ñe cohuen. ⁴ Te'pa' attoña separrocmatenna attoña napa'cho'ña neparrocmatennasa. Atet pena tsachtaquër ñerra'm ama parrocmatenno pue'chorot amach me'to e'ñe ñoña, sapa'cho'ña ñerra'm ama separrocmatenno amach errotenot seme'toña samä e'ñe sofa.

⁵ Napa' na atten ñerra'mrrate' uvachre'chmo'r pue'chor, sapa' sa puetaeres. Eshsha' neparrocmaterre' ñaña napa' e'ñech neparrocmatenanet, ñeñtcha'ña nanac me'tats. Ñerra'm a'yo'tsensa neshot amate' errotenot sorrtyesofña ñeñt cohuen enten Yompor. ⁶ Eshsha'ch ama neparrocmaterre' ahuapore'tare'tcha' atet ñerra'mrrate' tsachtaquër ñeñt ama me'tetso chochña pecha'tam'psetña puetaquër o'ch e'ñe porrarque'chua allempochña a'yap'chetpa' o'ch chamuet tso allcha' poyua.

⁷ Ñerra'm separrocmaterre' ñerra'm chochma soctape'chennan neñoñ escha' senamuen napa' napascha'. ⁸ Atto nanac cohuen seme'tenpa' ñeñtpa' allochña secohuentateññañ Nompor tarro'mar sapa' añcha' sorrtyen ñeñt cohuen enten ña. Ñaña sapa' attochña eñoterres acheñenesha' po'ño'ch ñeñtes neyochreshas. ⁹ Atto Apapa' atarr nanac muerenna na, napa'cho'ña atarr nanac nemuerensa samä. Chocmuepa'ch seyemtenana ñeñt atto napa' chochma nemorrentensa. ¹⁰ Ñerra'm same'ñennana neñoñ ñeñt atet notenes e'ñech señotenen napa' atarr nemorrentensa. Atet nepena na e'ñe name'ñeññaña Nompor po'ñoñ ñeñt atet notenes, ñeñto'marña napa' e'ñe neñoteñ ñapa' atarr morrentenna namä.

¹¹ Añmapa' tarro'mar atet notenes allochña'p' ñeñt nocsheña napa' coshaterrescha' samä. Allochña'p' sapa' o'ch e'ñe socsherra e'ñe poc-tacma. ¹² Añña ñeñt notenes: Atarrepa'ch semorrentannena allohuenes atet nepena namä atarr nemorrentensa samä. ¹³ Añmapa' ñeñtña e'ñe po'ño'ch morrenteñets, o'ch ya'rroya yañeña o'ch yerroma añecop ñeñt atarr yemorrentyena. ¹⁴ Ñerra'm e'ñe atet se'pohuen ñeñt atet notenes sañapa' ñeñtes e'ñe neyemtena. ¹⁵ Te'pa' o'huañ atteye' nentenes ñerra'mrrate' ñeñt ya'taruasañer yepen, tarro'mar ñeñt ya'taruasañer yepen ñapa' ama eñotenanoña ñeñt atet cotape'chen pamo'mte'. Tarraña na te'pa' e'ñe neyem nepenes tarro'mar ñeñt atet ne'mueññañ Apapa' sapa'cho'ña o' neñotaterres. ¹⁶ Sapa' ama saye' na'crreraye, napa' ñaña sa'crrerña sa. Attoña o' napuerresña llesens attoch seta me'tarsats attoch e'ñe cohuen es sorrtyen ñeñt cohuen enten Yompor. Ñeñtpa' ñeñtcha' se'mer seperr ñeñtña se'merpa' amach ahuañaña'aterra ama't ahuata. Allochña'p' ama't erra'tsena senamueñ Apa e'ñe na neso'chño e'ñe seyemteñoñen na, ñapa' apascha'. ¹⁷ Añca'yaña notenes: Chocmuepa'ch atarr cohuen semorrentannena.

Allempo Jesús'pa' eñotatan pueyochresha' chochmach e'moñe'tenanet acheñenesha' arr patsro

¹⁸ Jesús'ñapa' alla otterraneterr:

—Ñerra'm acheñenesha' añ patsro e'moñe'tenset sapa' señoche'pa'ch na e'ñe nanom e'moñe'tenet. ¹⁹ Ñerra'm sa e'ñe parro attecma'señ ñeñt' ama ame'ñetso arr patsro, ñetñapa' e'ñefe' cohuen muerensetañ tarro'mar e'ñeca'ye ñeñfena'tarecma's. Tarraña sapa' ama e'ñe attecma'ye' separro'marneshacmateno atet pena allohuen acheñenesha' ñeñt' ama ame'ñetso arr patsro. Sañapa' o' na'crerres ellonet nocop. Ñeñto'marña acheñenesha' añ patsropa' o' e'moñe'taset saña. ²⁰ Seyerpach añ ñoñtsor ñeñt' o' notuas: "Allohuen ñeñt' yochreshats errotench'a' perrñañet ñeñt' yochresha'tenahuet, ñetpa'cho'ña e'ñech attecma' a'paret'terret ñamet." Atto napa' cotare'tennet pue'moñe'teño'fetan, sapa'cho'ña pue'moñe'teño'fetaspa' cotare'tasetcha' saña. Atto napa' ama ame'ñerrnaneto neñoñ, sapa'cho'ña amach ame'ñerrnaseto saña señoñ. ²¹ Ñeñt'pa' atetcha' perrset tarro'mar sapa' naca'ye same'ñena tarro'mar ama eseshaye' eñotenaye Yompor ñeñt' nellensene'.

²² Ñerra'm ama nohuapa'ne amach neserrpare'tatosanetañe, amate' eñallñeña attoch neyohua'yesanet po'chñaro'fet. Ñeñto'mar te'pa' ama eñalle attoch a'nasotet po'chñaret. ²³ Ñeñto'marña ñerra'm esesha' ne'moñe'tene' na, Nompore'naña e'moñe'tennanet. ²⁴ Ñerra'm amach norrtatanetañe cohuenñats ñeñt' ama't ahuata po'psheññe'chnopa' ama orrtatanete'te e'ñe attotapa' amate' eñallñeña attoch neyohua'yesanet po'chñaro'fet. Tarraña te'ña ñetpa' ama't e'ñe entennetañpa' chaña e'moñe'tennet ña'ña Nompore'na e'moñe'tennanet. ²⁵ Tarraña ñeñt'pa' tarro'mara atet penet allochñapa' attoch etsoterra ñoñets ñeñt' e'ñe atet anuaret ahuatoteñ, ñeñt'pa' atet oten nocop: "E'ñech attota e'moñe'terrnet."

²⁶ Ñeñt'cha' soctape'chaterre' e'ñe cohuen seyo'chro ñeñt'cha' nemñohuerrnas Apueshot. Ñeñt'pa' ñeñt'ña Apa Puecamquëñ ñeñt'cha'ña seño'taterre'ña ñeñt' e'ñe po'ño'ch Yompor poctap'ña tarro'mar ñeñt'pa' Apueshot huena. Ñerra'm esempoch' chaponasa ñachña na'potose'. ²⁷ Sapa'cho'ña sa'potancha' tarro'mar e'ñe allempoteñ netorrosa, sapa' e'ñe allempoteñ parro'tseney.

16

¹ Ñeñt'pa' tarro'marña o' atet notuas allochñapa' amach alla ello sepuerro. ² Tarro'mar esempopa' chapcha' allempoch' huapore'tas judionesha' po'prahuot. Po'ño'ch chapcha' attempo esesha'pa' ñato' o'ch muetsaset chach otenapuetañ ñetpa' allot'e' sherbeñetña Yompor. ³ Ñeñt'pa' tarro'marcha' atet paset ñetpa' ama eseshaye' eñotenaye Apa ama't napa' ama eñotenneto. ⁴ Añe'chnopa' o' notuas allochñapa' ñerra'm esempoch' chap, sapa' seyerpuerrnanach ñeñt' atet notase't.

Atto Parets Puecamquëñ ñach yoctape'chatyese' e'ñe cohuen

'Ahuañmo'cha añe'chnopa' ama notase'te tarro'mar allempoteñpa' e'ñe parro'cma allo'tseney. ⁵ Na te'pa' o'ch ahuerren allo'tsen ñeñt' nellense'. Saña ama't puesheñarro'esapa' amaña sa'pto'tenno, errachña neserr. ⁶ Te'ña ñeñt' atet notenes saña seyo'chropa' chaña atarr sellquëna. ⁷ Te'pa' añ notenes ñeñt' e'ñe po'ño'ch. Socoppa' añanac poctetsa napa' o'ch ahuerren. Tarro'mar ñerra'm amach neserro amate' errotetot huaponasoña Yompor Puecamquëñ ñeñt'cha' soctape'chaterre' cohuen. Tarraña ñerra'm neserrcha' napa' añcha' nemñahuerrnas Yompor Puecamquëñ ñeñt'cha' soctape'chaterre'

cohuen seyoçhro. ⁸ Ñerra'm esempoch huapa Yompor Puecamquëñ acheñenesha'ña arr patsropa' ñachña çhapatahuetña pueyoçhreto attoch eñochet ñet po'ñoçhepa't eñallet po'chñaret. Ñaña añcha'ña çhapat Janet pueyoçhreto ñeñt e'ñe pocte' entyen Yompor. Ñaña añcha'ña çhapat Janet pueyoçhreto attoch ñetpa' eñoteretcha' po'ñoçhpa' coñcheñtsach amñare'tterret ñeñt ama name'ñenayo na ñeñten Yompor Puechemeren. ⁹ Yompor Puecamquëñpa' eñotaterrancha' acheñenesha' po'ñoçh ñetpa' ama pocteye' entenaneto Yompor tarro'mar ama ame'ñenneto na ñeñten Yompor Puechemeren. ¹⁰ Ñaña ñach eñotaterrahuet ñeñt e'ñe pocte' entyen Yompor tarro'mar napa' amach allo'tsenarano sesho. Napa' o'ch ahuerrren Apuesho amach alla senterne'te. ¹¹ Paretsña Puecamquëñpa' ñachña eñotaterrahuet po'ñoçhpa' coñcheñtsach amñare'tterret ñeñt ama ame'ñetso tarro'mar oneñeñ ñeñt pa'mcha'tareter pen shonte' acheñenesha' arr patsro, ñocoppa' e'ñe po'ñoçh anuaret amñare'tterrach coñcheñtso.

¹² 'Shontemeñ ñeñtcha' notaseñ tarraña te' sapa' amate' errotentot çhaponaso seyoçhro. ¹³ Tarraña ñerra'm esempoch huaponasa Parets Puecamquëñ, ñeñtcha'ña señotaterre' ñeñt e'ñe po'ñoçh Yompor po'ñoñ tarro'mar ñapa' ñachca'ye señotatene' ñeñt e'ñe po'ñoçh Yompor po'ñoñ ñeñt ama shequëñtsoyaye. Ñapa' amaca'ye e'ñe ñoña eñeno. Añca'yeña eñen ñeñt atet e'muen Partsesho. Ñapa' añcha' serrpare'tatas ñeñtcha' atet perra tsapatonet. ¹⁴ Ñapa' nachca'ye cohuentaterre'; e'ñe eñotennan ñeñt atet nepena na, ñapa' ñeñtcha'ña eñotatyrreres. ¹⁵ Ora allohuen ñeñt atet pena Apapa' napa'cho'ña e'ñe atet nepena naña. Ñeñto'marña napa' notenes eñotenan ñeñt atet nepena na, ñapa' ñeñtcha' señotatyerre'ña samña.

Ñeñña sellquëñapa' puenaserrach socsheña

¹⁶ Jesúsñaapa' atet o'terraneterr:

—Te'pa' mameshamña o'huañcha' allo'na sentnenen tarro'mar napa' o'ch ahuerrren Apuesho. Tarraña sapa' e'ñe mameshapa' o'ch alla yentannerra.

¹⁷ Pueyoçhresha' ñapa' atet otanna'tyeset:

—¿Errotente'ña añ ñeñto'mar atet oteneý, mameshamñapa' o'huaño'ch allo'na yentneñ tarraña mameshapa' ahuo'ch alla yentannerra? ¿Errotente'ña añ ñeñto'mar ñapa' atet oteneý, ñapa' ahuo'ch ahuerr Pomporesho?

¹⁸ Alla otanna'tyenet:

—¿Eso'marte'ña atet oteneý, mameshamñapa' o'huañcha' allo'na yentneñ? Amaca'yeña yeñoteñe este'ña oteneý.

¹⁹ Jesúsña eñotanet ñetpa' cho mueneñetañ o'ch a'pto'chet. Ñañaapa' otanet:

—¿Ñeñte'tña sotannena ñeñt atet notenes, o' mameshamña o'huañcha' allo'na sentnenen, tarraña mameshapa' o'ch alla yentannerra?

²⁰ Po'ñoçhca'ye o'ch notas: Sapa' sellquëño'pa' seyahuerrach. Acheñenesha'ña arr patsro ñeñt ama ame'ñetso ñetñapa' çhach atarr coshet. Sapa' sellquërrach tarraña sellquëña sapa' puenaserrnasach socsheña. ²¹ Ñeñpa' o'ch netma'ntatasa ñerra'mrrate' coyanesha' allempo cheññaña allempoch emare'ten, çhach lleca tarro'mar o' çhapoña allempoch atstotenana puechoyetroll. Tarraña allempochña eñalletatuepa' o'ch alla atarr cosherra o'ch pueserranña atto atarr llecach pue'maretoll, elloñapa' atarrcha' cosherra tarro'mar o' eñalletatuan pue'maretoll arr patsro.

²² Jesúsña alla o'terranerr pueyoçhresha':

—Te'ña sapa' nanac llequëñtso'tsenes, tarraña elloñapa' o'ch alla yentanerra. Allempoña sapa' o'ch alla atarr socsherra seyo'chro. Ñeñña socsheñapa' ama't e'ñe puesheñarra amach errotenot puerratanperrseto.

²³ Allempopa' amach sepallteno o'ch alla es sa'pto'ternerr. E'ñe po'ño'ch te'pa' o'ch notas: Ñerra'm es senamueñ Apa e'ñe na neso'chño e'ñe seyemteñoen na ñañapa' apascha' ñeñt senamueñ. ²⁴ Sa teme'ttsenpa' ama es senamueno e'ñe seyemteñoen na e'ñe neso'chño. Te'ña ñerra'm senampa' saga'pcha' allochñapa' o'ch socsha e'ñe poctacma.

Atto Jesucristo a'mchechatuerran allohuen ñeñt e'moñe'tene' Yompor arr patsro

²⁵ Ñeñt allpon neserrpare'tatyesase't ñeñtpa' e'ñe toma'nteñtso'chno notyesase't. Tarraña çhapcha' esempo allempopa' amach alla neserrpare'taterrserro toma'nteñtso. Allempopa' añcha' neserrpare'tatas Apacop ñeñtpa' amach toma'nteñtsoyaye, allochñapa' e'ñe ch seño'tue. ²⁶ Allempopa' senamueñcha' Apa e'ñe seyemteñoen na e'ñe neso'chño. Allempopa' amach pallteno o'ch nema'yocham'pensa Apuesho. ²⁷ Apañapa' atarrcha' morrentensa atto sapa' semorrentenna, e'ñe seyemtenna atto napa' Apueshot nohuapa. ²⁸ Po'ño'ch napa' Apueshot nohuapa, o' neçhap a'ne patsro. Elloñapa' o'ch alla nesa'nerr añ pats, o'ch alla ahuerren Apuesho.

²⁹ Pueyochresha'ñapa' atet ochet:

—Te'ñapa' ama toma'nteñtsoye' peñeno ñeñto'marña yapa' e'ñe ch yeño'tue. ³⁰ Te'pa' yeñotene'p' p'apa' ñeñte'p' e'ñotue' ora allohuen esocmañen. Ñeñto'marña yapa' amaca'ye pallteno o'ch alla ya'pto'terrperr po'poñone't. Tarro'mar te'pa' yeñotene'p' p'apa' Partseshot p'ehuapa.

³¹ Jesúsñapa' atet o'terraneterr:

—Sapa' taya'tña o' same'ña'na. ³² Te'pa' o' e'ñe çhapmoch sa ama't puesheña'ttsospa' o' çhaponasañ çhach sematrra'tyesa allemeñ. Chach sahanomyesa allcha' semna'yes sa. Nañapa' sa'ypo'ña'huanmuencha'. Tarraña napa' ama e'ñe naptayaye, epanña Apa. ³³ Ora allohuen a'ne'chnopa' o' e'ñe notuas allochñapa' e'ñe seyemteñoen napa' çhocmach socshena seyo'chro. Po'ño'ch añ patsropa' çhocmach semuero'çhtena. Tarraña e'ñe seyo'chro sapa' çhocmuepa' çhña socshena tarro'mar napa' o' na'mchechatue allohuen ñeñt e'moñe'tene' Yompor a'ne patsrot.

17

Allempo Jesúsapa' ma'yocham'penana pueyochresha'chno

¹ Allempoña atet otuanet a'ne'chno Jesúsapa' allenta cohua' enonetpa', ñeñtpa' atet otan Pompor puema'yocheño't:

—Apacha' te'pa' o' çhapona allempoch etsota ñeñt nocop. Te'pa' pecohuentatonepa'ch na tarro'mar Pechemer pepenen allochña napa'cho'ña necohuentatona'pcha' p'ama. ² Atto p'apuen llesenspa' alloña pomnaren nepeñña allohuen a'cheñenesha'. Allochñapa' allohuen a'cheñ ñeñt po'patatenna, naña ñetpa' napuenanetcha' alloch ñetpa' corretsetach pocsheñeshocmañen tayoteñ e'ñe errponañohuen. ³ Añmapa' ñeñtña alloch ñetpa' corretsetach tayoteñ e'ñe errponañohuen ñerra'm esempo e'ñoterrpet p'a ñeñte'p' p'apuet e'ñe po'ño'ch Yomporeretets ñaña ñerra'm e'ñoterrnet na ñeñten Jesucristo p'a pellsensaren.

⁴ Napa' o' e'ñe necohuentatuona'p arr patsro. O' e'ñe netsotuona'p ñaña petaruas ñeñt atet poten. ⁵ Te'ña Apacha', pecohuentaterrnanepa'ch e'ñe alla

pesho e'ñe atet allempo atarr a'cohuentatareten pesho ahuat allempo ama eñalletena' añ pats.

6 'Allohuen acheñ ñeñt neyochresha' pepatenen nañapa' añ neñotatenanet ñeñt atet pepena pa tarro'mar ñetpa' ñeñtet e'ñe allpona po'patatna arr patsro. Ñetñapa' pepa'tña o'patenahuet ñeñfcha' neyochresha' pepaten naña. Te'ña ñetpa' e'ñe ame'ñernapet peñoñ. 7 Naña ñetpa' e'ñe eñotueñet allohuen ñeñt atet ne'ñorenanet ñaña ñeñt es norrtatyenanetpa' ñeñtpa' e'ñe ora peshotecma huena. 8 Napa' añña ne'ñorenanet ñeñt atet potenen pa. Te'ña ñetpa' e'ñe cohuen ame'ñennet. Naña e'ñe po'ñoçh eñoteñet napa' e'ñe peshot nohuapa, pa ñeñtep nellsenserre'.

9 'Te'ña napa' o'ch nema'yocham̄pesnomanet ñet. Ama allohuenacpaye' acheñenesha' arr patsro nema'yochenpo, e'ñe añecpa nema'yochenpa ñeñt neyochresha' pepatenen tarro'mar ñetpa' ñeñfareta peyochresha' pepen paña. 10 Tarro'mar allohuen ñeñt e'ñe nocmapa' papa'cho'ña e'ñe pocma. Ñeñña e'ñe pocmapa' napa'cho'ña e'ñe nocma. Ñetña te'pa' e'ñe cohuentat apretennet.

11 'Te'ña nocoppa' o' cherrmoch e'ñech ñeñfeshaña añe patsro'tsenen tarro'mar napa' o'ch alla ahuerren pesho. Tarraña ñetpa' allo'tsenaretach arr patsro. Pa Apa Partso, pecuam̄sepa'ch allohuen ñeñt neyochresha' pepatenen. Pehuamencotcha'ña pecuam̄psanet. Allochña ñetpa' o'ch e'ñe parrocmatet e'ñe atet yepena yaña. 12 Allempoteñ e'ñe parro'tseney poña pehuamencot necuam̄psanete't. Napa' chocma nemoñenanet. Ñeñto'marña ama't puesheñarofeta ñetpa' ama na'chencataneto, ñapñaña chenca añ ñeñt o'patena chenquēñets. Ñeñtpa' attochña Apa etsoterra peñoñ ñeñt anuaret ahuatoteñ.

13 'Tarraña te' napa' o'ch ahuerren pesho. Napa' añecopña neñen añechno añ patsro attoch ñetpa' atarrcha' cosherret pueyoçhreto e'ñe atet nocshena na. 14 Napa' añ ne'ñorana'tenanet ñeñt e'ñe po peñoñ. Acheñenesha'ña ñeñt ama ame'ñetso añ patsro, ñetñapa' cha e'moñe'tenanet tarro'mar ñetpa' ama allo'na parro'marneshateneto ñeñt ama ame'ñetso, atet nepena naña ama neparro'marneshatenaneto. 15 Ama añeye' nenamuenpe attoch pahuenaneta' añ patsrot, añña nenamuenep o'ch pecuam̄psanet. Amach pemnatatsche oneñet o'ch alla a'puerrataterranet. 16 Ñetpa' ama allo'na parro'marneshateñeto ñeñt ama ame'ñetso arr patsro atet nepena naña ama neparro'marneshatenaneto. 17 Pame'ñeñofet pa peñoñ pa'cohuentam̄psanetepa'ch e'ñe pocop. Pa peñoñpa' ñeñtña e'ñe po'ñoçh ama shequēñtsoyaye. 18 Atto pa pemñan na arr patsro, te'ña napa' o'ch nemñanet ñamet attoch serrpare'tatyeset acheñenesha' arr patsro. 19 Ñeñto'marña ñocpuet nañapa' o' na'rroyerra pocop, attochña ñetpa'cho'ña a'cohuentataretterretcha' Partsocop. Ñeñtpa' e'ñe po'ñoçh atet poteney pa peñoñot ama shequēñtsoyaye.

20 'Tarraña amach e'ñe añecpa nema'yocho ñeñt e'ñe neyochresha' nepen te', añecpa'nachña nema'yocham̄pesnoma allohuen ñeñfcha' name'ñerraya tsapatonet e'ñe neyochresha' po'ñoñot. 21 Allochña allohuenetpa' parrocmatetpa' atet pepena pa Apa e'ñe peparrocmatennana ñaña napa' e'ñe neparrocmatennaña. Allochña ñetpa' o'ch e'ñe parrocmaterryet e'ñe parro epay. Attochña acheñenesha'ña arr patsropa' ñetñapa' eñoteretcha' pa ñeñtep

nellsenserre'. ²² Atet pepena ꝑa pecohuentapretenna napa'cho'ña e'ñe necohuentapretenanet ñet, attotcha'ña ñetpa' e'ñech parrocmatet atet yepena yaña e'ñe yeparrocmaten. ²³ Napa' neparrocmatenanet, ꝑañapa' peparrocmatenna. Allochña allohuentpa' e'ñech parrocmatuenet e'ñe poctacma. Attoch acheñenesha' arr patsro ñetpa' eñoteretcha' ꝑapa' ꝑa nellsenserre'. Ñaña eñoteretepa'ch ꝑapa' atarr pemorrentenanet e'ñe atet atarr pemorentenna na.

²⁴ 'Apache' allohuen ñeñt peyochresha'tatenna na, napa' añ nemnen erro'tsenencha' ñetpa'cho'ña allo'tsenacmayepa'chña e'ñe parro. Allochña' attoch enterrnanet necohuenña allo o' alla pecohuentaterran na, tarro'mar ꝑapa' pemorrentenna allempoteñ ama ayethcatarettena' añ patser. ²⁵ Apa, ꝑa ñeñteꝑ e'ñe pocte' es pets, acheñenesha' ñeñt ama ame'ñetso arr patsro ñetpa' ama eñotenpeto. Nañapa' e'ñe po'ño'ch neñoteneꝑ. Añña ñeñt e'ñe neyemtenaya ñetñapa' eñotenpet ꝑapa' ꝑa nellsensene'. ²⁶ Napa' naña e'ñe eñotatenahuet ñet ñeñt atet pepena ꝑa. Ellopa' allach neñotaterraneterr. Allochña' ñetpa'cho'ña e'ñech morrentanna'terret e'ñe atet pepena ꝑa atarr pemorrentenna na. Attochña napa' e'ñech neparrocmatenanet ñet. Ñeñtpa' allohuach nema'yochaꝑa Nompore.

18

Allempo rromoset Jesús

(Mt. 26.47-56; Mr. 14.43-50; Lc. 22.47-53)

¹ Jesúsña allempo ma'yochuanmapa' allenta ahuanman pueyochresha' o'ch ahuanmuet yon'ta'n amañesre'to. Ñeñt amañesre'te'pa' añ ꝑa'so'cheñ Cedrón. Allña yon'ta'npa' allo'tsen narmetsma', all çhapña Jesús epuet pueyochresha'. ² Nehua, Judas ñeñtcha' pomuerre' Jesús ñapa' e'ñe puentarña all, tarro'mar ahuañmo'choteñ Jesús'pa' allecma ap'chatenan pueyochresha'. ³ Judasña' allenta anman solltarnesha' ñaña guardianesha' ñeñt mueñen fariseonesha' ñaña ñeñt ꝑa'mcha'tareternesha' pen allohuen judionesha' po'cornaneshar. Ñetñapa' çha'cha'tet all elampañe'areret. Orra'yesnenet ñaña po'urare. Orra'yesnenet ñaña alloch quellaret. ⁴ Jesúsña' e'ñe eñoteñ ora ñeñtcha' çhapoya allempo. Ñaña poctanetpa' atet otapanet:

—Sapa' ¿eseshatña se'nen?

⁵ Ñetñapa' atet otoset:

—Añca'ye ye'nen Jesús ñeñt nazareto'marnesha'.

Ñañapa' alla oterraneterr:

—Napa' añenca'ye.

Judas ñeñt pomue'pa' ñapa'cho'ña allo'tsen. ⁶ Allempo otenanet Jesús: "Napa' añenca'ye", ñetñapa' o' cheterret ꝑa'che'ñone'ꝑa' allepa'tcha' a'trra'tet.

⁷ Elloñapa' alla oterraneterr:

—¿Eseshatña se'nen?

Ñetñapa' alla oterreterr:

—Yapa' añ ye'nen Jesús ñeñt nazareto'marnesha'.

⁸ Jesúsña' alla oterraneterr:

—Napa' o'ca'ye notuapas napa' añen. Ñerra'm nate' se'nenpa' neyochresha'ñapa' semnatanet ñetpa' o'ch ahuanerret.

⁹ Ñeñtpa' tarro'mar atet ot allochña' attoch etsota Jesús po'ñoñ atet o' otuanom: "Ñeñt allpon neyochresha' ꝑeꝑatenen napa' ama't puesheñarrapa'

amach na'chencache." ¹⁰ Allempoña Simón Pedro ñeñt occhelletpa' ñaña'pa' po'cchella cheta'pa' o'ch chonto'tapanen cornesha' pueñañra puetepa'tcha' tsorroñ. Ñeñpa' añ pa'so'cheñ Malco, ñeñpa' año pueñañra ñeñt pa'mcha'tareter pen allohuen judionesha' po'cornaneshar. ¹¹ Tarraña Jesús'pa' atet otan Pedro:

—Pesha'terr p'occhell allecma peneñ. Pocte'ca'ye o'ch chapona ñeñt amue-rochtatañ* tarro'mar ñeñpa' atet muenatenen Nomp'or.

Allempo anmet Jesús allo'tsen ñeñt pa'mcha'tareter pen allohuen judionesha' po'cornaneshar

(Mt. 26.57-58; Mr. 14.53-54; Lc. 22.54)

¹² Allempoña solltarnesha' epuet po'captáner ñaña judionesha' po'guardianeshar ñetñapa' rromoset Jesús'pa' o' huanquët. ¹³ Ñanomp'a' arr anmet allo'tsen Anás, tarro'mar ñapa' ñeñt Caifás pa'go'. Ñeñña Caifás'pa' ña pa'mcha'tareter pen allohuen judionesha' po'cornaneshar allempo ñeñte chararo. ¹⁴ Caifás'pa' ñapa' ñeñña cotape'chataye't judionesha' allempoteñ o'pateñet Jesús, ñeñpa' atet otanete't: Añ poctetsa puesheñarr ñeñt acheñerpa' o'ch rroma allohuen acheñeneshapoc.

Atto Pedropa' a'nasotana Jesús

(Mt. 26.69-70; Mr. 14.66-68; Lc. 22.55-57)

¹⁵ Simón Pedro ñaña po'psheñeñ pueyochresha' ñetñapa' cota'nmet ñamet Jesús chenta'. Ñeñña puesheñarrpa' e'ñe cheme'teñ cornesha' ñeñt nanac amcha'tarettetsa allempo. Ñapa'cho'ña o' be'tososet epuet Jesús all aconcha'tam'psarettena cornesha' po'pamp. ¹⁶ Pedroñapa' alla tomos a'yot allot be'tenet. Po'psheñeñña pueyochresha' ñeñt e'ñe cheme'ten cornesha' ñeñt nanac amcha'taret, ñaña'pa' cha'nerr a'yot, allña'pa' eñosuerr epuet coyanesha' ñeñt cohuene' yetarr. Allempoñapa' errana' ñaña Pedro. ¹⁷ Coyanesha'ña ñeñt cohuene' yetarrpa' atet otapan Pedro:

—¿Ama't papa'cho'ña pueyochresha'te'ca' penepña añ encaneshar?

Ñaña'pa' atet otos:

—Napa' amaca'ye pueyochreshayayo.

¹⁸ Ñeñña taruaset all epuet guardianesha' ñetñapa' all tsoma'tenet quellmesha, a'huortatenet tarro'mar allapa' nanac senteten. Allña tom'chenet all shotenet. Pedropa'cho'ña allo'tsen all shotena ñaña.

Allempo Jesús'pa' a'p'to'tare'teñ cornesha' ñeñt nanac amcha'tarettetsa

(Mt. 26.59-66; Mr. 14.55-64; Lc. 22.66-71)

¹⁹ Cornesha'ña ñeñt nanac amcha'tarettetsa, ñapa' allenta a'p'to'tapan Jesús pueyochreshapoc ñaña añecop ñeñt atet yechatyen. ²⁰ Jesús'ña'pa' atet otos: —Napa' ama a'nahuayaya neserrpare'tateñe acheñenesha' arr patsro. Chocma ney'chatyen judionesha' po'prahuo'mar ñaña Parets pa'paclo allecma shontena judionesha'. Ama't parrochapa' ama esempo neñosoña a'nahua. ²¹ Eso'mare'tña nañeña p'a'p'to'ten. Añcha'ña p'a'p'to'tyes ñeñt ne'maye't erro'tente' neserrpare'tatyesanete't. Ñetpa' eñoteñette'ña ñeñt atet notyesanete't.

²² Allempoña atet otuanet Jesús'pa' puesheñarrña guardia ñeñt allame'ttso'tsenapa' ñaña'pa' allenta tacle', atet och:

—Amarramch' atteye' yanapueñeña cornesha' ñeñt nanac amcha'taret.

* **18:11** Ñeñt amue-rochtatañ ñeñpa' po'ño'ch ñeñpa' añ atma'ntataret ñerra'mrrate' ñeñt atarr pesherr yorren orramtso.

23 Jesúsñapa' atet och:

—Ñerra'm añte' neñen ñeñt ama cohuenayayepa' p̄oten all ama cohuenaye' neñeno. Ñerra'm cohuyente' neñenpa' eso'marte'ña petacllenen.

24 Allempoña Anáspa' allenta mueñe e'ñe ehuancařet pa'ñachoshesho Caifásesho. Ñeñña Caifáspa' ñeñt e'ñe pa'mcha'tareter pen allohuen judionesha' po'cornaneshar.

Allempo Pedropa' alla a'nasoterranerr Jesús

(Mt. 26.71-75; Mr. 14.69-72; Lc. 22.58-62)

25 Simón Pedroñapa' alla ten all shotena. Ñetñapa' atet ochet:

—Papa'tho'ña ¿ama't pueyochresha' penpe?

Ñañapa' čha a'nasochapa' atet ot:

—Napa' amaca'ye.

26 Cornesha'ña ñeñt nanac amcha'taret puešheñarraña ñeñt pa'taruasañer ñeñt pamo'ts tsorrqueta't Simón Pedro, ñañapa' atet och:

—Napa' ¿ama't pa nentoña narmetsmo? Papa' allo'tseneřca'ye.

27 Pedroñapa' alla a'nasotererr. E'ñe allempocmaña eñen atollop.

Allempo čhapata' mueñet Jesús allo'tsen amcha'taret Pilato

(Mt. 27.1-2, 11-14; Mr. 15.1-5; Lc. 23.1-5)

28 Allempoña Jesúsapa' anereterr Caifáseshof. E'ñe ahuatecma anma'mueñet amcha'taret po'palaciopahuo. Ñeñña amcha'taretpa' ñeñt nen gobierno' Romot ñeñt amcha'tarettetsa allo'marneshacop. Allohuen judionesha' ñetñapa' ama be'tososeto amcha'taret pa'pacillo tarro'mar ñeñt amcha'taretpa' romo'marnesha' ama judioneshayaye allochña ñetpa' año'ch čha a'sosyateto ñañeñeta Partsocop esheccha' e'ñe cohuen rrallme chet pascuapo. 29 Ñeñto'marña Pilatopa' čha'nmanet a'yot allo'tsa'yenet, atet otapanet:

—¿Errofenote'tña sottene'cheñña añ ačeñer?

30 Ñetñapa' atet otyesoset:

—Ñerra'm ama añ pa'yeno ñeñt ama pocteyayepa' amate' errotenot o'yehuapacheñeña pesho.

31 Pilatoñapa' atet oterraneterr:

—Chosa sañeña anmue' sachña ente' erroťente' ñeñt atet pena ñeñt atet anaret ñoñets socop attotcha' sottene'ch.

Judionesha'ñapa' atet otyeset:

—Yocop ñeñtey judioneshayapa' ama pocteyaye o'ch yemtsach ačeñ ama't puešheñarra.

32 Ñeñto'marña ñetpa' atet otyeset allochñapa' attoch etsota Jesús po'ñoñ atet otuanet ahuaña allempo ñanom eñotatanet ñapa' corsochoch rroma.

33 Allempoña Pilatopa' alla be'terrerr pocollo. Ñañapa' agotatan Jesúsapa' atet och:

—Papa' ¿pa't amcha'tarettetsaña judioneshacop?

34 Jesúsñapa' atet och:

—Añpa' ¿e'ñe't p̄ota p̄otenña atet, ñato' esesha'te' p̄otene'ña añ nocop?

35 Pilatoñapa' atet otererr:

—Napa' amaca'ye judioneshayayno, ama es neñotenoña socop. Paña pamo'tsna'tar ñaña ñeñt pa'mcha'tareternesha' pen judionesha' po'cornaneshar ñetña te'pa' o' pomuerrpet nesho. ¿Eso'tña pepen ñeñt ama't mameshapa' ama pocteye' entapretenpeto?

36 Jesúsñapa' atet otererr:

—Atto na'micha'tarettena napa' ama añe patsroyaye. Ñerra'm añe patsrach na'micha'tarettenañpa' allempoña neyochreshačhnopa' moñsa'netañcha', allempopa' amach pomnoñeña judionesha'. Tarraña atto na'micha'tarettena napa' ama arro'marecpayaye.

³⁷ Pilatoñapa' atet otererr:

—Ñeñtepnapa' pepa'tca'yeña añcha'taret.

Jesúsñapa' atet otererr:

—Na po'ñočpa' añcha'taretenca'ye e'ñe atet pōtenen p̄a. Napa' ñeñto'marña ne'ñalletosa añe patsro attoch nach a'potose' ñeñt' e'ñe po'ñoč Yompōr poctap̄ña. Allohuen ñeñt' muenene' ñeñt' e'ñe po'ñoč Yompōr poctap̄ña, ñetñapa' e'mñotennet.

³⁸ Pilatoñapa' alla otererr:

—¿Erra'tsena'tña ñoñets ñeñt' e'ñe po'ñočh?

*Atto añcha'taret Pilatopa' otanet ama'tpa' čhosa muetse'ña Jesús
(Mt. 27.15-31; Mr. 15.6-20; Lc. 23.13-25)*

Ñeña otuapa' o' alla čha'nerrerr allo'tsa'yen judionesha'. Allñapa' atet otuerranerr judionesha':

—Napa' amaca'ye nenteññañeña ñeñt' atto ama pocteye' es peno attoch yemtsatach. ³⁹ Tarraña atet seyčhenpa' e'ñe pate'tets char allempoch čherrerr pascuapo nañapa' čhocmach na'rroyernnas puesheñarr socop ñeñt' ayottam̄psarettsa allempo, ñeñfara ñeñt' samo'ts sepen. Te'pa' ¿añe't semnen o'ch na'rroyernnas ñeñt' Sa'micha'tareter sepen sa ñeñtes judioneshas?

⁴⁰ Allempoña ñetpa' puerrannarteñoetpa' atet otyeset:

—Tarraña Jesúsapa' amach p̄a'rroyatsche, añcha'ña p̄a'rroyernay Barrabás. Ñeñña Barrabásapa' ñeñt' atarr aprratam̄psañtetsa.

19

¹ Allempoña Pilatopa' atet otan po'solltar-renesha':

—Te'pa' o'ch sanem̄ Jesús allcha' sashte'.

² Solltarnesha'ña pa'llocchame'teñoet Jesúsapa' pellta'toñet choyo'mets agrečh ñeñña choyo'mtachtet ñeñt' atet choyo'mtena ñeñt' po'ñoč añcha'tarettetsa. Chorrachet ñaña shetamuets ñeñt' quelluemamueno tsamamtena ñeñt' pa'shtam pen ñeñt' po'ñoč añcha'tarettetsa.

³ Pa'llocchame'teñoetpa' e'ñe atet p̄achet ñerra'mrrate' ñeñt' po'ñoč añcha'tarettetsa. Allña ponenyetpa' pachmare'teñoetpa' atet oteñet:

—Puetare' añcha'taretecha', atarruaca' cohuenep̄te' p̄a ñeñtepn̄ judionesha' pa'nicha'taretereḡ.

Allñapa' taclapecheñet.

⁴ Pilatoñapa' alla čha'nerrerr allo'tsa'yen judionesha'. Allñapa' atet oterraneterr:

—Secue', te'pa' o'ca'ye alla nehuapaterrnaserr Jesús allochñapa' o'ch señoč napa' amaca'ye nenteññañeña ñeñt' atto ama pocteye' es peno attoch yemtsatach.

⁵ Allempoña čha'nom ñaña Jesús achoyo'mtataret agrečh ñeñt' apellta'taret, achorratareta ñaña shetamuets ñeñt' quelluemamueno tsamamtena. Pilatoñapa' atet oterraneterr:

—Secue' añca'yeña ñeñt' yacmar.

⁶ Ñeñña pa'mcha'tareternesha' pen allohuen judionesha' po'cornaneshar ñaña guardianesha' allempoña ñetña eñchetpa' puerranarotetpa' atet otyeset:

—Ñapa' ¡pecorso'tam̄psachñaca'ye!

Alla oterete't:

¡Pecorso'tam̄psachñaca'ye!

Pilatoñapa' oterraneterr:

—Añca'ye seña', sañeña corso'tam̄pse' tarro'mar napa' amaca'ye nen-teññañeña ñeññ atto ama pocteye' es peno attoch yemtsatach.

⁷ Judionesha'ñapa' atet otereterr:

—Yapa' yechenca'ye paterr ñoñets ñeññ atet anaret. Ñeñña ñoñetspa' atet oteney añ poctetsa ñapa' 'chocmach rroma tarro'mar ñapa' pachñare'teñoñ oten ñapa' ño' Parets Puechemer.

⁸ Allempoña Pilato e'man atet ñoñetspa' 'cha yoruen. ⁹ Alla be'terrerr pocollo atet otuerranerr Jesús:

—Papa' ¿erro'marneshape'tña pa?

Jesúsñapa' ama anape.

¹⁰ Pilatoñapa' alla otererr:

—Amahuachñaca'yeña panapnote'. ¿Ama't peñoñeña napa' allsensareten attoch na'rroyerrep, allsensareten ñaña attoch necorso'tam̄perrep?

¹¹ Jesúsñapa' atet otererr:

—Amach errotenot pepa' noñeña ñerra'm ama Yompor p̄payñe llesens atet. Ñeñto'marña ñeññ nepomue' peshopa' ñetpa' ello metanennapet po'chñar.

¹² Elloña Pilato atarr mueneñeñ o'ch a'rroyerran Jesús tarraña judionesha'ñapa' puerranarotetpa' atet otyerreterr:

—Ñerra'm añ pa'rroyerrpa' papa' ama pemno o'ch pa'mcha'tareter pepe' ñeññ atarr añcha'tarettetsa Romo. Tarro'mar allohuen ñeññ ñañeña netsa añcha'taretpa' 'chocma mueneñ o'ch atpare'teñet ñeññ atarr añcha'tarettetsa Romo.

¹³ Pilatoña allempo e'man ñeññ atet otenet allenta 'cha'nmaterran Jesús a'yoñ ñaña' anorruerr all po'conaño allecma a'poctatenan ñoñets, ñeññ otenet Mapyetaten. Hebreya'chopa' oteñet Gabata. ¹⁴ Allempopa' añe yetro allempo añño'tena judionesha' ñeññ attecma penet pascuapo. O'ña chap poctopa', Pilatoñapa' atet oterranerr judionesha':

—Secue'ñaca'yeña añ ñeññ sa'mcha'tareter sepen.

¹⁵ Ñetña'cha' alla rrannarterreterrrpa' atet otyerreterr:

—¡Ñapa' 'chepa' rromats! ¡Pecorso'tam̄psachñaca'ye allcha' rroma!

Pilatoñapa' atet oterraneterr:

—Sapa' ¿at'e't semnen o'ch necorso'tam̄psonas sa'mcha'tareter?

Ñeñña pa'mcha'tareternesha' pen allohuen judionesha' po'cornaneshar ñetña'pa' atet otyeset:

—Yapa' amaca'ye eñalleña po'poñ ya'mcha'tareter, ñap'taña ya'mcha'taret yepeñ ñeññ atarr añcha'tarettetsa Romo.

¹⁶ Allempoña Pilato'pa' apañet Jesús attoch corso'tam̄pset. Ñetña'pa' anmet allcha' corso'tam̄peñeta'.

Atto corso'tam̄psoset Jesús

(Mt. 27.32-44; Mr. 15.21-32; Lc. 23.26-43)

¹⁷ Atto sen Jesús allpa' anenan po'corsoch. Chapachet all oteñet Poñetallepno, ñeññ otenet hebreya'cho Gólgota. ¹⁸ Allña corso'tam̄psoset

epuet ñaña epsheña aheñ. All corso'tam̄psetpa' rrochtam̄psatoset epsheña. ¹⁹ Pilatoña'pa' quellcatan ñoñets ñeñ'pa' atet ot: "Añmapa' Jesús ñeñ' nazareto'marnesha' ñeñ' Pa'm̄cha'tareter pen judionesha'." Ñeñña ñoñetspa' e'ñe corsocho ne'. ²⁰ Shonte' judionesha' ñeñ' lleya'yese' ñeñ' quellec tarro'mar all corso'tam̄psetpa' e'ñe allame'ttsa anetso. Ñeñña quellecpa' e'ñe mapo'mar ñoñets aquellcaretta —hebreyaçh, griegaçh ñaña latinaçh, e'ñe attecma oten. ²¹ Ñeñña pa'm̄cha'tareternesha' pen allohuen judionesha' po'cornesha' ñetñapa' atet ochet Pilato:

—Amachca' pequellcatstoña atet. Añcha'ña pequellca' ñocop, "ñapa' ñañeñaca'ye otetsa judionesho' Pa'm̄cha'tareter."

²² Pilatoña'pa' atet otanet:

—Ñeñ' o' nequellcatuapa' o'ca'ye aquellca'huaretta.

²³ Allempoña corso'tam̄pesuet Jesús'pa' solltarnesha'ñapa' yoroñet ñeñ' chorrena. Apanna'tyeset puema'tets pa'tatssheño'maret. Ñeñña pa'shtampa' ama eñalle all sephena, ora apomotaret e'ñe patrra shetamuets e'ñe poñe'moteñ. ²⁴ Atet otanna'tyeset:

—Amachca'ye yerrarratsche, çhochña yeyellsheñe'chatoñ pa'shtam yesuertot attoch orra erra'tsenoteycha' yore'.

Ñeñ'pa' tarro'mar atet pohuet allochña'pa' attoch etsoterra Yompor po'ñoñ ñeñ' atet anuaret ahuatoteñ, ñeñ'pa' atet oten: "Ñetpa' apanna'tyerretcha' ñeñ' nechorrena. Neshtamñapa' yellsheñe'chatonetcha' po'suertot attoch orra ñeñ'cha' yore'." Ñeñ'pa' atet o' e'ñe perra solltarnesha'.

²⁵ Allña e'ñe allame'tets Jesús po'corsochopa' all tomchen coyanesha'. Allo'tsen pachor, ñaña pachor pa'mo'nerr, ñaña po'psheñeñ María ñeñ' Cleofas puetapor, ñaña María Magdalena. ²⁶ Jesúsña entan pachor ñaña pueyochresha' ñeñ' nanac morrentena all tomchenet allame'tets. Allña'pa' atet otan pachor:

—Achocha' aña'yeña pechoyor.

²⁷ Allempoña'pa' atet otan ñeñ' pueyochresha':

—Aña'ye ñeñ'cha' p̄pachor pe'pa'.

Allempoña ñapa' anerran Jesús pachor e'ñe ña pa'paclo allcha' cohuan̄pes.

Atto rroma Jesús all po'corsocho

(Mt. 27.45-56; Mr. 15.33-41; Lc. 23.44-49)

²⁸ Allempoña Jesús'pa' o' eñoch o' etsotua ora allohuen ñeñ' ñocop, ñañapa' atet ot:

—Cha no'ñpa'ten.

Ñeñ'pa' tarro'mar atet ot allochña'pa' attoch etsoterra Yompor po'ñoñ ñeñ' atet anuaret ahuatoteñ.

²⁹ Allña'pa' allo'tsen pajo' all chorre' chase'. Allña e'çhomuetña ñeñ' at-sotso'tpo'. O'ña tsotso'tatuet ñeñ'ñapa' net tsachpo ñeñ' otenet hisopochep' alloña çhapachet Jesús puenamo. ³⁰ Allempoña Jesús'pa' agapan chase' ñañapa' atet oterrerr:

—Te'ñapa' o' e'ñe etsotuerra allohuen ñeñ' atet anaret nocop.

Allempoña o' epapa' çha rromats.

Allempo puesheñarr solltarpa' enos po'panmeto puepotot

³¹ Allempo'pa' o' çhap allempoch añño'terrerr judionesha' tsapatecop allempocma amesenet. Ñeñto'marña ñetpa' ama pocteye' eñcheto o'ch alla ellapen ñeñ'cha' rromanatats corsocho añ yetro allempo amesenet.

Ñeñtña yetro allempo amesenet o'ch alla atarr cosherreterr ñaña pascua. Ñeñto'marña Pilatopa' enamueñeta' attoch cheno'tatoñet pa'tap o'ch rromuet e'ñe mamecma allochñapa' o'ch anmaretterret corsochoť. ³² Allempoña ponemya solltarpa' cheno'tosan pa'tap ñeñť parro corso'tampeñet e'ñe epsheño'mar. ³³ Allempoña ponemyet ñaña Jesúspa' ñaña'pa' entoset o' rroma. Ñeñto'marña ñapa' ama chenam̄seto pa'tap.

³⁴ Tarraña puešeñarrña solltarpa' čhocma enos po'panmeto puepotot. Allotña atarr ča'nom po'rras ama't ñaña oñsasen. ³⁵ Ñeñtña ente'pa' ñapa' serrpare'tatanet atet ent. Ñapa' e'ñe eñoteñ e'ñe po'ñočh ñeñť atet oten. Ñeñto'marña yapa' yeñoteñ ñeñť atet serrpare'tenpa' e'ñe po'ñočh. Attochña sapa'čho'ña same'ñerach ñeñť atet oten ña. ³⁶ Ñeñtpa' atet pa' attoch etsoterra Yompor po'ñoñ ñeñť anuaret ahuatoteñ, ñeñtpa' atet oten: "Ña ama't patrra puenepa' amach chenam̄pereto." ³⁷ Ama't ñaña Yompor po'ñoñ ellonetpa' atet ote't ahuat: "Ñetpa' enteretcha' ñeñtcha' enerret."

Atto pampuet Jesús

(Mt. 27.57-61; Mr. 15.42-47; Lc. 23.50-56)

³⁸ Allempoña José ñeñť arimateo'marnesha'pa' ñaña'pa' ahuos Pilatesho o'ch oteña' pocte'ch eñch ñach a'suatose' Jesús ñeñť rromuets corsocho. Ñehua, ñeñť Josépa' cotenan ñaña Jesús tarraña e'ñe a'nahua, tarro'mar ñapa' mecha'tenan judionesha'. Allempo atet enamosan Pilato, Pilatoñapa' e'ñe pocte' eñch, ñeñto'marña alla ahuerr corsocho, čherr allpa' a'suatosan Jesús corsochoť all rromuen. ³⁹ Allñapa' huapa ñaña Nicodemo ñapa' añ huapatoñ eñmosať, atsetaret ñeñť otenet mirra epuet ñaña áloe. Allo'tsente' ma'poch čharrá' kilo. Ñehua, ñeñť Nicodemopa' ñeñfara ñeñť huapatsa ñanom Jesúsesho tsapo. ⁴⁰ Ñetña anerretña Jesús rromue'. Allñapa' epatse'tueret shetamtsotomo epuet ñaña eñmosať. Ñeñtpa' atet yečhena judionesha' ñerra'm čho pampueñet arromñať. ⁴¹ E'ñe allame'tets all corso'tam̄set allñapa' allo'tsen narmetsma'. Allña narmetsmopa' allo'tsen mapuetpon allña pampa'neretña Jesús allempo rroma. Ñeñť mapuetponpa' e'ñe etserra eñaret, tarraña allpa' ama pampueñeta' ama't patrra arromñať. ⁴² Allempopa' tarro'mara alla na'neret allame'tets tarro'mar allempopa' añ yetro allem-poch año'tena judionesha' tsapatecop allempocma amesenet.

20

Atto tanterra Jesús

(Mt. 28.1-10; Mr. 16.1-8; Lc. 24.1-12)

¹ Allempo motta'muenerr yetšñats temenc, Maríaña Magdalenapa' ahuatecma ahua'muen puepampro, allempopa' ama e'ñe puetaresuena'. Allñapa' amuepa'tcha' atteraye' entosanoña mapue' allo yotam̄set. Ama allo'tsenarayaye, atta apmesaret a'yenet mame'. ² Ñeñta pa'che'ñera alla materra o' ahuerr allo'tsen Simón Pedro ñaña po'psheñeñ pueyochresha' ñeñť atarr morrentena Jesús. Maríañapa' atet otuerranet:

—O' anerrnayette' Yepartseshareñ puepamproť. Ama yeñoteñe, errate'ña neret.

³ Allempoña Pedro epuet po'psheñeñ pueyochresha' ñetñapa' allenta ahuanmuet ñamet puepampro o'ch enteñeta'. ⁴ Epsheño'maretpa' matrra'tet all. Po'psheñeñña pueyochresha'pa' ñaña'pa' ota, metanan Pedro. Ñaña'pa' ñanmacma čhap puepampro. ⁵ Epostsaña o'pononet o'ch cohuos all net Jesús

ama entose, aña entosñañ allo epet alla o'yerrmuena. Tarraña ama be'toso.
⁶ Allempoña chap ñaña Simón Pedro ñeñ onets chenta'. Ñaña'p' allenta be'tosos puepampro ñapa'cho' aña entosñañ allo epet Jesús alla o'yerrmuena.
⁷ Aña allo huancoñet poñpa' ama parrocmaye' allo'tseno epuet allo epet. Ñeñña'p' ñapue' a'truetena a'yenet. ⁸ Allempoñapa' be'tosos ñaña po'poñ pueyochresha' ñeñ ñanom chapats puepampro. Ñapa'cho'ña entos ama eñalle Jesús. Allempaña ame'ña po'ño'chepa't o' tanterraña Jesús rromot.
⁹ Tarro'mar ñet allempopa' ama chenanoña ñeñ atet anuaret ahuatoteñ Jesúsocop all oten Jesús'pa' chocmach tanterra po'rromño'. ¹⁰ Allempoña pueyochresha'pa' ahuanerret pa'paclo.

*Allempo tanterra Jesús'pa' añ ñanom orrterra María Magdalena
(Mr. 16.9-11)*

¹¹ María'p' allo'tsenara a'yot allame'tets puepampro all nanac yahuenta. Allña yahuenapa' o' epa, o' cohua' o'pononet puepampro all net Jesús.
¹² Allña'p' aña ent epsheña mellañoñeñ, pa'shtamuet atarr huallama'taret. E'ñe ñopa'tets anorryenet puesheñar'pa' poño' anen, po'psheñeñña'p' pa'rrp'ot anen all panet ahuaña Jesús. ¹³ Ñetña'p' atet ochet María:

—¿Eso'mare't nochesha nanac peyahuena?

Ñaña'p' atet otanet:

—Ahuo't anerrnanette' Nepartseshareñ ama neñoñeñ errate'ña o' net.

¹⁴ Ñeña'p' otuapa' puetallerra pa'che'ñoneñ allentepa'tcha' enterran ñaña Jesús e'ñe all. Tarraña ñapa' ama cheme'che. ¹⁵ Jesús'p' atet och:

—¿Eso'mare't nochesha atarr peyahuena? ¿Esesha'tña pe'nen?

Ñaña'p' cha otenapañ añe' ñeñ cohuam'pene' narmetsma' all. Ñeño'marña ñapa' atet och:

—Ayochreshate ñerra'm p'ate' anmue'pa' pegaterren errate' peneña', ñachña erraya'.

¹⁶ Jesús'p' atet otererr:

—¡María!

Ñaña puetallerrtserrpa' cha e'ñe cheme'terre' ñeño'marña atet ot po'ñoño hebreyácho:

—¡Raboni! —ñeñ atet otenet ñet Maestro.

¹⁷ Jesús'p' atet otererr:

—Amach cha permatsetno, napa' ama na'tena' Apuesho. Arrña orrap masheñeshesho o'ch potenaneta' napa' o'ch na'terr Nomporeho ñeñ Neyomporer nepen neñfara ñeñ Seyomporer sepen saña.

¹⁸ Maríaña Magdalenapa' ahuer serrpare'tatuerrñañ pueyochresha' ñeñ'pa' atet otuerranet:

—Napa' o'rramtso nenta'mueña Yepartseshar.

Serrpare'tatuerranet ñeñ atet och Jesús.

*Atto Jesús'pa' orrterrana allohuen pueyochresha'
(Mt. 28.16-20; Mr. 16.14-18; Lc. 24.36-49)*

¹⁹ Ñeñe yetrocma allempo motta'muena yetñats temenc, ellerronetña pueyochresha'hnopa' ap'cha'nenet. Ñetpa' cha yore'tenanet judionesha' ñeño'marña ñetpa' e'ñe echarr yottam'penet. Ama't atet yottam'penetañpa' Jesús'p' chepa'tcha' be'tosuets. E'ñe rro'cho tomhuen allempoñapa' atet otuerranet:

—Te'ña po'ño'chpa' chosa cosherrtsa seyo'chro.

20 Allempoña atet otuenanetpa' gatyeshuanet pot ñaña all enaret puepoto. Pueyochresha'ña atarr nanac coshapueñet allempo entapueñet Po'partsesharet. 21 Allempoña Jesús'pa' otterraneterr alla:

—Te'ña po'ñoçpa' çhosa e'ñe cosherrtsa seyoçhro. Atto na mueñan Apa, napa'çho'ña te'pa' o'ch nemñas saña.

22 Allempoña otuenanet atetpa' allenta a'torahuenanet atet otterraneterr:

—Te'ñapa' chorrasepa'ch Parets Puecamquëñ. 23 Ñerra'm esesha' sepretnataten po'chñarpa' Yomporpa'çho'ña o' peretner. Ñerra'm esesha'ña ama sepretnataten po'chñarpa' Yomporpa'çho'ña ama peretneñe.

Allempo Tomás'pa' entapueñan ñaña Jesús o' tanterra

24 Pueyochresha'ña Tomás ñeñt otenet Epanesha' ñaña'pa' ama allo'tsenayaye all apçhenet allempo huena Jesús. 25 Ñapa' ataña serrpare'tater po'potantañ ñeñt parro yochreshatsocmuet, ñeñtpa' atet ochet:

—Yapa' o'ca'ye yenterña Yepartseshar.

Ñaña'pa' çha otanet:

—Napa' ñerra'm amach nentoñe pot all patet clavo, ñerra'm amach çho na'pilloñe e'ñe na notot all patet, amach çho neno not puepoto all enetpa' amate' errrotenot name'ñaso.

26 Allempoña posocmaterrpa' pueyochresha'ñapa' alla apçherreterr o'pono. Allempopa' allo'tsen ñaña Tomás. Ama't yetarrpa' e'ñe echarr ayotetuaret Jesús'ñapa' all be'tosuener tomhuener e'ñe allpa' alla otuenaneterr:

—Te'ña po'ñoçpa' çhosa cosherrtsa seyoçhro.

27 Allempoña'pa' atet otuenan Tomás:

—Pecuon not all pata'net, pa'pille'ca'ye. Pa'pilla'n ñaña nepotot all enanet. Amachña çha pe'charrtatsto peyoçher çhoña pame'ña.

28 Allempoña Tomás'pa' atet och:

—¡Nepartseshare, te'ña po'ñoçpa' Neyomporer nepeneþ!

29 Jesús'ñapa' alla otererr:

—Papa' çho e'ñe penterren ñeñto'maraña te'pa' pame'ñenna. Tarraña elloña añ atarr cosheñtso'tsen ñeñt ama't ama çho entennopa' ame'ñennet.

Añ libropa' añecop anaret ñeñtcha' yame'ñatene'

30 Po'ñoçh shonte' po'poñeçhno ñeñt atet gatyesan Jesús pueyochresha' po'partsoña. Ñeñtpa' ama aquellcareteyaye añ libro. 31 Allpon ñeñt aquellcarettatsa arr libro ñeñtpa' añecop anaret ñeñtcha' same'ñate' po'ñoçh Jesús'pa' ñeñt Cristotets, ña po'ñoçh Yompor Puechemer. Tarro'mar e'ñe same'ñeñoña Cristo sañapa' corretsasach tayoteñ e'ñe errponañohuen.

21

Allempo Jesús'pa' orrterrana cançherrsheña pueyochresha'

1 Allempoña Jesús'pa' orrterrannerr pueyochresha' e'ñe sa'patoþño Tiberiaso. Allpa' atet orrterrannet: 2 Ñehua, allempo shontenet allpa' allo'tsen Simón Pedro ñaña Tomás ñeñt otenet Epanesha' ñaña Natanael ñeñt cano'marnesha' e'ñe allara Galileo. Ñaña allo'tsen Zebedeo puechemeresha' ñaña allo'tsen po'poñ epsheña pueyochresha'. 3 Simónña Pedropa' atet otanet:

—Napa' o'ch neterrayena'.

Po'potantañeçhno'pa'çho'ña atet ochet:

–Yapa'cho'ña o'ch yoctaş.

Allempoña' ahuanmuet a'ta'cha'toset noñto. Tarraña ama't arepene-tañ terrayatsetpa' amaña es rromueneto. ⁴ Allempoña o' puetarenmoch Jesúsña' tomhuen pueme'taro. Tarraña pueyochresha'chñoña' ama esha' cheme'tapaye. ⁵ Jesúsña' atet otosanet:

–Neyochreneshacha' ¿ama't eñalleña secacar ñeñt'cha' serra'muen?

–Ñetña' atet ochet:

–Amaca'ye eñalle.

⁶ Ñaña' atet oterraneterr:

–Sehuapore't seterraya noñt' po'cohuenrot allpa' serrmue'chca'ye.

Atet otanetpa' atet'cho' pet. Arepa't'cha' eshcaye' cheterreto po'terraya o' rromuet nanac aton cac – shonte'. ⁷ Allempoña pueyochresha' ñeñt' atarr morrentena Jesús'pa' ñaña' atet otan Pedro:

–¡Yepartsesharepa'tca'ye!

Simónña Pedropa' allempo eñotan Partseshepa't huetsa ñaña' puema'yoreñ chorrerrana pa'shtam tarro'mar ñapa' muelle'mcōta terrayen. Ñaña' puema'yorñecma omacha oñopa' ahuo' Jesúsesho.

⁸ Po'potantañe'chñoña pueyochresha'pa' chenta' ona'cherret noñto. Ñato' cien metrote' allo'tsen attoch cherret to'ña'so. Chetare'tnerret po'terraya e'ñe chorre' cac. ⁹ Allempo sohua'rretuerret patsopa' all entuerret quellmesh all huorten all achmarettena cac; allo'tsen ñaña pan. ¹⁰ Jesúsña' atet oterraneterr:

–Sacra' patantarr cac ñeñt' serrmuen e'ñe erрте'.

¹¹ Allempoña Simón Pedropa' alla a'terr noñto, chetan terraya noñtot o' ne' masto, e'ñe chorre' ateha' caca'chño – allo'tsen ciento cincuenta tres ñeñt' allpon rromuet cac. Tarraña ama't shonte' rromuet cacpa' ama rrarratano terraya. ¹² Jesúsña' alla oterraneterr:

–Te'pa' sona'cherr o'ch serra'muen.

Pueñcha'na'teñofet ama't pueheñarrofeta ama esesha' otenaye: ¿Ese-shape'tña pa' tarro'mar eñoteñet po'ñochpa' Partsesha'ca'ye. ¹³ Allempoña huapanet Jesús allame'tets, chetosan pan apa'yesosanet. Apa'yesosanet ñaña cac.

¹⁴ Ñeñt'pa' allempo poma'pocheño'hua orrterrana pueyochresha' allempo tanterra rromot.

Allempo Jesús'pa' otenan Simón Pedro atarrte' morrenteña

¹⁵ Allempoña rrohua'muenet Jesúsña' atet otan Simón Pedro:

–Simón, Jonás puechemere, pa'pa' ¿atarrte' pemorrentenna, ellote' penñtana'tueñ añenesha'?

Ñaña' atet otan Jesús:

–Po'ñochca'ye Partseshacha' peñotenen napa' nemorrentenpa.

Jesúsña' atet otererr:

–Ñeñtepñapa' e'ñech cohuen peserrpare'tatyes allohuen ñeñt' name'ñenaya; ñetpa' e'ñe atet nentenanet ñerra'mrrate' necar-norretollesha'.

¹⁶ Puepocheñoña' alla otererr:

–Simón, Jonás puechemere, ¿po'ñocha't atarr pemorrentenna?

Ñaña' alla otererr:

–Po'ñoch Partseshacha' e'ñe peñotenen napa' nemorrentenpa.

Ñaña' alla otererr:

—Ñeñtepn̄apa' e'ñech cohuen pecuam̄pson allohuen ñeñt̄ name'ñenaya; ñet po'ñoçhpa' e'ñe atet nentenamet ñerra'mrrate' necarrneroreçhno.

¹⁷ Poma'pocheñoñapa' alla otererr:

—Simón, Jonás puechemere, çama't e'ñe mamecpa pemorrentenno?

Pedroñapa' llequénana atto alla poma'pocheño otererr e'ñe ñeñtara, çpemorrentenna't?, ñeñto'marña ñapa' otererr:

—Partseshacha' allohuenpa' e'ñepa't peñotueñ. E'ñe peñotenen napa' nemorrentenpa.

Jesúsñapa' alla otererr:

—Ñeñtepn̄apa' e'ñech cohuen pecuam̄pson necarrneroreçhno.

¹⁸ Po'ñoçhca'ye te'pa' o'ch notap̄, pa' allempo hupueshenpa' pechorre't e'ñe p̄ota, all peseche'tpa' all pechopeñe'çyese't. Tarraña esempoch pepo'nme'tenpa' pañapa' o'ch attañã peyopen peque' attochña o'ch po'psheññaã pechorratenaya allempopa' anerrpetcha' all ama pesecheno.

¹⁹ Ñeñtpa' tarrecop atet eñorana'tenanet allochñapa' attoch eñochet errotentcha' rromuerr Pedro attotcha' cohuentaterran Yompor. Ñeñta otuepa' alla oterran Pedro:

—Papa' çhocmuepa'ch e'ñe p̄octenen.

Atto Jesús eños Juanacop ñeñt̄ pueyochreshar atarr muerena

²⁰ Pedroñapa' puetallerrtsa entapan o' co'a'neñ po'psheñe' pueyochresha' ñeñt̄ atarr morrentena Jesús, ñeñt̄ e'ñe anorrts'e't epuet ahuañmo'cha allempo rrallme'chete't ñeñtara pueyochresha' ñeñt̄ otaye't ahuaña: “Partseshacha' çerra'tsenacpa'tña pe'ñorena ñeñtcha' pepomuerr'e'?” ²¹ Allempoña entap̄ Pedro, ñañapa' allenta otan Jesús:

—Partseshacha' ñocoppa' çama't eñalleña ñeñtcha' huapoya ña?

²² Jesúsñapa' atet otererr:

—Ñerra'm na muenate' ñapa' allach a'pa esempohuañeña nohuerrapa' ñeñtpa' e'ñe pocte' ñocop, ñeñtpa' ama p̄ocpayaye. Pocoppa' añ poctetsa çhocmuepa'ch p̄octenen.

²³ Ñeñto'marña epa'hua añ ñoñets errap̄aren allo'tsa'yen masheñnesha', ñeñto'marña ñetpa' atet otanna'tyenet, ñeñt̄ pueyochresha'pa' año'ch rromuerr ama't errponaña. Tarraña Jesús'pa' ama atteye' oteno amach rromuerr. Ñapa' aña oteñ: “Ñerra'm na muenate' ñapa' allach a'pa esempohuañeña nohuerrapa' ñeñtpa' e'ñe pocte' ñocop, amaña po'psheññecpayaye.”

²⁴ Napa' ñeñten pueyochreshan ñeñten atet eñotatets atet ñeñtarana quelque' añ. Te'ña ya allohueney yeñoteñ ñeñt̄ atet na'potapa' ñeñtpa' e'ñe po'ñoçh atet.

²⁵ Shonteñ po'ñoñeçhno ñeñt̄ atet pa'yesa Jesús. Ñerra'm e'ñech yequellca'hueñ ora allohuen ñeñt̄ atet pa'yese't Jesús eñalleñte' shonte' nanac libros. Napa' noten shonteñte' nanac libros'pa' e'ñech epa'huañ ora errap̄aren añe patsro ñerra'm allponcha' yequellcañ libros. Ñeñtpa' atetepa'ch Nompore. Allohua.

ATET PA'YESA JESÚS PUEYOCHRESHA' LOS HECHOS

Atet otnerranet Jesús huapanetcha' Parets Puecamquëñ

1 Te'pa' masheñe Teófilo, nequellcotpa' o'ch neserrpare'taterrperr po'pocheño. Ahuaña ñeñt nequellconap all neñotatap ora allpon atet pe't Jesús allempo aña patsro'tsenmeñ. Ñaña ora allpon yechate't Jesús, ñeñtpa'cho' o' notuap nequellcot. 2 Tarraña allempoteñ a'terr pue'ntañopa' palltena o'ch notap ñaña. Te' añ nequellcotpa' o'ch notap. Tarraña ama't allempo ama a'terra' Jesúspa' añña ñeñt pueyochresha'pa' o' otuanet atetcha' pet. E'ñe Parets Puecamquëño'pa' o' llesensa huanerran pueyochresha' ñeñt acra' ña. 3 Ama't pomuero'chteño' o' rromua ahuaña, allempoñapa' o' orrterrana pueyochresha' e'ñe betnatot. Ñeñto'marña ñetpa' eñochet e'ñe po'ño'ch añpa' ñeñfara Jesús ñeñt rromats ahuaña. Tarro'mar pa'tatsoch çharramatnerr atto orrtame'tnerranet mamesha'tets. Ñaña çhocma eñchete't allame'tets. Allempoña ñapa' a'potanet atet penaña Parets po'cohuenña atto ayochreshattena ña.

4 Allempo allo'tsenet e'ñe parro epuet pueyochresha'pa' atet otanet:

—Amach erra setatsto arro't, allasach arrma Jerusaléño. O'ch secueñ esempoch çhaponasa ñeñt Parets Puecamquëñ. Tarro'mar Paretspa' o' otuas o'ch mueñonas Puecamquëñ. Ñeñto'mar napa' o' na'potuonas Parets po'ño'ñ ahuaña. 5 Allempopa' añña ñeñt notuas: Juanañpa' añaña apate't oño, tarraña na tsapañetpa' añcha'ña nechorratasa Parets Puecamquëñ. Añpa' allohua atet ot Jesús.

6 Po'pocheño all apthenet aspento pa'so'cheñ Olivopen. Pueyochresha'ñapa' atet a'p'to'chet Jesús:

—Te'pa' Partseshacha' ñato' pocte' penteñ o'ch papaterrey ñeñtey israelneshay yepatseñ. Allochñapa' amach esesha' poñeña yeyore'tame'tenaye.

7 Jesúsñapa' atet otanet:

—Ñeñt socoppa' ama pocteyaye o'ch seño'ch. Añña Yompor po'partsoteño't e'ñe eñotueñ. Ñapa' o' ne' allempoch etsotuerra ora allohuen añechno.

8 Jesúspa' alla oterraneterr:

—Añña pocte' o'ch seño'ch, ñerra'm esempoch huaponasa Parets Puecamquëñ sesho, ñach ahuañenat sepose'. Allempopa' sa'potoncha' neño'ñ erraparen—Jerusaléño, ñaña ora Judeo, ñaña Samario, ñaña ora allohuanen pats.

Arrpa' atet perra Jesús allempo a'terr pue'ntañ

9 Ñeñña otuanenanetpa' allempoñapa' a'tenochayo' enonet. Añña pueyochresha' pocuanrrorteño'fetpa' o' ma'natena oso. O'huañ orrta, ama't mamesha. 10 Ama't allempo o'huañ orrta Jesús, ñetpa' allo' cohuanrrortenet enonet allenet o' chenca'huanena Jesús. Allempoñapa' cohuertrtet patsonetpa' alla entet epsheña yacma o' tomcha'toset e'ñe parro. Pa'shtamuetpa' nanaco' huallama'tareret. 11 Ñetñapa' atet otosanet:

—Esuañaca' galileo'marneshacha' secuanrrortenña enonet. Añ Jesús ñeñt o' a'terr entopa' huerrerrcha' po'pocheño atet senteñ o' ahuerrento.

12 Allempoña o' a'ten Jesúsapa' añña pueyochresha'pa' o' ahuanerret alla Jerusaléño. O' onacherret Olivopnot allot a'terr Jesús. Tarro'mar ñeñ aspenet Olivopenpa' allame'ttso'tsena Jerusaléño, Olivopnotpa' ñato' allo'tsente' paterr kilómetro attoch yeçhap Jerusaléño. 13 O'ña çhacherret anetso Jerusaléño all pocollo allecma a'puenetpa' o' be'tosçha'tuerret, a'tapuet eno all tama a'yohuen bat. Allñapa' apçhet allohuenet. Ñeñ apçhatsa ñeñpa' añeçhno: Pedro, ñaña Jacobo*, ñaña Juan, ñaña Andrés, ñaña Felipe, ñaña Tomás, ñaña Bartolomé, ñaña Mateo, ñaña Jacobo ñeñ Alfeo puecheimer, ñaña Simón ñeñ cananistanesha' ñeñ atarr torrattset pa'netsrecop, ñaña allo'tsen Judas ñeñ Jacobo pa'mo'nasheñ. 14 Allña apçhenetpa' e'ne ñeñña nete't pueyoçhro cohuen ñoñets. Allotpa' e'ne poma'yoçhreñotet cohuenpa' çhocma ma'yoçhete't. Allo'tsen ñaña coyane-shaçhno, ama't Jesús pachor María, ñaña pa'mo'nasheñesha' allo'tsenet ñamet.

Atet pa Jesús puellsensarnesha' allempo net Matías ñeñtcha' epuet a'potoñet Yompor po'ñoñ

15 Parroçña Pedropa' o' tomos o'ch serrpare'tatanet. Allempopa' ñato' allo'tsente' ciento veinte acheñenesha'. Allempoñapa' otanet:

16 —O'ch masheñeshacha' notas: Po'ñoçh o' etsotua Yompor po'ñoñ ñeñ anaret ahuatoteñ. Tarro'mar Parets Puecamquëño eñose't David. Ama't ahuatpa' ote't David atetcha' pa Judasoñ ñeñ annue' ñeñ rromue' Jesús. Ñehua, pocte'ñaçho' o'ch etsota Yompor po'ñoñ. 17 Judasoña' ahuaña allempo allo'tseney e'ne parro ñapa'çho'ña acreña Jesús o'ch pueyochresha' pe'. 18-19 Ñehua, Judasoña' tsa'çhet allpon quelle atto poman Jesús. Tarraña ñeñ quellepa' allo rañfet pats. Tarraña allempo shora'nom Judasoñ çhap patsopa' potsa'nmos pa't, o' yo'pahua ora. Allempoña e'mare'ch allohuen jerusaléño'marnesha' atto Judasoña' o' rroma. Añña pats ñeñ rañfet Judasoñ po'çllayorotpa' o' sochet Acéldama. Añ ñoñets ñeñ otenet Acéldama ya yeñoño yoteñ Errasatsotnanen. 20 Añña ñeñ quellquë't ahuat David ñeñpa' anuaretta añ libro Salmos. Añña ñeñ atet oteney:

All yeçhena, puenasepa'ch amarat, all amach eseshaye' yeçhatstatso. Ñeñ po'taruas pa' attoch sherbaneñ Yomporpa' tarraña ñeñpa' apanepa'ch po'psheñeñ. Atet oten añ libro Salmos.

21-22 Alla oterraneterr Pedro:

—Ñeño'mar te'pa' añ poctetsa o'ch ye'ñ po'psheñeñ ñeñtcha' parro ya'pota atto Jesúsapa' o' tanterra. O'ch ye'ner puesheñarr ñeñ çhocma parro yeçhopeñe'çhe't ahuaña allempo arro'tsenmeñ Yepartseshar Jesús. O'ch ye'ner puesheñarr ñeñ çhocma yoctaye't ama't allempoteñ Juanañpa' apatapan Jesús tarremphua allempo a'terr Jesús.

23 Allempoñapa' o' neñet epsheña, puesheñarr añ pa'so'cheñ José Justo, ñeñfara José oteñet ñaña Barsabás. Po'psheñeñpa' añ pa'so'cheñ Matías.

24 Allempoñapa' o' ma'yoçhet. Puema'yocheñotetpa' atet otet:

—Yompore, ñeñteþ entene' allohueney yeyoçher. Te'pa' o'ch peñotatey erra'tsente' pemnen pa ñeñtcha' ello alla sherberrets pocop atet ñerra'm pellsensar. 25 Judasoña' o' sa'nmuey o' ahuo' all ñeñ o'patatarettana ña e'ne ña po'çhñarot.

* 1:13 Jacobopa' ñeñfara ñeñ sochenet Santiago.

²⁶ Allempoñapa' yellsheñe'chet e'ñe ñet po'suertot attoch eñochet erra'tsente' muenenña Yompor ñeñicha' alla sherberrayerr. Allempoña yellsheñe'chenet aña orrtatsa Matías ñeñepa't muenenña Yompor. Allempoteñ Matíaspa' ahuo' aguëñ po'poñe'chno ñeñt' çharrasheña puechetsa paterr ñeñt' puellsensar Jesús.

2

Allempo çhapanet Parets Puecamquëñ

¹ Allempoñapa' o' meterrerr allponmat amnaroch çharramat, o' çhap allempo coshena judionesha' ñeñt' otenet Pentecostepo. Allempoña ñetpa' alla ap'cherreterr e'ñe parro ñeñtet ame'ñetset. ² Allempoñapa' machayo'a e'mapuet atet ñerra'm huomenquësha' ma'more'tos entot. Allohuenet ñeñt' allo'tsa'yen pocollo e'ñe e'mhuet. ³ Añña ñeñtet ap'chetsetpa' o' huapanet atet ñerra'm tso'. Huapapa' çha chapa'rrtosa po'huorter ñesheto. Çhapyesamet e'ñe puesheña'ttsocmuet atet ñerra'm huorte'. Añña huorte'pa' alla a'prra'ta ñesheto. ⁴ Añña ñeñt' çhapyesahuet e'ñe puesheña'ttsocmuetpa' añepa't Parets Puecamquëñ ñeñicha' chorrahuet. Allempoñapa' allorocma eñosyaset po'poñ ñoñtso ñeñt' ama eñosete'te ahuaña. Añña Parets Puecamquëñpa' ahuo' eñoratyasamet po'poñe'ttsocma attoch serrpare'tachet pa'namen acheñ e'ñe ñet po'ñoñeto.

⁵ Allempo Jerusaléñopa' allo'tsa'yen shonte' judionesha' ñeñt' huachetsa pa'namen anetsot. Ñetpa' cohuen cotape'chete't Partsocop. ⁶ Allempoña e'marettet çha ano'tenetpa' o' matrra'tosa shonte' pa'namen acheñenesha' o'ch enteñeta' ñeñt' ano'tatsets. Chapuet all ano'tatsenetpa' o' entoset ñeñt' ame'ñetsapa' año eñosyenet e'ñe ñet po'ñoñeto. Allempoñapa' atta cohuanrror-toset. ⁷ Puemoñe'teñoñetpa' atet otyeset:

—Ta', errotenote'ca' e'myennayetña yeñoñ. Yapa' yeñotenanet ñetpa' galileo'marnesheta. ⁸ Ama't po'poñ ñeñt' yenyoma' ñoñetspa' e'mueñet. Allohueneypa' o' e'ñe ye'myes atet eñosyenet e'ñe cohuen yeñoño.

⁹ Allempopa' alla otanna'tyerreterr:

—Yapa' yeñen po'poñe'ttsocma ñoñets tarro'mar yapa' pa'namen anetsot yehuena. Allot anetsrot yehuapyena ñeñt'pa' pa'namen pa'so'chñe'chno—ama't Partiot ñaña Mediot ñaña Elamot ñaña Mesopotamiot, Judeot, Capadociot, Pontot, Asiot, ¹⁰ Frigiot, Panfiliot, Egiptot ñaña Africo'marot, alla allame'tets Cireneo. Ñaña ñeñt' huetsa Romot ñeñt' çhocma a'puetsa arr. ¹¹ Ama't ñaña judionesha' shonte', ñaña ama't ñeñt' ame'ñaten judionesha'. Ñaña ñeñt' huetsa Cretot ñaña Arabiot. Ya te'pa' o' e'ñe ye'myes e'ñe yocma yeñoño atet aye'choçhtateññañet Parets po'cohuenña e'ñe yeñoño.

¹² Otanna'tyerreterr alla:

—Ta'm, ñetpa' errotenette'ca'yete'. Yapa' ama't ahuatapa' ama'yentareña galileo'marnesha'pa' o'ch eñosyesña e'ñe cohuen yeñoño. Ta', esocopte'.

¹³ Añña po'potantañ acheñenesha'pa' o' achmãre'tanet atet otarettet:

—Tarro'mar ottenetña' çhoca'ye posa'tyenet.

Atto Pedropa' serrpare'tatan acheñenesha'

¹⁴ Añña Pedropa' tanta o' tom e'ñe alla epuet po'poñe'chno yochreshats. Eñora huomenc, otanet:

—Masheñe judioneshacha' ñaña allohuenes ñeñfes arro'tsenes Jerusaléno, te' o'ch notas: Se'mñnoten o'ch neñotatas attot atet yepena ya. ¹⁵ Yapa' ama'yeposañoñe'ye' o' yo'notapsa'mueno atet soteny sa, tarro'mar ama'çoye' o'

yarepeno orrats. ¹⁶ Añña ñeññ sentyen te' ñeññpa' añ o' etsota ñeññ atet ote't Joel ñeññ a'mtaye't Yompor po'ñoñ ahuat. Añña ñeññ quellquë't ahuat Joel:

¹⁷ Añ atet oteney Yompor: Allempoch mellapoterrmocha, atetcha' perra, o'ch nenanet Necamquëñ pueyoçhreto, allohuen arromñafenesha' o'ch nechorratanet Necamquëñ. Añña pemreneñpa' ñetcha' a'poterret neñoñ ñeññcha' neñotatuanet, ama't ñaña coyanesachno a'poterrnancha' neñoñ. Añña ñeññ huepueshare' çhocmach es norrtatyesanet ñeññcha' entyesonet neshot. Añña ñeññ po'nmeneshare'pa' es norrtatyesanetcha' pueçhopoñeto.

¹⁸ Ama't allohuen ñeññ nesherbene', ñaña ama't coyanesachno nenuanetcha' Necamquëñ pueyoçhreto attoch a'potonet neñoñ.

¹⁹ Allempoña enopa' o'ch nentatyesanet ñeññ ama't ahuatapa' ama puentareto. Patsopa'çho'ña o'ch norrtatyesanet ñeññcha' eñotaterahuet. Quellareñtso'pa' norrtatcha' errasats. Puetomamñsanna'teñofet pa'netserpa' orrtarrach tso' erracmañen, chepoterrcha' amos ñaña erraparen.

²⁰ Ama't ñeññ yeçhoyo'tamñene' te' allempopa' puenaserrach checmete'. Ar-rorrpa'çho'ña allempopa' tsama'tterrach atet ñerra'mrrate' errasats. Atetcha' yoroçhterra allempoch huerrmocha Yompor.

²¹ Allempopa' ama't erra'tsena çhore'te' Yompor pueyoçhrocmañen attoch a'queshpachpa', Yomporñapa' a'queshpatanetcha'. Arrpa' allohua atet quellquë't ahuat Joel.

²² Añpa' ñeññfara alla oterraneterr Pedro:

—O'ch masheñe judioneshacha' noterrser: Sapa' señoteñ ahuañapa' orrte't Jesús ñeññ nazareto'marnesha'. Ñapa' çhocma orrtatonase't po'partsoteña, ñaña çhocma orrtatyesonase't ñeññ ama sentare ñeññcha' señotate' ñapa'çho'ña nanac Parets. Pompom apuene'ña po'partsoña attoch señotoñ Puechemer ña nanac Parets. ²³ Añña ñeññfara Jesús sañapa' o' sepomhuer attoch corso'tamñset. Sañapa' o' sa' po'poñ acheñenesha' ñeññ atpare'tene' Yompor attoch ñetpa' o'ch muetset. Atet o' sephohua, Yomporpa' ahuatoteñ eñotuase't atetcha' sepa, tarro'mar atet muene't ña. ²⁴ Tarraña ama't rromuapa' Pomporpa' o' alla tantater. Tarro'mar amate' erroteno te'pa' alla a'po rromue'. ²⁵ Ama't atet ote't David ahuat, atet ñerra'm Jesús eñorarse't. Atet ote't:

Napa' neñoteñ Nompom çhocma allo'tsenen parro epan. Ñach nanac ahua-
menca't nepe' attoch amach nem'cha'to.

²⁶ Ñeñño'marña nanac nocshena neyoçhro, nocsheñeshocma neñen. Ama't nerromapa' neñoteñ amach alla na'po rromue'.

²⁷ Napa' neñoteñ amach a'ypo'ñoño necamquëñ alla o'pono. Nomporpa' amach mueno o'ch puetsohua alla nechets tarro'mar ñapa' entenen e'ñe cohuenare' es nepen ñocop.

²⁸ Añcha'ña o'ch entaterren attoch yocrrerra e'ñe cohuen. Poparrocmateñof epan ñapa' ñach nocshaterre' nanac. Allohua atet ote't David ahuat atet ñerra'm Jesús eñostse't.

²⁹ Allempopa' alla oterraneterr Pedro:

—O'ch masheñeshacha' noterrser; añ poctetsa e'ñe eñotochen o'ch notas: Yatañ David ahuatpa' rroma. Rromapa' pampuet. All pampuetpa' yenteñ ama't teme'ttsen. Ñeñño'mar yeñoteñ ahuat allempo ote't añ ñoñetspa' ama añecpaye' serrpare'te'te e'ñe ñocop, añecopña serrpare'te't Jesúsocop.

³⁰⁻³¹ Tarro'mar David ñapa' ña a'mtaye't ahuat Yompor po'ñoñ. Ñapa'

e'ñe eñotue't atet'cha' pa ñeñ'cha' Cristotats allempoch chap a'ñe patsro. Ñeñ'to'mar ama't ahuatoteñpa' eñose't atet'cha' tanterra ñeñ'cha' Cristo-tats. Pomporpora' amach a'ypo'ñano Puechemer o'pono. Amach muenatoñe o'ch puetsohua po'chets. Yomporpora' ama't ahuatpa' atet otan David o'ch noñ puesheñarr po'mrenñot ñeñ'cha' am'cha'tarettatsa esempo. Davidpa' eñotane't Yomporpora' ñapa' ama pueno po'ñoñ. ³² Te'ña yapa' o' yeñch Yomporpora' o' tantaterran Puechemer Jesús. ³³ Te'ña ñapa' e'ñe allo'tsen epuet Pomporpor Paretts all partsoten ento. Pomporpora' o' e'ñe a'phue Puecamquëñ. Te'ña pa' añ ñeñ'fara Puecamquëñ o' chorratya yaña atet o'tnerrey ahuaña. Ñeñ'to'marña o' orrtonaya atet sentyes ñorra', ñaña atet se'myes cohuen ñoñets e'ñe sa señoño. ³⁴ Ñeñ'to'marña yeñoteñ ama añcepaye' serrpare'te'te David e'ñe ñocop, tarro'mar ñapa' rromapa' ama tanterro allotpa' ama a'terro ento atet ñerra'm Jesús. Ñaña po'pocheño ahuatpa' eñose't David, atto' o'te't:

Yomporpor Parettspa' atet otannan ñeñ't e'ñe Nepartseshar nepen na (ñeñ'fara ñeñ'cha' Cristoterrets): "Te'pa' o'ch pa'norruerr arr necohuenrot all'cha' pecohuentapreterra.

³⁵ Attochña ama't ñeñ't pe'moñe'tene' napa' o'ch e'ñe name'ñatuerranet allochñapa' o'ch atet perret ñeñ't pemnen pa." Añpa' allohua atet o'te't David ahuat.

³⁶ Allempoñapa' alla otterraneterr Pedro:

—Sapa' israelena'tares. Ñeñ'to'marña señoche'pa'ch e'ñe eñoto'chen atto Yomporpor Paretts o' nan Puechemer Jesús. Ñapa' ña Partseshatets, ñeñ'fara Cristotats. Añ ñeñ't Jesús sañapa' o' secorso'tam'psach. Añpa' ñeñ'fa allohua serrpare'tatanet Pedro.

³⁷ Allempoñapa' ñeñ't matrra'tatsa allpa' o' chapamet pueyo'chro añ ñoñets. Nanac llecanrrotet. Atet ochet Pedro ñaña po'potantañe'chno Jesús puellsensar. E'ñe puellquëño'fet atet o'tet:

—Masheñ'neshacha', errotenuachca'ye yeperraña te'.

³⁸ Pedroñapa' atet otanet:

—Te'pa' aña poctetsa ñeñ'cha' seperra allohuenes. Te' sellquëño'f o'ch soctape'cherr ello cohuen Yomporecop. Allochñapa' Yomporpora' peretna'huerrnascha' so'chñar. E'ñe same'ñeño'f Jesucristo añ pocte' te' o'ch sapataretterra Partsocop. Allochñapa' Parettspa' chorraterr'sach Puecamquëñ. ³⁹ Ñeñ'tpa' pocte' atet'cha' se'pa, tarro'mar atet o'tnerrey Jesús o'ch chorratuerrya e'ñe puesheña'ttsoy Puecamquëñ, allohueney ñeñ'fey o' hua'ñerrey Yeyomporer Paretts o'ch yame'ñera. Ñaña o'ch chorratuonasa ama't sa sechemerasha' Puecamquëñ, ñaña allohuen ama't ñeñ't ellaparo'tsa'yenet.

⁴⁰ Allempoñapa' o' alla serrpare'taterraneterr attoch otanet pa'namen ñoñets. Attoch cotape'chatanetpa' atet otanet:

—Amach soctape'chatsto atet cotape'chen po'poñ acheñenesha' ñeñ't ama ame'ñetso. Attot'cha' sequeshperrach.

⁴¹ Allempoña allohuen ñeñ't ame'ñaya Pedro atet otanetpa' o' apatarettet. Allempopa' ñato' allpon ame'ñatsa ma'pa mil acheñenesha'. Cha shontena ñeñ't ame'ñatsa. ⁴² Allempoteñ ñeñ't ame'ñatsapa' e'ñe ma'yo'chrenet atet ye'chatanete't Jesús puellsensar. Nanac cohuen entanna'tete't allecma ap'chete't parro. Pueyerpueño'fet Jesús o' toma'ntatet pan atet ñerra'm Jesús po'chets. Nanac ma'yo'chete't e'ñe parro.

Atet corre't ahuat ñeñ't ame'ñatse't

⁴³ Ñeñt Jesús puellsensarpa' orrtatanete't shonte' pa'namen ñeñt ama puentareto, orrtatanete't partsoteñets attoch eñochet añmapa' Partsepa't. Ñeñfo'mariña allohuen acheñenesha'pa' nanac mecha'na'tete't. ⁴⁴ Ñeñt ame'ñatsapa' chocma apchete't parro, pocsheñoť apanna'tyesete't ñeñt es palltatse't. ⁴⁵ O'ch venda'yesete't ñeñt echyenet ñama allpon ñeñt o'patyesete't ñeñtpa'cho'ña venda'yesete't. Allpon gana'yesete'tpa' o'ch apanna'tyesete't ñerra'm esesha' es palltatse't. ⁴⁶ Pate'tets yetpa' o'ch ahuanenet e'ñe parro Parets pa'paclo. Errotenopa' pueyerpueñoťet Jesús o'ch toma'ntachete't pan atet ñerra'm Jesús po'chets. Ñama chocmach rrallme'chapretanna'tete't pa'pacleto. E'ñe pocsheñeshet pueyočhretopa' chocmach rrallme'chete't. Allempopa' nanac amuerañterret. ⁴⁷ Ñama chocmach aye'chočhtatoñete't Yompor. Allohuen acheñenesha'pa' e'ñe cohuen entapretanete't ñeñt atet pete't. Pate'tets yet Yomporotpa' chocmach ame'ñachete't po'poñečhno acheñenesha'. Atteñapa' o' cha shonta ñeñcha' a'qeshpatarettatsa.

3

Atto Pedropa' a'crraterran ñeñt echarttetsa

¹ Pamtarrpa' chap allempocma ma'yochenet Parets pa'paclo, atet ñerra'm allempopa' ñato' o' ellerrenmoch. Pedroñapa' ahuo' Parets pa'paclo epuet Juan, o'ch ma'yochoset all. ² O'ña chapuet allpa' a'taposet Parets pa'paclo. Allempoña a'tapmochet allpa', allempocma huapachet ñama puesheñarr ñeñt echarttetsa pa'tcot, ama eshcaye' chope'cheno. Allempoteñ eñalleta ama chope'cheno. Chocmach pamo'tsesha'pa' o'ch aneñet allecma be'tenet Parets pa'paclo. O'ch na'nmet allotecma be'tosete't ñeñt otete't Ama Macohueno. Allñapa' allcha' enamare'tyenan quelle ñeñt be'tostse't Parets pa'paclo. ³ Ñeñtña echarttetsapa' entapan Pedro epuet Juan. Ñetpa'cho'ña be'tosmochet Parets pa'paclo. Ñañapa' enamapanet quelle. ⁴ Pedroñapa' alla o'chet cohue' epuet Juan. Allempoña Pedropa' atet otan ñeñt ama chope'chetso:

—Ñehua, pecua'y alla.

⁵ Ñeñtña echarttetsapa' alla e'ñe cohuanet, ñapa' otapañte' o'ch apet quelle.

⁶ Tarraña Pedroñapa' atet och:

—Napa' ama necheno quelle, tarraña ñeñt nechenpa' ñeñtcha'ña napap. O'ch notap, e'ñe po'partsoteñoť Jesucristo ñeñt nazareto'marnesha' o'ch notap, pechope'cherrepa'.

⁷ Pedroñapa' chete' potot po'cohuenrotpa' o' echañch. Allempocma corra'huena pa'tcot, ama't all meya'nen yetacpa' o' corra'huena poctacma. ⁸ Corra'huetsa pa'tcotpa' pocsheñoťpa' omacha enonet, o' ten e'ñe cohuen. Allempoñapa' chopeñe'chen. Ama't all chopeñe'chen omachme'tetsa all aye'chočhtatenan Yompor. Atteñapa' be'tos Parets pa'paclo epuet Pedro ñama Juan. ⁹ Allohuen acheñenesha' ñeñt allo'tsa'yen, ñetpa'cho' enteñet atto pa'ye'chočhtateñesha' Yompor all chopeñe'chen. ¹⁰ Ñetpa' cheme'teñet añmapa' ñeñfara ñeñt anortse't allotecma be'tosete't Parets pa'paclo, ñeñt otenet Ama Macohueno, allecma enamare'te't quelle. Ñetñapa' atta cohuanrrorteñet.

Atto Pedropa' serrpare'tatan acheñenesha' Parets pa'paclo

11 Añña ñeñt correrrtsapa' ama a'rroyen enterrano Pedro ñaña Juan. Allempoña all tomchenet all oteñet Salomón Popellraro. Acheñenesha' po'yorñoftpa' matrra'tet allo'tsen Pedro ñaña Juan ñaña ñeñt a'crraterr Pedro. 12 Allempoña chacha'tet all tomchenetpa', añña Pedropa' otapanet, atet ot:

O'ch masheñe israelneshacha' notas, eso'marte' secuanrrorteneý. Chate' sotenapañ e'ñefe' ya yehuamencoť yechope'chater, amapa' chate' sotenapañ e'ñefe' ya, ya'cohuentateñoť yechope'chater. Añmapa' ama atteyaye. 13 Añcha'ña o'ch notas: Añmapa' Yompor orrtatene' ñeñt o' sentua. Añña Yomporpa' ñeñfara Po'yomporer pe't ama't Abraham ñaña Isaac ñaña Jacob, ñaña allohuen yatañneshañ. Yomporpa' e'ñe pocte' eñch o'ch cohuentatan Puechemer Jesús. Ñeño'marña o' orrtatonas ñeñt o' sentua. Tarraña sa ñeñfara Jesúsapa' o' sepomhue. Ama't allempo Pilatopa' pocte' enteñeñ o'ch a'rroyereñ, tarraña sañapa' cha sa'nasotamipesya allohuenes. 14 Ama't ñeñt nanac Parets, ñaña ama't ñeñt e'ñe pocte' es pets, sañapa' cha sa'nasotamipesya. Allempo Pilatopa' ama't mueneñ o'ch a'rroyer, sañapa' aña sanañ ñeñt amtsañ ñeñfcha' a'rroyonaset. 15 Ñaña'pa' chaña semtsach ñeñt alloch e'ñe yocrra. Tarraña ama't muetsetañpa' añña Pomporpa' o' alla tantater. Tarro'mar yapa' yeñoteñ yapa' yenter ama't allempo tantuerra. 16 Ya yeyemteñoť e'ñe Jesús o' correrra ñeñt ama chope'chetso ñorra'. Ama't sapa' señoteñ atto ahuañapa' ama chope'che'te. Tarraña te'pa' o' senter o' chopeñe'cherr. Yapa' o' yame'ñera Jesús ñeñt o' a'crraterran ñeñt echar'tatse't ahuaña. Te'ña ama't sapa' o' sentuer allohuenes.

17 Te'ña masheñneshacha' napa' neñotenes ahuaña sapa' ama es sechapoýo seyo'chro allempo semtsach Jesús. Ama't ñeñt sa'ñcha'tareñnesh'a' ama es chapahueto pueyo'chreto ñamet. 18 Tarraña ñeñt atet sephua te'pa' o' etsoterra Yompor po'ñoñ. Tarro'mar allohuen ñeñt a'mtaye't Yompor po'ñoñpa' attecma otete't, ñeñfcha' Cristotats Partocoppa' muero'chtachetcha' esempo. Ñeño'marña te'pa' o' etsota Yompor po'ñoñ ñeñt aquellcare't. 19 Ñeño'marña te'pa' añ poctetsa e'ñe sa sellqu'ño'otpa' o'ch soctape'cherr ello cohuen Yomporecop. O'ch sesuanom ñeñt ahuatoteñ soctañña. Attotcha' Yomporpa' e'shohuerrnascha' so'chñar. 20 Attochña separrocmateñoť epas Yomporpa' socsherrach seyo'chro. Ñaña Yomporpa' o'ch alla mueñerrnaserr Cristo Jesús ñeñt anarettatsa ñaña socop. 21 Tarraña te'pa' e'ñe pocte' allach pue'ntaño tarremphua esempohuañencha' a'poc'tataretetua ora allohuen ñeñt atet eñose't Yompor ahuat. Ama't ahuat Yomporpa' eñorana'tane't achen ñeñt e'ñe pocte' ente't Parets ñeñfcha' a'mte' po'ñoñ, ñeñfcha' etsoterrtsa esempohuañen. 22 Añmapa' ñeñt atet ote't ahuat Moisés: "Yompor Paretsapa' orrtatonascha' ñeñfcha' a'pote' po'ñoñ, ñeñfara sa samo'tsna'tarotpa' orrtatonascha', atet ñerra'm na, Yomporpa' o' orrtaterren na namo'tsna'tarneshacop. Tarraña socoppa' añ poctetsa chocmach se'mñoter errotentcha' oterres. 23 Tarraña ñerra'm esesha' amach e'mñoterraye ñeñfcha' orrterrtsa, ñeññña achen'perpa' ahuo'ch a'chencataretterrach. Pamo'tsesha'ña israelneshapa' amach allo'na entneñeto." Añpa' allohua atet ote't Moisés ahuat.

24 Alla oterrer Pedro:

—Ama't allohuen ñeñt a'mtaye't Yompor po'ñoñ ahuatpa', eñosete't ñeñt o' etsotuerra te'. Ama't Samuel ñeñt a'mtaye't Yompor po'ñoñ

ahuat, ñãma allohuen ñeñt̃ allempoteñ a'ñtaye't Yompor po'ñoñ, añña eñose't ñeñt̃ o' etsotuerra te'. ²⁵ Añña ñeñt̃ a'ñtaye't Yompor po'ñoñ ahuatpa' ñeñfara samo'tsna'tar sepe't ama't sa. Atet Yompor a'pocatan ñoñets ahuat satañeshacoppa' añ ñeñfara ñoñets attecma a'pocataretta ñãma socop. Atet ñerra'm ahuat atet otan Yompor sato' Abraham: "Ñeñt̃ puesheñarro't penrenño'pa' norrtatanetcha' ñeñt̃cha' ama't allohuen pa'namen acheñenesha'pa' coshaprechetcha'." ²⁶ Yomporpa' o' orrtatonay Puechemer o' mueñonay ñeñtey judioneshay yanom. Allochñapa' ña o'ch coshaterrey nanac atet ñerra'm allempo o' co'ape'chaterrey e'ñe cohuen, ñãma allempoteñ o' yeque'chpa'huerr ñeñt̃ ama pocyeyaye Yomporecop.

4

Allempo anmet Pedro ñãma Juan allo'tsa'yen a'mcha'taretnesha'

¹ Allempoña serrpare'tatenanet Pedro epuet Juanpa' machayota huacha'toña a'mcha'taretnesha'. O' huapa cornanesha', huapa ñãma guardia pa'mcha'tareter ñeñt̃ cohuam̃pene' Parets pa'paquëll. O' huapoña ñãma saduceonesha' ñeñt̃ otets e'ñe ñet pocta'pño'pa' amach erroteno't yetanterro. ² O' huacha'tetpa' cha e'moñe'toset, tarro'mar Pedro ñãma Juanpa' añ serrpare'tatenañ acheñenesha' atto ñerra'm e'ñe yame'ñera Cristo ama't yerrroma, yame'ñeño'pa' yetanerrach. ³ Pa'tsrre'mueño'fetpa' o' armmarettet epsheño'maret, abe'tarettet cárcelo. Allempopa' o' ellerren ñeñto'marña tsapatach a'p'to'tyesarettet errotenotte' serrpare'tenet atet. ⁴ Tarraña ama't atet a'paretetpa' añña ñeñt̃ e'mue' atet serrpare'tatanetpa' shonte' ame'ñyet. Allempoña ñeñt̃ ame'ñetsa ahuaño'huenpa' o' chap allempo amnaroch mil ñeñt̃ ame'ñatsa.

⁵ Tsapatñapa' o' apcha amcha'taretnesha' ama't ñãma ñeñt̃ pompornesha' penet ama't ñãma ñeñt̃ etsotene' ñoñets ñeñt̃ atet anaret. Ñeñt̃pa' arr apchet e'ñe alla Jerusaléno. ⁶ Allempopa' allo'tsen ñãma cornesha' ñeñt̃ nanac amcha'taret ñeñt̃ pa'so'cheñ Anás. Allo'tsen ñãma Caifás, ñãma Juan, ñãma Alejandro ñãma po'poñe'chno amcha'taretnesha' ñeñt̃ e'ñe pamo'tsna'tarecma cornesha' ñeñt̃ nanac amcha'taret. ⁷ Allempoña e'ñe apcha'huetpa' huapachet Pedro ñãma Juan e'ñe all apchena amcha'taretnesha'. Allempoñapa' a'p'to'tarettet epsheño'maret. Atet otanet amcha'taret:

—Sapa' ¿esesho'tña po'huamencot o' sa'crraterña acheñ? ¿Esesha'tña sa-puene'ña llesens attot atet sepena?

⁸ Allempoña Pedro e'ñe ahuamencat puepeño't Parets Puecamquëñpa' atet otanet:

—Amcha'taretneshacha' ñãma ñeñtes pompornesha' penet, te'pa' o'ch notas: ⁹ Sapa' atto sa'p'to'teney errotenette' o' ye'pa ya cohuen añecop ñeñt̃ muerochtetsa, ñãma atto sa'p'to'teney errotenotte' o' ya'crrater, ¹⁰ ñehua, te'pa' o'ch se'mñoten attoch neñotatas sa ama't ñãma allohuen israelnesha'. E'ñe añ Jesucristo ñeñt̃ nazareto'marnesha', ñeñt̃ña ña po'huamencot te'pa' arr ten e'ñe huomech, ñeñt̃ ahuaña cha echarrtena. Añ ñeñfara Jesús sañapa' chaña corso'tam̃pes attoch rroma. Tarraña Pomporpa' o' tantater ama't rroma. ¹¹ Sapa' cha sottaena atet ñerra'm acheñ ñeñt̃ tomatene' pocoll. Ñeñt̃ña acheñ ñeñt̃ tomatene' pocollpa' cha huapore'tan mapue' ñeñt̃ nanac sherbets, tarro'mar ama es chapahueto pueyo'chro. Tarraña Jesúsapa' ama't atteñ ñerra'm mapue' ñeñt̃ ahupore'taret ñeñfara Jesús ñeñt̃ña nanac sherbets

atet ñerra'm mapue' alloch orratet pocoll nanac echarr. ¹² Po'psheñeñpa' ama eñalle alloch yequeshperra, tarro'mar ama eñalle po'psheñeñ ñeñt anaret ñeñtcha' yeçhore't attoch o'ch a'queshpatey. Ama't ora erracmañen añe patsro ama eñalle attoch yequeshperra, ñapaña Jesús. Ñeñtpa' allohua atet otanet Pedro.

¹³ Añña Pedro ñaña Juanpa' ama puencha'nañofeye' eñoseto. Ama't mameshapa' ama mecha'teneto. Allempoña añcha'tareteçhnopa' o' eñochet ama puencha'nañofeye' eñenetopa' ñetpa' atet otet:

—Errotenotuaca'ye eñenetña atet. Yapa' yeñotenanet ñetpa' ama ayçhataretto attoch eñotet quellec huomenc. Ñetpa' atteta ñerra'm po'potantañ acheñenesha' ñeñt ama tama e eñotetso. Errotenotuana'ca'ye eñenetña atet ñerra'm ayçhataretet.

Allempoñapa' o' çhapanet pueyoçhro atto Pedro ñaña Juanpa' ahuaña çhocma chopeñe'che't epuet Jesús. ¹⁴ Añña ñeñt corrrertsapa' ñapa'çho' e'ñe alla ten allame'tets. Ñeñto'marña añcha'taretnesha'pa' ama errotenot che'ptare'taneto. ¹⁵ Allempoñapa' mueñerranet a'yenet. Allempoña añcha'taretnesha'pa' serrpare'tatanna'tet e'ñe ñañeñeta. ¹⁶ Atet otanna'tyeset:

—Errotenuachña'ca' yeapanetña te'te'. Ama't arr ora Jerusaléñopa' o' e'ñe eñotuareñtet atto ñetpa' orrtatet ñeñt ama't yapa' ama yentare. Ñeñto'marña te' yapa' amach erroteno ya'nasochoña', e'ñe po'ñoçh atet. ¹⁷ Tarraña ama'tcha' ama erro't yeapanetopa' te'pa' añ poctetsa o'ch yeche'ptare'tyesanet o'ch yotamet amach allo'na serrpare'tnenetoña ñeñt atet pena Jesús. Tarro'mar yapa' ama yemno allohuen acheñenesha' o'ch e'mare'taretetuet ñeñt atet penet te' ñet arr. O'ch yotamet ama't puesheñarra acheñ amach serrpare'tatatscheto.

¹⁸ Allempoñapa' alla agotaretterret. Atet otarettapuerret e'ñe eche'çharro, atet otet:

—Te'pa' amach seserrpare'tatatsto ñeñt atet pena Jesús, ama't e'ñe mamesha. Ñaña amach seyçhatatsto ama't mamesha atet yeçhate't Jesús ahuaña.

¹⁹ Allempoña Pedro ñaña Juanpa' atet otanet:

—Ñehua, te'pa' o'ch soctape'ch sa, allotpa' o'ch sotey, erra'tsente' pocte' enten Yompor, ñato' o'ch yame'ñasa sa amapa' o'ch yame'ñya Yompor. ²⁰ Yapa' amach errotenot yemmo. Añña pocte' çhocmach ya'pota ñeñt o' yentua ñaña ñeñt o' ye'mua.

²¹ Allempoñapa' atta che'ptare'tuapuenanet po'pocheño, allotña'pa' a'rroyarettenet. Añcha'taretnesha'pa' ama't mueneñetañ o'ch castiganeña'pa' tarraña ama erroteno, tarro'mar allohuen acheñenesha'pa' e'ñe pocte' enteñet. Acheñenesha'pa' nanac aye'choçhtatoñet Yompor añecop ñeñt o' entuet atto Yompor orrtatanet po'partsoña. ²² Tarro'mar añ yacma ñeñt o' corrrerapa' ñapa' o' pa'tatsoch çharra' po'charña.

Ñeñt ame'ñetsapa' atet pet allempo enamet Yompor po'huamenc

²³ Allempoña a'rroyeret Pedro ñaña Juanpa' ahuanmuet allo'tsen ñeñt parro ame'ñenet. Allempoña çhapuet allpa' serrpare'tatosanet atet otanet ñeñt pa'mcha'tareternesha' pen allohuen judienesha' po'cornaneshar ñaña ñeñt pompornesha' penet. ²⁴ Allempoña serrpare'tatuosetpa' ñetña allohuenet parro'pa' o' ma'yoçheret Yompor. Puema'yocheño'pa' atet otet:

—Yompore, ñeñte'p nanac Partso'p, pa' ñeñte'p yeçhcatue' enet ñaña ama't añ pats, ñaña ora erracmañen sa'p pa' yeçhcatue', ñaña ama't ora esocmañen

ñeñt yentyen e'ñe alla e'ñe p̄ocma peyethcatuar. ²⁵ Ahuat yatañ Davidpa' nanac sherbape't. E'ñe Pecamquēño't pe'ñorache't, ñeñto'mar atet ote't ña ahuat:

Errotenote' atrre'muenaña po'poñ acheñenesha' ñeñt ama ame'ñetso. Errotenote' o'pateñetña ama't Parets, ñeñtpa' e'ñe orrena atet penet.

²⁶ Ñeñt amcha'tarettetsa arr patsro ñetpa' ap̄chet attoch o'pachet Yompor, o'pachet ñaña ñeñt llesensa' ñeñtara Cristo. Añpa' allohua atet ote't David ahuat.

²⁷⁻²⁸ Alla ma'yochereterr Yompor, atet oterretterr:

—Ñeñto'marña te'pa' po'ño'ch o' etsota atto arr Jerusaléno o' ap̄chet attoch o'patonapet Pechemer Jesús ama't ñeñt e'ñe cohuen Parets penten p̄a, ñeñtña Jesús ñeñt e'ñe cohuen pesherbaye't ñeñt e'ñe p̄o pellsensar. Atet ahuatoteñ e'ñe peñotuanete't ñetpa' o'ch etsotaternapet peñoñ atet ñerra'm Herodes, ñaña Poncio Pilato, ñaña po'poñe'chno acheñ ñeñt ama ame'ñetso, ama't ñaña israelnesha'. Tarraña ñeñt atet o'pachetpa' te'pa' o' etsotuerra peñoñ. ²⁹ Ama't te'pa' Yompor peñoteny ñetpa' nanac mueneñet o'ch yore'tame'tyet yam̄a. Te'pa' o'ch yenamap̄ ahuamencat pe'pa'yepa'ch ñeñtey torretsa p̄ocop attoch amach yem̄cha'tatsto. E'ñepa'ch huomencocma yeserpare'tonap̄ peñoñ. ³⁰ Porrtatonayepa'ch pehuamenc attoch corra'huerra ñeñt atsna'tyets. E'ñe ye'chore'teño't Jesús p̄orrtatonayepa'ch pepartsoña, ñaña ñeñt ama yentare p̄orrtatanetcha' attoch eño'chet p̄apa' ñeñte'p nanac Partso'p—e'ñe ye'chore'teño't Pechemer Jesús, ñeñt e'ñe cohuen Parets penten p̄a, ñeñt e'ñe cohuen pesherbene'. Añpa' allohua atet ma'yochet.

³¹ Allempoña ma'yochuetpa' allña ap̄chenetpa' o' pella ora all anorrchenet. Allempocma allohuenetpa' o' chorraret Parets Puecamquēñ, attoch e'ñe huomencocma o'ch serrpare'toñet Yompor po'ñoñ.

Atto es apanna'tyesete't pame'ñeñto't Yompor

³² Allempoteñña ñet ñeñtet ame'ñatsete'tpa' o' parrocmatuet e'ñe cohuen. E'ñe parra cotap̄ñats anmuete't pueyo'chreto ñeñt amuerañtetsa. Ama eseshaye' otatsete ñeñtpa' ñap̄tetach es o'patet, añña chocma apanna'tyesete't ñerra'm esesha' es palltatsete't. ³³ Jesús puellsensarnesha'pa' e'ñe po'huamencocmañen a'potoñete't atto tanterra Yepartseshar Jesús. Yomporpa' nanac mueranete't, ñaña nanac ahuamencat p̄anete't. ³⁴ E'ñe ñeshetopa' ama esesha' es palltatsete't. Añña ñeñt allpon echesete't po'pateseñ, amapa' pa'paquellpa' o'ch venda'yese'te't. Ñeñtña allpon gana'yese'te'tpa' o'ch huapachet ³⁵ allo'tsen allsensaret. Allotñapa' o'ch aposet ñeñt allsensaret. Allsensaretñapa' o'ch apa'yesan ñeñt es palltatsete't. ³⁶ Añpa' ñeñt atet pe't p̄uesheñarr añ pa'so'cheñ José, ñeñt chipro'marnesha' ñaña ñeñtara levitana'tar. Añña ñeñt allsensaretñesha'pa' o' socheret José Bernabé. Añña so'chñets Bernabépa' ñeñt otets yeñoño amuerañana'tar. ³⁷ Ñaña'pa' echane't allpon pats. Allempoñapa' venda'huépa' o' huapatan allpon quelle ñeñt ganapa' o' aposan ñeñt allsensaretñesha'.

5

Atet p̄a Ananías epuet puetapor Safira

¹ Tarraña eñall po'psheneñ ñeñt atet p̄atsete't po'poñ, ñeñtpa' añ pa'so'cheñ Ananías epuet puetapor ñeñt pa'so'cheñ Safira. Añña Ananíaspa' o' vendan allpon po'pateseñpa' ² o' huapatan quelle, aposan ñeñt allsensaret.

Tarraña ama oraye' huapatuano quelle 'chach shequënet. Tarro'mar ñet epuet puetaporpa' atet a'pochtachet o'ch yoret allpon quelle e'ñe ñocpuet. ³ Allempoña aposan allsensaret ñeñt' o' allponaña quellepa', Pedroñaapa' atet och:

—Eso'mare't pemnateñ oneñet o'ch cotape'chatap po'poñ peyo'chro. Papa' pemneñeñ o'ch peshquëñ ama't Parets Puecamquëñ atto papa' ahuo't pey-orañ allpon quelle. ⁴ Ñeñt' pepatseña' e'ñe po'ño'ch ñeñtpa' po. Tarraña ñerra'm ama pa muenatsñe o'ch pevendeña' ñeñtpa' e'ñe pocten. Ñaña ama'tcha' pevendeña' ñerra'm ama pa muenatsñe o'ch papyen ora allpon quelle ñeñt' pagappa', ñeñt' e'ñe pocten ñaña. ¿Erro'tenote'ña poctape'chña atet peyo'chro? Ama yapteye' pemnenñe o'ch peshca'yeñ, Yompore'ñaña pemneñeñ o'ch peshquëñ ñaña.

⁵ Allempoña Ananíaspa' ñeñta e'muapa' ataco'roche' e'ñe allpa' o' rroma. Añña po'potantañ acheñenesha' allempo e'mare'chetpa' nanac yorenet huomenc. ⁶ Añña yacmanesha' ñeñt' po'nare'pa' o' huapuetpa' ñetñaapa' epatse'chet ñeñt' rromats o' anmet a'yo all pampueñeta'.

⁷ Tematenpa' o' huapa ñaña puetapor ñeñt' rromats. Ñapa' ama eñoteñe o'te' rroma puerrollar. ⁸ Allempo huapa Pedroñaapa' o' a'p'to'tap:

—Ñehua, p'oten, ¿po'ño'chte' allpona quelle sagap allempo sevenda'hua sepatsen?

Puetaporñaapa' atet och:

—Allponaca'ye quelle ñeñt' yagap.

⁹ Pedroñaapa' atet otererr:

—Tarraña sapa' ahuo't sa'pochtach epa'p perrollareñ atetcha' sepa. Cha't sotapañ ñato' o'ch seshquëñ ñaña ama't Parets Puecamquëñ. Pecue' o' be'toscha'tuerrmoch ñeñt' o' pampa'huenna'pa' errte' perrollareñ. Papa'cho' attecmapa' anmapetcha' a'yo.

¹⁰ E'ñe allempocma puetaporpa'cho'ña o' 'taco'ra ñaña e'ñe alla Pedresho, o' rroma ñaña. Allempo be'toscha'tuerr ñeñt' anmue' puerrollareñ, allñaapa' entuerrñañet puetaporpa'cho'ña o' rroma. Ñapa'cho'ña anmetpa' o' pampueñeta' a'yo epuet puerrollareñ. ¹¹ Atarr mecha'na'tet allohuenet ñeñt' pame'ñeñot ap'chetsa, ama't allohuen ñeñt' e'mare'te'pa' cha yorenet nanac. Añpa' ñeñta allohua atet pa Ananíasoñ.

Atto Jesús puellsensarnesha'pa' orrtatete't Yompor po'partsoña

¹² Añña ñeñt' Jesús puellsensarpa' nanac orrtatete't Yompor po'partsoña, ama't ñeñt' acheñenesha'pa' ama puentare attoch eñochet añmapa' Partsepa't. Añña ñeñt' parro ame'ñenetpa' arr ap'chenet all ochete't Salomón Popellrraro. ¹³ Po'potantañ acheñenesha' ama't e'ñe pocte' eñchete't ñeñt' ame'ñetsapa', allempoña ñet puemchañofetpa' ama ap'cherreto parro. ¹⁴ Allempoña allo'na atonetna po'poñe'chno acheñenesha' ñeñt' o' ame'ña. Shonte' o' ame'ñana Yompor, ama't coyanesha'chno ñaña yacmanesha'chno. ¹⁵ Añña ñeñt' atsnatyetspa' o' anmet a'yenet allecma chopeñe'chenet. Allñaapa' o' panrra'tyesoset topants, ñaña puesheña'tetspa' ñato' ora po'maye'na. Tarro'mar anmaretyeset allecma chopeñe'chenet allochñaapa' ñerra'm mache' huena Pedropa' esheccha' ama't pa'choyeshe'ma po'poma'mteñapa' chapcha' ñesheto, ñato' atto'tpa' o'ch correrret. ¹⁶ Ñaña ama't allampañot Jerusaléno'tpa' huapatoñ acheñenesha' atsnañete'chno ñaña ama't ñeñt' chorrena oneñet. Allochñaapa' allohuenetpa' o'ch corra'huerret.

Allempo Pedro ñaña Juanpa' abe'taretet cárcelo

¹⁷ Allempoñapa' ñeñt cornesha' ñeñt nanac añcha'taretpa' e'moñe'tan allohuen ñeñt ame'ñetsa. Ñaña allohuen ñeñt parro e'ñe attecmuet cotape'chenet ñeñt otenet saduceonesha'pa' o' e'moñe'chet ñeñt ame'ñetsa. Tarro'mar sopedchapretenetña', acheñenesha'pa' e'ñe cohuen enteñet ñeñt ame'ñetsa. ¹⁸ Allempoña allsensaretnesha'pa' rromueñetpa' o' abe'taretet cárcelo e'ñe allecma abe'teñet acheñenesha'. ¹⁹ Tarraña ama't abe'taretetpa' tsapoñapa' o' huapanet Yompor po'millañoñeñer ñeñt huetsa pue'ntañoñ o' torañperranet, o' chapaterranet a'yenetpa' atet otanet:

²⁰ —Añ poctetsa o'ch ahues Parets pa'paclopa' o'ch satomos all o'ch seserrpare'tach allohuen acheñenesha' ora atet yocrena etserra cohuen Partocop.

²¹ Allempoña ñeñña e'mhuetpa' e'ñe ahuatecma ahua'muenet Parets pa'paclo, o' be'toscha'toset, allña ye'chata'muenet.

Añña ñeñt cornesha' ñeñt nanac añcha'taretpa' o' chapa'muen ñaña ellonet allotcha' agotatan añcha'taretnesha'. O'ch chapa'muen ñaña allohuen ñeñt cotene'. Allotcha' agotatan allohuen añcha'taretnesha' ñeñt chocma a'pocatyene' ñoñets ñeñt pompornesha' penet israelena'tarnesha'. O'ña chacha'tuetpa' o' serrpare'tatanna'tet atotch a'pocachet atetcha' pet. Allempoñapa' o' agotachet ñeñt abe'tatenet cárcelo. ²² Tarraña allempoña chap cárcelo ñeñt mueñenetpa' ama es entosetona cárcelo. O' puerrrerretpa' atet otueret añcha'taretnesha':

²³ —Yapa' allempo ye'chap cárcelopa' o' yentos cárcel e'ñe poctacma echarr ayottampsa'yet, ñaña ñeñt cohuampene'pa' alla tom'chenet allot be'tenet. Tarraña allempoña toretpa', o'ponoñapa' ama esesha' eñalle ama't pue'sheñarra.

²⁴ Allempoña ñeñña e'mua añcha'taretnesha' ñeñt po'cap'taner penet ñeñt cohuampene' Parets pa'paquell ñaña ñeñt pa'micha'tareternesha' pen allohuen judionesha' po'cornanesharpa' ñetñapa' atet otet:

—Esocopte'ca'ye o' cha'nma'chenette'. Te'pa' erro'tuanencha' pette' tsapatoneñ.

²⁵ Allempoñapa' huapa pue'sheñarr atet otosanet:

—Añña ñeñt sabe'tat ellerro cárcelopa' te'ñapa' alla tom'chenet Parets pa'paclo ye'chatetset all.

²⁶ Allempoña añña capitán ñaña ñeñtcha' yempue'pa' o' ahuanmuet allo'tsen allsensaretnesha'. O'ña chapuetpa' o' ahuananeta' e'ñe cohue'nacma. Tarraña ama erro't paneto tarro'mar capitánpa' cha mecha'tenan acheñenesha'. Ñato' cho'te' rrolle'chet. ²⁷ O'ña chapaterranetpa' nosanet e'ñe allo'tsa'yen ñeñt chocma a'pocatyene' ñoñets. Añña cornesha' ñeñt nanac añcha'taretpa' atet otanet:

²⁸ —Ahuañapa' ama't e'ñe eche'charro yotuas amach seserrpare'tatsterrerro ñeñt pocta'ña Jesús. Tarraña sapa' ahuo't alla seserrpare'tatuerrerr ñeñt so socta'ña. Ama't allohuen ñeñt ye'chetsa arr Jerusaléño o' alla seserrpare'tatuerrerr. Te'ñapa' allo' seyohuerryerr ahuo' yemtsach añ Jesús.

²⁹ Allempoñapa' otanet Pedro ñaña ñeñt epuet, ñetñapa' atet ochet:

—Añña e'ñe pocte' amach acheña yame'ño, añña Yomporcha'ña yame'ña.

³⁰ Sapa' o' sepata'pes Jesús tsacho attoña o' semtsatach. Tarraña Pomporpa' ña tantaterre'. Añpa' ñeñtara Yompor ñeñt Po'yomporer pete't ñaña ahuat yatañeshañ. ³¹ Te'ña Pomporpa' o' nanac ahuamencat pe',

e'ñe po'cohuenrotpa' all partsoten. Allochñapa' attoch cotape'chaterran israelena'tarnesha' ñaña attoch cotape'cherret cohuen e'ñe etserra attoch peretnerranet po'chñar. Ñeñto'marña Yomporpa' nan Jesús ñeñtcha' Ya'queshpatañer yepen. ³² Ñeñto'marña te'ña yapa' ya'poteññañ atepena Yompor. Yompor Puecamquëñpa'cho'ña ñeñt eñotatets. Ñeñtara Puecamquëñ ñeñt nennay yeyochro, allohueney ñeñtey ame'ñenaya ña. Añpa' allohua atet otanet Pedro.

³³ Allempoña ñeñta e'mhuet ñeñt atet ot Pedropa' añña amcha'taretnesha' nanac atsrre'matanet, atarr mueneñetañ ahuo'ch muetsuet ñeñt allsensaretnesha'. ³⁴ Allempoñapa' añña puesheñarr fariseo ñeñt e'ñe parro a'pocatyene' ñoñetspa' o' tomos attoch eños. Ñeñt tomosetspa' añ pa'so'cheñ Gamaliel, ñapa' ña ñeñt ye'chatets ñoñets ñeñt atet anaret, tarro'mar ñeñt po'taruas pen. Ña allohuen acheñenesha'pa' e'ñe cohuen enteñet. Gamalielñapa' o' mueñatuerran allsensaretnesha' mame' a'yenet. ³⁵ Ñeñt epuet cotape'chatannenetpa' atet otanet:

—Masheñe israelneshacha' o'ch notas: E'ñech cohuenacma ya'pocatch ñeñt atetcha' ye'panet. ³⁶ Sapa' ama't seyerpueñoña atto ahuaña o' orrta puesheñarr ñeñt pa'so'cheñ Teudas. Ñapa' atarr muene't o'ch ayochreshatta. Shonto' acheñenesha' ñato' allo'tseno'te' cuatrocientos ñeñt ame'ñata. Allempoñapa' allponmaterrerrpa' o' muetsset. Ñeñtña pueyochresha'pa' o' ahuanomyerret ñopa'ttsocmuet. Allempoñapa' o'huañ es cotape'chet. ³⁷ Allempoña allponmaterrerrpa' orrta ñaña po'psheñeñ ñeñt pa'so'cheñ Judas ñeñt galileo'marnesha'. Ñapa' tarrepo orrta allempo quellcatyenet pa'so'chñe'chno amcha'taretsho. Ñapa'cho'ña tama yochresha'tana allpon acheñenesha'. Allponmaterrerrpa' ñapa'cho'ña o' chenca. Añña ñeñt pueyochresha'pa' o' parratsetuerret. ³⁸ Ñeñto'marña te'pa' o'ch notas, o'ch sa'rroyer ñeñt serrpare'tene' ñeñt atepena Jesús. Amach errot sepatstaneto, tarro'mar ñerra'm e'ñe ñoñoteta pocapñoñ atepenetpa' ñeñt'pa' mameshapa' o'ch huañerr. ³⁹ Tarraña ñerra'm pocapñetpa' Yomporeshoñ huenapa' amach errotenot sehuapore'tache. Ñato' sapa' cha se'moñe'teññañ ama't Yompor pocapña. Añpa' ñeñt atet otan Gamaliel amcha'taretnesha'.

⁴⁰ Atet cotape'chatanet Gamalielpa' e'ñe pocte' eñchet. Allempoñapa' alla agotaterran allsensaretnesha'. Allempoña huacherretpa' o' nalle'tatanet amcha'taretnesha'. O' nalle'tatuanet amcha'taretnesha'pa' allotñapa' otaretet ñaña e'ñe eche'charro:

—Te'pa' amach seserrpare'tatsterrero ñeñt atepena Jesús. Allempoñapa' a'rroyarettenet. ⁴¹ Allempoñapa' o' ahuanenet, o' sa'neñet ñeñt chocma a'pocatyene' ñoñets. E'ñe pocsheñeshocmañen ahuanenet tarro'mar Yompor e'ñe pocte' entanet ñeñto'mar muenatanet o'ch muero'chtet ñocop. ⁴² Allempoteñ pate'tets yetpa' chocmach ye'chatete't Parets pa'paclo ama't ñaña e'ñe alla pa'pacleto. Nanac serrpare'tete't atto Jesús'pa' ña Cristotats.

6

Arrpa' allempo net can'cherrsheña ñeñtcha' epatyeshahuet rreñets

¹ Allempoteñña' allo'na sen atonetnomtsa ñeñt ame'ñetsa. Tarraña e'ñe allempopa' o' sope'channa'tet. Ñehua, tarro'mar allempopa' atepete't. Pate'tets yet Jesús pueyochresha'pa' o'ch apa'yesan allohuen

rretorrnanesha' rreñets ñeñt pallta'yestatse't rreñets. Ñeñt e'muene' griegachpa' ñetpa' atet otyeset:

—Ñeñt yamo'ts rretorrnanesha'pa' ñetpa' ama allponeshacmaye' rreñets agapueto allpon agapyes ñeñt e'muene' hebreyach. Yamo'ts rretorrnanesha'pa' coñe'ta agapyeset. Ñeñña rretorrnanesha' ñeñt e'muene' hebreyachpa' shonte' rreñets agapyeset. Attoña sope'channa'tet.² Allempoñapa' ñeñt çharrasheña puechena epa ñeñtara Jesús puellsensarpa' ñetñapa' agotatuat allohuen ñeñt ame'ñetsa. O'ña ap'cha'huetpa' atet otare'tapuet:

—Yapa' ama tama pocteye' yenteñe ama't mameshapa' o'ch ya'rroya serrpare'te' Yompör po'ñoñ. Shonte' yet ya'pertaten attoch yapa'yes allohuen rretorrnanesha' rreñets.³ Añña pocte' masheñeshacha', o'ch se'ñ cançherrsheña ñeñtara ñeñtey ame'ñetsa arr parro—erra'tsente' cohuen acheñ senten ñaña ñeñt chorrena Parets Puecamquëñ ñaña ñeñt atarr eñotene' ñeñt cohuentetsa Yomporecop. Añ ñeñtara cançherrsheña ñeñt'cha' po'taruas pet attoch epatyaset ñeñt pallta'yetsa rreñets.⁴ Allochñapa' yapa' añach yema'yochra ma'yochatsa ñaña o'ch ya'potoñ Yompör po'ñoñ. Ñeñfach paterr yetorrena. Atet otanet Jesús pueyochresha'.

⁵ Allempoña acheñenesha'pa' e'ñe pocte' eñchet allohuenet. Allempoñapa' o' neñet Esteban ñeñt nanac ame'ñetsa ñeñt e'ñe chorrena Parets Puecamquëñ. Allotpa' neñet ñaña Felipe, ñaña Prócoro ñaña Nicanor ñaña Timón ñaña Parmenas ñaña Nicolás ñeñt antioquio'marnesha' ñeñt ahuatoteñ ame'ñate't judionesha'.⁶ Añña ñeñt cançherrsheña acheñpa' o' ahupataretet allo'tsen Jesús puellsensarnesha'. Añña allsensaretnesha'pa' alenta ma'yocham'pesyet, o' net pot ñesheto, atet otaretet ñeñt'cha' po'taruas pet.

⁷ Allempoñapa' o' e'ñe epa'hua Yompör po'ñoñ ora. Allempoñapa' allo'na sen shonta'nmatsa ñeñt ame'ñetsa all Jerusaléño. Allempopa' shonte' judionesha' po'cornaneshar ame'ñatsa.

Allempo rromuet Esteban

⁸ Añña Estebanpa' Yompör pomuereño'tpa' nanac amueraña. E'ñe Parets po'huamencotpa' orrtatanet ñeñt ama puentareto atto eñochet añmapa' po'ñoçh Parets po'huamencot orrtena.⁹ Allempoñapa' puecheña'tets judionesha' o' achmeñet Esteban po'ñoñ. Añña judionesha' ñeñtara oteñet libertinanesha'. Ñetñapa' alla ap'chenet po'prahuo. Ñaña po'potantañ judionesha' ñeñt huetsa Cireneot ñaña Alejandrío't ñaña Cilicio't ñaña Asio'tpa'—ora allohuenetpa' e'ñe parrocm'a achm'are'toñet Esteban po'ñoñ.¹⁰ Tarraña Estebanpa' nanac eñot atto serrpare'ten. Ñetpa' ama errotenot anapeto. Estebanpa' añ chorraye't Parets Puecamquëñ, ñeñto'marña ama errotenot anapete'te.¹¹ Allempoñapa' tsa'chet po'potantañ acheñ añecop attoch toma'tatoñet Esteban po'ñoñ. Ñeñt atsa'tare'tpa' atet otet:

—Yapa' o' ye'm Esteban añ achm'are'ten Moisés po'ñoñ ama't ñaña Yompörpa' achmeñ. Atet toma'tatoñet Esteban po'ñoñ.

¹² Allempoña acheñenesha' atet e'muetpa' o' e'moñe'chet Esteban. O' huapa ñeñt pompornesha' pen judionesha', huapa ñaña ñeñt etsotene' Moisés po'ñoñ. Huapapa' o' rromueñeta' Esteban o' anmet añt'cha'taretñeshesho allecm'a a'poctatenet ñoñets.¹³ Chapuet allpa' alla toma'tatuerrñañeterr Esteban po'ñoñ, atet otoset:

—Añ Estebanpa' chocma achmāre'tenan Parets pa'paquëll ñaña chocma achmāre'tenan Moisés po'ñoñ.

¹⁴ Alla oterreterr ñeññ atsa'taret:

—Yapa' o' ye'm Esteban atet oten añ Jesús ñeññ nazareto'marnesha'pa' o'ch a'matam̄psey Parets pa'paquëllpa' o'ch huapore'tatonay atet yechatye't Moisés.

¹⁵ Allempoñapa' allohuenet ñeññ allo'tsa'yen o' cohuanrrorchet Esteban. Tarraña o' eñchet e'ñe cohuen orrtena pa'clloyot atet orrtena ñerra'mrrate' Yompör po'millañoñeñer ñeññ huetsa entot.

7

Atto Estebanpa' serrpare'tatan amcha'taretnesha'

¹ Allempoñapa' añña cornesha' ñeññ nanac amcha'taretpa' a'p'to'tan Esteban, atet och:

—¿Po'ñocha't atet?

² Estebanñapa' atet och:

—Ñehua, masheñeshacha' allohuenes nomporneshacha' o'ch se'mñoten, o'ch notas ñeññ atet pa'yese't ahuat yatañneshañ. Ahuatpa' Yompör ñeññ nanac Paretspa' orrtane't yatañ Abraham all anetso Mesopotamia. Allempopa' ama chena' Haráno allcha' yeçhera. ³ Allempo orrtana Abrahampa' atet och ñeññcha' atet pa: "Te'pa' o'ch ahuep arrot o'ch pesa'nom añ peney, o'ch pesa'neñ ñaña pamo'tsesha', o'ch ahuep allcha' notap." Atet och Yompör, atetcho' pa yatañ Abraham. ⁴ Allempoñapa' a'ypo'ña'nman all yeche't all yeçhanate't ñaña caldeo'marnesha' atto çhap allo'tsen anets Harán all yeçhera. Allempo o' rroma pomporeña' Yompörpa' o' alla anererr arma Canaáno all yeyçhena ya te'. ⁵ Tarraña allempo çhap arr ahuatpa' Yompörpa' ama apueña' añ pats, ama't coñe'ta. Tarraña Yompörpa' ahuo't och esempohuañen o'ch ap añ pats, e'ñe ñocop, ama't puechemerecop, ñaña po'mñeneñecop. Tarraña allempopa' yatañ Abrahampa' ama chemere'tena'. ⁶ Allempocma Yompörpa' o' eñotatan Abraham attoch esempo po'mñeneña' ahuanmuetcha' arrot, çhapuetcha' po'poñ anetso Egipto all ama pa'nyempañooyaye, allcha' yeçha'huerret, allña'pa' mueroçhtatapanetcha' allo'marnesha' acheñ. Ñaña añ eñotatan Abraham attoch ataruasatarettach e'ñe atta po'mñeneñ, e'ñe cuatrocientos char amueroçhtatarettet. ⁷ Tarraña Yompörpa' o' eñotatan Abraham ñaña po'poñ. Ahuo't och Yompör: "Tarraña napa' netsa'taterach ñeññcha' mueroçhtate' pe'mñeneñ. Allempoñapa' huacherretcha' alla arr Canaáno allcha' ma'yocherrnet." ⁸ Ñaña allempo Yompörpa' ahuo't otan Abraham po'poñ ñeññcha' atet yeçha' judionesha' allempoteñ errponohuañen, attoch eñochet Yompörpa' ama puero po'ñoñ. Añmapa' ñeññ atet otan Abraham: "Añ pocte' o'ch setsoero allohuen asheñorrofollesha'." Ñeñño'mar allempo chemere't Abrahampa' puechemeretoll ñeññ soch Isaacpa' ahuo't tsorreñ. Po'psocmatño'pa' o' tsorre. Isaacña'pa' allempo o' po'npa' o' chemere'tana Jacob. Jacobña'pa' chemere'tana çharrasheña puechena epa ñeññara yatañneshañ yepen ya ñeññey israelena'tarey.

⁹ Tarraña allempopa' añña ñeññ yatañneshañ yepenpa' o' sope'cheñet pa'mo'nasheñ José. Ñeñño'marña o' pomet pa'mo'nasheñ. Ñeñña agapue'pa' o' aneñ baçhayo all anets Egipto. ¹⁰ Tarraña Yompör ña a'nataya. Yompörpa' o' a'pocatuoñ ora allohuen atto mueroçhtachete't. Añña ñeññ amcha'tarettatset Egiptopa' e'ñe cohuen entane't José. Añ ñeññ

añcha'tarettatset' Egipto ñeñt'pa' oteñet Faraón. Faraónpa' eñotan José ñapa' nanac es eñoten. Ñeñto'mar añcha'taret Faraónpa' o' nan José ñeñt'cha' añcha'tarettapretaya all Egipto. Ñaña ora allpon ñeñt' taruaset Faraón pa'paclo'marpa' o' nan José ñeñt'cha' yechenahuet.

¹¹ 'Allempoñapa' orrta muecheñets. Ora allohuen egipto'marnesha' nanac cheporrare'tet. Ñaña ora allohuen canaáno'marnesha'pa'cho'ña nanac cheporrare'tet. Pa'chporrñofetpa' nanac muerochtete't. Yatañneshañpa' ama echete'te pocrramet ama't coñeta. ¹² Allempoñapa' yatañ Jacobpa' o' mare'tan orameñ rreñets Egipto. Ñeñto'marña mueñan puechemeresha' ñeñfara yatañneshañ yepen ya. Ñetpa' o' ahuanmuet Egipto o'ch rañfeneta' rreñets. ¹³ Rañña'hueneta' rreñetspa' o' puerraçherret. Atomatpa' o' huañaperret pocrrañpa' o' alla ahuanerretter Egipto. Allempoña çhacherretter Egipto pa'mo'nasheñet Josépa' atet otanet ñapa' ñaña pa'mo'nasheñ penet. Allempoñapa' o' cheme'chet pa'mo'nasheñ José. Pa'mo'nasheñña' o' anmanet añcha'taretsho attoch cheme'tatanet. ¹⁴ Cheme'tatuante'pa' allempoña Josépa' o' mueñerranet pa'nyeto añecop attoch ereta' pompor Jacob ñaña allohuen pamo'tsesha', atet ot José: "Onetepa' allohuenet Egipto." Ñeñto'marña allohuen cançhroch çharra' puechena amnarsheña pamo'tsesha' ñetñapa' ahuanmuet Egipto allo'tsen José. ¹⁵ Allempoñapa' çhaçha'tet Egipto. O' met allpon charpa' o' rroma yatañ Jacoboñ all Egipto. Meterrerr allpon charpa' o' colla'hua ñaña puechemereshañ ñeñfara yatañneshañ yepen. Colla'huetpa' alla apamparetet all Egipto. ¹⁶ Ñehua, meterrerr allpon charpa' o' ahuanmaretterret puenpa'ts anetso Sicño allcha' apamparetterret ello puenpa'ts. All apamparetterretpa' ñeñt'pa' ñeñfara pats ñeñt' o' rañña'hua Abrahamañ ahuat. Añña patspa' ñeñto' vendon Hamor puechemereshañ ahuat all Sicño.

¹⁷ Alla otterraneterr Esteban, atet ot:

—Allponerrerr charpa' çhampoch allempo o'ch etsota atet Yomporpa' otane't ahua't Abraham allempo huomenc nane't po'ñoñ. Ñetpa' allempo nanac merete't all Egipto. ¹⁸ Atteñapa' o' met shonte' charpa' o' orrta po'poñ añcha'taret Egipto ñeñt' ama puentarano José, tarro'mar Josépa' ahuatoteñ o' rroma. ¹⁹ Añña añcha'taretpa' nanac muerochtatyesonay yatañneshañ. O' nanet ñoñets attoch pamo'mtayetpa' o'ch a'ypo'ñet puechemeretoll a'yo. Añecpo'ch atet peñet attoch muetsatachet puechemeretoll. Allochñapa' amach nanac mereto. ²⁰ E'ñe allempopa' o' eñalleta Moisés tarraña Yomporpa' e'ñe cohuen entane't Moisés. Pamo'mte'pa' e'ñe a'nahua cohue' ma'pmña arrorr all pa'paclo. ²¹ Allempoñapa' o' çhap allempo amach erroteno cohueñeto pa'paclo a'nahua. Allempopa' a'ypo'ñet a'yene't. Añña añcha'taret Faraón po'señpa' ahuo' huapa all neñet ahuo' entos, nanac amuerochen eñch, allenta aner attoch ñañrecha. Atteñapa' o' atarrtach pa'paclo atet ñerra'm puechoyor e'ñe ño. ²² Ñeñto'marña Moiséspa' ayçhataretta ora allpon ñeñt' atet eñotyese't egipto'marnesha'. Nanac eñotañte't ñerra'm allempo eñoese't, nanac eñotañte't ñerra'm allempo es pa'yese't.

²³ 'Allempo çhap pa'tatsoch çharra' po'charña Moiséspa' nanac yerpane't pamo'tsesha' ñeñfara israelena'tarnesha'. Atarr seche't o'ch abchenaneta'. Allempoña parrochpa' o' ahuo' allo'tsa'yen pamo'tsesha'. ²⁴ O'ña çhap allpa' all entosan pueheñarr egipto'marnesha' nanac coñchatenan pueheñarr

israelena'tar. Ñaña'pa' o' moñsosana pamo'ts. O' chote huomencpa' cha rroma. Atto chemnatanaña pamo'ts. ²⁵ Añña Moisés'pa' otapañ pamo'tsesh'pa' e'ñech cohuen entapet. Otapañ o'te' eñochet Yompor mueñe' attoch a'qeshpatan pamo'tsesh'. Tarraña ñetpa' ama eseshaye' pocte' entaye. ²⁶ Tarro'mar tsapatñapa' alla ahuenerr, allempopa' o' entuener-err epsheña pamo'tsesh' cho' orrotenet e'ñe ñañeñeta. Ñaña'pa' mueneñ o'ch amo'tstaterranet, atet otanet: "Esuañaca' masheñneshacha' sottenña arr. Añña pocte' e'ñech semo'nasheñ sepannena." ²⁷ Ñeñt chetene' pamo'tspa' o' a'mchech Moisés'pa' ñaña'pa' atet ot: "Esesh'huañaca' penene'ña pa' añcha'taret arr yocop. Esesh'huañaca' potene' o'ch pa'tsrre'mochta arr. ²⁸ Nato' añe' pemnen o'ch pemtsan naña atet pepe' muette' egipto'marnesha' ellerro." ²⁹ Allempoña o' e'man añ ñoñets Moisés'ñapa' o' yeta pueñchañoñ. O' ahuo' a'yo allo'tsen pats pa'so'cheñ Madián. O' ye'cha'huerra alla'par. Allñapa' all sena'tapa' o' chemere't epsheña.

³⁰ O' alla oterraneterr Esteban, atet ot:

—Allempoñapa' o' meterrerr pa'tatsoch charra' char. Parrochpa' amara'tsen Moisés allame'tets aspento Sinaí'pno. Allñapa' entosan tsachmatoll all ñoña huorten. E'ñe huortot tso'pa' allot orroña Parets po'millañoñeñer. ³¹ Ñeñt entos Moisés'pa' atet ot: "¿Esfe' huortetsña tarro?" E'ñe chapatsa allame'tets o'ch enteña'pa' o' e'man ñoñets. Partsepa't eñets, atet och: ³² "Napa' ñeñten Po'yomporer pen ama't patañneshañ ñeñtara Abraham ñaña Isaac ñaña Jacob." Moisés'pa' cha yoren. Pueñchaño'pa' ama cohuanu huorte'. ³³ Yomporñapa' atet otererr: "Pueñcha'na'teño'pa' perrote't pesapat tarro'mar all patenpa' ñeñt'pa'cho' nanac Parets tarro'mar allo'tsenen na." ³⁴ O' alla oterrerr Yompor: "Napa' nenteñ atto muerochtatennanet ñeñt nechemeresha' nepen ñeñtara israelena'tar. Napa' ne'muenanet atet yahuanrrortenet. Ñeñto'marña te'pa' o' nohuapa o'ch na'qeshpatanet. Te'ñapa' o'ch nemñap pa' Egipto." Añpa' ñeñña atet otan Yompor Moisés.

³⁵ Añña Yompor po'millañoñeñer ñeñt orrtetsa all huorten tsachmopa' ñeñña eñotate' Moisés atet muenen Yompor. Ñeñto'mar yeñoteñ Yomporpa' ahuo't llesensan Moisés o' alla mueñer pamo'tseshesho ñeñt'cha' añcha'tarettatsa ñocpuet ñaña ñeñt'cha' a'qeshpatahuet allot amuerochtataretete't. Añ ñeñtara Moisés ñeñt ama pocteye' ento ahuaña pamo'ts ñeñt otet ahuaña: "Esesh'huañaca' penene'ña pa' añcha'taret arr yocop. Esesh'huañaca' potene' o'ch pa'tsrre'mochta arr." ³⁶ Añ ñeñtara Moisés ñeñt anerrahuet Egiptot. Ñeñtara Moisés'pa' orrtatanet ñeñt ama puentareto all Egipto. Ñaña sa'pot ñeñt Tsasasen all orrtatanet ñeñt ama puentareto, atto eñotatanet añmapa' ñeñt atet pena Parets. Ñaña all chopeñe'chen amarato'mar pa'tatsoch charra' char Moisés'pa' all orrtatyesanet ñeñt ama puentareto. Añpa' ñeñt eñotatanet atet penaña Parets. ³⁷ Añ ñeñtara Moisés ahuatpa' o' otan israelnesha' atet: "Yomporpa' orrtaternascha' puesheñarr ñeñt'cha' a'ñterre' Parets po'ñoñ, ñeñtara ñeñt e'ñe samo'ts sepen e'ñech attecma orrtaterr e'ñe atet orrtatenen naña. Ñeñt'cha'ña chocma se'mñoterrña sa." ³⁸ Ama't allempo yatañneshañ chopeñe'chete't amaratareropa' añña Moisés allo'tseneta parro ama't allpa' chocmach ap'chete't Yomporecop. Ñapa' allo'tsena aspento Sinaí'pno allempo orroña Yompor po'millañoñeñer ñeñt eñorana'taya ñaña o' ye'chach ñoñets

alloch e'ñe yocrra Partsocop. Ñeñña ñoñets allempo puerrerra Moisés aspentotpa' o' yechatuerran ñaña pamo'tsesha'.

³⁹ 'Tarraña ama't atet pe't Moiséspa' yatañneshaña' ama muenete'te o'ch ame'nyet Moisés. Ama eseshaye' pocteye' entaye'te. E'ñe pueyoçhretopa' atarro' muenete't o'ch alla puerrerrret Egipto. ⁴⁰ Ama't allempo aspeno'tsen Moiséspa' yatañneshaña' atet otoñet pa'mo'nasheñ Aarón: "Te'pa' o'ch pueyçhcatonay ñeñcha' yeyoser yeperr ñeñcha' yanerre' alla Egipto. Añ Moisés ñeñt yanmue' Egiptotpa' yapa' ama yeñoteñe, ta', çerrate' o' ahuo'?"

⁴¹ Allempoña' o' yeçhcatanet ñeñt atet ñerra'mrrate' añ ayeçhcataret oro. O' muetset carrnero o' neññañeta' e'ñe ñesho. Nanac cohuen entet ñeñt yeçhcatet e'ñe potot. ⁴² Allempoña Yomporpa' o' a'ypo'ña'nmanet, o' muenatanet attoch muechatse'tet ñeñt yeçhoyo'tam'pene' ama't arorr ñaña ranto. O' pet atet quellquë't ñeñt a'mtaye't Yompor po'ñoñ ahuat. Añmapa' ñeñt quellquë't ahuat, atet ñerra'm Yompor otets:

Napa' o'ch notas israelena'tarneshacha', ama't o' semtsa carrnero, amapa' huaquësh, tarraña ama nocpaye' semtso, ñeñpa' ama neshoye' sehuapache. Ama't ora añ pa'tatsoch çharra' çar all sechopeñe'chen amaratarero atet es sepa'yen.

⁴³ Añ seyomporer sepen po'poñ, ñeñt ayeçhcataret ñeñt soten allo' yeçhena seyoser ñeñt sesochen Moloc. Amapa' atet ñerra'm ayeçhcataret rantoma't ñeñt soten añmapa' seyosro' ñeñt sesochen ñaña Refán. Shonte' ayeçhcataretçhno ñeñt seconcorpana'tena. Ñeñto'marña te'pa' o'ch nemñas nanac allapa', all Babilonio. Añpa' allohua ñeñt atet quellquë't ahuat ñeñt a'mtaye't Yompor po'ñoñ.

⁴⁴ O' alla otarraneterr Esteban, atet ot:

—Ahuat yatañneshaña' allempo çopeñe'çhete't amaratareropa' anmuete't pocoll shetamtso'p' allecma apçhete't Yomporcop. O'ponopa' all nete't mapuettall allo' aquellcare't ñoñets ñeñt poctetsa Yomporcop. Añ pocoll shetamtso'p' Moiséspa' ña yeçhcataye't e'ñe atet oche't Yompor po'mllañoñeñer e'ñe atet gache't Yompor. ⁴⁵ Allempo rromanom Moisés pueçhoye'çhpayopa' o' na'nmet Josué ñeñtcha' anmue' yatañneshañ. Apa'nmet ñaña shetamtso'p' ñeñtña' çhachet allo'tseno' pats ñeñt otanete't Yompor ahuatoteñ o'ch apanet. Po'poñ acheñesha' ñeñt yeçheta' allpa' Yomporpa' o' mueño'tuerranet attoch yatañneshaña' o'ch yeçha'huerret all. Allempopa' o' çhapatet all shetamtso'p' allecma apçhenet Yomporcop. Shetamtso'p'ahuopa' allecma apçhete't tarremphua allempo orra David. ⁴⁶ Allempo orra Davidpa' ñapa' e'ñe cohuen enteñ Yompor. Ñaña' o' enaman Yompor poctete' enteñ o'ch yeçhatoñ pa'paquëll ñeñt e'ñe cohuen echarr. Mueneñ o'ch yeçhcatan Yompor pa'paquëll, ñeñfara Po'yomporer pe't ñaña pa'tañ Jacoboñ. ⁴⁷ Tarraña ama't mueneñ ñapa' Yomporpa' ama mueno. Añña muenatoñ puechemer Salomón, ñach tomate' pa'paquëll. ⁴⁸ Tarraña Ñeñt nanac Paretspa' ama yeçheno pocollo ñeñt yeyeçhcaten ya, arromñafey. Ama't atet ote't ñeñt a'mtaye't Yompor po'ñoñ, atet ñerra'm Yompor eñets, atet oten:

⁴⁹ Napa' nanac Partson. Napa' nenten enet atet ñerra'm neconañ, patsña'p' nenteñ atet ñerra'm allcha' enen enen netac. Errotenohuachña' seyeçhcatonña pocoll allcha' neytha. Ama nepallteno allcha' neytha, atet oten Yompor.

⁵⁰ Napa' nehuamencot neyechcatua ora allohuen ñeñt sentyen. Añpa' allohua atet ot Yompor.

⁵¹ Alla otterraneterr Esteban:

—Sapa' nanac se'charrtena, seyočhropa' ama soctape'cheno atet ñerra'm Yomporena'tares. Ama semno o'ch se'mñotoñ Yompor po'ñoñ. Chocma satpare'teññañ Parets Puecamquëñ. Atet pe't satañneshañ ahuat te'pa' atet'cho' sepene samã. ⁵² Ama't allohuen ñeñt a'mtaye't Yompor po'ñoñ ahuat satañneshaññapa' cha mueročhtatyesanete't. Ama't ahuat allempo ama orrtena' Jesúsapa' ñeñt a'potaye't atto esempohuañen o'ch huapa Cristo ñeñt e'ñe pocte' es pets, ñeñtpa'cho'ña satañneshañpa' cha muetse. Te'pa'cho'ña añ Cristo ñeñt e'ñe pocte' es petspa' ahuo' seponñ samã attoch semtsach.

⁵³ Alla otterraneterr Esteban:

—Ama't Parets po'mllañofoñer ñeñt señotate' ñeñt poctetsa Yomporecop sañapa' satpare'toñ Yompor po'ñoñ. Añmapa' allohua ñeñt atet serpare'tatanet Esteban.

Allempo muetset Esteban

⁵⁴ Allempoña ñeñta e'mhuet atet ot Estebanpa' nanac atsrre'matanet. Pa'tsrre'mueñoftetpa' cha rraso'tyeset pa's. ⁵⁵ Allempo Estebanpa' e'ñe chorreña Parets Puecamquëñ. Ñaña'pa' o' cohua' enonet, allña'pa' all entan Yompor po'cohuenña. Entan Jesús e'ñe po'partsoteñoť all ten Pompor po'cohuenrot.

⁵⁶ Allempoñapa' otterr Esteban:

—Napa' o' nent enet atorareť. O' nent ñaña allo'tsen Ñeñt Acheñetsets, po'partsoteñoťpa' all ten Parets po'cohuenrot.

⁵⁷ Acheñenesha'ña pa'tsrre'mueñoftetpa' rranare'tet. Puerranare'teñoftetpa' mopaqueta'tyeset, o' matrra'tet ñesho attoch o'ch rromuet. ⁵⁸ O' rromuetpa' o' anmet a'yenet all ama eñalle pocoll allcha' rrolle'chet. Ñeñtcha' rrolle'te'pa' o' rrottra'tyeset pa'shtam, o' na'yestet e'ñe allo'tsen puesheñarr yacma ñeñt huepueshameñ ñeñt pa'so'cheñ Saulo. ⁵⁹ Allempoñapa' rrolle'chet. Rrolle'chetpa' Estebanñapa' o' ma'yochapa', atet ot:

—Nepartseshare Jesús, pagaponcha' necamquëñ.

⁶⁰ Allempoñapa' concorpa. Concorpapa' eñora huomenc, atet ot:

—Amach Nepartseshare petsa'tatatstaneto.

Allempoñapa' ñeñta otuapa' o' muechecha, o' roma.

8

Allempo Saulopa' nanac mueneñ ahuo'ch a'cclatuan ñeñt ame'ñetsa

¹⁻² Allempopa' añña Saulopa'* e'ñe pocte' eñch muetsetepa' Esteban.

Añña puesheña'tets ñeñt nanac ame'ñenaya Yomporpa' puellquëñshetpa' o' huapuet, o'ch eñeta' arromñať attoch pampueñeta'. Nanac ya'na'teñet Estebaña. Allempoteñ nanac mueročhtachete't ñeñt pame'ñeñoftet Cristopa' ap'chete't Jerusaléño. Ñeñto'marña shonte' acheñenesha' ñeñt yetrra'tatsa po'poñ añetso'mar. O' parratse'tuet allemeña—Judeo'mar ñaña Samario'mar. Tarraña añña Jesús puellsensarnesha'pa' ama esesha' yetatso ama't puesheñarra. ³ Sauloñapa' nanac mueneñ o'ch a'cclatuan allohuen ñeñt ame'ñetsa. O'ch be'tosanñsanet pa'pacletopa' o'ch rromanet, o'ch'cho' chetare'tnerranet. O'ch'cho' be'tosuerrer ñaña po'ppauño'pa' o'ch'cho'

* **8:1-2** Saulopa' ñeñfara Pablo.

rroma'huerraneterr; o'ch'cho' chetare'tnerraneterr; o'ch anmanet cárcelo allcha' abe'tatuanet. Ama't coyaneshachno e'ñe abe'tatuanete't cárcelo.

Atto Felipepa' serrpare'tatanete't Samario

⁴ Añña ñeñt yetrra'tatsa Jerusaléño'ipa' all chapyeset, erra ta'yenetpa' allcha' serrpare'teññañet Yompor po'ñoñ. ⁵ Atef ñerra'm Felipe. Ñapa' o' ahuo', o' chap anetso ñeñt pa'so'cheñ Samaria. Allñapa' all serrpare'tatosanet añepa't Cristotats ñeñfara Jesús. ⁶ Felipepa' orrtatanet ñeñt ama puentareto. Atef eñchetpa' o' eñochet añpa' po'ño'ch Parets po'huamenc orrtaten. Ñeñto'marña allohuen acheñenesha'pa' e'mñoteñet e'ñe cohuen atet otanet. ⁷ Shonte' acheñ ñeñt chorra'yese't oneñet allempopa' e'ñe quechpatyuesuretña oneñet atto chorrenana acheñ. Allempo quechpatyuesueret oneñeññapa' o'ch rranare'tnoma. Ñaña shonte' acheñ ñeñt echarretyestse'tpa' o' corra'huerrret. Ama't ñeñt checare'payestse'tpa' o' a'crratyesuahuerranet Felipe. ⁸ Ñeñto'marña nanac coshyete't Samario.

⁹ Allempopa' allo'tsen puesheñarr ñeñt achyo'tañ ahuaña ñeñt'pa' añ pa'so'cheñ Simón. Allohuenet samario'marnesha' ama't ahuatoteñpa' cohuanrrortoñete't atef orrtate't ñeñt ama puentareto. Ñapa' o'ch shequënanet. Ñetñapa' cha otenapuetañ ñapa' nanacte' po'ño'ch ahuamencat, atef oten ña. ¹⁰ Allohuen acheñpa' e'mñochete't atef ote't ahuaña—ama't ñeñt añcha'tarettetsa ñaña ñeñt ama esoshe'mayaye acheñ. Ochete't:

—Po'ño'ch añ acheñpa' ñeñt Partocoptartetsa.

¹¹ Ñeñto'marña acheñenesha'pa' nanac ame'ñyete't. Ama't ahuatoteñ cohuanrrortoñete't atef orrtate't ñeñt ama puentareto. ¹² Tarraña allempo serrpare'tatanet Felipe cohuen ñoñets o' ame'ñatanet allohuen—yacmaneshachno ñaña allohuenet coyaneshohuen. Serrpare'tatanet atet penaña Yompor po'cohuenña ñeñt atto atarr ayochreshattena ña, ñaña atet pena Jesús ñeñt Cristotats. O' ame'ñatuanet allempoñapa' apatarettet Yomporcop. ¹³ Ama't achyo'tañ ñeñt sochetsa Simónpa' o' ame'ñerra ñaña. Ñapa'cho'ña apataretta Yomporcop. Apataretetuapa' allempotetññapa' yemterrana Felipe errohuanen chopeñe'chen. All orrtatanet Felipe ñeñt ama puentareto attoch eñochet añmapa' ñeñt po'ño'ch huetsa Partseshot. Simónñapa' o'ch entan atet'pa' atet'cha' ot:

—Errotentotuañaca' atef penate'.

¹⁴ Allempoña Jesús puellsensarnesha'pa' e'mare'chet Jerusaléno't shonte' samario'marnesha' ame'ñeññañet Yompor po'ño'ipa' o' mueñet Pedro ñaña Juan all Samario. ¹⁵ Allempo chap Pedro ñaña Juan Samariopa' ma'yochamñpsosyet samario'marnesha' ñeñt ame'ñetsa. Enamet Yompor chorratanetepa' Parets Puecamquëñ. ¹⁶ Tarro'mar allempopa' ama chorrenaneta' Parets Puecamquëñ. O'ña apataretetuet pame'ñeñofet Yeparteshar Jesús. ¹⁷ Allempoña Pedro ñaña Juanpa' o' net pot ñesheto ñeñt ame'ñetsa. Nohuet pot ñeshetopa' Yomporña Puecamquëñpa' ahuepa't chorranel.

¹⁸⁻¹⁹ Añña Simón ñeñt achyo'tañtetsa ahuaña o' chapoña pueyo'chropa' atet ot:

—Añecpuepa't nenet pot attoch chorranel Parets Puecamquëñ.

Allempoñapa' atet otanet Simón:

—Llesenscha' nomporneshacha' o'ch nenanet ñaña not attoch chorranel Parets Puecamquëñ. O'ch napas quelle attoch sapuen llesens.

²⁰ Pedroñapa' atet och:

—Peçllayorpa' chenquëpa' alla, allotpa' pechenquëpa' paña tarro'mar ðapa' pötenapañ o'ch paraññoña Parets Puecamquëñ. Ñeñtpa' amach errotentot petsa'cho. Añña Yomporpa' o'ch apuey e'ñe atta. ²¹ Ama pocteyaye o'ch ðagap ða llesens tarro'mar Yomporpa' ama pocteye' enttenape peyoçher. ²² Te'pa' aña poctetsa o'ch poctape'cherr ello cohuen, o'ch pequeçhpurr añ sosya'tsañ o'ch penamuer Yompor peretneñets. Ñato' Yomporpa' o'ch peretnerrnað atto poctape'chen sosya'tsañ.

²³ Pedropa' alla otererr:

—Napa' neñoteneþ nanac sosey poctape'chen peyoçhro, çha þttena atet ñerra'm þo'çhñarpa' huanquëneþ.

²⁴ Simónñapa' alla otererr:

—O'ch sanamon Yompor nocop attoch amach es netantoyo atet sotenen. Añpa' allohua atet pena Simón.

²⁵ Pedro ñaña Juanpa' nanac a'potoñet Yompor po'ñoñ all Samario. Serpape'tueneta'pa' alla ahuanerret Jerusaléño. All oñenet samario'marpa' ñeñt yeçhetsa toño'marpa' e'ñe acoþoteñ serrpare'tatiesuanerret.

Allempo Felipepa' ame'ñatana etiopo'marnesha'

²⁶ Allempoña añ Felipepa' orrtoña Yompor po'mllañoñeñer atet otos:

—O'ch çhapmoch poctopa' o'ch ahueþ a'yo, o'ch peçhap amarato allo'tsen toñ ñeñt sets Jerusaléñoñ attoch yeçhap anetso añ pa'so'cheñ Gaza.

²⁷ Ñañaapa' atet och Yompor po'mllañoñeñerpa' atetçho' þa. Allempoñapa' o' ahuo'. O' çhap all toño ñeñt sets Gazopa' o' entosan puesheñarr etiopo'marnesha'. Añ etiopo'marnesha' ñeñtpa' ñeñt amçha'taret aña po'taruas pen o'ch cohuanþenan ora allpon quelle ñeñt gobiernocop alla pa'nyo. Pa'neypa' añ pa'so'cheñ Etiopía. Ñeñt nanac amçha'tarettetsa all pa'nyopa' añ pa'so'cheñ Candace ñeñtpa' coyanesha'. Añ yacma ñeñt entos Felipepa' ñeñtpa' acaparet aचेñ. Añña etiopo'marnesha'pa' errete' asuena' Jerusaléño allempo entos Felipe. Tarro'mar ta all o'ch ma'yochenana' Yompor. ²⁸ Allempoña o' alla puerrerra pa'nyo. Ñapa' alla anen po'carro. Ñeñtña carropa' cahualla matatene'. All anenpa' all lleyen an Yompor po'ñoñ ñeñtara ñoñets lleyen ñeñt quellquë't ahuat Isaías ñeñt a'mtaye't Yompor po'ñoñ. ²⁹ Añña Parets Puecamquëñpa' eñotatan Felipe, ñeñtña ote':

—O'ch penteña' ñeñt anets tarro e'ñe all carro.

³⁰ Felipeñapa' o' mata. Matapa' çhap allame'tetspa' o' e'mosan çho' lleyen añ Yompor po'ñoñ ñeñtara ñoñets ñeñt quellquë't Isaías ñeñt a'mtaye't Yompor po'ñoñ ahuat. E'mos Felipepa' atet otos:

—¿Eñotoçhena't penteñ ñeñt atet oten ñeñt pelleyen?

³¹ Ñañaapa' atet och:

—Errotenuate'ca'ye neñoçhña' amaca'ye eñalle ñeñtçha' neñotate'. Ñato' o'ch þa'taþ þa o'ch yanorr parro.

³² O' a'tap Felipepa' o' cohuos all lleyen. Añ lleyen Yompor po'ñoño ñeñtpa' añ ñoñets ñeñt quellquë't Isaías:

Atetçha' þa ña atet ñerra'm carrnero. Ñehua, carrneropa' o'ch yanem allcha' yemtepa' amach ama'toçhto. Amapa' ñerra'm yetsorroñ pue'çhpa' amach ama'toçhto. Atetçha' þa ña, amach es oto.

³³ Nanac mueroçhtachet, ama pocteye' ñeñt atet þoñet. Ama erroteno o'ch yotua ora allohuen ñeñt atet sosey þa'yes pamo'tsna'tarnesha'. O'

muetsetpa', o'huañ corra aña patsro. Añpa' allohua atet quellquë't Isaías.

³⁴ Allempoña ñeñ' etiopo'marnesha'pa' o' a'p'to'ch Felipe:

—Ñehua, p'oten, ¿eseshocpa'tña eñen arr Isaías, ñato' ñocpafe' amapa' po'psheñ'ñeocp'te'?

³⁵ Allempoña Felipepa' o' serrpare'tach cohuen ñoñets atet pena Jesús. Eñotach añ ñeñ'fara Isaías po'ñoñpa' eñen Jesúsocop. Allempoña'pa' o' eñotach ñaña po'poñ Yompor po'ñoñ ñeñ'fara ñeñ' atet pena Jesús. ³⁶ Allña allenet matañpenetpa' o' entoset oñ, atet ot etiopo'marnesha':

—Ta'm, ¿pocte'te'te' o'ch napataretta Partsocop?

³⁷ Felipeña'pa' atet och:

—Ñehua, ñerra'm po'ño'ch p'ame'ñena peyo'chrocmañenpa' e'ñe pocte' o'ch p'apataretta Partsocop.

Etiopo'marnesha'ña'pa' atet ot:

—Napa' po'ño'ch name'ñena. Te'pa' neñoteñ Jesucristo ñeñ'tpa' ñeñ' Yompor Puechemer.

³⁸ Allempoña'pa' o' tomatoset po'carro sohua'rrtosetpa' o' ahuanmuet oño. Allña apatos Felipe. ³⁹ O' 'cha'nerret oño'pa' Yompor Puecamquëñña'pa' o' anman Felipe a'yo. Allña'pa' machayo'a ma'nata alla. Ñeñ' etiopo'marnesha'pa' ama enterrano Felipe. Allempopa' o' ahuerret etiopo'marnesha' e'ñe pocsheñesha'. Añpa' allohua ñeñ' atet p'a etiopo'marnesha'. ⁴⁰ All anetso Azotopa' all orrtierraña Felipe. Allña'pa' serrpare'tatosanet cohuen ñoñets alloch yequeshpa. Allempoña'pa' o' ahuo' ñaña anetso Cesareo, nanac serrpare'tyesnom ora anetso'mar all oñomyes.

9

Allempo Saulopa' cotape'cherr ello cohuen Yompreocp (Hch. 22.6-16; 26.12-18)

¹ Allempoña Saulopa' nanac e'moñe'tenan ñeñ' ame'ñenaya Yepartseshar Jesu. Pa'tsrre'mueño'tpa' atet ot:

—Napa' o'ch na'cllatueña' ñeñ' ame'ñenaya Jesús.

Ñeñ'o'marña o' ahuo' allo'tsen ñeñ' nanac am'cha'taret cornesha' e'ñe all Jerusaléño. ² Chap allo'tsenpa' o' enamos orden attoch a'cllatuan ñeñ' ame'ñetsa. O' enam orden ñeñ'cha' anom a'yo anetso Damasco allecma apchenet judionesha' po'prahuo. O'ch chap allpa' o'ch aposan ñeñ' añcha'taretetsa puerahuo. Attoch ap'et all llesens attoch rromanatan acheñ ñeñ' cotene' Jesús pocta'ña. Ama't coyanesha'chno ñaña yacmanesha'chno o'ch rromanatanet o'ch huancatanet o'ch anmare'tterret Jerusaléño. Atet cotape'chña Saulo. ³ Allempoña agapuan orden allempoña'pa' o' ahuo'. O' chap allame'tets Damascopa' machayo'a ñeñ' nanac pop'tetsa entotpa' o' 'choyo'tam'pes e'ñe ñesho. ⁴ O' 'choyo'tam'pespa' ñaña'pa' alla rromopra patso. Chap patsopa' e'man ñoñets ñeñ' atet oten:

—Esome're't Saule pemuero'chtatennañña ñeñ' name'ñenaya.

⁵ Sauloña'pa' atet ot:

—¿Esheshape't Ayochreshate eñets?

Ñeñ' eñetspa' alla otererr:

—Napa' ñeñ'ten Jesús'en, ñeñ'fara ñeñ'ten pemuero'chtaten. Añpa' p'añeña muero'chtatetsa. Tarro'mar 'cha p'ottena ñerra'mrrate' ashen ñeñ' e'ñe patpare'teño' ñañeñ'achña atserp'atetsa.

6 Sauloñapa' po'yorñioṭpa' ḥa pa'shmuena allempoñapa' atet ot:

—Partseshacha' te'pa' ḥerrofena't penmen ñeñtcha' atet nepena?

Partsesha'ña Jesúsapa' atet otererr:

—Te'ñapa' o'ch petanta, ahueṭ Damasco. Allcha'ña otapet ñeñtcha' atet peṭa.

7 Ñeñt parro epuet sen Saulo ñetñapa' atta cohuanrrortenet. Pocuandrorteñoṭetpa' ama errot oteto. Ñetpa'ḥo'ña e'muet ñeñt e'morrtatsa tarraña ama es enteto. 8 Allempoña Saulopa' o' tanta. Tantapa' o'ch cohua'yepa' ama ento. Ñeñfo'marña atta echa'nmet pototpa' o'anmet Damasco. 9 O' ḥap Damascopa' ma'pamuet Sauloñapa' ama enteno, ñaña ama es rreno, ñaña ama es orreno, ama't coñe'ta.

10 Damascoñapa' allo'tsen puesheñarr ñeñt nanac ame'ñenaya Yepartseshar Jesús. Ñañapa' añ pa'so'cheñ Ananías. Añña Ananíaspa' Yepartseshar Jesús orroña atet ñerra'm pueḥopoñoṭ o' ḥore'ḥpa' atet och:

—jAnanías!

Ananíasña anaṭpa', atet ot:

—Napa' Nepartseshare añen.

11 Yepartsesharñapa' alla otererr:

—O'ch notapṭ atetcha' peṭa. O'ch ahueṭ allo'tsen toñ ñeñt nanac paḥarr allcha' pentos Judas pa'paquell. Peḥap all pa'paclopa' o'ch pa'ṭto'tos errot'sente'ña ñeñt Saulo ñeñt tarso'marnesha'.

Alla otererr Yepartseshar:

—O'ch notapṭ ñaña, añ ñeñfara Saulo e'ñe te'pa' allo'tsen ma'yochetsa.

12 Napa' o' norrtatuon ñeñt o' entua neshot. O' entuan atet ñerra'mrrate' acheñ añ pa'so'cheñ Ananías huapatsa. O' huapa ñeshopa' o' nosan pot ñesho o'ch alla cohuerr.

13 Ananíasñapa' alla anapuererr:

—Partseshacha' napa' o' ne'mare'ch atet o' pa' añ ñeñfara Saulo. Shonte' acheñ o' e'mare'tatnet atto ñapa' nanac mueroḥtatenan ñeñt pame'ñenaya Jerusaléno. 14 Te'pa' ñapa' echenan orden o'ch huancatyese'y allohueney ñeñfey pame'ñenaya, o'ch anmatey cárcelo. Ñeñt pa'mḥa'tareternesha' pen allohuen judionesha' po'cornanesharpa' o' apet Saulo añ orden.

15 Yepartsesharñapa' alla otererr:

—Tarraña ama't atet te'pa' o'ch ahueṭ all, ñeñt atet o' notuaṭ. Te'pa' o' nene' Saulo ñeñtcha' na'potene' neñoñ amḥa'taretneshesho. Ama't po'poñeḥno acheñeneshopa' ñapa' a'potoncha' neñoñ. Ñaña ama't israelena'tarneshopa' o'ch a'poton neñoñ. 16 Ñaña o'ch neñotach Saulo ñapa' o'ch mueroḥta nanac nocop, tarro'mar te'pa' o'ch ame'ña'na na. Añpa' allohua ñeñt atet serrpare't Yepartseshar epuet Ananías.

17 Allempoñapa' o' ahuo' Ananías o'ch entenana' Saulo. Chap allpa' o' be'tosos pócollo allo'tsen Saulo. O' ponmosyapa' o' nosan pot e'ñe ñesho. Nohuan pot e'ñe ñeshopa' otosan Saulo, atet och:

—Masheñe Saule, Yepartseshar Jesús ñeñtcha'ye ṗorrtoya allempo ṗoñen toño. Te'pa' añ ñeñfara Yepartseshar Jesús o' mueñan o'ch non attoch alla pecuerr, ñaña attoch chorraṗa Paret's Puecamquēñ.

18 Ñeñña otuapa' allorocma rrata'nom pa'clloyot ñeñt atet ñerra'mrrate' es pa'tall, o' alla cohuerr e'ñe cohuen. Alla cohuerr e'ñe cohuenpa' allempoñapa' apataretta Yomporecop. 19 O' apataretetuapa' o' rrallme'cherr. O'

alla çherr po'huamenc. Allempoñapa' allponmaterrerr alla Damascopa' o' serrpare't epuet ñeñt ame'ñetsa.

Allempo Saulopa' e'ñe ñenmañ serrpare'terr all Damasco

²⁰ Ñaña Saulopa' çhocma sen judionesha' po'prahuo allcha' serrpare'tatenanet atet pena Jesús. Otanet añ Jesús'pa' po'ñoçh ñeñtpa' ñeñña Parets Puechemer. ²¹ Allohuenet ñeñt e'muene'pa' otyeset:

—Ta', errotenuañaca'yeña te' ñeñt yacmar. Añmapa' ñeñfca'ye mue-roçhtataye't ahuaña ñeñt ame'ñenaya Jesús all Jerusaléño. Ñeño'marña te'pa' huena arr; mueneñ o'ç rromanatenana' ñeñt ame'ñetsa o'ç an-marettet cornaneshesho ñeñt pa'mcha'tareternesha' pen allohuen judionesha' po'cornanesh.

²² Saulopa' allo'na sen huomenc pa'nmue' pueyoçher attoch serrpare'tan Yompor po'ñoñ. Nanac serrpare'tatanet atto po'ñoçh Jesús'pa' ñeñfara Cristotats. Ama't judionesha' ñeñt yechetsa Damascopa' ama erroteno anapeto.

Allempo Saulopa' a'yetater judionesha'

²³ Atteña o' allponmatpa' añña judionesha'pa' o'pachet o'ç muetset. ²⁴ Saulopa' e'mare'ch o' o'pachet, o'ç cohuet attoch o'ç muetset. Arr cohuet allotecma be'tenet all aconcha'tamñsaret ora anets. Ellapenete't cohume'tet ñaña arepenete't. ²⁵ Tarraña ñeñt pueyochresha' Saulopa' o' anmet tsapo allo'tsen pocoll e'ñe all aconcha'tamñsaret anets, allñapa' eñall ventana allot a'suatañperet atarret cañtro't.

Allempo Saulopa' puerrerra alla Jerusaléño

²⁶ Allempoñapa' ahuer Jerusalem. Cherr Jerusaléño'pa' atarr mueneñ o'ç entenana' ñeñt ame'ñetsa. Ñeñña ame'ñetsapa' ama mueneto o'ç entenaneta' tarro'mar nanac mecha'teñet, otenapuetañ atto'te' shequënanet o' ame'ña.

²⁷ Añña puešeñarr ñeñt pa'so'cheñ Bernabé'pa' ñañapa' o' aneñ allo'tsen Jesús puellsensarnesha', o' otosanet:

—Añ Saulopa' o' entan Yepartseshar Jesús allempo sen Damasconet. Yepartsesharepa't epuet serrpare't. Ñañapa' ama mecha'to ñeño'mar atarr serrpare't Damasco atet pena Jesús.

²⁸ Allempoteññapa' e'ñe pocte' eñchet, allempoñapa' o' e'ñe parrocmatuet. Ñapa' ama mecha'teno ama't mamesha. Atarr nanac serrpare'tan Jesús po'ñoñ. ²⁹ Chocmach serrpare'ten epuet judionesha' ñeñt e'muene' gri-gachpa' tarraña amach pocteye' enteñeto. Allempoñapa' o'pachet ñaña all o'ç muetset. ³⁰ Allempoña ñeñt parro ame'ñenetpa' anmet Saulo po'poñ anetso Cesareo. Allo'tpa' o' mueñet ñaña anetso Tarso.

Atto Pedropa' orrtatan Yompor po'partsoña all oteñet Lido

³¹ Atteñapa' o' muetsoñeñtuerra ñeñt amuerochtatañ. All Judeo ñaña Galileo ñaña Samariopa' o'huañ amuerochtatarettet atet pete't ahuaña. Allohuen ñeñt ame'ñetsa allo'na senet huomenc pa'nmuet pueyoçhret. Atteñapa' o' shonta'nma ñeñt ame'ñetsa. Pame'ñeñoftpa' allo'na senet mecha'na'tnomuet Yompor. Ñaña allo'na Parets Puecamquëñpa' nanac coshatenanet. ³² Atteña Pedropa' çhocmach ta'yena emo'tyese' ñeñt ame'ñetsa. Parrochpa' o' çhap allo'tsen ñeñt ame'ñetsa all anetso pa'so'cheñ Lida. ³³ Allñapa' entosan puešeñarr yacma añ pa'so'cheñ Eneas. Ñapa'

ahuatoteñ echartena alla panena o' posoc char. ³⁴ O' entos Pedropa' atet otos:

—O'ch Eneaso notap, Jesucristopa' o'ch a'crraterrep. Te'ñapa' o'ch petanta o'ch pañño'ten pemue'.

Allorocma correna, o' tantena. ³⁵ Allohuen ñeñt yeçheta Lido ñaña Sarónopa' allempoña eñchetpa' cha puesuerret ñeñt ahuat poctapñet o' ame'ñerrñañet Yompor po'ñoñ.

Allempo Pedropa' tantaterran Tabita allempo rroma

³⁶ Eñall puesheñarr coyanesha' ñeñt ame'ñetsa añ pa'so'cheñ Tabita, añ ñeñtara so'chñets Tabita ñeñt otenet griegaçho Dorcas. Ñapa' arr yeçhena anetso ñeñt pa'so'cheñ Jope e'ñe alla allame'tets Lido. Ñaña' nanac amueraña, çhocmach yenpuenan ñeñt huocchañetets. ³⁷ Allempopa' o' atsnat. Atsna'tpa' atteñapa' o' rroma. Rromapa' pamo'tsesha'ñapa' o' apach atet yeçhenet ñet. Apatuetpa' o' panet enonet all tama a'yohuen ñat. ³⁸ Allempoña ñeñt ame'ñetsa allpa' o' e'mare'chet Pedro allame'ttso'tsena all anets Lido. O' e'mare'chetpa' o' mueñet epsheña yacma attoch oteñeta' onepa' all allorocma.

Allempoña çhapuet Pedreshopa' ³⁹ Pedroña' o' coterranet. Chap allpa' o' anmet all cuarto eno allo'tsen arromñañ. All tomçhen shonte' rretornaneshas' ñeñt llecanrortetsa. Allña' all gatanna'tyenet ñeñt chorra'yenet ñeñt sepeçyesanet ahuaña Tabitañ. ⁴⁰ Pedroña' mueñuanet allohuenet a'yenet. O' mueñuanet a'yenetpa' o' concorposa, o' ma'yocha. Ma'yochuapa' o' puetallsa arromñañeshonetpa' atet och:

—O'ch Tabita notap, petanterra.

Allempoña' acuerroche'. O' enterran Pedropa' cha anerrets. ⁴¹ Pedroña' çheter pototpa' echanter attoch terr. Allempoña' o' çhore'terran ñeñt ame'ñetsa ñaña rretornaneshachno. O' be'toscha'terretpa' o' gaterranet o' tanterra ñeñt rromats. ⁴² Allohuenet ñeñt yeçheta all Jopopa' o' e'mare'chet atet pena Pedro. Ñeñto'marña shonte' acheñ o' ame'ñeret Yepartseshar Jesús. ⁴³ Pedroña' alla a'pa atomat alla Jopo. O' a'pa all Simón pa'paclo. Ñeñt Simónpa' añ po'taruas pen o'ch a'cohuenetyesan pa'rrom.

10

Atet ña capitán Cornelio epuet Pedro

¹ Eñall puesheñarr capitán, añ soche't Cornelio. Ñaña' allo'tsen anetso añ pa'so'cheñ Cesarea. Allña' ña mueñanatenet çharroch çharra' guardiane'sha' ñeñt oteñet Guardia Italiana. ² Añña Cornelioña' nanac cohuen cotape'che't Partsocop, ñaña nanac mecha'na'teñ. Ama't ñeñt yeçheta e'ñe parro ñetpa'çho'ña cotape'çhete't cohuen Partsocop. Ñapa' nanac amueraña, shonte' es apa'yesanet ñeñt es palltatset. Ñaña çhocmach ma'yochenana Parets. ³ Atta yeçhena ama't ahuatoteñ. Parroçha' o' coya'nen atne'pa' orrtoña ñeñt Yompor po'mllañoñeñer. Orrtoña atet ñerra'm pueçhopoño't, tarraña ama çhoyé' çhopo'teñe. Tarraña o' orrtoña' e'ñe cohuen eñch. O' huapapa' atet otos:

—¡Cornelio!

⁴ Ñaña' pueñcha'naño'tpa' atta cohue', allotña'pa' atet otap:

—¿Eso'tña Partseshacha' pemnen?

Mellañoñeñña' alla otererr:

—Pema'yocheñoŧ te'pa' o' yerpaŧa Yompor. E'ñe pocte' antennapŧ atto es pŧapa'yenñ ñeñŧ es palltetsa. ⁵ Te'ñapa' añ pocte' o'ch pemñe acheñ Jopo o'ch pŧagotach pueŧheñarr añ pa'so'cheñ Simón, ñeñŧara oteñet Pedro. ⁶ Ñapa' all a'puena po'pŧheññ Simón pa'pŧaclo. Te'pa' ñachña pŧotterre' ñeñŧcha' atet peperra. Ñehua, ñeñŧ Simón all a'puena Pedro ñeñŧcha'ye a'cohuenetyene'ña pa'rrom. Pa'paquëllpa' ontapo'tsen. Añpa' allohua atet ot Yompor po'millañoŧeñer.

⁷ Ñeñŧa otuapa' o' ahuer. Ahuerpa' Cornelioñapa' chore'tan epsheña ñeñŧ taruasetŧ e'ñe alla pocollo, chore'tan ñaña pueŧheñarr po'solltarer ñeñŧpa' aña po'taruas penet attoch cohuanpŧeñet po'caŧtánret. Añpa' ñeñŧ cohuen cotape'chets Partŧocop ñaña. ⁸ Alloŧpa' o' serrpare'tatanet ora atto orrtoña Yompor po'millañoŧeñer. Ñeñŧa serrpare'tatuanetpa' o' mueñanet Jopo. Allempoñapa' ahuanmuet. ⁹ Tsapatñapa' o' chapmochet Jopo. O' chapmochetpa' Pedroña e'ñe alla pocollopa' o' a'tap eno allcha' ma'yochosa. Allempopa' chapmoch pŧocto. ¹⁰ O' chapmoch pŧoctopa' cheporra Pedro. Atarro' mueneñeñ o'ch rra'pa' tarraña ama potena'ña rreñets. Alla cohuenpa' o' huapoña ñeñŧ atet ñerra'm cho' es chopo'ten. ¹¹ Entoñapa' o' entan ñeñŧ atet ñerra'm atarr shetamuets. Enoŧpa' cha sohuanpŧesnena, ačharampŧsaret pa'tats po'toŧñe'marot. Añña ñeñŧ ačharampŧsaretpa' sohua'netsa patŧonet e'ñe ñeshoneŧ. ¹² Allña shetamtŧo e'ñe o'ponopa' allo'tsa'yen shonte' pa'namen berročhno, ama't po'poñ berročhno ñeñŧ ama arrapoye' eñche'te judionesha'. Ñaña allo'tsa'yen pa'namen shechpečhno ñaña pa'namen otečhno. ¹³ O' chap allame'tets ñesho, Pedroñapa' e'man ñoñets, atet oten:

—Pedro o'ch pemtsa añ berr o'ch perre'.

¹⁴ Pedroñapa' atet ot:

—Ama Nompŧorcha', nerreñe. Napa' ama't ahuatapa' ama nerrare ñeñŧ ama arrapahuoyaye atet yeyčhena ya ñeñŧey judioneshay.

¹⁵ Allempoñapa' o' alla otererr ñeñŧ eñets, atet ot:

—Ñeñŧ o' a'cohuentatua Yomporpa' pŧapa' amach pŧotatŧo añmapa' ama cohuenayaye.

¹⁶ Añpa' e'ñe ma'pocha e'mpa' allempoñapa' o' alla a'terr enonet, o' alla chenquerra. ¹⁷ Allempoñapa' Pedropa' nanac moññe'tacha, o' cotape'chpa' atet ot:

—Esuañaca' otenenña ñeñŧ o' nentua.

Ñeñŧ nanac moññe'tenapa' allempocma chap ñaña ñeñŧ mueñen Cornelio. Ñetpa' o' a'pŧo'tnomuet errate' yečhenaña Simón. Allempoña entoñet Simón pa'paquëllpa', o' chapuet allot be'tenetpa' ¹⁸ o' chore'toŧet atet otŧet:

—¿Arre't a'puenaña ñeñŧ sochetsa Simón ñeñŧara ñeñŧ otenet Pedro?

¹⁹ Pedroñapa' e'ñe alla enopa' ama't orameñ moññe'tenana ñeñŧ o' entuapa' añña Parets Puecamquëñpa' atet och:

—O' chap ma'pŧheña acheñ ñeñŧ pe'nene'. ²⁰ Te'pa' o'ch pesuerra tayecma o'ch pŧocterranet. Amach penčha'tatŧo. Napa' na mueñenahuet atto huapuet arr. Añpa' atet ot Parets Puecamquëñ.

²¹ Ñeñŧa otuepa' Pedroñapa' asuerroche' patŧo. O' chap allo'tsen añ ma'pŧheña atet otapanet:

—Napa' naña ñeñŧen se'nen. ¿Esocpa'tña sehuena?

²² Ñetñapa' atet ochet:

—Yapa' añ yemñene' capitán Cornelio. Capitánpa' oten ñonepa'to'. Ñapa' orrtoña Parets po'millañoñeñer atet och: “Pagotach Pedro onepa'. Ñaña pocte' o'ch pe'mñoch ñeñicha' atet otaḗ.” Atet och Parets po'millañoñeñer. Ñeñto'marña yapa' o' yehuapa. Tarro'mar capitán Corneliopa' ñapa' e'ñe cohuen cotape'chen Partsocep ñaña nanac mecha'na'teñ. E'ñe cohuen enteñ alluhuen judionesha'.

²³ Allempoña Pedropa' atet otapanet:

—Ñehua, sebe'tos allach sa'pa, tsapatachña ahuey parro.

Allñapa' alla moset, tsapatñapa' ahuanenet. Po'potantañpa'cho'ña ñeñt ame'ñetsa e'ñe alla Jopopa' o' cota'huanmuet ñamet.

²⁴ Tsapatñapa' o' ḗchapuet Cesareo. Cornelioñapa' alla cohuenan Pedro o'ch huapa. Ñapa' o' hua'ña'huan pamo'tsesha' ñaña po'potantañ ñeñt epuet yemtena. Ñetñapa' all cohueñet e'ñe parro. ²⁵ O' huapa Pedro. O' huapapa' Cornelioñapa' o' tantnoma attoch o'ch poctaḗ. O' concorposñaña o'ch ma'yochaḗya. ²⁶ Tarraña Pedroñapa' o' cheterpa' atet och:

—Petanterra, amach pema'yochatsetno. Napa'cho'ña arromñañena.

²⁷ O' tanterrapa' serrpare'tatanna'tet mame'pa' allotñapa' o' be'toscha'tet pocollo. Allñapa' o' entosan shonte' acheñ ñeñt o' cha'cha't. ²⁸ Allempoñapa' otanet Pedro:

—Sapa' señoñeñ ya judioneshaypa' ama pocteye' yenteñe o'ch yeyemcha po'poñ acheñ ñeñt ama judioneshayaye. Tarro'mar yapa' atet yeychena amach yeyarrotatsche acheñ ñeñt ama judioneshayaye. Tarraña te' Yomporpa' o' ye'chatuan amach yentatsche po'psheñeñ atet ñerra'mrrate' ñeñt ama cohuenayaye. ²⁹ Ñeñto'marña te'pa' o' nohuapa arr tayecma allampo agotatenet. Te'ñapa' o'ch na'ḗto'taḗ ḗesocopḗe' ḗagotatenen?

³⁰ Allempoñapa' Cornelioñapa' atet ot:

—Ahuaña o' taya pa'tatmat met, napa' alla nema'yochena, ñaña nema'yocheñoñ o' neque'chpa' nerrar mame'. Ñeñt attecma nepena allempocma nema'yochena nepaclo atet ñerra'm te' coya'nen atsne'. Allempopa' machayota orrtona puesheñarr yacma e'ñe allame'tets. Pa'shtampa' añ chorrena ñeñt nanac cohuen poptetsa. ³¹ Ñaña'pa' otosen: “Cornelio, pema'yocheñoñ te'pa' e'mueneḗ Yompor. E'ñe pocte' entennaḗ atto es ḗapa'yeñ ñeñt es palltetsa. Ñeñto'marña te'pa' o' yerpaḗ. ³² Te'ñapa' o'ch pemñe acheñ Jopo o'ch pagotach puesheñarr ñeñt pa'so'cheñ Simón ñeñtara ñeñt otenet Pedro. Ñapa' alla a'puena po'psheñeñ Simón pa'paclo. Ñach huapatsapa' ñapa' serrpare'tatoseḗcha'. Ñehua, ñeñt Simón all a'puena Pedro ñeñtca'ye a'cohuenetyene'ña pa'rrom. Pa'paquëllpa' ontapo'tsen.” Añpa' allohua atet oten ñeñt norrtoya. ³³ Ñeñto'marña nagotatenep. Te'pa' e'ñe pocte' o' pehuapa. Te'pa' Yompor eñoteny ñeñtey arro'tsa'yeney yemneñ o'ch ye'mñotaḗ o'ch peserrpare'tatey errponte' Yompor ye'chateneḗ.

Allempo Pedropa' serrpare'tatosanet Cornelio pa'paclo

³⁴ Pedroñapa' alla oterrerr:

—Po'ño'ch te'pa' o' neño'ch tarro'mar o' ḗchapona neyo'chro, ama ñapḗa judionesha' morrentenoña Yompor. ³⁵ Añña ama't erra'tsen pa'namen acheñ, eñallcha'ña puesheña'tets ñeñicha' mecha'na'tene' Yompor ñaña ñeñtcha' e'ñe cohuen es pets Yomporcop. Ñeñtapa' e'ñech pocte' enteñ Yompor, ama't erra'tsena acheñer.

³⁶⁻³⁷ Alla oterrerr Pedro:

—Sapa' señoñe'ña Yomporpa' o' mueñoñay Puechemer Jesucristo, ñeñfey judioneshapay. Añ ñeñfara Jesús'pa' o' a'pochtatuonay e'ñe cohuen Partsocop attoch cosheñso'tseneycha'. Te'ñapa' ñach Yepartseshar yeperr allohueny. Añ cohuen ñoñetspa' o' serrpare'tuet erracmañen Judeo'mar. Ñanompa' serpare'chete't Galileo allempo apate't Juanañ.

³⁸ Alla oterraneterr Pedro:

—Señoñe'ña Yomporpa' o' nan Puechemer Jesús ñeñf nazareto'marnesha'. O' chorracha Parets Puecamquëñ ñaña nanac ahuamencat pe'. Allotpa' all chopeñe'chyses'tpa' nanac amuerañte't. A'crratyesane't allohuen ñeñf muerochtatyese't oneñe't, tarro'mar Pomporpa' nanac yenpue't.

³⁹ Alla oterraneterr Pedro:

—Yapa' o' yentuon' ora allpon atet pa'yese't all ye'hena judionesha' ñaña all Jerusaléño. Yapa' o' yentue ñeñfo'mañña te'pa' o' ya'potoñ ñeñf atet pa'yese't. Alloñapa' o' corso'tamñset tsacho, atto muetset. ⁴⁰ Tarraña poma'pamtañopa' tantater Pompor. Allempoña Pomporpa' orrtaterrnay e'ñe ya yocop. ⁴¹ Tarraña ama allohuenacpaye' orrterro, e'ñe yañeñacpa ñeñfey na' Yompor o'ch ya'potoñ ñeñf atet pe't Jesús. Allempoña tanterrapa' yapa'yerrallme'chapretuer ñaña yorruerr coñe'ta'tets parro.

⁴² Alla oterrer Pedro:

—Ñapa' o' otey o'ch yeserrpare'tach acheñenesha', o'ch ya'potoñ atto yeñoñ Yomporpa' o' nan Puechemer Jesús ñach acre' allohuen acheñenesha'—erroténcha' corret puesheña'ttset. Acrancha' allohuen acheñenesha' ama't ñeñf corretsa ñaña ama't ñeñf o' colla'huena.

⁴³ Alla oterrer Pedro:

—Ñeñf ama't ahuat ñeñf a'mtaye't Yompor po'ñoñpa' ñeñfara Jesús a'potete't. Ama't ahuat ñetpa' otete't ñerra'm yame'ñera ña Pomporpa' e'ñech peretna'huerrnay yo'chñar.

Allempo ñanom chorranel Parets Puecamquëñ ñeñf ama judioneshayaye

⁴⁴ Ama't allempo serrpare'ten Pedropa' añña Parets Puecamquëñpa' ahuepa't chorranel allohuenet ñeñfet e'mñote'. ⁴⁵ Añña judionesha' ñeñf ame'ñetsa ñeñf parro huapa Pedro, ñetñapa' atfa cohuanrrortenet, o' otet:

—Errotenuate'ca'ye chorranel ñamet Parets Puecamquëñ e'ñe attota, ñetpa' amaca'ye judioneshayayeto. Atet otet ñet.

⁴⁶ Tarraña po'ñoñpa' ahuepa't chorranel ñamet Parets Puecamquëñ tarro'mar ñetpa'cho'ña ahuepa't eñosyaset po'poñ ñoñts'o. E'ñe po'poñ ñoñts'o aye'chochtachet Yompor. Atto e'manet judionesha'. Allempoñapa' atet ot Pedro:

⁴⁷—Ama't pocte' senteñe o'ch apatarettet Partsocop. Tarro'mar o' chorranel Parets Puecamquëñ e'ñe atet ñerra'm ya.

⁴⁸ Allempoñapa' otanet Pedro:

—Te'pa' e'ñe pocte' same'ñeñf Jesucristo o'ch sapataretta.

Allempoña apataretetuetpa' atet ochet Pedro a'puepa'to' alla allponmat.

11

Allempo Pedropa' serrpare'tatuerranel Jerusaléño

¹ O' allponmat Jesús'ña puellsensarnesha' o' e'mare'chet atto po'poñ acheñ ñeñf ama judioneshayaye o' ame'ñerrñañet ñamet Yompor po'ñoñ. Atto e'mare'ch Jesús puellsensarnesha' ñaña po'poñe'chno acheñ ñeñf ame'ñetsa

all Judeo. ² Allempoña ahuerr Pedro. Allempo ðherr Jerusaléñopa' judione-sha' ñeñt ame'ñetsa allpa' o' che'ptare'tapueret Pedro. ³ O' che'ptare'chet Pedro, atet ochet:

—Eso'mare'tña petaña allo'tsen ñeñt ama judioneshayaye, ama't allpa' o'te' ðha perrallme'chapretos—anet.

⁴ Allempoña Pedropa' o' serrpare'tatuerranet ñeñt e'ñe atet ða; ⁵ atet otanet:

—Napa' allo'tsenen Jopo. Allempo nema'yochena huapona ñeñt atet ñerra'm ðho' es yeçhopo'ten. Entoñapa' o' nent ñeñt atet ñerra'mrrate' sheta-muets. Enotpa' ðha sohua'nena açharampsaret e'ñe pa'tats po'topñe'marot. Añña ñeñt açharampsaretpa' sohua'netsa patsonet e'ñe neshonet. ⁶ Napa' o' necue'pa' allña o'ponopa' nent pa'namen berroçhno ñaãa ñeñt puet-sato'mar, ama't po'poñ berroçhno ñeñt ama arrapahuoye'yenteno ya ñeñfey judioneshay. Nent ñaãa pa'namen shechpeçhno, ama't ñaãa pa'namen oteçhno. ⁷ Allempoñapa' ne'm ñoñets, atet oten: “Pedro o'ch pemtsa añ berr o'ch perre.” ⁸ Tarraña napa' not: “Ama Nomporka' nerreñe. Napa' ama't ahuatapa' ama nerrare ñeñt ama arrapahuoyaye atet yeyçhena ya judioneshay.” ⁹ Allempoñapa' alla oterrer ñeñt eñets entot, atet ot: “Ñeñt o' a'cohuentafua Yomporpa' ðapa' amach potatsto añmapa' ama cohuenayaye.”

¹⁰ Añpa' e'ñe ma'pocha ne'npa' allempoñapa' o' alla a'terr ononet o' alla chenquerra—ora. ¹¹ Allempocma o' çhap ñaãa ma'psheña acheñ. Chapuet all pocollo all nommuena. Añ ma'psheña acheñpa' arrot mueñonet Cesareot. ¹² Añña Yompor Puecamquëñña' oten o'ch nocterranet. Oten amach nemcha'tatsto. Añ pechapsheña ñeñt arro'tsen te' o' yahuanma parro. Allempoñapa' yeçhap pa'paclo ñeñt nagotatene'. ¹³ Allempoña o' yeçhap pa'paclopa' ñaña'pa' o' serrpare'tatapuey atto' orrtoña Yompor po'millañoñeñer. Orrtoñapa' atet otos: “Añ pocte' o'ch pemñe acheñ Jopo o'ch ðagotach puesheñarr añ pa'so'cheñ Simón ñeñtara ñeñt otenet Pedro. ¹⁴ Añña Pedropa' ñeñtcha' peñotate' attoch pequeshperra ñaãa allohuen ðamo'tsesha.” Atet oten Yompor po'millañoñeñer. ¹⁵ Nañapa' o' neserrpare'tosñañ Yompor po'ñoñ. Allempo neserrpare'tenpa' añña Parets Puecamquëñpa' ahuera't chorr Janet. O' chorr Janet e'ñe attecma chorra'ya ahuaña yaña. ¹⁶ Allempoñapa' o' neyerepya atet otey ahuaña Yepartseshar Jesús: “Juanañpa' e'ñe oñochaya apate't tarraña na añcha'ña nechorrasa Parets Puecamquëñ.” ¹⁷ Ñehua, Yomporpa' e'ñe pocte' enteñ o'ch chorr Janet e'ñe attecma atet chorra'ya ya allempo yame'ñya Yepartseshar Jesucristo. Ñehua, ñerra'm e'ñe pocte' enteñ Yomporpa' nañapa' errotenotuate'ca'ye neche'ptare'çhña Yompor.

¹⁸ Ñeñta otuapa' allempoñapa' alla moma'huet allohuenet. Allempoñapa' o' aye'choçtatoñet Yompor, atet otet:

—Ama't po'poñ acheñ ñeñt ama judioneshayaye Yomporpa' mueneñ o'ch cotape'cherret ello cohuen alloch ñetpa'çho'ña corretsetach pocsheñeshocmañen e'ñe tayoteñ errponañohuen. Allohua ñeñt atet ða Pedro ñaãa Cornelio.

Atto epa'hua Yompor po'ñoñ erraþaren

¹⁹ Allempo muetset Estebanpa' allempoteñña orrta mueroçhteñets. Nanac mueroçtachte't ñeñt ame'ñetsa. Ñeñfo'marña yetrra'tyeset allemeña, par-ratse'tyeset po'poñ anetso'mar. Puesheña'tetspa' ahuanmuet Fenicio'mar,

po'potantañña' ahuanmuet Chipro, po'potantaña' ahuanomyeset Antioquíu. All chopeñe'chyesnomuetpa' all serrpare'tyesnomuet Yompor po'ñoñ, tarraña aña serrpare'tatnomuet ñapue't judionesha'. ²⁰ Tarraña puesheña'tets chipro'marnesha' ñaña cireneo'marnesha' ñeñt ame'ñetsapa' o' chapuet Antioquíu. Allña' aña serrpare'tatoset ñeñt griegonesha'. Añ serrpare'tet ñeñt atet pena Yepartseshar Jesús. ²¹ Yomporpa' nanac ahua-mencat panet. Ñeñto'marña shonte' acheñ ame'ñachet Yepartseshar Jesús, o' a'ypo'ña' huerret ñeñt ahuat poctapñet. ²² Añña ñeñt ame'ñetsa Jerusaléñopa' o' e'mare'chet atto shonte' ame'ñetsa Antioquíu. Ñeñto'marña mueñet Bernabé Antioquíu, o'ch yenpuenaneta'. ²³ Allempo chap Bernabé allpa' entosan po'ñoçh o' orrta Yompor puemuereña all. Ñeñto'marña nanac coshosa. O' cotape'chatosanet, atet otanet:

—Amach sequeçhpastere Yompor po'ñoñ. Huomenccha' sepa' seyoçher.

²⁴ Añña Bernabépa' ñapa' nanac amueraña, nanac chorreña Parets Puecamquëñ. Atarr ame'ñena. Ñeñto'marña shonte' ame'ñatana acheñenesha' atoch coteret Yepartseshar.

²⁵ Allempoña ahua' Bernabé. O' chap Tarso allcha' e'nerrana' Saulo. Allña entospa' a'secher o'ch aner Antioquíu. ²⁶ Epsheño'maret alla a'puet paterr char Antioquíu. Allña' nanac yeçhachete't ñeñt a'pçhatse't all pame'ñeñoçet Yompor. Shonte' acheñ ame'ñatsa all. All Antioquíopa' añ asocharettet ñeñt ame'ñetsa “Cristona'tarnesha'.” Ñanom arr Antioquíu asocharettet atet.

²⁷ Allempoña Jerusaléñopa' allo'tsen puesheña'tets ñeñt a'mtene' Yompor po'ñoñ. Parrochpa' onacha'tet. Chapuet Antioquíopa' ²⁸ añña ñeñt pa'so'cheñ Agabopa' o' tomospa' serrpare'tatosanet, atet otanet:

—Orrtach muecheñets esempo erraparen patso. Añpa' allohua ñeñt atet ot Agabo.

Añ eñotate' Yompor Puecamquëñ, ama't allempopa' ama orrtena' muecheñets. Allempo añcha'taretta Claudiopa' allempo'ña orrta muecheñets. ²⁹ Ñeñto'marña allohuen ñeñt ame'ñetsa Antioquíopa' o' a'pochtachet o'ch mueñet ñeñtcha' yempue' pa'mo'nasheñnesha' ñeñt yechetsa Judeo. ³⁰ Allpon echenetpa' allpon apa'yeset. Atet a'pochtachetpa' atetçho' pet. O' apueñet Bernabé ñaña Saulo, ñetñapa' anmet Jerusaléño, allña' aposet ñeñt pompornesha' pen ñeñt ame'ñetsa Jerusaléño.

12

Allempo añcha'taret Herodes muetsaterran Jacobo, yottamñpsatan ñaña Pedro

¹ Allempopa' añña añcha'taret Herodespa' rromatan puesheña'tets ñeñt ame'ñetsa attoch muerochtchet. ² Rromuet Jacobo o' muetset. Añ Jacoboñpa' ñeñfara ñeñt Juan pa'mo'nasheñ. Atto muetsetpa' cho pechoñet poñ. ³ Ñeñña muetse'pa' nanac coshatan judionesha' ñeñt ama ame'ñetso. Allempoña añcha'taretpa' nanac mueneñ o'ch alla coshaterranerr judionesha'. Ñeñto'marña pascuapopa' allempoch rrrerretter pan ñeñt ama a'chasareteyepa' o' alla rromaterranerr ñaña Pedro. ⁴ Rromuet Pedropa' o' abe'tet cárcel. Net çharra' puechena pechap solltarnesha' ñeñtcha' cohuanñpse'. Ñanompa' o'ch neñet pa'tatssheña solltarnesha' ñeñtcha' cohuanmpene'. Allotpa' o'chña muenme'cheñetpa' o'ch huena po'potantañ

pa'tatssheña ñeñtcha' cohuanmpene' ñaña. Ñeñtña çharra' puechena pechap solltarpa' attach penet, çhach canyannenet. Añ cotape'chña Herodes o'ch metua pascuapopa' o'ch orrtatan Pedro allo'tsa'yen acheñenesha'. ⁵Atteñapa' nanac huomenc cohueñet Pedro cárcelo. Tarraña ñeñt ame'ñetsapa' atarr ma'yochampeñet Pedro.

Atto Yompor po'millañoñerpa' çha'nmaterran Pedro cárcelot

⁶ Atteñapa' allponmat o' çhap allemPOCH tsapatcha' Herodespa' o'ch orrtata'muenan Pedro allo'tsa'yen acheñenesha'. Tsapoña Pedropa' all muenpa' all rroçtampeñ epsheña guardia all rromampeñet allo ehuan-carec cadeno epo'mar puecot. Ñaña a'yotpa' all cohuanmpeñ po'potantañ solltar e'ñe allot be'tenet. ⁷ Atteñapa' machayota puetaresua e'ñe alla o'pono. Orrtoña Yompor po'millañoñer. Añña mellañoñepa' o' a'pñan Pedro puepototpa' o' opuepa' atet och:

—Petanta tecma.

Añña cadena allo' huanquëñetpa' çha pueya'nets e'ñe ñoña. ⁸ Añña mellañoñepa' atet och:

—Pechana'pena peshtam, o'ch penen ñaña pesapat.

Atet och mellañoñepa' atto'cho' pa. Allempoñapa' alla otererr:

—Te'pa' pechorrena ñaña peshtam ñeñt penen enot. Allempoñapa' o'ch poçtenen.

⁹ Allempoñapa' o' çha'nen cota'nenan mellañoñeñ. Pedroñapa' çha otenapañ attate' çhopo'teñ, tarraña ama çhoye' çhopo'teñe. Allempoñapa' o' ahuanenet. ¹⁰ Ahuanenetpa' o' metenet all cohuen puesheñarr guardia. Ahuerreterr allponpa' o' meterretter all cohuen po'psheñeñ guardia. Allempoñapa' o' çhenet allot e'ñe çha'nenet allecma chopene'chen acheñenesha'. Chenet yetarropa' ñeñtña yetarrpa' asret nanac echarr. O' çhenet e'ñe allpa' añña yetarrpa' o' tora'nom e'ñe ñoña. Tora'nenpa' ñetñapa' o' çha'nenet. Chenet a'yotpa' allñapa' all chope'chnomuet e'ñe parro mame'pa' allotñapa' o' ahuerña Yompor po'millañoñer allotñapa' o' ñapñamena Pedro. ¹¹ Allempoñapa' çhapoña Pedro pueyoçhro, atet ot:

—Po'ñoçhepa't ama çhoye' neçhopo'teñe. Yomporepa't mueñene' po'millañoñer attoch a'queshtaten. Te'pa' Herodespa' amach errot pa'no. Judionesha'pa'cho'ña e'ñe orrena o'patenna.

¹² O' çhapoña pueyoçhro tematenñapa' o' çhap allo'tsen María pa'paquëll. Añña Mariapa' ñeñt pachor Juan Marcos. Chap all pa'paclopa' allñapa' allo'tsa'yen shonte'acheñ all ma'yochenet o'pono. ¹³ O' çhap allot be'tenetpa' çhore'tosanet. O'ponotñapa' çha'nom puesheñarr shopshesha' añ pa'so'cheñ Rode. ¹⁴ Huapapa' o' cheme'tan Pedro po'ñoñ. Pocsheñesha' materra o'pono o'ch oterrana' acheñenesha' ñeñt o'pono'tsa'yen. Tarraña ama torampsano Pedro. Cherr o'ponopa' atet otanet:

—Pedrepa't o' huena, allo'tsena a'yot.

¹⁵ Ñetñapa' çha otet:

—Amate'ca'ye ñeñteyaye, atta potyen çhate' pemospuena.

Ñaña'pa' alla otererr:

—Po'ñoçhca'ye Pedro.

Ñetñapa' oterretter:

—Amate' Pedroyaye. Ñato' añte' Yompor po'millañoñer ñeñtcha' cohuanmpse' Pedro.

16 Atteñapa' Pedroñapa' alla ðhore'terraneterr yetarroŧ. Allempoñapa' toram̧set. Toram̧setpa' añepa't Pedro. Allempoñapa' atta cohuanrroretet. 17 Pedroñapa' o' echantan pot attoch o'ch muetsoñeñtet allochñapa' o'ch serrpare'tatuenanet. Allempoña o' muetsoñeñtuetpa' atet otanet atto Yomporpa' o' ðha'nmater cárcelof. Otanet ñaña:

—O'ch soteña' Jacobo ñaña po'potantañ masheñnesha' atto ðha'nmaterren Yompor po'mllañoŧeñer.

Allempoñapa' alla ahuerr Pedro.

18 Atteñapa' o' puetaren. Arrña cárcelo solltarnesha'ñapa' puenñchañoŧetpa' otanna'tyeset:

—Errotenoŧuañaca'ye ðha'nenña Pedro. Errahuañaca'ye o' ahuen.

19 Atteñapa' o' e'nater Herodespa' ama esesha' entaye. O' alla a'p̧to'tare'tereterr solltarnesha' ñeññ cohuene' cárcel ama esesha' entaye errotenote' o' ahuen. Allempoña Herodesñapa' o' mueño'tuan solltarnesha' a'yo allcha' muetsanatatuanet. O' allponmat Herodesñapa' o'cho' ahuo' Judeoŧ o'ch ahuo' Cesareo allñapa' allach allponmatena'.

20 Allempoña Herodesñapa' nanac e'moñe'tenan tiro'marnesha' ñaña sidóno'marnesha'. Ñeñño'marña o'huañ apanet rreñets ñeññ nanac palltenet pa'nyeto. Ñeñño'marña ñetpa' mueneñet o'ch alla amo'tsteret Herodes attoch o'ch alla apuerranet ñeññ palltenet. Ñeñño'marña huaçha'ta shonte' tiro'marnesha' ñaña sidóno'marnesha' o'ch enteñeta' Herodes. Añña Herodes pa'taruasider añ pa'so'cheñ Blastopa' e'ñe cohuen entapanet. Ñaña'apa' o' a'pocatanet attoch ñetpa' serrpare'tet epuet amcha'taret. 21 Chap allempo'ch serrpare'tet epuet amcha'taretpa' Herodesñapa' o' chorrana nanac coçnesha' pa'shtampa' anorros po'conaño'pa' eñosos. O' eños atet ñerra'm ñeññ amcha'taret nanac. 22 O'ña eñosua acheñenesha'ñapa' o' rranartetpa' atet otyeset:

—Ama acheñenocheye' eñetso, Partsepa't eñets.

23 E'ñepa'tcha' allempocma huapoña Yompor po'mllañoŧeñer o' atsna'tatosan Herodes. O' atsna'tpa' e'ñe rrohue pueñpa' o' rroma. Tarro'mar Herodespa' mueneñ o'ch Partsoçoptarta. Acheñenesha'ñapa' o' aye'choçhtatoñet atet ñerra'm Parets. Amaña çhoye' otaneto eñallña paterr Yompor. Añpa' allohua atet pe't Herodesoñ.

24 Allempoñapa' o' epa'hua Yompor po'ñoñ erracmañen. Allo'na ame'ña'huanaena shonte' acheñenesha'.

25 Añña Bernabé epuet Saulopa' o' asueneta' Jerusaléño, pomhueneta' quelle. Pomhueneta' quellepa' o' puerraçherret Jerusaléñoŧ. Añña Juan Marcospa' o' coterranet.

13

Allempo Pablo ñaña Bernabépa' ahuo't serrpare'tatoset anetso Chipro

1 Ñeññ pame'ñeñoŧet apçhatse't Antioquíopa' allo'tsen puesheña'tets acheñ ñeññ a'ñtene' Parets po'ñoñ, ñaña allo'tsen ñeññ nanac cohuen yeçhatatse't Yompor po'ñoñ ñeññ atet ñerra'm añ: Bernabé, ñaña Simón, ñeññ Simónpa' oteñet ñaña Negro, ñaña allo'tsen Lucio ñeññ cireneo'marnesha' ñaña allo'tsen Manaén ñeññ parro cheshat Herodes ñeññ amcha'taretetsa all Galileo, ñaña allo'tsen Saulo. 2 Allempo çhocma cohuentatoñete't Yompor, ñaña errotenopa' çhoch tore'tete't.* Atteña añña Parets Puecamquëñpa'

* 13:2 Añ tore'teñespa' añecop o'ch yetorra Yomporcop. Amach añecpayaye atomat, ñeñña' añecpa mameshacop o'ch yequeçhpa' yerrar.

eñotatanet, atet otanet:

—Añ pocte' o'ch sene' Bernabé ñaña Saulo ñetpa' o'ch senanet nocop. Napa' o'ch napanet ñeñfcha' po'taruas pet nocop.

³ E'ñe allempopa' tore'tetset. Allempoñapa' ma'yochet. Ma'yochuetpa' o' net pot ñeshetopa' allsensarettet allcha' torroñet Yompor po'taruas.

⁴ Allsensarettet e'ñe Parets Puecamquëño'pa' ahuanmuet Seleucio. Seleucioñapa' ahuanm̄pset boto, o' chapuet Chipro. ⁵ Allña pueblo all chapuetpa' añ pa'so'cheñ Salamina. Chapuet Salaminopa' o' ahuanmuet judionesha' po'prahuo allcha' serrpare'tosñañet Yompor po'ñoñ. Ñaña cotenanet Juan Marcos ñeñfcha' yenpahué. ⁶ Atteñapa' o' ahuanmuet serrpare'tats erracmañen all oteñet Chipre. Chapuet po'poñ anetso añ pa'so'cheñ Pafos. Allñapa' entoset puesheñarr judionesha' ñeñtpa' achyo'tañ añ pa'so'cheñ Barjesús. Ñaña'pa' nanac serrpare'taten, tarraña ama Yompreye' po'ñoñ a'mteno. ⁷ Ñaña'pa' chocma yemtenana ñeñt amcha'tarettetsa atet ñerra'm gobiernu' ñeñt allo'tsen. Añña amcha'taretpa' añ pa'so'cheñ Sergio Paulo, ñeñtpa' nanac es eñot. Añña amcha'taretpa' o' agotatan Bernabé ñaña Saulo. Ñapa' mueneñ o'ch e'man Yompor po'ñoñ atet serrpare'tenet. ⁸ Tarraña ñeñt achyo'tañpa' ama muenatano amcha'taret o'ch ame'ña. Ñaña'pa' mueneñ o'ch a'mchettanet attoch amach ame'ñacheto amcha'taret. Añ ñeñt achyo'tañpa' ñeñfara oteñet ñaña Elimas. ⁹ Allempoña Saulopa' o' huomenc cohuenan ñeñt achyo'tañ. Ñehua, Saulopa' ñeñfara oteñet ñaña Pablo. Ñaña'pa' e'ñe chorreña Parets Puecamquëñ. ¹⁰ O' cohuan achyo'tañpa' atet och:

—Papa' nanac peshquëñ acheñ, nanac peyechaten ñeñt ama cohue-nayaye. Aña p̄mpor pepen oneñet. Nanac pe'moñe'teñ ñeñt p̄octetsa Yomporcop. Esemphoachñaca' peuna'ña atto p̄oten ama cohuenaye Yompor po'ñoñ. Añpa' ñeñfña po'ñoñ ñeñt cohuentetsa. ¹¹ Te'ña Yomporpa' o'ch tsa'tatapa. Te'pa' amach pecuero. Allponmatcha' amach penterro puetare'.

Allempocma o' checmetmara enta. All chopeñe'chenpa' attach otyenanet:

—Sanmuen, o'ch secha'nmuen.

¹² O' entan amcha'taret atetpa' o' ame'ña. Atarr huomenc entan Yompor po'ñoñ. Allohua atet pete't all Pafoso.

Allempo ñanom asena' Pablo Asio

¹³ Allempoña Pablo ñaña ñeñt cotene'pa' o' ahuanm̄pset boto o' chapuet Pergo ñeñt allara Panfilio. Chapuet Pergopa' Juanña Marcospa' o' sa'nerranet. O' alla ahueru' Jerusaléño. ¹⁴ Allempoña Pablo ñaña Bernabépa' ahuanerterer, o' chapuet anetso ñeñt pa'so'cheñ ñaña Antioquia ñeñt allara Pisidio. Allempopa' o' chapu'muen allempo amesen judionesha' Pabloña ñaña Bernabépa' o' ahuanmuet judionesha' po'prahuo. Allñapa' anorrcha'toset ñamet. ¹⁵ Allña judionesha' po'prahuopa' o' lleyoñet Moisés po'ñoñ ñaña po'poñ ñeñt a'mtaye't ahuat Yompor po'ñoñ. Allempoña o' lleya'huetpa' añña ñeñt amcha'tarettetsa puerahuopa' atet otanet:

—Eshaste' masheñneshare echene' ñoñets attoch soctape'chateypa' ñato' o'ch seserrpare'tatey.

¹⁶ Allempoña Pablpa' o' tomospa' echantan pot attoch muetsoñeñtuet atet otanet:

—Masheñneshu judioneshacha' ñaña allohuenes ñeñtes mecha'na'tene' Yompor, se'mñoten, o'ch notas: ¹⁷ Yapa' israelena'tarey ahuat Yomporpa' e'ñe pocte' entane't yatañneshañ. Nanac a'mratanet allempo a'puete't Egipto.

E'ñe Yompor po'huamencotpa' o' ahuanerranet Egiptot. ¹⁸ Ama't atomat char allempo chopeñe'chetet amaratareropa' chocma cohuanp̄sanet e'ñe cohuen, ñato' pa'tatsoch çharra' charte' cohuanp̄sanet. ¹⁹ Allempoña çhatherret alla Canaáno Yomporpa' o' huapore'tatuerran cançherr po'poñe'ttsochma acheñ ñeñt yeçha'yestset all attoch apa'yerran yatañneshañ po'patseñ, e'ñe ñocpuet ama't ñaña puechemereshacpuet. ²⁰ Allempoteñ ñato' cuatrocientos cincuenta charte' o' nanet ñeñt'çha' amçha'tarettatsa ñocpuet. Atteñapa' o' çhap allempo orrta ñeñt a'mtaye't Yompor po'ñoñ ahuat, añ pa'so'cheñ Samuel. ²¹ Allempoña acheñenesha'pa' enamet Yompor o'ch apanet puesheñarr rey ñeñt'çha' nanac amçha'tarettatsa. O' nanet añ pa'so'cheñ Saúl ñeñt Cis puechemer ñeñtara pamo'tsna'tar Benjamín. Añña Saúlpa' o' amçha'taretta pa'tatsoch çharra' char. ²² Allempoña Yomporpa' o' puerratanper attoch o'huañ amçha'taretta Saúlpa' o' alla nerran po'psheñeñ ñeñt pa'so'cheñ David ñeñtara Isaf† puechemer. Añ Davidpa' e'ñe pocte' eñch Yompor ñeño'marña atet ot ñocop: "Davidpa' e'ñe attecma cotape'chen atet noctape'chen na neyoçhro. Ñeño'mar neñoteñ ñapa' o'ch ame'ña'na na e'ñe poctacma."

²³ Alla oterraneterr Pablo:

—Ñeñt puesheñarr David po'mrenñoñ Yomporpa' o' orrtatonay yocop ñeñt'ey israelena'tarey ñeñt'çha' ya'queshp̄aterre'. Añ pa'so'cheñ Jesús. Te'pa' o' etsota atet otye't Yompor ahuat. ²⁴ Tarraña ama çhena' allem-poch serrpare'tos Jesús pa' añ ñanom orrtatsa Juanañ. Ñapa' serrpare'te't atet oche't, añ pocte' o'ch yoctape'cherr ello cohuen etserra allempoñapa' o'ch yapataretta Partsocop. Atet serrpare'tatey allohueneñ ñeñt'ey israelena'tarey. ²⁵ O' e'nuamochan ñeñt po'taruas pa'pa' Juanaññapa' atet otanet: "Ñapa' ama añeyayno ñeñt soten ñeñt'çha' Cristotats. Ñapa' te'pa' ñeñtña nocta'nene' chenta'. Ñapa' ama esoshe'mano attoch ama't po'sapatrechapa' o'ch nepyoñ."

²⁶ Alla oterraneterr Pablo:

—Sapa'çho'ña masheñeshacha' pamo'tsna'tarecmas penes Abraham. Ñaña arro'tsa'yen puesheña'tets acheñ ñeñt mecha'na'tene' Yompor. O'ch notas allohuenes, Yompor o' mueñonay cohuen ñoñets alloch yequeshperra allohueneñ. ²⁷ Ama't o' çhap ñeñt Cristotatspa' añña ñeñt jerusaléño'marnesha', ñaña ñeñt pa'mçha'tareternesha' penet, ñetñapa' ama esesha' eñotaye. Ama çhapaneto pueyoçhreto atet ote't ahuat ñeñt a'mtaye't Yompor po'ñoñ ñeñt chocma lleyenat añ yetro allem-pocma amesenet. Ñeño'mar te'ñapa' o' etsotatoñet Yompor po'ñoñ. Te'ñapa' o' pomet Jesús attoch muetset. ²⁸ Ñapa' ama't ama eñalle po'çhñar atta otteñe'chet attoch muetsachet. E'ñe attota enamet Pilato muetsachepa'to'. ²⁹ Allempoña o' etsotatuoñet ora allpon atet aquellcayet ahuatoteñ ñocoppa' o' a'suachet corsoçhotpa' o' net mapuetpono. ³⁰ Tarraña Yomporpa' o' tantater ama't o' rromua. ³¹ Allempoña tantaterpa' allponmat orrtame'tnerrana ñeñt ñanom cota'nmue' Galileot allempo on Jerusaléño. Te'pa' ñetpa' o' a'potoñet atto tanterra Jesús, o' a'potoñet allohuen acheñenesesho.

³² Yapa'çho'ña te'pa' o'ch yeserrpare'tatas saña añ ñeñtara cohuen ñoñets. Ama't ahuat Yomporpa' otane't yatañneshañ atetçha' pa' esempo ³³ te'ñapa' o'çho' etsota yocop ñeñt'ey yatañneshañ po'mrenñey. O' etsota po'ñoñ

† 13:22 Isaípa' ñeñtara ñeñt sochenet Jesé.

allempto tantaterran Puechemer Jesús, tarro'mar atet oteney ñeñ Salmos 2, atet Yompor otan Puechemer: "Papa' Nechemerep, te'ñapa' o'ch neñotach acheñenesha' po'ñoch papa' Nechemer nepenep." ³⁴ Ama't ahuat Yomporpa' ote't o'ch tantaterpa' amach alla rromuerre'te. Ñeñpa' atet oteney añ ñoñets ñeñ ahuatoteñ aquellcaret: "Po'ñoch o'ch na'natapa' ñaña atet na'nacha David." ³⁵ Ñaña po'poñ capítulo Salmos all oten atet: "Yomporpa' amach muenatano Puechemer ñeñ nanac Parets o'ch puetsohua po'chets." ³⁶ Añ ñoñetspa' yeñoteñ ama añecpayaye David tarro'mar yeñoteñ David allempto e'nuan allpon atet muenach Yompor pamo'tsna'tarecoppa' allem-poñapa' o' rroma. Allempto rromapa' o' pampuet allo'tsen pa'fañneshañ, po'chetspa' o' puetsohua epuet. ³⁷ Tarraña Jesús po'chetspa' ama puetso ama't coñe'ta tarro'mar Pomporpa' o' tantater. ³⁸ Ñeñto'marña añ poctetsa o'ch masheñneshacha' señoach añ Jesús ñeñ atet pena. Ñach yepretnerre' yo'chñar. Ñeñto'mar te'pa' o' neserrpare'tatas. ³⁹ Añ Moisés po'ñoñ ñeñ anaret ahuatoteñpa' amach errotent yepretnaterro allo yo'chñar. Tarraña te'pa' añña yame'ñeñ Jesúsapa' añepa't alloch e'ñe apretna'huareterra yo'chñar.

⁴⁰ Alla otererr Pablo:

—Te'pa' secuach, o'ch soctape'ch cohuen te't huaponasa ñeñ atet ote't ñeñ a'mtaye't ahuat Yompor po'ñoñ. Atet otete't ahuat:

⁴¹ Se'mñot ñeñes achmāre'tets, te't secuanrrorteñoña sechenca'huerra. Te'pa' allempto ora socrrenmeñpa' napa' o'ch norrtatonas ñeñ ama sentare. Tarraña ñato' sapa' amach same'ñyo ama'tcha' serrpare'tataset. Añpa' allohua huañ atet serrpare'tatanet Pablo.

⁴² Allempoña cha'nmaçherret acheñenesha'ñapa' atet ochet Pablo huapuepa'to' po'poñ semana o'ch serrpare'taterraneterr po'pocheño añ yetro allempocma amesenet. ⁴³ Allempto ahuanerretpa' shonte' judionesha' o' co'ta' huaneret Pablo ñaña Bernabé. Ñaña o' co'ta' huaner shonte' ñeñ ama judioneshayaye tarraña ñetpa' o' ame'ñatanet judionesha' ahuañacma. Añña Pablo ñaña Bernabé serrpare'tatanet o' cotape'chatanet attoch çhocma o'ch cotape'choñet Yompor pomuereña.

⁴⁴ Po'poñ semana o' çherrerr allempto amesenet. Huaçhenerr shonte' acheñenesha' o'ch e'mñoteneterr Yompor po'ñoñ. Autsa ora allohuen acheñenesha' ñeñ yeçhetsa all e'ñe huaçha'tuet. ⁴⁵ Allempoña judionesha' ñeñ ama ame'ñetsopa' o' eñchet shonte' acheñ huaçha'tatsapa', pusesope'cheñotetpa' o' cohua'chet Pablo. Ñeñ atet oten Pablopa' ñetñapa' o'ch otenet ama atteyaye. Nanac achmāre'chet. ⁴⁶ Tarraña ama mecha'to Pablo ñaña Bernabé. O' serrpare'tet huomenc, atet otet:

—Añ poctetsa o'ch yeserrpare'tatas sanom Yompor po'ñoñ, tarro'mar sapa' judioneshas. Tarraña ñerra'm sapa' ama semno, ñerra'm ama pocteye' señche attoch sapa' corretsasach e'ñe tayoteñ errponañohuen, amach errot ye'paso. Te'pa' añach yeserrpare'tat ñeñ ama judioneshayaye. ⁴⁷ Tarro'mar atet oteney Yompor po'ñoñ, arr oteney atet:

Napa' o'ch nenas sa atet ñerra'm puetare', sach a'puetarsam'psats. O'ch sa'puetarsam'pson po'poñ acheñ poctapña ñeñ ama judioneshayaye. Ama't allohuen acheñenesha' ora allohuanen patspa' o'ch peñotatuanet attoch qeshperret.

⁴⁸ Allempoña ñeñta e'mhuet añ ñoñetspa' añña ñeñ ama judioneshayaye atarr coshet, nanac cohuen eñchet Yompor po'ñoñ. Allempoñapa' o' ame'ñenet allohuen ñeñ o' anaretta attoch ñetpa' corretsetach tayoteñ

e'ñe errponañohuen. ⁴⁹ Atteñapa' o' epa'hua Yompor po'ñoñ erracmañen. ⁵⁰ Tarraña puesheña'tets judionesha' o' cotape'chachet acheñenesha' attoch o'ch huapore'tateret Pablo ñaña Bernabé. Añña ñeñit atet cotape'ch coy-anesha'chno ñeñit cohuen entaprete' acheñenesha' tarro'mar añ coyanesha' e'ñe cohuen cotape'che't Partsocop. Ñaña ñeñit amcha'tarettetsa all, judionesha'pa' o' e'moñe'tachet Pablo ñaña Bernabé. Ñeñito'marña orrtatet atsrre'mueñets o' huapore'tateret Pablo ñaña Bernabé. ⁵¹ Ahuanenetpa' o' pa'shetca'tnenet po'patser pa'tcot attoch eñoch judionesha' ama pocteye' entaretteto ñeñit atet o' p̄ohuet, te'ñapa' amach alla huatherrete'te. Allempoñapa' ahuanmuet ñaña Iconio. ⁵² Tarraña ñeñit o' ame'ña'hua all Antioquíopa', ñetñapa' nanac coshenet, ñaña o' chorr Janet Parets Puecamquēñ.

14

Allempo chapuet ñaña anetso pa'so'cheñ Iconio

¹ Allempoña chapuet Iconiopa' o' be'toscha'tet parro judionesha' po'prahuopa' o' serrpare'tatoset all. Nanac cohuen serrpare'tatet ñeñito'marña ame'ñachet shonte' acheñenesha' —ama't judionesha' ñaña ama't ñeñit griegonesha'. ² Añña judionesha' ñeñit atpare'tene' Yompor po'ñoñ ñetñapa' toma'tam̄pset Pablo ñaña Bernabé. Nanac sasare'teñet taye'to' acheñenesha' ñeñit ama judioneshayayepa' cohuen enteññañet atto serrpare'ten. ³ Tarraña ama't e'moñe'tanet patantarr acheñenesha'pa' ñetñapa' ama mecha'teto. Alla atomatet serrpare'tet Yompor po'ñoñ. Orrtatet ñeñit acheñenesha' ama puentareto ñeñitña eñotatahuet po'ño'ch atto serrpare'tenetpa' añmapa' Yompor pomuereño't huapanet añ ñoñets. Yomporpa' nanac ahuamencat panet. ⁴ Atteñapa' añña patantarr acheñenesha'pa' e'ñe cohuen enteñet atet serrpare'tatanet Pablo ñaña Bernabé. Tarraña po'potantañña' ama. Ñetñapa' añña ame'ñatahuet judionesha'. Ñeñito'marña ama patrraye' cotape'chenoña acheñenesha' all. ⁵ Atteñapa' o'pacha shonte' judionesha' ama't ñaña ñeñit ama judioneshayeye ñaña ñeñit amcha'tarete'chnopa' o'pacha o'ch rromuet huomencpa' o'ch rrolle'chet. ⁶ O' e'mare'chet čha o'patarettenetpa' añña Pablo ñaña Bernabépa' o' yeterretpa' ahuanmuet ñaña Listro. Chapuet Listropa' čha asuanmuetpa' o' metet ñaña Derbo. Añpa' ñeñitara anets all otenet Licaonia. Erracmañen chopeñe'chet allo'mar. ⁷ All chopeñe'chneñetpa' all serrpare'tnenet Yompor po'ñoñ.

Allempo chapuet ñaña anetso pa'so'cheñ Listra

⁸ Allempo Listro'tsenetpa' allñapa' allo'tsen puesheñarr acheñ, čha echar-tena pa'tac, ama eshcaye' chope'cheno, ama't ahuatoteñ ñapa' atta eñalletña. Ñaña'papa' alla anen. ⁹ Allña anenpa' alla e'mñnotenat atet serrpare'ten Pablo. Pabloñapa' cohue' allapa' o' eñoch añ acheñpa' o' yemtana Yompor ñapa' o'ch a'crrater. ¹⁰ Ñeñito'marña Pablopa' atet och huomenc:

—O'ch notap̄, o'ch p̄aten.

Ahuepa'tcha' tanta allempocma allorocma čha chope'chnets. ¹¹ Allempo eñch allohuen acheñenesha'pa' čha rrannartet. Pocsheñofetpa' atet otet:

—¡Partsepa't! Ñeñit Parets yepen ñeñitapa't puenasetsa acheñ. Te'pa' o' chap e'ñe yesho. Añpa' atet otet po'ñoñeto ñeñit Licaonach.

¹² Añña Bernabépa' o' sochet, atet otet:

—Añepa't ñeñit yeyomporer Júpiter.

Pabloñapa' sochet ñapa' añ ñeñt po'yompor-ret Mercurio. Tarro'mar sochet atet ñapa' nanac serrpare'ten cohuen atet ñerra'm po'yompor-ret Mercurio. ¹³ Ñehua, acheñenesha' allpa' echenet po'prahua' allecmach ma'yochyete't po'yompor-ret ñeñt otenet Júpiter. Ñeñt'pa' e'ñe ñehua'poñ anaret allempopa' o'ch taya yerrota'nmos pa'netsreto. Ñeñt corneshatets puerahuopa' o' huapa. Huapatan huaquësh, huapatan ña'ma shonte' ror. Mueneñ o'ch muetset huaquësh Pablocop ña'ma Bernabécop tarro'mar chocma muetsete't huaquësh po'yompor-recop. Ña'ma tarro'mar atet muenen acheñenesha'. Ñetpa' cha otenapuetañ Pablo ña'ma Bernabépa' añte' ñeñt po'yomporer penet. ¹⁴ Allempoña eñoch Pablo ña'ma Bernabé ñeñt atet pena acheñenesha'pa' nanac lleca'rrtet. Puellquëñofetpa' o' rrarre'tet pa'shtampa' o' matra'tet allo'tsa'yen acheñenesha'. O' rrannaretnomuet, puerranarotetpa' ¹⁵ atet otet:

—Eso'marte'ca'ye masheñeshacha' atet sepena. Yapa'cho' arromña'eya atey ñerra'm sa. Ñeñto'marña o' yeserrpare'tatas cohuen ñoñets attotcha' sequechpueret ñeñt atet sepena ñeñt e'ñe orrena. Te'pa' añña pocetsta o'ch same'ñera Yompor ñeñt ama arromña'teshayaye, ñeñtara Yompor ñeñt ye'chcate' enet ña'ma pats ña'ma ñeñt añecmuen sa'p. Ña'ma ora allohuen ñeñt yentyen ento ña'ma ñeñt yentyen patsopa' ña ye'chcatue' ña'ma ñeñt sapo'tsen ña ye'chcatue'.

¹⁶ Alla oterraneterr Pablo:

—Ahuat Yomporpa' muenatan acheñenesha' o'ch pa'yeset ñeñt atet muena'yenet e'ñe ña'ñeñeta. ¹⁷ Tarraña ama a'ypo'ñano acheñenesha'. Chocma apanete't attoch eñochet po'ño'ch eñall Yompor. Chocma mueranete't ñeñto'marña chocma huatache't ñocpuet attot ye'chcanete't puenarmet, atto eñalletete't puerraret atto coshete't. Añpa' ñeñta ñeñt atet otan Pablo allohuen acheñenesha'.

¹⁸ Tarraña ama't atet otan acheñenesha'pa' o' alla muenereterr o'ch muetset huaquësh ñocpuet atet pete't po'yompor-recop. Tarraña Pablo ña'ma Bernabépa' ama muenataneto.

¹⁹ O' atomatpa' hua'cha'ta puesheña'tets judionesha' ñeñt huetsa Antioquío ña'ma Iconiot. Cotape'chatoset acheñenesha' po'poñ. E'moñe'tachet Pablo. Atteñapa' rrolle'chet Pablo. Rrolle'tuetpa' cha otapuetañ o'te' rroma. Chetare'tnomet pueblot a'yenet. ²⁰ Ñeñña ame'ñatsapa' alla arrotanpeñet alla cohueñetpa' ñañapa' ahuepa'tcha' alla tanterra, o' alla ahuerret pueblo. Tsapatñapa' Pablo ña'ma Bernabépa' ahuanerret alla Derbo.

²¹ Chapuet Derbopa' serrpare'tuerreterr Yompor po'ñoñ ña'ma all. Shonte' acheñ ñeñt allo'tsen ame'ñenet ñamet. Allempoñapa' ahuanerreterr Listro, ña'ma asuerreta' Iconio ña'ma Antioquío. ²² Ora allohuanen ta'yeset yenpuet ñeñt ame'ñetsa attotcha' huomenc pet pueyo'cher. O' cotape'chatanet ña'ma attoch chocma yemchet Yompor ama't esempo huapanet muerochteñets. Tarro'mar e'ñe yemurochteño' ye'chapcha' all añcha'taretta Yompor. ²³ O' na'yeset puesheña'tets acheñ ñeñt'cha' pompor pa'yes ñeñt pame'ñeñot ap'cha'yetsa. Puetore'teñofetpa' o' ma'yocham'pesyet ñeñt'cha' pomporne'sha' pa'yeset, atet ochet:

—Yomporepa'ch seyempue', ñeñtara Yompor ñeñt o' same'ña'huerra. Atet pa'yeset ora allohuen anetso all ame'ña'yesa acheñenesha'.

Allempo chacherret alla Antioquío allot ahuanmuet ahuaña

24 Allempoñapa' asuanerret Pisidio'mar allotpa' ahuanerret Panfilio. Cherret anetso ñeñ pa'so'cheñ Perge. 25 Serrpare'tuerreterr Yompor po'ñoñ all Pergo, allempoñapa' ahuanmuet ñaña Atalio. 26 Chapuet Ataliopa' allotñapa' ahuanmpset boto, o' alla chaçherret Antioquío ñeñfara anets allot ahuaña ñeñ ame'ñetsa all ma'yochamñsapanet attoch yenpanet Yompor esheccha' etsotoñet po'taruas. Te'ñapa' o' e'nuet. 27 O' chaçherret allpa' apçhachet allohuen ñeñ ame'ñetsapa' serrpare'tatueret ora allohuen atto Yomporpa' yenpanet. O' serrpare'tatanet atto Yompor a'pochtatanet, aña'na serrpare'tatet ñeñ ama judioneshayaye, añecop attoch ame'ñerret ñamet. 28 Alla atomatet parro epuet ñeñ ame'ñetsa.

15

Allempo a'pochtachet Jerusaléño ñeñicha' atet pet

1 Atteñapa' çhap ñaña acheñ ñeñ huetsa Judeot. Chapuetpa' o' yeçhatoset ñeñ ame'ñetsa all, atet otosanet:

—Te'pa' aña sepalltena attoch sequeshperra o'ch setsorranna'ta ñeñes asheñorres atet yeyçhena ya allempoteñ atet yeçhaterrey Moisés.

2 Aña Pablo ñaña Bernabépa' ama pocteye' eñcheto atet. Ñetpa' atet otet:

—Ama po'ñoçhaye' añ palltetsa o'ch yetsorranna'ta ñeñey asheñorrey.

Ñeñapa' alla nanac es otanna'tet. Ama a'pochtacheto. Ñeñto'marña allempopa' o' net Pablo ñaña Bernabé ñaña po'poñeçhno acheñ attoch ñetpa' o'ch ahuanmuet Jerusaléño o'ch enteñeta' Jesús puellsensarnesha' ñaña ñeñ pompornesha' pen ñeñ ame'ñetsa all. Añecop tet attoch o'ch a'pto'teneta' erra'tsente' pocte' ñeñicha' atet pet.

3 O' so'tuanma ñeñ ame'ñetsapa' ahuanmuet. Arr oñmuet Fenicio'mar allotñapa' ahuanmuet Samario'mar. Allña oñemuanmuetpa' all serrpare'tyesnomuet. Añ serrpare'tyesnomuet atto o' ame'ña ñeñ ama judioneshayaye. Pame'ñeñotetpa' o' a'ypo'ña'huerret ñeñ ahua't poctapñet. Ñeñña nanac coshate'ña allohuen ñeñ ame'ñetsa.

4 O' chapuet Jerusaléño'pa' e'ñe cohuen agapanet Jesús puellsensarnesha' ñaña ñeñ pompornesha' pen ñeñ ame'ñetsa all. Ñaña allohuen ñeñ ame'ñetsa allpa' o' agapanet e'ñe cohuen. Allempoñapa' serrpare'tatoset ora allohuen atet yenpanet Yompor. 5 Tarraña patantarr fariseonesha' ñeñ ame'ñetsapa' o' tantapa' atet ot:

—Acheñ ñeñ ama't ama judioneshayaye, añ palltetsa o'ch atsorrarettallohuen asheñorresha', ñaña allohuenetpa' otarettetepa' añ palltetsa o'ch ame'ñeññañet ñaña Moisés po'ñoñ ñeñ atet anaret ahua'toteñ.

6 Ñeñto'marña Jesús puellsensarnesha', ñaña ñeñ pompornesha' pen ñeñ ame'ñetsa allpa' o' apçhet attoch a'pochtachet este' poctetsa ñeñicha' atet pet.

7 Ñeñto'marña alla nanac es otanna'tyeset. Allempoñapa' o' tanta Pedro. Tantapa' atet otanet:

—Sapa' señoete'ña masheñeshacha' ahuaña Yomporpa' o' na'n na. Añecop na'n o'ch neserrpare'tach ama't ñeñ ama judioneshayaye. O'ch neserrpare'tatanet Yompor po'ñoñ attoch ame'ñerret ñamet. 8 Ñehua, Yomporpa' entennay yeyoçher. Ñapa' eñoteñ ama't añ ñeñ ama judioneshayaye o' ame'nyet pueyoçhreto. Ñeñto'marña o' chorratanet Puecamquëñ attecma atet chorrenya yaña. Attoña eñotatey e'ñe pocte' entenamet ñamet.

9 Ñeñto'mar yeñoteñ ama yaptayaya morrentenyo Yompor. Aña ama't

ñetpa' morrentenanet ama't ñeñt ama judioneshayaye. Pame'ñeñotetpa' ahuo't e'shohuerranet po'chñar ñeñt pueyo'chro'tsa'yenet. ¹⁰ Te'ñapa' eso'mare'tña ama pocteye' senteñe ñeñt atet o' pohua Yompor. Añecop ñeñt ame'ñetsapa' eso'mare'tña semneñ o'ch senanet ñeñt nanac torrapo' entenet. Ama't ya judioneshaypa' amach erroteno o'ch yetsotua allohuen ñeñt atet anaret. Ama't yatañneshañpa'cho'ña ama etsotete'te. ¹¹ Añcha'ña yeñot e'ñe Yepartseshar Jesús pomuereño'pa' o'ch yequeshpa, atecmach qeshpet ñamet.

¹² Ñeñta e'm allohuen ñeñt ap'chatsa allpa' alla moma'rrtet. Atto e'mñochet. Bernabé ñaña Pablo'pa' ña nanac serrpare'tatahuet. Añ serrpare'tatanet atto Yomporpa' nanac ahuamencat ñanet ahuaña allempo serrpare'teneta' allo'tsa'yen ñeñt ama judioneshayaye. Ñeñto'marña orrtatanet ñeñt ama puentareto ñeñtcha' eñotatahuet añmapa' po'ño'ch Yomporshot huena. ¹³ O' serrpare'tuetpa' allempoñapa' atet ot ñaña Jacobo.

—O'ch masheñneshacha' se'mñoeten nanña. ¹⁴ Simón Pedropa' o' serrpare'tatuas atet Yompor te'pa' o' orrtatan pomuereña añecop ñeñt ama't ama judioneshayaye. Ñaña ahuo't orrtatan pomuereña añecop ñeñtcha' ame'ñatahuet attoch aye'cho'chtatoñet Yompor pa'so'cheñ ñamet. ¹⁵ Po'ño'ch te'pa' o' etsota ñeñt atet oteney ñeñt a'mtaye't Yompor po'ñoñ ahua't. Añpa' ñeñt atet quellqu'e't ahua't atet ñerra'm Yompor otatse't:

¹⁶ Allempo o'ch meten shonte' charpa' napa' o'ch alla norrtaterr puesheñarr ñeñt David po'mrenño' ñeñtcha' ahuamencattatsa atet ahuamencatte't ahua't pa'tañ David. Tarro'mar shonte' char ama't puesheñarrapa' ama orrteno David po'mrenño' ñeñt nanac ahuamencat.

¹⁷ Añecopcha' norrtater allochñapa' ama't po'poñe'chno acheñenesha' ama't ñeñt ama judioneshayaye o'ch ame'ña'hueret ñamet Yompor, ñaña allohuen erra'tsencha' muenats.

¹⁸ Atet ot Yompor ñeñtara ñeñt eñotatey ahuatoteñ ñeñtcha' atet pa. Añpa' allohua ot ñeñt a'mtaye't Yompor po'ñoñ ahua't.

¹⁹ Alla oterterr Jacobo:

—Te'pa' añña e'ñe pocte' nenten na amach ya'mñe'chatatsche ñeñt ama judioneshayaye ñeñt o' puesuerran ñeñt ahua't pocta'ña attoch ame'ñeret Yompor. ²⁰ Te'pa' añña pocte' o'ch yequellcanet ñeñtcha' ama ñatseto ñeñt'pa' añ: Amach rratsteto po'chets ñeñt muetsenet aye'hcataretecop ñeñt po'yomporer pen ñeñt ama judioneshayaye ñeñtara ñeñt ama ame'ñetso. Ñaña o'ch yot Janet amach chetapretatsteto ñaporet. Ñaña o'ch yot Janet amach rratsteto ñeñt muetsenet ñeñt atta a'pañaret, ñaña amach rratsteto ñeñt ño'shetsa oño. Ñaña amach es rratsteto es po'rras.

²¹ Alla oterterr Jacobo:

—Añpa' ñeñt'ach atet yequellcanet. Tarro'mar ahuatoteñ o' serrpare'tuoñet Moisés po'ñoñ ora allohuen anetso'mar. Ñaña pate'tets semana añ judionesha'pa' chocma lleyeññañet Moisés po'ñoñ all po'prahueto. Añpa' allohua atet ot Janet Jacobo.

²² Allempoñapa' o' a'poctachet o'ch net puesheña'tets ñeñt e'ñe allo'marnesha' ñeñtcha' mueñet Antioquío, o'ch coteret Pablo ñaña Bernabé. Atetpa' e'ñe pocte' eñch allohuen—Jesús puellsensarnesha' ñaña ñeñt pompornesha' penet, ama't ñaña allohuen ñeñt ame'ñetsa all. Añ net Judas

Barsabás ñaña Silas. Añña epsheña acheñpa' e'ñe cohuen eñch allohuen ñeñt ame'ñetsa. ²³ Ñetpa' o' anmuet, ñeñt atet oten carta:

“Masheñeshacha' ñeñtes yeçhetsa anetso Antioquíó ñaña Sirio ñaña Cilio: Allohueny ñeñtey ame'ñetsa o'ch yehuomícha'tas sa añ yecartot—ñeñtey Jesús puellsensarneshay ñaña ñeñtey pompornesha' pen ñeñt ame'ñetsa arr. O'ch yehuomícha'tas sa ñeñtes ame'ñetsa saña ñaña ama't ñeñtes ama judioneshayayso. ²⁴ O'ch yotas, yapa' o' ye'mare'ch o' çhap sesho puesheña'tets acheñ arrot ñeñt muenets o'ch a'mñechatasa. Ñetñapa' o' nanac moññe'tatasa soctapña. Tarraña te'ñapa' o'ch yotas, añ acheñpa' ama yaye' mueñenaye. ²⁵ Ñeñto'mar pocte' yenteñ allohueny o'ch yene' epsheña acheñ ñeñtcha' yemñonas epuet Bernabé ñaña Pablo ñeñt nanac yemuerena. ²⁶ Tarro'mar nanac yemorrentenanet ahuañapa' all serrpare'teneta' autsañ muene' amtsanataretetuet all. Tarro'mar e'ñe puemorrenteño'tet Yepart-seshar Jesucristo atet a'parettet. ²⁷ Añ yemñonas Judas ñaña Silas. Ñetpa' o'ch serrpare'tatenseta' ora atet yoten ya arr. ²⁸ Parets Puecamquëñpa' o' eñotatey ñeñt e'ñe pocte' yenten ñeñtcha' yenonas. Amach aña yenonaso ñeñt nanac torrapo'. Te'pa' añ palltetsa ñeñtcha' atet sepa. ²⁹ Amach serratsto po'chets ñeñt muetsenet ayeçhcataretotec ñeñt po'yompore penet. Ñaña amach serratsto ñeñt muetsenet ñeñt atta a'pañaret. Ñaña amach serratsto es po'rrias. Ñaña amach sechtapretatsto taporets. Ñerra'm amach atet sepo ñeñt pa' e'ñech pocte'. Añpa' ñeñt ach yotas. Yomporepa'ch sa'nataya.” Añpa' allohua huañ ñeñt atet oten carta.

³⁰ Allempoñapa' o' mueñet Judas ñaña Silas epuet Pablo ñaña Bernabé. O' ahuanerret Antioquíó. Chaçherret Antioquíopa' o' apçhatuet allohuen acheñenesha'pa' o' aposanet añ carta. ³¹ Ñeñt apçhatsapa' o' lleyet añ carta. Lleya'huetpa' nanac coshatanet ñeñt atet actape'chataretet cartot. ³² Añña Judas ñaña Silas, ñetpa'çho'ña nanac a'potoñet Yompore po'ñoñ ñamet. Ñetpa'çho'ña a'mñeten Yompore po'ñoñ. Nanac serrpare'tatet. O' cotape'chachet e'ñe cohuen ñeñt ame'ñetsa allochñapa' huomenccha' pet pueyoçher. ³³ O' allponmatet allpa' allempoñapa' secherret allot amñareñtet ahuaña. Ñeñt ame'ñetsa Antioquíopa' o' so'tneret e'ñe cohuen, otanet:

—Yomporepa'chña ya'nataya parro allohueny.

³⁴ Tarraña Silaspa' mueneñ o'ch a'pa all, Judaspa' o'ch ahuerr. ³⁵ Añña Pablo ñaña Bernabé allponmaterret Antioquíó. Yeçhatapretereta' epuet po'poñeçhno ñeñt yeçhatets all. Serrpare'tapretereta' Yompore poñoñ epuet po'poñeçhno.

Allempo puepocheño ahuerrerr Pablo serrpare'tats allemeñ anetso'mar

³⁶ Atteñapa' o' atomat Pabloñapa' otan Bernabé:

—O'ch ahuerrrey, o'ch yabçhera' ñeñt ame'ñetsa ora allohuen anetso all yeserrpare'toñ Yompore po'ñoñ ahuaña attoch yeñoç errotentette'ña te'.

³⁷ Bernabéñapa' aña e'ñe pocte' ent o'ch cota'ner Juan Marcos. ³⁸ Tarraña Pablopa' ama pocteye' eñche tarro'mar ahuaña allempo çhapuet Panfilio, Juan Marcospa' çha sa'nerranet, o' puerrerra. Ama allo'na yempuenaneto all serrpare'tyeset. ³⁹ Ama erroteno a'pochtacheto, çha sa'nannerret. Bernabépa' aña aner Marcos. O' ahuanmpset boto, chaçherret Chipro. ⁴⁰ Pabloñapa' aña e'ñe pocte' ent o'ch anerran Silas. Ñeñt ame'ñetsa allpa' o' so'tneret, e'ñe cohuen otneret:

—Yompor e'ñe pomuereño'pa' a'natyepa'ch.

Allempoñapa' ahuanenet. ⁴¹ Asueneta' Sirio'mar ñaña Cilicio'mar. Aloñapa' yenpuet allohuen ñeñit pame'ñeño' apchetsa parro. O' yenpuet añecop atoch huomenccha' pet pueyo'cher.

16

Allempo Timoteopa' cota'nerran Pablo ñaña Silas

¹ Pablo ñaña Silaspa' asuerreta' anetso añ pa'so'cheñ Derbe. Aloñapa' ahuanerret alla Listro. Allñapa' allo'tsen puesheñarr acheñ ñeñit ame'ñetsa añ pa'so'cheñ Timoteo. Ñeñit Timoteopa' añ pachor pen judionesha' ñeñit ame'ñetsa. Pomporñapa' ama judioneshayaye aña griegonesha'. ² Ñeñit ame'ñetsa Listro ñaña Iconiopa' nanac cohuen enteñet Timoteo. ³ Ñeñito'marña e'ñe pocte' eñch Pablo o'ch cota'nerranet Timoteo. Tarraña ato'tña anemhueta' allcha' tsorreñet atet ye'chena joreyonesha', tarro'mar allcha' tetpa' shonte' judionesha'. (Ñehua, Pablopa' ama mueno o'ch atsrre'mach judionesha'.) Allohuenetpa' o' eñotuet ñeñit Timoteo pomporpa' ñeñit ama judioneshayaye aña griegonesha'. ⁴ All oñomyeset allemeñ añetsopa' otuosanet añ ñoñets atet a' poctat Jesús puellsensarnesha' ñaña ñeñit pompornesha' penet Jerusaléno. Añ eñotatuosanet ñeñit'cha' atet pet. ⁵ Atteñapa' allohuen ñeñit ame'ñetsapa' e'ñe pame'ñeño'fet allo'na senet huomenc pa'nmuet pueyo'cher. Pate'tets yetpa' allo'na sen atonetnomtsa ñeñit ame'ñetsa.

Allempo Pablopa' entan macedonio'marnesha' atet ñerra'm cho' chopo'teñ

⁶ Allempoñapa' arr asuerreta' ñaña Frigio'mar ñaña Galacio'mar tarro'mar Parets Puecamquēñpa' ama muenataneto o'ch serrpare'toñet Yompor po'ñoñ all Asia'mar. ⁷ Allempoñapa' ahuanmuet ñaña tenonet, chapmochet Misio ñaña arr sechet Bitinio'mar, tarraña Jesús Puecamquēñpa' ama muenataneto. ⁸ Atteñapa' metuet Misio'mar o' cha'cha'tet Troaso. ⁹ Chacha'tet Troaso tsapoñapa' añña Pablopa' orrotoña atet ñerra'm cho'es ye'chopo'ten. Atet ñerra'm pue'chopo'ño'pa' o' entan puesheñarr acheñ macedonio'marnesha' alla ten, atet otare'ch: "O'ch sona'cha't arr Macedonio, o'ch seyenpuenya'." ¹⁰ Allempoña errete' orretuoña macedonio'marnesha'pa' yañapa'* o' yesecha o'ch ahuey Macedonio, tarro'mar yoten po'ño'chte' chore'teney Yompor allochñapa' o'ch yeserrpare'teññaña' po'ñoñ all Macedonio.

Allempo chap Pablo ñaña Silas Filiposo

¹¹ Allempoña Troasotpa' año ahuanpsey boto. E'ñe pacharra yepe' o'ch ye'chap anetso añ pa'so'cheñ Samotracia. Allñapa' all yetsotnoma. Yahuanerrerr allotpa' tsapatñapa' o' ye'chap ñaña anetso Neápoliso. Allñapa' all yetsotuererr. ¹² Yahuanerrerr allotpa' o' ye'chap ñaña anetso añ pa'so'cheñ Filipos allpa'cho' all yetsotosa. Añ anets Filipospa' nanac atarr anets. Po'poñe'chno anets alla Macedonio'marpa' ama atarroyaye. Allñapa' allo'tsa'yen shonte' solltarnesha' ñeñit romo'marnesha'. Yapa' alla ya'llponmotos all. ¹³ Allempoña chap allempo amesen judionesha'pa' yañapa' yahuanma anetsot a'yo. O' ye'chap ontapo all ye'nen ñato' allcha' ma'yochet. Yaña allpa'yentos puesheña'tets coyanesha'chno all anorrchenet. Yañapa' o'cho' yanorr'cha'tos yama. Allempoña yapa' yeserrpare'tatanet

* **16:10** Ñehua, e'ñe allempocmapa' o' cota'nmanet ñaña Lucas, ñeñfara ñeñit quellquē' añ ñoñets.

Yompor po'ñoñ. ¹⁴ Puesheñarr coyanesha' ñeñf allo'tsen añ pa'so'cheñ Lidia ñeñ huetsa anetsot añ pa'so'cheñ Tiatira. Ñaña'pa' aña po'taruas pen atto vendenan shetamuets yetsñorromamuen. Ñaña'pa' ame'ñenana Parets. Allempoña e'mñotan Pablo ñeñf atet serrpare'ten añña Yomporpa' o' chapatoñ pueyocho ñeñf atet serrpare'ten Pablo. ¹⁵ Lidiaña pame'ñeño'pa' allenta apataretta, ñaña o' apataretta ñeñf parro ye'chenet pocollo. Ñaña'pa' o'cho' hua'ña'nerrey pa'paclo, atet ot:

—Ñerra'm e'ñe pocte' sentenen atto name'ñera Yepapar, o'ch sehuapa nepaclo ñato' allcha' sommosa.

Ñaña'pa' otare'tey yonepa'to' ñeñfo'marña yapa' o' ahuey.

¹⁶ Parrochña'pa' allempo yeta ontapo allecma ma'yochenet toñoñapa' yentnom' puesheñarr shopshesha' ñeñf chorrena oneñeñ. Añña oneñeñpa' ñach eñoratene' shopshesha' ñeñfo'marña ñerra'm erroten otanetpa' atto'ch'cho' pa. Amach pueno po'ñoñ ama't mamesha. Añña shopshesha'pa' eñall ñeñf pamo'mte' pen po'poñe'chno acheñ. Ñetña'pa' nanaccha' ganatenanet quelle atto eñotañena. ¹⁷ Ñaña'pa' chocmach cota'nomye't epay Pablo. O'ch cota'nmuey'pa' o'ch rranare'tnoma chenta'pa' atetcha' ot:

—Añ encaneshachnopa' añ sherbenet Yepapar Ñeñf Nanac Parets. Arrpa' añecop huenet attoch o'ch serrpare'tataset attoch sequeshperra.

¹⁸ Atteña'pa' ama't atomatpa' attecma' pena. Atteña'pa' o' a'mñechatana Pablo. Pabloña'pa' allenta puetallsapa' o' otan oneñeñ:

—Te'pa' e'ñe po'huamencot Jesucristopa' o'ch notap, peque'chpa'ner shopshesha'.

Allempocmuepa'tcha' que'chpa'nerran shopshesha'.

¹⁹ Añña pamo'mtaynesha'pa' cotape'chetpa' otet:

—Te'pa' llequëñtsa, o' huañerr allo yeganena quelle.

Allempoña pa'tsrre'mueño'etpa' o' rromuet Pablo ñaña Silaspa' annarettet e'ñe po'huamencocma, o' achapataretet allo'tsa'yen añcha'taretnesha' allecma a'pocmatenet ñoñets. ²⁰ Allempoña achapataretet allo'tsa'yen guardia pa'mcha'tareternesha'pa' o' otoset:

—Añmapa' ñeñf judionesha'. Nanac atsrre'mo'chtenet arr ya'netsro.

²¹ Ñetpa' ye'chatenyet atet ye'chenet ñet ñeñpa' ama pocteye' yenteñe ya. Yapa' romo'marneshaypa' ama cohuen yenteñe o'ch atet yepa.

²² Allohuen acheñenesha'pa' nanac atsrre'mateñet. Ñeñña guardia pa'mcha'tareternesha'pa' atet otan pueyochresha':

—Te'pa' o'ch serrotanetpa' o'ch senallanet.

²³ Allempoña'pa' o' nallet Pablo ñaña Silas nanac huomenc. Allempoña o' anallaretuetpa' o' abe'tarettet ñaña cárcel; atet ochet ñeñf cohuanpene' cárcel:

—O'ch secuam'psanet e'ñe huomenc.

²⁴ Allempoña atet otaretuetpa' añña ñeñf cohuanpene' cárcelpa' o' abe'tanet nanac o'pono. Allña'pa' nanac echarr pam'psanet ñaña o' armatan'psarettet pa'tcot tablat e'ñe echarr.

²⁵⁻²⁶ Atteña'pa' o' ma'yocha Pablo ñaña Silas. Ñaña o' morrechet, puemorcheño'etpa' nanac aye'cho'chtateññañet Yompor. Añña po'poñe'chno acheñ ñeñf abe'taret ñaña allpa' ñetña'pa' o' e'mñotanet. Allempoña chap rro'ch tsappa' machayotepa'tcha' pella pats nanac huomenc, ama't allo' tomatenet echarr cárcelepopa' cha pa'shma huomenc. Puepelleño'f pats huomencpa' o' torna'tua ora allpon all ayottam'psarettenet. Ñaña ora

allpon allo huanquëñet acheñpa' o' pueyna'tuen. ²⁷ Allempoña ahuo't e'mansa ñeññ cohuam̃pene' cárcelepopa' ahuo't entan o' torna'tuen allo ayottam̃psarettenetpa' o' chetan po'cchell o'ch muetsa ñañeña. Ñapa' cho' otapañ ñeññ ayottam̃psaretpa' o'te' yetuena. ²⁸ Añña Pablopa' o' chore'ch huomencpa' atet och:

—Amach errot pe'patsto ama't mamesha. Yapa' allo'tsa'yenya allohueney.

²⁹ Allempoñapa' aña enamnom lampareñpa' mata allo'tsen Pablo ñaña Silas. Puem̃chaño'pa' cha pa'shmuena ñaña e'ñe puem̃cha'na'teño'pa' o' concorposa e'ñe ñesheto. ³⁰ O' cha'nma'cha'tatanetpa' atet otanet:

—Nomporneshacha' ¿esfe'ña pocte' te' ñeññcha' atet ne'pa attoch nequeshperra naña?

³¹ Ñetñapa' atet ochet:

—Añ pocte' o'ch pame'ñera Yepartseshar Jesucristo, allochñapa' attoch pequeshperra. Ñaña attoch queshperra ñeññ parro pey'chena pepaclo.

³² Allempoña ñeññ cohuam̃pene' cárcelepopa' o' a'secherranet pa'paclo, allñapa' serrpare'tachet Yompor po'ñon, ñaña allohuen ñeññ pa'paclo'tsen o' e'mñotet ñamet. ³³ Allempocma ñeññe tsaprocma o' e'pana'tyerranet all atserrparettet. Allempoñapa' o' apataretta ña, ñaña allohuen ñeññ pa'paclo'tsa'yenpa'cho'ña o' apatarettet ñamet. ³⁴ A'tapatamet pa'paclopa' rranet. Pame'ñeño' Yompor atarr nanac cosha. Ñaña allohuen ñeññ pa'paclo'tsenpa' atarr coshet ñamet.

³⁵ Tsapa't puetarenpa' añña guardia pa'm̃cha'tareternesha' o' mueñet puesheñarr guardia, ñeññcha' otosets:

—O'ch sa'rroyer Pablo ñaña Silas.

³⁶ Ñeññ cohuam̃pene' cárcelpa' atet otan Pablo:

—Oten am̃cha'taret se'cha'nerrepa'to'. Te'ñapa' orrerres, Yompor'e'pach sa'nataya.

³⁷ Tarraña Pabloñapa' atet otanet:

—Yapa' romanona'tarey yaña. Ñeññ ñoñets anaret Romotpa' oten ama pocteyaye o'ch yecoñchach acheñ ñerra'm ama yeñoteña' po'ñochte' eñall atto otteñe'cheñet acheñ. Tarraña añña am̃cha'tareternesha' ama e'nano ñeññ e'ñe po'ño'ch atet yepena. Afra nallatyet allo'tsa'yen shonte' acheñenesha' allotñapa' o'cho' atfa yottam̃psatyet arr cárcelo. Te'ña ñetpa' mueneñet o'ch cha'nmaterryet e'ñe a'nahua. Ñeññpa' ama pocteyaye atet. Te'pa' o'ch sotuer am̃cha'taret huapuetepa' arr cha'nmaterryetepa' e'ñe ñet.

³⁸ Añña guardiapa' otuerran pa'm̃cha'tareternesha' atet oten Pablo. Ñetñapa' cha yorenet allempo e'mare'chet ñetpa'cho'ña romanona'taret ñamet. ³⁹ Allempoña hua'cha'tetpa' enamaretterret peretneñets. Allempoña cha'nmatenanetpa' atet otanet:

—Te'pa' orrerres, sahuannerra bachayo.

⁴⁰ Allempoña cha'nenet cárcelo'pa' ahuanerret o'ch alla abchereta' Lidia. Allempoñapa' serrpare'tuerret parro ñeññ ame'ñetsa, cotape'chatuanerret cohuen, allempoñapa' ahuanerret allot.

17

Allempo chap Pablo ñaña Silas Tesalónico

¹ Allempoña ahuanerret allotpa' ahuanmuet anetso Anfípoliso, allotñapa' ahuanmuet ñaña anetso Apolonio. Allotñapa' o' chapuet ñaña anetso ñeññ pa'so'cheñ Tesalónica. Allñapa' allo'tsen judionesha' po'prahua'. ² Pabloñapa'

o' be'tosos ñeñĩ attecma pena. Allñapa' serrpare'tatosanet Yompor po'ñoñ. Allñapa' ma'panerr semana. Allempoña chen yet allempo amesenetpa' o'ch'cho' serrpare'tatanet Yompor po'ñoñ ñeñĩ atet aquellcaret. ³ Allpa' añ yechatanet atet anaretta ñeñĩ'cha' Cristotats ñerra'm esempoch huapa añ patsropa' nanaccha' muerochtachet. Tarraña o'ch muerochtatueta' elloch alla tanterra ama'tcha' rroma. Atet otanet:

—Te'ñapa' o'ch notas, añ Jesús ñeñĩ'tara ñeñĩ o' neserrpare'tatuaspa' ñeñĩña Cristotets.

⁴ Puesheña'tetspa' pocte' eñchet o' ame'ñyet Jesús ñeñĩto'mar ñetpa' yemteñet Pablo ñaña Silas. Ñaña shonte' griegonesha' ñeñĩ ahuatoteñ cohuen cotape'chets Partsocoppa' o' ame'ñeñet Jesús. Ñaña shonte' coyaneshachno ñeñĩ e'ñe cohuen entyen acheñenesha' ñetpa'cho'ña o' ame'ñerret ñamet. ⁵ Judionesha'ña ñeñĩ ama ame'ñetsopa' ama pocteye' enteñeto attoch acheñenesha'pa' o'ch yemchet Pablo, ñeñĩto'marña puesope'cheño'fetspa' o' e'moñe'chet. Ñeñĩto'marña a'sechet puesheña'tets acheñ ñeñĩ ama tama es sherbetso ñeñĩ atta ellapetse't anorrets all shontena acheñenesha'. A'sechet o'ch ap'chachet shonte' acheñ attoch e'moñe'tachet Pablo. Ñetña pa'tsrre'mueño'fetspa' ahuanmuet Jasón pa'pacillo all a'posa Pablo ñaña Silas. O'pachet errotenotpa' o'te' cha'nmacha'tet a'yot attoch acheñenesha'pa' o'ch rromuet. ⁶ Allempoña cha'cha'tet Jasón pa'pacillopa' tarraña ama entaretteto. Ñap'ña rromuet Jasón ñaña po'poñe'chno acheñenesha' ñeñĩ ame'ñetsa. Ñetaña anmarettatset añcha'taretesho. Pa'tsrre'mueño'fetspa' nanac ama'to'chetnomuet attota'cho' chapuet allo'tsen añcha'taretnesha'. Allñapa' atet otoset:

—O' chap acheñ ñeñĩ muenene' o'ch a'po'poñeterrnay yoc'ap'ña. Atto' pohuanmuet ama't po'poñ anetso'mar, te'pa' o' chapuet ñaña arr.

O' alla oterreterr:

—Añ Jasónpa' o' agapanet e'ñe cohuen te'pa' ñaña pa'pacillo a'puenet.

⁷ Ñetpa' ama pocteye' enteñeto atto añcha'taret o'ch nan ñoñets all anetso Romo. Ñetpa' añña otenet e'ñallo' po'poñ añcha'taret ñeñĩ nanac ahuanencat ñeñĩpa' año' pa'so'cheñ Jesús.

⁸ Acheñenesha'ñapa' ñeñĩfa e'muetpa' nanac atsrre'muet ñaña ama't añcha'taretnesha'. ⁹ Allempoña Jasón ñaña po'poñe'chno acheñpa' o' ayoram'psarettet allpon po'çllayoret. Allo'pa' otarettet:

—Añ quellepa' allach yapuerres ato't ahuerria' Pablo ñaña Silas.

Allempoñapa' a'rroyeret Jasón ñaña po'poñe'chno acheñ.

Allempo chap Pablo ñaña Silas anetso Bereo

¹⁰ Allempoña acheñenesha' ñeñĩ ame'ñetsapa' o' mueñeret Pablo ñaña Silas Bereo. Tsapocma amñareñetenet a'nahua. O' chapuet Bereopa' be'tos'cha'toset judionesha' po'prahuo.

¹¹ Añña judionesha' ñeñĩ Bereo'tsa'yenpa' ñetñapa' e'ñe cohuen cotape'chenet ama atteyayeto atet ñerra'm judionesha' ñeñĩ Tesalónico'tsa'yen. E'ñe pocsheñesha' e'ññotoñet Yompor po'ñoñ, allotña ñetpa' o' e'nyeset Yompor po'ñoño all aquellcaret ahuatoteñ. Tarro'mar ñetpa' mueneñet o'ch eñochet ñato' po'ño'chte' atet serrpare'ten Pablo ñaña Silas. Pate'tets yetpa' attecma pete't. ¹² Ñeñĩto'marña shonte' acheñenesha' ñeñĩ ame'ñetsa. Shonte' ñaña coyaneshachno ñeñĩ griegonesha' ñeñĩ nanac sherbetspa' o' ame'ñenet ñamet. Ñaña po'potantañ shonte' yacmanesha' o' ame'ñenet. ¹³ Añña judionesha' ñeñĩ yechetsa Tesalónicopa' o' e'mare'chet

Pablo o' alla serrpare'tuerranerr Yompor po'ñoñ ñaña Bereo. Ñeñto'marña hua'cha'tet ñamet all attoch atsrre'matachet acheñenesha' o'ch e'moñe'tachet Pablo. ¹⁴ Añña acheñenesha' ñeñt o' ame'ñapa' o' mueñet Pablo tepa'to' onto allo'tsen sa'p atarr. Añña Silas ñaña Timoteopa' alla a'pa Bereo. ¹⁵ Puesheña'tets acheñpa' o' cota'nmet Pablo. Ñetpa' alla neñeta' Pablo anetso ñeñt pa'so'cheñ Atenas. Allña so'tanna'tuet Pabloñapa' atet otanet:
 –O'ch sotuer Silas ñaña Timoteo onetepa' ñamet e'ñe ñayecma.

Allempo chap Pablo ñaña Silas Atenso

¹⁶ Pabloñapa' alla cohuanet Atenso. Allña cohuanetpa' shonte' entosan aye'chcatarete'chno all Atenso, ñeñt po'yomporer pa'yen acheñenesha'. Ñaña'pa' nanac llecachet. ¹⁷ Pabloñapa' mueneñ o'ch be'tos judionesha' po'prahuo attoch serrpare't epuet parro judionesha' ñaña po'poñe'chno acheñ ñeñt cohuen cotape'chets Partsocop. Pate'tets yetpa' o'ch'cho' ahuo' all shontena acheñenesha' pueblo allña'pa' o'ch'cho' serrpare'tet parro ñeñt allo'tsa'yen. ¹⁸ Parrochpa' aña huapatsa ñeñt ame'ñenaya Epicuro pocta'pña, allotpa' o' huapa ñaña ñeñt ame'ñenaya po'poñ cotapñats ñeñt otenet estoico. Ñetñapa' atet otet:

–¿Esfe'ca'ye cotape'chenña añ acheñ ñeñt atta nanac eñets?
 Po'potantañña'pa' atet otet:

–Ñato' aña'e' muenen o'ch ye'chatey po'poñ po'yomporer ñeñt ama yentare ya.

Tarro'mar Pablo'pa' añ serrpare'tatenanet atet pena Jesús ñaña ama't atto tantera Jesús. ¹⁹ Ñetñapa' o' anmet Pablo all oteñet Areópago allecma ap'chena eñotañnesha'. Allña'pa' otoset:

–Ñehua, te'pa' o'ch potey este'ña pocta'pe'chen pa. Yapa'te'pa' yemneñ o'ch ye'noch. ²⁰ Tarro'mar ñeñt peserrpare'tenpa' ama ye'mare. Yapa' yemneñ o'ch ye'noch este' nanac potén.

²¹ Ñehua, allohuen atenso'marnesha' ñerra'm añ serrpare'tats ñeñt ama puentaretopa' ellapenetcha' e'mñotet. Ñeñfach paterr ma'yo'chret. Ñaña ñeñt ye'cha'huerra Atensopa' ñeñt huapyetsa po'poñ anetsotpa' te'pa' atta penet ñamet.

²² Allempoña Pablo'pa' tomos rro'cho all oteñet Areópogopa' atet otanet:

–Atenso'marneshacha' napa' neñotenes sapa' aña atarr sema'yo'chrena ñeñt seyomporer sepa'yen. ²³ All nasuanempa' shonte' nentyesnom ñeñt sema'yo'chyena ñeñt seyomporer sepen. Paterr allecma sema'yochenapa' napa' nent all oten añ ñoñets: “Añpa' añecop Yompor ñeñt ama yeñotena.” Ñeñt sema'yochena ñeñt ama señotena'pa' ñeñfara Yompor te'pa' ñeñfcha'ña neserrpare'tatas.

²⁴ Añ ñeñfara Yompor ñeñt ye'chcate' añ pats. Ñaña ye'chcatan allohuen ñeñt yentyen aña patsro. Ña Pamo'mte' pen enet ñaña pats. Ñeñto'marña ya ñeñtey arromña'feypa' ama pallteno o'ch yeyechcatoñ allcha' ye'cha. ²⁵ Ñaña ama pallteno o'ch es ya'p. Ñocop ama es palltetso. Elloña ñaña yapuene' allohueny atto yocrrena, apuene' ñaña atto yo'rerrerena. Ñapa' apuene' ora esocmañen.

²⁶ Ora allpon pa'namen acheñ ñeñt ye'cha'yetsa aña patsro Yomporpa' ña ye'chcatue' e'ñe puesheñarrofa' acheñ. Ñapa' o' nohuanet e'ñech allempo-hua corra'yaset. Ñaña o' na'yesianet e'ñech erra ye'cha'yaset aña patsro.

²⁷ Tarro'mar Yomporpa' ye'hcatan pa'namen acheñ tarro'mar añ co'tape'ch allochñapa' allohuen acheñpa' ñerra'm e'ñe aco'pa e'neretpa' po'ño'chpa' enteretcha'. Ñapa' allame'ttso'tsenate' yeshot. ²⁸ Tarro'mar e'ñe ñeshof' te'pa' yocrrena ñaña e'ñe ñeshof'pa' yechope'chen, ñaña e'ñe ñeshof'pa' ye'ñalleta. Ama't atet quellqu'et ahuat puesheñarr samo'ts sa ñeñ' etsotaye't ñoñets. Añmapa' ñeñ' quellqu'et samo'ts ahuat: "Te'ña po'ño'ch Yomporpa' puechmeresha' peney."

²⁹ Alla oterrerr Pablo:

—Ñehua, ñerra'm po'ño'ch Yompor puechmeresha' peney ya, ama pocteyaye o'ch yoch Yomporpa' arrot aye'hcataret orot, amapa' arrot aye'hcataret asreto't, amapa' arrot aye'hcataret mapyot. Añmapa' ñeñ' aye'hcataretpa' e'ñe ya yoctapño'fa aye'hcataret, atet es yetma'ntatena ya. ³⁰ Ahuat acheñpa' ama't ama eñotenano ñeñ' cohuentetsa Yomporcop, Yomporpa' amach errot paneto. Tarraña te'ñapa' oteney yoctape'cherrepa' ello cohuen Yomporcop, allohueney acheñey ñeñ'fey corra'yetsa añe patsro.

³¹ Yomporpa' tarro'mar mueneñ o'ch yoctape'cherr etserra tarro'mar ñapa' o' ne' esempoch allohueneypa' yorrterrach ñesho. Te'pa' o' nan Jesús ñach acrerre' allohuen acheñ ñeñ' e'ñe po'ño'ch atet pete't. Acrancha' ñeñ' cohuen acheñ ñaña ama't ñeñ' ama cohueno acheñ. Ñeñ'o'marña te'pa' o' eñotatuay Jesús'pa' ñach acrerrets tarro'mar Pomporpa' o' tantater ama't o' rromua ñaña Jesús'pa' e'ñe pocte' es pen. Te'pa' o' eñotatuay allohueney acheñey.

³² Allempoña serrpare'tan Pablo attoch yetanterra ellopa' añña puesheña'tets acheñpa' o' achm'are'chet. Tarraña po'potantaññapa' atet otet:

—Ñehua, ñato' esempochña ye'mñoterrperr po'pocheño.

³³ Allempoñapa' ahuer Pablo. ³⁴ Tarraña puesheña'tetspa' yemchet Pablo ñaña o' ame'ñet. Añña puesheñarr ñeñ' ame'ñatsa añ pa'so'cheñ Dionisio ñeñ'tara ñeñ' añcha'tarettetsa ñeñ' a'poc'atene' ñoñets all oteñet Areópago. Ñapa' o' ame'ña, ñaña po'psheñeñ coyanesha' ñeñ' pa'so'cheñ Dámaris. Ñaña po'poñe'chno acheñ o' ame'ñet ñamet.

18

Allempo chap Pablo Corinto

¹ Allempo ahuo' ñaña anetso all oteñet Corinto. ² Chap Corintopa' entosan puesheñarr judionesha' añ pa'so'cheñ Aquila. Ñapa' erre'te huetsa Italiot epuet puetapor ñeñ' pa'so'cheñ Priscila. Añ'o'mar huenet Italiot tarro'mar añcha'taret Claudiopa' o' nan paterr ñoñets all Italio. Ñeñ'pa' atet ot: Allohuen judionesha'pa' ahuanerretepa'to' Romot. Aquilapa' arr eñalletña Ponto. Pabloñapa' ahuo' o'ch entenana' Aquila epuet puetapor. ³ Ñetpa' ñeñ'ña po'taruas penet atto ye'hcatenet shetamtsopo'. Pabloñapa' alla a'pa epuet attoch taruaset parro. ⁴ Pate'tets semana allempo chen yet allempo amesenet Pabloñapa' o'ch'cho' ahuo' judionesha' po'prahuo. Allñapa' allcha' serrpare't epuet judionesha' ñaña ñeñ' ama judioneshayaye. Ñapa' atarr mueneñ o'ch ame'ñatanet.

⁵ Allempoñapa' huapa ñaña Silas epuet Timoteo. Taya huapuet Macedoniot. Allempopa' añ nanac torrena Pablo serrpare'te'. Ñapa' añ eñotatenan judionesha' Jesús'pa' ñeñ'taraca'ye Cristoterrets ñeñ' atarr cohuenet ahuatoteñ.

⁶ Judionesha'ñapa' nanac e'moñe'chet Pablo, o' achm'are'chet. Allempoña

Pablopa' o' pa'shman pa'shtam attoch eñochet nanac atpare'tenet. Allempoñapa' atet otanet:

—Sapa' sañeñach a'chencatuerrtsa. Tarraña napa' amach es seyohua'no. Te'pa' tayoteñ añach neserrpare'tat ñeññ ama judioneshayaye.

⁷ Allempoñapa' ahuerr. Chap añ ñeññ pa'so'cheñ Justo pa'paclo ñeññ ame'ñenaya Yompor. Pa'paquélpa' allame'ttso'tsen allo'tsen judionesha' po'prahua'. ⁸ Ñeññ amcha'tarettetsa judionesha' po'prahuo ñeññpa' añ pa'so'cheñ Crispo. Crispopa' o' ame'ñerrana Yepartseshar Cristo ñaíma allohuen ñeññ pa'paclo'tsen. Shonte' corinto'marnesha' e'mñotoñet Yompor po'ñoñ, o' ame'ñerret ñaíma o' apatarettet Yomporcop. ⁹ Ateñapa' orroña Pablo atet ñerra'm cho es yechopo'ten. Yomporpa' ahuo't otan Pablo:

—Amach pemcha'tatsto, chocmach peserrpare't, amach atta pemattetstato. ¹⁰ Napa' o'ch necuanipeneñ attoch amach esesha' errof es pepaye. Tarro'mar napa' nechen shonte' acheñ añ anetsrot ñeññcha' name'ñaya.

¹¹ Allñapa' allena alla paterr char ñaíma meterrerr pechapña arrorr. Allpa' nanac yechatanet Yompor po'ñoñ.

¹² Allempoña amcha'taretta Galión e'ñe alla Acayopa' judionesha'ña o' apchetpa', o'pachet Pablo. Allempoña o' rromuetpa' anmet amcha'taretsho allcma a'pochtatenet ñoñets. ¹³ Chapuet allpa' atet otoset:

—Añ acheñpa' aña yechatanan acheñnesha' atto'ch ame'ñyet Yompor, tarraña ñeññpa' ama atteyaye atet oteney Moisés po'ñoñ ñeññ atet anaret.

¹⁴ Ahuo'ch eñoseñ Pablopa' Galiónñapa' atet otanet:

—O'ch notas ñeññes judioneshas, ñerra'm añ acheñ añte' o' pohua ñeññ ama cohuenopa' amapa' atet ñerra'm cho muetsenan acheñ, ñehua, pocte' napa' o'ch ne'mñnotas atto sottene'cheñ. ¹⁵ Tarraña ñerra'm amate' atteyaye, añpa' e'ñe socpa—atet seychaten sa ñeññes judioneshas, amapa' esesha'te' same'ñena, amapa' ñeññ atet oten ñoñets ñeññ atet anaret socop. Ñeñño'marña napa' notenes ñeññpa' socpa. Ñeñño'marña napa' amach neñoso añecop ñeññ e'ñe socpa.

¹⁶ Allempoñapa' o' cha'nma'cha'taterranet. ¹⁷ Allempoña acheñnesha' aña rromuet Sóstenes. Sóstenespa' ñeññ amcha'tarettetsa judionesha' po'prahuo. O' rromuetpa' o' nalle'chet e'ñe alla allame'tets amcha'taretsho. Amcha'taret Galiónpa' ama cohua'psaneto.

Allempo cherrerr Pablo Antioquíu

¹⁸ O' atomaterrerr Pablo alla Corinto allempoñapa' o' so'tnerran ñeññ ame'ñetsa. Aña coterre' Priscila ñaíma Aquila. Allo'tpa' aña ahuanipset boto, arrcha' tet Sirio'mar. Arr asuanmuet anets Cencrea. Allñapa' o' shopena'tatosa Pablo. Añecop shopena'tata attoch eñochet o' etsotuan po'ñoñ ña ñeññ atet otan ahuaña Yompor ñeññcha' atet pa Yomporcop. ¹⁹ Allempoña chapuet Efesopa' allñapa' o' sa'nerran Aquila ñaíma Priscila. Nañapa' o' ahuo' judionesha' po'prahuo allcha' serrpare'tet parro judionesha'. ²⁰ Allñapa' atere'chet Pablo a'puepa'to' alla atomat, tarraña Pablopa' amo' mueno. ²¹ Allempoña so'tnerranetpa' atet otanet:

—Napa' o'ch alla ahuerran Jerusaléño allcha' nocshapretuerra añ yeter ñeññ anaret Partsocop allempoch alla cosherrerr judionesha'. Ñerra'm Yomporcha' muenatspa' ñato' o'ch nohuerrerr esempo.

Allempoñapa' ahuam̄perrerr boto. ²² Allempoñapa' arr etsotam̄psosa Cesareo. Cesareotñapa' asuanom Jerusaléno allcha' abechnoman ñeñt ame'ñetsa all. Allempoñapa' o' alla ahuerr Antioquíu.

Allempo poma'pocheño ahuerrerr Pablo serrpare'tats allemeñ anetso'mar

²³ Antioquíopa' alla allponmatnerr, allotñapa' o' ahuerrerr. Arr asuanerr Galacio'mar allotpa' ahuerr Frigio'mar. Ñeñt ame'ña'yetsa allpa' o' yenpanet attoch huomenc perret pueyoçher.

Allempo Apolos atarr cohuen serrpare'tatosanet all anetso Efeso

²⁴ Ñehua, allempopa' eñall puesheñarr judionesha' añ pa'so'cheñ Apolos ñeñt huetsa Alejandriot. Ñaña'apa' o' çhap Efeso. Atarr cohuen serrpare'tenan Yompor po'ñoñ, atarr etsotenan Yompor po'ñoñ ñeñt atet aquellcaret ahuatoteñ. ²⁵ Ñapa' ayçhataret ñeñt atetcha' perra Yepartseshar ñeñfara ñeñt Cristotats. Ñapa' e'ñe po'ñoçh serrpare't huomenc, yeçhatanet ñeñfcha' atet perra Jesús. Añaña ama e'ñe eñotueno ora atet pena Jesús. Aña eñoten atet yeçhate't Juanañ ñaña atet apate't Juanañ. ²⁶ Ñapa' serrpare'te't huomenc judionesha' po'prahuo. Allempoña e'm̄ Priscila ñaña Aquila, ñeñfapa' anmet ellonet allcha' eñotachet e'ñe ora ñeñt atet pa Yompor ñeñfña palltena o'ch eñoch e'ñe poctacma. ²⁷ Allempoñapa' secha Apolos Acayo. Añaña ñeñt ame'ñetsapa' o' yenpuet. Ñetpa' o' quellquët carta añecop ñeñt ame'ñetsa all Acayo attoch ñetpa' o'ch agapet Apolos e'ñe cohuen. Allempoña o' çhap all Acayopa' nanac yenpan ñeñt ame'ñenaya cohuen ñoñets all. ²⁸ O' eñotatanet po'ñoçh Jesús'pa' ñeñfca'yeña Cristoterrets ñeñt atarr cohuenet ahuatoteñ. Yompor po'ñoñoçh ñeñt aquellcaret ahuatoteñ o' gatyesanet atto Jesús o' etsotatuan ñeñt aquellcaret ahuatoteñ. Ñeñt allo'tsa'yen allohuen acheñpa' e'ñe po'huamencocma yeçhatanet. Allempoña ama't puesheñarra judionesha'pa' ama erroç otenaye' enteto.

19

Allempo çherrerr Pablo Efeso

¹ Allempo Corinto'tsenmeñ Apolos, Pabloñapa' alla chopeñe'chen aspentarero. Atteñapa' o' alla çherr Efeso. Allñapa' all entosan allponsheña ñeñt ame'ñetsa. Tarraña ñetpa' allpon eñotenet allpon serrpare'tate't Juanañ.

² Pabloñapa' a'p̄to'tan ñeñt ame'ñetsa, atet otanet:

—Sapa' allempoteñ same'ña, ¿ahuo't chorrasaña Paret's Puecamquëñ?

Ñetñapa' o' anapuet:

—Yapa' ama ye'mareña ñato' eñallfe' Paret's Puecamquëñ.

³ Pabloñapa' alla oterrerr:

—¿Erroçenote'tña sapataretta?

Ñetñapa' atet otet:

—Yapa' yame'ñeñoç atet otye't Juanañ attotña yapataretta.

⁴ Pabloñapa' alla oterrerr:

—Añoñña apaten Juanañ atto o' cotape'cherret ello cohuen Yomprecop allotñapa' o'ch apatarettet attoch ame'ñeret ñeñfcha' huapatsa chenta'. Añaña ñeñf huapatsa chenta'pa' añe'pa't Jesús.

⁵ E'muet atetpa' apatarettetret pame'ñeñoçet Yepartseshar Jesús.

⁶ Allempoña Pablo'pa' o' a'p̄llanet potot. Allempoñapa' ahuepa't chorraret Paret's Puecamquëñ. Allempoñapa' o' eñosyaset po'poñ ñoñtso, o' a'potoñet

atto eñorana'tanet Yompor. ⁷ Ñeñt eñosyesets po'poñ ñoñtsopa' allo'tsen ñato' çharrasheña puechena epsheña.

⁸ Pablopa' nanac serrpare'tate't all Efeso. Pate'tets semana o'chçho' be'tosos judionesha' po'prahuo o'chçho' serrpare'tatanet atet pena Yompor po'cohuenña ñeñt atto atarr ayochreshattena ña. Ama mecha'te'te ama't mamesha. O'chçho' yeçhatanet allochñapa' o'ch ama'ñatanet. Atteñapa' o' ma'pña arrorr. ⁹ Tarraña puesheña'tets acheñpa' nanac atpare'çhete't ama ame'nyeto atet serrpare'tatanet Pablo. Patpare'teño'tetpa' ama't all shontena acheñenesha'pa' o' sasare'toñet Jesús poçta'pña. Allempoñapa' ahuerr Pablo. Ñeñtña ame'ñetsapa' o' coteret. O' ahuanmuet allo'tsen Tiranno pue'scuela. Allñapa' pate'tets yetpa' añña Pablopa' o'chçho' serrpare'tatanet pue'scuelpahuo. ¹⁰ Atteñapa' o' met epa char. Allohuen asio'marnesha' o' e'mare'toñet Yompor po'ñoñ—allohuen judionesha' ama't ñaña allohuen ñeñt ama judioneshayaye. ¹¹ Yomporpa' nanac ahuanencat ðan Pablo. Ñeñto'marña nanac orrtatanet Yompor po'partsoña ñeñt ama puentareto. ¹² Atteñapa' añña acheñenesha'pa' o'chçho' anerret ñeñt es a'plla'yen Pablo, atet ñerra'm es pañell amapa' pañoshe'm. O'chçho' anmet allo'tsen ñeñt atsna'tets. O'ch çhapachet allpa' o'chçho' correrraña atsnañe't. Ama't po'neñeteretpa' o'chçho' queçhpa'nerranet.

¹³⁻¹⁴ E'ñe allempopa' allo'tsen puesheña'tets judionesha' ñeñt achyo'tañnesha' ñeñt çhocma chopeñe'çhets erracmañen. Ñehua, ñetpa' añ puechemereshanet ñeñt puesheñarr judionesha' ñeñtara ñeñt cornesha' nanac añcha'taret añ pa'so'cheñ Esceva. Allo'tsen cantherrsheña puechemereshas'. Ñetpa'çho'ña o' topachet ahuo'ch queçhpatachet ñamet acheñenesha' po'neñeter e'ñe pa'so'chño Yepartseshar Jesús. Ahuo'ch pet atet pena Pablo. Puesheñarrña ñeñt chorrena oneñetpa' otoñet po'neñeter:

—Napa' o'ch notap, e'ñe pa'so'chño Jesús ñeñt serrpare'ten Pablo o'ch pequeçhpa'ner añ acheñer.

¹⁵ Allempoña atet ochet oneñetpa' ahuepa'tcha' eñoraña, oneñetpa' atet ot: —Jesúspa' neñoteññañ po'huamenc, Pablopa'çho'ña neñoteññañ atet po'huamenc echen. Tarraña sapa' eseshasuañaca'ye. Ama neñotennaso sehuamenc.

¹⁶ Allempoña acheñ ñeñt chorrena oneñetpa' omachana'tanet, orrotet parro epuet achyo'tañnesha'. Oneñetpa' nanac atserrpatse'tanet allohuenet. Muelle'mcot atserrpatse'tuanet o' matrra'tuet pocollot. ¹⁷ Añña allohuen efeso'marnesha'pa' o' e'mare'chet atet o' pet—allohuen judionesha' ñaña ñeñt ama judioneshayaye. Atarr yore'tanet. Allempoñapa' añcha'na'tpo' enteñet Yepartseshar Jesús.

¹⁸ Shonte' acheñ ñeñt ame'ñetsset allempoñapa' huapyeset, o' a'meta'yese'tatto achyo'tyesete't. ¹⁹ Patantarrpa' o' huapatyeset po'libro ñeñt allo eñotet achyo'tatset. E'ñe all shontena acheñenesha' o' chama'tuet po'libro. Allempoñapa' o' somuerret errponte' tsa'tena allpon libropa' o' sala amnaroch çharr' mil poçllayoret. Ñeñt allpon tsa'tena allohuen libro. ²⁰ Ñeñto'marña atarr añcha'na'tpo' entoñet Yompor po'ñoñ. Atarr ame'ñet.

²¹ Allempoña e'ñe Yompor Puecamquëño'tpa' o' secherrr Pablo o'ch ahuerrerr Macedonio ñaña Acayo, allotña o'ch asuanerrpa' o'ch ahuerr ñaña Jerusaléño. Allotñapa' atet ot Pablo:

—Te'pa' añña palltetsa o'ch ahuen ñaña Romo.

²² O' mueñan epsheña achen ñeñt yenpuene' ñeñtcha' ñanom tatsa Macedonio. Añña ñeñt epsheñapa' añ pa'so'cheñ Timoteo ñaña Erasto. Pabloñapa' o' apohuerra allponmat Asio.

Allempo nanac ama'toçhtena acheñenesha' all Efeso

²³ Allempopa' o' atsrre'ma puesheña'tets achen. Añ atsrre'matahuet atto' pena ñeñt ame'ñetsa. ²⁴ Allo'tsen puesheñarr añ pa'so'cheñ Demetrio ñeñt ñanom e'moñe'te' ñeñt ame'ñetsa. Ñapa' añ po'taruas pen o'ch yeçhcatyesan pocollatollesha' añ toma'ntatena pocoll ñeñt allecma muechatse'tenet ñeñt po'yachorer penet ñeñt otenet yachor Diana. Añ pocollatollesha'pa' arrotó ayechataretta asertallo't. Shonte' achen ñeñtara po'taruas penet, Demetrio ña apahuete't po'taruas atef. Shonte' quelle ganete't po'taruasot. ²⁵ Ateñapa' Demetriopa' o' apçhatuan allohuen pa'taruasañer ñaña po'psheñeçhno, ñetpa'çho'ña ñeñtara po'taruas penet. Apçhatuanetpa' atef otanet:

—Masheñeshacha' sapa' señoteñ añ yetaruas ñeñt'pa' alloch yegana shonte' quelle. ²⁶ Te'pa' señoteñ ñaña añ ñeñt otenet Pablopa' ahuo't otuan acheñenesha' añ ñeñt yeyoser ñeñt yeyechcaten yapa' ñapa' oten amo' Partsoyaye. Ñapa' o' cotape'chatuan shonte' acheñenesha', te'pa' shonte' o' ame'ñatua. Ñetpa' o' huapore'tuerret shonte' ñeñt yapuenanet ñeñtcha' ma'yochet. Sapa' o' sentue atef penet arr Efeso ñaña o' se'mare'ch atef pa'yenet ora errañaren Asio'mar.

²⁷ Alla oterraneterr Demetrio:

—Ñeñto'mar te'pa' o'ch notas, ñato' o'ch huañerr yetaruas alloch yeganerra quelle. Tarraña ñeñt'pa' ama pocteyaye. Ñato' ellopa' o'ch a'ypo'ña'hueret ñaña yachor Diana ñeñt puerahuo'tsen. Ñato' allempopa' ama't yachor Dianapa' o'huañcha' añcha'na'tpo' eñchet, ama't ñaña ora allohuen asio'marnesha' ñeñt po'yachorer pene'.

²⁸ Ñeña e'm allohuen acheñenesha'pa' nanac atsrre'matanet. Pa'tsrre'mueño'tetpa' o' rranare'tyeset, alla oterrete't:

—¡Paretsñaçho' yachor Diana!

²⁹ Shonte' achen nanac ama'toçhtenet allohuenet. O' rromuet Gayo ñaña Aristarco ñeñt macedonio'marnesha' ñeñt parro chopeñe'chen Pablo. O' matra'tet allo'tsen pocoll atarrpo' allecma apçhena acheñenesha'.

³⁰ Pabloñapa' mueneñeñ o'ch be'tos ñaña all ama'toçhtenetpa' tarraña añña ñeñt ame'ñetsapa' ama muenacheto. ³¹ Ñaña puesheña'tets ñeñt añcha'tarettetsa all Asio ñeñt muerenaya Pablopa' o' mueñoñet ñoñets attoch amach tatsto all apçhenet te't muetseñet. ³² Allña apçhenetpa' atta rranare'tyenet. Puesheña'tetspa' atef otyeset atef cotape'chyenet ñet, po'potantaññapa' atef otyeset po'poñ ñeñt atef cotape'chyenet ñamet. Allohuenet ama't ama eñotueñeto esocopte'ña apçhenet, tarraña ataña nanac ama'toçhtenet. ³³ Puesheña'tets judionesha' o' cheta'nmet Alejandro o' huapachet attoch eñosachet. Ñaña'pa' o' echantosan pot attoch o'ch muetsoñeñtet añecop attoch o'ch a'pocotatan ñoñets judioneshacop.

³⁴ Tarraña allempo acheñenesha' ñeñt ama judioneshayaye o' eñchet Alejandro ñapa' judionesha' ñetñapa' alla rranare'terreter. Atarr tematen rranartenet. O'chçho' alla oterret allohuenet parro:

—¡Paretsñaçho' yachor Diana! ¡Paretsñaçho' yachor Diana!

³⁵ Allempoñapa' puesheñarr añcha'tare't ñeñt taruasetsets gobiernocoppa' o' emma'huanet, atef otanet:

—Masheñneshacha', o'ch notas ñeñfes yeçhetsa arr Efeso. Ama't allohuen acheñenesha' errañaren e'ñe eñotueñet efeso'marneshaypa' yapa' ñeñfey cohuanpene' yachor Diana ñeñt puerahuo'tsen, ñeñfara yachor Diana ñeñt nanac Parets, ñeñt sohuatsa entot. ³⁶ Ñeñpa' yeñotueñ allohueney acheñey. Amate' errotentot yoto ama atteyaye. Ñeñto'marña e'ñe pocte' o'ch semtsoñeña. Amachña cha sama'toçhtatsto.

³⁷ O' alla oterraneterr añcha'taret, atet otanet:

—Secua' ahuo't sehuapach arr añ epsheña acheñ. Tarraña ñetpa' ama es yoreneto yachor po'prahuot ñaama ama achmare'teñeto yachor. ³⁸ Ñeñto'marña te'pa' o'ch notas, ñerra'm mueneñ Demetrio ñaama pa'taruasañreçhno o'ch otteñe'chatanetpa'te'pa' e'ñe pocte' temantanetepa'. Tarro'mar te'pa' atoraret allcha' a'pocstatet ñoñets. Ñeñcha' a'pocstatet ñoñetspa' allo'tsena. ³⁹ Tarraña ñerra'm este' semnen o'ch sa'pocstat po'poñpa' ñeñtpa' añ pocte' o'ch sa'pocstat allecma apçhena ñeñt nanac añcha'tareteçhno. ⁴⁰ Ñato' temanta'yet ya tarro'mar yapa' e'ñe attota yama'toçhtena.

⁴¹ Ñeña otuanetpa' o' mueñhuerranet. Allempoñapa' ahuanomhuerret.

20

Allempo çherrerr Pablo alla Macedonio

¹ Allempoña o' muetsoñeñtuerret Pabloñapa' agotatuan ñeñt ame'ñetsa. O' cotape'chatnenanet e'ñe cohuen. Allempoña e'ñe puemorrenteñoñanet e'ñe cohuen so'tuanenanetpa' o' ahuen, o'ch ahuerer Macedonio. ²⁻³ All oñerr Macedonio'marpa' nanac serrpare'tatnerranet Yompor po'ñoñ. Atteñapa' o' çherr Grecio ñeñfara all oteñet Acayo. Allpa' alla a'pohuerra ma'pña arorr. Autsaño' tampsatsañ ñaama Sirio botopa' tarraña o' e'mare'ch allpa' cha o'pateña judionesha' o'ch rromapet. Ñeñto'marña alla secherra Macedonio (tarro'mar allpa' patso'marach chope'chnerr). ⁴ Allempoña ahuerer Macedoniopa' allpon acheñ o' coteret. Ñeñtpa' ñeñfara añeçhno: Sópater ñeñt bereo'marnesha', allotpa' ñaama Aristarco ñaama Segundo ñeñt tesalónico'marnesha', allotpa' ñaama Gayo ñeñt derbo'marnesha', allotpa' ñaama Timoteo, ñaama allo'tsen Tíquico ñaama Trófimo ñeñt asio'marnesha'. Allpon acheñ coterre'. ⁵⁻⁶ Arr cha'cha'tet Filiposo. Allempoña ñetpa' ahuanmuet o'ch otet, arrcha' cohuosyet Troaso. Yapa' alla ya'pa Filiposo epan Pablo allponmat.* Allempoña o' huañ allempo coshenet allempo rrenet pan ñeñt ama achasareteyaye allempoñapa' o' yahuanma yaña. Allempo ahuanpsey botopa' pa'mnarmatñoñapa' o' yeçhap yaña Troaso. Allñapa' allo'tsa'yen ñeñt otatsa ahuaña. Allñapa' alla ya'posa cançhermat.

Allempo Pablopa' emo'tnom anetso Troaso

⁷ Allempoña çhap allempo motta'muena yeñnats temençpa' yapçha allohueney ñeñfey ame'ñetsa. Yeyerpueñoñt Yepartseshar Jesúsapa' o' yerra' pan ñeñt ashota'taret ñeñt atet anaret Yomporecop. Allempoña Pablopa' nanac serrpare'tatanet. Ñapa' otanet:

—O'ch ahuenen tsapañ.

Ñeñto'marña ama't o' rroçh tsapuenpa' alla serrpare'tatenanet. ⁸ Allña yapçhena pocollo enopa' nanac a'yohuen bat. Allpa' shonte' lampareñ

* **20:5-6** Lucas ñeñt quellquë' añ ñoñets ñapa' cota'nman ñaama Pablo.

ñeñt corra'yetsa. ⁹ Allñapa' allo'tsen puesheñarr huepuesha' añ pa'so'cheñ Eutico. Ñaña'p' alla anen ventanot. Atto nanac serrpare'ten Pablopa' Euticoñapa' ahuo't alla ma' anatot. Ahuo't alla ma'pa' machayota shora'nom patso. Ma'pa' piso allot shora'nom. Allempoña echantotsetpa' o' rroma. ¹⁰ Allempoña sohuerra ñaña Pablo. O' huapa o' mo'capa' a'chono'tos allempoñapa' otanet:

—Amach sellcatsto, Yomporpa' o'ch alla tantater.

¹¹⁻¹² Añña huepuesha'ña ñeñt o' shora'nemuapa' o' alla aneret e'ñe huomech. Allempoña allohuenetpa' atarrepa'tcha' coshet. Allempoñapa' o' alla a'terr Pablo. Allñapa' o' rrallme'chet. O'ña rrallme'chuetpa' o'huañ tematen all serrpare'tatannet. Atteñapa' o' puetarespenet. O'ña puetaresuenpa' o' ahuen Pablo.

Allempo ahuanerret Troasot arr chacha'tet anetso Mileto

¹³ Allempoña yapa' o' yahuanma o'ch yota o'ch yerrma' añecmuen noñt ñeñt otenet bote o'ch ahuanpsey Asóno allcha' yecuos Pablo. Tarro'mar otey Pablopa' ñapa' arro'ch oñom patso'mar o'ch chap Asóno. Allotñapa' o'ch a'tap ñaña boto, tarro'mar atet o' ya'pocata epay Pablo ahuañacma.

¹⁴ Atteñapa' o' yechap Asóno. Allñapa' all yentanna'ta epay Pablo. Allotñapa' a'tap ñaña boto, allotñapa' ahuanpsey parro. Atteñapa' o' yechap Mitileneo.

¹⁵ Mitileneotñapa' o' alla ahuanperryerr boto. Tsapatñapa' a'yo'mara yoñem Quío. Allotña tsapatenerppa' alla yetsotosa Samsó. Yemterrerr Samsotpa' alla yamesuerrerr Trogilio. Allotña tsapatenerppa' alla yetsotuerrerr Mileto.

¹⁶ Allñapa' ot Pablo amach yetatsto Efeso tarro'mar ñapa' ama mueno o'ch alla yatoma'tare'tnom Asio'mar. Ñapa' añ muenoñ o'ch yechap tecma Jerusaléño añecop o'ch yentapterra' Pentecostepo.

Allempo e'ñe ñeñteshaña serrpare'tatnerranet Pablo Efeso

¹⁷ Ñeñt'marña allempo Mileto'tseneypa' Pabloñapa' agotatan ñeñt pom-pornesha' pen ñeñt ame'ñetsa Efeso, onetepa' Mileto all o' yechap ya.

¹⁸ Allempoña o' hua'cha'tet Pabloñapa' o' serrpare'tatanet, atet otanet:

—Sapa' señotenen atet o' nepohuanma sesho, ama't ahuatoteñ allempo ñanom nechap Asio all sey'chena. ¹⁹ Sapa' señotenen añecop netorrena Yomporecop ama añecpaye' netorreno atoch achenesha'pa' o'ch entenen e'ñe cohuen ñeñt e'ñe orrena. Napa' ama't neya'chpeñesha' netorrena Yomporecop tarraña judionesha'pa' nanac o'patennet. Ama't pa'namen nehuapoya e'ñe nemuero'chteño'pa' chocma netorrena Yomporecop.

²⁰ Señotenen ñaña napa' o' neserrpare'tatuas ora allohuen ñeñt pocetsa socop. Ama es na'ñasotam'psaso ama't coñe'ta. Napa' o' ney'chatuwas allohuenes parro allempo sap'chena ñaña o' ney'chatyesnomues e'ñe sepaclo'mar.

²¹ O' neserrpare'tatuas añ pocte' o'ch socpate'cherr ello cohuen Yomporecop ñaña añ pocte' o'ch same'ñera Yepartseshar Jesucristo. Ñeñt'pa' atet o' notuwas allohuenes ñeñtes judioneshas ñaña ama't ñeñtes griegoneshas. ²² Te'pa' o'ch ahuerren Jerusaléño, tarro'mar o' sechatterren Yompor Puecamquëñ. Tarraña o'ch netherr Jerusaléño'pa' ama neñoteña' ñeñt'cha' allohuen nehuapoya all. ²³ Aña neñoten o' eñotaten Parets Puecamquëñ ñeñt'cha' atet pa'net o'ch yottam'pesnetpa' o'ch muero'chtatnet.

Ora allon anetso attemach pa'net. ²⁴ Tarraña ama't atetpa' napa' ama nen'chá'teno. Ama't'cha' nerromapa' pocte' nenteñ o'ch nerroma. Te'pa' añ palltetsa o'ch ne'nua netaruas. O'ch netsotatuoñ ora allohuen ñeñt atet llesensa'n Yepartseshar Jesús. Ñeñt atet llesensa'n Yepartseshar Jesús'pa'

ñeñtpa' attoch neserrpare'tach acheñenesha' ñeñt' cohuen ñoñets atto Yompor pomuereño'pa' a'qushpaterreycha'.

²⁵ O' alla oterraneterr Pablo:

—Te'pa' neñoteñ sapa' amach senterrno po'pocheño, ama't allohuenes allo' nechopeñe'chuanom serrpare'tnomue' Yompor po'cohuenña. Aña neñoten amach senterrno. ²⁶ Ñeñto'mañña te'pa' o'ch neñotatas ñerra'm eseshas chenuerertsapa' tarraña napa' ama es na' chencatamñsase'te tarro'mar napa' chocma neserrpare'tatase't attoch amach sechenquerro. ²⁷ O' neserrpare'tatuas ora allohuen atet cotape'chateney Yompor. Ama es na'nasotamñsaso ama't coñe'ta.

²⁸ Allempoñapa' alla oterraneterr ñeñt' pompornesha' penet:

—Te'pa' seño'tach. Te'pa' añ pocte' o'ch secuanñpeñ cohuen allohuen ñeñt' ame'ñenaya Yompor. Atetcha' sepa' atet ñerra'm ñeñt' cohuanñpene' po'carrneror. Sapa'cho'ña atetcha' sepa' samña o'ch secuanñpeñ ñeñt' ame'ñetsa. Ñeñt'cha' setaruas sepa' atet llesenses Paret's Puecamquëño'. Tarro'mar Yepartseshar Jesús'pa' o' rroma ñocpuet ñamet. ²⁹ Napa' neñoteñ allempoch ama allo'tsennopa' o'ch huaponasa ñeñt'cha' seshquë', ñapa' mueneñt'cha' o'ch a'psatas Yompor po'ñoñ. Atetcha' huapuet atet ñerra'm ma'yarpa' ñerra'm huapapa' o'ch a'chencatuan allohuen carrnero. ³⁰ Ama't e'ñe sagattsapa' orrtetcha' ñeñt'cha' seshquë', ñeñt' ama Yomporeyaye po'ñoñpa' ñeñt'pa' serrpare'tatase'tetcha'. Tarro'mar ñetpa' mueneñt'cha' o'ch ame'ñatuaset e'ñe ñet pocta'ña.

³¹ O' alla oterraneterr Pablo:

—Te'pa' seño'tach. Chocmach seyerpa'na tarro'mar sapa' seño'teñ o' ma'pa char chocma noctape'chatas cohuen—ama't yeto, ama't ñaña tsapo. Ama't neya'chpeñesha' chocma noctape'chatase't.

³² Te' Yomporpa' cohuanñsasepa'ch. Yomporepa'chña po'ñoñ seño'tate' pemuereña. Yomporepa'chña po'ñoñ sey'chate' attoch huomenc sepa' seyo'cher. Yomporepa'chña po'ñoñ sa'qushpaterre' atet ñerra'm ñeñt' allohuen ñeñt' pame'ñeñofet o' a'cohuentatuaretterret. ³³ Ñaña napa' ama neye'chapreto po'psheñeñ po'çllayor, amapa' pa'shtam ama neye'chapreto. ³⁴ Sapa' seño'tenen ñeñt' allpon nepalltenapa' e'ñe notot netaruasa' atto nechen ñeñt' nepallta'yena. Ñaña e'ñe na netaruasotpa' es napa'yey ñaña ñeñt' noctene'. ³⁵ E'ñe na netaruasotpa' chocma neñotatenes ñeñt' poctetsa o'ch yetaruasa' attoch es yechyes alloch yeyenpue' ñaña po'psheñeñ ñeñt' es palltetsa. Añ pocte' o'ch yeyerpueña atet otye't Yepartseshar Jesús. Ñapa' atet ote't: “Nanac yocshena ñerra'm esempo es yapa'yey po'psheñeñchno, añña ama tama yocsheno ñerra'm esempo po'psheñeñpa' o'ch es apuene'y ya.”

³⁶ Ñeñt' otuapa' o' concorpa o' ma'yochatnenanet. ³⁷ Añña acheñenesha'pa' pomorrenteñofet Pablopa' o' yahuanrrortet. A'chono'chetpa' o' tso'ttsapa'chet. ³⁸ Atarr llequët nanac. Atet o' otanet Pablo ñeñt'ña nanac llecatahuet tarro'mar ñapa' otanet “amach senterrno arr patsro.” Allempoñapa' o' cota'neñet Pablo arrohua allo'tsen bote.

21

Allempo o'ch alla çherrerr Pablo Jerusaléño

¹ Allempoña o' yesa'nenanetpa' o' ahuanñperryerr boto. Allotñapa' pa'charra yepe'pa' o' ye'chap Coso. Tsapatñapa' arr ye'chap Rodaso. Allotñapa' arr yetsotosa Pátaro. ² Pátaroñapa' o' yentos po'poñ bote ñeñt'cha' tatsa

Fenicio. Yañapa' o'cho' ya'tapos allotñapa' ahuanmperryerr boto. ³ Allempoña yetam'pena sa'papa' yentnom coñe't pats ñeñt pa'so'cheñ Chipre, e'ñe arrot yentnom ye'chco'terot. Atteñapa' o'cho' yemtam'pes boto, arr yesechena Sirio. Allempoñapa' arr yetsotosa all oteñet Tiro, tarro'mar allpa' o'ch a'suatatsre'tet botot. ⁴ Yañapa' o' yesua attoch yentnom ñeñt ame'ñetsa all. Allñapa' alla ya'posa cancherrmat. Ñeñña ame'ñetsa allpa', ñetñapa' ochet Pablo:

—Amach petatsto Jerusaléño.

Tarro'mar Parets Puecamquëñpa' ahuo't eñotatanet atetcha' pet Pablo all Jerusaléño. ⁵ Tarraña allempoña o' met cancherrmatpa' o' alla yahuanerrerr. Allempoña allohuen yacmanesha'pa' cota'nemyet pueblot a'yenet, ñaña puetaposhohuenet ñaña puechemerneshet. Allñapa' all yeconcorposa ontapopa' o' yema'yochosa all. ⁶ Allempoña o' yema'yochuapa' o' yeso'tenanet. Allempoña yapa' o' ya'tenerr boto, ñetñapa' o' ahuanerret pa'paclo.

⁷ Allempoña o' yener Tirotpa' arr yetsotuenerr Tolemaido. Allñapa' all yehuom'cha'tnom ñeñt ame'ñetsa. Allñapa' all yepatrranom yet. ⁸ Tsapatñapa' o' yahuanenerr; allempoñapa' arr yechap Cesareo. Allñapa' o' yebe'tosos Felipe pa'paclo, allpa' allcha' yommosa. Añ Felipepa' ñeñt serrpare'tene' cohuen ñoñets. Ñaña ñeñtara Felipe ñeñt net ahuaña ñach epatye-sahuet rreñets epuet po'psheññe'chno pechapsheña. ⁹ Añ ñeñtara Felipepa' echenan pa'tatssheña po'sñesha'. Ñetpa' ama arrollareteto. Ñetñapa' nanac a'poteññañet ñamet Yompor po'ñoñ. ¹⁰ Allempoña ya'llponmotos allpa' o' huapa ñeñt a'mtene' Yompor po'ñoñ añ pa'so'cheñ Agabo. Ñapa' Judeot huapa. ¹¹ Allempo huapapa' o' pueyosan Pablo po'chanar. Añña chanaretspa' Agabo ñañeña huancatatsa e'ñe potot ñaña pa'tcot. O' huanca'huapa' atet otan Pablo:

—Ñeñtapa' atet oten Parets Puecamquëñ, ñeñte'p echene' añ chanaretspa' judionesha' ñeñt Jerusaléño'tsa'yenpa' atetcha' huancapet atet nehuanca te' ñañeña. Ehuancare'tcha' o'ch pomapet allo'tsen acheñenesha' ñeñt ama judioneshayayeto.

¹² Ñeñña atet ye'mpa' yotare'ch Pablo:

—Amach petatsterro Jerusaléño.

Ñaña ñeñt acheñenesha' ñeñt allo'tsa'yenpa' atet otare'chet Pablo ñamet.

¹³ Allempoña Pablopa' otanet:

—Eso'mare'tña nanac seyahuena, te'pa' o'ch sellcaten. Napa' e'ñe pocte' nenteñ huanca'netepa'. Ñaña e'ñe pocte' nenteñ nerromuepa' Jerusaléño, attoch nerroma e'ñe neserrpare'teño' Yepartseshar Jesús po'ñoñ.

¹⁴ Pabloñapa' ama e'ññoty. Allempoña ama errot yepepa' o'huañ errot yoch, aña yoter:

—Ñehua, ñerra'm atette' muenen Yomporpa' ama'tpa' attepa'ch.

¹⁵ Allempoñapa' o' yañño'tatsre'tena. Allempoña o' yañño'tatsre'tuapa' yahuanenerr Jerusaléño. ¹⁶ Añña puesheña'tets cesareo'marnesha' ñeñt ame'ñetsapa' allenta cota'nyet, arr nehuerryeta' all ye'chena Mnasón ñeñtara ñeñt chipro'marnesha'. Ñaña'pa' ahuatoteñ ame'ña'hua. Pa'pacloñapa' all ya'posa.

Allempo Pablopa' emo'tuerr Jacobo ñeñt Jesús pa'mo'nasheñ

¹⁷ Allempoña o' yecherr Jerusaléño'pa' añña ñeñt ame'ñetsa allpa' e'ñe pocsheñesha' agapyet. ¹⁸ Tsapatña puetarenpa' yahuanma parrocoma

Pablo o'ch yenteña' Jacobo. Añña allohuen ñeñt pompornesha' pen acheñenesha' ñetpa'cho'ña alla yentosanet, allo'tsa'yenet ñamet. ¹⁹ Pabloña'pa' o' huomicha'tosanet allohuenet. Huomicha'tuanetpa' allempoña'pa' serrpare'tatuerranet e'ñe ora allpon Yompor po'huamencot o' etsotuoñ e'ñe ñocop. Serrpare'tatuerranet atto acheñenesha' ama't ñeñt ama judioneshayayetopa' o' ame'ñatuanet ñamet.

²⁰ Ñeña e'mhuetpa' nanac aye'chochtatoñet Yompor. Tarraña allempoña'pa' atet ochet:

—Tarraña masheñe, ahuo't peñoche te'pa' shonte' mil judionesha' o' ame'ñenet ñamet. Ñetpa' e'ñe huomenco otenet añ palltetsa allohueney ñeñtey judioneshay o'ch yepohua atet otye't Moisés. ²¹ Ñetpa' o' e'mare'tonapet peñoñ añe'no' peychaten judionesha' ñeñt ye'cha'yetsa po'poñ anetso all ye'cha'yena ñeñt ama judioneshayaye atto año' pocte' o'ch puesuerret Moisés po'ñoñ. Ñaña o' e'mare'tapet ahuo' potuanet amach tsorratsteto puechemeretollesha', ñaña amo'ch patsteto atet yeychena ahuatoteñ.

²² Allempoña'pa' alla otereterr Pablo:

—Ñehua, te'pa' ¿errofe'tcha'ña yepaña te' tarro'mar po'ño'chpa' o'ch e'mare'tapet o' pe'herr arr? ²³ Ñehua, te'pa' o'ch pe'mñotey o'ch yotañ ñeñtcha' atet pe'pa. Ñehua, arrpa' arro'tsen pa'tatsheña ñeñt netset ñetañeña ñeñtcha' atet pet Yomporcop, ñeñt atet yeychena ya ñeñtey judioneshay. ²⁴ Te'pa' aña pocte' ñeñtcha' atet pe'pa. O'ch panem' añ pa'tatsheña e'ñe epaspa' o'ch sa'cohuentatena' ñeñt atet anaret Yomporcop ñeñt atet yeychena ya ñeñtey judioneshay. Ñaña añ pa'tatsheña'pa' o'ch petsatanet attoch shopena'tatet, ñaña ora ñeñt palltetsapa' o'ch petsatanet. Allochña'pa' allohuen judionesha' o'ch eñoche po'ño'chpa' ama ateyaye ñeñt atet e'mare'tet pocop, tarro'mar allempopa' o'ch eñotapet papa'cho'ña o' pepohua ñeñt atet oteney Moisés po'ñoñot. ²⁵ Tarraña añecop ñeñt ama judioneshayaye ñeñt o' ame'ña'pa' yapa' o' yemñanet carta, o' yotuanet cartoñ ñeñt pocte' yenten ñocpuet ñeñtcha' atet pet. Ñeñt'pa' añe'chno: Amach rratsteto po'chets ñeñt muetsenet aye'chcataretcop ñeñt po'yomporer penet. Ñaña o' yotuanet amach rratsteto es po'rras, ñaña amach rratsteto ñeñt muetsenet ñeñt atta a'pamaret. Ñaña o' yotuanet amach chetapretatsteto taporets. Ñeña yotanut yecartot.

Allempo rromapueret Pablo all Parets pa'paclo

²⁶ Allempoña Pablopa' o' anman añ pa'tatsheña. Tsapatña'pa' o' a'cohuentatet e'ñe parro, ñeñt atet ye'chena judionesha'. Allempoña'pa' ahuanmuet Parets pa'paclo o'ch eñotatenaneta' esempoch o'ch met allponmat e'ñe allempoch o'ch a'cohuentatuet. Allempochña Pablopa' o'ch muetsanet Partsocop carrnero puesheña'ttso'cmuet, ñeñt'pa' atet pena judionesha' Yomporcop.

²⁷ Tarraña o' taya chapmoch can'cherrmat allempoch o'ch a'cohuentatuetpa' añña judionesha' ñeñt huetsa Asiotpa' o' eñchet Pablo all Parets pa'paclo. Ñetña'pa' o' atsre'matachet acheñenesha' attoch o'ch e'moñe'chet Pablo. Allempoña'pa' o'ch rromuet Pablo.

²⁸ Pa'tsre'mueño'etpa' o' rranare'tyeset, otyeset:

—Masheñnesha judioneshacha' o'ch seyepa'y. Te'pa' o' yenter añ acheñ ñeñt ye'moñe'tene' ñeñtey judioneshay ñeñfara ñeñt o' puesuerran Moisés

po'ñoñ ñaña ñeñt' o' a'sosyatuan Parets pa'paquëll. Te'pa' o' erracmañen atet o' yeçhatyesuan acheñenesha'. Elloña te'pa' o' abe'tatan ñaña acheñ ñeñt' ama judioneshayaye arr Parets pa'paclo. Allochñapa' ahuo'ch a'sosyatuan Parets pa'paquëll.

²⁹ Tarro'mar atet otet o' eñchet Pablo epuet Trófimo all chopeñe'chen epuet Jerusaléno. Trófimo ñeñtpa' efeso'marnesha', ama judioneshayaye. Ñetpa' çho' otenapuetañ ñato' Pablopa' o'te' abe'tatan Trófimo all Parets pa'paclo ñeñt' ama pocteye' enteno judionesha'.

³⁰ Allempoñapa' allohuen acheñenesha'pa' o' atsrre'muetpa' matrra'tet allo'tsen Pablo o' rromuetpa' o' cheta'nmet a'yenet Parets pa'paclo. Al-lorocma yotetuet Parets pa'paclo. ³¹ O' muetsamochet Pablopa' añña ñeñt' solltarnesha' pa'm'cha'tareterpa' o' e'manet atet nanac ama'toçhtena allo-huen acheñenesha' all Jerusaléno. ³² Ñaña'pa' o' anman allpon solltarnesha' ñaña allpon capitánnesha'pa' o' matrra'tet allo'tsa'yen acheñenesha'. Allempoña acheñenesha'pa' o' entapan solltarnesha' epuet pa'm'cha'tareterpa' o'huañ çhota'chet Pablo. ³³ Allempoña çhap am'cha'tareterpa' o' rromatan Pablopa' o' huanquët epa cadeno. Allempoñapa' a'p'to'tanet:

—¿Eso'tña pa'so'cheñ añ acheñer?

Ñaña o' a'p'to'tanet:

—¿Est'e'ña o' p'ohua ña?

³⁴ O' anapyeset po'poñe'ttsocma. Puesheña'tets acheñpa' otyeset atet cotape'chet ñet, po'potantañapa' atet otet po'poñ ñeñt' atet cotape'chenet ñamet. Nanac ama'toçhtenet ñeñto'marña ama eñocheto e'ñe po'ñoçh ñeñt' atet o' p'ohua Pablo. Ñeñto'marña am'cha'tareterpa' anmatan Pablo pocollo all shontena solltarnesha'. ³⁵ Allempoña o' çhapuet allot a'tenet pocol-lopa' añña solltarnesha'pa' o' enatnomet Pablo eno, tarro'mar taye'to' acheñenesha' pa'tsrre'mueño'tpa' muetseñet. ³⁶ Tarro'mar acheñenesha'pa' o' cota'huanmet. Puerranare'teño't otyesnomuet:

—¡Semtseñaca'ye!

Allempo Pablopa' e'ñe cohuen eños ñocop allo'tsa'yen ñeñt' e'moñe'tene'

³⁷ A'tapachet pocollopa' Pabloñapa' otosan solltarnesha' pa'm'cha'tareter, eños griegaçho, ot:

—Te' napa' nemneñ o'ch notap' paterr ñoñets.

Am'cha'taretñapa' och:

—¿Po'ñoçha't pe'muen griegaçh?

³⁸ Alla otererr am'cha'taret:

—Papa' çama't añeyaype egipto'marnesha' ñeñt' atsrre'mate' ahuaña acheñenesha' atto ñetpa' atpare'chet gobierno', ñeñfara ñeñt' ahuanmue' pa'tatsoch mil amtsañnesha' a'yo amarato?

³⁹ Pabloñapa' alla otererr:

—Napa' amaca'ye ñeñteyayno, napa' judioneshan ñeñten tarso'marneshan, ñeñfara anets nanac atarr ñeñt' allara Cilicia. Napa' o'ch notare'tap' attoch pemnaten o'ch neños acheñeneshacop.

⁴⁰ Allempoñapa' o' muenatan Pablo o'ch eños. Pabloñapa' alla tomos allotecma a'tenetpa' echantosán pot attoch muetsoñeñtua acheñenesha'. Allempoña o' muetsoñeñtuetpa' Pabloñapa' o' eños hebreaçho, atet otanet:

22

1 —Masheñeshacha' ñaña nomporneshacha', o'ch se'mñnoten ñeñt'cha' atet neños e'ñe nocop.

² Allempoña e'mhuet atto o' serrpare'tatanet e'ñe ñet po'ñoñetopa', allempoña' o' e'ñe muetsoñeñtuet poctacma. Pabloña'p' alla oterraneterr:

³ —Napa' judioneshan, arr ne'ñalleta Tarso e'ñe alla Cilicia. Tarraña arrña e'ñe eñotñan Jerusaléño. Ñeñt neyçhate' napa' ñeñtpa' Gamaliel. E'ñe ña pueyçhateñoñenpa' netsotuoñ e'ñe poctacma ñeñt Moisés po'ñoñ ñeñt atet anaret ñeñtcha' atet pa yatañneshañ. Nanac nema'yoçhra ñeñt Yomporecop ñeñt atet sepena te' sa. ⁴ Napa'çho'ña ahuatño'chapa' nanac nemueroçhtache't ñeñt cotene' Jesús poctapña. Napa' o'ch nerrmanatanet, allotña'p' o'chçho' nehuancatanet, ñaña o'chçho' nabe'tatanet ñaña cárcelo. Ñaña nemtsatatie't —yacmanesha' ama't ñaña coyaneshaçhno. ⁵ Ama't cornesha' ñeñt nanac añcha'taretpa' eñotuane't ñeñt atet nepe't. Ñaña allohuen ñeñt pompornesha' penetpa' e'ñe eñotuennet ñamet ñeñt atet nepe't. Ñet allempopa' ahuo't apnet orden ñeñtcha' napueña' yamo'ts judionesha' ñeñt Damasco'tsa'yen. Añ orden ñeñtpa' alloch mueñanet attoch o'ch nerrmanatie' ñeñt ame'ñaye't Jesús. Ehuancaretetpa' o'ch nahuanmanet Jerusaléño allcha' yecoñchatuanet.

Allempo Pablo'p' serrpare'tatanet atto ello cotape'cherran cohuen Yomporecop

(Hch. 9.1-19; 26.12-18)

⁶ 'Atteña'p' o'çho' ahuen Damasco. Allempoña neçhapmoch Damascopa' allempo o' çhapmoch pocto. Ñeñtña nanac poptetsa ento'tpa' machayotepa'tcha' çhoyo'tamçsapuen. ⁷ Allempoña çhoyo'tamçpsen e'ñe neshopa' nañapa' alla nerrmopra patso. Allempoña neçhap patsopa' ne'm ñoñets ñeñt atet oten: “¿Eso'mare't Saule, pemueroçhtatennanña ñeñt name'ñenaya?” ⁸ Nañapa' o' not: “¿Eseshape't Ayochreshate eñets?” Ñeñt eñetspa' alla oterrnerr. “Napa' ñeñten Jesús en ñeñten nazareto'marneshan, narramche'ña atarr pemueroçhtaten.” ⁹ Ñeñtña allo'tsenen e'ñe parropa' ñetpa'çho'ña entetca'yeña ñeñt neçhoyo'te' ñeñtña'p' çha yore'tanet tarraña ñetña'p' ama eñochetoña ñeñt atet notaretta. ¹⁰ Nañapa' o' alla noterrerr: “¿Esté' Parteshacha' poctetsa ñeñtcha' atet nepa?” Partesha'ña Jesús'p' alla oterrnerr: “Te'ña'p' o'ch petanta o'ch ahuep' Damasco. Allcha'ña otapet allohuen ñeñt anaret ñeñtcha' atet pepa.” ¹¹ Allempoña'p' o'huañ nenta tarro'mar o' rrechaten ñeñt po'ptetsa ñeñt neçhoyo'tamçse'. Ñeñtña noctene' ñetña'p' echa'nommet notof. Aftoña çapatnet Damasco.

¹²⁻¹³ Yeçhap Damascopa' allempoña'p' huapa pueseñarr añ pa'so'cheñ Ananías. Añña Ananías'p' nanac ame'ñenana ora allohuen ñoñets ñeñt atet anaret yocop ñeñtey judioneshapay ñeñtcha' atet yeña. Añña judionesha' ñeñt yeçha'yetsa Damascopa' nanac cohuen enteñet Ananías. Nañapa' huapa neshopa' allenta ponmosnapa' otosen: “Te'pa' masheñe Saule pecuerrepa'ch.” Nañapa' allorocmuepa'tcha' necuerr; allempoña'p' neñch Ananías. ¹⁴ O' alla oterrnerr Ananías: “Añ Yomporecop ñeñt Po'yomporep pe't yatañneshañ, ñaca'yeña pa'crrer'e'ña pa' ama't ahuatoteñ añecop o'ch peñotuerrñañ atet muenen ña. O' muenatap' ñaña o'ch penterrñañ paña Puechmer ñeñt e'ñe pocte' es pets. Ñaña o' muenatap' o'ch pe'mñotoñ e'ñe ña po'ñoñ ñeñt atet o' otuap. ¹⁵ Te'pa' ñeñtpa' atetcha' pepa, o'ch pa'potoñ Jesús po'ñoñ erracmañen ñeñt atet o' pentua ñaña ñeñt atet o' pe'mua. ¹⁶ Te'pa' añ palltetsa o'ch petanta, e'ñe pame'ñeño' Yepartseshar Jesús'p' o'ch papataretterra, attochña e'shohuaretterra po'chñar.” Neñtpa' allohua atet oten Ananías.

Atto Pablopa' eñotatanet ñapa' ña serrpare'tatene' ñeñt ama judioneshayaye

17 O' alla oterraneterr Pablo:

—Allempoña o' met allponmatpa' o' nohuerrerr arr Jerusaléño. Parrochña allempo nema'yochena Parets pa'paclopa' allñapa' orrtona atet ñerra'm cho es yecho'pen. 18 Allempoña o' orrtona Yepartsesharpa' atet oten: “Tayecma o'ch ahuerreþ arrot Jerusaléño, tarro'mar arrpa' amach esesha' pe'mñotaye allempoch þa'pothon neñoñ.” 19 Nañapa' alla notererr: “Partseshacha' ama't atetpa' allohuen acheñenesha'pa' e'ñe eñotuennet atet o' nepohua. Eñotuennet atto napa' nebe'tose't judionesha' po'prahuo atto nenalle'tache't ñeñt þame'ñenaya, ñaña atto nabe'tatanete't cárcelo. 20 Ama't allempo muetset Estebanañ ñeñt þa'potaye't peñoña' napa'cho'ña allempo'pa' e'ñe pocte' neñch muetsetepa'. Napa' allña necuamþsanet pa'shtam ñeñt rrolle'te'. All necuapretpa' napa'cho'ña e'ñe pocte' neñch attepa'ña pet.” 21 O' alla oterrnerr Yepartseshar: “Ama't atetpa' te'pa' o'ch ahueþ o'ch nemñaþ allapar allo'tsa'yen acheñenesha' ñeñt ama judioneshayayeto.”

Allempo solltarnesha' pa'mcha'tareterpa' abe'tatan Pablo o'pono

22 Ñeñña otua Pablopa' añña acheñenesha' ñeñña e'muetpa' o'huañ e'mñochet. O' alla rrannarterrererr, atet otet:

—¡Semtseña'ye! Ama pocteyaye o'ch corra ñeñt atet acheñ arr patsro.

23 Pa'tsrre'mueñoetpa' alla rrannarterrerarpa', o' gogo'tyeset pa'shtam enonet, allotpa' a'rrotsetyeset ñaña patspa' o' huapore'tyeset enonet.

24 Allempoñapa' añña ñeñt solltarnesha' pa'mcha'tareterpa' o' abe'tatan Pablo o'pono. O'ch ashtet attotcha' a'meta'huan ñeñt atet o' pohua. Ñapa' mueneñ o'ch eñoch esocopte' nanac ama'toçhtenet ñocop. 25 Allempoñapa' o' huanquët Pablo attoch ashtet. Huanca'huet Pabloñapa' otan capitán ñeñt tets allame'tets:

—Ta', ¿pocte't senteñ o'ch sashte' acheñ ñeñt romanona'tar, ñaña ama señoña' ñeñt atet pena? Ñoñets ñeñt atet anaret Romotpa' ta', ¿pocte'te'?

26 Ñeñña e'm capitánpa' o' ahuo' allo'tsen pa'mcha'tareterpa' atet otos:

—¿Errotena't poctape'cheññañ añ acheñer? Añpa' romanona'tarca'ye.

27 Añña ñeñt solltarnesha' pa'mcha'tareterpa' o' huapapa' atet otosan Pablo:

—¿Po'ñocha't romanona'tareþ?

Pabloñapa' o' anaþ:

—Napa' ñeñenca'ye.

28 Ñeñña amcha'taretpa' alla oterranerr Pablo:

—Napa' o' netsa'ta shonte' quelle attoch a'punta'net attoch napa' romanona'tar pennet.

Pabloñapa' alla otererr:

—Napa' attot ne'ñalleta, tarro'mar na nomporpa' romanona'tar.

29 Añña solltarnesha' ñeñt autsa ashtayeñ Pablopa', allorocmo' alla cheta'yerret a'yenet. Ñeñt pa'mcha'tareterpa' ñapa'cho'ña cha yoren, tarro'mar o' çapoña pueyoçthro o' huanca'huet acheñ ñeñt romanona'tar.

Allempo eños Pablo allo'tsa'yen ñeñt chocma a'poctatyene' ñoñets

30 Tsapatña puetarenpa' añña amcha'taretpa' o' agotatan cornanesha' ñeñt pa'mcha'tareternesha' pen allohuen judionesha' po'cornaneshar, ñaña o' agotatan ñeñt chocma a'poctatyene' ñoñets judioneshacop. Allempoña apçhetpa' o' pueyamþeret Pablo allo huanquëtpa' o' anmet allo'tsa'yen amcha'taretnesha'. O' çhachetpa' o' tomatoset e'ñe allame'tets. Añña

am̄cha'taret romanonesha'pa' mueneñ o'ch eñoch e'ñe po'ño'ch escopte' otteñe'cheñ judionesha'.

23

¹ Pabloñapa' o' cohua'yesan allohuen ñeñt' ðhocma a'pocatyene' ñoñets. Allempoñapa' atet otanet:

—Masheñneshacha', napa' ðhocma nocrrena cohuen Yomporecop, ama't ahua'toteñ ama't ñaña feme'ttsen. Yomporpa' entennante' e'ñe cohuen neyo'cher.

² Añña cornesha' Ananías ñeñfara ñeñt' nanac am̄cha'taretpa' atet otan ñeñt' tets e'ñe allame'tets Pableshe, atet otanet:

—Chosañaca'ye asnama'te'.

³ Allempoña Pablopa' otan am̄cha'taret, atet och:

—Yomporpa' tsa'tatuerrpepa'ch, tarro'mar ama't porrtenañ e'ñe cohuenpa' peyo'chropa' ama masosyape. Ñaña ñeñto'marña anareteþ pa arr attoch papa' peñotaten ñato' çhate' nepena ñeñt' ama pocteyaye ñeñt' atet oteney ñoñets ñeñt' atet anaret. Tarraña pañapa' o' atta pasnama'taten. Tarraña ñeñtpa' ama pocteyaye ñeñt' atet oteney ñoñets ñeñt' atet anaret.

⁴ Añña ñeñt' tom̄cha'tets allame'tetspa' o' che'ptare'chet Pablopa' atet ochet:

—Papa' atarro't cohuen penteñña o'ch pesochatse'ch cornesha' ñeñt' nanac am̄cha'taret ñeñt' nen Yompor.

⁵ Pabloñapa' anapanetpa' atet otanet:

—Napa' ama masheñneshacha' neñoteñe añmapa' ñeñfte' cornesha' ñeñt' nanac am̄cha'taret. Ñerra'm neñoteñeñpa' amach nochñe atet, tarro'mar anaret Yompor po'ñoño atet: “Ama asochatse'tpahuo acheñ ñeñt' am̄cha'taretetsa socop.”

⁶ Allempoñapa' o' cotape'ch Pablo. Añña ñeñt' ðhocma a'pocatyene' ñoñets patantarrñapa' saduceonesha', po'potantañña' fariseonesha'. Allempoña Pablopa' o' eñoch atetpa' allempoñapa' o' eños huomencpa', atet otanet:

—Masheñneshacha', napa'çho'ña fariseoneshan. Natañneshañpa'çho'ña fariseoneshet. Ñeñto'marña te'pa' otteñe'chennet tarro'mar napa' name'ñena atto ñerra'm yerroma, Yomporpa' tantaterreycha' esempohuañen.

⁷ Ñeñfa otua Pablopa' allempoñapa' ama patraye' cotape'cheto ñeñt' actape'chatañnesha'. Añña ñeñt' fariseonesha' ñetpa'çho'ña cotape'chet pa'terr, po'potantañña ñeñt' saduceonesha'pa', ñetpa'çho'ña o' cotape'chet po'poi. Amaña patraye' cotape'cheto. ⁸ Ama patraye' cotape'cheto tarro'mar saduceonesha' ñetpa' cotape'chenet ñerra'm yerromapa' amach yetanterro. Ñaña ñetpa' otenet ama eñalle Yompor po'millaño'teñer ñeñt' huetsa entot, ñaña ñetpa' otenet ama eñalle yecamquëñ. Tarraña fariseonesha' ñetpa' cotape'cheñet po'ño'ch ñerra'm yerromapa' yetanterrach. Ñaña ñetpa' otenet po'ño'ch eñall Yompor po'millaño'teñer ñeñt' huetsa entot, ñaña po'ño'ch eñall yecamquëñ. ⁹ Allempoñapa' ñetañeño' nanac ama'tochtet. Atteñapa' puesheña'tets fariseonesha' ñeñt' nanac etsotene' ñoñets ñeñt' atet anaret o' tomosetpa' eñosotet Pablocop, atet otet:

—Añ acheñer yapa' ama yenteññañe erra'tsente'ña po'chñar. Po'ño'chpa' ñato' orrtoña Yompor po'millaño'teñer ñeñt' huetsa entot amapa' ñato' es

ñeñĩ camquẽnets ñato' ñeñĩ orrtenoya. Ñeñĩo'marña yapa' amachña cha yepatare'tatsche Yompor ñerra'm ñate' atet muenatene'.

¹⁰ Allempo nanac ama'to'chtetenpa' añña solltarnesha' pa'mcha'tareterpa' o' cotape'ch, atet ot:

—Ñato' o'ch rraquët Pablo.

Ñeñĩo'mar o' chore'tan po'poñ solltarnesha' o'ch huapuet o'ch chetereta' Pablo allo'tpa' o'ch aneret pocollo all shontena solltarnesha'.

¹¹ Tsapatña tsapopa' o' alla orrteññañerr Pablo Yepartseshar, atet otos:

—Amach pelcátsto, tarro'mar Romopa'cho'ña all palltena o'ch pa'poton neñoñ atet o' pa'potuon arr Jerusaléño.

Allempo judionesha'pa' atarr o'pachet Pablo o'ch muetset

¹² Tsapatña puetaenpa' añña judionesha'pa' atarr o'pachet Pablo ahuo'ch muetset. Ñetpa' o' a'pochtachet, atet otet:

—Yapa' amach yerreroña' ñerra'm amach o' yemtso Pablo ñaña amach es yorrorro. Atteña ñerra'm amach attetopa' ama'tpa' esepa' yetantoya.

¹³ Ñeñĩña o'patenayapa' ñato' metente' pa'tatsot charrasheña. ¹⁴ Allempoña o' a'pochtatueta' ahuanmuet ñaña allo'tsa'yen cornanesha' ñeñĩ pa'mcha'tareternesha' pen allohuen judionesha' po'cornaneshar ñaña allo'tsa'yen ñeñĩ pompornesha' penet. O' chapuet allpa' atet otoset:

—Yapa' o' ya'pochtatuete atet: Yapa' yoten ñerra'm amach o' yemtso Pablopa' amach yerrero. O' ya'pochtatt ñaña atet: Atteña ñerra'm amach attetopa' ama'tpa' esepa' yetantoya.

¹⁵ Alla oterretterr:

—Ñehua, te'pa' o'ch yotas ñeñĩcha' atet sepa. O'ch soteña' ñaña ñeñĩ chocma a'pochtatyene' ñoñets allo'tpa' e'ñe parrocmapa' o'ch semña ñoñets allo'tsen solltarnesha' pa'mcha'tareter, o'ch soch huapachetepa' Pablo sesho attoch o'ch señofoñ este' o' pohua. Tarraña ama'tcha' atet seshcanetpa' yañapa' allo'tsa'yeneycha' toño attoch yapa' o'ch yerrmañ.

¹⁶ Añña Pablo pa'ñachorpa' o' e'mare'ch cha o'pateññañet pa'go'pa' o' ahuo' solltarnesha' pa'pacllopa' o' otenana' pa'go' Pablo. ¹⁷ Allotña Pablopa' o' chore'tan puesheñarr capitán, atet och:

—Añ huepuesha'pa' o'ch panemñ allo'tsen pa'mcha'tareter tarro'mar ñapa' atarr mueneñ o'ch es a'metena'.

¹⁸ Capitánñapa' o'cho'ña anman huepuesha' allo'tsen pa'mcha'tareter. Allempoña chappa' atet otosan pa'mcha'tareter:

—Añ Pablo ñeñĩ ehucaretpa' ahuo't chore'ten allo'tpa' oten ahuo'ch nanemñ añ huepuesha' pesho tarro'mar ñapa' nanac mueneñ o'ch es a'metena' pesho.

¹⁹ Añña amcha'taretpa' o' echa'nman huepuesha' pototpa' o' anemñ a'yenetpa' atet otos:

—Ñehua, o'ch pōten este' pemnen o'ch pōten.

²⁰ Huepuesha'ñapa' atet och:

—Añña judionesha'pa' o' a'pochtachet attoch o'ch enamapet o'ch pemñe Pablo tsapat allo'tsa'yen ñeñĩ chocma a'pochtatyene' ñoñets. Ñaña o'ch otapet añe'poch pemñe atto'ch eñochet e'ñe po'ño'ch este' o' pohua. ²¹ Tarraña amach pame'ñatstaneto errotentcha' otospet tarro'mar metente' pa'tatsot charrasheña judionesha' ñeñĩcha' camroya toño ñeñĩcha' rromapue' go'. Ñetpa' o' a'pochtachet amach rrrerreto ñaña amach es orreto ñerra'm amo'ch muetseto go'. Ñaña o' a'pochtachet ñerra'm amo'ch attetopa' ama'tpa' esepa'to tantahuet. Te'pa' aña palltetsa ñeñĩcha' atet pōtanet.

²² Amicha'taretñapa' atet otan hupuesha':
 –Tarraña amach esesha' potatsto papa' o' potuenna'.
 Ñeña otuepa' allempoñapa' o' mueñer.

Allempo chapachet Pablo allo'tsen gobernador Félix

²³⁻²⁴ Allempoña amicha'taretpa' agotatan epsheña po'captáner. Allempoña o' chapueta' atet otapanet:

–Cherra'ch a las nueve tsappa' o'ch secamrat doscientos solltarnesha' ña'ña setenta ñeñt montenaya cahuall, allotpa' ña'ña doscientos ñeñt orrene' muetsamets alloch quellaret. Allotpa' o'ch sanem paterr cahuall amapa' epa alloch monta'nma Pablo. Allotñapa' o'ch sahuanna Cesareo attoch se'chapach cohuen Pablo allo'tsen gobernador Félix.

²⁵ Allotpa' quellcan ña'ña carta ñeñtpa' atet ot: ²⁶ “Gobernador Félix ñeñfep nanac cohuenep amicha'taret, na Claudio Lisiaspa' o'ch nehuomicha'tap añ necartot. ²⁷ Añ yacmapa' ahuo't rromue' judionesha' o'ch muetsetañpa' nañapa' o' neño'ch ñapa' romanona'tar. Nañapa' nehuapa epan nesolltarnesharpa' o' na'rroyatatos. ²⁸ Napa' nemneñ o'ch neño'ch esocopte' nanac otteñe'cheñet, ñeñto'marña napa' o' nanem allo'tsa'yen ñeñt chocma a'pocatyene' ñoñets ñeñt atet yechenet ñet. ²⁹ Tarraña napa' neñotoñ ñeñfep otteñe'cheñet, tarro'mar ñetpa' otenet ama atteye' peno atet anaretet ñocpuet. Ñeñtecpaña otteñe'cheñet tarraña ama añecpayaye attoch o'ch yemtsach amapa' o'ch yeyottam'psach. ³⁰ Allempoña napa' o' ne'mare'ch judionesha'pa' cha o'pateña o'ch muetsset. Ñeñto'mar te'pa' o'ch nemñe pesho tayecma. Ña'ña o' notueña ñeñt otteñe'chene' arrpa', te'pa' a'meteñetepa' pesho esocopte' otteñe'cheñet. Te'pa' ñeñfach notap.” Allohua huañ po'carta.

³¹ Allempo atet otanet pa'micha'tareterpa' añña solltarnesha'pa' e'ñe a'nahua anmet Pablo tsapocma. Allotñapa' o' chapuet all anetso pa'so'cheñ Antípatris. ³² Tsapañña añña solltarnesha' ñeñt chop'e'chets pa'tcopa' allota puerracherret Antípatrisof. Allotpa' añña anmue'ña Pablo Cesareohua ñeñt montetsa cahuallo. ³³ Allempoña chapuet Cesareopa' o' aposet gobernador carta. Ña'ña o' chapachet Pablo e'ñe ñesho. ³⁴ Allempoña gobernadorpa' o' lleya'huan cartapa' a'p'to'tan Pablo:

–¿Erra'tsena'tña anetsrot pehuapa?

Ña'ñapa' atet och:

–Arrot nehuapa Ciliciot.

Allempoña gobernadorpa' o' eño'ch allot huapa ³⁵ allempoñapa' otan Pablo:

–Te'pa' allach ya'pocatchña' ato't huatha'ta' ñeñt potteñe'chene'.

Allempoñapa' o' mueñan po'solltarneshar cohuan'psete'pa' Pablo allara amicha'taret Herodes po'palaciopahuo.

24

Allempo judionesha'pa' otteñe'choset Pablo allo'tsen amicha'taret Félix

¹ Pa'mnarmatñoñapa' huapa ñeñt pa'micha'tareter pen allohuen judionesha' po'cornaneshar, ñeñtpa' añ pa'so'cheñ Ananías. O' huapa ña'ña allponsheña ñeñt pompornesha' penet. Allotpa' huapa ña'ña puesheñar ñeñt pa'so'cheñ Tértulo ñeñtpa' ñeñticha' eñosapretahuet. Allempoña huapuetpa' o' ahuanmuet allo'tsen gobernador attoch otteñe'choset Pablo. ² Allempoñapa' huapachet ña'ña Pablop'a' o' chore'chet ñanom Tértulo attoch eños ñanom.

Ñañaapa' añeepa eños attoch otteñe'chet Pablo. Ñanompa' o' eños e'ñe cohuen gobernadorocop ñeñt Félix, atet ot:

3—Pa gobernadoro, nanac cohuen yenteneþ tarro'mar e'ñe þotot yocrrena e'ñe cohuen ama eñalle attoch yeçllaranna'ta. Ñaña þapa' o' þa'pocatonay e'ñe cohuen ñeñt yepalltena arr yenyo. Ñeñto'mar ya te'pa' yemneñ o'ch yeparasyoso't þocop attoch çhocma peyenpueney cohuen. 4 Te'pa' attoch amach alla nellaþso eñosetspa' napa' nemneñ e'ñe pemorrenteño'tpa' o'ch pe'mñoten mame' ñeñt'cha' notap. 5 Yapa' yeñoteñ añ yacmapa' nanac atsrre'moçhtena, nanac moññe'tatyenana ora allohuen judionesha' atto te'pa' ama patrraye' cotape'cheneto. Ñaña añmapa' ñeñt pompor pen allohuen ñeñt cotene' pocapña ñeñt huapatsa Nazaretot. 6 Elloña te'pa' mueneñeñ o'ch a'sosyatuanenñ ñaña Parets pa'paquëll, tarraña yañapa' o' yerrmue'. Ñaña yapa' yemneñeñ o'ch ya'pocacheñ atet anaret yocoppa' 7 tarraña o' huapa amcha'taret Lisias epuet po'solltarnesharpa' e'ñe po'huamencocma o' puerratampenyeta'. 8 Alloñapa' atet otey ñeñtey otteñe'chene' yehua-puepa'to' pesho. Te'pa' þachña a'þto'tare'te' attoch peñoç þaña ora allohuen attot yotteñe'cheñ. Añpa' allohua atet eños Tértulo ñeñt eñosapretahuat.

9 Judionesha'pa'çho'ña atet otet:

—Po'ñoçha'ye atet.

10 Allempoña gobernadorpa' o' yochan Pablo attoch eños ñaña. Allempoña Pablopa' atet ot:

—Napa' e'ñe noçsheñesha' o'ch neños pesho e'ñe nocop, tarro'mar napa' neñoteneþ o' shonte' char atto þa'mcha'tarettena arr yenyo. 11 E'ñe taya o' met çharramat puechena epomuet atto o' nema'yochuena' Parets pa'paclo all Jerusaléno. Ama't esesha' þa'þto'tpa' atetcha' otapet. 12 Tarraña allempo ñetpa' ama entneto o' esesha' notnare't, ñaña ama na'tsrre'moçhtana'che acheñenesha'. Ñaña ama na'tsrre'moçhto ama't Parets pa'paclo, ama't ñaña judionesha' po'prahuo, ñaña ama't all chopeñe'chyen acheñenesha'. 13 Ñeñto'marña te'pa' amate' erroten eñotatapeto añmapa' ñeñt e'ñe po'ñoç attota otteñe'chennet. 14 Napa' te'pa' añach na'meta' pesho, napa' name'ñena ñeñt e'ñe alloch yequeshperra. Po'ñoç napa' añ name'ñena ñeñtara Yompor ñeñt Po'yomporer pe't yatañeshañ. Ñaña añ name'ñena ora allohuen ñoñets añuñ atet anaret judioneshapoc. Ñaña añ name'ñena ñeñt atet quellquë't ahuat ñeñt a'mtaye't Yompor po'ñoñ. 15 Ñaña napa' añ name'ñena ñeñt attoch esempohuañen Yomporpa' tantaterrancha' allohuen acheñ—ñeñt e'ñe cohuen acheñ ñaña ama't ñeñt ama cohuenayaye acheñ. Ñetpa'çho'ña ñeñtara ame'ñenet. 16 Ñeñto'marña napa' çhocma nema'yoçhrena attoch Yomporpa' enten e'ñe cohuen, ñaña attoch acheñenesha'pa'çho'ña o'ch entennet e'ñe cohuen ñamet.

17 'Napa' shonte' char çhocma nechopeñen erraþaren anetso'mar. Te'pa' o' taya nohuerra arr attoch napa'yueser namo'tsesha' quelle ñeñt huocchañneshaçhno. Añ quellepa' ñeñtara apa'yeseñ ñeñt ame'ñenaya Yompor. Napa'çho'ña eñalleñ ñeñt'cha' nepomañ Yomporecop. 18 O' taya çhapmochañ allempoch o'ch na'cohuentatuañ Yomporecoppa' judionesha'ñapa' o' entnet all Parets pa'paclo. Tarraña allempopa' ama tama shonteyaye acheñ ñeñto'mar ama tama esesha' ama'toçhtetso. 19 Tarraña e'ñe allempopa' o' çhacha't ñaña judionesha' ñeñt huachetsa Asiot. Ta', te'ñapa' eso'marte'ña ama ñetaye'ña huapatseto arr attoch ñerra'm po'ñoç mueneñet o'ch otteñe'chnet na. 20 Tarraña te'pa' ama huapuetto ñetpa' ñehua, te'pa' otetepa'

ñeñ huacha'tatsa te'. A'metetepa' ñerra'm po'ñochte' este' nepanta' allempo natomos allo'tsa'yen ñeñ chocma a'pocatyene' ñoñets. ²¹ Allempopa' aña neños paterr huomenc atto notanet. Añecop napa' otteñe'chennet tarro'mar napa' name'ñena atto ñerra'm yerromapa' yetanerrach esempo. Ñehua, ñato' ñeñtecpate' otteñe'chennetña te'.

²² Ñeñta otua Pablopa' aña Félixpa' ama mueno o'ch alla serrpare'tertererr; tarro'mar ñapa' o' eñotmoch atet ame'ñena ñeñ coñene' Cristo. Ñeñto'marña atet otanet:

—Ñehua, te'pa' ñeñfach yot. Esemepochña huapa ñaña añcha'taret Lisiaspa' allempochña ya'pocatat ñoñets.

²³ Allempoña atet oterran po'captáner:

—Te'pa' allach secuampererr Pablo. Amach tama sa'montsatsche. Ñaña chocmach semnach ñeñ yemtenaya o'ch es aþ ñeñ palltena.

²⁴ Allponmaterrerra' o' huerra Félix Cesareo epuet puetapor ñeñ pa'so'cheñ Drusila, ñeñpa' judionesha'. O'ña cherr Félix o' agotatuena Pablo tarro'mar ñetpa' mueneñet o'ch serrpare'tatanet ñamet Pablo erroteñte' ame'ñenana Jesucristo.

²⁵ Allempoña chap Pablopa' o' serrpare'tatanet cohuen ñeñ atet yepena ya ñeñey ame'ñetsa. Ñaña atet otanet añcha' yema'yoçhra attoch e'ñe pocte' es yepa'yen, ñaña amach yepatsto ñeñ ama cohuenayaye tarro'mar Yomporpa' tsa'tatuerryach allempoch acerrran allohuen acheñenesha'. Ñeñta otua Pablopa' aña Félixpa' cha yoren. Allempopa' alla oter:

—Te'pa' orrerreþ, esepochña e'ñe pocta'huerrnanerra' o'ch alla neçhore'taterrper.

²⁶ Félixñapa' atta cohuenan Pablo ñato' o'ch aþ quelle añecop attoch a'rroyer. Ñeñto'mar errotenopa' o'chcho'ña agotach attoch serrpare'tet epuet. ²⁷ Atteñapa' o' met epa charpa' o' canyerra gobernador; huapa po'psheñ añcha'taret añ pa'so'cheñ Porcio Festo. Ñaña' nanac mueneñ o'ch coshatan judionesha' ñeñto'marña ama a'rroyerrano Pablo, atet ot:

—Allepa' preso.

25

Allempo chapachet Pablo allo'tsen añcha'taret Festo

¹ Allempoña añcha'taretta Festo all Cesareopa' poma'pamtañoñapa' o' ahua' Jerusaléño. ² O' chap Jerusaléño'pa' aña cornanesha' ñeñ nanac añcha'taretñesha' ñaña epuet ñeñ nanac sherbets judioneshacoppa', o' serrpare'tatapet Festo atto otteñe'cheñet Pablo. ³ Ñetpa' atet ochet Festo agotatanepa'to' Pablo attoch huapa Jerusaléño, tarro'mar ñetpa' ahuañacma a'pocatatuet o'ch cohuet Pablo toño attoch muetsapueret all. ⁴ Festoña'pa' atet otanet:

—Pablopa' allo'tsena all yottampeñet Cesareo. Napa' o' nesecherra o'ch ahuerren Cesareo. Ñato' e'ñech na'llponmatena o'ch ahuerren. ⁵ Te'pa' ñeñ nanac añcha'tarettetsa socoppa' cota'nerrnetepa' allochñapa' otteñe'cheñetepa' Pablo all, ñerra'm po'ñochte' eñall alloch otteñe'chet.

⁶ Festoña'pa' alla a'pa Jerusaléño allponmat. Ñato' po'psocmatño amapa' po'charramatño'pa' o' ahuer Cesareo. Cherr Cesareopa' tsapatña e'ñe ahuañecmapa' o' anorros allecma a'pocatatenet ñoñets. Allotña agotatan Pablo. ⁷ Allempoña huapachet Pablopa', aña judionesha' ñeñ huacha'tatsa

allpa' cha arrotam'pesyset. Allempoñapa' otteñe'choset. Shonte' esocmañen nanac sosey toma'tam'pesyesoset Pablo, tarraña ama errotenot' eñotacheto am'cha'taret Festo attoch otoset e'ñe po'ño'ch. ⁸ Pabloñapa' o' eños ñaña ñocop atet ot:

—Napa' ama cho nachm'are'teno ñoñets ñeñt' atet anaret judioneshacop. Ñaña napa' ama cho na'sosyateññañe Parets pa'paquell. Ñaña napa' ama cho natpare'teno ñoñets ñeñt' nen am'cha'taret Romot.

⁹ Tarraña Festopa' nanac mueneñ o'ch coshatan judionesha', ñeñto'marña otan Pablo:

—¿Pocte't penteñ o'ch ahuep' Jerusaléño allñapa' allcha' nentonap' atto po'ño'chte' alloch otteñe'chapet?

¹⁰⁻¹¹ Pabloñapa' alla anapuerrerr, atet ot:

—Napa' añña pocte' nenten o'ch a'poc'ataton am'cha'taret ñoñets ñeñt' romo'marnesha', tarro'mar amate' errotenot' neto Jerusaléño, tarro'mar ama errot' nepeñña judionesha', ama't'papa' peñotueñ. Ñeñto'mar añña pocte' nenten o'ch a'poc'ataton am'cha'taret ñoñets ñeñt' romo'marnesha'. Te'pa' arro'tsenen pesho ñeñte'p' eñets epap' am'cha'taret romo'marnesha' ñeñt' pocte' nenten na, ñach a'poc'atate'ña ñoñets nocop. Tarraña ñerra'm po'ño'chte' añ o' nepohua ñeñt' ama pocteyaye amapa' atet ñerra'm alloch muetsanet ñeñtpa' e'ñe pocte' muetsanetepa'. Tarro'mar ama nemno o'ch na'queshpata nañeña. Tarraña ñerra'm e'ñe attotapa' ama pocteyaye o'ch pepomuen judioneshesho. Ñeñto'mar napa' nemneñ o'ch a'poc'ataton am'cha'taret ñoñets ñeñt' romo'marnesha' e'ñe ñapu'e't.

¹² Allempoña Festopa' o' serrpare'tet epuet ñeñt' parro cotape'chatannenet. Allempoñapa' atet otan Pablo:

—Te'pa' nanac am'cha'taretesho pesechenapa' ama'tpa' allcha'ca'ye peta.

Atto eños Pablo allempo huapa am'cha'taret Agripa

¹³ O' allponmaterrrrpa' huapa am'cha'taret Agripa epuet po'ch Berenice. O' chapuet Cesareo all emo'teñeta' am'cha'taret Festo. ¹⁴ O' allponmatosetpa' allempoña Festopa' serrpare'tatanet atto otteñe'cheñet Pablo, atet otanet: Arrpa' allo'tsen puesheñarr yacma ñeñt' na'nom Félix ahuaña all yotam'peñet. ¹⁵ Allempoña napa' Jerusaléño'tsenenpa', añña cornanesha' ñeñt' pa'm'cha'tareternesha' pen allohuen judionesha' po'cornaneshar, ñaña po'potantañ ñeñt' pompornesha' penet, ñetñapa' o' serrpare'tatnet attot' otteñe'cheñet Pablo, ñaña otnet napa' nemtsachepa'to' Pablo. ¹⁶ Nañapa' atet notanet: “Ñeñt' ñoñets anaret Romotpa' ama pocteyaye o'ch yemtsach' acheñ ñerra'm ama eñorena' e'ñe ñocop attoch eñotatanet attot' otteñe'cheñet.” ¹⁷ Ñeñto'marña allempo hua'cha'ta judionesha' nesho, allempoña na tsapatñapa' o' nanorros allecma ya'poc'taten ñoñets. Allempoña napa' o' nagotach Pablo. ¹⁸ Añña ñeñt' hua'cha'tatsapa' allenta tom'cha'toset attoch o'ch alla otteñe'chueñeterr Pablo, tarraña amaña añeye' a'meta'yese'to atto ñeñt' poctetsa o'ch yemtsach' acheñ. ¹⁹ Aña a'meta'yese't ñeñt' e'ñe ñocpueta atet yetchenet ñet judioneshet. Ñaña añña a'meta'yese't ñeñt' poctapña puesheñarr ñeñt' pa'so'cheñ Jesús, tarraña ñeñtpa' o' rroma, tarraña Pablopa' cha oten ñeñtpa' o' tanterra. ²⁰ Ñeñto'marña napa' ama tama neñoche attoch na'poc'tat ñoñets ñocpuet. Ñeñto'marña atet noch Pablo po'tomña: “¿Pocte'te' penteñ o'ch ahuep' Jerusaléño allcha' ya'poc'tatena' ñoñets?” ²¹ Tarraña

Pablopa' ama mueno. Ñapa' aña muena' allach arr, allotcha'ña esempopa' entateñetepa'to' amcha'taret Augusto all Romo. Ñeñto'marña napa' not: "Te'pa' allepa' arrma, esempochña napa' o'ch nemñe amcha'taretesho Romo."

²² Allempoña amcha'taret Agripapa' atet otan Festo:

—Napa' atarr nemñeñ o'ch ne'm namña errotente' serrpare'ten Pablo.

Allempoña Festopa' atet och:

—Tsapatcha'ña pe'mñota'mueñ.

²³ Tsapatñapa' huapa'muena amcha'taret Agripa epuet ñaña po'ch Berenice. Ñetñapa' cha cohuenetyesoset. Allempoñapa' be'toscha'toset allecma serrpare'tatannena amcha'taretnesha'. O' be'toscha'tet epuet ñaña solltarnesha' pa'mcha'taretarnesha' ñaña po'poñechno acheñenesha' ñeññ nanac sherbets all anetso. Allempoña Festopa' o' agotatenanerr Pablo.

²⁴ Allempoña huapa Pablopa' Festoñapa' eñoratsapa' atet ot:

—Amcha'tarete Agripa, ñaña allohuenes ñeñtes arro'tsa'yenes: Te'pa' o' sentue añ yacma ñeññ nanac e'moñe'ten allohuen judionesha'. Ñetpa' o' otteñe'chuet e'ñe nesho allempo Jerusaléño'tsenen ñaña arrpa' o' otteñe'chueñeta' allempo necherr ñaña arr. Ama't arrpa' o' che'chame'tueñeta', atet otyeset: "Chosa muetse', tarro'mar añ acheñerpa' ama pocteyaye o'ch alla corra." ²⁵ Tarraña allempoña napa' na'p'to'tare'chpa' ama nentoñeña ñeññ atto pocte' o'ch nemtsach. Ñaña e'ñe ña muenats o'ch entateñeta' amcha'taret Augusto all Romo ñeñto'marña napa' pocte' nenteñ o'ch nemñe all. ²⁶ Tarraña napa' ama neñoteñe ñeññcha' atet nequellcoñ ya'mcha'tareter ñocop tarro'mar ama eñalle errotentoch'a' yotteñe'cheñ. Ñeñto'marña te'pa' o' nechore'tach arr all seshontena te'.

Alloña Festopa' atet otan amcha'taret Agripa:

—Te'pa' p'ach ñanom a'p'to'tare'te' atoch napa' o'ch neñoch errotentcha' nequellca' carta amcha'taretocp. ²⁷ Napa' noctape'cheñ ama pocteyaye o'ch yemñe acheñ ehuanca'ret ñerra'm ama eñalle errotent o'ch yotteñe'cheñ.

26

¹ Allempoña amcha'taret Agripapa' atet otan Pablo:

—Ñehua, te'pa' pocte' nenteñ o'ch peños p'aña p'ocop.

Allempoña Pablo e'ñe puehuomcha'teñotpa' o' echantan pot, allempoñapa' eños ñocop, atet ot:

² —Te'pa' nocshena amcha'tarete Agripa tarro'mar eñall attotcha' neños pesho nocop, añecop tarro'mar cha otteñe'chenen judionesha'. ³ Napa' nocshena tarro'mar te'pa' o' peñoch p'aña atet yeychena ya ñeñfey judioneshay. Ñaña o' peñoch attot ama patrraye' yoctape'chyeno. Ñeñto'marña te'pa' o'ch nenama'p atoch pe'mñoten cohuen.

Atet atarr cotape'che't Pablo allempo ama ame'ñerra'

⁴ 'Allohuen judionesha'pa' eñotuennet atet nocrr'e't ahuat, ama't allempoteñ ne'ñalleta nenyoy, ñaña ama't allempo cheshenna' allempo yeyche't Jerusaléño epan namo'tsna'tarnesha'. ⁵ Ama't ahuatoteñpa' eñotuanete't napa' fariseonshan ñeñfara ñeññ nanac etsotene' cotapñats nanac echarr allo yoctape'chen Partsocp. Ñeññ atet entnete't atet nocrr'e'tpa', atetcha'ñacho' a'meta'netañ. ⁶ Ñeñto'mar te'pa' arro'tsenen atoch sa'p'to'tare'ten, atto napa' name'ñena ñerra'm yerromapa' Yomporpa' tantaterreycha' esempohuañen. Añmapa' ñeñfara atet otane't ahuat Yompor yatañneshañ. ⁷ Ama't charrasheña puechena epa ñeñfara ñeññ

yatañneshañ yepen ñeñt chemere'tyesahuetpa', ñeñña po'mrenñetpa' e'ñe ame'ña'huenet ñeñt atet o' notuas. Ñeñto'marña ñet te'pa' nanac ma'yoçhrenet Yomporecop—yeto ama't ñaña tsapo. Tarraña ama't atet penetañ allohuen judionesha'pa' te'ñapa' e'moñe'tennet ama't napa' ñeñtara name'ñena atet ame'ñenet ñamet. Attoña ancha'tarete Agripa otteñe'chennetña te'.⁸ ¿Eso'marte' sapa' soten amach errotenot tantaterrano Yompor arromñañesha'?

Atto Pablopa' atarr mueroçhtatane't ñeñt ame'ñenaya Cristo

⁹ 'Napa'cho'ña ahuañmo'chapa' notenapañ ñato' ñeñte' poptetsa o'ch yemueroçhtach ñeñt co'ene' Jesús poctapña ñeñfara Jesús ñeñt nazareto'marnesha'.¹⁰ Ñeñto'marña napa' nanac nemueroçhtatyese'tacheñ Jerusaléno ñeñt ame'ñaye't Jesús poctapña. Shonte' acheñ ñeñt nabe'tate't cárcelo, tarro'mar cornanesha' ñeñt pa'mcha'tareternesha' pen allohuen judionesha' po'cornaneshar, ñetñapa' o' apnet orden ñeñtecop. Ñaña allempo otyese't ancha'taretnesha' ahuo'ch muetsachet ñeñt ame'ñenaya Jesús poctapñapa', napa'cho'ña o'chcho' not, pocte'ña'cho' muetsetepa'.¹¹ Chocma nemueroçhtatane't ama't judionesha' po'prahuo'mar, ñaña nanaccha' nemne't o'ch nachmare'tach ñeñt ame'ñatse't. Nanac natsrre'mueño'pa' noctare'tanete't erracmañen anetso'mar.

Allempo Pablopa' ello serrpare'taterraneterr atto ello cotape'cherran co-huen Yomporecop

(Hch. 9.1-19; 22.6-16)

¹² Alla otterraneterr Pablo:

—Atteñapa' o'cho' ahuen ñaña Damasco. Allempopa' napa' nechen orden ñeñt apuen ñeñt pa'mcha'tareternesha' pen allohuen judionesha' po'cornaneshar.¹³ Ñaña ancha'tarete te'pa' o'ch notap ñeñt atet norrtoya allempo. Allempoña o' yechapmoch Damasco allempopa' o' chap pocto. Ñeñña nanac popetsa ento'pa' machayotepa'tcha' çoyo'tam'psapuen ama't ñeñt epan nesen. Atet poptenapa' metanenan atsne'.¹⁴ Allempoña yapa' alla yerrmopra'yesa patso. Allempoña alla yerrmopra'yena patsopa', nañapa' o' ne'm ñoñets hebrea'cho ñeñtpa' atet oten: “Eso'mare't Saule pemueroçhtatennanña ñeñt name'ñenaya. Añpa' pañeña mueroçhtatetsa. Tarro'mar cha pottena ñerra'mrrate' ashen ñeñt e'ñe patpare'teño' ñañeñachña atserrpatetsa.” Añpa' atet oten ñeñt norrtoya.¹⁵ Nañapa' not: “¿Eshape'tña Ayochreshate eñets?” Nañapa' alla otnererr: “Napa' ñeñten Jesús enañara pemueroçhtaten.¹⁶ Te'pa' petanterra alla, ñeñto'mar te'pa' o' norrta pesho attoch o'ch nena'p pa, pach torratsa nocop, ñaña pach a'pote' ñeñt o' pentua te' ñaña ñeñtcha' neñotata'p allempoch norrtterrr pesho.¹⁷ Te'pa' o'ch nemña'p allo'tsa'yen ñeñt ama judioneshayayeto, tarraña napa' çhocmach necuam'psap ñerra'm esempo o'pata'pa judionesha' ñaña ama't ñeñt ama judioneshayaye.¹⁸ Tarro'marcha' nemña'p allo'tsa'yen ñeñt ama judioneshayayeña' allochñapa' attoch peserrpare'tatuanet attoch çhanepet pueyoçhro, attoch o'huañcha' chope'chet checmeto. Añcha'ña o'ch alla chope'cherret puetaro. Ñaña attoch o'huañcha' ahua'mencat panet oneñe't, añcha'ña ahua'mencat penahuet Yompor. Allochñapa' o'ch ame'ña'huerrnet na, allempoñapa' nep'retna'huerranetcha' po'chñar, attoch o'ch parrocma'tuerret e'ñe attecma atet ñerra'm ñeñt o' na'cohuentatua.”

Atto Pablopa' ama atpare'tenano ñeñt atet gateñ Partsesha' Jesús

¹⁹ Alla oterraneterr Pablo:

—Ñeñto'marña amcha'tarete Agripa te' napa' ama natpare'teñe Jesús ñeñfara ñeñf norrtoya entot. ²⁰ Ñanompa' o' neserrpare'tatanet Damasco attoch cotape'cherret ello cohuen Yomporecop. Allochñapa' o'ch pa'yenet ñeñf cohuentetsa Yomporecop, attoch yeñoç po'ñoçh o' cotape'cherret etserra. Attecma neserrpare'tatanet ama't Jerusaléño, ñaña ora eracmañen Judeo'mar, ama't ñaña allo'tsa'yen ñeñf ama judioneshayaye. ²¹ Attoña judionesha'pa' o' rroma'net Parets pa'paclo o'ch muetsanetañ. ²² Tarraña Yomporpa' ahuo't a'natna nanac atto teme'ttsen nocrena, attoch neserrpare'tach allohuen acheñenesha'—ama't ñeñf ama esoshe'mayaye, ñaña ama't ñeñf amcha'taretnesha'. Tarraña ama añeye' neyçhatenaneto ñeñf ama cohuenayaye. Añña attecma neyçhatenanet atet serrpare'te't ama't ñeñf a'mtaye't Yompor po'ñoñ ahuat. Ñeñpa' ama't Moiséspa' atet ote't ñeñcha' atet perra esempo. ²³ Ñeñfara serrpare'tatanet't ahuo'ch huapa Cristo añ patsropa' nanaco'ch mueroçhtachet, allotpa' ahuo'ch rroma, tarraña ñapa' tanterrach. Atto'chña tanterra ñanompa' o'ch a'puetarsampsanet pueyoçher allohuen judionesha', ñaña ama't po'poñeçhno acheñ.

Allempo Pablop' atarr mueneñ o'ch ame'ñatana amcha'taret Agripa

²⁴ Allempoña atet eñen Pablo ñocoppa', Festoña'pa' atet och e'ñe huomenco:

—Chate' Pablo pemospuena tarro'mar nanac es poctape'chenpa' ñato' ñeñfte' o' mospaterreþ.

²⁵ Pabloña'pa' atet och:

—Ama Ayochreshate Festo çhoye' nemospueno. Añña neserrpare'tatenes ñeñf e'ñe po'ñoçh. ²⁶ Ama't amcha'taret Agripapa' e'ñe eñotueñ atet noten. Ñeñto'marña te'pa' o' neyemcha ña tarro'mar napa' neñoteñ, ñapa' o' entuon ñeñf atet nepena, ñaña tarro'mar ama a'nahua es neþa'yeno. ²⁷ Amcha'tarete Agripa, þapa' çþame'ñeña't ñeñf a'mtaye't ahuat Yompor po'ñoñ? Napa' neñoteneþ þapa' þame'ñeña.

²⁸ Allempoña Agripapa' atet otan Pablo:

—Cha't þotenapañ tayecmapa' o'ch þame'ñatna Cristo.

²⁹ Pabloña'pa' alla otererr: Ama't tayecma amapa' tsapañonetpa' napa' atarr nemneñ Yomporpa' o'ch ame'ñaterrþa, ñaña ama't allohuenes ñeñtes ne'mñotene' te'. Atarr nemneñ o'ch same'ñerra allohuenes atet ñerra'm na, tarraña ama'tcha' atteseñ ñerra'm na, sapa' amuepa'chña ehuancaresetayso.

³⁰ Allempoña'pa' o' tomcha'terret allohuenet—amcha'taret Agripa, ñaña gobernador Festo, ñaña Berenice ñaña allohuen ñeñf allo'tsa'yen.

³¹ Allempoña ahuanerretpa' atet otanna'tyeset:

—Añ yacmapa' ama es peno attoch o'ch yemtsach amapa' attoch yemñe cárcelo.

³² Allempoña amcha'taret Agripa otan Festo:

—Amach ña muenetsñe o'ch a'poctatenana' ñoñets amcha'taretesho Romopa' yapa' o'te' ya'royereñ e'ñe tayecma.

27

Allempo anmet Pablo Romo

¹ Allempoña o' a'poctatuet o'ch mueñet Pablo anetso Romo allara Italiapa' o' anmet allo'tsen capitán ñeñf pa'so'cheñ Julio, ñeñf po'capñaner penet ñeñf emchorrenaya amcha'taret Augusto. Ñaña o' anmet po'poñeçhno ñeñf

ayottam̄psaretečno o' apueñeta' Julio, allñapa' ñach cohuan̄pesnomahuet.
 2 Allempopa' allo'tsen ñaña Aristarco ñeñt macedonio'marnesha' ñeñt huetsa TesalónicoḶ. Ñeñtcha' parro yocta'nem̄ Pablo.* Allempoñapa' o'cho' yebe'toscha't boto ñeñt huetsa anetsot Adramitiot, ñeñtña botepa' o'ch etsotyesnoma allemeña sohua'puetso' mar ora Asio'mar. Allempoñapa' o'cho' ahuan̄psey boto. 3 Tsapañapa' arr yetsotosa all oteñet Sidóno. Allña capitán Juliopa' morrentnomana Pablo ñeñto'mar o' muenach o'ch emo'tnoman pamo'tsessa', ñeñt yecha'yetsa all Sidóno, attoch ñetpa' o'ch apapet Pablo ñeñt palltena. 4 Allempoña ahuan̄perryerrpa' nanac yor- rnotam̄pesnoma. Morrpa' ama muenatye o'ch yemet attoch o'ch ahuey e'ñe pačharr all oñenet, ñeñto'marña yepotesam̄pesuanma coñe't pats ñeñt pa'so'cheñ Chipre. Tarro'mar yepotesuanma attoch ñeñt patspa' o'ch a'npan̄psey m̄orr. 5 Allempoñapa' arr yoñemuanom allame'tets Cilicio'mar, ñaña allame'tets Panfilio'mar. Allempoñapa' yechap ñaña Miro all yetsotosa, allara ñeñt pa'netser Licia.

6 Allña capitán Juliopa' entosan po'poñ bote ñeñt huetsa Alejandriot ñeñtcha' tatsa Italio. Ñaña allempopa' otey ahuo'ch ya'tacha't all. 7 Allempoña o' allponmat ahuan̄psey e'ñe acoḶapa' e'ñe yemuerochenñoḶa yemet ñaña Gnidot. Allotpa'cho'ña ama muenaterryerro m̄orr o'ch ahurryerr e'ñe pačharr, ñeñto'marña yepotesam̄pesuanerrerr coñe't pats ñeñt pa'so'cheñ Creta attoch ñeñt patspa' o'ch a'npan̄psey m̄orr. Allñapa' allpono'mar yoñom allecma etsotenet ñeñt pa'so'cheñ Salmón. 8 YemuerochenñoḶa yemetua ñaña allot e'ñe acoḶa. Atteñapa' yechap ñaña all oteñet Cohuen Sohua'puetso. Allotpa' e'ñe allame'tsa anetso Lasea.

9 Yemueročhtame'teñoḶpa' o' ya'llponmatnom ñeñto'mar allempopa' o' čhen allempo nanac am̄cha'nočhtena o'ch ahuan̄psey sapo'mar. Ñaña o' met allempo anaret judioneshacop allempocma ahuantenet pa'čporrña Yomporecop, ñeñto'marña yapa' o' yeñoch o' čhen allempo nanac orrnotena sapo'mar. Ñeñto'marña Pablopa' o' yerpatanet, 10 atet otanet:

—Masheñeshacha', napa' noctape'čhen arepoña es yehuapoya toño allempoch ahuan̄perryerr. Napa' noctape'cheñ ñato' o'ch yechencatsre'tnoma, ama't ñaña yebotepa' čhach čenča; ama't yapa'cho'ña arepoña čha yechenca.

11 Tarraña capitánñapa' o' ame'ñenana atet otanet ñeñt maneja'nene' bote ñaña ñeñt atet otanet ñeñt pamo'mte' pen bote. Ama ame'ñyeto atet otanet Pablo. 12 Ñaña all Sohua'puetso Cohuenpa', ama tama cohuenayaye o'ch allaya allempo čhen orrnoteñtsopo. Ñaña allohuenetpa' o' e'ñe pocte' entuet o'ch ahuan̄perryerr allot. Arro'čña yechap sohua'puetso all oteñet Fenice, tarraña allara anetso Creta. O' sechet Sohua'puetso Feniceo tarro'mar allpa' ama tama orrnoteno. Allñapa' allach ya'posa tarremphoua o'ch metuen orrnoteñtsopo.

Allempo huomenquēshatam̄pesnomuet sapo'mar

13 Allempoñapa' o' huapa m̄orr po'pshem̄tañoḶ, tarraña ñeñtpa' mamesha m̄orraren. Allempoñapa' otyeset:

—Te'pa' pocte' o'ch ahurryerr.

Allempoñapa' o'cho' cheterret ñeñt rremuene' botepa' o'cho' ahuan̄perryerr. Allotñapa' e'ñe toḶña'so'mara yoñmañpes allara anetso

* 27:2 Lucas ñeñt quellquē' añ ñoñets ñapa' cota'nman ñaña Pablo.

Creta. ¹⁴ Tarraña e'ñe o'chtapa' ahuepa'tcha' huapa ñaña mōrr onnatōt allente'tsen anets Creta. Allempoñapa' o'cho' yorrrnotam̄pesnoma nanac huomenc. ¹⁵ Botepa' ama eshcaye' to allenet anmam̄penyet allempoña ama erroť yepepa' o' anmam̄psey orrno a'yenet. ¹⁶ Orrnoñapa' o' chapatey po'pshem̄tañōť allo'tsen coñe't rrochpe'chañ añ pa'so'cheñ Clada. O' chapatey allotem̄ta'n ama tama hueno mōrr. Allña e'ñe yemuerōchenñōta yechant noñť ñeñť cheta'nen atarr bote. Allōtpa' yesha'ch atarr boto. ¹⁷ Allempoña o' yesha'tua noñťpa' ñetñapa' huancatse'tet atarr bote attoch amach tare'che orrno. Ñaña ñetpa' añ mecha'tet ñato' botepa' o'ch chap muelle'sato allo'tsen mueñ ñeñť ama echarroyaye ñeñť otenet Sirte. Ñeñťo'marña o' pueyhuet enot shetamuets ñeñť chopē'chatene' bote attoch botepa' amach errenet to. ¹⁸ Allempoñapa' ahuepa'tcha' yorrrnotam̄pes nanac huomenc. Tsapatñapa' chetanatet cargapa' saprrōchet sa'po. ¹⁹ Poma'pamtañōñapa' o' saprrōtet ñaña ñeñť allpon echyen bote. ²⁰ Allempoña' allponmat ama orrterro atsne' ama't ñaña rantochno, ama't mamesha. Nanac yorrrnotam̄psa. Atteñapa' yot:

—Te'pa' amach erroteno yequeshperro.

²¹ Ñaña allponmat ama es yerro. Allempoña Pablopa' tompa' ot:

—Ñerra'm amach masheñneshacha' satpa'noñe atet notaseñ, amach yonñe Cretōť, te'pa' amate' es yeyore'tenayñe ñaña allempopa' amate' yechencatsre'tañe. ²² Tarraña te'pa' o'ch notas, amach sellcatsto tarro'mar yapa' yequeshpach allohueny. Añachña chencatsre'tatsa bote. ²³ Napa' neñoteñ tarro'mar tsapopa' orrtona mellañōteñ ñeñť huetsa Yomporeshot ñeñfara Yompor ñeñť puecherm nepene', ñaña ñeñfara ñocop nerorra. ²⁴ Ñeñť norrtōyapa' atet oten: “Amach Pablo pellcatsto tarro'mar pechapcha' allo'tsen amcha'tareť all Romo. E'ñe potpa' Yomporpa' o'ch a'natana allohuen ñeñť epap sechopē'cham̄pen boto.” ²⁵ Ñeñťo'marña notenes amach sellcatsto. Tarro'mar napa' ñeyemteña Yompor, ñerra'm erroten otenpa' atēcha' pa. ²⁶ Tarraña ama't atētpa' chocmach yepotam̄psa allempo o'ch yechapmoch patso. Añpa' allohua atet otanet Pablo.

²⁷ Allempoña o' met charramat puechena pa'tatsmat, atta yetam̄pena sa'po ñeñť otenet Adria. Allempopa'cho'ña yorrrnotam̄pesnoma. Allempo chap rroch tsapopa' añña ñeñť taruasets botopa' atet otet:

—Ñato' o' yechapmoch allo'tsen pats.

²⁸ Allempoñapa' o' topaso'tet sa'p. Allempoñapa' ahuo't eñochet allo'tsen ma'poch charra' puechena pechap metro. Allempoñapa' o'cho' ahueyerr allpononetpa' allpa'cho'ña o'cho' topaso'tuereter. Allñapa' otet allo'tsen epoch charra' puechena cancherr metro. Allempoñapa' añ mecha'tet taye'to' yeto'mam̄psa mapyo. ²⁹ Allempoñapa' o'cho' a'sshore'tet puequē'nare'tot pa'tatsm̄aga ñeñťcha' rremue' bote. Allempoña a'sshore'tuetpa' o' cohuet ato't puetarena'. ³⁰ Añña ñeñť taruasets botopa' a'suaterret e'ñe a'nahua noñť tarro'mar ñetpa' añ muenenet o'ch cačpa'nmuēt alla bote. Ama't ahuepa't a'suaterret noñťpa' ñetpa' cha' ottenet ñerra'mrrate' po'poñ a'sshore'tenet ñeñťcha' rromue' bote poñe'm̄agot. ³¹ Allempoña Pablopa' eñotanet atet cotape'chen ñeñť taruasets botopa' atet otan capitán ñaña po'poñechno solltarnesha' atet otanet:

—Ñerra'm ama alla a'pueto botopa' sapa' amate' errotenot sequeshperro ama't pueheñarrofesa.

³² Allempoña solltarnesha'pa' o' tsorram̄pset noñĩ počhar attoch ahuo' a'yenet. ³³ E'ñe puetaresuanetsapa' añña Pablopa' atet otanet allohuenet:

–Te'pa o'ch serra'muen tarro'mar o' çharramat puechena pa'tatsmat sema'yochreñoĩ po'poñpa' ama semueno, ama es serreno. ³⁴ Ñeñto'marña o' nota'muenes serra'muen attoch çherr sehuanenc, tarro'mar amach eseshas chencato, ama't puesheñarofesa.

³⁵ Ñeñta otuanet o' chetan panpa' o' ma'yocha e'ñe alla all shontena acheñenesha'. Allotpa' shotan panpa' o' rre'. ³⁶ Allempoñapa' o' ye'chatanetpa' o' rret ñamet. ³⁷ Ñeñtey boto'tseney allohueneypa' allo'tsen doscientos setenta seis acheñenesha'. ³⁸ Allempoña ocha'huanet puerrarpa' alla saproteneterr trigopo'r oño attoch o'huañcha'tama eñerrta bote.

Allempo taram̄psanet sa'p po'bote

³⁹ Allempoña e'ñe puetaresuenpa' o' entet pats, tarraña ama puentareto ñeñĩ pats, tarraña allempo o' entet ñaña a'yohuen mueyapo's allñapa' a'yohuen ñaña pueme'tar. Allempoñapa' cotape'chetpa' otet:

–Ñato'yechapcha' all allochñapa' allcha'yetsotosa cohuen.

⁴⁰ Alloñapa' tsorro'tet ñaña ñeñĩ rromuene' botepa' o' a'ypo'ña'nmet alla sa'po. Allempoñapa' o' pueyam̄peret allo huanquét ahuaña bote puepopa'p̄. Allempoñapa' echantet ñaña poñe'māgot shetamuets attoch mōrrpa' o'ch matatan bote. Allempoñapa' o'çho' ahuan̄psey pueme'taronet.

⁴¹ Allempoñapa' o' çhap bote all epchacra'stena sa'p all nanac epopa' rroçhoñapa' çha muelle'sattena. Chap all botepa' çha açhtosa poñe'māgot, ama errot yepere. Arroñña pueque'nare'tot nanac emo'yarertena sa'p. Po'huamencpa' o' taram̄psey yebote. ⁴² Allempoña solltarnesha'pa' mueneñ o'ch muetsanatuan ñeñĩ ayottam̄psaret taye'to' ñerra'm patetpa' ahuo'te' yetet. ⁴³ Tarraña capitánpa' nanac mueneñ o'ch a'queshp̄atan Pablo ñeñto'marña ama muenataneto o'ch muetsanachet. Ate't otanet:

–Ñerra'm esesha'te' eñotene' patatsapa' o'ch sepata sanom attoch se'çhata yonita'y. ⁴⁴ Alloñapa' sanña ñeñes ama eñotenaye patatsapa' ñato' o'ch sanemyes tabla amapa' po'poñe'çhno ñeñĩ echyen bote, allochñapa' attoch se'çhata sanña.

Allempoñapa' o'çho' pechatuet allohuenet.

28

Allempo çhapuet coñe't pats pa'so'cheñ Malta

¹ Allempoña o' yequeshp̄a'hua allohueneypa' allempoñapa' otyet añ coñe't patspa' año' pa'so'cheñ Malta. ² Añña acheñenesha' ñeñĩ yeçhetsa allpa' nanac muerapyet ñeñto'marña a'toronayet tso' allcha'yeshotosa, tarro'mar allempopa' çha huatena o' yesnate't. Tarraña e'ñe cohuen agapapuey allohuen acheñenesha'. ³ Pabloñapa' allenta tsella'tpechospa' o' a'tamo'ye' tso. Allempoñapa' machayota çha'nom sheche'p̄ e'ñe tso't. Ahuo't atserr e'man tso'pa' o' çha'nompa', çha a'çhan Pablo pototpa' alla a'sope'ch. ⁴ Acheñenesha' ñeñĩ yeçhetsa allpa' eñchet Pablo çha a'sope'cheñ sheche'p̄ pototpa' atet otanna'tyeset:

–Añ acheñpa' amtsañte'ca'ye ñeñto'mar te'pa' ama't o' queshp̄a'hua sa'potpa'te'ña Yomporpa' o'ch tsa'tacha.

⁵ Tarraña Pablopa' pa'shque'cherra sheche'p̄ñapa' o' shora'nerr tso, amaña erroteye' pe ama't mamesha. ⁶ Allempoña acheñenesha'pa' atta cohueñet

Pablo ñato' machayotach añecmuenta potpa' o'ch t'aco'ra rromue'. Allempoñapa' o' cohua'huet o'chet ama es atsoto, allempoñapa' o' cotape'cherret po'poñ, atet otet:

—Añpa' po'ño'ch Paretste'.

⁷ Ñeñña ane'tañtetsa allpa' añ pa'so'cheñ Publio. All yechap yapa' allotpa' allame'ttsa all yechena Publio, allpa' allo'tsen po'patseñ. Ñapa' o' agapapuey e'ñe cohuen ñeñto'mar allpa' yema'pamuetnom pa'paclo.

⁸ E'ñe allempoña' añña Publio pomporpa' cha atсна'ten, nanac huoraten ñaña cha chemotse'ten, ama achñeno. Allempoña Pablopa' o' ahuo' o'ch enteña'. Allempoña chap Pablopa' ñañapa' ma'yocham'psosya. Allempoña Pablopa' o' a'plana'chpa' añña ñeñt atсна'tetspa' allenta correna.

⁹ Allempoña e'mare'ch allohuen acheñenesha' atet o' posa Pablopa' huapyesa acheñenesha' ñeñt atсна'tyets. Ñetpa'cho'ña e'ñe a'crratyesianet Pablo.

¹⁰ Ñeñto'marña acheñenesha'pa' shonte' regala'yesyet pa'namen. Ñaña allempo ahua'mperryer botopa' nonayet allpon ñeñt yepalltena.

¹¹ Allempoña o' met ma'pña arrorrrpa' o' alla ahua'mperryer po'pnañ boto. Ñeñña botepa' ñeñt cohue'ne' o'ch metuen allempo orrnoteñt'sopoten. Añ botepa' ñeñt huapatsa ahuaña Alejandriot. Ñaña añ botepa' echenan poñe'magot acheñma't ñeñt epuesha' ñeñt toma'ntatenet po'yosret; ñeñtpa' añ pa'so'cheñ Cástor; po'psheñeñpa' añ pa'so'cheñ Pólux. ¹² Allempo' arr yetso'tnoma all oteñet Siracusa. Allñapa' alla yema'pamuetnom.

¹³ Allotpa' allampaño'mara yetso'tatopñe'ch pats, atfeñapa' yechap all oteñet Regio. Allpa'cho' all yetso'tnoma. Tsapatñapa' o' morrarener mame'sha'tets. Morrrpa' arro' huena yecha'ñe'mta'no't. Allempoñapa' o'cho' alla ahua'mpenyerr. Allotñapa' e'ñe puepomtañocma yechap all oteñet Puteoli.

Allpa' all yetso'tosa. ¹⁴ Allñapa' yentos ñeñt ame'ñetsa. Ñetpa' a'patapyet all yechenet, ñeñto'marña yapa' alla yecancherrmatnom ñesheto. Attotapa' o'cho' yeya'rrota ñaña Romo. ¹⁵ Añña ñeñt ame'ñetsa all Romopa' ahuo't e'mare'tyets o' yechap allampaño'pa' allenta't onacha'tet o'ch poctapyet. Puesheña'tetspa' o' chapuet all oteñet Foro ñeñfara Apio. Po'potantañña'p' alla't chapyeset rrocho all oteñet Ma'ppahua Pocoll. Allñapa' all pocta'yets. Allñapa' all entosanet Pablopa' nanac parasoyo'tan Yompor farro'mar allempo'pa' nanac coshatapet Pablo. ¹⁶ Allempoña o' yechap Romopa' atet otapet Pablo yechosepa'to' ellonet, tarraña chocma net solltar ñeñt'cha' cohua'mpse'.

Allempo Pablopa' serrpare'tatosanet allempo chap anetso Romo

¹⁷ Poma'pamtañña'pa' añña ñeñt añcha'taretetsa judioneshacop allpa' Pabloñapa' agotatanet allohuenet. Allempoña o' e'ñe apcha'huetpa' Pabloñapa' atet otanet:

—Masheñeshacha', ama't napa' ama erro't nepeñeña judionesha' ñaña ama cho nehuapore'tateno ñeñt atet ye'che't yatañneshañpa' te'ña judionesha'pa' o' atta rroma'net all Jerusaléno, o' pomnet allo'tsen romanonesha'. ¹⁸ Ñetpa' a'p'to'tare'tnet, tarraña amaña entoneto atto alloch muetsatnet, ñeñto'mar ñetpa' mueneñetañ o'ch a'rroyernetañ. ¹⁹ Tarraña judionesha'pa' ama pocteye' eñcheto o'ch a'rroyerneta. Ñeñto'marña napa' nesecha' o'ch entatenneta' añcha'taret arr Romo. Tarraña napa' ama cho notteñe'cheñe namo'tsna'tar.

²⁰ Ñeñto'marña te'pa' o' nagotatuas allochñapa' o'ch neserrpare'tatuas ñeñt atet pennet. Ñaña napa' name'ñena atto ñerra'm yerromapa' Yomporpa'

o'ch tantaterrey esempohuañen. Ñeñto'marña te'pa' o' sentuan napa' ehuan-careten, tarraña ama't allohuen judionesha'pa' attecma ame'ñenetañ.

²¹ Ñetñapa' atet ochet Pablo:

—Tarraña yapa' ama yaguëna' carta Judeot ñeñ' atet otenet pocop. Ñaña ñeñ' ame'ñetsa ama't huapyenet arrpa' ama esesha' errot otetso pocop ñeñ' ama cohuenayaye. ²² Yapa' aña yeñoten po'ñoçh çhocma e'moñe'teñet erracmañen ñeñ' cotene' Jesús poctapña. Ñeñto'marña yapa'çho'ña yemneñ te'pa' o'ch ye'mñotap yama errotente' poctape'chen pa.

²³ Allempoñapa' a'pochtachet allempoch huacha'tet allo'tsen Pablo allempo'ch serrpare'tatanet. Allempoña o'çhap allempoch huacha'tetpa' allempopa' shonte' acheñ huacha'tatsa Pableshe. Allempoña Pablopa' e'ñe ellapen serrpare'tatahuet; a'potanet atet pena Yompor po'cohuenña ñeñ' atto ayochreshattena ña. Ñaña lleyatyesanet Moisés po'ñoñ all oten atetcha' pa ñeñ'fcha' Cristotats. Ñaña lleyatyesanet po'ñoñ ñeñ' a'mtaye't ahuat Yompor po'ñoñ all oten ñaña atetcha' pa ñeñ'fcha' Cristotats. Ñapa' nanac mueneñ o'ch ame'ñatanet atto Jesús'pa' po'ñoçh ñeñ' Cristotats.

²⁴ E'ñe allempopa' ame'ña'yesyet puesheña'tets, tarraña po'potantañpa' ama es ame'ñatso. ²⁵ Atteñapa' ñañeñeta achmāre'tanna'tyeset. Allempo ahuanerrmochetpa' allempoña Pablopa' otanet:

—E'ñe po'ñoçh atet ote't Isaiás ahuat allempo Parets Puecamquëño'pa' otan satañneshañ:

²⁶ O'ch soteña' judionesha' añ ñoñets: Ama'tcha' çhocma e'mñotenetpa' ama't ahuatapa' amach çhapaneto pueyoçhreto. Ñaña ama'tcha' çho es entuetpa' amach çhapaneto pueyoçhreto.

²⁷ Allotpa' o'ch sotenaneta', te'pa' pueyoçhretopa' nanac echarretenet attoch amach es çhaphueto pueyoçhreto. Te'pa' amach mueneto o'ch es e'mñotet taye'to' çhapanet pueyoçhreto. Te'pa' amach mueneto o'ch es entet taye'to' çhapanet pueyoçhreto. Attetach amach es cotape'cherreto nocop ama't mamesha attoch na'qeshpaterranet. Añpa' allohua atet ote't Isaiás ñeñ' a'mtaye't Yompor po'ñoñ ahuat.

²⁸ Allempopa' alla oterraneterr Pablo:

—Te'pa' o'ch neñotatas añ, tayoteñ Yompor po'ñoñpa' o'ch yeserrpare'tach po'poñ acheñ ñeñ' ama judioneshayaye. Tarro'mar ñetpa' ñerra'm e'moñet Yompor po'ñoñpa' o'ch ame'ñet. E'ñe pame'ñeñotetpa' qeshperretcha'.

²⁹ Ñeñta' otuanet Pablopa' añña judionesha'pa' e'ñe pachmāre'tanna'teño'tetpa' o' ahuanerret.

³⁰ E'ñe epa char all yeçha Pablo Romo. Allpon pallta'yese'tpa' e'ñe tsa'tuauye't. Ñaña e'ñe cohuen agapyesane't ñeñ' huapyestse't. ³¹ Ñaña e'ñe cohuen serrpare'tatanete't atet pena Yompor po'cohuenña atto ayochreshattena ña, ñaña yeçhatanete't atet pena Yepartseshar Jesucristo. Tarro'mar allpa' ama esesha' epatare'taye'te. Allohua.

AÑ SAN PABLO PO' CARTA ÑEÑT̃ QUELLCAN ROMO' MARNESHA' ROMANOS

Atto Pablopá' quellcanet carta añecop ñeñt̃ ame'ñetsa netso Romo

1 Masheñneshacha' ñaña nochaneshacha' ñeñtes allohuenes yeçhetsa anetso ñeñt̃ añ pa'so'cheñ Roma ñeñtes Yomporpa' ahuo't nanac muer-errsa, attoña o' hua'ñerres attoch sapa'cho'ña o'ch e'ñe poctacma puey-cohresha' perres. Na Pablon sequellquene'ña añ carta, ñeñten nanac torretsa Jesucristocop tarro'mar ñeñtecopña llesenserrenña Yompor, nach ma'yoçhrerraya serrpare'tyene' añ cohuen ñoñets ñeñt̃ huetsa Yomproeshot alloch po'ñoçh yequeshperra.

2 Añ cohuen ñoñetspa' ñeñt̃ara ñoñtsor ñeñt̃ ama't ahuat Yomporpa' e'ñe eñotatuane't̃ ñeñt̃ a'ñta'yese't̃ po'ñoñ ñeñt̃cha' atet perrnay te' añeñpo. Ñeñto'marña ñetpa' quellca'yese't̃ ñeñt̃ atet otanete't̃ Parets. 3 Ñaña añ cohuen ñoñets alloch yequeshperra, ñeñt̃pa' añ serrpare'ten Jesucristo ñeñt̃ Puechemer pen Yompor. Tarraña allempo achenetos arr patsropa' ñapa' e'ñe David po'mrenño't̃ eñalleta, ñeñt̃ara David ñeñt̃ añcha'tarettatse't̃ ahuat.

4 Tarraña Parets Puecamquẽño'pa' nanac ahuamencattache't̃ añecop ñeñt̃ cohuenetyetsa Partocop. Ñaña chemerrña allempo Pomporpa' ahuo't tantater po'rromño'pa' allempona e'ñe eñotuarefta ñapa' po'ñoçh Yompor Puechemer ñeñt̃ara Jesucristo ñeñt̃ Yepartseshar yepen. 5 Ñaña yame'ñeño't̃ ñeñt̃ara Jesucristo, Pomporña e'ñe puemuereño'teypa' ahuo't apuey llesens, allochñapa' yach ame'ñatyenahuet ama't erraparen allohuen anetso'mar. Attochña e'ñe cosha'yeññañet Yompor Puechemer. 6 Atet ñerra'm sa ñeñtes yeçhetsa Romo, sapa'cho'ña ahuo't sa'hua'ñare'terra attoch socter Jesucristo.

7 Te'pa' e'ñe nehuom'cha'teño'tes sa, napa' o'ch notas: Yomporepa'chña sebensare'tam'pene' ñeñt̃ nanac Parets epuet Puechemer Jesucristo ñeñt̃ Yepartseshar yepen. Ñetepa'chña socshatene' e'ñe sa seyoçthro allohuenes.

Atto Pablopá' mueneñ o'ch emo'tenana' romo'marnesha'

8 Ñehua, e'ñe ñanompa' añcha' notas, e'ñe neyemteño't̃ Jesucristopa' çhocma neparasyoso'teñ Yompor allohuenacapas, tarro'mar ora allemẽñ anetso'marpa' çhocma serrpare'tyenet atto sapa' ahuo' e'ñe cohuen same'ñena. 9 Yomporpa' e'ñe eñotenen, napa' çhocma nema'yoçhena socop. Ñaña añ Yomporpa' ñeñt̃ña nanac neshherben, e'ñe neyoçhocmañen neserrpare'tateño't̃ po'ñoñ, ñeñt̃ atet perrnay Jesucristo ñeñt̃ara ñeñt̃ Puechemer pen ña. 10 Napa' çhocma nenamueñ Yompor attoch ama't esempopa' o'ch nabchensa' ñerra'm ñach muenats. 11 Napa' atarr nemneñ o'ch nabchensa', o'ch neyçhatensa' attoch Parets Puecamquẽño'pa' allote' sesen huomenctatsa ñocop. 12 Ñehua, añ noten, e'ñe yame'ñeño't̃ parropa' e'ñe pocte' o'ch yeyçhatanna'ta ñeñt̃ cohuentetsa Yomporecop attoch yepenpanna e'ñe yame'ñeño't̃ Yompor.

13 Ñaña te'pa' o'ch masheñneshacha' ñaña nochaneshacha' notas, ama't ahuañmo'çhoteñ nesechenañ o'ch nabchensa' tarraña teme'ttsenpa' ama errot nepeñe. Napa' añecop nesechena ñaña attoch seshopa'cho'ña o'te'

name'ñateña' acheñenesha' atet neña'yena po'poñ anetso'mar. ¹⁴ Tarro'mar ñeñt' poctetsa nocoppa' o'ch neñotach allohuen acheñenesha' añ cohuen ñoñets attoch yequeshperra, ama't griegonesha' ñeñt' nanac ayçhatarettetsa amapa' ñaña acheñenesha' ñeñt' ama ayçhatareteyaye, ama't ñaña acheñenesha' ñeñt' nanac es eñotenet amapa' ñaña ñeñt' ama es eñotetso. ¹⁵ Ñeñto'marña e'ñe nocsheñeshocmañen nemneñ o'ch neserrpare'tatas saña añ cohuen ñoñets alloch yequeshperra ñeñtes yeçhetsa anetso Romo.

E'ñe añ yame'ñeñot' ñeñt' cohuen ñoñets, ñeñt'pa' allochña Yomporpa' a'queshpaterrey

¹⁶ Tarro'mar napa' ama apenca'pahuoye' nenteno añ cohuen ñoñets atto Jesucristo rroma yocop alloch yequeshperra, tarro'mar ñerra'm esesha' ame'ñenaya añ cohuen ñoñets, ñeñt'pa' ñeñt'ña Yompor po'huamenc alloch a'queshpaterrey allohueney ñeñtey ame'ñenaya ña, ñeñtey judioneshay e'ñe yanom allo'tpa' ñaña ñeñt' ama judioneshayaye. ¹⁷ Ñaña añ ñeñt'ara cohuen ñoñetspa' eñotateney, e'ñe yeyemteñoña Jesucristopa' Pomporñaapa' e'ñech pocte' enteney, allochñaapa' allo'nach yesen e'ñe yemtenaya ña. Tarro'mar aña' ñeñt'ara anuaret' ahuatoteñ e'ñe Yompor po'ñoño allohuenacpay, ñeñt' otets atet: Ñeñtey ame'ñenaya Yomporpa' e'ñech pocte' entueney ñaña e'ñe yeyemteñoñ ñapa' yaña'p' corretsayach, ama't tayoteñ errponohuañen.

Atto allohuen acheñenesha' atpare'chete't Yompor

¹⁸ Tarro'mar yapa' yeñoteñ Yompor ñeñt' pue'ntañotsen e'ñe po'yoro'chenño'tsa'yena allohuen acheñenesha' ñeñt' ama pocteye' es peneto ñocop, ñeñt' sosya'tsañach eñotyenet. Ñaña e'ñe atet pue'patse'teño'tetpa' ñeñt'ña ama muenatenahueto o'ch orrtanet Yompor po'cohuenña ñeñt' e'ñe po'ño'ch. ¹⁹ Ñehua, ama't sosya'tsañach eñotyenetpa' tarraña ñetpa' e'ñe eñotueñet ñaña atet penaña Yompor, tarro'mar ñapa' ñaña eñotatenahueto e'ñe pueyoçhreto ñeñt' atet penaña ña. ²⁰ Ama't yeñoteñ Yomporpa' ama entpahuoyaye tarraña yenteññañ pueyeçhatarot po'partsoña ñaña allo'tña yenteññañña po'huomenc atarr. Ama't ahuatoteñ allempo e'ñe errote' yeçcatene' pats, alloteñña yenteññañña po'ño'ch po'partsoteña ñeñt'ña'p' errponohuañen. Ñeñto'marña acheñenesha' ñeñt' yeçhene' sosya'tsaña'p' amate' errotent' oteto amo' eñoteñetoña ñeñt' atet penaña Yompor po'partsoteña. ²¹ Ñaña ama't eñoteñetañ ñeñt' atet penaña Yomporpa' tarraña ama mecha'na'teñetoña Parets, ñaña ama coshateñeto ñeñt' ora añecop. Attoña o'huañcha' cotape'chenet ñeñt' sherbets Partsocop. Ñeñto'marña pueyoçhretopa' o'huañcha' eñoteñet ñeñt' cohuentetsa Yomporcop; atet ñerra'm pueyoçhretpa' nanac a'cheçmetañpsaret. ²² Ama't otenetañ atarro' es eñotenet, tarraña po'ño'ch ñetpa' ahuo't atta allo'na otatsña'etnenet. ²³ O'huañcha' cosheñet ñeñt' po'ño'ch Parets ñeñt' ama arromña'eshayaye. Añachña e'ñe coshenet ñeñt' yeçcatyenet ñet. Tarraña ñetpa' e'ñe arromña'otata atet es yeçcatyenet atet ñerra'm acheñma't ñaña otma't, ñaña po'yallo'pma't ñaña es berrma't. Ñeñt'apa' ñeñt'fach e'ñe ma'yochyenet ñeñto'ña e'ñe po'yomporer penet.

Atto acheñenesha' allo'na senet muenatse'tyese' ñeñt' nanac sosey enten Yompor

24-25 Attoña o'huañcha' ame'ñeñet ñeñt po'ñoçh Parets, añachña ame'ñenet ñeñt ama po'ñoçhoyaye. O'huañcha' ma'yocheñet ñeñt e'ñe Yompora', añachña ma'yocheññañet ñeñt e'ñe ña pueyeçhcatuar. Ñaña o'huañcha' sherbeñet ñeñt e'ñe Yompora', añachña sherbeññañet ñeñt e'ñe ña pueyeçhcatar. Tarraña Yomporepa'chña ñapue' aye'choçhtatarettatsa tayoteñ ama't erponohuañen. Ñeñtpa' atetepa'ch. Tarraña atto a'ypo'ñeñet Yomporpa' ñapa'çho'ña e'ñe pa'ypo'ñeñoñanet ñamapa' ahuo't muenatyesanet o'ch allo'na senet muenatse'tyeset ñeñt nanac sosey enten Yompor. Ñeñt atto muenatse'tyenet atto o'ch agapannenet, ñeñto'pa' nanaccha' apencoçhen yeçhenet.

26 Ñeñto'marña Yompor e'ñe pa'ypo'ñeñoñanetpa' ahuo't muenatanet o'ch allo'na senet muenatse'tyestset ñeñt nanac apencoçhen enten ña. Attoña ama't coyanesha'pa' o'huañcha' aguënan puerrollar atto ñeñt e'ñe pocte' atet anareteyeñ. Ñagattsetach muenannetset o'ch agapanna'tyenet ñeñt e'ñe parro pacmacmuet. Ama't ñeñtpa' ama atteye' anareteye. 27 Ñaña ama't yacmapa' attecmaçh penet. O'huañcha' aguënan puetapor atto ñeñt e'ñe pocte' atet anareteyeñ. Añachña atarr muenen o'ch aguënan pacma e'ñe ñagattsa pacmacma, ama't ñeñtpa' ama atteye' anareteye. Ñeñt atet ñannenet yacma parro yacmacmapa' ñeñtpa' nanac apencoçhen enteñ Yompor. Ñañeñetach coñchatetset ñeñt atet ñatse'tyenet.

28 Attoña ama't mamesha o'huañcha' mueneñet o'ch yerpa'pesyet Yompor. Ñeñto'marña Yomporña'pa' pa'ypo'ñeñoñanetpa' ahuo't muenatanet o'ch cotape'chatse'tyeset ñeñt ama pocteye' enteno ña. Añachña ñatse'tyenet ñeñt ama apapahuoyaye. 29 Añachña nenet pueyoçhreto ñeñt esocmañen ñeñt ama't mameshapa' ama pocteyaye ñeñtara pa'namen sosya'tsañeçhno. Ñeñtpa' añeçhno: agapanneñets ñeñt ama puerrollareyaye ñaña ñeñt ama puetaporeyaye, ñaña cotape'chatse'tyeñets ñeñt ama cohuenayaye, ñaña ye'chatse'tyeñets, ñaña ye'moñe'tanneño'pa' o'ch errot yepoñ po'psheñeñ, ñaña yeye'chapreteño'pa' o'ch ye'moñe'ch po'psheñeñ, ñaña muetsanna'teñets, eñoseñe'cheñets, ñaña shecanna'teñets, ñaña atsre'moçhen entanna'tueñets, ñaña a'metan'psare'tanna'teñets, 30 ñaña sasare'tanna'teñets, ama't Yomporpa' ello e'moñe'teñet, ñaña ama't po'psheñeñpa' amach mecha'nateñeto ama't mamesha, attachña e'ñe ñañeñapa' cohuen entetset, ello'pa' ommo'chenetcha'. Añach e'nyenet ñeñt ama cohuenayaye, attotcha'ña ama ame'ñeñeto ama't pomporet ama't ñaña pachoret. 31 Amach çhenaneto pueyoçhreto ñeñt cohuentetsa Yomporrecop, amach apoctateneto po'ñoñ ñeñt atet otenet. Amach es amorrentenaye' enteneto ama't mamesha, amach es apretnenaye' enteneto ama't mamesha, ñaña amach es amuerenaye' enteneto ama't memesha. 32 Ñeñt ñatse'tyetsa atetpa' ama't eñoteñetañ e'ñe Yomproeshot anaretetua ama't coñcheñets añecop ñeñt ñatse'tyetsa atetpa' tarraña ñetñapa' ñeñtarach atet ñatse'tyesnenet. Ama't pamo'tshetpa' ñerra'm e'ñe attecma pohuenet ñametpa' chemerrña allempopa' ñeñfach erronaye' coshapretannenet.

2

Atto ama't judionesha'pa'çho'ña atpare'toñete't Yompor po'ñoñ

1 Ñeñto'mar te'pa' o'ch notas allohuenes ñeñfes judioneshas, ñato' sapa' çhate' sotenapañ sapa'çho'ña año'te' atteye' seyçheno sosya'tsañ

atet pena po'potantañ. Tarraña amate' errotenot soto atet tarro'mar allohueneypa' e'ñe attecma yepena. Ñerra'm cha yoten po'psheñeñpa' ama cohuenayaye, tarraña atetpa' yañeña atet otetsa ama't erra'tsenoteya ñeñey atet otets. ² Tarraña ama't atetpa' yeñoteñ Yomporpa' chocmach tsa'taterrana allohuen ñeñt atet es patse'tyets, errotencha' e'ñe pocte' ent ña. ³ Sapa' chate' sotenapañ saptate' atarr morrentensa Yompor, amachña tsa'taterrso sa, ama't sapa'cho'ña attecma sepatsen sosya'tsañ ñeñt atet pena po'potantañ, tarraña sapa' cha sotenanet ñetpa' amo' cohuenayayeto. ⁴ Amapa' sapa' chate' sotenapañ Yompor puemuereño't nanacpa' amach tsa'taterrso tarro'mar teme'ttsen ama erro't penso, atta cohuenes. Ama't seño'teñe añecopña teme'ttsen muerensa Yompor attoch ellopa' o'ch e'ñe soctape'chuerr cohuen allohuenes. ⁵ Tarraña ñerra'm atta se'charrena seyo'chro, amachña soctape'chuerro cohuen, allempochña allo'nach sesen atontatnomue' attoch tsa'tatuerrsa Yompor esempohuañencha' tsa'tatuerrya allohuene'y errotencha' e'ñe pocte' entyesuerrey e'ñe puesheña'ttsoy. Allempoña allohuen acheñenesha'pa' o'ch e'ñe eñotueret ñeñtcha' e'ñe atet tsa'tatuerrya e'ñe puesheña'ttsoy, ñeñtpa' e'ñech pocte'. ⁶ Ñaña tsa'tuerryach allohuene'y ñeñey corra'yetsa arr patsro erro'tente' yepa'yena e'ñe ñocop. ⁷ Ñerra'm chocma yoctape'chen e'ñe cohuen Yomporcop, ñaña ñerra'm chocma yocteññañ po'cohuenña, ñaña ñerra'm añ ye'nen attoch ñapa' e'ñech cohuen entuerrey, ñaña attoch aphuerreycha' ñeñt alloch yocrerra errponhuañen, allempoña po'ño'chpa' aphuerreycha' attoch yapa' corretsayach yocsheñeshocmañen tayoten e'ñe errpona'ohuen. ⁸ Tarraña ñerra'm yapa' añ cohuen yenten ñeñt yemnen ya, Yomporña po'ñoññapa' ñerra'm cha yatpare'teñ, añ yoc'ten ñeñt ama cohuenayaye Yomporcoppa' ñaña po'yoro'chenño't po'ño'chpa' chocmach tsa'tatuerrya. ⁹ A'coñchatare'terrach allohuen ñeñt cotene' ñeñt ama cohuenayaye arr patsro, amuro'chtatare'tterretcha' allohuenet ñeñt atet petset, ama't ñanom atet ñerra'm judionesha' allotpa' ñaña ñeñt ama judioneshayaye. ¹⁰ Tarraña allohuen ñeñt cotene' ñeñt cohuentetsa Yomporcop arr patsropa' Yomporña' cohuencha' enterranet, aphuerrenetcha' alloch e'ñe cohuentapreteret, aphuerrenetcha' ñaña attoch cosha'huerret e'ñe cohuen pueyo'chreto. Atetcha' perran allohuen ñeñt e'ñe cohuen corra'yetsa, ama't ñanom atet ñerra'm judionesha' allotpa' ñaña ñeñt ama judioneshayaye.

¹¹ Tarro'mar Yomporpa' ama ñapta judionesha' morrenteno, añña ñaña allohuen acheñenesha'pa' e'ñe morrentueña. Ñaña attecma Yomporpa' ama ñapta coñchatenano ñeñt ama judioneshayaye, ñapa' ama't judionesha'pa' e'ñech coñchatuer. ¹² Ama't atet ñerra'm ñeñt ama judioneshayaye ñeñt ama echenaye Moisés po'ñoñ, ñerra'm añ cotenet ñeñt ama cohuenayayepa' elloña ñetpa' chenca'huerretcha', tarraña ñetpa' amach añeye' a'chencaterrahueto Moisés po'ñoñ. Tarraña judionesha'ñapa' ama't echeññañetañ Moisés po'ñoñ, tarraña ñerra'm attera, añach cotape'chyenet ñeñt ama cohuenayaye, ñetpa' añachña a'chencaterrahueto ñeñtara Moisés po'ñoñ. ¹³ Tarro'mar Yomporpa' ama pocteye' entenano ñeñt atta e'muene' orrena po'ñoñ all serrpare'teññañet. Añña pocte' enten Yompor, o'ch atet penet ñeñt e'ñe atet oten po'ñoñ. ¹⁴ Ñehua, o'ch yoctape'ch ñeñt atet pena acheñenesha' ñeñt ama judioneshayaye, añenesha' ñeñt ama echenaye Yompor po'ñoñ. Ñetpa' ama't ama echeneto Yompor po'ñoñpa' errotenopa' e'ñe pueyo'chretot poctape'cheño'tetpa' ahuo'tcha' atet pa'yenet ñeñt e'ñe cohuentetsa

Yomporecop, ñeñ e'ñe atet o' anuaretetua Yompor po'ñoño ñeñ atet poctetsa ñocop. Ama't ama echeneto Yompor po'ñoño ñeñ atet aquellcaretpa' tarraña pueyoçhretoña' e'ñe eñoteñet erra'tsente' ñeñ cohuentetsa. ¹⁵ Ñeñ atet pa'yene' ñeñ cohuentetsa, yapa' yeñoteñ pueyoçhretoña eñoteñet ñeñ atet cohuentetsa, ñeñfara ñeñ atet oten Yompor po'ñoño ñeñ o' anaretetua. Ñehua, o'ch yetma'ntacha atet ñerra'mrrate' Yompor po'ñoña' e'ñech pueyoçhreto aquellcareneta. Tarro'mar e'ñe ñet pueyoçhreto'pa' eñotenet ñerra'm esempopa' o'ch pohuerret ñeñ ama cohuenayaye, ñaña eñotenet ñerra'm esempopa' o'ch atet penet ñaña ñeñ e'ñe cohuen. ¹⁶ Tarro'mar yeñoteñ esempohuañen Yomporpa' eñotaturreycha' ñeñ ora allpon ya'nasotena te'. Yompor Puechemerña ñeñ Jesucristo ñach otats attoch tsa'tatya. Ñeñ'pa' e'ñe atet ñeñ o' notuas ñeñfara noten allempo neserrpare'ten añ cohuen ñoñets alloch yequeshperra.

Atto judionesha' ama't echenetañ Yompor po'ñoño patpare'teño'etpa' nanac ayohuarettenet

¹⁷ Te'pa' o'ch alla neserrpare'taterrser ñeñes judioneshas. Ñehua, sapa' cha soten sapa' judioneshaso' ñaña ña atarr seyemtena ñeñ nonase't Moisés, ñaña atarr sommo'chena tarro'mar sapa' soteneñ e'ño' puechemer penes Yompor. ¹⁸ Ñaña soteneñ e'ño' seño'ueñ ñeñ atet muenen ña. Ñaña po'ñoño ñeñ atet anaretpa' ñeñto'ña seyçhatene' ñeñ atarr cohuentetsa Yomporecop. ¹⁹ Ñeñto'marña sapa' soteneñ, po'ñoch atarro' es señoten, attoch seyçhateñ po'potantañ ñeñ ama es eñoteneto. Cha sottena ñerra'm ñeñfeso' echa'nene' ñeñ ama entetso, amapa' ñerra'm ñeñfeso' çhoyo'tam'pene' ñeñ chopeñe'chets checmeto. ²⁰ Ñaña sapa' çhate' sotenapañ po'ñoch atarrte' cohuen seyçhateñ po'potantañ ñeñ ama eñotenaye ñeñ cohuentetsa, ñeñ atet petsa ñerra'mrrate' cheshatollesha' ñeñ ama eñotenana' ñeñ cohuentetsa. Ñaña sapa' soteneñ po'ñocho' esocmañeno' seño'otuahuen, ora ama't allpon ñeñ po'ñoçhotets, tarro'mar sapa' secheññaño' Yompor po'ñoño ñeñto'ña esocmañen seño'otatene'. ²¹ Ñehua, te'pa' o'ch notas, sapa' ama't o' atarr seyçhateñ po'potantaña' tarraña amaña seyçhatenoña e'ñe sañeña ñeñ cohuentetsa Yomporecop. Ñaña sapa' ama't o' atarr seserrpare'ten atto ama etanna'tpahuo, tarraña sañapa' çhocma setanna'tyena. ²² Ñaña sapa' ama't seserrpareñen atto amo' achtapretpahuo taporets, tarraña elloña sapa' çhocma sapretannena setapor. Ñaña sapa' ama't set-sena'teneñ ñeñ ayechcataret, tarraña sañapa' ahuo't seyorayesña puerahuot ñeñ atarr coçhnesha' ñeñ allo arca'tam'penet ñeñ po'yoser penet. Ñeñ atet etetspa' ñeñ'pa'çho'ña attecma enteñ Yompor ama a'papahuoyaye atet. ²³ Ñaña sapa' nanac sommo'chena tarro'mar sapa' secheññaño' Yompor po'ñoño ñeñ atet anaret ama't ahuatoteñ. Tarraña ama't atepña' amaña atteye'ña sepeno ñeñ atet oteneñ añ ñoñets ñeñ'cha' atet sepa. Yomporña'pa' cha sottatañ ñerra'mrrate' ñapa' ama es eñotpeno ama't mamesha. ²⁴ Ama't atet oten Yompor po'ñoño ñeñ atet anuaret ahuatoteñ, ñeñ'pa' atet oten: "Ama't ñeñ ama judioneshayayepa' achm'are'teñet Yompor e'ñe seshar-rmorot, e'ñe sepatse'tyeñof ñeñ ama't mameshapa' ama pocteye' enteneto ama't ñame'ttseta."

Atto ñeñ po'ñoch puechemer pen Yompor

25 Po'ñochna ñerra'm añ semnen o'ch setsoteññañ Moisés po'ñoñ ñeñt atet anuaretpa' añ poctetsañ o'ch setsorrannena, tarro'mar ñeñtpa' sherbeneñ. Tarraña ñerra'm elloña satpare'teññañ po'poñ Moisés po'ñoñ ñeñt atet oteneý ñeñcha' atet yepapa' ama't atto o' sa'tsorraretetuapa' ñeñtpa' e'ñe orrena, attecma ñerra'm ama atsorrareteyaye. 26 Ñeñto'marña yeñoteñ ñaña, ama't ñeñt ama atsorrareteyayepa' ñerra'm añ atet penet ñeñt atet oteneý Yompor po'ñoño'pa' ama't ama atsorrareteyaye, Yomporña'papa' atetcha' enteneý ñerra'm e'ñe puechemer peney po'ñoç. Attecmach enteneý ñerra'mrrate' ñeñt atsorraret, tarraña e'ñech puechemer perrey po'ñoç. 27 Ñeñto'marña yeñoteñ ama't ñeñt atta corretsa atet eñalleta, ama atsorrareteyaye, ñerra'm añ atet penet po'ñoç ñeñt atet oteneý Yompor po'ñoño'pa' ñetñapa' pen-cattersetcha', tarro'mar ñetpa' ello metanennaset ñeñt allpon cohuen o' sephohua Yomporecop. Tarro'mar sapa' satpare'teññañ po'ñoñ ñeñt atet anaret. Metanenset sa, ama't sapa' secheññañeñ Yompor po'ñoñ ahuatoteñ, ñaña ama't sapa' e'ñe atsorruareteseñ. 28-29 Ñeñt e'ñe po'ñoç puechemer pen Yomporpa' ama ñap'ayaye ñeñt eñalletetsa judionesheshot. Añña po'ñoç e'ñe puechemer pen ñeñt e'ñech cohuen cotape'chenet pueyoçhreto ñocop. Ñaña tsorrannets e'ñe atta yechtsopa' ama esoyaye Yomporecop. Añña sherbets Yomporecop atto cohuen es yoctape'chen e'ñe yeyoçhrot. Ñaña ñeñtpa' huena e'ñe Parets Puecamqueño, ama añofeye' hueno o'ch e'ñe yepa'yesua ñeñt aquellca'yesearet esheccha'ña puechemer perrey Yompor. Ñerra'm atetcha' yoctape'cherr cohuen yeyoçhro Yomporecoppa' attoçña Yomporpa' e'ñech pocte' entuerrey, ama'tcha' acheñenesha'pa' ama pocteye' entenyeto.

3

1 Te'ña sapa' çhate' sotenapañ judionesha'pa' amate' atarr sherbeno amapa' çhate' sotenapañ ñeñt atto tsorrannenetpa' amate' es sherbeno. Tarraña ñeñtpa' ama atteyaye. Po'ñoçhca'ye atarr sherba'yen judionesha'. 2 Ñehua, o'ch yot ñanom ñeñt atto sherbenet. Ñetña aparetet Yompor po'ñoñ ñanom atto ñetcha' a'potenet ñeñtara ñoñets. 3-4 Tarraña ama allohuenacmaye' ame'ñeneto ñeñt atet oteneý Yompor po'ñoño. Tarraña ama't atet pohuanenetpa' amate' errotento a'psateretona Yompor ñeñt atet oteneý po'ñoño, ama't mamesha. Ñapa' çhocmach a'pocatuonay po'ñoñ ñeñt atet o' otueney. Ama't allohuen erra'tsen acheñerpa' ama'tcha' ama a'pocatuoneto ñeñt atet eñorenepa' tarraña señoche'pa'ch, Yompora e'ñe ñapña, ama puenesho po'ñoñ. Ama't atet oteneý Yompor po'ñoñ ñeñt atet aquellca'huaret ahuatoteñ, ñeñtpa' all atet oteneý: Allohuen acheñenesha'pa' eñotetepa'ña atto Yomporpa' ama puenesho po'ñoñ, ñaña ñerra'm esesha' atta otatse'tyets atto Yomporpa' año' pocteye' es peno, tarraña eñochetepa'ña Yomporña e'ñe pocte' es pets.

5 Ñeñto'mar napa' o'ch notas, e'ñe ya yepeño' ñeñt ama cohuenayaye, attoña yorrtateññañ Yompor ñapa' ñaña e'ñe cohuenare' es pa'yets. Ñehua, ñerra'm yo'chñaro' atet yeyenapreteñ Yompor orrtate' po'cohuenña'pa' sañapa' çhate' sotenapañ, Yomporpa' amate' pocteyayefa' o'ch tsa'tateryya yo'chñaro'mar. Ñehua, añpa' atta notenes atet tarro'mar ñeñtpa' atet eñosatse'tyen acheñenesha'. 6 Po'ñoç yeñoteñ e'ñe pocte' atetcha' tsa'tateryya Yompor. Tarro'mar ñerra'm ama pocteyaye ñeñt atet pena Yomporpa'

ñeñfepñapa' amate'cho' erroteno eñoteñe ñaña atetcha' entyesuerrey allohueney esempohuañen.

7 Ñaña yaña ñerra'm esempo yeñosatse'tyen es ñeñt ama atteyayepa' attoña yorrtateññañ Yompor ñapa' ñaña e'ñe po'ñoçhare' ñeñt atet es otyen. Ama't e'ñe yeñosatse'teñoõpa' nanaccha' yecohuentateññañ Yompor. Ñehua, ñato' sapa' çhate' atet soten, ñerra'm atet yeyenpapereteñ orrtate' Yompor po'cohuenña, amate' pocteyayeña o'ch attera enteney Yompor ñerra'm ñeñfey atarr sosey es pa'yets. 8 Sapa' aña sotatse'tyen, ama'tpa' aþapo'ch ñeñt ama cohuentetsonña allochñapa' e'ñe attõtpa' o'ch yorrtaten ñeñt cohuentetsa. Puesheña'tets acheñ e'ñe pueyllatats'e'teñme'chatset neñoñpa' otyenet, ñeñfña'cho' atarr otenña Pablo. Tarraña Yomporcha'ña tsa'taterrahuet ñeñt atet otatse'tyenet. Ñaña ñeñtpa' e'ñe pocte' atsa'tatarettertepa'chña.

Atto allohueney ñeñfey acheñey çhocma ochñaæcmay

9 Ñehua, sapa' çhate' sotenapañ yapa' po'ñoçhte' Yomporpa' enteney ñeñfey judioneshay e'ñe cohuenare' es yepa'yen. Ñaña çhate' sotenapañ po'potantañ ñeñt ama judioneshayayepa' ñetñapa' amo' attey'e' entenaneo Yompor. Tarraña ama't mameshapa' ama atteyaye. Tarro'mar napa' o' neñotatuanmas atto ama't allohueney ñeñfey acheñey çhocma ochñaæcmay ama't ñeñfey judioneshay. Ama't ñaña ñeñt ama judioneshayayepa' e'ñe attecmay ochñaæcmay. 10 Ama't Yompor po'ñoñ ñeñt atet aquellca'huaret ahuatoteñpa' e'ñe attecma oteney, ñeñtpa' atet oten:

Ama't puesheñarrofeyapa' ama eñallyeña ñeñfey e'ñe pocte' pene' ñeñt poctetsa Yomporcop.

11 Ñaña ama't puesheñarrofeya ama çhennayo yeyoçhro attoch yeñotoñ Yompor po'cohuenña. Amachña añeye' ye'нено ñeñt atet muenen Yompor, ama't puesheñarrofeya.

12 Ama't allohueney ahuo't yesa'neñ Yompor, ama't mamesha o'huañ yesherb'a' ñocop, ama't allohueney. Ama't puesheñarrofeya ama eñallyeña ñeñfey e'ñe cohuen es pets Yomporcop.

13 Atto e'ñe ya yeñosatse'teñoõ sosya'tsañeçhno yeñyaþñapa' cha ottena ñerra'mrrate' apampaña ñeñt atoramþsaret. Atto yeñen yenamo'tpa' nanaccha' yeshcannena. Atto yeshquëñ yamo'ts yenamo'tpa' çhach yottena ñerra'mrrate' shecheþ amtsañeþ atser yepene' puenamo't.

14 Ñaña ñetpa' añach eñotenet parrnomarña, ñaña çhach chemama'tannenet.

15 Ñaña pa'tsrre'mueñoõetpa' machayotach muetseñet acheñ.

16 Pottatse'teñoõetpa' çhach nanac mueroçhtatyeyet acheñenesha', nanaccha' llecatyeyet.

17 Ama't ahuatoteñpa' ama añeye' yeçheneto attoch e'ñe muetsoññenoõpa' cohuen yemtannenet.

18 Ñaña ama't mameshapa' amach añcha'na'tpahuoye' enteñeto Yompor. Arrpa' allohua ñeñt notenes e'ñe Yompor po'ñoñoõ ñeñt atet aquellca'huaret ahuatoteñ.

19 Ñaña yapa' yeño'teñ ñeñt atet otyen Yompor po'ñoñ ñeñt aquellca'huaret ahuatoteñpa' añecopña oten ñeñt echene' po'ñoñ, amaña añecpayaye ñeñt ama echaye'te po'ñoñ allempo. (Atet ñerra'm judionesha'pa' ama't ahuatoteñ echeññañet Yompor po'ñoñ, ñeñtara ñoñets ñeñt o' notuanmas ñorra' arr.) Ñeñto'marña ama't puesheñarrofesa sa ama't ñeñtes judioneshaspa' amate'

errotēnot soto, sapa' e'ño' cohuen entenes Yompor. Attoña yeñoteñ ama't allohueney ñeñtey corretsa añe patsropa' ama pocteye' entenye Yompor ñeñt atet yepa'yena. ²⁰ Tarro'mar yeñoteñ e'ñe yetsotateñoña añ ñoñets ñeñt atet anaret ahuatoteñpa' amach errotēnot ama't puesheñarroteya e'ñe ya'pocatoña yañeña attoch e'ñe pocte' enteney Yompor. Añecpaña sherbeney añ ñoñets ñeñt atet anaret, ñeñticha' yeñotatene' po'ñoçh yapa' nanac ochñaat enteney Yompor.

Atto Yomporpa' e'ñech pocte' entueney, e'ñe yeyemteñoña Jesucristo

²¹ Tarraña te'ña Yomporpa' o' eñotatey atto ellonetpa' eñall po'poñ attoch pocte' entueney Yompor, ñeñtapa' ama añeyaye o'ch yetsotatuen ora ñoñets ñeñt atet anaret ahuatoteñ. Tarraña Yompor po'ñoñ ñeñt anuaret ama't ahuatoteñpa' ñeñtarecpa eñen añecop. ²² Attochña Yomporpa' e'ñech pocte' entenanet ama't allohuen erra'tsencha' yemtenaya Puechemer ñeñfara Jesucristo. Ama't allohueney attecmaçh e'ñe pocte' entueney, e'ñe yeyemteñoña Jesucristo. ²³ Tarro'mar allohueney attecmaçh e'ñe yo'chña'tuen. Ama yetsoteññañe Yompor po'cohuenña ñeñt e'ñe atet muenen ña. ²⁴ Ñeñt attoch e'ñe pocte' enteney Yomporpa' ñeñtapa' atet: E'ñe puemuerñoŕey ahuo't apuey Puechemer ñeñt Cristo Jesús atto ñachña e'ñe yetsa'tuoya allohuen yo'chñaar. Ñeñtapa' e'ñe atta apuey Yompor, ama eso yetsa'teño ama't coñe'ta. ²⁵ Ñaña Yomporpa' ahuo't orrtatan Puechemer Cristo ñeñticha' rromosets añe patsro, o'ch ashataretta po'rrias e'ñe yocop. Allochñaapa' e'ñech e'shohuaretterra yo'chñaar ñerra'm yeyemterach ña. Ñaña ahuo't atet pa Yompor attoch yeñoçh, ñapa' e'ñe pocte' atet pe't ahuat, tarro'mar acheñenesha' ñeñt corratse't ahuatpa' Yomporpa' atta ahuanentanet po'chñaar, ama ahuenaye' atsa'tatarettuerreto po'chñaaret. (Tarro'mar ñapa' e'ñe eñoteñ, Cristochña tsa'tuerrahuet po'chñaaret ñamet ñeñt allpon ame'ñaye't ña ahuat.) ²⁶ Ñaña ahuo't atet pa Yompor allochñaapa' attoch yeñoçh ñapa' e'ñe pocte' atet pena; teme'ttsen attochña e'ñech pocte' enteney e'ñe yeyemteñoŕ Jesús.

Atto e'ñe yepa'yeñoña yañeña ñeñt cohuen yenten ya, Yomporñaapa' amach cohuenaye' entenye

²⁷ Ñehua, atto e'ñe yeyemteñoña Cristo Yomporñaapa' e'ñech pocte' enteney, ñeñto'marña o'huañcha' eñalleta ñeñt allo yommo'chena e'ñe yañeña, ñeñt e'ñe yetsotateñoŕ. Tarro'mar e'ñe yepa'yeñoña yañeña ñeñt e'ñe cohuen yenten ya, Yomporñaapa' amach pocteye' entenye. ²⁸ Ñeñto'marña te'pa' e'ñe po'ñoçh yeñoteñ e'ñe yeyemteñoña Cristopa' e'ñech pocte' enteney Yompor ama't ama yetsoteno ñoñets ñeñt atet anaret ahuatoteñ.

²⁹ Ñehua, o'ch noterrser masheñnesha judioneshacha', ñato' sapa' çhate' sotenapañ Yomporpa' sap'tate' Seyomporer sepeñ ñeñtes judioneshas, amate'ña añecpa'nayaye ñeñt ama judioneshayaye. Tarraña napa' o'ch notas, ama't ñeñt ama judioneshayayepa' ñetpa'çho'ña Po'yomporer peñet. ³⁰ Tarro'mar e'ñe patra Yompor. Ñaña ama't erra'tsena judionesha' ñeñticha' ame'ñerraya Cristopa' Yomporñaapa' e'ñech pocte' entenanet. Ñaña attecmaçh ama't erra'tsena ñeñt ama judioneshayaye ñeñticha' yemterraya Cristo, ñetpa'çho'ña e'ñech pocte' entenanet Yompor. ³¹ Ñato' sa te'pa' çhate' sotenapañ yeyemteñoŕ Cristo, te'pa' Yompor po'ñoñ ñeñt atet anaret

ahuatoteñpa' o'ch yehuapore'ch, o'huañcha' sherba'y. Tarraña o'ch notas, elloña attoña e'ñe yeñoten, ñeñto'marña Yompor po'ñoñpa' atarr sherbeney.

4

Atto Yompor ahuatpa' e'ñe pocte' entane't Abraham

1-2 Ñehua, te'pa' o'ch neyerpatasa ñeñt atet pe't ahuat yatañ Abraham. Ñapa' ama añafoye' pocte' eñche'teña Yompor e'ñe ñañaña puetsotateño' ñeñt cohuen ente't ña. Ñeñto'mar yatañ Abrahampa' ama eñalle ama't mamesha attoch ommo'chena ama't Yomporesho. 3 Tarro'mar yeñoteñ ñeñt atet oten Yompor po'ñoñ ñeñt aquellca'huare't ahuatoteñ. Ñeñtpa' atet oten: "Abrahampa' e'ñe atta yemtane't ñeñt atet oche't Yompor, ñeñto'mar allem-poteña Yomporpa' e'ñe pocte' eñche't e'ñe atta." 4-5 Ñeñto'marña yeñoteñ yapa'cho'ña ama añafoye' e'ñe pocte' entenye Yompor e'ñe yetorreño' ñeñt cohuen yenten yañeña. Añafocha'ña e'ñech pocte' enteney Yompor e'ñe atta, ñerra'm esempo yapa' o'ch e'ñe yeyemtera ñeñt atet oteney; allochñapa' attoch e'ñech pocte' entuene'y ya ñeñfey ochña'fey. Tarro'mar e'ñe pocte' enteney e'ñe atta, ama es yetorreñofoye' ñeñt cohuen yenten yañeña. Ñehua, ñato' o'ch yetma'ntacha atet. Ñerra'm esempo yetaruasen yepatronaresho, ñerra'm allempoch tsa'tyet yetaruasotpa' ama yoteno e'ñe atta apuenyet quelle, yetaruasotña tsa'tenyet. Tarraña attoch pocte' enterrey Yomporpa' ama attewaye. Ñapa' e'ñe atta pocte' enteney, ama e'ñe ya yetorreñofoye' ñeñt cohuen yenten ya attoch pocte' enteney Yompor. 6 Ñaña ama't yatañ Davidpa' ñeñtcepaña eñose't ahuat. Ñapa' atet ote't nanac cosheñtso'tseney ñeñfey e'ñe pocte' enteney Yompor e'ñe atta, ñeñtpa' ama añafoyaye o'ch es cohuen yepa'yes e'ñe yañeña. 7 Ñeñtpa' atet ote't David:

Nanac cosheñtso'tseney ñeñfey o' apretna'huare'tterra yo'chñar, ñeñfey amach allo'na yerpuernaye'te Yompor yo'chñar.

8 Ñaña nanac cosheñtso'tseney ñeñfey Yomporpa' amach allo'na otteñe'chneye yo'chñaro'mar. Arrpa' allohua ñeñt atet ot ahuat yatañ David.

9 Ñaña añ cosheñetspa' yeñoteñ ama ñapfeyayaya ñeñt judioneshacop ñeñtara ñeñt atso'rrettesha'. Añe'pa'naña ñeñt ama judioneshayaye ñeñt ama atso'rreteyayeto. Ñehua, ñeñtpa' attoña yeñoteñ. O' notuanmas atto Abrahampa' e'ñe atta yemtane't ñeñt atet oche't Yompor, ñeñto'marña Yomporpa' e'ñe pocte' eñche't e'ñe atta. 10 Ñehua, te'pa' o'ch yocape'ch allempo Yomporpa' e'ñe pocte' entane't Abrahampa' allempo Abrahampa' ama atso'rrettena', tarro'mar allempopa' ama orrtena' atteñats. 11 Tarraña elloñapa' ahuo't tsorratena Abraham; ñeñtpa' ñeñtcha' eñotaterrahuat po'ño'ch Yomporpa' o' pocte' entenan Abraham e'ñe pueyemteño'fa, ama't allempo ama atso'rrettena'. Ñeñto'marña atet pa' ahuat attoch pompor pohueret ama't ñaña allohuenet ñeñt ama atso'rreteyaye; tarraña ama't ama atso'rreteyayeto, e'ñe pueyemteño'feta Yomporpa' e'ñech pocte' entenanet e'ñe atta. 12 Ñaña ñeñto'mar atet pa' attoch pompor pohuer allohuen ñeñt atso'rretet, tarraña añach ñapu'e't pompor perre' ñeñt po'ño'ch yemtenaya Yompor. Tarro'mar ama añe'paye' pompor peñeto atto atso'rrettenet, añecopña pompor peñet e'ñe pueyemteño'feta Yompor ñeñt e'ñe atet pete't pompor et Abraham, ama't allempo ama atso'rrettena'.

13 Yapa' yeñoteñ ahuat Yomporpa' ahuo't otan Abraham o'ch apuer eracmañen pats allohuen puechemereshohuen esempohuañen. Ñaña atet otan Yompor Abrahampa' ama puetotateñotey' añ ñoñets ñeñt atet anaret ocheña Yompor. Añña e'ñe pueyemteñoña Yompor atet och, tarro'mar Yomporpa' e'ñe pocte' eñch. 14 Ñerra'm po'ñoch yetsotateñoña añ ñoñets ñeñt atet anaret aphuerryeñ añ patspa' yapa' e'ñe' orrena yeyemteñañ Yompor; tarro'mar ñerra'm atteña' Yomporpa' amate' a'pocatanñaña po'ñoñ ñeñt atet otan ahuat Abraham. 15 Ñaña ñerra'm añ yocten añ ñoñets ñeñt atet anaretpa' nanaccha' a'coñchatarey ñerra'm ama yetsotueno ora allpon ñoñets. Ñaña ñerra'm ama eñallñe añ ñoñets ñeñt atet anaretpa' amate' errotenot coñchatyeto tarro'mar amate' eñallñe ñoñets ñeñticha' ya'pote' ñeñt ochñartsotets.

Attoch a'naterrya Yomporpa' ñeñtapa' e'ñech yeyemteñoña ña

16 Ñeñto'marña yeñoteñ attoch a'naterrya Yompor ñeñt atet otahuapa' ñeñt po'ñochpa' e'ñech yeyemteñoña ña attochña e'ñe puemuereñotey e'ñech a'natuerrya allohueny. Amach ñapñayaya judionesha' ñeñt cotene' añ ñoñtsor ñeñt atet anaret, añecpa'naña allohueny ñeñteycha' yemterraya Yompor e'ñe attecptar atet pe't ahuat yatañ Abraham. Tarro'mar ñapa' po'ñoch yatañ yepeñ allohueny. 17 Ama't Yompor po'ñoño ñeñt atet anuaret ahuatoteña' all orrtena ñeñt atet Yomporpa' otan ahuat Abraham, ñeñtapa' atet ochet: "Shonte' pa'namen acheña' ñetña' pomporcha' pohuerrpet. Añpa' e'ñe na atet o' neponap." Ñeñto'mar yeñoteñ Abraham e'ñe pueyemteñoñ Yomporpa' atet eñche't Yompor ñapa' pomporcha' per shonte' pa'namen acheñ. Ñeñtña' ñeñtara Yompor ñeñt nanac ahuamencat ñeñt eñotene' o'ch tantaterran ama't ñeñt rromuets, ñaña ñeñt eñotene' e'ñe po'ñoñtapa' o'ch orrtatan ama't ñeñt ama eñalle te'.

18-19 Allempo Yomporpa' atet otan Abraham "peshotpa' merenach shonte' pa'namen acheñ ñeñticha' ñomporterraya" allempo Abrahampa' o' nanac po'nme'ten—charroch çharra' charte' echen. Tarraña Abrahampa' ama't eñotena o' nanac po'nme'ten, o' meten allempo attoch chemere'ten, ñaña puetapor Sarapa'cho'ña o' nanac po'nme'ten, amate' errotenot cheyore'terro, tarraña Abrahampa' ama quechpuenano atto yemtenana ñeñt atet otue Yompor. E'ñe pueyemteñoñ Yomporpa' allo'na sen cohuene' Yompor o'ch aþ ama't patrra puechemer. 20 Ama echarrteno pueyoçhro ama't mamesha añecop ñeñt atet o' otue Yompor. Allo'na sen yemuetnomaya Yompor ñeñt nanac ahuamencat pene'. E'ñe pueyemteñoñan Yompor, ñapa' çhocmach otaþsa'tyesanete't Yomporpa' ñapña atarr ahuamencat. 21 Tarro'mar eñochet e'ñe Yompor po'huamencot, po'ñochpa' o'ch aþ ama't patrra puechemer ñeñt atet o' otue. 22 Ñeñto'marña Abraham e'ñe pueyemteñoñan Yompor Yomporña' e'ñe pocte' eñche't.

23 Tarraña añ ñoñetspa' ama ñapñecpayaye Abrahamacop anarete. 24-25 Yocpa'naña anarette't allohueny ñeñtey yemtenaya Yompor, atto ñapa' a'rroyonay Puechemer ñeñt Jesús ñeñticha' rromats e'ñe ya yo'chñarecop, ñeñtara Jesús ñeñt Yeparteshar yepen, ñaña atto Yomporpa' tantaterran Puechemer po'rromñoñ, attoch yeñoch yo'chñarpa' o' e'ñe atsa'taretetua. Ñeñto'marña te'pa' e'ñe yeyemteñoñ Yompor ñeñt atto a'pocatonay, yapa'cho'ña e'ñech pocte' enteney yaña.

5

Atto e'ñe yeyemteñoť Yompor, e'ñech pocte' enteney, atarrcha' cosheñtso'tseney

¹ Ñeñto'marña te'pa' yeñoteñ e'ñe yeyemteñoťa Jesucristo, Yomporñapa' e'ñe pocte' enteney, o'huañcha' yoročheno'tseney Yomporeshoť, tarro'mar Yepartseshar Jesucristopa' ahuo't a'pocatuerrnay yo'chñar Yomporesho.

² E'ñe attoťña Cristopa' čhapterrey Yompor puemuereño attoch čhocma bensare'tamñeney; ñeñpa' e'ñe yeyemteñoť Cristo. Ñaña yapa' e'ñech yocsheñsha' yecueñ esempohuañencha' e'ñe poctacma yecohuentapretera Yompor.

³ Ñaña ama't yemueročhteñoť o'ch yocshena tarro'mar yeñoteñ e'ñe yemueročhteñoťpa' allempoña yoctape'chen attoch ahuamencat pa'y Yompor attochña ya'huanten allohuen ñeñť echarr yentyen.

⁴ Ñaña attoťña ya'huanten allohuen ñeñť echarr yentyenpa' yapa' yeñoteñ Yomporñapa' e'ñech cohuen entuerrey. Ñaña ñerra'm yeñoteñ Yomporpa' e'ñe cohuen enterrey, yapa' e'ñe yeyemteñoť o'ch yecuerr ñeñť o'patatenya Yompor.

⁵ Ñaña e'ñe yecueñoť ñeñť o'patatenya Yompor ñapa' čhocmach a'pocatanen po'ñoñ ñeñť atet oten yocop. Yapa' ama't esempapa' amach es ye'naterraye'te po'poñ, tarro'mar Yomporpa' ahuo't apuey Puecamquėñ ñeñcha' yečheta yeyočro ñeñčha'ña yeñotatene' atto Yomporpa' nanac morrentenya.

⁶ Yapa' yeñoteñ nanac morrentenya Yompor tarro'mar ahuatpa' ama es yoctape'chpeno ama't mamesha Yomporrecop attoch yequeshperrañ. Tarraña Yomporñapa' e'ñe allempocmapa' ahuo't mueñan Puechemer Cristo aña patsro ñeñcha' rromosets e'ñe yocop ñeñťey ama es cotape'chetso cohuen ama't mamesha Yomporrecop.

⁷ Ñehua, yapa' arromñafeypa' yeñoteñ atarr torrapo' attoch yerroama po'pshėññecop, ama't añ ačeññecop ñeñť atarr cohuen. Tarraña errotenopa' ama tama torrapahuoye' yenteno o'ch yerroma añ ačeññecop ñeñť atarr amueraña.

⁸ Tarraña yapa' ama't allempo ora ye'patsė'tyen sosya'tsañpa' e'ñe allempocmaña Cristopa' ahuo't rroma yocop. Attoťña Yomporpa' eñotaterrey yapa' nanac morrentenya.

⁹ Ñeñto'marña te'pa' e'ñe pocte' enteney Yompor tarro'mar Cristopa' ahuo't rroma yocop. Elloña attoťña a'queshpatey allochñapa' amach a'coñchatarefeye ama't erponaña.

¹⁰ Ama't allempo ora ye'moñe'teñ Yomporpa' Puechemerña po'rromñoťpa' ahuo't e'ñe yamo'tstannerra epay Pompor. Elloña te'pa' atto correna Cristopa' attoťña yapa'čho'ña a'queshpaterreycha'.

¹¹ Elloña te'pa' e'ñe yocsheña Yompor tarro'mar Puechemer ñeñfara Yepartseshar Jesucristopa' ahuo't amo'tstaterrya e'ñe ña Pompor.

Atto yamo'mte' Adánpa' ñapa' čha a'chencatey; Yamo'mte'ña Cristopa' ñaña ya'queshpaterre'

¹² Ahuat puesheñarr yacma ñeñť pa'so'cheñ Adánpa' ahuo't orrtatan atpare'teñets aña patsro Yomporrecop. Ñeñto'marña allempoteñ allohueney ñeñťey ačeñeypa' e'ñe attecma ye'pohua. Ñaña allempopa' ahuo't anaretta attoch yo'chñarofpa' o'ch yerroma. Ñeñto'marña allohueney ñeñťey ačeñeypa' o'patuaya rromueñets tarro'mar allohueneypa' ñeñfa yeñot ñeñť atet pa' ñanomy yamo'mte' Adán.

¹³ Ñaña allempoteñ corre't Adán, ačeñenasha' arr patsropa' ñeñfa eñotet ñeñť atet atpare'tan Adán Yompor. Tarraña allempopa' ama eñalletena' ñoñets ñeñť atet anaret alloch a'coñchatarefeterret.

¹⁴ Tarraña attera o'patenanet rromueñets e'ñe

allempoteñ corre't Adán ñeñña attera ñaña tarremphua allempo corre't ñaña Moisés ñeñt nahuet ñoñets. Ama't ama atpare'teññaeto Yompor po'ñoñ e'ñe atet atpare'te't Adán, tarraña attera o'patenanet rromueñets. (Ñeñto'mar yeñoteñ Adán po'chñaro'pa' ahuo't anaretta attoch o'patuaya allohueney rromueñets.) Ñeñña yamo'mte' Adánpa' aña o'patatuaya ñeñt ama cohuenayaye, tarraña Yamo'mte'ña Cristopa' allempo huapapa' ñapa' aña o'patatosya ñeñt e'ñe cohuenare'.

¹⁵ Tarro'mar e'ñe patparñesharrmorot Adánpa' ama atteyaye ñerra'm ñeñt atet atarr muerenya Cristo. Tarro'mar e'ñe puesheñarra po'chñaro't o'patya rromueñets allohueney pa'namen acheñey. Tarraña elloñapa' eñall po'psheñeñ, ñeñfara Jesucristo ñeñt yemuererraya. Attoña Yomporpa' ortatonay pemuereña yocoy alloña nanac cohuen es apatuene'y e'ñe atta allohueney pa'namen ñeñtey acheñey. ¹⁶ Ñaña ñeñt atet muerenya Yompor, ñeñpa' ama atteyaye ñerra'm ñeñt atet o'patuaya ochñarets ama' e'ñe puesheñarroña. Tarro'mar ñeñt atet pa Adán ama't parrochapa' ñeññaña yo'patatuenaya coñcheñets. Tarraña ñeñt atet a'queshpaterrey Yomporpa' ñeñpa' atet pa. Ama't shonteñ yo'chñarpa' ñaña'apa' e'ñech pocte' enteney e'ñe atta tarro'mar ñeñpa' o' a'pocatuonay Cristo. ¹⁷ Ñaña atto e'ñe puesheñarroña po'chñaro't o'patenya rromueñets, tarraña elloña nanac muererria Yompor attotña a'rroyerrnay Puechemer ñeñfara Jesucristo ñeñt o' a'pocatuerrnay yo'chñar Yomporoesho attochña yapa' corretsayach.

¹⁸ Ñeñto'marña yeñoteñ atto e'ñe puesheñarroña po'chñaro't ahuo't o'patatyet coñcheñets, attecma ñaña puesheñarr ñeñt Jesucristopa' ahuo't pohua ñeñt e'ñe cohuen, alloña a'pocaterrey, attochña yapa' corretsayach yocsheñeshocmañen tayoteñ errponohuañen. ¹⁹ Atto e'ñe puesheñarra ñeñt Adán ñeñt atpare'tene' Yompor, ñeñto'marña ñesharrmorot Yomporña'apa' e'ñe ochñafoche' entuene'y ama't shonte' pa'namena'ttsocmay ñeñtey acheñey. Tarraña puesheñarr ñeñt Cristo ñeñt e'ñe cohuen ame'ñenaya Yompor, ñeñña'apa' alloch e'ñe pocte' enteney Yompor, ama't shontey pa'namena'ttsocmay ñeñtey acheñey.

²⁰ Ñaña allempo chap allempho anaretta ñoñets ñeñticha' eñotaterahuet ñeñticha' atet pet ñaña ñeñticha' ama atet apapahuo elloña allempopa' ñetpa' o' eñoterret atarr atparña'atterret. Tarraña ama't atto nanac yatpare'tena elloña Yomporpa' nanac muererria. ²¹ Attoña e'ñe yepatse'tyeñof ñeñt ama cohuenayayepa' ahuo't anaretta rromueñets ñeñticha' yo'patenaya ñeñtña'apa' coñcheñets. Tarraña elloña Jesucristo ñeñt Yepartseshar yepen ahuo't ortatonay atto Yomporpa' nanac muererria attoña a'pocatuerrnay yo'chñar. Attochña yapa' corretsayach yocsheñeshocmañen tayoteñ errponohuañen.

6

Atto ñeñt toma'ntena allempo yapataretta Cristocop

¹ Te'pa' e'ñe yeñoteñ ama't atet yepatse'tyese't ñeñt ama cohuenayaye, Yomporpa' elloña nanac muererria, atto peretna'huerrnay yo'chñar. Tarraña ama't atteñpa' amach yotapsa'tatsto "ñeñteñapa' o'ch allo'na yepatse'tyesnena ñeñt sosya'tsañ tarro'mar Yomporpa' nanquëpa't muerenana ñeñt patse'tyene' ñeñt ama cohuenayaye ñaña ellopa' o'chcho' alla muererria." ² Tarraña amach erroteno't allo'na yeseno patse'tyesnomue' ñeñt ama cohuenayaye tarro'mar o' ya'ypo'ñerr yo'chñar

allempoten o' yaguër Cristo. ³ Ama't seño'teñeña ñeññ toma'ntena allempo yapataretta Cristocop. Añ toma'ntena atto o' yeparrocmaterr epay Cristo, atet ñerra'mrrate' cho yerromapreteña Cristo allohueney ñeñfey apatarettetsa e'ñe yame'ñeño't Cristo Jesús. ⁴ Allempo yapatarettapa' e'ñe atet ñerra'mrrate' cho yerromapreteña Cristo ñaña atet ñerra'm cho yepampapreteña Cristo. Allempoña Yomporpa' ahuo't tantaterran Puechemer e'ñe po'huamencot ñeññ atarr cohuen, yapa'cho'ña ñeñtara po'huamencarotña e'ñe cohuen o' etserrataterrnay yocapña, ñeñtcha' atet yocrrrena.

⁵ Tarro'mar e'ñe yeparrocmateño't epay Cristo o' yerromaprecha. (Attochña ya'ypo'ñerr ñeññ ama cohuenaye' entapreñe Cristo.) Ñaña ñerra'm yerromapreteña Cristo yeñoteñ o' yetantapretera attochña yocrrerra e'ñe cohuen ñocop. ⁶ Tarro'mar yeñoteñ ñeñfey acheñey ñeññ yeyochro'tsen ñeññ yoctape'chataye't sosya'tsañ ahuat ñeñtpa' o' a'mchechataretetuerra atet ñerra'mrrate' acorso'tampsaretta epuet Cristo. Attochña o'huañcha' cotape'chatse'tatnened yochñarañeña. Amach allo'na taruasatnenye yochñar. ⁷ Ñato' o'ch yetma'ntacha atet pena arromña't. Ñehua, yapa' yeñoteñ ñerra'm esesha' rromatspa' amach errotenot allo'na cotape'chyesneno sosya'tsañ. Yapa'cho'ña atetcha' yentena ñerra'mrrate' cho yerromuen, amach errotenot allo'na yoctape'chyesneno ñeññ sosya'tsañ enten Yompor. ⁸ Ñaña atto o' yerromaprecha Cristo, yapa' yeñoteñ ñaña e'ñe yeparrocmateño't Cristopa' alloña corretsayach, atet pena ñapa' e'ñe corretsa. ⁹ Tarro'mar yapa' yeñoteñ Cristopa' o' tanterra po'rromño't, amach alla rromuerre'te. Amach errotenot alla o'patere'te rromueñets. ¹⁰ Tarro'mar ñapa' atto rroma yochñarecoppa' ñeñtpa' e'ñe parrocha rroma ama't allohuenaca. Ñaña atto correna te' ñeñtpa' e'ñe ora Pomporerca. ¹¹ Yapa'cho'ña atecmuepa'ch yentena yama yañeña. E'ñe yerromapreteño't Cristo Jesús'pa' o'ch ya'ypo'ñerr yochñar ñeñto'marña amach errotenot alla taruasaterryerro yochñar. Ñaña te'pa' e'ñe yeparrocmateño't Yepartseshar Cristopa' o'ch yocrraprecha e'ñe cohuen Yomporcop.

Attoch amach semnatatsche so'chñar o'ch alla taruasaterrnaserr sa'rromña'echets

¹² Ñeñto'marña te'pa' o'ch notas, amach semnatatsche so'chñarpa' o'ch alla taruasaterrnaserr sa'rromña'echets. Allochñapa' amach allo'na sepatse'tyesneno ñeññ atet muenatse'tatyenes sechets. ¹³ Amach semnatatsche sechets o'ch aña torrena ñeññ ama cohuenaye' enteno Yompor. Añcha'ña o'ch saphuer Yompor sechets allochñapa' ñachña torratenaya añecop ñeññ e'ñe cohuen enten ña. Ñato' o'ch yetma'ntacha atet ñerra'mrrate' cho yerromuen tarraña te'pa' o'ch alla yocrrerra cohuen Yomporcop. ¹⁴ Tarro'mar te'pa' amach errotenot allo'na taruasatnenye yochñar, tarro'mar te'pa' añ yeyemtena Yompor atto muerenyapa' ahuo't a'pocatonay yochñar. Ama añeye' yeyemteno ñoñets ñeññ atet anaret ñeñtcha' atet yepohua eshechcha' cohuen enteny Yompor.

¹⁵ Te'pa' yeñoteñ ama añeye' yeyemteno ñoñets ñeññ atet anaret. Añña yeyemtena Yompor puemuereño't e'ñe yenpueney. Tarraña ama't atepña' ama pocreyaye o'ch allo'na yesen patse'tyerrayerr ñeññ ama cohuenaye' enteno Yompor ama't mamesha. ¹⁶ Ñato' o'ch yetma'ntacha atet. Ñehua, yapa' yeñoteñ ñerra'm esesha' yemnen ñeñtcha' yetaruasatene' aña patsro,

ñeñtapa' po'ño'ch ñeñtcha' yepatronar yepen, ña'ña e'ñech pauner yentatena attochña ñeñtch yame'ñena ñeñt yepatronar yepen. Ña'ña attecma'ch yepena ñerra'm añ yemnen yo'chñarach yetaruasatene', tarraña ñerra'm añ yetaruasatene' yo'chñarpa' ñeñtapa' tsa'taterryach rromueñtso ñeñtara coñcheñtso. Tarraña ñerra'm añ yame'ñena Yompor ñeñt atet oteney po'ño'noñ, ñeñtapa' alloch yorrtatyen e'ñe cohuen ñeñt e'ñe atet muenen ña. ¹⁷ Ña'ña sapa' ahuatpa' aña setaruasataye't so'chñar, tarraña te'ñapa' e'ñe seyo'chrocmañen o' same'ñera ora ñeñt atet pena Yompor pa'poteñ ñeñtara ñeñt serrpare'tatasete't. Ñeñfo'marña te'pa' napa' atarr nocshena, atarr neparasyoso'teñ Yompor socop. ¹⁸ Ña'ña te'pa' o'huañcha' taruasaterriserr so'chñar. Añcha'ña setaruasaterre' Yompor erra'tsente' muenen ña. ¹⁹ Ñehua, Yompor poctapño'ipa' atet netma'ntatensa atto yocrena acheñey arr patsro allochñapa' cohuencha' çhaponasa seyo'chro Yompor poctapña. Ñeñt notenes po'ño'chpa' ñeñtapa' atet sepe't ahuat e'ñe pocte' sente't e'ñe ora sechtsohuen allo'na sete't patse'tnomue' sosya'tsañ ñeñt ama cohuenaye' enteno Yompor. Te'pa'cho'ña attecma'epa'ch e'ñe pocte' senteñ ora sechtsohuen o'ch sepomuerra Yomporcop, allochñapa' attoch sa'cohuentataretterra e'ñe cohuen Partsocop ñeñt e'ñe atet muenen ña.

²⁰ Ñehua, ahuat allempo aña setaruasataye't so'chñarpa' ama añeye' soctape'che'te ñeñt e'ñe cohuen enten Yompor. ²¹ Tarraña ñeñt atet sepatse'tyese't sosya'tsañ ahuatpa' ama es sherbase'te ama't mamesha, ñeñtara ama't te'pa' pencna'ntatenes. Yapa' yeñoteñ ñeñtapa' allach tsa'taterryañ rromueñtso, ñeñtara coñcheñtso. ²² Tarraña te'pa' o'huañcha' alla taruasaterryerr yo'chñar. Añcha'ña yetorratene' Yompor po'taruas attoch yesherbeñ. Allochñapa' ñach yetsa'tenaya alloch ya'cohuentataretterra e'ñe cohuen ñocop aña patsro. Allochñapa' attochña apherrey allochña yapa' corretsayach yocsheñeshocmañen tayoteñ errponañohuen. ²³ Tarro'mar yo'chñarpa' allach tsa'taterrya rromueñtso, ñeñtara coñcheñtso. Tarraña e'ñe yeparrocmateño' epay Yepartseshar Cristo Jesúsapa' Yomporñapa' apherreycha' e'ñe atta allochña yapa' corretsayach yocsheñeshocmañen tayoteñ errponañohuen.

7

Atto o'huañ amicha'noçhtana'tenya añ ñoñets ñeñt atet anaret ahuat Moiséseshot

¹ Te'pa' o'ch masheñeshacha' ña'ña noçhaneshacha' netma'ntatasa po'poñ cotapñats. Ñehua, sapa' o' e'ñe seño'tueñ atet pena ñoñets ñeñt atet anaret arr patsro ñeñtcha' atet yepena. Sapa' señoten añ ñoñetspa' sherben tarrempohuach allempo yocrena aña patsro. Tarraña ñerra'm esempo yerromapa' añ ñoñetspa' amach errotenoñ allo'na yame'ña'neño. O'huañcha' yame'ñeña. ²⁻³ Atet ñerra'mrrate' ñeñt oteney paterr ñoñets ñeñt atet anaret. Ñeñtapa' atet oteney: Coyaneshar arrollare'tañpa' amach satstano puerrollar allempo correna aña patsro. Ña'ña ñerra'm allempo correna puerrollar, ñerra'm o'ch yorer po'psheñeñ ñeñtcha' puerrollar perrpa' ñeñtapa' ama pocteyaye tarro'mar ñeñtapa' o'chña'tañpeñets enteñ Yompor. Tarraña ñerra'm esempoch rromapes puerrollarpa' allempoñapa' o'huañcha' ame'ñatacha añ ñoñets ñeñt atet anaret puerrollarecop. Ña'ña ñerra'm

allempto yorer po'psheñeñ ñeñtcha' puerrollar perrpa' allempto ñeñt'pa' e'ñe pocte' tarro'mar allempto, ñeñt'pa' ama o'chña'tam'peñtsoye' enteñe Yompor.

⁴ Ñeñto'marña o'ch masheñnesha ñaña no'chanesha notas, yapa'cho'ña o'huañcha' am'cha'no'chtana'tenya añ ñoñets ñeñt atet anaret ahuat Moisésesho', tarro'mar ñeñtey o' yame'ñerrapa' o' yerromapretera Cristo. Ñeñto'marña te'pa' e'ñe pocte' o'ch yo'patera po'psheñeñ. Ñaña ñeñt o' yo'patera te', ñeñt'pa' Cristo ñeñtara ñeñt tanterrtsa rromot. Allochñapa' attoch yorrtatyen ñeñt e'ñe cohuen atet muenen Yompor. ⁵ Tarro'mar ahuat allempto e'ñe yañeña yocpaña ora yocpenpa' ama't yeñoteneñ añ ñoñets ñeñt atet anaretpa' attera muenateney o'ch allo'na taruasatnenedey yo'chñar. Attoña allach chapatterryeñ rromueñtso attoch e'ñe yechenca'huerrañ. ⁶ Tarraña te'pa' e'ñe yerromapreteño' Cristo añ ñoñets ñeñt atet anaretpa' o'huañ am'cha'no'chtana'tenya atet ñerra'm ahuat. Ñeñto'marña te'pa' e'ñe cohuen yocrrena Yomporecop. Te'pa' ama añecpayaye ñeñt atet yepe't ahuat attoch e'ñe ya'muero'chtame'teño' yetsotatuañ ñeñt atet otye't ñoñets ñeñt atet anaret. Añecopña yocrrena e'ñe cohuen Yomporecop tarro'mar te' Parets Puecamquëñpa' o' etserrataterrnay yocpaña.

Atto yo'chñarpa' atarr mopa'teney; amach muenatenye o'ch atet yepohua ñeñt atet oteney ñoñets ñeñt atet anaret

⁷ Ñehua, ñato' sapa' chate' sotenapañ napa' noteneste' Yompor po'ñoñ ñeñt atet anaretpa' ñeñt'pa' amate' cohuenayaye. Tarraña ñeñt'pa' ama atteye' notenso ama't mamesha. Atet napa' ñerra'm ama eñallñeña añ ñoñets ñeñt atet anaret, napa' amate' chaponañeña neyo'chro ñeñt ama pocteye' enteno Yompor. Atet ñerra'm ama eñallñeña añ ñoñets ñeñt yotene' "amach yeye'chapretanna'tatsto", napa' amate' chaponañeña neyo'chro ñeñt ama pocteye' enteno Yompor ñerra'm esempo es yeye'chapretannena. ⁸ Tarraña allempto chapona neyo'chro po'ño'ch atet oteney ñoñets ñeñt atet anaret ama es aye'chapretanna'tpahuo, no'chñar ñeñt neyo'chro'tsenpa' elloña nanaccha' es ye'chatse'tatyen. Ñerra'm ama neñotenñe añ ñoñets ñeñt yotene' ama es aye'chapretanna'tpahuo, ñerra'mañpa' amate' neñotenñe ñeñt atet neye'chapreteña po'psheñeñ ñeñt'pa' ñeñtña po'ño'ch no'chñar entapretenen Yompor. ⁹ Ahuat napa' allempto ama neñotena' ñoñets ñeñt atet anaret, nañapa' nanac cosheñtso'tsennoñ allempto. Tarraña allemptoña neñoter ñeñt atet oteney ñeñt'cha' atet yepa cohuen ñaña ñeñt ama atet apapahuopa' allempoteñña napa' neñotena po'ño'chpa' shonte' no'chñar ñeñt neyo'chro'tsen. Allempoteñña napa' atarr nellquerra nanac. Neñoteñ aña no'patenaya rromueñets ñeñtara coñcheñets. ¹⁰ Ñaña añ ñeñtara ñoñets ñeñt atet anaret allo'ch yocrrenañ e'ñe cohuenpa' tarraña arepa't atteyaye, ñaña no'chñar allo natpare'ten ñoñets ñeñt atet anaret ñeñt'fach nanmayeñ rromueñtso.

¹¹⁻¹² Tarro'mar allempoteñ neñoterrañ añ ñoñets ñeñt atet anaretpa' no'chñar ñeñt neyo'chro'tsenpa' elloña nanac cotape'chatse'tatennen sosey. Ama't nanac cohuenen Parets po'ñoñ ñeñt atet anareteñ, ñaña atet oteney Parets ñeñt'cha' atet yepa' cohuen, ñaña ñeñt'cha' ama atet apapahuoyaye, ñeñt'pa' e'ñe cohuen, pocteñ. Tarraña na no'chñarpa' ama muenatenno o'ch cohuen es nepa', ñeñt'pa' attepa't sheca'ne't. Napa' ama erro't nepeno, neñoteñ aña no'patenaya rromueñets ñeñtara coñcheñets. ¹³ Te'ña sapa' chate' sotenapañ añ ñoñets ñeñt e'ñe otets cohuenpa' ñeñt'epa'tña yo'patatenaya rromueñets.

Tarraña ñeñpa' ama atteyaye. Añña ñeñt' yo'patatenaya rromueñets, ñeñpa' yo'chñar. Ñaña Yompor po'ñoñ ñeñt' atet anaret' ñeñt' e'ñe cohuenpa' ñeñña o' a'poterrnay yo'chñar. Attochña yeñoterr yo'chñarpa' nanac sosey entapre-teney Yompor.

Atto eñall epa ñeñt' huomenc yepene' yeyochro

¹⁴ Yapa' yeñoteñ añ ñoñets ñeñt' atet anaretpa' Partseshot e'ñe cohuen anareteñ, tarraña atet ñerra'm napa' arromñafofa atet nepena, chocmach nepatse'tyen ñeñt' ama cohuenaye' enteno Yompor. E'ñe atet nepena ñerra'mrate' aña netaruasatene' no'chñar. ¹⁵ Ama neñoteñe eso'marte'ña atet nepena, tarro'mar ama't ñeñt'cha' atet o' nepohuapa' ama't napa' amach e'ñe pocteye' nenteñe. Tarro'mar ama't nemneñeñ añte' atet nepohua ñeñt' e'ñe cohuen enten Yompor, tarraña arepa'tña atteye' nepeno. Añepa't atet nepen ñeñt' ama nemnenñe, ñeñt' po'ñoçh ama cohuenaye' enteno Yompor. ¹⁶ Ñaña esempo o'ch nepohua ñeñt' ama cohuenayaye, ñeñt' ama't napa' ama nemnenñe, nañapa' neñoteñ attotña o' natpare'tua ñoñets ñeñt' atet anaret ñeñt' e'ñe cohuen. ¹⁷ Ñeñto'marña neñoteñ ñerra'm esempo o' atet nepohua ñeñt' ama't napa' netsena'ten, ñeñt'pa' neñoteñ ama e'ñe naye' atet petso. Añña atet nepatene' no'chñar ñeñt' allo'tsenara neyochro. ¹⁸ Napa' neñotena e'ñe atta eñalletñan, neyochroña' ama eñalle attoch cohuen enten Yompor, ama't coñe'ta. Ama't nemneñeñ o'ch atet nepañ ñeñt' e'ñe cohuen enten Yompor, tarraña ama errof' nepeñe atet patsa ñeñt' atet cohuentetsa. ¹⁹ Ñeñt' atet nepenapa' ama't napa' ama pocteye' nenteñe. Tarro'mar ama't nemneñeñ o'te' atet nepohua ñeñt' e'ñe cohuen enten Yompor, tarraña arepa'tña atteye' nepeno. Añach atet nepena ñeñt' ama nemnenñe ñeñt' po'ñoçhpa' ama cohuenaye' enteno Yompor. ²⁰ Ñeñto'marña neñoteñ, ñerra'm esempo o' atet nepohua ñeñt' ama't napa' ama nemnenñe, ñeñt'pa' neñoteñ ama e'ñe naye' atet petso. Añña atet nepatene' no'chñar ñeñt' allo'tsenara neyochro. ²¹ Ñeñto'marña te'pa' neñotena ñerra'm esempo yemneñeñ o'te' atet yepañ ñeñt' e'ñe cohuen enten Yompor, tarraña yo'chñar ñeñt' yeyochro'tsenpa' chocmach cotape'chateney ñeñt' ama cohuenaye' enteno Yompor. ²² Tarraña atto Yompor o' cotape'chaterrey cohuen yeyochropa' ñeñt'pa' alloch e'ñe yocsheñña po'ñoñ. ²³ Tarraña ama't atetpa' yapa' yeñotena eñall po'poñ ñeñt' huomenc yepene' yeyochro ñeñt' chocmach e'moñe'tenan ñeñt' atet yoc'tape'chen cohuen Yomporcop. Ñaña yo'chñar ñeñt' huomenc yepene' yeyochropa' ñeñña nanac mopa'tene' yechets.

²⁴ ¡Ee-say! Nanac llequëñtso'tseney ya. Eshesh'huachca' ya'huañamperre'te' yo'chñar ñeñt' nanac yemueroçhtatene' ñeñt'cha' yanerre'te' rromueñtso. ²⁵ Nanac neparasyoso'teñ Yompor tarro'mar neñoteññañ Puechemer ñeñt' Yepartseshar Jesucristo ñepa'tña e'ñe ya'huañamperre' yo'chñar. Ñeñto'marña e'ñe yeyochropa' yemneñeñ o'ch yoc'tape'cherrñañeñ Yompor po'ñoñ, tarraña yo'chñarña' ñeññaña chocmach yetaruasatene' e'ñe yechtso.

8

Atto Parets Puecamquëñpa' ñeñña huomenc yepene' yeyochro

¹ Ñeñto'marña te'pa' yeñoteñ amach a'coñchatare'teye ama't puesheñarrofeya ñeñtey o' yeparrocmaterra Cristo Jesús. Ñehua, ñeñtey

o' yeparrocmaterra Cristo, ñeñtapa' añ, atto o' cotape'chaterrey Parets Puecamquëñ, amaña aÑeye' yotape'chatenaye yo'chñar ñeñt yeyochro'tsen. ² Tarro'mar te'pa' atet ñerra'm napa' e'ñe neparrocmateñoñ Cristopa' añña Parets Puecamquëñpa' ñeñña huomenc nepene' neyoçhro, allochña napa' corretsannach tayoteñ amat ñaña erpronohuañen. Attoña o' a'huamperren atto no'chñarpa' ñeñña huomenc neÑaye't neyoçhro, ñeñtcha' nanmayeñ rromueñtso, ñeñtara coñcheñets. ³ Ñehua, añ ñoñets ñeñt atet anaret ñeñtcha' yetsotateneñpa' amach errotenot a'queshpatterrye, tarro'mar ya arromñañey yo'chñarpa' ama muenatenye o'ch atet yeÑohua ora ñeñt atet oteney añ ñoñets. Tarro'mar añ ñoñetspa' ama eñalle attoch huomenc ponay yeyocher esheccha' yetsotue ora allpon ñeñt atet oteney ñeñtcha' atet yeÑohueñ. Tarraña atto Yomporpa' ahuo't a'pocatuonay yo'chñar ñeñtapa' atet pa. Ñapa' ahuo't mueñonay e'ñe ña Puechemer ñeñtcha' eñalletostsa arr patsro e'ñe atet ñerra'm ya ñeñtey arromñañey, ñeñtey ochñañey. Allochñapa' ñach rromosets yo'chñarecop; allochñapa' attoch tsa'tuonaya yo'chñar. Attochña a'huamperrey atto yo'chñara ñeñña huomenc yepene' yeyochro. ⁴ Atet o' ponay Yompor attoch te' yapa' o'ch atet yeÑa cohuen ñeñt atet oteney Yompor po'ñoñ, allohueney ñeñtey atet petsa atet cotape'chateney Parets Puecamquëñ, ñeñtey o'huañ atet yepatse'tyesa ñeñt atet cotape'chatse'tateney yo'chñar ñeñt yeyochro'tsen.

⁵ Tarro'mar ñeñt atet petsa ñeñt atet cotape'chatenanet sosya'tsañ ñeñt pueyoçhro'tsenetpa' añachña e'nenet ñeñt atet muenatse'tatenanet po'chets. Tarraña ñeñt atet petsa ñeñt atet cotape'chatenanet Parets Puecamquëñpa' añchña e'mñotenet ñeñt atet muenatenanet Parets Puecamquëñ. ⁶ Tarro'mar ñerra'm añach ye'nen ñeñt atet muenatse'tateney yechetspa' ñeñtapa' ñeñtcha'ña yanerre' rromueñtso ñeñtara coñcheñtso. Tarraña ñerra'm añ ye'mñoten ñeñt atet cotape'chateney Parets Puecamquëñpa' ñeñtapa' ñeñtcha'ña allochña yapa' corretsayach e'ñe cohuen yocsheñeshocmañen.

Atto ñerra'm añach ye'nen ñeñt muenatse'tateney yechetspa' amach errotenot yame'ñeroña Yompor

⁷⁻⁸ Tarro'mar ñerra'm añach ye'nen ñeñt atet muenatse'tateney yechetspa' ñeñtapa' atet yepena ñerra'mrrate' cha ye'moñe'teñ Yompor, ñeñto'marña chach yatpare'teññañ po'ñoñ. Amach errotenot yame'ñeroña Yompor ñerra'm añach ye'nen ñeñt atet muenatse'tateney yechets. Ñaña ñerra'm attach yepenapa' amach errotenot yocshacheña Yompor.

⁹ Tarraña sapa' ama aÑeye' soctape'chatenaye sechets; añña soctape'chatene' Parets Puecamquëñ ñerra'm po'ñoçh Puecamquëñpa' o' yecherra seyoçhro. Tarraña ñerra'm eseshas ama echenaye Cristo Puecamquëñ seyoçhropa' ñeñtesña po'ñoçhpa' ama puechemereyayso Yompor. ¹⁰ Ñehua, ya arromñañeypa' çhocmach yerroma arr patsro ochñartso'marecop. Tarraña ñerra'm Cristo yeçhena yeyochro yecamquëñoñpa' çhocmach yocrrena tarro'mar Yomporpa' e'ñe pocte' enteney. ¹¹ Yapa' yeñoñeñ Yomporpa' ahuo't tantaterran Puechemer ñeñt Cristo Jesús po'rromñoñ. Ñaña ñerra'm Yompor Puecamquëñ yeçhena ya yeyochro, ama't arromñañeypa' yapa'cho'ña tantatuerreycha' yerromñoñ. Parets Puecamquëñoñpa' yocrra'huerrach, ñeñtara Puecamquëñ ñeñt yeçheta te' yeyochro.

12 Ñeñto'marña masheñnesha ñaña nochanesha, te'pa' añ e'ñe poctetsa o'ch e'ñe atet yepena ñeñt atet cotape'chateney Parets Puecamquëñ, ama pocteyaye o'ch atet yepena ñeñt atet cotape'chateney yechets. 13 Tarro'mar ñerra'm allo'na yocrra'nena ñeñt atet cotape'chateney yechetspa' ñerra'm yerromapa' yechenca'huerrach yo'chñaroť, tarraña ñerra'm Parets Puecamquëñoť o'ch ya'ypo'ñerr ñeñt atet patse'tateney yechetspa' yañapa' corretsayach.

Atto ñeñtey e'mñotene' ñeñt atet cotape'chateney Parets Puecamquëñ, ñeñteyñapa' o' po'ñočh puechemer perrey Yompor

14 Tarro'mar allohueney ñeñtey e'mñotene' ñeñt atet cotape'chateney Parets Puecamquëñ, ñeñteyñapa' o' po'ñočh puechemer perrey Yompor. 15 Ñeñto'marña amach alla yemcha'terrerro atet ñerra'mrrate' ñeñt ñañrets, atarrcha' mecha'tenan pamo'mte'. Tarro'mar yapa' allempoteñ o' yaguërrñañ Yompor Puecamquëñ yañapa' o' puechemer perrey po'ñočh. Ñeñto'marña amach yemcha'nañoteye' yema'yocheñoťpa' o'ch yechore'ch, o'ch yoch: "Apa." 16 Tarro'mar ñeñtara Parets Puecamquëñ ñeñtña yeñotatene' yeyo'chro po'ñočhpa' o' puechemer perrey Yompor. 17 Ñaña yapa' yeñoteñ atto o' puechemer perrey Yomporpa' yapa'cho'ña yagapapretercha' Cristo ora ñeñt allpon o'patatenya Yompor. Ñerra'm cho yemuro'chta Cristo'marecop te', atet pe't ña atarr muerochte't ahuat aña patsro, esempohuañen yapa'cho'ña yecohuentapreterach.

Atto ama't yemuro'chetuanena aña patsro, ñeñtpa' ama esoye' yenteñe

18 Ama't yemuro'chetuanena aña patsro, ñeñtpa' ama esoye' nenteñe. Tarro'mar neñoteñ esempohuañenpa' ellochña nanac yecohuentapretera Cristo. 19 Ama't ora allpon ñeñt yentyen arr patsro ñeñt yechcatua Yomporpa' ñetpa'cho'ña elloña atarr cohueñet esempohuañencha' Yomporpa' orratuerreycha' ñeñtey o' puechemerasha' perrey, attoch allempochña o'ch yecohuentapretera Cristo. 20 Tarro'mar ahuat allempo atpare'te't Adán, Yomporñapa' ahuo't a'huañatan atto atarr sherbañ nanac ñeñt ora allpon pueyechcatar. Allempoñapa' o'huañ tama sherba'. Tarraña pueyechcatarpa' ama errot po, tarro'mar atet muenen Yompor. Tarraña ama t atet panetañpa' elloña te'pa' chocma cohueñet attoch esempohuañen Yomporpa' o'ch alla a'cohuentatuerranet. 21 Tarro'mar ora allpon ñeñt yentyen aña patsropa' atet anaretet ñamet chocmach mellasha'tuet, allempoñapa' o'huañcha' sherbet. Tarraña ñerra'm esempohuañencha', ñeñtey o' puechemer perrey Yompor o'ch yecohuentapretera Cristo, ñaña allempoña ora allpon Yompor pueyechcatarpa' ñetpa'cho'ña o'ch alla a'cohuentaretetuerret ñamet. 22 Yapa' yeñoteñ ora allpon ñeñt yentyen aña patsropa' chocma muerochte'tyenet ama't teme'tsen, tarro'mar ama a'cohuentatuaretterra'. Nanac llecanrroreyenet atet ñerra'mrrate' coyanesha' ñerra'm o' chap allempoch choye'ten nanaccha' atsoatenana pue'mar. Nanac llequëñto'tsen tarrempohuach allempoch eñalletatuan pue'mar. Allempoñapa' nanaccha' cosheñto'tsen, tarro'mar o' eñalletatuan pue'maretoll. Atetcha' peraña ñaña Yompor pueyechcatarehno, nanaccha' cosha'rterret esempohuañencha' allempoch a'cohuentaretetuerret. 23 Ama ñapñayaya Yompor pueyechcatar muerochtetso. Yapa'cho'ña chocma yemuro'chetuyena arr patsro, amach e'ñeye' yeñmateno yeyo'chro. Tarraña ama't atetpa' o' yechen Parets Puecamquëñ ñeñt yechetsa yeyo'chro ñeñt ñanom apueney Yompor, allotñapa' orameñ ñaña ñeñt o'patatenya pa'namen. Ñeñto'marña yeñoteñ

esempohuañenpa' apguerreycha' ora allpon ñeñ o'patatenya. Ñeñto'marña yecueñ esempohuañen Yomporpa' o'ch orrtatuerrnay ñaña atto yapa' o' puechemerasha' perrey. Allempoña ya yechetspa' a'po'poñetuerrnaycha' attochña yecohuentapretera Cristo. ²⁴ Allempoteñ o' yaguërrñañ Yompor Puechemer ñeñ Cristo yapa' yeyemteññaña ñeñ o'patatenya ñeñcha' atet Perrnay esempohuañen. Ñeñto'marña allempoteñ o' ya'queshpataretterra çhocmach yecueñ esempohuañen allempoch a'po'poñetuerrnay yechets attochña yecohuentapretera Cristo. Po'ñoçhpa' ama a'po'poñetuerrnaya' yechets, ñeñto'marña teme'ttsen yecueñ. Ñerra'm o' a'po'poñetuerrnayeñ yechetspa' allempoñapa' amate' palltenañe o'ch yeyemteññaña ñeñ atet muenateney ña. ²⁵ Tarraña ñerra'm çhocma yeyemteña Yompor ñeñ atet otene yënoteñ atetcha'ña Perrnay esempohuañen. Ñehua, ama't ama orrtena', te'pa' yeyemteño' ñapa' e'ñepa'chña yocsheñeshocmañen yecueñ. Amachña tha yemuenme'chatsche.

Atto enamuennay Paret's Puecamquëñ Yomporeshot

²⁶ Ñaña attecma Yompor Puecamquëñ ñach yeyenpuene' ñerra'm esempo ama erro't es apen yenteno. Ñehua, atet ñerra'mrrate' allempo yellquëñesha' yema'yochena ñato' ama yeñoteñe escha'ña yenamña Yompor ñeñ e'ñe pocte' enten ña. Allempoña Paret's Puecamquëñpa' ñachña enamats yocop e'ñe puellcapreteño'fey ya, e'ñech pue'narña'teño', amach çhoye' eñoreno attoña enamatennay Yompor yocop. ²⁷ Tarraña Yomporpa' cohuennay allohuene y ñeñ atet yocotape'chen yeyoçthro, ñeñto'marña ñapa' eñoteñ ñeñ atet enamuennay Puecamquëñ, tarro'mar Puecamquëñpa' añach enamuennay ñeñ e'ñe pocte' enten Yompor yocop ñeñfey o' pueyochresha' perrey Paret's.

Ñeñfey e'ñe eñotuaye't ahuat Yomporpa' ñapa' atarr coçhnesha' o'patatenya

²⁸ Ñaña ama't es yehuapoya, yapa' yeñoteñ Yomporpa' ñach a'poctatene' yocop, allohuene y ñeñfey morrentenaya ña, ñeñfey acraretey o'ch atet yepëññañ ñeñ atet muenen ña. ²⁹ Tarro'mar allohuene y ñeñfey e'ñe eñotuaye't Yompor ahuat, ñeñfeycha' ame'ñerraya esempo, ñaña'pa' cotape'che't ahuat yocop ñeñcha' atet muenatey, allochña'pa' yach cotape'cherrets cohuen attochña yeyechquërra e'ñe ora atet ñerra'm Puechemer ñeñ Cristotets. Allochña'pa' allohuene yepo'narcha' yepëñ Cristo ama't shontey ñeñfey ame'ñetsa. ³⁰ Ñehua, allohuen ñeñ atet cotape'che't Yompor yocop ahuatpa' allempoña ahuo't çhap allempoch çhore'terrey o'ch yame'ñera. Allochña ñeñfey açhore'tareteypa' ñaña'pa' oten yocop e'ño' pocte' enteney e'ñe yeyemteño'f Cristo. Allochña'pa' allohuene y ñeñfey e'ñe pocte' enteney, Yomporña'pa' oten yocop yecohuentapretero'ch Cristo esempohuañen.

³¹ Ñeñto'mar te'pa' o'ch notas, Yomporpa' atarr cohuen morrentenya. Ñaña yapa' yeñoteñ atto nanac morrentenya Yomporpa' ama't eseshapa' amach errotent o' a'huañamperetoña atto morrentenya. ³² E'ñe puemorreneteño'fey ya ama't e'ñe ña Puechemerpa' ama mopa'tam'pesye, elloña a'rroyonay Puechemer ñach rromosets yocop allohuenacpaya. Atto atarr morrentenya attoña yapa' yeñoteñ elloña attecma esocmañencha' apa'yeney e'ñe allempoteñ apuerrey ñaña Puechemer Cristo. ³³ Ñeñfey acrrer Yompor ñeñfeycha' puechemer perr, ama't esesha' muenenayeñ o'ch otteñe'chenyetañ, tarraña ñeñtpa' ama esoye' yenteñe yocop,

tarro'mar Yomporpa' oten e'ño' pocte' enteney. Amach errotenot esesha' yetsa'taterrayo yo'chñar, ³⁴tarro'mar Cristo Jesús'pa' ña rromats yo'chñarecop, elloña ñaña tanterrtsa po'rromñot, ñaña te'pa' ña partsotapretenaya Pompor po'cohuenrot; alloteñña ñapa' eñorena yocop Pomporesho attoch es e'ñe a'pocattennay. ³⁵Atarr nanac morrentenya Cristo. Ama't eseshapa' amach errotenot puerratanipesyetoña atto nanac morrentenya Cristo. Ñaña ama't erroteno'tsenya amach huañerroña atto nanac morrentenya Cristo. Ama'tcha' añ yechapoya muerochteñets, ama'tcha' nanac llequēntso'tseney, ama'tcha' ñerra'm esempo pue'moñe'teñoftay cotare'tenyet, ama'tcha' ñerra'm esempo yepallta'yena ñeñtcha' yerren, ama'tcha' ñerra'm esempo yepallta'yena ñeñtcha' yechorrena, ama't ñerra'm esempo amcha'nocheno'tseney, ama'tcha' ñaña allemPOCH muetsayet, amach errotenot puerratanipesyetoña atto nanac morrentenya Cristo. ³⁶Atetcha' perryetña ya esempo e'ñe atet anaret Yompor po'ñoño ñeñt aquellca'huaret ahuatoteñ. All anuaret ñeñt atto puešheñarr ñeñt ame'ñatse'tpa' otane't Yompor, ñeñtpa' e'ñe atet ot:

E'ñe yame'ñeñoftē ðapa' yellapene'tcha' e'ñe autsa yemtsanate' ñeñt ye'moñe'tene'. Ñetpa' e'ñe amtsen entenyet e'ñe atet ñerra'm carrnero ñeñt çhocmach aneñet allcha' muetsanachet.

³⁷ Ama't yemuroçhetuahuapa' elloña nanaccha' ahuamencat perrey Cristo ñeñt nanac amorrentña yenten. ³⁸Ñeñto'marña napa' neñoteñ, ñeñtey ame'ñenaya Cristo Jesús ñeñt Yepartseshar yepenpa' ama't erroteno'tsenya amach errotenot huañerroña ñeñt atto nanac morrentenya Yompor. Ama't allemPOCH yerroma, ama't allemPO p ñaña yocrenmeñpa' çhocmachña morrentenya. Ama't Yompor po'millañoftēñaneshar ñeñt huetsa pue'ntañoftpa' amach errotenot puerratanipesyetoña ñeñt atto morrentenya. Ama't ora allpon ñeñt amcha'taretetyetsa arr patsropa' ñetpa'çho'ña amach errotenot puerratanipesyetoña ñeñt atto Yomporpa' nanac morrentenya. Ama't ñeñtcha' yehuapoya te' ama't ñaña ñeñtcha' yehuapoya tsapatonet, ñeñtpa'çho'ña amach errotenot a'huañañpesyetoña atto Yomporpa' atarr morrentenya. ³⁹ Ama't errponenaparen yetuanena atarr eno, amapa' ñaña o'pono patso ama't ñaña oño o'pono, allpa'çho'ña amach errotenot yesa'nmoña atto Yomporpa' nanac morrentenya. Ama't ora allpon ñeñt yechcatua Yompor añe patsropa' ñetpa'çho'ña amach errotenot a'huañañpesyetoña ñeñt atto nanac morrentenya Yompor, allohueney ñeñtey ame'ñenaya Puechemer ñeñt Cristo Jesús ñeñt Yepartseshar yepen.

9

Atto Pablopa' atarr llequēnana pamo'tsna'tarnesha' ñeñt israelnesha' ñeñt acrañ Yompor ñeñtcha' pueyochresha' pañ

¹ Ñaña ñeñtcha' notas te'pa' ñeñtpa' e'ñe po'ñoçh atet, ama çhoye' neshquēno, tarro'mar napa' o' name'ñera Cristo. Ñaña Paretš Puecamquēñ ñeñt yechetsa neyoçhro, ñeñtña e'ñe eñotenen ñeñtcha' atet notas ñeñtpa' e'ñe po'ñoçh atet. ²⁻³Napa' atarr nanac nellquēña nemo'nasheñnesha' ñeñtara judionesha'tarro'mar ñetpa'shontetañpa' ama ame'ñeñeto Cristo. Ñeñña nenen neyoçhro atto atarr nellquēnanet. Ñerra'm errotenot na'queshpatanet o'te' na'queshpaterranetañ. Ama't pocte' nenteñeñ o'ch na'cmarettañ nañeña

attoch nechenquerra allochñapa' amach nentere Cristo, ñerra'm atet neþapa' ñetpa' ñato' o'te' na'queshpaterranetañ. Tarraña ama't atet nepatstañpa' amach errotentot na'queshpaterraneto. ⁴ Ñaña namo'tsesha' judionesha' ñeñfara israelena'tarnesha' ñeñf acrañ Yompor ahuat ñeñfcha' puechemersha' pañ, ñaña ñetpa' chocma entoñetañe't Yompor po'partsoña ahuat. Ñaña ñet Yomporpa' chocma a'pocatanetañe't ahuat attoch chocmach a'natenanet. Ñaña ñetpa' apanetañe't Yompor po'ñoñ ahuat, ñeñña eñotatahuete't ñeñf atet pocte' enten Yompor. Ñaña ñeñfara judionesha' ñeñf eñotaye't attoch nanac e'ñe co'chneshot sherbeñetañ Yompor pa'paclo. Ñaña ñeñfara judionesha' Yompor ahuatpa' ahuo't otanetañ ñeñfcha' atet apuerranet esempohuañen. ⁵ Ñaña ñeñf ñanom yamo'mtayñeneshañ* yepe't ñeñf nanac sherbaye't Yompor ahuatpa' ñetpa' ñeñfara judionesha' pamo'tsna'tarneshañ. Ñaña ama't judiona'tareshotpa' ahuo't eñalletosa Cristo arr patsro ñeñfara ñeñf nanac Partso'tets ñeñf pomnaren pene' allohuen esocmañen. Ya'ye'chochtatoñepa'ch tayoteñ ama't errponohuañen. Ñeñtpa' atetepa'ch Nompore.

⁶ Tarraña ama't allohuen judionesha'ña ama'tcha' ama ame'ñereto Cristopa' Yomporñapa' amach errotentot huañeroña po'ñoñ ñeñf atet otanete't ahuat; ñeñtpa' chocmach etsota ñeñf atet otanet, tarro'mar ñapa' ama puenesho po'ñoñ. Ñaña allohuen ñeñf israelena'tarpa' ama allohuenacmaye' Yomporena'tareyayeto. ⁷ Ñaña ora allpon po'mñrenña Abrahampa' ama allohuenacmaye' po'no'ch Abraham puechemer entapreteñe Yompor. "Aña e'ñe puechemer entapreteñ Yompor ñeñf Isaac po'mñrenña", ñeñf atet otan Yompor Abraham ahuat. ⁸ Ñeñfo'marña yeñoteñ allohuen Abraham po'mñreneña' ama allohuenacmaye' po'no'ch puechemer penaneto Yompor. Añachña puechemer pen ñeñf yemtenaya Yompor ñeñf atet otanenet. ⁹ Ñehua, yapa' yeñoteñ atet ahuat Yomporpa' otan Abraham ñeñfcha' aþ, ñeñtpa' atet ot: "Tsapat charo atet ñerra'm te' añempo, o'ch nohuerra allempoñapa' petapor Sarapa' cheyore'tcha' ñeñtpa' asheñorrcha' ñeñfcha' Isaacatats." Arrpa' allohua ñeñf atet Yomporpa' otan Abraham.

¹⁰⁻¹³ Elloña te'pa' o'ch alla neyerpaterrser ato yatañ Isaacpa' ahuo't yoran Rebeca ñeñfcha' puetapor pa'. Ñaña allempo Rebecapa' totana Isaac puechemer ñeñf epuesha' Yomporñapa' otan Rebeca, atet och: "Ñeñfcha' eñalletatsa ñanom pechoyorpa' añcha' pomnaren pene' ñeñfcha' eñalletatsa chenta'." Arrpa' allohua ñeñf atet Yomporpa' otan Rebeca. Ñaña allempo ama eñalletena' puechoyoresha' Yomporñapa' ahuo't ye'choña paterr puechyor ñeñf muenen ña, ama't allempopa' ama es yechcateneta' ama't ñeñf cohuen enten Yompor amapa' ñeñf ama cohuenayaye. E'ñe atta ahuo't ye'chana puesheñarr ñeñf muenen ña; cheshatollpa' ama pueyechcateñofeye' cohuen ye'chyofña Yompor, tarro'mar cheshatollesha'pa' ama es yechcateneta' ama't coñe'ta. Attoña ahuo't etsota Yompor po'ñoñ ñeñf atet aquellca'huaret ahuatoteñ, ñeñtpa' atet otan Yompor: "Jacobpa' atarr nemorrenteña, pa'mo'nasheñña Esaúpa' ama tama nemorrenteño." Atet pa' attoch yeñoch Paretspa' ña acrañtetsa ñapueñ añecop ñeñf e'ñe ye'chena ña.

* **9:5** Pablo otatse't yamo'mtayneshañ tarro'mar ñapa' judionesha'.

Atto Yomporpa' e'ñe pocte' entan o'ch puechemer ñan ñaña ñeñt ama judioneshayaye

14 Te'ña ñato' sapa' çhate' sotenapañ ñeñt atet ote't Yompor, ñeñtpa' amate' pocteyaye. Tarraña o'ch notas ñeñtpa' e'ñe pocte' atet ote't Yompor. 15 Tarro'mar yapa' yeñoteñ atet Yomporpa' otan ahuat Moisés, ñeñtpa' atet och: "Ñerra'm esesha' neye'cha na ñeñtcha'ña neyenpa'. Ñaña ñerra'm esesha' neye'cha na ñeñtcha'ña atarr nemorrentena." 16 Ñeñto'marña yapa' yeñoteñ ñerra'm esesha' muenen Yompor ñeñtcha'ña a'natena, ñeñtpa' e'ñe pocte'. Ñeñtpa' ama añoñeyaye ñeñt atet yemnen ya acheñey, ñaña ama ya' mueroçhtame'teñoña ye'chenyoña Yompor. E'ñechña puemuereñoña ye'chenana erra'tsen muenen ña. 17 Ñaña yeñoteñ ñeñt atet Yomporpa' otan ahuat ñeñt amcha'tarettatse't Egipto. Ñeñtpa' atet otan amcha'taret Faraón: "Na pene', ñeñteñ amcha'tarettetsa, attoch peshoch norrtat nehua-menc acheñeneshesho. Attochña ñetpa' o'ch serrpare'tyesonet erracmañen atto na ñeñfen nanac ahua-mencattetsa." 18 Ñeñto'marña yapa' yeñoteñ ñerra'm esesha' muenen Yompor o'ch a'natanetpa' ñeñtcha'ña a'natena. Ñaña ñerra'm esesha' muenen Yompor o'ch echarrtenet pueyoçhreto, ñachña muenatanahuet.

19 Te'ña ñato' sapa' çhate' sotenapañ: "Ñerra'm Yompor ñach yem-natene' ñeñt e'ñe atet muenen ñapa', yapa' amach errot yepe, ñeñto'marña amate' pocteyaye o'ch enteney yapa' amo' cohuenayayye, ñerra'm ña yem-natatene' o'ch es atet yeña." Ñato' sapa' attate' soctape'chatse'tyen seyoçhro. 20-21 Tarraña masheñeshacha' ñaña noçhaneshacha', o'ch notas, Yomporpa' ama asare'tpahuoyaye. Ñato' o'ch netma'ntatasa atet: Ñato' esesha'pa' o'ch yeçcatan coyem' ñeñt patsrro'. Ñeñt e'ñe atet muenen ña, ñapa' ñeñtcha' atet yeçcat. Ñato' o'ch yeçcatan eprroga coyem', puerrogarrpa' atarrcha' cohuen, e'ñech cohuenot sherbenan pamo'mte'. Allostña'pa' ñeñt a'pchat patspa' o'ch alla yeçcaterranerr po'prroguen' puecoyem'. Ñato' ñeñtpa' amach tama cohuenaye' pe, tarro'mar ñeñt yeçcate'pa' ama mueno o'ch orrtach acheñeneshesho. Tarraña coyem'pa' ñerra'm eñoreña'pa' amach sasare'tanoña pamo'mte', amach oche: "Eso'marte' peyeçcaten atet, ama cohuenaye' pe'pa'no." Tarro'mar ñerra'm pamo'mte' muenets atetcha' ñan puecoyem', coyem'ña'pa' amach errot es po. Ñeñto'marña yeñoteñ Yomporpa' ama't erroten muena' o'ch atet ñonay, ñeñtpa' e'ñe pocte' ñocop, tarro'mar Parets añecoppa' ña otets ñapuef. Ñaña yapa' amach yesasare'che, tarro'mar Parets'pa' ama asare'tpahuoyaye.

22 Ama't atteñpa' elloña Yompor ahuatpa' atarr ahuantane't atto nanac atpare'che't ñeñt o'pate't chenquëñets. Ñerra'm ña muenatseñ e'ñe pocteñ attoch tsa'taterranetañ e'ñe allempocma po'yoroçhenñoñ. Attochña entatanetañ po'huamenc tarraña ama atteye' ñaneto, ataña ahuantanete't po'chñaret. 23 Allochña'pa' attoch esempopa' çhap o'ch orrtaterrnay allo-hueney po'cohuen'ña, ñeñtey o' muererrya yaña, ñeñtey ahuat Yomporpa' cotape'chonaye't yecohuentapretero'ch esempohuañen. 24 Atet ñerra'm ya ñeñtey judioneshay, ama't ñaña ñeñt ama judioneshayaye, tarro'mar ama judioneshayaya ñapuef çhore'tenoña Yompor ñeñtcha' ame'ñaya. Al-lohueneyña te'pa' o' çhore'terrey o'ch e'ñe yame'ña'huera. 25 Ama't atet ote'teña Yompor ahuat, allempo otan Oseas ñach serrpare'te' ñeñt atet och

Yompor, ñeñt̃pa' atet ot Yompor:

Ama't ñeñt̃ ama nechemereyaye te'pa' tsapatonetñapa' e'ñech nechemer neṗohuerranet. Ama't po'poñ acheñ ñeñt̃ ama nemorrenteno te'pa' tsapatonetñapa' e'ñech nemorrentuerranet ñamet.

²⁶ Ama't e'ñe all ahuat Yomporpa' otanete't: "Sapa' ama nechemereyayso", te'ña allpa' o'ch eñotueret, te'ñapa' e'ño' puechemeresha' o' ṗohuerranet Yompor, ñeñt̃ Yompor ñeñt̃ ama arromñat̃eshayaye ama't ahuata.

²⁷ Elloña Isaiás ñeñt̃ a'ñtaye't Yompor po'ñoñ ahuatpa' ñapa'cho'ña atet eñose't, ñeñt̃cha' atet perra israelena'tarnesha', ñeñt̃pa' atet ot: "Israelena'tarnesha'pa' merenach nanac shonte' atet ñerra'mrrate' atet yenteññañ ontap po'mñer nanac shonte'. Tarraña ama'tcha' shontetañpa' amachña allohuenacmaye' a'qeshṗataretterreto; patanta'tsachña ñeñt̃cha' a'qeshṗataretterrtsa.

²⁸ Tarro'mar Yomporpa' e'ñech tsa'tatuerrana shonte' acheñ arr patsro ñeñt̃ atet otane't ñeñt̃ e'maye't po'ñoñ. Amach allo'na ahuanta'nenaneto po'chñar." ²⁹ Ñeñt̃pa' e'ñech atet perra ñeñt̃ atet ote't Isaiás, ñeñt̃pa' atet ot:

Ñeñt̃ nanac Paretspa' ahuo't a'qeshṗaterrey ama't puesheña'ttsofeya. Ñerra'm ama atet pa'yeñepa' allohueneypa' e'ñech yoclla'huerrañ e'ñe poctacma, atet ṗanet ahuat allempo a'cllatuaretta allohuenet ñeñt̃ yeçhatse't añetso Sodomo ñaña Gomorro.

Arrpa' atto Yomporpa' ama pocteye' entenano judionesha'

³⁰ Ñeño'marña te'pa' yeñoteñ acheñenesha' ñeñt̃ ama judioneshayaye ama't ama e'neñeto attoch e'ñe pocte' entanet Yomporpa' ñetñapa' ahuepa't enteret ñeñt̃ e'ñe atto pocte' enteney Yompor allohueney ñeñt̃pa' ñeñt̃ña atto yeyemteña ñeñt̃ atet oteney Yompor. ³¹ Tarraña judionesha' ama't e'neñetañ attoch pocte' entenanet Yomporpa' tarraña ñetñapa' ama entereto, tarro'mar aña e'ñe yemtenet o'ch e'ñe etsotuetañ ora allpon ñoñets ñeñt̃ atet anarettenet; tarraña ama es etsotuenaye ora allohuen. ³²⁻³³ Yeñoteñ ama enterreto attoch pocte' entenanet Yompor, tarro'mar ama yemteñeto Yompor ñeñt̃ atet otenanet. Ñetpa' aña e'ñe yemtenet o'ch yechcatyenet ñeñt̃ e'ñe cohuen entenet ñet. Ñeñt̃pa' e'ñe atet ṗohuet ñeñt̃ atet oten Yompor po'ñoñ, ñeñt̃ anuaret ahuatoteñ, ñeñt̃pa' atet ot Yompor ahuat:

Napa' o'ch nemñanet puesheñarr ñeñt̃cha' atarr sherberrets all añetso ñeñt̃ pa'so'cheñ Sión ñeñt̃ara Jerusaléñ. Tarraña ñetpa' thach tsena'chet. Puetsena'teño'tetpa' o'huañ yemtennanet ñeñt̃ atet noctape'chatanetañ. Tarraña ama't erra'tsena ñeñt̃cha' ame'ñerraya ñapa' ñetñapa' ellopa' amach alla es e'nerrete'te.

Ñeñt̃pa' atet toma'ntachet ahuat: Cristopa' ñach anarettatsa arr patso atet ñerra'mrrate' mapue' ñeñt̃ atarrcha' sherben. Tarraña judionesha'ñapa' ama asherbenaye' eñchet o ama't mamesha, cha ottet ñerra'mrrate' afta eṗoto'tatse'tyeset ñesho ñeñt̃ atma'ntataret mapue'.

10

¹ O'ch masheñeshacha' ñaña noçhaneshacha' notas, napa' neyoçhrocmañen nemneñ namo'tsesha' ñeñt̃ara israelena'tarpa' o'te' qeshṗa'huerrret ñamet. Ñeño'marña ñocpuetpa' çhocma nema'yochamṗenanet Yompor. ² Napa' neñotenanetañ e'ñe po'ñoçh

mueneñetañ o'ch e'ñe sherberet Yompor, tarraña ama't atet muenenetañpa' po'ñoçhpa' ama çhenanetoña pueyoçhreto ñeñt' po'ñoçh atet muenen Yompor. ³ Po'ñoçhpa' ama çhenaneto pueyoçhreto ñeñt' atet muenen Yompor atetcha' yeþa attoch pocte' enteney ama't e'ñe allohueney. Ñetpa' otenapuetañ e'ñe pueyeçhcateño'tet ñeñt' cohuen entenent ñetpa' Yomporñapa' pocte'te' entapretenanet. Elloña ñetpa' ama mueneñeto o'ch yemterrñañet ñeñt' atet oteney Yompor, ñeñfcha' attoch e'ñe po'ñoçh pocte' enterrey ña. ⁴ Tarro'mar te'pa' o' huapa Cristo ñaña atet oteney Yompor ñerra'm yame'ñerrñaña Puechemer ñeñt' Cristotetspa' attochña e'ñech pocte' enterreyña, ama't erra'tsena ñeñfcha' ame'ñerraya. Allochñapa' o'huañcha' aña yeyemtena o'ch atet yeþohuen e'ñe cohuen ora allpon ñoñets ñeñt' atet anaret attochña pocte' enterryeyñ Yompor.

Arrpa' attoch e'ñe pocte' enteney Yompor ama't eseshaya

⁵ Ama't Moiséspa' atet ote't ahuat: "Ñerra'm yeþohuenach e'ñe poctacma ñeñt' atet anaretpa' esheccha'ña corretsayach errponohuañen." ⁶ Tarraña attoch po'ñoçh pocte' enteney Yompor ñeñtpa' e'ñech yeyemteño' ña ñeñt' atet oteney: "Amach yoctape'chatsto yeyoçhro, ñato' este' yepalltena tarro'mar ama yepallteno o'ch ahuey ento attoch yãsuater Cristo arr patsro. ⁷ Amaña yepallteno o'ch ahuey ñaña arromñañeshesho ñeñt' o'pono'tsa'yen patso o'ch yetantatera' Cristo tarro'mar ñapa' ahuatoteñ o' tanterra, ama arromñañesho'tsenayaye." ⁸ Tarro'mar Yompor po'ñoñpa' atet oten: "Añ cohuen ñoñets alloch yequeshperra, ñeñtpa' ama torrapahuoyaye attoch yenter, tarro'mar ñeñtpa' e'ñe yesho'tsen. Ñaña ama echarroyaye attoch ye'ñoroña, tarro'mar ñeñtpa' e'ñe yeyoçhro'tsen." Ñeñtpa' ñeñtara ñoñets ñeñt' o' neserrpare'tatas atet añ poctetsa o'ch yame'ñera Cristo. ⁹ Tarro'mar ñerra'm çho ye'ñorena atto Jesúsapa' Yepartseshar yepeñ, ñaña ñerra'm e'ñe yeyoçhroçmañen yame'ñeña atto Yomporpa' ahuo't tantater po'rromño'pa', allochñapa' yapa'çho'ña a'queshpatareycha'. ¹⁰ Tarro'mar ñerra'm yame'ñera Cristo yeyoçhroçmañen, Pomporñapa' e'ñech pocte' enteney, ñaña ñerra'm çhochña ye'ñorena atto o' yame'ñera Cristo, attochña yapa' a'queshpatareycha'.

¹¹ Ñaña Yompor po'ñoñ ñeñt' aquellca'huaret ahuatoteñ, ñeñtpa' atet oten: "Ama't erra'tsena ñeñfcha' ame'ñerraya Yomporpa' ñetña ellopa' amach alla es e'nerrete'te." ¹² Tarro'mar ama judioneshayaya ñapue't ame'ñenayoña Yompor. Ama't ñeñt' ama judioneshayaye, ñetpa'çho'ña attecma ame'ñeñet Yompor. Tarro'mar e'ñe patrra Yepartseshar ñeñt' e'ñe allohuenacpay. Shonte'ch esocmañen apa'yesuay ama't eseshaycha' ñeñtey enamueney'. ¹³ Tarro'mar atet oten Yompor po'ñoñ: "Allohuenoteypa' ama't erra'tsenoteta çhore'te' Yompor pueyoçhroçmañen attoch a'queshpataretterretpa' Yomporñapa' a'queshpaterranetcha'." ¹⁴ Tarraña amach errotenot yeçhore'cheña Cristo ñerra'm ama çho yeyemteño. Ñaña amate' errotenot yeyemteroña ñerra'm ama es ye'mare'tperro Cristocop. Ñaña amach errotenot ye'mare'che ñerra'm ama eñalle ñeñfcha' a'pote' po'ñoñ. ¹⁵ Ñaña amach errotenot a'poteññañetoña Yompor po'ñoñ, ñerra'm ama ña llesensenahueto. "Nanac cosheñto'steney ñerra'm esempo huapa ñeñfcha' a'potose' cohuen ñoñets ñeñt' huetsa Yomporeshot alloch yochserra e'ñe cohuen yeyoçhro." Añpa' allohua ñeñt' e'ñe atet aquellca'huaret Yompor po'ñoño ahuatoteñ.

16 Tarraña ama't ñeñt'pue'maran Yompor po'ñoñ amaña allohuenacmaye' ame'ñereto añ cohuen ñoñets ñeñt' huetsa Yomporeshot. Ama't atet ote't Isaiás ahuat, ñeñt'pa' atet ot: "Ama Nompore eseshaye' ame'ñenayo ñeñt' atet o' neserrpare'tatuanet." Arrpa' allohua ñeñt' atet ote't Isaiás ahuat. 17 Tarraña ama't atteñpa' elloña napa' o'ch notas, e'ñe yeserrpare'teñoñ Cristo po'ñoñ, acheñenesha'ñapa' o'ch e'mñoteñet. Allochñapa' e'ñe pue'mñoteñoñetpa' o'ch ame'ñeret Cristo.

18 Ñato' sapa' çhate' sotenapañ judionesha'pa' ñato' amate' pue'mareto añ cohuen ñoñets ñeñt' huetsa Yomporeshot. Tarraña napa' o'ch notas, po'ñoçhca'ye pue'maret tarro'mar atet oten Yompor po'ñoñ:

Ñeñt' a'potene' Yompor po'ñoñpa' o' eñotatyeset erracmañen arr patsro, o' epa'huamocha Yompor po'ñoñ errañaren.

19 Te'ña sapa' ñato' çhate' sotenapañ judionesha' ñeñt'ara israelena'tarpa' ñato' amate' çhenaneto pueyoçhreto ñeñt' atet cotape'chen Yompor. Tarraña napa' o'ch notas, po'ñoçhca'ye eñoteñetañ Yomporñapa' o'ch ame'ñaterrana ñama po'poñ acheñ ñeñt' ama judioneshayaye. Ñehua, ñanompa' o'ch neyerpaterrsa ñeñt' atet ote't Moisés. Moisés ahuatpa' ahuo't quellcanet añ ñoñets ñeñt' atet och Yompor, ñeñt'pa' atet ot Yompor:

Napa' o'ch name'ñatera po'poñ acheñenesha' ñeñt' sapa' atta senteñ atet ñerra'mrrate' ama nechemereye' nepenaneto ñama atta senteñ ñerra'mrrate' ama es eñoteneto. Tarraña napa' o'ch name'ñatuerranet ñetpa' sañapa' e'ñe sempa'teñoñenpa' o'ch se'moñe'terranet, tarro'mar allempo ñetpa' o'ch nechemeresha' neperranet ñamet. Arrpa' allohua ñeñt' Moisés po'ñoñ ñeñt' atet och Yompor ahuat.

20 Allotpa' ñama Isaiás ahuat ñañapa' ama mecha'tenano judionesha'. Ñapa' ahuo't eñotatanet ñeñt' atet och Yompor, ñeñt'pa' atet ot Yompor:

Po'poñ acheñ ñeñt' ama judioneshayaye ama't ñetpa' ama eseshaye' ne'nenaye, ñetñapa' o' enternnet. Ama't ama eseshaye' na'pto'tenaye errofenente'ña na ñeñt' atet nepena, tarraña nañapa' o'ch neñotaterranet ñeñt' atet nepena.

21 Ñama ellonet Isaiáspa' serrpare'te't atetcha' perra judionesha' ñeñt' atet eñorena Yompor ñocpuet, ñeñt'pa' atet ot Yompor: "Napa' nellapene'tcha' çhore'tame'tene' añ acheñeneshar attoch ñetpa' o'ch ame'ñerrnet. Tarraña amachña eseshaye' name'ñenayo, çhachña po'poñ entuennet allohuenet."

11

Atto judionesha'pa' a'ypo'ñareñtenetañ, tarraña ama poctacmaye' a'ypo'ñenanetoña Yompor

1 Tarraña ama't atteñ, napa' o'ch notas, po'ñoçh Yomporpa' ama e'ñe poctacmo' a'ypo'ña'huerrano pueyoçhresha'çhno, ñeñt'areta ñeñt'et israelena'tarnesha'. Atet ñerra'm na, napa'çho'ña israelena'taren tarro'mar napa' po'mñrenñen Abrahamañ ñeñt'ara Benjamíneñ mereñtsoren.

2 Yomporpa' ama a'ypo'ña'huerrano pueyoçhresha'çhno. Ñetpa' e'ñe eñotuanete't ahuat ñeñt'cha' pueyoçhresha'çhno pa'. Ñama napa' neñoteñ amach a'ypo'ña'huerraneto, tarro'mar ñeñt'pa' atet aquelca'huaret Yompor po'ñoño ama't ahuatoteñ. Sapa' ama't seyerpuenoña ñeñt' atet pe't Elías ahuat. Ñapa' ahuo't otteñe'chan israelnesha' e'ñe puema'yocheñoñ Yompor.

3 Ñeñt'pa' atet otan Yompor ahuat: "Nompore, namo'tsesha' ñeñt'ara

israelena'tarpa' epaye' muetsanatennapet ñeñt' p̄a'm̄tene' peñoñ. Ama't ñaña Nompore ñeñt' altar ñeñt' allot' yeshervenpeña' o' e'ñe tore'tatuonapet. Ama't napa' o' e'ñe naptama ñeñten p̄ame'ñenaya. Ama't te' Nompore napa'cho'ña o'patennet ahuo'ch muetsanet nana." Arrpa' allohua ñeñt' atet' otteñe'chane't Elías pamo'tsesha' Yomporesho ahuat. ⁴ Arrña'p̄a' atto eñorana'tana Yompor Elías ñeñt'p̄a' atet' och: "Amaca' p̄aptayaya ñeñt'ep̄ name'ñenaya, elloña eñallmeñ cançhrroch mil israelena'tarnesha' ñeñt' name'ñenaya ñeñt' ama concorpana'tenana' ma'yochaya ñeñt' ayethcataret ñeñt' sochenet Baal. Ñetña'p̄a' nenenanet ellonet nocop." Arrpa' allohua ñeñt' atet' neyerpatensa atet' ote't' ahuat Yompor allempo eñorana'tana Elías. ⁵ Ñaña atet' ñerra'm te'pa' attecma pena Yompor. Ama allohuenacmaye' a'ypo'ñenanetoña Yompor. Ñaña'p̄a' ama't puesheña'ttsapa' ahuo't ye'cherranet allochña'p̄a' attochña e'ñe puemuereño'fanetpa' o'ch a'qeshp̄aterranet. ⁶ Tarraña e'ñe puemuereño'fanet ahuo't a'qeshp̄atanet. Amaña año'eyaye atto cohuen es ye'chcatyenet ñet. Tarro'mar ñeñt' cohuen ye'chcatyenet ñerra'm allo a'qeshp̄atenetaña'p̄a' Yomporña puemuereña'p̄a' amate' a'qeshp̄atañeye'yenteñe.

⁷ Ñeñto'marña yeñoteñ, israelena'tarpa' ama allohuenacmaye' enterreto ñeñt' e'nenet. Ñehua, ñeñt' e'nenetpa' ñeñt'p̄a' attoch e'ñe pocte' enter-ranet Yompor. Puesheña'ttsa enterre' ñeñt' ye'chena Yompor. Tarraña po'potantañña'p̄a' ama enterreto ñeñt' atet' muenen Yompor ñeñt' attoch e'ñe pocte' entuerrey tarro'mar ñetpa' chocma echarrtenanet pueyo'chreto o'ch pet ñeñt' atet' muenen Yompor. ⁸ Ñetña'p̄a' o' e'ñe atet' pohuet ñeñt' e'ñe atet' anuaret Yompor po'ñoño ama't ahuatoteñ. Ñeñt'p̄a' atet' oten: "Yomporpa' ñach ama muenatahueto o'ch es chapahuet pueyo'chreto. Ama'tcha' cho es entenetañ ñeñt' atet' pena Yomporpa' amach chenaneo pueyo'chreto ñeñt' atet' muenen Yompor. Ñaña ama'tcha' e'mñoteññañetañ Yompor po'ñoñpa' amach chapaneto pueyo'chreto ama't ahuata ñeñt' atet' muenen Yompor. Ama't teme'ttsenpa' attecma penet." Arrpa' allohua ñeñt' atet' ote't' Isaías ñeñt'cha' atet' perra judionesha'. ⁹ Elloña Davidpa'cho'ña ñapa' atet' ote't' ahuat, ñeñt'p̄a' atet' ot:

Judionesha'p̄a' nanac a'nateña Yompor. Shonte' esocmañen echenet ñeñt' alloch rrallme'chapretannenet. Tarraña ñeñt'p̄a' cha shequēnanet tarro'mar ñetpa' otenapuetañ Yomporpa' e'ñefe' pocte' entenanet. Tarraña ñeñt'p̄a' ama atteyaye. Ñeñt'p̄a' ñeñt'cha'ña a'chencaterrahuet. Attoch e'ñe tsa'tatuerranet.

¹⁰ Ellopa' alla oterrer David ñocpuet, ñeñt'p̄a' atet' ot:

Arepach es chapahueto pueyo'chreto ñeñt' atet' muenen Yompor, atetach ñerra'mrrate' aporo'yete ñeñt' amach enteno. Chocmuepa'ch amue-ro'chtatarettenet e'ñech atet' ñerra'mrrate' eñerr a'mo'ca'nenahuet ñeñt' nanac amue-ro'chtatañ.

Atto Yomporpa' a'ypo'ñaneñ judionesha', ñeñt'p̄a' añecop attoch a'qeshp̄aterran ñaña ñeñt' ama judioneshayaye

¹¹ Tarraña ama't atarr atpare'tena judionesha', napa' o'ch notas, amach e'ñe a'ypo'ña'huereto poctacma Yompor. Tarro'mar e'ñe patpare'teño'fet ñetpa' attoña Yomporpa' ahuo't ame'ñaterrana po'poñ acheñ ñeñt' ama judioneshayaye attoch a'qeshp̄aterranet ñamet. Attochña judionesha'p̄a'cho'ña e'ñe puempa'teño'fet Yomporpa' ñato' o'ch alla

ame'ñeret Yompor e'ñe cohuen. ¹² Atto atpare'tenan judionesha' Yomporpa' po'poñechnoña acheñenesha' arr patsropa' ahuo't çhapanet attoch ame'ñeret ñamet Yompor. Ñehua, atto ama't patpare'teñoftetpa' yenpueñet po'poñ acheñ ñeñt ama judioneshayaye, yapa' yeñoteñ esempohuañen allempoch alla ame'ña'hueret Yomporpa' elloña pame'ña'hueñoftetpa' nanaccha' yenpueret po'poñ acheñ ñeñt ama judioneshayaye.

¹³ Ñeñtpa' atet notenes ñeñtes ama judioneshayayso tarro'mar napa' allsensareten nach serrpare'tene' Yompor po'ñoñ socop ñeñtes ama judioneshayayso. Ñeñto'marña napa' nocshena, atarr cohuen asherben nenteñ ñeñt atet llesensenen Yompor. ¹⁴ Tarro'mar allochñapa' attoch name'ñatera ñeñt ama'ntena judioneshayaye. Attochña ñato' judionesha' ñeñt e'ñe namo'tsna'taranetpa' e'ñe puempa'teñoftet Yomporpa' o'ch alla mueneret o'ch ame'ñerret ello atet sepena sa. Allochñapa' attochña a'queshpataretterret ñamet, ama't puesheña'ttsota. ¹⁵ Tarro'mar ñeñt atto Yomporpa' ahuo't a'ypo'ñan judionesha', ñeñtpa' añecop attoch amo'tsterrana po'poñechno acheñenesha' arr patsro ñeñt ama judioneshayaye. Ñaña yapa' yeñoteñ ñerra'm esempohuañen allempoch judionesha'pa' o'ch alla ame'ña'hueret Yompor; attochña o'ch alla aguèrranet; ñetña allempopa' çhach otterret ñerra'mrrate' rromot o' tantuerret. ¹⁶ Tarro'mar atto ñeñt ñanom judioneshatatse't ahuatpa' ñetpa' anarettete't Partsocop, allochñapa' po'mrenñenesha'pa'cho'ña ñetpa' acraretterretcha' ñamet e'ñe attecma. Ñato' o'ch yetma'ntacha atet pete't ahuat pocrramñ ñeñt nete't Partsocop. Ñeñt ñenma't pocrrametpa' ahuo'ch yoreñet coñe't ñeñt nanac cohuen ñeñtcha' nenet Yomporecop. Ñaña atto ñeñt ñanom pocrramñ yorenet Partsocoppa' ñeñtpa' e'ñe cohuen, añña allot yoret pocrrametpa' ñeñtña pocrramet orapa' e'ñech cohuenare'. Ñaña ñato' o'ch yetma'ntacha po'poñ ñeñt atet pena tsachreçh. Ñehua, ñerra'm erra'tsen tsach ñerra'm puerçhochno e'ñe cohuenare' puetacrechnopa'cho'ña e'ñech cohuenare'.

¹⁷ Te'pa' ñeñtes ama judioneshayayso napa' o'ch notas, Yomporpa' ahuo't ellopa'tetstatan patantarr judionesha' ñeñt atpare'tene' ña. Allochñapa' attoch sapa' o'ch separrocmaterr epas ñeñt ame'ñenaya Yompor. Ñato' o'ch netma'ntacha atet pena tsach ñeñt otenet olivoch. Ñehua, judionesha'pa' ñetpa' attet ñerra'mrrate' olivoch ñeñt e'ñe cohuen narmets. Tarraña ñato' ñeñt allpon puetaquërpa' ahuo't pecha'tañpset ahuo't huapore'chet. Allochñapa' attoch a'tapa'llateret epuet ñeñt puetsato'mar olivochtaquër ñeñt ama narmetsoyaye. Sa ñeñtes ama judioneshayaysopa' sapa' añña puetaquër sepene' ñeñt puetsato'mar olivochtaquër. Te'ñapa' o' a'tapa'llataterret olivochtacro allot apecha'taret ñeñt ahupore'taret. Allochñapa' attochña sapa'cho'ña o'ch separrocmaterr epas ñeñt ame'ñenaya Yompor, ñaña attoch sagapapreter Yompor pa'nateña ñeñt atet otane't Yompor judionesha' pa'tañnesañ ahua't. ¹⁸ Tarraña ama't atteñpa' sapa' amach sañeña nanac asherben sentatsterro. Ñaña amach sotatsto o'huañte' sherbenña añ judionesha' ñeñt toma'ntenaya olivochtaquër ñeñt ahupore'taret, tarro'mar sapa' señohepa'ch allotca'yeña huenaña sa sehuamenc tsachreçhot ñeñt atma'ntaret judionesha' pa'tañnesañ ahua't. Ama atteyayso ñerra'm ñeñt e'ñe puetares o'ch ahuamencat sepoñ puereçh, tarro'mar ama atteyaye, puereçhña e'ñe ahuamencat sepene'ña sa.

19 Ñeñfes ama judioneshayayso, sapa' 'chate' sotenapañ so'te'ña nanac sherbets ñeñto'maro' Yomporpa' ahuo't pecha'tam̄psan judionesha' olivochtacro't allochñapa' atto'ch sapa' o'ch e'ñe separrocmater. 20 Tarraña napa' o'ch notas, ama't po'ño'ch o' a'ypo'ñare'ita judionesha' añecopña a'ypo'ñare'fetteret e'ñe patpare'teño'fet Yompor. Ñehua, te'ña sapa' e'ñe seyemteño'fa Yompor o' separrocmater sa. Ñeñto'marña o'ch notas, amach sommo'chatsto, e'ñepa'chña sem'cha'na'teño'f same'ñeña Yompor. 21 Tarro'mar atto Yomporpa' ahuo't huapore'tan olivochtaquër ñeñf e'ñe puetacra ñeñf toma'ntenaya judionesha' ñeñf ama ame'ñenayo ña, sapa'cho'ña ñerra'm attach sepena sam̄apa' ahupore'taretescha' sam̄a. 22 Seño'chepa'ch po'ño'ch Yomporpa' atarr cohuen amueraña. Tarraña ama't amuerañañpa' ama allocchama'metsoyaye, tarro'mar ñapa' 'chocmach tsa'taterrana ñeñf ama ame'ñenayo ña. Ñerra'm 'chocmach seyemteña atto nanac muerensa ñañapa' e'ñech cohuen entenes. Ñerra'm amach atet se'popa' sapa'cho'ña ahupore'taretescha' atet ñerra'm tsachtaquër. 23 Ñaña ama't judionesha' ñeñf a'ypo'ñare'fetsapa' ñerra'm o'ch alla ame'ña' hueret Yompor, ñañapa' o'ch alla parrocmatateranet po'pocheño. Tarro'mar Yomporpa' nanac ahuamencat, ña po'huamencotpa' o'ch alla parrocmatateranet po'pocheño. 24 Tarro'mar sa ñeñfes ama judioneshayayso Yomporpa' e'ñe pocte' eñch o'ch parrocmataterres, ama't sapa' atet entenes ñerra'mrrate' nanac alla'paro'tsenes atet pena ñeñf puetsato'mar olivoch. Ñaña sapa' apeqhac're'charetres po'pchaño'f, ñañapa' ahuo't a'parrocmaterres olivochtacro' ñeñf narmets olivoch ama't sapa' ama e'ñe puetacreyayso ñeñf narmets olivoch. Atto pocte' eñch Yompor ñeñf atet ponas sa, elloña judionesha'pa' nanaccha' cohuen enterranet o'ch alla parrocmatateranet, o'ch alla puetaquër paterranet olivoch ñeñf e'ñe ño puetaquër.

Atto judionesha'pa' a'queshpataretterretcha' ñamet esempohuañen

25 Te'pa' o'ch masheñeshacha' ñaña no'chaneshacha' neñotatas ñeñf ahuatoteñ ama eñotpahuoyaye. Ñeñfes ama judioneshayayso napa' nemneñ o'ch e'ñe seño'ch allochñapa' attoch amach sota'psa'tatsto sapa' atarro' es señoten. Ñeñf atet atpare'tena patantarr israelena'tarpa' ñeñfpa' mamecpa atet muenatenanet Yompor tarremphuach allempoch e'ñe etsotua attoch ame'ña'huerra allpon acheñenesha' ñeñf ama judioneshayaye. 26 Allempochña allohuen israelena'tarnesha'pa' a'queshpataretterretcha' ñamet. O'ch etsoterra e'ñe atet aquellca'huaret Yompor po'ño'ñ ahuatoteñ, ñeñfpa' atet ote't Yompor: Ñeñfcha' a'queshpaterahuetpa' huapach. Arrotcha' huapa ñeñf anetserpa' añ pa'so'cheñ Sión. Ñeñto'marña pamo'tsna'tarcha' posan israelena'tarnesha'. O'ch huapapa' a'huañam̄perrancha' Jacoboñ po'm'reneñ* ñeñf atto nanac atpare'teñet Yompor. 27 Allempochña nahuanman̄perranet po'chñaretpa' allempochña etsoterra ñeñf atet notanete't ahuat ñeñfcha' atet neperranet esempo. Arrpa' allohua ñeñf atet ot Yompor ahuat.

28 Tarraña te' Yomporpa' atet entenamet ñerra'mrrate' ñeñf e'moñe'tene' tarro'mar ñetpa' ama mueneto o'ch ame'ñeññañet po'ño'ñ ñeñf alloch po'ño'ch

* 11:26 Ñeñf otenet israelena'tarnesha', ñaña síono'marnesha', ñaña Jacob po'm'reneñ, ñaña jerusaléño'marnesha' ñetpa' ñeñfareta judioneshet.

yequeshperra. Tarro'mar atet pena allochñapa' o'ch sa'queshpataretterra samña ñeñfes ama judioneshayayso. Tarro'mar Yomporpa' ahuatoteñ acrane't judionesha' ñeñcha' atarr morrentena tarro'mar ñeñ pa'tañneshañ pete'tpa' ña a'crahuete't ahuat ñeñcha' atarr morrentena. ²⁹ Tarro'mar Yomporpa' ama puenesho po'ñoñ. Atet otanete't ahuat ñeñcha' o'pataterranetpa' e'ñech etsotuerra. Ñaña atet otanete't ñeñcha' atet chore'terranet attoch e'ñe ame'ña hueretpa' ñeñtpa'cho'ña e'ñech etsotuerra. ³⁰ Ahuat sapa' atarr satpare'che't Yompor, te'ñapa' judionesha' atet petsa atet satpare'te't sa ahuat. Tarraña te'pa' allempo atpare'ta judionesha'pa' ñeñtpa' attoch Yomporpa' o'ch muererrsa samña. ³¹ Ñaña te'pa' atto judionesha' attecma atpare'teñet Yompor atet satpare'che't samña ahuat, ñetpa'cho'ña muererranetcha' atet muerensa samña te'. ³² Tarro'mar atet penaña Yompor. Ñapa' muenatenan ora pa'namen achen o'ch atpare'tyeñet allochñapa' attochña ellopa' o'ch alla muererraneterr allohuenet.

Atto Yomporpa' ama eñotpahuoyaye ñeñ e'ñe atet cotape'chen ña

³³ Yomporpa' puemorreneteñtpa' esocmañen apa'yeney, ñeñfara Parets ñeñ atarr eñotañtetsa. Shonte' esocmañen eñoten pa'namen. Ya arromña'eyapa' amate' errotentoyeñotuoñeña ñeñ atet penaña ña. Ñaña ama't mameshapa' amate' errotentoyeñotuoñeña ya yeyo'chro ñeñ ora allpon ñeñ atet cotape'chyen ña. ³⁴ "Tarro'mar yapa' ama't puesheñarrofeya amate' errotentoyeñotuoña ora ñeñ atet cotape'chen Yompor. Ñaña yapa' ama't puesheñarrofeya amate' errotentoyeñotuoña Parets. ³⁵ Ñaña yapa' ama't puesheñarrofeyapa' amate' errotentoyeñotuoña Yompor attoch aphuerrey ñeñ yemnen ya." ³⁶ Tarro'mar ama't allohuen ñeñ allpon es eñalleteysa e'ñe Yomporeshotecma huena, e'ñe ña po'huamencot eñalleteña, ñaña e'ñe ñocop yechcatue. E'ñepa'ch ya ye'chochtateññañ tayoteñ ama't errponañohuen. Ñeñtpa' attetepa'ch Nompore.

12

Atto añ poctetsa o'ch e'ñe yaphuer Yompor yechets

¹ Ñeñto'marña te'pa' o'ch masheñeshacha' ñaña no'chaneshacha' notas, atto Yomporpa' atarr muerenya, yapa' añ e'ñe poctetsa o'ch yaphuer Yompor yechets. O'ch yaphuer allohuen yechets atet ñerra'mrrate' ñeñ muetsete't ahuat Yomporcop ñeñcha' nenet ñocop. Tarraña ya yechets e'ñech betnatoyeñotuoñeña Yompor tarro'mar ñeñtpa' e'ñech ñocpa, ñeñcha' nanac coshatene' ña. Attochña e'ñech yeyo'chrocmañen cohuen yocter Yompor. ² Allochñapa' amach allo'na atet es yepatse'tyesneno ñeñ atet yey'chen ya añe patsro, ellochña yoctape'cherr etserra attoch etserrataterrnay Yompor yoctapña. Attochña e'ñe cohuen seño'ch erra'tsente'ña muenen Yompor ñeñ e'ñe cohuen enten ña, ñaña ñeñcha'ña coshatene' e'ñe poctacma.

Atto Yomporpa' ama pocteye' entenye o'ch yot yañeña yo'ña nanac sherbets

³ Yompor puemuereneñtenpa' ahuo't llesensenen attoch nach torretsa ñocop. Ñeñto'marña te'pa' notenes ñeñ atet muenen Yompor. Ama't puesheñarrofesapa' amach sentatsto sañeña ñeñfeso' ello nanac sherbets. Añcha'ña pocte' sentena allpon sesherben atto puesheña'tsos Yomporpa' ahuo't apa'yesas attoch e'ñe seyemteñot setorra'yesa ñocop. ⁴ Ñato' o'ch yetma'ntacha ñeñ atet pena yechets. Ñehua, yechetspa' ama e'ñe patrrayaya,

atet ñerra'm yecle' ñaña yot ñaña yetac. Ñaña ama e'ñe patrrayaye sherbenye, e'ñe po'poñe'ttsocma sherbeney. Tarraña ama't po'poñe'ttsocma sherbeneypa' e'ñe yocma yechets yepohueñ, tarro'mar e'ñe patrra yechets atet petsa. ⁵ Ñaña attecma yepena allohueney ñeñfey ame'ñenaya Cristo. Ama't shonteyñ ñaña ama'tcha' po'poñe'ttsocma yetorra'yesa ñocoppa' ñaña' e'ñech patrra enteney, atet ñerra'mrrate' e'ñe po'chets peney. Attochña e'ñech yeparrocmaten e'ñe puesheña'tsoy epay Cristo. Attoña e'ñe yeparrocmateño' Cristopa' o'ch yeparrocmatuahua allohueney ñeñfey ame'ñenaya Cristo.

⁶ E'ñech po'poñe'ttsocma yetorra'yena Yomporecop, tarro'mar ñapa' ahuo't apa'yese' e'ñe po'poñe'ttsocma ñeñfcha' atet yesherbe' e'ñe cohuen. Ñehua, ñerra'm añ apueney alloch ya'potoñ po'ñoñpa' ya'potepa'ch errponcha' yemtatenya. ⁷ Amapa' ñerra'm añ apueney attoch yesherbe' po'psheññechno e'ñepa'chña cohuen yesherbenaet. Amapa' ñerra'm añ apueney attoch yeychateñ po'psheññechno e'ñepa'chña cohuen yeychatyenanet. ⁸ Amapa' ñerra'm añ yeñoten attoch yoctape'chatyenanet ñeñf cohuentesa Yomporecop, e'ñepa'chña cohuen yoctape'chateñ acheñenesha'. Amapa' ñerra'm añ yeñoten attoch es yapa'yese' acheñenesha' ñeñf es pallta'yetsapa' e'ñepa'chña yeñmañeshocmañen es yapa'yenanet, amachña cha yempa'tana'tatsche. Amapa' ñerra'm añ yeñoten attoch ya'mcha'tarettena, e'ñepa'chña yocsheñeshocmañen ya'mcha'tarettena, amachña cha yemuenme'chatsche. Amapa' ñerra'm añ yeñoten attoch yeyenpue' ñeñf muero'chtetsa, e'ñepa'chña yocsheñesha' yeyenpuenanet.

Atetcha' pa'yesa ñeñf pueyochresha' pen Cristo

⁹ Amorrentanna'tpahuepa'ch yentannena e'ñe yeñmañeshocmañen. Ñaña allohuen ñeñf ama cohuenaye' enteno Yomporecop o'ch e'ñe ya'mñechya nanac attoch ya'ypo'ñe'. Tarraña allohuen ñeñf e'ñe cohuen enten Yomporecop amach cha ya'ypo'ñatsche. ¹⁰ Ñaña añ poctetsa amorrentanna'tpo'ch yentannena allohueney atet ñerra'm po'ño'ch e'ñe yemo'nasheñ yepannena. O'ch atet yeñch po'psheññe ñapa' atarr sherben, amachña yañeña nanac asherben entetso.

¹¹ Amach cha se'cllana'tatsto torraya ñeñf cohuen enten Yomporecop. Añcha'ña e'ñech seyo'chrocmañen sesherbe' Yepartseshar atto ahua'mentat penes Parets Puecamquëñ.

¹² Ñaña e'ñepa'ch socshena tarro'mar yapa' e'ñe yeyemteño' yecuenña ñeñf o'patatenya Yomporecop. Ñaña ñerra'm esempo huaponasa muero'chteñets e'ñepa'chña sa'huante'. Ñaña thocmuepa'chña sema'yocheña Yomporecop.

¹³ Ñaña ñeñf pueyochresha' pen Yomporecop ñerra'm esempo es pallta'yenet, sañapa' sapa'yesanetcha' ñeñf pallta'yenet. Ñaña e'ñepa'chña cohuen sagapannena sepa'allo.

¹⁴ Ñaña añ poctetsa o'ch senamoñ Yomporecop attoch a'natana ñeñf se'moñe'tene'. Amachña cha sarrnomare'tatscho.

¹⁵ Ñaña ñerra'm esempo esesha' atarr coshetsa, sapa'cho'ña socshapretanetepa'ch. Ñaña ñerra'm esempo esesha' yahuetsa puellquëño', sapa'cho'ña sellcapretanetepa'ch.

¹⁶ Amachña cha atsrre'mo'chen sentanna'teno. Ñaña amach añ se'natsto attoch sommo'chena. Añcha'ña pocte' senten o'ch seyemteña ñeñf ama esoshe'maye' entyeneto. Ñaña amach sentatsto sañeña, so'ña e'ñe sapuet atarro' es señoten.

17 Ñaña ñerra'm po'psheñeñ erroten p̄aspa' sapa' amach setsa'tatatsche ama't coñe'ta. Sapa' añcha'ña e'ñe sema'yochra ñeñt' chocma sepena ñeñt' cohuen enten allohuen acheñenesha'. 18 E'ñe puesheña'ttsospa' chocña se'nyes ñeñt'cha' atet sepa'y'es ñeñt' pocte' enten allohuen acheñenesha'; attochña e'ñe cohuen sentannena. Allochñapa' o'ch socrena e'ñe cohuen muechet e'ñe sagattsa ñeñt' parro'marneshas. 19 Te' o'ch masheñmeshacha' ñaña nochaneshacha' e'ñe nemorrenteño'espa' o'ch notas, ñerra'm esempo po'psheñeñ errof p̄aspa' sañapa' ama't coñe'tapa' amach setsa'tatatsche. Añcha'ña semnat Yompor atto ñapa' tsa'taterranetcha'. Tarro'mar ñeñt'pa' atet oten Yompor po'ñoñ ñeñt' anua'ret' ahuatoteñ. Allempo atet otanete't Yompor, ñeñt'pa' atet ot: "Napa' ñaña ñeñten atsa'tatañen, napa' nach tsa'tatuerrahuet." Arrpa' allohua ñeñt' atet ote't Yompor. 20 Añcha'ña atet sepoñ ñeñt' se'moñe'tene' ñeñt' e'ñe atet oteney Yompor po'ñoñ. Ñehua, ñeñt'pa' atet oten: "Ñeñt' se'moñe'tene' ñerra'm esempo cheporrenapa' sañapa' sapepa'ch ñeñt'cha' rra'. Ñaña ñerra'm esempo oñpa'ten sañapa' sapepa'ch ñeñt'cha' orr. Ñerra'm atetcha' sepe'pa' ñañapa' o'ch penquëna nanac. Atarrcha' atserr e'man atto penquëna. Allempoñapa' ñato' e'ñe puepenquëño'tpa' ñeñt'cha'ña cotape'chaterre' cohuen." 21 Ñeñto'marña notas, ñerra'm esempo po'psheñeñ errof p̄aspa' sapa' amach sañeña muenatstaye o'ch alla setsa'tatera. Añcha'ña atet sepa' ñeñt' e'ñe cohuentetsa. Ñerra'm atet yepenapa' e'ñe yepeño' cohuenpa' o'ch ya'huañat ñeñt' ama cohuenayaye.

13

Atto añ poctetsa o'ch yame'ñeña ñeñt' añcha'taretetyetsa añe patsro allochñapa' attoch yocrena e'ñe cohuen muechet

1 Ñaña añ poctetsa e'ñe puesheña'tsoypa' o'ch yame'ña ñeñt' añcha'taretetyetsa ñeñt' pueyochresha' pen gobiernu'. Tarro'mar amach eñallñeña ñeñt'cha' añcha'taretetyetsa ñerra'm ama Yompor muenatenahueto o'ch atet pet. Tarro'mar ñeñt' añcha'taretetyetsa arr patsropa' ñetpa' Yompor muenatenahueto o'ch atet pet. 2 Ñeñto'marña yeñoteñ ñerra'm esesha' atpare'tene' ñeñt' añcha'tarettetsa arr patsro ñapa' añe'na atpare'ten Yompor, tarro'mar Yomporpa' ña muenatenahueto o'ch añcha'taretetyenet arr patsro. Ñaña ñeñt' atpare'tene' ñeñt' añcha'tarettetsa arr patsro ñapa' e'ñe ñañeña patpare'teño' atsa'tatarettach. 3 Ñaña ñerra'm chocma yepa'yen ñeñt' cohuen enten añcha'taretpa' amach añcha'nochenaye' yenteñeña ñeñt' añcha'tarettetsa, tarro'mar e'ñe atotapa' amach errof pa'ye. Tarraña ñeñt' atpare'tene' ñeñt' atet muenen añcha'taretpa' ñetñapa' atarrcha' añcha'nochen enteñeña añcha'taret tarro'mar añcha'taretpa' chocmach tsa'taterranaña ñeñt' atpare'tene' ña. Ñehua, ñerra'm ama semno o'ch añcha'nothen señch añcha'taretpa' e'ñechna cohuen es sepa'yen, attochña añcha'taretpa' e'ñech cohuen entenes, amach errof p̄aso ama't mamesha. 4 Tarro'mar ñeñt' añcha'tarettetsa arr patsropa' añ torrenet ñeñt' atet muenatenanet Yompor, allochñapa' attoch a'pocatenet esheccha' e'ñe cohuen yocrena arr patsro. Tarraña ñerra'm añ atet sepen ñeñt' ama cohuenayayepa' pocte'ñacho'ña allochñapa' attoch señcha'teñ añcha'taret, tarro'mar ñapa' ama orrena añcha'taretteno, chocmach tsa'tatana ñeñt' atpare'tene'. Tarro'mar ñapa'

Yompor muenatene' ñapa' ñach tsa'tatenaya allohuen ñeñt atet pene' ñeñt ama cohuenayaye. ⁵ Ñeñto'marña añ pocte' o'ch yame'ña ñeñt añcha'tarettetsa arr patsro, allochñapa' attoch amach tsa'taterrye Yompor e'ñe ya yatparñof. Elloña ñeñt atet yame'ñena, tarro'mar e'ñe yeyo'chropa' yeñotena ñeñtpa' e'ñe pocte' o'ch e'ñe yame'ñena. ⁶ Ñeñto'marña ñaña añ poctetsa o'ch yetsa'ta impuesto, ñeñt atet anaret ñoñets ñeñt cobrenyet añcha'tareteshot tarro'mar ñeñt añcha'taretetyetsa añ patsro, ñeñtpa' atet muenatenanet Yompor ñeñtcha' atet torrenet ñeñt po'taruas penet.

⁷ Chocmach setsa'ta allohuen ñeñt atet anaret ñoñets atto cobrenyet atet ñerra'm allpon quelle ñeñt enamueney añcha'taretnesha' atet ñerra'm impuestochno, chocmach setsa'cha. Ñaña acheñ ñeñt añcha'na'tpo' entenetpa' chocmuepa'ch semcha'na'tueñ. Ñaña acheñ ñeñt atarr amorentaretapa' chocmuepa'ch semorrentueña. ⁸ Amach esesha' setebatsto, ama't puesheñarra. Añcha'ña sepa ñeñt poctetsa socop, o'ch semorreñcha samo'ts. Tarro'mar ñerra'm e'ñe yemorrenteña yamo'tspa' attochña yetsotua ora Yompor po'ñoñ ñeñt atet anaret ñeñtcha' atet yepenamet e'ñe cohuen. ⁹ Atet ñerra'm paterr ñoñets ñeñt atet anaret ñeñtpa' atet oten: "Amach sechtapretanna'tatsto setapor." Po'poñ ñoñetspa' ñeñtpa' atet oten: "Amach semtsanna'tatsto." Po'poñpa' atet oten: "Amach setyesatsto"; po'poñpa' atet oten: "Amach setoma'tamñsatsche samo'ts." Po'poñpa' atet oten: "Amach seye'chapretanna'tatsto", ñaña eñall po'poñe'chno ñoñets ñeñt atet ye'chateney. Allohuen añ ñoñets ama't po'poñe'ttsocma atet ye'chateney, tarraña po'ño'chpa' e'ñe patrra oteneý, ñeñtpa' atet oteneý: "Atarrepachña yemorrenteña yamo'ts e'ñe atet atarr yemorrenteña yañeña." Ñerra'm chocma yemorrenteña yamo'tspa' allempoña po'ño'chpa' yetsotuach ora allohuen ñeñt atet ye'chatyeneý po'poñe'ttsocma ñoñets ñeñt atet anaret. ¹⁰ Tarro'mar ñerra'm po'ño'ch chocma yemorrenteña yamo'tspa' amach yemno o'ch errot ye'panet te't cha yellcatenanet. Añe'chno atetpa' ama morrenteñtsoyaye. Ñeñto'marña yeñoteñ ñerra'm po'ño'ch chocma yemorrenteña yamo'tspa' ñeñtpa' attochña e'ñe yetsotua ora allohuen ñoñets ñeñt atet anaret ahuatoteñ Yompreshot.

¹¹ Atetcha' sephua ñeñt atet o' notuas, tarro'mar yeñoteñ o' chapmoch allempoch huerra Cristo, ñeñto'mar socoppa' añ poctetsa o'ch alla setanterra Cristocop amachña se'cllaño'ta es sepa'yeno atet ñerra'm cha semuen. Tarro'mar ahuañmo'cha allempo ñanom yame'ñera Cristopa' allempo atarr atomat palltenmeñ attoch ya'qeshpataretterra. Tarraña te'pa' ama atarr atomatmeñeyaye. O' mameshamerra attoch ya'qeshpataretterra. ¹² Arr patsropa' eñall shonte' sosya'tsañe'chno. Ñato' o'ch yetma'ntacha atet ñerra'mrrate' yapa' checmeta yey'chena. Tarraña te'pa' e'ñe atet pena ñerra'mrrate' o' metuamoch checmete' o' puetarenmoch, tarro'mar yapa' yeñoteñ o' chapmoch allempoch huerra Cristo. Ñeñto'marña añ poctetsa o'ch yesuanom allohuen ñeñt ama cohuenayaye ñeñt atet atma'ntataret checmete'. Añcha'ña atet ye'pa'yen ñeñt cohuen enten Yompor ñeñt atet atma'ntataret puetare'. Attochña yetorrrena Yomprecop atet ñerra'mrrate' cho ye'cllarena ñocop. ¹³ Añepachña ye'pa'yen cohuen ñeñt atet penet yeto, ñeñt ama apenco'chenayaye ñeñtpa' ama atteyaye ñerra'm ñeñt atet penet tsapo. Amach yoctapretatsto all nanac coshena aposañe'f'e'chno, e'ñe porrare'teño'fet all atarr pa'namen coshatse'tyenet.

Ñaña amach yechta'yesatsto coyaneshačhno, amach atet yepatsto ñeñt pa'namen sosya'tsañečhno. Amach ye'natsto atsrre'močhen, ñaña amach ye'moñe'tanna'tatsto e'ñe yesope'cheñoť. ¹⁴ Añicha'ña ahuamencat sepene' Yepartseshar Jesucristo, allochñapa' attoch amach semnatatsto sechets o'ch muenatse'tatas ñeñt ama cohuenayaye.

14

Atto eñall ñeñt epuoye' ame'ñenayañ Cristo tarro'mar ama huomencaye' penano pueyočher Yomporecop

¹ Ñaña te'pa' o'ch notas po'poñ ñeñt'cha' atet sepa. Ñerra'm eñall sesho acheñ ñeñt ame'ñetsañ tarraña ñapa' ama huomencaye' penano pueyočher Yomporecop tarro'mar ama e'ñe eñoteñe po'ñoč atet yeyemteña Cristo, sañapa' o'ch sagaḡ e'ñe cohuen attochña e'ñech parrocmá seyemteña Cristo. Tarraña amach añečpa sagape attoch sapa' o'ch sotnare'ch tarro'mar ñapa' po'poñoneť cotape'chyen. ² Atet ñato' eñall acheñ ñeñt ama huomencaye' penano pueyočher Yomporecop tarro'mar ama e'ñe eñoteñe ñeñt atet po'ñoč yeyemteña Cristo; ñeñto'marña ñapa' čhach oten ama pocteyaye o'ch yerra'yes berr po'chets, añach paterr yerren narmetsočhno. Ełloña po'psheññečhno e'ñe pueyemteñoťet Cristo ñetñapa' otenet e'ñe pocte' o'ch yerra'yes ama't erra'tsena rreñets. ³ Ñeñtey pa'namen es rra'yetspa' amuepa'ch yentatsche ñeñt tore'tetsa ñapa' ama es eñoťo. Ñaña ñeñt es tore'tetsapa' amuepa'ch otatsetye ya ñeñtey pa'namen es rra'yets ama pocteyaye o'ch yerratse'tyes pa'namen ñeñt ama arrapahuoyaye. Tarro'mar Yomporpa' ñaña o' aguērrey attoch pueyochresha' perrey. ⁴ Ñeñto'marña yapa' yeñoteñ ama pocteyaye o'ch yotanna'tena e'ñe yagattsa Yompor pueyochresha'pa' ama pocteyaye ñeñt atet penet. Tarro'mar ñetpa' Ayochreshatecpuet tarro'mar ñapa' ñaña ñapueť otets atto pocte' entenan pueyochresha' amapa' ñerra'm ama pocteye' entenano pueyochresha'. Ñaña Ayochreshať Cristopa' čhocmach e'ñe pocte' entenan pueyochresha' tarro'mar ñapa' ñach ahuamencat pahuet pueyočhro.

⁵ Ñaña ñato' eñall acheñ ñeñt ama e'ñe eñotenaye ñeñt atet e'ñe po'ñoč yeyemteña Cristo, ñeñto'marña ñetpa' čha otenet añ poctetsa o'ch yonañcha'yen pate'tets yet ñeñt'cha' atet yetsotayes attochña e'ñe pocte' enteney Yompor. Ñaña ñato' po'psheññečhno ñeñt atet ñerra'm yapa' otenet ama yepallteno o'ch yonañcha'yen pate'tets yet ñeñt'cha' atet yetsotayes tarro'mar allpon yetpa' Yomporecma pueyečcatuar. Tarraña puešhe'ťtsoypa' yeñochepa'ch ñeñt e'ñe pocte' yentyen ya e'ñe yeyočhro ñeñt'cha' atet yepa. ⁶ Tarro'mar ñerra'm esesha' onañcha'yene' yet ñeñt'cha' atet etsotayes, ñapa' atet oten ñeñt'pa' atet yame'ñeña ya Yompor. Attecma yepena yaña ñeñtey ama onañcha'yenaye yet, yapa'čho'ña atet yame'ñeña Yompor. Ñaña ñeñtey pa'namen es rra'yetspa' yapa'čho'ña atet yame'ñeña Yompor, tarro'mar yeparasyoso'teñesha' Yompor es yerra'yen. Attecma pena ñaña ñeñt es tore'tetsa, ñetpa'čho'ña atet ame'ñeñet Yompor ñaña ñetpa' e'ñe pueparasyoso'teñeshet Yompor es tore'tyenet.

⁷ Tarro'mar ama e'ñe ya yemneññoťeye' atet es yepa'yeno añe patsro. Atto yocrrena añe patsropa' ñeñt'pa' ama e'ñe yaptecpayaye, ñaña allempoch yerromapa' ñeñt'pa'čho'ña ama yemneññoťeye' yerromueno. ⁸ Tarro'mar atto yocrrena allponmat añe patsro ñeñt'pa' añečop attoch

yesherbeñ Yepartseshar. Ñaña allempo yerromuenpa' ñeñtpa' tarro'mar atet muenateney Yepartseshar. Ñeñto'marña yapa' yoten allempo yocrrena añe patsro ñeñtpa' ama yaptecpaye' yocrreno, ñeñtpa' Yepartsesharecop. Ñaña allempo yerromuen, ñeñtpa'cho'ña ama yaptecpayaye, ñeñtpa'cho'ña Yepartsesharecop. Ñeñto'marña ñeñtpa' chocma atet pena tarro'mar ñapa' e'ñe o'paterrya ñaña e'ñe ñocpay. ⁹ Tarro'mar Cristopa' ñeñtecop rroma, elloñapa' alla correrra attochña ñapa' ñach yamo'mte' yepen allohueney. Ama't allempo yocrrenmeñ, ama't ñaña allempo yerromuen, atterach yamo'mte' yepen, tarro'mar ñapa' pueñotuaran atet peney rromueñets ñaña atto yocrrena ñeñtey arromñaatey.

¹⁰ Ñeñto'marña amach yotatsche yemo'nasheñ ñeñt atet pena ñapa' ñeñtpa' ama pocteyaye. Ñaña amach yotatsche ñapa' ama es eñoteno. Tarro'mar Cristo ñapa' ñach yoterre' errotentcha' entyerrey esempohuañen allempoch yapcherra allohueney ñesho. ¹¹ Tarro'mar Yompore po'ñoñ ñeñt anuaeret ahuatoteñpa' ñeñt allpa' Yompore otatset atet:

Napa' na ñeñten ama arromñaafeshayayno ñaña ama puenesho neñoñ. Po'ñochpa' atetcha' perra esempohuañen. Ora allohuen acheñenesha'pa' concorpanrrorterrnetcha'. Allña'p' otuerrnetcha':
 “Pa Yomporep ñeñtep atarr Partsop.”

¹² Attoña yeñoteñ allohueney puesheña'ttsoy Yomporepa' a'metataterreycha' ñeñt atet o' yeñohuahuaena arr patsro.

Atto ama pocteyaye e'ñe atet yepeñot ya o'ch alla ya'puerratater yemo'nasheñ

¹³ Ñeñto'mar ama pocteyaye o'ch yañeña yotanna'ta ñeñt atet yentannena arr patsro. Añcha'ña yañeña e'ñech yeñotena ñeñt atet yeña'yena ya tarro'mar ñeñt atet yeña'yena yapa' ñato'rraña chate' ya'puerratater yemo'nasheñ ñerra'm ñapa' ama pocteye' entenano ñeñt atet yeña'yen ya. ¹⁴ Napa' e'ñe neyemteñot Yepartseshar Jesús neñoteñ e'ñe pocte' o'ch es yerra'yes tarro'mar neñoten allohuen rreñetspa' e'ñe arrapahuocma Yomporecop. Tarraña ñerra'm esesha' ama arrapahuoye' entenaye ñeñt allohuen rreñetspa' e'ñe ñocoppa' ama pocteyaye o'ch rrenan ñeñt rreñets. ¹⁵ Ama't e'ñe pocten o'ch yerra'yes, tarraña ñerra'm yemo'nasheñpa' ama arrapahuoye' enteñe, yapa' e'ñe ya yerreño'pa' ñato' o'ch yeye'chateña allempoñapa' o'ch rre' ñaña, ñaña'pa' chach enteñ ñeñtpa' ochña'teñets Yomporecop. Atteñapa' ñato' o'ch alla puesuerran Yompore. Ñato' yerreño' ama't e'ñe cohueñe'pa' o'te' yequechpatater yemo'nasheñ Yompore. Ñeñto'marña notenes, amach yerratsto allempo, te't ñeñto'mara yequechpatater yemo'nasheñ Yompore. Ñaña ñerra'm atet yepeñ yemo'nasheñpa' po'ño'chpa' ama yemorrenteño, ñeñtara yemo'nasheñer ama't Cristopa' ñocpa'na rroma. ¹⁶ Ñeñto'marña notenes, ama't pocten ñeñt atet yeña'yena, tarraña ñerra'm yemo'nasheñpa' ama pocteye' enteñe, ñaña'pa' ñeñtotch sasare'teney. Ñehua, ama't e'ñe pocten o'ch atet yepenañ, tarraña amach atet yepatsche. ¹⁷ Tarro'mar ñerra'm añ yocteññañ Yompore po'cohueña atto pueyochresha' peney, ñeñt atto es yerra'yen amapa' atto es yetore'tyena, ñeñtpa' ama esoyeña Yomporecop. Añña ñeñt nanac sherbets attoch yocteññañ Yompore po'cohueña, ñeñtpa' atto e'ñe pocte' es yeñannena añe patsro, ñaña atto e'ñe cohuen yentannena attochña yocrrena e'ñe cohuen muechet, ñaña

attochña Paret Pucamquëñpa' chocmach coshateney yeyothro. ¹⁸ Ñerra'm atetcha' yame'ñeña Cristo, Pomporñapa' e'ñech cohuen enteney, ama't allohuen acheñeneshapa'cho'ña e'ñech cohuen enteneyet.

¹⁹ Ñeñfo'marña napa' notenes, añepa'chña ye'nen ñeñt'attoch e'ñe yeparcomaterr' allohueneñ ña'ma attochña e'ñe cohuen yeyenpanna. Allochñapa' allo'nach e'ñe huomenc ye'panna'tnena yeyoother Yomporecop.

²⁰ E'ñe ya yerreño't po'chetspa' amach ya'huañatatsterrñañe po'psheñeñ ñeñt'atet ame'ñenanañ Yompor. Ama't allohuen rreñtso'chno cohuenacmañ ñeñfcha' yerra'yeneñ, tarraña ñerra'm yerreño't o'ch alla ya'puerratater po'psheñeñ attoch o'huañcha' ame'ñenana Cristo, ñeñfepñapa' e'ñe pocte' amach yerratate ñeñfcha' a'puerratater' po'psheñeñ, tarro'mar atetpa' ama cohuenaye' enteñe Yompor. ²¹ Ñeñfo'marña notenes, ama't erra'tsena ñeñt'atet yepeño't po'psheñeñpa' o'ch alla ya'puerratater, ñeñfepñapa' amach atet yepatsto, allochñapa' amach puerrerro ama't puesheñarra ñeñt'ame'ñenaya Cristo. Atet ñerra'm allempo yerren berr po'chets ña'ma allempo yorren co'nes,* ñerra'm atet yepeño't o'ch alla ya'puerratater yemo'nasheñ, ñeñfepñapa' añ poctetsa amach yerratsto berr po'chets, amach yorratsto ña'ma co'nes, tarro'mar allempopa' ama cohuenaye' enteñe Yompor.

²² Ñerra'm e'ñe pame'ñeño't Yompor peñotena ñeñt'atet pe'pa'yena ñeñtpa' e'ñe pocte' entapretene' Yompor, tarraña papa' e'ñech peyothro poctape'cheñ Yompor atet, amachña cha pe'matare'tatstoña allo. Nanac cosheñtso'tseney ñerra'm yeñotena po'ño'ch e'ñe pocte' entapreteney Yompor ñeñt'atet es ye'pa'yen, tarro'mar yeyo'chropa' ama epuoye' es ye'pa'yeno. ²³ Tarraña ñerra'm esesha' ñeñt'epuoye' es rra'yenpa' ñocoppa' ama pocteyaye o'ch rren, ñañapa' ñeñtaña po'chñar pen. Tarro'mar ama pueñmañeshocmañenaye' es rreno, ña'ma yapa' yeñoteñ ñerra'm ama yeñmañeshocmañenaye' es ye'pa'yeno, ñeñtpa' ñeñta yo'chñar entennay Yompor.

15

Atto añcha'ña ye'nen ñeñt' e'ñe pocte' enten yemo'nasheñ

¹ Ñeñfo'marña napa' notenes, ñeñfey e'ñe huomenc pene' yeyoother Yomporecop, ñeñfey ama epuoye' yame'ñeño Yompor, añña poctetsa o'ch yeyenpueñ yemo'nasheñ ñeñt' ama huomencaye' penaye pueyoother Yomporecop ñeñt' chocma epuoye' ame'ñenana Yompor. Ñeñtpa' atetcha' yeyenpueñ, amachña añña atet es ye'pa'yeno ñeñt'atet yemnen ya. ² Añcha'ña ye'nen o'ch atet yepen ñeñt' e'ñe pocte' enten yemo'nasheñ. Ñeñtpa' atetcha' yeyenpueñ allochñapa' o'ch e'ñe huomenc pa'nman ña'ma pueyoother Yomporecop, allochñapa' amach allo'na epuoye' ame'ñenano Yompor. ³ Amach añña atet es ye'pa'yeno ñeñt'atet yemnen ya tarro'mar Cristopa' ama añña atet pa'yese'te ñeñt'atet muene't e'ñe ñañeña. Añña pa'yese't ñeñt' muenache't Pompor. Tarro'mar ñapa' ñeñfocopña muerochte't ñeñt'atet muenache't Pompor. Ñeñfo'marña Cristopa' atet otane't Pompor, ñeñtpa' atet och: "Pa e'moñe'tetañpa' attoña sasare'tennet." Attoña e'ñe etsoterra ñoñets ñeñt'atet aquellca'huaret ama't ahuatoteñ. ⁴ Ña'ma allohuen añ ñoñets ñeñt'atet aquellca'huaret ahuatoteñ, ñeñtpa' yocpa'ñaña atet anaret. Allochñapa' attoch yapa'cho'ña o'ch yechaterryet ñeñt'atet muenen Yompor.

* **14:21** Ñehua, Pablo añ toma'tntatanet vino ñeñt' poco'nes penet all pa'nyo.

Allochñapa' attochña huomenc yepen yeyoçher Yomporecop. Ñaña añ ñoñets ñeñt atet aquellca'huaret ahuatoteñpa' nanaccha' coshaterrey allochñapa' attotcha'ña e'ñe yocsheñesha' yeyemteññaña Yompor ñeñt o'patatenya. ⁵ Yompor ñapa' ñeñt ahuamencat yepene' ñaña ñapa' ñeñtña yocshatene' yeyoçhro. Ñaña ñepa'chña e'ñe señotaterre', allochñapa' attoch e'ñe cohuen seyçherr ñeñt atet muenen Cristo Jesús, allochñapa' e'ñech cohuen sentannena. ⁶ Allochñapa' allohuenespa' e'ñech parrocoma sa'ye'choçhtateññañ Yompor, ñeñfara Yepartseshar Jesucristo Pompor.

Atto ama't ñeñt ama judioneshayayepa' ahuo't aserrpare'tatarettet añ cohuen ñoñets alloch yequeshperra

⁷ Ñeñto'marña napa' notenes, e'ñech cohuen es sepanna'tyena allohuenes e'ñe atet cohuen o' perrey Cristo, allochñapa' attoch seyemteñoñ parro cohuencha' sa'cshapretarettena Yompor. ⁸ Ñaña te'pa' o'ch notas, Cristopa' ahuo't huapa arr patsro attoch torrosa judioneshacop. Allochñapa' attoch allohuen acheñenesha'pa' o'ch çhapanet pueyoçhreto, Yomporpa' ama puenesho po'ñoñ. Ñeñt e'ñe atet otane't judionesha' pa'tañneshañ ahuatpa' ñeñtcha' atet muenaterranet esempo, ñeñt'pa' çhocmachña e'ñe etsoterra poctacma. ⁹ Ñeñfecopña huapa ñaña attochña acheñenesha' ñeñt ama judioneshayaye ñetpa'çho'ña o'ch aye'choçhtatoñet ñamet Yompor tarro'mar Yomporpa' ahuo't muerenanet ñamet. Attoña etsoterra ñoñets ñeñt quellca'huat ahuat atet ñerra'mrrate' e'ñe Cristo ote' Pompor, ñeñt'pa' atet ot: Ñeñto'marña napa' o'ch na'ye'choçhtatonap allo'tsa'yen acheñenesha' ñeñt ama judioneshayaye, allñapa' na'çhoteneçcha' nemorreñesha'.

¹⁰ Ñaña po'poñ ñoñets ñeñt atet aquellca'huaret ahuatoteñ, ñeñt'pa' atet oten: Ñaña sa ñeñtes po'poñ acheñes ñeñtes ama judioneshayaysopa' socshepa'ch saña, atet coshena judionesha' ñeñt pueyoçhresha' pen Yompor.

¹¹ Ñaña po'poñ ñoñets ñeñt'pa' atet oten:

Ñeñtes ama judioneshayaysopa' sa'ye'choçhtatoñepa'ch Yompor, ama't allohuenes pa'namen acheñes sa'ye'choçhtatoñepa'ch Yompor.

¹² Elloña Isaíaspa'çho'ña atet ote't ahuat:

Esempopa' orrtarrach puesheñarr ñeñt Isai* po'ñreneñ. Ñapa' orrtarrach allochñapa' ñeñt'cha' pa'mcha'tareter perr allohuen pa'namen acheñenesha', ñaña allohuenet ñachña atarr yemterret. Arrpa' allohua ñeñt atet a'potete't Cristo ahuat.

¹³ Yomporpa' ñachña atarr ayemuetspoterrtsa. Ñaña ñepa'chña socshatene' e'ñe poctacma. Allochñapa' amach eñalle ama't coñe'ta ñeñt'cha' sellcatene' atto same'ñeña ña. Allochñapa' Paretsña Puecamqueñpa' ñachña ahuamencat sepene'. Attochña e'ñech socsheñesha' secuen ñeñt o'patatensa Yompor.

Atto Pablopa' ahuo't llesenseñ Jesucristo attoch amach puenmcha'ñofoye' alla yerpaterraneto ñeñt e'ñe pocte' enten Yompor

¹⁴ Ñaña te'pa' o'ch masheñesha ñaña noçhanesha napa, napa' neñotenes sapa' atarr semorrentannena ñaña neñotenes o' e'ñe çhaponasa seyoçhro ñeñt atet muenatenes Yompor. Allochñapa' attochña e'ñe cohuen soctape'chatanna erra'tsente' cohuentetsa Yomporecop. ¹⁵ Tarraña ama't atetpa' ama nemcha'ñofoye' o' notuanmaso pa'namen arr necartot

* **15:12** Isaípa' ñeñfara Jesé. Ñehua, ñapa' ñeñt puechemeran David ñeñt amcha'tarettatse't Jerusaléño.

ñeñt atet pocte' enten Yompor. Attoña o' alla neyerpaterrser ñeñt atet muenen Yompor. Ñeñto'marña atet nepenes, tarro'mar e'ñe Yompor puemuereñoenpa' ¹⁶ ahuo't muenatenen nach torretsa Jesucristocop. Erracmañen allemeñ anetso'mar netorrrena, allo'tsa'yen acheñenesha' ñeñt ama judioneshayaye. Napa' na a'potenahuet Yompor po'ñoñ ñeñt po'ñoñ alloch yeqeshperra. O'ch name'ñatuera ñeñt ama judioneshayaye, allemponapa' attochña nehupatanet Yomprosho atet ñerra'mrrate' cho es yapueñ Yompor, ñaña'pa' ñeñtcha'ña atarr coshatene'. Allotñapa' Paretsña Puecamquëññapa' ñachña a'cohuentatuerrahuet. Attochña e'ñe cohuen enteñet Yompor.

¹⁷ Ñeñto'marña te'pa' e'ñe neyemteñoñ Cristopa' e'ñe pocte' nenteñ o'ch e'ñe nocsheña ñeñt allo netorrrena Yomporecop. ¹⁸ Napa' aña paterr noten atto Cristopa' e'ñe ahuamencat penen, ñeñto'marña chocma name'ñateña ama't ñeñt ama judioneshayaye. Atto neserrpare'tatanet Yompor po'ñoñ, ñetñapa' ahuo't e'ñe name'ñatuanet. Ñaña atto napa' e'ñe cohuenare' es norrtatyen, ñetñapa' ahuo't e'ñe cohuen ame'ñeñet Yompor. ¹⁹ Ñaña ñetpa' añaña ame'ñatahuet ñeñt atto e'ñe ahuamencat penen Cristo attoña norrtatanet Yompor po'partsoña ñeñt ama puentareto. Ñetpa' ñeñtña eñotatuahuet, ñeñt'pa' po'ñoñ e'ñe Parets Puecamquëñoñ ñeñt e'ñe ahuamencat yepene'. Atteñapa' ora erracmañen o' neserrpare'tua añ cohuen ñoñets atto e'ñe yame'ñeñoñ Cristopa' o'ch yeqeshperra. Atetña neserrpare'tyesnom allemeñ anetso'mar e'ñe Jerusaléñoñeñ Ilirico'marohuen. ²⁰ Napa' aña atarr nemnen o'ch neserrpare'tyen añ cohuen ñoñets erraparen baçhayo'mar all ama pue'mareto ñeñt Cristotets. Attochña napa' amach arra neseno serrpare'tats all o' serrpare'tatuahua po'psheñeñ. ²¹ Attochña etsoterra añ ñoñets ñeñt atet aquellca' huaret ahuatoten, ñeñt'pa' atet oten Cristocop: Acheñenesha' ñeñt ama't ahua'apa' ama aserrpare'tataretteneto ñeñt atet pena ña, ñetñapa' enteretcha'. Ñeñtara acheñer ñeñt ama pue'marano ñeñt atet pena ña, ñetñapa' çherranetcha' pueyoçhreto ñeñt atet pena ña.

Atto Pablota' atarr sechena o'ch ahuo' anetso Romo o'ch emo'tenana' ñeñt ame'ñetsa all

²² Napa' shonte' neserrpare'tatyen erracmañen arr, ñeñto'marña ama eshcaye' neseno sesho. Ama't ahuañoñeñ atarr nesechenañ o'ch nabçhensa', ama errot nepeñe. ²³ Tarraña na te'pa' o' ne'nua netaruas ñeñt atto neserrpare'tyen arro'mar allemeña. Ñaña napa' ahua'oteñ nesechena o'ch nabçhensa'. ²⁴ Ñeñto'marña te'pa' e'ñe po'ñoñ nesechena o'ch ahuen sesho o'ch nabçhensa'. Allochñapa' o'ch yabçhanna'ta allponmat, allemponapa' ñato' attotpa' o'ch seyepa'n attoch neçhap ñaña España. ²⁵ Ñehua, te'pa' ñanomcha' Jerusaléño neta, attoch nanmanet allpon ofrenda masheñeshacop ñeñt ame'ñetsa all. ²⁶ Tarro'mar allpon ñeñt ame'ñetsa Macedonio ñaña Acayo, ñetpa' e'ñe pocte' enteñet o'ch apuet allpon ofrenda, ñeñt'cha' oñmachtet masheñeshas' Jerusaléño ñeñt nanac es pallta'yenet. ²⁷ Macedonio'marnesha' ñaña Acayo'marnesha' ñetpa' ama judioneshayayeto. Tarraña e'ñe pocte' enteñet o'ch yenpueñet judionesha' ñeñt Jerusaléño'tsa'yen ñeñt nanac es pallta'yenet. Napa'cho'ña e'ñe pocte' nenteñ tarro'marña ñeñt judionesha' ñetpa' ñetña serrpare'taterret ñanom ñeñt ama judioneshayaye Yompor po'ñoñ. Ñeñt atet a'parettet ñetpa'

ñeñtapa' puecamquẽñecop. Ñeñto'marña te'pa' e'ñe pocte', ñeñt ama judioneshayayepa' o'ch alla yenpuerran ñaama ñeñt judionesha' ñeñt poctetsa po'chtsocpuet alloch correnet arr patsro. ²⁸ Allempoch nechap Jerusalẽño o'ch napos masheñnesha' ofrenda. O'ch naphuerranet attochña e'ñe ne'nua ñeñt netaruas nepen. Allempoñapa' o'ch ahuen ñaama España. Ñehua, amarrach ñehena' España' o'ch nemo'tnomues allponmat, allotcha' nenñtererr seshotpa' allempochña o'ch ahuen España. ²⁹ Ñaama neñoteñ ñerra'm esempoch nechap sesho e'ñe neserrpare'tateñotes Cristo po'ñoñ, sapa' nanaccha' nocshaterres e'ñe nanac Yompor pa'nateñoñ.

³⁰ Ñaama te'pa' o'ch masheñnesha notas, e'ñe seyemteñoñ Yepartseshar Jesucristo, ñaama attoch apueney Parets Puecamquẽñ alloch e'ñe yemorrentanena, sapa' thocmach sema'yocham̄pesna. Nanaccha' sema'yochapretna, ³¹ o'ch senamat Yompor attoch cohuam̄psen allochñapa' amach cha rromapno judionesha' ñeñt ama ame'ñetso all Judeo. Ñaama o'ch senamat Yompor añecop judionesha' ñeñt ame'ñetsa Jerusalẽño, attoch e'ñe cohuen entapretapnet ñeñtcha' naposanet. ³² Allochñapa' ñerra'm Yompor muenatspa' e'ñech nocsheñnesha' nechap sesho. Allñapa' namesoste' e'ñe cohuen allponmat, ñaama e'ñe yabchanna'teño'tpa' o'te' alla e'ñe nocsherra neyo'chro. ³³ Yomprepa'chña e'ñe cohuen sa'nataya allohuenes, ñeñtara Yompor ñeñt e'ñe cohuen yocshatene' yeyo'chro. Ñeñtapa' attetepa'ch Nompore.

16

Atto Pablo arr po'cartotpa' e'ñe huom̄cha'tuan ora allohuen ñeñt ama'ñenaya Cristo all anetso Romo

¹ Ñaama te'pa' añ necartotpa' nemneñ o'ch neñotatas ñeñt yo'ch yepen ya arr ñeñtapa' añ pa'so'cheñ Febe. Ñapa' ña sherbets Yompor pa'pacillo allecma ap'chenet Yomprecop añ anetso Cencreo. ² Ñapa' mueneñ ahuo'ch ahuo' sesho. Ñerra'm esempo thap seshopa' o'ch saga'p cohuen, ñeñt atet poctetsa o'ch yagapannena e'ñe cohuen, ñeñtẽy ame'ñenaya Yepartseshar Cristo. Ñaama ñerra'm o'ch thap sesho, ñerra'm escha' palltosa ama't erra'tsena, añ poctetsa sapa' o'ch seyenpueñ tarro'mar ñapa' atarr cohuen ayenpañ; ama't napa' nanac yenpuenen.

³ Napa' nemneñ añ necartot o'ch nehuom̄cha'ch noch Priscila puerrolare na ñeñtara masheñ Aquila, ñeñt parro netorrena ahuañmo'cha Cristo Jesúsocop. ⁴ Ñetpa' nanac yenpuennet ahuañmo'cha allempo muene' muetsanetañ. Ñetñapa' autsa rromatsetañ attot a'queshpatnet na allempo muene' muetsaneñ ñeñt ne'moñe'tene'. Ñeñto'marña napa' atarr neparasyoso'tenanet ñaama ama naptayaya añña ñaama ñeñt allohuen ñeñt ama judioneshayaye, ñeñt e'ñe pame'ñeñofet ap'cha'yenet allemeñ anetso'mar, ñetpa'cho'ña atarr parasyoso'teñet noch Priscila ñaama masheñ Aquila, tarro'mar ñetpa' ahuo't a'queshpatnet, attot ellopa' o'ch alla neserrpare'tatererr ñeñt ama judioneshayaye. ⁵ Ñaama te'pa' o'ch nehuom̄cha'ch allohuen masheñnesha' ñeñt pame'ñeñofet thocma ap'chenet masheñ Aquila pa'pacillo, all ye'chena epuet puetapor Priscila. Ñaama arr necartotpa' nemneñ o'ch nehuom̄cha'ch masheñ Epeneto ñeñt nanac nemorrentena. Ñapa' ña ñanom ame'ñenaya Cristo all anetso Acayo. ⁶ Allotpa' o'ch nehuom̄cha'ch ñaama noch María ñeñt nanac torretsa sesho parro.

⁷ Te'ñapa' o'ch nehuom'cha'ch ñaña namo'ts ñeñfara masheñ Andrónico ñaña masheñ Junias, tarro'mar ñet ahuañmo'chapa' ñeñt parro ehucaretey. Ñetpa' ama't allsensaretnesha'pa' nanac asherben entaretet, tarro'mar ñetpa' ahuatoteñt ame'ñeret Cristo. Ama't allempo napa' ama name'ñena' ñetñapa' o' ame'ña'huet ñanam.

⁸ Allotpa' nemneñ o'ch nehuom'cha'ch ñaña masheñ Amplias ñeñt atarr nemuerena e'ñe yame'ñeñot Yepartseshar parro. ⁹ Allotpa' ñaña masheñ Urbano, o'ch nehuom'cha'ch ñaña ñeñt parro yetorrena ñeñt po'taruas pen Cristo Jesús. Allotpa' e'ñe nemorrenteño'tpa' o'ch nehuom'cha'ch ñaña masheñ Estaquis. ¹⁰ O'ch nehuom'cha'ch ñaña masheñ Apeles ñeñt chocma ahuantene' allohuen pa'namen topateñets attoña e'ñe cohuen cofenan Cristo. Allotpa' ñaña o'ch nehuom'cha'ch allohuen ñeñt pamo'ts pen Aristóbulo. ¹¹ Allotpa' ñaña namo'ts Herodión, allotpa' ñaña ñeñt pamo'tsesha' pen Narciso. Ñetpa' atarr ame'ñeñet Yepartseshar. ¹² Te'ñapa' nemneñ o'ch nehuom'cha'ch ñaña noth Trifena ñaña noth Trifosa. Ñetñapa' nanac torreññañet Yepartseshar po'taruas, allotpa' noth Pérsida ñapa'cho'ña nanac yemorrenteña atto nanac torrena ñaña Yepartsesharecop. ¹³ Ñaña arrpa' o'ch nehuom'cha'ch ñaña po'psheñeñ masheñ Rufo ñeñt pame'ñeñot nanac asherben yenteñ Yepartsesharecop. Ñaña pachore'na o'ch nehuom'cha'ch, tarro'mar ñapa' e'ñe atet nenteñ ñerra'mrrate' ñeñt e'ñe nachor nepen. ¹⁴ Te'ñapa' o'ch nehuom'cha'tererr po'potantañ masheñnesha' ñeñt añ Asincrito, ñaña Flegonte ñaña Hermas, ñaña Patrobas, allotpa' ñaña Hermes, ñaña po'potantañ masheñnesha' ñeñt parrompañot'sa'yenet. ¹⁵ Te'pa' o'ch alla nehuom'cha'tererr ñeñt masheñ Filólogo ñaña noth Julia, allotpa' ñaña masheñ Nereo epuet ñaña po'ch, allotpa' ñaña Olimpas, ñaña ama't allohuenet masheñnesha' ñeñt parrompañot'sa'yenet.

¹⁶ E'ñe semorrentanna'teño'tpa' atetcha' sehuom'cha'tanna'tena* ñeñt atet poctetsa Partocop. Ñaña allohuenet masheñnesha' ñeñt apcha'yetsset allemeñ anetso'mar e'ñe pame'ñeñofet Cristo, ñetpa'cho'ña mueneñet o'ch huom'cha'taset ñaña arr necartot.

Atto Pablo arr po'cartotpa' o' alla cotape'chaterraneterr po'pocheño

¹⁷ O'ch masheñneshacha' ñaña nochaneshacha' noterrser po'poñ añ necartot. Señotcha' añ acheñeneshar ñeñt muenene' o'ch ellopa'tetstatonaset soctapña ñeñt atto same'ñeña Cristo, tarro'mar ñetpa' mueneñet o'ch cotape'chataset ñeñt ama atteyaye ñeñt atet o' yeychatuas. Ñeñt acheñer atepa' o'ch sello'tsentach seshot, amach seyemtataneto ñeñt atet yechatenet. ¹⁸ Tarro'mar ñetpa' ama añeye' sherbeneto Yepartseshar Jesucristo. Aña cotape'chenet ñeñt atet muenenet ñet po'chets atto correnet. Atto serrpare'tenet cochnesha' ñoñets, ñeñtpa' atta shequëñet acheñenesha' ñeñt ama huomencaye' penaye pueyo'cher. ¹⁹ Ñehua, allohueney yeñotenes sapa' o' same'ñera Cristo ñeñto'marña napa' atarr nocshensa. Añña nemnen o'ch e'ñe seño't ñeñt e'ñe cohuentetsa Yomporecop. Allochñapa' amach soctape'chatsto ñeñt ama cohuenayaye. ²⁰ Allochñapa' Yomporpa' ahuencha' ahuañam'psonas ñeñt atto atarr shequënes oneñet, ñeñfara Yompor ñeñt

* **16:16** Po'ño'ch oteneý, "E'ñe semorrentanna'teño'f choch setso'ttsa'pa'tannena ñerra'm esempo sehuom'cha'tanna'tena." Ñeñtpa' atet yechete't ahuat.

e'ñe cohuen yocshatene' yeyo'chro. Yepartsesharepa'chña Jesucristo e'ñe sa'natenaya.

²¹ Te'pa' o'ch alla neñotatterserr añ necartot, masheñ Timoteopa'cho'ña mueneñ o'ch huom'cha'tas ña'ña, ñapa' ñeñit epan netorrena. Allotpa' ña'ña añ namo'ts ma'psheño'maret ñetpa'cho'ña mueneñet o'ch huom'cha'taset ñamet. Puesheñarppa' añ masheñ Lucio, allotpa' ña'ña masheñ Jasón, ña'ña masheñ Sosípater.

²² Napa'cho'ña ñeñfen sochetsa Tercio, e'ñe name'ñeño' Yepartseshar nemneñ o'ch nehuom'cha'tas añ masheñ Pablo po'cartot. Napa' ñeñfen quellcaten masheñ Pablo.

²³ Masheñ Gayopa'cho'ña muenen o'ch huom'cha'tas ña'ña. Na te'pa' e'ñe pa'pacillo'tsenen ña, tarro'mar all nechap. Ñapa' atet otenanet 'chocmach ap'chenet allohuenet pa'pacillo ñeñit ame'ñetsa arr. Ña'ña masheñ Erasto mueneñ o'ch huom'cha'tas ña'ña. Ñapa' ña tesorerotets arr Corinto, ña añño'tene' quelle anetsocop. Ña'ña masheñ Cuartopa'cho'ña mueneñ o'ch huom'cha'tas ñeñtara añ necartot.

²⁴ Yepartsesharepa'chña Jesucristo sa'nataya allohuenes. Ñeñtpa' attetepa'ch Nompore.

Atto all huañen Yompor po'ñoñ añ cartotpa' ya'ye'cho'chtatoñepa'ch ora allohueny

²⁵ Te'ñapa' ya'ye'cho'chtatoñepa'ch Yompor tarro'mar ñapa' ñach ahua'nenat sepene', ñeñit e'ñe atet oten añ cohuen ñoñets alloch yequeshperra. Ñeñtara añ cohuen cotapñats ñeñit neserrpare'tatenes ñeñit e'ñe atet pena Jesucristo ñeñit ahuatoteñ ama eñotpahuo. ²⁶ Tarraña te'pa' Yompor ñeñit ama arromñafeshayayepa' muenaterrey o'ch yeñoter ñeñit ama eñotpahuo ahuatoteñ. Ñehua, ñapa' ahuatpa' añ eñotate't ñeñit a'mta'yesaye't po'ñoñ, ñetñapa' ahuo'ch quellquënet ñeñit atet eñotatenanet Yompor. Attochña yeñoter ya'ña, amã't ña'ña allohuen pa'namen acheñenesha'; allochñapa' attoch e'ñe yame'ña'huerra ora erraparen, ñeñtey pa'namen acheñey.

²⁷ E'ñe pue'ñeñtey Jesucristo aye'cho'chtatarettepa'ch Yompor erponohuañen, ñeñtara Yompor ñeñit ñapue't e'ñe eñotañtetsa. Ñeñtpa' attetepa'ch Nompore. Allohua huañ añ necarta.

Pablo

AÑ ÑANOM SAN PABLO PO' CARTA ÑEÑT̄ QUELLCAN CORINTO' MARNESHA' 1 CORINTIOS

Atto Pablopá' quellcan carta añecop ñeñt̄ ame'ñetsa anetso Corinto

¹⁻² Masheñneshacha' ñaña nochaneshacha' ñeñtes allohuenes e'ñe same'ñeñot̄ Yompor ñhocma sapchena parro all anetso Corinto, ñeñtes o' hua'ñerres Parets attoch pueyochresha' perres atto e'ñe separrocmateñot̄ epas Cristo Jesús pa' sañapa' sa'cohuentataretterra Partsocop. E'ñe parrocmá hua'ñerres Parets attoch pueyochresha' perres, e'ñe attecma o' hua'ñerran allohuen ama't erra'tsena acheñer ñeñt̄ e'ñe pame'ñeñot̄ ñhore'tene' Yepartseshar Jesucristo ama't errate' ye'cha'yenet. Ñeñña Jesucristo ñeñt̄ Yepartseshar yepen ora allohueney ñeñtey ame'ñenaya. Na Pablón sequellquene'ña añ carta epan masheñ Sóstenes. Napa' Jesucristo puellsensaren tarro'mar Yomporpa' ñeñt̄ecopña o' ñhore'teren attoch nesherber. ³ Te'ña e'ñe nehuom'cha'teñotespa' o'ch notas: Yomporpa'chña sebensare'tam'pene' ñeññara Parets epuet Puechemer Jesucristo ñeñt̄ Yepartseshar yepen. Ñetepa'chña socshatene' e'ñe sa seyo'chro allohuenes.

Arrpa' all parasyoso'tam'psanet

⁴⁻⁵ Te'pa' o'ch notas, napa' ñhocma neparasyoso'teñ Yompor socop tarro'mar ña puemuereño'pa' atarr bensare'tam'penes. E'ñe separrocmateñot̄ Cristo Jesús pa' o' eñotaterres pa'namen co'hneshá' cotapñats seyo'chro. Ñeñto'mar te'pa' ama't ora allpon señosyen e'ñe ñesho'pa' e'ñech cohuenare' señosyen. Ñaña ama't allohuen cohuen cotapñatspa' o' señotuer. ⁶ Ñeñt̄ atet yotuanmas ñeññcha' atet ñonas Cristo, te'pa' atet'cho' o' etsotatuonas. ⁷ Ñeñto'marña te'pa' ama' es palltetso ñeññcha' apuerrserri po'poñ Yompor. Te'pa' aña palltetsa o'ch secuame'teñ esempohuañencha' huerra Yepartseshar Jesucristo. ⁸ Ñeññara Jesús ñeññcha' allo'na huomenc sepa'nene' seyo'cher. Atto'tach ñhap allemPOCH huerra Yepartseshar Jesucristo. Atto'chña allempopa' amach eñalle alloch otteñe'charetés ama't mamesha. ⁹ Tarro'mar Yomporpa' ama puenesho po'ñoñ, errot otpa' atet'cha' pa. Ñeññara Yompor ñeñt̄ o' hua'ñerrey o'ch yeyemterrñaña Puechemer ñeññara Yepartseshar Jesucristo.

Arrpa' all ye'chatanet attoch e'ñe patrra cotapñats anmuet

¹⁰ Te'pa' o'ch masheñneshacha' ñaña nochaneshacha' notas ñeññcha' atet sepa, e'ñech patrra soctape'ch allohuenes. Amach allo'na soctape'chyestatsto po'poñe'ttsocma. E'ñech patrra cotapñats soctape'ch allohuenes; erra'tsen soctape'chpa' ñeññach cohuen sent allohuenes. E'ñe patrra soctapño'pa' o'ch separrocmatua allohuenes. E'ñe yame'ñeñot̄ Yepartseshar Jesucristo ñeñto'marña notenes ñeññcha' atet sepa. ¹¹ Tarro'mar ñeñt̄ parro ye'chena Cloépa' ñetpa' e'mare'tatnet atto' sepena. Ñeñtpa' atet otnet atto sa masheñneshacha' ñhocma po'poñ sentanna'tyena. ¹² Ñeñt̄ notenespa' ñeñtpa' atet sepena: Puesheña'ttsospa' atet sotyen: "Napa' añcha' name'ña masheñ Pablo." Po'potantaññapa' ñeñtpa' atet otyenet: "Napa' añcha' name'ña masheñ Apolos." Po'potantaññapa' ñeñtpa' atet otyenet: "Napa' añcha'

name'ña masheñ Pedro."* Po'poñechnoñapa' atet otyenet: "Napa' añcha' name'ña Cristo." ¹³ Ñehua, ama't señoiteña, po'ñoçhpa' ama eñalle attoch yellopa'tetstach Cristo. Po'ñoçhpa' amaca'ye naye' corso'tam̄pseto ñeñt' e'ñe socop attoch na'queshp̄atas. Ña'ña ama naye' same'ñeño' o' sapatareterroña Partsocop. ¹⁴ Napa' atarr neparasyoso'teñ Yompor tarro'mar napa' ama muenatno o'ch napatas ama't puesheñarrofesa Partsocop. Ñehua, napa' e'ñe epsheña napat Partsocop, ñeñtpa' masheñ Crispo ña'ña masheñ Gayo. ¹⁵ Napa' e'ñe nocshena tarro'mar te'pa' amach errotenot sotno e'ño' na same'ñeño' sapatareterra. ¹⁶ Ñehua, po'ñoçh ellopa' napach masheñ Estéfanos epuet pamo'tseshá. Ñerra'm eñallfe' po'poñechno ñeñt' napatpa' tarraña ñeñtpa' ama neñoiteña. ¹⁷ Napa' ama añeçpaye' llesensa'noña Cristo o'ch napatyes Partsocop ñeñt' allpon ame'ñetsa, añeçpaña llesensa'n attoch o'ch neserrpare't cohuen ñoñets alloch yequeshperra. Ña'ña ama añeye' coñnesha' na neñoñ neserrpare'tatenso, tarro'mar ñerra'm aña neserrpare'tatenes coñnesha' neñoñ name'ñatasapa' çhate' soten atto rroma Cristo corsochopa' ñeñtpa' amaca'ye es sherbeno attoch yame'ñera Cristo.

Añ ñoñets atto rroma Cristo corsocho, ñeñtña ñoñets Yomporo po'huamenc alloch a'queshp̄aterran acheñenesha'

¹⁸ Po'ñoçh ñerra'm esempo yeserrparen atto Cristo rroma corsocho e'ñe ya yo'chñaro'ipa' añña acheñenesha' ñeñt' chenquetsapa' çhach otenapuetañ attate' yotatse'tyen. Tarraña ya ñeñtey a'queshp̄atareteypa' añña ñoñets atto rroma Cristo corsochopa' ñeñtña ñoñetspa' yeñoteñ allotña huena Yompor po'huamenc attoch a'queshp̄aterran acheñenesha'. ¹⁹ Tarro'mar añ ñoñetspa' e'ñe anuaret ama't ahuatoteñ, ñeñtpa' atet oten Yompor: Ñeñt' entetsa ñapa' nanaco' es eñoten patso'marecoppa' napa' o'ch na'huañampesuanet ñeñt' pueñoiteñ. Ña'ña ama't ñeñt' entetsa ñapa' nanaco' eñotañtenapa' napa' o'ch nehuapore'tam̄pes atto es eñotatse'tyenet.

²⁰ Ñehua, ama't señoiteña, ama't ñeñt' nanac es eñotatse'tyets arr patro ama eñalleña ñeñt' atarr asherben enten Yompor. Ña'ña ñeñt' atarr etsotayenayeñ ñoñets ñeñt' atet anuaret ahuatoteñ ña'ña ñeñt' nanac eño'ñatetsañ aña patro ama eñalleña ñeñt' atarr asherben enten Yompor. Ñetpa' çhate' otenapuetañ atarrte' es eñotenet tarraña Yompor o' eñotatuay po'ñoçh ñeñtpa' e'ñeça'ye orrena atet otatse'tyenet arr patro. ²¹ Tarro'mar Yomporpa' e'ñe pueñoiteño' ñapa' ama pocteye' enteñe e'ñe ya yocapño'ipa' o'ch yenter Yompor, ama't yapa' yoteneñ atarrte' es yeñoten. Añmapa' ñeñtña pocte' enten Yompor: ñeñtara cotapñats ñeñt' atto rroma Jesucristo yocop ñeñt' çhach enteñet ñerra'mrrate' atta yotatse'tyen, añ ñeñtara cotapñats ñeñtña muenen Yompor o'ch yeserrpare'toñ alloch a'queshp̄aterrey allohueneñ ñeñtey ame'ñenaya.

²² Ñerra'm esempo yeserrpare'tach judionesha' atto Cristo rroma yocop, ñetñapa' amach asherbenaye' entenetoña yocapña tarro'mar ñetpa' añach muenet yorrtatanetepa'to' Cristo po'partsoña. Ña'ña ñerra'm esempo yeserrpare'tateñ ñeñt' ama judioneshayeyeto atto Cristo rroma yocop ñetpa' çho'ña amach asherbenaye' entonayetoña yocapña tarro'mar ñetpa' añach muenet yorrtatanetepa'to' ñeñt'cha' eñotatahuet e'ñefe' po'ñoçh atet

* 1:12 Añ Pedropa' ñeñtara otenet Cefas.

yoten. ²³ Tarraña yapa' añcha'ña yeserrpare'tatanet atto Cristo rroma corsocho yocop. Tarraña añña judionesha' puetsena'teñoŕetpa' amach cohuenaye' enteñeto. Ñaña ñeñt' ama judioneshayaye ñetpa'cho'ña attach enteñet ñerra'mrrate' atta yotatse'tyen. ²⁴ Tarraña acheñenesha' ñeñt' o' ame'ñerra ñetpa' o' çhapanet pueyoçhreto po'ñoçhpa' Cristo e'ñe Pompor po'huamencotpa' o'ch a'qeshpaterrey, ñaña e'ñe Pompor pueñoŕetpa' o'ch a'qeshpaterrey. Attecma o' çhapanet pueyoçhreto ñeñt' o' ame'ñerra ama't ñeñt' judionesha' ñaña ama't ñeñt' ama judioneshayaye. ²⁵ Ñeñt' ama ame'ñetsopa' ama't otenapuetañ Yompor poctapñapa' attate' otatse'tyen, tarraña ñeñfara poctapña e'ñe ña pueñoŕet' ñeñt'ña nanac sherbets. Acheñpa' ama't atarr es eñoteneña' tarraña poctapñetpa' ama tama sherbeno tarro'mar acheñpa' ama tama es eñoteneto. Ñaña ama't otenetañ Yompor po'huamencpa' ama a'ñshe'maye' orrenopa' tarraña yocoppa' ello metanennay allohueney yehuamenc tarro'mar yapa' arromñataya. ²⁶ Ñehua, masheñeshacha' ñaña noçhaneshacha' soctape'ch allempo hua'ñerres Cristo o'ch same'ñera. Allempo ama't acheñenesha'pa' entasete't sapa' ama esoye' señoŕete tarraña Yomporpa' o' hua'ñerres, ñaña ama't ama sesherbeno, ñaña ama't ama añeyayso puechemerer añcha'taret. Ñehua, ñato' puesheña'ttsopa' ñeñtes, tarraña ama allohuenacmaye' attecmaso. ²⁷ Añña pocte' enten Yompor o'ch a'qeshpatan acheñ ñeñt' acheñenesha'pa' çhach otenapuetañ ñeñt'pa' amate' es eñoteno. Tarrecop pocte' enteñ Yompor allochñapa' o'ch pencatan acheñenesha' ñeñt' nanac es eñotatse'tyets. Añpa'cho'ña pocte' enteñ Yompor o'ch a'qeshpatan acheñ ñeñt' acheñenesha'pa' çhach otenapuetañ ñeñt'pa' amate' esoyaye. Tarrecop pocte' enteñ Yompor allochñapa' o'ch pencatan acheñenesha' ñeñt' çhach otenapañ ñetpa' atarrte' es sherbenet. ²⁸ Añpa'cho'ña pocte' enteñ Yompor o'ch a'qeshpatan acheñenesha' ñeñt' entenent ñeñt' ama esoshe'mayaye ñaña ñeñt' atsena'taret. Ñaña añ acheñer muenen Yompor ñeñt' ama es echeno attoch sherba' ama't mamesha. Tarrecop mueneñ Yompor allochñapa' ñoŕetpa' o'ch huapore'tamŕsan acheñ poctapña ñeñt' añ patso'mara. E'ñech orrena enteret acheñ poctapña. ²⁹ Ñeño'marña ya acheñeypa' ama't puesheñarroŕeya ama pocteyaye o'ch e'ñe yañeña cohuen yentena tarro'mar Yomporpa' ama attey' entenye. ³⁰ Tarro'mar ñapña Yompor yapuene'ña attoch yapa' corretsayach. E'ñe yeparrocmateñoŕo Cristo Jesús a'crrateney Pompor. Ñaña Yomporpa' atto nan Puechemer Cristo ñach yeñotaterre' ñeñt' cohuentetsa Yeyompor-recop, ñaña ñeñfara Cristo ñeñt'cha' e'ñe cohuen a'poctatene' yocop attoch cohuen entueney Pompor ñaña ñeñfara Cristo ñeñt'ña a'cohuentaterrey Partsocop, ñaña ñeñfara Cristo ñeñt' yetsa'terroya yo'chñar attoch yeqeshperra. ³¹ Ñeño'mar atet anuaretta Yompor po'ñoñ ahuat: "Ñerra'm eseshaycha' es aye'choçhtatetspa' Yomporecpuempa'chña es ya'ye'choçhtaten."

2

Arrpa' all yerpaterranet atet serrpare'tatenaneta' ahuaña ñeñt' atto Jesu-cristo rroma yocop corsocho

¹ O'ch notas masheñeshacha' ñaña noçhaneshacha', ahuaña allempo neçhap seshopa' neserrpare'tatoses cohuen allempo na'potonas Yompor poctapña. Allempopa' ama coçhneshoteye' neñoñoŕ na'potonaso

Yompör po'ñoñ atet noñets coñnesha' entyen acheñenesha'. Ñaña ama coñneshoteyey noctapñoñ na'potonaso Yompör poctapña atet ñerra'mrrate' acheñ ñeñt nanac eñotañ entueñ allohuen acheñenesha'. ² Añña e'ñe patra cotapñats neserrpare'tatenes ñeñt atto Jesucristopa' rroma yocöp corsocho. Tarro'mar allemppopa' atet noten neyoçhro ñeñtach paterr o'ch neserrpare'tatanet. ³ Ama't allemppopa' ama asherbenoteyey norrtoso sesho. Ñaña allemppopa' atarr nemcha'ten, cha neyoruos nellquëñoñ. ⁴ Ñaña ama ne'ñoreñoteyey e'ñe cohuen neserrpare'tataso attoch same'ña'na e'ñe neñoñoña ñeñt atet pena ñeñt çhach otenapañ ñapa' nanacte' es eñoten. Añña e'ñe neserrpare'teñoña norrtatonas ñeñt atet ñonay Parets Puecamquëñ e'ñe po'huamencot Yompör. ⁵ Ñaña ya acheñeyya' ama't coñnesha'tatsta yocapñapa' tarraña napa' ama nemno e'ñe na neñoteñoñpa' o'ch name'ñatasa. Napa' añña nemnen o'ch name'ñatasa e'ñe Yompör po'huamencot.

Yompör Puecamquëñpa' ñeñña es yeñotatene'

⁶ Tarraña ama't atetpa' esempopa' o'ch neserrpare'tach ñeñt o' ame'ñerra huomenc. O'ch neserrpare'tatanet e'ñe coñnesha' cotapñats, ñeñtara Yompör poctapña ñeñt atarr es eñotets. Tarraña añ cotapñatspa' amach patso'mareyaye, ñaña amach añeyaye amcha'tareteçhno poctapña ñeñt añe patso'tsen. Tarro'mar ñetpa'çho'ña huañerretcha' esempo. ⁷ Yomporepa'chña poctapña ya'pota ñeñt atarr es eñotets, ñeñtara ama't ahuatoteñpa' ama eñotpahuo poctapña. Tarraña ama't allemppopa' ama ayechcatarettena' patspa' ñeññapa' o' anaretetua attoch cohuencha' ya'queshpataretterra esempohuañen. ⁸ Añña amcha'taretnesha' ñeñt añe patso'tsa'yenpa' ama çhapaneto Yompör poctapña. Ñerra'm çhapanetañcha' ahuaña pueyoçhretopa' amate' corso'tamperetañeña Yepartseshar ñeñt atarr nanac cohuen. ⁹ Tarro'mar atet anuaretta Yompör po'ñoñ ahuat, ñeñtpa' atet oten:

Ama't ahuata ya ñeñtey arromñañeyya' ama yentare ñeñt o'patatenya Yompör ñeñt coñnesha'tetsa yocöp, ñaña ama ye'mare, ñaña ama çhaponaye'te yeyoçhro ñeñt o'patatenya Yompör ñeñteycha' morrenterraya ña.

¹⁰ Tarraña ñeñteyña ame'ñerraya ñeñtey allohueneyya' o' eñotaterrey Yompör e'ñe ña Puecamquëñoñ ñeñt chorratenya. Po'ñoçh yeñoteñ Yompör Puecamquëñpa' ña eñotuene' allohuen Yompör poctapña ñaña ama't ñeñt ama eñotpahuoyaye.

¹¹ Attecma yepena yaña ñeñtey acheñey. Amach errotenot po'psheñeñpa' eñotonay atet yoctape'chen ya yeyoçhro, e'ñech yapta yeñoteñ. Attecma pena ñaña po'potantañ amach errotenot eñotano Yompör poctapña, e'ñech Yompöra ñapueñ Puecamquëñ eñotene'. ¹² Yapa' o' yagapoñ Yompör Puecamquëñ, amaña acheña poctapña yaguërro ñeñt patso'marecpa. Ñeñtara Yompör Puecamquëñ ñeñt çhapatene' yeyoçhro ñaña ñeñt yeñotatene' atto ña muerenya. E'ñe puemuereñotey shonte' es apa'yeney. ¹³ Ñaña ñeñt ñoñets ñeñt yeçhateney Yompör Puecamquëñpa' ñeñtara ñoñets o'ch yeserrpare'tataso saña ama't ñaña po'potantañeçhno. Ñeñtpa' ama añeyaye ñoñets ñeñt atet yeçhatyen acheñenesha' ñeñt eñotañetyetsa. Ñaña ñeñt ñoñets atto yeçhateney Yompör Puecamquëñoñpa' ñeñt yeyçhatenes saña ñeñtes o' chorrerrsa saña Yompör Puecamquëñ.

14 Tarraña acheñenesha' ñeñt ama chorreña' Yompor Puecamquëñpa' amach errotenot çhapaneto Yompor poctapña ñaña amach errotenot agapoñeto ñeñtcha' apanetañ Yompor Puecamquëñoi. Ñerra'm yeserrpare'tatanet atto es apueneý Yompor Puecamquëñoïpa' ñetpa' çhach otyeset atto' yotatse'tyen. Tarro'mar ñapña çhenana pueyoçhro ñeñt chorrena Yompor Puecamquëñ. 15 Tarraña añña ñeñt chorrena Yompor Puecamquëñpa' ñetpa' çhenanet pueyoçhreto ora ñeñt atet pena Yompor. Tarraña ñeñt ama chorreno Yompor Puecamquëñ, ñetñapa' amach errotenot çhapaneto pueyoçhro esocopte' atet penaña ñeñt chorrena Yompor Puecamquëñ. 16 E'ñe attecma oteney Yompor po'ñoñ ñeñt anuaret ahuatoteñ, ñeñtpa' atet oten: "Esesha'huate'ca' eñote'ña ñeñt atet cotape'chen Yompor attoch ñetpa' o'ch cotape'çhateret ñamet Yompor." Tarraña te'ña yapa' attecma yoctape'chen atet cotape'chen Cristo.

3

Arrpa' all ama patrraye' cotape'cheno corinto'marnesha'

1 Ñaña o'ch notas masheñeshacha' ñaña noçhaneshacha' ama't ahuañoñeñ noteneñ o'ch noctape'chatas e'ñe cohuen, atet noctape'chateñ acheñ ñeñt e'ñe chorrena Yompor Puecamquëñ. Tarraña amach errotenot noctape'chataso tarro'mar sapa' atta socrena atet muenatenes sechets. Cha sottena atet ñerra'm cheshatoll ñeñt ama eñotena'. Sapa' ama e'ñe çhennasa' ñeñt cohuentetsa Cristocop. Ñeñto'mar teme'ttsen atta noctape'chatenes atet ñerra'm cheshatolleshasa. 2 Ñeñto'marña ahuañoñeñ atta neñotatenes ñeñt ama torrapahuoyaye Yomporecop. Ñeñto'marña amach erroteno noctape'chaterrserro ello ñeñt nanac echarr cotapñats. Atta sottena ñerra'mrrate' ematoll, napa' attach nemomatenes semomos atet peñet ematoll, ñeñtara yoten cotapñats Yomporecop ñeñt ama echarro. Ñaña ama echarroye' serrar napuenso, tarro'mar amate' erroteno setsoto, ama't teme'ttsenpa' ama setsoteññañe Yompor poctapña ñeñt nanac echarr. 3 Tarro'mar teme'ttsen atta socrena atet muenatenes sechets. Po'ñoçh ñerra'm esempo es yeye'çharetannena, amapa' ñerra'm çho ye'moñe'tannena, ñeñtpa' atta yocrena atet muenateney yechets. Ñeñtpa' ama'tña attera sorrteno atet pena acheñ ñeñt ama ame'ñenayo Cristo. 4 Tarro'mar ñerra'm çha yotyen: "Napa' añcha' name'ña Pablo", po'psheñeñña' ñato' oten: "Napa' añcha' name'ña Apolos." Ñeñt atet sepena çhachca'ye sottena ñerra'mrrate' ñeñt ama Cristona'tareyaye.

Puesheña'ttsoypa' añ yetorra'yena Yomporecop ñeñt atet yechyenyaya

5 Ñaña o'ch notas, yapa' ama esoyayye ama't Apolos, ama't na, añayaca'ye ñeñtey torretsa Yomporecop. Yapa' amñareteya attoch o'ch yame'ñatasa. Puesheña'ttsoypa' añ yetorra'yena Yomporecop ñeñt atet yechyenyaya. 6 Atet ñerra'm napa' na ñanom same'ñate' Yompor po'ñoñ. Alloñapa' ahuo't huapa ñaña Apolos, ñapa' ña seserrpare'tate' attoch allo'na sesen huomenc pa'nmue' seyoçher. O'ch netma'ntacha atet: Napa' atten ñerra'mrrate' ñeñt nare'tets. Alloñapa' o'ch huapa po'psheñeñ ñeñtcha' she'tamo're'tosets, Yomporñapa' ñach a'çhpaté' narmets. 7 Ñeñto'mar yeñoteñ ñeñt nare'tetspa' ama esoyaye, ama't ñaña ñeñt she'tamo're'tetspa' ama esoyaye. Añña Yompor ñeñña es a'çhpatets ñaña sherbets. 8 Ñeñto'marña yeñoteñ

ñeñfey nare'tets ñaña ñeñfey she'tamo're'tetspa' e'ñe parrocmá yetorrena Yomporecop. Elloña Yomporpa' apa'yerreycha' puesheña'ttsoy cohuen ñeñcha' atarr yochaterre'. Apa'yerreycha' errotente' yetorra'yesnoma ñocop. ⁹ Yomporpa' enteney atet ñerra'mrrate' parro yetaruasen ñocop. Sapa' Yomporpa' entenes atet ñerra'm ña pa'mres, allcha' nanac torrena ña.

Ñaña Yomporpa' entenes atet ñerra'm pocoll o'ch tomatey ña. ¹⁰ Atet ñerra'm na, Yompor puemuereño'tpa' o' ye'chaten na o'ch neño'ch e'ñe huomenc, attoch nanomcha' ame'ñaterraya acheñenesha' Jesucristo. Ñehua, o'ch netma'ntacha atet ñerra'm Yomporpa' o' ye'chatenen attoch o'ch neño'ch tomate' pocoll e'ñe huomenc. E'ñe neñoteño'f o'ch natomat ñanom quellpach e'ñe echarr. Allotñapa' o'ch huapa po'psheñeñ ñeñcha' allo'na ye'chatnomue'. Tarraña ñeñcha' allo'na ye'chatnomue'pa' cotape'chepa' ñanom, pocte'te' atet peñ, ñato' amate'. ¹¹ Ñehua, añ quellpach ñeñt anaret ñanompa' ñeñt toma'tnenaya atet ñerra'm ya ñanompa' o'ch yame'ñera Jesucristo. Ñap'íach Cristo yame'ñerra. Ama eñalle po'poñ ñeñcha' yame'ñerra, tarro'mar amach erroteno't yame'ñyo po'poñ ñeñt ama Cristoyaye, añcha'ña ñeñtara Cristo ñeñt o' yotuanmas. ¹² Ñeñt o' yame'ñata Cristo, ñetpa' allo'nach yey'chatnenanet aco'pa attoch huomenc pa'nmu'et pueyo'cher. Ñehua, o'ch netma'ntacha atet: Ñerra'm cho yeyechcaten pocoll ñanemcha' quellpach yatomat. O'chña echarr yatomatua quellpachpa' allo'nachña yesen ye'chatnomue' pocoll. Erra'tsenpa' ñato' o'ch ye'chatenan oropo' pocoll ñeñt atarr nanac cohuen, ñato' po'psheñeñpa' o'ch ye'chcatan asrepo' ñeñt nanac cohuen ñaña, po'psheñeñña'pa' o'ch ye'chcatan cohuen mapyepo' ñeñt nanac tsa'te'. Tarraña ñato' po'psheñeñña'pa' o'ch tomatan tablapo' ñeñt ama tama cohuenayaye, ñato' po'psheñeñña'pa' aspanapo'ch, ñeñt'pa'cho'ña amach tama cohuenayaye, ñato' po'psheñeñña'pa' attach ye'chcatan atet ñerra'mrrate' posho'llpo' ñeñt ama cohuenayaye ama't mamesha. ¹³⁻¹⁴ Esemphuañeña allempoch huerra Cristopa' entatuareteycha' allohueney ñato' espo'te' yeyechcatyes yepaquell, ñato' oropo', ñato' tablapo' amapa' ñato' atet ñerra'm posho'llpo'. Ñehua, añcha'ña yeñotate' tso'. Yompor poyoro'chenño'tpa' o'ch etomam'pesyesonay yepaclachno. Ñehua, yeñoteñ ñeñt oropo' amach poyo, asrepo'pa'cho'ña amach poyo, mapyepo'pa'cho'ña amach poyo. Tarro'mar ñeñt'pa' ama acraño, ñeñto'marña nanac sherben. Tarraña tablapo'pa' ñeñt'pa' poyuach, aspanapo'pa'cho'ña poyuach, posho'llpo'pa'cho'ña poyuach. Tarro'mar ñeñt'pa' ama es sherbeno, attochña eñotuarereycha' e'ñe puesheña'ttsoy errotente' yeyechcatyes, ñato' cohuenta' ñato' amate' cohuenayaye allempo es yetorra'yesnoma Cristocop. Ñerra'm esempoch etomam'pesyesonay yeyechcatar ñerra'm amach poyo yeyechcatar, allempochña yeño'ch atto es yetorra'yesnoma Cristocoppa' ñeñt'pa' e'ñe cohuen. Neñto'marña allempopa' aphuerreycha' e'ñe puesheña'ttsoy ñeñcha' atarr yochaterre'. ¹⁵ Tarraña ñerra'm yeyechcatarña cha poyuapa' o'ch yeño'ch atto yetorra'yesnoma Cristocoppa' ama es sherbeno, chach a'chencatonay yeyechcatar ñeñt Cristocpañ. Tarraña ama'tcha' a'chencatonay yeyechcatar, yaña yecamquëñ'pa' queshperrach. Tarraña e'ñech yemuro'chenño'fa yequeshperra atet ñerra'm cho poyen pocoll yañapa' o'ch yequeshpa.

¹⁶ Te'pa' o'ch notas po'poñ: Sapa' ama't seño'teñeña Paretspa' o' pa'paquell

perres allohuenes ñeñfes ame'ñetsa. Yeparrocmatueñoŀ allohueneypa' te'pa' e'ñe atet enterrey atet ñerra'm pa'paquëll, allcha' yeçhena Puecamquëñ ña. ¹⁷ Tarraña ñerra'm esesha' alla soctape'chaterre' ñeñŀ ama cohuenaye' enteno Yompor ñeñña atet petsa çhach ottena ñerra'mrrate' çho a'matenan Parets pa'paquëll. Ñerra'm esesha'ña a'matene' Parets pa'paquëll ñeñña Yomporpa' çhocmach a'chencater. Tarro'mar Parets pa'paquëllpa' ñeñtpa' Partsocha, saca'yeña o' pa'paquëll perresña Parets ñeñŀ e'ñe ñocpa.

¹⁸ O'ch noterrser po'poñ: E'ñech señoŀa sañeña. Ñerra'm eseshas otets, napa' atarr es neñoten añe patsro, añ pocte' o'huañepa'ch es eñotatse'tyes e'ñe patso'mara. Añña pocte' o'ch orrta atet ñerra'mrrate' ama es eñoteno. Añepa'chña eñot ñeñŀ huetsa Yomporeshot. ¹⁹ Tarro'mar ñerra'm esempo ñeñŀeŀ acheñey añe patsro ñerra'm çha yotenapañ yapa' atarrte' es yeñoten, Yomporña' atet enteney ñerra'mrrate' çha yotatse'tyen. Ñeñtpa' anuaret ñaña ahuatoteñ Yompor po'ñoño, ñeñtpa' atet oten: "Ama't atto es eñotatse'tyenetpa' Yomporña' o'ch eñotanet atŀa otatse'tyenet, ama't ñetpa' otenapuetañ nanacte' es eñotenet tarraña ñeñtpa' shequëñtsa." ²⁰ Añ ñoñetspa'çho'ña anuaret ahuatoteñ, ñeñtpa' atet oten: "Ñeñŀ çha otenapañ nanacte' es eñotenpa' añña Yomporpa' eñotenanet ñeñŀ atet cotape'chenet ñetpa' e'ñe orrena." ²¹ Ñeñto'marña te'pa' o'ch alla noterrser: Amach ellocma sa'ye'choçtatanna'tyesatsto atet yoctape'chen ya ñeñŀeŀ arromñaŀeŀ. Tarro'mar allohuen ñeñŀ apuenes Yompor ñeñŀcha' soctape'chate' cohuen. ²² Ama't na Pablónpa' Yompor o' na'n ñeñŀen allohuenacpas, ñaña ama't masheñ Apolos, ñaña ama't masheñ Pedro. Yomporpa' apueney allohuen ama't ñeñŀ yentyes añe patsro ñeñŀcha' yeyenpue' ñeñŀ alloch yocsheña Yompor. Yocsheñepa'ch ama't allempo yocrrena, ñaña ama't allempoch yerroma, ñaña ama't ora allpon ñeñŀ eñall te' çhocmuepa'ch coshateney. Ñaña ora allpon ñeñŀcha' eñalletatsa tsapatonetpa' ñeñtpa'çho'ña coshatasepa'ch. Ama't allohuen ñeñŀ pa'namen esoçhno ñeñtpa' yocop ñeñŀcha' yeyenpue'. ²³ Elloña yapa' e'ñe pueyochresha' pohueney Cristo allohueney, Cristoñapa' Parets Puechemer pene'.

4

Atet pena ñeñŀ torretsa Cristocop

¹ Ñeñto'marña te'pa' notenes, epsheño'marey na epan masheñ Apolos, añ pocte' o'ch senteney atet ñerra'm ñeñŀeŀ torretsa Cristocop. Ñaña añ pocte' o'ch senteney atet ñerra'm yapa' eyeharetey o'ch ya'potoñ Yompor po'cohuenña. ² Ñehua, yeñoteñ ñerra'm erra'tseney eyehareteyapa' aña'ña atet yepena atet yechenyet. ³ Ñato' sapa' sentenente' napa' nepena atet eyehareten ñato' amate', ñeñtpa' ama añecpayaye ñeñŀ atet nellquëna na. Ama't acheñenesha' ñeñŀ añcha'taretetyetsa, ñerra'm errotente' entennet ñeñŀ atet nepenapa' ñeñtpa'çho'ña ama añeyaye ñeñŀ atet nellquëna na. Ama't napa'çho'ña ama neyemteno ñeñŀ atet nentena e'ñe nañeña. ⁴ Ñehua, e'ñe cohuenare' nenteñeñ allohuen ñeñŀ atet es nepa'yen, tarraña ñeñtpa' ama añeyaye alloch yeñoch e'ñeŀe' cohuenare' es yepa'yen. Añña e'ñe pocte' nenten Yepartsesharcha'ña otats e'ñeŀe' pocte' entenen, amapa' ñato' amate'. ⁵ Ñeñto'marña notenes, amach sotatsto atet: añ acheñer nanac cohuen, po'psheñeñpa' ama cohuenayaye. Te'pa' amach sotatsto atet, tarro'mar esempohuañencha' huerra Yepartseshar. Allempopa' ñachña eñotatuerrts

ñeñt' ya' nasotyena te'. Ñaña ñachña eñotauerrets ama't ñeñt' atet yemna'yen yeyochro. Errponeycha' ñeñtey cohuen entuerr Yomporpa' allponeycha'cho' aye'chochtatuerr.

6 O' notuas ñeñt' poctetsa ñeñt'cha' atet sentey ya epan masheñ Apolos. Masheñeshacha' ñaña nochaneshacha' tarro'mar atet notenes, allochñapa' atoch señoç añ pocte' e'ñech attecma senteñ ama't allohuen acheñ, e'ñe atet oteneý Yompor po'ñoñ ñeñt' atet anuaret' ahuatoteñ. Allochñapa' amach yommo'chatsche acheñ ñeñt' cohuen yenten e'ñe yañña. 7 Sapa' atarr cohuen sentena sañña tarraña amaña po'psheññeýe' atarr eñotañ sentenaye ama't puesheñarra. Ama't allpon señoýenpa' amaca'ye e'ñe sotaye' es señoýeno; Yomporca'ye señoatate'. Po'ñoçhpa' atto Yompor es eñotatenespa' eso'mare'tña sommo'chyenaña atet ñerra'm e'ñe soña es señoýen.

8 Cha't sotenapañ o'te' nanac setsotoñ Yompor poctaña. Cha sottena atet ñerra'm ama es sepallteno ama't coñe'ta Yomporeshot. Yañapa' o'huañ acua'psenaye' senterrey. Sañapa' o' cha añcha'taretøyen sorrtena. Nehua, e'ñe pocte' sa'ñcha'tarettepa' tarro'mar ñerra'm po'ñoçh o'ch sa'ñcha'taretterra' ñato' attotpa' o'ch semnatey yaña o'ch ya'ñcha'tarettapreterra. 9 Tarraña napa' noctape'chen ñato' ya ñeñtey allsensaretey'pa' Yomporpa' ñato' o'ch muenatan acheñenesha' yapa' o'ch a'ypo'ñerryet. Acheñenesha'ñapa' chach amtsen entenyet. Attach cohuaña'tyeny allohuen acheñenesha' arr patsro, ama't ñaña ñeñt' Yompor po'mllañofoññaneshar o'ch cohuaña'tyet ñamet. 10 E'ñe yame'ñeñoí Cristopa' añña acheñenesha'pa' chach otenet yapa' amo' es yeñoteno, tarraña sapa' chaña atet sentena ñerra'mrrate' atarr nanac eñotañes. Ñaña yapa' chach otenyet amo' esoshe'mayayye, tarraña sañapa' ataña ahuañencatoyen sentena. Ñaña sapa' nanac añcha'na'tpo' entenset, yañapa' amach acua'psenaye' entyenyeto. 11 Yañapa' teme'ttsen yemueroçhtena ama't yachporrñoí, yo'ñpañofo'na yemueroçhtena ñaña yemuelleñofo'na. Atta epaye' atserrpenyet, ñaña ama yeçheno allcha' yeycha. 12 E'ñe yetorreñoí nanac yetaruasen e'ñe ya yotot. Ñaña ñerra'm esempo sasare'tenyetpa' yañapa' o'ch yenamatenanet Yompor pa'nateña ñocpuet. Ñaña ñerra'm esempo pue'moñe'teñofoet cotare'tenyetpa' yañapa' attach ya'huanatenanet. 13 Ñaña ñerra'm esempo sochatse'tenyetpa' yañapa' chach yamo'tstanet cohuen. Ñaña ama't teme'ttsen entenyet atet ñerra'mrrate' es ahua'pore'taret, ñeñt' ama es sherbetso ama't mamesha arr patsro.

14 Napa' ama añeçpaye' nequellquënnaso añ ñoñets atoch o'ch nepencatas, añeçopña nequellquënnas atoch noctape'chaterres e'ñe cohuen atet ñerra'm e'ñe nechemeres ñeñt' nanac nemuerara. 15 Na po'ñoçhpa' atet nentenes ñerra'mrrate' e'ñe nechemereshas. Tarro'mar ahuaña allempo neserrpare'tatoses cohuen ñoñets ñeñt' Yomporeshotpa' o' name'ñatasa Cristo Jesús, ñeñt'pa' atet ñerra'm cho nechemere'tensa Cristocop. Ñeño'marña te'pa' notenes, ama't eñall shonte' acheñ ñeñt'cha' soctape'chaterre' ñeñt' cohuentetsa Cristocop, tarraña e'ñe patrra sompor sepen ñeñt' ñanom same'ñate', ñeñt'pa' atet ñerra'm na. 16 Ñeño'marña napa' notenes: Atet sentenen atet nepena na e'ñe cohuen, sapa'cho'ña atetcha' sepa samña.

17 Ñeño'marña nemñonas masheñ Timoteo; ñapa'cho'ña nechemer nepen. Ñapa' nanac nemorrenteña, ñapa' chocma ame'ñenana Yepartseshar. Ñapa' ñach seyerpate' Cristo poctaña ñeñfara cotapñats neychatyees erracmañen

errate' pame'ñeño'fet ap'chenet Yomporecop. ¹⁸ Patanta'ttsospa' nanac sommo'chena atto es seño'tyen. Sapa' cha't sotenapañ ñato' napa' amach ne'chapoña sesho. ¹⁹ Tarraña po'ño'chcha' ne'chap sesho ñerra'm Yomporcha' muenats. Ama't tayecmapa' pocte' o'ch ahuen ñerra'm ña muenats. EsemPOCH ne'chererrpa' allemPOCHña neñotos ñeñ' ommo'chetsa, ñato' po'ño'chte' ahuamencatet Yomporecop, amapa' ñato' attate' ommo'chenet. ²⁰ Amaña e'ñe ñapfa yeserrpare'teño' yorrtateññañaña Yompor po'cohuenña attoch atarr ayochreshattena ña; po'huamencote'nachña yorrtateññañ po'cohuenña. ²¹ Ñehua, te'pa' o'ch na'p'to'tas: ¿Errofena't semnen ñeñ'fcha' atet ne'poses allemPOCH ne'chap sesho? Ñato' o'ch necoñ'chatoses, ñato' o'ch soctape'cherr cohuen tayecma attoch esemPOCH ne'chappa' amach eñalle attoch o'ch necoñ'chatoses. Allempopa' ñato' ellochña chach nemuerosa e'ñe cohuen.

5

Atto Pablopa' ama pocteye' entano atto puesheñarr corinto'marnesha' orrtatan ñeñt ama pocteyaye tarraña pamo'tsesha' ñapa' ama erroteye' oteñeto

¹ Ñehua, te'pa' o'ch notas po'poñ. Tarro'mar atet otyenet, po'ño'ch eñallo' sesho puesheñarr yacma ahua' yorerran pachoretso're'. Ñeñ'pa' nanac ochña'teñets atet, tarro'mar ama't ñeñ' ama ame'ñetsopa' ama pocteye' entenetoña atet. ² Tarraña sapa' chocmo' cohuen senteñ ñeñ' atet sepena. Eso'mare'tña ama choye'ña llecatenso. Tarro'mar ñeñ' ochña'tets atetpa' amach allo'na senteñe attoch o'ch allo'na separrocmatnen epas. ³⁻⁴ Ama't napa' ama allo'tsenno parro, tarraña e'ñe neyerpueño'tespa' allo'tseney parro. Ama't ama allo'tsennopa' napa' o'ch notas necartoñ ñeñ' pocte' nenten na, attecma ñerra'm allo'tseney parro. Napa' o' neño'ch ñeñ'fcha' atet sepe' ñeñ' ochña'tets atet. O'ch notas ñeñ'fcha' atet sepe': O'ch sap'cha allohuenes e'ñe same'ñeño' Yepartseshar Jesús; napa'cho'ña e'ñe neyerpueño'tespa' allo'tseneycha' parro. Allochñapa' e'ñe Yepartseshar Jesús po'huamenco'tpa' ⁵ o'ch sepon' ñeñ' yacmar o'ch sapuer oneñe' attoch a'coñ'chatoñ po'chets. Allochñapa' puecamquëñpa' queshperrach esempohuañencha' huerra Yepartseshar Jesús.

⁶ O'ch alla noterrser: Sapa' ama't sommo'chenañ atto e'ñe cohuenare' es sepeneñpa' tarraña ñeñ'pa' ama pocteyaye, tarro'mar atta e'ñe semnateñ acheñ o'ch allo'na ochña'tnen. Ama't seño'teñe ñerra'm allo'na yemnatneñ o'ch ochña't ama't e'ñe puesheñarro'fapa' tsapatonetpa' o'ch pet allohuenet atet. Ñato' o'ch netma'ntacha atet: "Ñerra'm yena' coñe't chase' allempo yeyechaten pan, ama't e'ñe coñe'ta yena'pa' o'ch epa'hua ora, attoch e'ñe rropa'ptatuan ora pan." ⁷ Ñeñ'oma'ña o' notas o'ch sa'ypo'ñer ñeñ' ahuat soctapña ñeñ' nanac sosey. Añcha'ña o'ch setserrataterr soctapña. Tarro'mar po'ño'ch etserra o' yechcaterres Yompor. O'ch netma'ntacha atet pete't ahuat allempo o'ch cherr pascuapo chocmach huapore'tuet allohuen pan ñeñ' a'chasaret. O'ch yechcatet etserra pan ñeñ' ama a'chasareteyaye. Ñaña pascuapopa' chocmach muetsete't carrnerotoll, tarraña te'pa' Cristoña o' amtsaretta yocop. ⁸ Ñaña ahuat pascuapo añ coshatahuede't pan ñeñ' ama a'chasareteyaye tarraña te'pa' añcha'ña yochshattere' attoch o'ch ya'ypo'ña'huerr ñeñ' ahuat yoc'tapña ñeñ' allo yo'chña'tare'te't ñaña ñeñ' nanac sosey Yomporecop. Añcha'ña o'ch yoc'tape'cherr etserra ñeñ' e'ñe cohuenare' cotapñats Yomporecop ñeñ'fara cotapñats ñeñ' e'ñe po'ño'ch cohuen.

9-10 Te'pa' o'ch notas po'poñ. Ahuaña po'poñ necartotpa' atet notuas: Amach seyemtatscho ñeñ cheta'yene' coyanesha' amach puetaporeyaye. Ñehua, allempo notas necartotpa' añecop noten ñeñ ame'ñetsa tarro'mar ñerra'm attera cheta'yenan coyanesha', amach seyemtatsche acheñ ñeñ atet petsa. Tarraña ama añecpaye' atet noteno ñeñ ama ame'ñetso ñeñ atet pet-sapa' amach seyemtatsche. Tarro'mar aña patsropa' chocmach yeyemcha ama't ñeñ ama ame'ñetso, atet ñerra'm ñeñ cheta'yene' coyanesha' ñeñ ama puetaporeyaye, ñaña atet ñerra'm ñeñ atarr es ye'chapretetsa, amapa' ñaña eñe, ñaña ñeñ ma'yochenaya ayeçcataret. Ñerra'm ama yeyemtantopa' amate' erroteno yocroña aña patsro. ¹¹ Añña notenes amach seyemtatsche ñeñ otets ame'ñenano' Cristo tarraña ñeñ attera cheta'yene' coyanesha' ñeñ ama puetaporeyaye, amapa' ñeñ attera es ye'chapretyetsa, amapa' ñeñ attera ma'yochenaya ayeçcataret, amapa' ñeñ attera sasare'tets, amapa' ñeñ attera posa'tarets, amapa' ñeñ attera etyets. Ñeñ atet pa'yetsapa' amach seyemtastero, ñaña ama't atapa' amach serrallme'cherro epas. ¹² Ñehua, añecop atet o' notuas, tarro'mar yocoppa' ama pocteyaye o'ch yotteñe'cheñ ñeñ ama ame'ñetso. Yocoppa' añña e'ñe pocte' o'ch yotteñe'cheñ ñeñ pame'ñeñofet atterach es pantenet. ¹³ Yomporpa' ñachña otteñe'cherre' ñeñ ama ame'ñetso. Sapa' añña poctetsa socop sehuapore'ch ñeñ atterach sosya'tsañach orrtatyenet.

6

Atto ama pocteyaye o'ch yetmantanna'ta

¹ Te'pa' o'ch noterrser po'poñ. Ñaña o' ne'mare'tas atto sapa' chocmo' setmantannena ñerra'm esempo errot sepannena, ñaña ama't ñeñeso' pueyochresha' o' perrsoñ Parets. Eso'mare't thocma soteñña añcha'taret ñeñ ama ame'ñetso o'ch a'pocatonas ñeñ atto se'moñe'tannena. Socoppa' añña pocte' o'ch soch pueheñarr ñeñ e'ñe parrocmá same'ñena ñetcha'ña a'pocotate' ñeñ atet sepannena. ² Ama't señoñeñe ya ñeñfey o' pueyochresha' perrey Paretspa' yach añcha'tarettertsa allohuen acheñeneshacop arr patsro esempohuañen. Ñehua, ñerra'm po'ñoçh yeñoteñ o'ch ya'ñicha'taretterra allohuen acheñeneshacop arr patsro esempohuañenpa' eso'mare'tña ama señoñeñ o'ch sa'pocatañ ñoñets e'ñe sañeña ñeñ ama torrapahuoyaye. ³ Ñaña ama't señoñeñ esempohuañenpa' yach añcha'tarettertsa ama't Yompor po'mllañoñeñnasharecop. Ñeñto'marña te'pa' notenes e'ñe pocte' o'ch ya'pocatañna'ta ya yeñoñ ñeñ atet yeychena te' arr. ⁴ Ñerra'm esempo esocop setmantannenapa' eso'mare'tña o'ch sene' pueheñarr ñeñ ama cohuenaye' enteno ñeñ ame'ñetsa, ñach a'pocotate' señoñ socop. ⁵ E'ñe nepencna'ntateñoñes sapa' ñeñto'marña atet notenes: Seshopa' ¿ama'tña eñalleña ama't pueheñarra ñeñ ame'ñetsa ñeñ eñotene' o'ch a'pocatan ñoñets? Ñeñ eñotene'pa' e'ñe pocte' ñach a'pocatañe' señoñ ñeñes parro same'ñena. ⁶ Tarraña te'pa' ama atteye' sepeno. Chocmo' setmantannena ama't ñeñeso' parro same'ñenañ. Sapa' ahuo'chcho' ahues tomantanna'tsa a'yo allo'tsen acheñ ñeñ ama ame'ñetso, ñapa' ahuo'chcho' a'pocatonas señoñ socop.

⁷ Tarraña ñeñpa' ama pocteyaye ama't mamesha o'ch setmantannena. Tarro'mar ñerra'm chocma yetmantannenapa' ñeñpa' ama aye'e' yepeno

atet muenen Yompor. Añña ñerra'm esempo errot ñonas po'psheñeñpa' eso'mare'tña amaña alla sa'huantannenoña ñeñt'atto errot es sepanna'tyena. Ñaña ñerra'm esempo es puerratañpensetpa' eso'mare'tña amaña alla sa'huantenaneto. Añ poctetsa o'ch alla ya'huantenanet alla. ⁸ Tarraña sañapa' ama atteye'ña sepeno. Añña sapa' 'chocmo' errot sepannena, ñaña chocmo' es seprratamñsannena ama't e'ñe sagattsa ñeñfes ame'ñetsañ.

⁹ Ama't señoiteña ñeñt'ama cohuen es petsopa' amach es o'paterroña all amcha'tarettena Yompor. Amach semnatatsche po'psheñeñ o'ch atta shecare'tas. Po'ño'ch atet notenes, ñeñt'cañoresha'tetspa' amach es o'paterro all amcha'tarettena Yompor. Ñaña ñeñt'po'yomporer pa'yene' ayechcateretpa' ñetpa'cho'ña amach es o'patatareterretoña all amcha'tarettena Yompor, ñaña ama't ñeñt'apretets taporets, ñaña yacmanesha' ñeñt'agapannetsa e'ñe ñagattset. ¹⁰ Allotpa' ñaña ñeñt'etyets ñaña ñeñt'atarr es ye'chapretyetsa, ñaña ñeñt'posatare'tyets, ñeñt'atet pa'yetsapa' amach es o'patatareterreto all amcha'tarettena Yompor. Allotpa' ñaña ñeñt'achmāre'tets ñaña ñeñt'puerratañpesyets ñetpa'cho'ña amach es o'patatareterreto all amcha'tarettena Yompor. ¹¹ Sapa'cho'ña puesheña'ttsos attecma sepe't samā ahuaña. Tarraña te'pa' o' e'shohuaretterra so'chñar, attoña o' sa'cohuentatareterra Partsocop. E'ñe seyemteño' Yepartseshar Jesucristo te'ña Pomporpa' o' pocte' enterres. Ñaña e'ñe puechorreñofes Yompor Puecamquēñpa' o' pocte' enterres Yompor.

Añ pocte' o'ch e'ñe yecuen cohuen yechets tarro'mar ñeñtara yechetspa' po'chets peñ ñaña Cristo

¹² Te'pa' o'ch noterserr po'poñ. Ñehua, napa' neñotenes puesheña'ttsospa' atet sotatse'tyen, "e'ño' pocte' ye'pa'yese ama't erra'tsente' yemnen." Ñehua, yapa' yeñoteñ Yompor po'ñoñpa' ama't ama atet otenyeñe amach es ye'pa'yestatsto, ñeñto'marña "e'ñe poctet'allohuenpa' o'ch es ye'pa'yeneñ." Tarraña ama't e'ñe poctet' o'ch atet es ye'pa'yeneñ allohuenpa' tarraña ñerra'm ñeñtpa' ama añecpayaye alloch yeyenpueñ yamo'ts attoch e'ñe huomenc ye'pannena yeyo'cher Yomporecoppa' ñehua, ñeñte'pñapa' amach atet yepatsto. Ñaña ama't poctet'allohuenpa' o'ch es ye'pa'yetspa', tarraña ama pocteyaye o'ch nanac es yayoñatse'tyese tarro'mar ñerra'm es nanac yayomenapa' ñeñt'aña pomnaren pene'ña yechets. ¹³ Ñaña neñotenes puesheña'ttsospa' atet sotatse'tyen, e'ño' pocte' senteñ o'ch señmatat sechets e'ñe sa secañoresha'teño' tarro'mar ñeñte'cpo' yechquēñaña sechets o'ch atet se'pateñ. Ñeñto'marña atet setma'ntatenaña sechets ñerra'mrrate' allempo sachporrena 'choch serra' serrar attochña e'ñe señmatat sat e'ñe ora sechtsohuen tarro'mar satpa' ñeñte'cpo' yechquēña. Tarraña te' napa' o'ch notas, ama't poctet' o'ch yeñmatateneñ ya't arr patsropa' 'chapcha' esempohuañen allempopa' o'huañcha' yemna' yat ñaña yerrar, tarro'mar atet ne' Yompor. Tarraña ama't poctet' o'ch yeñmatateneñ ya'tpa' tarraña ama pocteyaye o'ch e'ñe yeñmataten yechets yecañoresha'teño' tarro'mar ama añecpaye' ayechcatareteña yechets attoch yecañoresha'ten. Yechetspa' añecopña ayechcatare't attoch yetorra'yese Yepartsesharecop. Ñaña ñapa' ñach yecuanpene'ña yechets. ¹⁴ Ñeñto'mar Yomporpa' o' tantaterran Puecheher ñeñt' Yepartseshar yepen ya. Ñeñto'marña yeñoteñ yapa'cho'ña esempohuañenpa' tantaterrnaycha' yaña yechets. E'ñe po'huamencotpa' tantatuerreycha'.

15 Ama't seño'teñña e'ñe yeparrocmateño' Cristopa' ñeñ' ya yechetspa' po'ño'chpa' ñeñ'fara po'chets pen ñaña Cristo. Ñeño'marña notenes, atto ñeñ' po'chets pen Cristo ñeñ'fara ya yechetspa' eso'mare'tña e'ñe pocte' sentenña e'ñe ya yechtsotpa' o'ch yecañoresha'tach Cristo. Amaca'ye pocteyaye o'ch yetsetach Cristo po'chets epuet yecañoresha'. 16 Ñehua, ama't seño'teñña ñerra'm esempo yo'chña't epay ottatsña'ipa' epsheño'marey o'ch e'ñe yeparrocmatach yechto. Po'ño'ch atet enteney Yompor atet ofeney po'ño'ño' ñeñ' anuaret ahuatoteñ, añmapa' ñeñ' atet oten: "ñeñ' epsheño'maretpa' e'ñech patrra po'chets penet." 17 Tarro'mar e'ñe yeparrocmateño' Yepart-sesharpa' epsheño'mareypa' e'ñech patrra yoctape'chen yeyo'chro ñeñ' yecamquëñecop.

18 Ñeño'marña notenes añ pocte' o'ch sa'ypo'ñer cañoresha'teñets. Po'poñe'chno ñeñ' ye'pa'yen sosey'pa' ñeñ'ipa' ama yechtsoye' ya'sosyateno. Tarraña añña cañoresha'teñetspa' ñeñ'ipa' e'ñe ya yechets ya'sosyaten. 19 Ama't seño'teñña ye'narpa' ñeñ'fara pa'paquëll pen Parets Puecamquëñ ñeñ' chorratenya Yompor. Ñeño'mar ye'ñoteñ yechetspa' ama yoyaye, ñeñ'ipa' Yomporo tarro'mar 20 ñapa' ahuo't rañterrya. Atto rañterryapa' nanac muero'chta Puechemer attoch tsa'tuerrnaya yo'chñar. Ñeño'marña notenes, ama't atto yocrrena yechtsotpa' Yomporëpa'chña yecohuentaten e'ñe yecamquëño'huen tarro'mar ñeñ' epo'marpa' Yomporo.

7

Atetcha' ye'pa ñerra'm yemneñ o'ch yesna'ta

1 Te'pa' o'ch neserrpare'tatas ñeñ' atet sa'p'to'ten ahuaña secartot. Ahuo't sa'p'to'ten pocte'te' o'ch yesna'ta. Ñehua, ñanom o'ch notas atet, e'ñe pocteñ amate' yeyoratsche coyanesha' ñeñ'icha' yetapor ye'pa'. 2 Tarraña ellopa' añ pocte' ñaña allohuene' yacmaneshay o'ch yeyore puesheñarr coyanesha' ñeñ'icha' yetapor ye'pa'. Coyanesha'pa'cho'ña pocte' ñaña echanepa' e'ñe ña puerrollar. O' notas atet tarro'mar ñerra'm ama cho seyoro puesheñarr ñeñ'icha' setapor se'pa'pa' attate' allo'na secañoresha'tnen. 3 E'ñe pocte' epas setaporpa' sagapanna'tepa'ch. 4 Tarro'mar coyanesha' ñeñ' arrol-laretpa' ama e'ñe ñap'fayaye po'chets, ñeñ'ipa' puerrollaro'nach. Ñaña yacmapa'cho'ña amach ñap'fayaye po'chets, ñeñ'ipa' puetaporo'nach. 5 E'ñe pocte' chocmach sagapannena. Tarraña ñerra'm errofeno esempo pocte' senteñ epsheño'mares o'ch sa'p'octat ñoñets e'ñe sañeña amach sagapanna'terro allponmat attoch añach sema'yo'chra ma'yo'chatsa. Tarraña ñerra'm o' met allponmat allempo o' sa'p'octatuepa' pocte' o'ch alla sagapannerra. Tarro'mar ñerra'm ama ahuen sagapannerropa' chate' oneñe'ipa' topatas amate' sa'huanto.

6 Tarraña ama notenso ñeñ'fach paterr poctetsa o'ch yesna'ta, añpa' atta notenes ñerra'm semneñ o'ch sesna'tapa' pocte' sena'tepa'. 7 Tarraña napa' e'ñe pocte' nenteñ ñerra'm allohuenes atteseñ ñerra'm na.* (Tarro'mar Yomporpa' ahuo't apuen attoch amach nemno coyanesha'.) Tarraña allohueneypa' ama atfecmayaye. Tarro'mar Yomporpa' ahuo't apa'yese'y ellocma atetcha' yesherbe' e'ñe cohuen.

8 Ñaña o'ch notas, ñeñ'fes ama ataporetësopa' e'ñe pocteñ amate' sesna'tatsto. Ñaña ñeñ'fes rretorrnashespa' e'ñe pocteñ ñaña amate'

* 7:7 Ñehua, Pablopa' ama eñalle puetapor.

sesome'terro. E'ñe poctey o'te' socrrañ e'ñe atta atet nepena na. ⁹ Tarraña ama't notensoñ atetpa' ñerra'm ama erroteno sa'huantopa' e'ñe pocte' sesna'tepa'. Ama pocteyaye o'ch atta nanac yemneñ coyanesha'. Añña pocte' yesna'tepa'. Tarraña añña nanac cohuen ñaama amach yesna'to.

¹⁰ Te'pa' o'ch notas ñeñtes arrollaretes ñeñtcha' atet sepa. Ñehua, po'ñoçh ama naye' otetso, añña Yepartsesharña otets. Añ pocte' amach sesatstere serrollar. ¹¹ Tarraña ñerra'm eseshas serre' serrollarpa' añ pocte' amach sesome'tatstero ello, amapa' o'ch alla samo'tstera serrollareshe'mañ. Ñaama o'ch notas samña ñeñtes ataporetes, amach sesatstere setapor.

¹² Te'pa' o'ch notas ñeñt atet pocte' nenten na. Ama't Yepartse-sharpa' ama otenñe ñeñt poctetsa añecop, tarraña napa' o'ch neñotatas ñeñt pocte' nenten na. Ñerra'm puesheñarr yacma ñeñt o' ame'ñerra ñeñt atapore'tañ, tarraña ñerra'm puetaporpa' ama ame'ñeno, añ pocte' amach satsterrano puetapor ñerra'm puetaporpa' ama mueno o'ch ahuerr.

¹³ Attecma ñaama puesheñarr coyanesha' ñeñt o' ame'ñerra ñeñt arrollare'tañ, tarraña ñerra'm puerrollarpa' ama ame'ñeno, añña pocte' amach satsterrano puerrollar ñerra'm puerrollarpa' ama mueno o'ch ser. ¹⁴ Tarro'mar ñerra'm puetaporpa' ame'ñena, çhocma eñall attoch o'ch ame'ñatana puerrollar. Attecma ñaama ñerra'm puesheñarr yacma ñeñt ame'ñetsa, çhocma eñall attoch ame'ñatana ñaama puetapor. Ñaama ñerra'm sesannenapa' ñato' sechemerasha'pa' amach es eñoterro Partsocop. Tarraña ñerra'm ama sesannerropa' sacñeñarnesha'ñapa' o'ch so'patacha ñaama Parets. ¹⁵ Tarraña ñerra'm puesheñarr yacma ñeñt ama ame'ñetso, ñerra'm mueneñ o'ch serran puetapor ñeñt ame'ñetsa, ñehua, pocte' serepa'. Tarro'mar puetapor ñeñt ame'ñetsapa' ama es palltetso puerrollarecop. Ñaama Yomporna' ama mueno ellopa' o'ch allo'na ye'moñe'tanna'tnena yerrollarecop. Attecma ñerra'm puesheñarr coyanesha' ñeñt ama ame'ñetso, ñerra'm mueneñ o'ch serran puerrollar ñeñt ame'ñetsa, ñehua, pocte' serepa'. ¹⁶ Atet notenes sesannerrepa' tarro'mar ñeñtes arrollaretespa' po'ñoçhpa' amach erroteno señoche ñato' sa'qeshpachcha' serrollar, ñato' amate'. Ñaama ñeñtes ataporetespa' amach erroteno señoche ñato' sa'qeshpachcha' setapor, ñato' amate'.

¹⁷ Ñeñto'mar te'pa' o'ch noterrser, erroteno'tseneste' ama't allempo errote' same'ñera Yepartsesharpa' atterasepa'ch. Ñaama atet muenatyeny Yomporna' attepa'ch yepena puesheña'ttsoy. Ñeñtapa' attecmaçh neyçhatyes ama't ñaama ora allohuen ñeñt pame'ñeñofet apçha'yetsa allemeñ anetso'mar.

¹⁸ Atet ñaama ñerra'm puesheñarr yacma allempo errote' ame'ñertset, ñerra'm allempopa' o' atso'rretetuet atet yeçhe't judionesha'pa' te'pa' ama pallteno o'ch a'huañerran all tso'rret ahuat. Attecma ñaama po'psheñeñ allempo errote' ame'ñertset, ñerra'm ñetpa' ama atso'rreteteto, te'pa' ama pallteno o'ch atso'rrettet atet yeçhena judionesha'. ¹⁹ Ama't ya'tso'rrettatstapa' ñeñtapa' ama es sherbeno. Ñaama ama't ama ya'tso'rrettatstopa' ñeñtapa'çho'ña ama es sherbeno. Añña nanac sherbets o'ch yepa ñeñt atet oteney Yompor.

²⁰ Ñeñtapa' o'ch alla noterrser, añ pocte', ama't erroteno'tseneste' allempo errote' same'ñerrapa' atterasepa'ch. ²¹ Ama't allempo errote' pame'ñerra, ama't añepte' ñeñt ataruasataret e'ñe attapa' e'ñe pocte', amach pellcasto. Atterach petaruasen peparatnarecop, tarraña ñerra'm errotentot o'ch pa'rroyaterra peparatnareshotpa' e'ñeçh pocte' a'rroyerpetepa' allot taruasatenpet e'ñe atta. ²² Ñato' o'ch netma'ntacha atet: Eñall puesheñarr

yacma ñeññ ataruasataret e'ñe atta, tarraña o' chap allempo agapan Yepartseshar ñeññcha' Pamo'mte' perr. Allempopa' ama't attera taruasateññ ñeññ po'patronar pen arr patsopa' tarraña te'ña Cristopa' a'rroyatamper po'chñar ñeññ nanac taruasataye't ahuaña. Te'pa' añcha'ña taruasaterre' Cristo ñeññ Yepartseshar yepen. Ñaña eñall puesheñarr yacma ñeññapa' cohueno'tsen ñeññ ama ataruasatareteyaye. Ñapa'cho'ña o' chap allempoch aguërran Yepartseshar Cristo ñeññcha' Pamo'mte' perr. Te'ña Pamo'mte' Cristopa' ñachña taruasaterre' e'ñe cohuen ñeññ ahuaña'p' ama ataruasatarete e'ñe atta. ²³ Cristopa' o' rañferrya. Atto rañferryapa' nanac muerochta attoch tsa'tuerrnaya yo'chñar. Ñeñño'marña notenes, amach acheña ñapue't samo'mte' sepatsto, añña e'ñe po'ño'ch Yamo'mte' yepen Cristo. ²⁴ Ñeñño'marña masheñneshacha' ñaña no'chaneshacha' o'ch noterrser alla, ama't erroteno'tseneste' allempo errete' same'ñera Cristopa' pocte' atterasepa'ch. Tarraña Yomporepa'chña seyenpue'.

²⁵ Te'pa' o'ch noterrser po'poñ. Añpa' ñeññ atet sa'pto'ten ahuaña ñato' pocto'te' ahuo'ch some'ta ñeññ shopsheshare'. Ñehua, napa' o'ch notas, Yepartsesharpa' ama otenyeñe ñeññcha' atet yepe' shopshesharecop, tarraña napa' o'ch neñotatas ñeññ pocte' nenten e'ñe na, tarro'mar Yepartseshar puemuereño'tpa' ahuo't eñotañ pa'n attoch sapa' seyemuetna. ²⁶ Ñehua, ñanompa' o'ch notas: Ama't te'pa' chocma huennaya shonte' esocmañen ñeññ echarr yentyen ñeñño'marña pocte' nenteñ amate' sesome'to, ñaña amate' sesna'to. Añña poctetsa atfate' yocrra. ²⁷ Tarraña ñerra'm o' seyore coyanesha'pa' e'ñe pocte'; te'pa' amach sesatstere. Atteña ñerra'm ama seyoreña' coyanesha'pa' pocte' ñaña; te'pa' amach seyoratsche. ²⁸ Tarraña ñerra'm esempo semne' o'ch sesna'tapa' e'ñe pocte'. Ñaña ñerra'm esempo coyanesha'pa' mueneñ o'ch some'ta, ñeññpa'cho'ña e'ñe pocte', tarro'mar ñeññpa' ama ochña'teñtsoyaye Yomporecop. Tarraña ñerra'm yacmapa' o'ch sena'ta, ñaña ñerra'm coyanesha'pa' o'ch some'ta ñaña, allempopa' o'ch echan shonte' ñeññcha' llecatyese' attoch corret arr patsro. Ñeñño'marña notenes amach sesna'tatsto, coyanesha'pa'cho'ña amach some'tatsto, tarro'mar napa' ama nemno o'ch sechen shonte' ñeññcha' sellcateyene'.

²⁹ Ñeñño'marña masheñneshacha' ñaña no'chaneshacha' nemneñ o'ch alla noterrser. Te'pa' ama atonaye' pallteno char attoch yetorrena Yomporecop. Ñeñño'marña o'ch notas ñeññes o' setapore't, ama't o' setapore'tpa' añña poctetsa e'ñe tayoteñ amach patrra sellcatsto ñeññ setaporecpa. Añecpa'nachña setorrena Yomporecop. ³⁰ Ñaña ñerra'm esempo huaponasa llequëñetspa' amach ñeññota yequechpatsterro atto yetorrena Yomporecop. Ñaña ama't esempo es nanac yocshatene'pa' amach ñeññota yepsatstere Yompor. Ñaña ñerra'm esempo yapa' esocmañen yechenpa' tarraña amach ñeññota yepsatstere Yompor. ³¹ Ñaña ñerra'm esempo es yepa'yen ñeññ patso'marecpa' amach e'ñe ñeñña yocshatsto ñeññ patso'marecpa. Tarro'mar ñeññ atet yeychen añ patso'marpa' ñeññpa' huañerrcha' esempo.

³² Ñeñño'marña notenes añechno, tarro'mar nemneñ sapa' amach eñalletatsto po'poñ ñeññcha' nanac sellcate'. Atet pena yacma ñeññ ama ataporetapa' añach e'ñe llequëna ñeññ Yomporecop. E'ñech ma'yo'chrenana attoch coshatenan Yepartseshar. ³³ Tarraña yacmaña ñeññ ataporetapa' añach e'ñe llequëna ñeññ atto yocrra añe patsro. Ñaña añach ma'yo'chrena attoch

coshatenan puetapor. ³⁴ Ñeñto'marña amach errotenot patra ma'yochreno ñeñt Yomporecop. Attecma pena ñaña coyanesha' ñeñt ama arrollarete. Añach ma'yochrena ñeñt Yomporecop. E'ñe po'chtsohuenpa' mueneñcha' o'ch a'rroya Partocop. Ñaña ama't ora poctapñohuenpa' o'ch ma'yochrena Partocop. Tarraña coyanesha' ñeñt arrollaretpa' añach lleca ñeñt atto yocrrena añe patsro, ñaña añach lleca attoch coshatan puerrollar.

³⁵ Ñeñt notenespa' ama añecpayaye attoch o'ch nompata's amach sesna'tatsto. Añecopña atet notenes attoch napa' neyenpas, attoch chocma cohuenare' es sorratyen. Ñaña chocmach socsheñesha'pa' o'ch sema'yochrena Yomporecop, amach eñalletatsto ñeñtcha' sepatene'.

³⁶ Te'pa' o'ch noterrser po'poñ: Ñerra'm eseshas echene' seseñ ñeñt o' po'natuena, ñaña ñerra'm pocte' senteñ o'ch some'tapa' ñehua, pocte' some'tepa'. E'ñe pocte' o'ch semnach some'tepa' tarro'mar ñeñtpa' ama ochña'teñsoyaye Yomporecop. ³⁷ Tarraña ñerra'm erra'tsenotespa' sechen seseñ, ñaña ñerra'm ama semno o'ch some'ta, ñaña ñerra'm seseñpa' e'ñe pocte' enteñ amach some'tatstopa' ñehua, pocte' ñaña amach sesome'tatatsche. Ñerra'm po'ño'ch seño'teñ seyo'chro añpa' e'ñe pocte' atet, ñehua, amach sesome'tatatsche. Elloña ñeñtpa' nanac cohuen. ³⁸ Ñeñto'marña te'pa' o' notas: Ñerra'm erra'tsenotes muenate' seseñ o'ch some'tapa' ñeñtpa' pocte'. Tarraña ñerra'm erra'tsenotes ama some'tataye seseñpa' elloña ñeñtpa' nanac cohuen.

³⁹ Te'pa' o'ch noterrser po'poñ. Ama't esempapa' ama pocteyaye coyanesha'pa' o'ch serran puerrollar. Ama't errponmatcha' correna puerrollarpa' amach satstere. Tarraña ñerra'm esempo rroma puerrollar; allemppa' e'ñe pocte' o'ch some'terra ello, tarraña ñerra'm erra'tsencha' muenerr ñeñtcha' yorerre' ñeñtpa' ame'ñenach ñaña. ⁴⁰ Tarraña ama't o' notuaseñ e'ñe pocte' o'ch some'terra rretorrnanesha', elloña napa' noctape'cheñ ñerra'm o'ch some'terra, ñato' allemppa' cosherrañcha' mame'. Tarraña ñerra'm amach some'terro, napa' noctape'cheñ ñato' allemppa' ellochña nanaccha' coshera ñapuef. Napa' noten Yompor Puecamquëño'f neñoten atet.

8

Arrpa' all cotape'chatan corinto'marnesha' añecop ñeñt amsaret aye'chcataretecop

¹ Te'pa' o'ch neserrpare'tatas po'poñ ñeñt atet sa'p'to'tenen ahuaña, ñeñtpa' atet sotenen: Ñeñtey ame'ñenaya Cristopa' ñato' ¿pocto'te' o'ch serra' po'chets ñeñt muetsenet aye'chcataretecop? Napa' neñotenes puesheña'ttsospa' so'tyen sapa' señoteno' ñeñt cohuentetsa Yomporecop. Ñehua, po'ño'ch allohueneypa' yeñoteñ ñeñt cohuentetsa Yomporecop. Tarraña ñerra'm esempo yoten: "Napa' e'ñe neñotuen ñeñt cohuentetsa Yomporecop", ñerra'm e'ñe yommo'cheño'fa yotenpa' ñeñtpa' e'ñech orrena atet yoten. Yommo'cheño'fpa' amach choye' yeyenpannenno attoch huomenc yepa' yeyo'cher Yomporecop. Yemorrentanna'teño'fpa' chocña yeyenpanna'ta. ² Tarro'mar ñerra'm esempopa' chach yotenapañ o'te' e'ñe es yeñotua poctacma, tarraña yeñoteñ po'ño'chpa' chocma yepalltena o'ch e'ñe yeñotua poctacma ñeñt cohuentetsa. ³ Tarraña e'ñe yemorrenteño'f Yomporpa' ñapa' eñoteny yapa'cho'ña yeñoteñ ñeñt cohuentetsa ñocop.

4 Te'pa' o' notuas atet te'ñapa' o'ch neserrpare'tatas ñeññ cohuentetsa Yomporecop. Ñeññey ame'ñenaya Cristopa' pocte'te' o'ch yerren po'chets ñeññ amtsaret ayečcataretecop, ñato' amate' pocteyaye. Ñehua, yeñoteñ ñeññ ayečcataret ñeññ toma'ntatenet ñetpa' po'ñočhpa' ama eñalle Yompor ñeññ atet. Yapa' yeñoteñ Yomporpa' e'ñe patrra. 5 Po'ñočhpa' ñetpa' pa'namen po'yomporer pa'yenet ama't atet ñerra'm ñeññ ento'tsa'yen, ñaña ama't ñeññ aña patsro'tsa'yen. Ñetpa' pa'namen po'yomporer pa'yenet, ñaña pa'namen po'partseshar pa'yenet. 6 Tarraña ya yocoppa' yeñoteñ Yompor Apapa' e'ñe patrra, ñeññ Yompor ñeññ yečhcatue' allohuen ñeññ yentyen, ñaña yapa' ahuo't yečhcatey e'ñe ñocop. Ñaña yeñoteñ Yepartsesharpa' e'ñe patrra ñeññara Jesucristo ñeññ yečhcate' allohuen ñeññ yentyen. Te' yapa'cho'ña apueney atto yocrrena.

7 Tarraña acheñenesha'pa' ama allohuenacmaye' yoctape'chueno atet. Ñeñño'marña puesheña'tetspa' ahuatoteñ yečhete't o'ch nenet es po'chets ayečcataretecop. Ñeñño'marña ñerra'm esempo rrenet ñeññ po'chets ñeññ muetsenet ayečcataretecoppa' e'ñech atta rreñet po'tomña. E'ñe po'tomña'pa' otenet ñato' ama pocteyaye o'ch yerren po'chets ñeññ nenet ayečcataretecop. Ñetpa' atta enteñet ama arrapahuoyaye ñeññ Yomporecop. Tarro'mar ama thenaneto pueyočhro atto ñeññ e'ñe poctetsa Yomporecop. 8 Ñehua, yapa' yeñoteñ ñeññ yerrenpa' ama añecpayaye attoch e'ñe cohuen entey Yompor. Ama't yerreñ, ñaña ama't ama yerreñe ñehua, e'ñe attecma enteney Yompor. 9 Tarraña e'ñech señota: E'ñech acopa es sepa'yes. Ama't yapa' yeñoteñ Yomporpa' e'ñe pocte' enteñeñ o'ch yerren po'chets ñeññ anaret ayečcataretecoppa' tarraña ñato' yerreñoť añečhnopa' čhate' alla ya puerrattater ñeññ ama tama huomenc penaye pueyočher Yomporecop. 10 Tarro'mar ñato' sapa' atette' sepene. Ñato' o'ch ahuenes puerahuo allo'tsen ayečcataret, allña'pa' ñato' o'chčo' serros po'chets ñeññ amtsaret ayečcataretecop. Ñaña ñato' sapa' e'ñech socsheñesha' serreñ tarro'mar sapa' señoteñ ñeññpa' ama esoye' enteñe Yompor. Tarraña ñato' e'ñe allempoña serreñpa' ñato' o'ch entas po'psheñeñ ñeññ parro same'ñena. Tarraña ñapa' ñato' ama pocteye' enteñe o'ch yerren po'chets ñeññ amtsaret ayečcataretecop. Ñato' o'ch peye'chateña ñaña pemo'nasheñ o'ch rreñ ñaña ñato' ama't ñapa' ama pocteye' enteñe. 11 Tarraña ñerra'm ñapa' o'ch rrenan po'chets ñeññ anaret ayečcataretecoppa' ñapa' o'ch enteñ atetpa' ochña'teñets Yomporecop. Atteñapa' ñato' o'ch alla puesuerran Yompor. Ñeñño'marña notenes, ñato' e'ñe yeñoteñoť ñeññ cohuentetsa Yomporecoppa' o'te' ya'chencatach yemo'nasheñ ñeññecop Jesús'pa' rroma ñaña. 12 Ñerra'm esempo atet ye'papa' čhate' yeyora yo'chñar yemo'nasheñecop tarro'mar o' yeye'chatera o'ch perra ñeññ ama pocteye' enteno ña. Ñehua, ñerra'm esempo yeyora yo'chñar yemo'nasheñecoppa' e'ñe ño'pa' o'ch yo'chña't ñaña Cristocop. 13 Ñeñño'marña te'pa' o'ch notas atet, ñerra'm esempo yerren po'chets ñeññ anaret ayečcataretecop, ñerra'm yerreño'pa' ñato' ya'puerrattater yemo'nasheñpa' e'ñe pocteñ amach yerratsto ñeññ po'chets. Ñeñño'marña napa' ama't esempapa' amach nerratsto ñeññ po'chets te'ta' neyoren no'chñar nemo'nasheñecop attotcha' na'puerrattater.

Atto e'ñe pocten ñeñi torretsa Yomporecoppa' o'ch es yesherbeñ

¹ Te'pa' o'ch neñotatas po'poñ ñeñi atet nepena na. Napa' e'ñe pocten o'ch ne'pa'y'es e'ñe erra'tsencha' nemnen na tarro'mar sapa' señotenen atto napa' ama eñalle ñeñi neyechare'tenaya na, tarro'mar napa' allsensareten Yomporeshot. Ñaña señotenen napa' o' orrterrmana Yepartseshar Jesús, ñaña señotenen ña ahuaenca't nepene' tarro'mar e'ñe na netorreño' ñocop attoña same'ñerra samá. ² Ñehua, ama't po'potantañpa' otyenetañ napa' amo' allsensareteyayno tarraña sapa' señotenen po'ño'ch napa' allsensarefencia'ye tarro'mar napa' ñeñten same'ñaterraya samá. Atto sapa' e'ñe cohuen same'ñera Yompor, attoña señotateñña allohuen po'ño'ch napa' Yomporeshot allsensareten. Ñeño'marña e'ñe pocten o'ch ne'pa'y'es e'ñe erra'tsencha' nemnen na ñeñten allsensareten, tarraña ñeñtpa' ama atteye' nepeno tarro'mar napa' ama nemno e'ñe atet nepeño' o'ch nepatare't cohuen ñoñets alloch Cristopa' a'qeshpaterres.

³ Ñeño'marña te'pa' o'ch notas ñeñtcha' atet nanapanet ñerra'm esempo a'p'to'tare'tnet, pocto'te' ñeñi atet ne'pa'yena. ⁴ Po'ño'chpa' e'ñe pocten nocop o'ch serratallme'chenno' allempo neserrpare'tatenes. Ñaña pocten sapa' o'ch sapnoñ ñeñtcha' norryen. ⁵ Ñaña nocop e'ñe pocten ñerra'm eñalleñ netapor o'ch nanem ñeñi parro yame'ñena all nechopeñe'chyen. Atet pena po'potantañ allsensareñesha', ñaña atet pena Yepartseshar pa'mo'nasheñesha', ñaña ñeñi atet pena Pedro. ⁶ Ñaña sapa' ñato' chate' soten e'ñe pocte' e'ñe epsheño'marey epan masheñ Bernabé yaptach yetaruasen attoch yechen ñeñtcha' yerren. Po'ño'chpa' po'potantañe'chno ñeñi torra'yetsa Yomporecoppa' ñetñapa' arratarettenet e'ñe atta. ⁷ Po'ño'chpa' ñeñi atet pena solltarnesha'pa' ñetpa' e'ñe atta aparettenet ñeñi palltenet, amach es ts'a'teneto. Ñaña atet pena ñeñi nare'tene' narmets. Ñetpa' e'ñe puenare'teño'pa' chocmach tsomueññañet puenarem pue'mer. Ñaña atet pena ñeñi po'taruas pene' o'ch cohuanmpenan carrnero ñaña cabra. Ñetñapa' chocmach orreññañet puemomos. ⁸ Sapa' chate' sotenapañ ñeñi atet notenes, ñeñtpa' e'ñefe' nañeña noctapño' atet notyenes ñeñi atet yoctape'chyen ya allohueney ñeñtey arromña'fey. Tarraña ñeñtpa' amaca'ye atteyaye tarro'mar ñeñtpa' ñeñtara ñoñets ñeñi atet anaret ahuatoteñ. ⁹ Tarro'mar Moisés po'ñoñ ñeñi atet anualet ahuatoteñ, ñeñtpa' atet oten: "Ñerra'm esempo satmama'tateñ huaquësh attoch es serrocllome'chach pa'tcot allempopa' amach sempanma'tatsche attoch ñapa'cho' rranepaña ñeñi serrocllome'chateñ." Ñehua, yapa' yeñoteñ Yomporpa' ama e'ñe ñap'tecpa huacshecop eñose'te. ¹⁰ Po'ño'chpa' yocpa'naña eñose't ñeñtey torra'yetsa ñocop. Tarro'mar e'ñe puemorrenteñotey yapa' Yomporpa' e'ñe pocte' enteñ arratareteycha' yama all yetorra'yena ñocop. O'ch netma'ntacha atet: Ñerra'm cho yetamuenpa' chocmach yeyemtena ñeñtcha' yenare't all, o'ch choppa' ñeñtcha'ña yetsomuerr. Ñaña ñerra'm cho es yerrocllome'chenpa' chocmach yeyemtena ñeñi yerrocllome'chen, tarro'mar yapa' yeñoteñ chocmach apuerryet allpon. ¹¹ Ñehua, o'ch alla netma'ntatererr po'poñ. Allempo yeserrpare'tatenes Yompor po'ñoñ ñeñtpa' attecma ñerra'm cho yenare'ten narmets pue'llomer sesho. Ñeñi atet nare'teñetspa' sherben attoch e'ñe yocrra Yomporecop. Ñehua, ñerra'm yapa' o' yeñotatas ñeñi sherbets errponohuañen yecamquëñecoppa' ama'tña

pocte' senteñña sapa' o'ch sapuenyen ama't coñe'ta ñeñt' yepalltena alloch yocrra aña patsro. ¹² Po'ñoçhpa' po'potantañe'çhno ñeñt' seserrpare'tatene', ñetpa' enamuenset o'ch sapanet ñeñt' alloch correnet. Ñehua, ñeñt'pa' e'ñe pocte'. Atto ñetpa' es enamuensetpa' elloña yocoppa'çho'ña e'ñe pocte' o'ch es yemas yaña.

Tarraña ama't e'ñe pocten o'ch es yenamaseñpa' po'ñoçhpa' ama't coñe'ta ama es yenamuenso. Chocma ya'huanteñ ñeñt' echarr yenten yocop. Ama't e'ñe pocten o'ch es yenamuenespa' tarraña amaña es yenamuenso tarro'mar ñerra'm ama pocteye' señchepa' yeñoteñ amate' se'mñoto Yompor po'ñoñ ñeñt' atet yeserrpare'tatenes. Yapa' ama yemno o'ch yepatare't cohuen ñoñets alloch Cristopa' a'quespaterres. ¹³ Elloña sapa' señoteñ ñeñt' torretsa Parets pa'paclopa' e'ñe allara Parets pa'paclopa' çhocmach entenet puerrar. Ñaña añ cornesha' ñeñt' muetsene' huaquesh amapa' carnero Yomporecoppa' ñetpa'çho'ña e'ñe allotpa' rrenet ñeñt' amtsaret Yomporecop. ¹⁴ Attecma ñaña Yepartsesharpa' nan po'ñoñ. Ñeñt'pa' atet ot: Ñeñt' serrpare'tene' cohuen ñoñets alloch sequeshpapa' e'ñe pocte' pueserrpare'teñoñ ñeñt' e'mñotene'pa' pocte' o'ch apueñet ñeñt' palltena alloch corra. ¹⁵ Ñehua, ama't e'ñe pocten o'ch sapuennon ñeñt' nepalltenapa' tarraña napa' ama't ahuatapa' ama es notase'te o'ch es sapuen. Ama't te'pa' ama ñeñt'ecpaye' nequellquënnaso atet. Tarro'mar ama nemno o'ch huañ atto neserrpare'tatenes e'ñe atta. E'ñeña nocshesha' neserrpare'tatenes e'ñe atta. Ñerra'm o'ch huañ atto neserrpare'tatenes e'ñe attapa' aña'e' pocte' nenten o'ch nerroma. Tarro'mar napa' ama nemno ama't eseshapa' o'ch puerratampsenña ñeñt' allo e'ñe nocshena.

¹⁶ Ñaña e'ñe neserrpare'teñoñ cohuen ñoñets napa' amate' errotenet e'ñe atta nommo'cho, tarro'mar napa' e'ñe atet eyechareten. Ñerra'm ama atet neppa' napa' nanacet' llequëntso'tsenen. ¹⁷ Ñerra'm e'ñe na nemneñño'ta neserrpare'teneñpa' ñehua, pocten o'ch tsa'tenna Yompor attoch coshaterren. Tarraña ñerra'm atet otenen Yomporpa' ñeñt'pa' ama ñañeña nemneñño'teye' neserrpare'teno. Po'ñoçhpa' allsensareten ñeñto'marña neserrpare'taterña acheñenesha'. ¹⁸ Ñeñt' ellonet apuennen Yompor ñeñt'cha' atarr nocshate' na, ñeñt'pa' attot neserrpare'tatenes cohuen ñoñets e'ñe atta. Ama't e'ñe pocten o'ch setsa'tnapa' tarraña napa' ama nemnoña atet.

¹⁹ Ñaña ama't ama eñalle puesheñarr ñeñt'cha' neyechayapa' po'ñoçhpa' añña nanac netorratenaya allohuen acheñenesha' tarro'mar na atet muenets. Ñaña tarro'mar netorrena ñocpuet attoch name'ñacha shonte' acheñenesha'. ²⁰ Ñaña allempo allo'tsenen parro epan namo'tsesha' judionesha'pa' napa' o'ch nepena atet yechenet ñet. Allochñapa' ñetpa' o'ch e'mñoterrnet; e'ñe pue'mñoteño'tetpa' ñato'rraña o'ch name'ñatera namo'tsesha' judionesha'. Ñerra'm esempo allo'tsenen parro epan ñeñt' cotene' Moisés po'ñoñ ñeñt' atet anaretpa' napa' ama'tcha' ama nocteno ñeñt' atet cotape'chenet ñetpa' tarraña napa' amach nachmare'taneto ñeñt' atet penet ñet, allochñapa' ñato' attotpa' o'ch name'ñatanet ñamet. ²¹ Ñaña ñerra'm allempo allo'tsenen parro epan ñeñt' ama cotape'chenaye ñoñets ñeñt' atet anaret Partsocop, napa'çho'ña o'ch nepena atet ñerra'mrrate' ama nocteno ñoñets ñeñt' atet anaret Partsocop. Ñehua, po'ñoçhpa' nocteneñña ñeñt' ñoñets ñeñt' atet anaret Partsocop tarro'mar añcha'ña e'ñe nocten Cristo po'ñoñ. Atet'cha' nepeñña ñeñt' ama es cotape'chetso Partsocop allochñapa' attotcha' name'ñaterranet

ñamet Cristo ama't ñeñt ama es cotape'cheno Partsocop ama't mamesha.
²² Ñaña ñerra'm esempo allo'tsenen parro epan ñeñt ama huomenc penaye pueyo'cher Yomporecoppa' napa'cho'ña o'ch nepena atet ñerra'mrrate' ama huomencayaye ñaña neyo'cher Yomporecop, allochñapa' attoch noctape'chach cohuen ñeñt ama huomenc penaye pueyo'cher Yomporecop. Ñaña ama't erra'tsena acheñ erroten'cho' cotape'chenpa' napa'cho'ña allempo allo'tsenen parro epan atetcha' nepena ñaña atet pocte' entenet ñet, allochñapa' attoch ama't errotenette' attochña na'qeshp'aterranetcha' ama't patanta'tsa. ²³ Atetcha' nepena attoch name'ñatanet ñerra'm esempo neserrpare'tatanet cohuen ñoñets atto Cristopa' ñach ya'qeshp'aterra'. Attoch napa'cho'ña e'ñe name'ñeño' Cristopa' nocshapretanetcha' ñerra'm ame'ñeret ñamet Cristo.

²⁴ Te'pa' o'ch noterrerr po'poñ, ñato' o'ch netma'ntacha atet. Ñehua, po'ño'ch sapa' seño'teñ ñerra'm esempo o'ch eño'chet esesha'te' nanac matet-sapa' shonte'ch acheñ matatsa. Allohuenetpa' mueneñetcha' o'ch meshe'tuet po'poñe'cho' acheñ attoch ganet premio. Tarraña ama'tcha' shonte' matat-sapa' eñallachña puesheñarr ñeñtcha' ganatanuaya allohuen ñeñt parro mata'cha'tet. Ñeño'marña te'pa' añ poctetsa o'ch yetorrena yaña e'ñe cohuen Yomporecop attoch yegana ñeñt o'patatenya ña. ²⁵ Ñaña yeño'teñ allohuen ñeñt po'taruas pene' johueñetspa' ñetpa' o'ch pohuanmuet ora ñeñt atet poctetsa attoch echet po'huamenc esheccha' ganet. Ñeño'marña ñetpa' o'ch quechpa'huet ñeñt ayoram'psañ yehuamenc. Ñeñpa' añecop atet penet attoch ganet premio atet ñerra'm copa.* Ñehua, ñeñt atet penet ñet attoch ganet copa, ama't ñeñt copapa' ahuañaña, ñeñtepñapa' yapa' o'ch yetorra yaña Yomporecop attoch yegana ñeñt o'patatenya ñeñt ama ahuañaño. ²⁶ Atet pena ñeñt matetsapa' e'ñech pa'charr matena. Ñehua, napa'cho'ña e'ñech patrra nema'yo'chra Yomporecop. Atet ñaña ñerra'm esempo ye'hotna'tena, ñerra'm atfa ya'm'tapechpa' amach erroteno'f yegano. Ñeñtepñapa' napa' amach atfa na'm'tapechatsto ñeñt Yomporecop. ²⁷ Chochña neunat nañeña nechets. E'ñe nach taruasate' nechets Yomporecop. Atetcha' ne'pa' tarro'mar ama't na serrpare'tate' po'psheñe'chnopa' ñato'r'raña ellopa'te't alla ahupore'tareten nañeña tarro'mar ama netsotoñe ñeñt muenen Yompor.

10

Arrpa' all yerpatanet ñeñt atet patse'tyese't ahuat israelena'tarnesha'

¹ Ñeño'mar te'pa' masheñneshacha' ñaña no'chaneshacha' o'ch noterrerr po'poñ. Nemneñ o'ch neñotatas ñeñt atet pe't ahuat yatañneshañ. Allempo chopeñe'chyesete't amaretarero'marpa' añ anmahuete't os ñeñt cohuan'psatanete't Yompor e'ñe allohuenet. Ñaña Yomporpa' ellopa'tetstatan sa'p attoña orrtatanet toñ allcha' e'ñe cohuen oñmuet patso. Attoña metanuet sa'p ñeñt otenet Sa'p Tsasasen. ² Ñaña ahuo' na'nmet Moisés ñeñtcha' pa'm'cha'tareter pet. Ñaña e'ñe pame'ñeño'fet Moisés allohuenetpa' ahuo't a'natenanet os. Ñato' o'ch netma'ntacha atet, ñetpa' allohuenet apataretet oño'f ñaña osot e'ñe pueyemteño'fet Moisés. ³ Ñaña allohuenet Paretspa' apanete't puerrar ñeñt rrete't allohuenet ñeñt

* 9:25 Po'ño'ch añpa' oten choyo'mets tarro'mar ñeñt po'premio pete't ahuat.

mueñanete't entot. ⁴ Ñaña allohuenetpa' 'chocmo' apanete't Parets ñeñ' orrete't allohuenet. Tarro'mar ahuat allempo potanet oñ e'ñe mapuetot allot orretpa' ñeñña mapue'pa' toma'ntenana Cristo ñeñ' Partotets ñaña. Po'ño'ch Cristo ñeñ' onahuete't ñaña ñeñ'fara ñapa' ña co'ta'nmahuate't. ⁵ Ama't Yomporpa' nanaco' a'natanetañe'tpa' tarraña ñapa' amo' pocteye' entane'te atto ñetpa' atpare'tyese'te't. Ñeñ'fo'marña ahuo' a'cllatuanet e'ñe alla amarato. Puesheña'ttso' pocte' ente't Yompor ñeñ' e'ñe cohuen cotape'chystse't.

⁶ Ñaña ñeñ' atet p'atse't ñeñ' ama pocteyayepa' añ ye'chateney yaña amach yeye'chapretatsto yaña atet. ⁷ Ñaña amach yeyomporer yepatsche ñeñ' ayechcataret ñeñ' ma'yochyese'te't ñet patanta'tets. Yapa' yeñoteñ añecop atet pete't, tarro'mar atet anuaret Yompor po'ño'ñ, ñeñ'pa' atet oten: "Acheñenesha'pa' o' anorr'cha'tet, o'ña anorr'cha'tuetpa' o' rralme'chapretet. Allotpa' orryeset ñaña. Allempoña o' rralme'chapretuetpa' o' tantra'terret o'cho' alla coshame'tamperret pueyechcatar." ⁸ Ñaña ama pocteyaye o'ch yecañoresha'ten atet pete't ñet patanta'tets. Ñeñ'fo'marña shonte' acheñenesha' colla'huatsa allempo, e'ñe vientitrés mil acheñenesha' rromats e'ñe pamtarrocma. ⁹ Ñaña ama pocteyaye e'ñe po'tomña'pa' o'ch ya'llocchame'ch Yompor. Ñeñ' atet pe't patanta'tets acheñenesha'pa' ñeñ'fo'maro'ña shonte' acheñenesha' ñeñ' a'chanatyeshche'ppa' e'ñe colla'huet. ¹⁰ Ñaña ama pocteyaye o'ch yefanmare'cha Yompor. Ñeñ' atet pe't ñaña patanta'tets acheñenesha'pa' ñeñ'fo'maro'ña amñaretet ñeñ' amtsañpa' o' a'cllatuanet.

¹¹ Tarro'mar ñetpa' atet huapyesanete't pa'namen allochña yapa'cho'ña o'ch yeñoch yaña ama pocteyaye o'ch atet ye'pa yaña. Ñeñ'fo'marña ama't ahuatpa' atet quellquet atet pete't allempo, ñeñ'pa' e'ñe yocpa'ñaña ñeñ'ey te'pa'cho'ña huaponayach allempoch mellapoterra. Añpa' ñeñ' atet ye'chateney yaña amach yepatsto atet pete't ñet. ¹² Ñeñ'fo'marña te'pa' o'ch notas, e'ñech seño'ta. Amach sotapsa'tatsto, napa' amach ne'po ñeñ' atet pete't ahuat. Tarro'mar ñerra'm esempo yot atetpa' ñato'rraña machayota alla atet yeperra yaña ñeñ' ama pocteyaye. ¹³ Tarro'mar allohueneypa' 'chocmach huaponaya topateñets, ñeñ'fara topateñets ñeñ' ye'chenoya allohueney ñeñ'ey arromña'tey. Tarraña Yomporpa' 'chocmach yeyomcha tarro'mar ñapa' ama muenatenye o'ch topatey atoch metanonay yehua'menc. Tarraña ñerra'm esempoch 'chaponaya topateñetspa' ñapa' 'chocmach orratonay atoch ya'huante' atoch amach metanonay yehua'menc.

¹⁴ Ñeñ'fo'marña masheñeshacha' ñaña no'chaneshacha' notenes, e'ñe pocte' o'ch sa'ypo'ña'huerr ñeñ' aye'chcatare'te'chno ñeñ' po'yomporer penet ñet. ¹⁵ Sapa' seño'tueñ ñeñ' cohuentetsa Yomporcop. Ñeñ'fo'marña o'ch notas, ¿ama't pocte' senteñe ñeñ' o' notuas? ¹⁶ Ñeñ'fo'marña allempo yorreññañ ñeñ' toma'ntenaya Cristo po'rras ñeñ' atet anaret Yomporcoppa', 'choch ñanom yema'yochañpesya atoch yeparasyoso'ch Yompor. Allempo yorreñ allohueneypa' e'ñech yeyemteño'f Cristo ñeñ' rromats yocop po'ño'chpa' o'ch yeparrocmatua allohueney ama't ñaña Cristo. Ñaña attemach yepena ñerra'm esempo yerren pan ñeñ' toma'ntenaya Cristo po'chets. Allempo yeshota'ten pan, o'ch yerreñ parro allohueneypa' e'ñech yeyemteño'f Cristo ñeñ' a'rroye' po'chets yocop po'ño'ch allempopa' e'ñe yeparrocmatuen allohueney ama't ñaña Cristo. ¹⁷ Ñaña ama'tcha' shonteypa' e'ñech patrra pan

yeshota't ñeñtcha' yerra'yes ama't allohueney. Ñeñto'marña yeñoteñ ama't shonteypa' e'ñe yeparrocmateño' Cristopa' e'ñe pa'rra enteney allohueney, ña'ña ñeñtara e'ñech po'chets peney.

18 Ñehua, o'ch yoctape'ch ña'ña ñeñt atet pe't israelena'tarnesha'. Ñetpa' o'ch muetset huaquesh amapa' carrnero Yomporecop. Allotñapa' o'ch rrenet ñeñt puecha'yetsa. Allempo rreñetpa' po'ño'ch e'ñech pueyemteño'fet Yomporpa' o'ch parrocmatet epuet Parets. 19-20 Ñehua, po'ño'chpa' ama notenso ñerra'm esempo serren po'chets ñeñt amsaret aye'chcataretocoppa' o'ch separrocmat epas, tarro'mar ama't toma'ntateñetañ Paretspa' ama Partsoyaye. Añña notenes ñerra'm esempo ñeñt ama ame'ñenayo Cristopa' o'ch es muetset aye'chcataretocop, tarraña po'ño'chpa' añecpa muetseñet oneñe'fecop, ama añecpaye' muetseñeto Yomporecop. Ñeñto'marña napa' notenes ñato' amach serratsche tarro'mar ama nemno e'ñe serreño'fpa' te't separrocmaten epas oneñe'. 21 Po'ño'chpa' amate' errotenot yeparrocma-toña epay Yepartseshar Cristo ñerra'm cha yeparrocmaten epay oneñe'. Ñeñto'marña notenes amate' errotenot e'ñe yeyemteño' Cristopa' o'ch yorr ñeñt ñocop, ña'ña ñerra'm aña yetsoten ñeñt oneñe'fecop. Ña'ña amate' erroteno yerroña parro ñeñt anaret Yepartsesharecop, ña'ña ñerra'm aña yetsoten ñeñt oneñe'fecop. 22 Ñerra'm atet ye'papa' chate' ya'llocchame'ch Yompor ña'ña e'ñe puempa'teño'feypa' chate' ya'tsrre'mach. Chate' yotta ñerra'm yapa' nanac ahuamencatey, ña'ñapa' amate' ahuamencateye' yen-te'ne.

Atto ama't e'ñe pocteh o'ch es ye'pa'yeseña'pa' tarraña amach ye'patsto

23 Ñeñto'mar te'pa' o'ch alla noterrser, e'ñe pocteh o'ch yerreneñ po'chets ñeñt amsaret aye'chcataretocop, tarro'mar Yompor po'ño'ñpa' ama otenñe amach ye'patsto atet. Tarraña ama't eñalleñ pa'namen ñeñt e'ñe pocteh o'ch ye'papa' tarraña ñerra'm ñeñt'pa' ama añecpayaye alloch huomenc ye'pa' yeyo'cher Yomporecoppa' ñehua, ñeñte'pñapa' amach atet ye'patsto. Ama't eñalleñ pa'namen ñeñt e'ñe pocteh o'ch ye'papa' tarraña ñerra'm ñeñt'pa' ama añecpayaye alloch yeyenpue' po'psheñeñ attoch huomenc ñan pueyo'cher Yomporecoppa' ñehua, ñeñte'pñapa' amach atet ye'patsto. 24 Añcha'ña o'ch yepena attoch yeyenpue' yamo'ts attoch o'ch huomenc pet pueyo'cher. Amachña aña yellcatsto ñeñt e'ñe yocpa.

25 Ña'ña o'ch notas ñeñt'cha' atet se'pa: Ñerra'm esempo seta allecma vendenet po'chetspa' amach sa'p'to'tatsche ñeñt vendets, amach sotatsche atet: "Añ po'chetspa' ¿añe't ñeñt amsaret aye'chcataretocop?" Amach sa'p'to'tatsto allochñapa' esheccha' serre' e'ñe cohuen. 26 E'ñe pocte' o'ch yerren ama't erra'tsen'te' po'chets tarro'mar allohuen es yentyen arr patsro ñeñt'pa' Yomporo pueye'chcatuar. Ña'ña ama't ora patspa' e'ñe ñocma.

27 Te'pa' o'ch notas po'poñ ñeñt'cha' atet se'pa. Ñerra'm esempo ñeñt ama ame'ñenaye Cristopa' o'ch hua'ñas o'ch serrallme'chapreteña' ña'ña ñerra'm sapa' sasechapa', e'ñe pocte' o'ch ahues ña'ña o'ch serra' ama't erra'tsencha' po'chets apaset. Po'tomña amach sotatsto atet: "Ta', ¿pocte'te' o'ch yerren añ po'chets? Ñato' ñeñt'ara añ po'chets ñeñt'e' amsaret aye'chcataretocop." 28-29 Tarraña o'ch notas po'poñone't: Ñerra'm allo'tsen puesheñarr ñeñt ama pocteye' entenaye o'ch yerren po'chets ñeñt amsaret aye'chcataretocoppa' ñerra'm ñapa' o'ch otas: "Añ po'chetspa' ñeñt amsaret aye'chcataretocop",

ñehua, allempopa' añ pocte' amach serratsche. Amach yerratsche tarro'mar añ pocte' amach yepatsto ñeñt ama pocteye' enteno po'psheñeñ, ñato' ama't yapa' e'ñe pocte' yenteñeñ o'ch yerre'.

Ñehua, ñato' sapa' o'ch sot: "Ta', ¿eso'marte' pocte' yapa' o'ch yeḡa ñeñt atet pocte' enten po'psheñeñ? ¿Eso'marte'ña ama pocteyaye o'ch yeḡa ñeñt atet pocte' yenten ya?" ³⁰ Ñaña ñato' o'ch sot atet: "Ñerra'm po'ño'ch neparasyoso'teño'pa' nerran nerrarpa' ¿eso'marte'ña otenet ama pocteyaye o'ch nerra' ñeñt o' neparasyoso'tañ'pesua?" ³¹ Ñeñto'mar te'pa' o'ch notas: Ama't erra'tsena es yeḡa'yenpa' añ pocte' o'ch yorrtena e'ñe cohuen, attoch acheñenesha' o'ch aye'cho'chtateññañet ñamet Yompor. Ama't allempo es yerra'yen, ñaña ama't allempo es yorryenpa' añ pocte' o'ch yorraten e'ñe cohuen Yomporecap. ³² Añ pocte' amach yepatsto ñeñt ama pocteye' enteno judionesha'. Ñaña añ pocte' amach yepatsto ñeñt ama pocteye' enteno ñeñt ama judioneshayaye. Ñaña amach yepatsto ñeñt ama pocteye' enteno allohuen acheñenesha' ñeñt ame'ñenaya Yompor. Tarro'mar ñerra'm atet yeḡa ñeñt ama pocteye' entenetopa' cha'te' ya'psatateranet Yompor. ³³ Ñeñto'marña napa' ama't erra'tsena neḡa'yenpa' añña nemneñ o'ch nocshach allohuen acheñ ñeñt atet pocte' entenet ñet. Tarro'mar napa' ama ne'nen ñeñt e'ñe nocpa, añña ne'nen ñeñt sherbets allohuen acheñeneshapoc. Tarro'marña napa' chocma ne'nen atet, allochñapa' attoch na'queshpaterranet.

11

¹ Ñeñto'marña napa' notenes: Atet sentenen ñeñt atet nepena napa' ñeñt'pa' e'ñe pocte' ñeñt'cha' atet seḡa saña, tarro'mar napa' añ nepena ñeñt atet pena ñaña Cristo.

Ñeñt poctetsa ñeñt'cha' atet pa' coyaneshachno allempo yapchena Parets pa'paclo

² Te'pa' o'ch masheñeshacha' ñaña nothaneschacha' notas po'poñ. Napa' e'ñe pocte' nentenes atto sapa' ama sepseno ñeñt atet ney'chatuanmas ñeñt'cha' atet seḡa, ñaña atto chocma seyerpuenna. ³ Te'ña añmapa' ñeñt nemneñ o'ch seño'ch saña, atto ya allohueney ñeñt'ey asheñorreypa' añ pomnaren yepene' Cristo. Añña coyaneshapa' añ pomnaren penahuet puerrollar. Cristoñapa' añ pomnaren pene' Pompor. ⁴ Ñeñto'marña yoten ama pocteyaye ya ñeñt'ey asheñorreypa' o'ch yeca'matamño'ta allempo yema'yocheda, amapa' allempo ya'poteññañ Yompor po'ñoñ. Tarro'mar ñerra'm esempo yeca'matamño'tenapa' chach yottena ñerra'mrrate' po'psheñña acheñ pomnaren yepene', amach añeye' pomnaren yepenaye Cristo. Atteñapa' o'ch cha yepencna'ntach Cristo ñeñt po'ño'ch pomnaren yepene'. ⁵ Yapa' añña yoten coyaneshapa' e'ñe pocte' o'ch ca'matamño'ta ñerra'm esempo ma'yocheda, amapa' ñerra'm allempo a'potenan Yompor po'ñoñ. Tarro'mar ñerra'm ama ca'matamño'topa' chach ottena ñerra'mrrate' ama puerrollareye' pomnaren penaye. Ñeñto'marña yapa' atarrcha' pencna'ntateneḡ poñ tarro'mar ama choye' ca'matamño'teno. Ñerra'm ama ca'matamño'tapa' añ poctetsa penquēpa' tarro'mar cha ottena atette'ña ñerra'm ashopena'taret. ⁶ Atteña ñerra'm coyaneshapa' ama mueno o'ch ca'matamño'tapa' ñehua, ama'tpa' shopena'tatepa'. Attochña ñerra'm o'ch cha pencana atto shopena'tenapa' ñehua, ama'tpa' ca'matamño'tepa'. Ñaña ñerra'm puetsorrño'tateño'pa' o'ch pencapa' ñehua, ama'tpa'

ca'matamño'tepa' ñaña. ⁷ Yocopña ama pocteyaye ñeñfey asheñorreypa' o'ch yeca'matamño'ta, allempo yeserrpare'ten Yompor pa'paclo tarro'mar ya Yomporpa' puetma'ntatarey ña, ñaña yapa' chocma po'cohuenña pene. Tarraña coyanesha'pa' ña po'cohuenña pene' puerrollar. ⁸ Ñehua, tarro'mar ahuat Yomporpa' asheñorrof yechcatan coyanesha'. Asheñorrpa' ama coyaneshoteye' yechcache. ⁹ Ñaña yeñoteñ asheñorrpa' ama añecpaye' yechcache coyaneshapo. Añecopña yechcatan coyanesha' attoch o'ch yempa'y ya ñeñfey asheñorreypa'. ¹⁰ Ñeñto'marña añ pocte' coyanesha'pa' o'ch ca'matamño'tena attoch ama't Yompor po'millaño'feñnanesharpa' o'ch eñochet añ po'ño'ch pomnaren pene' puerrollar. ¹¹ Tarraña e'ñe yame'ñeñof Yepartsesharpa' añ pocte' ya ñeñfey asheñorreypa' o'ch yeyenpueñ yaña coyanesha'. Coyanesha'pa'cho'ña pocte' o'ch yenueny ya ñeñfey asheñorreypa'. ¹² Ñeñto'marña yeñoteñ ahuat Yomporpa' asheñorrof yechcatan coyanesha'. Ñaña e'ñe allempoteñ ama't ya ñeñfey asheñorreypa' ahuo't eñallatateney coyanesha'. Tarraña po'ño'chpa' yeñoteñ ñeñtpa' e'ñe Yomporshotecma huana.

¹³ Ñehua, o'ch na'p'to'tas: Ñeñf atet seyçhena sa çama't pocteye' senteñña coyanesha'pa' o'ch ma'yochenana Yompor ñerra'm ama ca'matamño'teno? ¹⁴ Ñeñf atet yeyçhena yapa' ñeñtpa' añ yeñotatene' ñerra'm ya ñeñfey asheñorreypa' esempo atesha'ta yechpa' o'ch pencateney. ¹⁵ Tarraña ñerra'm coyanesha'ña atesha'tatsa pue'chpa' e'ñech cohuen entapreteñ allohuen acheñenesha'. Ñaña ñerra'm ateshet pue'chpa' ñeñtpa' alloch ca'matamño'tenet, tarro'mar ñetpa' atet yechcatanet Yompor. ¹⁶ Ñehua, ñerra'm esehas ama pocteye' entaye ñeñf atet o' notuaspa' ñehua, pocte' o'ch alla noterrser; tarro'mar ñeñf atet o' notuaspa' ñeñtpa' atetcha' sepa tarro'mar ama eñalle po'poñ ñeñf pocte' yenten. Ama't ñaña allohuen ñeñf pame'ñeñofet Yompor ñeñf ap'cha'yetsapa' ñetpa'cho'ña pocte' enteñet ñeñf atet o' notuas.

Añpa' ñeñf ama apapahuo allempoyorren ñeñf toma'ntenaya Cristo po'rras

¹⁷⁻¹⁸ Te'pa' o'ch notas po'poñ ñeñfcha' atet sepa allempocma sapçhena. Tarraña ñanomp'a o'ch notas, ama pocteye' nentenso ñeñf atet sepena te' allempocma sapçhena. Tarro'mar ñeñf atet sepenapa' ama añecpayaye attoch seyennpanna e'ñe cohuen, elloña ñeñtpa' cha epatenes. Tarro'mar napa' o' ne'mare'tas ñeñf atet sepena. Ñerra'm esempo sapçhena e'ñe same'ñeñofpa' amo'ch patrraye' soctape'cheno. Elloña sapa' atto'ch nanac es sotnare'tannena. Ñeñto'marña napa' noten ñato' po'ño'chte' atet sepena. ¹⁹ Po'ño'ch ñeñfey ame'ñetsapa' chocmach eñall ñeñfcha' ama paçharroye' ame'ñatso, ñeñto'marña ya allempopa' o'ch yeñoch ñeñf e'ñe paçharr cotape'chets, ñaña o'ch yeñoch ñeñfcha' ama paçharroye' cotape'chatso. ²⁰ Ñaña ñerra'm esempo sapçhenapa' e'ñe seyerpueñof Yepartsesharpa' ahuo'ch serrallme'chen, tarraña po'ño'chpa' ama Yepartsesharecpaye' serrallme'cheno. ²¹ Tarro'mar puesheña'tets e'ñe pa'chporrñofetpa' ahuo'chcho' rrenet ñanmacma, amo'chña parrocmaye' serrallme'cheno. Ñeñto'marña ñato' puesheña'tetspa' ahuo'ch atta nanac cheporrena, ñato' po'psheñeñña' ahuo'ch cha posa'tyes. ²² Ñeñf atet sepenapa' ama pocteyaye tarro'mar sapa' sechena'yeña sepaquell allcha' serren ñaña allcha' es sorryen. Eso'mare'tña amaña añcha'na'tpahuoye' senteññañña

Yompor pa'paquëll. Allñapa' o'ch atta sepencateñ ñaïña ñeñt ama es echetso. Te'ña po'ñoçh napa' o'ch notas, amaca'ye nocshapretensoña sa ñeñt atet sepena.

Atet pa Jesús allempo ñanom toma'ntatana po'rras orrapo'
(Mt. 26.26-29; Mr. 14.22-25; Lc. 22.14-20)

²³ Añmapa' ñeñña atet yeçhatnerrey Yepartseshar ñeñtcha' attoch yeyerpueña. Ñeñfara ñoñets sapa' o' neñotatuas ahuañacma. Ñeñtpa' atet oten: Ñeñte tsaprocmá allempo Judaspa' pomuerran Yepartseshar Jesús, ñañapa' chetan pan. Chetan panpa' ²⁴ parasyoso'tamþes allotñapa' shota'chpa' atet otanet: "Añmapa' ñeñt toma'ntenaya nechets ñeñtcha' atserrparettertsa socop. Añmapa' ñeñtcha' atet sepa. Ñerra'm esempo sreren pan atetpa' e'ñech seyerpueñoñen napa' o'ch serre'." ²⁵ Allempoña o' rrohueta'pa' atetma þa o' chetan ñaïña orramets allocma orrete'tpa' atet otanet: "Añ ñeñtcha' sorppa' ñeñt toma'ntenaya nerras ñeñtcha' etserra anaret allochñapa' attoch aþretna'huaretterra so'chñar. Añmapa' ñeñtcha' atet sepa: Ñerra'm esempoch sorren ñeñt toma'ntenaya nerraspa' e'ñech seyerpueñoñen napa' sorreñcha'." Añpa' allohua ñeñt atet otnerrey Yepartseshar. ²⁶ Ñeñfo'marña te'pa' ñerra'm esempo yerren añ pan, ñaïña yorren añ orrapo'pa' çhocmach yeñotach acheñenesha' atto rroma Yepartseshar yocop. Ñeñtpa' e'ñech tayoteñ atet yepa tarrempohuach esempohuañencha' huerra.

Añpa' ñeñtcha' atet yepa allempo yorren ñeñt toma'ntenaya Cristo po'rras

²⁷ Tarraña ñerra'm yapa' ama yeyerpueñofoeye' e'ñe ña yerreno pan, ñaïña o'ch yorr ñeñt toma'ntatana Yepartseshar po'rraspa' yapa' çhate' yeyora yo'chñar e'ñe ya'llocchame'teñoñ Yepartseshar po'çhets ñaïña po'rras. ²⁸ Ñeñfo'marña te'pa' o'ch notas, amach sorreña'pa' o'ch soctape'ch ñanom, o'ch señota sañeña ñeñt atet o' seþohua. ²⁹ Tarraña ñerra'm atta ama es yepçheno rre', ama yoctape'cho ñanom ñeñt toma'ntatana Yepartseshar po'çhetspa' ñerra'm atta yerre' ñaïña atta yorppa' e'ñe yerreñoñ ñaïña yorreñoñpa' atsa'tatareteycha'. ³⁰ Ñeñfo'marña seshopa' shonte' acheñenesha' ñeñt ama a'ñshe'mtetso, ñaïña po'potantañpa' çha atсна'tyeset, po'potantañpa' o' rromayeset. ³¹ Tarraña ñerra'm çho ñanom yoctape'ch e'ñe cohuen, o'ch yeñota yañeña ñanompá' allempoña po'ñoçhpa' amach atsa'tatareteye. ³² Tarraña ñeñtcha' atet tsa'tatya te' Yomporpa' ñeñtpa' añecop attoch cotape'çhaterrey e'ñe cohuen attoch esempohuañenpa' amach a'coñchatarefeye epay ñeñt ama ame'ñetso arr patsro.

³³ Ñeñfo'marña masheñeshacha' ñaïña noçhaneshacha' te'pa' o'ch noterrser: Ñerra'm esempo sapçha allohuenes o'ch serra' ñeñt anaret Yepartsesharecoppa' añ poçte' çhoc ñanom secuanna'ta attoch o'ch serreñ e'ñe parrocmá. ³⁴ Tarraña ñerra'm eseshas cheporratsapa' e'ñe poçte' o'ch serrerra' sepaçllo. Tarro'mar ama poçteyaye e'ñe sapçheñoþpa' o'ch secoñchatanna'ta. Ñaïña po'poñeçhno ñeñt palltetsapa' allach neserrpare'tatoses ñerra'm esempoch neçhap sesho.

12

Atto Parets Puecamquëñpa' apa'yeney po'poñe'tsocma attoch yetorra'yesa Yomporocop

1 Te'pa' masheñneshacha' ñaña nochaneshacha' o'ch yeserrpare't ñaña atto Parets Puecamquëñpa' ñach ahuamencat yepa'yese' attoch yetorra'yesa po'poñe'ttsoema Yomporecop. Tarro'mar napa' nemneñ o'ch señoçh ñeññ e'ñe atet pennay Parets Puecamquëñ.

2 Ama't sapa' señoñeñ ahuafimo'cha allempo ama same'ñerra'pa' atfa sema'yochatse'tyese't ayechcatareteçhno. Ñaña ayechcatareteçhnopa' ama't ama eñorenopa' atfa nanac ame'ñatasete't, ama't all seta'yese't.

3 Tarraña ñerra'm machaya esesha' eñoratsa, napa' nemneñ çhochña e'ñe señoçh ñato' po'ñoçhte' añ eñoratene' Parets Puecamquëñ, ñato' amate'. Ñeñfo'marña o'ch neñotatas atet attoch sapa' señoçh: Ñerra'm esesha' achmāre'tene' Jesús'pa' ñeññña sapa' o'ch señoçh ama añeye' eñoratenaye Yompor Puecamquëñ. Tarraña ñerra'm esesha'ña otets: "Jesús'pa' ñeññ po'ñoçh Yepartseshar yepen", ñeññña po'ñoçhpa' o'ch señoçh añ eñoratene' Parets Puecamquëñ.

4 Ñaña Yomporpa' ama't e'ñe patrra Puecamquëñpa' tarraña ñapa' o'ch ahuamencat pa'yese'y attoch yetorra'yesa e'ñe po'poñe'ttsoema Yomporecop.

5 Ama'tcha' po'poñe'ttsoema yetorra'yesañpa' tarraña ñeññara paterr Yepartseshar yesherba'huen allohueney.

6 Ñaña ñañe' eñalleñ po'poñe'ttsoema atto ahuamencat pohueny allohueny tarraña e'ñe patrra Yompor ñeññ ahuamencat yepene' allohueny.

7 Ñaña allohueny Parets Puecamquëñpa' ahuo't apa'yese'y attoch yorrtatyeseñ Yompor po'huamenc. Ñeññpa' añecop aparetey attoch yeyenpanna'ta alloch huomenc yepa'yese'yeyoçher Yomporecop.

8 Atet ñerra'm ñato' puesheñarr Parets Puecamquëño'pa' o'ch a'p attoch e'ñe eñotan ñeññ cohuentetsa Yomporecop, attoch ñapa' o'ch cotape'chatan pamo'tsesha'. Ñato' po'psheñeñ añ Parets Puecamquëñpa' o'ch nanac çhapatoñ pueyoçhro ñeññ cohuentetsa Yomporecop, attoch ñapa'çho'ña o'ch yenpan pamo'tsesha'.

Tarraña ñeññara Parets Puecamquëñ ñeññña eñotatenahuet.

9 Ñato' po'psheñeñpa' nanaccha' yemtenana Yompor. Ñeññara Parets Puecamquëñpa' o'ch a'p attoch yemcha nanac. Ñato' po'psheñeñpa' o'ch a'p po'huamenc attoch a'crratyesan atsnañe'feçhno. Tarraña ñeññara Parets Puecamquëñ ñeññña apuene' attoch a'crratyes.

10 Ñato' po'psheñeñpa' o'ch a'p attoch orrtatyesan Yompor po'partsoña. Ñato' po'psheñeñpa' nanaccha' cohuen a'potan Yompor po'ñoñ. Ñato' po'psheñeñpa' o'ch eñotyesan pa'namen cotapñiats, attoch ñapa' o'ch eñoçh erro'tte' huena ñeññ cotapñiats, ñato' Parets Puecamquëño' amapa' oneñe'ate' pocta'pña.

Ñato' po'psheñeñpa' Parets Puecamquëñña' eñotatene' eñosysets po'poñ ñoñtso. Amapa' ñato' po'psheñeñpa' o'ch a'mitan ñoñets atet eñenet po'poñ ñoñtso.

11 Tarraña allohueneypa' e'ñe patrra Parets Puecamquëñ ñeññcha' yeñotatene' ñeññara ñeññcha' yapa'yese' puesheña'ttsoy erra'tsencha' muena' ña attoch yetorra'yesa pa'namen ñocop.

Ama't e'ñe po'poñe'ttsoema yetorra'yena Yomporecoppa' tarraña ñapa' e'ñe attecma cohuen enteney

12 Ñato' o'ch netma'ntacha ñeññ atet yechquëna yechets. Ñehua, allemeñ yechetspa' ama'tcha' ellopa'tetstenañpa' tarraña allohuenpa' e'ñe patrra yechtsof. Attecma yepena yanña allohueny ñeññfey ame'ña'yenaya Cristo. Ama't shonteyeñ po'poñe'ttsoemaypa' tarraña e'ñe yame'ñeño' Cristopa' o'ch yeparrocmatuhua allohueny.

13 Tarro'mar allempo o' yapataretetuapa'

Parets Puecamquëñpa' o'ch parrocmataturrey allohueney. Ama't ñaãa po'poñe'ttsocmay acheñey atet ñerra'm patanta'ttsoypa' judioneshay, ñato' po'potantañpa' amach judioneshayaye. Tarraña allohueney e'ñe puechorreñoŕey Parets Puecamquëñpa' e'ñe allempoteñpa' o'ch yeparrocmatua allohueney. Ama't ñaãa acheñ ñeñt ataruasataret e'ñe atta ñeñt ama esoye' enteñeto ñaãa acheñ ñeñt e'ñe cohueno'tsen. Tarraña e'ñe puechorreñoŕey Parets Puecamquëñ ñeñt e'ñe patrrapa' e'ñe allempoteñpa' o'ch yeparrocmatua allohueney.

14 O'ch alla netma'ntatererr ñeñt atet yechquëna yechets. Ñehua, atet ñerra'm allemeñ yechetspa' ama patrraye' yechquëtso, shonte'ca'ye yechquëtso. Tarraña ama't shonte' yechquënañ yechetspa' e'ñe patrra yechets ottetsa. Attecma yepena yaña allohueney ñeñŕey ame'ña'yenaya Cristo. Ama't shonteyeñ po'poñe'ttsocmaypa' tarraña e'ñe yame'ñeñof Cristopa' o'ch yeparrocmatuhua. 15 Ñehua, o'ch netma'ntatererr po'poñ: Ñato' atet ñerra'm yetacpa' o'ch ot: "Napa' ama es nesherbno atet sherben otats, ñeñto'marña ama pocteye' nenteñe o'ch neparrocmat epan ye'nar." Tarraña ama't atet oteneñ yetacpa' ñeñŕpa' ama atteyaye, çhocma parrocmaten. 16 Amapa' ñato' atet ñerra'm yetpa' o'ch ot: "Napa' ama es nesherbno atet sherben quëllo'yets ñeñto'marña napa' ama pocteye' nenteñe o'ch neparrocmat epan ye'nar." Tarraña ama't atet oteneñ yetpa' ñeñŕpa' ama atteyaye, çhocma parrocmaten ñaãa. 17 Ñerra'm yechetspa' e'ñe yecloyochayapa' amate' erroteno ye'mueno. Ñaãa ñerra'm yechetspa' e'ñe yetochayapa' amate' erroteno es yemosyeno. 18 Tarraña po'ñoçhpa' ama atteye' yechcatye Yompor. Napa' ahuo't ne' attoch yechca'yesa allemeñ yechets ñeñt atet pocte'ent ña. Neñto'marña yeñoteñ ama't errotençho yetorra'yesa Yomporecop puesheña'ttsoypa' ñeñŕpa' çhocma sherba'yen. 19 Po'ñoçhpa' ñerra'm yechetspa' aña yechcatsa paŕterr atet ñerra'm e'ñe yecloyochayapa' amate' errotenoŕ orrtoña e'ñe cohuen ora yechets. 20 Tarraña po'ñoçhpa' ama atteye' ayechcatareŕey. Añña çhocma eñalleyesa allemeñ yechets. Tarraña ama't ellopa'tetstenañpa' e'ñe patrra yechets ottetsa. Ñeñŕpa' attecma yepena yaña allohueney ñeñŕey ame'ña'yenaya Cristo. Ama't po'poñe'ttsocmayorra'yesa Yomporecoppa' tarraña e'ñe yame'ñeñof Cristopa' o'ch yeparrocmatuhua allohueney.

21 Ñato' o'ch netma'ntatererr po'poñ: Atet ñerra'm yecle'pa' ama pocteyaye o'ch otan yot: "Napa' ama nepallteno ñeñt atet pesherven pa." Ñaãa yoñpa' ama pocteyaye o'ch otan yetac: "Napa' ama nepallteno ñeñt atet pesherven pa." 22 Neñto'marña ama pocteyaye o'ch yocŕape'chyes atet, tarro'mar ora allohuen yechetspa' e'ñe sherba'huen. Ñato' yapa' çhach yotenapañ ñato' erra'tsen yechetspa' amate' es sherbeno. Tarraña ñato' ñeñŕara yechetspa' ello metana'tuenan atto sherben po'poñeçhno yechets. Attecma yepena yaña allohueney ñeñŕey ame'ña'yenaya Cristo. Ñato' yapa' çhach yotenapañ ñato' erra'tsen acheñpa' amate' es sherbeno. Tarraña ñato' ñeñŕña acheñpa' ello metana'tuenan atto sherben po'poñeçhno acheñ. 23 Ñaãa ñerra'm erra'tsen yechets ama tama cohuenaye' yentenopa' ñato' o'ch yechorrataña e'ñe cohuen attoch ellopa' o'ch yorrra nanac cohuen. Ñaãa ñato' erra'tsen yechets ñeñt yepencatene'pa' ñato' o'ch ya'nach e'ñe cohuen. 24 Tarraña ñeñt e'ñe cohuen yechetspa' amach yemno o'ch ya'nach, añña

thochña yorrtateñ. Atet yeħcatonay Yompor yechets attoch ama't ñeñt ama tama cohuenaye' yentenopa' o'ch yañño'teñ e'ñe cohuen attoch ellopa' o'ch orrta nanac cohuen. ²⁵ Allempoña allemeñ yechetspa' o'ch parrocmatet e'ñe cohuen, ñaña allempopa' o'ch e'ñe cohuen yenpannenet. ²⁶ Ñeñfo'marña ñerra'm esempo paterr yechetspa' atserrtena allohuen yechetspa'cho' o'ch atsotapretannenet. Ñaña ñerra'm paterr yechetspa' o'ch orrta e'ñe cohuen allohuen yechetspa'cho' o'ch coshapretannenet. Attecma yepena yaña ñeñfey ame'ña'yenaya Cristo. E'ñe yeparrocmatanna'teñoť ñerra'm puesheñarr yamo'ts ĉha llequëna ñeñt parro yame'ñenapa' allohueney ñeñfey ame'ñetsapa' o'ch yelcapretannena. Amapa' ñerra'm puesheñarrofeypa' nanac yocshenapa' allohueneypa'cho'ña o'ch yocshapretannena.

²⁷ Ñehua, añ yechets ñeñt o' notuapa' añ toma'ntena ya allohueney ñeñfey o' yame'ñera, Cristopa' o' enterrey atet ñerra'm e'ñe ña po'ĉtsoy, tarro'mar o' yeparrocmat epay Cristo. Ñaña ama't shonteyeñ e'ñe po'poñe'ttsocmaypa' tarraña e'ñe yeparrocmateñoťpa' o' atet yeperra atet ñerra'm Cristo po'ĉtsoy.

²⁸ Ñaña allohueney e'ñe yame'ñeñoť Yomporpa' e'ñe po'poñe'ttsocma yetorra'yena Yomporecop. Tarro'mar Yomporpa' atto na'yesonay pa'namen attoch yetorra'yesa ñocop. Ñanompa' ahuo't nan puesheña'tets allsensaretnesha'. Allotpa' ahuo't nan po'poñe'ĉhno ñeñtĉha' a'pote' po'ñoñ. Allotpa' ahuo't nan ñaña po'potantañ ñeñtĉha' yeĉhatenahuet Yompor po'ñoñ. Allotpa' ahuo't nan po'potantañ ñeñtĉha' orrtate' po'partsoña. Allotpa' ahuo't nan po'potantañ ñeñtĉha' torratsa attoch a'crratyaset ñeñt atsna'tyets. Po'potantañña' ahuo't ne' ñeñtĉha' torratsa yenpue' allohuen aĉeñenesha'. Po'potantañña' ahuo't ne' ñeñtĉha' yeĉhenahuet allohuenet. Po'potantañña' ahuo't ne' ñeñtĉha' eñosysets pa'namen ñoñtso.

²⁹ Po'ñoĉhpa' ama allohuenacmaye' allsensareteye. Ñaña ama allohuenacmaye' ya'poteno Yompor po'ñoñ. Ñaña ama allohuenacmaye' yeyĉhateno. Ñaña ama allohuenacmaye' yorrtateññañe Yompor po'partsoña. ³⁰ Ñaña ama allohuenacmaye' ya'crratyene atснаñe'ĉhno. Ñaña ama allohuenacmaye' yeñosyeno po'poñ ñoñtso. Ñaña ama allohuenacmaye' ya'nteno ñoñets ñeñt eñets po'poñ ñoñtso. ³¹ Tarraña ama't ama allohuenacma atteyepa' e'ñe poĉte' o'ch yeye'ĉena ñeñtĉha' yetorra'yena e'ñe cohuen puesheña'ttsoy Yomporecop. Tarraña ellopa' o'ch neñotatas po'poñ ñeñt nanac sherbets Yomporecop.

13

Eñall paterr ñeñt nanac sherbets, ñeñtpa' añ: atto amorrentanna'tpahuepa'ĉh allohueney

¹ Ama't yeñosysets e'ñe cohuen pa'namen aĉeñ po'ñoñetoña' ñerra'm ama yemorreñĉo yamo'tspa' e'ñe yeñosyeñoťpa' añña Yomporpa' attach enteney atet ñerra'mrrate' con ñeñt atta ama'toĉtĉetsa. Tarro'mar ama yemorrenteñoťeye' yeñosyeno pa'namen ñoñets. Ñato' ama't yapa' yeñosatsyets e'ñe cohuen atet ñerra'm Yompor po'mllañoťeñnanesharña' ñerra'mña ama yamo'ts yemorrentenopa' e'ñe yeñosyeñoť Yomporpa' attach enteney atet ñerra'mrrate' patashtalla challachallatspenet. Tarro'mar ama yemorrenteñoťeye' yeñeno. ² Ñaña ama't yapa' yeñotatsset a'nte' Yompor po'ñoñ, tarraña ñerra'm ama yemorreñĉo yamo'ts, atetpa' amach esoye' entenye.

Ñaña ama't yeñotatset o'ch ya'pota ñeñt ñapfa eñoten Yompor tarraña ñerra'm ama yemorreñcho yamo'tspa' ñeñtpa'cho'ña amach esoye' entenye Yompor. Ñaña ama't yeñotatset ora allpon ñeñt eñall, tarraña ñerra'm ama yemorreñcho yamo'ts, ñeñtpa'cho'ña amach esoye' entenye Yompor. Ñaña ñato' nanac yeyemteñoŷ Yomporpa' aphueney allohuen ñeñt yenamueñ, ama't ñeñt echarr yentyen. Ñato' o'ch netma'ntacha atet: Ñato' o'ch yoch Yompor, añ aspenetpa' chenquëpa'. Ñato' e'ñe yeyemteñoŷ Yomporpa' o'chcho' chenca. Tarraña ama't yeyemteñoŷ Yomporpa' o' yepohua atet, tarraña ñerra'm ama yemorreñcho yamo'tspa' attecma entenye Yompor, ama esoyayye. ³ Ñaña ama't es yapa'yestatsech huocchañnesha' ora allohuen ñeñt yechyenña', ñerra'm ama yemorrenteñoŷe' es yapa'yenanetopa' ama't atet yepatstapa' Yomporpa' amach cohuenaye' entenye. Ñaña ama't e'ñe yame'ñeñoŷ pocte' yentatsech pue'moñe'teñoŷetay o'ch chamayet ora betnatoteypa' tarraña ñerra'm ama yemorrenteñoŷ yamo'ts, ama't atet yepatstapa' Yomporpa' atterach amach cohuenaye' entenye.

⁴ Tarraña ñerra'm esempo po'ñoçh cho yemorrenteña yamo'tspa' e'ñech acoŷa es yepa'yenanet, attach ya'huantenanet ñaña chochña ya'muerañtena. Ñaña amach cha es yeye'chapreyenaneto, ñaña amach cha yommo'chana'tatstaneto. ⁵ Ñaña amach yañeña entatstatso e'ñe cohueney. Ñaña ñerra'm esempo po'ñoçh cho yemorrenteña yamo'tspa' e'ñechña pocte' es yepa'yenanet, ñaña amach aña ye'natsto ñeñt e'ñe atet yemnen ya. Añcha'ña ye'nen ñeñt atet muenen po'psheñeñ. Ñaña ñerra'm esempo po'ñoçh cho yemorrenteña yamo'tspa' amach cha ye'moñe'tyenaneto, ñaña amach cha atsrre'moçhen yentuananeto. ⁶ Ñaña ñerra'm esempo es pohua po'psheñeñ ñeñt ama pocteye' enteno Yomporpa' ñerra'm po'ñoçh amuerañaypa' yapa' amach cha yocshatsto. Añcha'ña yocshapretena ñerra'm esempo e'ñe cohuenare' es penet. ⁷ Ñerra'm po'ñoçh cho yemorrenteña yamo'tspa' ama't cho erroŷ ÷onaypa' yapa' choçmach ya'huantoñ. Ñaña ñerra'm po'ñoçh cho yemorrenteña yamo'tspa' choçmach yeyemcha ñeñt atet pena amapa' ñeñt atet oten. Ñaña ñerra'm po'ñoçh cho yemorrenteña yamo'tspa' e'ñe yeyemteñoŷanet choçmach yeyenpuenanet attoch huomenc pet pueyoçher ñamet Yomporcop. Ñaña ñerra'm po'ñoçh cho yemorrenteña yamo'tspa' choçmach ya'huanta' huanom pa'namen topateñoŷoçhno.

⁸ Atto yemorrentannenapa' ñeñtpa' amach ahuañañaïto ama't errponaña. Ñaña te'pa' ama't ya'poteññañeñ Yompor po'ñoñ tarraña esempohuañenpa' huañcha' atto ya'poteñ te'. Ñaña ama't atto te'pa' yeñosyen po'poñ ñoñtsopa' ñeñtpa'cho'ña esempohuañenpa' huañcha'. Ñaña ama't atto yeñotañtena te'pa' ñeñtpa'cho'ña esempohuañenpa' huañerrcha'. ⁹ Tarro'mar ama't allpon es yeñotyen te'pa' ama e'ñe yeñotueñe poctacma. Ñaña ama't te'pa' ya'poteññañ Yompor po'ñoñ ñeñtpa'cho'ña ama e'ñe yeñotueñe poctacma. ¹⁰ Tarraña ñerra'm esempoch huerra Cristo ñeñt e'ñe eñotañtetsa poctacmapa' allempona yapa' o'ch e'ñe es yeñotuahua yaña.

¹¹ Ñehua, ñato' o'ch netma'ntacha atet: Napa' allempo cheshenna'pa' atta neñosatse'tyese't atet eñen cheshatollesha'. Ñaña allempopa' atta noctape'chatse'tyese't atet cotape'chyen cheshaneshha'. Ñaña añach cohuen nentapreyese't atet cohuen entyen cheshatollesha'. Tarraña te'pa' o' nepo'npa' o'huañ noctape'chatse'tyes atet pena cheshatollesha'.

¹² Ñaŋa yapa' ama yeñotueno e'ñe ora atet pena Parets. Ñehua, ñato' o'ch netma'ntatererr atet: Yapa' ÷ha yottena atet ñerra'mrrate' rerpatota yecueñ Yompor, amach tama yechme'teñe. Tarraña esempohuañenpa' yentercha' e'ñe allame'tets. Ñaŋa te'pa' atto es yeñotyen mamesha'tets, tarraña esempohuañenpa' yeñotuerrcha' ñeñt e'ñe atet pena Parets, e'ñech yeñotañetuerra atet pena te' Yomporpa' e'ñe eñotueney ñeñt atet yepena. ¹³ Ñeñto'mar te'pa' yeñoteñ eñall ma'pa ñeñtcha' ama ahuañañañatso ñeñt'pa' añ: atto yeyemteña Yompor, ñaŋa atto yeyemteñoñ yecuale'teñ ñeñt o'patatenya, ñaŋa atto yemorrentannena. Tarraña añ ma'po'marpa' añña nanac sherbets Yomporecop atto yemorrenteña allohuen acheñenesha'.

14

Ama't yeñosatsetyes po'poñ ñoñtsopa' ñeñt'pa' ama tama sherbeno

¹ Ñeñto'marña te'pa' añ poctetsa o'ch yema'yoçhrena attoch yemorrentanna'ta e'ñe poctacma. Ñaŋa añ pocte' o'ch yeye'chaprecha Yompor attoch o'ch apa'yeseŷ e'ñe Puecamquẽñoñ attoch yetorra'yesa ñocop. Añña e'ñe pocte' o'ch yeye'chaprecha nanac attoch apuey o'ch ya'potoñ po'ñoñ e'ñe eñotochen. ² Tarro'mar ñeñt eñets po'poñ ñoñtsopa' añeŷpa sherben attoch eñora epuet Yompor, tarro'mar añña acheñenesha' ñeñt e'mñnotenahuetañpa' amach esesha' eñotenaye ñeñt atet oten. Ama't añ ye'ñoratatste' Parets Puecamquẽñ ñeñt ama eñotpahuo ñoñetsña' ñerra'm acheñenesha'pa' ama eñoteñeto atet yotyenanet, ñeñt'pa' e'ñe Yompora ñapueñ e'muene'. ³ Tarraña ñerra'm esempo ya'potoñ Yompor po'ñoñ e'ñe eñotochenpa' ñeñt'pa' po'ñoçh ÷hoch es yeñotatenanet attoch huomenc penet pueyoçher Yomporecop. Ñaŋa ÷hoch yeñotatanet ñeñt atet oteney Yompor po'ñoñ ñeñtcha' atet yepa e'ñe cohuen. Ñaŋa ÷hoch yeñotatanet Yompor po'ñoñ attoch ñetpa' coshenet Yomporecop. ⁴ Tarraña ñeñt eñets po'poñ ñoñtsopa' ñeñt'pa' amach atteŷe'peno. Añeŷpach eñen e'ñe ñocpa attoch huomenc ÷an pueyoçher e'ñe ñañaña. Tarraña ñerra'm esempoña ya'poteññañ Yompor po'ñoñ e'ñe eñotochenpa' ñeñt'pa' ÷hoch po'ñoçh es yeñotateñ allohuen ñeñt ame'ñetsa attoch huomenc penet pueyoçher Yomporecop.

⁵ Ñehua, po'ñoçhpa' pocte' nenteñ o'ch seños po'poñ ñoñtso allohuenes, tarraña ñeñt nanac nemnen o'ch señospa' ñeñt'pa' añ: o'ch sa'potoñ Yompor po'ñoñ e'ñe eñotochen ñeñt allo yeñen. Tarro'mar ñerra'm esempo ya'potoñ Yompor po'ñoñ e'ñe eñotochenpa' nanaccha' yesherven Yomporecop. Tarraña ñerra'm esempoña yeñen po'poñ ñoñtsopa' amach tama yeshervenbeno. Ñehua, pocte' enteñ Yompor ñerra'm po'ñoçh eñall puešeñarr ñeñt a'mtene' ñoñets e'ñe ya yeñoño, attoch allohueney ñeñteŷ ame'ñetsapa' o'ch çhaponaya Yompor po'ñoñ yeyoçhro attoch huomenc yepa' yeyoçher. ⁶ O'ch notas masheñeshacha' ñaŋa noçhaneshacha' ama't napa' ñerra'm machayota neçhap seshopa' ñerra'm nañapa' añ neserrpare'tatoses po'poñ ñoñtso ñeñt ama yeñenopa' errotenuate' ñaca'yeña señoçh tarro'mar amaca'ŷe se'muenoña ñeñt ñoñtsor ñeñt atet notenes attoch e'ñe cohuen neyenpas. Tarraña añña pocte' socop napa' çhocmach na'potonas e'ñe eñotochen ama't coñeña'ttsa ñeñt atet eñotatenen Yompor. Ñaŋa napa' elloña ÷hochña es neñotatyesas po'poñ ñeñt ama señoñeno sa. Ñaŋa napa' ÷hochña na'potonas mamesha'tets Yompor po'ñoñ, ñaŋa ÷hochña es neŷchatas ñeñt cohuentetsa.

7 Ñato' o'ch netma'ntacha ñeñt atet pena pencoll, ama't pencollpa' ama acheñeyaye. Atet ñerra'm napa' esempo nepenclla'tenña' ñerra'm ama cohuenaye' na'poche'teno nepencollpa' amach esesha' eñotaye errotente' nepchateñ. Amapa' atet ñerra'm napa' esempo netoca' yetarra,* ñerra' ama atfeye' netoco atet toquëñtpa' amach esesha' eñotaye errotente' nepchateñ. 8 Ñehua, ñato' o'ch netma'ntatererr po'poñ. Atet ñerra'm esempo o'ch ahuanmuet quëllaratsapa' çhoc ñanom puešheñarr solltarpa' o'ch corrneta't quëllareñsoreçho, atfoch solltarnesha'pa' o'ch eñoch o' çhap allempoch ahuanmuet quëllaratset. Tarraña ñerra'm solltarpa' ama cohuen a'poche'tano po'corrnetpa' añña solltarnesha'pa' amach eñocheto ñato' añecopte' a'toreñet atfoch ahuanmuet quëllaratset. 9 Attecma pena ñaña yocop ñerra'm esempo yeserrpare'ten po'poñ ñoñtso ñeñt ama allo eñeno acheñenesha', ñetpa' amach errotente çhapaneto pueyoçhreto ñeñt atet yotenanet. Atetpa' çhach yottena atette'ña ama eñalle acheñenesha' ñeñt ye'mñotene'. 10 Po'ñoçhpa' eñalleñcha' shonte' po'poñe'ttsocma ñoñets ñeñt atet yeñosyen añ patsro. Ñaña po'poñe'ttsocmay acheñey ñeñtey eñotylene' ñeñt e'ñe yeñoñ allo yeñosyen. 11 Tarraña ñerra'm po'pšheñña' o'ch serrpare'tatey e'ñe ña po'ñoño ñeñt ama allo yeñeno yapa', ñeñtpa' amach yeñoche errotente' oteneý ña po'ñoño. Yapa' attach ye'mueñ ñerra'mrrate' atta otatsen. Ñaña attecmay yaña ñerra'm yapa' o'ch yeserrpare'tach ñeñt ama eñetso yeñoñopa' amach eñoche errotente' yoteñ yeñoño. Ñapa'çho'ña attach e'mueneý ñerra'mrrate' atta yotatsen. 12 Napa' tarro'mar atet notenes tarro'mar sapa' çhocma seye'chyena atto Parets Puecamquëñpa' o'ch p̄atyesas ñeñt atet semna'yen sa. Tarraña napa' añcha'ña o'ch notas, añña pocte' o'ch seye'çhena atfoch seño't e'ñe cohuen alloch huomenc sepoñ pueyoçher allohuen ñeñt ame'ñetsa.

13 Ñeño'mar te'pa' o'ch notas: Ñerra'm esesha' eñosets po'poñ ñoñtsopa' añ pocte' ma'yochanepa' Yompor atfoch eñotach o'ch a'ñtan ñoñets e'ñe eñotoçhen añ ñeñfara ñoñtso. 14 Tarro'mar ñerra'm esempo yema'yochena po'poñ ñoñtsopa' ama't e'ñe Parets Puecamquëñ yema'yochatate'pa' tarraña allempo po'ñoçhpa' amach añeye' yocpate'çheno atfoch yeyenpue' yama'ts. 15 Ñehua, ñeñfo'marña te'pa' o'ch notas ñeñtcha' atet yepa'yesa e'ñe cohuen. Po'ñoçhpa' e'ñe pocte' o'ch ma'yochatey Parets Puecamquëñ po'poñ ñoñtso, tarraña añ e'ñe pocte' ñaña o'ch yema'yochena e'ñe eñotoçhen. Ñaña attecma e'ñe pocte' Parets Puecamquëño'pa' o'ch yemorrecha Yomporcop po'poñ ñoñtso, tarraña añ pocte' ñaña o'ch yemorrecha allo e'ñe yeñen. 16 Tarro'mar ñerra'm po'poñ ñoñtsa ya'ye'choçhtateññañ Yompor atet eñoratey Puecamquëñ, tarraña ñerra'm allo'tsa'yen po'poñeçhno acheñenesha' ñeñt e'ñe erрте' e'mñotetspa' amach errotente' pocte' entapreyeto atto ya'ye'choçhtateññañ Yompor, tarro'mar ama e'muennayeto yeñoñ. 17 Ñaña ama't e'ñe cohuen yeparasyoso'teñeñ Yomporpa' tarraña ñerra'm po'poñ ñoñtsa yema'yochena, ñeñtpa' ama añecpayaye alloch huomenc yepoñ po'pšheñ pueyoçher, tarro'mar ama eñoteñeto errotente' yoten. 18 Napa' atarr neparasyoso'teñ Yompor, tarro'mar ama't napa'çho' neñoteñ eñosets po'poñ ñoñtso. Ñato' ñeñtpa' ello metanennas allohuenes atto señosyen po'poñ ñoñtso. 19 Tarraña allempo yapçhena allohueney ñeñtey ame'ñetsapa' napa' añña pocte' nenten o'ch neserrpare't ama't e'ñe coñe'ta ñoñets ñeñt eñotoçhen atfoch e'ñe yeñotue.

* 14:7 Po'ñoçh añpa' oten arpa.

Añña ama tama cohuenaye' nenteno ama'tcha' neserrpare'ten shonte' ñoñets, tarraña ñerra'm po'poñ ñoñtsa neñenpa' ñeñtpa' amach choye' neyenpueñe namo'ts.

20 Ñeñto'mañña masheñneshacha' ñaña nochaneshacha' amach soctape'chatsto atet cotape'chen cheshaneshacha' ñeñt ama eñotenaye ñeñt atet cohuentetsa. Ñehua, po'ñoñ ñerra'm esempo yoctape'chyen sosya'tsañ allempoña pocte' o'ch yoctape'chen ñeñt atet cotape'chen cheshatoll, tarro'mar cheshatollpa' ama tama cotape'cheneta' sosya'tsañ. Tarraña allempo yoctape'chen ñeñt cohuentetsa Yomporecoppa' allempoña po'ñoñpa' o'ch yoctape'chen atet cotape'chen po'naneshacha' ñeñt atarr es eñotets. 21 Añpa' ñeñt Yompor po'ñoñ ñeñt atet anaret ahuatoteñ allempo Yomporpa' atet otane't israelena'tarnesha'. Ñeñtpa' atet otanete't: "O'ch noñmatas po'poñ acheñ ñeñtcha' seserrpare'tatene' e'ñe ñet po'ñoñeto tarraña ama'tcha' atet neponaspa' amach esesha' name'ñerraye tarro'mar amach eseshaye' eñotaye ñeñt atet aserrpare'tatarettenet." Ñeñtpa' Yompor atet otahuate't ahuat. 22 Ñeñto'mañña te'pa' atet notenes ama't yeserrpare'tatset po'poñ ñoñtsopa' ñeñtpa' ama añecpayaye attoch yame'ñacha ñeñt ama ame'ñetso tarro'mar añ ñoñets ñeñt ahuatoteñ anaret ñeñtña yeñotatene'ña ama'tcha' yeserrpare'tatatset po'poñ ñoñtso amach esesha' yame'ñerrayo. Ñeñtcha'ña yeñotate'ña erra'tsente' po'ñoñ ñeñt ama ame'ñetso. Tarraña ñerra'm esempo ya'poteññañ Yompor po'ñoñ e'ñe ya yeñoño ñeñt atarr eñotochen, añña ñeñt ame'ñetsa ñetñapa' e'ñech cohuen e'mñoteñet allochña huomenc yepenatet pueyoçhret Yomporecop. Ñeñtcha'ña yeñotate'ña ñetpa' po'ñoñ ame'ñenet tarro'mar ñeñt po'ñoñ ama ame'ñetso, ñetpa' amach mueneñeto o'ch e'mñotet ama't ñeñt atarr eñotochen ñoñets. 23 Ñaña o'ch notas, ñerra'm esempo sap'chena allohuenes ñeñtes ame'ñetsa, ñerra'm allohuenespa' atta señosyen po'poñe'ttsocma ñoñtsopa' ñerra'mña machaya huapa ñaña ñeñt ama ame'ñetso amapa' ñeñt errete' e'mñotetspa' ñetpa' ama'tte'ña cha otaseto cho'te' semospuena. 24 Tarraña ñerra'm esempoña sa'poten allohuenes Yompor po'ñoñ e'ñe eñotochen ñerra'm allempoña huapa ñeñt ama ame'ñetso amapa' ñeñt errete' e'mñotetspa' ñeñtña atet seserrpare'ten Yompor po'ñoñpa' ñato' allohuenetpa' o'ch çhapanet pueyoçhro, o'ch eñotet ñañeñeta ñeñt atet cotape'chyenet ñetpa' ñeñtpa' ama pocteyaye Yomporecop. 25 Allempoñapa' ñato' o'ch yore'tanet po'chñaret ñeñt cotape'chatyenahuet pueyoçhro e'ñe a'nahua ñato' puellquëñotetpa' o'ch concorpuet ñato' o'ch aguëret ñamet Yompor. Tarro'mar ñato' allempopa' o'ch ot: "Po'ñoñhepa't Yompor se'ñoratyene'."

Parets pa'paclopa' ama aserrpare'tpahuo e'ñe parrocmá

26 Ñehua, masheñneshacha' ñaña nochaneshacha' ñeñtcha' atet sepa cohuen ñeñtpa' atet: Sapa' allempo sap'chenapa' ñato' puesheña'ttsospa' o'ch semorrechena, ñato' po'psheñeñpa' o'ch yeçhatenet, ñato' po'psheñeñpa' o'ch a'potan ñeñt atet eñotateñ Yompor, ñato' po'psheñeñpa' o'ch eños po'poñ ñoñtso, ñato' po'psheñeñpa' o'chcho' a'mñan añ ñoñets. Tarraña ñeñtpa' añecopcha' atet sepa attoch huomenc sepoñ po'psheñeñ pueyoçher. 27 Tarraña ñerra'm eseshas eñosets po'poñ ñoñtsopa' ama pocteyaye o'ch seños e'ñe allohuenes, ñato' e'ñech epsheña eñosets amapa' ma'psheña allotpa' ñeñtch. Ñaña añ pocte' ñeñtcha' eñosetspa' ñap'epa'tetscha'

eñoset. Tarraña añ pocte' ñaãa eñallcha' ñeñtcha' eñotatenahuet ñoñets ñeñt atet eñenet. ²⁸ Tarraña ñerra'm ama eñalle ñeñtcha' eñotatahuet ñoñetspa' amach eñosatsteto e'ñe alla allempo sapçhena allohuenes ñeñtes ame'ñetsa. Allempopa' eñorana'chetepa' Yompor e'ñe ñapçeto e'ñe pueyoçhreto. ²⁹ Ñaãa añ pocte' e'ñech epsheña, amapa' ma'psheña ñeñtcha' a'pote' Yompor po'ñoñ. Po'poñechno acheñenesha'pa' añ pocte' çhoch e'mñoçhet, ñaãa çhoch cotape'chet po'ñoçhte' atet oteneý Yompor. ³⁰ Ñaãa ñerra'm esempo po'psheññ mueneñ o'ch a'potan ñeñt eñotateñ ñaãa Yompor Puecamquëñpa' añ pocte' allempopa' amach serrpare'tatsto ñeñt ñanom serrpare'tets. ³¹ Attochña o'ch sa'potuoñ allohuenes Yompor po'ñoñ e'ñe saptepa'tets, ñaãa attoch allohuenespa' o'ch e'ñe señoçh, ñaãa attoch allo'na coshatnenes Yompor po'ñoñ. ³² Tarro'mar ñeñtey a'potene' Yompor po'ñoñpa' çhocmach eñall attoch yeunata yañeña ñanom attoch çhocma yemnatannena. ³³ Yomporpa' ama mueno o'ch atta yano'tatse'ten allohueneý, añña muenen o'ch yeñen e'ñe cohuen.

Ñaãa atet pena allemeñ anetso ñeñt apçha'yetsa ñeñt pueyochresha' pen Parets. Ñaãa allempo sapçhena allohuenes ñeñtes ame'ñetsapa' ³⁴ coyaneshachnopa' amach serrpare'tatsteto, tarro'mar ñeñtpa' ama pocteyaye. Añña pocte' çhoch ame'ñyet ñeñt amçha'taretetsa, ñeñtpa' atet oteneý ñoñets ñeñt atet anaret ahuatoteñ. ³⁵ Ñehua, ñerra'm mueñenet o'ch es eñotetpa' a'pçto'chetepa' puerrollaret allempo çherret pa'paclo, tarro'mar ama pocteyaye coyanesha'pa' o'ch serrpare't allempo yapçhena ñeñtey ame'ñetsa.

³⁶ Ñehua, ñerra'm ama pocteye' senteñe ñeñt atet o' notuaspa' ñehua, o'ch notas atet: Yompor po'ñoñpa' ama e'ñe sa soçta'pñoçeye' hueno, ñaãa ama e'ñe saptecpa hueno. ³⁷ Ñaãa ñerra'm esesha' otats, "napa'çho'ña na'poteññañ Yompor po'ñoñ", ñehua, eñotanepa' ñeñt atet noten necartotpa' ñeñtpa' po'ñoçh atet oteneý Yepartseshar ñeñtcha' atet yeça. Ñaãa ñerra'm esesha' otats, "napa'çho'ña chorrenna Parets Puecamquëñ", ñehua, ñapa'çho'ña eñotanepa' ñeñt atet noten necartot ñeñtpa' po'ñoçh atet oteneý Yompor ñeñtcha' atet yeça. ³⁸ Tarraña ñerra'm esesha' ama name'ñayo ñeñt atet o' notuaspa' ñehua, ñapa' amach se'mñnotatsche.

³⁹ Ñeñto'marña te' masheñeshacha' ñaãa noçhaneshacha' o'ch noterrser: Añ pocte' o'ch sema'yoçhrena a'pote' Yompor po'ñoñ e'ñe eñotoçhen ñoñtso, tarraña pocte' o'ch semnatamet eñosetepa' po'poñ ñoñtso. ⁴⁰ Tarraña ama't erra'tsencha' seça'yespa' e'ñech cohuen sesen ñeñt poctetsa, ñaãa çhocmach semnatanna'ta o'ch es seça'yes e'ñe saptepa'tets.

15

Allempo tanterra Cristopa' ahuo't orrterrana shonte' acheñenesha'

¹ Te'pa' o'ch masheñeshacha' ñaãa noçhaneshacha' notas po'poñ. Napa' nemneñ ellopa' o'ch alla neýerpaterrser e'ñe errotente'ña ñeñt e'ñe atet pena cohuen ñoñets ñeñt neserrpare'tatuanmas, ama't ahuatoteñ. Ñeñtpa' ñeñtara cohuen ñoñets ñeñt o' same'ñerra, ñaãa ñeñtara ñoñets ñeñt allo o' huomenc seperr seyoçher. ² Ñaãa ñeñtara ñoñets allo o' sa'qeshpataretterra ñerra'm amach sequeçhpue, tarraña ñato' po'ñoçhpa' ama çoye' same'ñeno.

³ Ñaña ñeñt neserrpare'tatas ama't ahuatoteña' ñeñtara cotapñats ñeñt atet eñotatennet naña, ñeñt nanac sherbets, ñaña ñeñtara ñoñets ñeñt atet anuaret Yompor po'ñoño ama't ahuatoteñ. Ñeñtpa' atet o' neserrpare'tatuas: Cristopa' rroma yo'chñarecop, ⁴ allotpa' apamparetta, tarraña poma'pamtañopa' alla tanterra. Ñeñtpa' attecma oten ñaña ñeñt atet anuaret ahuatoteñ Yompor po'ñoño. ⁵ Allempo tanterrapa' ñanempa' orrterrana Pedro, allotpa' orrterrana allohuen pueyochresha'. ⁶ Allotpa' orrterrana ñaña shonte' acheñenesha' ñeñt ame'ñetsa. Ñato' metanenante' quinientos acheñenesha' ñeñt enterre' allempo e'ñe parrocmuet. Ñeñt enterre' allem-popa' ama't teme'ttsen shontet corra'yenet. Tarraña puesheña'tetspa' o' colla'huenet. ⁷ Allotñapa' orrterrana ñaña Jacobo, allotpa' orrterrana ñaña allohuen po'poñečno ñeñt allsensaretnesha'.

⁸ E'ñe chenta'ñapa' orrtona naña, ama't napa' ama esoyayno. Atta nentina ñerra'mrrate' sapeñtsoma'tota ne'ñallettera Yomporecop. ⁹ Po'poñečno allsensaretnesha'pa' ñetpa' nanac sherbenet, tarraña napa' ama't allsensareteneña' ama tama nesherno. Ñaña napa' pocte' nenteñ amach otatsetneto allsensareten, tarro'mar napa' nanac na'muerochtache't ñeñt ame'ñenaya Yompor. ¹⁰ Tarraña ama't atet nepe'tpa' Yomporpa' atarr morrentna. E'ñe puemuereño'tpa' attoña a'pnaserren ñeñt nanac sherbets ñocop. Tarraña ama orrena morrentno Yompor, tarro'mar te'pa' nanac netorrena Yomporecop. Po'potantañ allsensaretnesha'pa' ama't torra'yenet Yomporecoppa' tarraña napa' ello nanac netorrena atet torrenet ñet. Ñehua, ama't noteneñ napa' netorrena Yomporecop, po'ñoçhpa' ama naye'torretso, añña Yompor puemuereño'tpa' ñeñtña torretsa na nechtsot. ¹¹ Ñehua, amach yoto ñeñfey nanac sherbets, ñato' na amapa' po'poñečno allsensaretnesha'. Añcha'ña yot ñerra'm ya po'ñoçh yeserrpare'teño' o' same'ña'huerrapa' ñeñtña nanac sherbets.

Atto esempohuañenpa' yetantuerrach rromot

¹² Ñehua, ñerra'm po'ñoçh o' same'ñerra ñeñt atet yeserrpare'tatenes atto Cristopa' o' tanterra allempo rroma, eso'mare'tña soten ñerra'm yerromapa' amach errotentot yetanterro. Po'ñoçh ñeñtpa' atet oten puesheña'tets ñeñt sesho'tsen. ¹³ Ñehua, ñerra'm po'ñoçh ama eñalle attoch yetanterra yapa', Cristopa'cho'ña amate' tanterrañe ama't teme'ttsen. ¹⁴ Ñerra'm po'ñoçh Cristopa' teme'ttsen rromueneña' ñeñt atet yeserrpare'tatenes te'pa' amate' es sherbenñe. Ñaña ñerra'm po'ñoçh ama tanterrañe Cristopa' te'pa' e'ñe'te' orrena yeyemteñañ. ¹⁵ Ñaña ñerra'm po'ñoçh ama tanterrañe Cristopa' yapa' attate' yeshquënsoñ atto' pena po'ñoçh Yompor, tarro'mar yapa' o' yeserrpare'tuon Yompor atto ñapa' o' tantaterran Puechemer Cristo. Tarraña ñerra'm po'ñoçh ama eñallñe attoch yetanterra rromotpa' ñeñtña atet o' yeserrpare'tatuas atto Yomporpa' o' tantaterran Puechemer Cristo, ñeñtpa' amate' po'ñoçhoyayñe. ¹⁶ Po'ñoçhpa' ñerra'm amach yetanterro yapa', Cristopa'cho'ña teme'ttsente' ama tanterrañe. ¹⁷ Ñaña ñerra'm po'ñoçh teme'ttsen amach tanterrañe Cristopa' e'ñe'te' orrena seyemteñañ, ñaña so'chñarpa' amate' apretnareteñe teme'ttsen. ¹⁸ Ñaña allohuen ñeñt o' colla'huenta ñeñt ame'ña'nmaya Cristopa' ñetpa' o'te' e'ñe' poctacma chenca'huerretañ. ¹⁹ Ñaña ñerra'm añe'ca yeyemteñañ Cristo allempo huonchenya', ñaña ñerra'm po'ñoçh amach yetanterro, ñerra'm atteña'

nanacte' llequëñtso'tsenyëñ. Ñëññ llequëñetspa' ellote' metanenaneñ ñëññ atët yellcatyëne' añe patsro.

²⁰ Tarraña ñëñt'pa' ama atteyaye, tarro'mar po'ñoçh Cristopa' o' tanterra ñnanom. Atto tanterrappa' amach alla rromuerre'te allochñapa' esempohuañen allohuenyey ñëñtey ame'ña'nmaya Cristopa' yapa'çho'ña attemmach yetanterra. ²¹ Atët p'a ñaãa ahuat Adán e'ñe ña po'chñaroçh o' anaretta attoch yerroma, ama't e'ñe puesheñarrofa. Te'pa'çho'ña e'ñe puesheñarrofpa' o' orrterra attoch yetanterra ama't esempoch yerroma. ²² Tarro'mar e'ñe po'chñaroçh Adán ñëñtey pamo'tsna'tareypa' yocoppa'çho'ña o' anaretta attoch yerroma yaña allohuenyey. Tarraña te'pa' e'ñe yeparrocmateñoçh Cristopa' elloch alla yocrra'huerra allohuenyey. ²³ Tarraña ñëñt'pa' atëtcha' perra: Cristo ñnanom o' tanterra allochñapa' ñerra'm esempoch huerra, yapa'çho'ña ñëñtey ame'ñenayapa' attemmach yocrra'huerra allohuenyey. ²⁴⁻²⁸ Allempoña Cristopa' o'ch puerratañpesuan po'huamenc allohuen ñëññ añcha'tarefetyetsa, ama't ñaãa ñëññ añcha'noçhetyetsa, ñaãa ñëññ ahua-mencatetyetsa. Tarro'mar añ poctetsa Cristopa' ñach añcha'taretterrtsa e'ñe ñapueç esempohuañencha' yoramñpesuan po'huamenc allohuen ñëññ e'moñe'tene'. Ñaãa esempohuañen e'ñe chenta'pa' o'ch a'huañamperrey rromueñets ñëññ o'patatareçy te' allohuenyey. Tarro'mar Cristopa' o' aphue Pompor po'huamenc attoch pomnaren penan allohuen esocmañen. Ñehua, ama't oteneñ Yompor po'ñoñ Cristopa' pomnaren penano' allohuen esocmañenpa' tarraña yeñoteñ amach pomnaren p'ano Pompor, tarro'mar Pomporpa' ña apuene' po'huamenc. Esemphuañencha'ña pomnaren pohuan allohuen esocmañen allempoña Cristopa' o'ch apuerran Pompor ñëññ nanac Paretts atto añcha'tarettena. Allempoña Pomporpa' o'ch alla pomnaren perran Cristo ñëñfara Pompor ñëññ o' ahuañencat o' pohue. Allempoña Pomporpa' ñach añcha'taretterrtsa, ñaãa allempopa' ñach pomnaren perre' allohuen esocmañen. Allempopa' o'ch mellapoterra.

²⁹ Te'pa' o'ch alla noterrser po'poñ. Ñerra'm po'ñoçh ama eñalle attoch yetanterra esempohuañenpa' eso'mare'tña puesheña'tets acheñpa' apatarettenaña añecop ñëññ o' rroma. Po'ñoçh ñerra'm amach errotenot tanterro ñëññ o' rromapa' eso'mare'tña apatarettenetña ñëññecop.

³⁰ Ñaãa ñerra'm po'ñoçh amach errotenot yetanterroçh eso'mare'tña poçte' nenteñ e'ñe name'ñeñoçpa' ama't çhocna nemueroçhtena ñocoppa' e'ñe poçte' nenteñ. ³¹ Napa' atët noten tarro'mar pate'tets yetpa' e'ñe na'llpuepñoña ama muetsayenneto. Ñehua, neñoteñ ñëñt'pa' attemmach p'a'nët. Tarraña masheñeshacha' ñaãa noçhaneshacha' errponcha' nemueroçhtapa' allponcha' nocshapretensa samã, tarro'mar e'ñe yeparrocmateñoçh epay Yepartseshar Jesucristo. ³² Ñaãa arr Efesopa' e'ñe na'llpuepñoña a'queshpätnet atët ñerra'mrrate' çho norrotena epan ma'yarr. Tarraña ñerra'm amach errotenot yetanterroçh ñëññña atto na'llpuepñoña a'queshpätynnetpa' amach es sherba'no, tarro'mar ñëññ patso'marecpapa' ama sherbeno. Po'ñoçhpa' ñerra'm amach eñallñe attoch yetanterraña' e'ñe poçte' o'ch yoteneñ: "Te'pa' acsha'yepahuepa'çh, ñaãa o'ch yotanna'ta arrallme'chapretyepahuepa'çh, ñaãa o'ch yotanna'ta orrare'tyepahuepa'çh tayepa'tñaapa' huomçhay. Tsapatonetña o'ch yerromapa' amach allo'na atët yepa'nenno."

³³ Tarraña amach sotap'sa'tatso atët, tarro'mar yeñoteñ "ñerra'm esempo yeyemteña ñëññ atta cotape'chatse'tyets ñëññ ama cohuenayaye Yomporcop

yapa'cho'ña 'chach shequënyet tarro'mar tsapaonetpa' ñato' o'ch alla atet yeperra yaña atet pa'yenet ñet, ama't te' yapa' e'ñe cohuen yoctape'chen Yomporecop." ³⁴ Añña pocte' o'ch soctape'cherr ello, ñaña o'ch sequechpuerr ñeñ atet sepa'yese't ñeñ ama pocteyaye Yomporecop. Te'pa' sepenquëpa' tarro'mar ñato' po'ño'ch ama señoteñe Yomporeallohuenes.

Atetcha' yepo'poñet allempoch yetanterra rromot

³⁵ Te'pa' o'ch notas po'poñ. Ñehua, ñato' puesheñarrofespa' atet sotenen: "Amate' errotenot yetanterraña rromot. Ñerra'm po'ño'ch atanterrapo' rromot, yechetsña allempoch' zerrofena'tcha'ña orrterra?" ³⁶ Sapa' are'tña es señoteno. Ñehua, ñato' o'ch netma'ntacha atet: Yeñoteñ ñerra'm es yenare't pue'llomerpa' amach ahuen chopo. Choch ñanom puetsa' pa'tall esheccha'ña chop. ³⁷ Ñaña ama añeye' yenare'teno narmets ora ñeñ e'ñe atet chopuets. Atet ñerra'm chop* yenare'tpa' pue'llom'rach yenare'teññañ. ³⁸ Ñaña ñeñtpa' Yomporcha' a'chpate', tarraña ñeñtcha'ña chopatspa' o'ch po'poñet ñeñ atet orrtena ahuaña pue'llomer. Ñeñtpa'cho' Yompor a'po'poñetatene' tarro'mar atet muenen ña. Ñaña ñerra'm po'poñe'ttsocma es yenare't pue'llomerpa' e'ñech po'poñe'ttsocma chopyes ñaña narmets ñeñ e'ñe atet anaret. ³⁹ Añpa'cho' chetsotspa' e'ñe po'poñe'ttsocma chetsots, ama e'ñe atecmayaye. Atet ñerra'm ya acheñeypa' po'poñcho' yechets yechen. Ñaña es berrothnopa' po'poñcho' po'chets pen. Ñaña otechnopa'cho' po'poñ po'chets pen ñaña. Caca'chnopa'cho'ña po'poñcho' po'chets pen ñaña. ⁴⁰ Ñaña ñeñ allpon ento'marnesha' ama e'ñe atecmayayeto ñerra'm patso'marnesha'. Tarraña ñeñ ento'tsa'yenpa' ellonetcho' colhnesha'tyenet tarro'mar atet anaretet. Ñeñ patso'tsa'yenpa'cho'ña ellonetcho' cohuenetyenet ñamet tarro'mar ñetpa'cho'ña atet anaretet. ⁴¹ Ñaña atet cohuentena atsne'pa' ñeñtpa' po'poñ poptena tarro'mar atet anaret ñaña. Arrorrrpa'cho'ña po'poñonefcho' cohuentena tarro'mar atet anaret. Rantochnopa'cho'ña po'poñonefcho' cohuenetyenet. Ñaña pate'tets rantopa' po'poñe'ttsocma cohuenetyenet ñamet tarro'mar atet anaretet. ⁴² Attecmach yeperra yaña ñerra'm esempohuañencha' yetanterra. Ñeñ atet orrtena te' yechetspa' allempoch yetanterrapa' amach atteraye' yorrterro. Te'pa' arromñaayapa' chocmach yerroma allotpa' o'chcho' pampa'yet allcha' puetsohuerr yechets. Tarraña esempoch yetanterrapa' amach alla ya'rromña'ferre'te. ⁴³ Ñaña te' yechetspa' atarr pencna'ntatene' tarro'mar chocmach yatsna'ten. Ñerra'm yatsna'tpa' o'chcho' yerroma, allotña'pa' o'chcho' pampa'yet. Tarraña ñerra'm esempoch yetanterrapa' allempoch yetanterrapa' nanaccha' ahuañecatey. ⁴⁴ Atet yeyechquëna te' arr patso'marpa' ñeñtpa' chocmach yerroma, allotña'pa' o'chcho' pampa'yet. Tarraña ñerra'm esempoch yetanterrapa' allempoch yetanterrapa' camuecñetsofach yorrterra. Po'ño'ch yeñoteñ atet yorrtena te' yechtsotpa' yeñoteñ ñaña yecamquëño'pa'cho'ña yorrterrach esempohuañen.

⁴⁵ Ñeñto'marña ama't Yompor po'ño'ño atet anaret ahuañoteñ, ñeñtpa' atet oten: "Allempo Adánpa' ye'hcach Yompor allempoñapa' ahua't ap'po'rreñña

* 15:37 Po'ño'ch aña'pa' oten trigo.

attoch corra e'ñe po'chtsoť. Ñeñto'mar Adánpa' ñeñt' ñanom acheñetats." Tarraña chenta'ñapa' acheñetos ñaña Cristo attoch ñach yapuerre' ello o'ch alla yocrra'huerra yecamquëñoť. ⁴⁶ Tarro'mar Yomporpa' atet na'y. Ñanompapa' o'ch yocrra e'ñe yechtsoť, esempohuañenñapa' o'ch alla yocrra'huerra ñaña yecamquëñoť. ⁴⁷ Tarro'mar ñeñt' ñanom acheñ ñeñt'ara Adánpa' patsa ayečcataret, ñeñto'marña ñapa' atta patso'marneshat. Tarraña puepañ ñeñt' acheñetosets ñeñt'ara Yepartseshar Jesucristo ñeñt'apa' entot' huapa. ⁴⁸ Ñaña ñeñt'ey arromñañeshaypa' yapa'cho'ña attaya ñerra'mrrate' Adán ñeñt' ayečcataret pats. Tarraña ñeñt'ey ame'ñenaya Cristo ñeñt' huaptsa entot'pa' yapa'cho'ña yocrra'huerrach yecamquëñoť ento atet ñerra'mrrate' Cristo ñeñt' huaptsa entot'. ⁴⁹ Atteña te'pa' atta yeyechquëna yechtsoť atet ñerra'mrrate' Adán ñeñt' ñanom ayečcataret pats tarraña esempohuañenpa' yeyechquërrach ello atet ñerra'mrrate' Cristo ñeñt' huaptsa entot'.

⁵⁰ Ñeñto'marña masheñeshacha' ñaña nočhaneshacha' notenes: E'ñe yechtsoťpa' amach es yo'pato all amčha'tarettena Yompor. Tarro'mar allempo arromñañayapa' amate' errotenoť es yo'patoña ñeñt' ama ahuañaño. ⁵¹ Ñehua, o'ch neñotatas ñeñt'cha' atet perra esempo, ñeñt' ñapta eñoteñ te' Yompor. Po'ñočhpa' amach e'ñe allohueney yerromhuo. Tarro'mar ñeñt'ey orameñ corretsa allempoch huerra Cristopa' amach yerromo. Allempopa' attach yepo'poñet ⁵² e'ñech machayota e'ñe allempocma esempoch e'morrterra Yompor po'pocotr e'ñe allohuanen. Ñehua, ñeñt'pa' atetcha' perra allempo. Ñanompapa' o'ch e'morrterra Yompor po'pocotr. Allempoñapa' o'ch tanrra'tuena ñeñt' colla'huatsa ahuatoteñ. Allempochña tanterretpa' amach alla arromñañterrete'te. Yaña ñeñt'ey orameñ corretsapa' yapa'cho'ña o'ch yepo'poñet e'ñe allempocma. ⁵³ Tarro'mar yechets ñeñt' aptsañapa' añ paltetsa o'ch puenasa ñeñt' ama aptsaño. Tarro'mar ñeñt'ey arromñañeypa' añ paltetsa o'ch yepnasa ñeñt' ama arromñañeyaye. ⁵⁴ Ñerra'm esempo yechets ñeñt' aptsañapa' ñerra'm o'ch puenasa ñeñt' ama aptsaño, ñaña ñerra'm esempoch ñeñt'ey arromñañeypa' o'ch yepnasa ñeñt' ama arromñañeyayepa' e'ñe allempopa' o'ch e'ñe etsotua ñoñets ñeñt' atet anaret ahuatoteñ, ñeñt'pa' atet oten: "Allempo o'ch huañerrña ñeñt' atto o'patenya rromueñets. ⁵⁵ Ñeñto'marña allempopa' amach yerromuerre'te, tarro'mar amach eñalleterre'teña ñeñt'cha' alla ya'tserrperrayerr ama't yerromñoťa."

⁵⁶ Tarro'mar te'pa' yo'chñarot' o'patenyaña rromueñets, tarraña allempopa' amach eñalle yo'chñar. Ñaña yatpare'teñoť ñoñets ñeñt' atet anaretpa' ñeñt'ña yo'patataye'tña rromueñets allempo nanac yeyore'tyo'chñar. ⁵⁷ Ñeñto'marña te'pa' yeparasyoso'chepa'ch Yompor tarro'mar atto apuey Puechemer ñeñt'ara Yepartseshar Jesucristo ñeñt'cha' čhocma ya'poccatene' allohuen pa'namen ñeñt' yocop.

⁵⁸ Ñeñto'mar e'ñe nemorrenteñoťpa' o'ch masheñeshacha' ñaña nočhaneshacha' noterrserre: Te'pa' huomenquëpa'ch sepa' seyoťher, amach sequečhpatsere. Ñaña čhocmuepa'ch setorrrena Yomporecop. Ñaña sapa' señochepa'ch ñeñt' atto yetorrrena Yomporecoppa' ama orrena yetorrreno.

¹ Te'pa' o'ch notas po'poñ. Añ allpon quelle ñeñt' chocma senen huochañeshachnocop ñeñt' ame'ñetsa, ñeñt'pa' attecmaç sepa. Tarro'mar ñeñt' ame'ñetsa Galaciopa' o' neñotatuanet ñeñt'cha' atet pet, ñeñto'marña sapa'cho'ña atetcha' sepa samã. ² Ñeñt'pa' atetcha' sepa: Pate'tets temençpa' añ pocte' chocmach sena'yes ellopa'tets errponcha' semna'yes o'ch sena'yes Yomporecop. Ñaña errponte'ña sechyen ñeñt'cha' sena'yes Yomporecop, ñato' aton amapa' ñato' coñe't. Ñeñt'pa' o'ch sañño'tue e'ñe ellocma attotach o'ch satontatyes. Allochñapa' ñerra'm esempoch neçhap seshopa' amach pallteno e'ñe allempopa' o'ch taya sena'yes. ³ Ñaña ñerra'm esempoch neçhap seshopa' o'ch nequellca' carta ñeñt'cha' nemña Jerusaléño. Ñaña o'ch nemñe acheñ ñeñt'cha' anmue' quelle, ama't erra'tsena acheñ ñeñt'cha' pocte' senten sa. ⁴ Ñaña ñerra'm pocte' senteñ o'ch ahuen namãpa' e'ñe pocte' o'ch yahuanena e'ñe parro.

Allempo sechena Pablo o'ch ahuo' po'poñ anetso'mar

⁵ Ñaña ñerra'm esempoch ahuen arrot attoch neçhap seshopa' napa' noctape'cheñ arrcha' noñem Macedonio'mar. ⁶⁻⁷ Añ atarr nemnen ñerra'm Yompor muenatspa' allate' na'llponmat sesho, ñato' allate' nechara'pena. Tarro'mar napa' ama nemno o'ch atta nepomuetnom sesho, añña napa' nemneñ ñerra'm Yompor muenatspa' allate' natomat. Ñaña ñato' e'ñe allotpa' o'te' sanemyesen errach'cho' neshecha allempo. ⁸⁻⁹ Tarraña te'pa' amach erra neto. Allanach arr Efeso tarro'mar te'pa' eñall attoch o'ch neserrpare'tatyes shonte' Yompor po'ñoñ. Ñaña te'pa' neñoteñ ñato' o'ch ame'ñenna shonte' acheñ, tarraña chocma eñall ñaña shonte' ñeñt'cha' nepata'retene'. Tarraña o'ch çhap Pentecostepopa' o'ch ahuerren arrot.

Atet otanet Timoteocop

¹⁰ Ñaña o'ch notas, ñerra'm esempoch çhap masheñ Timoteopa' o'ch sagañ e'ñe cohuen, allochñapa' amach çha llecoso sesho. Tarro'mar ñapa'cho'ña nanac torrena Yomporecop atet ñerra'm na. ¹¹ Ñaña ñerra'm esempoch çhap seshopa' añ pocte' chocmach se'mñoch e'ñe cohuen. Ñaña e'ñech cohuen seyempue' allochñapa' ñerra'm esempo puerrerra allotpa' e'ñech pocsheñsha' çherr nesho. Tarro'mar napa' chocma necueñ masheñ Timoteo epan po'poñeçhno masheñeshachno.

¹² Ñaña masheñ Apolospa' nanac nemñiare'teñ o'ch emo'tensa' epuet po'poñeçhno masheñeshapa' tarraña te'pa' ñapa' ama mueno. Tarraña esempopa' çhomach çhap sesho ñerra'm esempoch pocta'huoña.

Allempo so'terranet po'cartot

¹³ E'ñe allohuanenpa' o'ch noterrser: Te'pa' e'ñech señota, tarro'mar chocma eñall ñeñt'cha' ya'psaterre' Yompor. Ñaña e'ñe same'ñeño'tpa' huomenquëpa'ch sepa' seyocher. Ñaña amach señt'cha'tatsto, çhochña seumençta Yomporecop. ¹⁴ Ñaña ora allpon ñeñt' sepa'yenpa' e'ñepa'ch semorrentanna'teño't es sepa'yen.

¹⁵ Te'pa' o'ch masheñeshacha' ñaña noçhaneshacha' notas po'poñ. Sapa' señoteñ ñaña atto masheñ Estéfanaspá' ña ñanom ame'ñerrtsa ahuat all Acayo. Ñaña ahuo't ame'ñerret epuet pamo'tsesha'. E'ñe allempoteñ ñetpa' ahuo't torra'yenet añecop attoch yenpuet allohuen ñeñt' pueyochresha' o' perr te' Parets. ¹⁶ Ñeñto'mar te'pa' o'ch notas: E'ñe pocte' o'ch se'mñoch Estéfanás, ñaña ama't allohuen po'poñeçhno acheñ ñeñt' chocma

torrapretetsa Yomporecop. ¹⁷ Napa' te'pa' atarr nocshena tarro'mar o' huapa arr nesho masheñ Estéfanos ñaña Fortunato ñaña Acaico. Tarro'mar sapa' ama't ama sehuapopa' ñetpa' o' huapuet. ¹⁸ Ñetpa' atarr coshatosnet neyochrocmañen. Ñato' sapa'cho'ña o'te' coshataset. Cohuenepa'ch señch acheñ ñeñt atet petsa.

¹⁹ Ñaña allohuen ñeñt ame'ña'yetsa arr Asio'marpa' mueneñet o'ch huom'cha'taset ñamet añ necartot. Masheñ Aquilapa'cho'ña mueneñ o'ch huom'cha'tas epuet puetapor Priscila. Ñaña allohuen masheñnesha' ñaña no'chanesha'chno ñeñt pame'ñeño'tet ap'chetset Aquilapahuo mueneñet o'ch huom'cha'taset ñamet. Tarro'mar e'ñe yeparrocmateño' epay Yepartse-sharpa' o' huom'cha'taset añ necartot. ²⁰ Ñaña allohuen masheñnesha'chno ñaña no'chanesha'chno ñeñt arro'tsa'yenpa' mueneñet o'ch huom'cha'taset ñamet. E'ñe semorrentanna'teño'pa' atetcha' sehuom'cha'tanna'tena ñeñt atet pochtetsa Partsocop.*

²¹ Añ coñe'tpa' o'ch nequellca' namã e'ñe na notot, attoch o'ch ne-huom'cha'tas namã.

²² Ñerra'm esesha' ama morrentenaye Yepartseshar Jesucristo ñeñtña atet petsa a'coñchatare'tepa'ch. Te'pa' ñeñt'ach notas, huerrnayepa'te' ñeñt Yepartseshar yepen.

²³ Yepartsesharepa'chña Jesucristo sa'natenaya allohuenes. ²⁴ E'ñe name'ñeño' Cristo Jesús atarr nemorrentensa. Te'pa' ñeñt'ach notas, ñeñt'pa' atetepa'chña Nompore. Allohua.

Pablo

* **16:20** Po'ño'ch oteneý, "E'ñe semorrentanna'teño' 'choch setso'ttsa'pa'tannena ñerra'm esempo sehuom'cha'tanna'tena ñeñt atet pochtetsa Partsocop." Ñeñt'pa' atet ye'chete't'ahuat.

AÑ PUEPAÑ SAN PABLO PO' CARTA ÑEÑT QUELLQUËRRANERR CORINTO'MARNESHA' 2 CORINTIOS

Atto Pablopa' alla quellquërranerr carta añecop ñeñt ame'ñetsa anetso Corinto

¹ Masheñeshacha' ñaña nochaneshacha' ñeñtes allohuenes ame'ñenaya Yompor ñaña e'ñe same'ñeñt chocma sapçhena Yomporecop all anetso Corinto. Ñaña añ cartapa' añecpa'ñaña nequellquëñ allohuenacop ñeñt o' pueyochresha' perranet Parets ñeñt apcha'yetsa allemeñ anetso Acayo'mar. Na Pablon o'ch alla nequellquërrnaserr po'poñ carta epan masheñ Timoteo. Napa' ñeñten Jesucristo puellsensaren tarro'mar atet muenen Yompor. ² Te'pa' e'ñe nehuoncha'teñotes sa napa' o'ch notas: Yomporepa'chña sebensare'tam'pene' ñeñt nanac Parets epuet Puechemer Jesucristo ñeñt Yepartse-shar yepen. Ñetepa'chña socshatene' e'ñe sa seyochro allohuenes.

Yomporpa' ñachña chocma yocshatene' allempo es yehuenoya

³ Aye'chochtaterrapo'ch Yompor, ñeñtara ñeñt Pompopor pen Yepartse-shar Jesucristo. Ñeñtara Yompor ñeñt atarr amueraña, ñeñtcha' chocma yocshaterre' allempo es yellcatene' yeyochro. ⁴ Ñerra'm esempo huen-naya pa'namen ñeñt amuerochtatañtetsa ñapa' ñachña chocma yocshaterre'. Tarro'mar o' coshaterrey Yompor, allochña yapa'cho'ña attoch yeñoteñ o'ch yocshater yaña masheñesha' ñerra'm esempo huapanet ñamet ñeñtcha' muerochtatahuet. Añ poctetsa o'ch yocshateranet ñet atto Yomporpa' o' coshaterrey yaña. ⁵ Atto nanac yemuerochtapreteña Cristo tarraña ñachña ello atarr yocshaterre'. ⁶ Ñeñto'marña te'pa' o'ch notas, ñerra'm esempo nemuerochtena na, ñeñtpa' e'ñe po'ñoçh socop, tarro'mar ñerra'm esempo nemuerochtena napa' ñeñtpa' alloch socsherra saña attotcha'ña sequesh-perra. Ñaña ñerra'm esempo coshaterren Yompor ñeñtpa'cho'ña alloch nochaterres saña. Allochñapa' e'ñe socsheñeshocmañen chocmach sa' huanten allohuen muerochteñets ñeñt atet nepena na. ⁷ Ñeñto'mar napa' neñotenes chocmach sa'huanta' ñeñt echarr senten. Tarro'mar napa' neñoteñ ñerra'm allpon semuerochtapretna, elloña allempopa' o'ch alla e'ñe socshapreternna atto Yomporpa' ñachña chocma yocshaterre'.

⁸ Ñehua, te'pa' nemneñ o'ch masheñeshacha' señoten ñeñt atet nemuerochtosa ahuaña all anetso Asia. Allempopa' napa' atarr nanac nellquëna. Napa' notapañ çhach nerroma, amach errof nepe o'ch na'queshpata nañeña. ⁹ Po'ñoçh napa' neñoteñ neyoçhro te'pa' o' chapona ñeñt nocop allempoch nerroma. Tarraña añecpa huapona echarrteñets atet, allochñapa' attoch e'ñe neñoteñ Yomporcha'ña neyemtena. Amachña nañeña yemtetso. Tarro'mar Yompor po'huamencot ama't arromña'pa' chocmach tantater. ¹⁰ Tarraña ama't muene' nerromañ Yomporpa' allorocma tantaterren po'huamencot attoch ama nerromo. Ñeñto'marña napa' neñoteñ Yomporpa' chocmach a'queshpaterrey. Ñeñto'marña te'pa' ñachña chocma neyemtena. Neñoteñ allo'na sen na'queshp'atnene' ñerra'm esempo es nohuerroyerr ñeñt atarr echarr. ¹¹ Ñaña añ poctetsa o'ch sema'yocham'penna attoch seyempa'n.

Ñaña shonte' acheñenesha' ñerra'm esempo eñotennet atto Yomporpa' thocma a'natenna e'ñe puema'yocheño'fet ñet, allempopa' thocmach parasyoso'teñet Yompor atto a'natenna.

Atto Pablopa' ama eñotenano puehquëñ

¹² Ñehua, te'pa' o'ch notas po'poñ ñeñt atet noctape'chen. Napa' ñeñña atarr nocshatene' nanac. Napa' neñotena neyo'chro po'ño'ch arr patsropa' thocma noctape'chen ñeñt atet pocte' enten Parets. E'ñe name'ñeño'f Yompor, napa' ama nemno o'ch esesha' neshca'y es ama't mamesha. Elloña sapa' ama nemno o'ch neshcas ama't e'ñe mamesha. Ama aña neyemteno ñeñt atet yoctape'chen ya acheñey arr patsro, añcha'ña neyemteño'f Yompor attoch ñach neyenpuene'. E'ñe puemueño'f ñachña neñotatene' ñeñt cohuen enten ña. ¹³ Ñehua, sapa' thate' sotapañ napa' attate' neshquënes ñeñt notenes necartot. Tarraña ñeñt allpon notenes necartotpa', o'ch selleye' allochñapa' esheccha' seño'ch ñeñtpa' e'ñe po'ño'ch atet, añ ñoñetspa' ama shequëñtsoyaye. Napa' necuenes esempohuañen o'ch e'ñe seyemtena e'ñe poctacma, o'ch e'ñe seño'ch ñeñt atet notenes necartot ñeñtpa' e'ñe po'ño'ch atet. Napa' ama thoye' neshquëns. ¹⁴ Ama't te'pa' ama e'ñe poctacmaye' seyemtenno, tarraña ñerra'm seyemtena e'ñe poctacma, allempoñapa' ñerra'm esempoch huerra Yepartseshar Jesús'pa' atto socshenna na, napa'cho'ña allempopa' nocsherr'sach saña.

Atto Pablopa' sechenañ o'ch emo'tenana' corinto'marnesha'

¹⁵⁻¹⁶ Napa' notenapañ thocmate' seyemtenna, tarro'mar napa' ama thoye' neshquëns. Ñeño'mar napa' ahuaña nesechena o'ch ahuen Macedonio, napa' noctape'cheñ o'ch nemo'tnomues. Choncha'ña metats ñaña Macedonio, allempoña noctape'cheñ o'ch nerr Macedoniotpa' o'ch alla nemo'tnerr'serr. Attoch puepocheño o'ch nocshaterres, ñaña attoch seyempa'n saña o'ch alla ahuerren Judeo. ¹⁷ Tarraña ama't atet noctape'cheñ o'ch nemo'tterrañpa' tarraña ama neseno o'ch nabcherr'sa'; ñeño'mañña sapa' thate' sotenapañ napa' epuote' noctape'chen cohuen. Sapa' attate' sentenen atet ñerra'm acheñ ñeñt attach es pue'chena arr patsro. Ama'tcha' otenan acheñenesha' ñeñt'cha' atet pa, tarraña pueyo'chroñapa' cotape'chenayach po'poñ. ¹⁸ Tarraña napa' ama atteye' noctape'cheno. Ñerra'm es notenes ñeñt'cha' atet ne'papa' neyo'chroñapa' ama esoye' noctape'cheno po'poñ. Tarro'mar Yompor ñerra'm es oteney ñeñt'cha' atet ponaypa' atet'cha'cho' pennay tarro'mar ñapa' ama puenesho po'ñoñ. ¹⁹ Ñaña Yompor Puechemer ñeñt'ara Cristo Jesús ñerra'm es oteney ñeñt'cha' atet ponaypa' atet'cha'cho' pennay, thocmach orrtateñ e'ñe po'ño'ch, tarro'mar ñapa'cho'ña ama puenesho po'ñoñ. Ñeñt'ara Jesucristo ñeñt thocma yeserrpare'tatenes epan masheñ Silvano ñaña masheñ Timoteo. ²⁰ Tarro'mar allohuen ñeñt allpon atet oteney Yompor ñeñt'cha' atet pennay, Puechemerña ñeñt Cristo Jesús ñaña e'ñe etsotatuene' po'ñoñ. Ñeño'mar ñerra'm esempo yoten "attetepa'ch Yompore yocop" yeñoteñ Cristopa' ñaña e'ñe etsotatuene' Pompor po'ñoñ yocop. Allochñapa' attoch e'ñe cohuen ya'ye'chochtateññañ Yompor. ²¹ Ñeñt'ara Yompor ñeñt ahuamencat pene' allohuene'y yeyo'cher e'ñe yame'ñeño'f Puechemer Cristo. Ñeñt'ara Yompor ñeñt yell'sensene' attoch yetorra'yesa ñocop. ²² Ñaña ñapa' ahuo't apuerrey attoch yeñoter o' puechemer perrey ña. Ñeñtpa' ñato' o'ch netma'ntacha atet ñerra'mrrate' aynatua'retey Yomporcop. Ñaña ahuo't apuerrey

Puecamquëñ ñeñtcha' yetherrtsa yeyochro ñeñtpa' ñeñtcha'ña yeñotatene' orameñ shonte' ñeñt' o'patatenya Yompor.

²³ Te'pa' o'ch neñotaterserr ñeñt' atet noctape'chen ñeñto'marña ama nemo'terrso ahuaña. Yomporpa' eñotenen ñeñtcha' atet notas ñeñtpa' e'ñe po'ñoçh atet. E'ñe nemorrenteñoñes sapa' ama neçherro all seyçhena Corinto. Tarro'mar ama neto, ñerra'm netañ o'ch neçhap seshopa' çhate' muene' neche'ptare'tyesoses e'ñe sa satpare'teñoñen. Ñerra'm atetpa' çhate' alla nellcaterres. Ñeñto'mar te'pa' o'ch notas e'ñe nemorrenteñoñes sapa' attotña ama neçherro sesho. Ñerra'm po'ñoçhte' ama atteye' notensopa' Yomporepa'chña na'chencaterre'. ²⁴ Ama añeçpaye' notenso attoch sapa' o'ch sa'mcha'tareter seperren na, ñeñtes ame'ñenaya Yompor. Añcha'ña netorraretasa attoch neyenpas. Ama't atto o' huomenc same'ñeñañ Yompor; napa' çhocmach netorrrena socop allochñapa' attoch señañeshocmañen socter Yompor e'ñe poctacma.

2

¹ Ñehua, ama'tcha' nemneñeñ o'ch alla nethererrr sesho tarraña napa' ahuo't alla noctape'cherr ello neyoçhro, noten amach neto tarro'mar ama nemno o'ch neçhap nellquëñesha' sesho te't sapa' o'te' alla nellcaterreserr samña. ² Tarro'mar noten ñerra'm ne'ñoñtare'teñoñes na o'ch alla nellcaterrespa' attoch nellcaterres sa, sellquëñapa' amach nocshapretaso, tarro'mar sapa' sañeña e'ñe nocshatene'. ³ Ñeñto'marña ama neçherro sesho ahuaña, aña nequellconas carta ñeñtcha' soctape'çhaterre' e'ñe cohuen. Allochñapa' ñerra'm machayota neçherr sesho ñerra'm o'ch alla soctape'cherr cohuen, ñeñtcha'ña atarr nocshapretuerra. Allochñapa' amach tama nellquëñeso tarro'mar añ poctetsa socop çhocmachña e'ñe socshaterren. Ñaña neñotenes ñerra'm esempo nocshena na sapa'çho'ña allohuenespa' o'ch e'ñe socsherra. ⁴ Ñaña allempo nequellconas añ carta ahuañapa' e'ñe nellquëñesha' nequellquënnas. Ama neñmateno neyoçhro ama't mamesha, e'ñe ñeñta nenen neyoçhro. Elloñapa' e'ñe neya'chpeñesha' nequellquënnas ñeñt' carta. Napa' ama añeçpaye' nequellquënnaso carta attoch nellcatas sa; añeçpaña nequellquënnas attoch sapa' o'ch señoçh atarr nanac nemorrentensa.

Arrpa' all cotape'chatanet attoch peretnet atparñañ

⁵ Ñaña añ acheñer ñeñt' atpare'tetsa seshopa' ama naptayaya llecatenno na, añañ ama't sapa'çho'ña allohuenespa' çhocma llecatenes. Ñehua, tarraña ama't atteñpa' ñato' o'ch notas ama allohuenacmas atet petso, te't atta atarr natontaten ñoñets ñeñt' ama atteyaye po'ñoçh. ⁶ Ñaña te'pa' o'ch notas, e'ñe pocte' atto o' secoñchatue ñeñt' acheñer, te'pa' allohuach. Ama't shonteseñ ñeñtes pocte' entenayeñ o'ch secoñchatererr ñeñt' atparñañ, tarraña te'pa' ñeñt'ach. ⁷ Te'pa' añañ poctetsa o'ch alla sepretner, allochñapa' attoch socshater, te't atta nanac llequëna, puellquëño'pa' o'te' alla queçhuerran Yompor. ⁸ Ñeñto'mar te'pa' notenes añ poctetsa o'ch sorrtañoñ cohuen ñocop attoch eñoter po'ñoçhpa' atarr semorrenteña. ⁹ Ñeñteçpaña noctape'chatas ahuaña necartot ñeñtcha' atet sepe' ñeñt' atpare'tetsa attoch netpatenes o'ch neñotas ñerra'm po'ñoçhte' e'ñe same'ñena ñeñt' poctetsa Yomporecop, ama't erroteno'tsensa. ¹⁰ Ñaña o'ch noterserr, ñerra'm esesha' sepretnerr sa, napa'çho'ña e'ñeç pocte' nenteñ namña apretnaretterrepa'ch. Ñeñt' çhocma natpare'tene' ahuaña te'ña ñapa' o' nepretner, ñeñtpa' e'ñe socop. Ama't

Cristopa' e'ñe entenen. ¹¹ Ñaña añ e'ñe pochtetsa o'ch ye'pretnannena. Allochñapa' ama't oneñe'pa' amach alla a'psaterrye Yompor. Tarro'mar ñapa' yeñoteñ čhocma e'nenan attoch shequëney.

Atto Pablopa' atarr llequëñana corinto'marnesha' allempo ama huerra' Tito Corintot

¹² Te'pa' o'ch neñotaterrser ñeñt atet ne'pa ahuaña. Ahuaña allempo ne'cherr Troaso, napa' o'ch neserrpare'tatanetañ Cristo po'ñoñ ñeñt alloch yequeshperrapa' shonte' acheñenesha' mueneñetañ o'ch e'mñotoñet Yepar-seshar po'ñoñ, ¹³ tarraña napa' ama't mamesha ama neñmateno neyo'chro tarro'mar allpa' ama nentose masheñ Tito. Ñeñto'mar ama na'po all, atta neso'tnerranet, o'ch ne'cherr all anetso Macedonia.

Yomporpa' čhocma moñenya allempo es yehuenoya

¹⁴ Yeparasyoso'chepa'ch Yompor tarro'mar ñapa' čhocma moñenya allempo es yehuenoya. Ñaña e'ñe yeyemteño' Puechemer Cristo Jesús'pa' čhapaterreycha' cosheñtso. Ama't yapa' o' muenaterrey attoch ya'poterrñañ po'ñoñ erraparen, allochñapa' attoch epa'huerra po'cohuenña erracmañen. Ñato' o'ch netma'ntacha atet ñerra'mrrate' ñeñt atarr es eñmosa'tetsa, čhach epa'hua e'ñe cohuen erracmañen pue'ñmosa'teña. ¹⁵ Tarro'mar ñeñey a'potene' Cristo, Pomporñapa' e'ñe atet enteney ñerra'mrrate' ñeñt eñmosa'tetsa e'ñe cohuen ñocop, ñeñča' epa'huerrtsa erracmañen allo'tsa'yen acheñenesha' añ patsro. Patanta'tetspa' pame'ñeñofetpa' a'queshpatare'terretcha', patanta'tetsña ñeñča' ama ame'ñerrtsopa' ñetpa' chenca'huerrretcha'. ¹⁶ Acheñenesha' ñeñča' chenuqërrtsapa' e'ñech atet enteññañet Yompor po'ñoñ ñeñt yeserrpare'ten ñerra'mrrate' ñeñt amtsa'ñtetsa, añña ñeñteycha' queshperrtsapa' yañapa' o' yenterrñañ Yompor po'ñoñ atet ñerra'm es ñeñt ama ahuañaño alloña yapa' corretsayach. Ñato' o'ch netma'ntacha ñerra'mrrate' ñeñt atarr eñmosa' ñeñča'ña ya'crraterre' errponohuañen. Esha'huachñaca' pocte' enterrña Yompor ñeñča' serrpare'terre' po'ñoñ. ¹⁷ Añ pocte' enten Yompor ñeñča' serrpare'tene' po'ñoñ ñeñt e'ñe pueñmañeshocmañen serrpare'tene'. Atet ñerra'm ya, tarro'mar yapa' ama čhoye' yetseteno Yompor po'ñoñ acheñ pocta'ño ñeñt atet pena shonte' po'potantañ acheñenesha'. Ñetpa' atet penet attoch pocshateño' acheñenesha'pa' o'ch es apa'yenanet. Añča'ña e'ñe yeñmañeshocmañen yeserrpare'teññañ po'ñoñ atet llesenseny Yompor. Ñapa' enteney ñeñt atet ye'ñorena ñocop e'ñe yeyemteño' Puechemer Cristo.

3

Atto Pablopa' ama pallteno o'ch quellcoñet carta attoch cohuen enteñ acheñenesha'

¹ Sapa' čhate' sotenapañ napa' o' alla neñerrerr e'ñe cohuen, ñato' noc-pate', ñato' čhate' nommo'chena. Tarraña ñeñtpa' ama atteyaye. Amapa' ñato' sapa' čhate' sotenapañ añe' nepalltena carta ñeñča' señotate' atto po'poñ anetso'marnesha'pa' e'ñech cohuen entapretennet atto napa' co-huen netorrena Yomporcop. Tarraña napa' ama es nepallteno. Ñehua, ñaña čhate' sotenapañ añe' nepalltena carta ñeñča' sequellcon sa al-loch señotach po'potantañ acheñ atto e'ñe cohuen sentenen na, atet pena po'psheññechno ñeñt serrpare'tets attoch cohuen enteñ acheñenesha' e'ñe ñañaña. ² Tarraña napa' ama nepallteno ñeñt po'poñ carta ñeñča' eñotate'

po'potantañ acheñenesha' ñeñt' atto netorrena na Yomporecoppa' ñeñña atarr sherbets. Tarro'mar sapa' saña e'ñe sherbets atet ñerra'mrrate' necarta nepenes. Tarro'mar allempo acheñenesha' eñotenset sa atto te'pa' o' soctape'cherr cohuen Yomporecop, ñeñt'cha'ña eñotatenahuet ñeñt' atto netorrena na, ñeñpa' ñeñña e'ñe sherbets Yomporecop. Ñato' o'ch netma'ntacha atet: Na necarta ñeñña eñotatenahuet ñeñpa' all aquellcaret e'ñe neyoçhro ñeñt'cha' lleyen allohuen acheñenesha' ñeñt'cha'ña eñotatenahuet. ³ Ñaña sa atto te'pa' sorrtaten ñeñt' e'ñe cohuentetsa, acheñenesha'ñapa' o'ch eñotapretaset ñeñpa' po'ñoçh Cristo po'taruas pene'. Ñato' o'ch netma'ntacha atet: Sapa' atet sesherven ñerra'mrrate' yecarta ñeñt'cha' eñotatenahuet, ñeñt' cartapa' o' quellca'huonay Cristo e'ñe ña. Añ cartapa' ahua't aquellca'huareta ahuañmo' choñeñ allempo yapa'yechapatonas Yompor po'ñoñ ñeñt' same'ñatate' Yompor. Tarraña añ cartapa' ama ayo'e' aquellcareto tinto, añña Yompor Puecamquëñoñ anareta, ñeñfara Yompor ñeñt' ama arromña'feshayay. Tarraña añ cartapa' ama arreye' aquellcarete mapyettallo. Añpa' arrña aquellcaret e'ñe ya yeyoçhro ama't ñeñfey arromña'fey.

Atto Yomporpa' a'pocatterrnay e'ñe etserra

⁴⁻⁵ Napa' neñoteñ ama nepallteno po'poñ carta ñeñt'cha' eñotatenahuet. Saña ñeñtes e'ñe necarta nepenes. Ama notenso e'ñe nañeña nohuamencot es nepa'yen. Añña e'ñe neyemteñoñ Cristo napa' netorrena Pomprecop. Ora allohuen es nepa'yen Yomporña ahuamencat nepene'. ⁶ Ñeñfara Yompor ñeñt' ahuamencat yepene' allochñapa' attoch yeserrpare'terrñañ pocatt'ña ñeñt' atet a'pocatterrnay e'ñe etserra. Añpa' ama atteyaye atet pa' ahua't Yompor allempo apan Moisés po'ñoñ ñeñt' anarettatse't ñeñt'cha' e'ñe yetso-tuañ esheccha' a'queshpateney Yompor. Ñeñt' ama etsotaye'te, ñocpuetpa' o' anarettet rromuetcha', chenquërretcha'. Tarraña ñeñt' atto a'pocattuerrnay Yompor etserra, ñeñt'pa' atto apuene'y Puecamquëñ alloch yocrra'huerra, tayotet errponohuañen.

⁷ Añ ñoñets ñeñt' aquellcarettatsa mapyettallo, ñeñt' ama etsotenaye, ñocpuetpa' o' anarettet rromuetcha', chenquërretcha'. Ñaña ahua't allempo Yomporpa' apan Moisés po'ñoñ atet, e'ñe po'cohueneteñoñ apan Moisés. Moiséspa' atet orrta pa'clloyot'cha' poptena, atarr a'rrechatañ. Ama't israelnesha'pa' ama eshcaye' cohuacle'cheto. Tarraña ama't atet pañpa' acopoteñ maya' huanerr ñeñt' atto poptena. ⁸⁻⁹ Ama't añ cotapñatser ñeñt'cha' ya'chencaterrayeñpa' tarraña Yomporpa' atarr cohuen orrtach allempo. Te'ña e'ñe ellonetpa' o' alla orrtaterrnayerr ña pocatt'ña attoch e'ñe pocte' entuerrey. Ñeñt'pa' e'ñe Parets Puecamquëñoñ orrtattuerrnay ñeñto'marña ñapa' ello cohuentena nanac. ¹⁰ Ñeñt' atet popta ahua't Moisés pa'clloyot' allempo ap' Yompor po'ñoñ, te'ña ñeñt'pa' o' huañ e'ñeye' cohuenaye' yeñch tarro'mar te'pa' eñall Cristo po'ñoñ ñeñt' atarr cohuen yenten, ello metanenan atto cohuenete't Moisés po'ñoñ. ¹¹ Tarro'mar ñeñt' atet cohuenete't Moisés ñeñt'pa' acopoteñ maya' huanerr atto cohuentena. Tarraña te'pa' atto cohuentena Cristo po'ñoñ ñeñt'pa' amach ahuañaña'terro, ñeñto'marña ñeñt'pa' ello metanenan Moisés po'cohuenña.

Atto Cristo po'cohuenña ñeñt'pa' amach ahuañaña'terro

¹² Yapa' o' yeñoterrñañ Cristo po'cohuenña ñeñt'pa' amach ahuañañañterro. Ñeñto'marña yapa' ama yepenquëñofoye' yeserrpare'teññañe po'ñoñ. ¹³ Yapa' ama atteye' yepeno atet pa'ahuat Moisés. Ñapa' cha huañerr atto popta pa'clloyotpa' ahuo't ca'macлле'cha allochña israelneshapa' amach eñchetopa'clloyot o' huañerr atto poptena. ¹⁴ Israelneshapa' ama chapaneto pueyoçhreto atoch cotaperecherret cohuen Yomporecop. Ama't teme'ttsen ñerra'm esempo lleyeññañet ñeñt a'pocht Yompor ahuat ataretach amach chapaneto pueyoçthro ñeñt atet muenen Yompor. Po'ñoçhpa' añaofcha'ña çhaponaya yeyoçthro ñeñt atet muenen Yompor e'ñe yeyemteñofo Puechemer ñeñt Cristo. Israelneshapa' ama cohuenaye' enteñeto Cristo ñeñto'mar noten ñetpa' teme'ttsen atet penet ñerra'mrrate' cho ca'macлле'chenet. ¹⁵ Po'ñoçh ama't teme'ttsen ñerra'm esempo e'ññotenet all lleyeññañet Moisés po'ñoñ amach es eñoteneto. Chach ottenet ñerra'mrrate' cha es a'npuenahuat atoch amach eñotoñeto Yompor poctapña. ¹⁶ Tarraña ama't puesheñarrofoya ñeñtey erra'tseney acheñrey, allempoteñ yaguër Yepartseshar Cristo, allempoteñcha'ña çhaponaya yeyoçthro ñeñt atet muenen Yompor; Cristopa' ñachña yehuapore'tam'pse'ña ñeñt ya'npuenayeñ. ¹⁷ Ñeñt yoten Parets Puecamquëñ, ñeñtara Yepartseshar Cristo Puecamquëñ. Ñaña atarr cosheñtso'tseney ñerra'm esempoch çhaponaya Cristo Puecamquëñ yeyoçthro. O'huañcha' yemueroçhtame'ta atoch puechemer perrey Yompor, e'ñech yocsheñesha' yocter Yompor. ¹⁸ Allohueney ñeñtey ame'ñenaya Yepartseshar Cristo, ña Puecamquëñpa' ñachña ya'po'poñeterre', allochñapa' allo'nach yesen cohuentapretaya Cristo. Yapa' ama atteyayye ñerra'mrrate' ñeñt a'nataclle'charet atoch amach enteññañeto Cristo po'cohuenña. Yapa' e'ñe yecueñofo Cristo po'cohuenña, yapa'cho'ña o'ch yecohuentapreteña yaña, atet ñerra'mrrate' rerep poptetsa ñerra'm cho yecuach atsrretonet.

4

Atto Pablopa' atarr cohuen yeçhatenanet Yompor po'ñoñ

¹ Yomporpa' e'ñe puemuereñofo muenatenen o'ch netorreññaña ñeñt nanac sherbets ñocop. Ñeñto'marña napa' ama nellquëñofoye' neserrpare'teññañe po'ñoñ. ² Ñeñt a'nahua es pa'yenet ñeñt apencothen yenten yocop ya ñeñtey torretsa Yomporecoppa' ñeñtña napa' o' na'ypo'ña'mper. Ñaña napa' ama es neshquëñofo nepa'yeno masheñeshacop. Ñaña napa' allempo neserrpare'tateñ acheñenesha' ama çho'ye' na'po'poñeteññañe Yompor po'ñoñ. Añcha'ña e'ñe na'poteññañ Yompor po'ñoñ e'ñe po'ñoçh ñeñt atet oten po'ñoñ. Yomporpa' entenen ñeñt atet notenes ñeñt'pa' e'ñe po'ñoçh atet. Ñaña ama't erra'tsena acheñer ñeñt eñotene' ñeñt e'ñe pocte' entenet ñet pueyoçhretopa' ñetpa'cho'ña e'ñech cohuen entapretennet. ³ Atto yeserrpare'teññañ Yompor po'ñoñ ñeñt po'ñoçh alloch yequeshperra tarraña patantarr acheñenesha'pa' amach chapaneto pueyoçhreto ñeñt alloch yequeshperra. Ñeñt atet pet-sapa' allo'na senet allcha' chenca' huerret. ⁴ Ñeñtara acheñenesha' ñeñt ama ame'ñetso, ñetpa' aña pa'yomporer penet arr patsro ñeñt oneñet, ñeñtña ama muenatenaneto o'ch chapanet pueyoçhreto Yompor po'ñoñ; allochñapa' attotcha' amach eshcaye' cohuen enteññañeto Cristo po'cohuenña. Ñapa' attecma cohuentena ñerra'mrrate' Pompor Parets ñeñt ama entpahuoyaye. Ñeñt po'cohuenñapa' ñeñtara yoten cohuen ñoñets alloch yequeshperra.

Ñato' o'ch netma'ntacha atto oneñe'pa' a'nataclle'chenanet attochña amach eshcaye' cohuen enteññañeto Cristo po'puetarenña. ⁵ Tarro'mar ñeñfey e'ñe yeñmañeshocmañen seserrpare'tatene'pa' ñeñ'pa' ama añecpaye' atet yepeno attoch senteney ya ñerra'mrrate' samo'mte' sepeneý. Añcha'ña yeserrpare'tatenes Jesucristo, ñachña Separtseshar sepen. Yapa' añña atarr yetorrena socop e'ñe yemorrenteño't Jesús. ⁶ Ñehua, yapa' yeñoteñ atet ot ahuat Yompor, ñeñ'pa' atet ot: "Eñalletepa'ch puettare' allochñapa' o'huañcha' checmet." Ñeñfara Yompor te'ñapa' o' a'puetarsam'perrnay yaña yeyoother allochñapa' attoch yeñotater po'potantañ acheñenesha' atto Cristopa' ña orratene' Pompor po'cohuenña.

Ama't ama esoshe'mayayye e'ñe yeyemteño't Yomporpa' ñapa' chocmach ahuamencat peney

⁷ Ñeñ'pa' atto Yomporpa' ahuo't chorrerria yeyo'chro po'cohuenña, ama't yapa' arromñataya, ama esoshe'mayayye. Añcopña o' chorrerria ya ama't ñeñfey ama esoshe'mayayye, allochñapa' attoch eñochet ñeñ't atto atarr ahuamencat yentena'pa' ñeñ'pa' ama yoyaye yehuomenc, ñeñ'pa' Yomporsho't huena. Ñato' o'ch netma'ntacha atet ñerra'm ahuat po'poñ acheñ ñerra'm esempo atarr es morrentenetpa' o'ch esha'teñet patsrrogo ama't ñeñ't coyen'pa' ama e'ñe cohuenayaye. ⁸ Ñehua, ama't allenñateñcha' huaponaya ñeñ'tcha' atarr ya'llpatate', tarraña chocmach eñall attoch yesuanem. Ñaña ama'tcha' atarr yellquëñañ nanacpa' tarraña chocmach eñall attoch yesuanem allohuen ñeñ't allcatañtetsa. ⁹ Ñehua, ama'tcha' cotare'teney ñeñ't ye'moñe'tene' tarraña Yomporpa' amach a'ypo'ñenye ama't mamesha. Ama'tcha' o'shshe'mayet patsopa' chocmach alla yetanterra. ¹⁰ Chocmach muene' yerromañ atet pete't Jesús. Tarraña atto Jesús'pa' o' alla tanterra yapa'cho'ña attoña o' a'queshpaterrey allempo es yehuenoaya ama't yapa' arromñafenesha. Attochña yeñotach acheñenesha' atto Jesús te'pa' o' betterra. ¹¹ Atto allponmat yocrrena añe patsro yapa' chocmach pomatatenyet yerrromuepa'to'. E'ñe yemorrenteño't Jesús atet penyet. Tarraña atto Jesús'pa' o' alla tanterra, yapa'cho'ña attoña a'queshpaterrey allempo es yehuenoaya ama't yapa' arromñafenesha. Attochña yeñotach acheñenesha' atto Jesús te'pa' o' betterra. ¹² E'ñe netorreño't Cristocop chocmach nanac nemuero'chetuanena autsan'cha' rromuets. Tarraña ñeñ'pa' atarr cohuen socop tarro'mar ñeñ'pa' alloch e'ñe sequeshpa' huerra sam'a.

¹³ Añmapa' ñeñ't atet oten Yompor po'ñoñ ñeñ't atet anuaet ahuatoteñ ñeñ'pa' atet oten ñeñ't quellquë' libro Salmos, "Napa' atarr neyemteña Yompor ñeñ'to'mar atet ne'ño'ena ñocop." Yapa'cho'ña e'ñe attecma yoc'tape'chen yaña. E'ñe attecma yeyemteña Yompor, ñeñ'to'mar yapa'cho'ña attecma ye'ño'ena yaña. ¹⁴ Yapa' yeñoteñ Yomporpa' ahuo't tantaterran Puechemer ñeñ'fara Yepartseshar Jesús. Ñeñ'to'mar yeñoteñ yapa'cho'ña tantatuerreycha' Yompor e'ñe atet pan Puechemer Jesús, allochñapa' ama't sapa' o'ch chapatuerres allohuenes e'ñe parro ñesho. ¹⁵ Ñeñ'to'marña napa' Yomporña nemnate' o'ch nemuero'chtame'ta; ñeñ'pa' e'ñe socop, allochñapa' attotcha' Yompor puemuereña chapcha' shonte' acheñenesho, allochñapa' shonte'ch acheñenesha' allo'nach senet parasyoso'tnomuet Yompor, attochña e'ñe cohuen ya'ye'cho'chtateññañ Yompor.

16 Ñeñto'marña napa' ama nellquëñofeyey' netorreññañoña Yompor po'taruas. Ama't nechetspa' allo'na sen huañuanmats atto noumencna'ntena, tarraña necamquëñña' allo'na sen huomencatnomuets e'ñe pate'tets yet. 17 Tarro'mar ñeñt' atto allpon yemuerochtame'tyena aña patsro, ñeñpa' ama esoyaye, e'ñe mamecpa. Ñeñpa' añeçpaña huennaya allochña'p' attoch huapatuerrnay ñeñt' atarr nanac cosheñets ñeñt' ama ahuañaño ama't errponaña, ñeñt' ello nanac atarr coçhnesha'tetsa, ñeñt' atarr nanac cohuen. 18 Tarro'mar yapa' ama añeye' yeyemteno ñeñt' allpon coçhnesha'yentyen arr patsro, tarro'mar añeçhno ñeñt' allpon yentyenpa' huañerrcha'. Yapa' añña yeyemtena añeçhno ñeñt' cohuentetsa Yomporecop ñeñtpa' ama entpahuoayaye ñaña ñeñtpa' amach huañerro ama't errponaña.

5

Atto Yomporpa' o' añño'terrnay ñeñcha' yepaquëll yeperr all pue'ntaño

1 Yapa' yeñoteñ ñeñfey arromñañey, yechetspa' çhocmach huañerr. E'ñe mamecpa sherbeney aña patsro, atet ñerra'mrrate' yequërpachet ñeñt' pocollashe'm all yemanatena. Ñeñt' pocollashe'mpa' mamecpach sherba'y. Yechetspa'cho'ña mamecpa sherbeney atto yocrrena aña patsro ñeñt' yepaclashe'm yepen. Tarraña yapa' o' yeñoter ñerra'm esempoç yerroma, Yomporpa' o' añño'terrnay ñeñcha' yepaquëll yeperr all pue'ntaño allcha' yeycha'huerra, ñeñtpa' amach ahuañaña'tterro. Ñeñcha' yepaquëll yeperr allpa' ama arromñañeshaye' yechcatenaye, Yomporña yechcatene'. 2 Po'ñoç arr patsro yechets ñeñt' yepaquëll yepenpa' çhocmach es e'mnatatuene'. Ñeñto'marña yapa' atarr yemneñ o'ch yechorrerra ñeñcha' yepaquëll yeperr Yompor pue'ntaño. 3 Tarro'mar yemneñ yecamquëñpa' o'ch chorrerrana ñeñcha' pa'shtam perr Yompor pue'ntaño, allochña'p' yecamquëñpa' amach atta huochapoterro çhocmach eñall ñeñcha' chorrena. 4 Tarraña atet ñerra'm te' orameñ yechets ñeñt' yepaquëll yepen atto yocrrena arr patsro, çhocmach eñall ñeñcha' e'mnatatuene'. Ñeñto'marña yapa' atarr yemneñ ama't ama yerromuena', yechetspa' o'ch a'po'poñeterrnay Yompor tayoteñ ama't esempo huerra, ñeñcha'ña pa'shtam perr yecamquëñ. Allochña'p' attoch yocrterra etserra correñets ñeñt' amach ahuañaña'tterro, ñeñcha'ña a'huañaterre'ña ñeñt' atto ya'rromña'te't. Nato' o'ch netma'ntacha atet ñerra'mrrate' o'ch yechorra shetamuets ñeñt' e'ñe etserra emarr ñeñcha' yena' enot o'ch yepmata. Allochña'p' ñeñcha' yena' enot, ñeñcha'ña a'natue'ña mellashañ ñeñt' yechorre't ahuañoteñ. Allochña'p' attoch eñall ñeñcha' yechorratenaya. 5 Ñeñt' yemnatene' e'ñe atet ñeñtpa' Yompor ña atet yeçatene', tarro'mar ñapa' chorrenya Puecamquëñ ñeñtña yeñotatene' orameñ eñall cohuenñats ñeñt' o'patatenya ñeñcha' apguerrey Yompor.

6 Ñeñto'marña e'ñe yeyemteñot Yompor çhocmach yecueñ ñeñcha' atet perrnay esempo. Yeñoteñ yechets yepaquëll yepenmeñ arr patsro allaparo'tsenmeñey attoch yeycha'huerra Yepartsesharesho. 7 E'ñe yeyemteñot Yomporpa' allo'nach yesen eñotnomue' ñeñcha' atet perrnay ña, ama añeye' es yeñotatenaye ñeñt' yentyen arr patsro. 8 E'ñe yeyemteñot Yompor çhocmach yecuen ñeñcha' atet perrnay ña. Ñaña yapa' añ atarr cohuen yenten o'ch huañ atto yocrrena arr patsro, o'ch yesa'nom yechets

ñeñt yepaquëll yepen arr attoch ye'chap allcha' yocrra'huerra Yepartse-sharesho. ⁹ Yapa' ñeñtach paterr yema'yo'chrena 'chocmuepa'chña yocshateñ Yepartseshar, ama't allempo orameñ yocrrena e'ñe yechtso arr patsro, ñaña ama't allempo yerro ma o'ch yesa'nom yechets e'ñepa'ch Yepartsesharesho'tseney attoch yocshateñ e'ñe all pue'ntañ. ¹⁰ Tarro'mar o' anaretta allohuenacpay yehuapuepa'to' Cristeso allcha' e'ñotatareyey e'ñe puesheña'ttsoy. Allochñapa' allcha'ña atet pa'yesey errofench'a' entapretuerrey, ñato' e'ñech cohuen entapretuerrey atto e'ñe cohuen es yepa'yen e'ñe yechtsof allempo yocrrena arr patsro, ñato' amach cohuenaye' entapretuerrey.

Atto Pablopa' e'ñe pueñmañesha' e'ñe cohuen es orrtatyen

¹¹ Ñeñtpa' ama't atarr yoro'chen yenteñeñña Yompor, tarraña nocoppa' ama yoro'chenayaye tarro'mar Yomporpa' entenen e'ñe cohuen ñeñt atet nepena. Te'pa' aña palltetsa o'ch noctape'chater allohuen acheñenesha' attoch ñetpa'cho'ña e'ñech cohuen entapretennet. Ama't sapa'cho'ña te'pa' necuenes, nemneñ o'ch señoter samña e'ñe seyo'chro atto e'ñe neñmañesha' cohuen es ne'pa'yen. ¹² Ñeñt atet notenes te'pa' ñeñtpa' ama añecpayaye o'ch alla neñerrerr cohuen ñeñt e'ñe nocpa. Añecopña o' alla neñerrerr atet allochñapa' o'ch alla socshapreterrna, allochñapa' attoch seño'ch ote' ñeñt e'ñe ñañaña cohuen entetsa e'ñe poctapño'mara. Ama añeye' e'ñoteno pueyo'chro ñeñt cohuentetsa Yomporecop. ¹³ Ñehua, sapa' 'chate' sotenen napa' 'cho' muene' nemospuena. Ñerra'm po'ño'ch 'cha nemospuenapa' ñeñtpa' e'ñe pocte' Yomporecop. Ñaña ñerra'm ama 'choye' nemospueno atto e'ñe cohuenare' es noctape'chen ñeñtpa'cho'ña e'ñe pocte' allo neshherbenes sa. ¹⁴⁻¹⁵ Ñaña atto Cristopa' atarr morrentenya ñeñtña ama yemnatenaye o'ch allo'na yesen corrata e'ñe yocpa. Ñaña atto te'pa' yeñoteñ Cristo ahuo't rroma allohuenacpay, allochñapa' atto yocrrena yapa' o'huañcha' yocrra e'ñe yocpa. Ñeñtpa' ñeñtara yoten o' yerromaprecha Cristo, allohueney ñeñfey ame'ñenaya. Añcha'ña atet yocrrena e'ñe ñocop, ñeñt rromats yocop, elloñapa' alla tanterra yocop. ¹⁶ Ñeñto'marña napa' ama't puesheñarrapa' o'huañcha' cohuen nenteñ ñeñt e'ñe cohuen enten po'potantañ acheñenesha' arr patsro e'ñe ñet poctapño'maret, ñeñtpa' arromñaña poctapña. Tarraña ama't na ahuatpa' cohuen nentapretanete't poctapña. Ñeñto'marña napa'cho'ña tsena'tatnete't Cristo allempo, tarraña te'pa' o'huañ atet neñch Cristo. ¹⁷ Ñeñto'marña ñeñfey o' yeyemtera Cristo, Yomporpa' o' etserrataterrnay yoctapña e'ñe poctacma. Ñeñt atet yoctape'che't ahua't, ñeñtpa' o' huañerr, te'ñapa' o' e'ñe yoctape'cherr ñeñt e'ñe cohuenare' etserra.

¹⁸ Ñeñtña o' atet perrnay Yompor ñeñt muenatan Puechemer Cristo, ñachña yamo'tstaterre' Pomproesho. Ñeñtara Yompor ama't napa' ahuo't llesensa'n attoch neñotach acheñenesha' allochñapa' ñetpa'cho'ña o'ch amo'tsterranet ñamet Yompor. ¹⁹ Ñaña atto Yomporpa' muenatan Puechemer Cristo allempopa' ñachña allo'na sets yamo'tstataya allohueney acheñeneshay Pomproesho. Allochñapa' o'huañcha' allo'na ochñañenesha' enteney Yompor. Attoña yapa' apuerrey llesens ellonet attoch yach e'ñotatyese' pa'namen acheñenesha' allochñapa' ñetpa'cho'ña attoch e'ñe amo'tsterranet Yompor. ²⁰ Ñeñto'marña yapa' allsensaretey ñeñtcha' yetaruas yeperr ñeñfeycha' e'ñosets cohuen Cristocop attoch yame'ñacha allohuen acheñenesha'. Ñeñtpa'

atto Yomporpa' o' hua'ñerres o'ch same'ñera, tarraña ñeñtpa' e'ñe ya yeser-
 rpare'tateñofes o' hua'ñerres Yompor. Ñeñto'mar te'pa' o'ch notas Cristocop,
 ñach same'ñerra allochñapa' attoch e'ñe amo'tsterrsa Yompor e'ñe poctacma.
 21 Añ ñeñtara Cristo ñapa' ama't parrochapa' ama ñano ñeñt ama pocte-
 eye' enteno Pompor Parets, tarraña Pomporñapa' ahuo't muenateñ o'ch
 atet aþaretta ñerra'mrrate' acheñ ñeñt atarr ochñañ. Tarraña ñeñt atto
 aþarettapa' ñeñtpa' e'ñe yocop. Allochñapa' e'ñe yeyemteñoñ Puechemer
 Cristo, Pomporña yapuerre' alloch e'ñe pocte' enterrey.

6

*Ñeñt torretsas Yomporecoppa' añ poctetsa ñocop ðhocmach orrtatenan ñeñt
 e'ñe pocte' enten Yompor*

1 Te'pa' atto yetorraprecha Yompor, napa' o'ch notas, amach e'ñe orrena
 sagapatstoñe Yompor puemuereña. 2 Ñehua, ñeñtpa' atet oteneñ Yompor
 po'ñon ñeñt anuaret ahuatoteñ, ñeñtpa' Yompor atet otets:
 Allempo sechore'tenen napa' e'ñe ne'mñotenes ñeñt atet sotenen, tarro'mar
 allempopa' o' chap ñeñt poctetsa o'ch saguërren. Nañapa' o'ch
 naguërres samña. Attoña napa' ahuo't neyenpas tarro'mar allempopa'
 o' chap ñeñt poctetsa attoch na'qeshþaterres.

Ñeñto'marña na te'pa' o'ch notas, o' e'ñe chap allempo ñeñt poctetsa o'ch
 saguër Yompor, tarro'mar te'pa' o' chap allempoch a'qeshþaterrey.

3 Ñehua, yapa' yeñoteñ ñeñteñ ame'ñetsa ñerra'm o'ch yepa'yen ñeñt
 ama pocteyaye Yomporecop ñeññañ ama ame'ñetsopa' chach ya'npare'teñ
 attoch ame'ñerret ñamet. Ñeñto'marña yapa' ama yemno ama't mamesha
 o'ch ya'npare'ch ama't puesheñarra allochñapa' attoch ame'ñeret ñamet
 Yompor. Ñaña ya atto yetorrena Yomporecoppa' ama yemno o'ch atet
 entapretyet ñeñt ama cohuenayaye. Allochñapa' amach achñare'teññañeto
 Yompor po'taruas e'ñe ya atet yepatse'tyeñoñ. 4 Yapa' añña yemnen
 ama't erroteno'tsenya ðhocmach yemneñ o'ch yeñotach acheñenesha'
 po'ñoçh e'ñe cohuen yetorrena Yomporecop ñeñt atet poctetsa yocop
 ñeñteñ torretsas Yomporecop. Ñeñtpa' añeçhno ñeñtcha'ña eñotaterahuet:
 allpon es yehuapoyapa' ðhocmach ya'huanteñ e'ñe cohuen, ama't allpon
 atto yemuroçhtame'tyena, ama't allpon ñeñt yepallta'yena, ðhocmach
 ya'huanteñ allohuen. Ama't ora allohuen ñeñt allpon ñeñt allcatañtetsa,
 tarraña ñeñtpa' ðhocmach ya'huanteñ. 5 Ñaña atto ashta'yenyet, atto
 yottanþenyet, atto ama'toçhtana'tenyet pa'tsrre'mueñoñet, atto atarr
 nanac yetaruasen, atto yarepen torratsa Yomporecop, atto yemuroçhtena
 yachporrñoñ, ñeññañ eñotatene'ña allohuen acheñenesha' atto yapa' e'ñe
 cohuen yetorrena Yomporecop. 6 Ñaña atto yeñmañesha' yocrrena, ama
 sosya'tsañeye' yoctape'chyeno, ñaña atto yeñoten ñeñt e'ñe po'ñoçh Yompor
 po'ñoñ ñeñt ama shequëñtsoyaye, ñaña atto es ya'huanta'yen, amachña cha
 atsrre'mateny, ñaña attoçhña e'ñe ya'muerañtana, ñaña atto chorrenya
 Parets Puecamyëñ, ñaña atto e'ñe cohuen yemorrenteña allohuen
 masheñneshaçhno, ñeñtpa'çho'ña ñeññañ eñotatene'ña acheñenesha' atto
 yapa' e'ñe cohuen yetorrena Yomporecop. 7 Ñaña atto ye'ñoreña ñeñtpa'
 e'ñe po'ñoçh atet. Yomporña po'huamenc ñeñt ahuamencat yepene'.
 Ñaña ñeñt e'ñe pocte' enten Yompor, ñeñtpa' ñeññañ allo ðhocma es
 yepa'yen, alloña yeçllarena Yomporecop, ñeñtpa' alloña yemoñeññaña

Yompör pöctapña. ⁸ Erroteno e'ñech cohuen entapretenyet, tarraña errotenoñapa' amach cohuenaye' entapretenyeto; erroteno e'ñech cohuen eñosyenet yocop, errotenoñapa' çhach sasare'tenyet. Errotenopa' attach entenyet ñerra'mrrate' atta yeshquën, ama't amach çhoye' yeshquëno. ⁹ Errotenopa' e'ñech cohuen emchorrenyet, errotenoñapa' amach acua'psenaye' entenyeto. Errotenopa' autsaycha' rromuets, tarraña çhocmach allo'na yesen huomçhetsa. Erroteno ama'tcha' a'coñchatarëy, yañapa' corretsayach. ¹⁰ Ñaña erroteno ama'tcha' yellquënañpa' tarraña çhocmach alla yocsherra. Ñaña ama't e'ñe huocchañeypa' shonte'ch coçhnesha' cotapñats yapa'yes po'potantañ. Ama't ama es yechenñe arr patsro, tarraña shonte' esocmañen es yechen Yompöreshot.

Atto Pablopa' e'ñe pueyoçhrocmañen morrentenana allohuen ñeñĩ ame'ñenaya Yompör

¹¹ Te'pa' masheñneshacha' corinto'marnesha o' neñotatuas ora allpon ñeñĩ atet noctape'chen neyoçhro. E'ñe neyoçhrocmañen nemorrentensa. ¹² Nocoppa' ama palltenmeñe ama't mamesha attoch nemorrentersa e'ñe pöctacma. Añña sapa' çhocmate' sepalltena attoch semorrenterna naña. ¹³ Napa' e'ñe nechemeresh'a nepenes. Ñeñio'marña o'ch nenamas, o'ch notas, atto napa' e'ñe neyoçhrocmañen nemorrentensa sa, sapa'çho'ña añ pöctetsa e'ñe seyoçhrocmañenpa' o'ch semorrenterna naña.

Atto ama ayemuetspahuo ñeñĩ ama ame'ñetso

¹⁴ Te'pa' o'ch noterserr po'poñ, amach e'ñe seyemtatsche ñeñĩ ama ame'ñetso, tarro'mar amach patraye' soctape'chueno. Acheñ ñeñĩ e'ñe pocte' es pa'yetspa' amate' errotenot yemtanoña acheñ ñeñĩ ama cohuenaye' es pa'yetso, tarro'mar ama attecma' es pa'yeneto. Ñato' o'ch netma'ntacha atet ñerra'mrrate' checmete'pa' amate' errotenot alla epteto parro epuet puetare'. ¹⁵ Ñeñĩ atet pena Cristo ñaña oneñet amate' errotenot cohuen amo'tstanna'teto. Attecma ñaña ñeñĩ ame'ñetsapa' amach patraye' cotape'chueneto epuet ñeñĩ ama ame'ñetso.

Atto yapa' pa'paquëll peney Yompör

¹⁶ Ñaña ñeñĩ pa'paquëll pen Yompörpa' ama atteyaye ñerra'mrrate' ñeñĩ ayeçhcatarëf ñeñĩ po'yompörer pa'yen po'potantañ acheñenesha' arr patsro. Tarro'mar ama't yapa' allohueney ñeñey ame'ñenaya, yañapa' pa'paquëll peney Yompör ñeñĩ ama arromñateshayaye. Añpa' ñeñĩ atet oten Yompör: Napa' çhocmach neyçhena e'ñe ñesheto parro allcha' nechopeñe'chen. Napa' Po'yompörer pennet, ñetpa'çho'ña e'ñe neyochrenesha' nepenanet.

¹⁷ Ñeñio'marña Yompörpa' oteney:

Añ pöctetsa o'ch sesuanemñ ñeñĩ ama ame'ñetso, allochñapa' o'ch sellopa'tetstatua soctapña. Amach seyçhapretatsto sosya'tsañ ñeñĩ orrtatyenet. Allochñapa' attochña napa' o'ch naguërres e'ñe nosheñesha'.

¹⁸ Allochña sapa' attochña e'ñe Sompör seperren na, napa'çho'ña o'ch nechemeresh'a neçhuerres ama't ñaña allohuen nesñeneshohuen. Ñeñtpa' atet ot Yompör ñeñĩ nanac partsotets.

7

¹ Ñehua, e'ñe nemorrenteñofes, masheñneshacha' ñaña noçhaneshacha' o' notuas atet oteney Yompör ñeñtcha' atet perrnay. Ñeñio'marña te'pa' añ

pocetsa yocop yapa' o'ch yesuanem ora allohuen ñeñt' chocma a'sosyatene' yechets ñaña ñeñt' chocma a'sosyatene' ama't yecamqueñ. Añña e'ñe yencha'na'teñoť Yomporpa' añcha'ña yema'yo'chrena ñeñt' pocte' enten ña.

Atto Pablopa' o' alla atarr coshater corinto'marnesha' tarro'mar o' cotape'cherret cohuen e'ñe etserra

² Napa' atarr nemneñ, masheñneshacha' o'ch alla semorrenterna e'ñe seyo'chrocmañen. Napa' ama't puesheñarrotesapa' ama' cho' errot ne'paso, ñaña ama't puesheñarrotesa ama' a'ñeye' ney'chataso ñeñt' ama' cohuenayaye, ñaña ama't puesheñarrotesapa' ama' choye' neshcare'taso ama't e'ñe mamesha. ³ Ñeñtpa' ama' añecpaye' notenso o'ch neyohuare'tasa. Añecopña o' alla noterrser e'ñe nemorrenteñoťes ñeñt' atet o' notuanmas. Po'ño'chpa' atarr nemorrentensa e'ñe neyo'chrocmañen. Ñeñto'marña napa' e'ñe pocte' nenteñ e'ñech parrocmayocrena ama't ñaña e'ñech parrocmayerro. ⁴ Napa' neñotenes sapa' chocmach se'pa'yen ñeñt' cohuentetsa Yomporecop. Ñeñto'marña napa' atarr nocshapretensa. Ama't nellquënañ nemue'rochteñoťpa' elloña o' alla nanac socshaterren.

⁵ Ama't allempo ne'herr Macedoniopa' chocma atarr nellca'huerrerr alla. Alpa'cho'ña chocma es nehuapoya pa'namen ñeñt'ña ama't mameshapa' ama' eshcaye' neñmatataye neyo'chro attoch e'ñe cohuen nella'psos muechet. ⁶ Atteñapa' o' cherr masheñ Tito. Atto cherr masheñ Titopa' allempoña Yomporpa' alla coshaterren neyo'chro, ñeñt'ara Yompor ñeñt' chocma yocshatene' allempo es yelcatene'. ⁷ Ama' e'ñe añña nocshataye atto cherr Tito, añña atarr nocshatene' ñeñt' atto e'ñe cohuen entapretensa, ñapa'cho'ña atarr socshater. Ñehua, ñapa' eñotatuerrren atto sapa' atarr o' seyerpuenna, ñaña o' eñotatuerrren atto sellquëñoť sapa' o' alla same'ñerra e'ñe cohuen, ñaña o' eñotatuerrren atto o' alla sellcapreterna ñeñt' atto sellcatenen na. Ñeñt' allpon serrpare'tatuerrren, napa' ñeñt'ña ello atarr nanac nocshaterre'.

⁸ Carta ñeñt' nequellconas ahuaña, ñeñtpa' cha' llecatas. Ñeñto'marña allempo napa'cho'ña cha' muene' llecatna naña tarro'mar o' nemñonas atet carta. Ama't te'pa' neñoteñ añ necarta cha' llecatenes tarraña ñeñtpa' e'ñe mamecpa, ñeñt' e'ñe pocte' nenteñ. ⁹ Attoña te' napa' e'ñe cohuen nocshena. Ñeñtpa' ama' añecpaye' nocsheno atto sapa' nellcatas. Te' napa' añecopña nocshena atto sapa' e'ñe sellquëñoť o' alla same'ñerra e'ñe cohuen. Tarraña atto sellquëna sapa' ñeñtpa' atet senteñ ñerra'm Yompor sellcatene' ñeñt'cha'ña same'ñaterraya e'ñe cohuen ñocop. Ñeñto'marña ñeñt' atet ne'ponas, ñeñtpa' e'ñe cohuen socop, ñeñt' allopa' ama' choye' erroten nepenso ñeñt' ama' pocteyaye ama't mamesha. ¹⁰ Tarro'mar ñerra'm esempo atet yenteñ Yomporña atet yelcatene' ñeñtpa' e'ñech pocte' yenteñ tarro'mar ñeñtpa' alloch yotape'cherret cohuen ñocop, allochñapa' attochña yelqueshperra. Tarraña atto yellquëna arr patsro, ama' Yomporecpaye' yellquëno ñeñtpa' ñeñt'ña allo'na aneney rromueñtso, allcha' yechenquërra pocctacma. ¹¹ Sa sellquëñapa' e'ñe atet senteñ ñerra'm Yompor e'ñe sellcatene'. Ñeñto'marña allempoteñ yoro'chen senten sa so'chñar ñeñto'marña sapa' semneñ o'ch alla cohuen nentapreterres. Ñaña ñeñtpa' apenco'chen senteñ ñeñt' atarr atparñať. Ñeñto'marña sen'chañoťpa' atarr semneñ o'ch alla senterren, attoch e'ñe cohuen na'pocctatonas. Ñaña allempoteñña e'ñe pocte' senteñ o'ch secoñchach ñeñt' atparñaťtetsa. Ñeñto'marña te'pa'

atet o' sephohera ñeñt e'ñe pocte' nenten, allochñapa' amach allo'na sa'yohuaretteno. ¹² Ñaña o'ch notas, ahuaña allemppo nequellquërrnaserr añ necartapa' ama atparñafecpaye' nequellquërrnaserro ñaña ama nocpaye' nequellquërrnaserro ñeñten atarr atpare'tenet. Añecpa'ñaña nequellquërrnaserr carta allochñapa' attoch çhaponasa seyoçhro po' ñoch sapa' atarr semorrentenna. Ama't Yomporpa' e'notenes. ¹³ Ñeñto'marña attoña o' alla atarr socshaterrey.

Elloña napa' añ atarr nocshaterre' atto nenter masheñ Tito atto ña ahuo't alla atarr socshater, e'ñe pueyoçhrocmañen o' atarr cosherra. ¹⁴ Ñehua, ahuaña allempoch ahuo' masheñ Tito sesho, napa' atet noch sapa' atarrcha' cohuen same'ñya. Allempoña çhap seshopa' e'ñe atet same'ñya ñeñt atet noch. Ñeñto'marña napa' ama't mameshapa' amach errotenoç sepencatno, ama atta nommo'chenso. E'ñe po'ñoçh atet sephohera ñeñt atet noch Tito. Ñaña ñeñt ora allpon atet notas, ñeñtpa' e'ñe po'ñoçh atet. ¹⁵ Ñaña e'ñe señcha'na'teño'pa' ahuo't sagaç Tito e'ñe cohuen. Ñaña ñeñt ora allpon cotape'chatas Tito sapa' ahuo't e'ñe cohuen ame'ñaterra. Ñeñto'marña te' Titopa' e'ñe pueyerpueño'es, ñapa' atarr morrentensa nanac. ¹⁶ Ñeñto'marña napa' atarr nocshena tarro'mar neñotenes sapa' o' same'ña'huerra e'ñe cohuen.

8

Atto macedonio'marnesha'pa' e'ñe pocsheñeshocmañen es apa'yenet Yomporecop

¹ Ñehua, te' masheñneshacha' ñaña noçhaneshacha' o'ch neñotaterrsserr atto Yomporpa' orrtaterranet puemuerena allohuenacop ñeñt pame'ñeñofet çhocma apçha'yenet all anetso Macedonio'mar. ² Ñehua, macedonio'marnesha'pa' ama't shonte' pa'namen huenanet ñeñt atarr topatenahuet, tarraña ñetpa' çhocma atarr coshenet. Ñaña ama't atarr huocchañetyenet, tarraña ñetpa' çhocma apa'yeñet po'potantañ ñeñt atarr es nanac palltetsa. Apa'yeñet e'ñe pocsheñeshocmañen atet ñerra'mrrate' ñetpa' shonte' esocmañen echenet po'çhecom. ³ Napa' neñotenanet ñetpa' ahuo't pomyenet ñeñt allpon muena'yenet ñet pusesheña'ttset. Ama't ñocpuetpa' palltenetañ tarraña ellonetñapa' o' alla apa'yereterr po'psheñeñ po'pocheño, ama't ñocpuetpa' palltenetañ. Ñet e'ñe puemnenñofet atet penet. ⁴ Ñetpa' çhocma a'p'to'tennet pocte'te' o'ch notanet attoch yenpuet ñamet ñeñt masheñneshachno huocchañneshachno. ⁵ Napa' e'ñe allpona notanet ñetña ellonetpa' atarr shonte' pomyeset, tarraña ama't allemppo ama pomueneta' po'çllayor Yomporecop, ñetñapa' ñanmacmuet o' e'ñe pomhuerret Yomporecop, allo'pa' ñaña yocop ñeñt atet muenateney Yompor allohueney. ⁶ Atet nenteñ macedonio'marnesha' atarr es pomuenet Yomporecop, ñeñto'marña te'pa' o' alla notererr masheñ Tito o'ch alla ahuererr sesho, allochñapa' attoch allo'nach señotnen e'ñe cohuen pomuene' Yomporecop, ñeñt allpon yechatensa' ahuaña Tito. ⁷ Ñaña sapa' atarr setsoteññañ allohuen ñeñt cohuen enten Yompor. Ñanompa' atarr seyemteña Yompor, ñaña atarr cohuen seserrpare'teññañ po'ñoñ, pa'namen esocmañen es señotyen, ñaña e'ñe socsheñesha' es sepa'yen Yomporecop, ñaña e'ñe cohuen semorrentenya. Ñaña e'ñe setsotuen ñeñt atet cohuentetsa Yomporecop.

Ñeñto'marña te'pa' aña sepalltena paterr attoch o'ch setsota eñote' apa'yese' po'potantañ ñeñt es pallta'yetsa.

⁸ Napa' ama neyechare'teñofoye' notenso atet, añaña nemnen o'ch neñotatas ñeñt atet pena po'potantañ ñeñt e'ñe pocsheñeshocmañen es apa'yefet ñeñt es pallta'yetsa. Allochña ñerra'm ñeñt señot, napa' neñotenes atetcha sepohuerra samña. Attoña neñotenes e'ñe po'ñoçh semueranna tuena allohuenes. ⁹ Ñehua, sapa' o' señoter ñeñt atet pa Yepartseshar Jesucristo. Napa' atarr amuerañtosa, ñapa' esocmañen echeneñ Pomprosho, tarraña e'ñe puemorrenteñofoye ya, ñaña'pa' atta huocchañetos. Allochña e'ñe puehuocchañeteñofoy yocop, yaña'pa' shonte'ch esocmañen yecherr Yompreshot.

¹⁰⁻¹² Ñehua, sa ahuaña charopa' atarr semneñ o'ch es sapa'yefi acheñenesha' ñeñt es pallta'yetsa. E'ñe socsheñesha' sapa' ahuo't samotech es apa'yese' po'potantañ. Ñeñto'marña te'pa' añ e'ñe pocte' nenteñ socop. Te'pa' allo'nach sesen socsheñeshocmañen es apa'yeshahuet, e'ñe allpon semna'yen pueheña'tsos, e'ñech allpon sapa'yesanet. Tarro'mar ñerra'm e'ñe yemneñto' es yap Yomporecop, ñapa' e'ñech pocte' enteñ ama't e'ñe errpona yemneñ o'ch yap. Tarro'mar ñapa' amach enamyet aton ñerra'm ama yecheñe. Allochña'pa' o'ch senu e'ñe poctacma. Attotcha'ña setsotua allohuen ñeñt atet poctetsa Yomporecop.

¹³ Napa' ama notenso tarrecopcha' es sapa'yen allochña'pa' o'ch atta atarr es sepalltena sa. ¹⁴ Añecopña notenes o'ch sattecmatua. Atet ñerra'm te'pa' shonte' sechen, socoppa' añ poctetsa o'ch sapa'yefi ñeñt es pallta'yetsa te'. Allochña'pa' ñerra'm esempo es sepalltena samapa' añ poctetsa o'ch apuerrset ñamet, allochña'pa' attochña e'ñech sattecmaten. ¹⁵ Ñeñtpa' atet oteney Yompor po'ñoñ ñeñt atet anuaret ahuatoteñ, ñeñtpa' atet oten: "Ñeñt echene' shonte'pa' amach es a'pchateno. Ama't ñaña ñeñt echene' coñe'tpa' amach es pallteno."

Atto Titopa' alla ahuererr po'pocheño Corinto

¹⁶ Napa' çhocma neparasyoso'teñ Yompor tarro'mar añ nenan masheñ Tito pueyoçhro atto ñapa'çho'ña çhocma llecapretensa atet ñerra'm na. ¹⁷ Ñeñto'marña alleppo noteñ o'ch ahuererr sesho, ñapa' e'ñe pocte' enteñ. Elloña ñapa' e'ñe puemneñto' atarr sechena o'ch alla ahuererr o'ch abçherrs'a'.

¹⁸ Ñaña yapa' o'ch yemñererr masheñ Tito epuet ñaña po'psheñeñ masheñ. Ñehua, añ masheñerpa' allohuen ñeñt apcha'yetsa pame'ñeñofoetpa' atarr cohuen enteñet atto serrpare'tatenanet añ cohuen ñoñtes ñeñt alloch yequeshperra. ¹⁹ Elloña ñeñt masheñerpa' allohuen ñeñt apcha'yetsa pame'ñeñofoetpa' o' net o'ch yechopeñe'ch parro attoch ñach yeyenpuene' ñeñt atto yetorrena o'ch yeyenpuen po'potantañ. Ñeñtpa' añecop sherben attoch aye'chochtateññañet Yompor, ñaña añecop sherben attoch eñoteñet e'ñech yocsheñesha' yemneñ o'ch yeyenpanna e'ñe cohuen.

²⁰ Ñeñto'marña o' net ñaña po'psheñeñ masheñ allochña'pa' atto yapçhaten quellepa' amach çha sasare'tenyeto quellayo'mara. ²¹ Tarro'mar yapa' aña yema'yoçhrena o'ch yorrat ñeñt e'ñe cohuen enten Yompor, ama't ñaña ñeñt cohuen enten acheñenesha'.

²² Ñehua, te'pa' o'ch yemñonas po'poñ masheñ ñeñtcha' tatta, ma'psheña. Ñeñt po'psheñeñ masheñpa' napa' neñoteñ ñapa' e'ñe pocsheñeshocmañen atarr cohuen es ma'yoçhra'yena ñeñt cohuentetsa Yomporecop. Ñaña

ama't te' atto e'mare'tenes sa e'ño' cohuen same'ñeña Yompor, elloña te' ñapa' atarr mueneñ o'ch allo'na sen torra'nmatza e'ñe cohuen Yomporecop. ²³ Ñaña ñerra'm esesha' sa'p'to'tene' o'ch otaset, “¿ama't se'mare'teñe masheñ Tito, erro'tsente'?” sañapa' o'ch soch “ñapa' añ epuet torrena masheñ Pablo taruasats Yomporecop attoña e'ñe sherbeney yaña.” Amapa' ñerra'm a'p'to'taset ñaña añ po'psheñeñ masheñecop, sañapa' o'ch señotatanet ñetpa' arrot amñare'tenet all ap'chena allohuen masheñnesha'chno ñeñt ame'ñetsa all Macedonio. Ñetpa' e'ñe cohuen orrtatenet Cristo po'cohuenña. ²⁴ Ñeñto'marña te'pa' o'ch notas e'ñech cohuen sagañ añ masheñnesha', allochña ñetpa' esheccha' eñotaset sapa' po'ño'ch atarr semuerenanet, attochña eñotas ñaña allohuen masheñnesha' ñeñt pame'ñeñofet ap'cha'yetsa allot amñare'tenet. Allochñapa' o'ch eñotaset po'ño'ch e'ñe cohuen same'ñena ñeñt atet notenanet socop.

9

Yomporpa' añ atarr morrentena ñeñt e'ñe pocsheñeshocmañen es apa'yets ñocop

¹ Ñaña ñeñtcha' sap'chen alloch seyempue' masheñnesha' ñeñt atarr es pallta'yetsa Jerusaléno, napa' neñotenes ama sepallteno o'ch alla noctape'chaterserr necartot ñeñtcha' atet sepa. ² Tarro'mar napa' neñotenes ñeñtcha' atet atarr semnen sa. Ñeñto'marña arr Macedonio chocma noteñ macedonio'marnesha' sapa' chocma semneñ o'ch es sapa'yes añecop ñeñt atarr es pallta'yetsa. Ñeñto'marña napa' e'ñe nocsheñeshocmañen neñotateñ macedonio'marnesha' ñeñt atet sepena sa ñeñtes acayo'marneshas ñeñtarasa corinto'marneshas. Ñehua, napa' o' neñotatanet atto ahuaña charo sapa' semneñeñ o'ch e'ñe sa'poccat attoch es sapa'yes ñeñt atarr es pallta'yetsa. Atto sapa' atarr semneñ o'ch seyempue' ñeñt atarr es pallta'yetsa, ñeñto'marña all Macedonio'p'cho'ña te'pa' eñall shonte' ñeñt muenets o'ch es apa'yenet ñamet. ³ Tarraña ama't napa' neñotenes atarr semneñeñ o'ch seyempue' ñeñt atarr es pallta'yetsa, ñeñto'marña napa' o'ch nemñonas añ masheñnesha' ñeñtcha' otatsa. Ñetpa' o'ch yemposset attoch sap'cha' añecop ñeñt es pallta'yetsa. Allochñapa' ñerra'm e'ñe cohuen sañño'tue, attochña eñotaset ñeñt e'ñe cohuen notenanet socop, ñeñtcha' e'ñe po'ño'ch atet sepohuena. ⁴ Allochñapa' ñerra'm esempo nechap naña sesho epan ñaña masheñnesha'chno macedonio'marnesha' ñerra'm yentoses ama sap'chatueña', allempoña yapa' chate' parrocmayepencna'ntafanna'ta. Allempoña e'ñe'e' orrena neyemtensa. ⁵ Ñeñto'marña napa' añ pocte' nenteñ o'ch noch po'psheñeñ masheñnesha' ñetpa' otetepa' ñanmacmuet, ñeñtcha' sabcherraya' attoch ñetpa' o'ch yemposset attoch e'ñe sap'cha'hua ñeñt semnen sa o'ch e'ñe saphue ñeñt es pallta'yetsa Jerusaléno, ñeñt atet sot ahuatoteñ. Tarro'mar napa' e'ñe pocte' nenteñ sa e'ñe semneñño't e'ñech señañesha' es sapa'yes ñeñt atarr es pallta'yetsa. Amachña cha es enamare'tyenseto attoch es sapuenanet.

⁶ Chocmach seyerpuela añ ñoñets, ñeñtcha' atet oten: Ñerra'm ya atarr coñe't es yapa'yen Yomporecop, yapa'cho'ña o'ch alla yaguërr ñeñt atarr coñe't. Ñerra'm atarr aton es yapa'yen Yomporecop, yapa'cho'ña o'ch alla yaguërr ñeñt atarr aton. Ñehua, ñato' o'ch netma'ntacha atet ñerra'mrrate' cho yenare'tatse'ten ya'mro. Ñerra'm atarr coñe't yenare'tatse'tpa'

atarrcha' coñe't ya'yapaçherr ñerra'm esempo po'nen. Ñerra'm atarr aton yenare'tatse'tpa' atarrcha' aton ya'yapaçherr ñerra'm esempo po'nen. 7 Ñaña añ poctetsa e'ñe puesheña'ttsoy o'ch yapa'yen e'ñe allpon ñeñt' pocte'yentyen e'ñe ya yeyoçhro. Amachña yempañoña es yapa'yeno ñaña amachña puenamare'teño'teta es yapuenaneto. Tarro'mar Yomporpa' añña atarr morrentena ñeñt' e'ñe pocsheñeshocmañen es apa'yets. 8 Ñaña Yomporpa' shonte' esocmañen echen ñeñt'cha' apuerres allochñapa' attoch çhocma sechencha' shonte' ñeñt' atarr cohuen socop, ñaña sechencha' shonte' attoch seyepuen pa'namenot ñeñt' cohuentetsa Yomporecop. 9 Añpa' ñeñt' atet oten Yompor po'ñoñ ñeñt' anuaret' ahuatoteñ, ñeñt'pa' atet oten: Ñeñt' atarr es apuene' huocchañnesha' ama't ahuatapa' amach apsaretterro ñeñt' atto e'ñe cohuen es pen.

10 Yomporpa' apuenescha' shonte' esocmañen allochñapa' attoch çhocma sechencha' shonte' attoch seyepuenanet pa'namenot ñeñt' cohuentetsa Yomporecop. Ñaña ñapa' allo'nach sen es sapuene' pa'namen allochñapa' allo'nach sesen yepuene' pa'namenot ñeñt' cohuentetsa Yomporecop. Ñeñt'pa' ñerra'm netma'ntacha' ñato' o'ch not: Ñeñt'ara Yompor ñeñt' yapuene' puerets ñeñt'cha' yenare'ten o'ch çhap allempo po'nenpa' allempochña yeyoren ñeñt'cha' yerrar yepen, ñeñt'pa' Yomporña a'torene' attoch ya'yapaçheñ o'ch yeshonteñ. 11 Attochña sapa' sechencha' allohuen shonte' esocmañen allochñapa' attochña shonte'ch esocmañen sapa'yeñ ñeñt' es pa'namen pallta'yetsa. Ñerra'mña atet se'papa' yañapa' yach aphuerrahuet attochña ñetpa' çhore'teñet Yompor o'ch oçhet "Parasyos Nompore, ña yapuene' ora allohuen." 12 Ñerra'm atet'cha' sepene es apa'yese' masheñnesha' ñeñt' ame'ñetsa, ama e'ñe añeçpa' sherbeno attoch es sapuenanet ñeñt' palltenet. Añeçpa'ñaña sherben attoch ñetpa'çho'ña atarrcha' çhore'çhet Yompor o'ch oçhet: "Parasyos Nompore, ña yapatene' ñeñt' allpon yepalltena." 13 Ñaña attoña ñetpa' aye'choçhtateññañet'cha' Yompor, tarro'mar o'ch eñotenset sapa' po'ñoçh attera same'ñeññaña Cristo po'ñoñ. Tarro'mare'ñaña ñetpa' aye'choçhtateññañet'cha' Yompor, atto sapa' sapuenanet pa'namen ñeñt' allpon palltenet ñet, ñaña po'potantañecop. 14 E'ñech pueyerpueño'tetas sapa' ñetpa' atarrcha' nanac çhore'tatonaset Yompor, tarro'mar sapa' o'ch sirtatanet Yompor puemuereña allo atarr muerenya. 15 Yeparasyoso'çhepa'ch Yompor tarro'mar ña yapuene' Puechemer, ñeshoña huena ora muereñets ñeñt' atarr coçhneshare'. Ama't yemneñeñ o'ch ya'ye'choçhtatue e'ñe poc-tacma, tarraña ya arromña'teypa' amach erro't yepe, ñaña ama yeno yeñoñ attoch ya'ye'choçhtatuon e'ñe poctacma ñeñt' atet yocshena yeyoçhro.

10

Atto Pablopa' eñotatan corinto'marnesha' ñapa' e'ñe po'ñoçh allsensaret Yomporeshot

1-2 Ñehua, te'pa' na Pablon o'ch alla noctape'chaterrser e'ñe nemuereño'fes atten ñerra'm Cristo ñeñt' nanac amuerañtostsa. Puemuereño'fey ya ñapa' e'ñe pocte' eñche't o'ch atet enteñet ñerra'm ñapa' ama esoshe'mayaye. Ñehua, sapa' patanta'ttospa' attach sentenen ama erro't notenso atsrre'moçhen ñerra'm esempo allo'tsenen sesho. Tarraña ñerra'm esempo allaparo'tsenen, allempo nequellquënnas cartapa' allempoña sapa' atet sentenen ñerra'mrate' ama çhoye' nemçha'tenso ama't e'ñe mamesha,

e'ñech eche'charr notenes necartot. Tarraña ñeñt'pa' ama atteyaye. Ama't allempo allo'tsenen sesho, ñerra'm nemneñeñ atet ne'ñoronasapa' e'ñe'e' eche'charr ne'ñorennasa. Ñeñto'marña te'pa' e'ñe neyo'chrocmañen o'ch notas, soctape'cherr cohuen e'ñe tayecma allochñapa' ñerra'm esempoch ne'cherr seshopa' amach cha se'ñoratno eche'charr. Tarro'mar ñerra'm ama soctape'cherr cohuen, po'ño'ch ñerra'm esempo ne'cherr seshopa' chach se'ñoraten eche'charr, ñeñtes notene' napa' e'ño' nañeña noctapñot atet es nepatse'tyen ñeñt atet pa'yena acheñenesha' arr patsro, ñeñt'pa' e'ñe ñocpueta sherben. Tarraña napa' ama atteye' nepeno. ³ Ñehua, ama't napa' nocrrena arr patsro atet yocrrena allohueney acheñey tarraña ñeñt atet nema'yochrena Yomporecop, ñeñt'pa' ama atteyaye ñeñt atet ma'yochrena acheñenesha' arr patsro. ⁴ Tarro'mar ñeñt atet yema'yochrena Yomporecoppa' ñeñt'pa' ama añeyaye ñeñt atet yoctape'chen ya acheñey arr patsro. Añaña atto yema'yochrena ñocop, e'ñe ña po'huamencot atet yepena. Attochña yehuapore'toñ allohuen ñeñt epatare'tene' Yompor poctapña. ⁵ Ñaña allohuen serrparñatso'chno ñeñtña epatare'tene' Yompor po'ñoñ ñeñt'cha'ña yehuapore'tua. Ñaña allohuen cotapñatso'chno atto nanac ommo'chenet, ñeñtña ama muenatenahueto attoch enteret Yompor, ñeñt'pa'cho'ña Yomporcha'ña po'huamencot o'ch yehuapore'tue. Ñaña ñeñt allpon yoctape'chyen arr patsro ñeñtña atpare'tatene' Yompor poctapña, ñeñt'cha'ña ya'meta'huerr Cristesho, allochñapa' attochña Cristopa' o'ch ame'ñatera. ⁶ Ñaña ñerra'm o' alla name'ñatuerra e'ñe cohuen, tarraña ñerra'm esesha' ora atpare'tetsa, napa' e'ñe pocte' nenteñ o'ch yecoñchach ñeñt atet atpare'tetsa.

⁷ Sapa' aña cohuen senten ñeñt allpon sentyen seclloyot. Ñerra'm esesha' entetsa atet ñapa' Cristo mueñene', ñeñt acheñerpa' eñoche'pa' napa'cho'ña Cristoña nemñene'. ⁸ Ama't atarr natontaten neñoñ atto alla noterserr napa' Cristo puellsensaren, tarraña napa' ama choye' neyllateno neñoñ attoch nepenca. Tarro'mar atto llesensa'n Yepartseshar Cristopa' ñeñt'pa' añecopña attoch neyenpas attoch allo'na sesen huomenc pa'nmue' seyo'cher Yomporecop. Ñeñt'pa' ama añecpayaye alloch na'puerrataterres ñeñt atto same'ñena. ⁹ Napa' ama nemno o'ch añcha'no'chen sentenen e'ñe necartota. ¹⁰ Tarro'mar patanta'ttsos atet sentennan necarta ñerra'mrrate' atarr eche'charrot es notenes ñeñt atarr echarr senten. Ñaña ñerra'm esempo allo'tsenen sesho sapa' ama ahuamencatoyenaye' sentenno ama't mamesha, ñaña atto neserrpare'tatenespa' ama't e'ñe mameshapa' ama asherbenaye' senteñe. ¹¹ Tarraña acheñenesha' ñeñt atet otetspa' eñochetepa'ch ñerra'm errot notas necartot ama't atarr allaparo'tsenen atet'cha'cho' po'ño'ch nepenas ñerra'm esempoch ne'cherr sesho.

Atto Yomporpa' ama pocteye' entenano acheñenesha' o'ch cohuen entenet e'ñe ñañeñeta

¹² Napa' ama't mameshapa' ama nemno o'ch sentenen napa'cho'ña ñato' attente' ñeñt atet pena po'potantañ ñeñt atarr cohuen eñosyets e'ñe ñocpueta. Napa' ama nemno o'ch not napa' e'ñe attecma nepena atet penet ñet. Tarro'mar ñeñt atet penet ñetpa' ama cohuenayaye. Ñetpa' e'ñe ñañeñeta poctapñetpa' coshapretannenet e'ñe ñagattseta. E'ñe ñañeñeta poctapñetpa' cohuen entapretanna'tyenet, ñeñt'pa' atta otatse'tyenet. ¹³ Tarro'mar yapa' ama yoyaye yoctapña ñeñt atarr yochshapretannena. Añaña Yompor

poctaḗña ñeñṗa' allohua onañchareṗ yocop ñeñṗcha' e'ñe cohuen yocshapretannena. Ñaṃa Yompor poctaḗña ñeñṗ atet onañchennaypa' ñeñṗa' añeḗpa'naña sherben attoch yeḗchapatonas Yompor po'ñoñ e'ñe seshohuen ñeñṗes corinto'marneshas. ¹⁴ Ñeñṗo'marña yapa' ama ḗho yatontateññañe Yompor poctaḗña tarro'mar ñeñṗ allpon onañchennay, ñeñṗa' e'ñech allohua yetorrrena ñocop. Ñeñṗa' añeḗpa'naña sherben attoch yeḗchapat Yompor po'ñoñ ama't seshohuen. Ñeñṗo'marña ya ahuatpa' yanom ḗchapate' Yompor po'ñoñ sesho ñeñṗara añ cohuen ñoñets alloch yequeshperra e'ñe yame'ñeñoṗa Cristo. ¹⁵ Ñaṃa ya e'ñe yocoppa' ama yemno o'ch yommo'choña po'psheñeñ po'taruas ñeñṗ ñanom torratsa allo Yomporcop. Tarraña yapa' yecuenes ñerra'm esempo sa o'ch allo'na sesen ame'ñetsa cohuenpa' allempoña napa' noctape'chen ellonet o'ch alla netorrerra sesho. ¹⁶ Attochña ama't allpon anetsoḗhno ñeñṗ allemeñ allo'tsa'yen ellonet seshotpa' allña nesechena ñaṃa allcha'ña neserrpare'tatyesosanet Yompor po'ñoñ, ñeñṗara cohuen ñoñets alloch yequeshperra. Nemneñ o'ch na'potoñ Yompor po'ñoñ all ama aserrpare'tataretteneta' allochñapa' amach ḗcha nommo'choñe po'psheñeñ po'taruas ñeñṗ ñanom serrpare'tats all.

¹⁷ Ñerra'm esesha' muenetseñ o'ch e'ñe cohuen eños puesheñarrocop tarraña ñeñṗa' Yomporcopcha'ña e'ñe cohuen eñen. ¹⁸ Tarro'mar añ acheñer ñeñṗ eñoretsa e'ñe cohuen ñocapa' ñeñṗa' ama pocteye' enteñe Yompor. Tarraña ama't erra'tsena acheñer Yomporcha' eñosets cohuen ñocop, ñeñṗña e'ñe pocte' enten ña.

11

Atto ommoñañenesha'pa' ahuo't shequēñan corinto'marnesha' ñetpa' allsen-sareteto'

¹ Napa' atarr nemneñ o'ch se'mñoton atto ḗcha muene' atta es notatse'tyen. Po'ñoḗch o'ch notas, se'mñoton ñeñṗ atet es notatse'tyen, allochñapa' attoch neñotatas ñeñṗ atet noctape'chen. ² Tarro'mar napa' atarr necuenes atet ñerra'm Yompor ña secuene'. Tarro'mar napa' añ no'patatensa Cristo attoch allohuenes o'ch e'ñe napuas poctacma. Atto o'patataretes, napa' o'ch necuenes attoch amach yoratstaso po'psheñeñ. Ñehua, o'ch netma'ntatasa atet ñerra'mrrate' puesheñarr yacma ñeñṗ esñeṗ. Po'seññapa' o'ch o'patacha puesheñarr yacma ñeñṗcha' puerrollar ḗpa'. Ñapa' o'ch cohuanpenan po'señ e'ñe cohuen tarrempohuach esempoch huapa ñeñṗ o'patenaya allempochña pomanña po'señ ñeñṗ ama a'ḗllareteyaye. Ñeñṗo'marña napa' e'ñe atet nentenes ñerra'mrrate' nesñenesha' nepenes attoch napuas Cristo ñeñṗ atet ñerra'mrrate' ñeñṗcha' e'ñe serrollar seḗpa' ñapueṗ. ³ Tarraña napa' ḗcha sellcatenen. Napa' noten sapa' o'te' ḗcha semnatena o'ch shecaset saña, atet ḗpa ahuat shecheḗ allempo shecan Eva tarro'mar ñeñṗ shecheḗpa' atarr etsotenan shequēñets. Ñerra'm sapa'cho'ña puehquēñofetaspa' añach yeḗchatenset ñeñṗ ama cohuenayaye cotapñats, ñeñṗo'marña o'huañcha' allo'na sesen ame'ñenaya Cristo ñapueṗ ñeñṗ e'ñe cohuen. ⁴ Tarro'mar sapa' ñerra'm esempo huena po'potantañ sesho, ama't serrpare'tatensetañ ñeñṗ atet pe't Jesús tarraña ñeñṗa' ama atteyaye ñeñṗ atet yeḗchatuas ya ahuañmo'cha, sañapa' eso'mare'tña allorocma e'ñe socsheñesha' same'ñeña. Ama't serrpare'tatenset po'poñ cotapñats ñeñṗa' ama añeyaye Yompor poctaḗña, sañapa' allorocma'tña e'ñe pocte' senteñ o'ch

same'ñya. Ama't serrpare'tatensetañ po'poñ ñoñets alloch sequeshperrañ, ñeñtpa' ama añeyaye ñeñ e'ñe cohuen ñoñets ñeñt same'ña'hua ahuañmo'cha, tarraña sañapa' e'ñe't pocte' senteñ o'ch ame'ñataset po'poñ ñoñets. ⁵ Ñaña ñetpa' atta ommo'chenet allsensareteto' Yomporeshot, ñetpa' atarro' sherbenet. Tarraña napa' elloña atarr asherben nentena. ⁶ Ama't napa' ama ayçhatareño atoch neserrpare't coñhshare' ñoñets tarraña napa' e'ñe neñotueññañ Yompor po'ñoñ. Sapa' señoenen ñeñt atet notenes ñeñtpa' e'ñe po'ñoçh atet tarro'mar shonte' pa'namen norrtatyen erracmañen ñeñña e'ñe señoatene'.

⁷ Ñehua, sapa' amate' pocteye' sentenno tarro'mar ama't ahuañmo'chapa' ama çoye' necobraso atto neserrpare'tatensa' Yompor po'ñoñ ñeñt alloch yequeshperra. Ñato' amate' asherbenaye' sentenno atto ama necobraso. Tarraña ñeñtpa' añecop sherben atoch sapa' o'ch tantaterres Yompor sosya'tsañoñ allochñapa' o'ch puechemer perres saña. ⁸ Ñehua, po'poñ anetso all apçha'yenet pame'ñeñoñet Yompor, na errotenopa' çhocma naguënanet ñeñt allpon muenenet o'ch tsa'tnet e'ñe ñet poctapñoñet. Ñeñto'marña ama pallteno o'ch setsa'tna saña atto neserrpare'tatenes. Ñeñt napa' atet nenteñ ñerra'mrrate' po'poñ anetso all apçha'yenet pame'ñeñoñet Yompor, napa' ahuo't neprratampsanet ñet atoch nesherbas sa. ⁹ Ahuañmo'cha allempo na'posa seshopa' ñerra'm esempo nanac es nepalltena, sapa' ama't puesheñarrotesapa' ama na'tsrre'moçhtana'taso es senamare'te' ñeñt nepalltena. Tarraña allempo atarr es nepalltenapa' o' huaçha'ta masheñnesha' Macedoniot, ñetñapa' o' aposnet allpon ñeñt atarr nepalltena. Attoña allponmat na'puena sesho ahuañmo'cha, napa' ama't mameshapa' ama nemno o'ch na'tsrre'moçhtana'tasa ama't e'ñe puesheñarrotesa. Ñaña napa' çhocmach atet nepena. ¹⁰ Napa' neñotena Cristopa' entenen e'ñe po'ñoçh cohuen ñeñt atet nepena, ñeñto'marña napa' ama't eseshapa' amate' errotenot queçpatatnetoña atto e'ñe cohuen neserrpare'teññañ Yompor po'ñoñ e'ñe atta ñeñt allo atarr nocshena, ama't erraþaren nesen Acayo'mar. ¹¹ ¿Eso'marte'ña atet notenes? ¿Ama't señoñe? Çhate' sotenapañ amate' nemorrentenso. Tarraña ñeñtpa' ama atteyaye. Yomporña nentene' atarçha'ye nemorrentensa.

¹² Napa' çhocmach atet nepena amach necobrenso ñeñt atet pena po'potantañ ñeñt pommoc'heñoñeta serrpare'tatyenset. Allochña ñetpa' amach errotenot otneto napa'çho'ña ahuo' na'tsrre'moçhtana'ch namã acheñnesha' atet penet ñet. Tarro'mar napa' ama pocteye' nenteñe o'ch otet e'ño' attecma yetorrena Yomporcop. ¹³ Tarro'mar ñeñt atet acheñpa' ama Yomporcye' llesensenaye, ñetpa' aña po'taruas penet shequëñets atoch ganenet e'ñe atta. Atta mueneñet o'ch po'poñet ahuo'ch orrtet atet ñerra'm Cristo puellsensar. ¹⁴⁻¹⁵ Ñehua, yapa' yeñoteñ oneñeñpa' çhocma orrtatennay ñeñtcha' cohuen yenten ya, o'ch orrtatennay atet ñerra'mrrate' ñapa' Yompor po'puetarenñoñ amñareñ ñeñt atarr cohuen. Ñeñto'marña yeñoteñ oneñeñ pueyochresha' ñeñt torretsa ñocoppa' ñetpa'çho'ña atarrcha' ashcañareret, mueneñet o'ch po'poñetet attotcha' orrtenet atet ñerra'm añ acheñer ñeñt e'ñe po'ñoçh torretsa Yomporcop. Tarraña ñeñt atet petsapa' añ o'patenahuet coñcheñets ñeñt poctetsa añecop ñeñt atet patse'tyetsa.

Atto Pablopä pa'namenot mueroçhtateñet e'ñe pame'ñeñoñ Cristo

16 Ñehua, te'pa' o'ch alla noterrser. Amach sentatsetno napa' attate' notatse'tyen. Ñehua, ama't sentenen atet ñerra'm otatsñaenpa' notatse'teñoñapa' se'mñoten. Tarro'mar napa'cho'ña o'ch e'ñe cohuen neños ñeñt e'ñe nocpa atet ñerra'mrrate' cho nommo'chena mame'. 17 Ñehua, ñeñt atet notenes te'pa' ama cohuenayaye tarro'mar ama añecpaye' llesensa noña Yepartshar o'ch e'ñe cohuen neñen ñeñt e'ñe nocpa. Te'pa' e'ñe na notatse'teñoñ e'ñe cohuen neñen ñeñt e'ñe nocpa atet ñerra'mrrate' cho nommo'chena. Tarraña ñeñt atet notenes neñoteñ ñeñtpa' e'ñe po'noch netsotueñ. 18 Atto shonte' po'potantañ ommo'chyenet ñeñt atet etsotenet ñet arr patsro, napa'cho'ña o'ch neñosatse'tapretyesamet atet ñerra'mrrate' cho nommo'chapretyenanet. 19 Sapa' e'ñe atet sentena sañeña atarro' es señoten ñeño'marña e'ñe pocte' senteñ o'ch se'mñoteññañ ama't otatsñañ ñeñt atto ommo'chena. 20 Ama't ñet atto pomnaren penset, sañapa' e'ñech pocte' senteñ. Ama't es puerratañpsaset ñeñt allpon sechyen, sañapa' e'ñech pocte' senteñ. Ama't pa'namenot shecare'tenset, sañapa' e'ñech pocte' senteñ. Ama't atarr puetsena'teñoñetaspá' sañapa' e'ñech pomnaren sepatena. Ñerra'm esempo ama't cho tacllapechenset, sañapa' e'ñech pocte' senteñ atto atarr pencna'ntatenset. 21 Napa' ama nepenquëñofeye' notenso, napa' ama nemno nehuamencotpa' o'ch pomnaren nepenes, atet penes po'potantañ.

Ñehua, tarraña ama't errotente' ommo'chyenetpa' napa'cho'ña o'ch atet neñosatse'tapretyesamet. Notatse'teñoñpa' chach nottena atet ñerra'mrrate' cho nommo'chapreteña ommoñañenesha'. 22 Ñetpa' pommo'cheñoñetpa' otenet ñetpa' hebreonesheto'. Ñehua, napa'cho'ña o'ch notas, hebreoneshan naña. Ñetpa' pommo'cheñoñet otenet israelena'tareto'. Ñehua, napa'cho'ña o'ch notas israelena'taren naña. Ñaña ñetpa' otenet po'nrenñaneto' yatañ Abraham. Ñehua, napa'cho'ña po'nrenñen yatañ Abraham. 23 Ñetpa' pommo'cheñoñet otenet ñetpa' atarro'torrenet Cristocop. Ñehua, napa'cho'ña elloña atarr nanac netorrena Cristocop. Ama't e'ñe notatse'teñoña noten, ñeñtpa' e'ñe po'ño'ch atet. Ama't allpon torrenet ñet, elloña napa' atarr nanac netorrena na. Ñaña ama't allpon amuerochtataretetyenet ñet elloña napa' atarr nanac amuerochtatareten. Allpon ayottamñsareten all coñchatennet, ñeñtpa'cho'ña nanac atonoche'tats. Ñaña allpon ashtennetpa' ñeñtpa'cho'ña atarr nanac atonoche'tats. Ñaña ñeñt allpon autsanca' rromuetsen, ñeñtpa'cho'ña atarr nanac atonoche'tats. 24 Ñaña judionesha' e'ñe pue'moñe'teñoñetan napa' atet ashtennet e'ñe amnaroche'tats. Allempoña ashtennetpa' ma'poch çharra' puechena escon ñeñt atto pacapacatspennet. 25 Ñaña ellonetpa' o'chcho' alla nallerrneterr ñaña tsachpo, e'ñe ma'poche'ttsoçma nallennet. Po'pocheño'pa'cho'ña parrochpa' o'cho' alla rrolle'terneterr. Po'pocheño'pa'cho'ña allempo nesen noñto sapo'marpa' alla nepotamñperrerr ma'poche'ttsoçma. Allempopa' alla narepen alla nellapen oño enopa'rrtatsa. 26 Napa' çhocma nechopeñe'chyen ellapa' allo'tsa'yen pa'namen ñeñt atarr añcha'noçhenare', atet ñerra'm allempo netamñpena noñto oño'mar, ñaña allempo nechap all añcha'noçhtena eñe'çhno, ñaña allempo añcha'noçhtana'tenen namo'tsesha' ñaña po'poñ achen ñeñt ama judioneshayaye. Ñaña ñeñt añcha'noçhetyetsa all anetso'mar, ñaña ñeñt añcha'noçhetyetsa all puetsato'mar, ñaña

ñeñt amcha'nothetyetsa all oño'mar. Ñaña ñeñt atto amcha'nochtena po'potantañ ama't otenetañ masheñpa' tarraña ama masheñeyayeto, ñetpa' ama ame'ñeñeto Yompor. ²⁷ Elloña chocma atarr netaruasen, ñaña shonte' ñeñt atarr echarr nentyen. Ñaña atonoche'tats atarr nanac na'huanten nemoñ torratsa Yomporecop. Ñaña epaye' nemuerochtena nachporrñoñ, ñaña no'ñpañoñ tarro'mar ama eñalle ñeñtcha' nerren ñaña ñeñtcha' norren. Ñaña epaye' muerochtatenen senet tarro'mar ama eñalle neshtam ñeñtcha' nechorra, o' e'ñe neptsaesua.

²⁸ Ñaña elloneñ napa' chocma nellquëña ñeñt pame'ñeñofet allemeñ apcha'yetsa. Napa' añe'ñaña chocma nellcatene' ñeñt atarr torrapo' nentyen pa'namen. ²⁹ Ama't erra'tsena acheñer ñerra'm ama huomencaye' penano pueyoçher Yomporecop, nañapa' atarrcha' nellcapreteña. Ñeñña atet nellcapreteña nañapa' o'ch atet ne'muen neyoçthro ñerra'mrrate' o'huañ huomenc nepa' neyoçher Yomporecop. Ñaña ama't erra'tsena acheñer ñerra'm o'ch a'puerratateret o'ch atet perran ñeñt ama pocteye' enteno Yompor, naña nepencapreteñoñpa' ama't mameshapa' amach pocteye' nenteñe. ³⁰ Ñato' te'pa' o'ch noterrser po'poñoneñ coñapñats. Sapa' po'ñoç señosatse'tatyenen cohuen ñeñt e'ñe nocpa. Añña cohuen nenten attoch neños cohuen ñeñt e'ñe nocpa, ñeñtpa' atto ama ahuamencatoyenaye' entenno acheñenesha'. ³¹ Yomporpa' eñotenen ñeñt atet notenes, ñeñtpa' ama shequëñtsoyaye. Ñeñfara Yompor ñeñt Pompor pen ñaña Yepartseshar Jesucristo ñeñtcha'ña ya'ye'choçhtaterr tayoteñ errpronohuañen. ³² Ñehua, napa' o'ch neyerpatasa atet a'pareten ahuañmo'cha' allempo Damasco'tsenen. Ñehua, ñeñt amcha'taretatse't all Damasco, ñeñtpa' ñeñfara amcha'taret Aretas pueyoçhresha'. Ñeñña nene'ña guardianesha' ñeñt camretsa allemeñ yetarrot. Ñetpa' añecop camrenet attoch roma'netañpa' o'ch yotam'pesnetañ allcha' coñchatnetañ. ³³ Tarraña napa' arr esha'tnet cañiro attoña cha'nmaterrnet ventanoñ allotña a'suatam'perrnet conçhtot. Attoña e'ñe cohuen nequeshperra, ñeñfo'marña ama eshcaye' rroma'noña guardia.

12

Atto Pablopá a'tapataretta Yompor pue'ntaño ñeñt e'ñe poma'ptaño hua

¹ Ñeñt atto señosatse'tatyenen e'ñe cohuen nocpa, ñeñtpa' ama es sherbeno. Tarraña ama't atteñpa' o'ch alla neserrpare'taterrser atto Yepartseshar ñaña es negatyene' ñeñña es neñotatyene'. ²⁻³ Ñehua, napa' neñoteñ na pueheñarrana ñeñten ame'ñenaya Cristo te'pa' o' met çharra' puechena pa'tats char, allempoña napa' a'tapaten Yompor pue'ntaño ñeñt e'ñe poma'ptaño hua. Napa' ama neñoteñe, ñato' orate' nechtso a'tapatareten, amapa' ñato' necamquëñoñate' a'tapatnet. Ñeñtpa' Yomporña eñotene'. Napa' e'ñe neñoteñ po'ñoç a'tapatareten Yompor pue'ntaño all atarr nanac cosheñtso'tsa'yenet. ⁴ Noñets ñeñt ne'muena' allpa' ama aserrpare'teno tarro'mar ya arromñafey ama pocteyaye o'ch yeserrpare't allo. ⁵ Ñeñt atet a'pareteneñ allempo, ñeñtpa' e'ñe poctey e'ñe cohuen neñoseñ e'ñe nocpa, tarraña amach atet nepatsto, añachña nocshena atto ama ahuamencatoyenaye' entenno acheñenesha'. ⁶ Ñehua, ñeñt atet a'pareteneñ allempo ñeñtpa' e'ñe poctey o'ch cohuen neñoseñ e'ñe nocop, ñeñtpa' ama çhoye' notatse'teno, tarro'mar ñeñtpa' e'ñe po'ñoç atet a'pareten. Tarraña napa'

ama nemno o'ch cohuen neños e'ñe nocpa. Añachña nemnen ñeñicha' cohuen entapretennet ñeñt e'ñe allpona entapretennet ñeñt atet es nepa'yen cohuen ñaña ñeñt e'ñe allpona e'mñotapretennet ñeñt atet e'ñe cohuen neserpare'ten.

⁷ Atto Yepartseshar ñaña es negatyene' ñeñña es neñotatyene' ñeñtpa' atarr cohuen nanac yenteñ. Tarraña napa' attoch amach nocsheno e'ñe nañeñapa' Yomporña nemnatene' e'ñe nechtsa ñeñña atarr nemuerochtatame'tene' nanac. Ñeñt atto nanac nemuerochtana, napa' atet nenteñ ñerra'mrrate' aj nechtsotampena ñeñtpa' oneñefeshotña huennana ñeñña atarr atserr nepene'. Attoña Yomporpa' ama muenatenno o'ch nocshena e'ñe nañeña. ⁸ Napa' o' ma'poche'tats nenamueñ Yompor a'huañampernepa' ñeñt atarr nemuerochtatene'. ⁹ Tarraña ñapa' ahuo't oteneñ: "Amach na'huañampsatserrepe, tarraña napa' atta chocma atarr nemuerenpa, papa' ñeñña pepalltena. Tarro'mar ñeñt ama eñalle e'ñe ña po'huamencpa' ñeñicha'ña orrtatene' na nehuamenc." Ñeñtpa' atet oteneñ Yompor. Ñeñto'marña atto napa' ama eñalle e'ñe na nehuamenc, ñeñtpa' ñeñña atarr nocshatene' na, tarro'mar neñoteñ ñerra'm attenpa' Cristo po'huamencña ñeñt nechorrenaya; ñeñña norrtatenpa', ama noyaye nehuamenc, ñeñtpa' Cristo. ¹⁰ Ñeñto'marña napa' añ atarr nocshatene' atto napa' ama ahua-mencatoyenayayno ñaña atto atarr pencnatatenent tarro'mar ama esoye' enteneto. Ñaña napa' añña nocshatene' ñeñt allpon atarr echarrare' nentyen, ñaña atto chocmach cotare'tennet, ñaña ama't allpon ñeñt nehuenoya ñeñña atarr nocshatene'. E'ñe pocte' nenteñ o'ch nemuerochta Cristocop. Tarro'mar neñoteñ ñerra'm esempo ama ahua-mencatoyenaye' yenteno e'ñe ya, allempoña Cristopa' ahua-mencat peney.

Atto Pablopa' atarr llequëñana corinto'marnesha' ñeñt ame'netsa

¹¹ Sapa' atto señosatse'tatyenen e'ñe cohuen ñeñt e'ñe nocpa, tarraña ama't atteñpa' napa' e'ñe po'ñoçh notatse'tyen, tarro'mar napa' ama nepallteno o'ch neños e'ñe cohuen ñeñt e'ñe nocpa. Añña palltetsa sa o'ch señosapreten cohuen ñeñt e'ñe nocpa. Tarro'mar sapa' señotenen atarr asherboyenen. Ama't po'potantañ ñeñt atarr se'mñotatene' atarr ommo'chenetañ, ñetpa' allsensareteto' Yomporeshot, ñetpa' atarro' nanac sherbenet, elloña napa' atarr asherben entenen Yompor, ama't napa' ama esoye' nenteno. ¹² Tarro'mar ahuañmo'cha allempo na'puena sesho, napa' allña norrtatyenas Yompor po'huamenc ñeñt atarr echarrare' ñeñt sapa' ama't ahuatapa' ama sentare ñeñicha'ña señotate' ñeñtpa' Parets po'huamenc ñaña ñeñicha' señotate' napa' po'ñoçh Yomporña nellsensene'. Ñeñto'marña e'ñe cohuen na'huantennas ñeñt atarr torrapo' sentyen. ¹³ Attecma es norrtatyennas ñeñt atet nepa'yes po'potantañ ñeñt pame'ñeñofet ap'cha'yetsa allemeñ anetso'mar. Añña ama na'tsrre'moçhtana'taso es senamare'tyese'. Tarraña ñerra'm ama pocteye' sentono ñeñt cohuenare' neponaspa', ñehua, ñato' o'ch seprenerren.

¹⁴ Te'pa' poma'pocheñopa' o'ch ahuerrnerr sesho. Attecmach nepohuerrerr, amach na'tsrre'moçhtana'taso es senamare'te' ñeñt nepalltena na. Tarro'mar napa' ama añeye' ne'nenno ñeñicha' es sapuen na; napa' añña nemnen o'ch sepomhua sañeña Cristesho. Tarro'mar napa' atet nentenes ñerra'mrrate' po'ñoçh e'ñe nechemer nepenes. Ñehua, cheshaneshapa' ama añeye' pallteneto o'ch es a'yapachet ñeñicha' añño'tet

pamo'mtayecop. Añña nanac palltetsa, pamo'mte'chña es a'yapachets ñeñt' puechemereshacop. ¹⁵ Ñeñto'marña e'ñe nocsheñsha' o'ch nepomhua e'ñe nañña ñeñtpa' e'ñech socop. Allochñapa' attoch sequeshperra saña. Ñaña allpon nechyen, e'ñe nocsheñsha'pa' o'ch nepomyeñ e'ñe socop. Ama't napa' elloña atarr nemorrentensa sañapa' o'huañ e'ñeye' semorrentenna na.

¹⁶ Sapa' señotenen napa' ama na'tsrre'mochtana'taso es senamare'te' ñeñt' e'ñe nocop. Tarraña sapa' çhate' sotenapañ napa' atarrte' neñoteñ attoch neshcare'tas ñeñt' e'ñe po'poñe'ttsocma shecare'teñets. ¹⁷ Ñeñt' nemña ahuañmo'cha epsheña sesho, çhate' sotenapañ ñeñtpa' tarrecpate' attoch shecare'taset. ¹⁸ Ñehua, na te'pa' o' nesechach masheñ Tito ñeñt'cha' tatsa sesho, epuet po'psheñeñ masheñ o' nemñanet epsheño'maret sesho. Sapa' çhate' sotenapañ masheñ Titopa' o'ch shecare'tensa'. Ama't señoiteña yapa' attecma cohuen yotape'chen yeyoçhro epan masheñ Tito ñaña attecma es yepa'yennas e'ñe cohuen.

¹⁹ Sapa' çhate' sotenapañ añecpa'e' neñen cohuen nocop allochñapa' attoch o'ch alla cohuen sentuerren. Tarraña e'ñe nemorrenteñotes masheñeshacha' ñaña nochaneshacha' o'ch notas, ñeñtpa' ama nocpayaye. Añecopña notenes ñeñt' e'ñe socop allochñapa' o'ch alla huomenc seperr seyocher Yomporecop. Napa' e'ñe neyemteño'f Cristo, Yomporñapa' entenen ñeñt' atet notenes. ²⁰ Tarro'mar e'ñe nellquëño'es sa noten, ñato' esempoch neçherr sesho, ñerra'm attera nentyesuerrerr ñeñt' atet sepatse'tyena, napa' ñeñt'cha'ña atarr nellcatuerrayer sesho. Attoña ñerra'm sentapuerren nellquëñsha' neçherr seshopa' ñeñt'cha'ña sellcate' saña. Ñato' o'ch nentuerrerr attera se'moñe'tannena, attera es seye'chapretannena, attera sa'tsrre'mare'tatannena sañña attoch o'ch sa'mcha'taretta; ñato' attera sesasare'tanna'tyena, attera sa'metare'tamñsannena, ñaña e'ñe puesheña'tsos attera atarr cohuen sentena sañña, ñato' attera se'moñe'tanna'teño'pa' seche'çhame'tanna'tyena. ²¹ Ñaña napa' nellquëño'es sa noten, ñerra'm esempo neçherrerr sesho po'pocheño'pa' ñato'rraña o'te' alla pencna'ntaterrerr Yompor e'ñe so'mara. Tarro'mar ñato' patanta'tsos ama sequethpueno ñeñt' ama pocteye' enteno Yompor ñeñt' atet seyçha'yen sa sosya'tsañeçhno, ñaña atto sechta'yeyñ coyaneshaçhno ñeñt' ama setaporeyaye, ñaña coyanesha'pa'çho'ña aguënan yacma ñeñt' ama puerrollareyaye, ñaña atto sayomats'e'tyena ñeñt' po'ñoçh ama atet apapahuoyaye. Ñato' attera sepatse'tyena atet sepe't' ahuat ama llecatensoña so'chñar attoch soctape'cherr etserra cohuen. Ñeñto'marña ñerra'm esempo neçherrerr sesho ñerra'm attera nentuerrerr, nellquëño'pa' çhate' neya'na'tuerres.

13

E'ñe allohuanen atet cotape'chatyesnerranet pa'namen esocmañen

¹ Ñato' poma'pocheño o'ch alla ahuererr sesho. Ñaña o'ch notas po'poñ, ñeñt' otteñe'charettetsa, ñerra'm epsheña a'metare'tam'pene' amapa'ma'psheña, allempopa' pocte' o'ch ye'mñoch ñato' po'ñoçhte' atet patse'tyena. ² Ahuañmo'cha allemo puepocheño neçherr sesho, ñeñt' attera patse'tyetsa ñeñt' ama pocteye, napa' o' notuanet allemo ñeñt'cha' atet aparetteñ ñerra'm atteretach. Ñehua, te'pa' necartotpa' o'ch alla noterraneterr ñet, ama't e'ñe allohuenes o'ch notas, ñerra'm esempo neçherrerr po'pocheño'pa' o'ch ne'ñotare'tuerres allohuenes ñeñtes attera patse'tyetsa. ³ Allochñapa'

sapa' e'ñech señotuenen po'ñooh nach eñorostsa ñeñĩ atet muenatenen Cristo. Ñehua, ñeñĩpa' tarro'mar sapa' chocma senamuenen o'ch norrtatennasa' attoch señoten napa' po'ñooh Cristo ne'ñoratene'. Ñaña Cristopa' e'ñe po'huamencotña chocmach erroten es pa'yennas, ñaña atarr ahuamencat penes. ⁴Ñehua, po'ñooh yeñoteñ allempo corso'tamñset Cristopa' ama ahuamencateye' enteñeto tarraña Pomporña e'ñe po'huamencot alla tantater. Yapa'cho'ña attecma yeñotena ama ahuamencateye' yenteno ñerra'm ña, tarraña te'ña yapa' o' yocrrerra po'huamencot Yompor attey ñerra'm ña. Attoña po'huamencot Yompor e'ñe cohuen yesherbene.

⁵Te'pa' o'ch noterrserri, socoppa' añ poctetsa o'ch señota sañña, ¿po'ñochte' same'ñena? O'ch señota esheccha' señooh po'ñochte' sapa' same'ñena. Ama't señoñe Jesucristoña sechorrenaya. Ñehua, ñerra'm po'ñooh ama same'ñeño, amachña errotenot chorraso. ⁶Tarraña napa' chocma necuene o'ch chaponasa seyochohro attochña señoten po'ñooh napa' añ nellsensene' Yompor. ⁷Napa' nema'yocheño'pa' chocma nenamuennas Yompor socop attoch amach allo'na atet sepatsto ñeñĩ ama cohuenayaye Yomporcop. Ñeñĩpa' ama añecpayaye attoch sapa' o'ch señotenen napa' po'ñooh allsensareten Yomporshot. Añecopña nenamuennas Yompor socop attoch sapa' chocmach sepa'yen ñeñĩ cohuen enten Yompor, tarro'mar ñeñĩpa' ñeñña e'ñe cohuentetsa Yomporcop. Ñeñĩpa' atetña nemnen socop ama't napa' atet sentennoñ atet ñerra'mrate' ama allsensareteno Yomporshot. ⁸Tarro'mar napa' ama nemno o'ch nepatare't ñeñĩ e'ñe po'ñooh cohuentetsa Yomporcop. Napa' añña atarr nemnen o'ch nepatuahuoñ ñeñĩ e'ñe po'ñooh cohuentetsa ñocop. ⁹Ñerra'm soctape'cherr cohuen attochña huomenc seper seyocher Yomporcop amach nepallteno o'ch norrtatonas nehuamenc atto allsensareten Yomporshot. Tarraña atetpa' e'ñe pocte'. Ama't napa' ama ahuamencatoyenaye' sentenno, tarraña ñerra'm sapa' ahuamencat perres Yompor, ñeñĩpa' e'ñe pocte' nenteñ. Ñaña atto nema'yochena socop allo'nepa'chña sesen e'ñe huomenc pa'nmue' seyocher Yomporcop. ¹⁰Ama't ella'paro'tsenen o'ch nequellquernaserr necarta, ama't ama nesena' sesho, allochñapa' o'ch alla soctape'cherr cohuen Yomporcop. Attochña ñerra'm esempo ne'cherr seshopa' amach cha muene' neche'chame'tyesuerrso attoch señoton ñeñĩ atet llesensenen Yepartseshar. Tarro'mar atet allsensareten, ñeñĩpa' ama añecpaye' sherbeno alloch na'puerratatuerres, ñeñĩpa' añecopña sherben attoch neyenpas huomenc pa'nmue' seyocher Yomporcop.

Arrpa' all e'ñe poctacma so'tnerranet po'cartot

¹¹Te' masheñeshacha' ñaña nochaneshacha' allohuach notas añ necartot. E'ñe neso'teño'tespa' o'ch notas, Yomporpa'chña sa'nataya. Te'pa' ñeñĩfach noterrserri mame'. Allo'nepa'chña sesen co'tape'chnomue' ñeñĩ e'ñe cohuentetsa Yomporcop. Ñeñĩ atto o' noctape'chaterrserri añ necartot, se'mñotonepa'ch neñoñ attoch socsherra e'ñe poctacma. E'ñepa'chña patrra soctape'chuen allohuenes, attochña e'ñech cohuen sentannena. Yomporpa'ch sa'nataya ñeñña Yompor ñeñĩ atarr amorrentña ñeñña atarr yocshatene' yeyochro. ¹²E'ñe semorrentanna'teño'pa' atetcha' sehuomcha'tanna'tena ñeñĩ atet poctetsa Partsocop.* ¹³Ñaña arrpa' allohuen

* **13:12** Po'ñooh oteneý, "E'ñe semorrentanna'teño' choc setso'ttsa'pa'tannena ñerra'm esempo sehuomcha'tanna'tena ñeñĩ atet poctetsa Partsocop." Ñeñĩpa' atet ye'chete't ahuat.

ñeñĩ o' pueyochresha' perr Parets, ñetpa' mueneñet o'ch huomĩcha'taset ñamet arr necartot.

¹⁴ Yepartsesharepa'chña Jesucristo sebensare'tamĩpene' allohuenes, ñaña Yomporepa'chña semorrentaya attoch semorrentannena samña, ñaña Puecamquẽñepa'chña sechorrenaya attoch e'ñe separrocmatuahua allohuenes epas Cristo. Te'pa' ñeñĩtach notas, ñeñĩpa' attetepa'chña Nompore. Allohua.

Pablo

AÑ SAN PABLO PO' CARTA ÑEÑT' QUELLCAN GALACIO' MARNESHA' GÁLATAS

Atto Pablopa' quellcan carta añecop ñeñt' ame' ñetsa anetso Galacio

¹⁻² Masheñeshacha' ñaña nochaneshacha' ñeñtes allohuenes same ñeñof ap'cha'yetsa allemeñ anetso Galacio'mar. Na Pablón sequellquëneña añ carta ñeñten Jesucristo puellsensaren. Napa' ama acheñeye' nellsensenaye, Jesucristoña nellsensene' epuet Pompór Parets ñeñt' tantaterre' Puechemer rromot. Ñaña allohuen masheñeshachno ñeñt' parro arro'tsenen, ñetpa'cho'ña mueneñet o'ch huom'cha'taset ñamet añ necartot. ³ Te'pa' e'ñe nehuom'cha'teñofes o'ch notas: Yomporepa'chña sebensare'tañpene' ñeñt' atarr Parets epuet Puechemer Jesucristo ñeñt' Yepartseshar yepen. Ñetepa'chña socshatene' e'ñe sa seyo'chro allohuenes. ⁴ Ñeñfara Jesucristo ñeñt' e'ñe pocte' ente' o'ch rroma yo'chñarecop attochña yapa' cohueno'tseneycha' ama't añ patsropa' sosya'tsaño'tsenya, tarro'mar ñeñtpa' atet pocte' eñch Pompór ñeñfara Yompór ñeñt' nanac Parets. ⁵ Ñeñfara Parets'pa' aye'chochtaterrapo'ch e'ñe tayoteñ errponohuañen. Ñeñtpa' atetepa'ch Nompore.

All eñotatanet atto ama eñalle po'poñ alloch yequeshperra

⁶ Te' napa' o'ch notas: Eso'mare'tña e'ñe mamecmapa' o' alla soctape'chyerr po'poñ. Sapa' cha semneñ o'ch seque'chpuer Yompór ñeñt' o' hua'ñerres o'ch same'ñerrñaña Puechemer Cristo ñeñt' rromats attoch sequeshperra. Tarraña sañapa' cha semneñ o'ch alla soctape'cherr po'poñ ñeñto'ch sa'queshpaterrayen. ⁷ Po'ño'chpa' ama't ama eñalle po'poñ alloch yequeshperrapa' añña ñeñt' huapyetsa seshopa' ñetpa' cha mueneñet o'ch alla moñe'taterrset soctapña. Ñaña ñetpa' mueneñet o'ch a'po'poñetonaset soctapña ñeñt' cotapñats po'ño'ch alloch yequeshperra e'ñe yame'ñeñoña Cristo. ⁸⁻⁹ Tarraña napa' o'ch notas: Ama't erra'tsencha' seserrpare'tate' po'poñ cotapñats ñeñt' ama ñeñfarayaye ñeñt' atet o' same'ñerra ahuañapa' ñeñt' acheñerpa' amuepa'ch yenpueñe Yompór. Ama't yapa'cho'ña ñerra'm o'ch alla yeserrpare'taterrset ello ñeñt' ama ñeñfarayaye ñeñt' atet o' neserrpare'tatuas ahuaña ñeñt' po'ño'ch alloch yequeshperra yapa'cho'ña amuepa'ch allo'na yenpa'nenye Yompór. Ñaña ama't añ atet patsa ñeñt' Yompór po'mllañoñeñer entotpa' ama't ñapa'cho'ña amuepa'ch yenpueñe Yompór. Ama't ñeñtpa' o' notuaseñ ahuatoteña' tarraña te'pa' o'ch alla noterrset, amuepa'ch yenpueñe Yompór ñeñt' atet petsa.

¹⁰ Te' sapa' señotenen napa' ama añecpaye' notenso attoch cohuen entenen acheñ, añña nemnen o'ch cohuen entenen Yompór. Ñaña ama acheñeshaye' nemneno o'ch nocshach tarro'mar ñerra'm añña orameñ nemneñ o'ch nocshach acheña' ñeñtepña' amate' erroteno noto napa' pueyocher penen Cristo.

Atet pa Pablo allempo errte' allsensaretterra

11 Napa' nemneñ masheñeshacha' ñaña nochaneshacha' o'ch señoche ñeñt atet neserrpare'tatas ahuañapa' ñeñtpa' ama acheñooyaye poctapña alloch yequeshperra. 12 Napa' ama acheña neñotatenaye atet, ñaña napa' ama esesha' neychatenaye. Aña e'ñe Jesucristo ñaña e'ñe neñotatene' atet.

13 Sapa' o' se'mare'tuan atet nepe't ahuañmo'cha allempo noctoñe't judionesha' poctapña. Napa' allempo nanac noctare'che't ñeñt ame'ñenaya Yompor. Napa' atarrcha' nemne't o'ch na'cllatuanet. 14 Napa' e'ñe net-sotoñe't judionesha' poctapña. Napa' ello nemtana'tue't shonte' nacmanesha' judionesha' ñeñt parro neyemte't. Napa' nanac nema'yoçhroñe't judionesha' poctapña ñeñt atet yeche't ahuatnaneshañ, ñaña ñeñfara atet yechatyesete't ñaña puechemereshañ. 15-16 Tarraña Yomporpa' ahuo't acrerren ahuatoteñ ama't allempo ama ne'ñalletena'. Tarro'mar allempo çhap allempoche eñotaterrenpa' o' yematerna Puechmer ñeñfara Jesús. E'ñe puemuereñoñen nanacpa' o' çhore'terren attoch nach serrpare'te' po'ñoñ allo'tsa'yen ñeñt ama judioneshayaye. Ñaña allempo e'ñe pocte' enteñ Yompor o'ch eñotaten atetpa' napa' ama esesha' na'p'to'to ama't puesheñarra. 17 Ñaña ama't Jerusaléñapa' ama neto o'ch nenteña' ñeñt allsensaretnesha' ahuatoteñ. Elloña napa' arra ahuen all oteñet Arabia, allpa' ama acheñempañooye. Allñapa' all na'lponmatena' e'ñe alla; allotñapa' alla nepuerrerra Damasco.

18 O'ña met ma'pa char allempañapa' ahuen Jerusaléño o'ch nenteña' masheñ Pedro.* Allñapa' alla na'pa ñesho çharramat puechena amnarmat. 19 Tarraña allempo allo'tsenenpa' ama nenteño po'psheññeçhno ñeñt allsensaretnesha', ñapfa nenteña' masheñ Jacobo† ñeñfara ñeñt pa'mo'nasheñ pen Yepartseshar Jesús. 20 Po'ñoçhpa' ama't Yomporpa' eñotenen ñeñt atet notenespa' ñeñtpa' e'ñe po'ñoçh atet.

21 Allempoña nerr, arr nasuanerr Sirio'mar ñaña Cilicio'mar. 22 Tarraña ama't allempo ñeñt ame'ñenaya Cristo all Judeo'marpa' ñetñapa' ama eseshaye' nechme'tenaye. 23 Tarraña ahuo't e'mare'chet ñeñt co'tare'tahuete't ahuaña te'ñapa' o' serrpare'terren attoch yame'ñerra ñeñfara co'tapñats ñeñt çhocma mueneñ ahuaña o'ch huapore'tater. 24 Ñeñto'marña te'pa' e'ñe no'marpa' nanac aye'choçhtateññañet Yompor.

2

Atto po'psheññeçhno allsensaretnesha' e'ñe pocte' eñchet Pablo

1 Allempoña o' meterrerr çharra' char puechena pa'tatspa' o' alla ahuernerr Jerusaléño epan ñaña masheñ Bernabé. Ñaña o' nanem masheñ Tito. 2 Napa' ahuernerr alla tarro'mar atet oten Yompor. Allempoña neçhap Jerusaléñopa' neserrpare'tatosanet ora allohuen ñeñt atet o' neserrpare'tatue ñeñt ama judioneshayaye. Neñotach ñaña Jerusaléño'marnesha' ñeñt atet neserrpare'tatyen acheñenesha' e'ñe yame'ñeñoña Cristopa' o'ch yequeshperra. Nehua, ñanompa' neserrpare'tach ñeñt añicha'taretetyetsa Jerusaléño e'ñe ñap'teto. Napa' tarro'mar notanet atet allochñapa' attoch neñoçh ñato' pocte'ch entapretnet ñeñt atet nepena, allochñapa' atto neserrpare'tatyenpa' amate' e'ñe orrena neserrpare'tyeno. 3 Allempoña neserrpare'tatuanet atetpa' e'ñe pocte' eñchet ñeñt atet neserrpare'tyen.

* 1:18 Añ Pedropa' ñeñfara otenet Cefas. † 1:19 Jacobopa' ñeñfara ñeñt sochenet Santiago.

Ñeñto'marña ama't allo'tsen masheñ Tito ñeñt ama judioneshayayepa' ama't e'ñe puesheñarrofetapa' amaña eseshaye' notaye netsorrhachepa'to' masheñ Tito tarro'mar ñapa' ama judioneshayaye.* ⁴ Tarraña ama't allempopa' ama eñallñeña ñeñt torrapo' yentyenpa' añña puesheña'tetspa' o' huapyesa yesho. Ñaña ñetpa' ama't otenetañ ahuo' ame'ñerret atet ñerra'm ya tarraña e'ñe a'nahuapa' mueneñetañ ahuo'ch nonayet ñoñets ñeñt nanac torrapo' yenten. Ñetpa' añecpa huapuet a'nahua o'ch e'monayet atto yapa' yoten e'ñe yame'ñeñoña Cristo Jesús'pa' o'ch yequeshperra. Tarraña ñetpa' añña mueneñetañ o'ch alla nerrnayet judionesha' poctapña ñeñt nanac torrapo' yenten. ⁵ Tarraña yapa' ama yemnataneto ama't e'ñe mamesha, tarro'mar yapa' ama yemno' o'ch alla ya'po'poñetañperres ñeñt cohuen ñoñets ñeñt e'ñe po'ñoçh alloch yequeshperra.

⁶ Allempoña neñotach añcha'taretñesha' ñeñt Jerusaléño'tsa'yen ñeñt atet o' nepohuapa' tarraña amaña errot otneto ñeñto' nepalltena ñeñtcha' atet neña. Ñehua, po'ñoçh napa' ama nepallteno' o'ch e'mñotaten añcha'taret tarro'mar ama ñapfa añcha'taret pocte' entenoña Yompor. Ñeñto'marña ñeñt pa'mcha'taretñeshar penet ñeñt ame'ñetsa amaña errot otneto ñeñto' nepalltenmeñ ñeñtcha' atet neña. ⁷ Añña ñetpa' e'ñe pocte' entnet, tarro'mar o' eñoçhet napa' po'ñoçh allsensareten o'ch neserrpare'tach acheñenesha' cohuen ñoñets, ama't ñeñt ama judioneshayaye. Attecma ñaña masheñ Pedro allsensaret o'ch serrpare'tan cohuen ñoñets judioneshacop, napa'cho'ña attecma allsensareten o'ch neserrpare't cohuen ñoñets añecop ñeñt ama judioneshayaye. ⁸ Tarro'mar ñeñtara Yompor ñeñt llesense' Pedro o'ch serrpare'tatan judionesha', napa'cho'ña ñeñtara Yompor ñeñt nellense' namña o'ch neserrpare'tach ñeñt ama judioneshayaye.

⁹ Ñeñto'marña ñeñt añcha'taretetyetsa atet ñerra'm masheñ Jacobo ñaña masheñ Pedro ñaña masheñ Juanpa' ñetpa' e'ñe eñoçhet po'ñoçh napa' Yompor o' yenpuerren. Ñeñto'mar ñetpa' e'ñe cohuen agapyet epan masheñ Bernabé. Pagapueñoçetayapa' orratyet pot po'cohuenrot attoch yeñotanna'ta e'ñe attecma yoctape'chen Yomporecop. Allempoña ñetpa' e'ñe pocte' entyet yeserrpare'tachepa'to' ñeñt ama judioneshayaye, atet ñerra'm ñetpa' o'ch serrpare'tachet ñeñt judionesha'. ¹⁰ Ñetpa' añña paterr otyet, es yapa'yeseapa'to' huocchañneshachno; ñeñtña ama't napa' e'ñe pocte' neñch namña.

Allempo Pablopa' muene' che'ptare'tan Pedro

¹¹ Tarraña allempo çhap ñaña masheñ Pedro Antioquíopa' napa' çha muene' neche'ptare'ch allempo yeserrpare'ten parro, tarro'mar allempo ñapa' añ pa ñeñt ama pocteyaye. Ñeñtpa' atet pa, ¹² allempo e'ñe erрте' çhets masheñ Pedro Antioquíopa' ñapa' allenta rrallme'chapretosan ñeñt ama judioneshayaye. Tarraña allempoña çhaçha't ñaña puesheña'tets ñeñt huetsa masheñ Jacobueshotpa' allempoña masheñ Pedropa' o'huañ rrallme'chapretan ñeñt ama judioneshayaye, tarro'mar ñapa' añ mecha'ten ñeñt cotene' judionesha' poctapña. Ñeñto'marña e'ñe allempopa' o'huañ rrallme'chapretanet, ñaña o'huañ yemtanet. ¹³ Añpa'cho'ña judionesha'

* **2:3** Añ ñoñets "atsorrharet", añ ñeñt otets atet yeche't judionesha'. Ñeñtpa' atet: Ñerra'm allempo eñallletena asheñorroçollesha' ñeñt e'ñe judionesha'pa' añña pomporpa' o'ch tsorrhateñet po'çhtso. Ñehua, ñeñt tsorrhatenetpa' ematollach o'ch çhapa'muen po'psocmatño. Ñehua, po'çhtso allcha' tsorrhateñetpo' all e'ñeçh poteretollo e'ñe poñeçh pa'rrmatollo.

ñeñt ame'ñetsapa' ñetpa'cho'ña o' atet pa'yeset ñamet ñeñt atet pena masheñ Pedro. Ñeñto'marña allempopa' ama't masheñ Bernabépa' o' p'achet ñaña ñeñt atet penet ñet. Po'ño'chpa' ama't eñoteñetañ ama atet apapahuo. ¹⁴ Tarraña allempo nentanet ama e'ñe pacharroye' peneto ñeñt cohuen ñoñets ñeñt po'ño'ch Yompor po'ñoñ allempoña napa' atet noch masheñ Pedro e'ñe allo'tsa'yen allohuen acheñenesha', ñeñtpa' atet noch: "Papa' ama't judioneshapeñpa' tarraña o' pepohua ñeñt atet pena ñeñt ama judioneshayaye, te'ñapa' eso'mare'tña pañapa' pemneñ o'ch penoñña ñeñt ama judioneshayaye añ ñoñets ñeñt atet anaret judioneshacop ñeñt ama't papa' ama atteye' pepeno atet anaret añ ñoñets."

Ama't judionesha'pa' e'ñech attecma a'queshpataretterret ñerra'm ame'ñeretcha' Jesús

¹⁵ Yapa' e'ñe judiona'tareshot e'ñalletñay. Tarraña yapa' ama atteyayye ñerra'm ñeñt ama judioneshayaye ñeñt nanac ochñañ. ¹⁶ Tarro'mar ya ama't judioneshaypa' yeñoteñ e'ñe yame'ñeñoña Jesucristopa' o'ch pocte' enterrey Yompor, ñeñtpa' ama añoteyaye o'ch e'ñe yepohua ñeñt atet anaret judioneshacop. Añña e'ñe yame'ñeñoña Jesucristopa' o'ch pocte' enterrey Yompor, ñeñto'marña o' yame'ñera Cristo, tarro'mar yeñoteñ e'ñe yet-soteñoña ñeñt atet anaret judioneshacoppa' amach pocte' enterrye Yompor ama't puesheñarroteya.

¹⁷ Ñaña te' yapa' e'ñe yame'ñeñoñ Cristopa' yeñoteñ e'ñech pocte' enterrey Yompor. Tarraña ama't atarr yeyemteñapa' chocmach yentena yapa' ochñaatey. Ñeñto'marña sapa' chate' sotenapañ Cristopa' ñeñite'ña ochña'tatañtetsa. Tarraña ñeñtpa' amaca'ye atteyaye. ¹⁸ Tarraña ñerra'm o'ch alla yoctape'cherrerr ora allohuen ñoñets ñeñt atet anaret judioneshacop ñeñt o' yepuesuanom ahuañapa' elloña allempopa' o'ch alla yenterra yapa' nanac ochñaatey. ¹⁹ Tarro'mar ñeñt ñoñets ñeñt atet anaret judioneshacop ahuatpa' te' napa' neñoteñ ñeñtpa' ama añecpayaye attoch o'ch ya'queshpatterra yañeña. Ñeñto'marña ya ñeñtey o' yame'ñera Cristo yapa' o' ya'ypo'ñamper attochña te'pa' o'ch yocrrerra cohuen Yomporecop e'ñe yeyochrohuen. ²⁰ Ñeñto'marña yapa' o' yequechpa'huerr atet muenatse'tatiesye't yechets. Ñeñto'marña o' e'ñe atet yeperra ñerra'mrrate' o' corso'tam'perryet epay Cristo. Te'pa' ama't ora yocrenañpa' tarraña ama yaye' corretso, añña Cristo ñeñt yechorrenayapa' ñeñtña corretsa te' yechtso. Te'pa' e'ñe yeyemteñoñ Yompor Puechemerpa' yocrena e'ñe cohuen arr patsro, tarro'mar ña yemorrenterraya, ñaña ña rromats yocop. ²¹ Ñeñto'mar te'pa' ama yemno o'ch yehuapore'terrñañ Yompor puemuereña atto apuey Puechemer alloch yequeshperra. Tarro'mar ñerra'm eñalleñ attoch yequeshperrañ e'ñe yetsoteñoña ñoñets ñeñt atet anaretpa' ñeñteppaña' atto rroma Cristopa' amate' es sherbeno.

3

E'ñe yame'ñeñoña Cristopa' o' yequeshperra, ama añ yetsoteñoñe ñoñets ñeñt atet anaret judioneshacop

¹ Sapa' nanac galacio'marneshacha' sepanteñ. Po'ño'ch sa o'ca'ye cha shecaset attoña te' sapa' o'huañ same'ñenaña ñeñt e'ñe po'ño'ch alloch yequeshperra. Ama't ahuaña allempo yeserrpare'tatensa'pa' yapa' añ yeñotatuas

atto po'ñoch Jesucristopa' o' acorso'tam̄psaretta e'ñe yocop. Ñeññña po'ñoch same'ñaña sa allempo. ² Ñeñño'marña te'pa' nemneñ o'ch neñotatas ama't añ paterr ñoñets: Sapa' e'ñe seyemteñoť ñeññ Cristo po'ñoñ attoña chorrasaña Paretš Puecamquëñ. Amaña añofoye' chorrasso e'ñe setsoteñoť añ ñoñets ñeññ atet anaret judioneshacop. ³ Eso'mare'tña sapa' nanac sepan-teñ. Atto sa ahuañapa' añ seyemtena Paretš Puecamquëñ ñeññ ahuamencat añaña' eso'mare'tña te'ñapa' o'ch alla seyemterrerr e'ñe sañeña setsotateñ. ⁴ E'ñehuachñaca' orrena atarr semuerochetyesa. Po'ñoch ñato' ñeññpa' amate' e'ñe orrenayaye ñerra'm o'ch alla soctape'cherr cohuen. ⁵ Ñaña allempo Yomporpa' chorrataš Puecamquëñpa' ñapa' añ orrtatonas partsoteñets e'ñe sesho. Ñehua, ñeññpa' amaca'ye añofoye' orrto e'ñe sa setsoteñoť ñeññ atet anaret judioneshacop, ñeññpa' añoťca'yeña orrta e'ñe same'ñeñoťa ñeññ atet yeserrpare'tatuas.

Abrahampa' e'ñe pueyemteñoť Yomporpa' o' pocte' eñch Yompor

⁶ Ñehua, Abrahampa' nanac yemtane't ñeññ atet och Yompor, ñeñño'marña Yomporpa' e'ñe pocte' eñche't. ⁷ Ñeñño'marña yeñoteñ ñeññ nanac yemtenaya ñeññ atet oten Yompor ñeññña Yomporpa' e'ñe pocte' enteñ atet ñerra'm puechemereshanet Abraham. ⁸ Yomporpa' e'ñe eñotue't ahuatoteñ ama't ñeññ ama judioneshayayepa' o'ch ame'ñeret esempo, ñaña e'ñe pame'ñeñoťepa' pocte'ch enterranet. Ñeñño'marña ama't ahuatoteñpa' e'ñe anuaret po'ñoño. Yomporpa' atet otan Abraham: "E'ñe peshotpa' o'ch nebensare'tam̄pes allohuen pa'namen acheñ." Ñeñño'marña yeñoteñ ama't ahuatoteñ Yomporpa' serrpare'tatane't Abraham ñeññ cohuen ñoñets alloch yequeshperra. ⁹ Ñeñño'marña yeñoteñ te'pa' allohuen ñeññ ame'ñenaya Cristopa' e'ñe attecma cohueno'tsenacma atet ñerra'm Abraham ñeññ nanac ame'ñaye't Yompor ahuat.

¹⁰ Tarraña allohuen ñeññ yemtenaya ñoñets ñeññ atet anaret judioneshacop o'ch e'ñe etsotuet ñeññapa' o' anarettet allohuenetpa' a'coñchatare'tetcha' tarro'mar atet anuaret Yompor po'ñoño ama't ahuatoteñ, ñeññpa' atet oten: "Allohuen ñeññ ama etsotuenaye e'ñe poctacma allohuen allpon ñoñets ñeññ atet anaret quellco, ñaña ñerra'm ama pohueto allohuen ñeññ atet anaretpa' a'coñchatare'tetepa'ch." ¹¹ Ñeñño'marña yeñoteñ amach pocteye' enterrye Yompor e'ñe yemneññoťa o'ch yetsotua añ ñoñets ñeññ atet anaret, tarro'mar amach errotenoť yetsotuo ora allpon ñeññ atet anaret. Ñeñño'marña ama't puesheñarrofoypa' amach pocteye' enterrye Yompor. Ñeñño'mar ama't Yompor po'ñoñoapa' atet anuaret ahuatoteñ, ñeññpa' atet oten: "E'ñe yeyemteñoťa Yompor ñapa' o'ch pocte' enterrey attoch ello yocrrerra errpronohuañen." ¹² Tarraña ñeññ ñoñets ñeññ atet anaret judioneshacoppa' ama atteye' oteno, ñeññpa' atet oten: "Ñerra'm yeñohuencha' e'ñe poctacma ñeññ atet anaretpa' esheccha' ello yocrrerra errpronohuañen."

Cristopa' e'ñe pocte' eñch attoch ñach arrnomarettatsa yocop

¹³ Ñoñtsopa' ama't o'patatenyañ coñcheñets tarraña Cristopa' ñaña coñcherrtsa e'ñe yocop attochña yapa' amach yecoñchero. Ñeññpa' yeñoteñ tarro'mar ama't ahuatoteñpa' atet anuaret Yompor po'ñoño, ñeññpa' atet oten: "Ama't erra'tsena acheñer puepencateñme'chatset cho echañchet tsachopa' ñeññpa' a'coñchatare'fcha' entyes acheñenesha'." ¹⁴ Ñeñño'marña

yeñoteñ e'ñe pame'ñeñoñet Jesucristopa' o'ch eñalleta attoch Yomporpa' e'ñech pocte' entanet ñamet ñeñt ama't ama judioneshayaye, attecma pe't ahuatoteñ Yompor e'ñe pocte' entane't Abraham. Ñaña e'ñe yame'ñeño'tpa' attoña eñall attoch chorrerrya allohueney Parets Puecamquëñ, atet Yomporpa' otan ahuat Abraham.

Ñeñt atet Yomporpa' otan ahuat Abraham ñeñtcha' atet poñ

15 Ñehua, masheñneshacha' ñaña nochaneshacha' te'pa' o'ch alla neñotaterrser po'poñ. Ñehua, ñato' o'ch netma'ntacha ñeñt atet yocrrena añ patsro. Atet ñerra'm puesheñarr yacmapa' o'ch a'pochtachet epuet po'psheneñ, o'ch quellcatet, allotpa' o'ch quellca'huet pa'so'cheñ all, allochñapa' amach errotet esesha' a'po'poñeterroye po'ñoñ ñeñt atet o' quellcatuet, ñaña attoch amach esesha' huapore'terroye po'ñoñ. Atet yepena yaña ama't acheñaya atet petsa ellohuate'ñaca' Yomporpa' ama pueno po'ñoñ. 16 Yompor ahuatpa' atet otan Abraham ñeñtcha' atet poñ e'ñe puesheñarro't po'mrenño't. Tarraña ama allohuenaye' po'mrenñecop atet oche, e'ñe puesheñarrocpa atet och, ñeñt'pa' yeñoteñ ñeñtara ñeñt Cristotats. Ñeñt'pa' attecma oten ama't ahuatoteñ Yompor po'ñoñ. 17 Añmapa' ñeñtña atet ney'chatenes. Ñehua, yapa' yeñotueñ atto Yomporpa' a'pochtachet ama't ahuatoteñ epuet Abraham. Alloñapa' allempo o' met cuatrocientos treinta charpa' allempoñapa' chap allempoch anaretta añ ñoñets judioneshacop ñeñt atet quellcanet Moisés. Tarraña ama't o' anaretta añ ñoñets ñeñt quellcanet Moisés'pa' tarraña ñeñt'pa' yeñoteñ amach erroteno huapore'tatereto ñeñt atet o' anaretetua ñeñt atet o' a'pochtata Yompor epuet Abraham ama't ahuatoteñ, tarro'mar Yomporpa' ama puenesho po'ñoñ. 18 Ñaña ñerra'm eñalleñ attoch yequeshperrañ e'ñe yetsoteñoña añ ñoñets ñeñt atet quellca' ahuat Moisés'pa' ñeñt'pa' amate' palltenañe attoch Yomporpa' otan ahuat Abraham o'ch eñalleta e'ñe ña po'mrenño't puesheñarr ñeñtcha' ya'queshpaterre' e'ñe yame'ñeñoña ñeñt atet oteney.

19 Añ ñoñets ñeñt atet net allempopa' ñeñt'pa' atet pa: Yomporpa' ahuo't mueñan po'mllaño'eñnashar attoch ñetpa' o'ch eñorana'chet Moisés attoch ñach a'mte' añ ñoñets judioneshacop. Tarraña añ ñoñets'pa' e'ñe tarremphoua sherba' allempo huapa Cristo atet Yompor otan ahuat Abraham. E'ñe po'ño'ch yame'ñeño't a'queshpaterreycha'. Te' ellonetpa' o'ch neñotatas ñeñtecop nanña ellonet Moisés po'ñoñ. Ñehua, ñeñt'pa' añecpa anaretta attoch yeño'ch ñeñt allpon ochña'teñets enten Yompor ñaña attoch ñeñtcha' yeñotatene' ñerra'm esempo o' yepohua ñeñt ama pocteye' enteno Yompor. 20 Tarraña allempo Yomporpa' eñorana'tana Abraham ñeñtcha' atet poñpa' allempopa' e'ñe ña ote' allame'tets. Allempo Yomporpa' ama esesha' oto po'psheneñ ñeñtcha' a'mtahuat añ ñoñets.

Añ ñoñets ñeñt atet anaret ahuatoteñ judioneshacop añecopña sherben ñeñtcha' yame'ñaterraya Cristo

21 Ñehua, ñato' sapa' o'ch soten, ñeñt'pa' añ ñoñets ñeñt atet quellcanet Moisés'pa' ta', chote' epatenan Yompor po'ñoñ ñeñt atet otan ahuat Abraham. Ñeñt'pa' amaca'ye atteyaye. Tarro'mar ñerra'm eñalleñ e'ñech ñoñtsofa ñeñt atet anaret o'ch etserrataterrnayeñ cohuen yeyo'cher Yomporcoppa' amate' palltenañeña po'poñ attoch pocte' enterrey Yompor; ñeñt'pa' e'ñete' ñoñtsofa ñeñt atet anaret'pa' o'ch pocte' enterrrey Yompor, tarraña ñeñt'pa' ama

attheyaye. ²² Tarro'mar Yompor po'ñoñ ñeñt anuaret ahuatoteñpa' oteneý, allohueneypa' e'ñe yo'chña'tuen, amach errotentot e'ñe yetsotuoñe ñeñt atet anaret Yomporecop. Ñeñto'marña ñeñtpa' ama añeçpayaye alloch yequeshperra. Añña e'ñe yame'ñeñoña Jesucristopa' o'ch yequeshperra, ñeñtara Cristo ñeñt atet Yomporpa' otan ahuat Abraham.

²³ Ahuat allempo ama huena' Cristo ñeñtcha' yame'ñerrapa' amach errotentot ya'ypo'ñerro añ ñoñets ñeñt atet anaret. Atta yepe't tarremphua allempo huapa Cristo attoña e'ñe yame'ñeñoña ñapa' o'huañcha' allo'na añcha'noçhta ñoñets yocop. ²⁴ Ñehua, ñato' o'ch netma'ntacha atet. Añ ñoñets ñeñt atet anaret judioneshacoppa' ña yecuanp̄saye't ahuat. Ñeñtpa' tarremphua atet pa allempo huapa Cristo, ñaña añ ñoñetspa' añeçpa sherba' attoch ame'ñaterrya Cristo, allochñapa' e'ñe yame'ñeñoña ñapa' o'ch poçte' enterrey Yompor. ²⁵ Tarraña te'ña o' yame'ñera Cristopa' ama yepallteno ñeñtcha' allo'na yecuanp̄se'.

E'ñe yame'ñeñoña' atetcha' enterrey Yompor ñerra'mrrate' e'ñe puechemer Abraham

²⁶ Tarro'mar te'pa' e'ñe yeparrocmateñoñ Cristo Jesúspa' o'ch puechemer perrey allohueney Pompor, tarro'mar e'ñe yame'ñeñoñ Puechemer. ²⁷ Ñaña allohuenes ñeñtes o' sapataretterra e'ñe same'ñeñoñ Cristopa' o' chorrersa Cristo. ²⁸ Ñaña te'pa' e'ñe yeparrocmateñoñ epay Cristo, Yomporpa' ama po'poñe'ttsoçmaye' entenye, e'ñe attecma enteney allohueney, ama't judionesha', amapa' ñeñt ama judioneshayaye, amapa' ñeñt ataruasataret e'ñe atta, amapa' ñeñt ama ataruasataretaye e'ñe atta. E'ñe attecma enteney allohueney ama't asheñorrey, ama't ñaña coyanesha'. Tarraña Yomporpa' e'ñe attecma enteney. Tarro'mar e'ñe yeparrocmateñoñ epay Cristo Jesús e'ñe puesheña'tsoypa' o'ch e'ñe yeparrocmatua allohueney e'ñe parro. ²⁹ Ñaña ñerra'm yapa' Cristona'tareypa' añña Yomporpa' e'ñe atet enteney ñerra'mrrate' po'ñireneñ peney Abraham. Ñeñto'marña yapa' o'ch yagapapreter ñeñt atet Yomporpa' otan ahuat Abraham ñeñtcha' atet a'nacha.

4

Atto Cristopa' a'huañam̄perran acheñenesha' atto añcha'noçhtanete't ahuat ñoñets ñeñt atet anaret

¹⁻² Ñeñt notenespa' ñato' o'ch netma'ntacha atet. Ñerra'm puesheñarr yacma eñall puechemer, esempoña o'ch po'nerr allempoch o'paterrana ora allpon echen pompor. Ñehua, ama't yeñoteñ ñapa' o'ch o'paterrana ora allpon echen pomporpa' tarraña allempo ama po'nenapa' amach es o'patena' ama't coñeta. Ñaña allempo ama po'nenapa' amach errotentot es pa'yesoña e'ñe ñoña, tarro'mar allempopa' chocma eñall puesheñarr ñeñt cohuam̄pene', ñaña allempopa' chocmach es tsa'teññañet ñeñt cheshar. Allempoña atet penapa' çhach ottena ñerra'mrrate' atta ñañreteñet, ama't ora allpon echeneñ pomporpa' ñoçpañ. Tarraña esempoña çhap pompor ponañcho allempoch po'n puechemerpa' allempoñapa' o'ch agapan ora allpon echen pompor. ³ Ñeñtpa' atet yepe't yanña ahuat. Allempopa' atet yepe't ñerra'mrrate' cheshaneshas'. Ñaña allempopa' añña yame'ñataye't ñeñt poçtañña pa'yese't ahuatnanesha' arr patsro. ⁴ Tarraña allempoña o' etsota allempo onañche' ahuat Yomporpa' o' mueñonay Puechemer arr patsro. Arrñapa' eñalletach puesheñarr coyanesha' ñeñt judiona'tar. Añña ñoñets ñeñt atet anaret

judioneshacoppa' nanac añcha'nochte't allempo ama't ñocop. ⁵ Tarraña Cristopa' añecop eñalleta attoch a'huañañperrey atto añcha'nochtena añ ñoñets yocop. Ñeñtpa' añecop atet pa attoch puechemer perrey Yompor.

⁶ Te'ña Yomporpa' o' puechemer perrey ñeñto'mar o' mueñernay Puecamquëñ ñeñtcha' yetherrtsa yeyochro. Ñeñtña Puechemer Puecamquëñpa' ñeñtcha' yeñotatene' ñerra'm esempo yethore'ch ama't Paretpa' e'ñe pocte' o'ch yoch, "Apa." ⁷ Ñeñto'marña te'pa' yeñoteñ o' puechemer perrey Yompor, ama pueñañrayaya penye. Ñeñto'mar yeñoteñ ñerra'm po'ñoçh o' puechemer perrey Yompor, yapa' yo'patapreterach ora allpon o'patatena te' Yompor.

Ñerra'm yapa' o'ch alla yeyemterrerr añ ñoñets ñeñt atet anaret judioneshacoppa' ñeñtpa' e'ñech orrena nanac yetorrerra

⁸ Ahuat allempo ama señoterra' ñeñt e'ñe po'ñoçh Yomporpa' aña sey-omporer sepe't ñeñt po'ñoçh ama Yomporeyaye. Sañapa' ñeñta nanac ameñatasete't. ⁹ Tarraña te'pa' o' senterr ñeñt e'ñe po'ñoçh Yompor, amapa' ñato' o'ch yot, Yomporpa' o' enterres sa. Te'ñapa' eso'mare'tña semneñ o'ch alla sepuerrerra, o'ch alla same'ñerra añ cotapñats ñeñt ama es sherbeno sañapa' allo'ch po'noçh sequeshperra. Eso'mare't semneña o'ch alla setorrerrerr nanac ñeñt e'ñe orrena. ¹⁰ Ñaña sapa' çhocma sonañcha'yen yet ñeñtcha' atet setsotayen atto'ch sequeshperrañ—pueña'tets arorr, ñaña pate'tets char, amapa' allempo çhocma coshena judionesha'. ¹¹ Ñeñto'marña nellquëño'pa' atet noten, ñeñt atto netorrera ahuaña socoppa' ñato' amach es sherberro.

Arrpa' all yerpatanet atto ñetpa' e'ñe cohuen agapet allempo ñanom asena' Galacio

¹² Te'pa' o'ch masheñeshacha' ñaña noçhaneshacha' notas, atarr nemneñ o'ch soctape'cherr atet noctape'chen na. Tarro'mar napa' o' na'ypo'ñerrñañ judionesha' poctapña. Te'pa' o' noctape'cherr ñeñt atet sepe't ahuat sa, allempo ama soctape'cherrñaña' judionesha' poctapña. Ahuañmo'cha allempo allo'tsenen seshopa' e'ñe cohuen semuera'ne't. ¹³ Sapa' señotuenen atto napa' allempo ñanom neçhap seshopa' napa' cha natsna'tos ñeñto'mar allempopa' eñall attoch neserrpare'tatas añ ñoñets alloch yequeshperra.

¹⁴ Ñaña ama't añ atsnañsorpa' nanac sosey nenteñpa' tarraña sapa' ama setsena'tno, ñaña ama sa'ypo'ña'no. Elloña sapa' o' sagapuen e'ñe cohuen atette'ña ñerra'm Yompor po'millaño'feñer huetsa sesho, ñaña e'ñe atet sagapuen ñerra'mrrate' ñaña Jesucristotets. ¹⁵ Ñehua, te'pa' eso'mare'tña o'huañ tama cosha'na. Ahuañmo'chapa' nanac semuera'ne't, ñaña allempopa' ama't esa nepalltapa' sañapa' o'chçho' sapuen, ñaña ama't añcha' nepalltañe't necle'pa' napa' neñotenes ñerra'm erro'tenot serrotañ seclle'pa' ama't ñeñtpa' ñeñt'e' sapnoñe't. ¹⁶ Ñato' sapa' çhate' sotenapañ çhote' o' ne'moñe'tas, tarro'mar napa' o' neserrpare'tatas ñeñt e'ñe po'ñoçh atet noten.

¹⁷ Po'potantañ ñeñt seyçhatene' judionesha' poctapñapa' ama't nanac ma'yoçhretenañ socoppa' tarraña ñeñtpa' ama añecpayaye attoch yenpaset e'ñe po'ñoçh. Ñetpa' añecpa mopa'tenset attoch o'ch soçhapretanet nanac e'ñe ñañeñeta. ¹⁸ Ñehua, napa' e'ñe pocte' nenteñ o'ch yemneñ acheñenesha' o'ch coshapretenyet ñerra'm po'ñoçh añecop yema'yoçhrena attoch yeyenpanet e'ñe po'ñoçh. Atet napa' çho'ña nemneñ çhocmach soçhapretna ama't allempo ama allo'tsenye parro. ¹⁹ E'ñe nemorrenteñotes atet nentenes

ñerra'mrrate' nechemereshas, ñaãa te'pa' alla nemueroçhterrerr socop. Atet nanen atserr atette'ña coyanesha' atsotenaya pue'mar. Tarraña napa' çhocmach nemueroçhta esempohuach e'ñe chorrasa Cristo, attoch ñach soctape'chaterre' e'ñe poctacma cohuen. ²⁰ Esuaca' alla nene' tayecma sesho attote' neserrpare'tatas e'ñe cohuen, allochñapa' amate' çha muene' neche'ptare'taso. Tarraña ñeñtpa' amach errotenot, po'ñoçhpa' çhocma sellcatenen.

Te'pa' e'ñe yame'ñeñoç Cristopa' o'huañcha' yeyemta añ ñoñets ñeñt atet anaret; ñeñtpa' añ toma'ntena Agar ñaãa Sara

²¹ Ñehua, te'pa' o'ch se'mñnoten sa ñeñtes muenets o'ch alla seyemterra añ ñoñets ñeñt atet anaret ahuatoteñ. Sapa' ama't señoeteñe ñeñt atet oten añ ñoñets ñeñt atet anaret. ²² Ñehua, te'pa' o'ch neñotatas ñeñt atet oten ñoñets ñeñt atet anaret Yompor po'ñoño ahuatoteñ. Ñeñtpa' atet oten: Abrahampa' eñall epsheña puechemer. Puesheñarrpa' arrot chemere't pueñañreshoç ñeñt pa'taruasañer pe't. Ñeñt coyanesha'pa' añ sochena Agar. Po'psheñeñapa' e'ñe puetaporeshot chemere't ñeñt ama pa'taruasañreyaye.

²³ Ñeñt puechemer ñeñt eñalletatsa pueñañreshoçpa' atet eñalleta ñeñt e'ñe attecma yeyechquena allohueney acheñey. Tarraña po'poñ puechemer ñeñt eñalletatsa puetaporeshoç ñeñt ama pa'taruasañreyaye ñeñtpa' añecop eñalleta attoch etsota Yompor po'ñoñ ñeñt atet otan ahuatoteñ Abraham.

²⁴ Ñeñt atet papa' ñeñtpa' añ yeçhateney tarro'mar añ epsheño'mar coyanesha'pa' añ toma'ntena atto Yomporpa' epsheñoç a'poctatonay. Ñeñt Agarpa' añ toma'ntena atto Yomporpa' eñorana'tanet ahuat Sinaíño. Allempoteñ anaretta añ ñoñets ñeñtcha' atet etsotetañ. Ñeñña ñoñetspa' añ toma'ntena Agar, tarro'mar ña puechyoresha'pa' aña añcha'noçhtana'tenahuet añ ñoñets ñeñt atet anaret. ²⁵ Agarpa' po'ñoç shallchenana aspenet Sinaípen ñeñt Arabio'tsen. Ñaãa ñeñtara Agarpa' toma'ntenana judionesha' ñeñt pa'netser pene' Jerusaléñ. Tarro'mar allohuen judiona'tarpa' teme'ttsen aña añcha'noçhtana'tenahuet añ ñoñets ñeñt atet anaret ahuatoteñ. ²⁶ Tarraña ñeñtey ame'ñenaya Cristopa' añ ñoñets ñeñt atet anaret ahuatoteñpa' ama añcha'noçhteno yocop. E'ñe yame'ñeñoçta allohueney Cristopa' e'ñe cohueno'tseney. Ñaãa ñeñtpa' e'ñe cohuen yenteñ atet ñerra'mrrate' yachor.

Ñaãa ñeñtpa' atetcha' netma'ntatererr atet: E'ñe yeparrocmateñoç allohueney epay Cristopa' e'ñe attey ñerra'm Yompor pa'netser etserra Jerusaléñ, ñaãa ñeñtpa' e'ñe atet yenteñ ñerra'mrrate' yachor. ²⁷ Ñeñto'marña atet anaret Yompor po'ñoñ ahuatoteñ, ñeñtpa' atet oten toma'nteñtso:

Coshepa' coyanesha' mueçhoç ñeñt ama achyore'tño, ñaãa pocsheñeshoçpa' rranare'tepa' ñeñt ama't ahuatapa' ama patsotarano pue'mar, tarro'mar ama't añ coyanesha' ñeñt aqueçhparet mame' (ñeñfara Sarapa') shonte'ch acheñenesha' pachor perre'. Elloch metanerran allpon puechorey echen ñeñt agapue' puerrollar (ñeñfara Agar).

Ñeñt ñoñetspa' añ toma'ntena atto te'pa' yame'ñeñoç Cristo ñeñña nanac sherbets attoch atonterra acheñ ñeñtcha' pueyochresha' perr Yompor. Tarraña ñoñets ñeñt atet anaret ahuatoteñpa' ñeñtpa' ama tama sherbena attoch atonterra ñeñtcha' pueyochresha' perr Yompor.

²⁸ Ñehua, o'ch notas masheñeshacha' ñaãa noçhaneshacha', allohueney ñeñtey ame'ñenaya Cristo, yapa' attey ñerra'm Abraham puechemer ñeñt

Isaac ñeñt eñalletatsa attoch etsota Yompor po'ñoñ ñeñt atet otoñ pompor Abraham. Tarro'mar yapa'cho'ña attoña yeñalleterra ello attoch etsota Yompor po'ñoñ ñeñt atet ote't ama't ahuatoteñ. ²⁹ Tarraña ñeñt eñalletatsa ahuat ñeñt e'ñe attecma yeye'chquëna allohueney acheñey (ñeñt sochet Ismael) ñapa' chocma e'moñe'tane't ñeñt eñalletatsa atto etsota Yompor po'ñoñ. Attecmach perra ña'ma te'. Ñeñt'cha' eñalleterrtsa ñeñt e'ñe attecma yeye'chquëna allohueney acheñey ñeñt'ara ñeñt muenene' o'ch etsotan judionesha' poctapña ñetpa' chocmach e'moñe'tenyet ñeñtey eñalleterrtsa Yompor Puecamquëño't. ³⁰ Ñehua, ama't señoteñeña ñeñt atet oteney Yompor po'ñoñ ñeñt anuaret ahuatoteñ. Po'ño'ch oteney atto Yomporpa' otan ahuat Abraham ñeñt'pa' atet och: "O'ch pehuapore'ch peñañra epuet puechoyor; tarro'mar ña puechoyorpa' amach es o'patapreta'po, amach attey'e' po puechoyor ñeñt eñalletatsa petaporesho't ñeñt ama pa'taruasañreyaye." ³¹ Ñeñto'marña te' masheñneshacha' ña'ma no'chaneshacha' o'ch alla noterrser: Ama palleno o'ch yame'ña judionesha' poctapña. Ñato' o'ch netma'ntacha atet: Ama puechoyoreyaye Abraham pueñañra ñeñt pa'taruasañer e'ñe atta. Añña puechoyorey Abraham pue'tapor ñeñt ama pa'taruasañreyaye. Ñeñt'ara ñeñt yoten e'ñe yame'ñeño'ta Cristopa' e'ñech cohueno'tseney.

5

Atto te'pa' atarr cohueno'tseney, te'ñapa' amach yeque'chpatstere

¹ Cristopa' o' a'pocataernay attoch e'ñe yame'ñeño'tpa' cohueno'tseneycha'. Attoch yocoppa' amach am'cha'no'chtento ñoñets ñeñt atet anaret judioneshacop. Ñeñto'mar te'pa' amach allo'na same'ñatsterrero judionesha' poctapña ñeñt nanac amuero'chtatañ. E'ñepa'chña huomenc se'pa' seyo'cher Cristocop.

² Ñehua, te'pa' o'ch se'mñoten na ñeñten allsensareten ñeñt'cha' atet notas: Ñeñt atet seyemtenañ atto'ch sequeshperra e'ñe setsorranna'teño'tapa' tarraña ñeñt'ot Cristopa' amach erro'tenot yenpaso.* ³ Tarraña te'pa' o'ch alla noterrser; ñeñt muenets o'ch atsorrare'ttapa' ñehua, po'ño'ch añ palltetsa ña'ma o'ch e'ñe etsotuan ama't ña'ma allohuen ñoñets ñeñt atet anaret judioneshacop. ⁴ Ñeñtes muenets o'ch pocte' entas Yompor e'ñe setsoteño't ñoñets ñeñt atet anaretpa' sañapa' o' alla seque'chpuerña Cristo. Ñeñto'marña te'pa' amach erro'tenot muererro Yompor. ⁵ Tarraña yapa' e'ñe yeyemteño't Cristopa' e'ñe yocsheñnesh'a' yecuen esempohuañencha' ye'chacherr Yomporesho tarro'mar yeñoteñ o' pocte' entuerrey Yompor. Ña'ma e'ñe ña Puecamquëño't te'pa' o' ya'pocataretterra. ⁶ Ñerra'm o' yeparrocmaterr epay Cristo Jesús'pa' ama sherbeno atto yetsorranna'tena, ña'ma ama't ama atsortrareteyepa' ñeñt'pa'cho'ña ama sherbeno Yomporcop. Aña ñapue't sherbets e'ñe yame'ñeño't Cristopa' o'ch yemorrentanna'ta.

⁷ Sa ahuañmo'chapa' e'ñe cohuen same'ñye't Cristo. Te'ñapa' po'ño'ch'ya'e o'cha a'psaterrsetña añ ñoñets ñeñt e'ñe po'ño'ch Yompor po'ñoñ. ⁸ Ñeñt'pa' ama Yomporeye' sa'psatenaye, tarro'mar ñapa' o' hua'ñerres o'ch same'ñerrñaña Puechemer Cristo. ⁹ Ama't señoteñe ama't pueheñarra ye'chatats po'poñ ñeñt ama po'ño'choyayepa' mameshapa' o'ch epa'hua

* 5:2 O'ch secue' nota 2.3.

erracmañen ñeñt atet yechaten. Ñato' o'ch netma'ntacha atet pena chase'. Ama'tcha' coñe'ta chasetoll yena'pa' mameshapa' o'ch a'chasa'huan emasa. ¹⁰ Tarraña ñeñt semoññe'tatene'pa' tsa'taterach Yompor, ama't erra'tsena atet petsa. Tarraña na e'ñe neyemteño't Yepartsesharpa' neñotenes te'pa' o'ch alla seque'hpurr ñeñt atet yechatenes po'psheñeñ, o'ch alla same'ñerra ñeñt ney'chatenes.

¹¹ Ñato' napa'cho'ña chate' otyennet año' neserrpare'taten o'ch yetsorranna'ta attoch yequeshperra. Ñehua, masheñeshacha' ña'ma no'chaneshacha' ñerra'm po'ño'ch ñeñtara neserrpare'tateneñ atetpa' amate' errotent o' moñe'tennoñeña judionesha' ñeñt serrpare'tene' o'ch yetsorranna'ta. Tarraña po'ño'chpa' ama atteye' neserrpare'tateno. Añña neserrpare'taten atto Cristopa' rroma corsocho yocop atto tsa'tuerrnaya yo'chñar, allochñapa' e'ñe yame'ñeño'ta ñapa' o'ch yequeshperra. Ñeñña atet neserrpare'teño't añña ñeñt serrpare'tene' o'ch yetsorranna'tapa' ñetñapa' ñeñña nanac atsrre'matenahuet. Ñerra'm o'huañcha' atet neserrpare'tañpa' o'huañfe' e'moñe'tnetañ. ¹² Napa' atarr nemneñ ñeñt chocma semoññe'tatene'pa' o'te' alla que'chpa'nerres.

E'ñe yemorrenteño't yamo'tspa' o'ch e'ñe yetsotua allohuen ñoñets ñeñt atet anaret Yomporshot

¹³ Tarro'mar sa masheñeshacha' ña'ma no'chaneshacha' o' hua'ñerres Yompor attoch cohueno'tsenescha'. Ñapa' ama mueno o'ch am'cha'no'chtana socop ñoñets ñeñt atet anaret. Tarraña ama't o' hua'ñerrey Yompor attoch cohueno'tseneypa' ñeñt'pa' ama añe'cpayaye o'ch ye'pa'yesa nanac sosey ñeñt atet muenateney yechets. Ñapa' mueneñ e'ñe yemorrentanna'teño'tpa' o'ch yeyenpanna'ta, tarro'mar yapa' cohueno'tseney. ¹⁴ Ñerra'm cho yemorreñcha yamo'tspa' ñeñt'pa' attoch ama't e'ñe parrotapa' o'ch yetsotua ora allohuen ñoñets ñeñt atet anaret ahuatoteñ Yomporshot, tarro'mar Yompor po'ño'ñpa' oteneý: "Atarrepa'ch semorreñcha samo'ts e'ñe atet atarr semorrentena sañeña." ¹⁵ Tarro'mar ñerra'm sapa' chocma se'moñe'teñ samo'ts, amapa' cha amtsen senteñ samo'ts, ñeñt'pa' ama pocteyaye atet sepena, tarro'mar ñerra'm atet sepenapa' seño'chepa'ch attotcha'ña chach sa chencatannerra e'ñe sagattsa.

Ñeñt atet cotape'chateney Parets Puecamquëñ, ña'ma ñeñt atet muenateney yechets

¹⁶ Tarraña napa' o'ch notas ñeñt poctetsa ñeñt'cha' atet sepa. E'ñepa'chña cohuen socrena Partsocop ñeñt atet cotape'chatenes Parets Puecamquëñ. Allochñapa' amach allo'na se'pa'yeseño ñeñt atet muenatyenes sechets. ¹⁷ Tarro'mar ñeñt atet muenatse'tateney yechetspa' ñeñt'pa' ama yemtenano ñeñt atet cotape'chateney Parets Puecamquëñ. Añpa'cho'ña Parets Puecamquëñpa' ama yemtenano ñeñt atet muenatse'tateney yechets. Ñeñto'marña amach errotent o'yoctape'cho e'ñe patrra cotapñats, tarro'mar ñetpa' cha e'moñe'tannenet. ¹⁸ Tarraña ñerra'm po'ño'ch ye'pa atet cotape'chateney Parets Puecamquëñpa' allempopa' amach errotent am'cha'no'chto yocop añ ñoñets ñeñt atet anaret ahuatoteñ, tarro'mar ñapa' añcha' p'ateney ñeñt atet muenen Yompor.

¹⁹ Ñehua, yapa' o' yeñotuer ñeñt atet muenatse'tateney yechets. Ñeñt allpon yemnatse'tyenpa' ñeñt'pa' atet ñerra'mrate' erra'tsente' cheta'yene'

coyanesha' ñeñt amach puetaporeyaye, atet ñaãa erra'tsente' coyaneshar ñeñt cheta'yene' yacma ñeñt ama puerrollareyaye, ñaãa atet ñerra'mrrate' ñeñt nanac cotape'chyene' sosya'tsañ, ñaãa ñeñt nanac yomenaya ot-tatsñats. ²⁰ Ñaãa ñeñt po'yomporer pa'yene' po'poñechno ñeñt ama po'ñoçh Yomporeyaye, ñaãa atet pena achyo'tañechno, amapa' ñeñt atet pena pa'llerrnanesha' ñaãa ñeñt atet pena amase'ñet. Ñaãa po'poñ ñeñt atet muenatse'tyen yechetspa' ñeñtpa' atet ñerra'mrrate' e'moñe'tanna'teñets, ñaãa orroteñets, ñaãa ye'chapretanna'teñets, ñaãa atsrre'mare'teñets, ñaãa moparrñats, ñaãa elloptanneñets atto amach e'ñe amo'tstanneneto, ñaãa atet pena ñeñt cotape'chyene' po'poñ cotapñats ñeñt ama po'ñoçhoyaye. ²¹ Ñaãa po'poñechno ñeñt atet muenatse'tyen yechetspa' atet ñerra'm ye'chapreteñets, ñaãa muetsanna'teñets, ñaãa posa'tarñats, ñaãa arep-sarñats porrare'teñoť, ñaãa eñallmeñ po'poñechno shonte' attema't ñeñt atet o' notua. Te'pa' o' alla noctape'chaterrser ñeñfara atet notuanmas ama't ahuaña, ñeñt atet petsapa' amach es o'patatereto all añcha'tarettena Yompor.

²² Tarraña ñeñt pene' cohuen ñeñt atet yeçhateñ Parets Puecamquëñpa' ñeñtpa' atetcha' pena, o'ch morrentenana pamo'ts, ñaãa e'ñech cosha'huena pueyoçhro Yomporecop, ñaãa amach es llecatenaye ama't e'ñe mamesha, e'ñech ahuañta'huenan allohuen ñeñt echarr entyen. Ñaãa ñeñt pene' cohuen ñeñt atet yeçhateñ Parets Puecamquëñpa' o'ch amuerañtena, ñaãa o'ch yenpa'yenan pamo'tsesha', ñaãa erroť otpa' atetcha'çho' pena. ²³ Ñaãa amach atsrre'ma'peno ñaãa e'ñech puetpara es pa'yen. Ñerra'm ñeñfña atet o' ye'pohuapa' o'ch yetsotua allohuen ñoñets ñeñt atet anaret Yompore-shot. ²⁴ Ñaãa ñeñt po'ñoçh o' pueyochresha' perr Cristo Jesús'pa' o' huen-erran ñeñt atet muenatse'tyen yechets ñeñt atto es yeye'chyena ya acheñey. Ñeñtpa' e'ñech atet yentena ñerra'm acorso'tam'psaretey. ²⁵ Atto Parets Puecamquëñpa' o' apuerrey attoch yocrrera e'ñe cohuen Yomporecop, te'pa' añ pocte' o'ch ye'pa'yena e'ñe cohuen ñeñt atet cotape'chateney Parets Puecamquëñ.

²⁶ Amachña çha yommo'chueno, ñaãa amach çha es yotnare'tanna'tyeno, ñaãa amach çha ye'chapretanneno.

6

Añ pocte' çhocmach yeyenpanna'ta attoch yemesha allohuen topateñets

¹ Ñaãa o'ch masheñeshacha' ñaãa noçhaneshacha' notas, ñerra'm esempo seño'teñ po'psheñeñ o' p'ohua ñeñt ama pocteye' enteno Yomporpa' sa ñeñets o' cotape'chaterres cohuen Yompor Puecamquëñpa' sach alla cotape'chatterahuat cohuen attoch alla tanterret Yomporecop. Tarraña e'ñe semuereño'pa' e'ñech acopa soctape'chatanet cohuen. Tarraña sapa'çho'ña e'ñech seño'ta, te't sapa'çho'ña atecma se'pa saña ñerra'm esempo topatenes oneñet o'ch patenes ñeñt ama pocteye' enteno Yompor. ² Ñaãa añ poctetsa çhocmach yeyenpanna'ta attoch ya'huanta'hua allohuen topateñets. Ñerra'm atetña ye'pohuapa' o'ch yetsotuoñ Cristo po'ñoñ ñeñt atet oteney o'ch yemorrentanna'ta.

³ Ñerra'm esesha' pommo'cheñoť oten, "napa' ama çho es neyeçcateno Yomporecop ñeñt ama pocteyaye", ñeñtpa' ñañeñach shequëtsa, tarro'mar po'ñoçh ñeñt atet acheñpa' amach es sherbeno Yomporecop. ⁴ Tarro'mar

puesheña'ttsoypa' 'thoch ñanom yeñota errotente'ña yocrrena. Ñerra'm yeñotena e'ñe po'ño'ch cohuen yoctape'chen yeyo'chropa' ñeñña nanac acsha'po'. Tarro'mar ama acsha'pahuo ñerra'm esempo ye'ich po'psheñe'ña o' pohua ñeñt' ama pocteye' enteno Yompor. ⁵ Ñaña añ pocte' e'ñe puesheña'ttsoy o'ch ya'huanten topateñets ñeñt' yehuenoya.

⁶ Ñaña te'pa' o'ch notas po'poñ: Ñeñt' e'mñotene' Yompor po'ño'ña' añ pocte' o'ch es cohuen apa'yestet ñeñt' ye'chatenahuet Yompor po'ño'ñ.

⁷ Amach sepantatsche, o'ch seño'ch po'ño'ch Yomporpa' ama allocchame'tpahuo. Tarro'mar ñerra'm yeye'chcaten ñeñt' cohuentetsa Yomporecop arr partsropa' ñach yapuerre' ñeñt'cha' yocshaterre' tsapatonet. Tarraña ñerra'm yepa'yes ñeñt' ama cohuenayaye, ñeñt'pa'cho'ña ñach yetsa'taterraya esempohuañen. Ñato' o'ch netma'ntacha atet. Ñerra'm es yenare'tpa' ñeñt'cha'cho' emere'tats tsapatonet. ⁸ Attecma ñaña ñerra'm añ yepatse'tyen ñeñt' atet muenatse'tyen yechetspa' ñeñt'ara ñeñt' yepa'yenapa' a'chencataterreycha'. Tarraña ñerra'm añ yoctape'chen cohuen ñeñt' atet cotape'chateney Parets Puecamquëñpa' ñeñt'ara Puecamquëño'pa' yocrerrach esempohuañen. Ñato' o'ch netma'ntatererr atet: Ñerra'm te'pa' e'ñe cohuen yenare'ten, tsapatonetpa' nanaccha' coshaterrey. Tarraña ñerra'm te'pa' ama cohuenaye' yenare'teno, tsapatonetña'pa' nanaccha' llecaterrey. ⁹ Ñaña amach yemuenme'chatsche pa'yese' ñeñt' cohuenetyetsa Yomporecop. Tarro'mar esempohuañen allempoch e'ñe pocte' enteñ Yomporpa' apuerreycha' ñeñt'cha' yocshaterre' ñerra'm amach cha yeque'chpuere. Ñato' o'ch netma'ntatererr atet: Ñerra'm te'pa' ama yemuenme'cheñe nare'tatspa' tsapatonetña'pa' nanaccha' shonte' me'tarsats. ¹⁰ Ñeñt'o'marña te'pa' o'ch notas: Chocmach yeyenpa'yes allohuen yamo'tsesha' tayepa'tña orameñ attoch yeyenpanna'ta. Ñaña añña nanac cohuen ñerra'm cho'yeyenpueñ yamo'ts ñeñt' parro o' yame'ñera Cristo.

Arrpa' all so'terranet añ cartot

¹¹ Te'pa' e'ñe na nototpa' o'ch nequellconas mame'. Sapa' o'ch sent ñeñt' ateshaclo'yerr quellecpa' ñeñt'pa' na quellquëne'. ¹² O'ch alla noterrser: Ñeñt' muenene' o'ch tsorrataspa' añecpa mueneñet attoch judionesha'pa' o'ch cohuen entanet. Tarro'mar ñetpa' ama mueneñeto o'ch e'moñe'tanet judionesha'. Ñetpa' eñoteñet ñerra'm o'ch serrpare'tet atto e'ñe yame'ñeño'fa Cristo ñeñt' rromats yocop o'ch yequesh'papa' añña judionesha'pa' o'ch e'moñe'tanetpa' o'ch cotare'tanet. ¹³ Tarraña ama't ñeñt' o' atSORRARETUAPA' ama ame'ña' hueneto allohuen ñoñets ñeñt' atet anaret judioneshacop. Ñetpa' añña muenenet e'ñe same'ñeño'f ñetpa' o'ch tsorratatenset attoch ñetpa' o'ch ommo'chuernaset judioneshesho sechets. ¹⁴ Tarraña napa' ama't ahuatapa' ama nemno o'ch atet nommo'chena. Napa' añña nemnen cho'cmach na'ye'cho'chtatoñ Yepartseshar Jesucristo ñeñt' rromats corsocho yocop. Ñeñt'ña name'ñeño'f o' neunerr ñeñt' atet nemnatse'tyese't ahuañmo'cha ñeñt' patso'marecpa. Te'pa' o'huañ nommo'cha ñeñt' patso'marecpa. Napa' atet nentena ñerra'm acorso'tam'psareten. ¹⁵ Ama't ya'tSORRARETTATSTAPA' ñeñt'pa' ama es sherbeno. Ñaña ama't ama ya'tSORRARETTATSTAPA' ñeñt'pa'cho'ña ama es sherbeno. Añña nanac sherbets Yomporecop, o'ch yetserrataterr yocta'ña, o'ch yeye'chquërra etserra Yomporecop. ¹⁶ Yomporepa'chña

sa'nataya allohuenes ñeñfes atet petsa ñeñ atet o' notuas ñeñ cohentetsa Yomporecop. Ñaña Yomporepa'chña semueraya allohuenes ñeñfes po'ñoçh Yomporena'tares.

¹⁷ Te'pa' ama pocteyaye ama't puesheñarrapa' o'ch alla orrtaterrnanerr ñeñ atarr echarr nenten nocop tarro'mar ñeñ atet neyçhatenpa' ñeñña po'ñoçh Yompor poçapña. Tarro'mar teme'ttsen orretyena nechets all mareta'yena all atserrpätse'tyesnet ahuañmo'cha. Te'pa' ñeñña eñotatyenahuet po'ñoçh napa' ne'torrena Jesúsocop ñeñ Yepartseshar yepen.

¹⁸ Te'pa' ñeñfach masheñeshacha' ñaña noçhaneshacha' notas, Yepartse-sharepa'chña sa'nataya, ñeñfara Jesucristopa' ñepa'chña semueraya. Ñeñpa' attetepa'chña Nompore. Allohua.

Pablo

AÑ SAN PABLO PO' CARTA ÑEÑT̃ QUELLCAN EFESO' MARNESHA' EFESIOS

Atto Pablopa' quellcan carta añecop ñeñt̃ ame' ñetsa anetso Efeso

¹ Masheñeshacha' ñaña no'chaneshacha' ñeñtes allohuenes pueyochresha' o' perres Parets ñeñtes ame'ñenaya Cristo Jesús all anetso Efeso. Na Pablon sequellquene'ña añ carta ñeñten Jesucristo puellsensaren tarro'mar ñeñtpa' atet muenen Yompör. ² Te'pa' e'ñe nehuom'cha'teñotes sa, napa' o'ch notas: Yomporepa'chña sebansare'tam'pene' ñeñt̃ nanac Parets epuet Puechemer Jesucristo ñeñt̃ Yepartseshar yepen. Ñetepa'chña socshatene' e'ñe sa seyo'chro allohuenes.

Atto Yompörpa' e'ñe pa'nateño'fey chocma apuene' ñeñt̃ atarr cohuen sherbets yecamquë'ñecop

³ Te'pa' aye'cho'chtatpahu'epa'ch Yompör ñeñt̃ Pompör pen Yepartseshar Jesucristo. E'ñe yeparrocmateño'f epay Cristo, Pompörñapa' e'ñe pa'nateño'fey chocma cotape'chateney ora allpon ñeñt̃ esocmañen co'hnesha'tetsa all pue'ntañö ñeñt̃ atarr sherbets yecamquë'ñecop. ⁴ Atet ahuat pa'motroteñ allempo ama aye'hcatarettena' añe patserpa' Yompörñapa' allempoteña acram'perrey parro epay Puechemer Cristo attoch yapa' a'parrocmataterre'ycha' epay Puechemer. Tarro'mar añecop acram'perrey Puechemereshot allochña yapa' añach e'ñe yema'yo'chrena ñeñt̃ cohuentetsa Partsocop. Allochñapa' attochña e'ñe pocte' entuene' Yompör, amach eñalle attoch otteñe'cherrey ama't e'ñe mamesha. ⁵ Ñapa' atarr morrentenya; e'ñe puemorrenteño'fey'pa' o' e'ñe a'poc'atunay yocop ama't ahuatoteñ. Ñeñtpa' attochña e'ñe puechemer perrey. Ñeñtpa' añña e'ñe etsotatu'erre' Puechemer Jesucristo. Yompörpa' e'ñe atet a'poc'atunay tarro'mar ñeñt̃ atto morrentenya ñapa' atetña muenen. ⁶⁻⁷ Aye'cho'chtatpahu'epa'ch Yompör atto ñapa' atarr nanac cohuen muerenya. Atto ñapa' ahuo't mueñonay Puechemer Cristo ñeñt̃ rromosets yocop. Atto ashataretta po'rras ñeñtpa' alloña tsa'tuerrnaya yo'chñar. Te'ña ya e'ñe yeyemteño'f Puechemer, Pompörñapa' attoña o' e'shohuerrnaya ñeñt̃ yo'chñar yepe't. Ñeñto'marña yapa' yeñoteñ ñapa' atarr morrentenya. Atto atarr morrentenana Puechemer Jesús'pa' yapa'cho'ña attecma atarr morrentenya e'ñe yeparrocmateño'f Yompör Puechemer. ⁸⁻¹⁰ Yapa' yeñoteñ Yompörpa' atarr morrentenya tarro'mar ña te'pa' o' e'ñotatu'erre' e'ñe ora ñeñt̃ atet cotape'chen ña ama't ñeñt̃ ama e'ñotpahuo ahuatoteñ. Ñapa' o' e'ñe e'ñotaterrey yeyo'chro ñeñt̃ atet muenen ña. Ñeñtpa' añña atet muenen ña: Ñerra'm esempoch chap allempoch etsoterra allempo onañche' ahuat Yompörpa', allempoña Cristo ñach etsotatu'erre' allohuen ñeñt̃ allpon eñall, ama't ora allpon ñeñt̃ pue'ntañö'tsa'yen ama't ñaña ora allpon ñeñt̃ añe patsro'tsa'yen. E'ñech Cristesho a'yapa'cha'huerret allcha'ña e'ñe yeparrocmatu'err allohueney.

¹¹ Yompörpa' atarr co'hnesha' o'patatenana Puechemer Cristo. Ya'ñaña e'ñe o'patatena atto e'ñe yeparrocmateño'f Cristo. Ñehua, ñeñtpa' atet

cotape'che't Yompor ahuat yocop. Ñeñto'marña te'pa' atetña o' perrnay ñeñt atet cotape'che't ña ñeñt e'ñe pocte' ente't e'ñe ña pomnenñot. Tarro'mar Yomporpa' ama puenesho po'ñoñ, chocmach e'ñe etsotuerra ñeñt allpon atet onañchen ña. ¹² Ñeñtpa' atet e'ñe cohuen ponay Yompor allochñapa' attochña ya'ye'chochtaterrñañ ora allohuen ñeñt po'cohuenña pen ña, allohueney ya ñeñtey yanom o' yeyemterrñaña Puechemer ñeñtara Cristo. ¹³ Sapa'cho'ña te'pa' o' se'muerrñañ Yompor po'ñoñ ñeñt ñoñets e'ñe po'ñoñ alloch sequeshperra samã. Attoña sapa'cho'ña o' same'ñera Cristo. E'ñe seyemteñoña sa, Yomporña'pa' o' chorraterrra Puecamquëñ ñeñtcha' señotate' po'ñoñch o' puechemer perres. Ñehua, ñeñtpa' ñeñtara Parets Puecamquëñ ñeñt atet ote't ahuat Yompor ñeñtcha' aphuerrey esempo. ¹⁴ Ñeñtara Puecamquëñ ñeñt apueney ñanom ñeñtpa' ñeñtcha'ña yeñotate' orameñ ñeñt o'patatenya Yompor. Attochña ñerra'm esempo a'queshpaterrey poctacma ñeñtey o'patatena, allempochña yaguërr ñeñt allpon orameñ o'patatenya. Ñeñto'marña añ poctetsa ya'ye'chochtatoñepa'ch ora allohuen ñeñt po'cohuenña pen ña.

Arrpa' atto ma'yochampananet Pablo

¹⁵ Ñeñto'marña na te'pa' o'ch notas, napa' o' ne'mare'tas atto sapa' atarr same'ñeña Yepartseshar Jesús ñaña ne'mare'tenes atto sapa' e'ñe cohuen semuerannena allohuenes ñeñtes pueyochresha' perres Parets. ¹⁶ Ñeñto'marña napa' chocma neparasyoso'teñ Yompor allempo nema'yochampanensa. ¹⁷ Ñaña nenamuennas Yompor ñeñt Pompor pen Jesucristo, ñeñtara Yompor ñeñt atarr cohuen Partsetets. Añ nenamuennas, Yompor Puecamquëño'pa' eñotatasepa'ch ñeñt e'ñe atet pena ña pocta'ña. Attochña sapa' esheccha' señoterrña ñeñt atarr cohuen sherbets ñocop ñeñt ama't ahuata sapa' ama seño'teñe. ¹⁸ Ñaña ñapa' chapatonascha' seyo'chro attochña señoterrñañ ora allpon ñeñt po'cohuenña ñeñt yecuen ñeñtcha' aphuerrey Yompor esempo tarro'mar yapa' ñeñt'ecopña chore'terrey ahuatoteñ. Ñaña o'ch seño'ch atarr nanac cohuen ñeñtcha' aphuerrey Yompor, ñeñtpa' alloch yapa' corretsayach errponañohuen allohueney ñeñtey pueyochresha' pen. ¹⁹⁻²⁰ Ñaña te'pa' o'ch señoterrñañ Yompor po'huamenc atarr nanac huomenc ama atpa'huapahuo ñeñt atet ahuamencat peney allohueney ñeñtey ame'ñenaya ña. Ñeñtpa' ñeñtara po'huamenc ñeñt atarr huomenc orrtatan allo tantaterran Puechemer Cristo allempo rroma. O' tantater ñeñtara po'huamencot attoña chapater ñesho allñapa' anorruerr Pompor po'cohuenrot all pue'ntaño allña e'ñe partsetuerr epuet Pompor. ²¹ Ña te'pa' atarr añcha'tarettena nanac. Atto añcha'tarettena ñapa' ñeñtpa' e'ñe metana'tuenan ora allpon allohuen ñeñt añcha'taretetyetsa ñaña ora allpon allohuen allsensaretetyetsa ñaña ora allpon allohuen ñeñt ahuamencatetyetsa ñaña ora allpon allohuen ñeñt ayochreshatetyetsa ñaña ora allpon allohuen ñeñt cohuen entyetsa ama't allohuen so'chñetso'chno. Cristoña po'huamencot e'ñe metana'tuenanet allohuenet. Ñaña ñapa' ama mamecpayaya atet peno, ñapa' tayoteñña ñaña errponañohuencha' atet pena. ²² Ñaña Yomporpa' o' nan Puechemer Cristo allochñapa' ñach pomnaren pene' ora allpon ñeñt esocmañen eñall. Ñaña allohuen allpon ñeñt ame'ñenaya, Yomporpa' attoña apanet

Puechemer allochñapa' ñach yochresha'tenahuet allohuenet. ²³ Ñato' o'ch netma'ntacha atet: Allohueney allponey ñeñtey ame'ña'yenaya Cristo, Cristoñapa' e'ñe yeyo'cher* yepohueñ allohueney, yañapa' Cristo po'chets yepene' allohueney. Ñeñto'mar ñeñtey ame'ñenaya Cristo e'ñe allohueney e'ñe parrocmay, Cristoñapa' e'ñe ña yechorra'huenaya, tarro'mar ñapa' e'ñe po'chets ñohueney allohueney.

2

Atto Yomporpa' e'ñe puemuereño'tey ya o' a'queshpaterrey

¹ Ama't atet ñerra'm sa. Sapa'cho'ña ahuatpa' aña soctape'chyese't ñeñt ama cohuenaye' enteno Yompor. ² Aña seyche't ñeñt atet ñatse'tyena acheñenesha' arr patsro ñeñt ama ame'ñetso. Allempo sapa' aña same'ñataye't oneñet ñeñt pa'ñcha'tareter pen allohuen ñeñt erracmañen amcha'no'cheteyetsa entot ñeñt ama entpahuoyaye. Ñeñña oneñet poctapñapa' ñeñt atarr coshatene' allohuen acheñenesha' ñeñt atparñaftetsa te' arr patsro. ³ Ñehua, ama't allohueney ahuatpa' e'ñe attecma yeyche't. Aña yoctape'chyese't ñeñt e'ñe atet yemnatse'tyen ya, ñeñt atet muenatse'tatene yachets ñaña ñeñt cohuen yente't e'ñe yañeña yoctapño'f. E'ñe ya yoctapño'f ñeñt atet yeyche'tpa' ñeññaña e'ñe yoctape'chatse'tatyesaye't. Ñeñto'marña Yomporpa' aña o'patatye't attoch coñchaterrey. Ñehua, ama't allohuen po'potantañ acheñenesha' ñeñt atet ñatse'tyesete'tpa' Yomporñapa' e'ñe attecma o'patatanete't ñeñtara coñcheñets. Ñerra'm allempocmach yerromaña' e'ñech yechenca'huerrañ, ⁴ tarraña Yomporñapa' atarr nanac amorrentña, atarr muerenya. E'ñe ña puemuereño'teypa' o' a'queshpaterrey. ⁵⁻⁶ Ñato' o'ch netma'ntacha atet ñerra'm o' yerroma yo'chñaro'f tarraña Yomporpa' o' alla tantaterrey. Ñehua, allempo tantaterran Puechemer Cristopa' ya'ñaña tantater tarro'mar e'ñe yeparrocmaten epay Cristo. Ñaña atto çhapaterran Po'cristor pue'ntaño allcha' atarr cosheñtso'tsen, ya'ñaña o' çhapaterr allcha' atarr cosheñtso'tseney yaña tarro'mar e'ñe yeparrocmaten epay Po'cristor. O'ch netma'ntacha atet ñerra'mrrate' o' yechap Yompor pue'ntaño allcha' yecohuentapretera Cristo. ⁷ Attoña Yomporpa' çhocmach orrtatennay puemuereña ama't errponañohuen. Attoña o' çhaphuonaya yeyo'chro Yomporpa' atarr muerenya nanac. Atto atarr muerenana Po'cristor ya'ñaña atarr muerena tarro'mar yapa' yeparrocmaterrñaña Po'cristor ñeñtara Jesús. ⁸ Tarro'mar po'ño'ch e'ñe puemuereño'tey Yomporñapa' a'queshpaterrey e'ñe yeyemteño'fa ña. Ama año'teye'ña a'queshpaterreye atto e'ñe cohuenare' es yepa'yen ya. Yomporpa' e'ñe atta a'queshpaterrey. ⁹ Ñaña ama yetorreño'tey'e' ñocop a'queshpaterreyeña Yompor attoch tsa'terrya ñeñt allpon yetorra ñocop. Tarro'mar ñerra'm e'ñe yetorreño'fa ya'queshpateñañ, yañapa' çhate' atarr cohuen yentena yañeña ñeñt atto ya'queshpateña. Allempoña Yomporpa' amate' a'queshpateña'e' yente'ne. ¹⁰ Tarraña Yomporpa' o' etserrataterrnay yoctapña allochñapa' attoch e'ñe cohuen es yepa'yen. Po'ño'ch e'ñe yeparrocmateño'f Cristo, Yomporñapa' o' etserra yechcaterrey. Tarro'mar ñapa' ama't ahuato'eña' atet cotape'che't yocop attochña yapa' e'ñepa'chña cohuenare' es yepa'yen.

* 1:23 Ñehua, po'ño'ch Cristopa' arr atma'ntataret atet ñerra'mrrate' ñeñt yoñ yepen.

Cristopa' e'ñe cohuen amo'tstatanna'tña allohuenacop

11 Ñehua, te'pa' o'ch alla seyerpuerra ñeñt atet sepe't ahuat. Allempopa' atarr allaparo'tsa'yenes Yomporeshot. Ñehua, sapa' atet eñalletñas ama judioneshayayso. Añña ñeñt atet eñalletena judionesha' ñetpa' añña yeçhenet o'ch tsorrannenet. Ñeñto'marña ñetpa' otarettenet atsorraretnesha'. Ñeñto'mar ñet sañapa' atta sochatse'tenset sapa' año' atsorraretneshayayso año' puechemereyayso Yompor. 12 Po'ñoçh allempo sapa' atarr allaparo'tsa'yenes Cristeshot tarro'mar ama separrocmaterra' epas. Ñaña ama't israelena'tarnesha' ñeñt otenet Yompor pueyochresha', sañapa' ama parro'marneshayayso. Ñaña atto Yompor a'pocatan israelena'tar allempo otanete't ñeñtcha' atet yenuerranet esempo, saña allempopa' ama't mameshapa' ama se'mare'tpera'. Ama es seueno ama't mamesha ñeñtcha' sa'qeshpaterre' tarro'mar allempo sapa' ama eñalle Seyomporer ñeñtcha' po'ñoçh seyemtena saña arr patsrot. 13 Tarraña te' sapa' o' señoter Cristo Jesús ñeñt rromats ñaña socpa'na. Ashataretta po'rras ama't saña so'chñarecpa'na. Ñeñto'marña yoten e'ñe po'rrasot attoña o' çhapterres saña Yomporesho ama't sa ñeñtes ahuat atarr allaparo'tsa'yenes Yomporeshot. 14 Tarro'mar Cristopa' atarr amo'tstatanna'tña allohuenacop. Ama't ya ñeñtey judioneshay ñaña sa ñeñtes ama judioneshayayso, Cristoñapa' ahuot parro'marneshatatey allohueney. Ñaña ñeñt atto atsrre'moçhen yentanna'tyese't ahuat ñaña'pa' o' huapore'tampesyeney ñeñt yellopa'tetstatyesaye't ahuat. 15 Ñeñt'pa' atet ponay Cristo allempo rroma yocop. E'ñe ña po'çhtsotpa' o' a'huañañpeney atto am'cha'noçhen yenten añ ñoñets ñeñt atet anaret ahuat judioneshacop, ñeñfara pa'namen a'pocateñtsoñ ñeñt atet anarettetañ ñoçpuet ñeñtcha' atet pohuetañ. Attoña allempoteñpa' o' e'ñe patrra yocape'chen ñeñt atet cotape'chateney Cristo. Allempoteñña amach alla atsrre'moçhen yentanna'tyerre'te. Ñato' o'ch yot atto ahuat allohuen acheñenesha' ellopa'tetstete't e'ñe ñet poctapño'mareta, Cristoñapa' o' a'huañañpsanet attoña e'ñe parrocmatauerrey, e'ñe cohuen yamo'tstanna'tuerra allohueney. 16 Attoña epotanto'marey e'ñe yeparrocmateño't, Cristoñapa' e'ñe cohuen amo'tstaterrya ñaña Pomporesho. E'ñe puerromño't corsochopa' ñaña'pa' o' a'pocatonay Pomporesho. Atto ñapa' o' a'huañañperrey ñeñt ahuat atto çhocma ye'moñe'tanna'tyese't.

17 Ñeñto'marña Cristopa' huapa. Ñach yeserrpare'tatose' cohuen ñoñets atto ñapa' ña amo'tstanna'tatañtetsa. Attecma serrpare'tatosey allohueney, ama't sa ñeñtes ama judioneshayayso ñeñtes atarr allaparo'tsa'yenes atet entyenesña Yompor. Attecma serrpare'tatosey ama't yanña ñeñtey judioneshay ñeñtey e'ñe allame'tsa entyeny Yompor. 18 Attoña allohueney ama't ñeñtey judioneshatets ñaña ñeñt ama judioneshayaye e'ñe Cristeshotecma e'mñoteneyña Yompor tarro'mar Puecamquëñpa'çho'ña e'ñe patrra ñeñt yechorrenaya allohueney. 19 Ñeñto'marña te'pa' o'ch notas, sa ñeñtes ama judioneshayayso, te'pa' e'ñe parro'marneshacmay entenyña Yompor, ama't allohuen ñeñt pueyochresha' pen Parets, tarro'mar allohueney e'ñe puechemeresha' peney Yompor. Ñeñto'marña te' sa ama atteye' entenso atet ñerra'mrrate' ñeñt ama puentare ña, o'huañ atteye' entenes ñerra'mrrate' ñeñt atta huetsa po'poñ anetsot. 20-22 Ñeñt atet entenes te'pa' ñato' o'ch

netma'ntacha ñeñt atto yatōmaten pocoll. Ñehua, atto cohuen torra'yese't allohuen ñeñt allpon Yompor puellsensarnesha' epuet ñaña allohuen ñeñt allpon a'mta'yese'ye't po'ñoñ, ñetpa' añ toma'ntete't ñeñt ñanom yatōmaten allo echarr yepen yepaquëll. Ñaña Jesucristopa' añ toma'ntena pocoll po'quellpach ñeñt atarr echarr orrene' pocoll. Ñehua, sa ñeñt atto o' separroc MATERIA Yepartseshar Cristo, pueconer penes ñaña pueyopacher penes allohuenes ñeñtes e'ñe huomenc rremuene' pocoll. Attoña e'ñe cohuen sa'yechcataretterra puepahuar pocoll, ñeñtes pa'paquëll o' perres Parets, attoña o' yecherra Puecamquëñ sesho.

3

Atto Pablopa' allsensaretterra o'ch serrpare'tatan ñeñt ama judioneshayaye

¹ Ñeñto'marña napa' chocma nema'yochena socop. Neserrpare'tateñofes sa Cristo Jesús ñeñtes ama judioneshayayso ñeñto'marña na te'pa' yotam'pennet. ² Ñehua, sapa' o'te' se'mare'tuan atto Yomporpa' o' llesenserren e'ñe puemuereñoen, nach a'potene' po'ñoñ socop sa ñeñtes ama judioneshayayso. ³ Señoteñe' ñaña atto gaterren Yompor atto te'pa' o' neñoterrñañ ñeñt ahuatoteñpa' ama eñotpahuoyaye. Ñehua, ñeñtpa' o' notuanmas mame' necartot. ⁴ Ñerra'm esempoch selleyon ñeñt nequellquënnas allempochña señoach napa' po'ñoach o' chapona neyo'chro e'ñe ora ñeñt atet sherbeney Cristo, ñeñt ama't ahuatoteñ ama eñotpahuoyaye. ⁵ Tarro'mar ahuatpa' ama chena' allempo pocte' enteñ Parets o'ch eñotatey ya ñeñtey arromña'feneshay ama't ñeñt corretsa allempo. Ñeñto'marña allempopa' ama e'ñeye' eñotatuanete'te atet ñerra'm te'pa' e'ñe Puecamquëño' e'ñe eñotatuenan allohuen ñeñt pueyochresha' pen ña atet ñerra'm ñeñt puellsensarnesha' pen ñaña ñeñt a'mtene' po'ñoñ. ⁶ Ñeñt eñotateney te'pa' ñeñtpa' atto ama't ñeñt ama judioneshayaye, ñetpa'cho'ña o'patapreteretcha' Yompor ñeñtcha' apuerranet attecma o'patatenya yamã ñeñtey judioneshay. Te'pa' e'ñe separrocmateño' Cristo, te'ña sapa' e'ñe po'chets penes atet ñerra'm ya ñeñtey judioneshay. Attoña o' e'ñe yeparrocmatuahuer allohueney. Ñaña atet ote't Yompor ahuat ñeñtcha' atet cohuen perrnay esempo e'ñe Cristeshot attoch a'queshpaterreypa' ñeñtpa' añecpa'naña ñeñt ama judioneshayaye. Ñehua, ñet añof a'queshpataretterret atto e'ñe pame'ñeñofet añ cohuen ñoñets ñeñt alloch yequeshperra allohueney.

⁷ Ñeñto'marña napa' o' naparetterra llesens attoch nach torrerraya serrpare'terre' añ cohuen ñoñets ñeñt alloch yequeshperra. Napa' atto naparetterra amaña añofeye' o' naparetterro atto e'ñe cohuen es nepa'yen ñeñt e'ñe nocpa. Ñapa' e'ñe puemuereñoen o' ahuamencat perren, ⁸ ama't napa' ama esoyayno ama't mamesha, atarr coñe'tot nesherben. Ora allohuen allpon ñeñt pueyochresha' pen Parets ñeñt sherbene' ña, naña ellonetpa' e'ñe atet nentena ñerra'mrrate' atarr coñe'tot nesherben Parets. Tarraña ama't ama esoyaynopa' Yomporña puemuereño' o' muenaterren nach serrpare'tatyes'e' ñeñt ama judioneshayaye. Attochña nach eñotatyenuhuet atto Cristopa' shonte' esocmañen echyen pa'namen ñeñtña yo'patapreteña ñeñtey yemtenaya ña. Ama't ya arromña'ataya amate' errotentot e'ñe chapuonayo yeyo'chro ñeñt ora allpon o'patatarey e'ñe yeyemteño'

Cristo. ⁹ Ñaña nach eñotatyene' ama't allohuen acheñenesha' ñeñt atet cotape'chennay Yompor. Tarro'mar ñeñtpa' ahuatoteñ ama eñotpahuoyaye tarro'mar ama čhena' allempoch a'poterrnay Yompor, ñeñtara Yompor ñeñt e'ñe yečhcatuahue' ora allpon ñeñt yentyen. ¹⁰ Allochñapa' allohuen ñeñt'cha' allpon ame'ñerrtsapa' ñetñapa' orrtateññañetcha' Yompor atto ñapa' atarr esocmañen es eñoten. Attochña ama't allohuen ñeñt amicha'taretetyetsa ñaña allohuen ñeñt allsensaretetyetsa all ento, ñetpa'čho'ña eñotueñet atto Yomporpa' atarr esocmañen es eñoten ñeñt nanac sherbets yocop. ¹¹ Ñeñtpa' atet cotape'che't Yompor ahuat pueyochreshacop ñeñt'cha' sherbats allempoteñ e'ñe errponañohuen. Ñaña añ onañche't ñeñt'cha' etsoterre' poctapña ñeñtpa' añ Cristo Jesús ñeñtara Yepartseshar yepen. ¹² Ñeñto'marña yapa' e'ñe yame'ñeño' Cristo e'ñech yeñmañesha' yečhore'teñ Yompor. Amach yeñt'cha'nañeño'ye' yečhore'teñ tarro'mar añ yeyemteññaña Puechemer Cristo ñeñt o' a'poctaterrey Pomporesho. ¹³ Ñeñto'marña napa' o'ch notas, atto señotaten napa' atarr nemueročhtena socop, sapa' amach sellquëño'ta se'charrtatatsto seyočher. E'ñepa'chña cohuen sochshapretenna.

Atto Cristopa' atarr morrentenya

¹⁴ Ñeñto'marña napa' čhocma neconcorpuena Yomporeshonet allot nema'yočham'pensa. ¹⁵ Ñeñtara Yompor allot huena ora allpon pa'namen acheñenesha' ñeñt e'ñe pamo'tsna'tarecma panneret ama't ñeñt pue'ntaño'tsa'yen ama't ñaña allpon ñeñt patso'tsa'yen. ¹⁶ Atto Yomporpa' shonte' esocmañen ečhyen ñeñt atarr nanac cohuenñatsotets Puecamquëño'tpa' ñepa'chña atarr ahuamencat sepene' e'ñe seyočhro. Nema'yocheño'tpa' atet nenamuennas Yompor. ¹⁷ Ñaña čhocmuepa'ch yečhena Cristo e'ñe seyočhro e'ñe seyemteño' ña. Allochñapa' attochña e'ñe sagapoñ Yompor puemorreneteña attoch e'ñe huomenc sepa' seyočher Yomporcop. Atet ñerra'mrrate' tsach ñeñt atarr erčhat e'ñech huomenc orrena patso, allochña pue'chorpa' e'ñech cohuen ten. ¹⁸⁻¹⁹ Allochñapa' attochña atarrcha' huomenc čhaponasa seyočhro atto Cristopa' atarr nanac morrentenya. Ñeñt allpon atto atarr morrentenyapa' ñeñtpa' ama ahuañaño. Ñato' o'ch netma'ntacha atto yečhope'chen patso. O'ch ahuey tenonet, ama't'cha' yečhap bačhayo amach yeñtanhuoñeña ñeñt atto morrentenya Cristo. Attecma ñaña toponet ama't'cha' yečhap bačhayo amach yeñtanhuoñeña ñeñt atto morrentenya Cristo. Attecma ñaña onnatone't ama't'cha' yečhap bačhayo amach yeñtanhuoñeña ñeñt atto morrentenya Cristo. Attecma ñaña enonet ñaña o'pononet, ama't'cha' yečhap atarr allařarpa' amach yeñtanhuoñeña ñeñt atto morrentenya Cristo. Ama't ñaña allohuen ñeñt allpon ñeñt ame'ñenayapa' eñochetepa'ch ñamet atto atarr morrentenya Cristo. Tarraña ama't ama e'ñeye' eñotpahuoyaye ora allpon ñeñt atet pena Cristo puemorreneteña yocop, tarraña sapa' señoche'pa'ch ama't e'ñe allpona. Ñeñtpa' atet nenamatennas Yompor. Allochñapa' attochña e'ñe poctacma chorrerrsa Yompor.

Aye'chočhtatpahuēpa'ch Yompor allohuēny e'ñe yame'ñeño'

²⁰⁻²¹ Te'ñapa' aye'chočhtatpahuēpa'ch yenteñ Yompor tarro'mar ña ahuamencat yepene'. Ña po'huamencotpa' atet'cha' řatonay ya ñeñt allpon yenamueñ, elloña ñapa' atet'cha' pennay elloch metana'tuonay ñeñt allpon yenamueñ. Ñaña elloña metana'tuennay ñeñt allpon yoctape'chyen.

Ellaña nanacocmañen e'ñe cohuen es pennay e'ñe po'huamencot ña. Ya'ye'chochtatoñepa'ch Yompor allohueney ñeñtey yame'ñeñoť chocma yapcha'yena ñocop. Aye'chochtatpahuempa'ch tayoteñ ama't ñaña erponañohuen tarro'mar ña yapuerre' Puechemer ñeñť Cristo Jesús. Ñeñťpa' attepa'ch Yompore yocop.

4

Attoch e'ñe yeparrocmatuen allohueney ñeñtey ame'ñenaya Cristo

¹ Ñeñťo'marña te'pa' añ notenes ama't na ñeñten ayottam̄psareten e'ñe netorreñoť serrpare'te' Yepartseshar Cristo. Te'pa' o'ch notas: E'ñech cohuen es sorratyen ñeñť atet pochtetsa añecop ñeñť o' hua'ñerr Yompor ñeñťcha' pueyochresha' perr atet ñerra'm sa. ² Ama't mameshapa' amach sañña entatstatso ñeñteso' atarr nanac sherbets. E'ñe semorrentanna'teñoť e'ñech acopa es sepanna'tyena. Chocmuepa'ch sa'huantannena ñerra'm erroť penes po'psheññ, amachña se'moñe'tatsche sañña. Añcha'ña e'ñech cohuen semorrentanna'tuena allohuenes. ³ Añepa'chña se'nen attoch sepaterrtat soctapña allohuenes ñeñť e'ñe atet paterr cotape'chatenes Parets Puecamquẽñ. Allochñapa' e'ñe separrocmateñoť, e'ñech cohuen sentannena, amachña cha po'poñ sentanna'tueno. ⁴ Tarro'mar po'ño'chpa' e'ñe yeparrocmatuen allohueney ñeñtey ame'ñenaya Cristo ñaña ñeñťara paterr Parets Puecamquẽñ ñeñť yechorra'yenaya allohueney. Ñaña ama't pa'nameney shontey ñeñtey o' chore'terrey Yompor tarraña e'ñe ñeñťara yeyemteñoť yecuen allohueney ñeñť o'patatenya Yompor ñeñťcha' apa'yueserrey. ⁵ Po'ño'chpa' e'ñe patrra Yepartseshar Cristo ñaña ñeñťara patrra poctapña ñeñť yame'ña'huena allohueney, ñaña e'ñe allohueney attecma yapataretta e'ñe yame'ñeñoť Cristo. ⁶ Ñaña e'ñe patrra Parets ñeñť Yeyomporer yepohuen allohueney, ñeñťara ñeñť ya'ñcha'tareter yepohuen allohueney. Ñaña ñeñťara Yompor ñeñť yetorratyenaya pa'namen allohueney ñaña ñeñťara Yompor ñeñť yechorra'yenaya yeyochro allohueney.

Atto Cristopa' apa'yeney allohueney attoch yetorra'yesa e'ñe po'poñe'ttsocma

⁷ Ñaña Cristopa' apa'yeney allohueney e'ñe po'poñe'ttsocma attoch yetorra'yesa Yomporecop e'ñe pa'namenot. Puesheña'ttsoypa' o'ch apa'yesey errponte' pocte' enten ña. ⁸ Ñehua, ñeñťpa' atet oteney Yompor po'ñoñ ñeñť aquelca'huaret ahuatoteñ, ñeñťpa' atet oten Cristocop: Allempo a'terr pue'ntañopa' ahuanerran allohuen ñeñť e'moñe'tene' attotña a'mchechuahuerranet. Allempoñapa' e'ñe pocsheñeshoť shonte' es apa'yesnerran acheñenesha'.

⁹ Ñehua, all oten "a'terr pue'ntaño." Ñeñťo'marña yeñoteñ allempo ama a'terra'pa' ñapa' entot asuaña, chap ama't allohuanen patso o'pono. ¹⁰ Ñeñťara ñeñť sohuatsa entot ñeñťpa' ñeñťara ñeñť a'terrets ama't e'ñe allohuanen ento. Attotña e'ñe erracmañen epa'huena Cristo. ¹¹ Ñaña ñeñť atet oten ñoñets ñeñť anaret ahuatoteñ atto shonte' es apa'yenan acheñenesha' ñeñťpa' añ oten ñeñť atto ñapa' e'ñe po'huamencot es apa'yeney attoch yetorra'yesa po'poñe'ttsocma ñocop. Patantarr acheñpa' atet aparetteť o'ch torrenet atet ñerra'm ñeñť allsensarettetsa Yomporecop; po'potantaññapa' añcha' torrenet o'ch a'mteññañet Yompor po'ñoñ; po'potantaññapa' añcha' torrenet o'ch serrpare'tatoñet po'ñoñ acheñeneshesho'mar; po'potantaññapa'

añcha' torrenet o'ch cohuanmpenan allohuen ñeñt' ame' ñetsa ñeñfara ñeñfcha' ye'chatenahuet Yompor po'ñoñ. ¹² Attoña ahuamencat' pa'yeney allochñapa' ñach po'huamencaro yeforra'yesa po'poñe'ttsocma e'ñe puesheña'tsocmay ñeñfey pueyochresha' o' perrey Parets. Attochña e'ñe cohuen yeyenpanneño'pa' o'ch huomenc yepanna'ta yeyo'cher Yomporcop allohueny ñeñfey ame'ñenaya Cristo. ¹³ Attochña e'ñe yeparrocmatuen e'ñe yame'ñeño'f Yompor Puechemer ñeñt' Cristo tarro'mar allohueneypa' o'ch yeñotuerr' ñeñt' e'ñe cohuenare' ñeñt' atet ye'chateney Yompor Puechemer. Attochña o'ch e'ñe atet yepohuen yanña ora allpon ñeñt' cohuentetsa ñeñt' atet pena Cristo ñeñt' yechorra'yenaya. Ñato' o'ch netma'ntacha o'ch not, yapa' o' e'ñe yepo'n Cristocop. ¹⁴ Ya te'pa' ama atteye ñerra'm cheshanesh' ñeñt' ama es eñotetso ñeñt' epuoye' cotape'chene' cohuen. Ñehua, atet ñerra'm cheshanesh' te'pa' ñato' po'poñcha' cotape'chyenet, ñato' tsapatñapa' o'ch'cho' cotape'chyeneterr' po'poñ. Yapa'cho'ña atet yepena yanña allempo ama yepo'nena' Cristocop. Yanña ñeñfey ama epuoye' yocteñe Cristopa' amach errotentot ye'mñochaña ya ashcañ attoch ame'ñatya ña poctapña, attoch o'ch pantatey. ¹⁵ Yapa' añachña e'ñech patrra yocape'chen ñeñt' e'ñe po'ño'ch alloch yequeshperra ñeñt' atet otene' Yompor po'ñoñ. E'ñech yemorrentanna'teño'f es yepa'yen. Attochña e'ñe yepohuen allohuen ñeñt' atet cotape'chateney Cristo. Attochña yapa' e'ñech ora yocape'chen e'ñe atet cotape'chen Cristo. Ñeñto'marña esheccha'ña yeparrocmat epay Cristo, ñeñt'ña Cristopa' yeyo'cher* yepeñ ñeñt' chocma yocape'chatene' cohuen Yomporcop. ¹⁶ Ñato' o'ch netma'ntacha ñeñt' atet pena yechets. Ñehua, yechetspa' amach errotentot ellopa'tetsteno. Ama't allemeñ meyna'ten yechets chocma parrocmaten atto rremannet e'ñe cohuen attoña yenpannenet. Ñaña yapa' yame'ñeño'f Cristo e'ñe po'chets pöhueney allohueny ama't pa'namen achenrey. Attoña Cristopa' e'ñe parrocmateney ñeñto'marña e'ñe yemorrentanna'teño'f o'ch yeyenpannena e'ñe cohuen. Attochña allo'nach yesen atontatnomue' ñeñt' atet eñotateney Yompor o'ch yemorrentannerra allohueny.

Atto Yomporpa' o' etserrataterrnay yocapña ñeñt' atet muenen ña

¹⁷ Ñeñto'marña te'pa' o'ch notas ñeñt' po'ño'ch sherbets Yepartsesharecop. Sapa' amach allo'na atet sepa'yenesno ñeñt' atet patse'tyena ñeñt' ama ame'ñenayo Yompor. Tarro'mar ñeñt' atet cotape'chatse'tyenet ñetpa' ñeñt'pa' e'ñe orrena ama't mameshapa' ama es sherbeno. ¹⁸ Ñetpa' ama thenaneto pueyochreto ñeñt' Cristo poctapña. Ñetpa' cha ottenet ñerra'mrrate' atarr checmeto'tsenet. Tarr'o'mar ñetpa' atarr echarretenet pueyochret attoch coteret Yompor. Ñeñto'marña amach enterreto correñets ñeñt' huetsa Yomporshot tarro'mar ama eñoteñeto Yompor. ¹⁹ Ñet po'chñaret ama't mamesha o'huañcha' apenco'chen eñchet. Ñetñapa' e'ñech pocsheñsha' pomuenet po'chets attochña e'ñe ñeñta yonña'yenet ñeñt' pa'namen sosya'tsañe'chno ñeñt' ama apapahuoyaye ama't mamesha. ²⁰ Tarraña sapa' amaña atteye sey'cheno. Sapa' añña sey'chen ñeñt' atet ye'chateney Cristo. ²¹ Tarro'mar napa' neñotenes sapa' o' se'mñoterrñañ Cristo po'ñoñ allempo yey'chetas ñeñt' e'ñe po'ño'ch attoch yeyemtera Jesús. ²² Sa ahuatpa' atta soctape'chatse'tyese't te'ña ñeñt'pa' o'ch sa'ypo'ñamper. Sapa' ñeñt'ña atarr seshcare'taye't attoña añach e'ñe semnatse'tyese't ñeñt' ama cohuenayaye

* 4:15 O'ch secue' nota 1.23.

ama't mamesha. ²³ Te'ña sapa' añepa'chña setserrataterre' Yompor e'ñe ora ñeñt' atet soctape'chyen seyo'chro. ²⁴ Añepa'chña chorraterrsa Yompor ñeñt'cha' soctape'chaterre' cohuen e'ñe etserra. Ñeñt'pa' attochña etserrataterrnas Yompor soctapña e'ñe atet cotape'chen ña. Allochñapa' attoch e'ñe pocte' es sepa'yen arr patsro ñeñt' e'ñe po'ño'ch cohuen enten Parets.

Arrpa' all cotape'chatyenanet pa'namen ñeñt' atarr sherbets

²⁵ Ñeñt'o'marña te'pa' añ poctetsa socop amach allo'na sesh-care'tanna'tyesneno. E'ñe puesheña'ttsos erro'ten sotannena, e'ñepa'ch po'ño'ch sa'poc'taten señoñ samo'tseshacop. Tarro'mar e'ñe yame'ñeño't Cristo e'ñe yeparrocmatuen.

²⁶ Ñaña ñerra'm esempo sa'tsrre'mapa' amach alla seño'tatoña' o'ch sorrtat ñeñt' ama cohuenayaye. Ñaña chocmach semacha'nerr e'ñe mamecma amachña ñeñfaña sellapsateno. ²⁷ Allochñapa' attoch amach yemnatatsche oneñe' o'ch atarr topatene'y, tarro'mar yocop ama pocteyaye o'ch yemnach oneñe' o'ch atarr ahuamencat peney.

²⁸ Ñaña ñerra'm eseshas etetspa' añ poctetsa te'ñapa' amach allo'na setyetsatsetneno. Ñeñt' acheñerpa' taruasepa'ña e'ñe ña potot. Ama't erra'tsena ñeñt'cha' po'taruas pa'pa' ñeñt' taruaspa' e'ñe cohuen ama apenco'chenayaye. Allochñapa' attot'cha' echenan shonte' attoch apa'yesan ñaña po'potantañ ñeñt' atarr es pallta'yetsa.

²⁹ Amach yeñosatse'tyesatsto ñeñt' ama cohuenayaye ama't mamesha. Añcha'ña yeñosyen ñeñt' e'ñe cohuen entuen allohuen acheñenesha' ñeñt'cha' yenpuene' ñeñt' e'mñotets. Attochña ñetpa' o'ch huomenc pet pueyo'cher Yomporcop. ³⁰ Attochña amach cha yelcateññañe Yompor Puecamquëñ ñeñt' yechetsa yeyo'chro ñeñt'ara ñeñt' Puecamquëñ pen ñeñt' atarr cohuen Parets. Tarro'mar puechorreño'fey ya, Parets Puecamquëñ ñeñt'pa' ñeñt'ña yeñotatene' yapa' puechemer peney Yompor tayoteñ ñaña esempo-huañencha' allempoch ya'queshpataretterra.

³¹ Amach atsrre'mo'chen sentanna'tatsto ama't seyo'chra. Allochñapa' attoch amach cha sa'tsrre'mare'tatanneno, attochña amach seche'chame'tanneno. Ñaña amach sesasare'tanna'tatsto. Ama't mameshapa' amach se'moñe'tanna'tatsto. ³² Añcha'ña e'ñech cohuen yentannena ñaña e'ñech cohuen yemuerrannena. Ñaña añña poctetsa chocmach yepretannena atto Yomporpa' o' peretnerrey yaña. Ñeñt'pa' año'f peretnerrey atto rroma Puechemer Cristo yocop.

5

Ñeñtey puechemer pen Yomporpa' o'ch yorrtaten ñeñt' atet muenen ña

¹ Yomporpa' atarr morrentenya, attoña e'ñe puechemer peney. Ñeñt'o'marña yocoppa'cho'ña añ poctetsa o'ch yorrtateññañ ñeñt' atet cohuenare' es pa'yen ña ñeñt' Yeyomporer yepen. ² Elloña Cristopa' atarr morrentenya. Ñeñt'o'marña e'ñe pocte' eñch attoña poma ñañeña atto rroma yocop atet pete't ahuat allempo muetsete't carnero Yomporcop. Ñeñt'ña e'ñe cohuen ente't Yompor e'ñe atet ñerra'mrrate' ñeñt' allo atarr eñmosaftamñpsachete't ahuat ña. Atto atarr morrentenya Cristo, yocoppa'cho'ña añ poctetsa e'ñech cohuen yemorrentanna'tuena.

³ Ñaña amach yepa' yesatsto ñeñt' ama poctey' enteno ña. Ama't parrocha amach yechtatsche ñeñt' ama yetaporeyaye, ñaña coyanesha'pa' amach agapatstano ñeñt' ama puerrollareyaye. Ñaña ama't mameshapa' amach yepatsto ñeñt' atarr sosya'tsañtets ñaña ama es aye'chapretanna'tpahuo. Ñeñt' atet poctetsa allohuenacpay ñeñt'ey pueyochresha' o' perrey Parets. Allochñapa' ama't parrochapa' amach errotent' otyeto' yapa' atto yepena.

⁴ Ñaña serrpare'tatse'teñets sosya'tsañ ñeñt' ama aserrpare'tpahuoyaye ñeñt' marña yapa' amach atet yepatsto ama't mamesha. Ñaña otatse'teñets ñeñt'pa' ama sherbeno Yomporecop ñeñt' marña yapa' amach atet yepatsto. Ñaña allocchame'tanneñets ñeñt' ama ayellsheñe'chpahuoyaye allo, ñeñt'pa'cho'ña amach atet yepatsto. Añcha'ña yapa' Yomporepa'chña yeparasyoso'ten.

⁵ Sapa' señoteñ ñeñt' cañoresha'tetspa' amach es o'paterroña Yomporecho ama't e'ñe esempaña allcha' añcha'taretterra Cristo epuet Pompor. Ñaña allohuen ñeñt' eñotene' pa'namen sosya'tsañ, ñeñt'pa'cho'ña amach es o'patataretterrtsoña all añcha'taretterra Yompore. Ñaña ñeñt' atarr es ye'chapretetsa añña po'yomporer pen ñeñt' atarr es ye'chatse'tatene'. Ñeñt' marña ñapa'cho'ña amach es o'patateñoña Yompore all añcha'taretterra.

⁶ Amach se'mñotatsche acheñ ñeñt' muenene' o'ch shecare'tas o'ch otas ñeñt'cha' atet sepatse'ta samña ñeñt'pa' e'ñe pocte' Yomporecop. Tarraña napa' o'ch notas, ñeñt'pa' ama po'ñochoyaye, tarro'mar Yomporpa' chocmach coñchatuerran allohuen ñeñt' atet atpare'tetsa, ñeñt'pa' o' e'ñe notuanmas.

⁷ Ñeñt' marña te'pa' o'ch notas, sapa' amach socshapretatstaneto ñeñt' atet patse'tyenet.

Ñeñt' atet yorrtatyen allempo o' yocrrerra e'ñe cohuen puetaro

⁸ Ñehua, sapa' ahuatpa' po'ñoçh e'ñe atet socshapretatse'tyese't allempo sapa' checmeta socrra'yese't. Tarraña te' e'ñe seyemteñot Yepartseshar o' chapatonas seyoçhro ñeñt' cohuen enten ña. Ñeñt' marña te' socoppa' añ poctetsa o'ch sorrtrateññañ ñeñt' cohuen enten ña, atto sapa' o' socrrerra puetaro.

⁹ Ñehua, ñerra'm puetaroch yocrrera, ñeñt'pa' atetcha' yorrtatyen. E'ñech cohuenacma es yepanna'tyena ñeñt' e'ñe pocte' enten Yompore ñaña ñeñt'pa' ama shequëñtsoyaye ama't mamesha.

¹⁰ Ñaña socoppa' añ poctetsa o'ch sema'yoçhra eñotnomue' ñeñt'cha' atarr cohuen entapretenes Yepartseshar.

¹¹ Ñaña te'pa' o'ch alla noterrerr, amach socshapretatsche ñeñt' atet patse'tyenet, ñeñt'pa' ama es sherbeno ama't e'ñe mamesha. Tarro'mar ñetpa' checmeta correnet. Sapa' añcha'ña sorrtyatyen ñeñt' e'ñe cohuenare' allochñapa' attoch eñochet ñeñt' atet patse'tyenet ñet, ñeñt' ama't mameshapa' ama cohuenaye' enteñe Yompore. Ñeñt'pa' ñato' yapa' o'ch yot, yapa' o' ya'puetarsamñpsanet ñet ñeñt' atet patse'tyenet checmeto.

¹² Ñehua, sapa' señoteñ ñeñt' atet patse'tyenet a'nahua. Ñerra'm ya'mete'pa' ñeñt'pa' atarr apencoçhen.

¹³ Ñaña ñerra'm ya'puetarsamñpsanet ñet ñeñt' patse'tyenet ñeñt' ama cohuenayaye, attoña ñetpa' o'ch chapanet pueyoçhro ñeñt' atet penet ñetpa' po'ñoçh ama cohuenayaye.

¹⁴ Ñeñt' marña socoppa' atet açhotenes añ ñoñets:

Papa' ñeñt'ep atet patse'tyetsa e'ñe atep ñerra'm çha atarr rroma pemuen. Te'ñapa' o'ch pe'manerra o'ch petanterra atto rroma pemuen. Cristopa' ñach pa'puetarsamñperre'.

15 Ñeñfo'marña te'pa' o'ch notas: Señota e'ñe errotente' sepa'yen, ñato' cohuyente' ñato' amate' cohuenayaye. Amach atet sepatsto atet ñerra'mrrate' ñeñt ama es eñotetso. Añcha'ña atet sepa'yen atet ñerra'm ñeñt atarr es eñotets ñeñt cohuentetsa Yomporecop. 16 Te'pa' arosña atta es puechatstata chochña yetorra Yomporecop tarro'mar te' acheñenesha' atarr sosey yeçhatyenet arr patsro. 17 Ñeñfo'marña notenes amach atta es sepa'chatsto ñeñt atet pena ñeñt ama es eñotetso. Sapa' añcha'ña o'ch señofoñ ñeñt atet muenen Yepartseshar ñeñt'cha' atet ye'pa ñeñt cohuen enten ña. 18 Ñaña o'ch notas, amach seposa'tatsto; ñeñt'pa' çhach cotape'chatenes sosya'tsañeçhno attoch a'puerrataterres. Amach seposa'tatsto, añepa'chña sechorrenaya ñeñt'cha' socshatene' ñeñt'fara Parets Puecamquëñ. 19 Añepa'chña e'ñe socshapretannena ñeñt atet sachoteñ Yepartseshar. E'ñepa'chña socsheñesha' seyoçhromañen semorreçhena allo ya'ye'choçhtateññañ Parets, ñaña allohuen morreñtsoçhno ñeñt Partsocop. 20 E'ñe yeyerpueñoç Yepartseshar Jesucristo çhocmuepa'ch yeparasyoso'teññañ Pompor allohuenacop pa'namenacop. 21 E'ñe semorreteñoç Cristopa' e'ñepa'chña cohuen same'ñannena. Attochña yecohuentateññañ Cristo.

Arrpa' all cotape'chatan yacma epuet puetapor

22 Ñeñtes arrollaretos o'ch notas, añ pocte' serrollarpa' ñachña e'ñe same'ñena atet yepeñ ñaña Yepartseshar Cristopa' ñachña e'ñe same'ñena. 23 Tarro'mar serrollarpa' añ poctetsa atetcha' senteñ ñerra'mrrate' samo'mte' sepeñ. Attecma yepena yaña allohueney ñeñtey ame'ñetsa, añ Yamo'mte' yepen Cristo ñeñt yecuam'pene'. Tarro'mar ñapa' o' a'quespaterrey ñeñtey o' po'chets perrey. 24 Ñeñfo'mar añ pocte' serrollarpa' ñach pomnaren sepene' allohuenacop, attecmay yaña ñeñtey ame'ñetsapa' añcha' pomnaren yepene' Cristo.

25 Te'pa' o'ch notas sama ñeñtes ataporetes, añ poctetsa e'ñech cohuen semorreñcha setapor. O'ch semuerya nanac atet peney Cristo atarr muerenya yaña ñeñtey ame'ñenaya ña. Ñeñfo'marña puemorreneteñoçey ya ñapa' e'ñe pocte' eñch o'ch rroma yocop. 26 Allochñapa' attochña e'ñe e'shohuerrnay allohuen yo'chñar o'ch a'cohuentaterrey Partsocop. Ñehua, ñeñt toma'ntena allempo yapataretterra Yomporecop. Ñaña po'ñoñpa' ñeñt'ña e'ñe ya'cohuentaterre'. 27 Allempoña o' ya'cohuentataretterrappa' ñapa' mueneñ o'ch aguërrey allohueney ñeñtey ame'ñenaya ña. Ñaña ya atto o' ya'cohuentataretterrappa' amach alla eñallettere'te ama't mamesha ñeñt'cha' ya'sosyaterrayer. Amach alla enterrey'te atto ama cohuenaye' yorrteno ama't errotena. E'ñechña ya'cohuentataretterra Partsocop. 28 Po'ñoçhpa' ñeñtes ataporetespa' añ poctetsa socop e'ñepa'ch cohuen semuerya setapor e'ñe atet atarr semorrentena sañeña. Tarro'mar ñerra'm atarr yemorreneteña yetapor ya'ñaña atarr morrentetsa, tarro'mar yetaporpa' ñeñt'fara yechets yepen. 29 Ñehua, yapa' yeñoteñ ama't e'ñe puesheñarroçeya ama yetsena'tenoña e'ñe ya yechets. Chochña e'ñe cohuen yerren esheccha' e'ñe huomencna'ntateney. E'ñech cohuen yecuen e'ñe ya yechets. Attecma peney ñaña Cristo atarrcha' cohua'mpeney ya allohueney ñeñtey ame'ñenaya ña. 30 Tarro'mar ñapa' ña e'ñe po'ñoçh po'chets pohueney ya. Pa'namenot po'chets pa'yeney allohueney ñeñtey ame'ñenaya ña. 31 Ñehua, Yompor po'ñoñ ñeñt aquellcareh ahuatoteñ ñeñt'pa'

atet oten: “Ñeñfo'marña ñerra'm esempo yesna'ta amapa' coyanesha'pa' o'ch echan puerrollar, añ pocte' o'huañcha' tama yeyemteña yachor ñaña yompor. Allochñapa' attoch e'ñe yeparrocmaten epay yetapor. Attoña e'ñe epsheño'mareypa' e'ñech patrra yechets yepen.” ³² Ñeñtpa' ahuatoteñ ama eñotpahuoyaye ñeñt toma'ntatenya añ cotapñats. Tarraña te'pa' napa' noten añ yetma'tenaya ñeñt atarr cohuen ñeñt atto e'ñe yeparrocmaten epay Cristo allohuenaya ñeñtey ame'ñenaya ña, ñeñtara ñeñt po'chets yepene' allohueney. ³³ Ñeñfo'marña o'ch alla noterrser, e'ñe puesheña'ttsospa' e'ñepa'ch cohuen semuerya setapor atet atarr semorrentena e'ñe sañeña. Ñaña ñeñtes coyaneshaspa' o'ch notas, añ poctetsa ñaña socop semorrenteño'tpa' same'ñyach serrollar, ñaña e'ñech cohuen senten.

6

Arrpa' all cotape'chatan cheshaneshá' epuet pamo'mte'

¹ Te' cheshaneshacha' o'ch notas ñeñt poctetsa socop ñeñtcha' atet sepa. E'ñe same'ñeñot Yepartseshar Cristo chocmuepa'ch e'ñe cohuen same'ñeña sompor ñaña sachor, tarro'mar ñeñt poctetsa socop. ² “Ñaña e'ñe semorrenteño'f somporpa' chocmuepa'ch semtcha'na'ch ñaña sachor” tarro'mar ñeñtpa' ñeñt e'ñe ñanom atet ot Yompor ñeñtcha' atet yepen yamo'mte' allochñapa' attoch e'ñe cohuen a'natenya Yompor. ³ “Attoch pa'nateño'es e'ñe cohuenpa' atomatcha' socrrena arr patsro.”

⁴ Te'pa' o'ch notas samña ñeñtes pamo'mte' pen cheshaneshá', se'moñe'teño'pa' amach sa'tsrre'mare'tatatsche sacñefarnesha'. E'ñechña añetolloteñ e'ñe secuampeño'f cohuenpa' o'ch seychatyenamet e'ñe cohuen attoch ñetpa'cho'ña o'ch ame'ñeret ñamet Yepartseshar Cristo. Ñaña amach semnatatstaneto o'ch atfa atarr atpare'taset.

Arrpa' all cotape'chatan ataruasañ epuet po'patronar

⁵ Te'pa' o'ch notas samña ñeñtes ataruasataretes ñeñt poctetsa socop. Chocmach same'ña ñeñt setaruasatene' arr patsro. Ama't erra'tsena apuenset ñeñtcha' setaruas sepa' e'ñechña semtcha'na'teño'f setaruasen e'ñe cohuen seyo'chrocmañen. Ama't acheñe'cpa setaruasenpa' atetcha' setaruasen ñerra'mrrate' Cristocop setaruasen.

⁶ Amachña e'ñe puecuampeño'fesa sema'yore'teno taruasats attoch e'ñe cohuen socshach sepatronar attoch e'ñe pocte' entenes. Añcha'ña ama't acheñe'cpa setaruasenpa' e'ñechña atet sesherbeñ cohuen ñerra'mrrate' Cristo sesherven. E'ñechña seyo'chrocmañen sepene cohuen ñeñt atet muenen Yompor. ⁷ E'ñe semneñt'pa' e'ñech cohuen socsheñeshocmañen setaruasen tarro'mar ama ñapfa acheñe'cop setaruasen, Yompore'cpa'ñaña setaruasen. ⁸ Te' sapa' e'ñe seño'teñ ama't erra'tsente' cohuen es yepa'yen, Yepartsesharñapa' chocmach alla aphuerrey e'ñe puesheña'ttsoy ñeñtcha' atarr cohuen yocshaterre' ama't añ acheñer ñeñt ataruasataret amapa' añ acheñer ñeñt e'ñe cohueno'tsen, atecmach apa'yesuerranet ñeñtcha' atarr cohuen coshaterrahuet ñet.

⁹ Ñaña te'pa' o'ch notas ñeñtes taruasatets. Sapa'cho'ña atetcha' sepoñ sa'taruasañer ñeñt atet poctetsa, amachña cha sechemama'tyenaneto. Seño'che'pa'ch sapa'cho'ña sechen Samo'mte' Cristo ñeñt pue'ntaño'tsen. Ñeñtara ñeñt Pamo'mte' pen allohuen sa'taruasañrenesha'. Ñaña ñapa' ama puesheña'ttsa morrenteno.

Ñeñt apueneŷ Yompor ñeñtcha' yemoñenaya attoch amach alla a'puerrataterrye oneñeť

¹⁰ Allohuanen arr necartot o'ch masheñneshacha' ñańa noćhaneshacha' notas, ahuamencatepa'ch pas Yepartseshar tarro'mar ñapa' ña atarr ahuamencattetsa. ¹¹ Ñeñfo'marńa añ poctetsa yocop o'ch yaguerrńań ora allpon ñeñt apueneŷ Yompor allochńapa' ñeñtcha'ńa yemoñenaya attoch amach alla a'puerrataterrye oneñeť. Tarro'mar yeñoteñ oneñeťpa' ćhocma e'nenan attoch shecare'teney. ¹² Tarro'mar po'ñoćhpa' ama acheñeŷe' yećllareno ñeñt entpo' po'ćhets. Yapa' añńa yećllaren oneñeťećhno ñeñt ama erroť ařapahuo e'ñe ya yotot tarro'mar ñeñt'pa' ama entpahuoyaye po'ćhets erroťente'ńa. Tarrańa ñeñt'pa' atarr añćha'noćhetyena ñańa atarr ahuamencatećhno. Attońa pomnaren penan allohuen acheñeneshar arr patsro ñeñt řatse'tyene' ñeñt ama cohuenayaye ñeñt checmeto'tsena. Ñeñtara oneñeťećhno ñeñt ama cohuenaye' yećcatetso ñeñt erracmańen añćha'noćhetyetsa entot. ¹³ Ñeñfo'marńa notenes, o'ch saguerrńań allohuen allpon ora ñeñt apueneŷ Yompor allochńapa' ñeñtcha'ńa allo yemoñena attoch amach alla a'puerrataterrye oneñeť ñerra'm esempo atarr nanac topateney. Tarrańa ama't allempo pa'namenot atarr topateney yańapa' amach erroťenot a'puerrataterrye. ¹⁴ Te'pa' o'ch neñotatas ñeñt apueneŷ Yompor ñeñtńa yemoñenaya attoch ama a'puerrataterrye oneñeť allempo topateney. Ñato' o'ch netma'ntacha ñeñt atet pa'namen chorra'yena solltarnesha' allempo quellarenet.* Ñeñt ñanom ñeñt'pa' Yompor po'ñoñ ñeñt e'ñe po'noćh ama shequėntsoyaye ama't mamesha. Ñeñfo'marńa yapa' e'ñech yeñmañesha' es yeřa'yen, amach yeshcare'tanna'tyesatsto. Ñato' o'ch netma'ntacha ñeñt'pa' ñeñtńa yechanar yepen ñeñtcha' ahuamencat yepe' atet ñerra'm solltar apueñet chanarets alloch chana ñeñt quellarten. Ellońapa' e'ńepa'ćh cohuen es yeřanna'tyesnoma ñeñt atet e'ñe pocte' enten Yompor. Ñeñt'pa' añ toma'ntena asrom atet ñerra'mrrate' ñeñt chorrena solltar ñeñt a'natene' puesomap allempo quellarena. ¹⁵ Te'ńapa' o'ch se'shpo'ćha e'ñe socsheñesha' o'ch ahues allcha' seserrpare'tyena' atto Yomporpa' o' amo'tsterrya attoćhńa e'ñe cohuen a'queshřaterrey. Ñeñt'pa' añ toma'ntena atet pena solltar o'ch nan po'sapatpa' o'ch ahuo' allcha' quellarosa. ¹⁶ Ellońa ñeñt nanac sherbets ñeñt'pa' añ, ćhocmuepa'ćh e'ñe cohuen yeyemteńa Yompor ñeñt atet oteneŷ. Ñeñt'pa' añ toma'ntena solltar pue'scudo allo a'natena allochńapa' attoch ama etaretteneto. Ñehua, atto huomenc topateney oneñeť ñato' o'ch netma'ntacha ñerra'mrrate' ñapa' ćho sanapecheneŷ po'ćhopařo ñeñt huoretnets. Tarrańa ya e'ñe yeyemteńoť Yompor ñeñt'pa' ñeñtńa ye'scudo yepen ñeñtcha' ćhocma emayene' oneñeť po'ćhopař ñeñt huoretnets allo sanapecheneŷ. ¹⁷ Ñańa yapa' yeñoteñ Yomporpa' te'pa' o' a'queshřaterrey, ñeñtńa yemoñenaya. Ñeñt'pa' añ toma'ntena atet pena solltar o'ch na'nman asret poño attoch ama etto'ćheto. Ñańa o'ch yerrmoñ Yompor po'ñoñ yeyoćhro ñeñt atet eñotateney ña Puecamquėñoť; ñeñt'pa' ñeñtńa yepanmet yepen allońa yećllareńńa oneñeť. ¹⁸ Ñańa sapa' ćhocmuepa'ćh sema'yochena ama't erroťeno'tsensa. Ańćha'ńa seyenpuene' Parets Puecamquėń. Allochńapa'

* **6:14** Ñehua, ñeñt'pa' atet chorra'yese't ahuat solltarnesha' allempo quellare't.

attochña chocma sema'yochrena ma'yochatsa. O'ch senamñ Yompör ora allpon ñeñt sepalltena, ñaña chocmuepa'chña e'ñe sema'yochamñpesueña allohuen ñeñt pueyochresha' pen Parets. ¹⁹ Napa'cho'ña chocmuepa'chña sema'yochamñenna. O'ch senamon Yompör nocop allochñapa' ñachña ne'ñoratene' attoch amach nemcha'nañoa neserrpare'teññañe po'ñoñ. Allochñapa' attochña neñotayesaneñt cohuen ñoñets ñeñt alloch e'ñe yequeshpá'huerra allohueney; ñeñtpa' ama eñotpahuoyaye, ama't ahuatoteñ. ²⁰ Napa' allsensareten ñeñten eñosyets e'ñe cohuen Yompörecop. E'ñe neñosyeñoñ Yompörecop ñeñto'marña te'pa' yottamñennet. Ñeñto'marña nemneñ o'ch sema'yochamñenna attoch amach nemcha'nañoa neserrpare'teno ñeñt e'ñe cohuen ñoñets alloch yequeshpá'huerra. Attochña e'ñe nocsheñeshocmañen neserrpare'ten tarro'mar ñeñt e'ñe cohuen atet poctetsa nocop.

Arrpa' all so'tnerranet e'ñe po'cartot

²¹⁻²² Te'ñapa' o'ch notas, o'ch nemñonas masheñ Tíquico ñeñt atarr nemorrentena. Ñapa'cho'ña chocma atarr cohuen torrena Yepartsesharecop. Ñapa' ñeñto'marña o' nemñe sesho allochñapa' ñach señotatuerre' ñeñt atet yepena ya arr. Attochña atarr coshatuerres seyo'chro.

²³ Te'ña masheñeshacha' ñaña no'chaneshacha', Yompörepá'chña semorrentanna'tataya e'ñe same'ñeñoñ, ñeñtara Parets epuet Puechemer Jesucristo ñeñt Yepartseshar yepen. Ñetepa'chña socshatene' seyo'chro. ²⁴ Ñaña ñetepa'chña e'ñe sa'natenaya allohuenes ñeñtes e'ñe cohuen morrentenaya Yepartseshar Jesucristo. Ñeñt atto semorrenteñapa' amach ahuañaña'terro ama't e'ñe ahuata. Ñeñfach notas, ñeñtpa' attetepa'ch Nompöre. Allohua.

Pablo

AÑ SAN PABLO PO' CARTA ÑEÑT' QUELLCAN FILIPOSO' MARNESHA' FILIPENSES

Pablopa' quellcan carta all ayottam̄psarettena; añecop quellquē' ñeñt' ame'ñetsa anetso Filipino

¹ Masheñeshacha' ñaña nočhaneshacha' ñeñtes allohuenes o' pueyochresha' perres Parets e'ñe separrocmateñoŋ Cristo Jesús all anetso Filipino, ama't ñaña sa'ncha'tareterneshohuen ñaña ñeñtes diáconočhnos ñeñtes sherbets all puerahuo. Na Pablón epan masheñ Timoteo ñeñten sequel-lquēne'ña añ carta. ² Te'pa' e'ñe nehuom̄cha'teñoŋes sa, napa' o'ch notas: Yomporepa'chña sebensare'tam̄pene' ñeñt' nanac Parets epuet Puechemer Jesucristo ñeñt' Yepartseshar yepen. Ñetepa'chña socshatene' e'ñe sa seyočhro allohuenes.

Arrpa' atet ma'yocham̄penanet Pablo

³⁻⁴ Te'pa' o'ch notas, allempo nema'yocheña Yompör ñeñt' neyemtena na, neyerpueñoŋespa' čhocma nocshensa Yompöreshot. Ñeñto'marña allempo es nenamuennas Yompörpa' čhocma nocshensa Yompöreshot allohuenes. ⁵ Tarro'mar allempoteñ saguēr Cristopa' sapa' allo'na't sesen ame'ñatsa teme'ttsen. E'ñe same'ñeñoŋpa' attoña sellcapretna attoch er-rotenoŋpa' o'te' epa'huerra erracmañen añ cohuen ñoñets alloch yequeshperra. ⁶ Ñaña napa' neñotenes atto Yompörpa' o' ame'ñatasa ahuaña, te'ñapa' ñepa'chña allo'na ahuamencat sepa'nmue' e'ñe ñocop, tayoteñ ama't esempohuañencha' huerra Jesucristo pue'ntañoŋ. ⁷ Ñeñt' atet nen-tapretenespa' ñeñt'pa' e'ñe pocte' tarro'mar atarr nemorrentensa e'ñe neyothrocmañen. Ñeñto'marña yellcanna'teñoŋpa' yeñoteñ Yompör e'ñe puemuereñoŋpa' amach a'ypo'ñerrno na ama't ñaña sa. Atet napa' ama't cárcelo'tsenen Yompör puemuereñoŋenpa' amach a'ypo'ñerrno. Ñaña ñerra'm allempo achm̄are'tenet añ cohuen ñoñets alloch yequeshperra, atto napa' nemoñena añ cohuen ñoñets, Yompör puemuereñoŋenpa' čhocma ahuamencat penen. Ñaña allempo name'ñateña acheñenesha' añ cohuen ñoñets alloch yequeshperra, Yompör puemuereñoŋpa' čhocma ahuamencat penen. ⁸ Ñeñto'marña te' Yompörpa' eñotenen po'ñoč te'pa' nanac neyer-puensa. E'ñe atet nanac nemorrentensa ñerra'm atet morrentenya Jesucristo e'ñe cohuen. ⁹ Atet nenamuennas Yompör socoppa' atet noten, allo'nepa'ch sesen morrentanna'tnomtsa nanac ñaña allo'nepa'ch sesen eñotnomue' ñeñt' nanac sherbets yamo'tseshacop. Allochñapa' attoch čhocma yorrtaten yemorrenteña e'ñe po'ñoč. ¹⁰ Attochña señoč erra'tsente'ña nanac cohuen sherbets Yompörecop. Allochñapa' e'ñe señoŋeñoŋpa' añepa'chña atet sepa'yen ñeñt' e'ñe cohuenare'. Allochñapa' amach čha sa'yohuaretterro ñerra'm esempohuañencha' huerra Cristo. ¹¹ Ora atet nenamuennas Yompör socoppa' atet noten, e'ñe same'ñeñoŋ Jesucristo poctacmapa' añepa'chña cohuen atet sepa'yen ñeñt' nanac sherbets Yompörecop. Ñerra'm atet yepenapa' attochña e'ñe cohuen ya'cshapretarettena Yompör po'cohuenña.

Atto epatuan allohuenacop Yompör po'ñoč e'ñe cárceloŋ

12 Ñeñto'marña masheñneshacha' ñaña nochaneshacha' o'ch neñotatas, ama't atto ayottam̄psareten cárcelo ñeñtpa' ama añecpayaye attoch o'ch epatare'tenan cohuen ñoñets alloch yequeshperra. Elloña e'ñe attotpa' allo'nach sen epa'huatsa Yompor po'ñoñ. 13 Ñeñto'marña te'pa' allohuen guardianesha' ñeñt cohuan̄pene' añcha'taretepo' ñetpa'cho'ña o' e'ñe eñotuanet atto ayottam̄psareten cárcelopa' añoñña e'ñe name'ñeñof Cristo atet pennet. Ñaña ama't p̄namen achenesha' te'pa' o' eñotuanet ñeñcop nemueroçhtena. 14 Ñeñto'marña te'pa' shonte' masheñnesha' e'ñe allo'na senet yemuetnomuet Yepartseshar Cristo poctacma, tarro'mar ñetpa' atet entennet e'ñe name'ñeñofa Cristo nemueroçhtena cárcelo. Ñeñto'marña ñetpa'cho'ña o' huañ mecha'na'tet serrpare'tet Yompor po'ñoñ.

15 Ñehua, po'ñoçhpa' eñall puesheña'tets tarrecpach serrpare'tenet Cristo e'ñe pue'matare'teñofetan na. Tarraña po'psheññeçhnopa' e'ñech pocsheñeshocmañen a'poteññañet Yompor po'ñoñ. 16-17 Añpa' e'ñe puemorenteñofetan atet penet tarro'mar ñetpa' eñotennet napa' anareten atto nach moñenaya añ cohuen ñoñets alloch yequeshperra ñerra'm esempo achm̄are'teñet. Tarraña ñeñtña serrpare'tene' Cristo po'ñoñ e'ñe ñocpuetapa' amach pueñmañeshacmaye' serrpare'teneto. Ñetpa' çhate' otenapuetañ allo'nach atsre'moçhen entatnennet ama't cárcelo'tsenen.

18-19 Ñehua, ama't atetpa' nocoppa' e'ñe pocte'. Ama't erroteno serrpare'tenet cohuen ñoñets Cristocop, nocoppa' e'ñe pocte' nenteñ. Tarro'mar ama't pueshquẽñme'chatsa serrpare'tenet Cristo, ama't ñaña pueñmañeshoçha' serrpare'tenetpa' napa' ñeñtcha'ña nanac nocshatene'. Ñeñto'marña napa' çhocmach nocshena tarro'mar napa' neñotenes sapa' çhocma sema'yocham̄penna ñaña neñotena Jesucristo Puecamquẽñpa' ñeñtña ahuamencat nepene'. Ñeñto'marña neñoteñ añ mueroçhteñets tsapatonetpa' a'poctatareçha' e'ñe cohuen nocop.

Atto Pablopa' ora allpon corre't arr patsropa' ñeñtpa' e'ñe ora Cristocop

20 Ñeñto'marña e'ñe nocsheñesha' necueñ tarro'mar neñoteñ amach apenatare'teno ama't mamesha. Ñaña amach nemcha'nañofayaya ne'ñoreno e'ñe cohuen Cristocop. Attochña napa' acshapretpo' entapretennet Cristo, ama't napa' erroteno'tsenencha' ama't ñerra'm nerroma amapa' ñerra'm ora nocrenmeñ. Atet ahuatoteñpa' te'pa'cho'ña attecmuepa'ch pena. 21 Tarro'mar napa' allpon nocrena arr patsropa' ñeñtpa' e'ñe ora Cristocop. Ñaña ama't çho nerromapa' ñeñtpa' elloña nanac cohuen nocop. 22 Ñaña ñerra'm allempo nocrenmeñpa' torrenayanach Yompor po'taruas tarro'mar attotcha'ña allo'nach nesherb̄atneññañ Yompor po'ñoñ. Ñeñto'marña ñeñtcha' nanac nemna' te'pa' ama neñoteñe erra'tsente'ña ñeñt nanac sherbets, ñato' o'ch nerroma tayecma amapa' ñato' corretsanach. 23 Ñeñt nanac torrapo' nenten o'ch notas ñeñt atarr cohuen nenten, ñato' o'ch nerroma amapa' corretsanach. Napa' nemneñeñ o'huañcha' nocrra añe patsro allochñapa' o'ch neçhap tecma Cristesho, tarro'mar ñeñtpa' elloña nanac cohuen nocop. 24 Tarraña ñerra'm amach nerromopa' ñeñtcha'ña nanac sherbats socop. 25 Ñeñto'marña napa' neñoteñ amach nerromo, amach nesa'nerrso, allochñapa' allo'nach nesen seyçhatnomue' allohuenes atto ñerra'm allo'na yesen yemtaya Cristopa' çhocmachña yochshena. 26 Allochñapa' ñerra'm esempo neçherr seshopa' allempochña alla neñotaterr̄serr nanac, attoch allo'na sesen nanacocmañen coshaya Cristo.

Chocmuepa'ch yocrrrena e'ñe cohuen ñeñt atet oteney Yompor po'ñoñot

²⁷ Te'pa' añach notas, chocmuepa'ch socrra e'ñe cohuen ñeñt atet yor-taten ñeñfey ame'ñenaya Cristo po'ñoñ. Allochñapa' ñerra'm machayota nabcherrsa' amapa' ñerra'm ama'tcha' ama yabchannerropa' e'ñepa'chña cohuen ne'mare'tenes atto e'ñe huomenc sepen seyoche' attoch e'ñe patra soctape'chen. Ñaña o'ch ne'mare'tas atto sapa' sema'yoçhrena al-lohuenes parro attoch semoñena añ cohuen ñoñets alloch yequeshperra.

²⁸ Ñaña amuepa'chña añ seyo're'tatstaye ama't mamesha ñeñt se'moñe'tene' tarro'mar ñetpa' ñeñtcha'ña eñotatahuet po'ñoçh ñetpa' amach qeshperreto. Tarraña yocopñapa' ñeñtña yeñotatene' po'ñoçhpa' yequeshpa'huerrach. Añechnopa' Yomporo poctapña. ²⁹ Ama patrrayaya muenatenye Yompor atto o' yame'ñera Cristo. Añña e'ñe puenueño'fey muenateney ñaña e'ñe yame'ñeño'pa' choçhña yemueroçhta ñocop. ³⁰ Ñeñto'marña sapa'cho'ña e'ñe pocte' o'ch sa'mueroçhtataretta Cristocop e'ñe atet sentenen na ahuatoteñ ama't teme'tsenpa' se'mare'tenen napa'allo'tsenarana all nemueroçhtena e'ñe name'ñeño'f Cristo.

2

Atetcha'yentena yañeña e'ñe puesheña'ttsoy atet ente't Cristo e'ñe ñañeña

¹⁻² Te'pa' o'ch notas ñaña po'poñ. Ñerra'm po'ñoçh yame'ñeño'f Cristo e'ñeçh yocshatannena allempoña po'ñoçh sapa' socshaterrencha' namña. Añña ñeñtcha' nocshatene' e'ñe poctacma ñerra'm e'ñeçh patrra soctape'chuen allohuenes. Ñaña ñerra'm po'ñoçh e'ñe yemorrentanna'teño'f e'ñeçh yeyemanna'tuenapa' ñehua, te'ñapa' chocmuepa'ch semorrentannena ama't e'ñe sagattsa ñeñtes e'ñe parro'marneshacmas. Ñaña ñerra'm allohueney po'ñoçh chorra'huenya ñeñtara Parets Puecamquëñpa' ñeñtota'ña e'ñepa'ch sepatratuen soctapño'f allohuenes. Ñaña ñerra'm po'ñoçh e'ñe socsheñesha' semuerannepa' ñeñtota'ña amach po'poñ sentanna'tuastto. ³⁻⁴ Ñaña amach añ atarr sellcatsto ñeñt e'ñe socpa. Añcha'ña puesheña'ttsospa' sellcapreta ñeñt llecatyene' samo'ts. Ñaña amach sañeña entatstatso atet ñerra'mrrate' ñeñtes nanac sherbets. Añcha'ña atet sent samo'ts atet ñerra'mrrate' ñetña nanac sherbetset, pañapa' amach es asherbenaye' penteno.

⁵ Añña pocte' o'ch senta sañeña atet ente't Cristo Jesús e'ñe ñañeña allempo huapa añe patsro. ⁶ Ñehua, ñapa' ama't nanac Paretspa' ama ommo'chane'te po'partsoña. ⁷⁻⁸ Ñapa' e'ñe pocte' enche't o'ch atet enteñ acheñenesha' ñerra'mrrate' ñapa' ama Partsoyaye, o'ch atta orrtena ñerra'm ama esoyaye atet pena acheñ ñeñt e'ñeçh pauner a'parettena. Tarraña añecop atet pe't atotcha' sherbenan Pompopor ama't ñaña acheñenesha'. Ñaña ñapa' ama't Paretspa' o' acheñetos arr patsro, e'ñe atet orrtosa ñerra'm ya ñeñfey arromñafey. Ñañapa' allo'na sen pauner entatatsa attotña e'ñe pue'mñoteño'f Pompopra' e'ñe pocte' eñch o'ch rroma corsocho ñeñt nanac apencothen entete't ñerra'm esesha' rromats atet corsocho. ⁹ Ñeñto'marña attotña Pompopra' o' alla nanac a'cohuentater ñaña o' alla aphuer ello pa'so'cheñ ñeñt nanac cohuen sherbets. Ñeñtña so'chñetspa' ello metana'tuanenan allohuen po'poñeçhno so'chñetsoçhno. ¹⁰⁻¹¹ Ñeñto'marña esempohuañenpa' allohuenet po'yorño'fepa' a'meta'hueretcha' e'ñe poctacma, Jesucristepa'tña ñeñt nanac partotets. Allochñapa' atto e'ñe pame'ña'rreño'fet Jesús

pa'so'chñopa' concorpa'rretueretcha' allohuenet ñeñt allpon eñall ama't allohuen ñeñt ento'marnesha' ñaña allohuen patso'marnesha' ñaña allohuen o'pono'tsenesha'chno ñeñt patso'tsen. Attochña allempopa' aye'chochtataretterra Yompor ñeñt nanac Parets.

Añach yema'yo'chrena attoch allo'nach yesen ama't acopa etsotyenomue' ñeñt poctetsa Cristocop

¹² Te'pa' e'ñe nemorrenteñotes masheñnesha ñaña no'chanesha o'ch notenes, ahuañmo'chapa' chocma se'mñotne't ñeñt atet notase't allempo sesho'tsenen. Te'pa'cho'ña attemach se'mñoten ñeñt'cha' atet noterrerr ama't te'pa' nanac ba'chayo'tsenen seshot. Te'pa' añach notas ñeñt'cha' atet se'pa. Chocmuepa'ch sema'yo'chra attoch allo'nach sesen etsotnomue' ñeñt cohuen enten Yompor, tarro'mar ñapa' ñeñt'copña o' a'queshpaterres. Tarraña e'ñech sem'cha'na'teño't seyomcha Yompor tarro'mar yeñoteñ yoro'cheno'tsenya ñerra'm ama Yompor po'huamenco yeyemto. ¹³ Tarro'mar Yompora e'ñe yemnatene' e'ñe yeyo'chro ñeñt cohuen enten ña. Ñaña ñapa' ñach ahuañmencat yepene' attoch yetsotoñ ama't ora erra'tsencha' coshatene' ña.

¹⁴ O'ch noterrerr ellonet te'pa' ñeñt ama ateye' es sepeno. Ama't eseshacpa amach epuoye' es atet sepeno, seño'señesho'pa' amach es sotnare'tanna'tatsto. ¹⁵ Allochñapa' ñerra'm ama atet yepenopa' e'ñech cohuen entenyen allohuen acheñenesha', amach eñalle attoch esesha'pa' o'ch eñosyenet yocop año' pocteye' es yepa'yeno, tarro'mar e'ñech cohuen es yoctape'chyen attoch yorrtaten atet penaña ñeñt po'ño'ch o' puechemer per Yompor. Amach eñalle ñeñt'cha' a'sosyatene' atto yocrena e'ñe cohuen Yomporecop añe patsro. E'ñech cohuen yorrtena acheñenesha'cop ama't ñeñt ama ame'ñetso ñeñt atarr nanac sosey cotape'chenet. Cohuencha' yorreyena atet ñerra'mrate' ranto'chno ñeñt a'puetarene' chemete' tsapo. ¹⁶ Attoch sa'puetarsañpsanetpa' choch seño'taterranet ñoñets ñeñt huetsa Yomporeshot alloch yocrrerra e'ñe cohuen. Allochñapa' ñerra'm esempohuañencha' huerra Cristopa' socshaterrencha', tarro'mar neñotercha' ama e'ñe orrena nanac netorrerro socop. ¹⁷ Ñaña ama'tcha' machayota muetsataterret arr atto napa' o' name'ñatasa, napa' atarr nocshena ñaña te'pa'cho'ña nocshapretensa atto same'ñerra. Añña same'ñeñapa' ñeñt'cha' yehuapateññañ Yompor atet ñerra'mrate' ñeñt amsaretetsa ñocop. Ñaña nerraspá' ñeñt'cha' orrtatsa ñerra'mrate' ñeñt'cha' ashatarettatsa all ñeñt'cha' o'patateñet Yompor. ¹⁸ Ñeñto'marña napa' nemneñ sapa' amach cha sellcatsto, chochña socshapreterrna ñeñt atet o' notuas.

Timoteopa' nanac cohuen llecapretane't pamo'tsesha'

¹⁹ Te'pa' o'ch notas ñeñt atet noctape'chen. Añ noctape'chen o'te' nemñer masheñ Timoteo tayecma o'ch enterrsa', ñerra'm atet'cha' muena' Yepartseshar Jesús. Allochñapa' ñach neñotatuerré' errotente' sepa'yena, allochñapa' attoch socshaterren ñerra'm cohueno'tseneste'. ²⁰⁻²¹ Añcha' nemñonas masheñ Timoteo tarro'mar ama eñalle ama't puesheñarra ñeñt cotape'chene' cohuen atet ñerra'm ña ñeñt'cha' e'ñe po'ño'ch sellcapretenaya ñeñt echarr sentyen. Tarro'mar ama't eñalleñ ñeñt parro yetorrena, ama allohuenacmaye' llecapretenseto ñeñt echarr sentyen. Añach torra'yenet ñeñt e'ñe ñocpueta. Amachña añeye' llecapreteneto attoch torrenet ñeñt nanac sherbets Jesucristocop. ²² Ñaña sapa' e'ñe seño'tueñ atet masheñ

Timoteopa' e'ñe cohuen p̄a'yena allempo parro yeserrpare'tatyen añ cohuen ñoñets alloch yequeshperra. E'ñe cohuen torrapretenna atette'ña ñerra'm yechemerpa' e'ñech cohuen yenpueney yetaruas. ²³ Ñehua, esempoch e'ñe neñoche ñato' errotente' poctetsa nocoppa' napa' noctape'cheñ o'ch nemñonas masheñ Timoteo. ²⁴ Na te'pa' aña necuen Yepartseshar Cristo ñerra'm ñach muenats, napa'cho'ña nabcherrsa'ch amach atarr natomatatsche.

Atto Epafroditopa' yenpa'yesosan Pablo all cárcelo

²⁵ Ñaña o'ch notas po'poñ, e'ñe pocte' nenteñ te'pa' o'ch alla nemñer sesho masheñ Epafrodito ñeñt parro yetaruaseñotpa' nanac yetorre't Yomporecop. Ñeñfara masheñ Epafroditopa' ñeñt semñon ahuaña ñach neyenpa'yesose' all es nepalltena ñeñtcha' neyenpose' arr. ²⁶ Napa' e'ñe pocte' nenteñ te'pa' o'ch alla ahuer sesho, tarro'mar ñapa' nanac yerpuensa attoch o'ch alla entuerres. Tarro'mar ñapa' añ nanac llecatene' atto sapa' ahuo't se'mare'ch ñapa' cha atsnat'os arr. ²⁷ Ñehua, po'ñoche ahuañapa' cha atsnat'os cha muene' rromañ, tarraña Yompor e'ñe puemuereñofeypa' o' alla a'crrater atto ñerra'm rromañpa' ellote' na'na llecatañ arr cárcelo. ²⁸ Ñeñfo'marña e'ñe poctennana o'ch nemñer e'ñe tayecma sesho allochñapa' o'ch socshapuera ñerra'm esempoch cherr e'ñe sesho. Allochñapa' amach ña'na allo'na nellcatnenaye. ²⁹ E'ñech separasyoso'teñesha' Yepartseshar Cristo o'ch sagapapuer ñaña e'ñe socsheñeshocmañen. Ñaña o'ch notas, chocmuepa'ch semorrenteña ama't erra'tsena acheñer ñeñt e'ñe atet senten ñerra'm ña. ³⁰ Atto ñapa' e'ñe puemneñfo' o'ch torra Cristocop cha atsnat' ama't cha muene' rromañ. Atarr yoreretsot corrrera arr; tarraña ñapa' ama ñeñfayaya mecha'to attoch ñapa' o'ch yenposen, ñeñt sapa' amate' erro't sepe attoch sehua'cha'ta ñachayot e'ñe puesheña'tsos attoch seyenpuenna' arr.

3

Arrpa' all eñotatesyanet ñeñt e'ñe po'ñoche sherbets Yomporecop ñaña ñeñt e'ñe orrena cotapñats

¹ Ellonetpa' o'ch alla masheñesha ñaña nochanesha noterrser po'pocheño, e'ñe same'ñeño Yepartseshar Cristopa' chocmuepa'ch socshena. Ama't te'pa' o'ch alla noterrser atet tarro'mar amach nemuenme'che sotare'te' atet, tarro'mar ñeñt'pa' ñeñt'cha' nanac seyemta sa. ² Ñaña te'pa' o'ch notas po'poñoneñ. Señota'tach ñato'tña seyemteña' ñeñt acheñeneshar ñeñt añach torrenet ñeñt ama cohuenayaye, ñeñt e'moñe'tene' cohuen serrparñats ñeñt alloch po'ñoche yequeshperra. Ñetpa' e'ñe atet nentenatet ñerra'mrrate' ochec ñeñt nanac atsena'tare't. Ñeñt judionesha' ñeñt o' notuanmaspa' añach ma'yo'chrenet cotapñats attoch tsorrannenat atto'ch puechemer perranetañ Yompor. ³ Tarraña yapa' yaña e'ñe po'ñoche puechemer o' enterrey Yompor; tarro'mar yapa' e'ñe yeñoteñ ama yetsorranna'teñofo'ye' puechemer penye Yompor. Po'ñoche puechemer perrey tarro'mar yapa' e'ñe yocsheño Paret's ñeñt'pa' e'ñe Puecamquëño huena. Ñaña puechemer o' perrey Yompor tarro'mar yapa' yocsheññañ Puechemer Cristo Jesús ñaña tarro'mar yapa' ama añeye' yeyemteno ñeñt atet yetsotaten e'ñe yañeña, ñeñt e'ñech yechtsochaya. ⁴ Ñehua, ñerra'm esesha' ñetpa' chate' otenapuetañ aña' poctetsa o'ch yeyemtena ñeñt allo es yepenañ alloch yequeshperra e'ñe yototapa' nocoppa'cho' e'ñalleñ shonte' ñeñt neyemtenañ, tarro'mar ñeñt allpon o' netsotatuena' ello

metana'tuenan allohuen po'psheññe'ch'no namo'tseshach'no puetsotateñ.
 5 Tarro'mar napa' o' e'ñe allpon netsotueññañ judionesha' poctapña: Ama't
 po'psocmatño'feñ allempo ne'ñalletuapa' napa' atorratatolle'tareten* ñeññ
 atet anuaret allohuen asheñorrofolleshacop ñeñfey judioneshay, tarro'mar
 e'ñe israelena'tareshot ñeññ e'ñe judiom'reyot eñalletñan. Ellonetpa' ñaña
 napa' Benjamín po'm'renñen. Ñaña napa' e'ñe hebreoneshan tarro'mar
 ach ñaña apapa' e'ñe judioneshet poctacma ñeññ eñets e'ñe ya yeñoño
 ñeññara hebreacho. Allotpa' ñaña na ahuatpa' e'ñe fariseoneshan
 ñeññen nanac ma'yo'chraye't attoch netsotua ora allpon ñoñets ñeññ
 aquellca'huaret judioneshacop. 6 Nanac netsote't judionesha' poctapña.
 E'ñe nemoñseño't yoctapña napa' ne'moñe'che't allohuen ñeññ o' ame'ñerrana
 Cristo. Ñeñño'marña epaye'ch ne'name'tanete't attoch errotenotpa'
 o'te' erro't nepatanet. Ñaña ora atet oteney ñoñets ñeññ atet anaret
 judioneshacop napa' 'chocma e'ñe atet nepohuahue't. Ñeñño'marña ama
 eñalle'te ama't patrra ñeññ nepalltena attoch ello po'psheñeñpa' o'ch
 otnet ñeñño' nepalltenmeñ. 7 Allempo atet netsotrote't ñeññecop nañapa'
 ñeñña notenapañ ñeññte'ña nanac sherbets nocop. Tarraña te'ñapa' e'ñe
 nemorrenteño't Cristopa' o' neñoter ñeññ allpon o' nepohuahupa' amach
 es sherberro nocop ama't coñe'ta. 8 Ama't ellonet allohuen po'poñe'ch'no
 ñeññ nente't ñeñño'ch sherb'atseñ nocoppa' te'ña e'ñe neyemteño't Cristopa'
 ama asherbenaye' nenteñe, ama't coñe'ta, tarro'mar te'pa' o' neyem'tera
 Yepartseshar Cristo Jesús ñeññ nanac sherbets. Ñapa' ello metana'tuenan
 allohuen po'poñe'ch'no ñeññ atet nente't na ñeñño'ña nanac sherbets.
 Ñeñño'marña nemorrenteño't Cristo te'pa' o' nepuesuerr ora po'poñe'ch'no,
 nocop te'ñapa' ama esoye' nenteñe esheccha' te'pa' e'ñech nocshesha'
 nocter Cristo. 9 Allochñapa' e'ñe yeparrocmateño't Cristo, Pomporna' e'ñech
 pocte' enteney tarro'mar amach añote'ye' a'queshp'aterrye e'ñe yotota ama't
 yetso'tatsetuahua ñoñets ñeññ atet anaret judioneshacop. Añotcha'ña te'pa'
 e'ñech pocte' enterrey e'ñe yeyemteño'ña ñeññ Puechemer pen ñeñtpa' Cristo.
 10 Atto e'ñe yeparrocmateño't Cristopa' o'ch yaguërrñañ po'huamenc atto
 ñapa' nanac ahuamencattena allempoteñ tanterra puerromño't. Ñaña
 e'ñe yeyemteño't Cristopa' e'ñech pocte' yeñch ama't e'ñe errotenotpa'
 o'ch yemueroch'ta e'ñe ño'mara atto ñapa' nanac amueroch'tatarette't.
 Ñaña ama't yemueroch'tetuaneneño't Cristocopcha' yerromapa' ñeñtpa'
 e'ñepa'ch pocte' yeñch tarro'mar atetcha' yerromaprecha Cristo. 11 Attochña
 yapa'cho'ña yetantuerrach esempohuañen.

Ñeññach e'ñe paterr llequë't Pablo

12 Ñehua, napa' ama noteno napa' o' e'ñe poctacma netsotuahuen ora
 allpon ñeññ pocte' enten Cristo. Ñaña po'ño'chpa' ama noteno napa' e'ñe es
 co'chneshare' noctape'chuen. Tarraña ama't atet neñnotenapa' elloña te'pa'
 allo'naña nesen ama't acopa o'ch netsotnom ñeññ pocte' enten Cristo Jesús,
 tarro'mar ñapa' ñeññecop o' pueyochresha' perren. 13 Napa' masheñnesha
 ñaña nochanesha neñnotena po'ño'chpa' ama atteye' nepohueno ora allpon
 ñeññ coñuentesa Cristocop. Tarraña ama't atetpa' amach ñeñña ney-
 erpuerre'te, 'chochña nepuesuanom ñeññ atet nepatse'tyese't ahuatoteñ.

* 3:5 O'ch secue' nota San Lucas 1.59.

Te'ñapa' añach nema'yoçhrena attoch allo'nach nesen ama't acopa etso-tayesnomue' ñeñt pochtetsa Cristocop. ¹⁴ Tarro'mar ñeñtecop o' çhore'terrey Yompör pue'ntañof attoch e'ñe yeparrocmateñof epay Puechemer ñeñt Cristo Jesús, esempopa' yepohuerrach ora errponte' e'ñe pocte' enten ña. Allochñapa' aphuerreycha' ñeñt o'patatenya ñeñtcha' nanac yocshatuerre' allohueney ñeñtey o' yame'ñera.

¹⁵ Ñaña o'ch notas ñeñtes po'ñoçh o' same'ña'huera Cristo ahuañmo'çhoteñ, te'pa' ñeñña o' notuanmas e'ñepa'ch seyoçhre'cha. Ñaña ñerra'm erra'tsente' soctape'çhyen ñeñt ama atteye' pochtetsa Yomporecoppa' ñeñtapa'çho'ña e'ñe ña Puecamquẽño'pa' ñach e'ñe señoatuerre'. ¹⁶ Añcha'ña e'ñe pocte' o'ch yepohuena ñeñt allpon o' çhapatuonay Yompör e'ñe yeyoçhro ñeñt yeñoten erra'tsente' e'ñe pocte' enten ña.

E'ñech cohuen yocrrena atet corre't Pablo

¹⁷ Ñaña o'ch masheñeshacha' ñaña noçhaneshacha' o'ch notas, ñeñt atet sentenen atet nocrrena napa' sapa'çho'ña atetcha' socrra samña allohuenes. Ñaña añcha'ña secua' ñeñt señoten erra'tsente' ñeñt e'ñe atet correta cohuen ñeñt atet entenyet ya. ¹⁸ Tarro'mar añ patsropa' eñall shonte' achenesha' ñeñt atet penetpa' yapa' yeñoteñ ama ayemuetpahuoye' enteñeto atto Cristopa' rroma corsocho atfotcha' yequeshperra. Ama't ñeñtapa' shontoch o' notuanmas ahuañapa' te'pa'çho'ña e'ñe nanac nel-quẽñesha'pa' o' alla noterrser. ¹⁹ Ñetpa' añña o'patenahuet attoch allo-huenetpa' e'ñech chenca'huerrret. Añach yoma'yenet attoch rra'yenet amapa' orrare'tyenet. Ñeñt atet yomatse'tyenetpa' ñeñtapa' atet ñerra'mrrate' ñeñtapa' po'yompörer penet. Ama't ñeñtcha' pencatahuetañapa' tarraña ñetñapa' ñeñtatch atarr coshatenahuet. Ñaña añach e'ñe nenet pueyoçhro ñeñtcha' atet coshatse'tatyenahuet arr patsro. ²⁰ Tarraña yapa' o'huañ atteye' yoctape'ch tarro'mar añ patsropa' ama't all yeyçhenañpa' tarraña po'ñoçhpa' ama ya'netsreyaye. Tarro'mar ya'netsro allcha' yeyçherra ya errpono-huañenpa' ñeñtapa' all Yompör pue'ntaño. Ñeñfara pue'ntañofpa' yecueñ allot esempohuañencha' huerra Yepartseshar Jesucristo ñeñt Ya'queshpatañer yepen. ²¹ Ñerra'm o'ch huerra añe patsropa' ya ñeñtey arromñateypa' ñapa' o'ch a'po'poñetuerrnay yechets, allochñapa' yapa'çho'ña yorrterrach e'ñech attey ñerra'm ña po'partsoteño'pa' nanac cohuentena. E'ñech ña po'huamencot a'po'poñetuerrrey ñeñfara po'huamencotpa' e'ñech pomnaren pòhuerran allohuen allpon ñeñt eñall.

4

¹ Ñeñto'marña masheñeshacha' ñaña noçhaneshacha' e'ñe nemorrenteño'tespa' o'ch notas, çhocmuepa'ch huomenc sepa'nem seyoçher Cristocop ñeñt Yepartseshar yepen. Añpa' atet notenes tarro'mar sapa' çhocma neyerpuensa ñaña çhocma socshatenen atto sapa' e'ñe cohuen same'ñena. Nanac nocshensa tarro'mar napa' nentenes atet ñerra'mrrate' necopa' ñeñt o' naguerr e'ñe netorreño'f Yomporecop e'ñe so'mar. Atarr nanac nemorrentensa.

² Ñaña o'ch noteñ noçhanesha' Evodia ñaña Síntique, amach allo'na po'poñ entanna'tatsetneneto tarro'mar e'ñe yame'ñeñof Yepartseshar Cristopa' e'ñech cohuen yemuerannena. ³ Ñaña o'ch notas, ama't erra'tsenotesa ñeñtes po'ñoçh nanac neyemtenapa' o'ch samo'tstatanna'terranet añ

epsheña coyanesha' tarro'mar ahuañmo'chapa' e'ñe parrocmá nanac yema'yochre't attoch epa'hua añ cohuen ñoñets alloch yequeshperra, ñaña epay Clemente ñaña po'potantañ ñeñt parrocmá nanac yetorre't ahuañmo'cha. Ñet pa'so'chñechnopa' o' aquellca'huaretterret attochña ñetpa' corretsetach.

E'ñe yame'ñeñot Yomporpa' chocmuepa'ch yocshena

⁴ Te'ñapa' o'ch noterrser atet, e'ñe same'ñeñot Yepartseshar Cristopa' chocmuepa'ch socshena. O'ch alla noterrser, chocmuepa'ch socshena.

⁵ Eñotuasepa'ch allohuen acheñenesha' atto sapa' e'ñe cohuen acheñres, amach cha po'poñ es sentatsetuenaye, ama't erroteno'tsenes. Tarro'mar yeñoteñ po'ño'chpa' alla'tsena Yepartseshar Cristo.

⁶ Amach es sellcatsto ama't e'ñe mamesha. Añcha'ña ama't erroteno'tsenes e'ñe sema'yocheño'pa' chocmuepa'ch sotue Yompor ñeñt sellcatyene' ñaña e'ñe socsheño't Yomporpa' chocmuepa'ch senamyey ñaña ñeñt sepallta'yena. ⁷ Ñerra'm atetcha' chocma sepene, Yomporpa' ñachña ama semnatenaye o'ch es sena'yen seyo'chro ama't coñe'ta. Attoch eñmataterrnay Yompor yeyo'cherpa' ya acheñey e'ñe yoctapño'fapa' amate' errotenot e'ñe yotapa' yeñmataterro atet. Ñeño'marña e'ñe yeparrocmateño't epay Cristo Jesús, Pomporñapa' cohuanpennaycha' yeyo'cher attoch amach allo'na yena'nenoyeyo'chro ñeñt allcatañtetsa.

Añcha'ña e'ñe cohuen yoctape'ch ñeñt e'ñe cohuen entuen allohuen acheñenesha'

⁸ Te'ña masheñnesha ñaña no'chanesha e'ñe allohuanenpa' o'ch noterres, añcha'ña soctape'chyes ora erra'tsente' señoten ñeñt e'ñe cohuenetyetsa ñaña ñeñt ora cohuen entuapotetsa. Ñeñtcha'ña soctape'chyes ora erra'tsente' ñeñt ama shequëñtsoyaye, allotpa' ñaña ora erra'tsente' asherben entpahuotets, allotpa' ñaña ora erra'tsente' ñeñt poctetsa, allotpa' ñaña ora erra'tsente' ñeñt ama sosya'tsañeyaye, ñaña ora erra'tsente' amorrentanna'tatañtetsa, ñaña ora erra'tsente' ñeñt e'ñe cohuen aserpare'tpahuotets. Ora allpon añechnopa' ñeñtcha'ña atet soctape'chyes.

⁹ Ñaña o'ch noterrser po'poñ ñeñtcha' atet sepa. Allpon o' ney'chatuas, ñaña allpon o' nechapatuonas seyo'chro, ñaña allpon o' neñotatyesas, ñaña allpon sentenen ñeñt atet es nepa'yena napa' sapa'cho'ña te'ñapa' e'ñepa'chña atet es sepa'yen samña. Allochñapa' Yompor ñeñt acshatañtetsa yeyo'chropa' ñachña parro'tsenes allohuenes.

Atto filiposo'marnesha'pa' es apueñet Pablo ñeñt pallta'yena

¹⁰ Ñaña o'ch notas, e'ñe neyemteño't Yepartseshar Cristo, napa' atarr nocshena tarro'mar sapa' o' alla seyerpuerrna. Ñehua, napa' ama notenso o'te' sepuesuerren, añña noten sapa' ama't erro't sepeñe attoch seyepa'n. ¹¹ Ama cho es nemnapreteño'te' notenso atet, tarro'mar na te'pa' o' chapona neyo'chro ñeñt atet cohuentetsa, ñeño'marña te'pa' o' attañña ney'cha ama't erroteno'tsenanapa' tarraña attachña chocma nocshena neyo'chro. ¹² Ñehua, napa' neñotena errotenopa' nanaccha' es nepallta'yese't atto yocrena añe patsro, ellonetña errotenopa' esocmañencha' nechyses't. Tarraña ama't erroteno'tsenenpa' na te'pa' o' neño'ch o'ch attañña ney'cha; ñerra'm es nepalltana errotenopa' amach cha llecatenno, ama't cho esocmañen es nechyses errotenopa' amach cha nommo'cheño. Ñaña attecmach nocshena ama't esempo eñall shonte' nerrar ñeñtcha' neyetená, amapa' esempo ama eñalle

ñeñfcha' nerren, amach es ne'neno. ¹³ Ñeñfo'marña napa' e'ñe neñoteñ, yapa' ama't erroteno'tsenyapa' chocmach ahua mencatey tarro'mar Cristopa' ñach nanac ahua mencat yepene'. ¹⁴ Tarraña ama't o' notuanmas atetpa' e'ñe pocte' nenteñ atto sapa' sellcapretena ñeñf nemuerochtatene' arr.

¹⁵ Ñaña sa ñeñtes filiposo'marneshas e'ñe seño tueñ allempo ñanom neserprare'tnom cohuen ñoñets alloch yequeshperra, allempo non Macedoniot, allempopa' ama't allemeñ anetso'marpa' ama eñalle acheñenesha' ñeñf atet apcherrtsa Yomporecop ñeñfcha' nellcapretenaya attoch e'ñe parrocmá es yapanna'ta. Sapa' saña e'ñe sapta ñeñtes es napuene' ñeñf allpon nepalltena. ¹⁶ Napa' ama't ahuañmo'cha allempo Tesalónico'tsenenpa' ama parrochotayaya sapa' chocma soñmaten ñeñf sapuenen añecop ñeñf nepallta'yena all. ¹⁷ Ñehua, napa' ama nocpaye' nemnapretenso o'ch es sapuenen. Añña nemnen ñaña allochñapa' socoppa'cho'ña ellopa' o'ch atonetnoma attoch coshatuerres Yompor. ¹⁸ Te'pa' o' aposen masheñ Epafrodito ñeñf allpon soñmaten nocop. Ñeñf allpon o' nagaponaspa' te'pa' ama es nepallteno ama't coñe'ta, elloña cha metanuosan allpon ñeñf nepalltena. Ñeñf allpon sa puanpa' napa' e'ñe attecoptar nenteñ ñerra'mrrate' ñeñf apuenet Yomporecop ñeñf eñmosañtetsa ñeñfcha' e'ñe pocte' enten, ñaña ñeñfcha' nanac coshatene' ña. ¹⁹ Ñaña Yompor ñeñf e'ñe neyemtena napa' ñachña sapuerre' samá ama't ora ñeñf allpon sepallta'yena sa, tarro'mar e'ñe yeparrocmateño' epay Puechemer ñeñf Cristo Jesús ñeñf e'ñe esocmañen es echyetspa' nanacocmañencha' esocmañen apuerrey yaña. ²⁰ Aye'chochtatarettepa'ch Yompor ñeñf atarr Parets. Ñeñfpa' attetepa'ch ama't tayoteñ errponuhuañen.

Arrpa' all so'tnerranet e'ñe po'cartot

²¹ Ñaña o'ch notas, o'ch sehuom'cha'ch allohuen ñeñf pueyochresha' o' perr Cristo Jesús. Ñaña allohuen masheñnesha' ñeñf e'ñe parro'tseneypa' ñetpa'cho'ña mueneñet o'ch huom'cha'taset ñamet arr necartot. ²² Ñaña allohuen ñeñf pueyochresha' o' perranet Parets arr Romopa' ñetpa'cho'ña mueneñet o'ch huom'cha'taset ñamet necartot. Ñeñf nanac muenets atetpa' ñeñfpa' ñeñf parro ye'chena ñeñf atarr añcha'tarettetsa arr Romo.

²³ E'ñe Yepartseshar Jesucristopa' ñepa'chña e'ñe sa'natenaya allohuenes. Te'pa' ñeñf ach notas, ñeñfpa' attetepa'chña Nompore. Allohua.

Pablo

AÑ SAN PABLO PO' CARTA ÑEÑT̃ QUELLCAN COLOSASO' MARNESHA' COLOSENSES

Atto Pablota' quellcan carta añecop ñeñt̃ ame' ñetsa anetso Colosaso

¹⁻² Masheñeshacha' ñaña no'chaneshacha' ñeñfes o' pueyochresha' perres Parets e'ñe seyemteño' Cristo, sa ñeñfes yechetsa all anetso Colosaso. Na Pablon sequellquene'ña añ carta epan masheñ Timoteo. Napa' ñeñten Cristo Jesús puellsensaren tarro'mar atet muenatenen Yompor. E'ñe nehuomcha'teño'fes sa napa' o'ch notas: Yomporepa'ch Parets sebensare'tam̃pene' ñepa'chña socshatene' e'ñe sa seyo'chro allohuenes.

Arrpa' all parasyoso'teñet Yompor ñocpuet

³ Yapa' allempo yema'yocham̃pensapa' 'chocma yeparasyoso'teñ Yompor, ñeñtara Yepartseshar Jesucristo Pompor. ⁴ Tarro'mar yapa' o' ye'mare'tas atto sapa' atarr same'ñeña Cristo Jesús. Ñaña ye'mare'tenes sapa' atarr semuereña allohuen ñeñt̃ pueyochresha' pen Parets. ⁵ Ñeñtpa' tarro'marña sapa' atet atarr seyemteña sapa' e'ñe same'ñeño' Cristopa' sapa' añ atarr seyemtena ñeñt̃ o'patatensa all pue'ntaño. Ñeñt̃ña sapa' ahuaño'feñ se'mñotenña cohuen ñoñets ñeñt̃ e'ñe po'ño'ch Yompor po'ñoñ alloch yequeshperra. ⁶ Ñeñt̃ña cohuen ñoñets ñeñt̃ 'chapats shesho ñeñt̃ña te'pa' allemeñ 'chapyen, allpa'cho'ña nanac ame'ñatenana shonte' acheñenesha'. Allpa' allo'na senet orrtatyeset ñeñt̃ e'ñe cohuen enten Yompor. Ñetpa' e'ñe atet penet atet sepene sam̃a. Sa po'ño'ch allempo errtes e'muerre' Yompor po'ñoñ atto ñapa' atarr morrentenya, sañapa' e'ñe allempoteñ 'chaponasa seyo'chro ñeñt̃ña ñoñetspa' e'ñe po'ño'ch Yomporo po'ñoñ. Allempoteñña sapa'cho'ña allo'na sesen orrtatyesnomue' ñeñt̃ e'ñe cohuen enten Yompor. ⁷ Ñeñtara cohuen ñoñets ñeñt̃ ñanom yechatas masheñ Epafras. Ñapa' ñeñt̃ e'ñe parrocmayetorrena Yomporecop, atarr yemuerannena. Ñapa' 'chocma atarr cohuen torrena Cristocop ñeñt̃ña' e'ñe socop. ⁸ Ñapa' e'ñe cohuen eñotaturrey atto sapa' atarr semorrentannena e'ñe same'ñeño' Cristo.

Arrpa' all ma'yocham̃peñet colosaso'marnesha'

⁹ Ñeñto'marña allempo ye'mare'tas allempoteñ yapa' ama yequethpueno sema'yocham̃psaya Yompor. Yapa' añ yenamuenas Yompor: Sapa' 'chocmepa'chña eñotatenes ñeñt̃ atet muenen ña ñeñt̃cha' atet sepa'y e'ñe cohuen ñocop. Ñaña 'chaponasepa'ch seyo'chro ora allohuen ñeñt̃ atarr cohuentetsa yecamquene'cop. ¹⁰ Allochñapa' o'ch e'ñe sey'cherr ñeñt̃ atet poctetsa allohuenacop ñeñt̃fey pueyochresha' pen Yepartseshar. Allochñapa' attochña e'ñe socshateñ. E'ñe atto es cohuen sorratyenpa' nanaccha' cohueno'f sesherbeñ. Allo'nepa'chña sesen eñotnomue' ñeñt̃ atet penaña Parets. ¹¹ Ñaña añ yenamuenas Yompor: Po'partso'teña ñeñt̃ cohuenñatsotetspa' e'ñepa'chña ahua'mencat pa'yesas e'ñe poctacma allochñapa' amach 'cha seque'chpatstere. E'ñechña socsheñesha' sa'huanta'huanomña allohuen ñeñt̃ atarr echarr sentyen. ¹² Ñaña sapa' 'chocmepa'ch separasyoso'ch Yompor tarro'mar ñapa' a'poctaterrnay attoch yagapapreter yaña ñeñt̃ o'patatenana

allohuen pueyochreshachno. Ñeññiapa' ñeññ po'cohuenña pen ñeññ atarr cohuentetsa allñapa' puetaretsa. ¹³ Tarro'mar te' Yomporpa' o' cheterrey checmetoť all añcha'nochtena oneñeť. Te'ña yapa' o' chapaterrey po'cohuenño all ayochreshattena e'ñe ña Puechemer ñeññ Jesucristo ñeññ atarr morrentena ña. ¹⁴ Ñeññña Jesucristo ñeññña rromats yocop ñapa' atfoña e'ñe tsa'tuernayaña yo'chñar atfoch e'ñe peretna'huernay yo'chñar esheccha'ña e'ñech cohuen a'queshpaterrey Yompor.

Allempo ashataretta Cristo po'rras corsocho, ñeññña e'ñe a'mchechatue'ña allohuen esocmañen

¹⁵ Yompor Paretspa' ama entpahuo, tarraña Cristoña ama't entpo'pa' ñapa' e'ñe parro attecma ñerra'm Pompom Parets ñeññ ama entpahuoyaye. Ora allohuen allpon eñalletyestsas, Cristoñapa' e'ñe ñanom eñall ñeññcha' pomnaren penahuet allohuenet. ¹⁶ Allohuen ñeññ allpon ayechcataretetyestsas ña e'ñe yechcatuahuet, ama't ora allpon ñeññ ento'tsa'yen ñeññ ama entpahuoyaye ñaña allohuen ñeññ yentyen arr patsro, e'ñe ñocma pueyechcatuar. Ñaña allohuen ñeññ allpon añcha'taretetyestsas, ñaña allohuen ñeññ allpon ayochreshatetyestsas, ñaña allohuen ñeññ allpon añcha'nochetetyestsas erracmañen, ama't ñaña allohuen ñeññ allpon huomenc entyestsas, ora allohuenet ñeññtet ayechcataretet e'ñe ñocma pueyechcatuaranet. E'ñe ñocpacma ayechcataretetyesuahuet. ¹⁷ Ora allpon ñeññ esocmañen eñallpa' ñañapa' e'ñe ñanom eñall. Ora allpon ñeññ esocmañen eñallpa' ñapa' ña orratyenuahuet. ¹⁸ Cristoñapa' yeyoher* yepohueñ allohueney ñeññey parrocmatenaya e'ñe yame'ñeñoť ña, tarro'mar ñapa' ña yocape'chatene' e'ñe cohuen allohueney ya ñeññey e'ñe po'chets pohueney. Ñeñño'mar Cristopa' pomnaren peneý allohueney ñeññey ame'ñenaya ña. Ñapa' e'ñe ñanom orrtatene' allochña yapa' corretsayach allohueney ñeññey e'ñe po'chets pohueney e'ñe yeparrocmateñoť epay ña. Ñaña ñapa' ñanom tanterrtsa rromot, ñeññiapa' ellochña nanac sherberr. Ñeññpa' tarro'mar atet pa' allochña' ora ñeññ esocmañen allpon eñall, ñeññapa' Cristochña e'ñe ñanom nanac cohuen entyenet. ¹⁹ Pompom Parets e'ñe pocte' enteñ o'ch e'ñe cohuen chorrataña ora allohuen po'partsoña. ²⁰ Ñañapa' e'ñe alla parrocmaten Pomprosho e'ñe parrocmata allohuen esocmañen, ama't ñeññ patso'tsa'yen, ama't ñeññ ento'tsa'yen. Allempo ashataretta Cristo po'rras corsocho, ñeññña e'ñe a'mchechatue'ña allohuen esocmañen.

²¹ Ama't sa ahuatpa' atarr ellaparo'tsa'yenes Yomproshot. E'ñe se'moñe'teñoť Yompor seyocho sañapa' aña seyechcatyeseť ñeññ ama cohuenayaye. ²² Tarraña te'ña Yomporpa' o' e'ñe parrocmata terres e'ñe ñesho. Ñehua, allempo amuerochtataretta Cristo e'ñe ña po'chtso atto rroma, ñeññpa' atfochña e'ñe parrocmata terres saña. O' e'ñe parrocmata terres atfoña sapa'cho'ña o' sa'cohuentataretterra Partsochop, ñaña atfoch amach sa'tanmaretterro, amach eñalle atfoch sottene'charetterra. Te'pa' atetca'ye enterresña Yompor. ²³ Ñerra'm po'ñoch chocmach same'ñera Cristo, ñerra'm e'ñech huomenc seperr seyoher atfochña sapa' amach sepurrerro. Cohuen ñoñets ñeññ o' se'mhua alloch yequeshperra ñerra'm amach cha sa'ypo'ñampera ñeññ o' seymterra Yomporñapa' enterrescha' o' e'ñe sa'cohuentataretterra. Añ cohuen ñoñets ñeññ o' se'mare'tua sa,

* **1:18** Ñehua, po'ñoch Cristopa' arr atma'ntataret atet ñerra'mrrate' ñeññ yoñ yepen.

te'ñapa' aserrpare'tataretterrach ña'ña allohuen ñeñt corra'yetsa añe patsro. Ñeñto'marña na ñeñfen Pablon nach sherberrets te'ñapa' nach serrpare'taterrahuet.

Atto Pablo a'potan ñeñt ahuatoteñ ama eñotpahuo

24 Te'ña na e'ñe nemueroçhteñoç socoppa' atarr nocshena. E'ñe nemueroçhteñoç nechtsopa' ñeñtpa' attoña netsotatennas allpon ñeñt palltetsa attoch nemueroçhtaprecha Cristo allohuenacop ñeñt ame'ñenaya ña ñeñt e'ñe po'chets pen Cristo ñeñt e'ñe a'parrocmataten. 25 Ñeñto'marña te'pa' nach sherberre' allohuen ñeñt ame'ñenaya Cristo. Atef llesensenen Parets e'ñe socop, attochña napa' o'ch e'ñe na'potuerrñañ ora Yompor po'ñoñ. 26 Añcha' na'poterr ñeñt ama't ahuatapa' ama eseshaye' eñotaye'te e'ñe yatañneshapoteñ tarro'mar allempopa' ama çhena' allempoch eñotaterranet Yompor. Tarraña te'ñapa' e'ñe eñotaterrey Yompor allohueney ya ñeñfey pueyochresha' pen Parets. 27 Te'ña Yomporpa' atarr mueneñ o'ch eñotaterrey ñeñt atarr coçhneshare' ñeñt po'cohuenña e'ñe ahuatoteñpa' ama eseshaye' eñotaye'te. Te'ña ñeñt po'cohuenña' o' e'ñe orrtataretterra añecop ama't ñeñt ama judioneshayaye. Ñeñtña ama eñotete'te ahuatpa', ñeñtñapa' añepa't Cristo ñeñt chorrenaya yeyoçher. Attoña e'ñe yeyemteñoç ña yañapa' o'ch yecohuentapretera.

28 Ñeñto'marña Cristopa' çhocmach ya'poteñ. E'ñechña cohuen yoctape'chatyeyñ allohuen ama't erra'tsena acheñer. Ña'ña e'ñech cohuen yeyçhatyeyña allohuen ama't erra'tsena acheñer attochña ñetpa'çho'ña e'ñech eñotyeyñet ñeñt atef pena Cristo. Attoña e'ñe pueyemteñoçet Cristopa' o'ch ame'ñeñet e'ñe poctacma. 29 Ñeñto'marña napa' nanac netorrena ñocop. E'ñe po'huamenco ñeñt atarr ahuamencat nepene' attoña napa' çhocma atarr netorra'yena ñocop.

2

1 Napa' nemneñ o'ch señoç atto napa' e'ñe nellquëñoçes sa atarr nanac netorrena socop. E'ñe attecma netorrena ña'ña laodiceo'marneshacop, ama't ña'ña allohuenacop ñeñt ama puentarno. 2 Allochñapa' attochña e'ñe socsherra seyoçrohuen atto e'ñe semorrentanna'teñoçpa' o'ch e'ñe separrocmaterr. Attochña çhaponasa seyoçhro attoch atarr es señoçyerr. O'ch señoçterr ñeñt ama eñotete'te ahuatoteñ, ñeñtpa' ñaptaña Yompor eñotene'. Ñeñtpa' e'ñepa'tca'ye Cristesho'tsenña 3 allohuen pa'namen eñoteñets ñeñt nanac coçhneshare' yentyen. Ñeñtpa' e'ñe yeyemteñoça Cristo esheccha' yeñoterrña ñeñt ama't ahuatapa' ama eñotpahuo. 4 Ñeñto'marña napa' atef notenes allochñapa' sapa' amach esesha' seshquërraye ama'tcha' cotape'chatyaseset ñeñt atarr cohuen ñoñets sentyerreñ. 5 Ama'tcha' ama allo'tsenno e'ñe na tarraña neyerpueñoçes neyoçhropa' e'ñe parro'tsa'yenacmay. Sapa' e'ñech noçsheñesha' nentyenes atto e'ñe cohuenare' es sorrtatyen. Ña'ña nentenes atto e'ñe same'ñeñoç Cristo o' e'ñe huomenc sepa'yen seyoçher ñocop.

6 Atto o' sagapuer Yepartseshar Cristo Jesús, te'ña sapa' allo'nepa'ch senen e'ñe parrocmatats epas. 7 Attochña sapa' e'ñech huomenc sermuerrñañ po'ñoñ atef ñerra'mrrate' tsachreçh atarr huomenc rromuenan pats, e'ñe separrocmateñoç epaspa' allo'nepa'chña atonetnomaña ñeñt atto same'ñena. E'ñe same'ñeñoçpa' huomenquëpa'chña sepa'yenom seyoçher.

Atterepa'chña allo'na sesen ñeñt atet yechatyenes. Ñaña chocmuepa'chña separasyoso'chña Yompor.

E'ñe yame'ñeñoi Cristopa' o'ch yesuanomña atet muenatyesy'e't yechets

⁸ Señota tach allochña sapa' amach esesha' seshquërraye. Ñato'rraña po'poñ cotapñatsofpa' chate' shequërrset. Ñeñt cotapñatserpa' e'ñe orrena tarro'mar ñeñtpa' atta shequënsset. Ñeñtpa' arromñaña a'ntene'ña poctapña ñeñt atto shecare'tyenet. Ñeñtpa' patso'marnesha, ñeñtñapa' ama poctenanoña Cristo poctapña.

⁹ Tarro'mar Cristo atto acheñetos ñepa'tña chorrenayaña allohuen Yompor po'partsoña. ¹⁰ Sapa' e'ñe separrocmateñoi Cristo sa'ñaña chorrapretenayaña Parets. Ñeñt allohuen allpon añcha'taretetyestsas, Cristoñapa' e'ñe ñapña atarr sherben. Ñaña allohuen ñeñt allsensaretetyestsas, ñaña'apa' e'ñe ñapña atarr sherben. ¹¹ Sapa' e'ñe separrocmateñoi Cristo te'pa' sesuanom atet muenatyese't sa sechets. Ñeñtpa' ama año'eye' hueno o'ch setsoratarannena e'ñe sañeña sechets ñeñt atet yechena judionesha'. Ñeñtpa' Cristeshotña huena e'ñe seyemteñoi ña. Ñeñto'marña e'ñe separrocmateñoi Cristopa' te'ña sapa' o' seyomporena'tarterra e'ñe po'ño'ch. ¹² Tarro'mar allempo sapataréta Yomporecop sapa' añ setma'ntena ñerra'mrrate' cho sepampapreteña Cristo. Elloña e'ñe sa same'ñeñoi'pa' attoña o' setantapreteña Cristo. Tarro'mar sapa' añ same'ñate' atto Yomporpa' ortatan po'partsoteña allo tantaterran Puechemer allempo rroma. ¹³ Ahuat sapa' so'chñaroña ama es soctape'chperra' seyo'chro ama't e'ñe mamesha ñeñt cohuentetsa Yomporecop. E'ñe atet sepe't ñerra'm po'poñ acheñ ñeñt ama Yomporena'tareyaye. Ñeñto'marña sapa' cha sottet' ñerra'mrrate' secamquëñpa' cha rromuen. Tarraña te'ña Yomporpa' o' apuerres attoch sapa' cho ña corretsasach e'ñe atet pena Cristo, tarro'mar ñapa' o' peretna'huernnas allohuen so'chñar. ¹⁴ Tarro'mar ñapa' o' e'ñe e'shohuerneya ñoñets ñeñt o' quellca'huetañ alloch yotteñe'charetterrañ ya, atet oten ñoñets ñeñt atet anaret ahuatoteñ. Ñeñt ñoñets Paretsñapa' alla a'huañatamperrey atet ñerra'mrrate' ñeñt apataretetsa corsocho. ¹⁵ Ñeñtña añcha'no'chetyetsa añe patsro ama't ñaña ñeñt huomenc entyetsapa' Cristoñapa' e'ñe puerratampesueranet allo añcha'no'chetyenet. Atto rroma corsocho allotña e'ñe a'mtsoñnetuerranet. Allempoñapa' orrtatanet allohuenet acheñeneshesho attoch ñetpa' eño'chet ñeñtpa' o' aprrataretterra po'huamenc.

¹⁶ Ñato't same'ñeña'ña ama't erra'tsena acheñer ñeñtcha' sote' sa amo' pocteyaye ñeñt atto es serra'yen ama't ñaña atto es sorryen. Ñaña amach same'ñatsche ñeñtcha' sotene' sapa' amo' setsotenoña añ yetñatser ñeñt allpon ana'yaset judioneshacop, ama't allempoch cherrerr pate'tets char, ama't ñaña allempoch e'ñe errete' orrterrtsa pueña'tets arrorr. Ñaña amach same'ñatsche ñeñtcha' sotene' sapa' año' setsotenoña ñeñt yetñatser ñeñt anaret allempocma yamesen. ¹⁷ Ñeñtpa' pa'choyeshe'maca'ye peña ñeñt huapatsa. Ñeñt huapatsapa' po'ño'chpa' ñeñtcha'yeña Cristo ñeñt atarr sherbets. ¹⁸ Ñaña amach same'ñatsche ñeñtcha' soterre' sapa' año'ch saguërraña attoch coshaterres Yompor tarro'mar sapa' año' atteye' sepeno ñeñt atet penet ñet. Ñeñt acheñer atet, ñetpa' aña cotape'chyenet o'ch muerochtatenet e'ñe ñañeñeta, tarraña ñetpa' pommoc'heñoña atet penet ñeñt

po'ñoçhpa' ama es sherbeno Yomporecop. Ñeñño'marca'yeña ñetpa' añaca'ye ma'yochyenet Yompor po'mllañoñeñer. Ñaña ñetpa' aña nanac yemtenet ñeññ entpesa'tyenetañ. Poçtaþñofoet ñeññ e'ñe ñeta po'chtotet huena, ñetpa' ñeñña atarr ommo'chenet, ñeñño'marña ñeñtpa' e'ñe orrena atet penet. ¹⁹ Ñetpa' ama parrocmateñeto Cristo ñeñño'marña ama pueyoçhre'ye' peñetoña Cristo. Ñehua, yapa' yoten yeyoçher* ñeñña atarr sherbets tarro'mar ñeññ atarratene'ña ora yechets. Atet pena yelloquëm ñaña yechtsoreth ñeñña orrene'ña yechets ñeñño'marña e'ñe parrocmateñ attoña ora yechetspa' atarrtena. Atet penaña Cristo atet ñerra'm po'ñoçh ñeññ yeyoçher yepen. Allohueney ñeñtey ame'ña'yenaya Cristo e'ñe parrocmatene'ye, allochña yapa' allo'nach yesen orrtatyesnomue' ñeññ atarr sherbets Yomporecop tarro'mar yapa' atet muenateney Yompor.

²⁰ Sa atto o' serromapretera Cristo ñeñño'marña añ coþaþñatser arr patsro ñeññ arromñañenesha poçtaþña, ñeñtpa' amaca'ye socpayaye. Sa atto o' serromapretera Cristo ñeñtpa' añecop attoch sequeçhpuerrñañ arromñañenesha' poçtaþña. Te'ñapa' eso'mare'tcha'ña alla same'ñerrerrña patso'mar coþaþñats. Ñato'tña same'ñena'ña ñerra'm esempo otenset: ²¹ "Amach es sa'þllatsetyesatsto, amach es serratsetyesatsto, amach es sechta'yestatsto." Tarraña ñeñtpa' e'ñech orrena atet otenset, ²² tarro'mar ñeññ allohuen ñeññ añe patsro'tsen ñeñtpa' e'ñeca'ye e'nuapo'. Ñerra'm ye'nuepa' o'ch e'ñe huañ. Ñeñño'marña ñeñtcha' atet sotyese' ñeñtpa' arromñañaca'ye poçtaþña yeçhatenset. ²³ Ñetpa' po'ñoçhpa' orrtenetañ atet ñerra'm esocmañen eñotuenetañ ñeññ cohuentetsañ tarro'mar puema'yochreñoçetpa' muechatse'tyenet, ñaña ñetpa' e'ñe ñañeñeta muerocñtatset po'çhets, tarraña e'ñe pommo'cheñoçeta atet penet. Tarraña ñeññ atet penet ñeñtpa' amaña añeye'ña atet peneto alloch huenaterret ñeññ atet muenatsetatyenanet po'çhets pa'namen sosya'tsañeçhno.

3

Añach soctape'chen ñeññ atet muenen Cristo ñeññ pue'ntaño'tsen

¹ Atto po'ñoçh o' setantapretera Cristo, te'ñapa' añach soctape'chen ñeññ atet muenen Cristo ñeññ pue'ntaño'tsen. Ñapa' allña atarr partsoten e'ñe Parets po'cohuenrot. ² Ento'marecopcha'ña sema'yochra. Sapa' amachña aña sema'yochratsto ñeññ patso'marecpa ³ tarro'mar sapa' o'huañcha' socshenaña ñeññ patso'marecpa. Te'ña sapa' e'ñe ates ñerra'mrrate' puesheñarr ñeññ rromuets o'huañcha' allo'na cosha'nenana ñeññ patso'marecpa. (Ñeñño'marña yapa' yoten o' yerromapretera Cristo.) Te'ñapa' ñeñña yocshatene' ñeññ ora allpon atarr cohuen enten Cristo. Te'pa' atto yocrrerra ello e'ñe yeparrocmateñoç Cristo ñeññ parrocmatene' Pompor Parets, ya'naña o' yeparrocmaterr epay Parets ama't ñeñtpa' ama entpahuoyaye. ⁴ Ñeñño'marña ñerra'm esempoch orrterra Cristo ñeññ allo e'ñe yocrrena, allempoña sapa'çho'ña sorrterrach samã epas Cristo. Attochña sapa' o'ch secohuentapretera samã.

O'ch yesuanom ñeññ mellashañ coþaþñats ñeññ ama poçteye' enteno Yompor

* 2:19 O'ch secue' nota 1.18.

5 Ñeñto'marña socoppa' añ poctetsa: Ama't erra'tsena sechets ñeñt soctape'chatene' patso'marpa' čhosaña a'mchechaterre', ñeñt atto sechta'yeyñ ñeñt ama setaporeyaye, ñaña pa'namen sosya'tsañečno ñeñt atet muenatse'tatyeney yechets, ñaña allpon yemnatse'tyen ñeñtpa' ama cohuenaye' entapretenye Yompor, ñaña atto es atarr yeye'chapretanna'tyena, ñeñtpa' ñeñtaña yeyomporer yepen. 6 Ñeñto'marcha'ña Yomporpa' entaterranetcha' po'yoročhenña ama't allohuen ñeñt atpare'tene'. 7 Sapa'čho'ña ahuatpa' e'ñe attecma soctape'chyese't allempo sapa' sosya'tsañecpa socrre't. 8 Tarraña te'ña ñeñtpa' čhosaña a'ypo'ña'mperre', ama't ora allohuen e'moñe'tanna'teñets, atsrre'mueñets, o'patarñats, achmāre'tanna'teñets, ama't allohuen eñosatse'teñtoščno ñeñt atarr sosya'tsañečno. 9 Ñaña amach seshcare'tanna'tatsto tarro'mar te'pa' o' sesuanemñ ñeñt mellashañ ñeñt atet soctape'chatyesaye't seyočthro. Ñeñt atet sepa'yese't ahuat ñeñt ama pocteye' enteno Yompor ñeñtpa'čho'ña o' sesuanemñ. 10 Sapa' aña'ña sechorrerraya ñeñt etserra ñeñtcha'ña soctape'chaterre' ello etserra allochña setserrataterrña soctapña. Attoña e'ñe setserrateño'pa' o'ch soctape'cherr e'ñe cohuen ñeñt atet cotape'chen Yompor ñeñt seyečcate'. Attochña sapa' allo'nach sesen eñotnene' ñeñt atet cotape'chen ña. 11 Atto yetserrataterr yoctapña Cristocop, yaña allohueneypa' e'ñečca'ye attecma puechemer pōhueneyña Yompor. Ñeñto'marña yocoppa' ama eñalleña attoch yotarēta yapa' po'poño' ačeñrey, yapa' ellopa'tetstatareyey' año' judioneshayaye, año' atsoarrareteyaye, ñaña po'poño' ačeñrey ñeñt ahuapña po'poñ anetsot ñaña ñeñteyo' yapa' año' es yeñoteno ñaña ñeñt ačeñrey ñeñteyo' ataruasatareye e'ñe atta ñaña ñeñt ačeñrey e'ñe cohueno'tseney, tarro'mar Cristopa' ñeñtca'yeña e'ñe allohuenacpay, ñapa' ña e'ñe yehorra'huenaya allohueney pa'namen ačeñrey ñeñt parrocmatenaya.

12 Yomporña puemorrenteño'es sapa' o' acrerres ñeñtescha' a'cohuentatere'tertsā Partsocep. Atto acrerrespa' e'ñepa'chña seyčhen attoch e'ñe cohuen semuerannena, e'ñepa'chña cohuen es sorrtatyen po'potantañecop. Sapa' e'ñepa'chña pocte' señch ñerra'm po'psheñeñ o'ch entenes sapa' ama esoshe'mayayso. Ñaña sapa' amachña aña se'natsto ñeñt e'ñe socpa ñeñt atet soctape'chen sa tarro'mar sapa' ñeñtes alleshoncatets. Ñeñto'marña sapa' e'ñepa'chña sa'huanta'huanomña ñeñt atarr echarrare' sentyen. 13 Ñaña e'ñepa'chña cohuen es sa'huantannena ñerra'm esempoch señch po'psheñeñ ñeñt ama pocteye' orrtateno socop, sapa' e'ñečña cohuen sepretnannena. Atto Yepartseshar Cristopa' o' peretna'huerres sa, sapa'čho'ña čhocmachña sepretnannena samā. 14 Ñeñt atarr nanac sherbets o'ch seyčherr attoch semorrentannena e'ñe cohuen. Tarro'mar ñerra'm po'ño'ch yemorrentannena' amate' errotentot ya'ypo'ñeroña po'poñečno ñeñt cohuenteyetsa ñeñt atet yepa'yen. Attochña allo'nachña yesen etsotnomue'ña parrocmateñets. 15 Atto Yompor o' e'ñe coshaterres seyočthro, ñeñtcha'ña soctape'chaterre'ña e'ñe cohuen, tarro'mar ñeñtecopña o' chore'terreyña Yompor attoch e'ñe yeparrocmatuerr allohueney ñeñtey ame'ñenaya. Ñaña o'ch notas: Sapa' čhocmuepa'chña separasyoso'teñ Yompor.

16 Cristo po'ño'ña' čhocmuepa'chña e'ñe cohuen soctape'cheñ sa seyočthro,

attochña e'ñe ora seño'teño'huenpa' 'chocmuepa'ch sey'chatannena attoch e'ñe cohuen socshatannena. Ñaña separasyoso'teño'pa' semorrechepa'ch allohuen morreñtso'chno ñeñt' Partsocop attoch sa'ye'cho'chtatoñ atto sa'choteñ. Socsheñeshohuenña seyo'chropa' separasyoso'chepa'ch Yompor. ¹⁷ Ama't esa ñeñt' atet es sepa'yen ama't esa ñeñt' atet señosyen, e'ñechña seyemteño't Yepartseshar Jesús attochña sapa' es sepa'yen. Ñeñto'marña sapa' 'chocmuepa'ch separasyoso'teñ Yompor Parets e'ñe Yepartseshar Jesucristo pa'so'chño.

Atetcha' yocrra añecop ñeñt' parro yepaclo'tsa'yen

¹⁸ Te'pa' o'ch notas samña ñeñtes arrollaretes: Ñeñt' serrollar sepenpa' e'ñech cohuen same'ñaña tarro'mar atet poctetsa yocop allohuenacpay ñeñfey ameh'ñenaya Yepartseshar Jesucristo. ¹⁹ Ñaña sa ñeñtes ataporetспа' o'ch notas samña: E'ñech cohuen semuerya setapor, amachña 'cha muene' erro'tuanen sepeñaña setapor. ²⁰ Ñaña sa cheshaneshacha' o'ch notas samña: Chocmach same'ña sompor ñaña sachor amachña 'cha satpare'tatsto. Ñerra'm atetcha' sepa'pa' e'ñech cohuen coshensa ama't Yompor Parets. ²¹ Ñaña o'ch notas samña ñeñtes achemereshatneshas: Amachña 'cha sa'tsrre'mare'tatatscheña sechemerasha', te't 'cha nanac sellcatyenanet. E'ñe puellquëño'etpa' 'chach atarr quellañtso'tyeset, amach e'ñe cohuenaye' ame'ñenseto. ²² Ñaña sapa' o'ch notas samña ñeñtes ataruasataretes e'ñe atta: Chocmachña e'ñe cohuen same'ñaña ñeñt' samo'mte' sepen añe patsro. Amachña puecuam'peño'esaña sema'yoreñ setaruasatsto, ñeñt'pa' añecpaña atet sepena attoch e'ñe cohuen entenes samo'mte'. E'ñechña sema'yoreñcma seyo'chrocmañen e'ñech cohuen setaruasen. E'ñechña sem'cha'na'teño't Yompor setaruasen e'ñe cohuen. ²³ Ama't erra'tsena ñeñt' setaruas sepa'yen e'ñechña seyo'chrocmañen e'ñe cohuen setaruasen. Tarro'mar ama't acheñecpa setaruasenpa' e'ñechña atet sepena ñerra'mrrate' Yamo'mtayecop Jesucristocop setaruasen. ²⁴ Sapa' e'ñe seño'teñ ñapa' añ o'patatensa ñeñt'cha' atarr socshaterre' tarro'mar sapa' po'ño'ch añ sesherben Cristo ñeñt' e'ñe po'ño'ch Yamo'mte' yepen. ²⁵ Tarraña allohuen ñeñt' atet pa'yene' ñeñt' ama pocteye' enteno Yompor, ñetñapa' atsa'tataretterretcha' ñeñt' allpon pa'yese't ñeñt' ama pocteyaye. Ñeñto'marña ama't puesheñarro'teta ñocpuetpa' amach eñalleña attoch pocte' enterranet Yompor.

4

¹ Ñaña sapa' o'ch notas samña ñeñtes pamo'mte' pen ñeñt' setaruasaten. Sapa' atetcha' sepe'ña sa'taruasañer ñeñt' e'ñe pocte' entenet ñet. Ñaña sapa' seño'chepa'ch sapa'cho'ña sechenca'yeña Samo'mte' ñeñt' pue'ntañ'o'tsen.

² Ñaña te' allohuenespa' o'ch notas samña: Chocmuepa'chña sema'yochrenaña ma'yochatsa, amach se'cllaño'ña sema'yochenoña Yompor. E'ñechña separasyoso'teñesha' sema'yochena. ³ Ñaña o'ch sema'yochena Yompor yocop, o'ch senamonay attoch eñalleta allcha' yeserrpare'toñ po'ñoñ, allcha' e'ñe ya'potua ñeñt' ahuatoteñ ñeñt' ama't puesheñarrapa' ama eseshaye' eñotenaye ñeñt' atet penaña Cristo. Ñeñto'marña na'te'pa' ayottam'psaretan cárcelo. ⁴ Ñaña añcha' senamon Yompor allochña napa' o'ch e'ñe neñotaterranet e'ñe eñoto'chen ñeñt' atet poctetsa nocop o'ch e'ñe na'potuer allohuen.

⁵ Ñaña añecop ñeñt ama ame'ñetso sapa' seño'tepa'chña ñeñt cohuentetsa ñeñtcha' atet sepanet. Ama't taya sapa' arosña atta es puechatstatsa. ⁶ E'ñe semuereño'tpa' chocmuepa'chña e'ñe cohuen se'ñorana'tyenanet, allochña ñetpa' e'ñech cohuen entonaset ñeñt atet señen. Allochña sapa' seño'chcha' eñorana'tyesahuet attoch e'ñe cohuen sanapyesamet e'ñe puesheña'ttsocmuet.

Arrpa' all so'terranet po'cartot

⁷ Ñaña te'pa' o'ch notas, masheñ Tíquico ñach seño'tatenaya' allohuen ñeñt atet nepena na arr. Ñapa' atarr yemuerannena, ñapa' chocma e'ñe cohuen yenpuenen atto yetorrena Yepartsesharecop. ⁸ Ñeñto'marña napa' ñeñtecopña nemñeñña sesho ñach seño'tatenaya' ñeñt atet yepena ya arr. Ñaña ñach socshatose' e'ñe seyo'chrohuen. ⁹ O'ch nemñe epuet masheñ Onésimo. Ñapa'cho'ña chocma atarr cohuen yenpuenen, nanac yemuerannena. Ñapa' e'ñe parro'marneshas. Ñetcha'ña seño'tatose'ña allohuen ñeñt atet yepena ya arr.

¹⁰ Ñaña masheñ Aristarcopa'cho'ña mueneñ o'ch huom'cha'tas añ necartot. Ñapa'cho'ña e'ñe parrocmá ayottam'psaretey. Allo'tpa' o'ch huom'cha'tas ñaña masheñ Marcos ñeñtara añ paterr necartot. Ñapa' Bernabé puepa'ñer. Napa' o' notuas atetcha' sepe' masheñ Marcos. Ñerra'm esempoch chap seshopa' e'ñech cohuen sapañ. ¹¹ Ñaña masheñ Jesús ñeñtara sochetsa Justo, ñapa'cho'ña mueneñ o'ch huom'cha'tas añ necartot. Ñetpa' ñeñfet ñapue't judioneshet ñeñt ame'ñetsa, ñetña netorrapretenet Yomporecop attoch atarr ayochreshattena ña. Ñetña atarr nocshatene'. ¹² Ñaña masheñ Epafras ñeñt parro'marneshas, ñapa'cho'ña mueneñ o'ch huom'cha'tas ñaña. Ñapa'cho'ña nanac torrena Cristocop. E'ñe puema'yocheño't huomencpa' atarr torrena socop. Puema'yocheño'tpa' chocma enamatennas Yomporeshot attoch e'ñe huomenc sepa'nom seyo'ther Yomporecop. Ñaña añ enamuennas attoch e'ñech poctacma chaponasa seyo'chro ora allohuen ñeñt atet muenen Yompor. ¹³ Ñocoppa' o' e'ñe neñotatuas ñeñt atet nanac torrena socop ñaña añecop ñeñt Laodiceo'tsa'yen, ñaña ñeñt Hierápoliso'tsa'yen. ¹⁴ Ñaña masheñ Lucas ñeñt apartañtetsa, nanac yemuerannena, ñapa'cho'ña mueneñ o'ch huom'cha'tas añ necartot. Masheñ Demaspa'cho'ña mueneñ o'ch huom'cha'tas ñaña.

¹⁵ Te'ña sapa' o'ch sehuom'cha'ch samña nocop masheñneshachño ñaña no'chaneshachño ñeñt Laodiceo'tsa'yen. O'ch sehuom'cha'ch ñaña Ninfas, sehuom'cha'ch ñaña allohuen ñeñt chocma ap'chetsa ña pa'paclo e'ñe pame'ñeño'tet Cristo. ¹⁶ Esemppoch lleya'huet añ carta sesho allo'tpa' o'ch selleyach ñaña laodiceo'marnesha' ñeñt pame'ñeño'tet Cristopa' chocma ap'chenet ñamet. Ñaña po'poñ necarta ñeñt nemñen Laodiceo sapa'cho'ña selleye'ch ñerra'm esempoch huapateret Laodiceot o'ch cherr sesho. ¹⁷ Ñaña o'ch soch masheñ Arquipo ñeñt atet noten na, po'ño'chpa' etsotanepa'ña ñeñt atet yecheña Yepartseshar ñeñtcha' po'taruas pa' ñocop.

¹⁸ Na ñeñten Pablon arrpa' nequellquëño't e'ñe na nototpa' o'ch nehuom'cha'terres. Te'pa' o'ch seyerpa'na napa' ayottam'psareten. Te'pa' ñeñt ach notas, Yomporepa'chña sa'nataya. Ñeñt'pa' attetepa'ch Nompore. Allohua.

AÑ ÑANOM SAN PABLO PO' CARTA ÑEÑT̃ QUELLCAN TESALÓNICO' MARNESHA' 1 TESALONICENSES

Atto Pablopa' quellcan carta añecop ñeñt̃ ame' ñetsa anetso Tesalónico epuet Silvano ñaña Timoteo

¹ Masheñneshacha' ñaña noçhaneshacha' ñeñtes allohuenes apçhetsa all anetso Tesalónico e'ñe seyemteñoť Yompor Parets epuet ñaña Puechemer Jesucristo ñeñt̃ Yepartseshar yepen. Na Pablon sequellquêne ña añ carta epan masheñ Silvano ñaña masheñ Timoteo. E'ñe nehuomt̃cha'teñoťes sa napa' o'ch notas: Yomporepa'ch sebensare'tanpene' ñeñtara Parets epuet Puechemer Jesúsristo ñeñt̃ Yepartseshar yepen. Ñetepa'chña socshatene' e'ñe sa seyoçhro allohuenes.

Atto ame'ñena ñeñt̃ apçhetsa Tesalónico

² Yapa' yema'yoçhanpeñoťes sa çhocma yeparasyoso'teñ Yompor socop allohuenacpas. ³ Tarro'mar allempto yema'yocheña Yompor çhocma yeyerpuensa atto sapa' e'ñe seyemteñoť Yompor atarr setorra'yena ñocop ñaña e'ñe semorrentanna'teñoťpa' atarr seyenancena. Ñaña e'ñe seyemteñoť Yepartseshar Jesucristo sapa' o' huomenc sepa'nom seyoçher e'ñe ñocop. ⁴ Masheñneshacha' ñaña noçhaneshacha' Yomporpa' atarr morrentensa. E'ñe yeñoteñ Yomporpa' ahuatoteñ acrerres sa ñeñtescha' ame'ñerraya. ⁵ Tarro'mar añ cohuen ñoñets ñeñt̃ yeserrpare'tatoses ahuaña, ñeñt̃pa' ama ñoñtsenochayayo, yapa' añña ahuañencat yepene' Parets Puecamquẽñ allochñapa' atto sapa' o' çhaponasa seyoçhro ñeñt̃ ñoñetspa' e'ñepa't po'ñoçh ñeñt̃pa' ama shequẽñt̃soyaye. Sapa' e'ñe señoteny ñeñt̃ atet e'ñe cohuen yorrtatyesonas allempto allo'tseney sesho.

⁶ E'ñe atet sentey ya ñeñt̃ atet yepena, sapa'çho'ña te'pa' e'ñech atet sepena samña, ñaña e'ñe atet cohuen orrtatyen Yepartseshar Jesucristo sapa'çho'ña te'pa' ñeñtara sorrtatyen samña. Atto sagapoñ Yompor po'ñoñ e'ñe socsheñesha' Paretsña Puecamquẽñ socshate'ña e'ñe sa seyoçhro. E'ñe same'ñeñoť ama't atarr sa mueroçhtataretetyena tarraña sapa' çhocma atarr socshena. ⁷ Ñeñto'marña allohuen ñeñt̃ ame'ñetsa Macedonio'mar ñaña Acayo'mar, ñetñapa' atet eñotenset e'ñe cohuen sorrtatyen Yomporecop, ñetpa'çho'ña te'pa' e'ñe attecma orrtatyenet ñamet Yomporecop. ⁸ Te'ña e'ñe seshot o' epa'hua Yompor po'ñoñ all serrpare'tyeñet. Ama allayayo Macedonio ñaña Acayo, oraña o' e'ñe epa'hua erraparen allemeñ. Erraparen o' e'mare'tuaset sapa' atarr same'ñeña Yompor. Te'ña ñet o' e'mare'tuetpa' ñocpuetpa' ama pallteneto o'ch alla yoterraneterr ya ello. ⁹ Ñetñapa' serrpare'tyenyet atto sapa' e'ñe cohuen sagapapuey. Ñaña serppare'tatanna'tyenyet atto sapa' o' soctape'cherr ello cohuen Yomporecop o' sequẽçpa'huerr ñeñt̃ semchatse'tyese't ayeçhcataret. Te'ña ñeñt̃pa' o' sequẽçpa' huer e'ñe poactama attotña allemptene' e'ñe cohuen sesherber Yompor ñeñt̃ ama arromñatẽshayaye ñeñt̃ e'ñe po'ñoçh Yompor. ¹⁰ Ñaña serppare'tyeñet atto sapa' e'ñe seyemteñoť atarr secueññañ Yompor Puechemer esempohuañencha' huerra pue'ntañoť ñeñtara Puechemer ñeñt̃ tantaterr

allempto rroma, ñeñfara Jesús ñeñfcha' ya'queshpaterre' ñerra'm esempocho yoroçhtatuer Yompor.

2

Atet pa Pablo allempto Tesalónico'tsen

¹ O'ch masheñneshacha' ñaña noçhaneshacha' notas: Saña po'ñoçhpa' e'ñe señoñeñ ahuañmo'cha e'ñe cohuen sagapapuey, ama orrena yemo'tenso.

² Ellonetpa' e'ñe señoñeñ ama't epaye' mueroçhtatyete't Filiposo, ama't errotuanen pa'yetañe't, tarraña Yomporña atarr ahuamencat pa'ye't atto yapa' e'ñe yeyemteño't ña yeserrpare'tatas saña añ cohuen ñoñets ñeñ huetsa Yomporesho't. Ama't allo'tsa'yen ñaña ñeñ nanac epatarña'fetyetsa, yañapa' çhocmaña yeserrpare'tatase't.

³ Neñtpa' ama panteñsofeye' yoctape'chataso, ñaña ama sosya'tsañeye' yoctape'chataso, ñaña ama e'ñe ya yeshquëño't yoctape'chataso. ⁴ Elloña ya Yomporpa' e'ñe pocte' enteney ñeño't'mar llesensa'y yach a'poterre' po'ñoñ ñeñ e'ñe po'ñoçh cohuen ñoñets alloch a'queshpaterrey. Ñeñ atet ye'ñoñenapa' ama añecpayaye o'ch e'ñe orrena yocshach acheñenesha', yapa' añecopña ye'ñoñena attoch yocshateñ Yompor ñeñ e'ñe yentuene' ñeñ atet yoctape'chyen yeyoçhro.

⁵ Neño't'marña sapa' señoñeney ya ama't ahuatapa' ama e'ñe ya yeñoño't yocshatenso attoch e'ñe cohuen sentuene'y. Ñaña ama't ahuatapa' ama erra yeshquënsa attoch sapa' o'ch sapuey ñeñ yemnapretenes. Neñtpa' ama't Yomporpa' e'ñe pocte' entapreteney ñeñ atet yepenes.

⁶ Ñaña ama't ahuata ama añeye' yellquëno attoch sapa' o'ch secohuentatennay ama't ñaña allohuen po'potantañeçhno. Ñaña yapa' ama't Cristo yellsensenayeñ ñeño't'marña yocoppa' e'ñe pocteñ o'ch atet yepennaseñ ñeñ atet pena añcha'taret, tarraña yapa' amaña yemno o'ch atet yepennasa.

⁷ Tarro'mar yapa' yemuereño'tes sapa' e'ñe cohuen es yorrtatyennas. E'ñe atet yentenes ñerra'mrrate' cheshatollesha' e'ñeçh cohuen muereña pachor. ⁸ Atarr nanac yemorrentensa ñeño't'marña ama e'ñe ñapña cohuen ñoñets yapuenso ñeñ Yompor po'ñoñ. Elloña yocoppa'çho'ña pocte' yenteñ o'ch yesuanom ñeñ e'ñe yocpa attoch yeyenpas saña tarro'mar sapa' atarr yemorrentensa.

⁹ Neñ atet yepena ya, amate' masheñneshacha' çha sepsenye atto nanac yetaruase't yeto e'ñe tsapome'tets allempto allo'tseney sesho. Neñtpa' añecop atarr yetaruase't allochñapa' attoch sa ama't puesheñarroñesapa' amach çha ya'tsre'moçhtana'taso allempto yeserrpare'tatase't cohuen ñoñets ñeñ Yompor po'ñoñ.

¹⁰ Sapa' e'ñe sentye't, Yomporpa'çho'ña e'ñe enteney atto yapa' e'ñe cohuen yorrtatyenes socop ñeñes ame'ñetsa all. Neñtpa' e'ñe cohuen yorrtatyen Partsocop ñeñ e'ñe pocte' enten ña allochñapa' attoch amach errotenot otenyeto "ama pocteyaye ñeñ atet sepena." ¹¹ Sapa' señoñeñ yapa' e'ñe atet yentenes ñerra'mrrate' e'ñe yechemeresh'a yepohuenes. Neño't'marña e'ñe cohuen yoctape'chatase't e'ñe puesheña'tsos. E'ñe cohuen yocshaterres, e'ñe cohuen yoctape'chatase't ¹² po'ñoçh sapa' e'ñepa'çhña cohuen sorrtatyen ñeñ atet poctetsa añecop ñeñ po'ñoçh ame'ñenaya Yompor tarro'mar ñapa' o' hua'ñerres o'ch so'patapretera all añcha'tarettena ña, attochña secohuentapretera saña.

¹³ Neño't'marña añecop çhocma yeparasyoso'teñ Yompor ñaña atto sapa' allempto ye'mñotaterres Yompor po'ñoñ sañapa' e'ñe cohuen saguërrñañ

po'ñoñ. Ama't ya seserrpare'tatosayen ama acheña po'ñoñ senteñe, ñeñtpa' Yomporoña po'ñoñ sentña allempo. Ñehua, ñeñtpa' e'ñe po'ñoçh Yompor po'ñoñ. Te'ña sa ñeñtes o' same'ñerra, Yomporña po'ñoñ o' cotape'chaterres e'ñe cohuen seyochro o' e'ñe huenaterres ñeñt atet çhocma seřatse'tyese't ahuat; te'ña sapa' añ sorrtatyen ñeñt e'ñe cohuen enten Yompor. ¹⁴ Sapa'çho'ña masheñeshacha' e'ñe atet sa'mueroçhtatarettena Yomporcop e'ñe atet pe't ñeñt ñanom apçhatsa Yomporcop ñeñt Judeo'tsa'yen. Ñetpa' e'ñe pueyemteñotet Cristo Jesús, judionesha'ña ñeñt e'ñe pamo'ts penetpa' atarr mueroçhtatenanet. Sapa'çho'ña e'ñe seyemteñotet Cristo atarr mueroçhtatenes samã samo'tsesha'. ¹⁵ Ñeñfara judionesha' ñeñt muetse' Yepartseshar Jesús ñama ñet muetsanate't ñeñt a'mta'yese't ahuat Yompor po'ñoñ. Ama't te' yapa'çho'ña pue'moñe'teñotetay o' cotare'terryeterr yaña. Ñeñto'marña Yomporpa' ama't e'ñe mameshapa' ama cohuenaye' entenaneto tarro'mar ñetpa' añe'na e'moñe'tenet allohuen pa'namen acheñenesha'. ¹⁶ Ñetpa' atarr epatare'tenyet attoch yeserrpare'tach po'poñ acheñ ñeñt ama judioneshayaye attoch ñetpa'çho'ña o'çh a'qeshpatare'terret. Attoña ñetpa' atarr nanac yorenat po'çhñaret. Tarraña te'ña Yomporpa' o' entatuerrmochanet po'yoroçhenña.

Secherra Pablo o'ch abcherraneta'

¹⁷⁻¹⁸ Ñama o'ch masheñeshacha' ñama noçhaneshacha' notas: Yaña po'ñoçh allempo çha'nmataterryet seshot allempoteñña ama't esempapa' ama yabçhanna'terro e'ñe teme'ttsen. Chemerrña te' yapa' o' e'ñe yaptamerra. Tarraña ama't ama allame'ttsa yabçhannopã yeyoçhronapa' e'ñe par-rocmatetsey. Yapa' çhocma yeseçhenañ o'ch yabçherra' ama't napa' allponoche'tats neseçhenañ. Tarraña oneñeñnãpa' çhocma epatare'teny. ¹⁹⁻²⁰ Tarro'mar sapa' saña ñeñtes atarr yocshatene'. Ama't allempoch huerra Yepartseshar Jesucristo sapa' saña ñeñtescha' atarr yeyemterra, ñeñtescha' atarr yocshaterre' allempo, tarro'mar sapa' ñeñtescha' yapataterre' ñeñtcha' atarr yocshatene'ña ya allempo.

3

¹ Allempoña na o'huañ na'huanta' ñeñt atto nellquënsa ñato' erroteno'tseneste', ñeñto'marña napa' e'ñe pocte' neñch o'ch alla na'pa napuet Atenso ² attoch nemñonas masheñ Timoteo ñach semo'terraya', ñach seserrpare'tatose' attoch e'ñe huomenc seřa' seyother ñeñt atto same'ñena. Ñach socshaterre' ello ñeñt atto same'ñena. Tarro'mar masheñ Timoteo ñapa'çho'ña atarr cohuen yetorrena parro Yomporcop. Atarr serrpare'tatyenanet cohuen ñoñets atto Cristopa' ña a'qeshpatañtetsa. ³ Ñach soctape'chaterre' e'ñe cohuen Yomporcop allochñapa' ama't atto atarr amueroçhtataretes, amachña ñeñto'ta sepurratsterro ama't puesheñarrofesa. Ñehua, sapa' e'ñe seño'teñ çhocmach huaponaya ñeñt amueroçhtatay yenten. ⁴ Allempo e'ñe allo'tsa'yenacmay allohueny e'ñe parro allempo yapa' atet o' yotuas çhocmach huaponaya mueroçhteñets. Ñeñtña te'pa' atetçho' o' ponasa, te'pa' e'ñefe' seño'teñ e'ñe po'ñoçh atet. ⁵ Ñeñto'marña ahuaña allempo o'huañ na'huanta' ñeñt atto nellquënsa naña allempo nemñe masheñ Timoteo attoch neñotas sapa' erroteneste'ña sa, ñato' atterate' sesen ame'ñaya Yompor. Napa' nellquëño'tpa' atet noten ñato'rraña oneñe't puetpateñofes o'te' çha queçhpatertes Yompor. Ñerra'm atet seperra

napa' atet noten ñeñĩ atto netorrena e'ñe socoppa' ñato'rraña ñeñĩpa' e'ñe'e' orrena.

⁶ Tarraña allempo huerra masheñ Timoteo seshot, ñapa' serrpare'tatuerrey cohuen ñoñets, sapa' attera e'ñe cohuen same'ñena, e'ñe cohuen attera semorrentannena. Ñaña serrpare'tatuerrey atto sapa' chocma seyerpuenya socsheñesha' ñaña atarr semneñ o'ch yabchannerra parro. Yapa'cho'ña e'ñe attecma atarr yemneñ yaña. ⁷ Ñeñto'marña masheñeshacha' ñaña nochaneshacha' yapa' ama't allohuen es yehuenoya ñaña ama'tcha' atarr yemuerochetuanena, te'ñapa' o' alla socshaterrey. Atto yeñoterres sapa' attera cohuen same'ñena ñeñĩña atarr yocshaterre'. ⁸ Atto sapa' e'ñe cohuen huomenc sepen seyo'cher Yepartsesharecop, napa' ñeñĩña e'ñe cohuen nocshatene' atto nocrena arr patsro. ⁹ Ñeñto'marña atarr nanac yeparasyoso'teñ Yompor socop. E'ñe yeyo'chropa' chocma yocshensa Yomporesho ñeñto'marña chocma yeparasyoso'teñ Yompor socop. ¹⁰ Chocma yenamueñ Yompor yeto ama't ñaña tsapo attoch yabchannerra. Atarr yemneñ o'ch yoctape'chaterra' erra'tsente'ña sepalltena attoch same'ñera e'ñe poctacma.

¹¹ Yompor Parets ñaña Yepartseshar Jesús ñetepa'chña yechapaterre'ña sesho. ¹² Yepartsesharepa'chña atontaterre'ña semorrenteña allochñapa' allo'nach nanac sesen morrentanna'tsa e'ñe sagattsa attochña allo'nach sesen morrentenaya allohuen acheñenesha', e'ñe atet yepena ya sapa' nanac yemorrentena. ¹³ E'ñe semorrentanna'teñ seyo'cherñapa' e'ñech huomenc pennas Yepartseshar Cristo. Ñerra'm atetcha' sepa' allempo'a amach errotent otteñe'chuerrsoña Yompor tarro'mar sapa' e'ñech cohuen es sortatyen Partsocop e'ñe tayoteñ. Attepa'chña entuerresña Yompor Parets ñerra'm allempoch huerra Yepartseshar Jesús. Esemppo po'ño'chpa' huerrach epuet allohuen ñeñĩ pueyochreshachno pen ñeñĩ e'ñe pocte' enten Parets.

4

Allo'nepa'chña cohuen yesen orrtatyesnene' ñeñĩ atet e'ñe pocte' enten Yompor

¹ Te'ña masheñeshacha' ñaña nochaneshacha' napa' o'ch notas, e'ñe yame'ñeñot Yepartseshar Jesús, sapa' allo'nepa'chña cohuen sesen orrtatyesnene' ñeñĩ atet e'ñe pocte' enten Yompor ñeñĩ yeychatuas ahuañmo'choteñ.

² Sapa' po'ño'chpa' o' señoter ñeñĩ atet yeychatuas e'ñe yame'ñeñot Yepartseshar Jesús attochña sapa'cho'ña o'ch sorrtyaten ñeñĩ cohuen enten ña. ³ Po'ño'ch ñeñĩpa' Yomporña muene'ña atet, sapa' o'ch sa'cohuentaretterra ñocop attochña ama't puesheñarrofapa' amach sechtatscheña ñeñĩ ama setaporeyaye. ⁴ E'ñe puesheña'ttsospa' chochña e'ñe seño'ch attoch e'ñe cohuen seyore coyanesha' ñeñĩcha' e'ñe ñapuef setapor sepa'. Atetpa' e'ñech pocte' entapretenes Parets, ama't ñaña allohuen acheñenesha'. E'ñechña cohuen senteñña setapor. ⁵ Amachña e'ñe añecpa seyoroña setapor attoch e'ñe socshaten sechets ñeñĩ atet pena po'potantañ acheñenesha' ñeñĩ ama eñotenaye Yompor. ⁶ Ama't puesheñarrofesapa' amach so'chña'tamñsatscheña semo'nasheñ, amach sechtapretatsche puetapor. Allohuen ñeñĩ atet ye'pa'pa' chocmach tsataterrya Yompor esempo. Ñeñĩpa' ahuañmo'choteñ e'ñe po'ño'ch o' yotuas. ⁷ Yomporpa' ama añecpaye' chore'tenye o'ch aña atet ye'pa'yes ñeñĩ atarr sosey, añecopña chore'tenye

o'ch e'ñe ya'cohuentataretterra ñocop. ⁸ Ñerra'm esesha'ch atpare'tene' ñeñt atet ney'chatenes ñetpa' ama acheñe'ye' po'ñoñ atpare'teneto, ñeñtpa' Yomporña po'ñoñ atpare'tenet ñeñfara Yompor ñeñt yapuene' Puecamquëñ ñeñtcha' ya'cohuentatene' e'ñe ñocop.

⁹ Atto semorrenteña allohuen masheñneshachnopa' te'ña sapa' ama sepalleno o'ch alla noterserr necartot, sapa' o' eñotateres Yompor attoch semorrantannerra allohuenes. ¹⁰ Po'ñoñ e'ñe semorrientueña allohuen ñeñt ame'ña'yetsa allemeñ Macedonio. Tarraña ama't atet sepenañpa' ellopa' o'ch masheñneshacha' ñaña nochaneshacha' alla noterserr: Allo'nepa'ch sesen morrentanna'tnomtsa e'ñe cohuen. ¹¹ Sapa' añcha'ña se'nen attoch e'ñe cohuen muechet sey'chena sa'netsro, amachña aña sorratatsetyeso attoch se'moñe'tannena. Ñaña o'ch alla noterserr e'ñe sa sotopa' thocmachña setaruasa'y'es ñeñt atet o' notuas. ¹² Cohuencha' setaruasa'y'es allochñapa' e'ñech cohuen entenes ama't ñeñt ama ame'ñetso. Ñaña sapa' añecopcha'ña setaruasa'y'es attoch amach'cha es sepalleno.

Attoch tantuerra ñeñt arromñañesha' allempoch huerra Jesús

¹³ Masheñneshacha' ñaña nochaneshacha' yapa' yemneñ o'ch e'ñe señoter erroteno'tsa'yente'ña ñeñt pame'ñeñoñ rromuets. Allochñapa' amach'atta atarr sellquënaneto ñeñt atet pena po'potantañ, ñetpa' ama es yemteneto. ¹⁴ Yapa' atto yame'ñeña Jesús ña ama't rroma ellopa' alla tanterra, yame'ñeña ñaña Yomporpa' attemmach tantatuerrey allohueney ñeñteycha' e'ñe yame'ñeñoñ Jesucristo yerrama.

¹⁵ Ñeño'marña te' sapa' o'ch neñotatas ñeñt atet eñotaterrey Yepartse-shar Jesucristo, ñeñtpa' atet ye'chatey: Allohueney ñeñteycha' orameñ corretsa allempoch huerra ña ñeñteycha' ama rromhuetsa' allempo, yañapa' amach yotam'pesyoña yanom ñeñt o' rromhua, añcha' ñanom oterrtsa ñeñt o' rromhua allotñapa' yamña ñeñtey orameñ corretsa, tarro'mar allem-popa' atetcha' perra. ¹⁶ Partsesha'pa' ñachña eñerrets huomenc ñaña ñeñt pa'm'cha'tareter pen allohuen mellaño'eññanasha' ñachña rrana'nerrrtsa, e'ñech allempocma e'morrterra ñaña Yompor po'pocor. Attochña ñapa' sohua'nerra pue'ntañot. Ñeñtña rromuets ñeñt ameña'nmaya Cristo ñetña allempopa' ñanmuetcha' tantrra'tuerret. ¹⁷ Allotñapa' yamña ñeñtey orameñ corretsa arr patsro a'tapatareteycha' yamña oso e'ñe parro epay ñeñt o' tantrra'tuena rromot attochña e'ñech parrocmayepocter Yepartse-shar eno. Attochña e'ñe allohueneypa' parro'tseneycha' epay Yepartse-shar e'ñe allem-poteñ errponañohuen. ¹⁸ Ñeño'marña sapa' thocmach seyerpatannena añ cohuen ñoñets attoch e'ñe cohuen sochatannena.

5

¹ Te'ña masheñneshacha' ñaña nochaneshacha' socoppa' ama pallteno o'ch alla noterserr añ necartot e'ñech esempo etsoterra allempoch huerraña Yepartse-shar. ² Tarro'mar sapa'cho'ña o' e'ñe señoter cherrcha' paterr yet allempoch huerra Yepartse-shar Jesús. Allempopa' e'ñech machayota huerra e'ñe atet ñerra'm esempo huennaya eñet tsapo e'ñech machoyota huapa. ³ Allempo amach'chena' ñeñt yeter allempoch huerra Yepartse-shar acheñenasha'ña arr patsro ñetñapa' atetcha' otyerret allempo: "Te'ña yapa' e'ñe cohuen muechet yeychena arr patsro. Yocoppa' ama't ahuatapa' amach eñalletteroña ñeñtcha' yeyore'tame'terre'." Tarraña e'ñech allorocma machayotach huerranet ñeñtcha' e'ñe a'cllatuerrahuet.

Allempo ama't puesheñarrapa' amach eñalleña attoch yeterret. E'ñech atet çherranet ñerra'mrrate' allempo atsotenana coyanesha' pue'mar amach eñalleña attoch yetam̄psana atto atserrpeñ pue'mar attoch amach atserrpe. ⁴ Tarraña saña po'ñoç masheñeshacha' ñaama noçhaneshacha' sapa' ama checmeto'tsenayaso ñeñt atet pena acheñenesha' ñeñt ama ame'ñetso. Sapa' e'ñe señoeteñ ñeñto'marña ama'tcha' machayota huerra e'ñe atet machayota huennaya eñeç, sañapa' amach çha seyorenatsto. ⁵ Tarro'mar sapa' e'ñe same'ñeñoç Cristo e'ñe señoeteññañ po'cohuenña ñeñto'marña napa' o'ch netma'ntatasa sapa' puetarenana'tarneshas ñaama yetena'tarneshas. Po'ñoç yapa' ama tsapo'marneshayayye ñaama ama checmeto'marneshayayye tarro'mar yapa' ama añeye' ye'paya'eno ñeñt atet pãtetyen ñeñt ama ame'ñetso. ⁶ Ñeño'marña o'ch notas: Yapa' amach çha yeçllatsto Yomporecop, tarro'mar ñerra'm atet ye'papa' çhach yottena ñerra'm çha yemuen Yomporecop atet pena po'potantañ ñeñt atta es pueçha'yetsa. Yapa' amachña çha yemanrra'tatsto çhochña e'ñe yeñotena attochña yeño'se're'tyesuena. ⁷ Ñehua, yeñoteñ ñeñt manrretspa' tsapoch manrrenet ñaama ñeñt posa'tare'tyetspa' tsapoch posa'tare'tyenet. ⁸ Tarraña yapa' yeto'marneshay ñeñto'mar çhocmuepa'ch e'ñe yeñoteñoç yeño'se're'tyesuena. E'ñe yame'ñeñoç Yomporecop ñaama yemorrentanna'teñoç ñeñña cohuanpene'ña yeyoçher Yomporecop attoch amach aña yoctape'chatsto ñeñt ama pocteye' enteno Yomporecop. Ñeñtpa' añ toma'ntena asrom atet ñerra'mrrate' ñeñt chorrena solltar ñeñt a'natene' puesomap allempo quellarena attoch ama etaretteneto. Ñaama yapa' yeyemteñoç Cristo te'ñapa' e'ñe a'qushpãtaretey ñeñtpa'çho'ña ñeñña yemoñenaya. Ñeñtpa' añ toma'ntena atet pena solltar o'ch na'nman asret poño attoch ama etto'taretteto. ⁹ Tarro'mar Yomporecop po'ñoçhpa' ama añeye' o'patatenyo attoch coñchatuerrey; yapa' añña o'patatenya attoch e'ñe cohuen a'qushpãtuerrey allohueny e'ñe yame'ñeñoça Yepartseshar Jesucristo ¹⁰ ñeñt rromats yocop, attochña ama'tcha' o' yoclla'huenañ allempoch huerra amapa' ñato' orameñ yocrenmeñ allempoch huerra atterayach yañapa' corretsayach epay ña e'ñe parro. ¹¹ Ñeño'marña te'pa' notenes, sapa' çhocmuepa'ch socshatannena Yomporecop. Chocmuepa'chña huomenc se'panna'ta seyoçher Yomporecop e'ñech atet sepa tayoteñ.

Pablopa' e'ñe cohuen cotape'chatyesanet

¹² O'ch masheñeshacha' ñaama noçhaneshacha' notas po'poñ, semçha'na'teñoçpa' e'ñepa'ch cohuen semorrenteña allohuen ñeñt torra'yetsa Yomporecop sesho tarro'mar ñetpa' e'ñe Partesheshot anarettenet ñeñtcha' añcha'tarettatsa socop, ñetcha'ña soctape'chatene'ña e'ñe cohuen. ¹³ Atto atarr torrenet Yomporecop sañapa' e'ñepa'chña cohuen sentenanet, atarrcha' semorrentenanet. Ñaama ama't allohuenes e'ñe sagattsapa' e'ñepa'chña cohuen sentannena attoch e'ñe cohuen seyçhena e'ñe señañesha'.

¹⁴ Ñaama o'ch masheñeshacha' alla noterrser ñeñtcha' atet sepa: Ñeñt atarr quellañtsotyets sesho sachña cotape'chaterrahuet cohuen attoch amach allo'na quellañtsoteneto. Ñaama ñeñt ama coshetso sachña e'ñe cohuen coshaterrahuet ñaama ñeñt ama huomencaye' penaye pueyoçher Yomporecop, sachña e'ñe cohuen coshaterrahuet attoch e'ñe huomenc perret ñamet pueyoçher Yomporecop. E'ñe allohuenet saña e'ñe semorrenteñoçanet ñetpa' çhocmuepa'chña e'ñe cohuen sa'huantenanet.

15 Ñańa sapa' ċhocmuepa'ch e'ńe cohuen seńotena allochńapa' ńerra'm po'psheneń errot' ponaspa' sapa' ama't e'ńe puesheńarrofesa amach setsa'tatatsche ama't cońe'ta. Ańcha'ńa e'ńechńa cohuen sepeń samo'ts ama't ńańa allohuen po'potantań achenesha'.

16 Ñańa sapa' ċhocmuepa'ch e'ńe cohuen socshena. 17 Ñańa ċhocmuepa'chńa sema'yochena.

18 Ñańa ama't erroteno'tsensa ċhocmuepa'ch separasyoso'teń Yompor tarro'mar ńeńpa' atet muenen e'ńe yocop allohuenacpay ńeńfey yemtenoya Puechemer ńeńf Cristo Jesús.

19 Ñańa amach satpare'tatsche ńeńf atet cotape'chatenes Parets Puecamquẽń e'ńe seyoċhro, tarro'mar ńerra'm atet seřapa' ċate' sa'huańaterrńań ńeńf atet eńotatyenes Yompor Puecamquẽńoť. ńeńpa' e'ńe atet ńerra'mrate' o' semayerrńań Yompor po'urare. 20 Ñańa amach atet sentatsche ńeńf atet eńoraten Parets Puecamquẽńoť ńerra'm ama asherbenaye' senteńe.

21 Allohuen ama't erra'tsena ċhocńa ńanom seńoch ńato' e'ńefe' cohuen ńato'pa' amate' cohuenayaye. ńeńf allohuen erra'tsencha' e'ńe cohuen sentyes ńeńfńapa' amach sequeċpatstere ama't ahuata. 22 Tarrańa allohuen erra'tsencha' ama cohuenaye' sentyeso ńeńfńapa' ċhosańa a'ypo'ńerre'.

23 Yompor ńeńf e'ńe yocshatene' yeyoċhro, ńepa'chńa e'ńe sa'cohuentaterre' e'ńe cohuen Partsocop. ċhocmuepa'ch allo'na sesen e'ńe cohuen allochńapa' ńerra'm esemepoch huerra Yepartseshar Jesucristo, socoppa' amach eńalleńa ama't cońe'ta attoch otteńe'ċhuerres ama't secamquẽńohuen, ama't seyoċhrohuen, ama't ńańa seċtsohuen.

24 Tarro'mar Yompor ńeńf o' ċhore'terres ńapa' ńa atarr ayemuetpotetsa, ńachńa setsotatue'ńa e'ńe ora allohuen ńeńf e'ńe cohuentetsa ńocop.

Arrpa' all so'terranet po'cartot

25 O'ch masheńeshacha' ńańa noċhaneshacha' notas, ċhocmach sema'yochamřpesya yańa.

26 Ñańa te'pa' nemneń o'ch nehuomċha'tas allohuenes ńeńtes ame'ńetsa.*

27 Ñańa te'pa' o'ch notas, e'ńe yerċha'na'teńoť Yepartseshar Cristo ań cartapa' o'ch selleyach allohuen masheńeshachńo ńańa noċhaneshachńo.

28 Yepartsesharepa'chńa Jesucristo sa'natenaya e'ńe allohuenes. ńeńfach notas, ńeńpa' atetepa'ch Nompore. Allohua.

Pablo

* 5:26 Po'ńoċ oteneý. "ċhoc setso'ttsa'pa'tannena ńerra'm esempo sehuomċha'tanna'tena ńeńf atet poċtetsa Partsocop." ńeńpa' atet yeċhete'ċ ahuat.

AÑ PUEPAÑ SAN PABLO PO' CARTA ÑEÑĪ QUELLQUËRRANERR TESALÓNICO'MARNESHA' 2 TESALONICENSES

Atto Pablopa' quellquërranerr carta añecop ñeñĪ ame'ñetsa anetso Tesalónico epuet Silvano ñaṃa Timoteo

¹ Masheñeshacha' ñaṃa nočhaneshacha' ñeñĪes allohuenes apčhetsa all anetso Tesalónico e'ñe seyemteñoĪ Yompor Parets epuet ñaṃa Puechemer Jesucristo ñeñĪ Yepartseshar yepen. Na Pablón o'ch alla nequellquërrnaserr po'poñ carta epan masheñ Silvano ñaṃa masheñ Timoteo. ² E'ñe nehuomñcha'teñoĪes sa napa' o'ch notas: Yomporepa'chñña sebensare'tañpene' ñeñĪara Parets epuet Puechemer Jesucristo ñeñĪ Yepartseshar yepen. Ñetepa'chñña socshatene' e'ñe sa seyočhro allohuenes.

Allempoch huerra Cristopa' a'coñchatarëterrach allohuen ñeñĪ ama eñotaye'te Yompor

³ O'ch masheñeshacha' ñaṃa nočhaneshacha' notas, e'ñe pocte' čhocmach yeparasyoso'teñ Yompor socop tarro'mar sapa' po'ñočh allo'na sesen ame'ña'nmaya Yompor ñaṃa allohuenes e'ñe puesheña'ttospa' allo'na sesen morrentanna'tyesnomtsa. ⁴ ÑeñĪto'marña yañapa' atarr yocshensa. E'ñe yocsheñoĪpa' atarr cohuen yeñosyen socop all allampaño'mar all apčha'yenet Yomporecop. Ñetpa' čhocma yeñotatyenanet atet sepena sa, ama't ñeñĪ se'moñe'tene' ñeñĪ čhocma soctare'tene' atto mueročhtatenset, tarraña sañapa' čhocma atarr sa'huantenanet e'ñe same'ñeñoĪ Yompor. ⁵ Ñehua, yapa' yeñoteñ Yomporpa' e'ñe pocte' es pa'yen. ÑeñĪto'marña yeñoteñ sapa' e'ñe same'ñeñoĪ ña, ñañapa' e'ñeca'ye pocte' entenes allochñapa' attoch sečherr all añcha'tarettena ña, sapa' ñeñĪecopña atarr sa'mueročhtatarettenaña te'.

⁶ Tarraña Yomporpa' e'ñe pocte' enteñ ñach tsa'taterraya mueročhteñtso allohuen ñeñĪ semueročhtatene' sa te'. ⁷ ÑeñĪ atto atarr semueročhtena te' e'ñe ñocop, Yomporñapa' e'ñe pocte' enteñ socop, ñachña ello socshaterre'ña sa e'ñe atet atarr coshateney ya. Yapa' ñeñĪcha'ña atarr yocshaterre' ñerra'm esempoch orretuerra Yepartseshar Jesús allempoch huerra pue'ntañoĪ. Ña po'ñočhpa' orretuerrach epuet po'millañoĪteññaneshar ñeñĪ atarr ahuamencatesha' pa'yen. Ñapa' e'ñech po'yorothenñoĪ huerra atet ñerra'mrrate' tso' huoretnets. ⁸ Allempoch huerrapa' coñchatuerrancha' allohuen ñeñĪ ama eñotaye'te Yompor ñeñĪ ama ame'ña'poye' entaye'te cohuen ñoñets ñeñĪ Yepartsesharecop Jesucristo. ⁹ Ñetñapa' attoch a'coñchatarëtterretpa' chenca'huerretcha' errponañohuen. Attoch ñetpa' o'ch ellopa'tetstataretterret amach entereto Yepartseshar, amach enterrñañoĪ po'cohuenña all nanac partsotena. ¹⁰ Ñapa' tarro'marcha' huerra attoch allohueney ñeñĪfey pueyochresha' pen Parets, yañapa' yecohuentatapuerrñañcha'. Allohueney ñeñĪfey ame'ñaye't atarrcha' yecuanrrortapuer. Sa'nachña cohuentatapuerre' tarro'mar sapa'cho'ña same'ñena cohuen ñoñets ñeñĪ yeñotatenes.

11 Ñeñto'marña yapa' chocma yema'yochanmpensa allochñapa' attoch Yomporpa' e'ñe pocte' entenes atto ñapa' o' chore'terres o'ch pueyochresha' perres saña. Ñaña yapa' añ yenamuennas Yompor e'ñepa'chña po'huamencot etsotatonasña allohuen ñeñt atet soctape'chyen cohuen ñocop ñaña ora ñeñt allpon setorra'yena e'ñe same'ñeñot ña. 12 Attochña sapa' e'ñech cohuen secohuentaterrñañ Yepartseshar Jesús, ñaña'cohuentaterrescha' saña. Ñeñtpa' e'ñe Yompor puemuereño'tey ñaña Yepartseshar Jesucristo.

2

Allempoch orrterra puesheñarr acheñ ñeñt atarr atparñatetsa

1 Te'pa' o'ch masheñeshacha' ñaña nocháneshacha' neñotatas po'poñ ñeñtpa' añ allempoch huerra Yepartseshar Jesucristo attoch ñapa' o'ch ap'chatuerrey allohueney e'ñe ñesho. 2 Te'pa' ñeñto'marña notenes: Ama't puesheñarrotesapa' ñato't cha yore'tensa'ña po'poñ cotapñats. Sapa' amach cha seyorenatsto ama'tcha' se'mare'ter o' cherr allempoch huerra Yepartseshar. Ama'tcha' otasetañ ñetpa' e'ño' Parets Puecamquëñ eñoratenahuë, sañapa' ñato'tña cha seyorena'. Ama'tcha' pueserrparño'fet atet otaset, sañapa' amach seyorenatsto. Ama'tcha' atet otasetañ te'pa' o' chap carta ñeñt mueñen Pablo ñeñtpa' atet oten carta, te'pa' o' cherr allempoch huerra Yepartseshar, saña e'ñe seyorño'pa' ñato'tña ñeññaña same'ñena'. 3 Ama't puesheñarrotesa sapa' amach se'mñotatstaneto ama't e'ñe errotench'a' otyesaset, tarro'mar ñetpa' atetcha' shecare'tasetañ. Ñeñto'marña napa' o'ch notas, allempopa' amaca'ye cherra' ñeñteño' ñeñte yetñatsroch huerra Yepartseshar, ato'tña atarr atonterra' ñeñtcha' quechpuerre' Yompor. Ñaña allempopa' orrterrach puesheñarr acheñ ñeñt atarr atparñatetsa, ñeñtpa' chenucheñesa o'patenaya. Ñaña'pa' Yomporach atarr e'moñe'terr ñaña allohuen acheñesha' ñeñt muechatse'tyene' pa'namen ñeñt po'yomporer pa'yenet ñachña e'ñe tanterrahuet. 4 Ñaña ñeñña atparñatpa' e'ñe pommo'cheño'pa' atetcha' oterran acheñesha' ñapa' ño'ña e'ñe Yomporeretets. Attochña ama't Parets pa'paclopa' o'ch anorruerr, o'ch e'ñe atet perra ñerra'mrrate' ña po'ño'ch Yomporeretets.

5 Sapa' ama't seyerpuenoña allempo allo'tsenmeñen sesho na ama't ñeñtpa' e'ñe notuase't. 6 Sapa' seño'teñte' ñeñt onare'tatene'ña ña attof amo' huerro tarraña chocmach orrterra allempoch cherr e'ñe atet onañcharef ñocop. 7 Ama't e'ñe tayoteñ atto atpare'tenet ñoñets ñeñt atet anaretpa' ñetña e'ñe a'nahuapa' chocma atet penet. Tarraña te'pa' eñall ñeñt onare'tatene' ñeñt acheñer ñeñtcha' atarr atparñaterrtsa, ñeñtña'pa' chocmach atet pena tarremphuach esempoch aprratam'psaretterra ñeñt onare'tatene'te'. 8 O'ch aprratam'psaretterrapa' ñeñña'acheñer ñeñtcha' atparñaterrtsa allempochña orrtaretterra. Tarraña allempoch huerra Yepartseshar Jesús ñachña e'ñe puenatemo'p'rerrrño'pa' ñeñtcha' muetserre'ña ñeñt atarr atparñatetsa. Attoch orrterra Jesús e'ñe ña po'partsoteño'f ñeñtcha'ña e'ñe a'mchechaterre'ña ñeñt atparñatetsa. 9 Ñehua, ñeñt acheñerpa' oneñe' atarr ahuamencat pene' attoch orrterra. Ñeñto'marña pa'namencha' orrtaterr ñeñt po'partsoña pen ña ñeñt ama't ahuata acheñesha' arr patsropa' ama't puesheñarrofetapa' ama puentareto. Tarraña ñeñt po'partsoteña pen

ñapa' ñeñtpa' ama Yomporeye' apuenaye, ñeñtpa' oneñeña apuene' atto shecare'tyenan acheñenesha'. ¹⁰ Attach e'ñe pa'namenot atarr shecare'tyerran acheñenesha' ñeñt ama't mameshapa' ama pocteyaye. Añcha' ashcaretterrtsa allohuen ñeñt ama ame'ñetso ñeñt o'patena chenquëñets. Tarro'mar ñetpa' ahuatoteñ ama ame'ña'poye' enteññañetoña Yompor po'ñoñ ñeñt e'ñe po'ñoçh alloch a'qeshpatareterretañ. ¹¹ Ñeñto'marña Yomporpa' muenaterranetcha' o'ch atarr ashcaretterret, attochña ñetpa' e'ñech añame'ñerret shequëñets ñeñt ama po'ñoçhayaye ama't mamesha. ¹² Attochña allohuen ñeñt ama ame'ña'poye' entaye'te Yompor po'ñoñ ñeñt e'ñe po'ñoçh qeshpeñets, ñetpa' añame'ña'poye' enteno Yompor, ñeñto'marña ñetpa' a'coñchatareterretcha' allempo.

Yapa' e'ñe ahuatoteñ acrerrey Yompor attoch a'qeshpaterrey

¹³ Tarraña saña masheñnesha ñaña noçhaneshacha', yapa' çhocma yeparasyoso'teñ Yompor socop ñeñes atarr muerena Yepartseshar. Tarro'mar Yomporpa' ahuatoteñ acrerres sa attoch a'qeshpaterres e'ñe cohuen. Ñeñtpa' añcha' sa'qeshpaterre' atto Parets Puecamquëñpa' e'ñe a'cohuentatenes ñocop atto sapa' e'ñe cohuen same'ñerrñaña po'ñoñ ñeñt e'ñe po'ñoçh alloch yeqeshperra. ¹⁴ Sapa' ñeñecopña çhore'terresña Yompor allempo yeserrpare'tatase't cohuen ñoñets alloch a'qeshpaterrey Yompor. Attochña sapa'çho'ña secohuentapreterach Yepartseshar Jesucristo esempohuañen.

¹⁵ Ñeñto'marña o'ch masheñneshacha' ñaña noçhaneshacha' noterrser: Sapa' e'ñepa'chña huomenc sepa'nom seyocher Yomporecop. Ñaña ora allpon ñeñt yeyçhatyesase't e'ñe ya yenamot yeserrpare'tatase't ama't ñaña yecartot ñeñtñapa' e'ñepa'ch huomenc seyochre'cha. ¹⁶⁻¹⁷ Te'ñapa' o'ch notas: Yepartseshar Jesucristo ñaña Yompor Parets ñetpa'chña e'ñe cohuen socshaterre'ña sa seyochro, ñetpa'chña ahuañenat sepa'yese' allochñapa' attochña sapa' çhocmach señosyen ñeñt e'ñe cohuen ñoñets ñaña e'ñechña cohuenare' es sorrtyaten. Tarro'mar Yomporpa' ñeñtña atarr yemorrentenaya, ñapa' ña ñeñt çhocma yocshatene' yeyochro. Ñeñtña cosheñetspa' amach ahuaññañterro ama't errponaña. Ña e'ñe puemuereño'pa' çhocma eñotateney e'ñe cohuen ñeñt atarr yeyemtena.

3

Atto Pablopa' otanet çhocmach ma'yochampeñet

¹ Masheñneshacha' ñaña noçhaneshacha' te'ña e'ñe allohuapa' o'ch notas: Sapa' çhocmach sema'yochampesya yaña. O'ch senamueñ Yompor attoch epa'huerra tecma Yepartseshar po'ñoñ erraparen, cohuenepa'ch entyeññañet po'ñoñ e'ñe atet atarr cohuen señch saña allempo çhap se-sho. ² Tarro'mar acheñenesha'pa' ama allohuenacmaye' ame'ñeneto, shonte' ñeñt atpare'tene' Yompor ñaña shonte' atsrre'mñañnesha' ñeñt ama cohuenayaye. Ñeñto'marña sapa' añcha' senamueñ Yompor amuepa'chña çha epatare'tatsetyeto. ³ Tarraña Yepartsesharpa' ñachña atarr yeyemtena, ñachña ahuañenat sepena', ñach secuanpene', ñach sa'nataya, amach muenatano o'ch çhaponasa ñeñt ama cohuenayaye. ⁴ Ñaña yapa' e'ñe yeyemteño' Yepartseshar sapa' e'ñe yeñotenes ñeñt atet yotenes sañapa' e'ñech atet sepena te' ama't ñaña tsapatone't çhocmachña atet sepena. ⁵ Yepartsesharepa'chña Jesús e'ñe cohuen señotatene'ña seyochro atto

Yomporpa' atarr morrentensa, attochña e'ñech cohuen sa'huanta' huanom allohuen topateñets e'ñe atet pe't Cristo.

Yocoppa' añ poctetsa chocmach yetaruasen

⁶ Te'ñapa' masheñeshacha' o'ch notas e'ñe Ya'mcha'tareter Jesucristo pa'so'chño, sapa' ñato't seyemteña'ña ñeñt atarr quellañets ñeñt amach mueno taruasa'. Ñeñt atet petsapa' ama mueno o'ch ame'ñanaña ñeñt atet yeychatenes. ⁷ Sapa' e'ñe señoñe añ poctetsa socop o'ch atet sepene sama e'ñe atet senteney ya. Yapa' allempo allo'tseney parro yapa' chocma yetaruasen. ⁸ Yapa' ama't errotena ama't puesheñarrapa' ama yerraprecheña puerrar e'ñe atta. Ñamche'ña yapa' chocma yetaruasen yeto e'ñe tsapome'tets attot yentña ya yerrar allempo allo'tseney sesho. Yapa' ama choye' ya'tsrre'mochtana'taso ama't puesheñarrofesa. ⁹ Ama't e'ñe poctey o'ch seratapyeñ e'ñe atta, tarraña yapa' ama yemno tarro'mar yapa'cho'ña yemneñ o'ch yetaruasos yamña allochñapa' attoch yorrtatonas ñeñt e'ñe cohuentetsa socop allochñapa' atetcha' sepa sama. ¹⁰ Allempo allo'tseney seshopa' atet yotas, ñerra'm esesha'ch atarr quelletspa' arepa'ña rratstats, rranepa' po'çllañ. ¹¹ Yapa' ye'mare'tenes puesheña'ttsos sapa' seçllaño'pa' atta sellapene't, ama choye' setaruaseno ama't mamesha, añaña e'ñe setorra'yena sa ñeñt ama es sherbeno. ¹² Allohuenes ñeñtes atarr quellañsarerespa'te'pa' o'ch notas e'ñe Ya'mcha'tareter Jesucristo pa'so'chño, sapa' choñaca'yeña setaruasa'ña e'ñe cohuen señañesha' attotcha' sechen allpon ñeñt sepa'llta'yena arr patsro.

¹³ Ñaña sa masheñeshacha' ñaña nochaneshacha', sapa' ñato'tña cha semuenme'chena'ña orrtatyese' cohuen ñeñt attecma sepa'yena. ¹⁴ Ñerra'm esesha'ch ama e'mñotaye atet yotenes añ yecartot, ñeñtña acheñerpa' o'ch se'ñotortach ñapa' chocma atet pena. Sañapa' ñato'tña seyemteña'ña ñeñt atet petsa, allochñapa' attotcha' penquerra. ¹⁵ Tarraña amach atet sentatsche ñerra'mrrate' cho se'moñe'teñ. Sapa' chochña e'ñe cohuen soctape'chater atet e'ñe cohuen yoctape'chateñ yemo'nasheñ.

Arrpa' all so'terranet po'cartot

¹⁶ Yepartseshar ñeñt e'ñe yocshatene' yeyochro ñepa'chña socshaterre' sa seyo'chro ama'tcha' erroteno'tsenes. Yepartsesharpa' e'ñepa'chña parro allo'tsenes allohuenes.

¹⁷ Na ñeñten Pablon arrpa' nequellquëño' e'ñe na nototpa' o'ch nehuom'cha'tnerres. Sapa' ñeñtcha'ña señoñate' añmapa' e'ñe no necarta. Allohuen ñeñt e'ñe no necartapa' attecma nequellquëñ. ¹⁸ Yepartsesharepa'chña Jesucristo sa'natenaya e'ñe allohuenes. Ñeñtach notas, ñeñtapa' attetepa'ch Nompore. Allohua.

Pablo

AÑ ÑANOM SAN PABLO PO' CARTA ÑEÑT̃ QUELLCAN TIMOTEO 1 TIMOTEO

Atto Pablopa' quellcan carta Timoteocop

¹⁻² Masheñe Timoteo ñeñfeṣ e'ñe yame'ñeñoṣ e'ñe atet nenteneṣ ñerra'mrrate' e'ñe nechemer nepeneṣ, na Pablon pequellqueneña añ carta ñeñfen Jesucristo puellsensaren, tarro'mar ñeñpa' atet llesenserren Yompor Parets epuet Puechemer Jesucristo ñeñicha' nanac yeyemterra. Ñeñpa' ñeñtara Yompor ñeñt̃ Ya'queshpatañer yepen, ñaña ñeñtara Puechemer Jesucristo ñeñt̃ Yepartseshar yepen. Te'pa' e'ñe nehuomcha'teñoṣep̃pa' o'ch notap̃, Yomporepa'chña pebensare'tampene' ñeñt̃ nanac Parets epuet Puechemer Cristo Jesús ñeñt̃ Yepartseshar yepen. Ñetepa'chña pemuerenaya. Ñetepa'chña p̃ocshatene' e'ñe pa peyoṣhro.

Timoteopa' ña cotape'chaterrahuet cohuen all anetso Efeso all aychatarettenet po'poñ cotapñats

³ Ñaña te'pa' o'ch notap̃, ahuañmo'cha allempe nesechena o'ch ahuen Macedoniopa' atet notnomueṣ, papa' allach pa'pa Efeso attoch p̃ach cotape'chatyese' ñeñt̃ yeṣhatyets po'poñ cotapñats, attoch ñetpa' amach allo'na yeṣhatneneto ñet poctapñet ñeñt̃ ama po'ñoṣhoyaye. Te'pa' ñeñt̃ecopña nequellquennaṣ añ carta allochñapa' o'ch alla neyerpaterrper.

⁴ Ñaña te'pa' p̃ach otyesahuet attoch amach allo'na cotape'chatyenesneto e'ñe ñet pueserrparñet ñeñt̃ ama po'ñoṣhoyaye. Ñaña p̃ach otyesahuet attoch amach allo'na cotape'chatyenesneto ñeñt̃ atet serrpare'tatyesanete't pa'tañneshañ. Tarro'mar ñeñt̃ serrparñatspa' atta nanac moññe'tateñet acheñenesha'. Ñeñt̃pa' ama añecpayaye alloch e'ñe yeñoter erra'tsente' e'ñe po'ñoṣ alloch yesherber Parets ñeñt̃ atet muenen ña. Añña e'ñe yame'ñeñoṣa Cristopa' o'ch yeñoter.

⁵ Yomporpa' añña muenen o'ch yeychach acheñenesha' amorrentanna'tpahuepa'ch allohueney. Tarro'mar e'ñe yame'ñeñoṣ Cristo poctacma arrña yeyoṣhropa' e'ñech cohuenare' yoctape'chyen Yomporecop. Ñaña e'ñech yeñmañesha' yoctape'chen cohuen. ⁶ Tarraña puesheña'tets acheñenesha'pa' ahuo't alla queṣhpa'huerret ñeñt̃ atet muenen Yompor. Ñeñt̃ña atet serrpare'tatenet po'poñ cotapñats, ñeñt̃ñapa' ama es sherbeno ama't mamesha Yomporecop. ⁷ Ñetpa' añña muenenet ahuo'ch orrtet atet ñerra'mrrate' nanac etsotenet añ ñoñets ñeñt̃ atet anaret judioneshacop ahuat. Tarraña ama't atet penetañpa' amaña eñoteñeto este ña yeṣhateneyña añ ñoñets ñeñt̃ ṣhocma serrpare'tenet. Ama'tcha' ñeñt̃ña nanac torrenetañpa' amachña ṣhenaneto pueyoṣhro ñeñt̃ po'ñoṣ atet yeṣhateney ñeñt̃ ñoñets.

Attoch yeñoch eseshacopte' sherben añ ñoñets ñeñt̃ atet anaret

⁸ Ñehua, allohueneypa' e'ñe yeñotueñ, ama't erra'tsena ñoñets ñeñt̃ atet anaret ñeñt̃cha' atet yeṣapa' ṣhocma sherben ñerra'm añecop yesherbaten añ ñoñets ñeñt̃ atet muenen Yompor. ⁹ Ñaña allohueneypa' e'ñe yeñotueñ añ ñoñets ñeñt̃ atet anaret ñeñt̃cha' atet yeṣapa' ama añecpaye' anarete

acheñeneshacop ñeññ cohuenare' es pa'yets, tarro'mar ñetpa' o' ye'cha'hueñet e'ñe poctacma. Ñeññpa' añecpa anaret añ acheñrecop ñeññ ama es otapes-pahuo, ña'ña ñeññ nanac atpare'tetsa, ña'ña ñeññ ama es chenoyo pueyo'chro ñeññ cohuentetsa Yomporecop, ña'ña ñeññ nanac ochña'tare'tets, ña'ña ñeññ ama añcha'na'tpo' entenaye Yompor po'ñoñ, ña'ña ñeññ ama't Paretspa' achm'are'teñcha'. Ña'ña añecpa anaret añ ñoñets añ acheñrecop ñeññ amt-sañtetsa, ña'ña ñeññ muetsene' pompor, ama't ña'ña pachor. ¹⁰ Ña'ña añecpa anaret añ ñoñets añ acheñrecop ñeññ cañoresha'tets, ña'ña ñeññ aguene' pacma, ña'ña ñeññ a'yetyene' acheñ, ña'ña ñeññ atta toma'tyets, ña'ña ñeññ shecare'tyets ama'tcha' atarr huomenc nenaneñña po'ñoñ Yompor pa'so'chño, ña'ña ama't erra'tsente' acheñer ñeññ atpare'tene' ñeññ atet cohuen yechatene' Yompor po'ñoñ. ¹¹ Ña'ña ñeññ atet yechatene' Yompor po'ñoñ ñeññpa' ñeññfara cohuen ñoñets ñeññ alloch a'q'eshpaterrey Yompor e'ñe po'cohuenño, ñeññfara Yompor ñeññ nellsenserre' na o'ch neserrpare'toñ po'ñoñ, ña'ña ñeññfara Yompor ñeññ atarr ya'ye'cho'chtatyen allohuene'.

Atto Pablopa' atarr parasyoso'ten atto atarr ahuamencat per Yompor

¹² Tarraña ama't ña nellsenserrayeñpa' napa' nanac neparasyoso'teñ Yepartseshar Jesucristo tarro'mar atto nanac ahuamencat pa'n. Ña'ña nanac neparasyoso'teñ Yompor, tarro'mar ñapa' e'ñe pocte' enterren o'ch nesherber ¹³ ama't na ahuatpa' nanac nachm'are'che't Cristo, ña'ña nanac noctare'che't ñeññ ame'ñaye't ña, ña'ña nanac na'tserrpa'yesanete't. Tarraña ama't atet nepe'tpa' Yomporpa' ama coñe'ta morrenterno tarro'mar allempopa' ama es nechenoyo neyo'chro, ña'ña allempopa' ama name'ñe'te. ¹⁴ Tarraña Yomporpa' ama coñe'ta morrenterno, ñeñño'marña ame'ñataterna attotña te'pa' e'ñe neyemteñoñ ñapa' nemorrentera allohuen acheñenesha'.

¹⁵ Ñeñño'mar te'pa' o' neñoter añepa'tña ñoñets ñeññ e'ñe po'ño'ch: Cristo Jesús'pa' añecopña huapa añ patso attoch a'q'eshp'atosan allohuen ochña'fenesh'a'. Ñeñño'marña te' napa' neñotena, allohuen ñeññ ochña'fenesh'a'pa' na ello metana'tuenahuet po'chñaret. Ñeñño'mar te'pa' añ poctetsa o'ch yame'ña'huerra ñeññfara añ ñoñets. ¹⁶ Ñeñño'mar Yomporpa' attotña peretnerren na, ama't napa' nanac ochña'fen, allochñapa' attoch eñochet ama't erra'tsente' acheñer ñeññ nanac ochña'fpa' attera nanac morrenteña Jesucristo. Allochñapa' ñerra'm esesha'ña ame'ñerrayapa' ñetñapa' corretsetach pocsheñeshocmañen tayoteñ e'ñe errponañohuen. ¹⁷ Ñeñño'marña te'pa' nanac nochsheñoñ noten, amorrentpahuepa'ch Yompor ñeññ partsotets e'ñe ñapueñ ahuatoteñ errponohuañen, ñeññfara ñeññ ama arromña'eshayaye ama't ahuata, ñeññ ama't eseshapa' ama puentare, ñeññfara ñeññ e'ñe ñapueñ eñotañ. Ñeñño'marña yecohuentatoñepa'ch tayoteñ errponohuañen. Ñeññpa' atetepa'ch Nompore.

Añpa' ñeññ atet otan Timoteo ñeññcha' atet pa

¹⁸⁻²⁰ Te' masheñe Timoteo ellopa' o'ch alla noterrperr po'pocheño ñeññcha' atet pe'pa, tarro'mar atet nentene'p atet ñerra'mrrate' e'ñe nechemer nepene'. Te'pa' e'ñech peyo'chrocmañen petorra Yomporcop atet ñerra'mrrate' cho ye'clarena. E'ñe pame'ñeñoñ Cristo e'ñech peñmañeshocmañen es porrtatyen. Napa' añ noctape'chen ñeññ atet eños e'ñe cohuen pocop ahuam'imo'cha ñeññ a'mtene' ñoñets Yomporeshot. Ama't papa'

chocmuepa'ch peyerpa ñeñt atet a'pocpat ꝑocop, tarro'mar ñeñt atet eños ꝑocoppa' ñeñtcha' allo'na ahuamencat pepene'. Ñaña chocmach ꝑame'ñya Cristo e'ñe cohuen e'ñe peñmañesha', tarro'mar ñerra'm ama e'ñe yeñmañesha' yoctefe Cristopa' ñato' acoponetpa' o'huañcha' yame'ñera Cristo. Ñeñt atet ꝑa ahuaña epsheña yacma ñeñt pa'so'cheñ Himeneo ñaña Alejandro, ñaña po'poñechno acheñ ñeñt atet petsa. Ñeñfo'marña napa' napuenanet oneñet ñeñtara epsheña yacma attoch ñapa' o'ch muerochtatanet allochñapa' o'ch eñochet ama achmāre'tpahuo Yompor.

2

Atto e'ñe pocte' o'ch yema'yochamꝑesya ñaña ama't amcha'taretechno

¹ Te'pa' o'ch notap ꝑo'poñ ñeñtcha' atet ꝑoctape'chatyeshcheñesha' ñeñtcha' atet pet. Ñanompa' ma'yochamꝑesyetepa'ch allohuen acheñesha', ñaña enamatoñetepa'ch acheñesha' Yompor, ñaña parasyoso'chetepa'ch Yompor. ² Ñaña ma'yochamꝑesyetepa'ch allohuen amcha'taretechno ama't ñaña gobiernō'. Allochñapa' attoch Yomporpa' cotape'chatanet e'ñe cohuen attoch amcha'taretet e'ñe cohuen, allochñapa' attoch yocrrena yama e'ñe cohuen muechet. Ñerra'm atet penetpa' attochña eñall ñaña yocop attoch yema'yochrena e'ñe cohuen Yomporecop, ñaña attoch e'ñe cohuen yentanna. ³ Ñerra'm atetña yepenapa' e'ñech cohuen enteney Yompor ñeñt Ya'qushpatañer yepen. ⁴ Tarro'mar ñapa' mueneñ allohuen acheñesha'pa' o'ch a'qushpaterranet, ñaña mueneñ o'ch eñotatuerranet añ ñoñets ñeñt e'ñe po'ñoçh Yompor po'ñoñ. ⁵ Tarro'mar yapa' yeñoteñ Yomporpa' e'ñe patrra. Ñaña yeñoteñ e'ñe puesheñarra ñeñt chocma eñets yocop Yomporesho, ñeñtara Yompor Puechemer ñeñt Jesucristo ñeñt acheñetsets arr pat-sro. ⁶ Ñaña ñeñtara ñeñt ar'royatsa e'ñe ñañeña attoch puerromueñoñ ñapa' o'ch tsa'tuonaya yo'chñar e'ñe allohueney ñeñfey acheñey. Ñeñtpa', atet orrtatonay Pompor allochñapa' attoch yeñoch ñeñt atet cotape'chen ña. Allempoña chap allempo e'ñe pocte' enteñ Pompor o'ch chap añ patsropa' allempoña e'ñe eñotatey ñeñtapa't atet cotape'chen Pompor. ⁷ Ñeñfo'marña napa' na allsensaret atto nach chopeñe'chats erracmañen atto e'ñe na nerserrpare'tateño'tpa' o'ch name'ñatyesanet ñeñt e'ñe po'ñoçh Yompor po'ñoñ, ama't ñeñt ama judioneshayaye. Ñeñt atet noten e'ñe name'ñeñoñ Cristo ñeñtpa' e'ñe po'ñoçh tarro'mar ñeñtpa' ama shequēntsoyaye.

Añ poctetsa e'ñech yeñmañesha' yema'yochena

⁸ Ñaña napa' nemneñ ora ama't errate' ap'cha'yenet Yomporecoppa' añ yacmanesha' allempo echantenet pot puema'yocheño'tetpa' e'ñepa'ch pueñmañesha' ma'yochenet, amachña cha po'poñ entueneto pueyoçhro, ñaña amach cha atsrre'moçhen entueneto. ⁹⁻¹⁰ Atet ñaña coyanesha'chnopa' chorretepa' atet chorra'yena po'potantañ pacmanesha' ñeñt po'ñanesha'. Amachña añ chorra'yestatseto attoch aye'charettenet e'ñe ñet po'l'chapota. Ñaña pue'chetpa' e'shorretepa' atet e'shorra'yena po'potantañ. Añña ama pocteyaye o'ch añ ma'yochret attoch añño'tet e'ñe cohuen pue'ch. Añño'tepa'chña orrtet e'ñe cohuen atto amuerañtenet, ñaña atto cohuenare' es ꝑa'yenet. Amachña añ cohuen orrtatenahueto atto na'yenet oro, amapa' seretsma't ñeñt nanac tsa'te', ñaña atto es chorra'yenet ñeñt nanac

cochnesha' ñeñt nanaccha' tsa'te'. Añepa'chña atet penet ñeñt e'ñe cohuentetsa Yomporecop, ñeñt poctetsa coyanesnacop ñeñt otets ñapa' o' ame'ñerrana Yomporecop. ¹¹ Ñaña allempo sap'chena Yomporecoppa' añ coyanesnacop e'mñotetepa' e'ñe muetsoñnen attoch es eñotet. Amachña cha atpare'teneto ama't mamesha. ¹² Ñaña allempo sap'chena Yomporecoppa' napa' ama pocteye' nenteñe coyanesna'pa' o'ch ye'chaten all chorren allohuen yacmanesha', ñaña amach pomnaren patstano yacma. E'ñepa'chña mam'tetenet allempo sap'chena Yomporecop. ¹³ Tarro'mar Adánpa' ñanom aye'chcataret acheñ, allotpa' ñaña Eva ñeñtcha' puetapor pa' Adán. ¹⁴ Ñaña Adánpa' ama esesha' shecaye. Aña shecoñet puetapor Eva, allot orra atparñats Yomporecop. ¹⁵ Ñeñto'marña te' allempo cheyore'ten coyanesna'pa' e'ñech pa'llpuepñoña cheyore'ten. Tarraña ama't atteñpa' Yomporecoppa' chocmach yenpueñ attoch chocma qeshpenet e'ñe cohuen, ñerra'm po'ño'ch chocma ame'ñenet, ñaña ñerra'm chocma amuerañtenet, ñaña ñerra'm e'ñe cohuen es orrtatyenet Partsocop, ñaña ñerra'm e'ñe cohuen ye'chenet.

3

Attoch ye'ño'ch erra'tsente' pocte' ñeñtcha' yena' am'cha'taret puerahuo

¹ Te'pa' o'ch notap' po'poñ ñeñt e'ñe po'ño'ch atet. Ñerra'm esesha' muenats o'ch am'cha'taretta allohuenacop ñeñt ame'ñetsa ñeñt atarr muenene' o'ch torrena Yomporecop ñeñt'pa' e'ñe poctet' ñeñt atarr mueneneñ tarraña e'ño'chepa'chña atarr torrapo' attoch e'ñe cohuen orrtatyesan ñeñt atarr sherbets. ² Tarro'mar ñeñt muenets o'ch am'cha'taretta allohuenacop ñeñt ame'ñetsapa' añcha' se'n ñeñt etsotuene' añe'chno. Ñeñtcha' sena' am'cha'taret'pa' añcha' se'n ñeñt e'ñe cohuenare' es pets. Ñeñt ama't ahuatapa' amach eñalle attoch tanmare'cha acheñenesha' ama't mamesha. Ñaña ñeñtcha' pa'm'cha'tareter pa'yes allohuen ñeñt ame'ñetsapa' añcha' sena'yes erra'tsente' senten e'ñe patrra puetapor pen (ñerra'm ataporet), ñaña ñeñt nanac ma'yo'chrenaya ñeñt cohuentetsa Yomporecop, ñaña ñeñt e'ñe eñotuene' ñeñt cohuentetsa, ñaña ñeñt am'cha'na'tpo' entuen allohuen acheñenesha'. Ñaña añ e'ñe pocte' o'ch am'cha'taretta ñeñt e'ñe cohuen aguene' acheñenesha' pa'paclo, ñaña ñeñt e'ñe cohuen ye'chatene' acheñenesha' Yomporecop po'ño'ñ. ³ Ñaña añcha' se'n ñeñt ama posa'tare'tetso, ñaña ñeñt amach orroñateyaye. Ñaña añcha'ña se'n ñeñt e'ñe cohuen muerenana pamo'ts, ñaña ñeñt ama atsrre'mñateyaye, ñaña ñeñt ama nanac ye'chapretetso quelle ñeñt apenco'chenot o'ch gana. ⁴ Ñaña ñeñtcha' am'cha'tarettatsapa' añcha' se'n ñeñt e'ñech cohuen ame'ñatuenana puechemeresha', ñaña ñeñt e'ñech mecha'na'tueñ allohuen ama't ñeñt parro ye'chena. ⁵ Tarro'mar ñerra'm ama eñotenano attoch e'ñe cohuen ame'ñatuana ñeñt parro ye'chenapa' amachca'ye cohuenaye' am'cha'tarettoña allohuenacop ñeñt ame'ñenaya Yomporecop. ⁶ Ñaña ñeñtcha' am'cha'tarettatsapa' amach añ senatsto ñeñt errete' ame'ñetsa, tarro'mar ñerra'm añ sena' am'cha'taret ñeñt errete' ame'ñetsapa' ñeñt'pa' amach e'ñe eñotuenano ñeñt cohuentetsa Yomporecop, allemppa' e'ñe ña pa'm'cha'taretteño'pa' chate' atarr om'mo'cha. Tarro'mar ñerra'm cha yommo'chapa' ñeñt'pa' ama pocteye' enteñe Yomporecop. Chate' ahuapore'taretey atet pet ahuat oneñe e'ñe

pommo'cheñoŕpa' ahuo't huapore'chet. ⁷Ñaña ñeñŕcha' añcha'tarettatsapa' añcha' sena' ñeñŕ ama't ñeñŕ ama' ame'ñetsopa' e'ñech cohuen entueñet ñamet. Tarro'mar ñerra'm nanac sasare'teñ ñeñŕ ama' ame'ñetso, e'ñe puesasare'teñoŕtetpa' ñato'rraña çhate' oneñeŕpa' nanac topachpa' ellopa' o'te' alla nanac atpare'terran Yompor.

Attoch yeñoçh ñaña erra'tsente' pocte' ñeñŕcha' yena' diácono

⁸Attecmach pa' ñaña ñeñŕcha' sherbets Yompor pa'paclo, ñeñŕ otenet diácono. Ñeñŕcha' sherbatspa' añcha' se'n ñeñŕ añcha'na'tpo' entuen allohuen acheñenesha', ñaña ñerra'm erroŕ oŕpa' amach shequëno, ñaña ñeñŕ ama' posa'tare'tetso, ñaña ñeñŕ ama' nanac ye'chapretetso quelle ñeñŕ apençohenot o'ch gana. ⁹Ñaña ñeñŕcha' sherbats Yompor pa'paclopa' añcha' se'n ñeñŕ e'ñech pueñmañesha' ma'yoçhrenaya ora ñeñŕ atet yame'ñera Cristo ñeñŕ e'ñe po'ñoçh cohuen. ¹⁰Ñeñŕto'marña añ pocte' çhoch ñanom secue' ñeñŕcha' sena' diácono. Ñerra'm atette' pena ñeñŕ atet o' notuapa' ñehua, pocte' o'ch sene' ñeñŕcha' sherbats Yompor pa'paclo. ¹¹Attecmach ñaña coyanehaçhnopa' añcha'na'tpo'ch enteñ allohuen acheñenesha', ñaña amachña atŕa nanac puetomañenteneto, ñaña ñeñŕ nanac ma'yoçhrenaya ñeñŕ cohuentetsa Yompor, ñaña e'ñech cohuen cotape'çhenet Partsoçh. ¹²Ñaña ñeñŕcha' sena' diáconopa' añcha' sena' erra'tsente' senten e'ñe paŕra puetapor pen (ñerra'm ataporeŕ), ñaña erra'tsente' senten ñeñŕ e'ñe cohuen ame'ñatuenaya puechemerasha' ñaña ñeñŕ e'ñe cohuen ame'ñatuenaya ñeñŕ parro yeçhena pa'paclo. ¹³Tarro'mar ñeñŕ e'ñe cohuen sherbets atet ñerra'm diáconopa' e'ñech cohuen entueñ allohuen acheñenesha', ñaña o'huañcha' pomçha'nañoŕayaya serrpare't ama't e'ñe mamesha' atto atarr ame'ñenana Cristo Jesús.

Ñeñŕ atet cotape'chateney Yompor attoch yame'ñerapa' ñeñŕpa' nanac coçhnesha' ama't ahuatoteñpa' ama' eseshaye' eñotenaye

¹⁴Te'pa' o'ch notaŕ po'poñ. Napa' neseçhenañ o'ch naŕçherrpa'. ¹⁵Tarraña ñerra'm ama' nehuapopa' amach sepallteno sapa' o'ch señoçh ñeñŕcha' atet sepa, tarro'mar o' notuap añ necartot ñeñŕcha' atet sepa ñeñŕes parro same'ñeña Yompor, ñerra'm esempo sapçhena Yompor, ñeñŕara Yompor ñeñŕ ama' arromñaŕeshayaye. Ñaña ñeñŕara Yompor ñeñŕ e'ñe yame'ñeñoŕ allohueneypa' çhochña yorrtatyen ñeñŕ e'ñe po'ñoçh Yompor po'ñoñ amachña çha ya'nasoteño. ¹⁶Ñaña yapa' yeñoteñ ñeñŕ atet cotape'chateney Yompor atto yame'ñerapa' ñeñŕpa' nanac coçhnesha' ama't ahuatoteñpa' ama' eseshaye' eñotenaye. Añpa' ñeñŕ atet ya'çhoteñ Cristo: Ama't Pareŕspa' o' acheñetos añe patsro, tarraña Yompor Puecamquëñoñña nanac ahuañençattosa ñeñŕ eñotatene'ña acheñenesha' ñapa' e'ñe po'ñoçh cohuen. Ama't allohuen mellañoŕeñnanesha'pa' e'ñe entuoŕete't ñeñŕ atet pa'yese't añ patsro, ñaña ñeñŕ ame'ñaye'tpa' çhocma a'potet Cristo erracmañen arr patsro ama't all ama' judioneŕshayaye. Ñaña shonte' acheñ ame'ñerraya Cristo, allotña Yompor po'cohuenñoŕpa' o' alla aguër pue'ntaño.

4

Atto esempohuañenpa' puerruerrach patantarr ama't ñeñŕ ame'ñetsa te'

1 Te'pa' o'ch notañ po'poñ. E'ñe po'ño'ch atet eñotateney Parets Puecamquëño'. O'ch mellapoterrmochapa' puerruerrach patantarr acheñ ama't ñeñt ame'ñetsa te'. Allempopa' o'ch alla ame'ñeret ñeñt ashcañtetsa, ñaña o'ch aña ma'yo'chrerret oneñet poctapña. 2 Tarro'mar o'ch alla ame'ñeret acheñ ñeñt ashcañtetsa, ñeñtara acheñ ñeñt ama es thenoyo pueyo'chro ama't mamesha ama't allempo o' achñare'tuan Yompor. 3 Ñaña ñeñtara añ acheñpa' o'ch otyenan acheñenesha', ama pocteyaye o'ch sesna'ta. Ñaña ama pocteyaye o'ch es serratse'tyes. Tarraña allohuen ñeñt yerrenpa' e'ñe pocte' o'ch yerreñ, ñeñto'mar ye'chcach Yompor ñeñtcha' yerren. Tarro'mar ñeñt'ey o' yeñoterr ñeñt e'ñe po'ño'ch Yompor po'ñoñ, ñaña ñeñt'ey ame'ñetsapa' e'ñe pocte' o'ch yerren e'ñe yema'yocheño' Yompor. 4 Tarro'mar allohuen ñeñt ye'chcatua Yompor ñeñtcha' yerrenpa' e'ñe cohuenacma, ñeñto'marña amach errotent' yoto ama pocteyaye o'ch yerre'. Añña pocte' 'chocmach es yerren e'ñe yeparasyoso'teño' Yompor. 5 Yema'yocharñpeño' yerrarpa' e'ñe pocte' Partsocop o'ch yerreñ, tarro'mar ñeñt'pa' atet oteney Yompor.

Atto Timoteo atarr cohuen sherbenan Jesucristo

6 Te'pa' o'ch masheñe Timoteo notañ po'poñ. Ñerra'm atetcha' pey'chatyes acheñenesha' ñeñt ame'ñetsa ñeñt atet o' notua'ppa' allempoña po'ño'chpa' e'ñech cohuen peshereb'ñe Yepartseshar Jesucristo. Tarro'mar atto poctape'cheññan Yompor po'ño'pa' ñeñtcha'ña allo'na ahuañencat pepene'. Ñaña atto poctape'chen e'ñe cohuen Yomporecoppa' ñeñtcha'ña allo'na ahuañencat pepene'. 7 Ñaña amach pe'mñotatsto serrparñats ñeñt ama añeyaye ñeñt atet ye'chateney Yompor po'ñoñ attot yame'ñera Cristo, tarro'mar ñeñt'pa' ama es sherbeno. Añcha'ña pema'yo'chra ñeñt atet ye'chateney Yompor po'ñoñ. 8 Ñaña añcha'ña o'ch pema'yo'chra attoch huomenc pe'pa' peyo'cher Yomporecop. Atet pena po'potantañ acheñenesha' ma'yo'chraya attoch huomencatet e'ñe ñañeñeta po'chets, ama't ñeñt'pa' ama tama es sherbeno. Tarraña papa' añcha'ña pema'yo'chra attoch huomenc pe'pa' peyo'cher Yomporecop, tarro'mar ñeñt'pa' ello nanac sherben attoch yocrra cohuen añe patsro, ñaña sherben attoch ello yocrra'huerra cohuen esempohuañen. 9 Ñeñt atet notene'ppa' e'ñe po'ño'ch atet, ñeñto'marña añ pocte' o'ch ame'ñyet allohuenet. 10 Ñeñto'marña te'pa' ama't e'ñe yemuero'chteño'pa' 'chocma yetorrena Yomporecop, tarro'mar ñapa' ñach yeyemterra e'ñe poctacma, ñeñt Yompor ñeñt ama arromñatashayaye, ñaña ñeñtara Yompor ñeñt Ya'qushpatañer yepen allohueney añecop ñeñt'ey ame'ñenaya.

11 Te'pa' ñeñt atet o' notua'ppa' ñeñtcha' atet potyes acheñenesha' ñeñtcha' atet pet, ñaña e'ñech cohuenacma pey'chatyesanet. 12 Ñaña 'chocmach porrra e'ñe cohuen acheñenesha'cop, attoch ñetpa' e'mñotapet ama't papa' nanac huepuesha'. Ñaña 'chocmach porrra cohuen ama't atet pe'ñorena, ñaña ama't allempo es pe'pa'yen. Ñaña 'chocmach pemuereña acheñenesha', ñaña 'chocmach pame'ñya e'ñe cohuen Yompor, ñaña ama't peyo'chropa' 'chocmach poctape'ch e'ñe cohuen ñeñt atet pena ñeñt e'ñe po'ño'ch Cristona'tartetsa. Allochñapa' e'ñe peshot añña acheñenesha' ñeñt ame'ñetsapa' o'ch 'chapanet pueyo'chreto ñeñt atet cohuentetsa Yomporecop. 13 Ñaña te'pa' ama't ama ne'chena' napa', 'chocmach

pelleyatanet Yompor po'ñoñ allempo chocma sap'chena allohuenes. Ñaña chocmach peserrpare'tatanet, ñaña e'ñech cohuen peychatenanet. ¹⁴ Ñaña chocmach peyperpa atto ahuañmo'cha Yomporpa' ahuañmencat pañ allempo ñeñ pompornesha' pen ñeñ ame'ñetsapa' ñetpa' net pot pesho. Ñaña atto eñoratanet Yompor ñetña allempopa' e'ñe cohuen eñosyaset pocop. Ñeño'mariña te'pa' añ poctetsa chocmach petorra Yomporecop.

¹⁵ Chocmach pema'yoçhra ñeñ cohuentetsa Yomporecop, ñaña chocch payomya, attoch acheñenesha'pa' entonapet ñeñ atet petsoten Yomporecop.

¹⁶ Ñaña chocmach peñota pañeña, ñato' cohuyente' poctape'chen, ñato' amate'. Ñaña chocmach peñota pañeña ñato' e'ñete' atet peychaten. Ñaña chocmach peychat cohuen e'ñe atet oteney Yompor po'ñoñ attoch pequeshperra pa, ñaña allohuen ñeñ pe'mñotene'.

5

Añpa' ñeñicha' atet yepannena ñeñtey ame'ñetsa

¹ Masheñe Timoteo, te'pa' o'ch noterrperr po'poñ. Amach peche'ptare'tatsche ñeñ po'nare' yacma ñerra'm esempo pantenet. Elloña chocña poctape'chaterranet cohuen e'ñe acopa. Atetcha' pentanet ñerra'mrrate' e'ñe pompor pepenanet. Añña allohuen hueparneshachnopa' atetcha' pentanet ñerra'mrrate' e'ñe pemo'nasheñ pepenanet poctacma.

² Ñaña coyaneshachno ñeñ po'nare'pa' atetcha' pentanet ñerra'mrrate' e'ñe pachor pepenanet poctacma. Añña ñeñ shopshare'pa' atetcha' pentanet ñerra'mrrate' e'ñe poch pepenanet poctacma. Amachña cha muene' pa'llocchame'tyananeto ama't mamesha.

³ Ñaña añ poctetsa chocmach seyempue' rretorrnanesha' ñerra'm esempo ama eñallete ñeñicha' yempahuet. ⁴ Tarraña ñerra'm erra'tsen rretorrnaneshar echene' puechoyoresha' amapa' pue'ñaresha', ñeñpa' añ pocte' ñetach cohuanpset pachor. Tarro'mar añ pocte' e'ñe ñet o'ch eñochet ñanomcha' añ yecuam'pes yamo'ts attochña yesherber Yompor ñaña attoch yesherbeñ yamo'mte' atto ñetpa' cohuanpseyet yañ ahuat. Tarro'mar ñerra'm atet yepapa' e'ñech yocshateñ ama't Yompor. ⁵ Añpa' attoch señoç erra'tsente' rretorrnaneshar palltetsa o'ch seyempue': Añcha' seyempa' ñeñ rratotetsa e'ñe ñapña ñeñ ama echenaye puechoyoresha', ñaña ñeñ e'ñe yemtenaya Yompor, ñaña ñeñ chocma ma'yochenaya Yompor pate'tets yet, ñaña ama't tsapo. ⁶ Tarraña erra'tsen rretorrnaneshar ñeñ atta coshats'e'tyetsapa' chach ottena ñerra'mrrate' o' rroma, ama't allempo correnmeñ. ⁷ Te'pa' o'ch potanet ñeñicha' atet pet attoch ama eñalle ama't eseshapa' o'ch sasare'tanet. ⁸ Ñerra'm esesha' ama muenenaye o'ch cohuanp'san pamo'ts ama't ñeñ parro yeçhena ñeñña acheñ atetpa' amaca'ye po'ñoçhaye' ame'ñenano ñeñ atet oteney Yompor. Ñaña ñeñ atet acheñpa' amach pocteye' enteñe Yompor ama't mamesha. Ñeñpa' elloch metaneñ ama't ñeñ ama ame'ñetso.

⁹ Ñaña po'poñ attoch señoç erra'tsente' rretorrnaneshar ñeñ pocte' ñeñicha' seyempa', ñeñpa' erra'tsente' po'nmeneshar ñeñ echene' pechapoch çharra' po'charña, ñaña ñeñ patrach puerrollar pe't.

¹⁰ Ñaña erra'tsente' senten ñeñ e'ñe cohuenare' es pets, ñeñ e'ñe cohuen cohuanpene' puechoyoresha', ñaña ñeñ nanac amueraña, ñaña ñeñ e'ñe cohuen aguene' pumo'to', ñaña ñeñ e'ñe pueñmañesha' sherbene' allohuen

ñeñt ame'ñetsa, ñaña ñeñt nanac yenpuene' ama't ñeñt muerochtetsa, ñaña ñeñt nanac pa'yene' po'poñechno ñeñt cohuentetsa.

11 Tarraña ñeñt rretorraneshar attera shophsheshameñ ñeñt ama echenana' pechapoch tharra' po'charñapa' amach sagapatsche, tarro'mar ñerra'm machaya muenne'cherran sherbe' Cristopa' o'te' alla some'terra, 12 chate' tanmare'cha acheñenesha' tarro'mar amach etsotano ñeñt atet otan Cristo ahuañmo'cha. 13 Naña ñato' o'ch atta nanac quella', ñato' po'çllaño'pa' ñato' o'ch atta ta'yesa po'poñ pocollo'mar serrpare'tatsetyesets pa'namen ñoñets, ñaña ñato' o'ch atta a'metare'tyesan ñeñt atet pa'yena po'psheñnechno ama't ñeñt ama otenayaye. 14 Ñeñto'marña napa' e'ñe pocte' nenteñ ñeñt shophsheshameñpa' some'terrepa' ñaña cheyore'terrepa' attoch añach ma'yochrena ñeñt pa'pacllacop. Ñerra'm atet penetpa' attochña amach eñalle ama't ñeñt ye'moñe'tene'pa' amach sasare'tye. 15 Tarro'mar puesheña'tets rretorraneshapa' o' alla puerruerret o' alla coteret oneñeñ.

16 Te' ellopa' o'ch notap po'poñoneñ. Ñerra'm eñall ama't coyanesha' ñeñt ame'ñetsa, ñaña ñerra'm ña pamo'ts rratotatsapa' e'ñe pocte' ñañeñach cohuanpse' pamo'ts. Allochñapa' amach pallteno allohuen ñeñt ame'ñetsapa' o'ch apueñet ñeñt pallta'yena. Allochñapa' attoch añcha'ña yenpuenet po'poñechno rretorranesha' ñeñt ama echenaye pamo'ts ñeñtcha' yenpuene'.

Añ poctetsa ñeñtcha' atet yepañ ñeñt nanac torretsa Yomporecop

17 Te'pa' o'ch notap po'poñ. Ñeñt pompornesha' pen ñeñt ame'ñetsapa' ñerra'm e'ñe cohuen añcha'tarettenetpa' e'ñe pocte' acheñenesha' cohuencha' cosheñet, ñaña ellopa' añ pocte' o'ch es apueñet ñeñt palltena. Ñeñtpa' ñeñtcha' atet sepeñ erra'tsencha' ñeñta po'taruas pe' atto serrpare'ten, ñaña ñeñt e'ñe ma'yochrenaya yethatets Yompor po'ñoñ. 18 Tarro'mar ama't Yompor po'ñoñ ñeñt anuaret ahuatoteñpa' atet toma'ntateneñ, ñeñtpa' atet oten: "Ñerra'm esempo satmama'tateñ huaquesh attoch es serrocllome'chach pa'tcot, allempopa' amach sempanma'tatsche. E'ñe pocte' rranepa' ñaña ñeñt serrocllome'chateñ." Naña ñeñt atet oten po'poñ Yompor po'ñoñ: "Ñeñt ataruasña' e'ñe pocte' chocmach agapan po'tsa' atto taru-
asen."

19 Naña ñerra'm eñall puesheñarr ñeñt a'metare'tanpene' ñeñt pompor pen ñeñt ame'ñetsapa' sapa' amach same'ñatscho. Añña ñerra'm epsheña a'metare'tanpene' amapa' ma'psheña, allempopa' pocte' o'ch se'mñoach, tarro'mar allempopa' o'ch señoach ñato' po'ñochte' atet. 20 Atteña ñerra'm po'ñochte' atet pena, allempo allo'tsa'yen allohuen acheñenesha'pa' añ poctetsa o'ch soch ñeñt atetpa' ama apa'pahuo. Allochñapa' po'potantañpa'cho'ña esheccha' mecha'na'tenet. 21 Añpa' chocmach atet peña ñeñt atet o' notuap ama't erro'tente' o' pohua ñeñt parro nanac peyemtena ahuaña. Tarro'mar Yomporpa' enteneñ epuet Puechemer Jesucristo ñeñtara Yepartseshar yepen, ñaña epuet po'mllañofoñneshar ñeñt epuet yemtena ña. Allohuenetpa' e'ñe entuenpet ñeñto'marña te'pa' añ pocte' o'ch pepena ñeñt atet o' notuap. 22 Te'pa' o'ch noctape'chaterrperr po'poñ ñeñtcha' atet seña. Ñerra'm esempo semneñ o'ch sena'yese ñeñtcha' añcha'tarettertsa Yomporecop, amach ahuen senatstere ñeñtcha' añcha'tarettertsa, chochña secua'yese erra'tsente' acheñer ñeñt e'ñe cohuen es pa'yets. Tarro'mar ñerra'm añña sena'yese ñeñt ama cohuen es petsopa'

te't e'ñe ña po'chñaro'tpa' atet sepene samña. Ñeñto'marña te'pa' 'chocmach pa'ypo'ñam'pes ñeñt' ama cohuenayaye ama't mamesha.

²³ Te'pa' o'ch notap' po'poñ. Atto papa' 'chocma patsna'tame'ten, ñaña atto atserppare'tene'p pa'topa' añ pocte' amach p'orratsterrero e'ñe ñapue't oñ, añcha ña epuet p'orr coñe't vino.

²⁴ Ñaña te'pa' o'ch notap' po'poñ attoch peño'ch. Eñall puesheña'tets acheñ ñerra'm esempo pena ñeñt' ama cohuenayaye Yomporecoppa' yapa'cho'ña o'ch yeñotanet allorocma. Allempoña yapa' o'ch yot, po'ño'ch añpa' ama pocteyaye. Tarraña eñall ñaña po'poñe'chno acheñ ama't esempo pet ñeñt' ama cohuenayaye Yomporecoppa' ñeñt'pa' amach esesha' eñotaye ama't puesheñarroña. Tarraña esempohuañenpa' orrtatuare'terrach. ²⁵ Attecma pena ñaña ñerra'm esempo yepena e'ñe cohuen, acheñenesha'pa' o'ch entenyet e'ñe cohuen. Tarraña errotenopa' ama't e'ñe cohuen enteney Yomporpa' acheñenesha'pa' amach e'ñe cohuenaye' entenyeto. Tarraña esempohuañenpa' 'cherranetcha' pueyo'chro.

6

Añpa' ñeñt' poctetsa ñeñt'cha' atet pa' ñeñt' ataruasataret e'ñe atta

¹ Te'pa' o'ch notap' po'poñ ñeñt' poctetsa ñeñt'cha' atet pa' ñeñt' ataruasataret e'ñe atta ñeñt'ara ñeñt' o' ame'ñerrana Cristo. Añ pocte' ñetpa' cohuencha' eñchet po'patronar, attoch e'ñe ño'ototetpa' amach errotenot' eñalle attoch achm'are'tachet Yompor, ñaña ñeñt' atet yey'chaten Cristocop. ² Ñaña ñeñt' ataruasataret e'ñe atta, ñerra'm po'patronarpa' ame'ñenet ñametpa' elloña allempopa' amach atpare'tatscheto ama't mamesha, tarro'mar o'pa'mo'nasheñ peret e'ñe pame'ñeñotet Yompor. Amach ota'psa'tatsteto te'pa' ama't'cha' ama e'ñe name'ñyo nepatronarña' o' ame'ñerrapa' amach errot' pa'no." Elloña te'pa' e'ñech yemorrenteñesha' yesherbeñ yemo'nasheñ e'ñe cohuen. Masheñe Timoteo, añpa' 'chocmach p'ey'chatanet, ñaña o'ch potanet ñeñt'cha' atet pet.

Cotapñats ñeñt' ama po'ño'choyaye

³ Ñerra'm esesha' yechatats po'poñ cotapñats ñeñt' ama atteyaye atet yechateney Yepartseshar Jesucristo ñeñt' po'ño'ch atet muenen Yomporpa' ⁴ ñeñt' acheñ atetpa' attach ommo'chena, po'ño'ch ñeñt'pa' ama 'choye' es eñoteno. Ñeñt' atet acheñerpa' añecpach atet pena attoch es otnare'tyesan acheñenesha' e'ñe po'poñ cotapñatso'mara. E'ñe potnare'tanna'teñotetpa' o'ch atta atsrre'mare'tet, ñaña o'ch atta e'moñe'tanna'tet, ñaña o'ch atta sasare'tanna'tyeset, ñaña allempopa' o'huañcha' eñoranna'tet. ⁵ Po'ño'ch añ acheñ ñeñt' atta cotape'chatse'tets e'ñe ñañeña poctapñot'pa' po'ño'chpa' amach cotape'chenano ama't mamesha ñeñt' cohuentetsa ñaña amach eñotenano ñeñt' po'ño'ch alloch yequeshperra. Ñetpa' attach 'chocma mueneñet o'ch es otnare'tanna'tyeset. Ñaña ñetpa' añecpach mueneñet o'ch serppare'tet Yomporecop attoch ganet esocmañen. Ñeñto'marña ñeñt' atet acheñpa' amach peyemtatscho. ⁶ Ñehua, po'ño'ch yapa' yeñoteñ e'ñe yame'ñeñot' Cristopa' shonte' yechen esocmañen. Ñeñto'marña yapa' ñeñt'ach nanac yochsena. ⁷ Tarro'mar allempo ye'ñalleta ahuatpa' atta ye'ñalleta muelle'mcot. Te'pa'cho'ña ñerra'm esempo yerromuenpa' amach errotenot' yahuanmo yechecom. ⁸ Ñeñto'mar yapa' amach es yellcatsto. Ñerra'm yechen ñeñt'cha' yerra' ñaña ñeñt'cha' yechorrappa'

ñeñfach yocshena. ⁹ Tarro'mar ñeñf muenets o'ch echan esocmañenpa' amach errotenot ahuantano atto topatyeney oneñeñ. Attach pa'namen ye'chatse'tyenet ñeñf ama es sherbetso. Elloña ñeñtpa' ñeñfcha' anmahuet chenquëñtso esempohuañen. ¹⁰ Tarro'mar e'ñe yeye'chapreteñot quellepa' allot huenaña esocmañen sosya'tsañ. Tarro'mar puesheña'tets ñeñf nanac muenets o'ch ganet shonte' quellepa' atteñapa' o'huañcha' ame'ñyet Yompör. Ñeñto'marña acoponetpa' o'ch huapanet shonte' ñeñfcha' nanac llecatahuet.

Añach paterr yema'yochra ñeñf cohuentetsa Yomporecop

¹¹ Tarraña ðapa' amach atet peðatsto tarro'mar ðapa' anareteð Yomporecop. Ñeñto'marña ðapa' añach pema'yochra ñeñf cohuentetsa Yomporecop, ñaña çhocmach peyerepya Yompör, ñaña çhocmach ðame'ñya cohuen, ñaña çhocmach pemorrencha pamo'ts, ñaña çhocmach ða'huañta'huanom ñeñf atarr echarr pentyen amach ðañeña e'ñe cohuen entatstatso. ¹² Ñaña çhocmach ðame'ñya cohuen Yompör atet ñerra'm çho peçllarena Yomporecop. Allochñapa' esheccha' peñoch ðapa' corretsapach tayoteñ e'ñe erponañohuen. Ñeñto'mar Yompörpa' çhore'tað ahuaña allempo peñotach allohuen acheñenesha' atto ðapa' o' ðame'ñerra. ¹³⁻¹⁴ Te'pa' o'ch masheñe noterrper po'poñ ñeñfcha' atet peða. Chocmach petsota ora ñeñf atet oteneð Yompör. Amach poçtape'chatsto po'poñoneñ attoch amach eñalle attoch tanmare'taða acheñenesha'. Añpa' atetcha' peða tarremphua esempohuañencha' huerra Yepartseshar Jesucristo. Tarro'mar ama't te' Yompörpa' enteneð, ñeñfara Yompör ñeñf yapuene' yocreña teme'ttsen, ñaña allohuen ñeñf yentyen. Ñaña Puechemer Jesucristopa'çho'ña enteneð, añ ñeñfara Cristo ñeñf eñosets e'ñe cohuen allempo a'poto'tare'teñ Poncio Pilato. ¹⁵ Esemphuañencha'ña pocte' enter Yompörpa' allemphoña mueñerranerr alla Puechemer arr patsro, ñeñfara Yompör ñeñf e'ñe patrra, ñaña ñeñfara ñeñf atarr ya'ye'choçhtatyen allohueneý, ñaña ñeñfara ñeñf nanac ahuamencat, ñeñf Pompor pen ama't allohuen ñeñf añcha'taretetyetsa, ñaña allohuen ñeñf ayochreshatetyetsa. ¹⁶ Ñaña ñeñfara Yompör ñeñf ñapueñ ama arromñafeshayaye, ñeñfara Yompör ñeñf yeçhetsy allo'tsen puetare' ñeñf nanac a'rrechatañ all amach errotenot yeçhapo. Ama't puesheñarra acheñpa' ama puentare all, tarro'mar amate' errotenot yeçhapo. Ñeñto'marña ya'ye'choçhtatoñepa'ch Yompör, ñaña ahuamencatepa'ch tayoteñ erponohuañen. Ñeñtpa' attetepa'ch Nompore.

Arrpa' all cotape'chatan ñeñf nanac eçllayoret

¹⁷ Te'pa' o'ch notað po'poñ. Ñeñf nanac echeçmattetsa añ patsropa' o'ch potanet amach ommo'chatsteto e'ñe po'cheçmot, ñaña amach cotape'chatsteto ñato' poçllayorotpa' amach es pallterreto, tarro'mar ñeñtpa' huañerrcha' esempohuañen. Añña yemchetepa' Yompör ñeñf ama arromñafeshayaye ñaña ñeñf yapuene' shonte' esocmañen ñeñfcha' çhocma yocshatene'. ¹⁸ Ñaña o'ch potanet petepa' e'ñe cohuen Yomporecop, ñaña es apa'yasetepa' ñeñf es palltetsa, ñaña amuerañtetepa'. ¹⁹ Ñerra'm atetcha' petpa' eñallcha' shonte' alloch coshaterranet tsapatonet Yompör. Ellopa' o'ch apañet ñaña attoçña ñetpa' corretsetach pocsheñeshocmañen tayoteñ e'ñe erponañohuen.

Ñeñf atet otan Timoteo e'ñe allohuanen

²⁰ E'ñe allohuanenpa' o'ch masheñe Timoteo noterrperr alla: Chocmach petsotua ora ñeñĩ atet otenep̃ Yompor. Amach pe'mñotatsche ñeñĩ chocma muenets o'ch es otnare'tanna'tyesa. Ñeñĩpa' ama sherbeno ama't mamesha Yomporecop. Ama't ñetpa' otenetañ po'ñocho' es eñotenetpa' tarraña yapa' yeñoteñ ñeñĩpa' ama po'ñochoyaye. ²¹ Tarro'mar puesheña'tets ñeñĩ cotene' atetpa' ama chenaneto pueyočhro ñeñĩ atet yame'ñeña Cristo.

Te'pa' Yomporepa'ch pa'nataya. Ñeñĩtach notap̃, ñeñĩpa' attetepa'ch Nompore. Allohua.

Pablo

AÑ PUEPAÑ SAN PABLO PO' CARTA ÑEÑT QUELLQUËRRANERR TIMOTEO 2 TIMOTEO

Atto Pablopá' alla quellquërranerr carta Timoteocop

1-2 Masheñe Timoteo, ñeñteḡ nanac nemuerena tarro'mar atet nenteneḡ ñerra'mrrate' e'ñe nechemer nepeneḡ. Na Pablón o'ch alla nequellquërrnaperr po'poñ carta, ñeñten Jesucristo puellsensaren tarro'mar atet muenen Yompör attoch nach eñotatyese' allohuen achenesha' ñeñt atet otény Yompör: E'ñe yeyenteñoḡ Puechemer Cristo Jesúspa' yañapa' corretsayach yocsheñeshocmañen tayoteñ e'ñe errponañohuen. Te'pa' e'ñe nehuomñcha'teñoḡeppa' o'ch notapḡ: Yomporepa'chña pebensare'tamḡpene' ñeñt nanac Parets epuet Puechemer Cristo Jesús ñeñt Yepartseshar yepen. Ñetepa'chña pemuerenaya. Ñetepa'chña pöcshatene' e'ñe pa peyoḡthro.

Atto Timoteo e'ñe cohuen ame'ñena

3 E'ñe neyerpueñoḡeppa' napa' ḡhocma neparasyoso'teñ Yompör pöcop, yeḡ ama't ñaḡña tsapo allempo ḡhocma nema'yocheña Yompör pöcop. Ñeñtara Yompör ñeñt ḡhocma neñmañesha' neshberben, atet sherbe't ñaḡña ahuat natañneshañ. 4 Ñaḡña napa' ḡhocma neyerpuena allempo peya'na'tapuen ahuañmo'cha. 5 Ñeñto'mar te' napa' nemneñ errotenuhuaca' yentannerra atote' pöcshaterrén. 6 Ñaḡña ḡhocma neyerpuenḡa atto papa' e'ñe cohuen pame'ñena, ñaḡña atet ame'ñena ñaḡña pácnor Loida ñaḡña pácchor Eunice. Ñeñto'marña napa' neñoteñ papa'ḡho'ña ḡhocmate' pame'ñena e'ñe cohuen.

Atto ama apenca'pahuo e'ñe yeserrpare'teñoḡ Yompör po'ñoñ

6 Ñeñto'mar napa' nemneñ o'ch alla neyerpaterrperr atto ahuañmo'cha Yompörpa' ahuamencat pḡp allempo nena' naḡña not pesho. Ñeñto'marña te'pa' amach pemuenme'chatstoñe ñeñt atet otapḡ Yompör. 7 Tarro'mar Yompörpa' ama añecpaye' chorratenyoña Puecamquëñ attoch yapa' o'ch ḡha yemñcha't, añecopña chorratenya attoch ahuamencat pa'y, ñaḡña attoch yemorrentanna'ta allohuenyen, ñaḡña attoch e'ñe cohuen yorrtatyen ñeñt atet muenen Yompör. 8 Ñeñto'marña te'pa' amach pepencatsto atto peserrpare'teññañ ñeñt atet pena Yepartseshar Cristo. Ñaḡña amach pepencatsto e'ñe no'mar atto napa' o' cárcele'terrnet e'ñe name'ñeñoḡ Cristo. Elloña ḡhocña pöcte' peñch pama' o'ch pemueroḡhtapretna e'ñe peserrpare'teñoḡ Cristo po'ñoñ tarro'mar Yompörpa' attoña ahuamencat peneḡ. 9 Ñeñtara ñeñt o' a'qeshḡaterrey, attoña o' ḡhore'terrey attoch yema'yöthra ñeñt cohuentetsa Partocop. Tarraña añmapa' ama añöteyaye atto e'ñe cohuen es yepa'yese't ahuat, añmapa' tarro'mar atet muenen ña. Yompörpa' nanac mortentye't ñeñto'mar ama't ahuatoteñpa' ahuo't o'patatya Puechemer Cristo Jesús. 10 Ñeñt huapatsa attoña te'pa' o' yeñoter atto nanac morrentya Pompor. Ñeñtara Puechemer Jesucristo ñeñt Ya'qeshḡatañer yepen, tarro'mar ñach ya'qeshḡaterre' yerromñoḡ attoch elloch yocrra'huerra, allempopa' amach alla ya'rromña'terre'te. Ñeñto'marña yoten te'ña yapa' o' a'huañamḡperrey

Cristo atto o'patye't rromueñets. Te'pa' o' yeñoter tarro'mar atet yechateney cohuen ñoñets ñeñt huetsa Yomproshot.

¹¹ Ñeñña añ cohuen ñoñetspa' ñeñfecop allsensareten attoch nach a'pote' allemeñ acheñeneshesho'mar ama't ñaña ñeñt ama judioneshayaye, ñaña attoch nach yechatyeshahuet ñeñfara añ ñoñets. ¹² Ñeñto'marña te'pa' e'ñe neserrpare'teñoñ añ ñoñetspa' mueroçhtatennet, tarraña napa' ama nepenquëno tarro'mar napa' neñoteñ Yompor ñeñt neyemtenapa' nanac ahuaumentat. Ñeñto'marña neñoteñ e'ñe po'huamencotpa' o'ch cohuanpison ora all netorra'yese't ñocop ñeñt atet yechenna ama't tayoteñ esempohuañencha' huerra.

¹³ Papa' çhocmach poctape'ch ñeñt atet o' neyçhatuanmaß, ñeñfara ñoñets ñeñt e'ñe paçharr cotapñats. Ñaña peparrocmateñoñ Cristo Jesúsapa' çhocmach pame'ñya cohuen, ñaña çhocmach pa'muerañta. ¹⁴ Ñaña çhocmach peñota, amach pa'po'poñetatstoñe Yompor poctapña ñeñt atet yechenpa Yompor. E'ñe po'huamencot Parets Puecamquëñ ñeñt yeçhetsa yeyenchro ñepa'chña peyenpue'.

Atto pusesheña'tetspa' a'ypo'ña'huaneret Pablo

¹⁵ Napa' o' notap atet tarro'mar ama't papa' peñoteñe' shonte' acheñ ñeñt yeçha'yetsa Asio'marpa' o' sohuannerrnet, atet ñerra'm Figelo ñaña Hermógenes. ¹⁶ Te'pa' aña çhocma nocshatene' Onesiforo tarro'mar ñapa' ama penquëno ama't napa' cárcelotsenen. Ñeñto'marña Yomporpa' a'natanepa' Onesiforo pamo'tsesha'. ¹⁷ Ahuañmo'cha allempo çhap Onesiforo arr Romopa' ñapa' nanac e'name'terren attot enterren. ¹⁸ Ama't papa' nanac peñoteñ, ahuañmo'cha Efesopa' ñapa' nanac yenpa'y. Ñeñto'marña Yomporpa' muera'huerepa'ch esempohuañencha' huerra po'yoroçhenñoñ.

2

Ñeñtcha' atet yetorra e'ñe cohuen Jesucristocop

¹ Nechemere Timoteo, e'ñe peparrocmateñoñ Cristo Jesúsapa' huomenquëpa'ch pepa' peyoçher tarro'mar ñapa' çhocmach yenpaß. ² Allpon pe'mone't ñeñt atet neserrpare'tache't shonte' acheñeneshapa' papa'çho'ña te'pa' attemcach peyçhach po'poñeçhno ñeñt ame'ñetsa attoch ñetpa'çho'ña eñoçhet yeçhatet allohuen pamo'tsesha'.

³ Ñaña o'ch notap po'poñ. Papa' amach peñcha'tatsto attoch pemue-roçhtapretya. Chochña poçte' peñch o'ch pemueroçhta atet ñerra'mrrate' çho peçllarena e'ñe cohuen Jesucristocop. ⁴ Ñato' o'ch netma'ntacha ñeñt atet pena solltarnesha'. Solltar ñeñt ejército'tsenpa' amach es cotape'cheno po'poñoneñ ñeñt atet pena ñeñt ama ejército'tseno. Añach paterr cotape'chen attoch coshatan ñeñt mandene'. Añ toma'ntena yapa'çho'ña añach paterr yotape'chen attoch yocshach Jesucristo ñeñt yeyechenaya yaña. ⁵ Ñato' o'ch netma'ntatererr po'poñ ñeñt atet pena ñeñt atarr jueguëtsa. Ñeñt atarr cohuen jueguëtsa çhocmach jueguënet e'ñe cohuen e'ñe atet anarettenet ñocpuet attoch e'ñe cohuen ganet. Ñerra'm ama e'ñe atet jueguëto e'ñe atet anarettenet ñocpuet, amach errotenot aparetteñoña ñeñtcha' coshatahuet ñeñfecop atarr jueguënet. Ñeñtpa' añ toma'ntena yapa'çho'ña ñerra'm amach atet yeperro ñeñt atet anaret Yompor po'ñoñ yocop, amach errotenot apuer-rye ñeñtcha' nanac yocshaterre'. ⁶ O'ch netma'ntatererr po'poñ. Ñeñt

nanac taruaset pa'mropa' ñapa' ñanomcha' rre' ñeñt nare'ten. Ñeñtpa' añ toma'ntena ñeñt nanac torretsa Yomporecop ñapa'cho'ña nanaccha' coshateñ po'taruas ñeñt atet torrena Yomporecop. ⁷ Ñehua, poctape'ch ñeñt atet noteneþ tarro'mar Yepartsesharpa' çhapatonaþcha' peyoçhro ora ñeñt atet toma'ntena aña'chno.

Añ pocte' çhocmach yeyerpueña Jesucristo

⁸ Amach pepsatsto atto Jesucristopa' tanterra allempo rroma, ñeñfara ñeñt po'mreneñ David, ñaña ñeñfara Cristo ñeñt çhocma neserrpare'ten attoch yequeshperra. ⁹ Ñeñto'marña napa' attoña huanca'net atto te'pa' nanac nemueroçhtena atet ñerra'mrrate' amtsañen. Tarraña Yompor po'ñoñpa' amach errotentot huanqueto. ¹⁰ Ñeñto'marña napa' çhocma na'huanten atto nemueroçhtena, allochñapa' ñerra'm erra'tsencha' acerrr Yompor ñeñtcha' ame'ñerrayapa' qeshperretcha' e'ne pame'ñeñofet Cristo Jesús. Ñaña all Yompor po'cohuenñopa' correrretcha' errponhuañen.

¹¹ Añ ñoñets allo çhocma ya'çhoteñ Yomporpa' e'ne po'ñoçh atet:

Ñerra'm e'ne yame'ñeñof Cristo yerromapa' yeyçherrach parro epay Cristo.

¹² Ñaña ñerra'm cho yemueroçhtaprecha Cristopa' ya'mcha'taretapreterach esempohuañen. Tarraña ñerra'm cha' ya'nasoteña, ñapa'cho'ña a'nasoteryach esempohuañen.

¹³ Ama't allempo yapa' ama yeyemteño, tarraña po'ñoñ ñeñt atet otenpa' çhocma po'ñoçh atet, tarro'mar amach errotentot alla a'po'poñeterrano ñañaña po'ñoñ.

Atto Yomporpa' e'ñech cohuen pa'taruasañer peny

¹⁴ O'ch alla noterrperr po'poñ: Chocmach peyerpacha acheñenesha' ñeñt atet o' notuaþ, ñaña o'ch potanet e'ne Yompor po'huamencot amach allo'na otnare'tanna'tyesneneto e'ne ñañeñeta poctapño'maret. Tarro'mar atto es otnare'tanna'tyenetpa' ama't mameshapa' ama es sherbeno. Ñerra'm attach penetpa' atteñapa' o'ch alla puerruerra allohuen acheñenesha' ñeñt e'mñotenahuet. ¹⁵ Tarraña papa' aña'ña pema'yoçhra ñeñt cohuentetsa Yomporecop attoch ñapa' entap e'ne cohuen ataruasañep. Amach eñalle ñeñtcha' pepencate' all petorra'yena ñocop. Attochña çhocmach pesherbatoñ po'ñoñ ñeñt e'ne po'ñoçh ama shequëntsoyaye. ¹⁶ Ñaña papa' amach pa'na otnare'tattahueto ñerra'm esempo es otnare'tanna'tyenet. Tarro'mar ñeñt atet serrpare'tatyenetpa' ama añeyaye alloch huomenc yepa' yeyoçher Yomporecop. Ñaña ñeñt atet petsapa' atteñapa' o'ch allo'na senet puesuanmuet ñeñt atet yeçhateney Yompor. ¹⁷ Ñaña ñerra'm allo'nach yeçhatnenet ñeñt ama es sherbetsopa', atteñapa' ñerra'm o'chña epa'hua orapa' allo'nach senet puesuanmuet ñeñt atet muenen Yompor. Ñato' o'ch netma'ntacha ñeñt atet pena atsañets ñeñt otenet cáncer ñeñtpa' mamesha o'ch epa'hua ora yechtso o'ch muetsay. Ñeñtpa' atet pa' epsheña ñeñt pa'so'cheñ Himeneo ñaña Fileto, tarro'mar ñetpa' aña yeçhatenet po'poñ cotapñats. ¹⁸ Ñetpa' atfa aycha'natateññañet Yompor po'ñoñ all oteney esemopaya yetanterrach. Ñetpa' ahuo't serrpare'tayeset acheñenesha' atet: "All oteney Yompor attoch yetanterra esemopaya' ñeñtpa' toma'nteñtsa. Ñeñtpa' aña toma'ntena atto yapataretta ahuaña oño." Ñeñto'marña patanta'tets ñeñt ame'ñetsapa' alla queçhpa'hueret atto ame'ñeñet Yompor. ¹⁹ Ama't atet pañ patantarrpa' tarraña Yompor po'ñoçhpa' ama pueno

po'ñoñ. Ama't Yompor po'ñoñ ñeñt aquellcaret ahuatoteñpa' atet eñotateney eñallach pate'tets acheñ ñeñt po'ñoçh ame'ñenaya. Ñeñtpa' atet oten: "Yomporpa' cheme'tenan ñeñt po'ñoçh ame'ñenaya." Añpa' arr eñotateney po'poñ Yompor po'ñoñ ñeñt aquellcaret ahuatoteñ, ñeñtpa' atet oten: "Allohueney ñeñtey cotene' Cristopa' yequeçhpa'huerrepa' allohuen sosya'tsañ."

O'ch netma'ntacha ñeñt atet pena pocoll

20-21 Po'ñoçhpa' çhoch yesuanom allohuen sosya'tsañ, allochñapa' attoch añach yema'yoçhra attoch yesherbe' e'ñe cohuen Yompor. Tarro'mar allohueney ñeñtey ame'ñetsapa' ama e'ñe attecma'ye' yesherbe'ñe Yompor. Ñato' puesheña'tetspa' nanaccha' cohuen sherbeñet Yompor, ñato' po'potantaññapa' amach. Ñato' o'ch netma'ntacha ñeñt atet pena pocoll. Ñeñt acheñ eçllayoretpa' arrña pa'paclopa' shonte'ch eñall pa'namen coymethno. Ñato' patantarrpa' ororro'ch ñato' po'potantañpa' asrerro'ch, ñato' po'potantaññapa' tsachro'ch, ñato' po'potantaññapa' patsrro'ch. Tarraña allohuenpa' amach e'ñe attecma'ye' sherbenano pamo'mte'. Atet ñerra'm ñeñt ororro'pa' nanaccha' coçhneshot sherbenan pamo'mte', tarraña atet ñerra'm patsrro'pa' amach tama coçhneshote'ye' sherbenano pamo'mte'. Ñeñto'marña yapa'çho'ña ñerra'm yemneñ o'ch yesherbe' e'ñe coçhneshot Yamo'mte' Cristopa' añ palltetsa çhoch ñanom yesuanom allohuen sosya'tsañ attoch añach yema'yoçhrena ñeñt cohuentetsa Yamo'mtayecop. Allochñapa' ama't erra'tsena es yepa'yenpa' e'ñech cohuenacma yocshateñ Yamo'mte' Cristo.

22 Ñeñto'marña ðapa' noteneð o'ch pesuanom allohuen sosya'tsañ ñeñt atet muenatse'tyen huepaneshachno ñeñt ama po'ñoçhaye' sherbenaye Yompor, allochña ðapa' añach pema'yoçhrena ñeñt cohuentetsa Yomporcop, ñaña çhoch ðame'ña Yompor e'ñe peñmañesha', ñaña çhocmach pe'muerya allohuen pamo'tsesha'. Allochñapa' attoch peparocmat epa' allohuen ñeñt e'ñe cohuen pueyoçher pene' Yepartsesharecop. 23 Ñaña ñerra'm esempo es otnare'tanna'tyenetpa' ðapa' amach pe'ññotatstaneto, tarro'mar ñeñt atet otatse'tyetspa' e'ñe orrena atet penet. Ama't ðapa' peñoteñ ñerra'm çho es yotnare'tanna'tapa' allot huena shonte' atsrre'mueñets. 24 Tarro'mar ñeñt torretsa Yepartsesharecoppa' ama pocteyaye o'ch atta atsrre'mare'tyesa allemeñ. Elloña choçhña ya'mueraña allohuenanen. Ñaña çhocña yeyçhatyees e'ñe cohuen acheñenesha' ñeñt atet cohuen enten Yompor. Ñaña ama't ñetpa' erro' pa'yetpa' yapa' e'ñe yemorreneteño'pa' o'ch ya'huantoñ. 25 Ñaña añ pocte' o'ch alla yoctape'chater cohuen ñeñt ye'moñe'tene'. Tarraña e'ñech acopa yoctape'chatyerranet e'ñe cohuen. Ñaña o'ch yecuenanet e'ñe acopa esempohuañencha' çhapanet pueyoçhro ñeñt e'ñe po'ñoçh cohuen enten Yompor. Ñaña o'ch yecuenanet esempohuañencha' co'tape'cherret ello e'ñe cohuen Yomporcop. 26 Ñerra'm atet yepapa' ñato' atto'pa' o'ch a'rroyerranet oneñe'atto huanquënanet atto te'pa' ða'yenet sosya'tsañ ñeñt atet muenatenanet ña.

3

Ñeñtcha' atet perra esempoch mellapoterrmocha

1 Ñehua, te'pa' o'ch neñotatað po'poñ ñeñtcha' atet perra esempoch mellapoterrmocha. Allempopa' nanaccha' echarr attoch yocte' Cristo.

² Tarro'mar allempopa' atetcha' perra acheñenesha'. Allempo acheñpa' nanaccha' moparrareret, ñaãa añach paterr cotape'chenet ñeñt atet muenenet e'ñe ñocpueta. Ñaãa allempopa' nanaccha' ye'chapretenet quelle. Ñaãa allempopa' nanaccha' ommo'chenet ñeñt echenet, atarrcha' cohuen entyerret e'ñe ñaãeñeta, po'potantaññapa' amach esoye' asherben entyereto. Ñaãa allempopa' nanaccha' achñare'teret Yompor, ñaãa allempopa' o'huañcha' ame'ñyet ama't ñeñt pamo'mte' penet, ñaãa ñetpa' amach es coshatenahueto ama't coñe'ta. Ñaãa allempopa' nanaccha' tsena'teret allohuen ñeñt anaret Partso cop. ³ Ñaãa allempopa' o'huañcha' esesha' mueranna'terrtsa, ñaãa o'huañcha' muenet o'ch amo'tstanna'terret. Ñaãa allempopa' nanaccha' toma'tamñpsanna'tyerret ñaãa allempopa' errotencho' muenetpa' atetcha' patse'tyenet, ñaãa allempopa' nanaccha' muerochtatanna'tyerret attoch nanac coshenet, ñaãa nanaccha' tsena'terret ñeñt cohuentetsa. ⁴ Ñaãa nanaccha' apomatatañterret, ñaãa allempopa' amach es yepuer entyerreto, ñaãa allempopa' e'ñech ñaãeñeta nanac cohuen entetset, ñaãa allempopa' ñaãeñetach e'nenet alloch nanac coshenet, amachña añeye' e'neneto atet muenen Yompor. ⁵ Ñaãa allempopa' ama'tcha' ottenetañ ñerra'mrrate' ame'ñenetpa', tarraña amach po'ñoçhaye' ame'ñeneto. Tarro'mar ñetpa' amach po'ñoçhaye' mueneñeto o'ch çhapanet pueyoçhro ñeñt cohuentetsa Yomporecop attoch huomenc pa'nmuet pueyoçher e'ñe po'ñoçh.

Ñeñt atet acheñpa' amach pecua'psatsche. ⁶ Tarro'mar ñeñt acheñ atetpa' attach mueneñ o'ch sheca'yesan acheñenesha'. Ñato' o'ch ahuanmuet po'ppauño'marpa' ñerra'm be'toset a'nahua pocollopa' añña coyaneshaçhno ñeñt ama es eñotopa' o'ch atta ame'ñateñet e'ñe ñet poctapñet. Tarro'mar ñeñt coyaneshaçhnopa' nanaccha' yorateñet po'chñar. Ñaãa ñetpa' añach e'nenet pa'namen ñeñtcha' coshatenahueto. ⁷ Ñeñto'marña añ coyaneshaçhnopa' pa'namencha' topatyenteñ cotapñats. Tarraña ama't ahuatapa' amach errotenet enterreto ñeñt po'ñoçh Yompor poctapña. ⁸ Yacma ñeñtcha' atet shequërre' acheñenesha'pa' ñeñtpa' aña muenen o'ch epatare'tan añ cotapñats ñeñt e'ñe po'ñoçh Yompor poctapña. Atet pa' ñaãa ahuat Janes epuet Jambres ñeñt muenatseñ o'ch epatare'tan Moisés. Ñeñt yacma ñeñt atet shequëne' acheñenesha'pa' amach cotape'chenano ñeñt cohuentetsa ama't mamesha. Ñetpa' çhach a'po'poñetenet ñeñt atet yame'ñena. ⁹ Tarraña ñet poctapñetpa' amach allohuenacmaye' anetso'mar epuerdo tarro'mar esempopa' ñato' allohuen acheñenesha'pa' o'ch eñotuet ñeñt atet otatse'tyenetpa' ñeñtpa' shequëñtsa. Ñato' atetcha' pa' atet pa' ahuat epsheña yacma ñeñt muenatseñ o'ch epatare'taneñ Moisés.

Arrpa' all cotape'chatan e'ñe cohuen Timoteo

¹⁰ Tarraña ðapa' ama atteye' pepeno. Tarro'mar ðapa' añ ðocta'nen ñeñt atet nepena na. Ñaãa ðapa' peñotuennan ñeñt atet neyçhatyen Yomporecop, ñaãa ñeñt atet nocrrena e'ñe cohuen Yomporecop, ñaãa atto e'ñe patrã nema'yoçhrena ñeñt cohuentetsa. Ñaãa ðapa' peñotueñ ñeñt atet nanac neyemteña Yompor ñaãa atto nanac na'uanten allohuen ñeñt echarr nentyen, ñaãa atto nanac nemorrenteña allohuen acheñenesha', ñaãa atto ama't nemueroçhteño'tpa' çhocma nocteñ Cristo. ¹¹ Ñaãa peñotueñ atto pue'moñe'teño'tetpanpa' çhocma cotare'tnete't atto muerochtatyesnete't.

Ñaña ama't p̄apa' peñotueñ ñeñt̄ atet mueroçhtatyesnet a'yo anetso ñeñt̄ pa'so'cheñ Antioquío, ñaña Iconio, allotpa' ñaña Listro. Tarraña ama't atet pa'yesnete'tpa' Yomporñapa' çhocma a'quesp̄atyesne't allot. ¹² Ñehua, yapa' yeñoteñ erra'tsencha' muenats o'ch cotan e'ñe cohuen Cristo Jesúspa' çhocmach mueroçhtatetanet ñeñt̄ e'moñe'tenahuet. ¹³ Tarraña ñeñt̄ ama cohuenayaye aheñpa' allo'nach senet patse'tnomuet sosya'tsañ. Ñaña ñeñt̄ atta sheca'yetspa' allo'nach senet shecanna'tatset.

¹⁴ Tarraña p̄apa' çhocmach p̄octape'ch ñeñt̄ atet ayçhataretep̄, ñeñt̄ara ñeñt̄ ama't p̄apa' o' peñoter ñeñt̄ e'ñe po'ñoçh cohuen cotap̄ñats. Tarro'mar p̄apa' peyemtenya ñeñtey peyçhate' ahuatoteñ. ¹⁵ Ñaña p̄apa' e'ñe cheshoteñ ayçhataretep̄ Parets po'ñoñ ñeñt̄ara añ ñoñets ñeñt̄ peñotaterre' atto e'ñe yame'ñeñofa Cristo Jesúspa' o'ch yequeshperra. ¹⁶ Allohuen Yompor po'ñoñ ñeñt̄ aquellcaretpa' e'ñe Partseshotecma anaret. Ñeñto'mar añ ñoñetspa' nanac sherben ñeñt̄cha' yeyçhate' ñeñt̄ atet muenen Yompor, ñaña ñeñt̄cha' alla yoctape'çhaterre' cohuen ñerra'm esempo es yepanten, ñaña ñeñt̄cha' yeñotatene' e'ñe cohuen ñeñt̄ atet p̄octetsa Yomporecop. ¹⁷ Allochñapa' attoch ñeñtey o' puechemer perrey Yomporpa' e'ñech yeñotuen allohuen ñeñt̄ cohuentetsa Yomporecop, ñaña attoch huomenc yepa' yeyoçher allohuenacop ñeñt̄ cohuentetsa Yomporecop.

4

Añ p̄octe' çhocmach yeserrpare'toñ Yompor po'ñoñ ama't erroteno'tsenya

¹⁻² Te'pa' o'ch alla noterrperr ñeñt̄cha' atet pepa: Chocmach peserrpare'toñ Yompor po'ñoñ ama't esempo erroteno'tsenpa. Tarro'mar Yomporpa' enteney epuet Puechemer Jesucristo, ñeñt̄ara ñeñt̄ Yepartseshar yepen, ñaña ñeñt̄arach huerrtsa ama't esempohuañen, ñaña ñeñt̄arach añcha'taretetuerrtsa esempohuañen, ñeñt̄cha' acrerre' allohuen aheñenesha' ñeñt̄ e'ñe cohuenare', ñaña ama't ñeñt̄ ama cohuenayaye. Atetcha' pan allohuen ñeñt̄ corretsmeñ allempo, ñaña ama't ñeñt̄ o' colla'huena. Ñaña te' p̄apa' o'ch peñotatyes aheñenesha' ñerra'm esempo ñetpa' ama p̄octeye' es peneto. Pañapa' p̄ach otyesahuet amach atet yepatsto, allotpa' o'ch p̄octape'chatyerranet e'ñe peñmañesha'. Ñaña çhocmach peyçhatyesanet ñeñt̄ p̄octetsa Yomporecop. ³ Tarro'mar esempohuañenpa' çhapcha' alletot aheñenesha'pa' o'huañcha' muenet o'ch ame'ñet ñeñt̄ e'ñe paçharr cotap̄ñats, ñeñt̄ atet yeçhateney Yompor po'ñoñ. Allempopa' añach e'nyerret erra'tsente' serrpare'tene' cotap̄ñatser ñeñt̄ e'ñe cohuen entenet ñet attotcha'ña atonterraña ñeñt̄cha' yeçhaterrahuet ñeñt̄ e'ñe ñet p̄octap̄ñet. ⁴ Allempopa' amach esesha' muenerraye o'ch e'mñotet cotap̄ñats ñeñt̄ e'ñe po'ñoçh. Atteñapa' o'ch añ e'ñe cotape'cherret ñeñt̄ e'ñe ñet pueserrparñet. ⁵ Tarraña p̄apa' añach paterr p̄octape'ch ñeñt̄ cohuentetsa Yomporecop, ñaña çhocmach pa'huanta' ñerra'm huaponapa mueroçhteñets, ñaña añach paterr pema'yochra serrpare'tatyesets cohuen ñoñets alloch yequeshperra. Ñaña çhocmach petorra ñeñt̄ atet petaruas apaḡ Yompor.

Allempo o' muetsamochet Pablo

⁶ Napa' amach errot nepere'te tarro'mar o' çhampoch allempoch na'mtsaretta Yomporecop. Te'pa' neñotena napa' o' muetsamochnet. ⁷ Tarraña napa' o' epaye' netorra'nma Yomporecop atet ñerra'mrrate' çho

neçllarena Yomporecop. Ñaña napa' o' netsotua ora ñeñt atet oterren Yompore. Ñato' o'ch netma'ntacha ñeñt atet nepena: Ñerra'm cho erra yesechapa' chocmach yeçhap all yesechena. Ñaña napa' ama't mameshapa' ama nequeçhpue'te atto name'ñaña Yompore. ⁸ Te'ña napa' aña necuen esempoch nagap ñeñt o'patatenna Yompore ñeñt'cha' nanac nocshatterre', tarro'mar napa' añ nepa'yese't ñeñt atet muene't Yompore. Ñeñto'marña te' esempoch huerra Yepartseshar Cristopa' allempo napa' apfuerrrencha' ñeñt o'patatenna. Tarraña amach napta apfuerrno ñeñt o'patatenya. Añe'nachña apfuerr ñaña allohuen ñeñt chocma cohuae'tene' te' Cristo o'ch huerra. Ñeñfara Yepartseshar Cristo ñeñt'cha' yeñotatterre' ñeñt po'ñoçh atet ye'pa'yena te'.

Arrpa' all otyesan Timoteo ñeñt atet aparettena

⁹ Te'pa' o'ch notap ñaña ñerra'm errotentopa' o'te' pon arr tayecma. ¹⁰ Tarro'mar arr masheñ Demaspa' o' a'ypo'ña'nerren arr napuet, ñapa' o' ahuerr Tesalónico, tarro'mar ñapa' aña nanac morrentena ñeñt patso'marecpa. Añpa'cho'ña masheñ Crescentepa' o' ahuo' ñaña Galacio. Ñaña masheñ Titopa' o' ahuo' anetso Dalmacio. ¹¹ Te' arrpa' aña arro'tsen masheñ Lucas. Ñaña o'ch pa'sech masheñ Marcos ñeñt'cha' epap pon arr, tarro'mar ñato' ñapa' o'ch yenpa'n arr. ¹² Masheñ Tíquicopa' o' nemñe a'yo anetso Efeso. ¹³ Ñaña o'ch notap ñerra'm poncha' arrpa' panmoncha' necapa ñeñt nena'nom Troaso e'ñe Carpo pa'paclo. Ñaña panmoncha' allohuen nelibroçhno, ñaña nepaplleçhno. Ñeñfara añ nepaplleçhno'pa' ñeñt nanac nemnen.

¹⁴ Alejandro ñeñt po'taruas pene' asreçhnopa' ñapa' atta nanac a'metare'tam'psen. Tarraña Yomporpa' tsa'taterach ñeñt atet pa'n. ¹⁵ Ñeñto'mar papa' e'ñech peñota ñocop, tarro'mar ñapa' nanac epatare'tenan Yompore po'ñoñ ñeñt atet yeserrpare'ten.

¹⁶ Ñaña o'ch notap. Ama't ahuañmo'cha allempo ñanom na'pocstat neñoñ añcha'taretshopa' ama't pueheñarrapa' ama esesha' neñosapretaye. Elloña ñeñtapa' cha a'ypo'ña'huanet. Tarraña ama't atet pa'netañpa' napa' ama nemno Yomporpa' o'ch tsa'taterranet. ¹⁷ Tarraña Yepartseshar Cristopa' ama a'ypo'ña'no, elloña nanac ahuañmocat pa'n. Ñeñto'marña o' alla neserrpare'terrerr Yompore po'ñoñ attoch e'mare'ch allohuen acheñenesha' ama't ñeñt ama judioneshayaye ñeñt alloch yequeshperra. Atto nequeshperra allempo all atarr amueroçhtataretten, napa' atet nenteñ ñerra'mrrate' Yepartsesharpa' o' a'queshpaterren e'ñe ma'yarr puenamot. ¹⁸ Ñeñto'marña te'pa' neñoteñ Yepartsesharpa' chocmach a'queshpaterren arrot all ama cohuenayaye, ñaña napa' neñoteñ chocmach cohuañpenen, attochña çhapterren all añcha'tarettena ña pue'ntañ. Ñeñto'marña chocmuepa'ch ya'ye'choçhtatoñ errponohuañen. Ñeñtpa' attetepa'ch.

Arrpa' all huom'cha'tyesnerranet po'cartot

¹⁹ Ñaña añ necartotpa' nemneñ o'ch nehuom'cha'ch noçh Prisca epuet puerrollar Aquila, ñaña o'ch nehuom'cha'ch Onesiforo pamo'tsesha'. ²⁰ Ñaña masheñ Erastopa' alla a'pa anetso Corinto, ñaña masheñ Trófimopa' alla nesa'nerñ patsñañot Mileto. ²¹ Ñaña papa' ñerra'm errotentopa' chocmate' pehuapa allempo ama huapuenta'. Ñaña añ necartotpa' mueneñ o'ch

huom̃cha'taḡ masheñ Eubulo, ñaãma Pudente, allotpa' ñaãma Lino, ñaãma noçh Claudia ñaãma allohuen masheñ neshachno ñeñtey ame'ñetsa arr Romo.

²² E'ñe allohuanenpa' o'ch notaḡ, Yepartseshar Jesucristopa' çhocmuepa'chña e'ñe parro'tseneḡ. Ñaãma Yomporepa'ch sa'natenaya allohuenes. Ñeñtpa' attetepa'ch Nompore. Allohua.

Pablo

AÑ SAN PABLO PO' CARTA ÑEÑT QUELLCAN TITO TITO

Atto Pablopa' quellcan carta Titocop

¹⁻⁴ Masheñe Tito ñeñteḡ e'ñe parro yame'ñeñoḡ e'ñe atet nenteneḡ ñerra'mrrate' e'ñe nechemer nepeneḡ, na Pablon pequellquene'ña añ carta ñeñfen nanac torreta Yomporecop. Ñaña napa' ñeñfen Jesucristo puellsensaren. Ñapa' atto llesenserren attoch nach ame'ñaterre'ña allohuen acheñenesha' ñeñt acre't Yompor ahuatoteñ attochña ñetpa' o'ch ame'ñeret. Ñaña añecop llesensa'n attoch nach eñoterrahuet ñeñt e'ñe po'ñoḡ atet poctetsa Partocop, ñaña nach eñoterrahuet e'ñe yeyemteñoḡ ña yañapa' corretsayach yocsheñeshocmañen tayoteñ e'ñe erponañohuen. Tarro'mar ñeñtpa' atet oteney Yompor ama't ahuatoteñ ñeñtcha' atet ḡonay, ñaña yapa' yeñoteñ Yomporpa' ama puenesho po'ñoḡ. Ñeñto'marña te'pa' o' cherr allempo e'ñe pocte' enteñ ña o'ch eñotaterrey ña po'cohuenña. Ñeñto'marña napa' o' llesenserren Yompor ñeñt Ya'queshḡatañer yepen, nach serpare'terre' po'ñoḡ ñeñt atet otenen. Te'pa' e'ñe nehuom'cha'teñoḡeḡpa' o'ch notapḡ: Yomporepa'chña pebensare'tamḡpene' ñeñt atarr Parets epuet Puechemer Jesucristo ñeñt Yepartseshar yepen ñeñtara Ya'queshḡatañer yepen. Ñetepa'chña pemuerenaya. Ñetepa'chña ḡocshatene' e'ñe ḡa peyo'chro.

Ñeñt po'taruas ḡa' Tito Yomporecop all anetso Creto

⁵ Te'pa' o'ch notapḡ, napa' atto nena'nmaḡ ahuaña Creto attoch ḡach a'poctatyese' ñeñt pallta'yetsa, ñaña ḡach acra'yese' puesheña'tets ñeñtcha' pena'yes allemeñ anetso'mar ñeñtcha' pompornesha' ḡa'yes ñeñt ame'ñetsa. Añmapa' ñeñtña atet notnomueḡ ahuañmo'cha. ⁶ Ñeñtcha' pompornesha' ḡa'yestetpa' añcha' pena'yes acheñ ñeñt e'ñe cohuenare' es ḡa'yets, ñeñt amach eñalle attoch tanmare'teña acheñenesha'. Ñaña ñeñtcha' pompornesha' ḡa'yestetpa' añcha' pena'yes erra'tsente' penten e'ñe paḡrra puetapor pen (ñerra'm ataporet), ñaña erra'tsente' penten ama't puechemeresha'pa' e'ñech ame'ña'huenet, ñaña puechemereshetpa' amach atteye' enteñ acheñenesha' atet ḡa'yena po'poñe'chno acheñenesha' ñeñt atta coshatse'tyenet, ñaña ñeñt ama atpare'tetso puechemeresha'. ⁷ Tarro'mar ñeñtcha' pa'm'cha'tareter ḡa' ñeñt ame'ñetsapa' añcha' pena'yes acheñ ñeñt e'ñe cohuenare' es ḡa'yets, ñeñt amach eñalle attoch tanmare'teña acheñenesha', tarro'mar ñapa' anaret ñach a'poctatyene' pa'namen ñeñt poctetsa Yomporecop. Ñaña ñeñtcha' pa'm'cha'tareter ḡa'yes ñeñt ame'ñetsapa' amach añeyaye acheñer ñeñt añach pocte' enten o'ch thocma ḡatanet ñeñt atet muenen e'ñe ña, ñaña amach ḡha atsrre'mothen entueno, ñaña ñeñt ama posa'tare'tetso, ñaña ñeñt amach orroñafeyaye, ñaña ñeñt ama nanac ye'chapretetso quelle ñeñt apenco'cheno o'ch gana. ⁸ Añña e'ñe pocte' o'ch am'cha'taretta ñeñt e'ñe cohuen aguene' acheñenesha' pa'ḡaclo, ñaña ñeñt nanac muenene' o'ch e'ñe cohuenare' es ḡa'yets, ñaña ñeñt e'ñe eñotene' ñeñt cohuentetsa, ñaña ñeñt e'ñe pocte' es ḡa'yets acheñenesha'cop ñaña Partocop, ñaña ñeñt e'ñech puetpara es ḡa'yen. ⁹ Ñaña ñeñtcha' pa'm'cha'tareter ḡa'yets ñeñt ame'ñetsapa' e'ñech yemtenana

pocacma añ ñoñets ñeñt e'ñe po'ñoçh Yompor po'ñoñ ñeñt atet yeçhateñet. Allochñapa' ñapa'çho'ña e'ñech attecma yeçhatan ñaña po'potantañeçhno ñeñt e'ñe paçharr cotapñats, ñaña ñeñt eñotene' attoch anapuenan e'ñe co-huenacma ñeñt achm'are'tene' Yompor po'ñoñ attoch ñetpa' amach errotentot anapeto.

¹⁰ Tarro'mar eñall shonte' ñeñt atpare'tets, ñaña ñeñt e'ñe orrena otatse'tyets, ñaña ñeñt shecare'tyets. Po'ñoçh ñeñtpa' atet pena shonte' judionesha'. ¹¹ Ñeñto'marña añ palltetsa o'huañcha' yeçhatyenet po'poñe'ttsoçma cotapñats. Tarro'mar ñetpa' atta nanac moññe'tateñet acheñenesha' pocapña; ama puesheña'ttsayaya atet petso ama't allohuen ñeñt parro yeçha'yenet. Ñetpa'çho'ña aña yeçhatenet ñeñt ama pocteyaye. Ñaña añeçpa yeçhatenet attoch ganet quelle, tarraña ñeñtpa' apencoçhena.

Ñeñt atet pena creto'marnesha'

¹² Puesheñarr creto'marnesha' ñeñt nanac etsotene' e'ñe ñañeñeta pocapñetpa' ñeñña acheñer ama pocteye' entenano pamo'tsesha' ñeñto'marña atet oten pamo'tseshacop: "Allohuen nanaç creto'marnesha'pa' ñetpa' çhocma nanac toma'tampeñet pamo'tsesha', ñaña ñetpa' nanac atsrre'mñaet e'ñe atet ñerra'mrrate' berr ñeñt nanac bellac, ñaña nanac quellañsareret, atarr araquêt ama ayetñaeto." ¹³ Ñeñt atet a'metampenan pamo'ts ñeñtpa' e'ñe po'ñoçh atet. Ñeñto'marña o'ch notap, te'pa' paçh otahuet, "te'pa' amach allo'na atet sepanna'tno." Allochñapa' attoch allo'na ame'ña'nmuçt añ cotapñats ñeñt e'ñe paçharr, ¹⁴ ñaña allochñapa' amach allo'na e'mñotneññaeto ñeñt pueserrparña pe't ahuatnaneshañ judionesha', ñaña allochñapa' amach allo'na e'mñotneñe acheñenesha' ñeñt atet yeçhatyenanet ñeñtcha' atet pet, tarro'mar ñetpa' çhach atpare'tenet ñoñets ñeñt e'ñe po'ñoçh Yompor po'ñoñ.

¹⁵ Ñaña o'ch señoçh: Ñeñt acheñer e'ñe cohuenare' es cotape'chen pueyoçhro Yomporecoppa' ñocoppa' ama es eñalle attoch sosey enteñ Parets. Tarraña ñeñt nanac sosey cotape'çhets pueyoçhro ñaña ñeñt ama ame'ñetsopa' ñocoppa' ama eñalle ñeñt cohuen enten ña. Tarro'mar pocapñetpa' atarr sosey. Ñeñto'marña ñetpa' amach çhapaneto pueyoçhro ama't esempo o' pohuet ñeñt ama pocteye' enteno Yompor. ¹⁶ Ñeñt atet acheñpa' ama't otenetañ eñoteñeto' Yomporca' tarraña ñeñt atet pa'tse'tyenetpa' yeñoteñ ñeñtpa' ama atteyaye. Ñeñt Yomporca' ama pocteye' entapretenaneto, tarro'mar ñetpa' ama es otapahueto, ñaña ñetpa' ama es sherbeneto ama't mamesha.

2

Ñeñt e'ñe paçharr cotapñats Yomporecop

¹ Tarraña pocoppa' añña poctetsa o'ch peyçhateñ acheñenesha' ñeñt e'ñe paçharr cotapñats Yomporecop. ² Ñaña ñeñt po'nmeneshaçhno yacmapa' o'ch peyçhatanet atet: Amach orrare'tatsteto attoch çhocma cotape'çhenet e'ñe cohuen, allochñapa' pamo'tsesha'pa' añcha'na'tpo'ch enteñ, ñaña attoch nanac eñotenet ñeñtcha' atet pa'yestet ñeñt cohuentetsa Yomporecop. Ñaña o'ch potanet e'ñe cohuenacma, ame'ñetpa' ñeñt e'ñe paçharr cotapñats Yomporecop, ñaña morrentanna'tetepa' ñaña ahuanta'huetepa'ch allohuen topateñets. ³ Attecmach peyçhach ñaña po'nmeneshaçhno coyanesha' ñetpa' añepa'ch orrtatyenet ñeñt e'ñe pocte' enten Parets ñaña ama't allohuen

acheñenesha'. Amachña čhaña atomañeñteneto, ñaña ñetpa'čho'ña amach orrare'tatsteto. Añña pocte' o'ch yečhachet pacmanesha' ñeñt cohuen enten Yompor. ⁴ Ñetpa' yečhachetepa' pacmaneshačhno ñeñt shopshare' ñeñt o' some'tua allochñapa' attoch e'ñe cohuen mueryet puerrollaret, ñaña attoch e'ñe cohuen mueryet puechoyoreshet, ⁵ ñaña attoch ñetpa' eñotenet nanac ñeñtcha' atet pa'yestet ñeñt poctetsa ñaña attoch muechetteten, ñaña attoch amach muenme'cheneto ñeñt po'taruas penet pa'pacletto, ñaña e'ñech amuerañtenet, ñaña e'ñech ame'ñeñet puerrollaret. Allochñapa' e'ñe ñeshofetpa' amach errotento acheñenesha'pa' achmāre'toñeto Yompor po'ñoñ.

⁶ Attecmach peyčhach ñaña yacmanesha' ñeñt huepaneshameñ attoch ñetpa'čho'ña o'ch eñochet ñeñtcha' atet pa'yestet ñeñt poctetsa. ⁷ Papa'čho'ña e'ñech cohuenare' es pepa'yepa'ña, allochñapa' attoch entaḡ acheñenesha' ñeñt cohuen enten Yompor. Ñaña allpon peychatenanetpa' e'ñepa'chña pačharr peychatenanet, amachña čha muene' peyellsheñtoḡ peychatenaneto attoch amičha'na'tpo' entoñet Yompor po'ñoñ. ⁸ Tarro'mar e'ñe peychateñoḡ Yompor po'ñoñ ñeñt e'ñe pačharrpa' amach errotento ama't eseshapa' oto añpa' ama atteyaye. Ñaña ama't ñeñt pe'moñe'tyene' ñerra'm e'ñe peychateñoḡ e'ñe cohuenpa' allempoña ñetpa' o'ch penquēt, tarro'mar e'ñe peychateñoḡ cohuen pačharr. Allempoña ñetpa' amach errotento alla sasare'tterpeterro.

⁹ Ñaña e'ñech cohuen poctape'chatyes acheñenesha' ñeñt ataruasatarettsa e'ñe atta. O'ch potanet ame'ñyetepa' e'ñe cohuen ñeñt po'patronar penet. Ñaña añ pocte' allpon muenenet po'patronaretpa' e'ñepa'chña ame'ña'hueñet, allochñapa' attoch coshateñet po'patronar. Amachña čha anapare'teñeto. ¹⁰ Ñaña amachña čha etyenet attoch po'patronaretpa' e'ñech yemtenanet poctacma. Allochñapa' e'ñe pame'ñeñofet cohuen po'patronaretpa' añña acheñenesha'pa' e'ñech cohuen entapretenet Yompor poctaḡña, ñeñtara ñeñt Ya'qushḡatañer yepen.

Atto Yomporpa' orrtatan pemuereña allohuenacpay

¹¹ Yomporpa' orrtaterrnay pomuereña e'ñe allohuenacpay pa'namen acheñenesha'cōp attoch yequshperra. ¹² Ñaña ñeñt ama cohuen enteno Yomporpa' añ pocte' o'ch ya'ypo'ña'huer, ñaña ñeñt allpon yemnatse'tyen arr patsropa' añ pocte' ñaña o'ch ya'ypo'ña'huer, tarro'mar pemuorreneteñoḡ Yomporpa' ñeñto'mar yečhatey atet. Añña pocte' ama't añe patsropa' o'ch yepena ñeñt cohuentetsa, ñaña o'ch yepena ñeñt atet pocte' enten Yompor, ñaña ñeñt atet muenen o'ch yetsotoñ. ¹³ Añpa' attoch yecuame'teñ e'ñe yocsheñesha' esempohuañencha' huerra po'cohuenño Jesucristo ñeñt nanac Parets ñeñt Ya'qushḡatañer yepen. ¹⁴ Tarro'mar ñapa' ña pocte' ente' o'ch rroma yocōp attoch o'huañcha' allo'na yepatse'tnena sosya'tsañ. Ñaña ñapa' attoña e'shohuerrnay allohuen ñeñt ama pocteyaye. Allochñapa' attoch pueyochresha' perrey, ñaña attoch yapa' yema'yočhrena ñeñt cohuentetsa.

¹⁵ Allohuen ñeñt atet o' notuaḡ ḡapa' ñeñtcha'ña peychatyesanet. Ñaña o'ch poctape'chatyesanet e'ñe cohuen, ñaña ñerra'm pa'yenet ñeñt ama pocteyayepa' o'ch potanet, amach ḡatsteto atet, tarro'mar ḡapa' ñeñtēcōp anareteḡ. Ñaña ñeñt ama pocteyayepa' amach atet peḡatsto, te't acheñenesha'pa' amate' acua'ḡsenaye' entenpeto.

3

Ñeñi atet poctetsa allohuenacop ñeñitey ame'ñetsa

1 Ñaña o'ch peyerpacha acheñenesha' añ pocte' o'ch ame'ñeñet ñeñi nenet nanac amcha'taret, ñaña allohuen po'psheññe'chno ñeñi amcha'taretetyetsapa' añ poctetsa o'ch ame'ñeñet. Ñaña añepa'chña pocsheñesha' chocma torrayenet erra'tsente' cohuen enten acheñenesha'.

2 Ñaña o'ch peyerpatanet amach allo'na sasare'tneñeto ama't puesheñarra, ñaña e'ñepa'chña cohuen entannenet, ñaña e'ñepa'ch acoña es penet po'psheññecop ñaña e'ñepa'ch cohuen amuerañtenet allohuenacop.

3 Ñeñipa' e'ñe pocte' atetcha' pannenet tarro'mar yapa'cho'ña yeñoteñ ahuatpa' aña yeñatse'tyese't ñeñi ama pocteyaye. Yapa'cho'ña attach ama es yepthe'te allempo nanac yeñatse'tyese't sosya'tsañ. Ñaña nanac yatpare'te't ahuat, ñaña aña ye'chatyesyete't ñeñi ama po'ño'choyaye cotapñats. Yechetspa' aña nanac muenatse'tatyete't ñeñi ama cohuenayaye ñaña allempopa' aña nanac yocshe't pa'namen sosya'tsañe'chno. Ñaña allempopa' nanac atsrre'mo'chen yentanna'tyese't ñaña nanac es yeye'chapretanna'tyese't. Ñaña allempopa' ñerra'm esesha' ye'moñe'te'pa' yapa'cho'ña o'ch'cho' ye'moñe'ch'cho' yaña. 4 Tarraña allempoña Yomporpa' eñotatay e'ñe ña puemuereño'tpa' mueneñ o'ch yenpa'y, e'ñe allempocma yapa' attoña a'queshpaterrey, ñeñio'marña Yomporpa' ñeñi Ya'queshpatañer yepen. 5 Ñeñipa' ama año'teyaye atto e'ñe cohuen es yepa'yen, añña e'ñe puemuereño'teya ñapa' a'queshpaterrey. Attoña e'shohuerrnayña yo'chñar attochña ellopa' o'ch yotape'cherr e'ñe cohuen etserra ñocop, ñaña Puecamquëño'tpa' o' e'ñe etserrataterrnay yotapña. 6 Ñeñio'marña Puechemer Jesucristopa' attoña a'pocatuonay yocop attoch Pomporpa' chorraterrya Puecamquëñ e'ñe poctacma. Jesucristopa' ñeñiña Ya'queshpatañer yepen. 7 Ñeñio'marña te'pa' yeñoteñ e'ñe puemuereño'tey Yomporpa' o' pocte' entuerrey allohueney, ñeñio'marña te'pa' e'ñe yeyemteño' chocma yecucame'ten ñeñi o'patatenya, ñeñipa' attochña yapa' corretsayoch yocsheñeshocmañen tayoteñ e'ñe errponañohuen.

8 Ñeñi atet notenpa' e'ñe po'ño'ch. Ñeñio'marña napa' atarr nemneñ o'ch poctape'chatanet e'ñe huomenco atet, allochñapa' ñeñi ame'ñenaya Yomporpa' e'ñech aña ma'yo'chrenet o'ch penet ñeñi cohuen enten ña. Ñeñi o' notuapa' ñeñiña cohuentetsa ñaña ñeñiña nanac sherbets allohuenacop. 9 Ñaña o'ch notap, amach pa'na anapare'tatstahueto ñerra'm esempo anapare'tanna'tyena acheñenesha' e'ñe ñet poctapño'maret. Ñaña amach pa'na anapare'tatstahueto ñerra'm esempo anapare'tanna'tyenet atet pa'yese'te't pa'tañeshañet. Ñaña amach pa'na otnare'tatstahueto ñerra'm esempo pueserrparño'tetpa' es otnare'tanna'tyenet. Ñaña amach pa'na anapare'tatstahueto ñerra'm esempo anapare'tanna'tyenet e'ñe Moisés po'ño'no'mar. Tarro'mar atto yanapare'tannenapa' ñeñipa' ama es sherbeno, ñaña ñeñipa' e'ñe orrena.

10 Ñaña ñerra'm esesha' ñeñi muenets o'ch atta e'moñe'tatyesan acheñenesha'pa' ñeñipa' atetcha' pepe', o'ch peñotach atetpa' ama apapahuo. Ñerra'm ama huenano ñeñi atet penapa' ñato' o'ch alla poterr po'pocheño. Ñerra'm allempoña ama huenerropa' añ pocte' o'ch sa'ypo'ñe'.

¹¹ Tarro'mar ñeñt atet acheñpa' yeñoteñ ñeñtpa' po'chñarořcha' nanac es panten. Ama't ñapa' eñoteñeñ ñeñt atet pena ñeñtpa' ochña'teñets.

¹² Ñehua, o'ch noterrperr po'poñ. Ñerra'm esempoch chap pesho masheñ Artemas amapa' masheñ Tíquico ñeñtcha' nemña peshopa' ñerra'm errotentpa' čhocmate' ÷on, o'ch pečhap Nicópoliso, tarro'mar napa' noctape'cheñ ñato' allcha' nechara'perra. ¹³ Ñaña čhocmach peyenpue' masheñ Zenas ñaña masheñ Apolos attoch ñetpa' čhapuet all sečenet, ñaña attoch amach es pallteto. Zenaspa' ñeñt nanac etsotene' ñoñets ñeñt atet anaret. ¹⁴ Allochñapa' ñeñt parro yame'ñena allpa' añ pocte' o'ch pa'yenet ñamet ñeñt atet cohuenteyetsa, ñaña attoch ñetpa' yenpueñet ñaña ñeñt nanac es palltetsa. Allochñapa' ñetpa'čho'ña o'ch sherbeñet pamo'ts.

Arrpa' all huomcha'tyesnerranet po'cartot

¹⁵ Allohuenet ñeñt parro'tsenenpa' mueneñet o'ch huomcha'tapet ñamet añ necartot. Ñaña o'ch pehuomcha'ch allohuen ñeñt pame'ñeñotetpa' čhocma morrentenyet. Yomporepa'chña sa'nataya allohuenes. Te'pa' ñeñt ach notap, ñeñtpa' attetepa'ch Nompore. Allohua.

Pablo

AÑ SAN PABLO PO' CARTA ÑEÑT' QUELLCAN FILEMÓN FILEMÓN

Atto Pablopa' quellcan carta Filemónacop

¹ O'ch masheñe Filemóna nequellconañ añ carta, na Pablon epan masheñ Timoteo. Napa' o' yottam̄pennet e'ñe neserrpare'teñoñ Cristo Jesús po'ñoñ. Te'pa' o'ch masheñe yehuom̄cha'tap̄ pa ñeñt̄ep̄ atarr yemorrentena ñeñt̄ep̄ atarr yetorrapretenaya Yomporecop. ² O'ch yehuom̄cha'teñ ñaña allohuen ñeñt̄ pame'ñeñoñet̄ chocma ap̄chenet̄ pepaclo. Ñaña o'ch yehuom̄cha'teñ yoçh Apia ñaña masheñ Arquipo ñeñt̄ nanac yetorrapretenaya ñaña Yomporecop. ³ E'ñe nehuom̄cha'teñoñes sapa' napa' o'ch notas: Yomporepa'ch sebensare'tam̄pene' ñeñt̄ara Parets epuet Puechemer Jesucristo ñeñt̄ Yepartseshar yepen. Ñetepa'chña socshatene' e'ñe sa seyoçhro allohuenes.

Atto Filemón e'ñe pame'ñeñoñan Cristo atarr morrentenana allohuen ñeñt̄ ame'ñetsa

⁴⁻⁵ Ñaña te'pa' o'ch notap̄ masheñe. Napa' atet̄ ne'mare'teneñ̄ p̄apa' nanac peyemteña Yepartseshar Jesús ñaña atarro' pemorrenteña allohuen Yompor pueyochresha'chno. Ñeñt̄o'marña na atet̄ ne'mare'teneñ̄pa' chocma neparasyoso'teñ Yompor allemo nema'yochar̄m̄pen̄pa. ⁶ Ñaña o'ch notap̄, añ nenamueñ̄ Yompor pocop, ñeñt̄ allpon pame'ñatena e'ñe pame'ñeñoñ̄ Yompor, ñetpa'cho'ña chapanetepa'ña pueyoçhreto atto nanac shonte' e'ñe cohuen bensare'tam̄peney Yompor e'ñe yame'ñeñoñ̄ Puechemer ñeñt̄ Cristo Jesús. ⁷ Ñehua, masheñe atarr nocshena atto p̄apa' atarr pemorrenteña allohuen ñeñt̄ pueyochresha' pen Parets. Atto atarr pemuerenanetpa' ñeñt̄o'marña na ñaña atarr p̄ocshaten neyoçhrohuen.

Atto Pablopa' otenan Filemón e'ñech cohuen aguerran pa'taruasañer Onésimo

⁸ Ñeñt̄o'marña te'pa' o'ch noterrperr po'poñ: Napa' ñeñt̄en Cristo puellsensaren ñeñt̄o'marña p̄ocoppa' e'ñe pocten̄ o'te' atet̄ notapeñ̄ e'ñe ne'mueñoçma ñeñt̄ poctetsa atetcha' peña. ⁹ Tarraña neñoteneñ̄ p̄apa' atarr amuerañap̄ ñeñt̄o'marña te'pa' o'ch notap̄ e'ñe p̄a pemuereñoñ̄ atet̄ñaca'yeña peña. Ñehua, na Pablon ñeñt̄en atet̄ potene' napa' po'nm̄ota o' yottam̄pennet e'ñe neserrpare'teñoña Cristo Jesús po'ñoñ. ¹⁰ Tarro'mar na potene' añecop ñeñt̄ atet̄ nenteñ̄ ñerra'mrrate' nechemer. Ñehua, ñapa' o' name'ñacha arr all ayottam̄psareten ñeñt̄o'marña te'pa' e'ñe nechemer nepeñ. Ñeñt̄pa' añ pa'so'cheñ̄ Onésimo ñeñt̄ p̄a'taruasañer pepe't̄ allemo ama yetam̄pen̄pa'.

¹¹ Ña ahuatpa' ama es asherben peñche'te allemo petaruasache't̄ e'ñe atta. Te'ñapa' nanaccha' asherben penter e'ñe atet̄ atarr asherben nenteñ̄ nanña. ¹² Te'pa' o' alla nemñer pesho, e'ñepa'chña cohuenacma alla p̄aguèr, e'ñech atet̄ p̄epapuer ñerra'mrrate' e'ñe no nechemer paguèr, tarro'mar ñapa' e'ñe neyoçhroçmañen atarr nemorrenteña. ¹³ Napa' atarrçho' nemneñt̄ o'ch na'pacheñ̄ arr ñeñt̄cha' epan atto ñapa' ñate' neshherbenayeñ. Ñehua, napa' neñoteñ̄ ñerra'm̄ p̄a arro'tsenpeñcha'pa' p̄ate'ña neshherbenayeñ arr all

ayottam̄psareten e'ñe neserrpare'teñoť Cristo po'ñoñ. Tarraña p̄apa' amaña arro'tsenayappe ñeñto'marña napa' nemneñeñ o'ch na'patonapeñ p̄a'cheñer ñeñfcha' nesherbenañeñ. ¹⁴ Napa' ama't atarr nemneñeñ o'ch atet nepeñ, tarraña ama nemno o'ch atet nepa ñerra'm ama p̄a atet notaye, attoña e'ñe p̄a p̄octap̄ñoťpa' añcha'ña p̄orrtatonay pemuereña. Ama nemno o'ch e'ñe na ne'mueñocmapa' o'ch notap̄ atetcha'ña pepa'y, ñeñto'marña te'pa' o'ch alla nemñer masheñ Onésimo pesho. ¹⁵ Ñaña o'ch notap̄ ñato' tarrecpate' yetam̄psapa' mame' attoch e'ñe parrocaterrep̄ e'ñe tayoteñ errponañohuen. ¹⁶ Te'pa' o'huañcha' atet peñch ñerra'mrrate' p̄a'taruasañra pepeñ ñeñť ama esoye' pente'te. Te'pa' e'ñechña atet penter ñerra'mrrate' e'ñe pemo'nasheñ ñeñť atarr pemorrentena. Napa' atarr nemuereña elloña p̄apa' o'ch atarr pemuera nanac tarro'mar ñapa' ama e'ñe atta pemo'nasheñ pepeñe atet yepannena allohueneñ aheñey, te'ñapa' e'ñe yame'ñeñoť Yompor o'ch e'ñe pemo'nasheñtera e'ñe p̄octacma.

¹⁷ Ñerra'm po'ñočh atette' pentenen na ñeñey parro attecmay yeyem-tannena, ñeñtep̄ñapa' e'ñechca'ye cohuen p̄aguēña yemo'nasheñ Onésimo atet ñerra'mrrate' na e'ñe cohuen p̄aguēñ. ¹⁸ Ñerra'm čhote' errot pen-nañ ñeñť ama cohuenayaye amapa' ñerra'm čhote' tebeneñ, te'ñapa' nach petsa'terraya. ¹⁹ Na Pablonpa' te'pa' o'ch nequellconap̄ e'ñe na notot̄ attoch e'ñe cohuen neñotap̄ nach petsa'terraya. Tarraña ñato' o'ch neyerpatapa' atto na p̄ame'ñaterraya attoch p̄a'queshp̄ataretterra, ñeñto'marña p̄ocoppa' añ p̄octetsa te'pa' o'ch alla p̄ocshaterren naña. ²⁰ Po'ñočh masheñe, napa' añ e'ñe nemnen te'pa' o'ch alla p̄ocshaterren naña e'ñe p̄ame'ñeñoť Yepart-seshar Jesucristo. Allochñapa' napa'čho'ña attoch e'ñe cohuen nocsherra neyočhro e'ñe name'ñeñoť naña Cristo.

²¹ Napa' neñoteneñ p̄apa' čhocmach pe'mñoten ñeñto'marña nequell-quēñnañ añ carta. Neñoteneñ amach ñeñtayaya atet pepo ñeñť o' notuañ, p̄apa' ellochña atarrcha' cohuen pepa'yes allohuen ñeñť atarr cohuentetsa. ²² Te'pa' o'ch noterrperr po'poñ: p̄añño'toncha' ñaña nocop allcha' nečhap ñerra'm esepoch a'rroyerrnet. Sema'yocham̄peñoťen Yomporpa' napa' añ atarr necuen ñato' esempopa' a'rroyerrnetcha'. Allempopa' eshectē neta sesho o'ch nemo'terra'.

Arrpa' atto so'tner po'cartot

²³ Arr necartot all huom̄cha'teneñ ñaña masheñ Epafras ñeñť parro yot-tam̄penyet e'ñe yeserrpare'teñoť Cristo Jesús po'ñoñ. ²⁴ Huom̄cha'teneñ ñaña masheñ Marcos ñaña masheñ Aristarco ñaña masheñ Demas ñaña masheñ Lucas. Netpa' čhocma torrapretennet Jesucristocop.

²⁵ Te'ñapa' ñeñfch notap̄ masheñe. Yepartsesharepa'chña Jesucristo sa'nataya allohuenes. Ñeñťpa' atetepa'ch Nompore. Allohua.

Pablo

AÑ CARTA ÑEÑT HEBREONESHACOP HEBREOS

Te'ña Yompor Puechemerpa' ña e'ñe ye'ñorana'terraya ñeñt atet oteñ Pompor yocop

¹ E'ñe ahuatoteñ Yomporñapa' ðhocma eñorana'tyesane't ñeñt pueyochresha' pe't ñeñtcha' a'mta'yesaye't po'ñoñ ñeñtara profetanesha'. E'ñe pa'namenot eñotatyesanete't. Ñetñapa' o'ch eñotatenayet yatañneshañ judionesha' ñeñt atet otenanet Yompor. ² Tarraña te'ña yapa' e'ñe ña Puechemer o' eñorana'terrya ñeñt atet eñoreññaña Yompor yocop. Ñehua, ñeñtapa' ñeñtara Puechemer ñeñt Jesucristotets ñeñt ne't Pompor ahuatoteñ, ñach o'patenaya allohuen ñeñt ora allpon eñall, tarro'mar ña yechcataprete' ahuat Pompor añ patser ñaama allohuen ñeñt esocmañen pa'namen eñalalyesta. ³ Ñeñtara Cristo atto atarr cohuentena ña pa'tsnomueño't, ñeñtapa' Pomporña orrtaten po'partsoña. Ñeñt atet cohuen orrtatyen ñapa', Pomporpa'cho'ña e'ñe parro attecmet. Ñapa' e'ñe po'ñoño'ta orrtatuan ora esocmañen ñeñt allpon pa'namen eñall tarro'mar ña po'ñoñpa' atarr huomenc. Ñeñtara ñeñt rromats attoch e'ñe e'shamperrey yo'chñar. Allempoña o' orrtatuan atto e'shamperrey yo'chñar allempoñapa' o' alla anorruerr Pompor Parets po'cohuenrot allña atarr partsotapretuerrana Pompor po'conaño e'ñe all pue'ntaño.

Ñeñt Yompor Puechemerpa' ña metana'tuene' allohuen mellaño'teñnanesha' atto atarr sherben ña

⁴ Ñeñto'marña te'ña ñapa' atarr añcha'tarettena, ello metana'tuenan allohuen mellaño'teñnanesha', tarro'mar ñapa' ñeñt otenet ñapa' e'ñe Parets Puechemer. Ñeñña mellaño'teñnanesha' ñetpa' ama atteye' otaretteneto. ⁵ Ñaama yeñoteñ ñapa' ña e'ñe metana'tuenahuet tarro'mar mellaño'teñnanesha' ama't pueñeñarro'tetapa' ama otaneto ñeñt atet otan Puechemer, ñeñtapa' atet ot Puechemerecop:

Papa' pa ñeñteþ e'ñe Nechemereþ, te'ñapa' o'ch e'ñe neñotach acheñenesha' po'ño'ch þapa' e'ñe Nechemer nepeneþ.
Po'pocheñoñapa' atet oterrerr Puechemerecop:

Ñapa' na ñeñten Pompor, ñapa' no Nechemer.

⁶ Po'pocheñoña allempo ðhapatan Puechemer po'moter ñeñt atarr nanac sherbets añe patsro atet eñora ñocop, ñeñtapa' atet ot:

Te'pa' concorpana'teñepa'ch allohuen nemllaño'teñnanesha'.

⁷ Po'mllaño'teñnanesha' ñetpa' añeþca anarettenet ñetcha' sherbenet Yompor. Ñeñto'marña atet eñorena ñocpuet:

Ñerra'm erra nemñayenanet e'ñech poma'yorñecma erra senet e'ñe atet penet ñerra'm ñorr. Atarr cohuen sherbennet atet ñerra'mrate' tso' ñeñt atarr cohuen huoretets.

⁸ Tarraña Puechemerecoppa' ama atteye' oteno. Ñocoppa' atet eñora:

Papa' atarr Partsop, ñeñteþcha' ðhocma añcha'tarettsa peconaño ñeñt errponañohuen. Ñaama ñeñt atto pa'mcha'tarettena þapa' e'ñe pocte' es peþayenanet.

- 9 Ñaña ñeñt e'ñe pocte' nenten napa' ñeñtña atarr p̄ocshatene'. Ñaña ñeñt ama pocteye' nenteno napa', p̄apa'cho'ña ñeñt atarr petsena'ten. Ñeño'mar napa' ñeñten Peyomporer pepenen, ahuo't atarr nanac nocshaterrep. Atto atarr p̄ocshena p̄apa' ello penitana'tueñ allohuen po'potantañ ñeñt nesherb̄a'yene' ñamet.
- 10 Yomporpa' alla eñorerrerr Puechemerecop, ñeñtpa' atet otererr: Parteshacha' p̄a yečhatue' ahuat pats, e'ñe echarr p̄orratue. Enetpa'cho'ña e'ñe pehuamencotecma peyečhatue.
- 11 Ñeñt e'ñe peyečcatuapa' ñeñtpa' huañerrcha' e'ñech chenca'huerra esempo, tarraña p̄apa' ama arromñafeshayape ama't e'ñe errponaña. Allohuen ñeñt peyečcatua ñeñtpa' e'ñech mellasha'tua e'ñech atet pena ñerra'mrrate' shetamuets ñeñt atarr amllasha'tña.
- 12 Atetcha' peperr peyečcatar atet ñerra'mrrate' shetamtsoshe'm ñeñt o' mellasha't. O'ch a'metatse'chet o'ch huapore'chet allempo chorrenet po'poñ ñeñt atarr cohuen emarr. Tarraña p̄apa' atterap̄ach errponañohuen. Atto p̄ocrrena p̄apa' ama't ahuatapa' amach ahuañaña'terro.
- 13 Po'pocheño Yomporpa' alla oterranerr Puechemer, ñeñtpa' atet och: Te'pa' o'ch alla p̄anorruerr arr necohuenrot allcha' pepartsotapretuer-rna. Esemphuañencha' allohuen ñeñt pe'moñe'tene' o'ch e'ñe na'mchechuerranet attochña pomnaren pephuerranet. Tarraña mellañoteñnanesha'ñapa' ama atteye' oche ñeñt atet otan Puechemer. (Ñeño'mar yeñoteñ Yompor Puechemer ña atarr sherbets, ello metana'tuanen allohuen mellañoteñnanesha'.) 14 Yeñoteñ allohuen mellañoteñnanesha'p̄a añeepa allsensarettenet atet ñerra'm Yompor Puecamquēñ, ñetcha' sherbenet Yompor. Attochña ñetcha' yenpuenet allohuen ñeñtcha' a'qeshp̄atarettertsa.

2

Amach atta es yep̄chatsto esheccha' ya'qeshp̄ataretterra

1 Te'pa' atto o' yeñoterrñañ Yompor Puechemer atto atarr nanac partsoten ñeño'marepa'chña te'pa' elloch yema'yočhrerra o'ch ye'mñoter e'ñe poctacma ñeñt atto o' ye'muerrñañ po'ñoñ. Ye'mñoterrepa'chña e'ñe cohuen te't acop̄oteñpa' ñatorraña o'te' alla yepserrñañ ñeñt atet o' yečhaterrey Yompor Puechemer. 2 Tarro'mar yeñoteñ Yomporpa' ama puenesho po'ñoñ ñeñt atto eñorana'tanet ahuat. Tarro'mar allempo ñeñt ama e'mñotaye ñeñt atta atpare'te'pa' e'ñe tsa'tatuanete't allohuen ñeñt allpon e'ñe pocte' ent ña. Ama't añ ñoñets ñeñt orrtat po'mllañoteñrenesha' chocma tsa'tatanete't ñerra'm esempo atpare'tenet ñeñt ñoñets. 3 Ñeño'marña yapa' yeñoteñ ñerra'm ama ye'mñoterrñañe e'ñe ña Puechemer, yañapa' errotenotuachñaca'yeña yeqeshp̄errate'ña ñerra'm atta ama es yep̄cheno; e'ñe atta eñalleñca'yeña attoch ya'qeshp̄ataretterrañ e'ñe cohuen. Ñehua, ñenma'p̄a Yepartseshar Jesúsña serrpare'tatahuet attoch ya'qeshp̄ataretterra. Allempoña ñeñt e'muene' atet otanet Yepartseshar Jesús, ñetñapa' o' serrpare'tatyet yanña attoch yeñoch ñeñt e'ñe po'noch ña a'qeshp̄atañtetsa. 4 Ñaña Pomporñapa' ñaña yeñotate' Puechemer po'ñoñ ñeñt atet oteneypa' e'ñe po'ñoch. Ñapa' orrtatyesanet po'partsoña ñaña po'huamenc ñeñt acheñenesha'pa' ama puentareto. Ñaña

ña Puecamquëñoŧpa' o' apa'yeseŧ e'ñe puesheña'ttsoy errotencha' muenateŧ ya ñeñŧcha' atet yetorra'yesa ñocop.

Atto Jesucristopa' e'ñe poctacma acheñetos arr patsro attoña e'ñe pa'mo'nasheñ pöhuerrey

⁵ Te'pa' o'ch noterrserŧ po'poñoneŧ añ patser ñeñŧcha' huerŧtsa tsapatoneŧ. Ñeñŧpa' ama mellañoŧeññeshaye' noña Yompor ñeñŧcha' pomnaren perre'. Ñapa' aña na' acheñ ñeñŧpa' arromñaŧenesha'. ⁶ Tarro'mar atet anaret Yompor po'ñoñ ahuatoteñ allempo puesheñarrpa' atet otan Yompor:

Ama't acheñaya ama't mamesha ama esoyayŧe, tarraña pa Nomporepa' atarrepa't peyerpuenya. Ama't ya ñeñŧey arromñaŧena'taraya tarraña pa Nomporepa' atarrepa't pemuerenya.

⁷ Ñeñŧ arromñaŧenesha'pa' ama tama ahuamencateŧayateŧ atet atarr sherben mellañoŧeññanasha'. Tarraña ñeñŧpa' mamecpa atet pemnach. Tarraña ama't atteñpa' elloña o'ch alla pecocuatater atet ñerra'mrrate' esempo o'ch net ñeñŧcha' añcha'taretterŧtsa, allempopa' o'ch nachet po'choyo'm ñeñŧ atarr cohuen.

⁸ Ñeñŧpa' tarro'marña atet pene' arromñaŧena'tar allochña'pa' attoch e'ñe pomnaren penan allohuen ñeñŧ allpon es peyeçhcatua. Arrpa' allohua atet oten ñoñets ñeñŧ ahuatoteñ anaret.

Ñehua, ñeñŧ ñoñets all oten arromñaŧena'tar ñeñŧcha' e'ñe pomnaren perre' allohuen, ñeñŧpa' añca'yeña oteney allohuenacop ñeñŧ erraparen eñall; amach eñalleña ama't e'ñe patra ñeñŧcha' ama pomnaren perreto. Tarraña ama't atet oteney ñeñŧpa' amaña yentera' allempoch pomnaren es perr arromñaŧena'tar, tarro'mar ama çherra' allempoch etsoterra ñeñŧecop anaret. ⁹ Tarraña e'ñe yeñoteñ puesheñarr ñeñŧ arromñaŧecoptartostsa ñeñŧ atet postsa ñeñŧca'yeña Jesús. Allempo acheñetos arr patsro Pomporña muenate' amach tama ahuamencattoso atet atarr ahuamencattena mellañoŧeññanasha'. Tarraña ñeñŧpa' mamecpa atet muenach attoch e'ñe arromñaŧecoptartosa arr patsro. Ñeñŧpa' añecopña atet pa attoch muerocñtosa o'ch rromos allohuenacpay ñeñŧey arromñaŧenesha'.

Yompor e'ñe pemuereñoŧey ya attoña muenatan Puechemer o'ch roma yocop. Ñeñŧo'marña Pomporpa' o' alla atarr cohuentaterran Puechemer allempo o' alla ner ñeñŧcha' atarr añcha'taretterŧtsa.

¹⁰ Ñehua, Yomporpa' yeçhcatan allohuen ñeñŧ eñalleyetsa. Ñaña allohuenpa' tarro'mar yeçhcatue attoch cohuentateññañet ña. Ñaña ñapa' añ muenen shonte' ñeñŧcha' e'ñe puechemerasha' perr ñeñŧcha' cohuentapreterrera ña. Yomporpa' e'ñe pocte' enteñ o'ch muenatan Puechemer attoch muerocñtateñ acheñenesha'. Attochña e'ñe etsotatoñ Puechemer esheccha' a'queshpaterran allohuen ñeñŧcha' puechemerasha' perr; attochña e'ñe ahuanerranet allcha' cohuentapreterrerañet Pompor.

¹¹ Ñehua, Puechemer ñeñŧ Jesús, ñapa' a'cohuentatan acheñenesha' Partscop, attoña e'ñe e'shampesuanet po'chñar. Te'ña ñeñŧey a'cohuentataretŧey ñaña ñeñŧ ya'cohuentaterre' ñeñŧpa' ñeñŧña e'ñe ñeñŧena'tarecmaŧ tarro'mar ñeñŧara Yompor yepen ñeñŧ Pompor pen ña. Ñeñŧo'marña Jesúspa' ama puepencñoŧey'e' pa'mo'nasheñ penŧe. ¹² Yeñoteñ ama penquënyo tarro'mar Yompor po'ñoñ ñeñŧ anaret ahuatoteñ ñeñŧpa' atet oten ñerra'mrrate' Puechemer otets:

Napa' neserrpare'tachcha' nemo'nasheñnesha' atet e'ñe cohuenare' es pepa'yen pa. E'ñe nachoteñofoep papa' chocmach na'ye'chochtatonap all ap'chena allohuen masheñnesha'chno.

¹³Yompor po'ñoñ ñeñt aquellcaretpa' atet oterrerr ñerra'mrrate' Cristo o' alla oterrerr:

Napa'cho'ña neyemteña Yompor.

Ñaña atet oterrerr Cristo:

Te' arro'tsenen epan Nompor puechemerasha' ñeñt cohuanpsatenen ña.

¹⁴Ñehua, allohuen ñeñt e'ñe pa'mo'nasheñecmuet pannetsa, ñetpa' e'ñe ñeñtena'tarecmuet. Ñeñto'marña Jesús'pa' e'ñe acheñetos attoch pa'mo'nasheñ posey. E'ñe arromñafena'tartosa e'ñe atet ñerra'mrrate' ya. Ñapa' tarro'marña atet posa allochñapa' attoch rromos. Tarro'mar allempo rromapa' attoña puerratañpesuan oneñeñ po'huaamenc atto atarr amcha'nochtana'teney allempo yerromuen. ¹⁵Ñeñtpa' Jesús'ña a'huañatañpesuose' ñeñt ama't cheshoteñ chocmach yenicha'ten atto yerromuen, ñeñtpa' atarr amcha'nochen yenteñ. ¹⁶Ñehua, yeñoteñ ama mellañofoeñnashaye' llequënoña Jesús ñeñtcha' yenpos arr patsro. Yaña llecosa ñeñtey arromñafeneshay ñeñtey e'ñe po'ñoch po'mrenñey pen Abraham; ñeñto'marña ñapa' mueneñ o'ch yenposey. ¹⁷Ñeñto'marña ñocoppa' e'ñe poctoña o'ch acheñetos, o'ch e'ñe attetos ñerra'm ya ñeñtey pa'mo'nasheñnesha' pen. Allochñapa' e'ñe puellcapreteñofoey ya ñeñtey e'ñe pamo'ts penpa' e'ñech cohuen a'poc'taterrey Partsesho. Attoña ñapa' chocma e'ñe cohuen sherbenan Pompor atet ñerra'mrrate' ñeñt corneshatyets Partsocop. Ñapa' e'ñe po'ñoch Pa'mcha'taretey peñ allohuen ñeñt cornaneshatyets Partsocop. Ñeñto'marña ñapa' e'ñe ña tsa'tuerraya allohueney acheñeneshay yo'chñar allempo ashataretta e'ñe ña po'rras. Attoña e'ñe a'poc'taterrnay yo'chñar Yomproesho. ¹⁸Ñapa' atarr muerochtosa allempo huapoñe't topateñets; ñeñtpa' attoch a'ypo'ñereñ Pompor. Ñeñto'marña te'pa' e'ñe puellcapreteñofoey ya ñapa' e'ñe eñoteñ o'ch yenpa'y attoch ahuamencat ponay yeyo'cher allochñapa' amach alla a'puerrataterrey topateñets ñeñtcha' allpon yehuapoya yaña.

3

Jesús ñeñt Yompor Puechemer ña metanene' ama't Moisés atto atarr sherben ña

¹⁻²Ñehua, masheñneshacha' ñaña nochaneshacha' sapa' ñeñtes o' sa'cohuentataretterra Partsocop ñeñtes o' chore'terres Yompor o'ch chapaterres all pue'ntaño. Te'pa' o'ch notas, o'ch soctape'ch e'ñe cohuen ñeñt atet perrnay Cristo Jesús ñeñt yame'ñerra. Ñapa' atto allsensarettapa' e'ñe cohuen etsotuan ñeñt atet llesense' Pompor. Ñaña ñapa' ña Yecorneshar yepen ñeñt atarr sherbets Partsocop allohuenacpay ñeñtey ame'ñenaya Yompor. Ñapa' e'ñe attecma cohuen etsotuan ora allpon ñeñt atet muenach Pompor acheñenesyacop atet pe't ñaña Moisés ñapa'cho'ña e'ñe etsotan ñeñt atet och Yompor allohuen pueyochreneshacop. Ñehua, allohuen ñeñt pueyochrenesha' pen Yomporpa' ñetpa' pa'paquëll penanet Yompor. ³Ñehua, yeñoteñ ñerra'm eñall puepahuarr pocoll ñeñt tomatenet e'ñe cohuen añcha'ña atarr cohuen yenten ñeñt tomatene'. Amachña aña

cohuen yenteno pocoll tarro'mar pocollpa' ama ñoñaye' cohuenteno; eñalca'yeña pamo'mte' ñeñt' a'cohuentatene'. Attecmach yeñch ñaña Jesús atarr cohuen tarro'mar ñapa' atto ame'ñatana shonte' ñeñt'cha' pueyochrenesha' ña' Pompom attoña tomatosan ñaña pocoll ñeñt' atarr cohuen ñeñt'cha' pa'paquell pen Pompom. Moiséspa' amachña ñañeña atarr cohuen yenteno tarro'mar ñapa' ama ñaye' tomataye ñeñt'cha' pa'paquell perr Yompom. ⁴ Ñehua, yeñoteñ allohuen pocollpa' ama ñoñaye' yeñchqueno; çhocmaca'yeña eñall ñeñt' yeñcatene'. Ñeñt' yeñchcate' esocmañen ñeñt' eñalleteya ñeñt'pa' Yomporna yeñchcatuahue'. ⁵ Añña Moiséspa' e'ñe cohuen etsotan ñeñt' atet yechya Yompom; ñeñt'pa' o'ch es eñotatesan acheñenesha' tarraña ñeñt'pa' toma'nteñtsa. Tsapatonetña Yompompa' o'ch eñotateranet ñeñt' e'ñe eñotochen. Ama't e'ñe cohuen etsotenaneñ Moisés allohuenacop ñeñt' pa'paquell pen Yompom allempo, tarraña ñeñt' atto sherbenan Yompom pa'paclopa' ñapa' atta pueñañra peñ Yompom. Amaña Puechemereye'ña peñe. ⁶ Ñapa' añca'yeña Puechemer pen Cristo ñeñt'cha' sherberrets tsapatonet allohuenacop ñeñt'cha' e'ñe pa'paquell perr Pompom. Ñapa' e'ñe cohuen etsoterran ñeñt' e'ñe Pomporecop. Allohueneypa' e'ñe pa'paquell pohueneñ Yompom allcha' yeñchena ña ñerra'm allo'nach huomenc yeyemuetneña attochña e'ñe yocsheñeshocma yecua'huanom ñeñt' o'patatenya.

Yompompa' e'ñech cohuen amesaterran pueyochreshachno ñeñt'cha' e'ñe cohuen ame'ñeraya attoch e'ñe cohuen cosherret

⁷ Ñeñto'marña Paresm Puecamqueno'pa' atet oten all aquellcayet Yompom po'ñoño ñeñt'pa' atet oten:

Ñerra'm se'mueñ Yompom atto çhore'tenes te',

⁸ sañapa' çhochña se'mñoçh, amachña çha se'charrtatstoseyoçher. Amach çha satpare'tatsche atet pe't israelnesha' ahuat allempo chopeñe'chyese'te' amayo. Allña'pa' epaye' atsrre'moçhtana'tyesnete't.

⁹ All amayo satañneshañña'pa' atarr topatnete't atto'ch eñotnet po'ñoçho'te' atsa'tatañen. Ñetpa' atet ña'yesnete't ama't çhocma entyesonete't ñeñt' norrtatesanete't. Pa'tatsoch çharra' charohua entyesonete't ñeñt' çhocma negatyesanete't.

¹⁰ Ñeñto'marña napa' atsrre'moçhen nentyesanet, napa' atet not: “Ñeñt' atet cotape'chenet pueyoçhro ñeñt' ama cohuenayaye ñetpa' atarr panteñet nocop. Ama añeye' mueneneto o'ch cotape'chet ñeñt' cohuen nenten na.”

¹¹ Atarr atsrre'moçhen nentanete't. Ñeñto'marña atet not ñocpuet: “Ñetña po'ñoçh ama't ahuatapa' amach neçapaterraneto allcha' pocsheñesho'pa' o'te' amesapreterrnetañ.” Ñeñto'marña ñocpuetpa' atet nena' neñoñ e'ñe na nesochño.

¹² Ñeñto'marña masheñeshachña ñaña noçhaneshachña te'pa' o'ch notas saña, e'ñech señoña seyoçhro atet soctape'chyen e'ñe puesheña'ttsos, ñato'pa' amate' cohuenaye' soctape'cheno, ñato'pa' amate' po'ñoçhaye' same'neñoña Yompom. Ñerra'm po'ñoçh atet sepenapa' ñeñt'pa' ñeñt'fach sequeçhpaterre' Yompom ama't ñeñt' Yomporeñ ñeñt' ama arromña'eshayaye. ¹³ Sapa' e'ñepa'chña cohuen soctape'chatanna'tnoma pate'tets yet tayepa'ña'pa' orameñ yet allempo'teñ o' çhore'terrey Yompom. Attochña soçhñarpa' amach errotent' alla shequerrserro. Attoch amach çha se'charrteno

seyoçhro allochñapa' amach alla satpare'tere Yompor, ama't e'ñe puesheñarrofesa. ¹⁴ Allo'nepa'chña e'ñe huomenc yepa'nom yeyoçher. E'ñepa'chña yeyoçhrocmañen yeyemteña Cristo atet yepa' allempo e'ñe errtay ame'ñenaya. Ñerra'm atetcha' yeyemuetnomña allempopa' yagapapretercha' Cristo ñeñt' o'patateña Pompor.

¹⁵ Ñeñto'marña o'ch alla neyerpaterrser ñeñt' atet oten Yompor po'ñoñ ñeñt' aquellcayet ahuatoteñ, ñeñtpa' atet oteney:

Ñerra'm se'mueñ Yompor atto çhore'tenes te' sañapa' çhochña se'mñoçh, amachña çha se'çarrtatsto seyoçher. Amach çha satpare'tatsche ñeñt' atet pe't israelnesha' ahuat allempo chopeñe'chyesete't amayo.

¹⁶ Ñaña te'pa' o'ch neyerpaterrser ñeñt' atpare'tyesaye't Yompor allempo pueçhore'teño'tpa' eñorana'tanete't, ñetpa' ñeñtareta ñeñtet çha'nmacha'taterr Moisés Egiptot. ¹⁷ Ñaña o'ch neyerpaterrser, ñeñt' atarr atsrre'moçhen entyese't Yompor ahuat ama't pa'tatsoch çarra' charohua, ñetpa' ñeñtareta ñeñtet atarr ochña'tare'tatsete't. Ñeñto'marña ñet allempopa' e'ñe alla colla'huet amayo. ¹⁸ Ñaña o'ch neyerpaterrser, ñeñt' otarettatsa allempo ñetpa' ama't ahuatapa' amach amnataretterreto attoch pocsheñesho'tetpa' o'te' amesapreteretañ Yompor, ñeñtpa' ñeñfara ñeñtet atarr atparña'tatsete't. Ñeñt' atet otarettete't allempo, Yomporña nahuet po'ñoñ e'ñe ña pa'so'chño, tarro'mar ñapa' ama puenesho po'ñoñ. ¹⁹ Attoña yeñotenanet ñetpa' ama't puesheñarrofetapa' amach eshçaye' çhapueto allcha' yecha'huerretañ e'ñe cohuen pueñmañesha' tarro'mar ñetpa' ama eseshaye' cohuen ame'ñayo Yompor.

4

¹ Ñehua, Yomporpa' po'ñoçh oteney yechapcha' allcha' yamesapretera allcha' e'ñe cohuen yocsha'huera Yompor ñerra'm po'ñoçhcha' yame'ñera yaña. Tayepa'tñapa' orameñ atet oteney yaña e'ñe yerçha'naño'tpa' yame'ñyepa'ch te't puesheña'ttotespa' amate' seçherro saña all. ² Tarro'mar ñeñt' atpare'taye't all amayopa' aserrpare'tatarettetaña cohuen ñoñets Yomporeshot tarraña ama huenetoña patparñet tarro'mar ama't e'metañpa' ama eseshaye' ame'ña'pahuoye' entaye. Yapa'çho'ña o' serrpare'taterrret yaña cohuen ñoñets Yomporeshot. ³ Ñeñfeycha' e'ñe po'ñoçh ame'ñerraya Yompor ñeñfeycha'ña çherrets allcha' yamesapretera allcha' e'ñe cohuen yocsha'huera Yompor. Ñeñfña ama ame'ñetsopa' ñetpa' amach esesha' çherrtso allcha' coshapreteret Yompor. Ñeñtpa' e'ñe attecma ñeñt' atet otaretta ahuat ñeñt' ama ame'ñatso. E'ñe atet oteney Yompor po'ñoñ all aquellcayet, ñeñtpa' atet oten Yompor:

Atarr atsrre'moçhen nentanete't ñeñto'marña atet nena' neñoñ ñocpuet: "Ñet po'ñoçh ama't ahuatapa' amach nechapaterraneto allcha' amesapreternnet allcha' e'ñe cohuen cosha'huerrnetañ."

Attoña ñetpa' amach eseshaye' çherrtso allcha' e'ñe cohuen coshapreteret Yompor. Ñehua, ahuat Yomporpa' ña orrtate' ameseñets e'ñe allempoteñ yeçhcatuahuan pats ñaña enet. Ñeñfña ameseñetspa' atarr coshateney yeyoçhrocmañen. ⁴ Tarro'mar all po'ñoño yeñoteñ atet aquellcayet, ñeñtpa' atet oten:

O' yeçhcatuan Yompor allohuen ñeñt' allpon yeçhcatyesua, po'cançherratñoñapa' o' ames Yompor.

⁵ Tarraña po'pocheño all oterrerr Yompor po'ñoñ ñeñt aquellcaret, ñeñtpa' atet oten:

Ñeñt ama name'ñenayopa' amach eseshaye' çhertso allcha' amesapreterrnet attoch e'ñe cohuen coshapreterrnet.

⁶ Ñeñto'mar yeñoteñ ñeñt e'mayeñ ahuat cohuen ñoñets ñetpa' amach eseshaye' çhertso allcha' amesaterranet Yompor attoch e'ñe cohuen pueyoçhrohuen cosherret tarro'mar ñetpa' ama eseshaye' ame'ña'pahuoye' entaye Yompor. Tarraña ama't atteñpa' yeñoteñ Yomporpa' ama puenesho po'ñoñ. Ñeñto'marña te'pa' yeñoteñ Yomporpa' atterach e'ñe cohuen amesaterran ama't erra'tsena ñeñtcha' po'ñoçh ame'ña'po' enterre', attochña ñetpa' çherretcha' allcha' e'ñe cohuen cosherret. ⁷ Ñehua, ñeñto'marña Yomporpa' onañcherran po'poñ po'yeter, ñeñtpa' o' çherr te' esheccha' ama't patantarra acheñpa' o'ch ame'ñeñet. Ñeñto'marña yeñoteñ Yomporpa' ora attera cohueney tarro'mar ama't metuen aton char allemputeñ atpare'chete't all amayopa' o' çhap allempo atto eñosatan David. Ñeñtpa' ñeñtara ñeñt o' notuanmas:

Ñerra'm esepoch se'mueñ Yompor atto chore'tenes sañapa' çhochña se'mñoçh tayepa'tña oramen yet allempo o' chore'terres Yompor, amachña çha se'çharrtatsto seyocher.

⁸ Ñehua, yeñoteñ Josué ahuatpa' e'ñe çhapatan israelnesha' puechemereshachno all patso ñeñt all sechete't ahuatoteñ allcha' yechoset. Tarraña ama't çhapatanetañ allpa' ama eseshaye' pocsheñeshoç pueyoçhrohuen amesostsoña all. Ñerra'm e'ñech cohuen amesatuerranetañ Josuépa' amach onañcherranñerroña Yompor po'poñ po'yeter attoch coshaterrey e'ñe cohuen yeyoçhrohuen. ⁹ Ñeñto'marña yeñoteñ te'pa' eñallmeñ ñeñt o'patatenya Yompor ñeñtey pueyochresha' pen allcha' e'ñe yocsheñeshocmañen yamesuerr. Ñeñtpa' e'ñe atet ñerra'mrrate' allempo ames Yompor ahuat po'cancherrmatño. ¹⁰ Tarro'mar allohuen erra'tsencha' çherrets allcha' amesaterranet Yomporpa' ñetñapa' amach alla es llecaterahuete'te; e'ñe pameseñoçet cohuenpa' e'ñech eñmaterret pueyoçhrohuenet atet ñerra'mrrate' allempo e'nuan e'ñe poctacma Yompor po'taruas, e'ñe pocsheñeshocma ames. ¹¹ Yapa'çho'ña añepa'chña ye'nen attoch yecherr yaña allcha' amesaterrey Yompor attochña e'ñe yocherra yeyoçhro. Te'ñapa' ama't puesheñarrofeyapa' amuepa'ch alla yatpare'terre'te'te't ama yeçherro yaña all.

¹² Yompor errot oteney, po'ñoñpa' atarr ahuaamencat ñeñtpa' ama ahuañañaite. Ñeñt po'ñoñpa' e'ñe atet etsotenan ñeñt atet muenen ña. Po'ñoñpa' allo çhocma ñerra'mrrate' cochell ñeñt atarr etsotañtataref emoto'mar. O'ch es yepata' allopa' e'ñech be'tosua ora, e'ñech pecha'tampesuon ama't posapohuen. Atetca'ye penaña Yompor po'ñoñ e'ñech çhaponaya e'ñe yeyoçhro ama't e'ñe yecamquëñoñhuen, ñeñtcha'ña e'ñe yeñotaterre' ñeñt yeyoçhro'tsen ama't ñeñt allpon yoctape'chyen ora esocmañen. ¹³ Ama't puesheñarrofeya amach errotentot ye'potam'pesyoña Yompor ñeñt yeyechate'. Amate' errotentot ya' nasotam'pesyoña, ñapa' e'ñeca'ye entuennayña yeyoçher ñeñt ora allpon es yoctape'chyen. Ñapa' ñach ya'metatatuerre' allohuen ñeñt allpon yoctape'chyen.

Jesúspa' ña corneshaterrets, e'ñe metana'tuerran allohuen cornaneshachno atto atarr sherben ña

14 Ñehua, yeñoteñ eñall ñeñt Yecorneshar yepen ñeñt atarr Partse-shatets, ñeñtpa' ñeñtara Jesús ñeñt Yompor Puechemer. Ñaña'pa' o' alla çherr allohuanen pue'ntaño e'ñe all Pomporesho, allña e'ñe cohuen a'pocattennay yocop. Ñeñto'marña yapa'cho'ña allo'nepa'ch yeyemuet-neña. Amuepa'chña yequeçhpatstere. 15 Tarro'mar Jesús ñeñt Yecorneshar yepen ñapa' e'ñe eñoteñ attoch e'ñe cohuen llecapretanya allempo ama e'ñeye' huomencaye'yenteno yeyoçhro. Tarro'mar ñapa'cho'ña attecma huapoñe't allohuen pa'namen topateñets, e'ñe atet yepena ya te' çhocma huennaya pa'namen topateñets. Tarraña ñapa' ama't pa'namen huapoye't topateñets, ñapa' ama't parrocha ama ãano ñeñt ama pocteye' enteno Pompom. 16 Ñeñto'marepa'chña e'ñe yeyemteñot Yompor Puechemer, amach yeñcha'nañoteyey' yeçhore'teñe Yompor ama't ñeñt atarr partsotets po'conaño. E'ñe puemereñotey e'ñech cohuen e'mñoteny, çhocmach yen-pueneý. Ñaña ñerra'ma' esempo huennaya ñeñtcha' yelcatene' ñachña e'ñe ahuamencat yepene'.

5

1 Ñehua, yeñoteñ allohuen ama't erra'tsena ñeñt pa'ncha'tareter pen ñeñt corneshatyets judioneshacop, ñeñtpa' acheña, arromñaña. Ñapa' añecop acrareña ñach anarettatsa attoch eñen acheñeneshacop Yomporsho. Allempo es apueñet Yomporpa' ñach anene' o'pono Yompor pa'paclo. Allempo muetsenet payara ñeñt allo sherbeñet Yomporpa' ñach nene' eyarra po'rras allo tsa'tenana pueyochreshachno po'chñar. 2-3 Ñapa'cho'ña ama huomencaye' enteno pueyoçhro tarro'mar ñapa' arromñaña ñeñto'marña ama e'ñe pueyochreshacpayaya nenanoña eyarra po'rras; ñeñtpa' ñocpa'naña neñ allo tsa'tenana ñaña po'chñar Yomporsho. Atto ñapa'cho'ña ama huomencaye' enteno pueyoçhro ñeñto'marña ñapa' e'ñe eñoteñ o'ch llecapretana pueyochresha' allempo es pantenet ñet ñaña allempo yeçhcatenet ñeñt sosey enten Yompor tarro'mar amaña e'ñe ñeñta neneto pueyoçhreto; çhocmaña pueseñet Yompor.

4 Ñaña yeñoteñ ama't e'ñe puesheñarrapa' ama eseshaye' netso e'ñe ñañeña attoch corneshat Partsocop. Ñeñtpa' Yomporña çhore'tene' ama't erra'tsena puesheñarr ñeñtcha'ña corneshatats. Atet ãa ñaña Aarón, ñapa' Yomporña ne' atto corneshate't Partsocop. 5 Cristopa'cho'ña attecma ãa ñaña ama ñaye' otatso, "napa' nach corneshatats." Pomporña ne' ñeñtcha' corneshatats attoch yecohuentateñaña. Yeñoteñ Pomporpa' atet cohuentateñ tarro'mar Yompor po'ñoñ ñeñt aquellcaret ahuat ñeñtpa' atet oten:

Papa' Nechemerep, te'ñapa' o'ch neñotach acheñeneshá' po'ñoçh ãapa' Nechemer nepenep tarro'mar te'pa' o'ch nenap ãach añcha'tarettersa.

6 Po'poñ aquellcaretopa' all otererr:

Papa' attoch pecorneshaterrpa' ñeñtpa' amach huañerro ama't e'ñe er-rponaña. E'ñe atet o' ãa'llsensarettterra atet ñerra'm Melquisedec ñeñt corneshatats'e' ahuat.

7 Allempo allo'tsenmeñ Cristo arr patsropa' ma'yochamãpsa ñañeña. Ma'yochamãpsa e'ñe huomenc puellquañeña'. Pueya'chpeñeña' enaman Pompom ñeñt atarr ahuamencatesha' attoch a'queshpach puerromueñoç. E'ñe poncha'na'teñoñan Pomporpa' atet och: "Amach añeye' atet pepatstono ñeñt nemnen na; añcha'ña atet pepon ñeñt pemnen ãa." Ñeñto'marña

Pomporpora' e'ñe e'mñoch. ⁸ Ñehua, Cristo ama't e'ñe Yompor Puechemerpa' ñapa'cho'ña atarr muerochta, attoña e'ñe ye'chan attoch e'ñe cohuen e'mñotenan Pompopor. ⁹ Atto ye'chan pue'mñoteñpa' ñeñto'marña e'ñe etsotuan ora attoch a'qeshpataña, allochñapa' attoch a'qeshpaterran e'ñe poctacma allohuen erra'tsencha' e'mñoterre' ña. ¹⁰ Ñeñto'marña Pomporpora' ne' ñach corneshaterrets Partsocep e'ñe atet corneshate't ahuat Melquisedec.

Ñeñt ama huomencaye' penaye pueyo'cher Yomporecop' cha ottena ñerra'm ematoll

¹¹ Ñeñtpa' orameñ shontemeñ nemneñeñ o'ch notaseñ. Tarraña ama'tcha' notaseñpa' atarr torrapo' o'ch ne'chapatonas seyo'chro tarro'mar te'pa' o'huañ tama semne' ama't erra'tsenapa' o'ch se'mñoteñ. ¹² Sapa' ahuatoteñ same'ñenañ ñeñto'marña te'pa' socoppa' añ poctetsañ o'ch sey'chatyeseñ po'potantañe'chno ñeñt allpon shonte' seño'tyeneñ. Tarraña sañapa' amaña atteye'ña sepeno tarro'mar sapa' teme'tsen sepallena o'ch alla ye'chaterrseterr Yompor po'ñoñ ñeñt ye'chatuaset e'ñe ñenma't ama't ñeñtpa' ama torrapahuoyay e' cocop o'ch ye'ño'ch. Sapa' ama huomencaye' sepeno seyo'cher tarro'mar sapa' cha sottena ñerra'mrrate' ematoll ñeñt añach orren pachor pomosos ñeñt ama etsotenana' o'ch rran rreñets ñeñt yerren ya. ¹³⁻¹⁴ Ñaña ye'noteñ allohuen ñeñt añach pocrrañ pen pomosos, ñeñtpa' ematolla ama eñotenana' o'ch e'n'an rreñets ñeñt chocma yerren. Ñaña ñeñt ottetsa ñerra'mrrate' ematollpa' ama eñotenanoña Yompor po'ñoñ attoch pocte' eñch Yompor. Tarraña ñeñt po'ño'ch atet enten Yompor ñerra'mrrate' po'nanasha' ñetpa' e'ñech eñotenet ñeñt pocte' enten Pomporet ñaña ñeñt ama pocteye' enteno; tarro'mar ñetpa' ahuatoteñ ame'ñeret Pomporet. Ñeñto'marña ñetpa' allo'na senet etsotnomuet Yompor po'ñoñ ama't ñeñt atarr echarr ñeñtña e'ñe pocrrañ penet.

6

¹⁻³ Allo'nepa'ch yesen e'ñe ye'cha'nmue' Yompor poctapña ama't ñeñt atarr echarr. Allochñapa' yepeño't atet muenen ñapa' e'ñech po'n enteneyña Yompor. Ñehua, sapa' o' e'ñe sey'cherr ñeñt ñenma't ye'chataset Cristocop, attoch seque'chpa'huerrña ñeñt atet sey'chcatyeseñ ñeñt ama a'qeshpatañeyaye. Añca'yeña o' ello soctape'cherr cohuen Yomporecop' choca'yeña o' same'ñera. O' señoterr ñaña ñeñt atet yapatarettena Yomporecop, ñaña atto chocma yenen yot ñesheto ñeñt ame'ñatsa. Ñaña o' sa'y'chataretterra attoch yetanterra ñaña attoch esempohuañenpa' ya'crare'terrach allohueney errottencha' entyesuerrey Yompor, ñato' cohuenta' ye'pa'yen, ñato' amate' cohuenaye' yepeno. Ñeñt o' ye'chatuanmaset ahuaño'feñ Cristocoppa' amachña ñeñtñaña alla seserrpare'tame'terre'te. Añcha'ña allo'nepa'chña yesen eñotnomue' po'poñe'chno Yompor poctapña ñerra'm Yomporcha' yemnate'.

⁴⁻⁶ Tarro'mar ye'noteñ ñerra'm esesha' o' chapoña pueyo'chro ñeñt cohuen enten Yompor ñaña ñerra'm o' agapan Yompor ñeñt apuene' attochña yapa' corretsayach tayoteñ erponohuañen pue'ntaño, ñaña ñerra'm o' agapan Yompor Puecamquañ ñaña ñerra'm cho yomenana Yompor po'ñoñ ñaña ñerra'm eñotuanman Yompor po'huamenc ñeñt ama ahuañañe'ye'ye, tarraña ñerra'm o'ch alla puerrrerret, ñetpa' amach errottenot alla yoctape'chaterranete'te attoch cotape'cherret etserra cohuen Yomporecop. Tarro'mar ñeñt acheñerpa' añ toma'ntena ñeñt atarr

muenene' o'ch alla corso'tam̄perranerr po'pocheño Yompor Puechemer; attoña o' alla achm̄are'tererr allo'tsa'yen shonte' acheñenesha'. ⁷ Ñeñt̄ atet petsapa' o'ch netma'ntacha ñeñt̄ atet pena pats. Ñehua, allempo e'ñe cohuen huapotam̄psatenan Yompor pats ñerra'm o'ch chepares pa'namen narmetsochno ñeñt̄cha' coshatene' pamo'mte' ñeñt̄ nare'tene', Yomporña chocma a'torene' ñeñt̄ pats esheccha' pa'namen yechquëtsa all. ⁸ Tarraña ñerra'm aña cheparsats pa'namen ajaçhno ñeñt̄ ama cohuenayaye, ñeñt̄ña patspa' amach es sherbeno. Yomporeshotpa' arrnomaretterrach attoch a'poyaretterra.

Atto e'ñe yeyemteño't Yompor chocmach yecuen ñeñt̄ o'patatyenya

⁹ Tarraña ama't atet notensoñ masheñeshacha' sa ñeñtes atarr nemorrentena, napa' necuenes ñaña neñotenes sapa' o'ch alla sorrattyerr e'ñe cohuenare' ñeñt̄ atet orrtatyen allohuen ñeñt̄cha' qeshperrtsa.

¹⁰ Tarro'mar Yomporpa' e'ñe pocte' es pennay. Ñapa' chocma po'ñoçh entenes ñeñt̄ atet setorra'yena ñocop ñaña atto semorrenteññaña allohuen ñeñt̄ pueyochresha' pen Parets. Ñeñto'marña e'ñe same'ñeño't ñapa' e'ñe cohuen seyenpa'yeñ allohuen masheñeshachno ñeñt̄ pueyochresha' pen ña, ama't teme'ttsen attecma sepena. ¹¹ Añña atarr nemnen ama't allohuespa' allo'nepa'chña sesen orrtatyesnomue' ñeñt̄ cohuen enten Yompor, e'ñechña socsheñeshocmañen sorrattyesusanom allohuen ñeñt̄ cohuen enten Yompor e'ñe atet socsheño't chocma seyenpa'yeñ ñeñt̄ pueyochresha' pen Parets. Attoña e'ñe seyemteño't Yompor secuen ñeñt̄ o'patatyenya. ¹² Attochña amach çha seçllatsto Yomporecop, aña'ña sepena samña ñeñt̄ atet pa'yena po'potantañeçhno ñeñt̄ pame'ñeño'tet Yomporpa' ama't errotuaneno'tsa'yenet ñetpa' chocma ahuanta'huaneñet. Attochña e'ñe o'patueññañet Yompor ñeñt̄ otene'y Yompor ñeñt̄cha' apuerrey.

¹³ Tarro'mar yapa' yeñoteñ chocmach apuerrey ñeñt̄ atet otene'y. Ñehua, yeñoteñ Yompor ahuatpa' atet otane't Abraham ñeñt̄cha' atet perrñañ tsapatonet po'mrenñecop. E'ñe ñañaña pa'so'chño atet otan Abraham tarro'mar ama eñalle po'poñ ñeñt̄ atarr ahuamencatesha' atet ñerra'm ña allcha' a'pocatan po'ñoñ. ¹⁴ Ñeñto'mar e'ñe ña pa'so'chño atet otan Abraham: "Na po'ñoçhpa' atarrcha' nebensare'tam̄psap attochña na'mraterrnaç ñeñt̄cha' pem̄reneñ peperr." ¹⁵ Ñeñto'marña Abrahampa' e'ñe pueyemteño't Yompor po'ñoñ atet oteñ ñapa' ama queçhpueñe, chocma cohuanen ñeñt̄ atet oteñ Yompor. Ñeñto'marña Abrahampa' po'ñoçh agapater Yompor ñeñt̄ atet oche't ahuatoteñ. ¹⁶ Ñehua, yapa' yeñoteñ acheñ arr patsro ñerra'm es muenenet o'ch es otenet e'ñe po'ñoçh, ñetpa' o'ch otenet e'ñe añ pa'so'chño ñeñt̄ atarr ahuamencatesha'. Ñerra'm atet penetpa' attoña eñoteñet ñeñt̄ ñoñetspa' o' anaretta, o'huaña' allo'na otnare'tanna'tnenet po'ñoño'maret. ¹⁷ Yomporpa'çho'ña e'ñe attecma nan po'ñoñ e'ñe ña pa'so'chño tarro'mar ñapa' muene'y o'ch eñotateney amachña a'po'ñoñetañperryeña po'ñoñ, allohueny ñeñte'y o'patateney ñeñt̄ atet otene'y o'ch apuerrey. ¹⁸ Ñeñto'mar yeñoteñ Yomporpa' e'ñe epoch eñotateney e'ñe po'ñoçh atetcha' perrnay, ñaña Yompor po'ñoñpa' ama çhoye' shequënye. Ñeñto'marña e'ñe yeyemteño't ñapa' yeñoteñ po'ñoçhpa' a'qeshpaturreycha' ñeñt̄ atet otene'y. Ñeñto'marña yecueñ ama't allohueny ñeñte'y e'nene' ña ñachña ya'qeshpaturre'. ¹⁹ Ñeñto'marña

yeñoteñ ñeñt̄ yecuen ya o'ch a'queshp̄atuerrey Yompor ñeñt̄pa' e'ñe po'ñoçh, ñeñt̄ ama ahuañañayaye. Ñeñto'marña yeñoteñ e'ñe yeyemteñoť ña yecamquẽññapa' e'ñe cohueno'tsen amach errotenoť chenquẽrro. Yeyemteñoť Yompor ñeñt̄pa' añ toma'ntena ñeñt̄ orrene' barco oño ñeñt̄ otenet ancla. Allochña barcopa' amach errotenoť chenco. Ñeñt̄ atto yeyemteña Yompor ñeñt̄ña anclatetsña yecamquẽñecop ñama ñeñt̄pa' e'ñe po'ñoçh allo e'ñe huomenc orrena yecamquẽñ tarro'mar ñeñt̄pa' Yomporeshoť anaret e'ñe allohuanen ñeñt̄ allo'tsen Parets pa'paclo pue'ntaño, e'ñe allohuanen allo'tsen besom allo yottam̄peññañet Parets po'poner. Allca'yeña anarettenaña ñeñt̄ toma'ntenaya ancla atto ya yeyemteña Yompor. ²⁰ Tarro'mar e'ñe all Partshopa' allña o' ðherrña Jesús ñeñt̄ o' otam̄perrya allcha' a'pocatasnay e'ñe cohuen yocop Pomporesho. Allña'pa' o' corneshatuerr Partshesho. Atto o' corneshatuerr ñeñt̄pa' amach huañerro ama't erponaña. E'ñe atet o' allsarenetterra o'ch corneshatuerr ñerra'mrrate' atet corneshate't ahuat Melquisedec.

7

Jesúspa' atarr cohuen corneshatos Partsocop atet corneshate't ñama Melquisedec Partsocop ahuat

¹ Ñehua, te'pa' o'ch alla neyerpaterrsa ñeñt̄ atet pe't ñeñt̄ corneshatset't ahuat ñeñt̄pa' añ pa'so'cheñ Melquisedec. Ñapa' ñeñt̄ corneshatset't Partsocop ñeñt̄ atarr partsoťets. Ñama ñapa' ñeñt̄ am̄cha'tarettatset't all anetso ñeñt̄ pa'so'cheñ Salem. Allempopa' correna ñama yatañ Abraham. Parrochña Abrahampa' ahuo' allcha' quellarenana' po'potantañeçhno ñeñt̄ am̄cha'taretyetsa allo'mar. E'ñe a'mchechuahuenaneta'pa' huerra. Allempo err, toño'pa' all poctapueñ cornesha' Melquisedec. Allña poctet̄pa' allenta bensare'tam̄psapuanan Abraham. ² Ora ñeñt̄ allpon yoram̄psan ñeñt̄ o' quellara'huena'pa' allempoña Abrahampa' aphuanan cornesha' Melquisedec allpon ñeñt̄ Partsocop. Allpon aphueñpa' ñeñt̄pa' ñeñt̄ allpon otenet la décima parte. Ñeñt̄pa' atet ñerra'm es eñall ñeñt̄ yechen çharrapa'tsocma, pate'tetsñapa' o'ch yeneñ e'ñe Partsocop. Ñehua, ñeñt̄ so'chñetser Melquisedecpa' añ otenet “ñeñt̄ pompor pen allohuen am̄cha'tareteçhno ñeñt̄ e'ñe pocte' enten Parets.” Allotpa' ñama ñapa' arr am̄cha'tarettena anetso añ pa'so'cheñ Salem. Ñeñt̄ anetser pa'so'cheñ añ otenet “muechet̄teñtsompañño” tarro'mar all am̄cha'tarettena ñapa' ña orrtatene' e'ñe cohuen morrentanna'teñets attoña yechenet e'ñe cohuen muechet. ³ Ñeñt̄ Melquisedecpa' ama eñotpahuoyayeña ñeñt̄ pompor pe't ñama ñeñt̄ pachor pe't tarro'mar ama aquellcareteyaye ñeñt̄ pa'so'cheñ. Ñama ñeñt̄ pa'tañeshañ pe't ñeñt̄pa'cho'ña ama eñotpahuoyaye. Ama't ñama allempoteñ eñalleta Melquisedec ama't ñama allempo rroma ñeñt̄pa'cho'ña ama eñotpahuoyaye. Ñapa' tarro'mar atet pe't añ toma'ntena ñeñt̄ Puechemer pen Parets. Ñeñto'marña atto corneshaten ñeñt̄pa' amach huañerro ama't erponaña.

⁴ Señoche'pa'ch cornesha' Melquisedec ñapa' atarr sherben. Ama't yatañ Abrahampa' çhocma es apane't Melquisedec atet ñerra'mrrate' ñeñt̄ es yenen ñeñt̄ Partsocop. Añ aphueñ ñeñt̄ allpon yoram̄psan ñeñt̄ o' quellara'huena'. Allpon aphueñ ñeñt̄ atet ñerra'm çho es yenen Partsocop ñeñt̄pa' atet ñerra'mrrate' ñeñt̄ allpon es yechyen e'ñe

charrapa'ttsoema, pate'tetsñapa' o'ch yeneñ e'ñe Partso cop. ⁵ Ñehua, yeñoteñ levína'tarnesha'pa' ñeñfena'tarña anarettatse't judioneshacop ñeñfcha' corneshatets Partso cop. Nöcpuetña nanña Moisés po'ñoñ, ñeñfña ñoñetspa' atet oten ñocpuet: E'ñe pocte' secobreñ acheñenesha'. Apa'yenetepa'ña allponapa'tets ñeñf Partso cop, atet ñerra'mrrate' ñeñf allpon yechyen e'ñe charrapa'ttsoema, pate'tetsñapa' o'ch yeneñ e'ñe Partso cop (ñeñfara otenet diezmo). Ñeño'marña chocma cobreñetña pamo'tsesha' ama't e'ñe ñeñfena'tarecmet, tarro'mar Abrahampa' ñeñfara pa'to' pohueñet allohuenet. ⁶ Tarraña Melquisedec ama't ñapa' ama levína'tarneshayaye ñañapa' ello metana'tuenanet ñet tarro'mar ñapa' ama't yatañ Abrahampa' agapoñe't allpon ñeñfcha' ap Partso cop. Elloña bensare'tamñenan Abraham ama't Abrahampa' o' otue Yompor ñach bensare'tamñe'. (Abrahampa' e'ñe pocte' enteñ tarro'mar atarr ahuamencatesha' entenan Melquisedec.) ⁷ Ñehua, yeñoteñ po'ñoñ ñeñf atarr nanac añcha'tarettetsa ñapa' ñachña bensare'tamñene' po'potantañechno ñeñf ama tama añcha'tarettetso atet ñerra'm ña. Ñeño'marña yeñoteñ Melquisedecpa' atarr sherben tarro'mar ama't añcha'tare't Abrahampa' ñapa' ello bensare'tamñe'. ⁸ Ñeñf yenten arr patsro ñeñf corneshatets Partso cop, ñetpa' arromñañota atet penet. Tarraña ama't arromñañota atet penet chocma aguññañet acheñenesha' ñeñf apa'yenet Partso cop. Melquisedecpa'cho' ñaña agapaye't ñeñf apa'yesete't Partso cop. Tarraña Melquisedec ñeñf atet anaret Yompor po'ñoño ñocop ñeñfpa' atet oten ñerra'mrrate' ñapa' ama arromñañeshayaye. ⁹⁻¹⁰ Ñehua, ñato' o'ch yot Leví ama't allohuen pue'ñareshohuen, ñeta'ñaña agapamñsanet Melquisedec ñeñf allpon apueñet Partso cop e'ñe allempocma agapan ñeñf ap Abraham Partso cop. Ama't ama eñalletena' Leví allempopa' te'pa' o'ch yot ñapa' e'ñe pa'to' Abraham po'chtso'tsen allempo, allempo pocten Melquisedec. Ñeño'mar te'pa' o'ch yot levína'tarnesha' ñeñf po'taruas pene' o'ch cobran acheñenesha' attoch allpon apa'yenet Partso cop, ñeta'netepa'tña cobra'ña allempo Melquisedec. Ñeño'marña yeñoteñ Melquisedecpa' atarr sherben, ello metana'tuenan levína'tarnesha' ñeñf corneshatets Partso cop.

¹¹ Ñehua, yeñoteñ ahua't allempo aparetta israelnesha' ñoñets ñeñf atet anaret, ñeñfpa' añ orrtate' levínesh'a' ñeñf corneshatyestse't ahua't Partso cop. Tarraña añ ñoñets ñeñf orrtat cornaneshachno ñeñfara levínesh'a'pa' ñeñfpa' amach errotentot' a'cohuentaterranetoña Yomporcop. Ñerra'm po'ñoñchcha' a'cohuentatyeñ amate' eso'mar huapoña Cristo ñeñfcha' corneshatosets ello ñeñf atet corneshate't Melquisedec, ñeñfpa' ama atteye' corneshatoso ñeñf atet corneshaten Aarón ñeñfara levína'tarnesha'. ¹² Ñehua, yeñoteñ ñerra'm esempo Yomporpa' orrtaterran po'psheñeñ ñeñfcha' corneshaterrets po'poñone't, yeñoteñ añ ñoñets ñeñf atet anaret ñeñf orrtat cornanesh'a' levína'tarnesha' ñeñf ñoñtsorpa'cho'ña o'ch cha po'poñetuerr. ¹³⁻¹⁴ Yeñoteñ Yepartseshar Cristo ñeñfña otenña Yompor po'ñoñ ñeñfcha'ña ello corneshatosets. Yeñoteñ ñapa' ama levína'tareyaye, ñapa' judámereñtsoro't eñalleta, ñeñf po'poñ mereñtsor ñeñfara israelena'tar. Ñetpa' ama anarettoyayo't o'ch corneshatet Partso cop ñeñf atet anaretta levína'tarneshacop. Moiséspa' ama esoye' sochaneto ñocpuet ama't puesheñarroña attoch corneshatet. Ñaña ñetpa' ama't puesheñarrofeta ama eseshaye'tetso altaro allotecma sherbeñet Parets.

15 Elloña yeñoteñ o' po'poñet ñeñfcha' e'ñe cohuen corneshaterrets tarro'mar allempo orrta Cristo, ñach corneshaterrets atet anarettet Melquisedec. Ñapa' ama atteyaye ñerra'mrrate' atet anarettet levína'tarnesha'. 16 Atto corneshatos Cristo ñeñfpa' ama añecpayaye attoch allo'na corneshatnen levína'tar ñeñf atet anarettenet ñocpuet. Ñapa' añecopña corneshaterr Partsocop tarro'mar ñapa' ña atarr ahuamencatesha' ñeñf ama arromñafeshayaye ama't errponaña. 17 E'ñe Cristocop eñotateney añ ñoñets ñeñf atet anaret Yompor po'ñoño, ñeñfpa' atet oteñ Pompor:

Papa' attoch pecorneshaterrpa' ñeñfpa' amach huañerro ama't e'ñe errponaña. E'ñe atet o' pa'llsensaretterra atet ñerra'm Melquisedec ñeñf corneshatatset' ahuat.

18-19 Ñeñf ahuatoteñ ñoñets ñeñf atet nonaye't Moisés ñeñfcha' atet yepohueneñ ñeñfña te'pa' o'huañcha' ye'cua'per tarro'mar ñeñfpa' ama eñalle po'huamenc attoch ñeñfcha' ya'cohuentaterre' Yomporecop, e'ñe orrena atarr yetorra'yese't. Tarraña te'pa' o' orrternaya po'poñ ñeñfñapa' ello atarr sherben ñeñfcha' ya'cohuentaterre' Yomporecop esheccha' yecherr Yomporecho ñeñfcha'ña atarr yeyemterraña te'.

20 Yomporpa' e'ñe ña pa'so'chño nan po'ñoñ allempo llesensan Cristo ñach corneshaterrets errponañohuen. 21 Po'potantañechno ñeñf corneshatyets ñeñfara levína'tarnesha' allempo acornesha'taretetyeset ñetpa' ama Yomporeye' nahueto pa'so'chño attoch corneshatyaset. Tarraña Cristo allempo allsensaretta attoch corneshatos, ñeñf eñoraten Yompor Cristocoppa' ñeñfñapa' atet oten:

Yompor o' nan po'ñoñ e'ñe ña pa'so'chño ñeñfño'mar amach errotenot a'po'poñetuerrano po'ñoñ; (ñeñfpa' atet ot Cristocop): "Papa' attoch pecorneshaterrpa' ñeñfpa' amach huañerro ama't e'ñe errponaña. E'ñe atet o' pa'llsensaretterra atet ñerra'm Melquisedec ñeñf corneshatatset' ahuat."

22 Ñeñfño'marña Jesúsapa' eñotachtaterrnay po'ñoñ atto Yomporpa' a'pochtaterrnay etserra ñeñfña atarr sherbets, ello o' metana'tuerran ñeñf atet a'pochtatonaye't ahuat. 23 Ñeñf ahuatoteñ cornaneshachno ñeñfara levína'tarnesha', ñetpa' epaye' shonta'nmuet tarro'mar chomach rromayesete't attoña o'huañcha' allo'na corneshatyenesenet. Ellopa' o'chcho' huapa po'psheñeñ ñeñfara levína'tar ñeñfcha' alla corneshaterrets. Ñeñfño'mar epaye'shonta'nma ñeñf corneshatyenesnomtset' ahuatoteñ. 24 Tarraña Cristopa' errponañohuancha' corneshaterr tarro'mar ñapa' ama arromñafeshayaye. 25 Ñeñfño'mar Cristopa' ña eñotene' attoch chocma a'qeshpatenan allohuen ñeñf e'nene' Yompor ñerra'm e'ñe pueyemteñotet ña, tarro'mar ñapa' chocma allo'tsen Pomporesho allecma a'pochtatenay ñeñf e'ñe cohuen yocop. 26 Ñeñfpa' e'ñeca'ye pocte'ña yocop o'ch yechen Yecorneshar ñeñf Cristo tarro'mar ñapa' e'ñe cohuen Parets, ama eñalle po'chñar ama't mamesha ñeñfcha' a'sosyatene'.

Ñapa' o' sohuannerran allohuen ñeñf cotene' sosya'tsañ o' alla cherr allohuanen Yompor pue'ntaño allña partsotapretenan Pompor. 27 Ñapa' ama atteye' ñoso ñerra'm po'potantañ cornaneshachno ñeñf ahuatoteñ. Ñet pate'tets yetpa' epaye' muetsete't payarachno; ñeñf eyarra po'rraspa' alloña peretnatane'ña cornaneshachno po'chñar. Ellonetpa' o'ch peretnateñet ñama allohuen achenesha' po'chñar ñeñfara eyarra po'rroso. Tarraña Cristo ñapa' e'ñe

parrocha shatan e'ñe ñañeña po'rras allohuenacop ochñartsocop allempo rroma yocop e'ñe ña puenneño; ñeñtpa' attoña tsa'tuerrnaya yo'chñar Pomposho. ²⁸ Moisés ñeñt atet nan ñoñets ahuatpa' ñeñtpa' acheña na'yes ñeñtcha' corneshatysets atteta ñerra'mrrate' ya ñeñtey ama cohuenacmaye' es petso. Tarraña allempo met allpon charpa' allempoña Yomporpa' o' alla nerran po'ñoñ e'ñe ña pa'so'chño. Allempoñapa' nerran Puechmer ñeñtcha' corneshaterrets ñeñt e'ñe cohuenare' es pa'yets Partsocop; ñeñtpa' amach huañerro ama't errponaña. (Ñeñfo'marña Cristopa' e'ñe etsotuan ñeñt nanac sherbets.)

8

Jesús'pa' ña a'pocatañtertsa e'ñe etserra yocop

¹ Ora allpon ñeñt o' notuanmas ñeñtpa' e'ñe po'ñoñ atet notenes: ñeñt atto atarr sherben Cornesha' Cristo te'ña ñapa' o' alla anorruerr Parets po'cohuenrot all anen po'conañño all pue'ntañño. Allñapa' o' alla partsotuell ñaña. ² Allñapa' o' atarr sherba'huerr e'ñe allohuanen Parets po'prahuo all e'ñe po'ñoñ allo'tsen Yompor. Ñeñtpa' ama atteyaye ñerra'm patso'mar puerahua' ñeñt tomaten acheñ. Allpa' Yomporña tomatene'ña po'prahua' e'ñe ña pue'ntañño. ³ Yeñoteñ allohuen ñeñt corneshatets Partsocop, ñetpa' añecopña anarettenet attoch ñetcha' es apuenet Yompor ñaña ñetpa' o'ch muetsenet payaraçhno Yomporcop attoch peretnatenet po'chñaret. Ñeñfo'marña Cornesha' Jesús, ñocoppa'çho'ña e'ñe pocte' o'ch es apan Pompor. (Ñeñtpa' aña apuerran Pompor e'ñe ñañeña po'chets attoch rroma yocop.) ⁴ Nehua, ñerra'm ñapa' allo'tsenaraña añe patsropa' ama't mamesha amate' pocteye' enteññeña ñeñt cornaneshatyets añe patsro, tarro'mar ñetpa' añach e'ñe cohuen entenet o'ch es apueñet Yompor ñeñt e'ñe atet nanete't Moisés po'ñoñ. ⁵ Ñeñfo'marña yeñoteñ ñeñt atet sherbenet ñet ñeñtpa' atta toma'nteñet ñeñt atto po'ñoñ Cristo e'ñe cohuen sherben Parets po'prahuo ñeñt pue'ntañño'tsen. Añach sherbenet ñeñt attema'ttetsa ñeñt e'ñe po'ñoñ atet muenen Yompor. Yeñoteñ ñeñtecma sherbete't tarro'mar ahuat allempo Moisés'pa' ahuo'ch tomataneñ ñeñtcha' po'prahua' pa' Parets arr patsro, all aspento Yomporña gate' ñeñt toma'ntenaya e'ñe ña po'prahua' ñeñt pue'ntañño'tsen. Allempoñapa' atet otan Moisés: "Po'ñoñhpa' e'ñech atet peyeçcaton ñeñtcha' neprahua' neña' añ patsro allcha' yeçhena Necamquëñ." Arrpa' allohua atet otan Yompor Moisés. ⁶ Tarraña Cornesha' Cristo te' atto sherberr all pue'ntañño, ñeñtpa' e'ñe po'ñoñ pocacma cohuen. Ello metana'tuanen ñeñt atet sherba'yese't ahuatoteñ cornaneshachno arr patsro. Tarro'mar te' ñeñt atet o' a'pocaterrray Pomposhopa' ñeñña e'ñe pocacma cohuen yocop, tarro'mar añ a'pocateñetspa' pa'namen oteneñ ñeñtcha' atet perrnay coshateñtso.

⁷ Yeñoteñ ñerra'm e'ñe cohuen a'pocatyene't ñeñt ñenma't allempopa' amach palltenañe o'ch alla a'pocaterryeterr e'ñe ello etserra. ⁸ Yeñoteñ ñeñt ahuat a'pocateñetspa' ama e'ñeye' cohuen yenpa'ye'te tarro'mar allempo Yomporpa' ama pocteye' entane'te israelnesha'. Tarro'mar po'ñoñpa' atet oten ñeñt aquellcare't ñeñtpa' atet ot Yompor: Chapcha' allempoch nenererrr po'poñ neñoñ israelena'tarneshacop ñaña judána'tarneshacop, ñeñtpa' allochña na'pocaterrranet e'ñe cohuen etserra. ⁹ Ñeñtpa' amach atteyaye ñerra'm ñeñt atet na'pocatanet

ñenmať pa'tañneshañ allempo nerraneta' Egiptot e'ñe cohuen na nehuamencot. Tarro'mar allempo ñetpa' ama atteye' ñoneto ñeñť atet nenanet ñeñťcha' a'pocatahuetañ. Ñeñto'mar napa'cho'ña atta na'ypo'ñanet. Ñeñťpa' atet ot Yompor allempo.

10 Allempoñapa' o' alla oterrerr Yompor ñeñťara:

Esempohuañenpa' o'ch alla na'pocatererr po'poñ ñeñť israelena'tarneshacop. Ñeñťpa' atetcha' neperranet allempo esheccha'ña nechapaterranet neñoñ e'ñe ñet pueyočhreto, ñeñťpa' ñato' o'ch netma'ntacha atto neñoñpa' o' aquellcatterret e'ñe ñet pueyočhreto ñeñťcha' cotape'chaterrahuetña e'ñe cohuen. Allempoña po'ñočhpa' e'ñech Po'yomporer perrnet, napa'cho'ña e'ñech neyochrenesha' neperranet ñamet.

11 Ñaña allempo allohuetpa' e'ñech eñotuerrnanet ñeñťcha' atet noctape'chaterranet cohuen pueyočhreto. Allohuetpa' e'ñech attecma eñoterrnet pomporneshohuenet ama't ñaña añetolleshohuen ama't ñeñť atarr sherbets ama't ñaña ñeñť ama esoye' enteñeto. Ñeñto'marña allempo ñeñť amcha'na'tpo' entetsapa' ama pallteno o'ch yečhatan po'potantañ pamo'ts ama't ñaña pa'mo'nasheñ. Amach esesha' oterrahueťe te'pa' añ pocetsa o'ch señoter Yompor, tarro'mar allempo' o'ch e'ñe eñotuerrnet.

12 Ñaña napa' e'ñe nemuereñoťanetpa' nepretnerranetcha' po'chñaret, amach alla neyerpuerranete'ťe po'chñaret. Arrpa' allohua atet ot Yompor ahuat.

13 Ñeñto'marña yeñoteñ ñeñť atto Yomporpa' all oten e'ñe etserra o'ch a'pocaterrey, ñeñťpa' tarro'mar ñapa' o' a'ypo'ñerran ñeñť attoch ñanom a'pocatyeyñ. Ñaña ñeñť ahuatoteñ a'po'tateñets te'pa' o' a'ypoeñaretterra, ñeñťpa' huañerrcha'.

9

Ñeñť patso'mar Yompor po'prahua'pa' añ toma'ntateññañet ñeñť e'ñe ña pue'ntaño'tsen po'prahua'

¹ Ñehua, yeñoteñ ñeñť atet a'pocatanetañ ahuat Yompor ñeñťpa' echenan ñoñets anaret ñeñťcha' atet sherba'yeset Parets. Ñaña arrcha' e'ñe et-sotetña ñeñť Yomporcop e'ñe ña po'prahuo, ñeñť puerahua'pa' ama't acheña tomatene' arr patsro. ² Ñehua, ñeñť puerahuatatse'ť ahuat ñeñťpa' shetamtsopo'. Ñeñť tomatenet ñehuapoťpa' ñeñť otenet Partsopahuesho allo'tsen all orratenet huerare ñaña allo'tsen mesa allecma nenet pan Part-socop. ³ Allohuanen allohua ayottam̄psaret besmo po'ppahueñ shetamtsopo' ñeñť otenet, E'ñe Partsopahuesho Po'ponro. ⁴ Allñapa' allo'tsen altar, enoťñapa' allecma a'crratenet tsach puese' ñeñť atarr eñmosaťtetsa Part-socop; ñeñťña altar eno'marpa' e'ñe cohuen orotattena. Ñaña allohua-nen po'ppauño allo'tsen tsapot; ñeñťpa'cho'ña eno'marpa' orotaten. Allña añño'tenet mapuettall allo aquellcaret Yompor po'ñoñ ñeñť a'pocata Yompor ahuat acheñeneshacop. All añño'tenet ñaña pajo' orotaten, allña esha'taret coñe't maná ñaña tsapoto allo'tsen Aaron po'carr ñeñť tapa'llatse'ť ahuat. ⁵ Tsapoto enot all ten epsheña mellañoťeñma'ť ñeñť ayečcataret ñeñť otenet querubíñ ñeñť toma'ntenaya Parets po'partsoña ñeñť chorrets all. Querubíñ pa'pa'yopa' alloña ca'matenan tsapot enot allot e'tam̄penet tsapot. Allñapa'

allecma peretnanete't Yompor po'chñaret. Ñehua, te'pa' o'ch noterrserre po'poñechno ñeñt pa'namen atma'ntataret all.

⁶ Allpa' pa'namen añño'tarefetyetsa ñeñt all puerahuo. Ñaña ñeñt cornaneshatyets Partsocoppa' chocmach be'tosyenet ñeñt all puerahuo ñehua po't, allcha'ña etsotayenet ñeñt atet anaret Partsocop. ⁷ Tarraña ñeñt allohuanen po'ppahueñ Parets po'poner ama eseshaye' be'tetsoña all. Allpa' añach be'tets puesheñarr cornesha' ñeñt pa'mcha'tarefer pen po'potantañ cornaneshachno. Ama't ñapa' paterr charpa' e'ñech parrocha be'ten. Ñaña chocmach anman eyarra po'r ras alloch peretnenanet Yompor po'chñaret. Ñeñt pa' e'ñe ñocpa'na po'chñarecop ama't ñaña allohuen achenesha' po'chñarecpuet. ⁸ Ama't ñeñt ñehua po'te'tsen puerahua' allecma sherba'yen cornaneshachno ñeñt atet anaret Partsocop, tarraña e'ñe allohuanen Parets po'ponro añach be'tets ñeñt nanac corneshatets e'ñe ñapue't. Ñeñto'marña te'pa' Parets Puecamquëña yeñotatene' atto ama atoram̄psareteyaye allohuenacpay attoch ye'chapan̄peña Yompor all partsoten. ⁹ Ñeñt allem-popa' aña toma'ntena ñeñtcha' atet cohuen posa tsapatonet Cristo allem-poch huapa; atet ñerra'm te'ña o' huapa Cristopa' o' etsotua. Tarro'mar allempo all Parets po'prahuo ama't es apuenetañ Yomporecop ñaña ama't es muetsayenetañ Yomporecop, ñeñt pa' arepa't a'cohuentatenanoña añ poctapña ñeñt atet sherbenayeñ Yompor. ¹⁰ Tarro'mar ora atet anaretet allempo ñeñt pa' añecpa sherben ñeñt e'ñe po'chtsocpueta ñeñt atet ñerra'm ñeñtcha' rrenet ñaña ñeñtcha' orrenet ñaña atto apa'yesete't Partsocop. Ñeñt orapa' añecpa sherbe't attoch a'pocpatenet po'chets Partsocop. Ñaña ñeñt pa' mamecpa anareta esempohuañeña Yomporpa' orrtaterrnaycha' po'poñ ñeñtcha' ello nanac yesherberre'.

¹¹ Ñeñt pa' e'ñe tarremphua e'ñe etsoterra allempo huapa Cristo, ñeñtña orrtatose' ñeñt ello nanac sherbets te' yocop. Ñapa' atto corneshatospa' o' alla be'tosuerr allohuanen Partsapahuesho all pue'ntaño ñeñtña ello nanac sherbets Partsocop. Ñapa' e'ñe metana'tuerran ñeñt sherba'yestse't ahuat puerahuo Partsocop ñeñt tomaten achen arr patsro. Tarro'mar ñeñt Parets po'prahua' ñeñt pue'ntaño'tsenpa' ama acheneye' tomatenaye ñaña ñeñt pa' ama aña patsroye' atomatareteyaye. ¹² Ñaña Cristo allempo be'tosuerr allohuanen Partsapahuesho ñeñt pa' e'ñe parrocha be'tosuerr all pue'ntaño. Ñaña ñapa' ama añeye' anno eyarra po'r ras — cabra amapa' huacshetoll. Ñapa' e'ñe ñañeña po'r ras pomhuerr. Ñaña ñapa' e'ñe parrocha pomanña po'r ras all ama't allohuen pa'namen acheneshacop po'chñarecop. Attoña e'ñe cohuen a'pocpatonay attotcha' a'queshpaterrey, ñaña ñeñt pa' amach ahuañañaterra ama't errponaña. ¹³ Ñehua, yeñoteñ ñeñt atto shellcapechyesane't cornesha' achenesha' cabra po'r raso amapa' huaquesh po'r raso amapa' huacshetoll po'tsapñero ñeñt a'poyenet altar, ñeñt pa' attoña a'pocpatenan ama't erratsena acheney po'chets Partsocop, ama't erroteno a'sosyatena Partsocop. ¹⁴ Tarraña ñeñt pa' e'ñe po'chtsochaya a'pocpatarettenet Partsocop. Tarraña allempo ashataretta Cristo po'r ras, ñeñt pa' ellonet añecopña nanac sherbos attoch a'pocpaterrnay ama't ñeñt atet yocpape'chyen yeyochro. Ñeñto'marña allempoteñpa' amach alla yeyemterrerro ñeñt atet yeyechcatyen arr patsro ñeñt ama a'queshpatañeye. Añcha'ña e'ñe cohuen yesherven Yompor ñeñt ama ar-

romñafeshayaye. Cristopa' ñeñto'marña ello atarr sherbeney atto pomuerra ñañeña o'ch rroma yocop ama't ñapa' ama eñalle po'chñar ama't e'ñe mamesha. Ñeñtpa' e'ñe Yompor Puecamquëñoñ atet posa; ñeñña Camuecñetserpa' ama ahuañaño.

¹⁵ Atto Jesucristopa' ña eñosets yocop attoch a'pocatuerrnay e'ñe cohuen etserra. Tarro'mar allempo rroma Cristo ñeñtpa' a'ñecopña sherben attoch peretna'huerrnay yo'chñar ñeñf o' allpon ye'pohuen ahuatoteñ allempoteñ yocta'nom ñeñf ñanom a'pocatañtatsañ. Allochñapa' allohueney ñeñtey o' ya'hua'ñare'terra o'ch yame'ñera, ñapa' aphuerreycha' ñeñf o'patatenya ñeñf atet oteneý attochña yapa' corretsayach errponohuañen. ¹⁶⁻¹⁷ Ñehua, yeñoteñ arr patsro chocma eñall puesheña'tets acheñ ñeñf atet petsa o'ch quellca'nman ñoñets all oten ñeñfcha' allpon puechatsre'chno apa'nman pamo'tsesha' ñerra'm esempoch rroma. Tarraña allempo orameñ correna ñeñf quellquëne' e'ñe ña po'ñoñ, añña ñeñf o'patatyenapa' amach erroteno't amnatareteto o'ch yoret e'ñe allempocma. Tarraña ñerra'm esempoch eñoteñet po'ño'ch o' rromuen ñeñf o'patatenahuet, allempoñapa' apare'teyesetcha' ñeñf allpon o'patataretetyenet. (Ñeñto'marña yapa' yeñoteñ allempo rroma Cristo atto ashataretta po'rraspa' ñeñf allpon o'patatyenya yaña ñeñtpa'cho'ña e'ñe yocma.) ¹⁸ Ñeñto'marña ahuat allempo ñenma't a'pocatarete't Partsocop, ama't allempopa'cho'ña o'ch muetset eyarra, po'rrosoñapa' allochña shellcata'tyeset. Ñeñtpa' attoña e'ñe a'pocatarete'tña po'ñoñ. ¹⁹ Ñehua, Moiséspa' atet pa allempo. E'ñe eñotatuan acheñenesha' ora allpon atet oten Yompor po'ñoñ ñeñfcha' atet pet, allempoña ñapa' o' yoran carrnero pue'ch ñeñf e'chomaret tsama'to ñeñfñapa' huanquë' hisopoch puetacro, allotñapa' yoran ñaña huacshetoll po'rras ñaña cabra po'rras, tsech epuet oñ. Allña e'choman carrnero pue'ch ñeñf huanquëñ tsach'po allempoñapa' shellcata'tan allo libro ñeñf añ anaret Yompor po'ñoñ, attoña shellcana'tam'pesuan ñaña allohuen acheñenesha'. ²⁰ Allempoñapa' atet otan acheñenesha': "Añ po'rras ñeñtpa' alloña Yomporpa' a'pocataennas ñeñf atet nenan po'ñoñ socop ñeñfcha' atet sepa." ²¹ Ñaña attecma ñan ñaña puerahua' ñeñf shetamtsopo' o' shellcapo'ch ñeñfara errasatso. Ñaña ora allpon coyme'chno ñeñf allo'tsa'yen allecma sherbeñet Parets, ñeñtpa'cho'ña e'ñe shellca'ta'tue. ²² Ñehua, yeñoteñ ñeñf atet oten ñoñets ñeñf atet anaret, allohuen es po'rrasochña e'ñe a'cohuentatenet Partsocop. Allohuen pa'namen ñeñf allo'tsa'yenpa' e'ñe autsa allohuen a'cohuentatue atto ashellcana'taretta eyarra po'rroso. Ñeñto'marña yeñoteñ ñerra'm ama es muetseneto attoch shatatoñet po'rraspa' amach eseshaye' a'pretnaretsetso po'chñaret.

Atto amtsaretta Cristo yo'chñarecoppa' attoña e'shohuerrnay yo'chñar

²³ Ñeñto'marña yeñoteñ a'ne patsro puerahua'pa' eyarra po'rrosoña a'cohuentatyenetña allohuen ñeñf Partsocop. Ñeñf puerahua' añ patso'marpa' añ toma'tena Parets po'prahua' ñeñf pue'ntañ'tsen, ñeñtpa'cho'ña attecma errasatso a'cohuentarettena allohuen ñeñf allpon allo'tsa'yen. Tarraña ñeñf rromats Parets po'prahuacop ñeñf pue'ntañ'tsen ñeñtpa' añ muenen errasats ñeñf ello atarr cohuen sherbets. ²⁴ Ñeñto'marña Cristopa' ñeñfecopña rroma. Tarro'mar Cristopa' ama arreye' be'tosuerro ñeñf patso'mar puerahua' ñeñf ye'chcaten acheñ

ñeñt̃ atta toma'ntenaya Yomp̃or po'prahua' ñeñt̃ pue'ntaño'tsen. Allña be'tosuerrña Cristo Parets po'prahuo ñeñt̃ pue'ntaño'tsen ñeñto'marña te' ñapa' allo'tsen e'ñe allohuanen Yomp̃oresho allña torra'huerra cohuen yocop. ²⁵ Ñaña Cristopa' ama atteye' p̃oso atet pena cornaneshachno ahuat. Ñetpa' chocma be'tosete't̃ allohuanen Parets po'ponro e'ñe pate'tets char. Ñaña errasats ñeñt̃cha' anenet o'pono ñeñt̃pa' ama ñetoyaye po'rraset. ²⁶ Tarraña Cristopa' e'ñe parrochepa anaret o'ch pomuerra ñañeña o'ch rroma attoch ashataretta po'rras. Tarro'mar ñerra'm ama atteye' anareteñepa' chocmate' rromame'tañ ama't tarrem poteñ allempoteñ e'ñe errete' aye'chcatarettetsa pats. Tarraña ñeñt̃pa' ama atteye' p̃o. Ñapa' añecopña huapa attoch e'ñech parrocha amtsaretta allohueney yo'chñarecop attoch ñachña yahuanmañperre' yo'chñar. Ñeñto'marña huapa allempohuach cherr yet allempoch mellapoterrmocha. ²⁷ Yeñoteñ ama't allohueney acheñey chocmach yerromuen. Tarraña e'ñech parrocha yerroma allempoñapa' o'ch huernaya attoch Yomp̃orpa' eñotatyesuerrey e'ñe errotentcha' entyesuerrey – ñato' e'ñech cohuen entyesuerrey amapa' ñato' amach cohuenaye' entyesuerrye. ²⁸ Attecma p̃a ñaña Cristo e'ñe parrocha rroma allempo amtsaretta allohuen ochñartsocop. Attoña ñapa' e'ñe ahuanmañperrey shontey allohueney yo'chñar. Ama't amtsarettañ ochñartsocop, tarraña Cristopa' allach orrterra po'pocheño. Allempoch huerra po'pocheño'pa' po'cohuenño amach añecpaye' huerro o'ch alla rromuerrerr ello ochñartsocop. Añecopcha'ña huerra po'pocheño o'ch e'ñe a'queshtatuerran allohuen ñeñt̃ chocma cohuen e' ña.

10

¹ Ñeñto'marña yeñoteñ Moisés po'ñoñ ñeñt̃ atet anaret ahuat judioneshacop, ñeñt̃pa' ama e'ñeye' cohuenteno ñeñt̃ atet cohuentena te' ñeñt̃ orrtatosnay Cristo. Añ ñoñets ñeñt̃ atet anaret ahuat ñeñt̃pa' aña toma'ntena ñeñt̃cha' e'ñe po'ño'ch cohuenetuerrtsa ñeñt̃cha' orrterrtsa tsapatonet. Ñeñto'marña añ ñoñets ñeñt̃ atet anaret ahuat ñeñt̃pa' amach errotent̃ a'cohuentatanoña acheñenesha' ama't puesheñarra ñeñt̃ muenenayeñ o'ch yemtenanañ Yomp̃or. Ama't chocma muetsa'yetsañe't̃ eyarra'chno po'chñarecop e'ñe atet oteneñ añ ñoñets ñeñt̃ atet anaret, ñeñt̃pa' amach errotent̃ e'ñe a'cohuentatanoña acheñenesha'. Ama't pate'tets char chocma muetsa'yetsañe't̃ ñeñt̃ Yomp̃orecop, ñeñt̃pa' ama e'ñeye' a'cohuentatane'teña acheñenesha' Yomp̃orecop ama't puesheñarra ñeñt̃ muenenayeñ o'ch yemtenanañ Yomp̃or. ² Ñerra'm e'ñe po'ño'ch a'cohuentataneñña acheñenesha' eso'marte'ña o'ch alla muetsereterrña po'poñe'chno shonte' eyarra. Ñerra'm po'ño'ch a'cohuentataneññ acheñenesha' ñeñt̃ atet cotape'chyene' sosya'tsañ pueyo'chreto, eso'marte'ña alla yerpapa'taterranete'tña po'chñaret ñeñt̃ pueyo'chro'tsa'yenet. ³ Tarraña po'ño'ch epaye' yerpapa'taterranete'tña po'chñaret. E'ñe pate'tets char allempo'pa' o'ch alla muetsereterr eyarra'chno añecop ñeñt̃ atto yerpapa'taterraneter po'chñaret. ⁴ Ñeñto'marña yeñoteñ eyarra po'rraspa' amate' errotent̃ ahuanmañperryeña yo'chñar ama't toro po'rras amapa' cabra po'rras.

⁵ Ñeñto'marña Cristopa' atet otosan pompor allempo acheñetos arr patsro ñeñt̃pa' atet ot:

Pa te'pa' ama añeye' pemneno eyarra ñeñt' amtsarettetsa p̄ocop ñeñt'cha' atarr p̄ocshatene'. Ama't ñāma ñeñt' es apa'yenet p̄ocop. Ñeñto'marña nocop te'pa' o' peyechcatuerrnan nechets añ patsrecop ñeñt' e'ñe atet pemnen p̄a, e'ñech nechtsot nesherbosēp̄ attoch e'ñe cohuen nocshateneḡ.

6 Po'ñōch te'pa' ama añeye' atarr p̄ocshatenaye atto chamuenet eyarra p̄ocop amapa' allempo muetsanatenet eyarra ñeñt' po'chñarecuet.

7 Ñeñto'marña Nompore te' napa' o'ch notap̄: "Napa' añecopña nohuapa arr patsro attoch netsotosnaḡ ñeñt' atet pemnen p̄a, ñeñt' e'ñe atet anaret peñoño nocop." Arrpa' allohua atet otan Cristo pompor.

8 Ñehua, ñeñt' atet ot Cristo arr ñeñt'pa' atto Yomporpa' ama añeye' mueneno eyarra ñeñt' amtsarettetsa ochñartsocop attoch coshateñet ña. Ama't ñāma ñeñt' es apa'yenet ñocop ñeñt'pa'cho'ña ama ñeñt'eye' e'nenno ñeñt'cha' coshatene' ama't ñeñt' achamaret ñocop ama't ñāma ñeñt' amtsarettetsa ochñartsocop. Ñeñt' ora añechno ñeñt' atet nane't Moisés po'ñōn atetcha' es apueñet Yompor, te'ña ñeñt'pa' ama coshatenano Yompor; atet oten Cristo.

9 Elloña ñapa' atet oten, "Napa' añecopña nehuapa Nompore, o'ch netsotosnaḡ ñeñt' atet pemnen p̄a." Ñeñt'pa' añ eñotatosey, ña a'huañatose' ñeñt' ahuatoteñ atto muetsete't eyarra po'chñarecop. Attoña ñapa' nosan po'ñōn ñach rromosets yo'chñarecop.

10 Ñeñto'marña Jesucristopa' pomosa ñañeña yo'chñarecop. Ama't parrocha rromapa' ñeñt'pa' allohuenacpay. Atto ñapa' et-sotenan ñeñt' atet muenen Pompor yañapa' e'ñe a'cohuentaterrey Partsocop.

11 Ñāma ñeñt' corneshatyets judioneshacop ñet pate'tets yetpa' chocma tenet all altaro allotecma sherbeñet Yompor allecma muetsanaterretañe't eyarrachno ñeñt' ochñartsocop. Tarraña ama't amtsarettenañpa' amach er-rotenot ahuanmanoña ochñarets.

12 Tarraña Jesucristopa' e'ñe parrocha pomuerra e'ñe ñañeña ñach amtsaretterrtsa ochñartsocop. Ama't parrocha rroma ñeñt'pa' allohuenacop e'ñech errponohuañenacop. Allempoñapa' o' alla anorruerr Pompor po'cohuenrot allña patsotuerr.

13 Alloatña cohue-nan allohuen ñeñt' e'moñe'tene' esempohuañenpa' a'mchechatuerranetcha'. 14 Jesucristo allempo pomuerra ñañeña, ñapa' e'ñe etsotatuerrnay attoch e'ñe a'cohuentaterrey Partsocop. Ama't parrocha rroma ñeñt'pa' e'ñe allo-huenacop ama't ahuatoteñ errponohuañenacop añecop ñeñt' pueyochresha' pen Parets.

15-16 Ama't Yompor Puecamquēñ ñeñt'pa'cho'ña eñotochtatennay tarro'mar ñapa' añ eñotatyē't ñeñt' atet otye't Yompor, ñeñt'pa' atet ot: Esemphuañenpa' napa' o'ch na'pocatterranet po'pocheño. Ñeñt'pa' atetcha' neperranet. Allempo esheccha'ña nechapaterranet neñoñ e'ñe pueyochreto. Ñeñt'pa' ñato' o'ch netma'ntacha atto neñoñpa' o' aquellcatterret e'ñe ñet pueyochreto ñeñt'cha'ca'yeña cotape'chaterrahuetña e'ñe cohuen.

17 Ellonetpa' atet ote't allempo:

Napa' amach alla neyerpuerranete'te po'chñaret. Ama't ora atto atpare'tnete'tpa' amachña ñeñña alla neyerpuerranete'te.

18 Ñeñto'marña yeñoteñ atto Yomporpa' o' peretna'huerrnay yo'chñar amach alla yerpuerrnaye'te ñeñto'marña amach alla es yemterre'te ñeñt' yo'chñarecop.

Te'pa' ama es palltetsō yocop attoch e'ñe cohuen ye'ñorana'tera Yompor Parets

19 Ñeñto'marña masheñeshacha' ñaña no'chaneshacha' te'pa' yeñoteñ e'ñe pocte' yocop e'ñe ya ye'chore'teño'f Yomporpa' e'ñech yeyemteña e'ñe atet ñerra'm yamo'ts yeyemtena e'ñe allame'tets. Ñeñtpa' añ toma'ntena ñerra'mrrate' o' yebe'terr e'ñe allohuanen Parets po'ponro all po'prahuo atet pe't ahuat cornaneshá' ñeñt be'tostset' ñapuet' ñeñt anmaye't eyarra po'r ras all, tarro'mar te'ña atto o' rroma Jesucristo yocop, po'r rasña ñeñña e'ñe ya'pocaterre'ña ya attoch ye'ñorana'tera ama't ñeñt atarr Parets. 20 Po'ño'ch Jesucristo e'ñe ña po'chtso't orrtaterrnay po'poñ etserra attoch yapa'cho'ña o'ch ye'chapampera Yompor attoch ye'ñorana'tera. Ñeñtpa' e'ñe cohuen attoch yeyemteña e'ñe po'ño'ch. Ñeñtpa' añ toma'ntena ñerra'mrrate' Cristopa' o' 'chapaterrey allohua yottampeññañet besmo Parets po'ponro all po'prahuo. 21 Jesús te'pa' yeñoteñ ñeñña atarr Yecorneshar yepen ñeñt 'hets Yompor pa'paclo, ñapa' allña am'cha'taretetuerra Yomporpahuo añecop allohuen ñeñt pueyochreshachno pen Parets. 22 Ñeñto'marña e'ñe yeyemteño'pa' amach ye'micha'naño'fayaya ye'chore'teñe. E'ñepa'chña yeñmañesha' yeyochrocmañen ye'chore'teñ, tarro'mar Cristo po'r rasña o' a'cohuentaterrnay yeyocher atto te'pa' o' e'ñe cohuen yocape'chyerr, amachña allo'na yerpapa'tatnenye yo'chñar. Ñeñtpa' añ toma'ntena atto yapa' e'ñe cohuen apatere'tey oño ñeñt poctetsa Partsocop. 23 Chocmuepa'chña yecueñña ñeñt yeyemtena allochñapa' a'queshpaterre'ycha', amuepa'chña 'cha ye'charrtatstenoña yeyocher tarro'mar Yompor ñapa' 'chocmach a'pocdaterrnay po'ñoñ ñeñt atet otene'y. 24 Ñaña añepa'chña e'ñe cohuen ye'nen attoch yeyenpannena allohueney allochñapa' attoch e'ñe cohuen yey'chen morrentanna'teñets ñaña e'ñech cohuen es yeyenpannena. 25 Ñaña 'chocmuepa'ch yesen all 'chocma yap'chena e'ñe yame'ñeño'f Cristo. Amachña atta ye'patsto ñeñt atet pena po'potantañ ñeñt ama huetso allecma yap'chena. Añcha'ña atet yepena allompo yap'chena e'ñech cohuen yocape'chatannena Yomporcop. Elloña te'pa' 'chocmach yap'chena ñeñt nanac cohuentetsa yocop tarro'mar yeñoteñ te'pa' o' 'cherrmoch allempoch huerra Yepartseshar Cristo.

26 Tarro'mar ñerra'm o' yeñoter po'ño'ch Cristo rromats yocop attoch a'queshpaterrey ñaña ñerra'm ñeñto' yame'ñerra tarraña ñerra'm allo'na yesen ochña'tare'tnomuets e'ñe ya yemneñño'pa' allempopa' amach eñalleña ñeñt'cha' rromuerttterr po'pocheño ñeñt'cha' yetsa'terroyerr ello yo'chñar. 27 Ñeñt allo'na sets ochña'tare'tnomuets añach o'paterrahuet coñcheñets ñeñt atarr am'cha'no'chtetsa ñeñt'ara Yompor po'yoro'chenña ñeñt tso'pa' e'ñech e'nuerran allohuen ñeñt e'moñe'tene' Yompor. 28 Ñehua, ahuat ñerra'm eñall ama't pueheñarra ñeñt atpare'taye't Moisés po'ñoñ, ñerra'm eñall epsheña amapa' ma'psheña ñeñt'cha' a'metam'pene' ñeñña atparña'pa' ahuo'ch muetse allohuen acheneshas'. Ama't pueheñarrapa' amach eñalleña ñeñt'cha' morrentaya. 29 Elloña ñeñt ama esoye' entenaye Yompor Puechemerpa' atarr'cha' nanac a'coñchatare'tterret. Elloña po'r ras ñeñt'cha' a'cohuentaterrahuetañ Partsocop ñeñtpa'cho'ña ama esoye' enteñeto ama't ñeñt errasatser ñeñt etserra a'pocdatatñetsa. Elloña ama't Yompor Puecamquēñ ñeñtpa'cho'ña 'chach sasare'teññañet ñeñt'ara Puecamquēñ ñeñt'cha' morrenterrahuetañ attoch chorrerranetañ. Ama't seño'teña elloña atarr'cha' nanac acoñchatare'tterra ñeñt atet atarr tsena'tene' Yompor Puechemer. 30 Tarro'mar yapa' yeñoteñ Yomporña atet otets:

“Napa’ ñeñfencha’ coñchatterahuuet, napa’ ñeñfencha’ tsa’tatterahuuet.” Elloñapa’ atet oten Yompor: “Napa’ ñeñfencha’ otteñe’cherrahuuet attochña necoñchatteranet ama’t ñeñf neyochreshachno nepeneñ.” ³¹ Ñeñto’marña yeñoteñ atarr yoroçheno’tsen ama’t allohuen ñeñf aña o’patenaya ñeñf po’yorothenña pen Yompor ñeñf ama arromñañeshayaye.

³² Tarraña te’pa’ o’ch notas, o’ch alla seyerpuerra atet sepa ahuañmo’cha allempo e’ñe errtes eñoterre’ po’ñoçh Cristepa’tña a’queshpatañ. Ñeñtpa’ allempo ñanom a’puetarsam̄psaretta seyoçhro soctapña. Allempopa’ ama’t atarr amuroçhtatareteseñ sañapa’ e’ñe sa’huanta’huanom pa’namen topateñtoçhno ñeñf setantyesoya; ñeñtpa’ e’ñe atet ñerra’mrrate’ sapa’ çho atarr seçllarena. ³³ Patanta’tsospa’ atarra’ye che’tatsetasete’t e’ñe allo’tsa’yen allohuen acheñenesha’. All atarr sa’muroçhtataretta. Elloña ñerra’m esempo mueroçhtateñ po’potantañ samo’tsesha’ sapa’cho’ña çhocmach semuroçhtapretanete’t. ³⁴ Po’ñoçh ñeñf arrmanatarettatset’ o’ch ayottam̄psarettet, sañapa’ e’ñe sellcapreteño’anetpa’ çhocmach e’ñe cohuen seyenpuenanet. Ama’t allempo puerratam̄psatsre’tase’t ñeñf se’moñe’tyesaye’t, sañapa’ e’ñech socsheñesha’ sa’huantenanet. Tarro’mar sapa’ señoñeñ o’ secherr ento ñeñf atarr sherbets ñeñf ello metana’tuene’ atto sherbenes sechatser, tarro’mar ñeñtpa’ ama aptsañ. ³⁵ Ñeñto’marña masheñneshacha’ o’ch alla noterserr, amach alla sequeçhpatsterrña ñeñf atto atarr seyemteña Cristo tarro’mar Yomporpa’ ñachña atarr cohuen setsa’terraya. ³⁶ Te’ sapa’ aña sepalltena attoch e’ñe acoña sa’huanta’huanom ñeñf atarr echarr sentyen, attochña allo’nach sesen pa’yesnomue’ ñeñf atet muenen Yompor, attochña Yomporpa’ apuerrescha’ ñeñf e’ñe atet otenes. ³⁷ Tarro’mar yeñoteñ Yompor po’ñoñ ñeñf aquellcaret ahuatoteñ ñeñtpa’ Cristocop atet oten:

O’ mameshamerra o’ch orretuerra ñeñfcha’ huerrtsa, te’pa’ amach alla atomato pue’ntañ.

³⁸ Tarraña Yomporpa’ atet oten:

Ñeñf e’ñe pocte’ nenten na ama’t erra’tsena acheñer tarro’mar e’ñe pueyemteñoñ na, ñeñfña’ corretsach. Tarraña ñerra’m esesha’ nepuerram̄perraya ñapa’ o’huañcha’ allo’na coshatenen.

³⁹ Tarraña yapa’ ama atteyayye ñerra’mrrate’ ñeñfcha’ puerram̄perraya Yompor ñeñfcha’ chenquértsa. Yapa’ añeyca’yeña ñeñfeycha’ çhocma yemterraya Yompor ñeñfeycha’ a’queshpataretttertsa e’ñe yecamquẽñohuen.

11

E’ñe yeyemteñoñ Yomporpa’ e’ñech cohuen es yetsotayen ñocop

¹ Ñehua, allempo po’ñoçh yeyemteña Yompor e’ñe yeñoteñ çhocmach apuerrey ama’t esempo ñeñf atarr yecuen te’ e’ñe yenamueñoñ. Ama’t ama yenteña’ e’ñe yeoyoçhroña yeñoteñ ñeñf yecuen te’ po’ñoçhpa’ apuerreycha’ ama’t esempo. ² Yatañneshañ ahuatpa’ atarr yemuetyesete’t Yompor. Ñeñf atto yemuetyesete’t Yomporña’ e’ñe pocte’ entyesanete’t.

³ Ñaña ya e’ñe yeyemteñoñ Yompor te’ña’pa’ o’ yeñoter allpon ñeñf yentyen arr patsro ñeñtpa’ e’ñe po’ñoñoña yeçhca’hua. Allempopa’ ama’t coñe’ta ama es orrtetso ñeñfcha’ pa’namen yeçhcatyes ñeñf atet yentyen te’.

⁴ Ñaña Abel ahuat atto yemtane't Yompor, ñapa' apan Yompor ñeñt atarr coshate'. Pa'mo'nasheñña Caín ama't apañeñ ñaña Yompor, ñeñtñapa' ama coshatano Yompor. Ñeñto'mar Yomporpa' e'ñe cohuen agapan ñeñt ap Abel; attoña Yomporpa' eñotatanet e'ñe pocte' entapretan Abel. Tarraña Abel ama't rromaña'pa' atto atarr yemtane't Yompor, ñeñt'pa' e'ñe teme'ttsen eñotateney ñeñt cohuen enten Yompor. Ñeñt'pa' attema't ñerra'mrrate' Abelpa' teme'ttsen serrpare'tateney cohuen.

⁵ Ñaña ahuat Enoc ñeñt atarr cohuen yemta'e't Yompor, ñapa' e'ñe ora aner Yompor pue'ntaño e'ñe betnatot. Ñapa' ama çhoye' rromo arr patsro. E'ñe atfa a' chencach pamo'tsesha' ama esesha' enterraye tarro'mar Yompor erraya'. Ñehua, allempo ama a'tapatera' Yompor pue'ntaño ñapa' atarr cohuen coshatane't Yompor allempo a'ñe patsro'tsen, tarro'mar ñeñt'pa' atet oten Yompor po'ñoñ ñeñt aquellcaret. ⁶ Ñerra'm ama yeyemteñe Yompor amach errotentot yocshateñe ama't e'ñe mamesha. Tarraña ñerra'm esesha' muenene' o'ch yemteret ñamet Yompor añ poctetsa o'ch otet po'ñoçhpa' Yomporpa' eñall, ñaña eñoteretepa'chña Yomporpa' çhocmach coshateran allohuen ñeñt e'nene' ña. ⁷ Ñaña ahuat Yomporpa' eñotatan Noé ñeñt'cha' atet e'çhoñan oñ tsapatonet. Allempo atet otan Noé ama't mameshapa' ama huatete. Tarraña Noéñapa' e'ñe yemtenana atet och Yompor allempo. Ñaña'pa' yeçcatuan po'compuer allochñapa' attoch a'qeshpattan pamo'tsesha'. Atto yeçcatan po'compuer e'ñe ñapue't e'ñe pueyemteño't Yomporpa' eñotatanenña allohuen po'potantañeçhno pamo'tsesha' ñetpa' coñchatuerranetcha' Yompor. Ñeñto'marña e'ñe pueyemteño't, Yomporñapa' e'ñe pocte' entenan Noé.

⁸ Ñaña ahuat Abrahampa' allempo çhore'ch Yompor o'ch mueñe allaþar allcha' apuer pats, ñaña'pa' e'ñe pueyemteño't Yompor e'ñe cohuen ame'ñya. Allempoñapa' sa'nman pa'netser o' ahuo' ama't ñapa' ama eñoteñe allcha' ta tarro'mar ama puentare all sen. ⁹ Allempo çhap anetso all oteñ Yompor ñeñt'cha' apuer esempohuañen, allñapa' all yeçhosa e'ñe pueyemteño't Yompor. Tarraña ña allpa' atfa yeçhosa atet ñerra'm ahuapña. Ama't ñeñt patspa' ñeñt o'patateña Yompor ñeñt'cha' apuer, tarraña allempopa' ama apueña' Yompor ñeñt atet oteñ. Ñeñto'mar ñapa' atfa shetamtsopoto's all manatoset. Ñaña ama't ñeñt'cha' po'mreneñ perr Isaac ñaña Jacob ñetpa'çho'ña attera yeçherret shetamtsopahuo. Ñetpa'çho'ña atfa cohueñet esempohuañencha' apuerranet Yompor ñeñt patser e'ñe atet otenanet ñamet. ¹⁰ Abraham po'ñoçhpa' aña cohuen ñeñt Yompor pa'netser ñeñt e'ñe echarr aparet tarro mar Yompor yeçcatene' e'ñe echarr peñ.

¹¹ Puetapor Sarapa'çho'ña e'ñe pueyemteño't Yomporpa' cheyore'terr ama't ñapa' o' atarr po'nme'ten. Ama't o' meten allempo atto cheyore'ten coyanesha' e'ñe pueyemteño'ta Yomporpa' ña ahuamenca't pe' attoch cheyore't. Tarro'mar ñapa' atarr ayemuetpo' entenan Yompor atet oteñ. ¹² Attoña e'ñe Abrahamota atarr mererra shonte' acheñenesha' nanac ama't ñapa' o' atarr nanac po'nme'ten allempo. Allpon acheñenesha' ña e'ñe po'mreneñ pohuenahuet ñeñt allpon shonte' nanac atet ñerra'mrrate' ora allohuen rantoçhno ñeñt ento'tsa'yen ñaña atet yenteññañ sa'p po'mñer ñeñt ama e'ñotuapahuoyaye.

¹³ Ñeñtet allponet atarr yemuetnomuet Yompor ama't allempo Yomporpa' ama apuenaneta' ñeñt patser ñeñt o'patatanete't. Tarraña ama't ama

aparetterreta' ñeñt patser ñeñt o'patatanete't Yompor, ñetñapa' pueyemuet-neñofet Yompor eñoteñet ñetpa' aparetterretcha' ñeñtcha' po'ñoçh pa'netser perret. Ñeñtcha' atarr coshaterrahueta. Tarro'marña ñetpa' eñoteñet añ patser po'ñoçh ama pa'netsreye' peñeto. Ñetpa' ahuaþñanesheta entenet arr patsro.

14 Ñehua, yeñoteñ acheñ ñeñt atet entetsa ñerra'm ahuaþñanesheta ñetpa' añña e'nenet ñeñtcha' e'ñe pa'netser perret po'ñoçh. 15 Ñaña ama añeye' pa'netser peneto allot onet tarro'mar ñerra'm ñeñta e'nenetañpa' po'ñoçhpa' o'ch alla puerrerretañ allot onet tarraña ñetpa' ama ñeñteye'ña e'name'teneto. 16 Ñetpa' añña e'nete't ñeñtcha' e'ñe pa'netser perret po'ñoçh ñeñt atarr nanac cohuen, ñeñtpa' añepa't Yompor pa'netser ñeñt pue'ntañ'o'tsen. Ñeñto'marña Yomporpa' e'ñe pocte' entenanet ama penquënaneto atto Po'yomporer peñet. Ñaña'pa' o'patatanenet ñeñtcha' e'ñe po'ñoçh pa'netser perret all pue'ntañ'o.

17 Ñaña allempo Yomporpa' atarr topatan Abraham; ñeñtpa' atet otan Abraham: "Te'pa' o'ch pemtser pechemer Isaac e'ñe atet ñerra'm ñeñt muetsenet nocop." E'ñe pueyemteñof Yompor Abrahamñapa' e'ñe pocte' eñch o'ch poman puechemer Isaac o'ch muetse Yomporcop. Ñehua, Yomporpa' atet o' otuan Abraham ahuatoteñ: 18 "E'ñe pechemereshof Isaacpa' mererrach shonte' acheñenesha' ñeñtcha' e'ñe pemñeneñ peperr." Tarraña ama't atet oteñeñ Yompor, ñaña'pa' e'ñe pueyemteñof Yomporpa' e'ñe pocte' eñch ahuo'ch muetsan po'patror allempo atet otererr Yompor. 19 Tarro'mar ñapa' atet oten, Yomporpa' atarr ahuañencatesha' ñach tantatuerre' ama't ñeñtcha' rromats. Ñeñtpa' atet ñerra'mrrate' Yomporpa' o' alla tantaterrñañ puechemer rromot, o' alla agapuer pompor po'pocheño.

20 Isaacpa'cho'ña allempo po'n e'ñe pueyemteñof Yomporpa' enaman puechemereshacop Yompor pa'nateña añecop Jacob ñaña Esaú; ñeñtcha' atet bensare'tañperranet tsapatonet. 21 Jacobpa'cho'ña allempo rromamoch e'ñe pueyemteñof Yomporpa' enamatnoman Yompor pa'nateña pue'ñarefolleshacop ñeñt puechemer José puechemeretollesha' puepo'nmeñofpa' po'carra quellpuena allña ma'yochenanaña Yompor. 22 Josépa'cho'ña e'ñe pueyemteñof Yompor allempoch rroma allapa' all anetso Egipto, ñapa' atet otnoman pamo'tsesha': "Po'ñoçhpa' çhocmach çhap allempoch allohuenes israelena'tarneshas secha'nerrcha' arrot Egipto, o'ch sahanerra allo'tsen pats ñeñt o'pataty'e't ahuatoteñ Yompor ñeñtcha' apuerrey. Ñaña ñerra'm esempoch ahuerres arrotpa' sanernnancha' nenpa'ts."

23 Ñaña allempo eñalleta Moisés, pamo'mte'ñapa' e'ñe cohuenatoll entan ematoll. Ñetpa' e'ñe pueyemteñofet Yomporpa' o' e'pochet. Ama mecha'teññañeto añcha'taret po'ñoñ ñeñt atet nen attoch çhocma muetsanachet allohuen asheñorrotollesha' ñeñt eñalleyetsa. E'ñe ma'pñia arrorr alla e'poteñet. 24 Tarraña Moisés allempo o' po'n ñapa'cho'ña e'ñe pueyemteñofa Yomporpa' ama mueno o'ch oteñet ño' pue'ñar penña añcha'taret, tarro'mar ñapa' atta ñañireteña añcha'taret po'señ ñeñt egipto'marnesha'. 25 Ñapa' añña e'ñe pocte' ent o'ch mueroçhtapretana israelnesha' ñeñt e'ñe pamo'tsesha' pen ñeñtara ñeñt pueyochreshachno pen Yompor. Ama pocteye' entano o'ch coshapretana egipto'marnesha'

ñeñf atet yechenet ñeñf ama pocteye' enteno Yompor tarro'mar ñapa' eñoteñ ñeñfpa' e'ñe mamecpa atet coshenet. ²⁶ Ñapa' atta ahuantenan atto atarr sasare'teñet israelnesha'. Tarro'mar ñapa' añ pocte' enten o'ch muerochta Cristocop. Ñapa' ñeñfña atarr cohuen enten, ello metana'tuenan ñeñf atet sherben allohuen ñeñf esocmañen ñeñf atarr morrentena egipto'marnesha'. Tarro'mar ñapa' aña cohuen ñeñfcha' apuer Yompor ñeñfcha'ña atarr coshaterre'.

²⁷⁻²⁸ Ñeñto'marña Moisés e'ñe pueyemteñoñ Yomporpa' atet otan allohuen israelena'tar ñeñf Egipto'tsa'yen: "Te'pa' o'ch semtsa carrnerotoll tarro'mar Yompor otets. Ñeñfña po'rraspa' o'ch seshellcata'tyes allof sebe'ten so'ponro, allochñapa' ñerra'm esempoch huapa mellañofoñ ñeñf amñaref ñeñfcha' muetsanatuena' allohuen egipto'marnesha' po'moternesha' attochña sa ñeñfes israelena'tarneshaspa' ama't puesheñarrofesapa' amach muetsenso." Ñaña Moisés e'ñe pueyemteñoñ Yomporpa' sa'nerran anets Egipto, ama mecha'tnomo ñeñf amñcha'tarettetsa all Egipto ñeñf atarr atsrre'mñaf. Moiséspa' atta ahuantan huanman allohuen ñeñf atarr echarr entyen tarro'mar ñapa' añ e'ñe yemtena Yompor ñeñf ama't ama entpahuoyaye. ²⁹ Ñaña allempo onaçherr allohuen israelena'tarnesha' Egiptot allempo çacha'tet atarr sa'po ñeñf otenet Sa'p Tsasasen, israelena'tarnesha' e'ñe pueyemteñoñet Yomporpa' e'ñe atta ahuanmoset all chope'chnomuet atef ñerra'mrrate' e'ñe porrare' patso chope'chenet. Egipto'marnesha'ña ñeñf cotahuetañpa' ñetpa'çho'ña ahuanmosetañ ñamet all sa'po, tarraña ñetñapa' e'ñe allohuenet ño'shrra'tuoseña all oño.

³⁰ Ñaña allempo çacha'tet all anetso Jericó ñeñfña allo'marnesha'pa' ama mueneñeto o'ch abe'tosamñsaretet. Tarraña israelena'tarnesha' e'ñe pueyemteñoñet Yomporpa' cançherrmatoset; o' cançhroch puetesamñsame'toset ñeñf anetser Jericó ñeñf atet otanet Yompor. Allempoña e'ñe pueyemteñoñet Yomporpa' ñeñfña conçhet allo aconçha'tamñsaret ñeñf anetser all puetesme'tet cançhroch e'ñepa'tcha' ñoña mata'nom. ³¹ Ñaña Rahab ama't ñeñf atarr ecañoresha'tatset' ahuatpa' atto atarr yemterrana ñaña Yompor, ñeñf coyansharpa' ama rromo allempo a'cllataretta allohuen pamo'tsesha' ñeñfara jericó'marnesha' ñeñf atarr atpare'tyesaye't Yompor all anetso. Tarro'mar ñapa' e'ñe cohuen agapan pa'paclo allponsheña israelena'tar ñeñf ñanom amñaref'tatsa all anetso ñeñfcha' eñotenaya' errotente'ña ñeñf anetser ñaña ñeñf yechetsa all, ñato' ahuanencatarrerette' ñato'pa' amate'.

³² Po'potantañeçhnopa' shontemeñ ñeñfcha' alla neyerpaterrsañerr ñeñf atarr yemtaye't Yompor ahua't. Tarraña ama eñalle allponmat yet attoch alla neyerpatuerrsa allohuen ñeñf atarr yemtaye't Yompor, atet ñerra'm Gedeón, ñaña Barac, ñaña Sansón, ñaña Jefte', ñaña David, ñaña Samuel ñaña allohuen ñeñf a'mta'yesaye't Yompor po'ñoñ ahua't. ³³ Tarraña allohuenet e'ñe pueyemteñoñet Yomporpa' pa'namen etsotayenet ñeñf atef muenatenanet Yompor. Puesheña'tsetpa' e'ñe a'mchechueñet po'potantañ amñcha'taretnesha'çhno ñeñf e'moñe'tenahuet. Po'potantañña' e'ñe pueyemteñoñet Yompor e'ñe cohuen amñcha'tarettenet. E'ñe pueyemteñoñet Yompor ñapa' alla yenpuerranet ñeñf atet otanete't. Ama't po'psheñeñpa' e'ñe pueyemteñoñet Yompor ama muenatano ma'yarr o'ch errof pe'. ³⁴ Ñaña ama't tso'ña ama't atarr huomenc huorten ama muenache o'ch atserrpe'.

Po'psheñña' e'ñe pueyemteñoŧ Yompor ñapa' a'queshpach attoch ama muetseto espado. Po'potantaña' ama't ama eñallete po'huamenc, e'ñe pueyemteñoŧet Yompor atarr ahuamencat panet. Ñeñña huomencñatsarpa' alloña quellarenet. Atto e'ñe a'mchechuet ñeñf e'moñe'tenahuet. ³⁵ Ama't po'potantañ coyanesachno ñetpa'cho'ña e'ñe pueyemteñoŧet Yompor, o' alla atatantaretterret pamo'ts ñeñf rromuets.

Po'potantañ ama't atarr atserrpase'tarettenet, ñetpa'cho'ña e'ñe pueyemteñoŧet Yompor ama mueneñeto o'ch quechpuet Yompor attoch a'rroyaretetyerret. E'ñe pocte' enteñet o'ch rromuet pueyemteñoŧet Yompor tarro'mar ñetpa' eñoteñet allach tanterret ello ñeñf atarr nanac cohuentetsa. ³⁶ Po'potantañechno ñetpa'cho'ña e'ñe pueyemteñoŧet Yompor ahuanta'yenet pa'namen atto atarr atserrpase'taretetyesete't — attoña atarr ache'tatsetarettete't, all ashtarettete't, ehuananatarettete't, ayottamp̄saretetyesete't. ³⁷ Po'potantañ amsanatarettete't atto arrollapecharettete't. Po'potantaña' ashesharetetyesete't e'ñe puerrochreto atto amsanatarettetyesete't, atarr huomenc huapanete't topateñets. Po'potantañ espado amsanatarettetyesete't. Po'potantañ atfa chopeñe'chyesete't, ña chorra'yese't carrnerorrom, ñaña cabrarrom. Atarr huocchañetyesete't atfaña atarr amurochtatarettete't atto atserrpa'yese'tete't. ³⁸ Atfa chopeñe'chyesete't amayo'mar, aspeno'mar. Esho'tyese'te't arroroto'mar, mapuetpono'mar añe patsro. Allohuenet ñet ñeñf atto atarr amurochtatarettete't, Yomporña' atarr cohuen entanete't. Ello metana'tueñet ora allohuen acheñesha' arr patsro. ³⁹ Allohuenet ñeñf et atarr yemtete't Yompor ahuat, Yomporña' e'ñe cohuen entanete't, tarraña ñetpa' amaña enterretoña ora allpon ñeñf atet otanete't Yompor ahuat ñeñfcha' atet apuerranet. ⁴⁰ Tarro'mar Yomporpa' ama't ahuatoteñ añ cotape'chen ñeñf ello nanac cohuen enten ña. Ñeñpa' yocpa'na allohuenacpay. Ñapa' añ muenen allohueney parro o'ch etsotaternay ñeñf o'patatenya ñeñfcha' e'ñe cohuen ya'cohuentaterre' allohueney.

12

Chocmuepa'chña e'ñe yeyemuetneña Yepartseshar Jesús

¹ Ñeñfo'marña yeñoteñ shonte' acheñ ñeñf orrtatyesaye't ahuatoteñ; e'ñe pueyemteñoŧet Yompor e'ñe etsotayese'te't Yomporecop ñeñf atarr echarr. Ñaña ñet te'pa' o'ch netma'ntatanet ñerra'mrrate' allohuenetpa' o' cohupreteryerret yama' o'ch entesyet errottencha' yetsota yama ñeñf atet muenateney Yompor. Ñeñfo'marña yocoppa' añ poctetsa o'ch e'ñe yesuanom ama't erra'tsena ñeñf yepatare'tene' ama't ñaña yo'chñar ñeñf atarr yet-patyene'. Ñaña e'ñepa'ch ya'huanta'huanom allohuen ñeñf echarr yentyen. Allochña' attoch e'ñe cohuen yetsoteññañ ñeñf atet muenateney Yompor. Ñeñpa' e'ñe atet ñerra'mrrate' ñeñf matetsa ñetpa' chocmach chapuet allo-hua onañchareñtenet ñocpuet. ² Añcha'ña chocmuepa'chña e'ñe yeyemuetneña Jesús ñeñf orrtaterre' attoch yeyemtera ñaña ñeñfcha' yetsotaterre' ñeñf atto atarr yeyemuetneña. Tarro'mar ñapa' e'ñe pocte' eñche't o'ch ahuanta'huan allohuen ñeñf echarr ente't ama't atto rroma corsocho. Ama't ñeñf atarr apenco'chen entyenet, ñapa' e'ñe poctacma ahuanta'huanem. Tarro'mar e'ñe pueyemteñoŧa Pompor ñapa' eñoteñ ñach apapuerre' ñeñfcha'ña atarr

coshatuerre'. Ñeñfo'marña te'pa' o' alla anorruerr Pompopor po'cohuenrot all anen po'conaño allña partsotuerr ñaña.

³ Ñehua, te' sapa' o'ch alla seyerpuera Jesús atto ñapa' atarr muerochtater ñeñf' atarr ochñaatenesha' ñeñf' atarr e'moñe'taye't. Tarraña ñapa' allohuen muerochteñetspa' e'ñe ahuanta' huanem'. Allochñapa' sapa'cho'ña amach cha semuenme'chatsche ñeñf'cha' atarr echarr sehuapoya, atochña amach cha llecatenme. ⁴ Tarraña saña ama't atarr satpare'tyeñeñ atto atarr topatase't so'chñar amaña choye' muetsenseto ñeñf' atet a'paretta Jesús, ashataretta po'rراس ochñartsocop. ⁵ Ñaña sapa' o'te' cha sepuesua ñeñf' atet cotape'chateney Yompopor po'ñoño allohueney ñeñfey puechemer pen.

Ñeñfpa' atet oteneyp o'ñoñ:

Nechemere, ñerra'm esempo cotape'chaterres cohuen Yompopor amachña atta sentatsche ñerra'm ama esoye' sherbeno. Ñaña ñerra'm esempo coñchatas mame' attoch o'ch alla soctape'cherr cohuen amachña ñeñfota' cha muene' sequethpatstere. ⁶ Tarro'mar allohueney ñeñfey morrentena Yompopor ñeñfeycha'ña cotape'chaterres cohuen. Ñaña allohueney ñeñfey puechemerasha' pen ñeñfeycha'ña coñchatyes mamesha'tets attoch o'ch alla yoctape'cherr cohuen ñocop.

⁷ E'ñepa'chña ya'huanta'huanom atto coñchateney mame' tarro'mar ñapa' añ muenen o'ch e'ñe puechemer perrey poctacma. Ñehua, yeñoteñ e'ñe pocte' atto ñeñf' achemereshat errotenopa' o'ch coñchachet puechemer mame' allochñapa' attoch e'ñe cohuen ame'ñenanet puechemer. ⁸ Tarro'mar ñerra'm esesha' ama coñchatenaye mame' puechemer attoch e'ñe cohuen ame'ñachet ñeñfpa' po'ño'ch ama puechemereye' peñe; ñeñfpa' cha ottena ñerra'm ellapnanesha'. Ñeñfo'mar sapa'cho'ña ñerra'm ama coñchatenso Yompopor mame' attoch same'ña e'ñe cohuen po'ño'ch amaca'ye puechemereye' penso. ⁹ Elloña yeñoteñ allempo cheshenya' ñeñf' yompopor yepen arr patsro atto e'ñe cohuen cotape'chatyesye't, ñeñfpa' e'ñe pocte' yeñche't tarro'mar yeñoteñ ñeñfpa' e'ñe cohuen yocop. Ñeñfo'marña te'pa'cho'ña e'ñepa'chña cohuen yenteñ atto Yompopora' o' cotape'chaterrey cohuen ñeñfara Yompopor ñeñf' pue'ntaño'tsen ñeñf' pamo'mte' pen yecamquëñ attoña yapa' corretsayach. ¹⁰ Ñehua, ñeñf' yamo'mte' yepen arr patsro ñetpa' e'ñe allponmata cotape'chatyesyete't allempo yapa' cheshenya'. Ñetpa' chocma coñchatyesyete't allpon pocte' entyesete't ñet. Ñaña Yompopor atto allpon coñchatyeneyp mamesha'tets ñeñfpa'cho'ña e'ñe cohuenacma yocop allochñapa' yapa'cho'ña e'ñech cohuenare' es yorrtatyen e'ñe atet ñerra'm ñapa' e'ñe cohuenare' es orrtatyen. ¹¹ Ñaña yapa' yeñoteñ ñerra'm esesha' yecoñchatene' ñeñfpa' ama cohuenaye' yenteñe e'ñe allempo coñchatenyet, tarro'mar ñeñfpa' chocmach llecatenyet. Tarraña puecoñchateño'fetayapa' o'ch yeñoterr ñeñf' atarr cohuen enten Yompopor. Allochñapa' attochña e'ñech yocshesha' yey'chena cohuen muechet.

Ñato'tña atta es sep'cham'pena'ña ñeñf' atet anaret Partseshot socop te'tña ama se'cherro ñesho

¹² Ñeñfo'marña te'pa' o'ch notas, o'ch alla setanterra o'ch alla sa'huamencaterra Yomporecop. Atetcha' netma'ntatasa atet ñerra'mrrate' o' alla ahuamencat seperr sot ñeñf' cha yoncota'ten ñaña atto seyonllocme'chenpa' o'ch alla ahuamencat seperr selloquë'm. ¹³ E'ñepa'ch cohuen es sorrtatyen allochñapa' ñerra'm esesha' ama e'ñeye' huomencaye'

penaye pueyocher Yomporecop, sañapa' amach aña sorrateno ñeñfcha' a'puerrataterrahuet. Añcha'ña sorratenañña ñeñfcha' e'ñe cohuen yenpuene'. Ñeñfpa' atetcha' netma'ntatasa ñerra'mrrate' sapa' añ se'nen toñ ñeñf atarr cohuen paçharr sets muepñarero allcha' e'ñe cohuen sechope'chen. Allochñapa' ñerra'm eseshas checa'repuets amach cha sepoto'tatse'ntomo amach cha sa'tserrpa'nmo attochña e'ñe cohuen sechope'chnom e'ñe huomenc.

14 Añepa'chña sema'yoçhrena attoch e'ñe cohuen samo'tstannena, e'ñech muechet seyçhena epas allohuen samo'tseshaçhno. Ñaña añcha'ña soctape'chyen ñeñf e'ñe cohuenare' enten Parets. Tarro'mar ñerra'm añ ama yoctape'cheno ñeñf cohuenare' enten Paretspa' amach errotentot yentereña Yompor. 15 Ñaña señotanna'tnomuepa'ch, ñato' eseshaspa' ama añeye' e'нено Yompor ñeñfcha' yenpue'. Ñaña señotanna'tepa'ch ñato'tña ama't e'ñe mameshapa' sorratena'ña attoch se'moñe'tanna'ta. Ñerra'm atet sepenapa' acopoteña' o'ch e'ñe epa'huapa' çhach orrtatan atsrre'moçhen. Attoña ñerra'm shonte' acheñenesha'pa' çhach a'sosyatuane; ñeñfpa' ama pocteye' enteñe Parets. Ñeñfpa' atetcha' netma'ntacha ñerra'mrrate' narmets ñeñf atarr pesherr ye'muen. 16 Ñaña señotanna'tnomuepa'ch ñato'tña esesha' chetenaya'ña ñeñf ama puetaporeyaye. Amapa' ñato'tña atta es sepçhampena'ña ñaña ñeñf atarr sherbets Partsocop, ñeñf atet pa' ahuat Esaú. Ñapa' e'ñe pa'chporrñoa pomhuan ñeñf anaret ñocop Partseshot. Ñeñfpa' ñeñf o'patacha pompor ñeñf metana'tuene' ñeñfcha' allpon apa'nman po'poñ puechemeresha' tarro'mar ñapa' ñeñf e'ñe po'moter pen pompor. Tarraña Esaúpa' ama esoye' enteñe ñeñf anaret ñocop Partseshot ñeñfo'mar e'ñe pomhuan ñeñf o'patacha pompor ama't e'ñe parrocha rrachet. 17 Tarraña e'ñe allponmatapa' yeñoteñ o' alla mueneran ñeñf anaret ñocop Partseshot, tarraña allempopa' amach errotentot alla apuereterro. Ama't pueya'chpeñesha' enamuerreñ allempopa' amate' errotentot a'po'poñeterretoña ñeñf atet o' pohuet ñenma't.

18 Ñehua, yeñoteñ ahuat allempo Yomporpa' eñotatan israelena'tarnesha' attoch a'pocatanetañ Parets all aspeno Sinaíño, ñeñfpa' atarr yoroçhen. Allña aspeno ñerra'm esesha' çhapats ama't pa'rrpapa' allorocmach errotetot all. Ñeñfña aspenterpa' all huorten tso' ñaña ama machecmeto, añcha'noçhtena, huomenquëshaten. 19 All e'morrtena ñaña poctor atarr yoroçhen. Atto eñorana'tanet Paretspa' atarr añcha'noçhen enteñet. Ñeñfo'marña acheñenesha' ñeñf e'mñotene' atto eñorena Parets, ñetñapa' atet otyenet. “Ñeñepa'ta amach allo'na eñorana'tnenye Parets.” 20 Ama eshcaye' ahuantenaye' enteñeto ñeñf atet otarettenet: “Ñerra'm esesha' çhapats ñeñf aspentero ama't pa'rrpapa' amtsarettetepa' — arrolle'tarettetepa'ch amapa' enapecharettetepa' panmeto. Ama't ñaña eyarra muetsetepa'.” 21 Ama't Moiséspa'çho'ña atarr yoroçhen enteñ, ama't ñapa' atet otanet: “Ama't napa' nenfcha'na'teño'pa' cha neyonshema'ten.”

22 Tarraña sapa' ama sentare aspenet all añcha'noçhtena Parets. Sapa' aña senterr ñeñf Siónapen ñeñf toma'ntenaya all yechena Yompor ñeñf ama arromñateshayaye. Ñaña aña senterr Jerusalén ñeñf toma'ntenaya Yompor pa'netser ñeñf pue'ntaño'tsen. Allñapa' shonte' coshame'tañpeña mellaño'eñesha' shonte' nanac. Ñeñf allpon allo'tsa'yenpa' ama

e'ñotupahuoyaye. ²³ Ñaña sapa' aña senterr allohuen ñeñt puechemerasha' o' perr Parets ñeñt ap'chetsa pame'ñeñofet ña. Ñetña allohuenetpa' ñeñtet aquellcaretet pa'so'chñechno Yompor pue'ntaño. Ñaña sa te'pa' o' senter Yompor ñeñtcha' yeñotaterre' allohueney erra'tsencha' cohuen entyesuerr ñaña erra'tsencha' ama cohuenaye' entyesuerro. Ñaña allo'tsa'yen allohuen acheñenesha' puecamquëñechno ñeñt e'ñe pocte' enten Yompor; ñeñtñapa' o' e'ñe etsotatuanet all pue'ntaño. ²⁴ Ñaña te' o' senter ñaña Jesús ñeñt eñosets yocop Yomporesho attoch e'ñe cohuen a'pocatonay etserra. Ñaña o' señoterrñañ po'r ras ñeñt ashatarettatsa alloña o' ap'retnarettterraña yo'chñar. Ñeñtpa' elloña e'ñe cohuen yenpuerrey. Ñeñtpa' ama atteyaye ñerra'm Abel po'r ras ñeñt ashatarettatsa ahuat.

²⁵ Ñeñto'marña te'pa' o'ch notas, se'mñoterepa'ch Yompor ñeñt se'ñorana'tenaya te'. Tarro'mar ahuat israelena'tarnesha' ñeñt ama e'mñotaye'te Yompor allempo eñorana'tanete't arr patsro, ñetñapa' ama eseshaye' queshpatso. Ñeñto'marña yeñoteñ ñerra'm yapa' amach ye'mñotere yaña Yompor ñeñt ye'ñorana'tenaya te' pue'ntaño, elloña yapa'cho'ña ama't puesheñarrofeyapa' amach eseshay queshperrtso. ²⁶ Ahuat allempo eñorana'tanet aspentot, po'ñoñtapa' cha pelle'llchatenan pats. Ñaña te'pa' atet oten: "Elloña esempohuañen po'pocheño'pa' o'ch alla nepelle'llchaterterr pats, tarraña amach ñap'ayaya pats nepelle'llchaterro, enta'nachña nepelle'llchaterr." ²⁷ Ñeñtña po'ñoñer all oten "po'pocheño" ñeñtña yeñotatene' esempohuañenpa' ahupore'taretterrach allohuen ñeñt aye'chcataret ñeñt apelle'llchatpo'. Allempopa' añach a'puerrtsa ñeñt ama apelle'llchatpahuoyaye. ²⁸ Ñaña atto añcha'tarettena Yompor, ñeñtpa' ama apelle'llchatpahuoyaye. Ñeñto'marña yeparasyoso'chepa'ch Yompor tarro'mar ñeñt o'patatenyapa' ama ahupore'tpahuoyaye. E'ñe yem'cha'na'teño'pa' e'ñepa'chña cohuen yesherbeñ Yompor ñeñtcha' e'ñe coshatene' ña. ²⁹ Tarro'mar yeñoteñ ñeñt Yeyomporer yepen ñapa' atarr Parets e'ñe atet ñerra'm tso' ñeñt e'nuene' ama't erra'tsena ñeñt ama errof apen yenteno.

13

Atetcha' yepa attoch e'ñe cohuen yocshach Yompor

¹ Atterepa'ch chocma semorrentannena allohuenes atet ñerra'm e'ñe semo'nasheñ se'panna'tuena. ² Ñaña amach sepsatsto attoch e'ñe cohuen sagañ allohuen ama't esesha ñeñt huapyetsa sepaclo. Tarro'mar ama señotanna'tueno; ñato'rraña añ saguën ñeñt mueñen Yompor atet pena po'potantañ ñetpa' añepa't agapuet mellaño'feñ.

³ Ñaña chocmuepa'chña seyerepya ñeñt ayottam'psaretetyetsa. E'ñech cohuen sellcapretenanet atet ñerra'mrrate' sapa'cho'ña ayottam'psaretetes e'ñe parro. Ñaña ñeñt amuero'chtataretetyetsa e'ñepa'ch cohuen sellcapretenanet ñamet tarro'mar sapa'cho'ña seño'teñ attecma erro'tenopa' chocmach semuero'chtana saña e'ñe sechtso.

⁴ Ñaña o'ch notas po'poñ: Allohuenes ñerra'm esempo sesna'tena o' e'ñe seyoranna'ta epas setapor e'ñepa'ch cohuen sentña ñeñt atto seyorannena. Ama't parrochapa' amuepa'chña se'nam'psanna'tatsto. Yacmapa' amach

chetatstano coyanesha' ñeñt ama puetaporeyaye ama't e'ñe parrocha. Coyanesha'pa'cho'ña amach agapatstanoña ña'ña ñeñt ama puerrollareyaye ama't e'ñe parrocha. Tarro'mar Yomporpa' chocmach tsa'taterrana ñeñt chetene' ñeñt ama puetaporeyaye ama't ña'ña ñeñt aguëne' ñeñt ama puerrollareyaye.

⁵ Ña'ña te'pa' o'ch noterrser po'poñ: Amuepa'chña aña atarr seye'chapretatsetesatsto quelle. E'ñepa'chña aña socshena ñeñt e'ñe allpona sechyen. Tarro'mar Yomporpa' atet oteneý: "Napa' ama't ahuatapa' amach nequechpuerrso, amach na'ypo'ñerrso ama't ahuata." ⁶ Ñeñto'marña yeyemteño' Yompor e'ñech yocsheñesho' chocmuepa'ch atet yoten:

Yomporpa' ñeñña yeyenpuene' ñeñto'marña amach es yemcha'tatsto. Ama't errotuaneñ muene' peney po'potantañ Yomporpa' ñach yecuan'pene'.

⁷ Ña'ña seyerpueño' chocmuepa'ch cohuen senteñ ñeñt a'potene' Yompor po'ñoñ socop, ñeñtcha' seño'tatnomue' cohuen. Ña'ña o'ch soctape'ch ñeñt atarr cohuenare' orrtatyesnomuet sesho, atto ñetpa' e'ñe cohuen yemteñet Yompor, sapa'cho'ña atetcha' sepa samña yemtenaya Yompor e'ñe cohuen.

⁸ Jesucristo ñapa' atterach yeyemteña ama't ahuatoteñ, ama't teme'ttsen, ama't ña'ña errponañohuen ñeñfach attera ayemuetpotena. ⁹ Ñeñto'marña amach seyemtatoña ñeñt po'poñechno yechateñets ñeñt ama atteye' aychatarefeso ahuañmo'choteñ. Tarro'mar aña poctetsa o'ch huomenc yepa' yeyo'cher e'ñe Yompor pueomorrenetey atto atarr yenpueneý e'ñe atta. Ama añofey' huomenc yepenoña yeyo'cher atto es yerra'yen amapa' atto es yetore'tyena. Tarro'mar ñeñt cotene' añ yechateñets rreñtsocpa'na, ñeñt yechateñtsorpa' ama yenpuenaneto attoch huomenc pa'nmuet pueyo'cher Yomporecop.

¹⁰⁻¹¹ Ñehua, yeñoteñ ñeñt corneshatets judioneshacop ñerra'm esempo muetsenet eyarra all altaro ñeñt po'chñarecquet, ñeñña eyarra po'rراسpa' ñeñt'pa' o'ch anem' cornesha' e'ñe allohuanen Parets po'ponro ñeñt ochñartsocpatets. Tarraña ñeñña eyarra po'chetspa' amach esesha' rrenaye. Ñeñña po'chetspa' o'ch anmet a'yo all ama acheñempañoýaye, allcha' chamoset. Tarraña te'ña yocop ñeñt amtsaretterrtsa yo'chñarecop ñeñt'pa' Cristo. Yapa' ñeñt po'ñoñ pocrrañ pen yecamqueñ allohueneý ñeñfey yemtenaya ña. Tarraña ñeñt attera corneshatets judionesha' poctañnacop all po'prahuo peñet, ñetpa' amach errotenot pocrrañ petoña Cristo. ¹² Ña'ña atto anenan judionesha' eyarra po'chets a'yo all ama acheñempañoýaye, ñeñt'pa' añ toma'ntena atto Cristopa'cho'ña anmet a'yo all ama acheñempañoýaye allcha' e'ñe pueuero'chtateño'fetpa' o'ch rroma. Attoña e'ñe ña po'rراسo a'cohuentaterrey Partsocop. ¹³ Ñeñto'marña te'pa' e'ñepa'chña yesuanom ñeñt ahuat yocpañña ñeñtara ñeñt ya'netser yepenpa' o'ch ahueý a'yo allo'tsen Jesús. Allcha'ña yemuero'chtapretosya yanña all atarr otnare'tyefet. ¹⁴ Tarro'mar añe patserpa' ama añeyaye ñeñt po'ño'ch ya'netser yepen tarro'mar ñeñt'pa' huañerrcha'. Yapa' aña ye'nen ñeñtcha' ya'netser yeperr ñeñtcha' yenterr Yompor pue'ntaño ñeñt ama ahuañaño ama't e'ñe errponaña. ¹⁵ E'ñe yeyemteño' Jesucristo chocmuepa'chña ya'ye'cho'chtateññañ Yompor. Atto chocma ya'ye'cho'chtateññañ ñeñt'pa' añ toma'ntena ñeñtcha' yapueñ Yompor atet pete't ahuat o'ch muetsen eyarra ñocop. E'ñepa'chña ya yenamot ya'ye'cho'chtateññañ pa'so'cheñ attochña e'ñech yocshateñ. ¹⁶ Ña'ña chocmuepa'chña e'ñe cohuen seyenpanna

ñaña e'ñech cohuen sa'muerañtena. Tarro'mar te'pa' ñeñña atto es yapueñ Yompor ñeñcha' atarr coshatene' ña.

¹⁷ Ñaña ñeñt sa'mcha'tareternesha' sepa'yenpa' chocmuepa'chña same'ñenanet, tarro'mar ñetpa' añecop anareñtenet ñetcha' cohuanmpenet secamquẽ Yomporecop. Ñaña Yomporpa' eñotatuerranetcha' ñeñt atep pa'yenet, ñato' e'ñete' cohuen cohuanmpenset ñato'pa' amate' cohuenaye' cohuanmpenseto. Ñeñto'marña socoppa' añ poctetsa e'ñechña cohuen same'ñenanet attochña ñetpa' e'ñech pocsheñeshocmañen torrenet socop. Amuepa'ch cha sellcatatstenaneto tarro'mar ñerra'm atetpa' amach errotent coshaterrsetoña sanña.

¹⁸ Ñaña te'pa' o'ch notas, chocmach sema'yochampanya. Yapa' yeñotena yeyochro ama enalle attoch po'poñ yentannena. Yapa' añña yemnen chocmach yorrtatyen ñeñt atarr cohuen enten Yompor. ¹⁹ Ellopa' o'ch alla noterrser chocmach sema'yochampanya allochñapa' amach atarr atomatat-stopa' o'ch alla necherrerr sesho.

Arrpa' all so'tnerranet po'cartot

²⁰⁻²¹ Te'ñapa' Yomporepa'chña e'ñe ahuamencat sepene' ama't allohuen pa'namenacop ñeñt atarr sherbets ñocop. E'ñe yame'ñeñot Puechemer ñeñt Jesucristo ñachña ya'cohuentatene'ña ora yocapña ñeñt atet yoctape'chyen yeyochro allochñapa' attochña e'ñe cohuen yoctape'cherr ora allohuen ñeñt cohuen enten ña. Attochña e'ñech cohuenare' sorrtatyen ñeñt e'ñe atep muenen ña. Ñeñtpa' ñeñtara Yompor ñeñt e'ñe yocshatene' yeyochro ñaña ñeñtara ñeñt tantaterre' Puechemer rromot ñeñt Yepartseshar yepen, Jesucristo ñeñña atarr cohuen yecuanmpene' atep ñerra'mrrate' ñeñt atarr cohuen cohuanmpene' po'carrneror. E'ñe po'rrosoña alloña a'pocatonay ñeñt e'ñe etserra ñeñña a'pocateñetspa' ama't errponañapa' amach huañerro. Te'ña e'ñe tayoteña' yecohuentatoñepa'ch Cristo ama't errponohuañen. Ñeñtpa' attetepa'ch Nompore yocop.

²² E'ñe allohuanen masheñeshacha' ñaña nochaneshacha' o'ch alla noterrser, e'ñepa'ch cohuen se'ññoton neñoñ ñeñt allpon o' alla noctape'chaterres tarro'mar ama atonaye' ñoñets nequellquẽnaso. ²³ Ñaña o'ch neñotatas masheñ Timoteopa' o' alla a'rroyeret. Ñerra'm ahuencha' chap arrpa' epsheño'mareypa' o'ch ahuey o'ch yemo'tensa'.

²⁴ Ñaña napa' nemnen o'ch nehuomcha'ch necartot allohuen ñeñt sa'mcha'tareternesha' sepa'yen, ñaña allohuen masheñeshachno ñeñt pueyochresha' pen Parets all sesho. Ñaña itatio'marnesha' ñeñt ame'ñetsapa' ñetpa'cho'ña mueneñet o'ch huomcha'taset ñamet añ necartot.

²⁵ Te'ñapa' Yomporepa'ch sa'nataya allohuenes. Ñeñfach notas, ñeñtpa' attetepa'ch Nompore. Allohua.

AÑ SANTIAGO PO' CARTA SANTIAGO

Atto Santiago quellcan carta allohuenacop ñeñĩ atta parratse'tyets allemeñ

¹ Masheñneshacha' ñaña nochaneshacha' ñeñĩes Israel puechemeresha' po'mrenñes, ñeñĩ charrasheña puechena epsheña ñeñĩña po'mreneñ sepeneña sa, ñeñĩes atta parratse'tyets allemeñ anetso'mar. Na Santiagon sequellqueneña añ carta ñeñĩen torretsa Yomporecop ama't ñaña Puechemerecop Jesucristo ñeñĩ Yepartseshar yepen. Te'pa' o'ch nehuomcha'tas allohuenes añ necartot.

Attoch ya'huanten allohuen topateñets

² Ñaña te'pa' o'ch masheñneshacha' ñaña nochaneshacha' notas, ñerra'm esempo huaponasa pa'namen topateñetspa' sapa' socshepa'ch nanac. ³ Tarro'mar sapa' señoteñ ñerra'm cho huaponaya topateñets, ñeñĩpa' añecopcha' huapa attoch topatenya' ñerra'm po'ño'chte' yame'ñena. Allochñapa' attoch chocma es ya'huanten. ⁴ E'ñe pocte' allo'nepa'ch sesen ahuanta' huanmue' allohuen topateñets, allochñapa' attoch poctacma huomenc sepa' seyo'cher Yomporecop, ñaña attoch amach es sepallteno ama't mamesha atto same'ñeña Yompor.

Yomporpa' chocma mueneñ o'ch es eñotatey

⁵ Ñerra'm eseshaste' ama e'ñeye' eñotenaye ñeñĩ cohuen enten Yomporpa' sapa' añcha'ña senam Yompor, ñapa' chocmach es eñotatey, tarro'mar ñapa' e'ñech pocsheñesha' es apueneý allohueney, amachña ñeñĩapa' cha che'ptare'tye. ⁶ Tarraña ñerra'm esempo es senamueñ Yomporpa' e'ñech seyemteñot es sanamñ. Amach cha se'charrtatsto seyo'chro ama't mamesha. Tarro'mar ñeñĩ chocma echarrtetsa pueyo'chropa' amach e'ñeye' yemtenano Yompor ñeñĩ' marña ñeñĩ atet petsapa' chach ottena ñerra'mrrate' oñ pue'mo'yer ñeñĩ allemateñ anen mōrr. ⁷⁻⁸ Ñeñĩ atet petsapa' eñochetepa' po'ño'chpa' amach es ape Yompor, tarro'mar ñeñĩ atet petsapa' amach patraye' cotape'cheno. Átet ñerra'm te'pa' ñato' po'poñcha' cotape'chen, ñato' tsapatñapa' o'ch'cho' cotape'chenan po'poñ. Ñeñĩ acheñerpa' chocmach atet pa'yena.

⁹ Tarraña ñerra'm eseshas masheñre esempo atet sentena ñerra'm ama esoshe'mayaysopa' socshepa'ch, tarro'mar allempo Yomporpa' atetcha' entenes ñerra'mrrate' ñeñĩes nanac sherbets. ¹⁰ Ñaña añ masheñer ñeñĩ echene' shonte' po'çllayorpa' coshepa'ch ñerra'm esempo es huapoya. Allempopa' amach esoshe'maye' entereto. Tarro'mar ñeñĩ eçllayoret ñeñĩpa' mamecpa atet pena ñerra'mrrate' ta'te' puerorer ñeñĩ nanac auyaña. ¹¹ Tarro'mar ñeñĩ ror atetpa' ñerra'm o'ch huapa' muena atsne', ñerra'm o'ch atserrtapa' chach a'uyatoñña pue'chor, añña puerorerñapa' o'ch shorna' tua; ñeñĩña atto cohuentenapa' o'ch huañ. E'ñe atet penaña ñeñĩ eçllayoret. E'ñe puechecma'teño'pa' huañerrcha' ñaña.

E'ñe yañeña yemneñot topateney oneñet

¹² Nanac cosheñtso'tsen allohuen ñeñĩ ahuantene' ora pa'namen topateñets, tarro'mar ñerra'm esempo ahuanta' huan ora topateñetspa'

nanaccha' cohuen entuer Yompor. Allempopa' aphuercha' Yompor ñeñtcha' atarr coshaterre' alloch ñapa' corretsach tayoteñ ama't errponañohuen. Ñeñtpa' aña o'patatena allohuen ñeñt morrentenaya ña. ¹³ Ñaña te'pa' o'ch notas, ñerra'm esempo e'ñe sañeña semneñño' o'ch sepa' ñeñt ama cohuenayayepa' amach sótatso, "añpa' Yomporte' o' topaten." Tarro'mar Yomporpa' ama esesha' topatenaye attoch ñapa' o'ch pa' ñaña ñeñt ama cohuenayaye. Ñeñto'marña ñapa'cho' amach errotento topatye yamña. ¹⁴ Elloña añmapa' e'ñe sañeña semneñño' attoch huaponasa topateñets o'ch sepa' ñeñt ama cohuenayaye. ¹⁵ Tarro'mar ñerra'm esempo es yemnatse'tyen yeyochro, ñerra'm o'chcho' ye'pa' atetpa', ñeñtpa' ñeñtña yo'chñar yepen. Ñaña ñerra'm chocma allo'na yesen pa'nmue' ñeñt ama cohuenayayepa' e'ñe yo'chñaro'pa' o'ch yechenquerra.

¹⁶ Masheñeshacha' ñaña nochaneshacha' e'ñe nemorrenteño'fespá' o'ch alla noterrser, amach sepantatsche sañeña. Po'ño'chpa' ama Yompor-eye' yetpatenaye attoch ye'pa' ñeñt ama cohuenayaye. ¹⁷ Yomporpa' e'ñe cohuenare' es apueneñ ñeñtcha' allo'na yeyenpuene' ñeñtara ñeñt mueñennay pue'ntañot. Ñaña ñeñtara Yompor ñeñt yechcate' allohuen ñeñt yechoyo'tam'pene' pue'ntañot. Tarraña erroteno e'ñe puechope'cheño'pa' amach tama choyo'tam'penye. Tarraña Paretspa' ama atteye' peno. Ñapa' amach ellopa' alla a'po'poñetamperrye ñeñt atet muenateney. ¹⁸ Allempo yame'ñerrñaña po'ñoñ ñeñt e'ñe po'ño'ch atet oteneñ ñeshofñapa' ye'ñallettera atet ñerra'mrrate' e'ñe puechemerey ñeñt e'ñe po'moter pen ñeñt anaret e'ñe ñocop. Tarro'mar ñeñtpa' atet muenen ña.

Añpa' ñeñtcha' atet yesherbe' Yompor e'ñe cohuen

¹⁹ Ñeñto'marña masheñeshacha' ñaña nochaneshacha' e'ñe nemorrenteño'fespá' o'ch neñotaterserr po'poñ. Sa allohuenes añ pocetsa chocmach pocte' señch o'ch se'mñoch cohuen ama't erra'tsena ñeñtcha' serrpare'tatets. Añcha'ña chocmach serrmuen señoñ. Ñaña amach e'ñe attofa sa'tsrre'ma'yeno, chocña ñanom es soctape'ch ñato' atsrre'mochente' ñeñt atet otenset, ñato' amate'. ²⁰ Tarro'mar e'ñe ya'tsrre'mueño'pa' amach errotento yetsotoña ñeñt atet pocte' enten Yompor. ²¹ Ñeñto'marña sapa' o'ch seque'chpa'huerr sosya'tsañ ora allohuen ñeñt shonte' se'pa'yen ñeñt ama pocteyaye Yomporcop. Añcha'ña sapa' o'ch sagapoñ Yompor po'ñoñ e'ñe señmañesha'. Tarro'mar ñerra'm o'ch chaponaya Yompor po'ñoñ e'ñe yeyochropa' ñeñtpa' ñeñtcha' ya'queshpaterre' esempohuañen yecamquëño.

²² Ñaña sapa' amach e'ñe orrena se'matstoñe Yompor po'ñoñ, chocña sorrtratyesña ñeñt atet oteneñ. Tarro'mar ñeñt e'ñe orrena e'muene' Yompor po'ñoñpa' ñeñtpa' ñañeñach shequëtsa tarro'mar chate' otenapañ ñato' ñeñtate' pocetsa ñocop attoch qeshperra. ²³ Ñaña ñeñt atet pet-sapa' chach ottena ñerra'mrrate' ñeñt atta cohuetza rerpo. ²⁴ Añecpach cohuen o'ch entan errotente' orrtena pa'clloyot. O'chña entuan ñeñt atet orrtena' allempoñapa' o'ch ahuer. Allempoña cherr a'yopa' o'ch alla puesuerran ñeñt atet orrtena pa'clloyot. ²⁵ Tarraña ñeñtña e'ñe pomneñño' ma'yochrenaya Yompor po'ñoñ ñeñt e'ñe cohuen atet oteneypa' ñeñtña' ama atteye' peno ñeñt atet pena ñeñt e'ñe orrena e'muene' Yompor po'ñoñ

ñeñt' atta puesene' ñeñt' atet' oteney Yompor. Añcha'ña' chocmach orrtatye-nan ñeñt' atet' oten Yompor po'ñoñ. Elloña ñeñt' atet' petsapa' nanaccha' cosheñtso'tsen.

²⁶ Ñerra'm esesha' otets ñapa' nanaco' cohuen sherbenan Yompor, tarraña ñerra'm ña ama anenano po'ñoñpa' ñeñtpa' ñañeñach shequëtsa. Tarro'mar ñerra'm atterach yeñosatse'tyenpa' amach po'ñoçhaye' yesherbeñe Yompor.

²⁷ Añña e'ñe pocte' enten Yompor Apa ñeñt'cha' atet' yesherbeñ ña e'ñe cohuen: O'ch yeyenpueñ huocchaneshaçhno, ñaña rretorñanesha' ñerra'm esempo es muerochtatenuhet. Ñaña yapa' amach ya'sosyatatsto yechets ñeñt' atet' patse'tyena ñeñt' ama ame'ñetso arr patsro.

2

Atto amach puesheña'ttsa cohuen yentatsto

¹ Masheñeshacha' ñaña nothanesha' te'pa' o'ch noterrser po'poñ. Sa e'ñe same'ñeñof Yepartseshar Jesucristo ñeñt' e'ñe coçhnesha' orrtatetspa' amach puesheña'ttsa e'ñe cohuen sentatsto. Sapa' e'ñech cohuen senteñ allohuen acheñenesha'. ²⁻³ Ñato' sa errotenopa' o'ch sapçhena allohuenes Yompor pa'paclo. Allempoña sapçhenapa' ñato' o'ch huapa puesheñarr ñeñt' chorrenaya ñeñt' nanac cohuen, ñeñt' nene' anillo orotlullen. Ñato' ñapa' e'ñech cohuen sagaḡ o'chçho' sotap: "Panorros arr allame'tets e'ñe cohueno." Ñato' e'ñech allempocma o'ch huapa ñaña ñeñt' atarr huocchañ ñeñt' çha shet-sre'she'muen pa'shtam. Ñato' ñeñt'ñapa' çhach sotap: "Papa' alla patomos tarronet, amapa' alla panorros patso." ⁴ Tarraña ñerra'm atet' sepenapa' ñeñtpa' amach allohuenacmaye' cohuen sentanneno. Ñaña çhach sottena ñerra'mrrate' sañeña eñotene' ñeñt' acheñer nanac sherbets. Tarraña ñerra'm atet' yepenapa' ñeñtpa' amach cohuenaye' yoctape'cheno. ⁵ Masheñeshacha' ñaña nothanesha' e'ñe nemorrenteñotes te'pa' nemneñ o'ch se'mñoten ñeñt'cha' atet' notas. Elloña Yomporpa' añña nanac muenen o'ch acerrran al-lohuen ñeñt' nanac huocchañetets añ patsro, atfoch e'ñe pame'ñeñofet ñetpa' echerretcha' esocmañen Yomporeshot. Esempohuañeñña' o'ch aguëret ñaña ñeñt' o'patatenanet Yompor all amcha'tarettena pue'ntaño. Ñaña ñeñt' o'patatenya allohueney ñeñtey morrentenaya ña. ⁶ Tarraña sañapa' çhaña semneñ o'ch sepencach ñeñt' huocchañetets. Sapa' ama't señoñeña ñeñt' nanac eçllayoretpa' ñeñt'ña es aprratanḡpsañ, amapa' o'ch temantas amcha'taretsho. ⁷ Ñaña ama't señoñeña ñeñt' nanac eçllayoretpa' ñeñt'ña nanac achmãre'tene' Cristo pa'so'cheñ ñeñtara ñeñt' nanac amcha'na'tpo'yenten ya ñeñtey Cristona'tarey.

⁸ Ñerra'm çhocma semorrentannenapa' allempopa' o'ch setsotua añ ñoñets ñeñt' atet' anaret Yompor po'ñoño ahuatoteñ, ñeñtpa' atet' oten: "O'ch atarr cohuen pemuerya pãmo'ts e'ñe atet' atarr pemorrentena pañeña." Añ ñoñets ñeñt'ña nanac sherbets, ello metana'tuenan po'poñeçhno. Ñerra'm atet'cha' seḡapa' allempopa' amach es sepallteno Yomporcop. ⁹ Tarraña ñerra'm sapa' e'ñe puesheña'ttsa semorrentenapa' ñeñtpa' allotña çhocma yo'chña'ten. Ñaña ñerra'm atet' yepenapa' nanaccha' yeyoren yo'chña', tarro'mar ama atet' yepeno ñeñt' atet' oteney Yompor po'ñoñ ñeñt' atet' anaret. ¹⁰ Ñaña ama't e'ñe yeyçhatset allohuen Yompor po'ñoñ ñeñt' atet' anaretña, ñerra'm paterrñapa' ama atteye' yepeneḡpa' Yomporñapa' o'ch en-teney ñerra'mrrate' o' ora yepanta'huoñ. ¹¹ Añ Yompor ñeñt' yotene' "amach

sechtapretatsto taporets” ñeñfara Yompor ñeñf yotene’ ñaãa “amach semtsanna’tatsto.” Ñeñfo’marña ama’t ama yechtapretatsto taporetsña’ ñerra’m errotenopa’ machayota yemse acheñ Yomporñapa’ o’ch enteney ñerra’mrrate’ o’ ora yatpare’tuoñ po’ñoñ ñeñf atet anaret. ¹² Ñeñfo’marña sapa’ chocmach seyepa atto esempohuañen Yomporpa’ eñotatyesuerreycha’ e’ñe errotench’a’ entyesuerrey. Tarro’mar ñato’ yepena ama’t ñeñf atet oteney te’ Cristo po’ñoñ ñeñf atet anaret ñeñf ama amuerochtatañeyaye. Ñeñfo’marña sapa’ e’ñe señoiteñoñ atetpa’ ama’t errotena señenpa’ e’ñepa’chña cohuenare’ señosyen. Ñaãa e’ñe señoiteñoñ atetpa’ e’ñepa’ch cohuenare’ es sorrtyaten. ¹³ Ñaãa sapa’ señochepe’ch ñeñf ama morrentenayo te’ pamo’tspa’ ñapa’cho’ña esempohuañen allempoch eñotatyesuerrey Yompor e’ñe errotench’a’ entyesuerrey, ñapa’cho’ña allempopa’ amach eseshaye’ morrenterrayo. Añña ñeñf morrentenaya te’ pamo’tspa’ esempohuañeña allempoch eñotatyesuerrey Yompor e’ñe errotench’a’ entyesuerrey, allempoña ñapa’ nanaccha’ amuerareterra.

Ñerra’m po’ñoñch yame’ñenapa’ choch yorrtat ñaãa ñeñf cohuentetsa ñocop

¹⁴ Masheñeshacha’ ñaãa nochaneshacha’ te’pa’ o’ch notas. Po’ñoñch ama sherbenoña añ acheñer ñeñf otets ñapa’ ame’ñeno’, tarraña ñerra’m ama orrtatenano ñeñf cohuentetsa Yomporecop. Ñeñña acheñer atetpa’ amach po’ñoñchaye’ ame’ñeno. Amachca’ye a’queshpateraña ñeñf atto oten e’ñe orrena ñapa’ ame’ñeno’. ¹⁵ Ñehua, ñato’ o’ch netma’ntacha atet. Ñerra’m puesheñarr masheñ, amapa’ yo’ch palltenet ñeñfcha’ chorret, amapa’ ñeñfcha’ rret allempo, ¹⁶ tarraña ñerra’m sapa’ atta sotyeñ: “Ahuat’a, Yomporepa’chña pa’nataya. Eñalletepa’ ñeñfcha’ pechorra, ñaãa ñeñfcha’ perra’.” Tarraña ñerra’m amaña es sape ñeñf palltenapa’ atetpa’ amaca’ye choye’ es sesherbena. ¹⁷ Ñeñfpa’ atet pena ñaãa ñerra’m esempo atta yoten, “napa’ name’ñena”, tarraña ñerra’m ama yorrtateno ñeñf cohuentetsa Yomporecoppa’, ñeñfña atto yoten, napa’ name’ñenapa’ amach es sherbeno. Chach yottena ñerra’mrrate’ o’ huañerr atto yame’ñena.

¹⁸ Ñato’ o’ch netma’ntacha atet. Ñato’ puesheñarrpa’ o’ch otan po’psheñeñ: “Papa’ e’ño’ peyemteññaña ñeñf atet oteney Yompor po’ñoñ, tarraña amaña porrtatenoña ñeñf atet oteney Yompor po’ñoñ. Tarraña napa’ e’ñe nepohuen ñeñf cohuentetsa Yomporecop. Ñehua, ¿erra’tsenoteyte’ña e’ñe pocte’ enten Yompor?” Ñehua, te’pa’ o’ch notap ñeñfep atet otets: Po’ñoñch ñerra’m ama yepeno ñeñf cohuentetsa Yomporecoppa’ amach errotentoyeñotache po’psheñeñ ñato’ po’ñoñchte’ yeyemteññaña Yompor po’ñoñ. Tarro’mar ñerra’m po’ñoñch yame’ñenapa’ chocmach yorrtat ñaãa ñeñf cohuentetsa Yomporecop. ¹⁹ Ñaãa papa’ peyemteño’pa’ peñoteñ Yomporpa’ e’ñe patrra. Ñehua, ñeñfpa’ e’ñe pocte’ atet, tarraña oneñfpa’cho’ña eñotenan ñaãa atet. Tarraña ñapa’ ama’t eñoteneñaña Yomporpa’ ama’t e’ñe patrra, tarraña po’yorñoñfach eñoteñ, tarro’mar ñapa’ eñotena amach qeshperro. ²⁰ Te’ papa’ amate’ peñoteña’. Chote’ pemneñ o’ch neñotatap atto ñerra’m ama yepeno ñeñf cohuentetsa Yomporecoppa’ ama’t yoteneñ yame’ñena e’ñech orrena atet yoten. ²¹ Ñehua, Yomporpa’ e’ñe pocte’ entan ahuat yatañ Abra-

ham allempo muene' muetsaneñ puechemer Isaac Yomporecop,* tarro'mar ñapa' añ orrtaten ñeñt cohuen enten Yompor. ²² Ñapa' e'ñe pocte' entan Abraham tarro'mar e'ñe pueyemteñoŕpa' orrtatuan ora ñeñt atet och Yompor. Ñeño'marña yeñoteñ Abrahampa' e'ñe poctacma ame'ñane't Yompor. ²³ Allempo atet pe'tpa' attotña e'ñe etsotuan Yompor po'ñoñ ñeñt atet aquellcaret ahuatoteñ Génesis, ñeñt'pa' atet oten: "Abrahampa' nanac yemtana Yompor, ñeño'marña e'ñe pueyemteñoŕa Yomporñapa' e'ñe pocte' eñche't. Ñeño'mar Abrahampa' atet ochete't, añmapa' ñeñt e'ñe parro yemtena epuet Yompor."

²⁴ Ñeño'mar yeñoteñ Yomporpa' e'ñech pocte' enteney ñerra'm esempo yorrtatyeññañ ñeñt cohuentetsa ñocop. Ama't errpon yotatset yapa' e'ñe cohuen yame'ñena tarraña ñerra'm ama yepohueno ñeñt atet muenen ñapa' amach errrotenot pocte' entyeña Yompor. ²⁵ Tarro'mar ama't Yomporpa' e'ñe pocte' entan ahuat coyanesha' ñeñt pa'so'cheñ Rahab, ama't ñapa' allempo pa' ñeñt e'ñe pocte' ent Yompor ñocop. Ama't ñeñt coyanesha'pa' nanac eñañoshaf, tarraña ñapa' e'ñe añoŕa pocte' eñch Yompor atto ñapa' agapan e'ñe cohuen pa'paclo ñeñt mueña ahuat Josué ñeñtcha' entenaya' ñanom pats. Alloŕpa' ñaña ahuo't gaterranet po'poñ toñ allcha' oñerret attoch ama rromuerraneto allo'marnesha' ñeñt e'moñe'tenahuet. E'ñe atet puepeñoŕa Yomporñapa' e'ñe pocte' eñch e'ñe attecma ñerra'm Abraham. ²⁶ Ñeño'marña te'pa' yeñoteñ ama't errpon yotatset yapa' e'ñe cohuen yame'ñena, tarraña ñerra'm ama yorrtateno ñeñt poctetsa Yomporecoppa' amate' eso yesherbeña Yompor. Ñato' o'ch netma'ntacha atet. Allohueneypa' e'ñe yeñotueñ ñerra'm esempo yeñch yamo'ts o' romapa' o'ch yeñoch ñeñt'pa' o' sa'neñt puecamqueñ tarro'mar ñerra'm ñeño' o' yerromapa' añ yechetspa' amach es sherberre'te.

3

E'ñe yeñosats'e'teñoŕa nanac yochña'ten Yomporecop

¹ Masheñeshacha' ñaña noçhaneshacha' te'pa' o'ch notas po'poñ. Ama pocteyaye o'ch sechen shonte' ñeñt muenets o'ch cotape'chaten ñeñt cohuentetsa Yomporecop. Tarro'mar señoŕeñ ñeñtey cotape'chatets cohuen Yomporecoppa' ello nanaccha' yoroçheno'tseney ñerra'm esempo yepena ñeñt ama cohuenayaye tarro'mar Yomporpa' amach pocteye' entenye ama't e'ñe mamesha. ² Tarro'mar allohueneypa' çhocma es yepanten. Ñerra'm esesha'ña ama es panteno pueñosats'e'teñoŕpa' ñeñtña po'ñoçhpa' e'ñech cohuen cotape'chen, ñaña ñeñt atet acheñpa' e'ñech eñoteñ attoch huenatan ora ñeñt atet muenats'e'tyen yechets. ³ Atet pena ñaña cahuall. Ñerra'm echenan attoch yame'ñacha, E'ñe puenamoŕpa' esheccha' yanem all yesechateñ. E'ñe puenamoŕpa' o'ch yame'ñacha ora pue'mocrohuen. ⁴ Ñato' o'ch netma'ntacha ñaña ñeñt atet pena bote ñeñt chope'chets oño. Ñehua, botepa' ama'tcha' nanac añecmuen noñt'pa' e'ñe puepopaŕoŕpa' o'ch aneñet all sechateñ pamo'mte'. Ñaña ama'tcha' puepopappa' añeŕollpach, ñaña ama't mörppa' mueneñeñcha' o'ch anem a yenet allenet ama yesechateñe,

* **2:21** Ñehua, ahuat Yomporpa' ahuo't otan Abraham muetsanepa'to' puechemer ñocop. Tarraña ñapa' añecpa atet och attoch topach ñato' po'ñoçhte' ame'ñeña. Ñeño'marña Abrahampa' autsa muetsayeñ puechemer Yomporecop, tarraña ellopa' ama muenache Yompor.

e'ñe puepopaṗoṗta' o'ch e'ñe cohuen aneñet allenet sechateñ pamo'mte'.⁵⁻⁶ Atet pena ñaña yenam. Yenampa' ama't añefolla yechetspa' atar-rcha' pa'namen esocmañen yeñosyen allot. Ñaña ñeñt atto yeñosatse'ten sosey e'ñe yenamotpa' ñeñtpa' atet pena ñerra'mrrate' tso'. Ñehua, tso'pa' ama'tcha' añefolla ya'torapa' mameshapa' o'ch epa'hua erracmañen puet-saṗo'mar, allotpa' o'ch a'poyuonay ama't ora ñeñt nanac yemorrentena. Ñeñtpa' atet pena ñaña eñosatse'teñets. Eñosatse'teñetspa' ama'tcha' mame-sha yeñosatse'tpa' mameshapa' o'ch epa'hua erracmañen. Allempoñapa' o'ch cha a'huañerran ñeñt cohuentetsa Yomporecop. Tarro'mar ñeñt atto yeñosatse'tyenpa' allot huena esocmañen sosya'tsañechno ñeñt añe pat-sro'tsen. Ñaña ñeñtpa' a'sosyatennay ora allohuen yoctaṗña. Ñaña allohuen eñosatse'teñetspa' arrot huena e'ñe oneñef pa'netsrot, allara coñcha'puetso all parraren tso' erraṗaren. Ñeñtcha' a'sosyatene' ora allohuen ñeñt atet yocr-rena arr patsro. ⁷ Ñehua, allohueney acheñeypa' e'ñe pomnaren yepohueñ allohuen berrochno, ñaña otechno, ñaña allohuen shechpechno, ñaña ama't ñeñt yecha'yetsa oño'mar. Ora añechnopa' e'ñe pomnaren yepohueñ. ⁸ Tarraña atto yeñosatse'tyen yenamotpa' ama esesha' pomnaren penaye. Tarro'mar atto yeñosatse'tenpa' amate' errotenot yeunache, ñeñto'marña čhocmach yeñosatse'tyen. Ñeñto'marña yeñosatse'teñapa' e'ñe atet pena ñerra'mrrate' shecheṗ ñeñt nanac amtsañ. Shecheṗ amtsañpa' ñerra'm čho ačhay mameshapa' o'ch muetsay. ⁹ Ñaña añ ñeñtara yenamotpa' ñato' er-rotenopa' o'ch ya'ye'chochtatoñ Yompore ñeñt Yepartseshar yepen. Tarraña errotenopa' ñeñtara añ yenamotpa' ñato' o'ch yesasare'ch yamo'ts ñeñtara ñeñt yečcat Yompore ñeñt puetma'ntatara atet ñerra'm ña. ¹⁰ Ñeñto'marña masheñeshacha' ñaña nočhaneshacha' sapa' amach atet seṗatsto tarro'mar ama pocteyaye e'ñe yenamotpa' allot yenameteññañ yamo'ts Yompore pa'nateña, ñato' elloñapa' o'chčho' alla yesasare'ter yamo'ts ñeñtara añ yen-amot. Sapa' amach atet seṗatsto tarro'mar po'poñ Yompore pueyečcatar, ñeñtpa' ama atteye' ṗanneneto. ¹¹ Ñato' o'ch netma'ntacha atet: Ama't sapa' señoñeñ ñerra'm erroṗ poten oñ e'ñe cohuenpa' amach erroteno poto ñaña all oñ ñeñt cha rreno'sen. ¹² Ñaña masheñeshacha' ñaña nočhaneshacha' ama't sapa' e'ñe señoñueñ, ñerra'm yenare't poporrpa' amach pue'mer ṗanoña ñaña parte allempo me'ten, amapa' ñerra'm yenare't ompa' amach pue'mer ṗanoña ñaña poporr.* Ñaña ellopa' e'ñe señoñueñ, ñerra'm erroṗ poten oñ e'ñe cohuenpa' amach errotenot poto ñaña all oñ ñeñt čha poserrsastena. Ñeñto'marña yeñoñeñ yocoppa' ama pocteyaye o'ch yorrtat ñeñt epa ñeñtara yenamot. Ñeñt paterrpa' atto ya'ye'chochtateññañ Yompore, po'poñña' o'chčho' alla yeñosatse'terr allohuen pa'namen sosya'tsañ ñeñtara yenamot.

Añpa' ñeñt atet pena eñoñeñets ñeñt huetsa e'ñe yañeña yoctaṗña

¹³ Ñehua, te'pa' o'ch noterrserre po'poñ. Ñerra'm eñall sesho ñeñt otets ñapa' nanaco' eñnoten an esocmañen, ñaña ñapa' e'ño' es etsotuen, ñehua, orrtepa' atet pena ñeñt e'ñe cohuen acheñ atoch acheñenesha'pa' eñochet po'ñoche'pa't eñoñtuanan ñeñt cohuentetsa Yomporecop. Tarraña ellopa' amachña čha ommo'chatsteto atto e'ñe cohuenare' es ṗa'yenet. Tarro'mar

* **3:12** Po'ñočh arrpa' añ toma'ntatanet higočh ñaña uva ñaña aceituna tarro'mar ñeñt chopuets Palestino. Ñeñtpa' atet oten: "Ñerra'm yenare't higočhpa' amach pue'mer ṗanoña ñaña aceituna, amapa' ñerra'm yenare't uvachpa' amach pue'mer ṗanoña ñaña higo."

ñerra'm po'ñoçh es yeñotenpa' o'ch yeñoçh ñaña ñeñĩ atto es ye'pa'yen e'ñe cohuenpa' ama ommo'chpahuoyaye. ¹⁴ Tarraña ñerra'm sapa' attera nanac sa'tsrre'muena seyoçhro e'ñe sesope'chapreteñoĩ samo'ts ñaña ñerra'm aña sema'yoçhrena ñeñĩ e'ñe socpa ñeñte'pñapa' ama pocteyaye o'ch sommo'chena atto es seño'tyeneñ mamesha'tets. Tarro'mar ñerra'm ñeñĩ atarr yommo'chatene'pa' ñeñĩpa' attaca'yeña yeshquën. ¹⁵ Tarro'mar ñeñĩ atet eñoteñetspa' ama arroteye' hueno Yomporeshot. Ñeñĩpa' ar- rota huena e'ñe ya yoctapñoĩ ñeñĩ patso'marecpa. Ñaña ñeñĩ atet eñoteñetspa' arrota huena e'ñe oneñet poctapñoĩ. ¹⁶ Tarro'mar ñerra'm çhocma ya'tsrre'muena yesope'chapreteñoĩ yamo'ts amapa' ñerra'm aña yema'yoçhrena ñeñĩ e'ñe yocpa, ñeñĩpa' allot huenaña e'moñe'tanna'teñets, ñaña allohuen sosya'tsañeçhno.

Atet pena eñoteñets ñeñĩ huetsa Yomporeshot

¹⁷ Tarraña ñerra'm po'ñoçh Yompor eñotañ yepene'pa' ñeñĩpa' atetcha' yepena: Ñanompa' o'ch yesuanom allohuen sosya'tsañeçhno ñeñĩ ama pocteye' enteno Yompor, ñaña amach allo'na atarr atsrre'moçhen yenteno, ñaña e'ñeçh cohuen yentueñ allohuen yamo'tsesha', amachña çha po'poñ yentueno. Ñaña ñerra'm po'ñoçh Yompor eñotañ yepene'pa' çhochña ya'muerañtena, ñaña e'ñeçh cohuenare' es yorrtatyen yamo'tseshacop, ñaña ñerra'm erroten yotenpa' e'ñeçh po'ñoçh atet yepena, amachña çha yesh- care'tanneno. ¹⁸ Ñeñĩña ma'yoçhrenaya attoch e'ñe cohuen yentannenapa' ñeñĩpa' añ muenen o'ch etsotan attoch allohueneypa' o'ch ye'pohuerra ñeñĩ atet pocte' enten Yompor.

4

Ñeñĩ coshatse'tyenaya ñeñĩ patso'marecpapa' ñeñĩña e'moñe'tene' ñeñĩ co- huentetsa Yomporecop

¹ Ñehua, te'pa' o'ch yoctape'ch po'poñ attoch señoçh errofte' huenaña e'moñe'tanna'teñets ñaña orroteñets ñeñĩ çhocma orrtatyenet sesho. Ñehua, ñeñĩpa' arrot huena e'ñe sa seye'chapretanna'teñoĩ pa'namen ñeñĩña quellara'yetsaña seyoçhro. ² Tarro'mar ñerra'm erroteno nanac es yeye'chapretena, ñerra'm yapa' ama yecheñepa' o'chçho' ñeñĩto'mara yemtsanna'ta. Ñaña ñerra'm esempo es yesope'chapreten, ñerra'm yapa' ama yecheñepa' o'chçho' ñeñĩto'mara yorrotta, amapa' o'chçho' ñeñĩto'mara yeçllaranna'ta. Ñehua, yapa' añoñ ama yeçheno ñeñĩ nanac yemna'yen, tarro'mar ama añ yanamueno Yompor. ³ Ñato' ama'tcha' es yanapya' amach yagape, tarro'mar ñato' añeçpach es yanamueñ ñeñĩ ama pocteyaye ñocop. Tarro'mar ñato' añeçpach es yanamueñ attoch yañapa' o'ch nanac es yocshatse'tyena allo. ⁴ Ñehua, ahuañapa' soten ahuo'ch same'ñera Cristo, tarraña te'ñapa' aña socshatse'tyena po'poñ. Ama't seño'teñe ñeñĩ coshatse'tyenaya ñeñĩ patso'marecpapa' ñeñĩña e'moñe'tene' ñeñĩ cohuentetsa Yomporecop. Ñeñĩto'marña ñerra'm yapa'çho' o'ch alla yocshatse'terra ñeñĩ patso'marecpapa' o'chçho' alla ye'moñe'ter yama Yompor. ⁵ Ñeñĩpa' ama orrena oteno Yompor po'ñoñ ñeñĩ aquellcaret ahuatoteñ, ñeñĩpa' atet oten. "Yompor Puecamquëñ ñeñĩ chorratenya ñapa' e'ñe puemorreneteño'feypa' nanac mopa'teney." ⁶ Ñeñĩto'marña Yomporpa' çhocmach mueneñ o'ch ahuañecat pa'y attoch amach alla

yepsere ña. Ñeñto'mar ama't Yompor po'ñoñopa' e'ñe anuaret ahuaatoteñ ñeñtpa' atet oten: "Yomporpa' amach errotentot yenpano ñeñt e'ñe cohuen entetsa ñañeña, amachña Yomppureye' ame'ñeno. Ñeñto'marña Yomporpa' añach nanac yenpuen ñeñt e'ñe pueñmañesha' ame'ñenaya ña." ⁷ Ñeñto'marña sapa' ðhocmach e'ñe cohuen same'ñeña Yompor. Añcha'ña satpare't oneñet tarro'mar ñerra'm atetcha' seþapa', oneñetpa' queçpa'nerrescha'. ⁸ Ñeñto'marña o'ch alla separrocmaterr epas Yompor. Tarro'mar ñapa' ðhocmach alla aguërres. Te'pa' ama't o'te' seþohua ñeñt ama cohuenayaye Yomporecoppa' te'pa' añ poctetsa o'ch alla soctape'cherr cohuen attoch Yomporpa' o'ch alla enterres e'ñe cohuen. Tarro'mar sapa' ama't semneñeñ o'ch semorrentera Yomporpa', tarraña ðhocma semorrentena ñaña ñeñt patso'marecpa. Ñeñto'marña te'pa' añ poctetsa o'ch sa'ypo'ña'huerr sosya'tsañ ñeñt seyoçhro'tsen. ⁹ E'ñe satpare'teñoñ Yomporpa' ðhosa llequërtsa. E'ñe sellquëñoñpa' seyahuëpa'ch. Ñaña amach allo'na seche'tatsetneno, ðhocña seyahu. Ñaña amach allo'na nanac es socshatse'tneno, ðhocña sellca. ¹⁰ Ñaña o'ch sa'meterr so'chñar Yomporesho attoch Yomporpa' o'ch alla tantaterres.

Atto ama atopare'tpahuo yamo'ts

¹¹ Masheñeshacha' ñaña nothanesacha' amach sesasare'tanna'tatsto. Tarro'mar ñerra'm esesha' sasare'tene' pamo'ts, amapa' ñeñt tompare'tene' pamo'tspa' po'ñoçpa' o' achmãare'tan ñaña Yompor po'ñoñ ñeñt atet anaret. (Tarro'mar Yompor po'ñoñ ñeñt atet anaretpa' atet oten, yemorrentanna'tepa'ch allohuëney.) Tarro'mar ñetpa' ðhach otenapuetañ Yompor po'ñoñ ñeñt atet anaretpa' ñato' amate' es sherbeno. Tarraña ñerra'm esempo atet yepenapa' ðhach yottena ñerra'mrrate' yañeña e'ñe es eñotuets. Tarraña ñeñtpa' ama atteyaye. Añña pocte' ðhocmach yame'ñya Yompor po'ñoñ ñeñt atet anuaret. ¹² Tarraña yapa' yeñoteñ e'ñe puesheñarra ñeñt nene' añ ñoñets ñeñtara Yompor ñeñt e'ñe po'ñoçh es eñotets. Ñeñtara Yompor ñeñt eñotene' ñeñtcha' allpon a'queshpaterr, ñaña ñeñtcha' allpon chenquërtsa. Eso'mare'tña sañapa' çhate' sotenapañ ñato' e'ñech sañeña eñote' ñeñt ama cohuenayaye acheñ.

Atto ama eñotpahuo ñeñtcha' yetantoya tsapatonet

¹³ Te'pa' o'ch notas ñaña po'poñoneñ. O'ch se'mñoten ñeñtes atet otets: "Te'ch amapa' ñato' tsapatcha' o'ch ahuen baçhayo po'poñ anetso, allcha' netaruasena' paterr char attoch negana shonte' quelle." ¹⁴ Tarraña ama't atet soteneñpa' amaña señoteñeña ñato' escha' setantoya tsapatonet. Tarro'mar añ patsropa' e'ñe mamecpa yocrrena. Atto yocrrena arr name' añ patsropa' e'ñe attey ñerra'mrrate' os ñeñt yenta' muene't ahuaetema ðhach rrema'çhen e'ñe patso. O'chña enome'ta'muen atsne'pa' o'ch huañerr. ¹⁵ Ñeñto'mar añ pocte' o'ch soten atet: "Ñerra'm Yomporcha' muenatspa' a'natnepa' attoch neþa'y es ñeñt atet noctape'chen." ¹⁶ Tarraña sapa' ama attey'eña sepeno. Ñeñtapa' attachña pa'namen sotyen e'ñe sommo'cheñoñ. Tarraña ñeñt atto yommo'chyenapa' ñeñtpa' ama cohuenayaye. ¹⁷ Ñeñto'marña ellopa' o'ch alla noterrser: Ñerra'm esempo yeñoteñ yeyoçhro ñeñt cohuentetsa Yomporecop, ñerra'm amaña atet yeþopa' ñeñtpa' ñeñtña yo'chñar yepen.

5

Ñeñt atet otan eçllayoretsha'

1 Te'pa' o'ch se'mñoten ñeñtes nanac eçllayorettes. Te'pa' e'ñe seya'chpeñsha'pa' serranare'ta tarro'mar po'ñoçh çhocma eñall ñeñtcha' sehuapoya esempo ñeñtcha' semueroçhtate'. 2 Ama't te'pa' o' atta puetsana'tuen sechecom. Sapa' ñeñtaña atarr semorrentena. Ñaña ñeñt nanac coçhnesha' ñeñt sechorra'yenapa' o' atta pompere'chua. 3 Ñaña ama't te' seçllayorpa' o' atta chomatlle'chuen. Te'pa' ama es sherbeno. Yeñoteñ e'ñe puechmatlle'cheñot seçllayorpa' ñeñtcha'ña se'nuerre' samã sechets esempohuañen atet ñerra'mrrate' achamarettes tso. Te'ña ama't o' mellapoterrmochapa' sañapa' allo'na seshonta'huanen seçllayor. 4 Ñaña te' ñeñt atta setaruasatyese't ñeñt ama setsa'tyese'tepa' te'ña ñetpa' puellquëñotetpa' nanac eñenet socop. Ñeñto'marña te' Yompor ñeñt nanac Paretspa' e'muenanet ñeñt atet pueya'chpeñsha' çhocma eñenet socop. 5 Ñaña sa aña patsropa' esocmañen sechen ama es sepallteno ama't mamesha. Ñeñto'marña ñerra'm erroten'cho' nanac cohuen sentenpa' atet'cha'cho' sepene. Chach sottena ñerra'mrrate' chañcho ñeñt nanac errataret attoch nanac ota'. Ñerra'm o'chña nanac esoya'tpa' allemponñapa' o'ch muetset. Sapa'cho'ña atet'cha' perres samã Yompor esempohuañencha' huerra. 6 Tarro'mar sapa' çhocma semueroçhtatyeyñ aheñ ñeñt ama es yeçcatetso at'attachña sapa' semtsatyenanet. Ñaña ñetpa' amach errotenot a'qeshpateto ñañeñeta allempo sapa' soteñe'chenanet.

Atto ama amuenme'chpahuo cohuame'te' Cristo

7 Ñeñto'marña masheñneshacha' ñaña noçhaneshacha' o'ch notas, çhocmach e'ñe sa'huanta'huanom ñeñt eçarr sentyen, attoch secuame'ch Yepartseshar Cristo esempohuañencha' huerra. Atet'cha' sepa atet yepena ñerra'm esempo yemneñ o'ch es yenare't. Ñerra'm yemneñ o'ch es yenare'tpa' çhocmach ñanom yecuen esempohuañencha' huapotyena esheçcha' e'ñeç cohuen es yeçcatsa ñeñt nanac yemorrentyena. 8 Ñeñto'marña sapa'cho'ña çhocmach es sa'huanten. Amach semuenme'chatsche tarro'mar o' mameshamerrapa' o'ch huerra Yepartseshar. 9 Masheñneshacha' ñaña noçhaneshacha' amach seannare'tanna'tatsto, attoch Yompor ñeñt e'ñe es eñotetspa' amach otteñe'chuersso samã ñerra'm esempoç huerra. Tarro'mar Yomporpa' o' allanerrmoch. 10 O'ch masheñneshacha' ñaña noçhaneshacha' soçtape'ch ñeñt atet pa'yese't ahuat ñeñt a'mta'yese't Yompor po'ñoñ. Tarro'mar ñetpa' nanac ahuantete't atto nanac amueroçhtatarette't. Ñeñto'marña sapa'cho'ña atet'cha' sepa samã. 11 Po'ñoçhpa' yeñoteñ ñeñt nanac ahuantene' mueroçhteñetspa' ñeñt'pa' nanaccha' cosheñtso'tsen. Ama't sapa' señotueñ ñeñt atet pa'ahuat Job. Ñapa' nanac ahuantan topatëñets. Ñaña sapa' e'ñe señotueñ ñeñt atet poñ Yompor. Allempo mueroçhetua Job Yomporñapa' alla apuer esocmañen attoch eñoch Yomporpa' nanac amueraña.

12 Ñeñto'marña sa masheñneshacha' ñaña noçhaneshacha' añ pocte' sapa'cho'ña añcha' ñanom sequeçhpa'hua. Ama't e'ñe erra'tsena pa'so'chñopa' ñato't senena'ña señoñ; amach sotatsto o'ch sena' señoñ Yompor pue'ntañ pa'so'chño, ñaña amach sotatsto o'ch sena' señoñ Yompor po'patsañ pa'so'chño. Añcha'ña ñerra'm esempo e'ñe pocte' es sentenpa' attach sanap: "Atette'ca'ye." Ñaña ñerra'm esempo ama es pocte' sentenopa' attach sanap:

“Ama atteyaye.” Allotpa’ ñeñfach. Allochña’ amach eñalle attoch otteñe’chuerres Yompor.

Añ pocte’ chochmach yema’yocham̄psannena

¹³ Añña ñeñ poctetsa ñeñtcha’ atet sepa. Ñerra’m erra’tsenotes mue-rochtatsapa’ chochña sema’yocha. Ñaña ñerra’m esesha’ e’ñe coshet-sapa’ e’ñe pocte’ morrechetepa’ allo ya’ye’chochtateñ Yompor. ¹⁴ Ñaña ñerra’m eseshas atсна’tetspa’ añ pocte’ o’ch sagotach ñeñt pompornesha’ pen ñeñt ame’ñetsa, attochña ñetcha’ ma’yocham̄pset atснаñeñ. Allotpa’ e’ñe puechore’teñotet Yomporpa’ noñetepa’ coñe’t es puese’ atснаñefesho. ¹⁵ Ñerra’m e’ñe pueyemteñotet Yompor ma’yochetpa’ atснаñeñapa’ cor-rerrach. Tarro’mar Yomporpa’ ñach ahuamencat perre’. Ñaña ñerra’m añ o’ pohua ñeñt ama pocteyayepa’ allempo Yomporpa’ o’ch alla peretrerñañ po’chñar. ¹⁶ Ñeñto’marña añ pocte’ o’ch sa’meta’huerr allohuenes so’chñar. Allochña’ chochmach sema’yocham̄psannena attoch socrerra e’ñe cohuen. Ñaña ama’t erra’tsena acheñer ñerra’m e’ñe cohuen cotape’chen Yompore-cop ñaña ñerra’m e’ñe pueyochrocmañen ma’yochetpa’ atetña e’ñiñotenña Yompor. ¹⁷ Atet pa’ ahuat Elías ñeñt a’ñtaye’t Yompor po’ñoñ. Ñeñña Elías ama’t atta ñerra’m ya ñeñfey arromñafey. Tarraña allempo ma’yochana Yompor atto enam amach huaterropa’ e’ñe allempoteñña ama huaterro ma’pa char ñaña meterrerr pechapña arorr ama huateno. ¹⁸ Allempoñapa’ o’ alla ma’yocherrerr attoch enamueran Yompor huaterrepa’. Allem-poñapa’ o’ alla huaterra, ñaña allempopa’ o’ alla choparesyerr narmet-sochno.

¹⁹ Masheñeshacha’ ñaña nochanesha ñerra’m sa puesheñarrofes o’ch alla sepurrerra ñeñtes te’pa’ cotene’ cohuen Yompor po’ñoñ, tarraña ñerra’m esesha’ña alla soctape’chatterre’ e’ñe cohuenpa’²⁰ sapa’ señoche’pa’ch ñeñt atet cotape’chatets e’ñe cohuenpa’ choch a’queshpatenan pamo’ts puecamquẽñ ñeñt atarr ochñañ ñaña choch peretnateññañ allohuen shonte’ po’chñar. Te’pa’ ñeñfach notas. Allohua.

Santiago

AÑ ÑANOM SAN PEDRO PO' CARTA 1 SAN PEDRO

Atto Pedropa' quellcan carta allohuenacop ñeñĩ ame'ñetsa ñeñĩ atta a'parratse'tataret

¹⁻² Masheñeshacha' ñańa nochaneshacha' ñeñĩes a'yetaten ñeñĩ sa'muerochtatene'. O' e'ñe sesuanom seney o' atfa a'parratse'tataset allemeña anetso'mar, all anetso Ponto ñańa Galicia, ñańa Capadocia, ñańa Asia ñańa Bitinia. Sapa' ñeñĩes ahuatoteñ nase't Yompor Parets e'ñe ñocop. Ñapa' e'ñe eñotuase't sach a'cohuentataretterrtsa Partsocop. E'ñe ña Puecamquẽñpa' ñeñĩña sa'cohuentaterre'ña sa attotña e'ñe same'ña'hueraña Jesucristo. Attoña ña po'rraspa' ñeñĩña o' e'sshuerrnasña so'chñar. Na Pedron sequellquẽne'ña añ carta, napa' ñeñĩen Jesucristo puellsensaren. E'ñe nehuomcha'teñofes sa napa' o'ch notas: Yomporpa'chña atarr sènsare'tam'pene', ñepa'chña socshatene'ña e'ñe sa seyo'chro allohuenes.

E'ñe yeyemteñoĩ Yepartseshar Jesucristo' chocmach yecuame'ten ñeñĩ o'patatare'tey

³ Te'ñapa' aye'chochtaterrapo'ch Yompor Parets ñeñĩ Yepartseshar Jesucristo Pompor ñeñĩfara ñeñĩ Po'yomporer pen, tarro'mar o' ye'ñalletterra etserra e'ñe ña nanac puemuereño'tey. Allempoteñña ya e'ñe yeyemteñoĩ ña chocmach yecuame'teñ esempohuañen tarremphua allempoch ama ya'rromña'aterrro. Atto Jesucristopa' o' tanterra, ñeñĩto'marña yapa'cho'ña yecuen yamña attoch amach ya'rromña'aterrro. ⁴ Ñańa yeyemteñoĩ chocmach yecuame'ten ñeñĩ o'patatare'tey pue'ntañoĩ tarro'mar allpa' allña añño'tarettena'ña alloch yequeshperra. Ñeñĩña queshpeñetspa' amach ahuaña'aterrro, ñańa ama asoyatño, ñańa ama amllasha'tño. ⁵ Sapa' e'ñe seyemteñoĩña Cristo Yomporpa' a'natasepa'ch. A'natasepa'ch chocma attoch sequeshpa'huerra esempohuañencha' mellapoterra. Yompor po'huamencopa' a'natasepa'ch attoch e'ñe seño'tuerr po'ño'ch e'ñech sequeshpa'huerra.

⁶ Ñeñĩto'marña te'pa' allohuenespa' socshepa'ch. Ama't te'ña atto semue-rochtenapa' ñeñĩpa' e'ñe mamecpa. Tarraña ama't o' chaponasa pa'namen topateñetspa' sapa' chocmuepa'ch socsheña Yompor. ⁷ Tarro'mar nanac huomenc e'charr yenteñ, tarraña Yomporpa' e'ño'chcha' ñerra'm po'ño'ch e'ñe yame'ñeña ña. Atet ñerra'm oropa' choch ñanom atserrtchet huomenc allochñapa' o'ch e'ño'chet ñerra'm po'ño'ch ñeñĩpa' e'ñe'fe' oroché'. Ñeñĩña ama't oropa' huañerrcha' esempo. Ama't nanac tsa'te' oro, tarraña atto po'ño'ch yame'ñera Cristo, ñeñĩña ello nanac sherbets. Ñerra'm po'ño'ch yeyemteña ña, yeyemteñoĩ ñapa' e'ñech cohuen entyesuerrey esempohuañencha' huerra Jesucristo, attochña e'ñe cohuen yecohuentapretera, e'ñech cohuen ya'mcha'tarettapretera.

⁸ Jesucristo ama't ama sentarñepa' te'ñapa' o' semorrentera. Ama't ama senteña, te'ñapa' o' same'ñera. E'ñe socsheñeshocmañen o' same'ñeña, ñeñĩña cosheñetspa' atarr nanac cohuen. Te'pa' amach erra yenerre'te yeñoñ ñeñĩcha' atet yoterrerr. ⁹ Attoña e'ñe same'ñeñoĩ Cristopa' sa'queshpaterrcha' secamquẽñ.

10 Ñaña o'ch notas, ama't ñeñt a'mta'yesaye't Yompor po'ñoñ ahuatpa' ñeñña serrpare'tete't allempo attoch orrtaterrnay Yompor puemuereña alloch yequeshperra. Tarraña ñetpa' ama e'ñeye' eñochete'te errotenete'ña alloch yequeshperra. (Ñehua, allempopa' amaca'ye orrtena' Cristo arr patsro.) Ñetpa' ñeñña nanac e'netañe't errotenete'ña ñeñtcha' a'queshpatañterrtsa. Ñetpa' nanac a'pto'tanna'tyesete't e'ñe ñagattseta errotenete'ca'yeña Yompor puemuereña alloch e'ñe yequeshperra. 11 Ñetpa'cho'ña e'ñe Cristo Puecamquëña chorrahuete't ñeñña eñotatahuete't o'ch orrtterra ñeñtcha' Cristoterrets arr patsro. O'ch chap aña patsropa' elloñapa' o'ch muerochtateret. O'ch amuerochtataretetuapa' allempochña orrtaterranña po'cohuenña. Tarraña ñeñt a'mta'yesaye't Yompor po'ñoñ ahuatpa' o' alla a'pto'tanna'tyerretterr, ta', zessha'chña Cristoterrets? ¿Esempto'tcha'ña orrtterra? 12 Yomporpa' eñotatanet ñeñt'pa' amachca'ye ahuenaye' etsoterro; shonte'ch char allempochña etsoterra atet eñotatanet Yompor. Tarraña ñeñt eñotat allempopa' ñeñt'pa' ama ñocpuetayaye, ñeñt'pa' e'ñechca'ye yocop. Te'ñapa' ñeñt seserrpare'tatene' cohuen ñoñetspa' ñeñña señotatene' e'ñe cohuen ñeñt atet penaña ñeñt cotapñats. Parets Puecamquëñ ñeñt huetsa pue'ntañotpa' ñeñña eñotatanahuetña attoch serrpare'tataset samã añ cohuen ñoñets. Ama't Parets po'mllañoñeñaneshar ñetpa'cho'ña atarr mueneñet o'ch eñochet ñamet ñeñt o' seño'tuerr sa.

Añ poctetsa o'ch yepomhuerra yañeña e'ñe Partsocop

13 Ñeñto'marña te'pa' añ poctetsa e'ñe sa seño'teño'tpa' e'ñech cohuen soctape'chen. E'ñe seyemteño't ñapa' o'ch secuame'teñ esempoch huerra Jesucristo. Allempopa' ellochña nanac muera' huerrsa, cohuencha' es apuherres. 14 Se'ñoñoch Yompor atet ñerra'm ñapa' puechemerasha'ch perres. Amach aña seychatsto atet ñerra'm ahuat allempo ama seño'teña'; allempopa' aña semnatse'tyese't ñeñt ama cohuenayaye. 15 Yomporpa' e'ñe cohuenare' es pen. Ñeñfara Yompor ñeñt o' hua'ñerrey ya. Ñeñto'marña yapa'cho'ña añ poctetsa o'ch yepomhuerra yañeña e'ñe Partsocop. Atet ñapa' e'ñe cohuenare' es pen, yapa'cho'ña añ poctetsa o'ch ye'pa' atet es pen ña. 16 Atet oteney Yompor po'ñoñof ñeñt anuaret ahuatoteñ: "Atet nepena na ñeñten Seyomporer sepen, napa' e'ñe cohuenare' es nepen, sapa'cho'ña e'ñepa'ch cohuenare' es sepen."

17 Yomporpa' ñach tsa'taterrahuet allpon ye'chcatyese'te't ñeñt ama cohuenayaye. Amach eñalleña ama't pueשהנארה ñeñtcha' queshpatsa ñeñt ama ame'ñenaye ña. Atto yema'yocheña Yompor ñeñtcha' yetsa'tatuerraya, ñeñtepñapa' te'pa' amicha'na'tpo'ch Yompor. Ama't allponmat socrena arr patsro ñeñt'pa' ama sa'netsreyaye, e'ñech tayoteñ señcha'na'tnoñ Yompor. 18 Sapa' satañneshañpa' apa'nmaset poctapña atet pete't e'ñe orrena. Te'ña sapa' o' seño'ter Yomporpa' o' tsa'tuonasa attoch sesuanom ñeñt ahuatneshañ poctapña. Ama quellayoye' tsa'tonaye. Quellepa' ahuañaña. 19 Añña atto tsa'tonaya po'rroso Puechemer ñeñt Cristo. Po'rraspa' ñeñt nanac sherbets atet ñerra'm carrnerotollpa' e'ñech co'chnesha' muetsete't Partsocop. 20 Ama't ama aye'chcatarettena' pats Yomporpa' o' nan Puechemer Cristo, ñach tsa'terraya yo'chñar. Ama't ahuatoteñ anaretpa' tarraña ama orrteno aña patsro. Te'ñapa' orrta e'ñe yocop, tarro'mar te'pa' o' mellapoterrmocha. 21 Yame'ñeñof Cristopa' o'ch yeyemterrñaña Pompor,

tarro'mar Pomporpa' o' tantater ama't o' rromhua. Tantater attoch alla e'ñe cohuentater Pompor. Ñeñto'marña te' yapa' o'ch yeyemcha Yompor, o'ch yecuame'toñ ñeñt' o'patatenya.

²² Sapa' o' same'ña'hua ñoñets ñeñt' e'ñe po'ño'ch Yompor po'ñoñ. Ñeñto'marña e'ñe Parets po'huamencot o' sesuanom allpon sosya'tsañ ñeñt' seyo'chro'tsen, attotcha' e'ñe semorrentanna'ta. Te'ñapa' semorrentanna'tepa'ch poctacma e'ñe seyo'chrocmañen. ²³ E'ñe yame'ñeñot Yompor po'ñoñpa' o' ye'ñallettera etserra. Añ eñalleteñetspa' ama atteyaye ñerra'm allempo eñalletey yachor. Atto eñalletey yachorpa' ñeñtpa' huañerrcha'. Añña Yompor po'ñoñofña ye'ñallettera ñeñtpa' amach ahuañaña'aterra ama't errponaña. ²⁴ Tarro'mar Yompor po'ñoñ ñeñt' anuaret ahuatoteñ ñeñtpa' atet oten:

Allohueney ñeñtey arromña'eypa' attey ñerra'mrrate' ta'te' tarro'mar mamecpa yocrrena. Ñaña ñeñt' cohuen yentyen ya, ñeñtpa' atet ñerra'mrrate' ta'te' puerorer. Ta'te'pa' o'ch hueya hua pue'chorpa' puerorerpa'cho'ña ama't co'chnesha'tenañpa' shor'cha'tuach.

²⁵ Tarraña ñeñt' Parets po'ñoñpa' amach ahuañaña'ito ama't errponaña. Ñeñt' po'ñoñpa' ñeñtara cohuen ñoñets ñeñt' o' serrpare'tatuaset samña.

2

¹ Te'ñapa' añ poctetsa o'ch sesuanem allohuen ñeñt' ama cohuenaye' enteno Yompor. Atto ora allpon allo seshcanna'tenapa' o'ch seque'chpa'huer. Añ shecanneñets ñeñt' attoch entenes po'psheneñ e'ñe cohuenpa' ñeñtpa'cho'ña añ palltetsa te'pa' o'ch seque'chpa'huer. Atto seye'chapretannenapa'cho'ña o'ch sepuesuer ñaña. Sasare'teñetspa'cho'ña o'ch sepuesuer. ² Añña poctetsa atarrcha' yeye'cheññaña Yompor po'ñoñ e'ñe atet pena ematollpa' nanaccha' ye'chenana puemomos. Yapa'cho'ña añ poctetsa o'ch yeye'chya atet ñerra'm ñeñt' yemomos yepen, tarraña ñeñtpa' ñeñtara Yompor po'ñoñ. Yompor po'ñoñpa' nanac cohuenare' alloch yocshaten yecamquëñ, attotcha' allo'na yesen eñotnomue' ñeñt' poctetsa Yomporcop attochña a'quesh'patareteycha'. ³ Sapa' o' señotuerrñañ Yompor puemuerña atto ñapa' nanac muerensa. Ñeñto'marña añ poctetsa sapa'cho'ña o'ch seye'choña po'ñoñ.

Atto Cristo atma'ntataretta mapue'; elloña ñapa' nanac sherben alloch e'ñe yocrrerra

⁴ Añ poctetsa o'ch separrocmater epas Cristo. Cristo ñeñt' atarr sherbets atet ñerra'm mapue' ñeñt' nenet quellpach pa'rr'pot allo orratenet pocoll ñeñt' nanac echarr. Tarraña mapue' ama't nanac sherbenpa' ama añeyaye alloch e'ñe yocrra. Añña Cristo atto sherbenpa' allochña e'ñe yocrra po'ño'ch. Ama't acheñenesha' ama't ama cohuenaye' enteñeto Cristopa' Pomporña'apa' e'ñe pocte' enteñ. Pomporña'apa' ña acre' ñeñt'cha' nanac sherbats ñocop atet ñerra'm mapue' ñeñt' nanac cohuen allochña tomatenan pa'paquëll.

⁵ Yomporpa' pa'paquëll penan allohuen ñeñt' ame'ñenaya ña. Yapa'cho'ña attey ñerra'mrrate' mapue' alloch tomatenan pa'paquëll. Tarraña yapa' atteyey ñerra'mrrate' mapue'pa' tarraña yapa' ñeñtey o'r'rriña'ot yocrrena. Yapa'cho'ña añ poctetsa o'ch yattecmatuerr ñerra'mrrate' Parets pa'paquëll. Allña'apa' yesherberrcha' Partsocp. Yecamquëño'pa' o'ch yepomhuerra e'ñe

yeyochrohuen yepomuerra attoch Paretspa' coshena. Yame'ñeñoť Jesucristopa' o'ch yesherber errotencha' muenateney Parets. ⁶ Tarro'mar atet oteney Yompor po'ñoñ ñeñť anuaret ahuatoteñ, ñeñťpa' atet oten Yompor Cristocop:

All anetso Sión ñeñťara Jerusaléñ o'ch nemñanet puesheñarr ñeñť atarr sherbets ñeñť atet ñerra'mrrate' mapue' ñeñť acrareť ñeñť nanac sherbets ñeñť alloch natomat nepaquéll. Ñerra'm esesha' ame'ñenaya ñapa', ñetñapa' amach alla e'nerrete'te po'psheñeñ.

⁷ Ñeñťey ame'ñenaya Cristopa' e'ñech yocsheñeshocmañen yenteñ. Añña ñeñť atpare'tene' Yomporpa' atetcha' enteñet Cristo ñerra'mrrate' mapue' ñeñť huapore'ten ñeñť tomatene' pocoll tarro'mar atet enteñet Cristo ñerra'mrrate' ama es sherbeno. Ñeñťo'marña Yompor po'ñoñpa' atet oterryerr:

Añ mapue' ñeñť huapore'ten ñeñť tomatene' pocoll, ñeñťña mapue'pa' Yompor nene' ñeñťcha' nanac sherbets.

⁸ Añ ñeñťara Cristo ñeñť toma'ntenaya

Mapue' allcha' epoto'tena ñeñť ama ame'ñetso ñeñťcha'ña a'shoratahuet chenquéñtso.

Añ epoto'teñetspa' añ toma'tena atto atpare'teññañet Cristo po'ñoñ. Ñeñťo'marña atet anaret, ñerra'm ama yame'ñyopa' e'ñech yechenca'huerra.

Ya ahuatpa' ama esona'tareyayye, te'ñapa' e'ñe Yomporena'tarey

⁹ Tarraña sapa' ama añeyayso ñeñť atpare'tene' Yompor. Ya ñeñťey ame'ñenaya Yomporpa' atetcha' enteney ñeñťey acraretterrtsa ñocop. Ñaña atetcha' enteney ñeñťeycha' sherberrets Partsocop, ñeñťeycha' anaretterrtsa ñocop. Ñaña e'ñech Yomporena'tar enteney. Ñeñťo'marña yocoppa' añ poctetsa o'ch yorrtatyesoñ po'cohuenna. O'ch yeserrpare'toñ atto ñapa' cheterrey checmetot all sosya'tsañoť, te'ñapa' o' chapatterrey e'ñe ña po'puetarenño all e'ñe cohuentena ña. ¹⁰ Ahuatpa' ama esona'tareyayye, te'ñapa' Yomporena'tarey. Ahuatpa' ama amuerareteyayye, te'ñapa' o' ya'muerareterra.

Atto cohuen es yepen attochña e'ñe cohuen yesherbeñ Yompor

¹¹ O'ch masheñeshacha' ñaña no'chaneshacha' e'ñe nemorrenteñofes o'ch notas: Sapa' ama't sey'chenañ añe patsro ñeñťpa' ama sa'netsreyaye. Ñeñťo'marña añ poctetsa o'ch sa'ypo'ñampes ñeñť muenatse'tyese't sechets. Atet muena'yen yechetspa' ñeñťña quellare'ña yecamquëñ; mueneñ o'ch a'chencatonay yecamquëñ. ¹² Ñeñť ama ame'ñetso seshopa' añ poctetsa o'ch sorrtañoñ ñeñť atet e'ñe cohuenare' es sepen. Allochñapa' ñerra'm mueneñet o'ch sasare'tasetpa' o'ch entonaset atto e'ñe cohuenare' es sepen. Allochñapa' ñerra'm esempo huerra Cristo attoch eñotaturrey ñeñť atet ye'pa'yena, ñetpa'cho'ña o'ch aye'cho'chtaterrñañet Yompor.

¹³ Te'pa' o'ch notas ñaña, allpon ñoñets ñeñť nen am'cha'taret añ patsropa' añ poctetsa o'ch same'ñya. Yame'ñeñoť Yeparteshar Cristopa' añ palltetsa o'ch yame'ñera ñaña allpon ñoñets ñeñť nen ñeñť atarr am'cha'tarettetsa arr patsro. ¹⁴ O'ch same'ñera ñaña ñeñť mueñen am'cha'taret ñeñťcha' a'coñchatuene' allohuen ñeñť ama pocteye' es petso, ñaña ñeñťara ñeñťcha' coshapretene' allohuen ñeñť e'ñe cohuenare' es pets. ¹⁵ Tarro'mar atet muenen Yompor: chocmach yorrtaten atet e'ñe cohuenare' es yepen. Ñato'

yorrtañeñof e'ñe cohuenpa' o'ch quechpa'huerrret atto eñosatse'tyenet. Ñetpa' patpare'teñofet eñosatse'tyenet tarro'mar ama es eñoteneto. Ñato' yorrtañeñof e'ñe cohuenpa' o'ch yequechpatuerranet atto eñosatse'tyenet.

¹⁶ Ñaña e'ñech same'ña cohuen ama't Yompor po'ñoñpa' ama añcha'nochenaye' senteñe socop. Tarraña ama't ama añcha'nochteno po'ñoñ yocoppa' amach allo'na yepa'yesneno ñeñit sosya'tsañ. Añcha'ña o'ch atet yame'ña atto pueyochresha' perrey Yompor. ¹⁷ Añ poctetsa o'ch sem'cha'na'ch allohuen acheñ. O'ch semorrentanna'ta allohuenes ñeñtes ame'ñetsa. O'ch sem'cha'na'ch ñaña Yompor. O'ch same'ñya ñaña ñeñit añcha'taretetyetsa arr patsro.

Añ poctetsa o'ch yemuerochtapreacha Cristo

¹⁸ Ñeñtes ataruasataretespa' o'ch notas, añ poctetsa socop. Sem'cha'na'teñoñpa' o'ch same'ñya samo'mte'. O'ch same'ñya samo'mte' ñeñit amueraña. Allotpa' o'ch same'ñya ñaña ñeñit ama't ama amueraño. ¹⁹ Ñaña ama't po'psheñeñ muerochtateneñ ama't allempo yepen ñeñit cohuenare', e'ñe yame'ñeñof Yomporpa' amach ya'tsrre'matsto, ñeñitpa' e'ñech pocte' enteney Yompor. ²⁰ Ñerra'm esempo cho errot yepañ po'psheñeñ ñerra'm coñchatuerrey, ñeñitpa' e'ñe pocte' yecoñchepa'. Ama't ama ya'tsrre'mo allempo, tarraña amach cohuenaye' entenye Yompor, tarro'mar ñeñitpa' chocma mueneñ o'ch yecoñcha. Tarraña ñerra'm esempo ama't yepena ñeñit cohuenare' ñato' ama't muerochtatey po'psheñeñpa' ñerra'm ama ya'tsrre'mopa' ñeñitpa' e'ñech pocte' enteney Yompor. ²¹ Ñeñito'marña te'pa' yapa' o' hua'ñerrey Cristo attoch yame'ña'huera, allochñapa' o'ch yemuerochtapreacha ña. Ñapa' ña ñanom muerochtatsa, tarraña ñapa' yechatnerrey attoch añ poctetsa o'ch yemuerochtapretera ña. ²² Ñapa' ama eñalletatane'te po'chñar ama't coñe'ta. Ñapa' ama sheca'ye'te ama't parrocha. ²³ Ama't allempo sasare'chete'tpa' ñapa' amach ellopa' sasare'terraneto ñaña. Ama't allempo muerochtachete'tpa' ñapa' amach ellopa' o'terraneto o'ch nemuerochtaterres saña. Ñapa' aña e'ñe yemete't Pompor, tarro'mar eñoteñ Pomporpa' a'poctaterrñañcha', tarro'mar ñapa' ña e'ñe pocte' es pets. ²⁴ Ñapa' ña yecoñchaterre e'ñe ya yo'chñarot allempo muerochta all corsocho. Allempoña rroma e'ñe ña po'chtsotpa' o' ahuanmaniperrey yo'chñar. Te'ña yocoppa' añ poctetsa o'ch ya'ypo'ña'huerr ora yo'chñar o'ch yeperra ñeñit atet poctetsa Partsocop. Atto atarr atserrparetterra ahuat ñeñitpa' attoña a'queshpaterrey ya. ²⁵ "Yapa' ahuatpa' attey ñerra'm carrnero. Ya'ypo'ña'uye't ñeñit yecuanmpene'." Tarraña te'ñapa' o' alla yoctape'cherr e'ñe cohuen, o' yeyemtera Cristo ñeñit yecuanmpene', ñeñtara ñeñit Pamo'mte' pen ñaña yecamquëñ.

3

Arrpa' all cotape'chatan ñeñit arrollaretnesha'

¹⁻² Sapa'cho'ña ñeñtes arrollaretes, o'ch notas saña. Añ poctetsa o'ch same'ñya serrollar. Chocmach same'ñya serrollar ama't serrollarpa' ama ame'ñenano Yompor po'ñoñ. E'ñe cohuen same'ñeñof serrollarpa' ama't ama erroten es soten ñato' attotpa' o'te' ame'ñerra ñaña serrollar. Ñetpa'cho'ña o'ch cotape'cherret e'ñe cohuen ñerra'm esempo entennaset atet e'ñe cohuenare' es sepen. ³ Amach e'ñe patrra sema'yo'chratsto atto secohuentena e'ñe orrena. Atet ñerra'm sechpa' amach ñeñta sellquëno o'ch

sañño'teñ e'ñe cohuen attoch enteney yamo'tsesha' e'ñe cohuen, tarraña ñeñtpa' e'ñe orrena. Ñaña amach e'ñe patrra sema'yoçhratsto attoch sech alloch secohuenta atet ñerra'm oro, tarraña ñeñtpa'cho'ña e'ñe orrena. Amach sema'yoçhratsto ñaña attoch sechorra'yesa e'ñe coñnesha'. Añ añño'teñets ñeñt yentapretannena e'ñe yechtsopa' ñeñtpa' e'ñe orrena ortateney e'ñe cohuen. ⁴ Añcha'ña yema'yoçhra o'ch yecohuentena yeyoçro attoch Yomporpa' entapretey e'ñe cohuen. Añ cohuentets yeyoçro ñeñtpa' ama entpahuoyaye tarraña ñeñtpa' amach ahuañaña'terro. Atet ñerra'm muereñets ñeñtpa' e'ñech cohuen entapreteney Yompor. Ñerra'm ama atsrre'mña'eyayye ñeñtpa'cho'ña e'ñech cohuen entapreteney Yompor. Ñerra'm e'ñe cohuen yoctape'chen, Yomporpa' entapreteney yoctapña atet ñerra'm ñeñt nanac sherbets, ñaña ñeñt nanac coñnesha'. ⁵ Atet pa'yese't ahua't coyanesathno ñeñt e'ñe cohuenare' es pa'yestse't Partsocop. Ñetpa' e'ñe pueyemteñotet Yomporpa' e'ñe cohuen ame'ñyete't puerrollaret. Ñetña pueyoçhretpa' e'ñe a'cohuenchete't Yomporecop. ⁶ Atet pe't ñaña ahua't Sara. Ñapa' e'ñe cohuen ame'ñane't puerrollar Abraham. Ñapa' e'ñe atet entane't puerrollar ñerra'mrate' ñeñt pamo'mte' pen, nanac ame'ñyete't. Sapa'cho'ña te'pa' sachorcha' seper Sara ñerra'm ama sem'chaño'fa es pocte' sepa'yeno saña.

Attecma cotape'chatan ñaña ñeñt ataporetnesha'

⁷ Attecmach notas saña ñeñfes ataporetas. O'ch semuerya setapor e'ñe cohuen. Sapa' o'ch senteñ saña setapor e'ñe cohuen, tarro'mar coyanesha' ama tama ahua'mencate. Añcha'ña o'ch sagaphuer parro ñeñtcha' apas Yompor. E'ñe puemuerenofes sapa' apascha' allochña sapa' corretsasach socsheñeshocmañen e'ñe tayoteñ errponañohuen. O'ch seycha e'ñe cohuen epas setapor, attocha' Yomporpa' e' mñotas ñerra'm esempo sema'yoçhya.

⁸ Te'ñapa' o'ch notas allohuenes. Añ poctetsa o'ch soctape'cherr e'ñe patrra ñeñt amuerañtetsa. Ñaña o'ch sellcapretanna'ta ñerra'm esempo es sellcatyene'. Ñaña e'ñech cohuen yemorrentanna'ta allohueney ñeñfey ame'ñetsa, ñaña e'ñech cohuen yemueranna'ta. O'ch es yentaprech po'psheñeñ e'ñe cohuen, amachña yañeña e'ñe cohuen entatstatso.

⁹ Ñerra'm po'psheñeñ erro't paspa' sapa' amach setsa'tatatsche eso. Ñerra'm po'psheñeñ sasare'taspa' sapa' amach sesasare'tatsterraneto. Añcha'ña o'ch senamoñ Yompor a'nachepa', tarro'mar atet muenen Yompor atetcha' ye'pa. Allochñapa' ñerra'm atet ye'papa' ñapa' o'ch a'natenya yaña. ¹⁰ Tarro'mar atet teney Yompor po'ñoñ:

Ñerra'm yemneñ o'ch yeycha e'ñe cohuen, ñaña ñerra'm yemneñ o'ch yocsherrapa' ñeñtpa' añ poctetsa, amach yesasare'tatsto, ñaña añ poctetsa, amach yeshcare'tatsto.

¹¹ Ñerra'm yemneñ e'ñe cohuen yocsherra, añ poctetsa o'ch yesuanem ñeñt ama cohuenaye' enteno Yompor. Ñeñt e'ñe atet muenen Yomporpa' ñeñtcha'ña atet ye'pa. Ñaña añ poctetsa, o'ch ye'nerr attoch yentannena e'ñe cohuen epay yamo'tsesha'. Te'ñapa' allo'nepa'ch yesen entanna'ttsa e'ñe cohuen.

¹² Yomporñapa' e'ñech cohuanpeney ñeñfey e'ñe pocte' es pets. Ñapa' e'mñoteney allempo es yenamueñ e'ñe ñesho. Añña ñeñt petsa ñeñt ama pocteyayepa' Yomporñapa' amach cohuenaye' enteñe ama't mamesha.

Ñerra'm esempo e'ñe attota muerochtatenyet yapa' atarrcha' cosheñtso'tseney

¹³ Ñerra'm sapa' chocma sema'yoçhrena ñeñt' cohuentetsa Yomporecop, allempoñapa' amach esesha' errotenoť semuerochtataye. ¹⁴ Tarraña ñato' errotenopa' o'ch muerochtataset ama't añ sema'yoçhrena ñeñt' cohuentetsa Yomporecop. Tarraña ñerra'm e'ñe attota muerochtatasetpa' saña'pa' atarrcha' cosheñtso'tsenes. Amach sem'cha'tatstaneto ña'ña amach sellcatsto. ¹⁵ Añcha'ña o'ch seyemcha Cristo e'ñe seyoçhrohuen. O'ch senteñ Cristo atarr cohuen Parets ñeñt' Yepartseshar yepen. Ñerra'm esempo esesha'pa' o'ch a'pto'tas ¿eso'marte'ña atarr same'ñeñaña Cristo? sapa' chocmuepa'chña e'ñe cohuen seño'teñña atetcha' sanap e'ñe cohuen. E'ñe semuereñoť e'ñech acopa sanapanet e'ñe cohuen e'ñe sem'cha'nteño'fanet. ¹⁶ Chocmach e'ñe seña'ma'flesha' seyoçhro e'ñech cohuenare' es sepen. Allochñapa' ñerra'm ama't esempo sasare'tenyetpa' ñeñt'ña atto e'ñe pocte' es ye'pa'yen Cristocoppa' ñeñt'pa' ñeñt'cha'ña pencatahuet. ¹⁷ Añ pocte' ama't yemueroçhta atto ama't e'ñe cohuenare' es yepen. Ñerra'm atet muenen Yomporpa' pocte' o'ch yemueroçhta. Añña ñerra'm e'ñe yo'chñaro'tpa' o'ch yemueroçhta, ñeñt'pa' orrenach yemueroçhta.

¹⁸ Ama't Cristopa'cho'ña ahuatpa' atarr muerochtachete't. Ñapa' ña romats e'ñe parrocha allohuenacpay attotña tsa'tuernaya yo'chñar. Cristo ama't ña ñeñt' e'ñe pocte' es petspa' attoña rroma yocop ñeñfey ama pocteye' es petso. Tarro'mar rroma yocop attotcha' yeparrocmaterr epay Yompor. Ña ama't rroma po'chtsotpa' puecamquëññapa' ama rromo. ¹⁹ E'ñe puecamquëño'tpa' arr ahuo' allo'tsa'yen ahuatnaneshañ puecamquëñflesha' ñeñt' alla ayottam'psaret, ñeñt' ama cha'netso. Ñaña puecamquëñ allñapa' serrpare'tatosanet. ²⁰ Ñehua, añ puecamquëñ ñeñt' ahuatnaneshañ ñeñt' nanac atpare'taye't Yompor po'ñoñ allempo corre't Noé. Allempopa' Yompor nanac cohume'tanetañe't o'ch ame'ñyet. Allempoteñ Noépa' yechcatane't po'compuer, Yomporpa' cohume'tanete't esesha'ch ame'ñatsa. Tarraña ama eseshaye'ña ame'ñatso, e'ñe posocsheña ñeñt' ame'ñatsa. Añ posocsheña ñeñt' ame'ñaya Yomporpa' ñeñtara posocsheña ama esesha' ño'sha'tso, ñetpa' queshpet oñoť. ²¹ Tarro'mar yapa'cho'ña te' ñerra'm yapataretta oñoť Partsocop e'ñe atet pena ñerra'm ahuat Noépa' o' queshpa e'ñe oñoť. Ñeñto'marña yapa'cho'ña ñerra'm yame'ñeñoť o' yapataretta Partsocop e'ñe oño'tpa' yeñoteñ o' yequeshpa. Ñehua, ñeñt' apataretteñetspa' ama añecpayaye o'ch yapa oño attoch huañ yepatser. Añcha'ña ñeñt' alloch yequeshpa. Atto yapataretta Partsocop o'ch yenañ Yompor etserrataterrnayepa' yocapña e'ñe cohuen. Atto yapataretta Partsocoppa' yeñoteñ o' yequeshpa tarro'mar Jesucristo atto tanterra ama't rromhua. ²² Allempo tanterra Cristopa' o' ahuer pue'ntaño. Te'ñapa' allo'tsen epuet Pompor e'ñe po'cohuenroť, allñapa' all partsoten. Ama't allohuen ñeñt' Pompor po'millaño'teñanesharpa' ñetpa'cho'ña te'pa' e'ñe cohuen ame'ñeñet ñamet. Ñaña ama't allohuen ñeñt' am'cha'taretetyetsa pue'ntaño'pa' ñetpa'cho'ña ello ame'ña hueñet ñamet. Ama't allohuen ñeñt' ahuamencate'chnopa'cho'ña ello ame'ña hueñet.

4

Atto e'ñe yemueroçhteño'tpa' o'ch huomenc ye'pa' yeyoçher Yomporecop

1 Cristo allempo añe patsro'tsenpa' ñapa' e'ñe pocte' enteñ attoch muerochtateñet nanac. Ñeñto'marña sapa'cho' e'ñepa'chña pocte' senteñ o'ch semuerochtata e'ñe ñocop. E'ñe yemuerochteño'pa' o'ch huomenc yepa' yeyo'cher. Yemuerochteño'f yechtsopa' o'ch yequechpa'huerr ñeñt ama pocteyaye Yomporecop. 2 Allochñapa' amach allo'na yepa'neno atet muenatysesye't yechets ahuat. Yocoppa' añ poctetsa o'ch yoctape'chen ñeñt atet muenen Yompor. 3 Te'ñapa' ñeñfeshañach atet sepa' atet sepa'yese't ahuatoteñ ñeñt atet pena te' ñeñt ama ame'ñetso. Ñetpa' aña pa'namen pa'yenet ñeñt atarr sosya'tsañe'chno ñeñt allohuen pa'namen muenatse'tyenets sosya'tsañ ñaña posa'tarñats ñaña coshatse'tenets ñaña orrare'tenets ñaña muechatse'tenets ñeñt ama't mameshapa' ama pocteye' enteñe Yompor. Te'ñapa' ñeñfeshañach atet sepa' ñeñt semnatse'tyen sa. 4 Ñeñt peyemte't ahuat ñeñt epa'p porrare'te'tpa' te'ñapa' amach chapaneto pueyo'chro eso'marte' o'huañ porrare'tapretanet. Attoña ñetpa' mueneñetcha' o'ch achm'are'taset. 5 Tarraña te'pa' o'ch notas, ama't ñeñt ama ame'ñetso, esempohuañenpa' a'metatatuerranetcha' Yompor. Po'ño'ch ñapa' ñach tsa'taya ñeñt ame'ñetsa. Ñaña ama't ñeñt ama ame'ñatsopa'cho' ñach tsa'tatuerrahuet, ora allohuenet, ama't ñeñt corretsa, ñaña ama't ñeñt o' colla'huena. 6 Ñeñto'marña ama't ñeñt arromñañesha' o' aserrpare'tatuarettet cohuen ñoñets. Allochñapa' ama'tcha' a'coñchataretetañ po'chtotet atet pena allohuen arromñañesha', puecamquëño'fetñapa' corra'huerretcha' e'ñe atet correna Yompor.

7 Te'ñapa' o' mellapoterrmocha. Ñeñto'marña añ poctetsa, e'ñe yeñotateño'pa' o'ch yema'yochera Yompor. E'ñech yetpara es yepen attotcha' amach yepseñe Yompor ma'yochaya. 8 Añpa' ñeñtña ñanom nanac sherbets: o'ch yemorrentanna'ta nanac e'ñe yeyo'chrocm'añen. Yemorrentanneño'pa' o'ch yepretnanna'ta atto erroten yepannena. 9 Ñaña e'ñech socsheñesha' o'ch sagapannena e'ñe sepaclo. 10 Yompor puemuereño'pa' o' e'ñe apa'yesua' attoch setorra'yesa e'ñe ñocop. Te'ñapa' o'ch notas, o'ch seypanna'ta año ñeñt apuenes Yompor. Attochña sesherbatyesñañña Yompor puemuereña. 11 Ñeñt'pa' atet ñerra'm eseshas serrpare'tatspa' Yomporepa'chña po'ñoñ seserrpare'ten. Ñerra'm eseshas yenpuene' po'p'sheñeñpa' Yomporepa'chña po'huamencot seypannena. Allochñapa' yeparrocmateño'f epay Jesucristopa' o'ch ya'ye'chochtatuerrñañ Yompor. Yomporepa'chña aye'chochtatuapo' allohueney. An'cha'na'tpahuepa'ch po'partsoña tayoteñ errponohuañen. Ñeñt'pa' atepa'chña Nompore.

Ñerra'm esempo sasare'tenyet atto yapa' yecristona'tarterra yañapa' atar-rcha' cosheñtso'tseney

12 Amach masheñeshacha' ñaña nochaneshacha' seyorenatsto ñerra'm huaponasa topateñets nanac huomenc; tarro'marcha' huaponasa o'ch topatensa'. Amach seyorenatsto atet sepena ñerra'm esempo huaponasa ñeñt ama sentare. Attecma ama't masheñesha' ñeñto' ame'ña'huapa' attecma o' topatuanet. 13 Allempoteñ o' semuerochtaprecha Cristo, e'ñe semuerochteño'pa' socshepa'ch. Allochñapa' ñerra'm esempoch orrterra po'cohuenñapa' sapa'cho'ña socshapreterach e'ñe cohuen. 14 Ñerra'm cho sasare'tenset atto o' secristona'tarterra, sañapa' atarrcha' cosheñtso'tsenes,

tarro'mar e'ñe allempoteñ Yompor Puecamquëñ ñeñt' cohuenñatsotetspa' çhaponasa sesho. Po'ñoçh ñetpa' Cristo'na sasare'tenet tarraña sapa' e'ñe cohuen secohuentateññañ Cristo. ¹⁵ Añña ama cohueno o'ch yemueroçhta yemtseño' acheñ, ama't ñaña yeteño', ama't ñaña yepeño' ñeñt' ama cohuenayaye, ama't ñaña ya'metanpeño' attochcha' ye'moñe'tanna'ta. Ñerra'm attoña yemueroçhtapa' ñeñt'pa' e'ñech orrena yemueroçhta. ¹⁶ Añña ñerra'm añecop yemueroçhta tarro'mar o' yecristona'tarta, amach yepencatsto. Chocmach yecohuentatoñ Yompor tarro'mar o' yanerrñañ pa'so'cheñ.

¹⁷ O' çhampoch allempoch Yomporpa' acranatuerrey allohueney ya. Yapa' yanomcha' a'meterr atet enteney ama't ñeñfey puechemereshay o' perrey Yompor. Ñerra'm yapa' yanomcha' a'metanperr ama't ñeñfey ame'ñatsapa', allempopa' errotenuachca' queshperrate' ñeñt' nanac atpare'tene' cohuen ñoñtes ñeñt' Yompor po'ñoñ. ¹⁸ Ama't ñeñfey e'ñe pocte' es petspa' e'ñech yemueroçhta yequshperra, allempopa' errotenuachca' çhapña ñeñt' ochña'fenesha' ñeñt' atarr atpare'tene' Yompor. ¹⁹ Ñeñto'marña ñerra'm esempo yemueroçhta e'ñe Yompor puenneñño'pa' allempopa' amach yellcatsto. Añña poctetsa o'ch alla yeyemtera Yompor e'ñe yocsheñeshocmañen yeyoçhro, tarro'mar ñapa' ña ñeñt' yeyeçhcate'. Ñapa' ña ñeñt' e'ñe pocte' es pets, ñapa' e'ñech a'poctatonay. Añcha'ña allo'nepa'ch yesen cotape'cherre' ñeñt' cohuentetsa Yomporcop.

5

Atto cotape'chatan allohuen ñeñt' pompornesha' pen ñeñt' ame'ñetsa

¹ Te'pa' o'ch notas samña ñeñtes pompor pen ñeñt' ame'ñetsa sesho. Napa'çho'ña nach pompor pen ñeñt' ame'ñetsa nesho. Napa' neñche't atet mueroçhte't Cristo. Tarraña ñerra'm esempo huerra po'cohuenño'pa' yapa' o'ch yecohuentapretera yanña. ² Napa' te'pa' o'ch notas sa ñeñtes pompor pen ñeñt' ame'ñetsa. Atet pena ñeñt' cohuanpene' po'carrneror, sapa'çho'ña secuanp'escha' e'ñe cohuen ñeñt' ame'ñetsa sesho, tarro'mar ñetpa'çho' po'carrneror penanet Yompor. Amachña seçllaño'fa secuanp'satstaneto atet sepeñ ñeñt' ama tama cohuenaye' senteno. E'ñechña socsheñesha' secuanpenanet atet muenen Yompor. Tarraña amach sagapueño'fa quelle secuanp'satstaneto. Ñerra'm quellayecop yecuanpeñpa' o'ch yepenca. Añcha'ña e'ñech yocsheñesha' yecuanp'sanet. ³ Amach çha sa'ñcha'noçhteño'eye' secuanpenaneto, ñeñtes atet anaret'es sach cohuanpenahuet. Añcha'ña çhocmach yentatanet atet e'ñe cohuen es yepen. E'ñe yoctape'chateño' cohuenpa' o'ch yey'chatenanet allohuen ñeñt' e'ñe po'carrneror pen Yompor. ⁴ Cristo'ñapa' ñeñt' yecuanpene' allohueney atet ñerra'm po'carrnerorey. Ñerra'm esempo huerra, allempopa' yapa'çho' atsa'tareteycha'. Atsa'tareteycha' po'cohuenño ñeñt'cha' atarr nanac yocshaterre' ñeñt'pa' ama ahuañaño ama't errponaña.

⁵ Ñeñtes huepaneshas, te'pa' napa' o'ch notas samña. Añ poctetsa o'ch same'ñeña ñeñt' po'n yacma ñeñt' sompor sepen. Po'ñoçh o'ch notas allohuenes, e'ñech cohuen same'ñannena amach sañeña e'ñe cohuen entatstatso tarro'mar:

Yomporpa' ama pocteye' entenano ñeñt' atet ommo'çhetsa. Añña ñeñt' ama esoye' entetso ñeñt'ña atarr muerenaña Yompor.

6 Yapa' yeñoteñ Yomporpa' nanac ahuamencat. Yapa' ama ya yehua-mencoteyé' yommo'cheno. Ñeñto'marña yeñoteñ Yomporpa' ama cohue-naye' entenano ommo'cheñets. Amach yeyemtatsto e'ñe yañeña, tarro'mar yapa' ama es yesherbena. Añcha'ña e'ñe cohuen yeyemtena Yompor, allochñapa' ñerra'm esempo ña muenats, ñachña yocshatuerre'ña e'ñe cohuen. 7 Ora allpon ñeñt yelcatene' añ poctetsa o'ch yotue Yompor. Tarro'mar ñapa' po'ño'ch chocma llecapretenya ñeñt yelcatene'. Allochñapa' ñachña ya metuerre' yellquëña attoch yocsha'huerra e'ñe cohuen.

8 E'ñe señotateño'pa' señota'tach, tarro'mar oneñeñ ñeñt se'moñe'tene'pa' chocma chopeñe'chen erraparen atet ñerra'm ma'yarr, chach amcha'nochetnena e'nyese' ñeñt'cha' a'chencat. 9 Añcha'ña satpare't oneñeñ. E'ñe yame'ñeñof Cristo o'ch huomenc yepa' yeyo'cher. O'ch seño'ch attemach muero'chtatuan allohuen masheñneshá' ama't ñeñt o' ame'ña'huerra ora erraparen añe patsro. 10 Ama't muero'chtatyesasetcha' mame' tarraña Yomporpa' nanac amueraña. Ñapa' ñachña a'pocstatuerre'ña socop, attoch huomenc perrnas seyo'cher. Allochñapa' amach alla sepuesuere. Atet'cha' p'atonay Yompor, ñeñt'ey muenene' o'ch yecohuentaprecha po'cohuenño. E'ñe yame'ñeñof Cristo yecohuentapreterach po'cohuenña ñeñt'cha' ama ahuañaña'aterrtso. 11 Yomporepa'chña aye'cho'chtatuapo' allohueney. Amcha'na'tpahuepa'ch po'partsoña tayoteñ errponohuañen. Ñeñt'pa' attetepa'chña Nompore.

Arrpa' all so'tnerranet po'cartot

12 Te'ñapa' ñeñt'ach e'ñe notas necartot. Te'pa' o' notuas o'ch same'ña'huera e'ñe po'ño'chocmañen. Ñaña o' notuas añpa' ñeñt'ña e'ñe po'ño'ch Yompor puemuereña alloch atarr bensare'tam'peney. Te'ñapa' o'ch alla noterrser; po'ño'chpa' o'ch seyemtoña Yompor puemuereña. Ñeñt masheñ Silvanopa' ña nequellcaten attoch neserrpare'tatas mame' añ necartot. Atet nenteñ masheñ Silvano, ñapa' nanac cohuen ame'ñenana Yompor.

13 Ñaña ñeñt' ame'ñetsa arr Babilonia* mueneñet o'ch huom'cha'taset ñamet añ necartot. Netpa'cho'ña o' acerrranet Yompor e'ñe atet ñerra'm sa. Ñaña neyo'cher Marcospa'cho'ña mueneñ o'ch huom'cha'tas ñaña necartot. 14 E'ñe semorrentanna'teño' o'ch sehuom'cha'tanna'ta.†

E'ñe seyemteño' Jesucristo, Yomporepa'chña socshatene'ña e'ñe cohuen seyo'chro. Te'pa' ñeñt'ach notas, ñeñt'pa' attetepa'chña Nompore. Allohua.

Pedro

* 5:13 Anets ñeñt' pa'so'cheñ Roma te'ñapa' añ toma'tnateñet anets Babilonia. † 5:14 Po'ño'ch oteneñ, "E'ñe semorrentanna'teño' choch setso'tsatsa'pa'tannena ñerra'm esempo sehuom'cha'tanna'tena." Ñeñt'pa' atet yechete't ahuat.

AÑ PUEPAÑ SAN PEDRO PO' CARTA 2 SAN PEDRO

Atto Pedropa' quellquërranerr carta allohuenacop ñeñt ame'ñetsa

¹ Masheñeshacha' ñaña no'chaneshacha' allohuenes ñeñtes e'ñe attecma cohuen same'ñena atet yame'ñena yama, tarro'mar allohueneypa' e'ñe ñap'ta Jesucristo ñeñt Yeyomporer yepen ñeñtara ñeñt Ya'queshpatañer yepen, ñeñña e'ñe pocte' es pets. Na Simón Pedronpa' o'ch alla nequellquërrnaserr po'poñ carta, ñeñfen torretsa Jesucristocop, ña puellsensaren. ² E'ñe nehuom'cha'teño'es sa napa' o'ch notas: Yomporepa'chña atarr sebensare'tampene'; ñepa'chña socshatene'ña e'ñe sa seyo'chro allohuenes e'ñe seyemteño'f Yompor ñaña Puechemer Jesús ñeñt Yepartseshar yepen.

Atetcha' yepa'yena allohueney ñeñtey e'ñe cohuen ame'ña'yenaya Cristo

³ E'ñe yeyemteño'f Yompor ñapa' chocma apueney allohuen ñeñt allpon yepalltena alloch yocrrena e'ñe cohuen ñocop. Ñaña apueney attoch yoctape'cherr ñeñt e'ñe pocte' enten ña. Ñeñtpa' e'ñe ña po'partsoteño'f apueney. Ñapa' añ muenen o'ch yecohuentapretera ña. Ñaña añ atarr muenen o'ch yorrtatapreter po'cohuenña. ⁴ E'ñe po'cohuenño'f ñapa' atet otnerrey ñeñt'cha' apuerrey ñeñt'cha' nanac cohuen yenterr, ñaña ñeñt'cha' atarr nanac sherberrets yocop. Añ apuerrey po'huamenc attoch amach ña atarr yemna'yeno ñeñt yentyen arr patsro. Attochña amach atarr nanac ya'sosyateno e'ñe yañeña. Allochñapa' e'ñe yeyemteño'f Paretspa' o'ch yaguërrñañ ñeñt e'ñe atet pena ña. ⁵ Ñeñto'marña añ poctetsa, ñanomcha'ña Cristo yeyemta. Allotpa' ñaña o'ch yorrtaten atto e'ñe pocte' es yepen. Allotpa' ñaña añ poctetsa, o'ch yeñotua e'ñe ora atet muenen Yompor. ⁶ Allotpa' ñaña o'ch yepuesuanom ñeñt atet yemnatse'tyen ya. Allotpa' ñaña e'ñech ya'huanta' huanom allohuen ñeñt atarr echarr yentyen, alloteñña' o'ch yoctape'ch ñeñt poctetsa Partsocop. ⁷ Allotpa' ñaña o'ch yemorrentanna'ta, e'ñech yemo'nasheñesha' yepannena. Allotpa' ñaña e'ñech yemuerrannena.

⁸ Ñerra'm atetcha' sepa' añe'chno atet ñeñt o' notuaspa', allempoñapa' allo'nach sesen parrocmatats epas Yepartseshar Jesucristo. Allochñapa' amach e'ñe orrena seño'tere, añcha'ña e'ñe sorrtatyen ñeñt atet muenen Yompor. Allempoñapa' nanaccha' sesherberr Cristocop. ⁹ Ñerra'm ama allo'na yeyemuetneño Cristopa' yapa' amach e'ñe es cohuenaye' yeñotueno. Chach yottena ñerra'mrrate' puesheñarr ñeñt ama chemet'so a'yo. Añach chemet'sen ñeñt alla'tsena. Amapa' chach yottena ñerra'mrrate' puesheñarr aporo'yet ñeñt ama entetso, ama't e'ñe mamesha. Tarro'mar ñapa' o' cha' puesuerran atto Cristopa' e'ñe e'shohuerrñañeñ po'chñar. ¹⁰ Ñeñto'marña masheñeshacha' ñaña no'chaneshacha' te'pa' o'ch alla noterrser. Allo'nepa'ch sesen yemuetnomaya Cristo atto ñapa' o' hua'ñerres attoch same'ñeño'pa' o'ch sequeshperra. Ñerra'm atetcha' se'papa' ama't ahuatapa' amach sepere, ñaña amach alla sepuerrero atarr toño'ne't. ¹¹ Allochña sapa' se'cherrcha' all am'cha'tarettena Yepartseshar Jesucristo ñeñt Ya'queshpatañer yepen. Allña'pa' o'ch aguërr'es e'ñe pocsheñeshocmañen all partsoten. Ña po'partsoñapa' ñeñtpa' amach ahuañaña'ferro ama't e'ñe erpponaña.

12 Ñeñto'marña napa' noten, chocmach neyerpatasa atet noctape'chen. Ama't sapa' o' señotue añechno, napa' o'ch alla noterrerr. Ama't o' chaponasa seyoçhro ñeñt ñoñets po'ñoçhpa' napa' nemneñ allo'nach neyerpatnensa. 13 Napa' noten, te'pa' orameñ nocrrena e'ñe pocte' o'ch neyerpatnomsa attoch o'ch setorroña Yompor po'ñoñ. 14 Napa' neñoteñ o' marñamenapa' o'ch nerromuen, tarro'mar atet otne't Yepartseshar Jesucristo. 15 Allochñapa' amach nemnatenso o'ch sepuesuer ama't errponaña. Ama't allempoch o' nerromuenpa' sapa' allo'nach seyerpuerra ñeñt atet o' notuanmas.

Podropa' e'ñe entane't Cristo allempo orrtatyesanete't po'partsoña

16 Ya te'pa' o' e'ñe yeñotatas atto Yepartseshar Jesucristo ña partsotets, ñapa' ñach huerrtsa po'pocheño. Añ ñoñets po'ñoçhpa' ama shequëñtsoyaye ñoñets ñeñt o' yotuas. Ñeñtpa' ama yaye' yocapña yotenso, ñaama ama ahuatnashañeyaye pueserrpareñ. Ya po'ñoçhpa' e'ñeca'ye allame'tsa yeñche'tña Yepartseshar Cristo. Yapa' e'ñe yentuoñe'tña po'partsoña. 17-18 Tarro'mar yapa' e'ñe parro allo'tseney all aspento allempo Yompor Parets gatey Puechemer po'cohuenña. Yapa' allempopa' e'ñe ye'mhuaña ñoñets ñeñt ye'morrtoya ento't. Yompor ñeñt nanac partsotets pue'ntaño, po'cohuenñopa' atet cohuentatenan Puechemer, ñeñtpa' atet oten: "Añmapa' ñeñt Nechemer ñeñt nanac nemorrentena, ñapa' ña nanac nocshatene'." Ñeñtpa' attoña aye'chochtatenan Puechemer.

19 Te'ña ñeñt otyese't ahuat ñeñt a'mta'yese't Yompor po'ñoñpa' te'ña e'ñe po'ñoçhpa' o' e'ñe etsotuerra. Ñeñto'marña yapa' attoña yeñoteñ ñapa' e'ñe po'ñoçh otye't po'ñoño't. Ñeñto'marña yocoppa' añ poctetsa o'ch yame'ña ñaama ñeñt a'mta'yese't ahuat Yompor po'ñoñ. Ñeñña ñoñetspa' a'puetarsañpennay yocapña atet ñerra'mrrate' lampareñ a'puetarene' checmete'. Te'ña o' huapa Cristo; ñapa' ñeñtcha'ña a'puetarerre' yanña yeyoçher. Yapa' atarr cohuen yenteñ Cristo atet ñerra'm ranto atarreñ. 20-21 Ñaama señoche'pa'chña ñeñt a'mta'yese't ahuat Yompor po'ñoñ ñetpa' ama añaye' orrtatete'te ñeñt atet cotape'chete't ñet. Atto ñet ma'yochrete't Partsocop, Paretsña Puecamquëñña eñotatahuete't atetcha' serrpare'toñet Yompor po'ñoñ. Ñeñto'marña señoche'pa'ch ama pocteyaye e'ñe yañeña yocapño't o'ch ye'nachatañeñña po'ñoñ.

2

Ñeñt ashcañtetsa amach Yomporeye' po'ñoñ serrpare'teno (Jud 4-13)

1 Te'pa' o'ch notas ñaama po'poñ. Ahuatpa' orrte't ashcañ ñeñt ama Yomporeye' po'ñoñ orrtatete'te, ñeñtpa' atta shecane't israelena'tarnesha'. Sapa'cho'ña attecmach orrtonasa ñeñt amach Yomporeye' po'ñoñ a'poteno. E'ñe a'nahuapa' o'ch yechatas po'poñ poctapña. Tarro'marcha' ñetpa' atet pet attotcha' a'chencataturres. O'ch a'nasotamñsasa atto Yepartseshar Cristopa' ñeñña tsa'terroyaña yo'chñar. Tarraña ñetpa' machayotach a'chencataturret ñañeñeta. 2 Esemppoch orrta, shonte'ch acheñ ñeñtcha' ame'ñaya atetcha' yethatanet. Ashcañpa' e'ñech pocte' entan ama't ñeñt atarr yethene' sosya'tsañ. Ñeñto'marña e'ñe ño'tot acheñenesha'pa' o'ch achmāre'teññañet Cristo po'ñoñ ñeñt po'ñoçh Yompor po'ñoñ. 3 E'ñe pueye'cheño'pa' o'ch shecaset attoch yoramñpesuas seçllayor. E'ñe poctapño'pa'

shecasetcha'. Tarraña ama't ahuatoteñ Yomporpa' ote't ahuo'ch mueñanet coñcha'puetso. Yomporpa' ama orrena ote'te, ama pueno po'ñoñ; atet oten, atetcha' pa. Ñeñt ama Yomporeye' po'ñoñ ye'chatatsopa' chenca'huerretcha'.

4 Tarro'mar ahuatpa' ama't Yompor po'mllañoñeñnaneshar allempo atpare'chete'tpa' ama esesha' queshpatse'te. Yomporpa' allempoña huapore'tanete't o'pono coñcha'puetso, allña'pa' all ehuanca'rettenet checmeto. Allotpa' amach 'cha'nerreto, allotña esempohuañenpa' a'coñchata're'terrach. 5 Ñaña acheñenesha' ahuatpa' ama esesha' queshpatso allempo nanac atpare'chete't Yompor. Ñaña'pa' e'cho'pañsanet oñ, ora errañaren patso. Ñaña Noé a'queshpat epuet can'cherrsheña ñeñt pamo'tsesha'. Tarro'mar Noé'pa' serrpare'te't ñeñt atet poctetsa Yomporecop.

6 Ñaña ahuatpa' ñeñt ye'chatse't anetso ñeñt pa'so'cheñ Sodoma ñaña Gomorra, Yomporpa' etomañsanet pa'netser. Atto etomañpesuerranet pa'netserpa' allohuenetpa' e'ñe poctacma poyuerret. Ora e'ñe tsapñere'tuet, o' a'chencatuerranet e'ñe poctacma. Atto te'pa' e'ñotatenan po'psheññe'chno ñerra'm o'ch atpare'te'ñet Yomporpa' attemmach perraneterr. Ñeñto'marña ye'ñoteñ erra'tsencha' orrtatene' ñeñt ama Yomporeye' po'ñoñ a'poteno, ñetpa'cho'ña attemmach chenca'huerret ñamet. 7 Tarraña Yomporpa' a'queshpatan puesheñarr ñeñt pa'so'cheñ Lot ñeñt e'ñe pocte' es patse't.

Ñaña'pa' epaye' entenan pamo'tsesha' atto' pa'yese'te' ñeñt nanac sosey enten Yompor. Ñaña'pa' epaye' llecachete't. 8 Ñaña' e'ñe cohuen cotape'che't. Pamo'tsesha'ñapa' nanac pa'yese'te't ñeñt ama cohuenayaye. Ñaña'pa' epaye' entapretanete't ñeñt cotape'chete't ñet, ñaña epaye' e'mapretanete't atto e'ñosatse'tyese'te't. Ñaña'pa' epaye' llecanete't tarro'mar ñapa' e'ñe cohuen cotape'che't pueyo'chro. 9 Ñeñto'marña Yomporpa' e'ñoteñ attoch a'queshpatan ñeñt e'ñe pocte' es pets, ñerra'm esempo o' huapanet topateñets huomenc. Ñaña e'ñoteñ attoch muero'chtatan ñeñt ama pocteye' es petso. Allo'nach muero'chtatanenat esempohuañencha' acraré'tetuerra allohuen acheñenesha'. Allempopa' mueñuerranetcha' coñcha'puetso.

10 Po'ño'chpa' coñchatancha' ñeñt aña ma'yochrenaya ñeñt atta muenatse'tyets e'ñe po'chtsot, atto nanaccha' sosyare' ye'cha'yenet, añach e'ñe yomenet ñeñt e'ñe ñet poctap'ñet. Ñeñto'marña ama't Yepartsesharpa' ama añcha'na'tpahuoye' ente'ñeto, attoña ama't ñaña allohuen ñeñt ahuamencatetyetsapa'cho'ña e'ñe achm'are'tue'ñet. Amach añcha'na'tpahuoye' ente'ñeto. 11 Tarraña Yompor po'mllañoñeñnaneshar ama't nanac ahuamencatet, ñaña ama't nanac añcha'taretet, ñetña'pa' ama't Yomporesho'tsenet, ama sasare'te'ñetoña ñeñt ahuamencattetsa.

12 Tarro'mar ñeñt ama Yomporeye' po'ñoñ ye'chatetso ñetña'pa' sasare'tenet tarro'mar ama es e'ñoteneto, e'ñe atet ñerra'm es berr ñeñt ama es e'ñotetso. Atet muena'yenetpa' atetcha' penet. Ñeñt atet e'ñalletetsa atet ñerra'm es berr; tsapatonetpa' o'ch rromue'ñet. O'ch rromuetpa' o'ch muetset. Ñeñt ama Yomporeye' po'ñoñ ye'chatetsopa' ñetpa'cho'ña esempohuañen attemmach a'cllatuaretterret. 13 Tarro'mar attoch a'so'tatuare'terret allohuen po'chñaret. Tarro'mar e'ñech ellapenete't coshatse'tatset ñeñt ama pocteyaye. Ama't atto rrallme'chapretasetpa' nanaccha' pencatenset tarro'mar ñetpa' nanac sosyare' es penet. E'ñech pocsheñesha' muene'ñet o'ch shecaset.

14 Ñeñt ama Yomporeye' po'ñoñ ye'chatetsopa' 'chocmach muene'ñ o'ch cohua'yesan coyanesha' attoch nanac cañoresha'tenet. Amach huañeno atto

coŧape'chenet sosey. Nanaccha' shequëñet coyanesha' ñeñĩ ama tama es eñoto attoch aguëñet. Añach ye'chenet atto es ye'chatse'tyenet. Tarraña ñeñĩ atet petsapa' o'patataretetcha' coñcheñets. ¹⁵ Tarro'mar ñetpa' o' puesuerret ñeñĩ poctetsa. O' sa'nmet Yompor nanac ellaŧar. Ñetpa' cota'neñet atet pe't Balaam ñeñĩ Beor puechemer. Ñapa' ahuaŧpa' añach cohuen ente't o'ch Ƨa'yesa ñeñĩ ama pocteyaye alloña gane't shonte' quelle. ¹⁶ Allempoña atet pe't Balaam ñeñĩ ama pocteyaye, pashanorñapa' o' che'ptare'ch, atto' eños atet ñerra'm acheñ eñets, ama't ashenpa' yeñoteñ ama eñeno. O'ña eñosuapa' Balaamñapa' allempoteñña o'huañ atet Ƨa'yesan sosey.

¹⁷ Ñeñĩ ama Yomporeye' po'ñoñ ye'chatenetopa' ñetñapa' amach es sherbertso. Ñetpa' ama't attetañ ñerra'mrrate' oñ allot potenpa' te'ñapa' o' masohua. Ñetpa' amach es sherbatso ama't attetañ ñerra'mrrate' os, tarraña ñerra'm o' matach mōrr a'yopa', amach huato. Tarraña ñeñĩ atet petsapa' o'patataretetcha' all ama machecmeto o'pono. ¹⁸ Ñaña nanaccha' ommo'chenet atto Ƨa'yenet ñeñĩ nanac sosyare'. Ñaña o'ch a'secheñet po'psheñeñ attoch o'ch Ƨachet ñeñĩ nanac muenenet po'chets attotcha' a'psataretterret, allempoñapa' o'ch'cho' alla puerrrerret. Shonte' acheñ ñeñĩ e'ñe etserra puesuanmue' ñeñĩ atet ye'cha'yesete't ñeñĩ nanac sosyare', tarraña allempoñapa' o'ch alla muenereterret ñeñĩ o' puesuanmuetañ ahuaŧ poctapñet. ¹⁹ Ñeñĩ ama Yomporeye' po'ñoñ ye'chatetsopa' o'ch alla oterraneterr: "Ama palltenoña o'ch es yesuanom. Yapa' e'ñe cohueno'tseney. Yocoppa' ama eñalleña ñeñĩcha' yeyore'terre.'" Ama't atet oteneñ ñeñĩ atpare'tetspa' tarraña napa' o'ch notas, ñeñĩ atetpa' aña ye'chenet e'ñe ñet poctapña ñeñĩ nanac sosyare'. Tarro'mar ñerra'm erra'tsen es yey'chatene' ñeñĩpa' ñeñĩña pomnaren yepene'. ²⁰ Attecma ñerra'm ya. O' yeñotuer Yepartseshar Jesucristo, ñeñĩara Ya'queshƧatañer yepen. Yeparrocmateñot Cristo o' yesuanom sosya'tsañ. Tarraña ñerra'm yo'chñarpa' alla a'psaterrey Yompor po'ñoñpa' yañapa' elloña nanaccha' yoro'cheno'tseney. ²¹ Ahuaŧpa' yoro'cheno'tseney tarro'mar ama yentare ñeñĩ poctetsa Partsocop. Te'ñapa' o' yenter ñeñĩ poctetsa. Tarraña ñerra'm te'pa' o'ch alla yepuerrerra ñaña o'ch alla yepuesuerrñañ po'ñoñ atet oteneñ Parets, te'ñapa' yañapa' elloña nanaccha' yoro'cheno'tseney. ²² Yapa' po'ño'ch ñerra'm o'ch alla yepuerrerra cha yottena ñerra'mrrate' ochec. Yapa' o'ch alla yepuerrerra "atet ñerra'm ochec o'ch a'tatsta; o'ch a'tatsetuapa' tematenpa' o'ch alla puerrerra allo'tsen Ƨa'tatsña." Amapa' cha yottena ñerra'm atet pena ñaña chañcho. "Chañchopa' o'ch apa; o'chña apuapa' o'ch'cho' alla puerrerra atstso allcha' e'ya'pna'tierra o'ch alla atsotseñe'chuerr." Ama't ahuaŧoteñ atet otete't atet pena ochec, ñaña atet pena chañcho.

3

Esempoch huerrmocha Cristopa' orrterrach ñeñĩcha' achmare'terre' Yompor

¹ Te'ñapa' masheñneshacha' ñaña no'chaneshacha' o'ch notas, po'pocheño o' alla nequellquërrnaserr carta. Tarro'mar añecop nemneñ o'ch alla noctape'chaterserr, o'ch alla neyerpaterserr soctapña e'ñe cohuen. ² Ñaña o'ch alla noterserr; añ poctetsa amach sepsatsche ñeñĩ otye't ñeñĩ

a'mta'yese't Parets po'ñoñ. Atet otye'tpa' atetcha' etsoterra esempo-huañen. Ñaña amach sepsatsche atet o' otuas ñeñt Yompör puellsensarne-sha'. Ñetpa' o' yechatuaset Yepartseshar Cristo po'ñoñ ñeñtpa' atetcha' sepa, ñeñfara Cristo Ya'queshpatañer yepen.

³ Ñanom o'ch señoç añ, ñerra'm esempoch o' huerrmocha Cristopa' hua-pach ñeñfcha' achñare'tene' Yompör poctapña. Ñeñtpa' attach cotape'chen atet muenatse'tyenet ñeñt cohuen entenet po'chets. ⁴ Pachmare'teño'pa' o'ch otet: "Cristopa' otnerr esempopa' ahuo'ch huerra. Te'ñapa' ¿eso'marte' amo' huerro? Ama't yatañnesha'ña' o' colla'huenet; teme'ttsen yenten ora erraparen e'ñe attera atet orrte't ahuatoteñ allempo errote' aye'chcataret pats." ⁵ Ñetpa' mueneñet o'ch puesuerret atto ahuat Yompör e'ñe po'ñoñoña o' yechcatuan enet. Patspa'cho'ña e'ñe po'ñoñoña ye'chca'hua. Ñaña e'ñe oño'pa' ye'chca añ pats. ⁶ Ahuatpa'cho'ña e'ñe puechopeño' oña' chenca'hua pats allempo e'ñe chorra oñ erraparen. ⁷ Ñaña Yompör po'ñoño'pa' te'pa' ama't patspa' esempohuañepa' poyuerrcha'. Enetpa'cho'ña attemach poyuerrcha' ñaña. Aña cohuen esempohuañencha' acrarretetuerra allohuen acheñenesha'. Allempochña mellapoterra. Ñeñtña ama ame'ñenaye ñapa' o'ch mueñanet coñcheñtso.

⁸ Tarraña te'ña masheñneshacha' ñaña noçhaneshacha' amach atta es sepçhatsto. Añcha'ña o'ch señoç; Yompörpa' entenan ama't mil char atet ñerra'm pamtarra. Ama't ñeñt ñapa' pamtarr enten, yocopñapa' yenteñ atet ñerra'm mil char. ⁹ Puesheña'tets acheñpa' otenet o' meten shonte' char amo' huerro. Tarraña yapa' yeñoteñ Yepartseshar çhocmach a'pocatan po'ñoñ o'ch huerra. Yapa' yeñoteñ tarro'mar amo' huerro añ cohuen ñato' esempoch o'ch yoctape'chuerr ello cohuen Yompörecop allohueney. Ñapa' nanac muerenya ama mueno ama't eseshapa' o'ch chenquerra.

¹⁰ Tarraña ama't amo' huerro, esempopa' machayotach huerra. Atet ñerra'm eñeñ amach es yepçhenopa' machayotach huapa tsapo. E'ñech atet perraña ñaña Yepartseshar Cristo, e'ñech machayota huerra. Allempopa' huañerrcha' enet. E'ñe puepotrrareño'pa' huañcha'. Huañcha' ora ñeñt orreyetsa ñaña ama't ora allpon eñall, pañña'tuerrcha' ñaña e'yohuach. Tso'ñapa' ñach e'ñe e'yatuerra' allohuen ñeñt eñall. Patspa'cho'ña ñaña ora ñeñt aye'chcataret arr patsropa' poyuach.

¹¹ O'ch poyuapa' o'ch e'yohua ora esocmañen. Ñeñto'marña sapa' añ poctetsa socop. O'ch soctape'cherr e'ñe cohuen Partsocop, ñaña o'ch se-pomhuerra sañeña e'ñe Yompörecop. ¹² Ñaña añ poctetsa o'ch secuame'teñ esempoch yoroçtatuer Yompör. Sapa' o'ch setorreññaña attoçña mame-shapa' o'ch huerra. Esemppoch yoroçtatuer allempopa' ñachña a'crratuerr'e' enet. O'ch a'crratuerran enetpa' allempochña potlle'chuerr e'ñe poctacma. Ñaña ora ñeñt orreyetsa entopa' ñeñtpa'cho'ña e'ñech poyuahuer. O'ch poyuahuerpa' o'ch e'yohuerra poctacma. Tso'ñapa' ñach e'ñe e'yatuahuerre' ora allohuen ñeñt eñall. ¹³ Tarraña yapa' yecueñ o'ch etsoterra atet otnerrey. Ñapa' ña yotnerre', eñallettero'ch po'poñ enet etserrare', Patspa'cho'ña o'ch eñallettera etserra. Allñapa' añach orrtatsa ñeñt e'ñe cohuenare' es pa'yets.

¹⁴ Ñehua, masheñneshacha' ñaña noçhaneshacha' o'ch secuame'teñ. Se-cuame'teño'pa' o'ch sema'yochrena attoch entuerres Yompör e'ñe pocte', attoch amach eñalle ñeñfcha' sepencate'. O'ch cohuen sentannena epas samo'tsesha'. ¹⁵ Ñaña o'ch señoç e'ñe eso'marte' amo' huerro Yepart-seshar Cristo. Ñapa' atarr muerenana allohuen acheñenesha'. Ñapa'

mueneñ yapa' o'ch yameñ'natuera acheñenesha' attoch yequeshpa'huerra allohueneý. Ñeñfara o' quellconas ñaña masheñ Pablo po'cartot. Eñe Yompor pueñotateñoŕey atet quellconas ñaña. Yapa' nanac yemuerannena. ¹⁶ Ora allpon Pablo po'cartotpa' o' eñotatey atetcha' perra esempo. Pate'tets ñoñets ñeñf quellquë't Pablopa' nanac echarr yenteñ o'ch yeñoŕ eñe atet oteneý. Puesheña'tets acheñ ñeñf ama tama es eñotopa' atarr moññe'toñete't Pablo po'ñoñ. Tarro'mar ñetpa' ama tama cosheññañeto Yompor po'ñoñ ñeñfo'marña çhocmach mueneñet o'ch e'nachatterñañet atet oteneý Pablo po'cartot. Ñaña po'poñ Yompor po'ñoñ ñetpa' çhocma mueneñet o'ch e'nachatterñañet atet oteneý. Ñetpa' attoŕcha' a'chencatatuerrret ñetañeña.

¹⁷ Ñeñfo'marña masheñeshacha' ñaña noçhaneshacha' te' napa' o' notuas necartot ama't ama etsotena' atet notenes, attochña señoŕ. Te'ñapa' señoŕa'tach allochñapa' amach shecaseto atto es panten ñeñf atpare'tets. Saña te'pa' amach sequeçpatsterrñañe Yompor po'ñoñ atet atarr sameñena te'. ¹⁸ Añcha'ña eñe Yompor pueñuereñoŕpa' allo'nepa'ch sesen cotape'chnomue' eñe cohuen, ñaña allo'nepa'ch sesen yemuetnomaya Yepartseshar Jesucristo ñeñfara Ya'queshpatañer yepen. Ya'ye'choçhtatoñepa'ch tayoteñ eñe errponohuañen. Te'pa' ñeñfach notas, ñeñfpa' attetepa'ch Nompore. Allohua.

Pedro

AÑ ÑANOM SAN JUAN PO' CARTA 1 SAN JUAN

Jesucristo ñeñt po'ñoñ pen Yompor, yañapa' allochña e'ñe yocrrerra

¹ Te'pa' o'ch neserrpare'tatas arr nequellcoť ñeñt atet pena Jesucristo; ñapa' čhocma eñall ama't ahuatoteñ ama't allempo ama ayečcatarettena' pats. Ñeñña yapa' e'ñe ye'me't atet serrpare'tatyese't allempo orrtosa arr patsro, ama't ya yecloyotpa' e'ñe yeñche't e'ñe allame'tets, ama't e'ñe ya yototpa' ya'plla'yese't. Ñeñña Jesucristo ñapa' ñeñña po'ñoñ penña Pompor Parets tarro'mar ñach e'ñe eñotaterre'ña achenesha' atet oten Pompor Parets. Ñeñña ña po'ñoñpa' po'ñočh yapa' allochña corretsayach. ² Ñeñña Jesucristo allempo achenetos arr patsro yañapa' e'ñe yeñche't. Ñeñto'marña te' yapa'čho'ña čhocma yeñotatenes samña. Ñeñto'marña yeserrpare'tatenes ñeñña Cristopa' ñeñt alloch yocrrena ama't tayoteñ e'ñe errponañohuen. Ña ahuatpa' e'ñe parro'tsen epuet Pompor Parets. Te'ña atto orrtosnaya arr patsro yapa' e'ñe yeñche't e'ñe ye'me't atet serrpare'tatyese't. Ñeñto'marña te' ya ñeñt atet yentyese't, ñeñt atet ye'myeseñe't, te'ñapa' o'ch yeserrpare'tatas samña. ³ Allochñapa' attoch allohueny yeparrocmaterr epay Yompor Parets ñaña Puechemer ñeñt Jesucristo. ⁴ Ñeñto'marña nequellquénna ñeñt e'ñe po'ñočh yeñoten attochña sapa'čho'ña o'ch e'ñe socsherra samña.

Yomporpa' añ toma'ntena puetare' tarro'mar ñapa' e'ñech cohuen es orrtatyen

⁵ Añ ñoñets ñeñt ye'mapretyese't Jesucristo, te'ñapa' o'ch yeserrpare'tatas. Ñeñtpa' atet eñotateney: Yomporpa' ña e'ñe cohuenare' es pa'yets, ñapa' e'ñe atet pena ñerra'm puetare' e'ñech cohuen yenteñ. Ñapa' ama't mameshapa' ama orrtatenanoña ñeñt ama cohuenayaye; ñeñto'marña yoten, ñeshopa' ama't coñe'tapa' ama eñalleña checmete'. ⁶ Yapa' ama't yoteneñ o' e'ñe yeparrocmaterr epay Yompor, tarraña ñerra'm ora yorrtatyen ñeñt ama cohuenaye' enteno ña, yañapa' atta yeshquén. Ñeñto'marña ña čhach yotena ñerra'm checmeta yechope'chen tarro'mar ama e'ñe yeyčhena' ñeñt e'ñe po'ñočh cohuen enten Yompor. ⁷ Tarraña ñerra'm e'ñe cohuenare' es yorrtatyen atet pena Yompor, ñeñtñapa' e'ñe atet yepena ñerra'mrrate' arr yechope'chen puetaro e'ñe allo'tseney epay Yompor. Attoña allohueny e'ñech cohuen yeparrocmatuen ñaña Yompor Puechemer ñeñt Jesucristo ña po'rrosoña čhocma e'shennayña allohuen yo'čhñar.

⁸ Tarraña ñerra'm čha yoten, "ñapa' amaca'ye eñalle no'čhñar", ñeñtñapa' yañeñaca'ye shequėtsa tarro'mar Yompor poctapña ñeñt e'ñe po'ñočh cohuenpa' amaca'ye čhennayoña yeyočhro. ⁹ Tarraña ñerra'm čho ya'meten yo'čhñar, Yomporñapa' e'ñech peretna'huernay allohuen yo'čhñar, e'ñech e'shohuernay allohuen ñeñt ama pocteye' entapretenye tarro'mar ñapa' ama puerresho po'ñoñ, ñapa' e'ñe pocte' es pen, ñeñto'marña ñapa' čhocmach peretnerrey. ¹⁰ Ñaña ñerra'm čha yoten, "ñapa' ama no'čhña'tpeno', Yomporñapa' čha yottatateñ ñerra'mrrate' ñapa' atarr ashcañ tarro'mar po'ñoñpa' atet oteney ya allohuenyppa' e'ñe yo'čhña'tuen. Ñeñña po'ñoñpa' yañapa' ama't e'ñe mameshapa' ama čhappennayoña yeyočhro.

2

Jesucristo ñeñĩ e'ñe cohuen eñets yocop Yomporesho

¹ Nechemerneshacha' te' socoppa' o'ch nequellconas attoch amach allo'na sepa' neno ñeñĩ ama't mameshapa' ama pocteye' enteno Yompor. Tarraña ñerra'm esesha' orrtatene' ñeñĩ ama cohuenayaye, ñerra'm o'ch enamuerr peretneñets, Yomporpa' o'ch peretner tarro'mar eñall yocop ñeñĩcha' eñosets Apuesho. Ñeñĩñapa' añ Jesucristo ñeñĩ e'ñe pocte' es pa'yets. ² Ñapa' ña aparet attoch tsa'tuerrnaya yo'chñar. Ñeñĩpa' ama e'ñe yaptecpayaye, añe'pa'naña allohuene' ñeñĩfe' añe patsro'tsa'yene'.

³ Ñerra'm e'ñe po'ño'ch yame'ñerrñaña Yompor po'ño'ñ ñeñĩ atet otene' allemponapa' e'ñech po'ño'ch yeñoter ñeñĩ atet pena ña. ⁴ Ñeñĩ otets, ñapa' e'ño' eñoteñ atet pena Yompor, ñerra'm attera atpare'tenan Yompor po'ño'ñ ñeñĩ atet otene', ñeñĩña atet otetspa' ñapa' ataca'ye shequën. Ama't e'ñe mameshapa' ama cheññañoña Yompor po'ño'ñ pueyo'chro ñeñĩ e'ñe po'ño'ch atet otene'. ⁵ Tarraña ñerra'm esesha' e'ñe po'ño'ch ame'ñerraya Yompor po'ño'ñ ñeñĩ atet otene', ña po'ño'chpa' o' morrenterrana Yompor e'ñe pueyo'chrocmañen. Ñeñĩpa' attoña yeñoteñ po'ño'chpa' o' yeparrocmaterr epay Yompor. ⁶ Ñerra'm esesha' otets, ñapa' e'ño' parrocmaten epuet Yompor, ñeñĩepña' orrtatyesanepa'ña ñeñĩ atet pa'yese't Yompor Puechemer ñeñĩ Jesucristo.

Cristopa' ña orrtaterre' etserra morrentanna'teñets attochña e'ñe cohuen yemorntannerra

⁷ O'ch masheñeshacha' ñaña nochaneshacha' notas, ñeñĩ atet notenes nequellcot te' amorrentanna'tpahuepa'ch sentannena allohuenes ñeñĩpa' ama añeyaye ñoñets ñeñĩ ama se'mare. Ama't allempoteñ e'ñe er- rre' same'ñerrapa' allempoteñ se'muerrña ñeñĩ ñoñets ñeñĩcha' atet sepa e'ñe cohuen ñeñĩara Yompor po'ño'ñ ñeñĩ e'ñe errtes e'muene' allempo. ⁸ Tarraña morrentanna'teñets ñeñĩ atet nequellquënnas te' ñeñĩpa' e'ñe atet ñerra'mrrate' o' tayo' orrtatonasetña atet morrentanna'teñets, tarro'mar Cristo e'ñe po'ño'ch orrtatonayña e'ñe etserra attoch e'ñe cohuen yemor- rentanna'terra, ñeñĩ'o'marña sapa'cho'ña te'pa' o' e'ñe etserra sorrtaterña saña attoch semorrentannerra. Morrentanna'teñets po'ño'chpa' ñeñĩña atarr sherbets tarro'mar ora allohuen ñeñĩ ama cohuenaye' enteno Yompor, ñeñĩñapa' allo'na sen huañuanmats. Ñeñĩpa' e'ñe atet pena ñerra'mrrate' checmete'pa' allo'na sen metuanmats. Allohuen ñeñĩ e'ñe po'ño'ch co- huen enten Yompor, ñeñĩpa' atet ñerra'mrrate' puetare', ñeñĩña po'ño'ch o' a'puetarsañperres.

⁹ Ñeñĩña otets ñapa'cho'ña Yomporo' po'puetarenño'tsen tarraña ñerra'm orameñ e'moñe'tyenan pamo'ts, ñapa'cho' orameñ checmeto'tsena.

¹⁰ Tarraña ñeñĩ e'ñe po'ño'ch muerenaya pamo'tsesha', ñeñĩñapa' e'ñe Yompor po'puetarenño ye'chena. Allñapa' ama eñalleña ñeñĩcha' paterayerr ñeñĩ ama pocteye' enteno Yompor. ¹¹ Ñeñĩña e'moñe'tyene' pamo'ts ñapa' orameñ checmeto'tsen. Ñañapa' atet pena ñerra'mrrate' puesheñarr ñeñĩ checmetch chopeñe'chyen, ama eñoteñe errenette'ña sen tarro'mar checmete'pa' ñeñña a'nataclle'chene'.

¹² Nechemerneshacha' sa so'chñarpa' o' apretna'huaretterra Cristeshot, ñeñĩ'o'marña te'pa' atet nequellquënnas. ¹³ Ñaña te'pa' o'ch notas saña

allohuenes ñeñfes e'ñe pompornesha' penset. Sa te'pa' o' señoter Cristo ñeñt e'ñe ahuatoteñ eñall ama't e'ñe allempoteñ ama ayečcatarettena' pats; ñeñto'marña te'pa' atet nequellquënnas samña. Ñaña te'pa' o'ch notas samña allohuenes ñeñfes huepueshares, sapa' o' e'ñe satpare'ter oneñet; ñeñto'marña socop te'pa' atet nequellquënnas samña.

Ñaña sa nechemerneshacha' te' sapa' o' e'ñe señoter atet penaña Yompor Parets; ñeñto'marña te'pa' atet nequellquënnas e'ñe socop. ¹⁴ Ñaña sa ñeñfes pompornesha' e'ñe penset, sa te'pa' o' señoter Cristo ñeñt e'ñe ahuatoteñ eñall ama't e'ñe allempoteñ ama ayečcatarettena' pats; ñeñto'marña te'pa' atet nequellquënnas. Ñaña sa ñeñfes huepueshares, sapa' atarr ahuamencates tarro'mar Yompor po'ñoñpa' o' e'ñe čhaponasa seyočtro ñeñto'marña sapa' o' atarr satpare'ter oneñet; ñeñto'marña te'pa' atet nequellquënnas.

¹⁵ Amachña aña atarr semorrentatsto allohuen ñeñt yentyen añe patsro tarro'mar ñerra'm aña atarr yemorrentena ñeñt añe patsro'tsenpa' Yomporña Parets po'ñočpa' amach yemorrenteño, (ñeñto'marña amach errotenot čhaponayoña yeyočtro ñeñt atet muenen ña). ¹⁶ Allohuen ñeñt eñall añe patsro, atet ñerra'm ñeñt atet muenatyeny yechets, ñaña ñeñt yehy'chapreyena e'ñe ya yecueñoť, ñaña ñeñt e'ñe yemnen ya o'ch e'ñe cohuen entapretyet, ñeñtña allohuenpa' ama Yomproshoteye' hueno, ñeñt'pa' añe patsro'marnesha poctapña. ¹⁷ Allohuen ñeñt yentyen añe patsropa' ñeñt'pa' atarr ahuañaña, ñaña ñeñt yemnatse'tyen añe patsro ñeñt'pa'čho'ña atarr ahuañaña. Tarraña ñeñt atet petsa ñeñt e'ñe atet muenen Yomporpa' ñeñt'pa' amach huañerro ama't errponaña.

Atet pena cotapñats ñeñt e'ñe po'ñočh Yompor poctapña ñaña atet pena po'poñ cotapñats ñeñt shequëñtsa

¹⁸ Te' nechemerneshacha' o'ch notas po'poñoneť. Te'pa' o' mameshamerra o'ch huañerr allempochña mellapoterra. Atet se'myen te' ñeñt'pa' allempochña orrterra ñeñt'cha' atarr e'moñe'terre' Cristo pueyochreshohuen. O' e'ñe tayoteñ orretyesa shonte' ñeñt čhocma e'moñe'tene' Cristo. Ñeñto'marña te'pa' yeñoteñ o' mellapoterrmocha. ¹⁹ Ama't ahuañmo'cha e'ñe parrocmayapčhañe't ñetña te'pa' o' ahuanmuet ellonet o' sohuanerryet tarro'mar po'ñočpa' ama allohuenacmaye' yeparroc-materro. Ñerra'm po'ñočcha' allohuenacmay yeparroc-materreñ allempoña ñetpa' allo'tsa'yenetañafe' ñamet yesho. Tarraña te'ña ñetpa' o' ahuanerret ellonet attoña o' yeñoterranet po'ñočpa' ama allohuenacmaye' yeparroc-materro.

²⁰⁻²¹ Tarraña te'ña sapa' Cristoña sechorratenayaña Parets Puecamquëñ. Attoña allohuenes o' e'ñe señotuer. Sapa' o' e'ñe señotuerr ñoñets ñeñt po'ñočh, ñeñt'pa' ama shequëñtsoyaye. Te' sapa' ama e'ñe sepallteñoťeye' nequellquënnaso ñeñt atet poctetsa socop. Tarro'mar sapa' señoteñ ñeñt ñoñets shequëñetspa' ama Yomproshoteye' hueno tarro'mar ñeñt Yompor po'ñoñpa' ñeñtña e'ñe po'ñočh ama shequëñtsoyaye.

²² Te'ña sapa' señočepa'ch ñeñt atarr nanac ashcañtetsapa' ñeñt'ca'yeña otets Jesús'pa' año' Cristoyaye ñeñt atarr yecuen ya ahuatoteñ ñeñt'cha' llesenserr Yompor. Ñeñto'marña ñetpa' čha e'moñe'teñetña Cristo, ama čhoye' ame'ñeñeto, Pompore'naña ama ame'ñeññañeto, čha a'nasoteñet. ²³ Allohuen ñeñt a'nasotenaya Yompor Puechemer, ñetpa' Pompore'naña

ama aguëññañeto. Tarraña allohuen ñeñt otets, Jesúsapa' Yomporo Puechemer ñeñt Cristotets, ñetñapa' e'ñe aguëññañet Pompor.

²⁴ Ñeñto'marña o'ch notas, Yompor po'cohuenña ñeñt se'muerr ahuañmo'choteñ, te'ña sa atto o' e'ñe señoter seyo'chro allo'nepa'ch sesen ame'ña'nmata allochñapa' attoch e'ñe cohuen sepparrocmaterr epas Yompor Puechemer ñaña epas Yompor Parets. ²⁵ Jesucristopa' atet otterrey o'ch apuerrey e'ñe po'ño'ch attochña yapa' corretsayach yocsheñeshocmañen tayoteñ e'ñe errponañohuen.

²⁶ Ñeñt notenes añ nequellcot ñeñtpa' añecpa nequellquënnas attoch sapa' e'ñech señoter allochñapa' attoch ama sa'shcaretterro. ²⁷ Tarro'mar Jesucristo o' chorraterra Parets Puecamquëñ, ñeñto'marña sapa' ama sepa'llteno o'ch esesha' ye'chatas tarro'mar ñapa' eñotatascha' allohuen. Ñaña ñeñtcha' atet ye'chatterres ñapa' e'ñeca'ye po'ño'ch atet, ñeñtpa' ama shequëñtsoyaye. Ñeñt atet ye'chatenes sapa' allo'nepa'ch sesen parrocmatenaya Cristo.

²⁸ Te'ña nechemerneshacha' allo'nepa'ch sesen parrocmatenaya Cristo allochñapa' ñerra'm esempoch huerra ñapa' ñachña e'ñe seyemtapuerra attoch sapa' amach cha sepencapuero ñerra'm esempoch huerra. ²⁹ Ñehua, sa te'pa' o' e'ñe señoter Jesucristo ñapa' e'ñe pocte' es pa'yen. Ñeñto'marña señoche'pa'ch ñaña allohuen ñeñt e'ñe pocte' es orrtatyets ñeñtñapa' e'ñe po'ño'ch puechemer peñ Yompor.

3

Yomporpa' e'ñe puechemerasha' peny

¹ Te' sapa' chosaña e'ñe cotape'cherre', Yomporpa' atarrca'ye nanac morrentenya. Ña e'ñe puemorreneteño'fey ñapa' e'ñe puechemer peny, ñeñto'marña yapa' e'ñe po'ño'ch Yomporena'tarey. Ñeñto'marña acheñenesha' arr patsro ñeñt ama ame'ñetso ñetñapa' ama eseshaye' eñotenayeña ñeñt atet yoctape'chyen Yomporecop tarro'mar Yomporpa'cho'ña ama eseshaye' eñotenaye ñeñt atet cotape'chen ña. ² O'ch masheñneshacha' ñaña no'chaneshacha' o'ch alla noterrser; te'ña yapa' e'ñe po'ño'ch puechemer peny Yompor. Ama't ama e'ñe eñotatenya' erroteneycha'ña ya esempohuañen tarraña yapa' e'ñe yeñoteñ ñerra'm esempo orrtterra Jesucristo, yañapa' e'ñech attey yaña ñerra'm ña tarro'mar allempo yapa' yentercha' ñeñt atet atarr cohuentena ña. ³ Allohuen ñeñt atet ame'ñetsa, ñetña e'ñe pueyemteño'fet cohua'me'teñet, attoña ñetpa' e'ñech cohuen a'cohuentatere'tterret ñamet e'ñech atet ñerra'm Jesucristo ñeñt e'ñe cohuenare' es orrtatyets.

⁴ Allohuen erra'tsen ochña'tetspa' ñeñtñapa' cha atpare'tenan Yompor po'ño'ñ ñeñt atet anaret. Tarro'mar ñerra'm esempo yatpare'ten ñoñets ñeñt atet anaret, ñeñtña yapa' chach yeyoren yo'chñar. ⁵ Sapa' e'ñe seño'teñ Cristo ñapa' tarro'mar huapa' arr patsro ñach ahuanerre' ya yo'chñar ama't ñapa' ama eñalle po'chñar ama't coñe'ta. ⁶ Ñeñto'marña allohuen esesha'ch parrocmaterre' Cristo, ñetñapa' ama choye' ochña'tare'teneto. Tarro'mar ñeñt atarr ochña'tare'tetspa' ñeñtñapa' ama puentaranoña Cristo, ama cheññañoña pueyo'chro ñeñt atet pena Cristo. ⁷ Nechemerneshacha' sapa' señoche'pa'ch ñeñtcha' atet noterrser te', allochñapa' attoch amach esesha' seshquërraye. Po'ño'ch ñeñt orrtatyene' ñeñt e'ñe pocte' enten Yompor, ñeñtña po'ño'chpa'

e'ñe cohuen acheñer, e'ñech atet pena ñerra'm Cristo ñeñt e'ñe pocte' es pa'yets. ⁸ Tarraña ñeñt chocma orrtatyene' ñeñt ama pocteye' enteno Yompor, ñeñña acheñerpa' po'ñoçh oneñefena'tar, tarro'mar oneñepa' e'ñe ahuatoteñ ñapa' aña orrtatyets ñeñt ama't mameshapa' ama pocteye' enteno Yompor. Ñeñto'marña Yompor Puechemerpa' huapa, allochñapa' ñach e'nuerre' atet patse'tyena oneñet.

⁹ Allohueney ñeñfey po'ñoçh eñalleterrtsa Yomporotpa' amach allo'na yo'chña'tare'tneno tarro'mar yapa' o' yeycherrñañ ñeñt atet pena Yompor Parets. Yapa' po'ñoçhpa' o' ye'ñalleterra Yomporot ñeñto'marña amach errotenot alla yo'chña'tare'terre'te. ¹⁰ Arrpa' attoña yeñoteñña ñeñt Yomporena'tar ñaña ñeñt oneñefena'tar. Allohuen ñeñt ama pocteye' es orrtatyetso ñeñt ama morrentenaye pamo'tsesha', ñetñapa' amaca'ye Yomporena'tareyayeto.

Amorrentanna'tpahuepa'ch yentannena e'ñe allohueney

¹¹ Añ ñoñetspa' e'ñe ahuatoteñ eñotatase't amorrentanna'tpahuepa'ch e'ñe allohueney. ¹² Amach atet ye'patsto atet pa' ahuat Caín, ñapa' oneñefena'tara. Ñaña'pa' pa'mo'nasheña muetsa. Tarro'marca'yeña muetse ñapa' amaca'ye cohuenaye' cotape'che'te; pa'mo'nasheñña Abel ñeñt muetsa, ñaña'pa' e'ñe cohuen cotape'che't Yomporecop.

¹³ Ñeñto'marña masheñeshacha' ñaña nochaneshacha' e'ñepa'ch seño'ta sapa' ñeñto'mar'ña e'moñe'tasña acheñenesha' añ patsro ñeñt ama ame'ñetso. ¹⁴ Tarraña ya e'ñe yemorreneteño'f yamo'tspa' e'ñe yeñoteñ yapa' o' yeñtanerrña allcha' e'ñe poctacma yerromuerreñ. Yapa' o' yecherr allña yapa' corretsayach. Ñeñña ama muerenayo pamo'ts ñetñapa' allo'tsenareta allcha' e'ñe rromuerret e'ñe poctacma. ¹⁵ Allohuen ñeñt cha e'moñe'tyenan pamo'tspa' ñeñt po'ñoçhpa' amtsaña enteñña Yompor. Ama't e'ñe sapa'cho'ña seño'teñ ñeñt amtsaña' pueyoçhropa' ama eñalleña atoch ñapa'cho'ña corretsach tayoteñ e'ñe erронаñohuen. ¹⁶ Arrpa' attoña e'ñe yeñoteñña ñeñt atet penaña e'ñe po'ñoçh morrenteñets, attoña Jesucristopa' a'rroya ñañeña atoch rroma yocop. Yapa'cho'ña e'ñepa'chña pocte' yeñch o'ch ya'rroya yañeña atoch yerroma yamo'tseshacop. ¹⁷ Tarraña yañe ñerra'm yechyen atoch e'ñe cohuen yocrrena arr patsro, allempo yenteñ yamo'ts cha atarr es pallta'yenet yañapa' ama yemorreneteño, Yomporpa'cho'ña ama't e'ñe mameshapa' amaca'ye yemorreneteñoña yeyoçhro. ¹⁸ Amach nechemerneshacha' e'ñe yeñoñoçhaya yotanna'tatsto atarr yemorrentannena. Chochña yorrtatyetsña yemorreneteña e'ñe po'ñoçh atet es ye'pa'yen po'psheññecop e'ñe cohuen.

Attoch e'ñe cohuen yeyemtera Yompor

¹⁹ Alloña yapa' e'ñech yeñotena yapa' e'ñe po'ñoçhey ñeñfey atet petsa e'ñe cohuen. Ñeñto'marña yapa' e'ñech yeñmataten yeyoçher Yomporeshonet. ²⁰ Tarro'mar ñerra'm ama e'ñe yeñmañeshocmaye' es ye'pa'yeno Yomporecop, Yomporñapa' elloña e'ñe po'ñoçh atet eñoteny tarro'mar ñapa' ña atarr eñotañesha'. ²¹ Tarraña nechemerneshacha' ñerra'm e'ñe yeñmañeshocmañen es ye'pa'yen Yomporecop eñeñtepñapa' Yomporcha'ña e'ñe cohuen yeyemtena. ²² Atto yame'ñerrñaña po'ñoñ ñeñt atet otene'y, ñapa' atarr coshenya; ñeñto'marña ñerra'm es yenamueñ, ñapa' chocmach e'ñe po'ñoçh apueney. ²³ Yompor po'ñoño'f atet otene'y o'ch e'ñe cohuen yame'ñerrñaña Puechemer

ñeñt Jesucristo. Ñaña oteneý amueranna'terrapo'ch allohueneý, atet oteneýña ña. ²⁴ Erra'tsencha' e'ñe cohuen ame'ñenaya Yompor po'ñoñ ñeñt atet oteneý, ñetñapa' e'ñe parrocmatenet epuet Yompor. Ñeñto'marña yeñoteñ yeparrocmaten, Parets Puecamquëñoñ ñeñt chorratenya ñeñña yeñotatene ña e'ñe yeparrocmateña Yompor.

4

Attoch yeñoch erra'tsente'ña ñeñt e'ñe po'ñoçh eñoraten Yompor Puecamquëñ; attoch yeñoch ñaña ñeñt epatare'tene' Yompor poctapña

¹ Ñaña te'pa' o'ch masheñeshacha' ñaña noçhaneshacha' noterrser, sapa' ñato't same'ñena'ña allohuen pa'namen cotapñats tarro'mar ñetpa' ama't otetañ Partso' Puecamquëñ eñoratenahué, sapa' çhochña señotyesña ñeñt pa'namen cotapñatser attochña sapa' e'ñe señoçh erra'tsente'ña ñeñt e'ñe po'ñoçh huetsa Yomporeshot. Tarro'mar shonteñ ñeñt otetseñ ñetpa' Yomporo' po'ñoñ a'mtenet tarraña ñeñtpa' ama Yomporeyaye po'ñoñ. Ñeñtpa' erraparen o' orreyesa añ patsro. ² Arr sapa' alloch señoçh erra'tsente'ña e'ñe po'ñoçh eñoratenña Parets Puecamquëñ: Erra'tsencha' otats Jesucristopa' ña po'ñoçh partsot acheñetos arr patsro, ñeñña cotapñatsarpa' e'ñe po'ñoçh Parets Puecamquëñ eñoratené'. ³ Erra'tsencha' ñeñt amach atteýe' otetso Jesúsocop, ñeñña cotapñatsarpa' ama po'ñoçh Parets Puecamquëñ eñoratenahuéto. Ñeñtpa' ñeñña po'ñoçh e'moñe'tene'ña Cristo ñeñt atet se'mare'tyese't o'ch huapa. Te'ñapa' o' orrtonaya añ patsro.

⁴ Saña po'ñoçh nechemerneshacha' e'ñe po'ñoçh Yomporena'tares tarro'mar sapa' ama aña se'mñoteno atto pa'namenot shecare'tyenseña. Yompor Puecamquëñ ñeñt sechorrenayapa' ñeñña sapa' atarr ahuamencattatenes. Ñeñña chorrenaya añ patso'marnesha'pa' ñapa' ama e'ñeye' ahuamencattatenaneto. ⁵ Ñeñña shecare'tyets e'ñe ñet poctapñofet po'ñoçhpa' patso'marnesheta. Ñeñto'marña ñerra'm eñosetpa' añach serrpare'tyenet ñeñt patso'marecpa. Ñeñto'marña ñetpa' patso'marneshach e'mñotenahué. ⁶ Yaña po'ñoçhpa' Yomporena'tarey. Ñeñt po'ñoçh eñotene' Yompor, ñetñapa' e'ñech cohuen e'mñotenyet ya. Ñeñña ama Yomporena'tareyaye, ñetñapa' amach e'mñotenyeto. Yapa' alloña yeñotenña cotapñats ñeñt po'ñoçh huetsa Yomporeshot attoña yeñotenña ñaña cotapñats ñeñt shequëñets.

Atto Yomporpa' ña atarr amorrentañtetsa

⁷ Masheñeshacha' ñaña noçhaneshacha' amueranna'tpahuepa'ch allohueneý tarro'mar ñeñtpa' Yomporeshot huena. Allohuen amorrentña'pa' ñetpa' o' eñalletteret Yomporot, po'ñoçh o' eñoteret ñeñt atet pena Yompor. ⁸ Ñeñña ama amorrentña'pa' ñocpuetpa' ama eñoteñetoña atet penaña Yompor, tarro'mar Yompor ñapa' ña atarr amorrentañtetsa. ⁹ Añpa' Yompor orrtate' yocop allochña'pa' yapa' o'ch yeñoter Yomporpa' atarr morrentenya. Attoña mueñan Puechemer arr patsro ñeñt po'patrro pen attochña yapa' corretsayach e'ñe ñeshot. ¹⁰ Arrpa' all orrtatonay Yompor ñeñt e'ñe po'ñoçh morrenteñets: Allempo ya ama't mameshapa' ama yemorrentpeño Yompor, ñaña'pa' allempoteñ atarr morrentenya ya. Ñeñto'marña ñapa' mueñonay Puechemer ñeñtcha' yetsa'terroya yo'chñar.

¹¹ Ñeñto'mar masheñneshacha' atto Yomporpa' atarr nanac morrentenya, yapa'cho'ña e'ñepa'chña yemorrentanna'tuena allohueney. ¹² Yomporpa' ama esesha' puentare. Tarraña ñerra'm e'ñe yemorrentannena allohueney, po'ñoçhpa' e'ñe yeparrocmaten epay Yompor. Ña pueморrenteña' e'ñech chorrenya poctacma. ¹³ Ña atto apuerrey e'ñe ña Puecamquëñ ñeñña yeñotatene'ña yapa' e'ñe yeparrocmaten epay Yompor. ¹⁴ Ñaña yapa' e'ñe yentuoñe't Yompor Puechemer ñeñto'marña ya te'pa' o' ya'potonas samña atto Yompor po'ñoçhpa' mueñonay Puechemer ñeñcha' ya'qeshpaterre' ya ñeñey yeçha'yetsa añ patsro. ¹⁵ Ñeñt ame'ñenaya Jesús ñapa' po'ñoçh e'ñe Yomporo Puechemer, ñetña' e'ñe parrocmatenet epuet Yompor.

¹⁶ Attoña ya te'pa' e'ñe yeñoteñ ñaña yame'ñeña atto Yomporpa' atarr morrentenya. Yompor ñapa' ña atarr amorrentañtetsa. Ñerra'm e'ñe po'ñoçh yemorrentannena po'ñoçhpa' o' yeparrocmaterr epay Yompor. ¹⁷ Attoña yapa' e'ñech cohuen yemorrenteña Yompor e'ñe poctacma, allochña' yapa' amach yemcha'nañotayaya yeyemtero Yompor ñerra'm esempohuañen eñotatyesuerrey e'ñe errotencha' entyesuerrey. Tarro'mar e'ñe atet pena Jesucristo, yapa'cho'ña e'ñech atet yepena yaña arr patsro. ¹⁸ Ñerra'm po'ñoçh yemorrenteña Yomporpa' amachña çha yemcha'teñe. Tarro'mar atto e'ñe poctacma cohuen yemorrentannena epay Yompor, ñeñña po'ñoçh yehuapore'tam'pene'ña yemchañ. Ñerra'm esempo çha es yemcha'tenpa' attoña e'ñe yañeña coñchatetsa. Ñaña ñerra'm orameñ yemcha'ten amaca'ye e'ñe yeyçhena'ña attoch e'ñe cohuen yemorrentannena e'ñe poctacma.

¹⁹ Yomporpa' o' e'ñe morrenterrya yanom, ñeñto'marña yapa'cho'ña te'pa' o'ch e'ñe yemorrentera yaña. ²⁰ Ñerra'm esesha' otets, ñapa'cho'ña e'ño' cohuen morrentenana Yompor, tarraña ñerra'm çha e'moñe'tyenana pamo'ts, ñeñña atet otetspa' ataca'ye shequëñ. Atto ama morrentenano pamo'ts ama't ñeñtpa' e'ñe enteñ, amach errotenot morrentanoña ñaña Yomporña' tarro'mar ñeñtpa' amaca'ye çhoye' enteñe. ²¹ Yompor po'ñoñ ñeñt yotene': Ñerra'm po'ñoçh yemorrenteña Yompor, yamo'tspa'cho'ña e'ñepa'chña cohuen yemorrentenanet.

5

E'ñe yeyemteñoi Cristo çhocmach pomnaren yepen allohuen ñeñt ama pocteye' enteno Yompor arr patsro

¹ Allohueney erra'tseneycha' ame'ñerraya Jesús'pa' ña Cristotats ñeñteyña yapa' o' e'ñe puechemer perrey Yompor. Ñehua, yeñoteñ arr patsro ñerra'm yemorrenteña pueheñarr acheñ ñeñt achemereshat, puechemeresh'ña e'ñe yemorrentuena. ² Ñeñto'marña yeñoteñ ñaña ñerra'm esempo yemorrenteña Yompor ñaña yame'ñerrñaña po'ñoñ atet oteneý, añe'ña e'ñe yemorrentuena ñeñt puechemeresh' pen Yompor. ³ Atto yemorrenteña Yompor çhoch yame'ñerrñaña po'ñoñ ñeñt atet oteneý. O'ch e'ñe yepena ñeñt atet oteneý, ñeñtpa' ama torrapahuoyaye. ⁴ Tarro'mar allohueney ñeñtey puechemer pen Yompor, yañapa' e'ñe yeyemteñoi Jesús çhocma pomnaren yepen allohuen ñeñt ama pocteye' enteno Yompor arr patsro. ⁵ Allohuen ñeñt ame'ñenaya Jesús ñapa' Yomporo Puechemer, ñetña e'ñe ñap'et pomnaren penetña allohuen ñeñt ama pocteye' enteno Yompor arr patsro.

Allpon ñeñt yeñotaterre' Jesucristopa' e'ñe po'ñoçh Yomporeshot huapa

6 Ñeñta Jesucristo allempo huapa arr patsro eñall ñeñt yeñotaterre'ña ñapa' e'ñe po'ñoçh Yomporeshot huapa. Ñeñt ñanompa' allempo atto apataretta Yomporecop oño. Tarraña ama e'ñe ñapta oña yeñotataye ñapa' e'ñe po'ñoçh Yompor Puechemer. Po'rراسo'naña yeñotate'ña allempo acorso'tamñsaretterra; ñapa' e'ñe po'ñoçh Yompor Puechemer. Ñaña Parets Puecamquëñ ñeñtpa'çho'ña ña yeñotaterre'ña Jesúsapa' e'ñe po'ñoçh Yompor Puechemer tarro'mar Parets Puecamquëñpa' erroten es eñotateney ñeñtpa' e'ñe po'ñoçh atet. 7 Ñaña eñall ma'pa ñeñt pue'ntañotsen ñeñtña yeñotateney ña ya. Ñeñtpa' Yompor Parets ñaña po'ñoñ ñaña Puecamquëñ. Ñetpa' ama't ma'po'maret e'ñe patrra atet petsa. 8 Ñaña arr patsro eñall ma'pa ñeñtña yeñotateney Jesúsapa' ña po'ñoçh Yompor Puechemer. Ñeñtpa' Parets Puecamquëñ, allotpa' oñ allempo apataretta Yomporecop allotpa' ñaña po'rراسo'naña acorso'tamñsaretterra. Ñetpa' ama't ma'po'maret eñotatenet, e'ñe patrra eñotateney ñeñt Jesús ñapa' e'ñe po'ñoçh Yompor Puechemer. 9 Ñehua, arr patsro çhocma e'ñe pocte' yenteñ ñeñt atet eñotateney acheñ tarro'mar ñeñtpa' çhocma sherbeney. Ñaña ñeñt atet eñotateney Yompor elloña ñeñtpa' atarr nanac sherbeney. Tarro'mar ñeñtpa' e'ñe ña Puechemerrecop eñotateney Jesúsapa' Yompor Puechemer. 10 Ñerra'm esesha'ch ame'ñerraya Yompor Puechemer, ñeñtña' echerrancha' e'ñe ña pueyoçhro ñeñtcha' eñotaterre' e'ñe pocte' o'ch e'ñe yemterrana Jesucristo ñeñt e'ñe po'ñoçh Yompor Puechemer. Ñeñtña ama ame'ñenayo Yomporpa' çha ottatateñ ñerra'mrrate' ñapa' atarr ashcañ tarro'mar ñeñt acheñerpa' ama ame'ñenano Yompor ñeñt atet eñotateney Puechemerrecop. 11 Yomporpa' atet eñotateney atto yapa' apuey Puechemer, e'ñe ñesho'ña yapa' corretsayach yocsheñeshocmañen tayoteñ e'ñe errponañohuen. 12 Ñeñtña aguërre' Yompor Puechemer añe'naña o' aguërret attoçhña ñetpa' corretsetach tayoteñ e'ñe errponañohuen. Añña ñeñt ama aguërriyaye Yompor Puechemer, ñetña' amach esesha' aguërriyaye alloch correrret.

All pa'namen cotape'chatnerranet e'ñe allohuanen allempo so'tnerranet po'cartot

13 Ñeñt allpon o' nequellconas sa ñeñtes ame'ñenaya Yompor Puechemer, sapa' ñeñtcha'ña señotaterre' po'ñoçh sapa' corretsasach socsheñeshocmañen e'ñe tayoteñ errponañohuen.

14 Yapa' e'ñe yeyemteño' Yompor ñeñto'marña yeñoteñ es yenam ñeñt pocte' enten ña, yapa' çhocmach e'mñoteney. 15 Ñaña atto yeñoteñ ñapa' çhocma e'mñoteney ñerra'm es yenam ñeñto'marña yeñoteñ e'ñe allorocma o' yo'patataretta ñerra'm escha' yenamueñ.

16 Ñerra'm eseshascha' eñote' samo'ts ñeñt atet pene' ñeñt ama pocteye' enteno Yompor, ñeñtña po'chñarpa' ñerra'm ama añecpayaye alloch rromuerr attoch chenuërra e'ñe poctacma, sañapa' añcha' senamoñ Yompor attoch ñach a'crraterre' e'ñe puecamquëño'. Yomporpa' o'ch a'crraterre' ñerra'm po'chñarpa' ama añecpayaye alloch rromuerr attoch chenuërra e'ñe poctacma. Po'ñoçhpa' eñall yo'chñar alloch yerromuerr attoch yechenuërra e'ñe poctacma. Ñeñto'marña napa' ama añecpaye' notenso sapa' çhocmach sema'yochampeña ñeñtcha' chenuërtsa e'ñe ña patpare'teño'. 17 Ñehua,

yeñoteñ allohuen ñeñĩ ama pocteye' enteno Yompor ñeñĩpa' ochña'teñets enteñ Yompor. Tarraña eñall ñaña ochñarets ñeñĩpa' ama añeyaye ñeñĩ alloch yerromuerr attoch yechenquerra e'ñe poctacma. ¹⁸ Yeñoteñ allohueneñ ñeñey po'ñoç eñalletertsa Yomporotpa' amach allo'na yeña'nen ñeñĩ ochñarets enten Yompor. Tarro'mar Yompor Puechemerpa' chocma cohuanñepeneñ ñeñĩto'marña oneñe'pa' ama't e'ñe mameshapa' amach alla errot perye'te.

¹⁹ Te'ña yapa' yeñoteñ o' yeyomporena'tarterra ya. Po'potantaña acheñenesha' arr patsro ñeñĩ ama ame'ñetso, ñetña'pa' aña yochresha'tenahuet oneñe'f.

²⁰ Yañapa' yeñoteñ ñeñĩ Puechemer pen Yomporpa' ñaña'pa' o' huapa. Ñaña yechapaterre'ña yeyoçhro attochña yapa' o'ch yeñoter Yompor ñeñĩ e'ñe po'ñoç Parets. Ñeñĩto'marña yeñoteñ o' yeparrocmaterr epay ñeñĩ e'ñe po'ñoç Yompor Puechemer ñeñĩpa' Jesucristo. Attoña yapa' o' e'ñe yeñoter Yompor ñeñĩ e'ñe po'ñoç Parets, ñeñĩña yapa' allochña e'ñe corretsayach yocsheñeshocmañen tayoteñ e'ñe errponañohuen. ²¹ Te'ña nechemerne-shacha' sapa' e'ñech seño'noma, ñato'tña seyomporer sepeña'ña po'poñ ñeñĩ ama po'ñoç Partsoyaye. Te'pa' ñeñĩfach notas, ñeñĩpa' attetepa'ch Nompore. Allohua.

Juan

AÑ PUEPAÑ SAN JUAN PO' CARTA 2 SAN JUAN

Attoch cohuen yemorrentannena e' ñe po' ño'ch atet oteney Yompor po' ño'ñ

¹ Napa' na ñeñfen pompor pen allohuen ñeñt ame' ñenaya Yompor, te' pa' o'ch nequellconas añ carta. O'ch nequellconap̄ ãa ñeñteḡ e' ñe noçhesha' nepeneḡ, ãa ñeñteḡ o' acrerr Yompor. O'ch nequellconap̄ ña'ña ora pechoyoreshohuen ñeñt e' ñe pachor pepene'. Napa' e' ñe po' ño'ch atarr nemorrentensa, ama e' ñe napta nemorrentenso, elloña po' potantañe'çhno ñeñt o' enterran ñeñt e' ñe po' ño'ch Yompor po' ño'ñ, ñetpa' çho' ña e' ñe morrentuenset. ² Tarro'marña sapa' atarr yemorrentensa atto yapa' o' e' ñe çhernaya ya yeyoçhro ñeñt e' ñe po' ño'ch Yompor po' ño'ñ. Ñeñtpa' allach e' ñe a'puena yeyoçhro erponañohuen. ³ E' ñe nehuomcha'teñofes sa napa' o'ch notas: Yomporepa'ch sebensare'tam̄pene' ñeñfara Parets epuet Puechemer Jesucristo ñeñt Yepartseshar yepen. Ñetepa'chña semuerenaya attochña sapa' e' ñech cohuen socshena seyochro. Ñeñtpa' añecop attochña sapa' señoterrñañ ñeñt e' ñe po' ño'ch Yompor po' ño'ñ attochña sapa' o'ch semorrentannerra e' ñe cohuen allohuenes.

⁴ Te'pa' o'ch notap̄, ãa ñeñteḡ e' ñe noçhesha' nepeneḡ na atto nentenaḡ puesheña'tets ñeñt pechoyoresha' pepen, ñetpa' çhocma e' ñe cohuen cotape'cheññañet Yompor Parets po' ño'ñ ñeñt e' ñe po' ño'ch atet oteney, napa' ñeñfña atarr nocshatene'. ⁵ O'ch noçheshacha' neyerpataḡa, allo'nepa'ch amorrentanna'tpo' sentannena allohuenes. Ñeñt atet noteneḡ arr nequellcotḡa' ñeñtpa' ama añeyaye ñoñets ñeñt ama se'mare. Ama't allempoteñ e' ñe errete' same'ñerrapa' allempoteñ se'muerrña ñeñt ñoñets. ⁶ Ñerra'm yemneñ yemorrentanna'tapa' añcha'ña atet yepohuerra ñeñt atet oteney Yompor. Ñerra'm añ yemneñ o'ch e' ñe atet yepohuerra ñeñt atet oteney Yomporpa' çhochña e' ñe cohuen yemorrentannerra allohueney. Ñeñtpa' e' ñe ahuatoteñ atet serrpare'tatyesasete' t̄.

Atet pena ashcañnesha' ñeñt çhocma e' moñe'tene' Cristo

⁷ Ñeñto'marña te'pa' atet notenes tarro'mar ñeñt shequène' acheñpa' o' epa'hua añ patsro. Shonte'ch ñeñfcha' shequène' acheñ, ñetpa' atet otyenet Jesucristo ama partsoye' acheñetostso. Ñeñt otets atetpa' ñeñfña po' ño'ch ashcaña ñeñfña e' moñe'tene' Cristo. ⁸ Sapa' e' ñech señota allochñapa' amach shecaso. Ñerra'm shecas allempopa' e' ñe'ete' orrena setorrerra Yomporecop. Añcha'ña setorrrena attochña sapa' e' ñech sagaphuerr ora allpon ñeñt alloch tsa'tuerrsa ña.

⁹ Ñerra'm erra'tsencha' ama attecmaye' yeçhatatso ñeñt atet yeçhateney Cristo, ñerra'm çha a'po'poñeteññañ po' ño'ñ, ñeñt atet petsapa' amach Yomporeye' yemteno. Añcha'ña erra'tseneyte' allo'na cotene' Cristo po' ño'ñ yapa' e' ñe po' ño'ch yeyemteña Yompor Parets e' ñe Puechemere'na. ¹⁰ Ñerra'm esesha'ch huapatsa sesho ñapa' atetcha' otos ñapa'çho' año' yeçhaten Yompor po' ño'ñ tarraña ñapa' ñerra'm ama atteye' yeçhateno atet yeçhaten Cristopa' ñehua, amach sagapatsche sepaçllo. Ama't sehuomcha'teñofapa' amach

sotatsche, “Yompore’t p̄a’natenaya.” ¹¹ Amach sehuon̄cha’tatsche tarro’mar ñerra’m sehuon̄cha’teti, sapa’ ñeñfate’ seyčhaprech ñeñf ama po’ñochoyaye.

Atto so’terranet po’cartot

¹² Shontemeñ po’poñečno ñeñfcha’ notaseñ tarraña ama nemno o’ch e’ñe notuas arr necartot. Tarro’mar napa’ nesechena o’ch nemo’tensa’ allempochña attoch yeserrpare’t e’ñe parro, attochña e’ñech cohuen parro yocsherra.

¹³ Añ pemo’nerr puechoyoresha’pa’ ñetpa’ huon̄cha’tenpet ñamet arr necartot. Ñetpa’cho’ña ñeñfet o’ acerrranet Yompor. Te’pa’ ñeñfch notas, Yomporepa’ch sa’nataya. Ñeñtpa’ attetepa’ch Nompore. Allohua.

Juan

AÑ POMA'PAÑ SAN JUAN PO' CARTA 3 SAN JUAN

Atto Juanpa' eñotenan Gayopa' e'ñe cohuen ame'ñena

1 O'ch masheñe Gayo nequellconap añ carta, napa' na ñeñfen pompor pen allohuen ñeñf ame'ñenaya Yompor. O'ch notap, napa' e'ñe po'ñoçh atarr nemuerenpa.

2 Ñehua, masheñe çhocma nema'yochampenpa allochñapa' Yomporpa' e'ñech a'natenpa. E'ñepa'ch cohuen pehuonçhena, tarro'mar napa' neñoteneþ e'ñe pecamquëño'pa' e'ñe cohuen poctape'chen Yomporcop.

3 O'ch notap, napa' atarr nocsha allempo huerra masheñesha' peshot. Ñetpa' atet serrpare'tatuernnet papa' e'ño' po'ñoçh cohuen pame'ñena, e'ño' cohuen poctape'cheññañ Yompor po'ñoñ ñeñf e'ñe po'ñoçh atet oteneý.

4 Allempo ne'mare'tas atto sapa' e'ñe cohuen soctape'chen ñeñf e'ñe po'ñoçh atet oteneý Yompor po'ñoñ, napa' ñeñña atarr nocshatene'; ama eñalle po'poñ ñeñf atet atarr nocshatene'. Napa' e'ñe atet nentenes ñerra'mrrate' nechemeres ñeñfo'marña napa' atarr nocshensa.

5 Ñehua, masheñe o'ch notap, papa' e'ñe pocte' atet pepena ñeñf atto paguëñ e'ñe cohuen pepaclo masheñesha' ñeñf huapyetsa po'poñ anetsof. 6 Ahuaña allempo yapçhena allohueney ñeñtey ame'ñetsa, ñetñapa' atet serrpare'tatueryet atto papa' e'ñe cohuen pemuerapanet. Ñaña o'ch notap, çhocmach peyenpuenanet, papanetcha' ñeñf palltenet atoch anerret Yompor po'ñoñ po'poñ anetso. Ñerra'm atet pepenapa' ñeñtpa' e'ñech pocte' enteneþ Yompor tarro'mar ñetpa' Yompor sherbenet. 7 Ñehua, ñetpa' o' ahuanmuet attoch serrpare'teññañeta' Jesucristo po'ñoñ tarraña ñetpa' ama mueneñeto o'ch es apapanet ñaña ñeñf ama ame'ñetso. 8 Ñeñfo'marña yapa' e'ñe pocte' o'ch es yapapanet tarro'mar ñeñtpa' attoña yetorrapretenañeta Yompor po'ñoñ.

Atto Diótrefespa' ama't mameshapa' ama cohuenaye' entenano ñeñf ame'ñetsa

9 O'ch noterrperr po'poñ. O' nequellca'hua carta allohuenacop ñeñf apçhetsa all pa'netsro. O' notuanet ora allpon atet notuap arr necartot, tarraña Diótrefespa' çha achmãare'tey. Ñapa' e'ñe pommo'cheño' e'ñe ñañañapa' aña muenen o'ch pomnaren pa'yenan acheñenesha' ñeñf o' ame'ñerrana Yompor, ñeñfo'marña ama e'mñotenye. 10 Ñeñfo'marña esempoch neçhap peshopa' o'ch neyerpatosanet ñeñf atet pena Diótrefes. Ñapa' çhocma toma'tampeney attach eñosats'e'tyen yocop. Ama ñeñtayaya atet peno, elloña ama aguëñano masheñeshachno ñeñf anene' Yompor po'ñoñ. Ama aguëñaneto ñaña ama muenatenano acheñenesha' o'ch aguëñet ñamet masheñeshachno. Ñerra'm esesha'ña aguënahuetpa' ñaña'apa' o'chçho' mueño'terranet arrot all sapçhena.

11 Ñehua, masheñe papa' amach peyçhapretatsto ñeñf atet pentapreten ñeñf ama pocteyaye. Papa' aña'ña peyçha' ñeñf pentapreten atto e'ñe pocte' es pa'yenet. Ñeñfo'marña atet noteneþ tarro'mar erra'tsen ñeñf e'ñe pocte' es

petspa' ñeñtca'yeña Yompor pueyochresha'; ñeñña ama pocteye' es pa'yetso ñeñña ama't mameshapa' ama eñotenanoña Yompor.

Atto e'ñe cohuen orrtaten Demetrio

¹² Ñehua, o'ch notap ñaña po'psheññecop ñeñtpa' añ pa'so'cheñ Demetrio. Ñaña po'ñoçhpa' e'ñe cohuen enteñ allohuen acheñnesha'. Ñapa' e'ñe atet pena atet oten Yompor po'ñoñ ñeñt e'ñe po'ñoçh cohuen. Ñeñto'marña yapa'cho'ña yeñoteñ ñapa' e'ñe cohuen acheñer. Ñehua, pa'pa' e'ñe peñoteny ñerra'm erroten yoten, ñeñtpa' e'ñech po'ñoçh atet.

¹³ Shontemeñ ñeñtcha' notapeñpa' tarraña amach e'ñe notuape añ necartot. ¹⁴ Tarro'mar napa' atarr nemneñ ahuenepoña neçhap pesho. Ñerra'm esempoch neçhappa' allempochña e'ñe yeserrpare'tatanná'ta parro.

¹⁵ Ñeñt arro'tsa'yen masheñnesha' ñetpa'cho'ña huomcha'tenpet ñeñtara añ necartot. Pañapa' o'ch pehuomcha'tyesanet e'ñe puesheña'ttsocma masheñnesha' ñeñt parrotsenep. Te'pa' ñeñtach notap masheñe, Yomprepa'chña pa'natenaya. Allohua.

Juan

AÑ SAN JUDAS PO' CARTA SAN JUDAS

Atto Judaspa' quellcan carta allohuenacop ñeñi pueyochresha' pen Yompor

¹ Masheñeshacha' ñaña nochaneshacha', allohuenes ñeñtes o' huañerres Yompor Parets attoch pueyochresha' perres, ñeñtes o' sa'cohuentataretterra Partsocop, ñeñtes e'ñe cohuanpen Yompor e'ñe separrocmateñoñ Jesucristo. Ñeñto'marña napa' nequellquennas añ carta na Judason ñeñten torretsa Jesucristocop. ² E'ñe nehuoncha'teñofes sa napa' o'ch notas: Yomporepa'chña semuerenaya, ñaña nanquëpa'chña morrentensa, nanquëpa'chña coshatenes seyoçhro.

*Ñeñi ashcañtetsa amach Yomporeye' po'ñoñ serrpare'teno
(2Pe. 2.1-17)*

³ Te'pa' o'ch notas, masheñeshacha' ñaña nochaneshacha' napa' atarr nemneñ o'te' nequellconas attoch neñotatas ñeñt e'ñe errotentotcha'ña a'queshpatarey e'ñe allohueney ñeñtey ame'ñenaya Jesucristo. Tarraña te'pa' añ nenten ñeñt atarr palltetsa o'ch notas, nanquëpa'ch sema'yoçhra añ ñeñt atto yame'ña attochña e'ñech cohuen semoñena, attoch amach semnateñe ama't puesheñarra o'ch a'po'poñetonaset ñeñt atet yame'ñeña Jesucristo. ⁴ Añecopña notenes tarro'mar çhocma orretyena acheñenesha' ñeñt ashcañtetsa ñeñt ama Yomporeye' po'ñoñ coñape'cheneto. Ñet puehquëñofespa' ñato'rraña çhate' a'po'poñeternayet ñeñt atto po'ñoçh yame'ñerrñaña Yompor po'ñoñ. Ñetpa' atetcha' otyeset, e'ñeca'ye pocte' o'ch sosya'tsañeçhna yeyçhen tarro'mar Yomporpa' çhocma peretnoney, ñapa' atarr amueraña ñeñto'mar amach coñchaterrye. Ñetpa' po'ñoçh ama pamo'mtayeye' peñeto Yompor ñeñt ñapueñ Yamo'mte' yepen ya. Ñaña ñetpa' ama po'partseshareye' peñetoña Jesucristo. Tarraña sapa' señoche'pa'ch e'ñe ahuañtoñ anuaretta ñeñt atet petsapa' ñeñtña o'patatenetña coñcheñets.

⁵ Ñehua, sapa' po'ñoçh e'ñe señoñeñ ñeñt atet pa ahuat, tarraña te'pa' o'ch alla neyerpaterrsa atto Yomporpa' cha coñchatuerran ñeñt alla quechpuerre' ñeñt e'ñe atet oteney Yompor. Ñeñtpa' atet pa allempo a'queshpatteran israelnesha' allempo erraneta' Egiptot all atarr amueroçhtatarette't. Tarraña ama't a'queshpatteranetañ allempo, elloña tsapatonetpa' o' alla a'çclatuerran allohuen ñeñt ama cohuenaye' ame'ñaye'te. E'ñech attecma perran allohuen ama't te' ñeñt ama ame'ñetso. ⁶ Te'pa' o'ch alla neyerpaterrserr po'poñ ñeñt atet pa ñaña patanta'tets mellañoñeñnesha'. Ñetpa' anaretetañ ñetcha' sherbenet Yompor, tarraña ama't atet anaretetañpa' ñetña ellopa' o' a'ypo'ña'nmuet pue'ntañ e'ñe patpare'teñoñet Yompor. Ñeñto'marña Yomporpa' alla huancanet cadeno ñeñt ama apyapahuoyaye ama't errponaña alla huapore'tanet nanac checmeto. Ñetña'pa' alletach tarremphua esempoch mellapoterra allempochña mueñerranet ñaña coñcha'pue'tso. ⁷ Te'pa' o'ch alla neyerpaterrserr ñaña ñeñt atet pe't sodomo'marnesha' ñaña gomorro'marnesha' ñaña allohuen ñeñt allampaño'marnesha' all. Ñetpa' e'ñe atet pete't atet pa patantarr mellañoñeñnesha' atto nanac yeçhcatenet ñeñt nanac sosey enten Yompor.

Cañoresha'tyenet nanac ama't yacmapa' agapannena e'ñe parro yacmacma, ñeñtpa' amaca'ye atteye' anareteye. Ñeñto'marña Yompor allpa' attoña coñchatanet o' etomam̄psanet attoch e'ñe a'poyatatuerranet tso' ñeñt ama emaya'pahuoyaye. Ñeñto'marña yeñoteñ allohueny eñall coñcheñets ñeñt ama ahuañaño.

⁸ E'ñe attecma p̄tse'tyena ñaña ashcañnesha' ñeñt orretyetsa te'. Ñaña ñetpa' po'poñonña es cotape'chyenet ñeñt ama po'ñoçh atteyaye. Attoña ñetpa' a'sosyatenet po'chets e'ñe ñañeñeta. Ñeñto'marña ama't Yepartsesharpa' ama am̄cha'na'tpahuoye' enteñeto, attoña ama't ñaña allohuen ñeñt ahuamencatetyetsapa'cho'ña e'ñe achm̄are'tueñet. ⁹ Tarraña ama achm̄are'tpahuoyaye ama't Yepartseshar ama't ñaña allohuen ñeñt ahuamencatetyetsa. Ñehua, ama't Miguel ñeñt pa'ñicha'tareter pen mellañoteññanesh'a' ñapa' ama achm̄are'tapanoña oneñet. Allempo rroma Moisés oneñetñapa' huapa, ñapa' añ atarr mueneñ o'ch enana' arromñat, tarraña Miguelñapa' ama muenache o'ch aner. Ama't muene' es otnare'tanna'tetañpa' Miguelñapa' amaca'ye achm̄are'tanoña oneñet. Ñeñtpa' atta och: "Ñehua, ñeñt atet pepena te' Yomporpa' ñach potteñe'che'." ¹⁰ Tarraña ñeñña ashcañnesha' ñeñt orretyetsa te'pa' ñetñapa' ðhocma achm̄are'teñet ama't ñeñt atarr ahuamencatesha' tarro'mar ñetpa' ama eñoteññañeto po'huamenc. Añach e'ñe paterr eñotenet ñeñt e'ñe patso'marecpa. Ñetpa' e'ñe atet penet ñerra'mrrate' berr ñeñt añach pa'yen ñeñt atet muenatyenanet po'chets, ama es cotape'chpenayeña o'ch eñotet erra'tsente'ña ñeñt po'ñoçh cohuentetsa. Ñeñto'marña ñetpa' a'chencataterretcha' e'ñe ñañeñeta.

¹¹ Atarr yoroçheno'tsa'yenet tarro'mar ñetpa' ama morrenteñeto pamo'ts, e'ñe atet penet ñerra'mrrate' atet pe't Cain allempo muetsan pa'mo'nasheñ Abel. Attoch aparettet quelle, ñetpa' añach cotape'chenet o'ch shecare'teñet acheñenesha' atet pe't Balaam. Ñeñto'marña ñetpa' chenquërretcha' tarro'mar e'ñe atet penet ñeñt atet pe't Coré ñeñt amtsarettatsa ahua't e'ñe ña patpare'teñoñ. ¹² Ñeñña ashcañnesha'pa' sapa' ñeñña sepenca'ntatene' allempo sapçhena o'ch serratallme'channena ñeñtes ame'ñenaya Yompor. Sapa' serratallme'channena e'ñe semorrentanna'teñoñ, tarraña ñetpa' attach nanac rratse'tyenet amach ayetñaiteneto amach cohua'peñetoña ñaña po'psheñeñ ñeñt cheporrets'a ñeñt muenets o'ch rra' ñaña. Ñetpa' e'ñe atet penetañ ñerra'mrrate' ñeñt cohua'mpenayeñ carrnero ñeñtcha' rrate-nayeñ tarraña amachña carrneroye'ña rrateno, ñeñtpa' ñañeñetach atarr rretset. Ñetpa' ama es sherbeneto e'ñe atta penet atet ñerra'mrrate' os ñeñt ama huatetso attach matateñ m̄orr. Ñaña e'ñe atet ñerra'mrrate' narmetsoch ñeñt ama ame'tño, ama'tcha' çhen pueme'teñporopa' amach me'teno. Ñaña ñeñña narmetsocherpa' e'ñech atet pena ñerra'mrrate' rromuech o'ch ya'mare ora puerçhohuenpa' o'ch e'ñe puetsohua o'ch huañ. Ñeñña ama't mameshapa' amach es sherberrye. ¹³ Amach pueñmañeshofeye' es orrtatyeneto e'ñech pommo'cheñofeta es orrtatyenet. E'ñe atet penet ñerra'mrrate' oñ apellche' puemo'yer. Ama't mameshapa' amach muechecheno. Ñeñña emo'ypa' çhach huapore'tenan sosyare' topña'so all pa'so'ten. Ñeñtpa' e'ñe atet penaña ashcañnesha' amach pasayaya orrtatenetoña apencoçhen. Ñetpa' e'ñe atet ñerra'mrrate' shepramo' ñeñt

yenten o'ch shora'nom o'ch ahuo' patso ñeñtpa' ama es sherbeno. Yomporpa' o'patenanet o'ch mueñanet coñcha'puetso all atarr nanac checmete', alloña ñetpa' amach cha'nerreto ama't errponaña.

14 Ñaña te'pa' o'ch notas, ahuatpa' eñall puesheñarr yacma añ pa'so'cheñ Enoc ñeñ Adán po'mreneñ po'canthrrroñohua. Ñaña'pa' ñeñ a'mtaye't Yompor po'ñoñ. Ñapa' eñotatan acheñenesha' atetcha' a'paretterra ama't ñeñ ashcañnesha'. Ñocueta'ñaña atet ote't: "Huerrach Partsesha' e'ñe pueyochreshachnohuen ñeñ nanac po'nnacaren patsopueñ. 15 Huerrach allochñapa' o'ch entuerran allohuen acheñenesha' ñato' cohuenette' ñato' amate' cohuenayayeto. Allohuen ñeñcha' ama cohuenaye' entuerro Yompor, ñetñapa' amñare'tterretcha' coñcheñtso. Attochña tsa'tatuerrana allohuen ochñañenesha' ora allpon patse'tyesete't ñeñ ama pocteye' enteno Yompor Parets ama't mamesha. Ñaña atetcha' tsa'tatuerranet ora allpon atto sasare'chete't Yompor e'ñe pachmñare'teñoet." Arrpa' allohua huañ ñeñ atet eñoet Enoc ahuat. 16 Ñaña ñeñ ashcañnesha'pa' atarrcha' tanmare'tyeñet, chach po'poñ entuenet. Añach cotape'chyenet ñeñ muena'yenet e'ñe ñocueta. Cho'nate' ñetpa' atarrcha' ommoñatet. Ñaña ñerra'm esempo e'ñe cohuen eñosyenet acheñeneshacop, ñetpa' añecpach e'ñe cohuen eñosyenet attoch es apuenanet acheñenesha'.

Atto pa'namen cotape'chatenan allohuen ñeñ ame'ñetsa

17 Tarraña sa masheñneshacha' ñaña no'chaneshacha' amachña ñeñña same'ñatsto. Sapa' añcha'ña seyepa ñeñ atet otyese't Yepartseshar Jesucristo puellsensarnesha'. Ñetpa' ahuatoteñ atet otete't ñeñcha' orreytertsa tsapatonet. 18 Ñeñtpa' atet otyete't: "Allempoch mellapoterrmochapa' orrtarrach ñeñcha' achmñare'terre' Parets. Añach ye'chenet ñeñ mue'natse'tyenet ñañeñeta, ñeñtpa' ama't mameshapa' ama cohuenaye' enteñe Parets." 19 Ñeñ ashcañnesha'pa' chocmach mueneñet o'ch ellopa'tetstateret ñeñ ame'ñenaya Yompor. Ñeñfara ashcañnesha'pa' añach cotape'chenet ñeñ atet muenatenanet ñet po'chets; ñetpa' ama chorrenaneto Parets Puecamquëñ.

20 Tarraña sa masheñneshacha' ñaña no'chaneshacha' e'ñe nemuereño'fepa' o'ch notas, amach sey'chatstaneto ñeñ atet penet ñet. Sapa' e'ñechña same'ñeño'f Yompor huomenquëpa'ch sepa' seyo'cher tarro'mar ñeñ same'ñena sapa' e'ñeca'ye Partseshotecma huena. Chocmach sema'yochena. Sapa' amach sotaye' se'ñoreno allempo sema'yochena. Añcha'ña se'ñoratene' Parets Puecamquëñ ñeñ atarr ahua'amentasha'. 21 Atetcha' sepaña sa allochñapa' chocmach seño'teñ atto atarr morrentenaya Yompor, amach sepuerratsterro. Socsheñnesha'pa' chocmach seyemteña Yepartseshar Jesucristo; ña e'ñe pue'nuereño'fey esempohuañen a'q'eshpaterreycha', attochña yañapa' corretsayach yocsheñeshocmañen errponañohuen.

22 Ñehua, o'ch notas ñaña atetcha' sepe' po'potantañe'chno. Patanta'tets acheñpa' atarr echarr enteñet o'ch ame'ñerrñañet Yompor po'ñoñ. Ñetpa' choch sotape'chaterranet e'ñe cohuen attoch ame'ñerret ñeñ e'ñe po'ño'ch Yompor po'ñoñ, 23 atarr yoro'cheno'tsenet po'chñaröfet. Ñeñto'marña sapa' o'ch sa'q'eshp'atateranet, ñeñtpa' e'ñech atet sepenanet ñerra'mrrate' cheshatoll ya'q'eshp'aten o'ch yechter all poyapen pocoll. Po'potantañe'chno

ñeñt̄ yečhene' atarr sosya'tsañečhno, ñetpa' čhochña semuerenanet tarraña ama'tcha' semuerenanetañpa' amach socshapretatstanetoña ñeñt̄ atet yečhenet sosya'tsañ. Sapa' čhochña setsena'tapretanet ñeñt̄ atet pa'yenet sosey, te't sa'naña a'shoratatenet.

E'ñe yame'ñeñot̄ Yepartseshar Jesucristo aye'chočhtaterrapo'ch Yompor

²⁴⁻²⁵ Te'ña Yompor ñeñt̄ e'ñe ñapueť partsotets, ñeñt̄ allohuen es eñotyets, ñaña ñeñt̄ Ya'queshpatañer yepen, ñañapa' atarr ahuaencatesha', ñachña ahuaencat̄ sepene' allochñapa' amach alla seshora'nerro. Attochña sapa' čhapatuerrescha' e'ñe ñesho all atarr cohuentena ña. E'ñech socsheñeshocmañen sečhacherr; amach eñalle ama't coñe'ta ñeñt̄cha' entapreteres ñeñt̄ ama pocteye' enteno ña. Te'pa' e'ñe yame'ñeñot̄ Yepartseshar Jesucristo aye'chočhtaterrapo'ch Yompor attoch e'ñe cohuen yecohuentaterrñañ. Chocmuepa'ch e'ñe ñapueť Yepartseshar yepeñ, čhocmuepa'ch añcha'tarettena e'ñe tayoteñ errponañohuen ñeñt̄ atet pa'ahuatoteñ. Te'pa' ñeñt̄fach notas, ñeñt̄pa' attetepa'ch Nompore. Allohua.

Judas

ATTO SAN JUANPA' EÑOTATER YOMPOR ÑEÑT'CHA' ATET PERRTSA TSAPATONET EL APOCALIPSIS

Atto Yomporpa' gatyesan Puechemer Jesucristo

¹ Añ ñoñets ñeñt'pa' atto Yomporpa' gatyenan Puechemer Jesucristo, allochñapa' ñachña eñotatyese' allohuen ñeñt' torra'yetsa Yomporecop. Ñeñt'cha' eñotatanetpa' ñeñt'pa' ñeñt'cha' ahuen atet perra ama't esempo. Atto eñotaten na, ñapa' ahuo't mueñon po'millañoñer, allochñapa' ñach negatyese' na ñeñten sochetsa Juan ñeñten torretsa ñocop, allochñapa' attoch eñoch ñaña allohuen ñeñt' torra'yetsa Yomporecop. ² Tarro'mar napa' nach eñotatahuet allohuenet ñeñt' e'ñe po'ñoch ñeñt' atet eñotatenen Yompor po'ñoñ ñaña ora ñeñt' allpon eñotatenen Jesucristo ama't ñaña ñeñt' ora allpon gatyennet.

³ Atarrcha' cosheñtso'tsen ñeñt'cha' lleyatene' acheñenesha' añ ñoñets ñeñt' huetsa Yomporeshot ñeñt' yeñotatene' ñeñt'cha' atet perra esempo. Atarrcha' cosheñtso'tsa'yen ñaña allohuen ñeñt'cha' e'mñotene' añ ñoñets ñaña e'ñech ayemuetpo' enteñet, ora allpon ñoñets ñeñt' aquellcaret arr. Tarro'mar o' chapmoch allempoch etsotuerra añ ñoñets.

Atto Juanpa' quellcan cancherr ñeñt' anetser all apcha'yena allohuen ñeñt' ame'ñenaya Cristo

⁴⁻⁵ Napa' o'ch nequellconas carta allohuenacpas ñeñtes apcha'yetsa e'ñe same'ñeñof Yompor all ñeñt' po'poñe'ttsocma anets ñeñt' cancherr ñeñt' Asio'tsa'yen. E'ñe nehuom'cha'teñofoespa' o'ch notas: Yomporepa'chña semueraya epuet ñaña Puecamquëñ epuet ñaña Puechemer ñeñt' Jesucristo. Ñetepa'chña sebensare'tam'pene'. Añ ñeñt'ara Yompor ñeñt' chocma eñall, ama't ahuatoteñ chocma eñall ñaña ñeñt'ara ñeñt'cha' huerrtsa po'pocheño. Ñaña Puecamquëñ ñeñt'pa' ñeñt'ara cancherr ñeñt' sherba'yets e'ñe all po'conaño e'ñe po'poñe'ttsocma sherbenet. Ñaña ñeñt'ara Jesucristo ñeñt' atarr ayemuetpo' yenten ñeñt' ora allpon ñeñt' eñotateney; ñaña ñeñt'ara Jesucristo ñeñt' ñanom tanterrtsa puerromñoñ ñapa' amach alla rromuerre'te. Attoña pa'm'cha'tareter peñ allohuen ama't allohuen am'cha'tarete'chno añe patsro. Ya'ye'chochtatoñepa'ch ñeñt'ara Jesucristo ñeñt' atarr amorrentña, e'ñe ña puemorrenteñoeypa' attoña rroma yocop allochñapa' attoch ashataretta po'rras e'ñe yocop allochñapa' attoch e'ñe e'shohuaretterra yo'chñar. ⁶ Ñaña ñapa' attoña e'ñe cohuen aguëney attochña ya'm'cha'tarettapretera attochña yesherbapreterrñañ Pompor ñeñt' atarr Parets, attey ñerra'mrrate' ñeñt' corneshatets Partsocop. A'cohuentaterrapo'ch Jesucristo, am'cha'tarettepa'ch tayoteñ ama't erpronohuañen. Ñeñt'pa' attetepa'ch Yompor.

⁷ O'ch secueñ huerrach Cristo, oscha' a'suatam'perre'. Ama't allohuen acheñenesha'pa' entuapueretcha' e'ñe pa'c'lloyyotet. Ama't ñeñt' pata'te'pa' entuapueretcha' ñamet. Allempoña ñeñt' shonte' pa'namen acheñenesha' ñeñt' ye'cha'yetsa arr patsropa' ya'na'tapueretcha' e'ñe puellquëñofoet. Ñeñt'pa' e'ñech atet perra.

8 Yompor ñeñt nanac Parets ñeñt Yepartseshar yepen ñapa' chocma eñall, ama't ahuatoteñ chocma eñall, ñeñtpa' ñeñtara ñeñtcha' huerrtsa po'pocheño. Ñapa' atetña ot: "Napa' e'ñe pa'motroteñ eñallen atten ñerra'mrrate' quellec A ñeñt pa'moter pen alfabeto. Allempoteñña napa' chocma eñallen esempohuañencha' huañerr ñeñt allpon eñall, napa' atten ñerra'mrrate' quellec Z ñeñt all puen alfabeto." Añpa' allohua ñeñt atet toma'ntatena Cristo.

Atto Cristopa' orrtana Juan e'ñe po'cohuentaño

9 Te' napa' ñeñten sochetsa Juan o'ch alla noterserr. Napa' ñeñten e'ñe semo'nasheñ sephouenen sa. Napa' ñeñten semuerochtapretenaya e'ñe yame'ñeñoť Jesús. Ñaña e'ñe yeyemteñoť ñapa' e'ñech acopa es ya'huanten esheccha' ya'ncha'tarettapretera. Ñehua, napa' o'ch neñotatas ñeñt atet nepena na arr. Ahuañmo'cha napa' e'ñe neserrpare'teñoť Yompor po'ñoñ ñeñt atet eñotatenen Yepartseshar Jesucristo, añña ñeñt ne'moñe'tene'pa' o' huapore'tenneta' arr atarr allapa' all rrochpe'chañe'tollo ñeñt otenet Patmos. 10 Pamtarr allempo' chapa'muen aña yetro allempo' chocma yeyerpueña Yompor napa' neyerpueñoť ñapa' e'ñe machayota chorratna huomenc Yompor Puecamquēñ. Allempoñapa' machayota ne'm ñoñets huapa necha'ñoť. Atarr huomenc eñen atet ñerra'mrrate' poctor e'morrtetsa huomenc. Ñeñtpa' atet oten añ ñoñets:

11 —Napa' ñeñten ñanom eñallen, allempoteñña napa' chocma eñallen ama't esempohuañencha' huañerr ora allpon ñeñt eñall, napa' atten ñerra'mrrate' quellec A ñeñt ñanom huetsa alfabetot, arrohua all huañen alfabeto ñeñt yoten Z. Te' napa' o'ch notap ñeñt ora allpon ñeñtcha' negatyesañ añ poctetsa o'ch pequellca'yes pepa'illo allotpa' o'ch pemñe all anetsočno ñeñt cancherr ñeñt ap'cha'yetsa all pa'namen anetso ñeñt ame'ñetsa. Ñeñt ñanom añ pa'so'cheñ Efeso, allotpa' Esmirna, allotpa' Pérgamo, allotpa' Tiatira, ñaña Sardis, ñaña Filadelfia, allotpa' ñaña Laodicea. Ora añečno anetspa' ñeñt Asio'tsen.

12 Allempoña ne'muen atet ñoñetspa' nañapa' neptallsa o'ch neñch esesha'te' ne'ñorana'tenaya. Allñapa' nent cancherr ñeñt all orratenet huerare allo choyo'tenet ñeñtpa' oro ayečcataret. 13 E'ñe rrocho ñeñt cancherr all orratenet huerare all orrtena puesheñarr yacma ñeñtpa' Jesucristo ñeñtara Ñeñt Acheñetosets. Ashtamat, pa'shtampa' e'ñe chen pa'tcohua. Achanaret, po'chanarpa' orotommuen ñeñt allo chanena puesomapo. 14 Poñoť pue'chpa' e'ñe ora atarr huallama't atet ñerra'mrrate' carrnero pue'ch ñeñt e'ñe huallama't. Amapa' o'ch not pue'chpa' e'ñe ora huallama't atet ñerra'm senet ñeñt otenet nieve ñeñt atarr huallama't. Pa'cle'pa' atarr poptena atet ñerra'mrrate' tso' po'huorter nanac a'rrechatañ. 15 Pa'tacpa'cho'ña attecma poptena atet ñerra'm aser yachamuen. Allempo' eñorena e'ñe atet e'morrtena po'ñoñ atet ñerra'mrrate' shonte' oñ atarr huomenc ma'moreten. 16 Pot po'cohuenrotpa' orrenan cancherr ranto. Puenamo'tpa'cho'ña all orrtena cochell ñeñt emoshem'to'mar etsotañtareť. Ora pa'tsa'pot e'ñe atet poptena ñerra'mrrate' atsne' atarr huomenc a'rrechatañ.

17 Allempo' neñchpa' e'ñe nem'cha'na'teño'tpa' nañapa' o' nerrmosa patso e'ñe pa'tco. Neyorño'tpa' ama nepelleno ama't mamesha, cha nottena ñerra'mrrate' cho nerromuen. Tarraña ña potot po'cohuenrot a'p'lla'n, oten:

—Amach penñcha'tatsto, napa' ñeñfen ñanom eñallen, allempoteñña napa' ðhocma eñallen ama't esempohuañencha' huañerr ora allpon ñeñt eñall. ¹⁸Napa' ñeñfen ama arromñafeshayayno. Ama't nerromhua ahuaña tarraña te'pa' o' alla nocrrerra, amach alla nerromuerre'te ama't ahuata. Ñaña napa' nechen llave, ñeñt nehuamenc nepen alloch pomnaren nepen rromueñets ñaña ñeñtcha' aguërre' allohuen ñeñt rromuets. ¹⁹Te' þocoppa' añ poctetsa o'ch pequellca'y'es ora ñeñt allpon o' negatyeseþ ñaña allpon ñeñtcha' negatyerrperr ñeñtcha' atet perrtsa esempohuañen. ²⁰Ñehua, te'pa' o'ch neñotapñ ñeñt atet toma'ntena añ cançherr ranto ñeñt penten e'ñe notot necohuenrot ñeñt ama eñotenaye' penteno. Ñeñt cançherr rantopa' añ toma'ntena ñeñt cohuanþesyenahuet ora allohuen ñeñt name'ña'yenaya allemeñ ñeñt cançherr anetso ñeñt apçha'yetsa all. Ñaña ñeñt atet pent ñeñt ayeçhcatare't oroch all orratenet huerare, ñeñtpa' añ toma'ntena ora allpon ñeñt apçha'yetsa allemeñ anetso ñeñt cançherr ñeñt name'ña'yenaya.

2

Atto Juanpa' quellcan carta añecop ñeñt ame'ñetsa anetso Efeso

¹Ñeñt neserrpare'tatene' ñapa' alla oterrerr, ñapa' atet oten:

—An poctetsa o'ch pequellca' carta añecop ñeñt cohuanþene' allohuen ñeñt ame'ñetsa all anetso Efeso, o'ch þotanet atet: “Napa' o'ch nequellconas carta attoch neñotatas ñeñt atet otenes Jesucristo ñeñt orrene' cançherr ranto e'ñe all poto po'cohuenrot, ñeñtara Cristo ñeñt chope'chets rroçho e'ñe allo'tsen ñeñt ayeçhcatare't oroch all orratenet huerare. ²Ñaña'pa' atet otenes: ‘Napa' neñotuennas ñeñt ora allpon atet seþa'yena all. Napa' e'ñe nentuennas ñeñt allpon nanac setorra'yena ñaña allpon ñeñt e'ñe cohuen acoþa es sa'huanta'huanen. Ñaña napa' e'ñe nentuenas sapa' ama saguëne ñeñt ama cohuenaye' es pa'yetso. Sapa' atto setpatyeñ ñeñt otetseñ ñetpa' allsensare'teto' tarraña ñetpa' atta shecare'tenet. Attoña setpateño' o' señotanet ñetpa' atta shecare'tenset. ³Ñaña napa' neñotuenes ñeñt allpon semueroçhtena nocop ñaña atto e'ñe cohuen sa'huanta'huen mueroçhteñets, ama semuenme'cheñe allo setorraena. ⁴Tarraña ama't atteñpa' nentuennas paterr ñeñt ama cohuenaye' nentapretensio. Ñeñtpa' añ atto sapa' o'huañ e'ñe semorrennta ñeñt atet seþa ahuat allempo e'ñe errete' same'ñerna. ⁵Te'pa' o'ch notas, o'ch seyerpuerra atto ahuañmo'cha nanac cohuen semorrenntenna. Te'pa' ama atteye' sepeno. Añ pocte' o'ch alla soctape'cherr e'ñe cohuen attoch o'ch alla seperra cohuen ñeñt atet seþa allempo e'ñe ñenmañ same'ñenna. Ñerra'm amach ello soctape'cherr cohuen napa' tayecma o'ch ahuen o'ch neprratamþerres ñeñt atma'ntatare't socop ñeñtara ñeñt all orratenet huerare. ⁶Tarraña ama't atteñpa' napa' añña e'ñe cohuen nentuenas atto sapa' ama pocteye' senteno ñeñt atet þatse'tyen acheñenasha' ñeñt cotene' Nicolás poctapña. Napa'çho'ña ama pocteye' nenteno ñeñt atet þatse'tyenet sosya'tsañ. ⁷Ñeñt e'mñotene' añ ñoñetspa' çhapanetepa'ch pueyoçhreto ñeñt atet neñotatenanet na Necamquëño't, ora allohuen ñeñt pame'ñeño'tet ðhocma apçha'yenet allemeñ anetso'mar. Ñeñt metana'tue' allohuen pa'namen topateñtsoçhno, ñeñt ama nepuerramþerrayo, ñetñapa' naphuerranetcha' ñeñt no'patatenanet ñeñtcha' atarr yoña'huerret e'ñe

poctacma Nomporesho, allpa' e'ñech cosheñtso'tsenet. Ñeñña napa' o'ch not, napa' o'ch nemnaterranet attoch o'ch tsohmuerret añ tsach pu'er mer alloch corra'huerret e'ñe poctacma amach alla rromuerrete'te ama't ahuata.' " Arrpa' allohua huañ atet ot efeso'marneshacop.

Atto Juanpa' quellcan carta añecop ñeñi ame'ñetsa anetso Esmirno

⁸ Allempoña ñeñi neserrpare'tatene' ñapa' alla oterrnerr:

–Te'pa' o'ch pequellquërrerr carta añecop ñeñi cohuampene' ñeñi ame'ñetsa all anetso Esmirna, o'ch potanet atet: “Napa' o'ch nequellconas carta attoch neñotatas ñeñi atet otenes Jesucristo ñeñi ñanom eñall, allempoteñña ñapa' chocma eñall ama't esempohuañencha' huañerr ora allpon ñeñi eñall. Jesucristo ñapa' ñeñi rromhuats tarraña te'pa' o' alla betterra. ⁹ Ña te'pa' atet otenes: 'Napa' neñotuennas ora allpon ñeñi atet sepa'yena. Neñotuennas ñaña atto atarr sa'muerochtatarettena, ñaña atto atarr huocñañes. Ñehua, ama't huocñañsoñpa' Yomporeshot shonte' esocmañen ñeñi sechyen. Ñaña ñeñi se'moñe'tene' neñotuennas atto atarr sasare'tenset. Ama't otenetañ ñetpa' judionesheto' tarraña ñetpa' ama Yompo'reye' pueyochresha' penahueto; ñetpa' ña pueyochresha' penahuet oneñe' ama't allohuenet. ¹⁰ Amach yore'tatstaso muerochteñets ñeñicha' ahuen sehuapoya. Tarro'mar ñeñicha' seyottamñse' patanta'ttsos, ñeñipa' oneñesho't huena añecopña attoch topatuas ñerra'm po'ñochte' same'ñena. Puesheña'ttsos muerochtatasetcha' e'ñe charramat. Ama'tcha' muetsasetpa' añ pocte' o'ch serromapes atto same'ñena. Allochña napa' naphuerrescha' ñeñi no'patatensa alloch socrra'huerra e'ñe socsheñeshocmañen. Ñeñipa' ñeñifara noten po'poñ ñoñtso naphuerrescha' seprenio ñeñicha' socshatuerre' e'ñe poctacma. ¹¹ Ñeñi e'ñiñotene' añ ñoñtspa' chapanetepa'ch pueyochreto ñeñi atet neñotatenanet na Necamquëño't ora allohuen ñeñi pame'ñofo't chocma apcha'yenet allemeñ anetso'mar. Ñeñi metana'tue' allohuen pa'namen topateñtso'chno, ñeñi ama nepuerramperrayo, ñetpa' ama't puesheñarrofo'tepa' amach amñarefterreto coñcheñtso ama't ahuata. Ñetpa' amach alla rromuerreterro po'pocheño.' ” Arrpa' allohua huañ atet ot esmirno'marneshacop.

Atto Juanpa' quellcan carta añecop ñeñi ame'ñetsa anetso Pérgamo

¹² Allempoña ñeñi neserrpare'tatene', ñapa' alla oterrnerr:

–Te'pa' o'ch pequellquërrerr carta añecop ñeñi cohuampene' ñeñi ame'ñetsa all anetso Pérgamo, o'ch potanet atet: “Napa' o'ch nequellconas carta attoch neñotatas ñeñi atet otenes Jesucristo ñeñi orrtatene' cochell puenamot, po'cchellpa' ñeñi emoshen'to'mar etsotañtatare'. ¹³ Ñapa' te'pa' otenes: 'Napa' neñotuennas ora allpon ñeñi atet sepa'yena. Napa' neñotenes all seyçhena ñeñipa' all atarr añicha'noçhtena oneñe'. Tarraña ama't atteñpa' sapa' ama sequeçhpueno atto same'ñenna, ñaña chocma sa'meten atto same'ñenna, ama't e'ñe allempo muetsennanet ñeñi name'ñenaya ñeñifara Antipas ñeñi chocma neserrpare'tene' neñoñ sesho, allara ñeñi pa'netser peñ oneñe'. ¹⁴ Tarraña ama't atteñpa' napa' nentuenas coñe't ñeñi ama pocteye' nentapretenso ñeñi atet sepatse'tena. E'ñe all Pérgamo patanta'ttsos ama semno o'ch sequeçhpa' ñeñi pueyçhateñ pe't atet yeçhate't Balaam ahuat. Balaam ahuatpa' atet cotape'chatane't Balac attoch shecare'tane't israelena'tarnesha' allochñapa' attoch ñetpa' o'ch patse'tyenet ñeñi ama pocteye' enteno Yompor. Ñeñi atet patse'tyenet

ñeñtpa' atet pete't o'ch rrallme'chapretan po'poñ acheñ ñeñt po'yomporer pene' ñeñt aye'hcataret, ñerra'm esempo rrenet po'chets ñeñt muetsenet allo sherbeñet pueye'hcatar. Elloña allempo ñetpa' e'ñe pocshapreteñofetpa' o'ch agapanna'tet ama't ñeñt ama puetaporeyaye, allñapa' o'ch cañoresha'tenet. ¹⁵ E'ñe attecma seshopa'cho'ña patanta'ttsos atarr ashcaretēs ñeñtes puesheña'ttsos ñeñtes ama semno o'ch seque'chpoñ Nicolás poctapña ñeñt atet ye'chatenes ñeñt ama pocteye'. ¹⁶ Tarraña napa' o'ch notas, sequèchpa' ñeñt añ cotapñatser, o'ch alla soctape'cherr e'ñe cohuen. Ñerra'm amach ello soctape'cherro cohuen, napa' e'ñe tayecma o'ch ahuen o'ch neçllarenaneta' nocchello't ñeñt nenamo'tsen. ¹⁷ Ñeñt e'mñotene' añ ñoñetspa' çhapanetepa'ch pueyo'chreto ñeñt atet neñotatenanet na Necamquèñot ora allohuen ñeñt pame'ñeñofet çhocma ap'cha'yenet allemeñ anetso'mar. Ñeñt metana'tue' allohuen pa'namen topateñtso'çhno, ñeñt ama nepuerranperrayo ñetñapa' napanetcha' maná ñeñt'cha' pocrrañ perret ñeñt ama entpahuesho. Ñaña o'ch napanet mapyetoll ñeñt atarr huallamemen allo aquellcarettena so'chñets e'ñe etserra. Ñeñt'cha' agapue' ñeñt'pa' ñap'a e'ñotenan añ so'chñets ñeñt aquellcaret all.' " Arrpa' allohua huañ atet ot pérgamo'marneshacop.

Atto Juanpa' quellcan carta añecop ñeñt ame'ñetsa anetso Tiatiro

¹⁸ Allempoña añ ñeñt neserrpare'tatene' ñapa' alla oterrnerr:

—Te'pa' o'ch pequellquèrrre carta ñaña añecop ñeñt cohuam'pene' ñeñt ame'ñetsa all anetso Tiatira, o'ch p'otanet atet: “Napa' o'ch nequellconas carta attoch neñotatas ñeñt atet otenes ñeñt Yompor Puechemer, ñeñtara ñeñt pa'clle'pa' atarr a'rrechatañ atet ñerra'mrrate' tso' po'huorter, ñaña ñeñtara pa'tacpa' atarr poptena atet ñerra'm aser ñeñt bronce ñeñt atarr cohuen poptetsa. ¹⁹ Ñapa' te'pa' atet otenes: ‘Napa' neñotuennas ora allpon ñeñt atet cohuen sepa'yen, atto atarr semorrentannena ñaña atto atarr same'ña, ñaña atto atarr seyenpannena, ñaña atto e'ñe cohuen sa'huanta'huen ñeñt atarr echarr senten. Ñaña elloña allo'na sesen atet pa'nmue' ñeñt atarr cohuen enten Yompor. ²⁰ Tarraña ama't atteñpa' eñall paterr ñeñt ama pocteye' nentapretenso. Ñeñt'pa' atto sapa' semnateñ coyanesha' ñeñt sochetsa Jezabel atto ñapa' aña ye'chaten ñeñt ama cohuenaye' nenteno na. Ama't ñapa' oteneñ ño' a'ñtene' Yompor po'ñoñ tarraña ama atteyaye, ñapa' atta shecare'tenes ñeñtes torretsañ nocop. Ñaña ñapa' aña ye'chatenes ñeñt atto secañoresha'ten, ñapa' otenes ñeñt'pa' e'ñe pocte' enteñ Yompor. Ñaña aña ye'chatenes ñeñt atto serrapreten po'chets ñeñt muetsenet aye'hcataretoc, ñapa' otenes ñeñt'pa'cho'ña e'ñe pocte' enteñ Yompor. Tarraña Yomporñapa' ama't mameshapa' ama pocteye' enteñe. ²¹ Napa' atta necueñ allponmat, noten ñato' o'ch cotape'cherran cohuen tarraña teme'ttsenpa' ama mueno o'ch cotape'cherran cohuen. Ñapa' aña atarr cohuen enten atto cañoresha'ten. ²² Ñeñto'mar te' napa' o'ch nemnach o'ch atsna'ten attoch amach çha'nerro po'mayot. Ñaña ñeñt epuet atet penet ñerra'm ama cotape'cherreto cohuen attoch que'chpuenet ñeñt atet ye'chatenanet ña, ñetpa'cho'ña o'ch necoñchatanet na. ²³ Ama't ñaña puechoyoreshohuen napa' o'ch ne'nuerranet. Allochñapa' attoch allohuen ñeñt pame'ñeñofet ap'cha'yetsa allemeñ anetso o'ch eñochet ñeñt atetpa' ama apapahuo. Napa' e'ñe nentuennas ama't ñeñt atet soctape'chen seyo'çhro.

Napa' ñeñfencha' saphuerre' allpon ñeñt poctetsa e'ñe puesheña'ttsoapas, ñeñt allpon atet sepa'yen. ²⁴Tarraña po'potantañes ñeñtes tiatiro'marneshas sapa' ama socteññañe ñeñt atet yechaten coyanesha'. Ama't ñaña ñeñt otenet oneñe' poctapña ñeñt ama eñotpahuoyaye, puesheña'ttsa e'ñe etsotene' – ñeñtpa'cho'ña sapa' ama seycheñe. Ñeñto'mar te'pa' o'ch notas, napa' amach nenonaso po'poñ ñoñets ñeñt atarr echarr senten. ²⁵Añña notenes, amach sequehpatsche ñeñt atto soctape'chen cohuen Yomporecop, ama't tayoteñ ñaña esempohuañen allempoch nohuerra. ²⁶⁻²⁷Ñeñt metana'tue' allohuen pa'namen topateñtsochno, ñeñt ama nepuerramperrayo, ñeñt allo'na sets pa'nmue' ñeñt pocte' nenten na, ñetpa' naphuerranetcha' attoch añcha'taref entenanet allohuen pa'namen acheñenesha' ñeñt yecha'yetsa añe patsro. Ñeñtpa' atet Nomporecop apuenen ñaña. Neyorothenñoch añcha'nochtapreterrnetcha'. E'ñe po'huamencotet ñerra'm ñet muenats atarrcha' muerochtateret allohuen pa'namen acheñenesha' arr patsro. Ñeñtpa' o'ch netma'ntacha ñerra'mrrate' ñeñt echene' po'carr asrep, ñerra'm allo aso'tet patsro'pa' chach a'mllo'tstach e'ñe poctacma. ²⁸Ñeñt metana'tue' allohuen pa'namen topateñtsochno elloña ñetpa' napanetcha' ranto ñeñt atarr ateshamerr. ²⁹Ñeñt e'mñotene' añ ñoñetspa' chapanetepa'ch pueyo'chreto ñeñt atet neñotatenanet na Necamquëño', ora allohuen ñeñt pame'ñeñotet chocma ap'cha'yenet allemeñ anetso'mar.' ” Arrpa' allohua ñeñt atet ot tiatiro'marneshacop.

3

Atto Juanpa' quellcan carta añecop ñeñt ame'ñetsa anetso Sardiso

¹Allempoña ñeñt neserrpare'tatene' ñapa' alla oterrerr:

–Te'pa' o'ch pequellquërrer carta añecop ñeñt cohuampene' ñeñt ame'ñetsa all anetso Sardis, o'ch potanet atet: “Napa' o'ch nequellconas carta attoch neñotatas ñeñt atet otenes Jesucristo ñeñt e'ñe chorratena Yomporecop Puecamquëñ cancherr ñeñtara cancherr ñeñt sherba'yets. Ñetpa' po'poñe'ttsochma sherbenet. Ñaña ñeñtara Cristo ñeñt orrene' cancherr ranto. Ñapa' te'pa' atet otenes: ‘Napa' neñotuennas ora allpon ñeñt sepa'yen. Ñaña neñotuennas atto sa acheñenesha'pa' atet entensetañ ñerra'mrrate' e'ñe cohuen socrrera Yomporecop. Tarraña ñeñtpa' ama atteye' sepeno chaña sottena ñerra'mrrate' cho serromuen, amaña es sesherbenaña Yomporecop. ²Ama't atto same'ñenañ mame' tarraña ñeñtpa' allo'na sen huañuanmats. Napa' nentuenes ama setsotenoña ñeñt e'ñe pocte' enten Nomporecop. Te'pa' o'ch notas, e'ñechña seño'ta, o'ch alla setanterra Yomporecop. ³Chocmachña seyerpueña ñeñt atto aserrpare'tataretas ahuañmo'cho'teñ. Amach sepsatsche añ ñoñets ñeñt same'ñataya. Ñeñto'marña te'pa' añ poctetsa o'ch alla soctape'cherr cohuen Yomporecop. Ñerra'm ama atteye' sepeno napa' machayotach nohuernasa atet ñerra'mrrate' eñe'tpa' amach seño'teñe esempopa' machayotach huaponasa. ⁴Tarraña ama't atteñpa' all anetso Sardiso e'ñe puesheña'ttsaña ñeñt ama ye'chenaye sosya'tsañ ñeñt ama pocteye' enteno Yomporecop. Ñetpa' atet atma'ntatarettenet ama't pa'shtamuetpa' ama a'sosyateñeto. Ñeñto'mar ñetpa' e'ñe pocte' nentanet ñaña attochña nemnaterranet o'ch ye'chope'cherr e'ñe parro tarro'mar ñet ñeñt neshtamtatenanetpa'”

ama a'sosyateñeto, e'ñe cohuenarer orrtenet e'ñe huallama'tareret. ⁵ Ñeñt metana'tue' allohuen pa'namen topateñets ñeñt ama nepuerranperrayo, ñetpa' neshtamtaterranet shetamuets ñeñt atarr huallama't. Ñetpa' amach ne'sherraneto pa'so'cheñ all aquellcarennet Yompor po'libro attochña ñetpa' corretsetach. Ñetñapa' nechme'taterranetcha' ñeñt na Nompor ñaña allohuen po'mllañoñeñnashar. ⁶ Ñeñt e'mñotene' añ ñoñets çhapanetepa'ch pueyoçhreto ñeñt atet neñotatenanet na Necamquëñoñ ora allohuen ñeñt pame'ñeñoñet çhocma apçha'yenet allemeñ anetso'mar.' " Arrpa' allohua ñeñt atet ot sardiso'marneshacop.

Atto Juanpa' quellcan carta añecop ñeñt ame'ñetsa anetso Filadelfio

⁷ Ñeñt neserrpare'tatene' ñapa' alla oterrerr:

—Te'pa' o'ch pequellquërrerr carta añecop ñeñt cohuanpene' ñeñt ame'ñetsa all anetso Filadelfia, o'ch potanet atet: “Napa' o'ch nequellconas carta attoch neñotatas ñeñt atet otenes Jesucristo ñeñt e'ñe Parets ñeñt e'ñe po'ñoçh allohuen es oten. Ñeñtara Cristo ñeñt allsensaret ñach amcha'taretterrtsa e'ñe atet amcha'tarette't David. Ñato' o'ch netma'ntacha o'ch not ñapa' echenan David po'llave. Ama't erra'tsencha' o'ch toranpananet attoçh çhapanet Yompor po'cohuenña ama't eseshapa' amach errotenoñt alla epatare'terraneto. Ñaña ñerra'm ñach yottanperre' ama't eseshapa' amach errotenoñt toranpereto. ⁸ Cristopa' te'pa' atet otenes sa: 'Napa' e'ñe neñotuennas ñeñt atet cohuen es sepa'yen. Ama't ama tama ahuamencateso Yomporcop, tarraña ama't coñe'ta sheuamenc sepen çhocma same'ñennana neñoñ ñaña çhocma sa'meten atto same'ñenna ama sa'nasotenko. Neño'mar napa' o'ch netoranpñsona allcha' sa'potennan neñoñ, ñaña ama't eseshapa' amach errotenoñt alla yottanpernaso. ⁹ Ñaña añña ñeñt otetseñ ñetpa' judionesheto' — ñehua, ñetpa' ama Yomporaye' pueyoçhresha' penahueto tarro'mar ñetpa' aña pueyoçhresha' penahueto oneñe, ñetpa' atta shecare'tenset. Tarraña ñetña te'pa' o'ch name'ñatanet allochñapa' o'ch çhapanet pueyoçhreto sapa' ñeñets atarr nemorrentena. Neño'marña ñetpa' o'ch huapuet sesho o'ch concorpost allo'tsenes. ¹⁰ Sapa' e'ñe cohuen acoña setsoton allpon neñoñ, ama sa'ypo'ñenko na, ñeño'marña napa'çho'ña amach na'ypo'ñaso. O'ch necuanperres tarremphua allempoch mueroçhteñtsopoterra ñeñtcha' topaterre' ora allohuen acheñenesha' ñeñt yeçha'yetsa añe patsro. ¹¹ O'ch e'ñe mamerrrrpa' o'ch nohuerrnasa. Ñeñt atto allpon same'ñena o'ch e'ñe seño'tuanem amach sequeçhpatsche. Allochñapa' ama't eseshapa' amach errotenoñt puerratanpñsaso ñeñt no'patatensa ñeñtcha' atarr socshaterre'. ¹² Ñeñt metana'tue' allohuen pa'namen topateñtsoçhno ñeñt ama nepuerranperrayo ñetpa' amate' errotenoñt ahupore'taretterreto allot, ñetpa' e'ñe attet ñerra'mrrate' all orratenet pocoll ñeñt pa'paquëll pen Nompor ñeñt e'ñe huomenc echarr a'paret. Ama't eseshapa' amate' errotenoñt huapore'che. Ñaña e'ñe ñesheto napa' o'ch nequellcoñ Nompor pa'so'cheñ, allotpa' o'ch nequellcoñ ñaña Nompor pa'netser e'ñe allara ñesheto, ñeñtara pa'netser ñeñt soçheta Jerusaléñ, ñeñtcha' sohuerrtsa entot e'ñe etserrare'. Allotpa' o'ch nequellca' ñaña neso'cheñ all e'ñe ñesheto ñeñt e'ñe etserrare' neso'cheñ. ¹³ Ñeñt e'mñotene' añ ñoñets çhapanetepa'ch pueyoçhreto ñeñt atet neñotatenanet na Necamquëñoñ ora allohuen ñeñt

pame'ñeñofet ap'cha'yenet allemeñ anetso'mar.' " Arrpa' allohua ñeñt atet of filadelfio'marneshacop.

Atto Juanpa' quellcan carta añecop ñeñt ame'ñetsa anetso Laodiceo

14 Ñeñt neserrpare'tatene' ñapa' alla oterrerr:

—Te'pa' o'ch pequellquerrerr carta añecop ñeñt cohuanmpene' ñeñt ame'ñetsa all anetso Laodicea, o'ch potanet atet: "Napa' o'ch nequellconas carta attoch neñotatas ñeñt atet otenes Jesucristo ñeñt ama puenesho po'ñoñ. Ñeñt atet oteney Pomporecop ñeñt'pa' atet'cha' perrnay, ñaña ñeñt allpon oten, ñeñt'pa' e'ñe po'ño'ch atet, ñaña ñeñt'ara Cristo ñeñt ñanom eñall, allotña Pomporpa' ye'chcayes an allohuen ñeñt allpon eñall.

15-16 Cristoña te'pa' atet otenes: 'Napa' e'ñe neñotuennas ñeñt ora allpon atet sepa'yen. Tarraña sapa' se'ellaño'fetsetsa same'ñenna, ama e'ñe huomencaye' same'ñenno. Ñerra'm ama semno o'ch same'ña'na huomencpa' amachña same'ñatsetno ama't mamesha. Tarraña sapa' se'ellaño'fetsetsa same'ñenna. Ñato' o'ch netma'ntacha atet. Sapa' ama atteyaysa ñerra'mrrate' oñ ñeñt atarr sose', ñaña ama atteyaysa ñerra'mrrate' oñ ñeñt atarr atserrrasen. Sapa' atta sepena ñerra'mrrate' oñ ñeñt mamesha shorrsastetsa ñeñt nanac netsena'ten. Ñeñto'marña napa' e'ñe atet nentenes atet ñerra'mrrate' oñ ñeñt cha aya'pesatañena. Ñerra'm yorrpa' chach ya'pesatey o'ch ya'tatsera. Ñeñto'marña sapa' e'ñe atet nentenes chach nemneñ o'ch nehuapore'tamperres.

17 Sapa' ama't soteneñ año' es sepallteno e'ño' sechuen ora ñeñt allpon pocetsa socop e'ñe sa setaruasot. Tarraña ñeñt sherbets secamquëñecoppa' ama secheñe ama't coñe'ta. Napa' atta nentenes atet ñerra'mrrate' ñeñt nanac atsena'taret, atarrcha' amuerochtatarettena ñeñt e'ñe huocchañ ñaña aporo'yet attach muelle'mquën.

18 Ñeñto'marña na te'pa' o'ch noctape'chaterrres sa o'ch notas sapa' ñeñt sepalltena. O'ch senamuen nesho ñeñt po'ño'ch nanac sherbets secamquëñecop. Allochñapa' attoch sechuero shonte' esocmañen ñeñt e'ñe po'ño'ch sherbets. Ñeñt ama sherbetsopa' o'ch sa'ypo'ñer. Ñato' o'ch netma'ntacha atto allempo' atserrtatenet oropa' o'ch nohuanña a'yo ñeñt ama sherbetso allempo'ñapa' o'ch e'ñe orochayama ñeñt nanac sherbets. Ñeñt atarr sherbets atet ñerra'm oro ñeñt'cha'ña se'nenña nesho. Elloña napa' o'ch netma'ntatasa atet'cha' sepa, o'ch serañta nesho shetamuets ñeñt atarr huallama't. Allochñapa' ñeñt'cha' sechorrerra attoch o'huañcha' sepenca ñeñt atto semuelle'mquën.

Attoch serañtena ñaña quëll'yeñtsopar alloch separterr seclle' allochñapa' attoch secuerr o'ch senterra e'ñe cohuen. 19 Ñehua, allohuen ñeñt po'ño'ch atarr nemorrentenapa' chocmach e'ñe cohuen noctape'chaterranet ñerra'm esempo atpare'tennet. Ñaña erroteno allohuen ñeñt nemorrentena o'ch necoñchach mame', tarraña ñeñt'pa' e'ñe ñocueta allochñapa' attoch o'ch alla cotape'cherret cohuen nocop, o'ch alla ame'ñerrnet huomenc.

20 Señoche'pa'ch ñeñt'cha' atet netma'ntaterra. Napa' atet'cha' nepena ñerra'mrrate' esesha' ñeñt chocma chore'tets yetarrot. Ñerra'm eseshas se'mapuerrnan neñoñ ñaña ñerra'm setoranpenen, nañapa' o'ch nebe'tos all, allñapa' o'ch yerrallme'chen parro. 21 Ñeñt metana'tue' allohuen pa'namen topateñtso'chno ñeñt ama nepuerramperraye, ñetñapa' nemnatanet'cha' o'ch añcha'tarettapreterrnet e'ñe all neconaño. E'ñech attet ñerra'mrrate' na, napa' e'ñe nemtana'tua allohuen pa'namen topateñtso'chno. Ñeñto'marña

napa' na'mcha'tarettapreteña Nompör e'ñe all po'conaño. ²² Ñeñt e'mñotene' añ ñoñets çhapanetepa'ch pueyoçhreto ñeñt atet neñotatenanet na Necamquëño' ora allohuen ñeñt pame'ñeño'fet apçha'yenet allemeñ anetso'mar.' " Arrpa' allohua ñeñt atet ot laodiceo'marneshacop.

4

Atto Juanpa' entan Yompor po'conaño e'ñe alla pue'ntaño

¹ Allempoñapa' alla gatyerrnerr po'poñ. Necuerrerr, allñapa' nentos yetarr atoraret allcha' nebe'tos o'ch neçhap ento. Alla ne'muerrerr ñoñets ñeñt atet e'morrtsa ñorra' atarr huomenc atet ñerra'mrrate' poctor atarr huomenc eñen. Ñeñña ñoñetspa' atet oten:

—Apon arr, o'ch pebe'tosam'pesna o'ch negatyesa' allohuen ñeñtcha' atet perrtsa tsapatonet.

² Allempoña Yompor Puecamquëñ e'ñe chorrenna, atto neçhap ento all nentos puešeñarr alla anen po'conaño. ³ Ñeñt anets all po'conaño'pa' atarr nanac cohuen aspanamcoquëno poptamco'tena atet ñerra'mrrate' mapue' ñeñt atarr cohuen poptetsa ñeñt otenet jaspe. Ellonetpa' po'poñonfo atarr nanac cohuen tsamcoquëno poptamco'tena atet ñerra'mrrate' mapue' ñeñt otenet cornalina. Ña'ña allo arca'tam'penapa' ñeñt'pa'çho'ña atet ñerra'mrrate' ayon tarraña ñeñt'pa' atarr nanac cohuen aspano shemashro poptena; e'ñe atet poptena ñerra'mrrate' mapue' ñeñt otenet esmeralda.

⁴ Ña'ña to'ño'mar ñeñt rroçhtam'pene' all shonte' po'poñ conañeçhno. Ñeñt conañeçhno to'ño'tsa'yen ñeñt rroçhtam'pene' allo'tsen epoch çharr'a puechena pa'tats. Ña'ña ñeñt anorrçhets allohuen conañeçhno ñeñt'pa'çho'ña allo'tsen epoch çharrasheña puechena pa'tats ñeñt sherbene' Yompor all pue'ntaño. Coçhneshareret pa'shtam atarr huallama'tarer, po'choyo'met oro ayeçhcataret ñeñt choyo'mitenet. ⁵ E'ñe rroçh conañotpa' allot huena meratste', allot huena ña'ña tatste'. Allpa' atarr huomenc ma'moreten. E'ñe alla allame'tets po'conaño ñehuapof allot'sen cançherr huerare ñeñt huoretyets all. Ñeñt'pa' ñeñt toma'ntenaya Yompor Puecamquëñ ñeñt cançherr ñeñt sherba'yets e'ñe po'poñe'ttsocma. ⁶ E'ñe alla a'yenet po'conaño'f all orrtena erracmañen atet ñerra'mrrate' ñeñt añecmuen rerpat ñeñt e'ñe orrtatuene' ora ñeñt allpon eñall all.

Allot'sen po'conañ e'ñe pa'tatsshemto'marot all tomçhen pa'tats ñeñt berrma'ttetsa. Ñeñt'napa' shonte' pa'cllo'yechno emota cohua'yen. Pa'chco'tagotpa'çho' shonte' pa'clle' allot cohuen. ⁷ Ñeñt ñanom ñeñt berrma'ttetsa all, ñeñt'pa' e'ñe atet ñerra'mrrate' ma'ñor. Po'poñpa' allot'sen ña'ña atet ñerra'mrrate' toro, po'poñ pa'tsa'pot pa'clloyotpa' e'ñe atet orrtena ñerra'mrrate' acheñ. Po'poñ all orrtena attema't ñerra'mrrate' ñeñt otenet contor ñerra'm esempo anena. ⁸ Ñeñt pa'tatso'mar berrma'tpa' e'ñe apa'pa'yetarerochet, pate'tetspa' echenan peçhapa'ttsocmuet pa'pue' penet. Pa'pa'yot enotpa' e'ñe accllo'yetarerochet, puelleca'notpa'çho'ña accllo'yetareret emoto'mar allot cohua'yenet. E'ñe ellapenete't arepenete't all açhoteñet Yompor; ama't mameshapa' ama ameseneto atto açhoteñet Yompor. Ñeñt'pa' atet otenet:

Parets, parets, parets ñeñt'ara Yompor ñeñt atarr ahuamencat nanac ñeñt Yepartseshar yepen ñeñt çhocma eñall. Ama't ahuatoteñ eñall ña'ña ñeñt'ara ñeñt'cha' ello huerrtsa po'pocheño.

⁹ Ñaña ñeñ berrma'ttetsa allpa' cohuentateññañet Yompor ñeñ anets all po'conaño, atarr amcha'na'tpo' enteñet, ñaña chocma puema'yocheñoñet parasyoso'teñet Parets ñeñ ama arromña'afeshayaye ama't ahuata. ¹⁰ Ñetpa' ñerra'm esempo aye'chochtateñet Parets, añña ñeñ epoch çharrasheña ñeñ puechetsa pa'tats ñeñ sherbene' Yompor allpa' ñetpa'cho'ña o'chcho' concorpa'rrtenet e'ñe all ñesho, o'chcho' ma'yocheñet ñamet Yompor ñeñ ama arromña'afeshayaye ama't errponaña. Allotpa' o'ch a'meyet po'choyo'm o'chcho' net e'ñe Yomporeshonet ñeñ anets all po'conaño. O'chcho' aye'chochtateñet Yompor ñamet, ñeñtpa' atet otenet:

¹¹ Yompo, ñeñteþ Yepartseshareþ, ñeñteþ nanac Partsoþ, ya añ poctetsa o'ch yecohuentatonap ñeñteþ amcha'na'tpahueþ ñaña atarr ahua-mencateþ. Tarro'mar þa yechcatyene' ora allpon ñeñ eñall, e'ñe þa pemneñño' ahuo't eñalleyesa, e'ñe þa peñoño' ahuo't yechca'yena ñeñ allpon eñall.

5

Atto Juanpa' entan Cristo ñeñ atma'ntataret Carrnero, e'ñe ñapía toran Yompor po'libro

¹ Allempoñapa' alla necuererr ñeñ anets all po'conaño. Potot po'cohuenrotpa' all nent all orrenan libro apco'nottataret, e'ñe emoto'mar aquellca'huaret o'pono' ñaña enot. Echenan cançherr ñeñ allo ayomrraret atto e'ñe echarr aþaret. ² Ñaña all nent puesheñarr mellañofoñ ñeñ atarr ahua-menca't. Ñaña' rana huomenc, ñeñtpa' atet oten:

—Esesha'huaca' e'ñe cohuenare' cotape'chetsña Yomporcop ñeñcha'tore' añ Yompor po'libro allo echarr aþarettena.

³ Tarraña ama't puesheñarrapa' ama eñalle ñeñcha'tore' Yompor po'libro. Ama't puesheñarra ñeñ ento'tsen ñaña ama't ñeñ patso'tsen ñaña ama't ñeñ o'pono'tsen patso, ama eñalle ñeñcha' muenatet ñeñcha'tore' Yompor po'libro attoch eñorachet. ⁴ Napa' ñeñña atarr neyarre' atto ama't puesheñarrapa' ama neñche ñeñ e'ñe cohuenare' es cotape'chets Yomporcop ñeñcha' muenatet o'ch toran Yompor po'libro ñeñcha' eñorate'.

⁵ Allempoña ñeñ epoch çharrasheña ñeñ puechetsa pa'tats ñeñ sherbene' Yompor, puesheñarrñapa' oten:

—Amach peyhuaatsto, tarro'mar eñall puesheñarr ñeñ e'ñe pocte' ñeñcha'tore' Yompor po'libro ñeñ cançherr allo echarr aþarettena, tarro'mar ñapa' ñeñ metana'tue' allohuen pa'namen topatetñsoçhno, ñeññapa' añepa't Cristo ñeñfara atma'ntataret Ma'ñor. Ñeñtpa' judámerena'tar ñeñfara David po'mreneñ.

⁶ Necuererr, allñapa' nent Cristo ñeñ toma'ntenaya Carrnero. All ten e'ñe roçho allo'tsa'yen Parets po'conaño ñaña añ pa'tatso'mar ñeñ berrma'ttetsa ñaña e'ñe allo'tsa'yen ñeñ sherbene' Yompor. E'ñe rroçho all ten Cristo ñeñ atma'ntataret Carrnero. Orrtena atet ñerra'mrrate' carrnero ñeñ amt-sarettetsa ochñartsocop. Ñeñ carrneropa' cançherr po'ucor, echenan ñaña cançherr pa'clle'. Ñeñ cançherr pa'clle'pa' ñeñtpa' añ Yompor Puecamquëñ ñeñfara cançherr ñeñcha' sherba'yetses e'ñe po'poñe'ttsoçma ora errac-mañen añe patsro allcha' amñarefetyerret. ⁷ Allempoña añ Carrneropa' o' huapa o' çhap allo'tsen Yompor ñeñ anets all po'conaño. Ñaña' chetsosan

Yompör po'libro ñeñt orren po'cohuenrot. ⁸ O' chetan libropa' allempoña añ ñeñt pa'tatso'mar berrma't ñaña ñeñt epoch çharrasheña ñeñt puechetsa pa'tats ñeñt sherbene' Yompör, allohuenetñapa' concorpa'rrteñet Cristo ñeñt atma'ntataret Carrnero. Puesheña'ttsetpa' orrenet arpa ñaña pajo' ñeñt orotaten all anaret ñeñt atarr eñmosaítetsa Yomporecop. Ñehua, añ ñeñt eñmosaítetsa añ toma'ntena ñeñt atto ma'yochena ñeñt pueyochresha' pen Parets. ⁹ Añña ñeñt concorpa'rrtetsapa' ñetñapa' morrechenet ñeñt etserra morreñets ñeñt pa' atet achoteñet Cristo ñeñt atma'ntataret Carrnero:

Papa' e'ñe cohuenare' es pepa'yen ñeñto'mar e'ñe pocte' pach chete' Yompör po'libro, e'ñe pocte' pach tore' allo echarr aþarettena tarro'mar papa' pa' amsarettatsa, perrasoña papa' allo petsa'tuonaya yo'chñar allochñapa' attoch e'ñe puechemer perrey Yompör ama't allohueney ñeñtey pa'namen acheñey, ama't erra'tsena mereñtsorey allot yehuena, ama't ñaña erra'tsena ñoñtsor allo yeñosyen e'ñe po'poñe'ttsoçma, ama't ñaña pa'namenana'tarey allohuen errohua-nen ñeñt e'ñe ya'netser yeþa'yen.

¹⁰ Ñeñtey allohueneypa' þa yemnatene' o'ch ya'micha'tarettapretaþa attochña yesherbapreteneþ Yompör ñeñt atarr Parets. Attoña yecorneshaten Partsoçop. Ñaña attoch ya'micha'taretterra añe patsro.

¹¹ Allempoña alla necuererr o' ne'muererr mellañofeñnesha' atet eñosyenet. Shontet nanac che'muechenet all rroçhtamþeñet a'yohuen erraþaren. Ñaña ñeñt berrma'ttetsa all ñaña ñeñt sherbene' Yompör ñeñt allohuenet ma'potanto'maretpa' ñeñt e'ñe rroçhtampene' Yompör ñeñt anets all po'conaño. ¹² Ñeñt mellañofeñnesha' ñetñapa' e'morrtenet huomenc all achoteñet Cristo ñeñt atma'ntataret Carrnero. Ñeñt pa' atet otenet:

Cristo ñeñt toma'ntenaya Carrnero ñeñt amsarettatsa, ñapa' e'ñe cohuenare' es þa'yen ñeñto'marña ñapa' e'ñe pocte' ahuamencattena, agapanepa' shonte' esocmañen ñaña e'ñe pocte' eñotañtepa'ch, ñaña e'ñe pocte' partsoþepa'ch, ñaña e'ñe pocte' amcha'na'tpahuotepa'ch. Ñaña e'ñe pocte' ya'yecohuentateñoþ ya'ye'choçhtatoñepa'ch.

¹³ Allempoña ne'muerrerr atet ama't allohuen ñeñt Yompör pueyeçcatar aye'choçhtateññañet Yompör ama't ñeñt ento'tsa'yen ñaña ama't allohuen ñeñt patso'tsa'yen, ñaña allohuen ñeñt o'pono'tsen patso ñaña oño. Ama't e'ñe allohuen pueyeçcatar ñeñt allo'tsa'yen allohuenet aye'choçhtateññañet Yompör, atet otenet:

Ya'ye'choçhtatoñepa'ch Yompör ñeñt anets po'conaño ñaña Puechemer Cristo ñeñt atma'ntataret Carrnero. Amcha'na'tpahuopa'ch yenteñ, yecohuentatoñepa'ch tarro'mar ñetpa' atarr ahuamencatet tayoteñ ama't errponaño huen.

¹⁴ Ñaña ñeñt berrma'ttetsa pa'tatso'mar all ñetñapa' otenet:
—Ñeñt pa' attetepa'ch.

Ñaña añña ñeñt sherbene' Yompör ñeñt epoch çharrasheña ñeñt puechetsa pa'tats o' concorpa'rrtet all ma'yocheneñt Yompör ñeñt ama arromñafeshayaye.

6

Atto Cristopa' toran ñeñt cançherr allo echarr aþarettena Yompör po'libro

¹ Allempoñapa' nent Cristo ñeñf toma'ntenaya Carrnero attoch ñach tore' ñeñf can'cherr allo echarr a'parettena Yompor po'libro. Allempoña ñapa' o' tore paterr ñeñf e'ñe ñanom allo ayomrraret ñeñf libro. Allempoña o' tore, añña pa'tatso'mar ñeñf berrma'ttetsa, puesheñarrñapa' eños. Nañapa' o' ne'muerrerr ñeñf atet eñen huomenc, po'ñoñpa' e'ñe atet e'morrtena ñerra'mrrate' cho tatstena. Ñeñtpa' atet oten:
—¡Añon, pecue'!

² Naña necue'pa' nent paterr cahuall atarr huallañnanen. Ñeñña montenayapa' echenan paterr po'ca'not ñeñf orra'nen potot. Allñapa' apet paterr choyo'mets ñeñfcha' choyo'metnoma. Ñañaapa' ahuo' o'ch quellara'yena' o'ch e'ñe a'mchechuan ñeñf e'moñe'tyen.

³ Allempo torerranerr ñeñf puepañ allo ayomrraret Yompor po'libro, nañapa' alla ne'muererr ñeñf puepañ berrma'tpa' o' alla eñorerrerr. Ñeñtpa'cho'ña ñeñfara atet oterrerr:
—¡Añon, pecue'!

⁴ Allempoñapa' cha'nerrerr po'poñ cahuall, ñeñfñapa' atarr tsañnanen. Ñeñña montenaya allñapa' apet paterr espada atarr allpocha'p. Ñañaapa' o' muenateñet o'ch quellaratanna'tatan acheñenesha' arr patsro attochña muetsatanna'tatenanet. Attoña ñetpa' o'huañcha' muechet yeçhenet arr patsro.

⁵ Allempo torerranerr ñeñf puema'pañ allo ayomrraret Yompor po'libro nañapa' alla ne'muererr ñeñf puema'pañ berrma'tpa' o' alla eñorerrerr. Ñeñtpa'cho'ña ñeñfara atet oterrerr:
—¡Añon, pecue'!

Naña necuererrpa' nenterrerr po'poñ cahuall ñeñfñapa' atarr quellueñnanen. Ñeñf montenayapa' orra'nenan paterr pesamets. ⁶ Allo'tsa'yen ñeñf berrma'ttetsapa' e'ñe all rroçhotpa' ne'muererr ñeñf atet e'morrterrerr ñoñets, ñeñtpa' atet oten ñoñets:

—Paterr kilo trigopa' nanquëpa'ch tsa'teterr ama't ñeñf paterr denario*, ñaña ma'pa kilo cebadapa' nanquëpa'ch tsa'terra. Tsa'terrepach ñaña paterr denario. Tarraña olivose' ñaña vinospa' çhocmuepa'ch eñall, amach seprratam̄psatsetye.

⁷ Allempo torerranerr ñeñf puepa'tatseñ allo ayomrraret Yompor po'libro, nañapa' alla ne'muererr ñeñf puepa'tatseñ berrma'tpa' o' alla eñorerrerr. Ñeñtpa'cho'ña ñeñfara atet oterrerr:
—¡Añon, pecue'!

⁸ Naña necuererrpa' nenterrerr ñeñf paterr cahuall atarr shemashreñnaneno puerrama'ñnen. Ñeñf montenayapa' añ pa'so'cheñ Rromueñets. Ñeñf cotene' chenta'pa' añ toma'tena ñeñfcha' aguëne' allohuen ñeñfcha' rromuets. Ñeñtpa' aparet llesens añecop attoch a'cllatatan shonte' acheñenesha' arr patso. Ama't pashepañ pats, allpon otenet un cuarto, allponcha' a'cllatatuerran acheñenesha'. Ñeñtpa' atetcha' a'cllatatanet, quellareñtsoterrcha', chaporrñatsoterrcha', atснаñtsoterrcha', orrtetrach berr ñeñf atarr atsrre'mñat ñeñf atarr bellac arr patsro.

⁹ Allempoñapa' o' torerranerr ñeñf pa'mnareñ allo ayomrraret Yompor po'libro, naña necuererrpa' allñapa' nenterrerr altar ñeñf allecma

* 6:6 Denariopa' quelle ñeñf allpon tsa'tenet pamtarr ñeñf taruaset all pa'nyo.

a'crratete't ñeñt eñmosañtetsa Yomporecop. E'ñe all patsot altaro all nent shonte' camuecñetso'chno ñeñt amtsanatarettatse't all e'ñe pueserrpare'teño'fet Yompor po'ñoñ atto a'metete't ña'ña atto ame'ñeñet Cristo. ¹⁰ Añña ñeñt camuecñetso'chnopa' ñetñapa' rrannartenetpa' oteñet Yompor:

—Yompore ða atarr Partsoþ, atarr ayemuetpo' atet þoteny. Esemphoachca' peçoñchatuerña a'cheñenesha' all patsro, esempohuachca' petsa'tateraña ñeñt a'cheñer yemtsanataye't ñeñt patso'tsen. Añpa' allohua atet of camuecñetsnesha'.

¹¹ Ñetña puesheña'ttsetpa' aparettenet pa'shtam atarr huallama'tarer. Ña'ña ñetñapa' otaretet ato't e'ñe ameseta'. “O' mamesha'ña o'ch etsotua allpon po'potantañecop semo'nasheñ ñeñt'cha' amtsanatare'terrtserr ñeñtes e'ñe atecma sesherbñ Cristo.”

¹² Allempo torerranerr ñeñt po'pechapueñ allo ayomrraret Yompor po'libro ña'ña o' alla necuererrpa' nent ña'ña cha puetalle'chena pats huomenc. Atsne'ñapa' o' checmet atet ñerra'mrrate' shetamuets ñeñt atarr quellue ñeñt chorrena ñeñt atarr llequëtsa. Arrorrñapa' o' cha tsama'tta atet ñerra'mrrate' errasats. ¹³ Ranto'chno ña'ña ñeñt ento'tsa'yen allohuenpa' o'cha shor'cha'tua o' cha'cha't patso. O'ch netma'ntacha atet ñerra'mrrate' parte ñeñt e'meret o'ch huomenquëshatpa' pue'merñapa' o'ch a'shore'tamþesue huomenquëshá, ama't atarr emeñ pue'mer.† ¹⁴ Enetpa'cho'ña o' e'ñe chenca'hua atet ñerra'm papell eþaretpa' o'huañcha' orrta. Ama't ora allpon aspentarerpa'cho'ña o' e'ñe rrote'tyesuahua ñopa'tets. Ña'ña ora allohuen oñe'chno ñeñt rro'chpe'chañe'chno ñeñt'pa'cho'ña o' e'ñe rrote'tyesuahua. ¹⁵ Allempoñapa' allohuen a'cheñenesha' ñeñt ye'cha'yetsa añe patsropa' o' e'ñe e'potrra'tuet aroro'to'mar ña'ña mapuetpono'mar ñeñt aspentarero'tsa'yen. Ama't allohuen am'cha'taretnesha'chno o' e'ñe e'potrra'tuet, ña'ña allohuen ñeñt atarr sherba'yets, ña'ña ñeñt e'cllayorete'chno, ña'ña ñeñt pa'n'cha'tareter pen solltar, ña'ña ñeñt atarr ahuamenca't entyetsa, ña'ña ama't allohuen a'cheñ ñeñt ama esoye' enteneto ñeñt ataruasataret e'ñe atfa, ama't ña'ña allohuen ñeñt ama ataruasareteyaye ñeñt e'ñe cohueno'tsen, allohuenet e'ñe e'potrra'tuenet. ¹⁶ Allohuenetpa' chore'teñet aspenet ña'ña mapueta'chno atet otenet:

—Te'ñapa' yeñgata'mperrepa' attot'cha' e'poterrey attoch amach enterye Parets ñeñt anets all po'conaño allochñapa' amach errotenot coñchaterrye Cristo ñeñt toma'ntenaya Carrnero.

¹⁷ Tarro'mar te'pa' o' chap añ yetro allempoch yoro'chterra allempoch atsa'tataretterra allohuen a'cheñenesha'. Ama't eseshapa' amach errotenot ahuantoto'neto Yompor po'yoro'chenña.

7

Atto Israel po'mreneñ ñeñt'cha' ayato'ma'taretetyestsá

¹ Allempoña napa' nent mellañoñeñnesha' pa'tatssheña. E'ñe allohuanen pats, ñeñt pa'tats po'topñaro'mar allñapa' all tomyen puesheña'tets mellañoñeñ ñeñt pa'tatssheña. Ñeñt pa'tatssheña ñetñapa' ñet epatare'tenet mïorr pa'tatssheñto'marot allot huapyena mïorr. Allochñapa' attoch amach atarr mïorrarsamþeno añ patser, ama't ña'ña oñe'chno, ña'ña ama't patrra

† 6:13 Ñehua, Juanpa' añ toma'ntatena higo ñeñt puenarem penet all pa'nyo.

tsachpa' amach mōrrarsañpeno. ² Allempoña napa' o' alla nenterrerr po'psheññ mellañoñeñ, arr orrtena allot huena atsne'. Ñapa' añ orren yapets ñeññ alloch yanatan allohuen ñeññ pueyochresha' pen Yompōr ñeññ ama arromñafeshayaye ama't ahuata. Ñaña' rrana huomencpa' otan mellañoñeñsha' ñeññ pa'tatsheño'mar ñeññ añecop ahuamencattenet attoch ñetcha' pomnaren pet pats ñaña oñechno. ³ Ñeññpa' atet otanet:

—Amach erroť sepātsto añ pats ama't oñ ama't tsach ato'tña yeyato'ma'tueya' allohuen ñeññ torra'yetsa Yomporecop.

⁴ Allempoña ne'muerrerr ñeññ atet oteñet ñeññcha' allpon ayato'ma'tarettatsa. Ciento cuarenta cuatro mil ñeññpa' allpon otanet. Ñeññ ciento cuarenta cuatro mil acheñenesha' ñetpa' e'ñe po'poñe'ttsocmuet mereññsoret. E'ñe ñeñña mereññsorecmuet ñeññ çharrasheña puechena epa ñeññ pa'tañ pene' Israel ñeññ corratse't ahuat. ⁵ Ñehua, pate'tets mereññsorpa' allponsheña ñeññcha' ayato'ma'tarettatsa: Judána'tarpa' allo'tsencha' çharra' puechena epa mil acheñenesha'; Rubénna'tarpa'çho'ña allo'tsencha' çharra' puechena epa mil acheñenesha'; Gadna'tarpa'çho'ña allo'tsencha' çharra' puechena epa mil acheñenesha'; ⁶ Aserna'tarpa'çho'ña allo'tsencha' çharra' puechena epa mil acheñenesha'; Neftalína'tarpa'çho'ña çharra' puechena epa mil acheñenesha'; Manasésna'tarpa'çho'ña çharra' puechena epa mil; ⁷ Simeónna'tarpa'çho'ña çharra' puechena epa mil; Levína'tarpa'çho'ña çharra' puechena epa mil; Isacarna'tarpa'çho'ña çharra' puechena epa mil; ⁸ Zabulónna'tarpa'çho'ña çharra' puechena epa mil; Joséna'tarpa'çho'ña çharra' puechena epa mil; Benjamínna'tarpa'çho'ña çharra' puechena epa mil acheñenesha'.

Atto shonte' pa'namen acheñenesha' ñetpa' e'ñe huallama'tarerochet pa'shtam

⁹ Allempoña napa' o' alla nenterrerr shonte' acheñenesha', nanac che'muechenet ama e'ñotuenteno ñeññ allpon allo'tsen. Shonte' pa'namen acheñenesha'. Ñeññpa' pa'namen anetsot huacha'tyenet, shonte' pa'namen mereññsoret ñeññ huachetsa all, shonte' pa'namen ñoñets e'ñe po'poñe'ttsocma eñosyenet. Ñetña'pa' all tomchenet e'ñe ñehupoť allo'tsen Yompōr po'conañ allo'tsen ñaña Cristo ñeññ toma'ntenaya Carrnero. Ñetpa' e'ñe huallama'tarerochet pa'shtam. Pototetña'pa' añ orra'yenet atet ñerra m shequëpan. ¹⁰ Allohuenetpa' rranenet, otanet:

Yompōr ñeññ po'conaño'tsen ñapa' o' a'qeshpaterrey epuet ñaña Puechemer ñeññ toma'ntenaya Carrnero.

¹¹ Ñeññ berrma'ttetsa pa'tatso'mar ñaña ñeññ sherbene' Yompōr all, ñaña allohuen mellañoñeñsha' ñeññ tomçhets a'yohuen erraparen, ñetña allohuenetpa' e'ñe rroçhtañpuesueñet Yompōr ñeññ po'conaño'tsen. Ñeññ mellañoñeñsha' all rrema'rartenet Yompōr po'conaño atet ma'yocheñet Yompōr. ¹² Ñeññpa' atet aye'choçhtateññañet Yompōr, ñeññpa' atet otanet:

Attetepa'ch yocop ya'ye'choçhtatoñepa'ch, yecohuentatoñepa'ch, amuepa'ch ahuañaño atto eñotañtena Yompōr, yeparasyoso'chepa'ch, añcha'na'tpahuepa'ch yenteñ, amuepa'ch ahuañañaño ñeññ atto ahuamencattena Yompōr; añcha'tarettepa'ch tayoteñ errponohuañen. Ñeññpa' attetepa'ch.

¹³ Allempoña puesheñarr ñeñt sherbene' Yompor; ñaña'pa' a'pto'ten, atet oten:

—Papa' ¿ama't peñoteñeña esesha'chnote'ña ñeñt chorrenaya huallama'tarer, ñaña ama't peñoteñe erro'tte'ña huachenet?

¹⁴ Nañapa' atet noch:

—Amaca'ye Nompore neñoteñe. Pate'ca'yeña eñotene'.

Ñaña'pa' o' alla oterren:

—Añenesha' ñeñt chorrenaya huallama'tarer ñetña ahuanterret allempo orrterra pa'namen muero'chteñso'chno. Ñaña ñetpa' atto e'shohuarettet po'chñaret e'ñe Cristo po'rraso, ñeñtña ottetsa atet ñerra'mrrate' ñetpa' o' atsama'tarettet pa'shtam attoch e'ñe cohuen a'huallama'ttarettet pa'shtamuet e'ñe cohuen. ¹⁵ Ñeñto'mañña ñetpa' allo'tsa'yenet Yompor po'conaño. All chocma sherbeñet Yompor — ellapenete't, arepenete't sherbatset all Yompor pa'paclo. Yomporña ñeñt anets all po'conaño, ñachña e'ñe a'natenahuet e'ñe ñesho. ¹⁶ Ñetpa' amach muero'chterrete'te pa'chporrño'f ama't po'ñpaño'f. Ñaña ñetpa' amach erro'tenot chemuerranete'te atsne' ñaña amach a'mñechaterranete'te ñaña huerate'. ¹⁷ Tarro'mar Cristo ñeñt atma'ntataret Carrero ñeñt allo'tsen all Yompor po'conaño, ñachña cohuanpenahuet e'ñe atet ñerra'mrrate' carrero e'ñech cohuanpen pamo'mte'. Ñapa' chapatanetcha' all poten oñ ñeñtcha' apahuet attoch correnet errponañohuen. Yomporña ñach a'huañam'psahuet puellquëña ama't ahuatapa' amach yahuerrete'te.

8

Allempo Cristopa' toruan po'canchrron ñeñt allo ayomrrarettena Yompor po'libro allempoñapa' orrta ñaña puesheñarr mellaño'eñ ñeñt orrene' po'pajo' orotaten

¹ Allempoña Cristo ñeñt toma'ntenaya Carrero, ñapa' allempo e'ñe toruan po'canchrron ñeñt allo ayomrraret Yompor po'libro, e'ñe muetsoñeñtua poctacma pue'ntaño tematuanen. ² Allempoña napa' alla nenter-rer mellaño'eñnesha' ñeñt cancherrsheña ñeñt tom'chets e'ñe all Yompore-sho. Ñetña puesheña'ttset allpa' aparetet poctor. ³ Allempoña o' huapa po'psheñ mellaño'eñ. Huapapa' o' tomos all altaro. Añ altarpa' allecma a'crratenet tsach puese' ñeñtña atarr amostetsa all. Pamosoñña'pa' ñeñt atarr eñmosa'ttetsa Yomporecop. Ñeñt mellaño'eñpa' añ orren pajo' orotaten allcha' nenan ñeñtcha' eñmosa'ttetsa. Ñeñt mellaño'eñpa' allña apet shonte' eñmosa't ñeñtcha' eñmosa'ttate' ñeñt atto ma'yochena Parets pueyochresha'. Ñeñtña eñmosa'ttetsapa' ñeñtcha' net altaro ñeñt aye'chcataret oro ñeñt e'ñe ñehuapo'e'tsen Yompor po'conaño. ⁴ Ñeñt orram'pen mellaño'eñ eñmosa'tpa' cha amosoñe'chnen enonet allo'tsen Yompor, ñeñtña eñmosa'ttatene' ñeñt atto ma'yochena Parets pueyochresha'. ⁵ Allempoña mellaño'eñpa' cheter-ran pajo'pa' o' esha'tan tso' puecallamshor ñeñt cheta' altarot e'ñe e'chorran tso' pajo'. Allempoñapa' huapore'ch patso. Chap patsopa' meratstosa, tatstosa, e'morrtosa huomenc, pellatan pats.

Atto Juanpa' entan cancherrsheña mellaño'eñ ñeñt poctorets

⁶ Allempoña mellaño'eñ ñeñt cancherrsheña ñeñt epoctorerarer puesheña'ttsetpa' o' echantyeset po'poctor o'ch a'toret.

⁷ Allempoña ñeñt ñanom mellañoñeña' o' poctora', poctora'huatsapa' orrta ñeñt ma'po'mar ñeñtcha' ahupore'tarettatsa patso. Ñeñt'pa' añ hue' allotpa' ñaña tso' ñeñt tsetetsa errasatso. Atto ahupore'taretta patso allempo chap patsopa' e'ñe a'huortatuosan ñeñt allo'tsen all chap patso. Tso'ñapa' erraparen e'ñe a'poyuosan ñeñt allpon tsachečno ñaña allpon ta'tečno ñeñt allo'tsa'yen ama't allohuanen pats allpon ñeñt otenet la tercera parte.

⁸ Allempoña po'psheñeñ mellañoñeñ ñeñt puepaña' o' poctorerrerr. Poctora'huerrtserrpa' orrterrerr atet ñerra'm ñeñt nanac atarr aspenet. Ñeñt'ñapa' cha huorten. Ñeñt aspenetpa' ahupore'taretta sa'po. O'ña chap oñopa' erraparenña oñpa' puenasa errasats allohuanen oñ ñeñt allpon otenet la tercera parte. ⁹ Ñaña ñeñt allpon yechetsa all oño erraparen, e'ñe colla'hua, allpon colla'huatsa ñeñt otenet la tercera parte. Ñaña ñeñt allohuen botečno ñeñt chope'chyets all oño erraparen e'ñe chenca'huet, allpon chenca'huatsa ñeñt otenet la tercera parte.

¹⁰⁻¹¹ Allempoña po'psheñeñ mellañoñeñ ñeñt poema'pañpa' o' poctorerrerr. Poctora'huerrtserrpa' orrterrerr ranto ento ñeñt añecmuen atarrenñ. Shora'nerrerr cha huerarere'tnena. Chap allo'tsa'yen po'ñesočno ñaña allot potayen oñečno erraparen arr patsro. Ñeñt'pa' arrohua chap ñeñt allpon otenet la tercera parte. Ñeñt rantopa' añ pa'so'cheñ Peshrremñ. Chap allo'tsa'yen oñečno ñeñt'pa' cha a'pesherrtuosan oñečno erraparen arr patsro. Ñeñt'pa' allponohua a'pesherrtatan oñečno ñeñt allpon otenet la tercera parte. Oñ po'peshrroña ñeñtña a'cllatue'ña shonte' acheñenesha' all.

¹² Allempoña po'psheñeñ mellañoñeñ ñeñt puepa'tatseñ o' poctorerrerr. Poctora'huerrtserrpa' allempocma'chofe' errotetyesa atsne' ñaña arrorr ñaña rantočno, o' atañña checmetyeset. Ñetpa' allpon checmetyesets ñeñt allpon otenet la tercera parte. Ñeñt atto choyo'tenet yeto ñaña tsapopa' o'huañ atsnomyeset. Ñeñt allpon o'huañ choyo'tyeset yeto ñaña tsapo ñeñt'pa' allpon otenet la tercera parte.

¹³ Allempoña napa' o' alla necuererrpa' allñapa' nenterrerr po'psheñeñ mellañoñeñ ñapueñ all anoma'mtena ento allpononet. Allñapa' ne'muerrerr ñeñt atet eñosnom huomenc. Panoma'mteñoña' atet oten:

—Llequẽntsa-bee ñeñt allohuenacop ñeñt yecha'yetsa añe patsro. O' mame-shañña o'ch poctora'huerrerr po'poñ ma'psheño'mar mellañoñeñ.

9

Atto o' e'ñe ma'psheñaña mellañoñeñ ñeñtcha' poctorerrtserr e'ñe allohuanen

¹ Allempoña po'psheñeñ mellañoñeñ ñeñt pa'mnareña' o' poctorerrerr. Poctora'huerrtserrpa' nañapa' all nenterrerr ranto atarrenñ ñeñt shora'nmats entot o' e'ñe chap patso e'ñe atet orrtosa ñerra'm mellañoñeñ. Ñeñtña mellañoñeñ allñapa' apet paterr llave alloch toran allo'e'tañpsaret arrorot ñeñt atarr o'pononet arrorotena pats. ² Ñañapa' o' torañpsan arrorot. Ñeñtña arrorot allotña cha'nom amos shonte' atet ñerra'mrrate' cho chemue'chenet. Chepoten amos cha muene' emayenan ama't atsne', erracmañen chepoten, e'ñe chorren amos. ³ Atto atarr chepoten amospa' cha'nma'cha'tatan ñaña allot ahuañchenclla nanac shonte', pam'cha'tyesa erracmañen patso. Ñehua, ñeñt ahuañchenclapa' o' apet attoch epotaña

atet pena ñerra'mrrate' yellas ñeñ atarr epotañ. ⁴ Ahuañchencllaña' atet otaretta amach erroť patstano ta'te' ñeñ patso'tsen, amach erroť patstano ñaña tsach. Ama't ñaña allohuen ñeñ pa'namen chopyets aňe patsro amach erroť patsche. Añcha'ña erroť pa' acheñ ñeñ ama ayato'ma'tareteyaye Yompor pueyotsaparo. ⁵ Ama muenacheto o'ch muetsan ama't patra acheñ allempo. Ñeñ ahuañchenclapa' aña oteñet o'ch mueročhtatan acheñ amnarnña arorr. Ñeñpa' atetcha' atserrpanet atet atserrtena yellas ñerra'm cho epota'y. ⁶ Allempoña acheñenesha'pa' e'netcha' attoch rromuet tarraña amach erroťenot rromueto. Ama'tcha' atarr ya'ñametare'tenetaña' amach rromueto.

⁷ Ñeñ ahuañchenclla atet orrtena ñerra'mrrate' cahual allempo o'ch natyeñet attoch quellarachet. Poñpa' e'ñe atet orrtena ñerra'm choyo'mets ñeñ orotaten. Pa'clloyotpa' e'ñe atet orrtena ñerra'mrrate' acheñ. ⁸ Echet, pue'chpa' añecmuen atet ñerra'mrrate' coyanesha' pue'ch. Pa'spa' e'ñe atet orrtena ñerra'mrrate' ma'yarras. ⁹ Pa'tallpa' e'ñe atet orrtena ñerra'mrrate' asertall ñeñcha' moñenaya, amach etsoto allo saneñet. Ñaña ahuañchenclla ñerra'm esempo anomčhenapa' e'ñech atet e'morrtena ñerra'mrrate' shonte' carro ma'moretets allempo matateñ cahual huomenc attoch čhapuet allcha' quellaroset. ¹⁰ Pa'sme'llpa' e'ñe atet orrtena ñerra'mrrate' yellas pa'sme'll allot epotañtena. Pa'sme'llo'tsen puepotañer allot atserrpenan acheñenesha'. E'ñech amnarnña arorr mueročhtatenanet. ¹¹ Ñeñ ahuañchenclla ñetpa'cho'ña añ pa'ñcha'tareter penet mellañoñeñ ñeñ amčha'tarettetsa all allo'tsen aroroť ñeñ atarr aroroť o'pononet pats. Mellañoñeñ ñeñ pa'ñcha'tareter pen ahuañchenclla, hebreačhopa' añ socheñet Abadón; griegačhoñapa' añ socheñet Apolión. Ñeñ epo'mar so'chñets ya yeñoño ñeñ yoten amtsanatañ.

¹² Allempopa' met ñeñ ñanom ñeñ allcatañtetsa, tarraña señochepa'ch palltena po'poñ epa ñeñcha' allcatañterrtser.

¹³ Allempoña po'psheñeñ mellañoñeñ ñeñ po'pechapueñ o' poctorerrerr. Poctora'huerrtserpa' ñaña allpa' ne'muerrerr ñoñets ñeñ e'morrtsa altar pa'tatso'marot po'ucoroť. Añ altar ñeñ ayečhcatareť oro, ñeñtpa' e'ñe ñehuapoť'tsen Yompor po'conaño. ¹⁴ Ñeñña ñoñetspa' atet otenan mellañoñeñ ñeñ po'pechapueñ ñeñtara ñeñ o' poctora'huerrerr. Ñeñña ñoñetspa' atet otenan mellañoñeñ:

—Te'pa' o'ch pepyamper mellañoñeñesha' pa'tatssheño'mar ñeñ ehuan-carettetsa all ñeñ atarr po'ñeso ñeñ pa'so'cheñ Eufrates.

¹⁵ Ñehua, ñeñ mellañoñeñ pa'tatssheño'maretpa' añecop añño'tarettenet all atomat o'ch čhap allempo onañchareť allempochña ñetpa' o'ch a'cllatueret shonte' acheñenesha'. Ñeñ ora allpon acheñenesha' ñeñ yečha'yetsa arr patsro allponcha' colla'huerrtsa ñeñ allpon otenet la tercera parte. Te'pa' o' e'ñe etsotua ñeñ atet onañchareť ñeñ hora, ñaña ñeñ yetro, ñaña ñeñ arorro ñaña ñeñ chararo. Allempoña ñeñ mellañoñeñ pa'tatssheño'marpa' o' a'rroyaretterret. ¹⁶ Ñeñ mellañoñeñ pa'tatssheño'mar ñetña'p' ahuanmet po'solltarer ñeñ montayesnetsa puecahualloro. Nañapa' ne'muen allpon ñeñ atet oten ñeñ allo'tsa'yen. Ñeñpa' atarr aton shonte'. Ñeñ che'muechets all, allo'tsen doscientos millones solltarnesha'.

¹⁷ Ñeñ atet gatennet all nent ñaña cahuallečno, ñaña nent ñeñ atet orrtena ñeñ montenaya. Puesomapotpa' añ chorra'yenet asrom.

Patanta'tetspa' añ chorra'yenet tsamamuenare', po'potantañpa' añ chorra'yenet asollemamuenare', po'potantañpa' añ chorra'yenet shemashremamuenare'. Ñaña cahuallečno poñpa' atet orretyena ñerra'mrrate' ma'yarroto'. Puenamoñpa' allot čha'nen tso' huorte' epuet ñaña amos epuet ñaña ñeñt huoretnets shemashrepñeñen ñeñt otenet azufre. ¹⁸ Añña ñeñt čha'nets puenamot atsetaren ma'po'marpa' ñeñpa' ñeñña amtsañtetsa ñeñtča' a'cllatuerre' shonte' acheñenesha' ñeñt allpon otenet la tercera parte. ¹⁹ Ña po'huamenc allo muetsenan acheñenesha' ama puenamotayaya atet peno, añña ama't pa'sme'llotpa'čho'ña amtsañtena. Tarro'mar pa'sme'llpa' shechpeto' ñeñt poso'sme'll pen. Ñeñpa' alloña atserpenan acheñenesha'.

²⁰ Allpon acheñenesha' ñeñt qeshpatsa ñeñt ama muetsanato ñeñt amtsañtetsa ñetñapa' attera atpare'feñet Yompor. Ama cotape'cherreto cohuen attoch quechpuet ñeñt atet patse'tyenet sosya'tsañ. Ñetpa' attera mueneñet o'ch ma'yochyenet oneñeččno ñeñt ama cohuenayaye. Ñaña ñetpa' attera mueneñet o'ch yečcatatse'tyaset pa'namen ñeñtča' ma'yochenet atet ñerra'm oro ñaña quellema't, ñaña bronce, ñaña mapue', ñaña tsach. Allohuenet ñeñt yečcatyenet ñeñña po'yomporer penet, ñeñña ma'yochenet ama't ama enteno, ama't ama e'mueno, ama't ama chope'cheno. ²¹ Ñaña ama quechpueneto ñeñt atto muetsanna'tenet ñaña atto tsamñannenet ñaña atto nanac cañoresha'tenet ñaña atto etatsre'tanna'tyenet. Ora añečnopa' alloña ama cohuenaye' cotape'cheneto.

10

Atto Juanpa' entan puesheñarr mellañoieñ ñeñt orrene' po'librotoll

¹ Allempoña napa' o' alla nenterrerr po'psheñeñ mellañoieñ ñeñt atarr ahuamencattetsa. Ñaña' sohua'nena entot, e'ñe osot sohuanpena. Poñofñapa' añ arca'tampesnene' ayon. Pa'clloyotñapa' e'ñe atet poptena ñerra'mrrate' atsne' čho'yotetsa. Pa'tac pa'chepohuen ora atet orrtena ñerra'mrrate' tso' huortets enonet. ² Sohua'nenapa' orra'nenan po'librotoll. Ñeñña librotollpa' e'ñe cohuen atoraret ñeñt rremuen potot. O' čhap patsopa' pa'tacña po'cohuenrotpa' tomos oño, po'ptecañña ñeñt pue'chcoterotpa' tomos patso. ³ Allempoña tomospa' rranosa huomenc. Po'ñoñapa' e'ñe atet e'morrtsa ñerra'mrrate' ma'yarr tecoretsa. Atto rranosapa' e'ñe atet e'morrtena ñerra'mrrate' tecore' anapuene' ñeñt cančhroche'tats tecorena. ⁴ Allempoña e'morrta ñeñt cančherr tecore' napa' nemneñeñ o'ch nequellcañ ñeñt atet ne'm tecore', tarraña na allempopa' ne'muerrerr ñoñets all e'morrtena ento. Ñeñña ñoñetspa' atet otenen:

—Amach pequellcatsche ñeñt atet pe'mueñ tecore' čochña pa'nasocha.

⁵ Allempoña añ mellañoieñ ñeñt tomosets oño ñaña patso, ñaña' echantosan pot enonet po'cohuenrot. ⁶ Añña eñosospa' e'ñe huomenc nosan po'ñoñ Yompor pa'so'chño, ñeñpa' atet otos:

—Yompor ñeñt ama aromñañeshayaye ñeñt yečcate' enet ñaña ora allpon ñeñt allo'tsa'yen pue'ntaño, ñaña ñeñt yečcate' pats ñaña ora allpon ñeñt allo'tsa'yen po'patsño, ñaña ñeñt yečcate' oñeččno ñaña ora allpon ñeñt allo'tsa'yen pueyečcatareso, ñaña' entenen ñeñt atet noten te'

ñeñtpa' e'ñech po'ñooh atet perra. Te'pa' amach alla yecuame'tere'te atomatuanen. ⁷ Ñerra'm esempoch poctorerrerr po'psheññ mellañoñeñ ñeññ po'cançhroñpa' allempochña e'ñe etsotuerra Yompor poctaþña ñeññ ama e'ñeye' eñotpahuoyaye ama't ahuatoteñ ama't allempo ñanom eñotatyesane't ñeñtcha' a'mta'yese't po'ñoñ ñeñtara ñeññ nanac torra'yestse't ñocop. Allohua ñeññ atet eños mellañoñeñ.

⁸ Allempoña napa' o' alla ne'muerrerr ñoñets ñeñtara ñeññ atet ne'm ñorra' ñeññ e'morrtetsa pue'ntañot, alla oterrerr:

—Te'pa' o'ch peponemña mellañoñeñ ñeññ tets oño ñaña patso o'ch pechtosñañ potot po'libro ñeññ e'ñe cohuen atoraret.

⁹ Nañapa' ahuen allo'tsen mellañoñeñ, nechap ñeshopa' notos:

—Te'pa' o'ch þapuen pelibrotoll.

Ñaña'pa' atet oten:

—Añca'ye peyore o'ch perre'. Penamo'tpa' atarrcha' nanac puetsarr pe'm atet ñerra'm pets po'moñ, tarraña ñerra'm o'ch çhap þatopa' atarrcha' pesherr pe'm.

¹⁰ Allempoña napa' o' nechtosñañ po'libro pototpa' o' nerre'. Allempo nerruepa' nenamo'ña atarr puetsarr ne'm atet ñerra'm pets po'moñ tarraña allempo çhap na'topa' atarr pesherr ne'm. ¹¹ Allempoña napa' o' alla oterrerr:

—Te'pa' añ pocte' o'ch alla peserrpare'terrerr ñeñtcha' atet etsotaterr Yompor esempohuañen. Añcha' peserrpare'tyes ñeñtcha' atet perra shonte' pa'namen acheñenesha' ñaña atetcha' perra pa'namen anetso'marnesha' ñaña atetcha' perra pa'namen mereñtsoreçhno ñeññ eñosyets po'poñe'ttsocma ñoñtso ñaña atetcha' perra pa'namen añcha'tareteçhno.

11

Atto epsheña ñeññ pueyochresha' pen Paretpa' ñetcha'ña eñertset Yomporecop

¹ Allempoña napa' apnet tepapets ñeññ atarr allpocha'þ e'ñe atet ñerra'm carrots. Ñaña allpa' atet otnet:

—Te'pa' o'ch ahueþ o'ch petpueññaña' Yompor pa'paquell allo, ñaña altar ñeññ allo'tsen. Ñaña o'ch pe'ñotena' errosheña'te' ñeññ ma'yochetsa all.

² Tarraña amach petpanñpsatscheña ñeññ a'yote'tsa'yen cha'petot. Tarro'mar all ñetpa' aparettetcha' po'poñ acheñ ñeññ ama ame'ñetso. Ñetña'pa' a'tma'terretcha' all anetso ñeññ anaret Partsocop. Pa'tatsoch çharrña puechena epña arrorr allponmatcha' a'sosyateñet all ñeññ anarettetsa Partsocop. ³ Ñaña allempopa' o'ch nemñe epsheña ñeññ neyochresha' nepen. Nach ahuamencat þahuet attoch a'potet ñeñtcha' atet perra esempohuañen. Mil doscientos sesenta ye't allponmatcha' serrpare'tennanet neñoñ. Puelquẽño'tet chorretcha' pa'shtamashe'm. Arrpa' allohua ñeññ atet otnet all Yompor pue'ntaño.

⁴ Ñehua, añ epsheño'mar ñeñtcha' eñerrets Yomporecop ñetpa' atma'ntatarettenet epcha olivoch ñaña epa all orratenet huerare ñeññ e'ñe tomçhets all Yomporesho, ñeñtara Yompor ñeññ pomnaren þohuene' allohuen acheñenesha' arr patsro. ⁵ Ñaña añ epsheña ñeñtcha' eñerrets Yomporecop, ñerra'm ama't esesha ñeññ muenene' o'ch erro't pet añ epsheña, ñetña'pa' puenamo'tpa' o'ch çha'nmatet tso' huorte' ñeñtcha' e'nue' ñeññ

e'moñe'tenahuet. Ñeñto'mar yeñoteñ ñerra'm esesha' e'moñe'tenahuet, ñetñapa' e'ñech rromhuet poctacma. ⁶ Ña'ma añ epsheña ñeñtcha' eñerrets Yomporecop, ñetpa' atarrcha' ahuamencatet. E'ñe ñet po'huamencot epatare'teñet o' entot attotcha' ama huateno e'ñech allponmat eñorenet Yomporecop. Ña'ma e'ñe ñet po'huamencot oññapa' o'ch a'pnaseret errasats. Ña'ma e'ñe ñet po'huamencot o'ch çhapterret añ arr patsro pa'namen ñeñtcha' amtsañterrtsa. Ama't esempo allempo atet muenenet ñet, allempocmach atet pet. ⁷ Tarraña ñerra'm esempoch e'ñe e'nuet ñeñtcha' allpon eñoret arr patsro, allempoñapa' o'ch çha'nom ña'ma ñeñt berrma'ttetsa ñeñt atarr bellac. Arrotcha' çha'nom arrotot ñeñt atarr o'pononet arrottena pats. O'chña çha'nompa' o'ch quellarosañ añ ñeñt epsheña ñeñtcha' eñerrets Yomporecop. Ñeñt berrma'ttetsa ñachña ganatsa o'ch muetsañ añ ñeñt epsheña. ⁸⁻⁹ Añña epsheña ñeñt amtsaretpa' attach o'shshe'muet toño allecma chopeñe'chen allohuen acheñenesha'. E'ñe ma'pamuet ña'ma po'poñ pueshmet yet allach o'shshe'muena all atarr anetso, ñeñtara anetser Jerusaléñ all corso'tamñset Yepartseshar Jesucristo ahuat. Ñeñña anetserpa' ñato' o'ch netma'ntacha ñerra'mrrate' ñeñt atet pete't anetso Sodoma ña'ma anetso Egipto. Añña epsheña ñeñt amtsaret attach o'shshe'muet all amach esesha' muenateto o'ch pampuet. Allñapa' allcha' huachena shonte' pa'namen acheñenesha' ñeñtcha' cohuanrrortene', shonte' pa'namen mereñtsoreçhno ñeñt eñosyets po'poñe'ttsoçma ñoñtso. Shonte' pa'namen anetsoçhno allot huachena. ¹⁰ Acheñenesha' ñeñt yeçha'yetsa errañaren arr patsro ñetñapa' o'ch coshame'tamñesyets añ epsheña arromña. Atarrcha' nanac cosherret. Pocsheñeshoçetña ñetpa' o'ch es apanna'tyeset e'ñe atta. Ñetpa' añecopcha'ña atarr coshenet tarro'mar o' rroma añ epsheña ñeñt atsrre'moçhen entenet ñeñt yore'tatenahuet po'chñaret e'ñe pueserrpare'teñotet Yompor po'ñoñ. ¹¹ Allempoña o'ch met ma'pamuet ña'ma po'poñ pueshmet yet, añña ñeñt epsheña machayotepa'tcha' alla tanterret tarro'mar Yomporna' alla tantaterre'. Allohuen acheñenesha' ñeñt cohuanrrortene'pa' atarrep'a'tcha' nanac yorenent. ¹² Allempoña tanterret epsheño'maret, e'muet ñoñets ñeñt e'morrtsa atarr huomenc entot. Ñoñetsñapa' atet otenanet:

—Sa'tap arr ento.

Ñetñapa' o'çho' a'tapuet, ospa' ñeñña anmahuet ento. ¹³ Cohuanrrortets ñeñt e'moñe'tenahuetpa' e'ñe allempocmaña pella pats huomenc. Allña anet-sopa' shonte' matna't pocoll, allpon otenet la décima parte. Ña'ma cançherr mil acheñenesha' ñeñt allpon colla'huatsa. Ñeñña allpon queshpatsapa' atarr yorenent. Pueyorñofetpa' e'ñe allempocma añcha'na'tpo' eñchet Yompor ñeñt pue'ntaño'tsen. Allñapa' cohuentatoñet.

¹⁴ Allempoña o' metuaña ñeñt puepañ ñeñt allcatañtetsa, tarraña señoçhepa'ch palltena po'poñ paterr ñeñtcha' tecma allcatañtatsa ñeñtcha' puema'pañ.

Allempoch poctora'huerr mellañoieñ e'ñe allohuanen allempochña amcha'taretetuerra Yompor arr patsro

¹⁵ Allempoña po'psheñ mellañoieñ ñeñt po'cançhroñpa' o' poctorrerrr ña'ma. Poctora'huerrtserrpa' entoñapa' atarr huomenc e'morrterrerr ñeñt eñoretsa all ento. Ñeñtapa' atet otenet:

Ñeñt̄ allpon am̄cha'taretetyetsa arr patsro te'ñapa' o'huañcha' allo'na am̄cha'taretetnenet tarro'mar ñeñt̄ atto am̄cha'taretetyenetpa' ñeñt̄pa' allochña am̄cha'taretterra Yompor epuet ñaña Puechemer ñeñt̄ Cristo. Ñeñt̄cha' atto am̄cha'taretterra Yomporpa' ñeñt̄pa' amach ahuañañat̄terro ama't errponaña.

16 Allempoña añ ñeñt̄ epoch çharrasheña ñeñt̄ puechetsa pa'tats ñeñt̄ anorrçhëts all e'ñe ñet pō'conañeto allot sherbeñet Yompor all pue'ntañ, ñetñapa' rrema'rrartenet Yomporeshonet atet ma'yocheñet Yompor.

17 Ñetñapa' atet otenet:

Pa Yompor ñeñt̄ep̄ atarr nanac Partsoḡ ñeñt̄ep̄ Yepartseshar yepeneḡ, ñeñt̄ep̄ çhocma eñalleḡ ama't ahuatoteñ ñaña ñeñt̄ep̄cha' alla huerrtserr po'pocheño añe patsro, yañapa' atarr yeparasyoso'teneḡ tarro'mar te'pa' o'ch alla po'paterra ḡa pehuamenc atotcha' o'ch alla atarr ḡa'm̄cha'taretterra.

18 Shonte' pa'namen acheñenesha', pa'namen anets allo'tsa'yenet, ñet pa'tsre'mueño'fetpa' e'ñe e'moñe'tuenpet, tarraña te'pa' o' çhap allem-poch peçoñchatuerranet. Ñaña te'pa' o' çhap allempo onañcharë añecop ñeñt̄ colla'huetsa ahuatoteñ allempoch peñotatuerranet ñeñt̄ atet ḡa'yese't̄. Añña ñeñt̄ torra'yestse't̄ atto a'mtonapete't̄ peñoñ ñeñt̄ e'ñe peyochresha' pepe't̄, te'ñapa' o' çhap allempoch psetsuerranet. Ama't allohuen ñeñt̄ pame'ñaye't̄ ḡa ama't ñeñt̄ atarr asherben entyese't̄ ñaña ñeñt̄ ama asherben entete'te, te'ñapa' o' çhap allempoch psetsuerranet allohuenet ñeñt̄ pame'ñenaya ḡa. Ñaña te'pa' o' çhap allempoch e'ñe ḡa'chencatuer allohuen ñeñt̄ a'chencatañtetsa añe patsro.

19 Allempoña añ Yompor pa'paquëll ñeñt̄ ento'tsenpa' e'ñe cohuen atorarettena. O'ponoña all nentoñ Yompor po'tsapot all çhocma añño'tenet ñeñt̄ aquellcare't̄ ñeñt̄ a'poc'tat Yompor yocop. Allñapa' meratstena, tatsllaren ma'moreten huomenc, pellená pats ñaña atet huechen huomenc.

12

Atto Juanpa' entan puesheñarr coyanesha' ñeñt̄ emaret, pue'maretollpa' ñeñt̄ara Cristo, añyaññapa' mueneñeñ o'ch añyañpes pue'maretoll

1 Allempoña all pue'ntañopa' all orrtena ñeñt̄ ama't ahuata ama't puesheñarro'feyapa' ama yentare. Ñeñt̄pa' ñeñt̄cha'ña yeñotaterre' ñeñt̄cha' atet perra esempohuañen. Allñapa' all orrtena puesheñarr coyanesha'; añ po'cashe'm pen atsne'. Pa'rrpoñapa' allo'tsen ñaña arrorr. Poñoñapa' echoyo'met. Po'choyo'mopa' all orrtena çharra' ranto puechena epa.

2 Ñeñt̄ña coyanesharpa' a'chomen, o' then allempoch eñalletatan pue'mar. Atto atsotenana pue'marpa' cha rranare'tena, atarr allpatateñ pue'mar.

3 Allempoña all pue'ntañ all orrtena po'poñ ñaña ñeñt̄ ama't ahuatapa' ama yentare. Ñeñt̄pa' añ orrtetsa añyañ ñeñt̄ atarr am̄cha'nochen. Ñeñt̄ añyañpa' atarr añecmuen ñaña atarr tsama't orrtena. Poñpa' cançherrñaga. Cançherrñago'mar poñpa' e'ñe echoyo'metareroche'. Ñaña po'ucorpa' allo'tsen çharra'. 4 Pa'sme'll ñeñt̄ chetare'tnen alloña tarra'huanenaña shonte' rantoçhno e'ñe a'shore'tuaneñ patso. Ñeñt̄ allpon ranto ñeñt̄ ento'tsen, allpon a'shore'tuaret̄ ñeñt̄ otenet la tercera parte. Ñeñt̄ña añyañpa' alla tomos e'ñe coyanesheho ñeñt̄ atsotenaya pue'mar all

cohuen ñerra'm o'ch eñalletatan pue'marpa' ñach añañpse'. ⁵ Allempoña coyanesha'pa' o' eñalletatan pue'mar ñeñtpa' asheñorr. Allempo eñalletua ñeñt asheñorrofolpa' e'ñe allempocma a'tapachet Yompor po'conaño tarro'mar ñapa' ñach anaretterrtsa ñeñtcha' amcha'taretterrtsa allohuen pa'namen acheñenesha'cop. E'ñech po'yorochenñot amcha'taretterranet, atet ñerra'mrrate' ñapa' a'sreperet o'ch amcha'nochtana'terranet. ⁶ Allempoña coyanesha'pa' allorocma o'yeta o'chap allapar all amarañot. Allña Yomporpa' e'ñe cohuen añño'tatoñ allcha' cohuampeñet allcha' rrateñet allponmat yet ñeñt otenet mil doscientos sesenta yet.

Atto quellarenet Yompor pue'ntaño

⁷ Allempoña quellarenet Yompor pue'ntaño. Ñeñt pa'mcha'tareter pen allohuen ñeñt e'ñe cohuen mellañoteñnesha'pa' añ pa'so'cheñ Miguel. ⁸⁻⁹ Miguelñapa' all quellara po'mllañoteñnasharohuen. Quellareñet añañ, añaññapa' o' quellara ñaña pueyochreshohuen. Miguelpa' chetanna'tet parro epuet añañ all Yompor pue'ntaño. Ñehua, ñeñt pueyochresha' pen añañ ñeñtpa'cho'ña mellañoteñnesha' tarraña ñeñt mellañoteñnerpa' ama cohuenayaye. Tarraña añañ atto quellaran Miguelpa' ñapa' ama gano. Ñeñto'marña añañpa' huapore'chet entot pueyochreshohuen a'shoraretterret patso. Attoña ahuapore'tarettaña añañ ama't atarr nanac amcha'nocheneñ. Ñehua, añañpa' ñeñt shechep ahuatoteñ ñeñtara yoten oneñet ñaña ñeñt otenet Satanás ñeñt atarr ashcañtetsa ora erraparen añe patsro.

¹⁰ Allempoña napa' o' alla ne'muerrerr po'poñ ñoñets ñeñt atarr e'morrtsa huomenc all Yompor pue'ntaño. Ñeñt ñoñetspa' atet oten:

—Te'ñapa' po'ño'ch o' chap allempoch queshpa'huerra allohuen acheñenesha' ñeñt pueyochresha' pen Yompor, tarro'mar o'ch alla o'paterrana po'huamenc e'ñe poctacma o'ch alla amcha'tareterra ñapuef epuet Puechemer ñeñt Cristo ñeñt nen ña ñeñtcha' amcha'tarettapretenaya. Añ oneñet ñeñt chocma atta toma'tam pesyene' masheñnesha'chno all Yomporesho yeto ama't ñaña tsapome'tets ñeñtñapa' o' ahuapore'taretta.

¹¹ Ñeñt masheñnesha'chnor ñeñt ame'ñenaya Yompor, ñetñapa' o' e'ñe a'mchechueret oneñet ñeñt toma'tam pesyenahuet e'ñe atta. Añ a'mchechaterre' ñeñt atto Cristo roma, ashataretta po'rras ñeñt toma'ntenaya Carrnero ñeñt muetsete't ochñartsocop. Ñaña añ a'mchechaterre' ñeñt atto masheñnesha'chno chocma eñosyenet e'ñe cohuen ñeñt atet pena Cristo po'cohuenna. Ama't amuerochtataretetyenetpa' ñetpa' ama quechpueñeto atto eñosyenet e'ñe cohuen Cristocop, tarro'mar ñetpa' ama mecha'teneto ama't mamesha o'ch rromuet e'ñe pame'ñeñotet Cristo. ¹² Atarr cosheñets Yompor pue'ntaño allohuenacop ñeñt allo'tsa'yen. Tarraña atarr llequëñets allohuenacop ñeñt yecha'yetsa añe patsro ama't ñaña ñeñt oño'tsa'yen. Tarro'mar oneñetpa' o' sohuamperanet e'ñe pa'tsrre'mueñesha'. Ñapa' eñoteñ e'ñech mameshapa' o'ch alla ahuapore'tareterrerr.

Atto añañpa' attera cotare'tenan coyanesha' ñeñt o' eñalletatuan puechoyor

¹³ Allempoña añ añañ ñeñtara oneñet o' eñota ñapa' o' ahuapore'taretta entot, ña pa'tsrre'mueñotpa' o' alla cotare'terranerr coyanesha' ñeñt o' eñalletatuan puechoyor asheñorrofol. ¹⁴ Tarraña coyanesha'pa' allempo

cofare'tererr añyañpa' ñeñña coyanesha'pa' o' apet eppa'ya pa'pue' ñeññ atesha' contor pa'pue'. Ñeñtpa' alloch anomam̄psana po'yallop̄ ñeññara añyañ o'ch sa'nem̄ o'ch chap̄ ñachayo all amarato all añño'teññañet ñocop e'ñe cohuen allcha' cohuan̄peñet. E'ñech ma'pa char ñaña po'poñerrerr puehmet char, ñeñtpa' allonmatcha' rrachet all. ¹⁵ Allempoña añ po'yalloppa' e'ñe puenamot ña'nmatan shonte' oñ atet ñerra'mrrate' po'ñes apellchetsa. Ñapa' ñha otapañ ñeññcha' rremuerraya' coyanesha' ñeññ cofare'ten attoch a'ño'shach. Tarraña ñeñtpa' ama attetache. ¹⁶ Ama't patspa' yenpan coyanesha', attoña tara'nom all esha'tañña oñ e'ñe masohua ñeññ allon ña'nmat po'yallop̄ puenamot. ¹⁷⁻¹⁸ Ñeñña atarr atsrre'mate'ña añyañ, ello alla atarr e'moñe'terranerr coyanesha'. Allempoña ahuo' allo'tsa'yen po'potañ coyanesha' puechoyesha' o'ch quellarosaneñ ñamet. Tarro'mar ñetpa'cho'ña ñhocma ame'ñeñet Yompor po'ñoñ ñeññ atet anaret ñaña ñhocma coteññañet Jesucristo poctapña.

13

Atto Juanpa' entan berrma't ñeññ atarr añcha'nochen ñeññ ñha'nets oñot

¹ Allempoña napa' natomos sa'patopño, allñapa' nenterrerr berrma't atarr añcha'nochen ñeññ ñha'nmatas oñot. Poñpa' cancherrm̄aga, po'ucorpa' çharrã. Pate'tets po'ucorpa' e'ñe eçhoy'metoche'. Puenm̄aga'ttso all aquellcareñ sochatse'teñets ñeññ pa'namen sosya'tsañ allo achm̄are'teñet Yompor. ² Ñeñña berrma't pue'moqūer e'ñe atet ñerra'mrrate' ma'yarr tarraña pa'tacñapa' e'ñe atet ñerra'mrrate' orranatec. Puenampa' e'ñe atet ñerra'm ma'ñorenã. Añyaññapa' ñeññ apue' po'huamenc, ap̄ ñaña llesens attoch añcha'noçhtaprecha all po'conaño. ³ Puenm̄agarr poñpa' all orrtena ñha atserrpenã nanac huomenc ñha mettagūen ñeññcha' muetsayeñ tarraña ama romo alla correrra. Ñeñto'marña allohuen acheñenesha' arr patsro ñetpa' atta cohuanrrorteñet ñha otapuetañ ñato' çhach roma, tarraña ama rromo. Ñeññ atto ama rromopa' acheñenesha'ña arr patsro ñeñña ame'ñatenahuet. Ñetpa' otenapuetañ ñato' ñeññte'ña Parets. ⁴ Ñeñto'marña acheñenesha' ma'yocheñet ma'yarrma't. Ñetpa' atet otanna'tyeset:

—Ama eñalle po'poñ ñeññ nanac ahuamencat atet ñerra'm añ ma'yarrma't ñeññ yenten. Ama't e'ñe eseshapa' amate' errotenot a'mchechachetoña añ ñeññ atarr ahuamencat.

Ama't añyañpa'cho'ña ñeññ ma'yochena acheñenesha'tarro'mar añyañpa' ña ahuamencat pe' ma'yarrma't.

⁵ Añyañpa' muenatenã ma'yarrma't o'ch ommo'chatse'tyesa. Pommo'chatse'teño'pa' o'ch achm̄are'tenan Yompor. Ñaña muenatan ma'yarrma't o'ch añcha'taretta pa'tatsoch çharram̄a ñaña puechena epña arrorr. ⁶ Atet pa' ma'yarrma't achm̄are'tenan Yompor, sochatse'teññañ pa'so'cheñ. Ñaña Yompor pa'paqūell ñaña allohuen ñeññ allon allo'tsa'yen pue'ntaño e'ñe achm̄are'tueñ. ⁷ Ñaña muenateñ o'ch quellaran ñeññ pueyochresha' pen Parets. Ñaña muenateñ o'ch ganana Yompor pueyochresha'. Ñaña muenateñ o'ch añcha'taretta allohuenacop ñeññ pa'namen acheñenesha', allon ñeññ pa'namen mereñtsor ñeññ e'ñe eñosyets po'poñe'ttsoçma ñoñtso ñeññ ora allon allemeñ anetso'mar. ⁸ Ora allohuen acheñenesha' ñeññ aña patsro'tsa'yen añach ma'yochenet ma'yarrma't tarro'mar ñeññ acheñenesha'pa' ama aquellcareteyayeto pa'so'cheñ Cristo

po'libro all aquellcarenna allohuen ñeñ corretsetach ñeñt ame'ñenaya Cristo ñeñt amsarettatsa ochñartsocop atet ñerra'm carrnero. Ahuat allempo errte' ayeçhcataretta pats, Cristoña po'libropa' all aquellcaren so'chñetsoçhno attochña ñetpa' corretsetach.

9 Ñerra'm esesha' e'mñotene' añ ñoñets, çhaponëpa'ch pueyoçhro ñeñt atet yeçhateney añ ñoñets. Ñeñt ñoñetspa' atet oten: 10 Ñerra'm esesha' rromanatene' po'potantañ attoch yottamñsatanet, ñetpa'çho'ña ayotamñsaretterretcha'. Ñaña ñerra'm esesha' muetsanatene' po'potantañ espado, ñetpa'çho'ña amsaretterretcha' espado. Ñeñto'mar añ ñeñt poctetsa yocop e'ñe yeyemteñot Yompur o'ch ya'huanten acopoteñ ñerra'm es yehuapoya, allohueney ñeñtey o' pueyochresha' perrey Parets.

Atto Juanpa' entan po'poñ berrma't ñeñt çha'nets o'ponot patsot

11 Allempoña na allpa' nenterrerr po'poñ ñeñt berrma'ttetsa. Ñeñtpa' arrot çha'nom o'ponot patsot. Ñeññapa' e'ñe epa po'ucor atet ñerra'm carrnero po'ucor, tarraña ñeñtpa' atarr añcha'noçhen eñen e'ñe atet eñen ñerra'mrrate' añyañ eñoretsa. 12-13 Ñapa'çho'ña atarr añcha'taretta e'ñe atet añcha'tarettena ma'yarrma't ñeñt ñanom nent ñeñt çha'nmats oñot. Allñapa' añcha'tarettapretenana ñeñt ma'yarrma'ttetsa all. Ñeñt çha'nmats o'ponot patsot ñeññapa' muenanatan allohuen acheñenesha' ñeñt añe patsro'tsa'yen o'ch ma'yochyete ñeñt ma'yarrma't. Ñeñtara ma'yarrma't ñeñt corrrertsas e'ñe mamecma allempo mettaguën. Ñeñt atto mettaguën ñeñtçha' muetsayeñ tarraña ñapa' ama rromo. Añ berrma't ñeñt çha'nmats o'ponot patsotpa' ñerra'm esempo allo'tsen parro epuet ma'yarrma't ñaña' eñall attoch orrtatenan acheñeneshacop pa'namen ñeñt ama puentareto ama't ahuaata. Attoña a'shoran entot huorte' tso' ñeññña tso' huorte'pa' o' e'ñe çhap patso allñapa' cohuanrrortatan shonte' acheñenesha'. 14 Ñeññapa' allo shequënan shonte' acheñenesha' ñeñt añe patsro'tsen. Ñeñto'marña ñerra'm allempo otenan acheñenesha', o'ch seyeçhcat ma'yarrma't, ñetñapa' e'ñeçh pocte' enteñet. Añ ñeñtara ma'yarrma't ñeñt metto'ten espada tarraña ñapa' e'ñe mamecma o' alla corrrera. 15 Añña berrma't ñeñt çha'nmats o'ponot patsot ñeññapa' muenateñet o'ch o'rrerratan ayeçhcataret ñeñt toma'ntatenet ma'yarrma't. Allochñapa' attoch eñorana'tanet pueyeçhcatar. Ñaña ma'yarrma'tpa' atet nanet po'ñoñ, ñeñtpa' atet oten: Ñerra'm esesha' ama ma'yochenaye ayeçhcataret muetsanachetepa'ch. 16-17 Elloñapa' oterranerr acheñenesha':

—Te'pa' o'ch seyaco'mta'tyesa sotot secohuenrot amapa' arr seto'mo'mar. Allcha' sena'yeson neso'cheñ amapa' sena'yeson ñeñt nenúmero nepen. Atet patan allohuen acheñenesha' ama't ñeñt ama esoshe'mayaye acheñ, ama't ñaña ñeñt atarr sherbets, ama't ñaña acheñ ñeñt atarr eçllayoret, ama't ñaña ñeñt atarr huocchañetets, ama't ñaña acheñ ñeñt e'ñe cohueno'tsen, ama't añ acheñer ñeñt ataruasaret e'ñe atfa. Allohuen acheñenesha' ñeñt ama ayaco'mta'tarete all neññafet ma'yarrma't pa'so'cheñ amapa' ñeñt po'número pen ma'yarrma't, ñetñapa' amach errotenot es pomueneto ñaña amach errotenot es rañeneto ñeñt muenenet ñet. 18 Ñehua, ñeñt allpon po'número pen ma'yarrma'tpa' ñeñtpa' allo'tsen seiscientos sesenta seis.

Ñeñĩ número añ toma'ntena puešheñarr acheñ pa'so'cheñ ñeñĩtcha' ñanom orrtertsa tsapañonef. Ñerra'm esesha'ch atarr es eñoterrets eñoterrñañetepa'ch pa'so'cheñ ñeñĩ atma'ntataret añ número.

14

Allempo Juanpa' entan Cristo ñeñĩ atma'ntataret Carrnero, all ten Siónaño epuet ñaama shonte' acheñenesha'

¹ Allempoña na cohuerrtsanerrpa' alla nentererr Cristo all ten Siónaño. All orrtena e'ñe atef orrtena ñerra'm Carrnero. All tomchen ñaama shonte' acheñenesha'. Ñeñĩ acheñenesha'pa' allo'tsen ciento cuarenta cuatro mil acheñenesha' ñeñĩ emchorrenaya Cristo. Ñeñĩña acheñenesha'pa' e'ñe ayato'ma'taretoche'. Puetomuetopa' all na'yehñañet Cristo pa'so'cheñ ñeñĩ atma'ntataret Carrnero, ñaama Pompor pa'so'cheñ ñeñĩtara ya Yeyomporer.

² Allña'pa' ne'muen ñeñĩ huomenc e'morrtetsa, arroñ huena entot. Atarr huomenc e'morrtena atef ñerra'm all etsase'tena shonte' oñechno ñeñĩ atarr huomenc ma'moretets. Po'ma'moreteña'pa' atarr huomenc e'morrtena cha ottena ñerra'm cho tecorrraren huomenc ñeñĩ yoten tatsllare'. Ñeñĩ ma'moretets all añepa't ma'moretets ñeñĩ shontetsa acheñenesha' all añepa't a'ma'moretenet arpa.

³ Allña'pa' cohuentatenet morreñets ñeñĩ e'ñe etserra morreñets all Yompor po'conaño. Allo'tsen ñaama pa'tatso'mar ñeñĩ berrma'ttetsa, ñaama allo'tsa'yen ñeñĩ sherbene' Yompor ñeñĩ epoch charra' ñeñĩ puechetsa pa'tatssheña. Ama't e'ñe puešheñarrapa' ama eseshaye'yechenayeña añ morreñets ñeñĩ etserra. Añña eñotene' ñeñĩ ciento cuarenta cuatro mil acheñenesha' ñeñĩ a'qeshpatarettetsa añe patsroñ. ⁴ Ñetpa' ama a'soyateneto atto yorayeñet coyanesha' tarro'mar ñetpa' e'ñe cohuen correnet. Ñetpa' añ e'ñe cohuen cotenet Cristo ñeñĩ toma'ntenaya Carrnero. All ama't erra muene' sen Cristo, ñetña'pa' e'ñech coña'neñet cohuen. Ñetpa' e'ñe ñanom a'qeshpatarettet attoña ñetpa' anarettenet atef ñerra'mrrate' ñeñĩ ñanom yapueñ Yompor ñeñĩ atarr cohuen, ñeñĩtara o'patena ñaama Cristo ñeñĩ atma'ntataret Carrnero. ⁵ Ama't puešheñarrofetapa' ama shequëneto ama't e'ñe mamesha. Ñetpa' e'ñe cohuen orretyenet amach errotent otteñe'charetterreto ama't ahuata all Yompor po'conaño.

Allempo Juanpa' enterranerr ma'psheña mellañoñeñ ñeñĩ eñosyetsnets anoma'matof

⁶ Allempoña napa' alla nentererr po'poñ mellañoñeñ all anoma'mtena allpononet enonet. Ñapa' ñeñĩña serrpare'tatenahuet cohuen ñoñets ñeñĩ ama ahuañaño ñeñĩ alloch yeqeshperra. Añ cohuen ñoñets ñeñĩtcha' serrpare'tatan allohuen pa'namen acheñenesha' ñeñĩ yecha'yetsa añe patsro, ama't ora allemeñ pa'namen anetsochno ñeñĩ pa'namen mereñtsorechno ñeñĩ eñosyets e'ñe po'poñe'ttsocoma ñoñtso. ⁷ Ñeñĩ atto anoma'mtena all, eñosnen, atarr huomenc e'morrtena, ñeñĩpa' atef otnen:

—Señcha'na'chepa'ch Yompor, chochña secohuentatoñ tarro'mar te'pa' o' chap allempoch enteyas e'ñe puešheña'ttsos errotente' sepa'yena. Te'pa' ñachña sema'yocha ñeñĩ yeçcate' enet ñaama ñeñĩ yeçcate' pats, ñaama oñechno ama't allot potayen oñ.

⁸ Allempoña'pa' alla cota'nererr po'poñ mellañoñeñ ñeñĩ puepañ mellañoñeñ. Ñapa'cho'ña eñosnerrerr, ñeñĩña'pa' atef otnom:

–Te'pa' o' ahuapore'taretta añ anets ñeñt atma'ntataret Babilonia ñeñt nanac atarr anets. Tarro'mar ñeñtpa' aña ye'chatyenan ora allpon po'poñe'chno anetso'chno ñeñt atarr sosya'tsañe'chno ñeñt atet muenatse'tatyenanet ñet po'chets.

⁹ Allempoñapa' alla co'ta'huererr po'poñ mellaño'feñ ñeñt puema'pañ. Ñapa'cho'ña eñosnerrerr, po'ñoñpa' atarr huomenc e'morrtena, ñeñtñapa' atet otrerrerr:

–Ñerra'm esesha' ma'yochenaya ma'yarrma't amapa' ayechcataret ñeñt toma'ntenaya ma'yarrma't, amapa' ñerra'm esesha' muenatenet o'ch yaco'mta'chet ma'yarrma't pueyotsaparo amapa' pueto'mo ayato'ma'taretta, ¹⁰ ñetñapa' a'coñchatare'terretcha', tarro'mar Yomporña e'ñe po'yoro'chenño'tpa' ñachña e'ñe coñchatuerrahuet e'ñe poctacma. Tso'pa' ñeñtcha'ña mueroch'tatuerrahuet ña'ma ñeñt epuet huorten tso'pa' ñeñtpa' atarr shemasher ñeñt otenet azufre. Allcha' a'coñchatare'terret, allotcha'ña cohueretña allohuen mellaño'feññaneshachno ñeñt pueyochresha' pen Parets. Cohueretcha' ña'ma Cristo ñeñt atma'ntataret Carrnero. ¹¹ Attoch achamare'terret, tso'ñapa' chepoten pamosoñ enonet ñeñtñapa' amach ahuañaña'tterro ama't errponaña. Amach huañerro ama't mamesha ñeñt atto a'coñchatare'tenet ama't yeto ama't ña'ma tsapo. Tarro'mar ñetpa' aña ma'yochenet ma'yarrma't ña'ma ayechcataret ñeñt toma'ntenaya ña. Ña'ma muenatenet achen o'ch yaco'mta'chet o'ch noñet pa'co'meto ma'yarrma't pa'so'cheñ amapa' pueto'mo. Arrpa' allohua ñeñt atet ot mellaño'feñ ñeñt anoma'mtetsa eno'mar.

¹² Ñeñfo'marña allohueney ñeñtey e'ñe pueyochresha' peney Parets ñeñtey ame'ñenaya Yompor po'ñoñ ñeñt atet oteney ñeñtey e'ñe yemtenaya Jesús, yocopñapa' añ poctetsa o'ch ya'huanta'huen e'ñe aco'pa ñeñt allpon pa'namen es yehuenoya.

¹³ Allempoña na allpa' ne'muerrerr ñoñets arrot huena entot, ñeñtpa' atet oten:

–Te'pa' o'ch pequellca' añ ñoñets: “Te'ñapa' atarrcha' cosheñtso'tsa'yen allohuen ñeñtcha' rromayets e'ñe pame'ñeño'et Yepartseshar Jesucristo.” Po'ño'ch atet oten Yompor Puecamquëñ, ñetpa' amesatare'terretcha'. Te'pa' amach alla torrerrete'te tarro'mar ñeñt allpon o' torra'yenet añ patsro, ñeñtpa' e'ñe eñotuare't all Yompor pue'ntaño.

Attoch cherr ñeñteñpo allempoch ap'cherret narmets ñeñt o' pomella'huen

¹⁴ Allempoña na cohuerrrsanerrpa' nenterrerr os atarr huallama't. Ñeñtña ospa' all anen puesheñar ñeñtpa' añepa't Jesús ñeñfara Ñeñt Acheñetosets arr patsro. Ñeñtñapa' echoyo'met, ñeñtña po'choyo'mpa' oro ñeñt choyo'mtena. Potoñapa' orrenan cochell ñeñt atore'gorrot ñeñt atarr nanac etsotañ ñeñt otenet hoz. ¹⁵ Allempoña Yompor pa'paclo'tpa' cha'nom po'psheñeñ mellaño'feñ. Ñaña'pa' otosan ñeñt anets oso. Po'ñoñña'pa' atarr huomenc e'morrtena, ñeñtpa' atet otenan ñeñt anets oso:

–Pamat pocchello ñeñt pomellets allochñapa' o'ch pa'yapa'che' tarro'mar o' chap ñeñteñpo allempo yap'chen ñeñt o' pomella'hua yenarenñ.

¹⁶ Allempoña ñeñt anets oso, ñaña'pa' o'cho' amatan ñeñt o' pomella'huen ora errap'aren añe patsro. Ñaña'pa' o' a'yapa'chan allenmateñ ñeñt pomellets añe patsro.

17 Allempoña cha'nerrerr po'psheñeñ mellañoñeñ Yompör pa'pacloot ñeññ ento'tsen. Ñapa'cho'ña orrenan po'cchell ñeññ atarr nanac etsotañ.

18 Allempoñapa' cha'nerrerr po'psheñeñ mellañoñeñ. Ñapa' arrot huapa allo'tsen altar. Ñañapa' ñeññ ahuamencattetsa attoch pomnaren penan tso'. Ñañapa' otan ñeññ occhellet. Po'ñoññapa' atarr huomenc e'morrtena, ñeññpa' atet oten:

—Te'pa' o'ch pamat pocchello ñeññ atarr nanac etsotañ o'ch pāpcha' allo puechma'tets uva ñeññ añe patsro'tsen tarro'mar o' atarr nanac yen.

19 Ñeññña mellañoñeñ atet oteñetpa' atetcho' pa. Allempoña amatan po'cchello uva ñeññ añe patsro'tsen o'cho' a'yapačhach. A'yapačhatuepa' o' shontanña uva allcha' atmama'chet attoch cha'nmatoñet po'ñer. Ñeñññapa' añ toma'ntena atto Yompör po'yoročhenñoñpa' atarrcha' coñchaterran acheñenesha'. 20 All atmama'teñet uva, pocollotpa' tama a'yente'tsen. Ñeññ atto cha'nen uva po'ñer ñeññpa' añ toma'ntena o'ch chorrer errasats arr patsro a'yohuen ñeññ allohuanen trescientos kilómetros ñaña enonet chapcha' e'ñe cahuall po'frenohua ñeññ čhets e'ñe yelleca'nohua.

15

Allempo Juanpa' enterranerr cančherrsheña mellañoñeñ, ñetpa' o'ch ortaterret ñeññcha' amueročhtatañtertsa

1 Allempoña all ento napa' o' nenterrerr po'poñ ñeññ atarr yoročhen ñeññ ama yentare ñeññcha' yeñotaterre' ñeññcha' atet perra esempo. Nenterrerr mellañoñeñnesha' cančherrsheña. Ñetñapa' allsensarettenet attoch ortaterret ñeññcha' amueročhtatañtertsa. Puesheña'ttsetpa' ortaterretcha' ñeññcha' amueročhtatañtertsa e'ñe po'poñe'ttsočma cančherrsheño'maret. Allempoñña etsotuerra allohuen ñeññcha' atto Yompörpa' yoročhtater.

2 Allña napa' nenterrerr ñeññ atet orttetsa erracmañen atet ñerra'mrrate' ñeññ añecmuen rerpap e'ñe atet huorten atet ñerra'm tso' huortets all. Allñapa' all tomčhen allohuen acheñenesha' ñeññ e'ñe metana'tue' ora allpon ñeññ atet topatyenanet ma'yarrma't ñaña ñeññ pueyečhcatar. Ñetpa' ama ayato'ma'tareteyayeto ma'yarrma't pueyotsaparo attoch noñet pa'so'cheñ amapa' ñaña po'número. All tomčhenet e'ñe arpatochet ñeññpa' Yompör apuenahuet. 3 Ñetña pueñtana'tueñofoet allohuen topateñets morrechenet Moisés pueomorreo ñeññ Moisés ñeññ atarr torratset Yompörcop. Pa'queshpātaretteñofoet morrechenet ñaña Cristo pueomorreo ñeññ toma'ntenaya Carrnero. Ñeññpa' atet achoteñet Yompör:

Yompore, ñeññep nanac Partsoḡ pa ñeññep Yepartseshar yepen, atarr echarr es petsotayen, atarr cočhneshare' es peḡayen. Pa ñeññep Pa'mcha'tareter pen allohuen pa'namen acheñenesha' ñeññep e'ñe pocte' es peḡayen. Ñaña e'ñe po'ñočh atet ñeññ allpon es ḡotyen.

4 Allohuen acheñenesha' e'ñe añcha'na'tpo' entenpet, Yompore. Ama't pueheñarrapa' ama eñalle ñeññ ama añcha'na'tpahuoye' pentenaye, Yompore. Allohuen acheñenesha'pa' e'ñe pāpta cohuentatennapet, tarro'mar e'ñe pāpta pa ñeññep atarr Partsoḡ. Tarro'mar allohuen acheñenesha' ñeññ pa'namen anetsof huačha'tetcha' pesho attoch ma'yochapet pa e'ñe pāpuet tarro'mar ñetpa' o' taya čhapanet pueyočhro atto pāpa' e'ñe cohuen pocte' es peḡayen.

5 Allempoña napa' cohuerrtsanerr nenterrñañerr Yompor pa'paquëll ñeñt pue'ntañotsen. Ñeñtña pocoll popellrrarpa' e'ñe cohuen atorareť. O'ponoñapa' allo'tsen all añño'tenet mapuettall ñeñt allo aquellcaret Yompor po'ñoñ ñeñt atet anareť ama't ahuatoteñ. 6 O'ponotña Yompor pa'pacllotpa' čha'nmačherrerr ñeñt cančherrsheña mellañoťeñesha'. Puesheña'ttset orrtaterrretča' ñeñtča' amueročtatañterrtsa e'ñe po'poñe'ttsocha cančherrsheño'maret. Añ chorra'yenet ñeñt atarr nanac cohuen ñeñt otenet lino ñeñt ama asosyatño ama't e'ñe mamesha. E'ñe cohuen poptama'tyena. Achanaretareret, po'chanaretpa' orotommuenare' ñeñt allo chana'yenet puesomapo. 7 Allempoña añ ñeñt pa'tatso'mar berrma't, paterrñapa' apa'yesan mellañoťeñesha' cančherrsheño'mar pajo'. Apa'yesanet puesheña'ttset po'pajo' ñeñt orotaten. Ñeñtña pajo'pa' all e'chorrayesaret alloch coñchaterran Yompor pa'namen acheñenesha' ñeñt añe patsro'tsen, ñeñtara Yompor ñeñt ama arromñaťeshayaye ama't errponaña ama't ahuata. 8 Allña Yompor pa'paclo e'ñe chorren amos. Ñeñtña amospa' añepa't ottetsa Yompor po'cohuenña ñaña po'partsoña. Allñapa' ama't puesheñarrapa' ama muenateñeto o'ch be'toset all Yompor pa'paclo tarremphuach esempoch orrtatan ñeñt cančherrsheña mellañoťeñesha' mueročteñets. Allempochña be'tosčherret all Yompor pa'paclo.

16

Allempo Juanpa' enterranerr cančherrsheña mellañoťeñ ñeñt echene' po'pajotollesha' all na'yenet ñeñtča' amueročtatañterrtsa pa'namenot

1 Allempoña napa' alla ne'muerrerr ñoñets ñeñt e'morrtetsa huomenc Yompor pa'paclo. Ñeñtña ñoñetspa' atet otenan mellañoťeñesha' ñeñt cančherrsheña, atet otenanet:

–Te'pa' o'ch sahanma allcha' seyo'panat errařaren patso ñeñt sena'yen sepajotollesho ñeñt cančhrrro'mar attoch sorrtaťoñ Yompor po'yoročhenña.

2 Allempoña puesheñarr ñanom mellañoťeñpa' o'cho' ahuo'. Allñapa' yo'posan ñeñt po'pajotollo'tsen patso. Allempo čhap patsopa' ñeñtñapa' orrtatan puetsarñats ñeñt ama amapočhatatañe ñeñtpa' ama eñalle pa'par alloch partet attoch metuerranet. Ñeñtpa' aña a'ptsarsat ñeñt ayato'ma'taretetyetsa ma'yarrma't pueyotsaparo ñaña ñeñt ma'yochenaya ayečcataret ñeñt toma'ntatenet ma'yarrma't.

3 Allempoña po'psheñeñ ñeñt puepañ mellañoťeñpa' o'cho' ahurrerr o'ch yo'puenana' oño ñeñt po'pajotollo'tsen. Allempo yo'pos oño all atarr sa'po, oññapa' čha errassastach, e'ñe atet orrta ñerra'mrrate' arromñať po'rras. Ñeñtñapa' e'ñe a'clatuosan allohuen ñeñt allpon yečhetsa all oño'mar.

4 Allempoña ñeñt poema'pañ mellañoťeñpa' o' ahurrerr ñaña o'ch yo'puenana' ontapo ñeñt po'pajotollo'tsen ñaña allot potayen oñ. Ñeñtña allempo ayo'paretta oño čha a'pnasatosan oñ errasats. 5 Allempoña napa' ne'muen ñeñt atet otenan mellañoťeñ Yompor. Ñehua, ñeñtña mellañoťeñpa' atarr ahuamencat attoch pomnaren penan ora allohuen oñečhno. Ñeñtña mellañoťeñpa' atet otenan Yompor:

–E'ñe pocte' Nompore ñeñt atet pecoñchatyenanet, řa ñeñteř čhocma eñalleř ama't ahuatoteñpa' ñeñteř atarr nanac Partsoř. 6 Tarro'mar

acheñenesha' ñeñt pe'moñe'tene'pa' ðhocma muetsanatenapet ñeñt peyochresha' pepen ñaña ñeñt a'mta'yene' peñoñ, ðhocma shatyeññañet po'rras. Te'ña ðpapa' o' ðonerranet errasats. Ñeñtpa' e'ñe pocte' tarro'mar ñetpa' añ o' ðohuet ñeñt ama pocteye' penteno ða.

⁷ Allempoña e'morrterrerr ñoñets arr e'morrta altarot, ñeññapa' atet oten:

—Attesha' Yompore, ða ñeñteþ atarr nanac Partsoþ ñeñteþ Yepartseshar yepen. Ñeñt atto pentyenanet ñeñtpa' e'ñe po'ñoçh atet, e'ñe pocte' ñeñt atet o' peçoñchaterranet.

⁸ Allempoña po'psheñeñ mellañofoñ ñeñt puepa'tatseñ o' yo'puerranerr ñeñt po'pajotollo'tsen. E'ñe arr yo'pue' allo'tsen ñeñt yeçhoyo'tampene'. Ñeñtcha' ahuamencat pe' atsne' attoch chemuerran acheñenesha' atet ñerra'm tso'. ⁹ Acheñenesha' ama't atarr etomuenanetaña atsne'pa' tarraña ama es queçhpuenayeña ñeñt atet correnet sosya'tsañeçhno. Ama eseshaye' cotape'cherraye cohuen Yomporecop attoch cohuentateññañet Yompore. Elloña ñetñapa' atarr nanac achmāre'teññañet Yompore pa'so'cheñ ama't ñeñt atarr ahuamencattetsa atto çhapatanet ñeñtcha' muerochtaterahuet.

¹⁰ Allempoña po'psheñeñ mellañofoñ ñeñt pa'mnareñ, ñapa'çho'ña o' yo'puerranerr ñeñt po'pajotollo'tsen. E'ñe arr yo'pue' ma'yarrma't po'conaño all amcha'taretena. Ñeñña all amcha'taretenapa' çha a'cheçmetue. Acheñenesha'ña allpa' epaye' muerochtatanet pa'namen atserrpeñets. Ñeñt atserrpeñetspa' çha muellatstame'tatyesan, açhañeñe'çhatyesanet atserr. ¹¹ Tarraña ñetpa' ama't atet o' aþaretetañpa' ama queçhpuenetoña ñeñt atet patse'tyenet sosya'tsañeçhno. Elloña ñetpa' allo'na achmāre'tneñet Yompore ñeñt ento'tsen ñeñt atto atserrpenanet puetsarñats.

¹² Allempoña ñeñt po'pechapueñ mellañofoñ, ñapa'çho'ña o' yo'puerranerr ñeñt po'pajotollo'tsen. Arr yo'pue' po'ñeso ñeñt añeçmuen atarres ñeñt po'ñes añ pa'so'cheñ Eufrates. Yo'pose'pa' çha emasa'huosanña po'ñes ama't atarr añeçmuen. Ñeñña allot masohuapa' ñeñta toñeterrets ñeñta pa'teþ perret allcha' oñem amcha'tareteçhno ñeñtcha' huaçha'ttsa allot huena atsne'.

¹³ Allempoña napa' nenterrerr añañ epuet ma'yarrma't epuet ñaña ñeñt a'mtene' ma'yarrma't po'ñoñ añe patsro tarraña ñeñtpa' ashcaña. Ñetña e'ñe puenamotetpa' çha'nmatyaset puesheña'tets oneñet ñeñt ama mapoçho. Ñeñt oneñetpa' ma'psheña. Ñetñapa' e'ñe atet orreyenet ñerra'mrrate' rrehuancro. ¹⁴⁻¹⁶ Tarraña ñeñtpa' oneñeçca'ye ñeñtcha' orttaterre' ñeñt ama puentare allohuen acheñenesha' ñeñtcha' cohuanrrortaterrahuet. Ñetpa' o'ch chopeñe'çhyerret erracmañen attoch apçheret allohuen ñeñt amcha'taretetyetsa añe patsro. Alloçhñapa' attoch quellareret Yompore ñeñt atarr ahuamencat, attoch quellaret allempoch çherr ponañcho ñeñte yetroch yoroçhtater Yompore. Allohuen amcha'taretnesha' ñeñtcha' quellarerre' Yompore, arrcha' apçhataretterret anets ñeñt pa'so'cheñ Armagedón, allotcha' quellareret Yompore. Añ Armagedónpa' ñeñtpa' hebreonesha' soçhene' añ ñeñt anetser. Ñehua, o'ch neyerpatasa' ñeñt atet ote't Yepartseshar Jesús, ñapa' atet ote't: “Señoçhepa'ch napa' e'ñeç machayo'ta nohuerra atet ñerra'mrrate' eñet amach esesha' eñotenaye esempoch huapa. Tarraña atarr cosheñtso'tsa'yen ñeñt ðhocma neñose'rtenaya ñeñto'marña

ñetpa' e'ñe cohuen añño'tenet pa'shtam ñeñtcha' chorra'nmuet allochñapa' amach muelle'mcota čha'nmueto amach čha apencočterreto."

¹⁷ Allempoña po'psheñeñ mellañoñeñ ñeñt pocančhroñ, ñapa'čho'ña o' yo'puerranerr ñeñt po'pajotollo'tsen. E'ñe arr yo'pue' morresho. Allempocma e'morrta ñoñets ñeñt huetsa Yompor po'conañoñ ñeñt pa'paclo'tsen all pue'ntaño. Ñeñña ñoñetspa' atarr huomenc e'morrtena, ñeñtpa' atet oten: —Te'ña po'ñočpa' o' etsotuerra, huañerrcha' ñeñt ahuatoteñ.

¹⁸ Allempoñapa' meramerta o' tatsllares, e'morrta ñaña ñeñt ma'moretets, atarr huomenc e'morrtena. Puetalle'cha ñaña pats nanac huomenc ñeñt ama't ahuatapa' ama atet pueparo allempoteñ e'ñe pa'motroteñ eñalleta acheñenesha' arr patsro. ¹⁹ Añ ñeñt atarr anets ñeñt atma'ntataret anets Babiloniapa' ñeñña anetsarpa' o' rrapa'pes ma'pshemta. Ama't ora allpon pa'namen anetsočno aña patsro all shonta'yena pa'namen acheñenesha', ñetpa'čho'ña e'ñe ñegatañpesuahuet. Yomporpa' añcha' yerpateranet ñeñt allohuen allpon päte'tyenet ñeñt atarr sosya'tsañ all atarr anetso ñeñt atma'ntataret Babilonia. Ñeñt allpon allohuen allo'tsa'yenet e'ñe coñchatuerranet Yompor, o' e'ñe tsa'tatuerranet po'yoročhenño. ²⁰ Allempoña ama't ñeñt rročp'e'chañečno ñaña aspentečno o' e'ñe chenca'huerra. ²¹ Shora'nom ñaña entoñ hue' ñeñt atarr añecmuesheñ ateshamerr. Pate'tetspa' eñerrtena cuarenta kilo. Ñeñña e'ñe a'tpetse'tuose' allohuen acheñenesha'. Allempoña ñetpa' atarr achmäre'teñet Yompor tarro'mar o' coñchaterranet atarr huomenc.

17

Attoch a'coñchatare'terra coyanesha' ecañoresha' ñeñt toma'ntenaya anets Babilonia all ama esesha' yerpa'penayo Yompor

¹ Allempoña mellañoñeñ ñeñt cančherrsheña ñeñt echyene' po'pajotollesha', puesheñarrñapa' o' huapa. Huapa neshopa' otosen:

—Te'pa' o'ch pöcta'n o'ch negatenpa' allcha' a'coñchatare'ta añ coyanesha' ñeñt atarr ecañoresha' ñeñt ame'ñatenaya pa'namen añcha'taretnesha' ñeñt pa'namen anetso'tsa'yen e'ñe allohuanen čhen oñečno aña patsro. Ñapa' po'conañ penan oñečno all anen. ² Ñeñt añcha'taretetyetsa aña patsropa' pame'ñeño'tet ñetpa' e'ñe po'cañoreshacma peñet ñeñt coyanesha'. Allohuen ñeñt aña patsro'tsen acheñenesha' e'ñe a'posa'tuenanet tarro'mar ñeñt atto cañoresha'tenanet ñeñtpa' čochña a'posa'tenanet attoch e'ñe cohuen ame'ñeñet.

³ Allempoña ñeñt mellañoñeñpa' arr anmuen amarato, e'ñe Yompor puecamquëño't anmuenet. Allñapa' nentos puesheñarr coyanesha' ñeñt anets berrma't pa'che'ño. Ñeñt berrma'tpa' atarr añcha'nočhen, atarr tsapnanen. Poñpa' cančherrmaga, po'ucorñapa' čharra'. Ora pue'mocro'marpa' e'ñe aquellca'huaret allemeñ. Ñeñña quellecpa' allo sochatse'teñet Yompor. ⁴ Ñeñña coyanesha'pa' añ chorrena yetsñorromamuen epuet tsamamuen. Ñaña allo añño'tena ñeñtpa' atet ñerra'm orollmemen ñeñt atarr cohuen, ñaña mapyellmetollesha' ñeñt nanac poptallme'chyetsa ñeñt nanac tsa'te' ñaña po'ser ñeñt atarr cohuen orrtatene' ña. Potot orrenan po'pajo' orotaten. Ñeñt pajo'pa' e'ñe e'chorrenan pa'namen sosya'tsañečno ñeñt atarr yetsena'ten ñeñt atto nanac cañoresha'ten. ⁵ Pueto'mpa' aquellcato'ma'taret. Añ so'chñets ñeñt quellquënet allpa' ñeñtpa' attoch eñotatanet ñeñt ama

e'ñeye' eñotpahuo, ñeñt'pa' atet oten: "Añpa' ñeñt' toma'ntenaya anets Babilonia ñeñt' nanac atarr anets ñeñt'ara pachor pen ñaña allohuen ñeñt' atarr ecañoresha' ñaña pa'namen sosya'tsañečno ñeñt' atarr yetsena'tyen arr patsro." ⁶ Allempoña ñeñt' coyanesha'pa' neñoch atarr posa'ten. Ñaña'pa' añ posa'tena errasats ñeñt' po'r'ras ñeñt' muetsanate'te' ñeñt' pueyochresha' pen Parets tarro'mar ñapa' atarr cohuen entenan o'ch muetsachet ñeñt' serrpare'tene' atto ame'ñeñet Jesús. Allempo neñch ñaña'pa' atta necuana'ch ñeñt' coyanesha'. ⁷ Ñaña allempo mellaño'feñpa' o' alla oterren:

—¿Eso'mare'tña atta pecuana'teñ? Te'pa' o'ch neñotata'p' ñeñt' toma'tena añ coyanesha' ñaña ñeñt' toma'tena añ berrma't ñeñt' allo anen ñeñt' cancherrmaga poñ, po'ucorñapa' çharra'. ⁸ Añ berrma't ñeñt' penten, ñeñt'pa' añ toma'tena ñeñt' corratse't' ahuañmo'cha te'pa' ama eñalle o' rroma. Tarraña o' mameshamerra o'ch alla tanterra o'ch çha'nerr arorotot. Tarraña ñeñt'pa' mamecpach atet perra, ellochña o'ch alla rromuerrerr. Allempochña o'ch chenca e'ñe poctacma. Acheñenesha' ñeñt' yeçha'yetsa a'ñe patsro ñeñt' ama ame'ñetso ñetñapa' atarrcha' cohuanrrorteret añ berrma't tarro'mar ama puentareto ñeñt' atet pena añ berrma't. Ama't ñeñt' corratse't' arr patsro, tarraña ahuañmo'chapa' o' rroma. Ama't o' rromhuañ tarraña o' alla orrterrerr. Ñeñto'marña acheñenesha'pa' atarr cohuanrrorteteñet. Ñehua, ñeñt' cohuanrrortene'pa' ama aquellcareteyaye pa'so'cheñ Yompor po'libro all aquellcayetena pa'so'chñečno ñeñt' pueyochresha' pen Yompor; ñetñapa' corretsetach errponañohuen. Ñeñt' ama ame'ñetso ama aquellcareteyayeto pa'so'cheñ ahuatoteñ allempoteñ e'ñe errete' ayeçhcataretetsa pats.

⁹ Te' ñeñt'cha' neñotata'p'pa' o'ch poctape'ch e'ñe cohuen esheccha' peñot ñeñt' atet toma'tena añ berrma't poñečno. Ñeñt' penten cancherrmaga poñ, ñeñt'pa' añ toma'tena cancherrpena aspenet all yeçhena añ coyanesha'. ¹⁰ Toma'tenana ñaña cancherrsheña ñeñt' añcha'taretetsa a'ñe patsro. Tarraña amnarshenapa' o'huañ añcha'taretta. Te'pa' o' pueñeñarrama añcha'taretetsa. Tarraña pueñeñarrmeñ palltena ama orrtena'. Tarraña esempoch orrtapa' amach atarr atomat añcha'taretto. ¹¹ Ñaña añ berrma't ñeñt' toma'tenaya pueñeñarr añcha'taret ñeñt' corratse't' ahuañmo'cha te'pa' o' rroma. Ama't o' rromañpa' tarraña ñeñt'ara o'ch alla orrterra o'ch alla añcha'taretterrerr ñeñt'cha' posocsheñterre' ñeñt' cancherrsheña añcha'taret ñeñt' o' colla'hua. Tarraña ñapa'çho'ña çhocmach rromuerrerr allempoch chenca e'ñe poctacma. Ñehua, ñapa' ñeñt'ara ñeñt' añcha'tarettatse't' ñaña ahuañmo'cha allempo cancherrsheñtete't.

¹² Ñaña añ berrma't ñeñt' çharra' po'ucor ñeñt' penten, ñeñt'pa' añ toma'tena çharrasheña añcha'taretnesha', tarraña ñetpa' ama añcha'taretteneta' tarro'mar ama orrteneta'. Tarraña esempoch orrterret allempochña añcha'tarettapreteret berrma't e'ñe mame'. ¹³ Ñetpa' e'ñeçh patrra cotape'chenet ñeñt' atet cotape'chen berrma't, o'ch neñet berrma't ñeñt'cha' pa'ñcha'tareter perret. Ñeñt'pa' atto yenpueñet attoch ahuañmenca' peñet berrma't. ¹⁴ Ñetñapa' pue'moñe'teño'fet Cristo ñeñt' toma'tenaya Carrnero quellareretcha'. Tarraña Cristo ñeñt' toma'tenaya Carrnero ñach a'mchechueraheta tarro'mar ñapa' atarr ahuañmenca'. Ama't ora allpon ñeñt' ayochreshatetyetsa, Cristoñapa' e'ñe Pa'yochreshater pohueñet allohuenet, ñaña ama't ora allpon ñeñt' añcha'taretetyetsa, ñetpa'çho'ña

e'ñe Pa'm'cha'tareter p'ohueñet allohuenet. Ña'ña ñeñt epuet parro yemtena, ñetpa' Yompor acerrahuet ñeñt chore'ten ña ñeñt atarr yemtenaya ña.

¹⁵ Allempoña añ mellañofoñ alla oterrerr, ñeñt'pa' atet oten:

—Ña'ña añ oñe'chno ñeñt penten ñeñt allo anen coyanesha' ñeñt atarr ecañoresha't, ñeñt'pa' añ toma'ntena shonte' pa'namen acheñenesha' ña'ña pa'namen anetso'chno all ye'cha'yenet ña'ña po'poñe'ttso'cma ñoñets ñeñt allo eñosyenet. ¹⁶ Ña'ña añ berrma't ñeñt penten çharra' po'ucor ñeñt toma'ntenaya çharrasheña añ'cha'taretnesha', ñetñapa' tsena'chetcha' ñeñt coyanesha', a'ypo'ñeret'cha' e'ñe muelle'mco't. E'nuerrñañet'cha' e'ñe ña po'chets allempochña chamueret tso. ¹⁷ Yomporpa' ña nene' allohuen añ'cha'taretnesha' pueyo'chreto attoch ñetpa' e'ñech patrra cotape'chenet ñeñt atet cotape'chen berrma't, attoch yenpueñet esheccha' ahuamencat peñet berrma't. Allochñapa' attoch etsotateññañet Yompor po'ñoñ ñeñt atet oten. ¹⁸ Ña'ña añ coyanesha' ñeñt penten ñapa' añ toma'ntena ñeñt atarr nanac anets ñeñt pomnaren pene' allohuen ñeñt añ'cha'taretetyetsa allemeñ anetso'mar ñeñt añe patsro.

18

Atto allohuen eçllayoretensha'pa' ya'na'teret'cha' ñeñt anetser Babilonia o'ahuapore'taretterra

¹ Allempoña o' alla nenterrerr po'psheñeñ mellañofoñ ñeñt sohua'netsa entot, ñeñtñapa' atarr ahuamencat. O' e'ñe chap patsopa' a'puetarsam'psosan pats e'ñe ña po'popteño't. ² Ñañapa' rranosa huomenc, ñeñt'pa' atet otos:

—Te'ñapa' o' a'ypo'ñeret'terra añ anetser ñeñt atma'ntataret Babilonia ñeñt atarr añecmuen anets. Te'pa' añecpach sherberr allcha' shonterra pa'namen oneñe'fe'chno ñeñt atarr apo'chenare' ña'ña allcha' shonterra pa'namen ote'chno ñeñt atarr yetsena'tyen. ³ Tarro'mar añ coyanesha' ñeñt toma'ntenaya anets Babilonia, ñapa' ahuañmo'cha e'ñe po'cañoreshacma pete't allohuenet ñeñt añ'cha'taretetyetsa añe patsro. Allohuen ñeñt añe patsro'tsen acheñenesha' e'ñe a'posa'tuanete't tarro'mar ñeñt atto cañoresha'tanete't ñeñt'pa' çhoch a'posa'tanete't. Ña'ña allohuen ñeñt allpon pomatsre'tyestse't, ña'ña atarr eçllayoret'tatahuete't tarro'mar ñapa' shonte' esocmañen muenatse'tyese't.

⁴ Allempoña o' alla ne'muerrerr po'poñ ñoñets ñeñt e'morrtetsa entot, ñeñt'pa' atet oten:

—Ñeñtes neyochresha' nepen, te'pa' o'ch sesa'nenñ añ anets ñeñt atma'ntataret coyanesha'. Amach socshapretatsche ña po'chñar te't sa'na muero'chtapretenaya. ⁵ Tarro'mar ña po'chñarpa' allo'na sen atonetnomtsa nanac. Yomporpa' e'ñe eñote'ññañ po'chñar ñeñt allpon pa'yese't. ⁶ Te'pa' atsa'tataretterrepa'ch allpon ñeñt atto erro't pa'yese'ne't po'potantañ. Nehua, ama't epoche'tats atsa'tataretterrepa'ch allpon ñeñt atto es patse'tyese't. Ñeñt atto allpon llecatyese'ne't po'potantañ, ñapa' epoche'tatsepa'ch atsa'tataretterra llequeñtso. ⁷ Ñeñt allpon coshatse'tyese't, te'ñapa' ñeñt'epa'chña allpon llecaterrayer. Ñeñt allpon echyese't, te'ñapa' ñeñt'epa'chña allpon muero'chtaterre'. Tarro'mar ña ahuañmo'chpa' pommo'cheño't atet ote't pueyo'chro: "Napa' atto nanen na neconaño'pa' atarr na'm'cha'tarettena. Napa' ama añeyayno ñeñt rretorrnanesha'. Na ama't

ahuatapa' amach nellquërro tarro'mar amach es nemuerochtaterraye."

⁸ Tarraña ama't atet ommo'chenaña' mamerrerrpa' o'ch çhapaña ñeñtcha' muerochtaterre' pa'namen muerochteñets — rromueñets, llequëñets ñaña muecheñets. Ñapa' a'poyatueretcha' tso. Tarro'mar Yompör ñeñt Yepartseshar yepen ñapa' ñeñt atarr Parets ñachña coñchaterre'.

⁹ Ñeñt añcha'tareteçhno ora erraparen aña patsro, ñetña e'ñe puellquëñoftetpa' ya'na'teretcha' ñerra'm esempo enterrñañet pamosoñ ñeñt atto poyen. Ñeñfara añcha'taretnesha' ñeñt e'ñe po'cañoreshacma pe't ahuañmo'cha ñeñt parroca epuet atarr coshete't. ¹⁰ Ñetpa' pueyorñoftetpa' cohuanrrorteretcha' a'yot tarro'mar atarrcha' yorenet ñeñt atto o' a'coñchatare'terra. Ñet puellquëñoftetpa' atetcha' otet:

—Atarr llequëñets-bee, ama't ñeñt atarr añecmuen anetser ñeñt atarr ahua-mencat, machayota o' çherrñaña ñeñtcha' coñchaterre'.

¹¹ Ñaña allpon ñeñt pomatsre'tyetsa erraparen aña patsro, ñetpa'çho'ña e'ñe puellquëñoftet ya'na'teñet, tarro'mar te'pa' ama eñalle ñeñtcha' rañta'yeshuet ñeñt pomyenet. ¹² Tarro'mar ñet ñeñt po'checom penetpa' shonte' esocmañen pa'namen — oro, ñaña asreçhno ñaña mapyetollesha' ñeñt poptame'te' nanac tsa'te', ñaña serets ñeñt otenet perla, ñaña shetamtsoçhno ñeñt atarr coçhnesharer — yetsñorromamuenare', tsamamuenarer, sedamamuen. Shonte' ñaña pa'namen tsacheçhno ñeñt atarr eñmosafeçhno, ñaña marfil ñeñt elefantas ñeñt allot yeçhcatyenet pa'namen, ñaña pa'namen ñeñt yeçhcatyenet tsachot ñeñt atarr nanac tsa'te', ñaña ñeñt yeçhcatyenet bronsot ñaña hierrot ñaña mapyot ñeñt otenet mármol. ¹³ Ñaña ñeñt pa'namen po'checom penet atet ñerra'm ñeñt otenet canela ñaña pa'namen aspanatollesha' ñeñt eñmosafare' ñaña tsachese' ñeñt pa'çho'ña eñmosafare' ñerra'm esempo a'crrateñet e'ñe atet ñerra'm ñeñt otenet mirra ñaña incienso. Allotpa' po'poñeçhno checmañatsoçhno ñeñt pa' añ vinos, olive'se', harina ñeñt atarr cohuen ñaña trigo. Ñaña po'poñeçhno ñeñt pomyenet ñeñt pa' añ huacsheçhno, carrneroçhno, cahualleçhno ñaña carrotollesha' ñeñt matatyen cahualleçhno. Ñaña allpa' ama't acheñ pomueñet ñeñtcha' taruasatenet e'ñe atta. Ñeñt acheñerpa' allña pomueññañet pocreña ñeñt atto correna arr patsro. ¹⁴ Ñeñt pomatsre'tyetsa allpa' ñetña'pa' serrpare'tenet, çha ottenet ñerra'mrrate' çho es oteñet ñeñt anetser, ñeñt pa' atet oteñet:

—Ñeñt allpon atarr payoña'yese't atet ñerra'm puetsarr ñeñt atarr ayoña'po' te'ña'pa' ama eñalle o' huañerr. Ñaña ñeñt allpon nanac cohuen pentyese't ñeñt nanac coçhneshat'atse't, te'pa' o' chenca'huerra. Te'ña'pa' ama't ahuatapa' amach alla pentere'te. Arrpa' allohua ñeñt atet oteñet ñeñt anetser.

¹⁵ Ñeñt allpon pomyenet allpa' ñetña'pa' epaye' ganatanet nanac aton quelle. Tarraña ñet te'pa' po'yorñoftet attach tomçha'tet a'yot allotcha' cohuerret ñeñt atet o' a'coñchatare'terra. Ñetña'pa' epaye' ya'na'teñet e'ñe puellquëñoftetpa' ¹⁶ atet otenet:

—Llequëñtsa-bee añ atarr anets tarro'mar ñapa' o' atet perrate' ñeñt atarr añecmuen anetser ñeñt atet ñerra'mrrate' puesheñarr coyanesha' ñeñt nanac cohuen añño'tetsa. Añcha' chorrena ñeñt atarr coçhneshas' yetsñorromamuen epuet ñaña tsamamuen ñaña ñapa' nenan oro, ñaña mapyetolleshma't ñeñt

atarr co'chnesha' popallme'chyetsa ña'ña nenan co'chnesha' seretso'chno. ¹⁷Te'ñapa' e'ñe mamecmapa' o' e'ñe huañerr ñeñt' atto atarr nanac esocmañen echyese't. Arrpa' allohua ñeñt' atet ot ñeñt' pomatsre'tetsa all.

Allempoña allohuen ñeñt' po'taruas pene' bote ñeñt' anmatsetene' checmañats all ñeñt' anetsro, ñetpa'cho'ña o' alla tom'cha'tet a'yo't – atet ñerra'm ñeñt' pamo'mte' pen bote ña'ña ñeñt' achopeñañesha' ña'ña marineronesha' ñeñt' taruaset's all boto. ¹⁸Ñetpa'cho'ña allohuenet all tom'chenetpa' rranartenet allempo enterrñañet pamosoñ ñeñt' atto poyen ñeñt' anetser. E'ñe puellquëño'fetpa' atet otenet:

–Ama eñalle po'poñ anetser ñeñt' atarr cohuen atet ñerra'm añ anetser.

¹⁹Allñapa' atarr yahuanrrortenet. Puellquëño'fetpa' pampato'tyeset patso. Rranaretyesetpa' atet otyeset:

–Llequëñtsa-bee añ atarr anetser tarro'mar allohueney ñeñt'ey echyene' yebote ñeñt' chocma yanene' oñopa' shonte' quelle ganatye't tarro'mar ñeñt' anetserpa' shonte' echane't quelle nanac aton. Tarraña ama't atet pe'tpa' te'ñapa' e'ñe mamecmapa' o' e'ñe huañerr.

Atarrcha' cosheñtso'tsa'yen allohuen ñeñt' pueyochresha' pen Parets

²⁰Te'ña sapa' socshepa'ch ñeñtes pue'ntaño'tsenes ña'ña allohuen ñeñtes pueyochresha' pen Parets ña'ña allohuenes ñeñtes allsensaret's Yomporcop ña'ña allohuenes ñeñtes a'mtene' Yompor po'ñoñ tarro'mar ñeñt' atto Yompor o' coñchaterran ñeñt' anetser, ñeñt'pa' attoña o' chemnaterrsa sa.

²¹Allempoña mellaño'feñ ñeñt' atarr ahua'encatpa' ña'ñapa' chetan mapue' ñeñt' atarr añecmuenmen atet ñerra'mrrate' ñeñt' allocma es puetsetenet ñeñt'ñapa' huapore'ch sa'po' cha chencosta poctacma. Allempoña ñeñt' mellaño'feñpa' atet ot:

–Attecmach ahua'pore'taretterra añ atarr anetser ñeñt'ara ñeñt' atma'ntataret Babilonia. Amach orrterre'te ama't ahua'ta. ²²Te'ña allpa' amach es e'morrterrtse'te ñeñt' atto toquënet arpa ña'ña atto penclla'tenet ña'ña ñeñt' atto poctorare'tyenet po'pctoro. Ña'ña ñeñt' po'taruas paye't ñeñt' es ye'chcatyesaye't pa'namen esocmañen all, te'ña ama't ahua'ta amach orrterre'te. Ña'ña atto e'morrte't' allempo es puetsetete't' allpa' te'ñapa' amach alla e'morrterre'te. E'ñe muetsoñeñtuerra. ²³Ña'ña ñeñt' allo choyo'tampsete't, te'ñapa' amach alla choyo'tamperranete'te. Ña'ña ñeñt' coshame'tampsaye't ñeñt' sena'tetsa ña'ña coyanesha', te'ñapa' amach alla e'morrterre'te'te pocshamña. Ña'ña allpon ñeñt' pomatsre'tyesatse't all ñeñt' atarr anetsro, ñetpa' atarr asherben entete't. Ora erraparen añe patsropa' ama eñalle ñeñt' atet sherbets. Ama't atarr asherben entyesetañe't tarraña chocma shecare'tyesete't allohuen pa'namen acheñenesha' ora erraparen añ patso. E'ñe atet es ame'ñatena amase'ñetpa' e'ñe atecma shecare'tenanet ñeñt' anetser.

²⁴Ña'ña all anetsro, ñeñt'pa' all amtsanatarette't' ñeñt' a'mtaye't Yompor po'ñoñ ña'ña allohuen ñeñt' pueyochresha' pen Parets. Allña ashatarettete't' po'r'ras ña'ña ama't allohuen ñeñt' amtsanatarettatse't ora erraparen añe patsro, ñeñt'ara anetsrot alloñña amtsanatarettete't'.

19

¹Allempoña o' alla ne'muerrerr ñeñt' e'morrtsa huomenc ento, shonte' acheñenesha' e'ñe parrocm rranartenet, ñeñt'ñapa' atet otenet:

¡Aleluya! Aye'chočhtatpo'ch Yompör tarro'mar ñapa' ña ñapueť a'queshpatañtetsa, acohuentatpo'ch Yompör ñeñť ñapueť atarr ahuamencatesha'.

2 Ñaña ñeñť pocte' enten Yompör ñeñťpa' e'ñe pocte' attecma, ñaña allpon ñeñť atet oten ña, ñeñťpa' e'ñe po'ñoč attecma. Tarro'mar ñapa' o' coñchaterran coyanesha' ñeñť atarr ecañoshafťetsa tarro'mar e'ñe ña po'chñaroťpa' atarr a'sosyatenan acheñenesha' ora allohuen ñeñť yečha'yetsa aña patsro. Te'ña Yompörpa' o' e'ñe tsa'tatuera ñeñť allpon muetsanatatoñe'ť ñeñť torra'yestse'ť ñocop.

3 Po'pocheñoñapa' alla oterretterr:

—¡Aleluya! Aye'chočhtatpo'ch Yompör tarro'mar te'pa' Yompör o' amosoñe'chaterran ñeñť atpare'taye'ť. Attoña o' chepoterr pamosoñ enonet; ñeñťpa' ama't ahuatapa' amach huañerro.

4 Allempoña añ epoch čharra' ñeñť puechetsa pa'tatsšheña ñeñť sherbene' Yompör po'conaño, ñetñapa' concorpa'rretenet epuet ñaña pa'tats ñeñť berrma'ťtetsa. Allohuenet concorpa'rretenet all Yomporešo. Allohuenetpa' ma'yocheñet Yompör all anen po'conaño. Ñetñapa' atet oteñet:

—Aye'chočhtatpaupepa'ch Yompore, attetepa'ch pöcop errponohuañen.

5 Allempoña all Yompör po'conaño'pa' allotña e'morrterrerr po'poñ ñoñets, ñeñťpa' atet oten:

Sa'ye'chočhtatoñepa'ch Yompör, allohuenes ñeñťes torra'yetsa ñocop, ama't sa ñeñťes atarr sherbets ama't saña ñeñťes ama tama sherbetso. Ama't allohuenes erra'tseneste' ñeñťes atarr añcha'na'tpo' entene' Yompörpa' te'ñapa' sa'ye'chočhtatoñepa'chña.

Atto Cristopa' e'ñe cohuen aguërran allohuen ñeñť ame'ñenaya ña ñeñť atma'ntataret atet ñerra'mrrate' ña puetapor penahuet

6 Allempoña napa' o' alla ne'muerrerr shonte' acheñenesha' rrannartenet, atarr huomenc e'morrtena atet ñerra'mrrate' all etsase'tena shonte' oñ atarrcha' huomenc ma'moreten. Po'ma'moreteññapa' čha ottena ñerra'mrrate' čho tecor-rraren. Acheñenesha'ña ñeñť rrannartetsapa' ñetñapa' atet otenet: Aye'chočhtatpo'ch Yompör tarro'mar te'pa' o' čhap allempoch añcha'taretterra ña e'ñe ñapueť ñeñťara Yepartseshar ñeñť atarr ahuamencatesha'.

7 Te'ñapa' yocsherrepa'ch, yocshame'tamřperepa'ch, yecohuentaterrñañepa'ch tarro'mar te'pa' o' čhap allempoch yocshame'tamřpesya Cristo ñeñť atma'ntataret Carrnero. Te'ñapa' o' čhap allempoch sena'ta. Ñaña ñeñť coyanesha' ñeñťcha' puetapor pa', ñañapa' o' e'ñe añño'taretta.

8 Ñañapa' o' apet ñaña ñeñťcha' chorra ñeñť atarr cohuen huallama'ť atarr cočhnesha' shetamuets ñeñť otenet lino ñeñť ama asosyatño ama't e'ñe mamesha, atterach poptame'tena.

Ñehua, añ shetamuets ñeñť otenet lino ñeñť ama a'sosyatpahuoyaye ama't e'ñe mamesha, ñeñťpa' añ toma'ntena ñeñť atto e'ñe cohuenare' es pa'yen ñeñť pueyochresha' pen Parets. Ñetñapa' añ toma'ntenet Cristo puetapor penahuet.

9 Allempoña mellañooteñpa' alla oterrnerr:

—Te'pa' o'ch pequellquërrerr añ ñoñets ñeñť noteneř, ñeñťpa' atet ot: “Atarr cosheñtso'tsen allohuen ñeñť ahua'ñareťtetsa o'ch rrallme'chaprechet allcha' coshame'tamřpeñet Cristo ñeñť atma'ntataret Carrnero ñeñť sena'tatsa.”

Mellañoñeññapa' alla oterrnerr:

—Ora allpon ñeññ atet oteney Yompor arrpa' ñeññpa' e'ñe po'ñoçh atet.

¹⁰ Nañapa' neconcorposa mellañoñeñ pa'rrpo ñeññ neserrpare'tatene' o'ch nema'yochyañ, tarraña ñapa' atet oten:

—Napa' amach pema'yochatsetno, napa' añana ñeññen petorrapretenaya Yomporcop ñaña allohuen pemo'nasheññeshachno ñeññ serrpare'tene' atto ame'ñeñet Jesús. Papa' añcha'ña pema'yocha Yompor ñapueñ.

Tarro'mar allohuen ñeññ a'mtene' Yompor po'ñoñ, e'ñe ña Puecamquëño'pa' añ serrpare'tenet ñeññ atto yame'ñeña Jesús.

Cristo ñeññ montenaya cahuall ñeññ atarr huallañnanen

¹¹ Allempoña po'pocheño'pa' alla nenterrerr atoraret enet. Allñapa' allo'tsen cahuall ñeññ atarr huallañnanen. Ñeññ montenaya cahuallpa' añ socheñet, Ñeññ atarr Ayemuetsotetsa ñaña ñeññ e'ñe Po'ñoçh Yompor Po'ñoñ. Tarro'mar ñapa' erra'tsen pocte' ent o'ch coñchach, ñeññña ñocoppa' e'ñe pocte'. Ñaña ñerra'm ña quellaratahuet ñeññpa'cho'ña e'ñe pocte' ñocop. ¹² Pa'clloyoñapa' atarr nanac a'rrechatañ atet ñerra'mrrate' tso' po'huorter. Poñoña'pa' shonte' po'choyo'm ñeññ choyo'mtena. Allñapa' anaret ñaña pa'so'cheñ ñeññpa' e'ñe ñapta eñoteñ. ¹³ Pa'shtampa' año e'chomaret errasatso. Ñaña añ socheñet Yompor Po'ñoñ. ¹⁴ Ñaña ñeññ allpon pa'çllaraññeshar pen all pue'ntaño, ñetñapa' coteñet chenta' monta'yesnenet ñamet puecahualloro ñeññ atarr huallañnarren. Ñetpa'cho'ña ñeññ pa'shtam penet atarr huallama'tarer. Ñeññ shetamuetspa' atarr cohuen ñeññ otenet lino ñeññ ama sosyatetso ama't mamesha. ¹⁵ Ñeññ anenahuet, e'ñe puenamot all orrtena cochell ñeññ atarr etsotañtataret. Ñeññ cochellpa' añecop sherben alloch ame'ñatuerrana ora allpon pa'namen acheññesha' arr patsro. Allochñapa' po'yoroçhenño'pa' o'ch amcha'taretterranet atet ñerra'mrrate' ñapa' a'sreperet o'ch amcha'noçhtana'terranet. Ñaña ñach coñchaterrahuet. O'ch netma'ntacha atet ñerra'mrrate' ñach atmama'te' uva esheccha' cha'nom po'ñer. Ñeññ atet atmama'teñet uvapa' añ toma'ntena atto Yompor ñeññ atarr ahuamencat e'ñe ña po'yoroçhenño'pa' atar-rcha' coñchaterran acheññesha' ñeññ atpare'tetsa. ¹⁶ Ñaña pa'shtamo e'ñe pa'tapacoptaro allñapa' all aquellcaret ñoñets ñeññcha' atet enteñet Cristo, ñeññpa' atet oten ñoñets: "Allohuen ñeññ amcha'tareteçhno añmapa' ñeññña e'ñe Pa'mcha'tareter pohueñet allohuenet. Ñaña allohuen ñeññ ayochreshateçhno añmapa' ñeññña e'ñe Pa'yochreshater pohuenet allohuenet."

¹⁷ Allempoña napa' o' alla nenterrerr mellañoñeñ ñeññ tets all ñeññ yechoyo'tamipene'. Ñaña'pa' atarr huomenc eñen, çhore'tenan allohuen tse'machno ñeññ anomcha'tyetsa eno. Ñeññña'pa' atet otenanet:

—Sehuaçha'ta allohuenes o'ch sapçha arr o'ch serren po'çhets ñeññ atarr aton rratenes Yompor. ¹⁸ Attoch serroñ po'çhtsoçhno shonte' acheññesha' ñeññ amcha'taretetyetsa, ñaña shonte' ñeññ capitanyets, ñaña shonte' ñeññ atarr ahumencat entyenet. Serroñ ñaña shonte' cahualleçhno po'çhets ñaña añ po'çhets ñeññ montenaya. Ama' shonte' pa'namen acheññesha' o'ch serroñ po'çhets ama't ñeññ acheñer ñeññ atarr sherbets ñaña ama't ñeññ ama sherbetso, ama't ñeññ e'ñe cohueno'tsen acheñ, ama't ñaña ñeññ ataruasataret e'ñe atta — o'ch e'ñe serruanet po'çhets allohuenet.

19 Allempoña napa' o' alla nenterrerr ma'yarrma't epuet ña'ña allohuen añcha'tarete'chno ora erraparen ñeñt' añe patsro'tsen epuet ña'ña allohuen ñeñt' pa'çllarañneshar pen. Ñetpa' añecop ap'chenet allochñapa' o'ch quellareñet ñeñt' montenaya puecahuallor ñeñt' atarr huallañnanen ña'ña epuet ora allpon ñeñt' pa'çllarañneshar pen ña. 20 Allempoña quellarranna'tet ma'yarrma'tñapa' çha rremuet epuet ña'ña ñeñt' a'mtene' e'ñe ña po'ñoñ tarraña ñeñt'pa' ashcaña. Añ ñeñt' ashcañerpa' e'ñe ma'yarrma't po'huamencot gatenan acheñenesha' ñeñt' ama puentareto. Ñeñt'pa' alloña shequënan acheñenesha' attoch ame'ñeñet. Ñeñt'ña acheñenesha'pa' o' e'ñe yato'matuanet ma'yarrma't pueyotsaparo. Ñetñapa' añña ma'yochenet aye'chcataret ñeñt' toma'ntatenet ma'yarrma't. Allempoña rremuet ma'yarrma't epuet ña'ña ñeñt' a'mtene' po'ñoñ allempoñapa' ahuaapore'tarettet epsheño'maret e'ñe betareret all parraren tso' erraparen. Ñeñt' tso'pa' atarr shemasher huorten. 21 Po'potantañe'chnoña ñeñt' epuet quellarañ ma'yarrma't ñetpa'çho'ña o' e'ñe amtsanataretetuet. Año amtsanatarettet cochllo ñeñt' puenamo'tsen ñeñt' montenaya puecahuallor ñeñt' atarr huallañnanen. Allempoña ñeñt' allohuen tse'ma'chno epaye' ochare'ch po'chets allempo rret añ po'chets ñeñt' o' e'ñe amtsanataretetua.

20

Attoch çherr allempoch mellapoterra

1 Allempoña o' alla nenterrerr po'psheñeñ mellañoñeñ ñeñt' sohua'netsa entot. Ñaña pototpa' añ orren llave alloch toram'psan arrorot' ñeñt' atarr o'pononet arrorotena pats. Pototñapa' orrenan ña'ña cadena ñeñt' atarr añecmuen cadena. 2 Ñeñt'ña mellañoñeñpa' rremosan añyañ. Añyañpa' ñeñt'ara sheche'p ñeñt' ahuatoteñ ñeñt'ara yoten oneñe' ña'ña ñeñt' otenet Satanás. Atto rremue'pa' allempoñapa' huanquë'. Ñeñt' atto ehuancarettapa' e'ñeç erponañohuen char ñeñt' otenet mil char, atterach ehuanca'rtena. 3 Allempo huanca'huepa' o' huapore'ch o'pono arroroto. Allña yottam'pes o' noñ alloch e'ñe echarr p'am'pes. Allochñapa' amach alla shecare'terranerro allohuen pa'namen acheñenesha' arr patsro. Ñehua, ñerra'm o'ch çhap mil charpa' allempoñapa' o'ch alla a'rroyeret. Tarraña ñerra'm o'ch alla a'rroyeretpa' ñeñt'pa' mamecpach a'rroyare'terra.

4 Allempoña o' alla nenterrerr ñeñt' anorr'cha'tyets po'conaño'mar. Ñetñapa' allsensarettet attoch ñetpa' o'ch am'cha'taretyenet. Ña'ña napa' o' e'ñe nentuerrñañ puecamquë'ne'chno allohuen ñeñt' apecha'tanatarettatse't e'ñe pueserrpare'teño'tet Yepartseshar Jesús ñeñt' atto a'potoñete't Yompor po'ñoñ. Ña'ña ñetpa' ama muenete'te o'ch ayato'ma'tarettet ma'yarrma't pueyotsaparo ama't pa'co'metotetapa' ama ayaco'nita'tarettete'te. Ñetpa' ama ma'yochyete'te ma'yarrma't ama't aye'chcataret ñeñt' toma'ntenaya ña ama esesha' ma'yochaye'te. Ña'ña ñetpa' ama muenete'te o'ch ayato'ma'tarettet ma'yarrma't pueyotsaparo ama't pa'co'metotetapa' ama ayaco'nita'tarettete'te. Ñetña allpa' corretseta all am'cha'tarettapreteñet Cristo shonte' char allpon ñeñt' otenet mil char. 5 Ñetñapa' ñanmuetcha' atatatare'terret. Tarraña po'potantañe'chno arromñañnesha' ñetña allpa' ama allo'tseneto tarro'mar ñetpa' ama atatatare'teyayeto tarremphuach allempoch çherr mil char. 6 Atarr cosheñtso'tsen allohuen ñeñt' e'ñe

pueyochresha' pen Parets tarro'mar ñetpa' ñanmuetcha' atantaretterret. Tarro'mar ñetpa' amach alla rromuerrete'te po'pocheño ñeñtcha' atet rromuerr po'potantañ ñeñtcha' chenquërrtsa e'ñe poctacma. Tarro'mar ñeñtcha' tanterrtsa ñanompa' ñetpa' amach errotent o'pataneto po'pocheño rromueñets ñeñtara chenquëñets. Ñetpa' añcha'ña sherbenet Yompor epuet Puechemer Cristo. Ñetpa' Yompor po'corneshar penahuet, añcha'tarettapreteretcha' nanac aton shonte' char ñeñt mil char.

Atto Juanpa' entan oneñet o' ahuapore'taretta all parraren tso' erraparen

⁷ Allempoch metua añ mil charpa' allempochña a'rroyeret oneñet all ayotam̄psarettena mil charohua. ⁸ Ñaña'pa' o'ch auyes ora erraparen pa'namen anetso'mar arr patsro allcha' shecare'tyerran pa'namen acheñenesha'. O'ch shecare'terran Gog ñaña Magog attoch a'yapachatteranet o'ch quellarteranet. Ñeñt atet yenteññañ ontap po'mñer atetcha' shonterran ñaña pa'namen acheñenesha' arr patsro, ñeñt ama e'ñotuapahuoyaye. ⁹ Atet nentanet ñetpa' ahuanmuet mopñarero'mar o'ch parratset'et erraparen allcha' orretyeset. Ñetpa' arrentach ahuanenet Yompor pa'netronet ñeñt atarr morrentena tarro'mar allpa' allo'tsa'yen ñeñt pueyochresha' pen ña. O' e'ñe arrotam̄pesuoyet attoch rremanatoñet Yompor pueyochresha'. Tarraña Yompor pue'ntaño'pa' e'ñe allempocma a'shoranet tso' attoch e'ñe a'poyatatuñet. ¹⁰ Allempoña oneñet ñeñt shecare'tenahueta'pa' o' huapore'teret ñaña all parraren tso' erraparen ñeñt huortets shemasher. Allo'tsa'yen ñaña ma'yarrma't epuet ñaña ñeñt a'mtene' po'ñoñ. Allña'pa' allempoteñ a'coñchatarefetuerret e'ñe parrocmā, yetome'tets, tsapome'tets ama't ahuata ñeñt'pa' amach ahuaññañat'erro ama't erponaña.

Ñeñt atto allohuen arromñañesha'pa' tomcherretcha' Yompor po'conañ allña'pa' allcha' entyesaretterret errotente' ñeñt atet pa'yese't e'ñe puesheña'ttset

¹¹ Allempoña o' nenterrerr atarr añecmuen conañ ñeñt atarr huallama't ñaña ñeñt anets all. Ñaña e'ñe po'partsoteño't a'chencatuan añ pats ñaña enet, o' e'ñe chenca'huerra poctacma. Ñocpuet ama eñalle allcha' a'puet ama't e'ñe coñe'ta. ¹²⁻¹³ Nent ñaña allohuen arromñañesha' all tomchenet Yompor po'conañ. Ama't allohuen arromñañesha' allo'tsa'yenet ama't ñeñt atarr sherba'yestset ama't ñaña ñeñt ama asherboyenaye' entete'te. Ama't allpon omarrñañechno ñeñt omarrcha'tyestset' ahuatpa' ñetña ama't oña'pa' o' alla tantrra'tuerret. Ama't allohuen arromñañesha' ama't o' chapuet all o'patenamet rromueñets, allotña o' alla tantrra'tuerret allohuenet. Ñeñto'mar ñet te'pa' e'ñe Yompor po'conañ tomcha'tuenet allohuenet. Allempoña allpa' tore'tet shonte' libro, ñeñtña librorpa' all aquella'huaret ñeñtcha' yerpaterrahuet ñeñt allpon atet patse'tyese't e'ñe puesheña'ttset. Allempoña Yomporpa' all entan ñeñt libro all aquellcare't ñeñt ama cohuenaye' es petso. Ñeñto'marña ñapa' attoña o'teñe'cherranet o'ch mueñanet coñcheñtso. Allotña'pa' tore'tet po'poñ libro ñeñt libropā' all aquellcare't añ pa'so'chñechno attochña ñetpa' corretsetach. ¹⁴⁻¹⁵ Allohuen ñeñt ama enteññañeto pa'so'cheñ libro all aquellcare't añ pa'so'chñechno ñeñt corretsetach, ñetña'pa' asaprotaretet o'pono all parraren tso' erraparen. Ñeñt'pa' attochña rromuerretter po'pocheño ñeñt

puepocheñ rromueñets ñeñ e'ñe poctacma chenquëñets. Ñaña añ rromueñets ñeñ o'patenaya arromñatechno ñeñtara pa'netser pen rromueñets, ñeñtpa'cho'ña ahuapore'taretta o'pono all parraren tso' erraparen.

21

Atto Juanpa' entan po'poñ enet ñeñ e'ñe etserra ñaña patspa'cho'ña o' etserrater

¹ Allempoña na ñeñten Juanan allpa' o' nenterrerr po'poñ enet ñeñ e'ñe etserra, patspa'cho'ña o' etserrater. Tarro'mar ñeñ atet yenten enet te' ñaña pats, ñeñtpa' o' e'ñe chenca'huerra o' huañerr. Ñeñ etserra patspa' allña ama't sa'p ñeñ yenten añecmuen ama eñalle. ² Nenterrerr ñaña Parets pa'netser ñeñtara Jerusalén ñeñ o' etserrater. Ñeññapa' entot a'suataretterra e'ñe Yomporeshot. Ñeññapa' atarr cohuen orrtena e'ñe atet orrtena ñerra'm puesheñarr coyanesha' allempo some'tenapa' o'ch año'tena e'ñe coñheshot attochña puerrollarpa' atarrcha' cohuen enteñ. ³ Allempoña napa' o' alla ne'muerrerr all e'morrtena ñoñets ñeñ huetsa entot e'ñe Yompor po'conañof. Ñeññapa' atet oten:

—Te'pa' señoche'pa'ch, o' cherr allempoch yecherra Parets e'ñe parro epuet acheñenesha'. Ñeñtcha' e'ñe parro yecherra ñetpa' e'ñe pueyochreshoche' penanet Yompor. Ña ama't atarr Parets'pa' yecherrach epuet acheñenesha' ñeñ e'ñe Po'yomporer penet. ⁴ Te'ña Yomporpa' o' a'huañamperrnay yellquëña, te'ña ama't ahuatapa' amach alla yeyahuerre'te. Te' ama't ahuatapa' amach yerromuerre'te amach yellquërre'te. Te' ama't ahuatapa' amach eñallettere'te yahueñets ama't ñaña atserrpeñets amach eñalle. Tarro'mar añechno ñeñ allpon yellcatyesaye't te'ñapa' o' e'ñe huañerr.

⁵ Allempoña Yompor ñeñ anets po'conañopa' alla eñorana'terrnerr, ñeñtpa' atet oten:

—Te'ñapa' o'ch seño'ch, napa' o' netserrataterr ñeñ allohuen esocmañen eñall.

Allempoñapa' alla oterrerr:

—Te' pocoppa' añ pocte' o'ch alla pequellquërrerr ora allohuen añechno tarro'mar añ ñoñets ñeñtcha' atarr seyemtena ñeñtpa' e'ñe po'ño'ch atet.

⁶ Allempoña ñapa' alla oterrerr:

—Te'ña po'ño'chpa' o' e'ñe etsotuerra, o' huañerr ñeñ sentyese't ahuatoteñ. Napa' e'ñe pa'motroteñ eñallen atten ñerra'mrrate' quellec A ñeñ pa'moter pen alfabeto. Allempoteñña napa' chocma eñallen esempohuañencha' huañerr ñeñ allpon eñall, napa' atten ñerra'mrrate' quellec Z ñeñ all puen alfabeto. Te'pa' allohuen ñeñ ama e'ñeye' coshetso pueyo'chro ñeñ chocmach es e'nenet, nañapa' napanetcha' ñeñ alloch e'ñe eñmattered. Tarro'mar atto ama cosheneto cha ottenet ñerra'mrrate' ñeñ atarr nanac oñpa'tets. Ñeñto'marña te' napa' notenes allohuenes ñeñtes oñpa'tetspa' napuerrescha' oñ ñeñ ama ahuañañate ñeñ chocma potets all. Ñeñña oñ alloña sapa' corretsasach. Tarraña ñeññapa' ama't coñe'tapa' amach setsa'tero. E'ñe atta napunesach. ⁷ Allohuen ñeñ metana'tue' pa'namen topateñsochnopa' ñetñapa' no'pataterranet ora añechno a'nateñets. Attochña ñetpa' e'ñech Po'yomporer pennet, nañapa' e'ñech nechemeresha' nepohuenanet allohuenet. ⁸ Tarraña allohuen ñeñ ama name'ñenayo ñeñ echarrtetsa pueyo'chro, ñetñapa'

aña o'patenahuet all parraren tso' erraparen, ñaãa allohuen ñeñt et-sotene' sosya'tsañechno ñeñt atarr atsena'tpo' ñaãa ñeñt amtsañnesha' ñaãa ñeñt cañoresha'tets, ñetpa'cho'ña allohuenetpa' aña o'patenahuet all parraren tso' erraparen. Ñaãa ñeñt amase'ñefechno ñaãa ñeñt po'yomporer pa'yene' ayeçhcataretechno ñaãa allohuen ashcarñatechno, ñetpa'cho'ña aña o'patenahuet all parraren tso' erraparen ñeñt huortets shemasher. Ñeñtpa' allcha' puepocheño rromuerret.

Atto Juanpa' entan Yompor pa'netser ñeñt so'hua'netsa entot ñeñtara ñeñt sochetsa Jerusalén

⁹ Allempoña ñeñt cançherrsheña mellañoñeñnesha' ñeñt echyesaye't po'pajotollesha' all e'chorrayesarette't ñeñt allot e'ñe orrtatuerret allohuanen mueroçhteñets, puesheñarrña mellañoñeñpa' o' huapapa' otosen:

—Apon o'ch poçta'n o'ch negatenpa' ñeñtcha' puetapor perr Cristo ñeñt atma'ntataret Carrnero.

¹⁰ Allempoña napa' o' alla chorraterrrnerr Yompor Puecamquëñ ñeñtña nanmue' a'yo allo'tsen ñeñt atarr añecmuen aspenet. Allotña napa' nentapoiñ Parets pa'netser ñeñt sohua'netsa entot e'ñe Yomporeshot ñeñtara ñeñt Jerusalén. ¹¹ Ñeñtña anetserpa' çha popuettneña atarr coçhnesha' atet cohuentena Yompor po'cohuenña. Po'popteña e'ñe atet ñierra'mrrate' mapue' ñeñt atarr poptame'te' ñeñt mapyer otenet jaspe ñeñt nanac amorrentaret. Ñeñtpa' e'ñe ora orrtatuenan allohuen ñeñt allo'tsa'yen e'ñe all. ¹² Ñeñt anetserpa' e'ñe aconçha'tamparet a'yohuen. Ñeñt allo aconçha'tamparetpa' atarr añecmuen enonet. Ñaãa allo'tsen çharra' puechena epa yetarr allot be'tenet. E'ñe pate'tets yetarr allo'tsa'yen ñaãa puesheña'tets mellañoñeñ ñeñt cohuanpene' yetarr. Pate'tets yetarropa' all aquellca'yesaret añ pa'so'chñechno Israel po'mreneñ ñeñt çharrasheña puechena epa. ¹³ Ñeñt conçhet, allot huena atsne' allo'tsen ma'pa yetarr. Ñaãa allenet emuena atsne'pa' allo'tsen ñaãa ma'pa yetarr. Tenoteñta'npa'cho'ña allo'tsen ma'pa yetarr. Topoteñta'npa'cho'ña allo'tsen ma'pa yetarr. ¹⁴ Ñeñt conçhtar allo eçharr aparettena pa'rrpopa' e'ñe allohuenpa' allo'tsen çharra' puechena epa mapue' ñeñt allo eçharrtateñet. Ñaãa pate'tets mapue' allo eçharrtateñet conçhetpa' all aquellca'yesaret añ pa'so'chñechno ñeñt çharrasheña puechena epa ñeñtpa' ñeñt puellsensarnesha' Cristo ñeñt atma'ntataret Carrnero.

¹⁵ Mellañoñeñ ñeñt neserrpare'tatene' ñaãapa' echenan tepapets ñeñt olopeen allo tepuenan Parets pa'netser ñaãa allo aconçha'tamparet ñaãa pueyottarohuen. ¹⁶ Mellañoñeñ atto tepuenan Yompor pa'netser e'ñe allponeshacma tepa'hue allenñateñ — onnañonet ñaãa pa'llpocha'peronet ñaãa enonet e'ñe allponeshacma çha'nmach — dos mil doscientos kilómetro allenñateñ. ¹⁷ Allempoña tepan ñaãa conçhet po'bateña ñeñtñapa' allo'tsen sesenta cuatro metro. Ñehua, mellañoñeñ e'ñe atet es tepa'yen atet es yetpa'yen yaña ñeñtey arromñatey.

¹⁸ Ñaãa añ conçhetpa' añ ayeçhcataret mapue' ñeñt atarr cohuen aspanamemeno poptame'tyena ñeñt otenet jaspe. Pa'netserñapa' añ ayeçhcataret oro — ora allohuenpa' e'ñe oroché'. Añ oropa' atarr nanac cohuen ñeñtpa' e'ñe orrtatuenan pa'namen ñeñt allpon allo'tsa'yen. E'ñe atet ñierra'mrrate' rrrpat ñeñt atarr cohuen e'ñech orrtatuenan

allohuen pa'namen ñeñt allo'tsa'yen. ¹⁹ Ñehua, añ econach allo orratenet conchet, ñeñt econach puecillo'ya'tetspa' atsetareno poptena ñeñt allo a'cohuentateñet. Ñeñt ñanom econach puecillo'yarr allñapa' añ ana'yesaret atarr cohuen poptame'te' aspanamemenatollesha' ñeñt otenet jaspe. Ñeñt puepuecillo'yañ econach allñapa' añ ana'yesaret atarr cohuen poptame'te' asollememenaretollesha' ñeñt otenet zafiro. Ñeñt econach puema'puecillo'yañ allñapa' añ ana'yesaret atarr cohuen poptame'te' huallamemenatollesha' ñeñt otenet ágata. Ñeñt puepa'tatsecillo'yañ econach allñapa' añ ana'yesaret atarr cohuen poptame'te' aspanamemenatollesha' ñeñt otenet esmeralda. ²⁰ Ñeñt econach pa'mnarecillo'yañ allñapa' añ ana'yesaret ñeñt atarr cohuen pa'namenot poptame'tyena ñeñt otenet ónice. Ñeñt po'pechapuecillo'yañ econach allñapa' añ ana'yesaret atarr cohuen poptame'te' tsamemenatollesha' ñeñt otenet cornalina. Ñeñt econach po'cancherrecllo'yañ allñapa' añ ana'yesaret atarr cohuen poptame'te' shemashrememenatollesha' ñeñt otenet crisólito. Ñeñt econach po'psocillo'yañ allñapa' añ ana'yesaret atarr cohuen poptame'te' aspanamemenatollesho asolleten ñeñt otenet berilo. Ñeñt econach pue'sconecillo'yañ allñapa' añ ana'yesaret atarr cohuen poptame'te' e'ñe shemashrememenatollesha' ñeñt otenet topacio. Ñeñt econach po'charracillo'yañ allñapa' añ ana'yesaret atarr cohuen poptame'te' ama e'ñeye' aspanamemenaretolleshayaye ñeñt otenet crisoprasa. Ñeñt econach po'charracillo'yañ puechena puecillo'yarr allñapa' añ ana'yesaret atarr cohuen poptame'te' asollememenma'tetollesha' ñeñt otenet jacinto. Ñeñt econach po'charracillo'yañ puechena epuecillo'ya allñapa' añ ana'yesaret atarr cohuen poptame'te' yetsñorromemenatollesha' ñeñt otenet amatista. ²¹ Allohuen yetarročno ñeñt charra' puechena epa e'ñe cohuen huallatren atet ñerra'm chempeshtall o'ponotpa' atarrcha' huallatllellen ñeñt otenet perla. Pate'tets yetarr e'ñe patrra perla aye'chcataret. Ñaña añ calle ñeñt all chopeñe'chenet ñeñt'pa' e'ñe oroché' aye'chcataret atet ñerra'm rerpat ñeñt e'ñe orrtatuene' ora ñeñt allpon allo'tsa'yen all.

²² All Parets pa'netsro ama't patrra pocoll ama neñche ñeñt all ma'yocheñet Yompor. Tarro'mar allpa' ama pallteno pocoll allcha' ma'yocheñet Yompor, tarro'mar ñeñt nanac Parets ñeñt Yepartseshar yepen ñapa' e'ñe allo'tsen all ñeñt'cha' ma'yochena allohuen acheñenesha' epuet ñaña Puechemer Cristo ñeñt atma'ntaret Carrnero. ²³ Ñaña Parets pa'netsro allpa' ama muenenano atsne' ama't arrorra ama mueneñeto ñeñt'cha' choyo'tetsa all. Tarro'mar Yompor ñeñt atto poptena pa'tsnomueño'pa' ñeñtña choyo'tetsa all epuet ñaña Puechemer Cristo ñeñtña lamparñetets. Ñeñtara Cristo ñeñt atma'ntataret Carrnero. ²⁴ Ñeñt atto poptena Yompor pa'tsnomueño'pa' ñeñtña a'puetarsañpene' erracmañen allohuen pa'namen acheñenesha' attoña correnet e'ñe cohuen. Allohuen añcha'taretnesha' ñeñt atto cohuentenet añe patsro, huapatueretcha' Parets pa'netsro alloch cohuentateñañet ñamet Parets pa'netser. ²⁵ Ñeñt Parets pa'netser ñeñt pueyottar pen allot be'tenet, amach yottañperre'te e'ñech ellapene't atoraret. Allpa' ama't checmetapa' ama eñalle. ²⁶ Allohuen pa'namen acheñenesha' ñeñt añcha'na'tpotyetsa añe patsro ñeñt atto cohuenetyenet, huapatueretcha' Parets pa'netsro alloch cohuentateñañet ñamet Parets pa'netser. ²⁷ Allpa'

ama't ahuatapa' amach orrtateto ñeñt sosya'tsañechno tarro'mar allpa' ama't puesheñarrapa' ama be'teno ñeñt cotape'chene' sosya'tsañechno ñeñt atarr tsena'ten Yompor ñeñt atet ñerra'm ashcarñañ. Allpa' aña be'tets ñeñt aquellcaret pa'so'chñechno Cristo po'libro attochña ñetpa' corretsetach.

22

¹ Allempoña mellañoñeña' o' alla gaterterr po'ñes. Ñeñtpa' arrot huena conañot allo'tsen Yompor epuet ñaña Puechemer Cristo ñeñt atma'ntataret Carrnero. Ñeñt oñpa' atarr cohuen, atarr llancasaseno poptaso'tena. Oñ ñeñt atarr cohuen añ toma'ntena atto apueney Yompor attochña yapa' corretsayach e'ñe yocsheñeshocmañen errponohuañen. ² Ñeñt Parets pa'netsro e'ñe rrocho allecma chopeñe'chenet, allñapa' all oñen oñ. Ñeñt oñ emoto'mar popame'tar-ro all chopyen tsach. Ñeñtña tsachpa' atarr nanac me'ten, puenm'tets arorrpa' chocma me'ten. Paterr charpa' charroch me'ten puechena epa. Ñeñt pue'mer ñeñtcha' apuerrey Yompor añ toma'ntena alloch yocrrerra errponañohuen ñeñt ama ahuañaño ama't ahuata. Ñaña pasopanerpa' añecop sherben ñeñtcha' a'crraterre' allohuen pa'namen acheñenesha' e'ñe puecamquẽñohuenet. ³ Parets pa'netsropa' amach eñalletero ama't patrra ñeñtcha' a'cmare'terrtsa. Tarro'mar Yompor epuet ñaña Puechemer Cristo ñeñt atma'ntataret Carrnero, ñetña partsotetset all po'conañeto. Ñaña allohueney ñeñtfeý torretsa Yomporecop e'ñech cohuen yesherberr yaña all. ⁴ Yentercha' Parets yecuacle'channerrach parro epay Yompor. Yeto'moña yapa' quellquẽrrancha' e'ñe ña pa'so'cheñ. ⁵ Allñapa' amach eñalletero checmete'. Ñeñtfeýcha' yecherrtsa allpa' amach yemnerro ñeñtcha' yeçhoyo'tam̃pse'. Atto te'pa' chocma yemnen lampareñ alloch yeçhoyo'tam̃pena. Allẽmpopa' amach yemnerro ñaña o'ch çhoyo'tam̃peney atsne', tarro'mar Yompor ñeñt Yepartseshar yepen, ñapa' ñaña pa'tsnomueña ñeñtcha' yeçhoyo'tam̃perre' all. Ñaña yapa' ya'mcha'tarettapreterach allempoteñ errponohuañen.

Arrpa' all eñotateney Jesucristopa' ahuencha' huerra po'pocheño arr patsro

⁶ Allempoña mellañoñeña' o' alla oterrner, ñeñtpa' atet oterrner:

—Ora allohuen añ ñoñetspa' e'ñech seyemcha tarro'mar ñeñtpa' e'ñech po'ñoçh atet perra. Ñaña Yompor ñeñt Yepartseshar yepen ñaña'pa' chocma eñotatenan ñeñtcha' a'ñtene' po'ñoñ. Ñeñtara Yompor ama't te'pa' o' llesensan po'millañoñeñer ñeñtcha' gatylene' ñeñt torretsa ñocop ñeñtcha' ahuen atet perra ama't esempo. ⁷ Ñaña Cristo ñapa' atet oten:

—Señoche'pa'ch napa' ahuencha' nohuerra.

Atarr cosheñtso'tsen allohuen ñeñt yemtenaya ora allpon añ ñoñets ñeñt aquellcaret all Yompor po'libro ñeñtcha' atet perra esempo. Arrpa' allohua huañ ñeñt atet eñotaten mellañoñeñ.

⁸ Na ñeñten Juananpa' naña e'muene' ñeñt ora allohuen añ ñoñets ñaña naña entene' ñeñt allpon gatyennet. Allempoña napa' neconcorposa e'ñe mellañoñeñ pa'rpo ñeñt negatyene' ora allpon pa'namen esocmañen o'ch nema'yoçhyañ. ⁹ Ñaña'pa' oten:

—Amach pema'yochatsetno na, tarro'mar napa'cho'ña e'ñe parropa' atta netorrapretenpa Yomporecop ñaña allohuen ñeñt pemo'nasheñeshachno pepen ñeñt a'mta'yene' Yompor po'ñoñ, epuet ñaña allohuen ñeñt atarr

yemtenaya añ ñoñets ñeñt atet aquellcaret añ libro. Papa' Yomporña pema'yocha.

¹⁰ Allempoña ñeñt mellañoñeña' alla oterrerr:

—Ñato't cha pa'nasotena' añ ñeñt allpon Yompor po'ñoñ ñeñt o' pequellca'hua. Tarro'mar allpon ñeñt o' pequellca'hua ñeñtcha' atet perra esempo, te'ñapa' o' chapmoch allempoch attoch e'ñe etsotuerra esempo-huañen. ¹¹ Tarraña e'ñe allempoteñ allohuen ñeñt ama cohuenaye' es petso ñeñtpa' allo'nepa'ch senet patse'tyeset ñeñt ama cohuenaye' enteno Yompor. Allohuenet ñeñt añach yeçhenet sosya'tsañeçhno, ñetpa' allo'nepa'ch senet yeçhcatyesnomuet ñeñt atarr sosya'tsañeçhno. Tarraña allohuen ñeñt e'ñe ch cohuen es pa'yenetpa' ñetñapa' allo'nepa'ch senet e'ñe cohuen es pa'yestset. Ñaña allohuen ñeñt ma'yochrenaya ñeñt atto sherbeñet Parets, ñetpa'çho'ña allo'nepa'ch senet ma'yochrenet ñeñt atarr cohuen enten Parets. ¹² Ñaña Cristo ñapa' atet oten:

—Te'pa' señohepa'ch napa' ahuencha' nohuerra. Nehuapaterrnascha' ñeñt no'patatensa alloch netsa'tuerrsa e'ñe puesheña'ttsos sa errotente' setorra'yese't. Tarraña o'ca'ye nehuapaterr ñaña alloch netsa'tatuera ñeñt ama pocteye' es petso. ¹³ Napa' e'ñe pa'motroteñ eñallen, atten ñerra'mrrate' quellec A ñeñt pa'moter pen alfabeto. Allempoteña napa' çhocma eñallen esempohuañencha' huañerr ñeñt allpon eñall, napa' atten ñerra'mrrate' quellec Z ñeñt all puen alfabeto.

¹⁴ Atarr cosheñtso'tsen allohuen ñeñt e'ñe pocte' enten Yompor o'ch tsohmuerñañet Yompor puenaren alloch e'ñe correrret poctacma. Allempopa' amach alla rromuerrete'te. Ñeñtpa' ñeñtcha'ña e'ñe yoma'huerret ñesho. Ñehua, ñeñt e'ñe pocte' enten Yompor ñeñtpa' allohuen ñeñt e'ñe e'shohuaretterra po'chñar e'ñe pame'ñeñofet Cristo. Ñato' o'ch netma'ntacha atet: Ñetpa' o' e'ñe tsama'tuerret pa'shtamuet attoch e'ñe pocte' entanet Yompor o'ch be'toset yetarro esheccha' chapuet Yompor pa'netsro. ¹⁵ Tarraña allohuen ñeñt ama ame'ñenayo Cristo ñetñapa' a'yote'tsa'yenetach Yompor pa'netsrot. Atet ñerra'm amase'ñeñeçhno, ñaña ñeñt ecañoresha'çhno, ñaña ñeñt amtsañeçhno ñaña allohuen ñeñt po'yomporer pene' ayeçhcataret ñaña allohuen ñeñt cohuen entene' allohuen shequëñtsoçhno. Ñetpa' e'ñe ñeñta eñotenet o'ch shecare'chet acheñenesha'.

¹⁶ Allempoña Jesúsapa' alla oterrerr, ñeñtpa' atet ot:

—Napa' ñaña ñeñten llesensene' nemllañoñeñer ñeñt o' eñotaterres ora añeçhno, allohuenes ñeñtes e'ñe same'ñeñofen na sapa' çhocma sapçha'yena allemeñ anetso'mar. Napa' ñeñten allot huapa amcha'taret David, elloñapa' o' alla po'mreneñ pernrerr ñaña. Ñaña napa' atten ñerra'mrrate' ranto ñeñt atarr atarrem ñeñt atarr huomenc atsnetns o'ch puetarenmoch. Attoña na'puetarsampeñ allohuen acheñenesha'.

¹⁷ Allohuen ñeñt pueyochresha' pen Parets ñetpa' atma'ntatarettenet atet ñerra'mrrate' Cristo puetapor penahuet. Attoña ñet Parets Puecamquëñof oteñet Cristo:

—Apon.

Ñaña allohuenes ñeñtes e'ñeñotene' o'ch soch samña Cristo:

—Apon.

Ñaña allohuenet ñeñĩ oñpa'tets ñeñĩ ama eñmatetso pueyoçhreto ñeñĩ çhocma es e'nyenet, ñetpa'çho'ña huapuetepa'. Yoretapa' añ oñ, allochñapa' ñetpa'çho'ña corretsetach. Ñeñĩ oñpa' e'ñech atta aparettet, amach es tsa'tayo ama't e'ñe coñe'ta.

¹⁸ Na te'pa' o'ch noctape'chach allohuen ñeñĩ e'mñotene' añ ñoñets all oteney ñeñĩcha' atet perra esempo. O'ch notanet: Ñerra'm esesha' atontatene' ñet poctapñet ñeñĩ ama atteye' otenye añ ñoñets, Yomporñapa' o'ch atontatanet ñocpuet ñeñĩcha' mueroçhtaterrahuet ñeñĩ atet o' aquellca'huareta añ libro. ¹⁹ Ñaña ñerra'm esesha' cha a'chencatenan ama't patrra ñoñets ñeñĩ allpon aquellca'huareta añ libro, Yomporñapa' amach muenataneto o'ch es o'patapreteret all aquellcarenna libro allpon ñeñĩñapa' corretsetach. Ñaña ñetpa' amach be'tosapo'tañpereto Parets pa'netsro ñeñĩ atet o' aquellca'huareta añ libro.

²⁰ Ñeñĩfara Jesús ñeñĩ yeñotatyene' ora añeçhno, ñañapa' alla oterrrer:

—Napa' po'ñochcha' ahuen nohuerrerr po'pocheño.

Yañapa' allohueney yoteñ:

—Apon Yepartseshare Jesucristo. Ñeñĩpa' attetepa'ch yocop.

²¹ Yepartsesharepa'chña Jesucristo sa'natenaya e'ñe allohuenes. Ñeñĩpa' attetepa'ch Nompore allohuenacpay. Arrpa' e'ñe allohua puen Yompor po'ñoñ.